


Marĩṗṗya Kerere

Wereri Turi



New Testament in Siriano

# Marĩpaya Kerere Wereri Turi

## New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

### Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 18 Apr 2025 from source files dated 29 Jan 2022

1a0774e8-d152-5929-891b-95e0d2238786

## Contents

SAN MATEO . . . . .	1
SAN MARCOS . . . . .	91
SAN LUCAS . . . . .	146
SAN JUAN . . . . .	241
LOS HECHOS . . . . .	308
ROMANOS . . . . .	391
1 CORINTIOS . . . . .	431
2 CORINTIOS . . . . .	470
GÁLATAS . . . . .	494
EFESIOS . . . . .	510
FILIPENSES . . . . .	524
COLOSENSES . . . . .	533
1 TESALONICENSES . . . . .	542
2 TESALONICENSES . . . . .	550
1 TIMOTEO . . . . .	554
2 TIMOTEO . . . . .	564
TITO . . . . .	572
FILEMÓN . . . . .	577
HEBREOS . . . . .	579
SANTIAGO . . . . .	609
1 SAN PEDRO . . . . .	619
2 SAN PEDRO . . . . .	631
1 SAN JUAN . . . . .	638
2 SAN JUAN . . . . .	647
3 SAN JUAN . . . . .	649
SAN JUDAS . . . . .	651
EL APOCALIPSIS . . . . .	655

## SAN MATEO

*Jesucristo ñekūsāmarā āārīturiāmūrīrīdea*  
(Lc 3.23-38)

<sup>1</sup> Jesucristo ñekūsāmarā iripoegue marā āsū āārīnerā āārīmá.  
Jesucristo, David parāmi āārīturiagu āārīdi āārīmí. David,  
Abraham parāmi āārīturiagu āārīdi āārīmí.

<sup>2</sup> Abraham Isaac pagu, Isaac Jacob pagu,  
Jacob Judásā pagu āārīdi āārīmí.

<sup>3</sup> Judá pūrā Fares, Zara wāikurā āārīnerā āārīmá. Īgūsā pago  
Tamar wāikudeo āārímó.

Fares Esrom pagu, Esrom Aram pagu,

<sup>4</sup> Aram Aminadab pagu, Aminadab Naasón pagu,  
Naasón Salmón pagu,

<sup>5</sup> Salmón Booz pagu āārīdi āārīmí. Īgū pago Rahab wāikudeo  
āārímó.

Booz, Obed pagu āārīdi āārīmí. Īgū pago Rut wāikudeo āārímó.  
Obed Isai pagu āārīdi āārīmí.

<sup>6</sup> Isai Israel bumarā opu David pagu āārīdi āārīmí.

David, Urías marāpo āārīdeo merā Salomón wāikugure  
pūrākudi āārīmí.

<sup>7</sup> Salomón Roboam pagu, Roboam Abías pagu,  
Abías Asa pagu,

<sup>8</sup> Asa Josafat pagu,

Josafat Joram pagu, Joram Uzías pagu,

<sup>9</sup> Uzías Jotam pagu, Jotam Acáz pagu,

Acáz Ezequías pagu,

<sup>10</sup> Ezequías Manasés pagu,

Manasés Amón pagu, Amón Josías pagu,

<sup>11</sup> Josías, Jeconías pagu āārīdi āārīmí. Īgūsā āārīripoere Israel  
bumarāre Babilonia marā gapu ñeā, Īgūsāya nikūgue  
āānerā āārīmá.

<sup>12</sup> Irasirigu, Jeconías Babilonia nikūgue Salatiel wāikugure  
pūrākudi āārīmí.

Salatiel Zorobabel pagu,

<sup>13</sup> Zorobabel Abiud pagu,

Abiud Eliaquim pagu, Eliaquim Azor pagu,

<sup>14</sup> Azor Zadoc pagu, Zadoc Aquim pagu,

Aquim Eliud pagu,

<sup>15</sup> Eliud Eleazar pagu,

Eleazar Matán pagu, Matán Jacob pagu,

<sup>16</sup> Jacob, José pagu āārīdi āārīmí.

José, María marãpu ããrĩdi ããrĩmĩ. María, Jesús masakare taubu “Cristo” wãikugũ pago ããrĩdeo ããrĩmõ.

17 Abraham merã keopurori, Daviguere marĩ keotũnumakũ, ããrĩpererã Abraham parãmerã ããrĩturiarã catorce burigora masãporewãgãnerã ããrĩmã. David merã ãgũ parãmerã ããrĩturiarãrẽ keomakũ, Babiloniague Israel bumarãrẽ ãgũsã ãĩaburo dupuyuro keotũnumakũ, catorce burigora masãporewãgãnerã ããrĩmã. Dupaturi Babiloniague ãgũsã ejadero purũ, ãgũsã parãmerã ããrĩturiarãrẽ keopurorimakũ, Cristo deyoadero purũ keotũnumakũ, catorce burigora masãporewãgãnerã ããrĩmã doja.

*Jesucristo deyoadea*  
(Lc 2.1-7)

18 Jesucristo deyoaburi ãsũ waayuro. ãgũ pago María, José merã marãpakũbo iriyupo. ãgũsã suro merã ããrĩrikũburo dupuyuro Õãgũ deyomarĩgũ turari merã nijĩpo ããrĩnũgãsiayupo.

19 José igo merã mojõsiabu diayemarẽ irigũ ããrĩyupũ. Irasirigũ, igo nijĩpo ããrĩrĩrẽ masĩgũ, masaka iũrõgue igore: “Ñerõ irideo ããrĩmõ”, ãrĩ weresãduabi, ãgũsã masĩbirimakũta igore béobu iriadiyupũ.

20 Irire ãgũ gũñaripoe Marĩpũre wereboegũ, kërõgue ãgũrẽ deyoa, ãsũ ãrĩyupũ:

—José, David parãmi ããrĩturiagu, Marĩare ñerõ gũñabirikõõaka! Igo, Õãgũ deyomarĩgũ turari merã nijĩpo ããrĩnũgãsiamo. Irasirigũ gũiro marĩrõ igo merã mojõsiaka!

21 Igo majĩgũrẽ pũrãkũgokumo. ãgũ ãgũyarã masakare ãgũsã ñerĩ iridea wajare taubu ããrĩgũkumi. Irasirigũ ãgũrẽ “Jesús”<sup>\*</sup> wãiyegakoa, ãrĩyupũ Marĩpũre wereboegũ Josére.

22 I ããrĩpereri Marĩpũ ãgũya kerere weredupuyudire gojadorederosũta waayuro. ãsũ ãrĩ gojasũdero ããrĩbũ:

23 Sugo nomeõ ãmũũ merã ããrĩbirikerego, sugũ majĩgũ pũrãkũgokumo. ãgũ “Emanuel” wãikũgũkumi, ãrĩ gojasũdero ããrĩbũ.<sup>✱</sup>

“Emanuel”, ãrĩrõ: “Marĩpũ marĩ merãta ããrĩmi”, ãrĩduaro yáa.

24 José kãrĩadi yobeja, purũ Marĩpũre wereboegũ ãgũrẽ doreaderosũta María merã mojõsiayupũ.

25 Irasirikeregũ, igo magũrẽ pũrãkũburo dupuyuro igore marãpokũbi irirosũ ããrĩkõãyupũ. Igo pũrãkũadero purũ, majĩgũrẽ “Jesús” wãiyeyupũ.

<sup>\*</sup> 1:21 “Jesús”, ãrĩrõ: “Marĩ Opũ marĩrẽ taumi”, ãrĩduaro yáa. <sup>✱</sup> 1:23 Is 7.14

## 2

*Masĩrĩmasã Jesũre iãrã waadea*

<sup>1</sup> Herodes wãikũgũ, Judea nikũ marã opũ aãrĩripoe Jesũs iri nikũma makã Belẽgue deyoayupũ. Īgũ deyoadero purũ, abe mũrĩriro gapũ marã neñukãrẽ õãrõ masĩrĩmasã Jerusalẽgue ejañurã.

<sup>2</sup> Irogue eja, iri makã marãrẽ sërẽñañurã:

—Sugũ majĩgũ deyoadi judío masaka opũ aãrĩbu, ¿noógue aãrĩrĩ? Gũaya nikũgue gũa aãrĩmakũ, abe mũrĩriro gapũ neñukãmũ Īgũ deyoarire ĩmugũ boyopũrorimakũ iãbũ. Irasirirã Īgũrẽ buremurã aarirã iriabũ, aĩñurã.

<sup>3</sup> Opũ Herodes Īgũsã irasũ ãrãdeare pėbokagũ, bũro gũñarikũyupũ. Aãrĩpererã Jerusalén marãde gũñarikũñurã.

<sup>4</sup> Irasirigũ Herodes aãrĩpererã paia oparãrẽ, Moisés doredeare buerimasãdere siiu neeõ, Īgũsãrẽ sërẽñayupũ:

—Cristo, Marĩpũ iriubu, ¿noógue deyoabu aãrãyuri? aĩyupũ.

<sup>5</sup> Īgũ irasũ ãrĩmakũ, ãsũ ãrĩ yũjuñurã:

—Judea nikũma makã Belẽgue deyoagũkumi. Iripoegue Marĩpũya kerere weredupuyudi ãsũ ãrĩ gojadi aãrĩmĩ:

<sup>6</sup> Belén wãikũri makãgue sugũ Opũ deyoagũkumi. Īgũ Marĩpũyarã Israel bumarãrẽ korebu aãrĩgũkumi. Irasiriro Belén Judea nikũ aãrĩrĩ makãrĩ watope ubu aãrĩrĩ makã aãrĩkerero, gaji makãrĩ nemorõ aãrĩrokoa, ãrĩ gojadi aãrĩmĩ, ãrĩ wereñurã Herodere.\*

<sup>7</sup> Īgũsã irasũ ãrĩmakũ pėgũ, Herodes masĩrĩmasãrẽ siiu, masaka pėberogue sërẽñayupũ:

—¿Naásũ aãrĩmakũ neñukãmũ deyoari? aĩyupũ.

<sup>8</sup> “Irinũgue deyoami”, ãrĩ yũjumakũ pėgũ, Īgũsãrẽ Belẽgue ãsũ ãrĩ iriuyupũ:

—Iro marãrẽ: “¿Noógue aãrĩrĩ, majĩgũ deyoadi?” ãrĩ sërẽñarã waaka! Īgũrẽ bokajarã, õõta goedujarika, yũre Īgũ aãrĩrõrẽ weremurã! Yũde Īgũrẽ buremugũ waaduakoa, aĩyupũ Īgũsãrẽ.

<sup>9-10</sup> Īgũ irasũ ãrĩmakũ pé, Belẽgue waakõãñurã. Maague waamakũ, neñukãmũ, abe mũrĩriro gapũ boyoadi Īgũsã dupuyuro waadupuyuyupũ, Īgũsã waarĩ maarẽ ĩmugũ. Īgũsã neñukãmũrẽ iãrã, bũro usũyañurã. Neñukãmũ Īgũsã dupuyuro waa, majĩgũ Īgũ aãrĩrĩ wii weka dujanũgãjayupũ.

<sup>11</sup> Irasirirã iri wiigũ ñajãrã, majĩgũrẽ, Īgũ pago María merã aãrĩgũrẽ bokajañurã. Īgũrẽ iã, Īgũ pũro ñadũkupuri merã ejamejã: “Õãtarimi”, ãrĩ buremuñurã. Īgũsã ãiadea kũmarĩrẽ tũpã: oro, incienso, mirra wãikũri sãrõrĩ wajaparire Īgũrẽ sĩñurã.

<sup>12</sup> Purũ Īgũsã kãrĩripoe Marĩpũ kěrõgue wereyupũ:

\* 2:6 Mi 5.2

—Musāya makāgue goedujáarā, Herodes puro waarí maarē dujábirikōāka! Gaji maa gapu dujáaka! āri wereyupu. Irasirirā gaji maa gapu goedujáañurā.

*José, María merā majīgūrē Egiptogue āiduriadea*

<sup>13</sup> Masīrīmasā goedujáadero puru, Marīpure wereboegu Josére kērōgue deyoa, āsū āri wereyupu:

—Yobeka! Majīgūrē, ĩgū pago merā Egipto nikūgue āiduriwāgāka! Yu murē: “Dujarika!” āri weremakūgue dujarika! Herodes majīgūrē āmabu yámi ĩgūrē wējēbu, āri wereyupu.

<sup>14</sup> ĩgū irasū ārīmakū pégu, José yobe, majīgūrē āi, pago merā ñamita Egiptogue waakōāyupu.

<sup>15</sup> Herodes okaropā iroque āārīñurā. Irasiro Marīpuya kerere weredupuyudi Marīpu magūrē ĩgū ārīdeare gojaderosūta waayuro. Marīpu āsū ārīdi āārīmi: “Yu magūrē Egiptogue āārīgūrē siiubu”.

*Herodes ūma pūrārē wējēbéodoredea*

<sup>16</sup> Herodes, masīrīmasā ĩgū puro goedujábirimakū ĩāgū, guatariakōāyupu. Irasirigu Belén marārē, iri makā turo āārīrādere ūma pūrāgārē wējēpeokōādoreyupu. Masīrīmasā ārīdeare gūñagū: “Ōōpāta majīgū masākumi”, āri gūñayupu. Irasirigu pe bojori oparārē, pe bojori doka oparārē wējēbéodoreyupu.

<sup>17</sup> ĩgū irasiriri Jeremías Marīpuya kerere weredupuyudi gojaderosūta waayuro. Āsū āri gojadi āārīmi:

<sup>18</sup> Ramá wāikurogue buro bujawereri merā dujaritua, orerākuma. Raquel parāmerā āārīturiarā Israel bumarā nome ĩgūsā pūrārē buro orerākuma.

ĩgūsā pūrārē wējēmakū ĩārā, bujawereduúbirimakū, gajerā ĩgūsārē gūñaturamakū irimasībirikuma, āri gojadi āārīmi.\*

<sup>19</sup> Herodes boadero puru, Marīpure wereboegu Josére Egiptogue āārīgūrē kērōgue deyoa, āsū āriyupu doja:

<sup>20</sup> —Majīgūrē wējēduanerā boapereakōāma. Irasirigu majīgūrē, pago merā Israel bumarāya nikūgue āi dujáaka doja! āriyupu.

<sup>21</sup> ĩgū irasū ārīmakū pégu, José yobe, majīgūrē, pago merāta Israel bumarāya nikūgue āiākōāyupu.

<sup>22</sup> José gapu Judea nikūgue ejagu, Herodes magū Arquelao wāikugu ĩgū pagu dagure gorawayudi āārīmi, ārīñ kerere pégu, gūiyupu. Irasirigu, kērōgue Marīpu ĩgūrē werederosūta Judea nikūrē taria, Galilea nikūgue waakōāyupu.

\* 2:18 Jer 31.15

<sup>23</sup> Iri nikūguere Nazaret wāikuri makāgue eja, āārīyupu. Irasiro Marīpuya kerere weredupuyunerā gojaderosūta waayuro. Āsū ārī gojanerā āārīmā: “Cristo, Marīpu iriudi Nazaretmūta āārīmi’, ārīrākuma masaka”, ārī gojanerā āārīmā.

### 3

*Juan masakare wāiyerimasū buedea*

(Mr 1.1-8; Lc 3.1-9, 15-17; Jn 1.19-28)

<sup>1</sup> Iripoere Juan masakare wāiyerimasū Judea nikū masaka marīrōgue ĩgū puo ejarārē Marīpuyare buenugāyupu.

<sup>2</sup> Āsū ārī werenayupu:

—Mūsā ñerō iririre bujawereka! Mūsā gūñarīrē gorawayuka! Mērō duyāa, Marīpu ĩgūyarārē doreri ejaburo, ārī werenayupu.

<sup>3</sup> Iripoeguemu Isaiās Marīpuya kerere weredupuyudi, Juan iriburire āsū ārī gojadi āārīmi:

Sugu, masaka marīrōgue buro gainīrī merā: “Marī Opū aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” ārī weregukumi, ārī gojadi āārīmi.\*

<sup>4</sup> Juāya surīro camellu poari merā suadea surīro āārīyuro. ĩgūya yujwēñarīdade waibu gasiro merā irideada āārīyuro. Poreroa, mume makānūu marāyare baarikuyupu.

<sup>5</sup> Jerusalén marā, āārīperero Judea nikū marā, dia Jordán wāikūdiya turo marāde ĩgūrē pérā ejañurā.

<sup>6</sup> ĩgūsā ñerō irideare bujawere, Marīpūre weretarimakū ĩāgū, ĩgūsārē deko merā wāiyeyupu dia Jordán wāikūdiyague.

<sup>7</sup> Juan, wārā fariseo bumarā, saduceo bumarā ĩgūrē wāiyedorerā ejamakū ĩāgū, āsū ārīyupu:

—Mūsā āña irirosū ñerā āārā. ¿Noā mūsārē ōōguere aaridore-ari? “Marīpu, gūa ñerō iriri waja gūare wajamoābirikōāburo”, ārīrā, ¿yure wāiyedorerā aarari?

<sup>8</sup> Mūsā: “Gūa ñerō irideare bujawere, gūñarīrē gorawayuabu”, ārīrā, mūsā ñerō irideare piri, ōārī gapure irika! Mūsā irasirimakū, Marīpu mūsārē wajamoābirikumi.

<sup>9</sup> Mūsā: “Gūa Abraham parāmerā āārīturiarā āārīmakū, Marīpu gūare wajamoābirikumi”, ārī gūñabirikōāka! Yu mūsārē āsū ārā: “Mūsā gūñarīrē gorawayubirimakū, mūsā Abraham parāmerā āārīturiari wajamāa. Marīpu i utāyeri merā Abraham parāmerā āārīturiarā waamakū irimasīmi”.

<sup>10</sup> Mūsā ñerī iririre piribirimakū ĩāgū, Marīpu mūsārē béogukumi. Sugu yukū ñerī dukakūdire ĩā, kōme merā nugūrīgue merāta diti, peamegue soebéorosū mūsārē béogukumi.

\* 3:3 Is 40.3



<sup>11</sup> Musã ñerõ irideare bujawere, musã güñarĩre gorawayu-makũ ñãgũ, yu musãrẽ deko merã wãiyegukoa. Yu puru aarigũ, yu nemorõ turagu ããrĩmi. Yu gapu ubu ããrĩgũ, ñgũrẽ neõ sũropebirikoa. Ñgũ musãrẽ Õãgũ deyomarĩgũ merã, peame merã wãiyegukumi. Irasirigu Õãgũ deyomarĩgũrẽ musã merã ããrĩnĩmakũ irigukumi, ñerĩrẽ soebéorosũ musãrẽ ñerĩrẽ béoburo, ãrĩgũ.

<sup>12</sup> Trigo gasirire korobéogu irirosũ ããrĩmi. Gasirire koro odo, iri yerire baari duripiri wiigue duripigu irirosũ õãrõ irirãrẽ ñgũ purogue ããagukumi. Gasiri gapure peamegue soebéogu irirosũ ñerõ irirãrẽ peamegue béogukumi. Iri peame neõ yaribirikoa, ãrĩ werenayupu Juan masakare.

*Juan Jesúre deko merã wãiyedeá*  
(Mr 1.9-11; Lc 3.21-22)

<sup>13</sup> Juan masakare dia Jordán wãikũdiyague deko merã wãiyeripoe Jesús Galileague ããrãdi ñgũrẽ wãiyedoregu waayupu.

<sup>14</sup> Iroguere ejamakũ, Juan ñgũrẽ wãiyedubiradiyupu:

—¿Mu gapu yure wãiyerono irigu yure wãiyedoregu aariri? ãrĩyupu.

<sup>15-16</sup> Jesús gapu ñgũrẽ yujuyupu:

—Yure wãiyeka! Marĩrẽ ããrĩpereri Marĩpu dorederosũta iriro gããmea.

Ñgũ irasũ ãrĩmakũ pégu: “Jáu”, ãrĩ, Jesúre wãiyeyupu. Wãiyé odomakũ, Jesús diague níadi majãnũgãmakũta, ãmũgasi tũpãkõãyuro. Õãgũ deyomarĩgũ buja irirosũ deyogu dijari, ñgũ weka ejabejamakũ ñãyupu.

<sup>17</sup> Marĩpu ãmũgasigue ããrĩgũ ãsũ ãrĩyupu Jesúre:

—Ñi yu magũ, yu maĩgũ ããrĩmi. Ñgũ merã buro usuyáa, ãrĩyupu.

## 4

*Wãtĩ Jesúre ãrĩmesãdidea*  
(Mr 1.12-13; Lc 4.1-13)

<sup>1</sup> Puru Õãgũ deyomarĩgũ Jesúre masaka marĩrõgue ããayupu, wãtĩ ñgũrẽ ãrĩmesãburo, ãrĩgũ.

<sup>2</sup> Iroguere Jesús cuarenta nurĩ, cuarenta ñamĩrĩgora baabiriyupu. Puru nabooakõãyupu.

<sup>3</sup> Ñgũ nabooamakũ ñãgũ, wãtĩ ñgũ puro eja, ãsũ ãrĩyupu:

—Diayeta Marĩpu magũ ããrĩgũ, mu turaro merã i ãtãyerire pã duparu waamakũ irika! ãrĩyupu.

<sup>4</sup> Jesús gapu ñgũrẽ yujuyupu:

—Yurũya werenĩrĩ gojadea pũgue: “Baari dita masakare okamakũ iribea. ããrĩpereri Marĩpũya werenĩrĩ gapu ñgũsãrẽ

okamakū yáa”, āĩ gojasũdero āārĩbú, āĩ wereyupũ Jesús wātĩrē.

<sup>5</sup> Pũũ wātĩ Marĩpũya makā Jerusalēgue Jesúre āĩa, Marĩpũya wii wekague āĩmarĩa,

<sup>6</sup> ĩgūrē āsũ āĩyupũ:

—Diyeta Marĩpũ magũ āārĩgũ, yebague parimadijaka! ĩgũya werenĩĩ gojadea pũgue:

Marĩpũ ĩgūrē wereboerārē murē koredoregukumi, neō ũtāyegue meébejabirikōāburo, ārĩgũ, āĩ gojasũdero āārĩbú, āĩ wereyupũ wātĩ Jesúre.\*

<sup>7</sup> Jesús ĩgūrē yũyupũ:

—Yũpũya werenĩĩ gojadea pũgue: “Bũremurĩ marĩrō Marĩpũre: ‘Mũ turari merā yũre gajino iri ĩmuka!’ ārĩbirikōāka!” āĩ gojasũdero āārĩbú, āĩ wereyupũ Jesús wātĩrē.

<sup>8</sup> Pũũ wātĩ Jesúre ũmarĩ buũru wekague āĩmarĩayupũ doja. Irogue āārĩpereri i ũmũma makārĩrē, masaka oparidere ĩmupeokōāyupũ.

<sup>9</sup> ĩrire ĩmupeo, Jesúre āsũ āĩyupũ:

—Mũ ñadukũpuri merā ejamejāja, yũre: “Mũ, yũ Opũ āārā”, āĩ bũremumakũ, i āārĩpererire murē sĩgura, āĩyupũ.

<sup>10</sup> ĩgũ irasũ ārĩmakũ, Jesús āsũ āĩyupũ:

—Satanás, yũ pũrore wirika! Yũpũya werenĩĩ gojadea pũgue: “Marĩpũ direta bũremuka! ĩgũ doreri direta irika!” āĩ gojasũdero āārĩbú, āĩ wereyupũ Jesús wātĩrē.

<sup>11</sup> ĩgũ irasũ ārĩmakũ pégu, wātĩ waakōāyupũ. ĩgũ waadero pũũ, Marĩpũre wereboerā Jesúre iritamurā ejañurā.

*Jesús Galilea nikũgue masakare buenũgādea*

*(Mr 1.14-15; Lc 4.14-15)*

<sup>12</sup> Juārē peresu iridea kerere pégu, Jesús Galilea nikũgue waakōāyupũ.

<sup>13</sup> Iro āārĩrĩ makā Nazarere tariwāgā, Capernaum wāĩkũri makāgue ejayupũ. Galilea wāĩkũri ditaru tũro āārĩbú Capernaum. Iri makā Zabolón bumarāya nikũ, Neftalí bumarāya nikũ āārĩunadero āārĩbú.

<sup>14</sup> Jesús irogue ejagu, iripoeguemu Marĩpũya kerere weredupuyudi Isaías gojaderosũta iriyupũ. Āsũ āĩ gojadi āārĩmĩ:

<sup>15</sup> Zabolón bumarāya nikũ, Neftalí bumarāya nikũ āārĩunadero, judío masaka āārĩmerāya nikũ āārā. Ditaru tũro, dia Jordán wāĩkũdiya abe ñajārōgue Galilea wāĩkũri nikũ āārā.

<sup>16</sup> Iro marā, naĩtĩārōgue āārĩrā irirosũ Marĩpũyare masĩbema. ĩgũsā masĩbiri waja peamegue waabonerā āārĩma. Irasũ āārĩkererā, sĩāgorire ĩārā irirosũ ĩgũsārē taubure

ĩārākuma. Īgũta ĩgũsārē Marĩpũre masĩmakũ irigu aarigũkumi. Irasirirã boyorogue ãārĩrã irirosũ ãārĩrãkuma, ãrĩ gojadi ãārĩmĩ.\*

17 Jesũs iroque ãārĩgũ, masakare ãsũ ãrĩ buenũgãyupũ:

—Musã ñerĩ iririre bujawereka! Musã gũñarĩrē gorawayuka! Mērō duyãa, Marĩpũ ĩgũyarãrē doreri ejaburo, ãrĩyupũ.

*Jesũs wapikũrã waaĩ wējẽrĩmasãrē siiudea*  
(Mr 1.16-20; Lc 5.1-11)

18 Jesũs Galilea wãikũri ditaru tarogue ejagu, Simõrē, ĩgũ pagũmu Andrere bokajayupũ. Simõta “Pedro” wãikũyupũ. ĩgũsã waaĩ wējẽrĩmasã ãārĩñurã. Ditarugue ĩgũsãya buidire meeyorã iriñurã.

19 Jesũs ĩgũsãrē:

—Nãka, yũ merã! Daporare musãrē waaĩ wējẽrĩmasã ãārĩrĩrē piri, Marĩpũya kerere wererimasã ãārĩmakũ irigũkoa, ãrĩyupũ.

20 ĩgũ irasũ ãrĩmakũ pãrã, mata ĩgũsãya buiriyukure pĩkõã, Jesũs merã waakõãñurã.

21 Pũrũ Jesũs yoaweyaro waa, Santiagore, ĩgũ pagũmu Juãrē bokajayupũ. ĩgũsã Zebedeo wãikũgu pũrã ãārĩñurã. ĩgũsãya doódirugue ĩgũsã pagũ merã ĩgũsãya buiriyukure ãmurã iriñurã. Jesũs ĩgũsãrē: “Nãka, yũ merã!” ãrĩ siiuyupũ.

22 ĩgũ irasũ ãrĩmakũ pãrã: “Jãũ”, ãrĩ, ĩgũsãya doódirure, pagũre pĩkõã, Jesũs merã waakõãñurã.

*Jesũs wãrã masakare buedea*  
(Lc 6.17-19)

23 Jesũs ãārĩperero Galilea nikũrē judío masaka nererĩ wirigue buegorenayupũ. Õãrĩ kerere, Marĩpũ ĩgũyarãrē doregu ãārĩrĩrē bueyupũ. Irasũ ãārĩmakũ pũrĩrikũrãrē ãārĩpereri ĩgũsã pũrĩrĩrē tauyupũ.

24 ĩgũ irasiriri kerere ãārĩperero Siria nikũ marã masĩpereakõãñurã. Irasirirã gajerosũperi sĩrĩrĩ oparãrē, pũrĩrikũrãrē, wãtẽa ñajãsũnerãrē, ñamasĩrĩrĩ oparãrē, waamasĩmerãdere Jesũs pũroque ãĩãñurã. Irasirigu ãārĩpererãrē tauyupũ Jesũs.

25 ĩgũ irasirimakũ ĩãrã, wãrã Galilea nikũ marã, Decápolis wãikũri nikũma makãrĩ marã, Jerusalén marã, Judea nikũ marã, dia Jordán wãikũdiya abe mũrĩriro gapũ marã ĩgũ merã waañurã.

## 5

*Jesũs buúrugue masakare buedea*

\* 4:16 Is 9.1-2

1 Jesús, masaka wárã ĩgũ pũro ejamakũ ĩãgũ, buúrugue mũĩã, eja doayurũ. ĩgũ iroguе doamakũ, ĩgũ buerã ĩgũ pũro nerẽnugãjañurã.

2 ĩgũsã nerẽnugãjamakũ ĩãgũ, Jesús ĩgũsãrẽ ãsũ ãrĩ buerũroriyurũ:

*“Ãsũ irirãno usuyama”, ãrĩ buedea  
(Lc 6.20-23)*

3 —“Marĩpũ iritamubirimakũ, ĩgũ gããmerĩrẽ irimasĩña marĩbokoã”, ãrĩ gũñarãno, ãmũgasigue Marĩpũ ĩgũyarãrẽ dorerogue waarãkuma. Iroguema ĩgũsãya ããrã. Irasirirã usuyama.

4 'Bũjawereri merã ããrĩrãrẽ Marĩpũ ĩgũsãrẽ gũñaturamakũ irigukumi. Irasirirã usuyama.

5 “Gajerã nemorõ ããrã”, ãrĩ gũñamerã, Marĩpũ ĩgũsãrẽ: “I nikũrẽ sĩgũrã”, ãrĩdeare oparãkuma. Irasirirã usuyama.

6 'Marĩpũ gããmerĩrẽ iridũarã, uaboarã baadũarã, ñemesiburã iiridũarã irirosũ ããrĩma. Marĩpũ ĩgũsãrẽ iritamugukumi, ĩgũ gããmerĩrẽ iriburo, ãrĩgũ. ĩgũsãrẽ iritamugũ, iirĩ, baayapianerã irirosũ ããrĩmakũ irigukumi. Irasirirã usuyama.

7 'Gajerãrẽ bopoñarĩ merã ĩãrãrẽ Marĩpũ ĩgũsãrẽ bopoñarĩ merã ĩãgukumi. Irasirirã usuyama.

8 'Ñerĩ opamerã Marĩpũre ĩãrãkuma. Irasirirã usuyama.

9 'Gajerãrẽ õãrõ siuñajãrĩ merã ããrĩmakũ iridũarãrẽ Marĩpũ ĩgũsãrẽ: “Yũ pũrã ããrĩma”, ãrĩgukumi. Irasirirã usuyama.

10 'Marĩpũ gããmerĩrẽ iriri waja, gajerã ĩgũsãrẽ ñerõ tarimakũ irisũrã ãmũgasigue Marĩpũ ĩgũyarãrẽ dorerogue waarãkuma. Iroguema ĩgũsãya ããrã. Irasirirã usuyama.

11 'Yũre mũsã bũremurĩ waja gajerã mũsãrẽ ñerõ werenĩkererũ, mũsãrẽ ñerõ irikererũ, ããrĩpereri gajerosũperi ñerĩ kere ãrĩkererũ, usuyaka!

12 Marĩpũya kerere weredupuyunerãrẽ mũsã dupuyuro ããrĩnerãrẽ ãsũta ñerõ irinerã ããrĩmã. Irasirirã mũsãrẽ ñerõ irikererũ, õãrõ usuyari merã ããrĩrikũka! Pũruguerе wãro õãrĩ oparãkoma ãmũgasiguere, ãrĩyurũ Jesús.

*I ãmũguere Marĩpũyare irirã moã, sããgori irirosũ ããrĩma, ãrĩ buedea  
(Mr 9.50; Lc 14.34-35)*

13 Irasũ ãrĩ odo, Jesús ãsũ ãrĩ buenemoyurũ:

—Mũsã i ãmũguere Marĩpũyare irirã moã okari irirosũ ããrã. Moã okadea okabirimakũ, dupaturĩ okamakũ irimasĩbirikoa. Béoõãkoma. Béoadero pũrũ, masaka kũrawasiribéoõãkoma. Irasirirã mũsã moã okari irirosũ Marĩpũyare irinĩkõãka!

14 'Musā i ūmu marārē sīāgori irirosū āārā. Irasirirā Marīpuyare musā irimakū iārā, ĩgūrē masīrākuma. Buúru wekague āārīrī makārē duúmasīña máa.

15 Masaka sīāgodirure sīāgorā, dupa kūma dokague pībirikuma. Sīāgo, wii dekogue siukuma, iri wii marā āārīpererā oārō boyorogue āārīburo, ārīrā.

16 I irirosū musāde Marīpuyare oārō iriri merā masakare musā ĩgūyarā āārīrīrē masīmakū irika, ĩgūrē ūmugasigue āārīgūrē: “Ōātarigū āārīmi”, ārī bñremuburo, ārīrā!

### *Jesús Moisés doredeare buedea*

17 'Musā yñre āsū ārī gūñabirikōāka: “Marīpñ Moisére doreri pídeare, irasū āārīmakū Marīpñya kerere weredupuyunerā gojadeare béogñ aarigú irikumi”, ārī gūñabirikōāka! Irire béogñ aarigú meta iribñ. Iri āārīpererire keoro iriyuwarikugñ aarigú iribñ.

18 Diayeta musārē werea. Ūmugasi, i nikū āārīrōpāta Marīpñ neō mérōgā su wāi ĩgū doreri pídeare béobirikumi. Āārīpererire ĩgū: “Āsū irigñra”, ārīdeare keoro iriyuwarikugñkumi.

19 Iri dorerire su wārē tarinugārāno, gajerārē: “Gñ irirosū irika!” ārī buerā, ūmugasigue Marīpñ ĩgūyarārē dorerogue ĩgū iāmakū ubu āārīrā āārīrākuma. Gajerā gapñ iri dorerire oārō irirā, gajerārē ĩgūsā irirosū iridorerā, ūmugasigue ĩgūyarārē dorerogue ĩgū iāmakū oparā irirosū āārīrākuma.

20 Ire musārē werea. Musā, Moisés doredeare buerimasā, fariseo bumarā nemorō Marīpñ gāamerīrē iribirikererā, Marīpñ ĩgūyarārē dorerogue neō waabirikoā.

### *Jesús masaka guarimarē buedea*

(Lc 12.57-59)

21 'Marīpñ musā ñekūsāmarārē doredeare musā pénerā āārībñ. ĩgūsārē āsū ārīdi āārīmi: “Masakare wējēbirikōāka! Gajigñre wējēdinorē wajamoāka, ĩgū wējēdea waja!”

22 Yñ gapñ musārē werea. Sugñ ĩgūyagñ merā guagñ, wajamoāsūgñkumi. ĩgūyagñre: “Mñ wajamāa”, ārī bñridagñnorē marī oparā wajamoārākuma. ĩgūyagñre: “Waibñ irirosū pémasīrī opabea mñ”, ārīgñnorē peamegue waamagoegorāa.

23 'Irasirirā Marīpñya wiima soepeorogue ĩgūrē bñremurā gajino pírā waamurā: “Yaagñ yñ merā guami”, ārī gūñabokarā,

24 Marīpñre sīburire píkōā, musāyagñ pñrogue waa: “Yñ mñrē ñerō irideare kātika!” ārī sērēka ĩgūrē! Musā gāme āmuadero pññ, dupaturi Marīpñya wiigñ musā sīdñadeare ĩgūrē sīrā waaka!

25 'Sugñ musārē weresādñagñ, weresārīrē beyerimasū pñrogue musārē āīdñamakū, mata maague ĩgū merā waarā, ĩgū musārē weresārīrē āmuka! ĩgū merā oārō āmubirimakū,

beyerimasūguere mūsārē weresāgukumi. Īgū mūsārē weresāmakū pégu, beyerimasū mūsārē suraraguere wia, peresu iridoregukumi.

<sup>26</sup> Diayeta mūsārē werea. Beyerimasū mūsārē wajaridore-deare wajaripeobirimakū, neō mūsārē wiubirikumi.

*Jesús: “Gajigu marāpo merā ñerō iribirikōāka!” āri buedea*

<sup>27</sup> Iripoegue marā weredeare mūsā pénerā āārībú. Āsū ārīnerā āārīmá: “Gajigu marāpo merā ñerō iribirikōāka!”

<sup>28</sup> Yu gapu mūsārē werea. Sugu nomeōrē ñerō iriduari merā ĩāgū, ĩgū gūñarīgue igo merā ñerō irisiami.

<sup>29</sup> Irasirirā mūsāya koyeru diaye gapumarū merā ĩā, ñerō irirā, irirure goreweabéorosū iri ñerō iririre pirika! Mūsā koyerure béomakū, iriru dita dediria. Ñerō iririre pirimerā āārīpereri mūsāya dupu merā peamegue béosūrākoa.

<sup>30</sup> Mūsāya diayema mojō merā ñerō irirā, iri mojōrē dititá béorosū iri ñerō iririre pirika! Mūsāya mojōrē béomakū, iri mojō dita dediria. Ñerō iririre pirimerā āārīpereri mūsāya dupu merā peamegue béosūrākoa.

*Jesús masakare: “Mūsā marāposā nomerē béobirikōāka!” āri buedea*

*(Mt 19.1-12; Mr 10.11-12; Lc 16.18)*

<sup>31</sup> Iripoegue marā idere ārīnerā āārīmá: “Sugu ĩgū marāpore béodugū: ‘I waja merā mūrē béoa’, āri gojari pūrē sīrō gāāmea”, ārīnerā āārīmá.

<sup>32</sup> Yu gapu mūsārē werea. Sugu, ĩgū marāpo gajigu merā ñerō iribirikererū igore béogu, igore gajigu merā marāpukumakū irigu, igore ñerō irimakū irikumi. Irasū āārīmakū, ĩgū béodeo merā marāpokugude ñerō irigu irikumi.

*Jesús: “Āsū irigura”, ārīrīmarē buedea*

<sup>33</sup> Iripoegue marārē weredeare mūsā pénerā āārībú. Āsū ārī werenerā āārīmá ĩgūsārē: “ ‘Marīpu wāi merā āsū irigura’, ārīderosūta marī Opu ĩūrō keoro irika!”

<sup>34</sup> Yu gapu mūsārē werea. Mūsā gajerārē: “Āsū irigura”, ārīrā, Marīpure wāipeobirikōāka! “Īmugasima merā āsū irigura”, ārībirikōāka! Īmugasī, Marīpu doaro ubu āārīrō meta āārā.

<sup>35</sup> I nikūma merādere wāipeobirikōāka! I nikū Marīpuya nikū āārā. Irasirio ĩgū kuraña doanīrō irirosū āārā. Jerusalén merādere wāipeobirikōāka! Jerusalén marī Opu turatariguya makā āārā.

<sup>36</sup> “Yaa dipuru merā āsū irigura”, ārī wāipeobirikōāka! Mūsā irasū ārīrī merā neō mūsāya dipuruma poaire ñírīda, o borerida waamakū irimasībirikoa.

37 “Āsū irigura”, o “Āsū iribirikoa”, ārīrā, wāiṗeoro marīrō su diayeta wereka! Wāiṗeori merā: “Āsū irigura”, ārīrā, wātī gāāmerīrē irirā yāa.

*Jesús masaka ñerō iri gāmīrīmarē buedea*  
(Lc 6.29-30)

38 'Iripoegue marā weredeare mūsā pénerā āārībú. Āsū ārīnerā āārīmá: “Mūrē gajigū mūya koyerure pátīāderosūta mūde ĩgūya koyerure pátīā gāmika! Mūya guikarure ĩgū pānuaderosūta mūde ĩgūya guikarure pānuā gāmika!” ārīnerā āārīmá.

39 Yū gapū mūsārē werea. Mūsārē ñerō iridire irasū ĩākōāka! Īgūrē ñerō iri gāmibirikōāka! Sugū mūsāya wayupārā diaye gapure pámakū, kúgapūma wayupārādere pádoreka!

40 Sugū mūrē weresārīrē beyerimasū pūro āia: “Īgūya surīrore sīdoreka, ĩgū yure ñerō iridea waja”, ārī weresāmakū, iriñerē sīka! Irasū āārīmakū, mūya wekamañedere sīnemoka ĩgūrē!

41 Sugū surara gajinorē su kilómetro mūrē āiŵāgādoremakū, gaji kilómetro āiŵāgānemobosaka doja!

42 Sugū mūrē gajinorē sērēmakū, sīka ĩgūrē! Gajino mūrē wayumakū sīka ĩgūrē! “Wayubirikoa”, ārībirikōāka!

*Jesús: “Mūsārē ĩāturirārē maīka!” ārī buedea*  
(Lc 6.27-28, 32-36)

43 'Gaji iripoegue marā weredeare mūsā pénerā āārībú. Āsū ārīnerā āārīmá: “Mūsā merāmarārē maīka! Mūsārē ĩāturirā gapure ĩāturi doo, gāmika!” ārīnerā āārīmá.

44 Yū gapū mūsārē werea. Mūsārē ĩāturirārē maīka! Mūsārē ñerō werenīrārē: “Ōārō āārīburo”, ārīka! Mūsārē ĩāturi doorārē ōārō irika! Mūsārē ñerō ārī burīdamakū, mūsārē ñerō irimakū, ĩgūsāya āārīburire Marīpūre sērēbosaka!

45 Irasirirā Marīpū ũmugasigūe āārīgú pūrā āārīrākoa. Marīpū ñerārē, ōārādere abe asimakū yāmi. Īgū dorerire irirā pūro, irimerā pūrodere deko merēmakū yāmi. Irasirirā mūsāde ĩgū irirosūta masakare sūrosū ōārō irika!

46 Mūsārē maīrā direta maīrā, ¿ñeēnorē ũmugasigūe wajatabokuri? Romano marā opure niyeru wajaseabosari-masāde ñerā āārīkererā, ĩgūsārē maīrārē maīma.

47 Mūsāyarā direta ōārō bokatīrīñeārā, ¿ñeéno ōārīrē gajerā nemorō iribokuri? Marīpūre masīmerāde ĩgūsāyarārē ōārō bokatīrīñeāma.

48 Irasirirā, Marīpū ũmugasigūe āārīgú neō ñerī marīgū āārīrōsūta mūsāde neō ñerī marīrā āārīka! ārī wereyupū Jesús.

## 6

*Jesús òãrõ iririkumarê buedea*

<sup>1</sup> Jesús àsũ ãrĩ werenemoyupũ:

—“Òãrĩrẽ irirã ããrã”, ãrĩrã, masaka iũrõ musã iririre iri ãmubirikõãka! Musã irire irasirimakũ, Marĩpu ãmugasigue ããrĩgũ musã irasirideia wajare sãbirikumĩ.

<sup>2</sup> Irasirirã boporãrẽ iritamurã, ããrĩpererãrẽ werebirikõãka! Irigatorimasã irirosũ iribirikõãka! Ìgũsã boporãrẽ iritamurã, marĩ nerẽrĩ wiirigue nerẽanerã, makã dekogue ããrĩrã iũrõ: “Òãrã ããrĩma”, ãrĩburo, ãrĩrã, iri ãmuma. Diayeta musãrẽ werea. Masaka ãgũsãrẽ òãrõ ãrĩrĩ merã wajatari opasiamã.

<sup>3</sup> Musã gapũ boporãrẽ gajino sãrã, masaka ããberogue sãka!

<sup>4</sup> Marĩpu, musã irasirimakũ ããgũ, musãrẽ òãrõ wajatamakũ irigukumi.

*Jesús Marĩpure sërẽrĩrẽ buedea*  
(Lc 11.2-4)

<sup>5</sup> Marĩpure sërẽrã, irigatorimasã irirosũ iribirikõãka! Ìgũsã marĩ nerẽrĩ wiirigue, makã dekogue masaka ããburo, ãrĩrã, sërẽ ãmuma. Diayeta musãrẽ werea. Masaka ãgũsãrẽ ããrĩ merã wajatari opasiamã.

<sup>6</sup> Musã gapũ Marĩpure sërẽrã, musãya taribugue ñajãã, disapuro bia, gajerã ããberogue ããgũrẽ sërẽka! Ìgũ deyomarĩgũ ããrĩkeregũ, musã merã ããrĩgukumi. Irasirigũ, gajerã ããberogue musã ããgũrẽ sërẽmakũ ããgũ, musãrẽ òãrõ wajatamakũ irigukumi.

<sup>7</sup> Marĩpure sërẽrã, ubu ããrĩrĩ werenĩrĩ merã dupaturi sërẽdujabirikõãka! Marĩpure masĩmerã irasũ yãma. “Wãri werenĩrĩ merã gua sërẽmakũ, guare pégukumi”, ãrĩ gũñama.

<sup>8</sup> Ìgũsã irirosũ iribirikõãka! Musã sërẽburo dupuyuro Marĩpu musã gããmerĩrẽ masĩsiami.

<sup>9</sup> Irasirirã àsũ ãrĩ sërẽrõ gããmea Marĩpure:

Gũapu ãmugasigue ããrĩgũ, ããrĩpererã murẽ goepeyari merã buremuburo.

<sup>10</sup> Mu ããrĩpererãrẽ doreri aariburo. ãmugasigue marã mu gããmerõ irirosũta i nikũ marãde iriburo.

<sup>11</sup> ãmurikũ guare baari sãka!

<sup>12</sup> Gajerã guare ñerõ irideare gua kãtirosũta mude gua ñerõ irideare kãtika!

<sup>13</sup> Gua ñerõ iridũamakũ kãmutaka! Ñegũ guare ñerĩ ãrĩmesãrĩrẽ tau kãmutaka! Mu sugũta guare doregũ, turatarigũ, gua buremugũ ããrĩnĩgukoa, ãrĩ sërẽka Marĩpure!

<sup>14</sup> Gajerã musãrẽ ñerõ irideare musã kãtimakũ ããgũ, Marĩpu ãmugasigue ããrĩgũ musã ñerõ irideare kãtigukumi.



15 Gajerā mūsārē ñerō irideare mūsā kātibirimakū, Marīpu mūsā ñerō irideare kātibirikumi.

*Jesús bererimarē buedea*

16 'Marīpuyere bñremurā bererā, irigatorimasā irirosū iribirikōāka! Īgūsā bererā, Īgūsāya diapure bñjawererā irirosū iri ĩmuma, masaka Īgūsā bererire ĩāmasīburo, ārīrā. Diayeta mūsārē werea. Masaka Īgūsārē ĩārī merā wajatari opasiana.

17 Mūsā gapu bererā, mūsā irinarōsūta irika! Mūsāya diapure waakoe, ōārō wñnapukōāka!

18 Mūsā irasirimakū, gajerā mūsā bererire masībirikuma. Marīpu gapu deyomarīgū āārīkeregu, mūsā merā āārīmi. Īgū dita mūsā gajerā ĩāberogue iririre ĩāgū, mūsārē ōārō wajata-makū irigukumi.

*Jesús marī ũmugasigue wajataburire buedea*

(Lc 12.33-34)

19 'Wári i nikūmarē sea neō duripībirikōāka! I nikūma borewiji boakōārokoa. Boabirimakū, burua baadediukōārākuma. Baadediubirimakū, yajarimasā ñajāa, yajakōārākuma.

20 Irasirirā mūsā ũmugasima opaburi gapure gūñaka! ũmugasima neō borewiji boabiriko. Iroguere burua mūsā opaburire neō baadediubirikuma. Yajarimasāde neō ñajāa, yajabirikuma.

21 Mūsā i ũmuma direta: "Opaduakoa", ārī gūñarā, irire buro maīrākoa. ũmugasima gapure: "Opaduakoa", ārī gūñarā, irire buro maīrākoa.

*Jesús masakaya koye sīāgodiru irirosū āārīrē buedea*

(Lc 11.34-36)

22 'Mūsāya koye mūsāya gūñarīguere sīāgodiru irirosū āārā. Mūsā ōārī koye oparā irirosū āārīmakū, mūsāya gūñarīguere ōārō sīāgoro irirosū āārā. Irasirirā Marīpuyere masīa.

23 Mūsā ñerī koye oparā irirosū āārīmakū, mūsāya gūñarīguere naītīārō irirosū āārā. Marīpuyere masībea. I naītīārī, ñetaria. Irire masībirimakū ñegorāa.

*Jesús: "Niyerure maīrā, Marīpuyere maībema", ārī buedea*

(Lc 16.13)

24 Neō sugu moāboerimasū pērā oparārē moāboemasībirikumi. Sugu opure maīgū, gajigu gapure maībirikumi, o sugu opure bñremugū, gajigu gapure yñjabirikumi. Niyerudere maītarigu, Marīpu gapure maībemi.

*Jesús, Marīpu ĩgū pūrārē korerimarē buedea*

(Lc 12.22-31)

25 'Irasirigu musārē ire weregura. Musā āārīrikurire gūñarā, “¿Ñeéonorē baarākuri, ñeéonorē iirirākuri, ñeéonorē sãñarākuri?” ārī gūñarikubirikōāka! Marī okari gapu, baari nemorō wajakua. Marīya dupu, suri nemorō wajakua.

26 Mirārē ūmarōgue wūrārē iāka! Īgūsā baaduarā, otebema. Otedea dukare seabema. Baari duripiri wiiridere opabema. Marīpu ūmugasigue āārīgú gapu Īgūsārē baari sīmi. Musā gapu, mirā nemorō wajakutarinugāa.

27 Musā buro gūñarikuri merā neō mérōgā masānemobirikoa. Musā irasū gūñarikuri wajaamāa.

28 'Irire masīkererā, ¿nasirirā musā suri sãñaburire gūñarikuri? Makānūma goori masārīrē gūñaka! Iri moābirikerero, suabirikerero oārī suri sãñarō irirosū deyoa.

29 Musārē werea. Opu Salomón suri oārī sãñadero nemorō iri goori gapu oārī deyoa.

30 Iri goorire Marīpu oārī goori deyomakū irikerepuu, mérōgā puu ñaīdija pereakōāa. Gajinu gapu peamegue soebéokōāsūa. Iri mata pereburi āārīkerepuu, Marīpu iri goorire oārī deyomakū yāmi. Iri goorire oārī āārīmakū irirosū nemorō musārē oārō irigukumi. Surīre sīgukumi. Musā gapu Īgūrē mérōgā buremurī opāa.

31 Irasirirā: “¿Ñeéonorē baarākuri, ñeéonorē iirirākuri, ñeéonorē sãñarākuri?” ārī gūñarikubirikōāka!

32 Marīpue masīmerā buro gūñarikuri merā irire āmanikōāma. Marīpu ūmugasigue āārīgú gapu āārīpereri musā gāāmerīrē masīsiami. Irire musārē sīgukumi.

33 Irasirirā, Marīpu musā Opu āārīrīrē, Īgū gāāmerīrē, Īgū dorerire, āārīpereri nemorō gāāmeperorika! Musā irasirimakū, āārīpereri musā baa, iirīburire, musā suri sãñaburidere sīwekapeogukumi.

34 Irasirirā: “¿Naāsū waarokuri ñamigārē?” ārī gūñarikubirikōāka! Gajinumarē musā ñerō tariburire gūñarikudupuyubirikōāka! Dapagāma direta gūñaka! Dapagārē musā ñerō tariburi āārīsīāa, ārī wereyupu Jesús.

## 7

*Jesús, gajerārē: “Ñerā āārīma”, ārī werewuabirikōāka! ārī buedea*

*(Lc 6.37-38, 41-42)*

1 Jesús irire ārī odo, ārīnemoyupu doja:

—Gajerārē: “Ñerā āārīma”, ārī werewuabirikōāka! Musā werewuabirimakū iāgū, Marīpu musārē: “Ñerā āārīma”, ārī iābirikumi.

2 Gajerārē: “Ōārō iribema”, āri ĩārōsūta Marĩpu musārē ĩāgukumi. Gajerārē: “Āsū āārĩma”, āri ĩārōsūta Marĩpu musārē ĩāgukumi.

3 Musā ñerō iridea, koyerugue wári turu oparosū ñetariri āārĩrĩrē gũñabirikererā, musāyagu ñerō iridea, koyerugue nikũyegā oparosū āārĩrĩrē: “Ñegorāa”, āri gũñāa.

4 Irasirirā musā ñerō iridea, koyerugue wári turu oparosū āārĩrā, musāyagure ĩgũya koyerugue āārĩrĩ nikũyegārē: “¿Āibéosi?” ārĩmasĩbea.

5 Musā ñerō iririkurā, irigatorikurā āārā. Musāya koyerugue āārĩrĩ turu gapure āibéopuroriro irirosū musā ñerō iririre piripurorika! Irasiri odo, musāyagure: “Mu ñerō iririre pirikōāka!” āri masĩa.

6 Marĩpure ñerō āri buridarārē ĩgũya kerere werebirikōāka! ĩgūsārē wererā, diayéare ōārĩrē sĩrā, o yeseare ñaguĩda wajaparidare sĩrā irirosū iribokoa. Diayéa guarā, ōārĩ sĩkereruru, gāmenugā kũrĩkōākuma. Yesea iridare noó gāāmerō kurawasiribéokuma. ĩgūsā irirosū āārĩrārē, ubugorata Marĩpuya kerere werebirikōāka!

*Jesús: “Marĩpure sērērā, āsū āri sērēka!” ārĩdea  
(Lc 11.9-13; 6.31)*

7 Marĩpure sērēka! ĩgūrē sērēmakū, sīgukumi. Ōārĩrē āmarā, bokarākoa. Wiigue ñajāduarā oemakū, Marĩpu disipuro tũpā ñajādoregu irirosū musā sērērĩrē pégukumi.

8 ĩgūrē sērērānorē sīgukumi. Āmarāno, bokarākuma. Wiigue ñajāduarā oerā irirosū ĩgūrē sērēmakū ĩāgū, ĩgūsārē ñajādoregu irirosū ĩgūsā sērērĩrē ōārō pégukumi.

9 Musā pũrā pārē sērēmakū, utāyere sĩbirikoa.

10 Waaĩ sērēmakũdere, āñarē sĩbirikoa.

11 Ñerā āārĩkererā, musā pũrārē ōārĩrē sĩmasĩa. Marĩpu ũmugasigue āārĩgũ gapu, musā nemorō ōārĩrē sĩmasĩmi. Irasirigu ĩgūrē sērērārē irire sīgukumi.

12 Musā, gajerā musārē ōārō irimakū gāāmerōsūta musāde ĩgūsārē ōārō irika! Moisés gojadea pũgue, Marĩpuya kerere weredupuyunerā gojadea pũguedere irasūta iridoredero āārĩbú.

*Jesús eyabiri disipurore ñajāri keori merā buedea  
(Lc 13.24)*

13 Marĩpu purogue ñajāduarā ĩgũyare irika! Irogue ñajāmakū diasagorāa. Eyabiri disipuro ñajārō irirosū āārā. Peamegue waaró gapu eyari disipuro ñajārō, eyari maarē waaró irirosū āārā. Iri maarē waamakū diasabea. Irasirirā wārā masaka irogue waarā yāma.

14 Marĩpu puo gapure waamakũ diasagoráa. Irasirirã méragãta masaka, eyabiri disipuro ñajãrõrẽ, iroque eyabiri maarẽ bokama. Iroque waarã, Marĩpu merã õãrõ ããrĩrãkuma.

*Jesús yukure duka merã ããmasĩsũa, ãrĩ buedea*  
(Lc 6.43-44)

15 'Õãrõ pémasĩka! "Marĩpuya kerere weredupuyurimasã ããrã", ãrĩgatorãrẽ pébirikõãka! Ìgũsã oveja guamerã, õãrĩrẽ irirã irirosũ musã puoogue ejarãkuma. Irasirikererã, Ìgũsã gũñarĩguere diayéa makãnhũ marã guarã irirosũ, ñerã ããrĩma.

16 Ìgũsã ñerõ irimakũ musã Ìgũsãrẽ: "Ñerã ããrĩma", ãrĩ ããmasĩrãkoa. Poragu iguire dukakubirikoa. Ñaagũde higo wãikurire dukakubirikoa.

17 Õãdi yukũ õãrĩrẽ dukakua. Ñedi gapu ñerĩrẽ dukakua.

18 Yukũ õãdi ñerĩrẽ dukakubirikoa. Ñedide õãrĩrẽ dukakubirikoa.

19 Õãrĩ dukakubiridire pábéo, peamegue soekõãma.

20 Irasirirã: "Marĩpuya kerere weredupuyurimasã ããrã", ãrĩgatorãrẽ Ìgũsã iriri merã: "Ãrĩgatorikurã ããrĩma", ãrĩ ããmasĩrãkoa musã.

*Jesús ããrĩpererã masaka Marĩpu puoogue waabirikuma, ãrĩ buedea*  
(Lc 13.25-27)

21 'Wárã yure: "Mũta ããrã gua Opũ", ãrĩkererã, ããrĩpererã ãmugasigue Yũpu Ìgũyarãrẽ dorerogue ñajãbirikuma. Yũpu ãmugasigue ããrĩgũ gããmerĩrẽ irirã dita Ìgũ ããrĩõguere ñajãrãkuma.

22 Yũpu ããrĩpererã ñerãrẽ wajamoãrĩnu ejamakũ, wárã yure: "Gua Opũ, mũyare masakare buebu. Mu wãĩ merã wãtããrẽ béowiu, wári õãrĩrẽ iri Ìmubu", ãrĩrãkuma.

23 Ìgũsã irasũ ãrĩkerepuu: "Musãrẽ neõ masĩbiribu. Ñerĩrẽ irirã ããrã musã. Irasirirã yu puoore wirika!" ãrĩgũkoa.

*Jesús pe wii keori merã buedea*  
(Mr 1.22; Lc 6.47-49)

24 'Yũ werenĩrĩrẽ péduripĩgũno, yu dorerire irigũno, õãrõ pémasĩgũ ããrĩmi. Sugu ãtãyegue ãkũãrĩ goberi mãñajãa, wii õãrõ núdi irirosũ ããrĩmi.

25 Puu deko merẽ, dia wáro yura, mirũ buro wẽjẽpukerepuu, iri wii ãkũãrõ núdea wii ããrĩsã, neõ mirũabirikoa.

26 Yũ werenĩrĩrẽ pékeregu, yu dorerire iribi gapu sugu Ìmparogue wii iridi irirosũ ããrĩmi.

27 Puu deko merẽ, dia wáro yura, mirũ buro wẽjẽpumakũ, mata õjẽdija, kõmopereakõãkoa, ãrĩ wereyupu Jesús.

28 Īgũ bue odomakũ, masaka ĩgũ buerire pégukari merã: “Ōãtariro buemi”, ãrĩ gũñañurã.

29 Moisés gojadeare buerimasã irirosũ buebiriyupũ. Sugũ doregũ irirosũ bueyupũ Jesús.

## 8

*Jesús kãmi boagũre taudea*

*(Mr 1.40-45; Lc 5.12-16)*

1 Jesús buúrugue ããrãdi dijarimakũ ããrã, wãrã masaka ĩgũrẽ tũyañurã.

2 Sugũ kãmi boagũ Jesúre ããgũ, ĩgũ pũro ñadukũpuri merã ejamejã, ĩgũrẽ sêrẽyupũ:

—Yũ Opũ, mũ yũ pũrĩrikũrere taudũagũ taumasã, ãrĩyupũ.

3 Īgũ irasũ ãrĩmakũ pégu, Jesús ĩgũya mojõ merã ĩgũrẽ moãñayupũ.

—Mũrẽ taugũra. Kãmi marĩgũ dujaka! ãrĩyupũ.

Īgũ irasũ ãrĩmakũta, kãmi yariakõãyuro.

4 Irasirigũ Jesús ĩgũrẽ ãrĩyupũ:

—Gajerã masakare mũ tariadeare werebirikõãka! Paĩ pũrogue mũrẽ kãmi yariadeare ĩgũrẽ ĩmugũ waaka, ĩgũ mũrẽ: “Kãmi marĩgũ ããrĩmi”, ãrĩburo, ãrĩgũ. Īgũ irasũ ãrãdero pũrũ, Moisés gojadea pũgue sĩdoredeare sĩka! Mũ irire irimakũ ããrã, masaka mũrẽ kãmi yariadeare masĩrãkuma, ãrĩyupũ Jesús ĩgũrẽ.

*Jesús surara opũre moãboegũre taudea*

*(Lc 7.1-10)*

5 Pũrũ Jesús Capernaugue ejamakũ, romano marã surara opũ ĩgũ pũro ejanũgã, ĩgũrẽ iritamurĩ sêrẽyupũ:

6 —Gũa Opũ, yũre moãboegũ bũro pũrĩrikũgũ yaa wiigũe oyami. Bũari merã bũro pũrĩsũgũ iriami, ãrĩyupũ.

7 Jesús ĩgũrẽ ãrĩyupũ:

—Īgũrẽ taugũ waagũra.

8 Surara opũ ĩgũrẽ yũjũyupũ:

—Yũ Opũ, yaa wiire mũrẽ: “Ñãjãrika!” ãrĩ masĩbirikoa. Yũ ubu ããrĩgũ ããrã. Irasirigũ mũ õõgueta doreri merã yũre moãboegũ tarigũkumi.

9 Gajerã oparã yũre dorema. Yũde gajerã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩyupũ.

10 Jesús surara opũ irasũ ãrĩrĩrẽ pégu, pégukakõãyupũ. ĩgũrẽ tũyarãrẽ ãsũ ãrĩyupũ:

—Diayeta musārē werea. Īi surara opu Israel bumu āārībirikeregu, yure bremumi. Īi irirosū yure bremugū neō sugu Israel bumurē bokajabiribu.

11 Musārē werea. Wārā masaka ĩi irirosū yure bremurākuma. Īgūsā āārīperero marā judío masaka āārīmerā āārīkererā, umugasigue Marīpu Īgūyarārē dorerogue eja, marī nekūsamarā Abraham, Isaac, Jacob merā doa, baarākuma.

12 Gajerā judío masaka: “Gua Opu āārīrōgue waamura āārā”, ārīkererū, Īgūsā bremubiri waja Marīpu Īgūsārē naīfīārōgue béodediugukumi. Iroguere pūrīsūrā buro ore, bujawereri merā Īgūsāya guikare kūrīduútūrākuma, ārīyupu Jesús.

13 Irasū ārī odo, surara opure ārīyupu:

—Dujáaka m̄ya wiigue! Mu bremurōsūta waarokoa m̄rē moāboegure, ārīyupu.

Īgū irasū ārīripoeta, Īgūrē moāboegure pūrīrī tariakōāyuro.

*Jesús, Pedro máñekōrē taudea*

*(Mr 1.29-31; Lc 4.38-39)*

14 Puru Jesús Pedroya wiigue waayupu. Iri wiigue ñajāgū, Pedro máñekōrē peyarogue buro nimakurikugo oyagore bokajayupu.

15 Irasirigu igoya mojōrē moāñayupu. Īgū moāñamakūta, nimakuri tariakōāyuro. Iri tarimakū wāgānugā, Īgūsārē baari ejoyupo.

*Jesús wārā pūrīrikurārē taudea*

*(Mr 1.32-34; Lc 4.40-41)*

16 Naīmejāripoe āārīmakū, masaka wārā wātēa ñajāsūnerārē Jesús p̄rogue āījañurā. Īgū werenírī merā wātēa Īgūsāguere ñajānerārē béowiyupu. Irasū āārīmakū, āārīpererā pūrīrikurārē tauyupu.

17 Irire irigu, iripoeguema Marīpuya kerere weredupuyudi Isaías gojaderosūta iriyupu. Āsū ārī gojadi āārīmí: “Marī turabirire, marī sīrīrērē marērē taubosamí”, ārī gojadi āārīmí.

*Gajerā Jesúsre: “M̄rē t̄yad̄akoa”, ārīdea*

*(Lc 9.57-62)*

18 Jesús wārā masaka Īgū p̄ro nerēmakū ĩāgū, Īgū buerārē:

—Náka, ditaru sikoep̄gue taribujarā! ārīyupu.

19 Īgū irasū ārīmakū, sugu Moisés gojadeare buerimasū Jesús p̄ro eja, ārīyupu:

—Buegu, m̄ noó waaró m̄rē t̄yagura, ārīyupu.

20 Jesús Īgūrē yujyupu:

—Makānūu marā diayéa ĩgūsā kārĩrĩ toreri opama. Mirāde ĩgūsā kārĩrõ opama. Yū āārĩpererā tĩgũ gapu kārĩrõ opabea, ārĩyupu.

21 Gajigu ĩgũ buerire tɔyagu ĩgũrē ārĩyupu:

—Yū Opu, yupu boamakū ĩgũrē yáa odo, mure tɔyagura, ārĩyupu.

22 Jesús ĩgũrē yujuyupu:

—Yure tɔyadugau, daporata yu merā aarika! Yure bɔremumerā, boanerā irirosū āārĩrāta boanerārē yáburo, ārĩyupu.

*Jesús mirũ, makũrĩrē toemakũ iridea*

*(Mr 4.35-41; Lc 8.22-25)*

23 Irasũ ārĩ odo, doódirugue ĩgũ buerā merā murrĩñajãyupu.

24 ĩgūsā murrĩñajãa, taribujaripoe ditarure mirũ buro waayuro. Makũrĩ doódirure pãñajãmiũkõãdiyuro. Irasũ waaripoere Jesús gapu kārĩgũ iriyupu.

25 Irasirirā ĩgũrē yobeñurā:

—Gua Opu, guare tauka! Marĩ mirĩmurā yáa, ārĩñurā.

26 ĩgūsā irasũ ārĩmakũ, Jesús yujuyupu:

—¿Nasirirā buro güiri musā? Yure mérõgã bɔremurĩ opáa musā, ārĩyupu.

Irasũ ārĩgũta wãgãnugã: “Mirũ, makũrĩ iropãta, toeaka!” ārĩyupu. ĩgũ irasũ ārĩmakũ, mirũ, makũrĩde toedijapereakõãyuro.

27 ĩgũ irasirimakũ iãgũka, àsũ ārĩ gãme werenĩñurā:

—¿Ñeémuno masakũ āārĩrĩ ñĩ? Mirũ, makũrĩde ĩgũrē tarinugãbea, ārĩñurā.

*Jesús Gadara marārē wãtẽa ñajãnerārē béowiudea*

*(Mr 5.1-20; Lc 8.26-39)*

28 Pũu Jesús ditarure taribuja, Gadara marãya nikũgue ejayupu. Iroque ejamakũ, pērã ũma masãgoberi watopegue āārãnerā ĩgũrē bokatĩñurā. ĩgūsā wãtẽa ñajãsũnerā goerā āārĩñurā. Irasirirā iro waarĩ maarē masaka neõ waabirĩñurā.

29 ĩgũrē bokatĩrĩ, àsũ ārĩ gainĩñurā:

—Jesús, ũmugasigue marā Opu magũ, ¿nasirigu aarigú yári mu gua pũroguere? ¿ĩgũ āārĩpererā ñerārē wajamoārĩnu ejabirikerepũu, guare poyarikumakũ irigu aariri mu? ārĩñurā.

30 ĩgūsā koregue wárã yesea āma baarā iriñurā.

31 Irasirirā wãtẽa Jesúsre àsũ ārĩ sērēñurā:

—Guare béowiugu, sĩĩsã yeseaguere ñajãdoreka! ārĩñurā.

32 —Jáu, ĩgũsārēta ñajãrã waaka! ārĩyupu Jesús.

Īgū irasū āřĩmakū, ĩgūsā pērā ũmaguere āārānerā yeseaguere ñajañurā. Īgūsā ñajāmakūta, yesea dupaturugue ũma mirēbuāa, ditarugue meēbia dijāa, mirĩ boapereakōāñurā.

<sup>33</sup> Irasū waamakū ĩārā, yeseare korerimasā gũkari merā makāgue ũmadujāa, āārĩpereri ĩgūsā ĩādeare, irasū āārĩmakū wātēa ñajāsũnerārē waadeare wereñurā.

<sup>34</sup> Irire pērā, iri makā marā āārĩpererā Jesús purogue waa, ĩgūrē ĩārā, turaro merā ĩgūsāya nikūrē wiridoreñurā.

## 9

### *Jesús dupu buadire taudea*

(Mr 2.1-12; Lc 5.17-26)

<sup>1</sup> Irasirigu Jesús doódirugue mũřĩñajāa, ditarure taribuja, ĩgūya makāgue ejayupu.

<sup>2</sup> Iroguere sugu dupu buadire ĩgū peyaro merā Jesús puro āijañurā. Jesús, ĩgūsā ĩgūrē mũremumakū ĩāgū, dupu buadire āsū āřĩyupu:

—Gũñaturaka! Yu, mũ ñerō irideare kātia, āřĩyupu.

<sup>3</sup> Īgū irasū āřĩmakū pērā, surāyeri Moisés gojadeare buerimasā āsū āřĩ gũñañurā: “Īgū werenĩrĩ merā Marĩpũre ñerō werenĩmi”.

<sup>4</sup> Jesús gapu ĩgūsā gũñarĩrē ĩāmasĩ, āsū āřĩyupu:

—¿Nasirĩrā yũre ñerō gũñarĩ mũsā?

<sup>5</sup> ¿Naāsū āřĩrĩ gapu diasaberi ĩĩ buadire: “Yu, mũ ñerō irideare kātia”, āřĩrĩ, o “Wāgānugā, waaka!” āřĩrĩ gapu diasaberi?

<sup>6</sup> Yu āārĩpererā tĩgū i ũmugue āārĩrārē ĩgūsā ñerō irideare Marĩpũ dorero merā kātimasĩa. Irasirigu ĩĩ buadire taugũra, mũsārē irire masĩdoregu, āřĩyupu. Irasū āřĩ odo, buadire āřĩyupu:

—Wāgānugā, mũ oyaderore āĩ, mũya wiigue waaka! āřĩyupu.

<sup>7</sup> Īgū irasū āřĩmakū pēgu, buadi āārādi wāgānugā, ĩgūya wiigue waakōāyupu.

<sup>8</sup> Masaka, ĩgū irasū waarĩre ĩārā, ĩāgũkakōāñurā. Marĩpũre: “Ōātaria, mũ turari masakũre sĩrĩ”, āřĩ, mũyari sĩñurā.

### *Jesús Mateore siiudea*

(Mr 2.13-17; Lc 5.27-32)

<sup>9</sup> Pũru Jesús iro merā waa, yũre ĩābokami. Yu Mateo\*, romano marā opũre niyeru wajaseabosagu āārĩbũ. Jesús, yũ moārĩ taribugue doagũre ĩā, yũre: “Nāka, yũ merā!” āřĩmi. Īgū irasū āřĩmakū pēgu, wāgānugā, ĩgū merā waakōābu.

<sup>10</sup> Pũru yaa wiigue Jesús ĩgū buerā merā baaripoe wārā niyeru wajaseabosarimasā, gajerā ñerō irirāde baarā ejama.

\* 9:9 Mateo pe wāĩ opayupu. Īgũta Levĩ wāĩkũyupu.



11 Īgūsā merā ĭgū baamakū ĭārā, fariseo bumarā gapu ĭgū buerārē sērēñama:

—¿Nasirigu musārē buegu niyeru wajaseabosarimasā, ñerō irirā merā baari? ārīma.

12 Īgūsā irasū ārīmakū pégu, Jesús ārīmi:

—Pūrīrī marīrā kúririmasūrē āmabema. Pūrīrikurā gapu ĭgūrē āmama.

13 Marīpuya werenírī gojadea pūgue ĭgūsā gojadeare buerā waaka! Āsū ārī gojasūdero āārībú iri pūguere: “Yure buremurā, waimurārē wējē soepeomakū gāamebea. Gajerārē musā bopoñarī merā ĭāmakū gāamea”, ārīmi Marīpu, ārī gojasūdero āārībú. “Ōārā āārā”, ārī gūñarārē siiugu aaribiribu. “Ñerō irirā āārā”, ārī gūñarā direta siiugu aarigú iribu, ĭgūsā ñerō irideare bujawere, gūñarārē gorawayuburo, ārīgū, ārīmi Jesús fariseo bumarārē.

*Jesúre bererimarē sērēñadea*

*(Mr 2.18-22; Lc 5.33-39)*

14 Puru Juan masakare wāiyegu buerire tayarā Jesúre sērēñarā ejama:

—Gua Marīpue buremurā berea. Irasū āārīmakū fariseo bumarāde berema. ¿Nasirirā mu buerā gapu gua irirosū iriberi? ārīma.

15 Jesús ĭgūsārē yujumi:

—Sugu mojōsiadi bosenu irimakū, ĭgū siiuanerā ĭgū merā āārīrā bujawerebirikuma. Puru ĭgūrē gajerā āāmakū, bujawereri merā bererākuma†.

16 Masaka maama suríro gasiro merā buguñerē seretúbirikuma. Irasū seretúmakū, maama gasiro ĭgūsā koeadero puru, tūāneeō, buguñerē wári gobe yeguenemomakū irikoa.

17 Waimurā gasiri merā iridea ajuri bugu ajurigue maama igui dekore diribirikuma. Irasū dirimakū, maama igui deko pāmu, bugu ajuro sēraturabiri ooreakōākoa. Irasiriro igui deko, ajurode kōmokoā. Irasirirā maama igui dekore maama ajurogue diriro gāamea, ārīmi Jesús ĭgūsārē‡.

*Jesús Jairo magōrē, gajego nomeō ĭgūya surírore moāñagōrē taudea*

*(Mr 5.21-43; Lc 8.40-56)*

18 Jesús ĭgūsārē wereripoe judío masaka nerērī wii opu Jesús puro eja, ñadukupuri merā ejamejā, ĭgūrē ārīmi:

—Yu magō daporata kōmoakōāmo. Iгоре muya mojō merā ñapeogu aarika! Irasirimakū, dupaturi okagokumo, ārīmi.

† 9:15 Jesús irire irasū ārīgū: “Yu sugu mojōsiadi bosenu irigu irirosū āārā. Yu buerā, mojōsiadi siiuanerā irirosū āārīma. Irasirirā, purague yu ĭgūsā merā āārībirimakū ĭārā, bujawereri merā bererākuma”, ārīgū irimi. ‡ 9:17 Masaka, iripogue iririkudeama, maama bueri merā buemorēdamakū ĭāgū, Jesús irasū ārīmi.

19 Īgũ irasũ ārĩmakũ pé, Jesús wāgānugā, Īgũ merā waami.  
Gua Īgũ buerāde Īgũ merā waabu.

20 Gua maague waaripoe sugo nomeō Jesús p̄ar̄ar̄u gapu eja,  
Īgũya suríro yuware moñayupo. Igo pe mojōma pere su gubu  
peru p̄er̄ēbejari bojorigora dí wiriri merā p̄ūr̄irikugo āār̄iyupo.

21 Āsũ ārĩ gũñayupo: “Īgũya surírore yu moñarĩ merā dita yu  
p̄ūr̄irikuri tarirokoa”, ārĩ gũñayupo.

22 Igo moñamakũ péña, Jesús gāmenugā, igore ĩā, ārĩmi:

—Gũnaturaka! Mu yure buremurĩ opāa. Irasirigo mu  
p̄ūr̄irikurire tausũa, ārĩmi. Īgũ irasũ ārĩmakũta, p̄ūr̄irĩ marĩgō  
dujamo.

23 P̄uru Jesús Jairoya wiigüe ejami. Irogue ñajājagu, majĩgō  
boadeore yāaburo dupuyuro bayapeorimasārē, gajerā buro  
ore, gainírārē bokaja,

24 Īgūsārē āsũ ārĩmi:

—Wiriaka musā! Majĩgō boabemo. Kārĩgō yāmo.

Īgũ irasũ ārĩmakũ p̄erā, Īgūrē burima.

25 Jesús Īgūsārē wiriadore, boadeo āārĩrĩ taribugüe  
ñajāa, igoya mojōrē ñeāyupu. Īgũ ñeāmakũta masābeja,  
wāgānugāyupo.

26 Masaka āārĩperero iro āārĩrā Jesús iriadea kerere  
p̄epereakōāñurā.

### *Jesús p̄erā koye ĩāmerārē taudea*

27 Jesús iro āārādi wiriamakũ, p̄erā koye ĩāmerā Īgūrē gainĩ  
tuyama:

—David parāmi āārĩturiagu, guare bopoñaka! ārĩma.

28 Jesús, wiigüe ñajāmakũ, koye ĩāmerāde ñajāa, Īgũ p̄arogue  
ejanugāma. Irasirigu Jesús Īgūsārē s̄er̄ēñami:

—¿Yu musārē koye ĩāmakũ irimasĩr̄ir̄ē buremurĩ? ārĩmi.

—Gua Op̄u, buremua, ārĩ yujuma.

29 Īgūsā irasũ ārĩmakũ pégu, Īgūsāya koyere ñapeomi:

—Musā buremurōsũta musārē ĩāmakũ irigura, ārĩmi.

30 Īgũ irasũ ārĩmakũ, Īgūsā oārō ĩākōāma. Irasirigu Jesús  
Īgūsārē ārĩmi:

—Yu musārē taurire gajerārē werebirikōāka! ārĩmi.

31 Īgũ irasũ ārĩkerepuru, āārĩperero iro marārē Jesús Īgūsārē  
iriadeare werewasiripeokōāñurā.

### *Jesús werenĩbire werenĩmakũ iridea*

32 Koye ĩāmerā āārānerā iri wiire wiriaripoeta, gajerā sugu  
werenĩbi wātĩ ñajāsũdire Jesús p̄uro āĩjama.

33 Jesús Īgūrē ĩā, wātĩ Īgũguere ñajādire béowiumi. Īgũ wātĩrē  
béowiumakũta, werenĩbiradi werenĩnugāmi. Īgũ irasirimakũ  
ĩārā, āārĩpererā ĩāguka:

—Marĩ õõ Israel nikūrẽ äsũ iririnorẽ neõ ãäbiribũ, äřĩma.

<sup>34</sup> Fariseo bumarã gapũ Jesũre:

—Ĩĩ, wãtẽa opũ turari merã wãtẽärẽ béowiumi, äřĩ werewũama.

*Jesũs masakare bopoñarĩ merã ããdea*

<sup>35</sup> Jesũs äãřĩpereri makãřĩrẽ judío masaka nerẽrĩ wiirigue masakare buegorenagũ waami. Oãrĩ kerere, Marĩpũ ãgũyarãrẽ doregũ äãřĩřĩmarẽ buenami. Irasũ äãřĩmakũ, pũřĩrikurãrẽ äãřĩpereri gajerosũperi sĩřĩrĩ oparãrẽ taunami.

<sup>36</sup> Masakare ããgũ, bopoñarĩ merã ãgũsãrẽ ããmi. “ãgũsã bujawererã, gũñaturamerã, oveja sugũ ãgũsãrẽ korerimasũ opamerã irirosũ äãřĩma”, äřĩ gũñayupũ.

<sup>37</sup> Irasirigũ äsũ äřĩmi gũare ãgũ buerãrẽ:

—Marĩpũyare neõ pémerã, poeegue oteri dukã buribejadea irirosũ wãrã äãřĩma. ãgũsãrẽ ãgũyare weremurã gapũ iri pooere moãřĩmasã irirosũ mérãgã äãřĩma.

<sup>38</sup> Irasirirã marĩ Opũre iri pooe opũ irirosũ äãřĩgũrẽ: “Gajerã mũyare weremurãrẽ iriuka!” äřĩ sãrẽka! äřĩmi Jesũs gũare.

## 10

*Jesũs pe mojõma pere su gubu peru pãrẽbejarã ãgũ buedoregũ pĩmurãrẽ beyedeã*

(Mr 3.13-19; Lc 6.12-16)

<sup>1</sup> Pũrũ Jesũs gũare pe mojõma pere su gubu peru pãrẽbejarã ãgũ buerã äãřĩmurãrẽ siiu, gũare ãgũ turarire sĩmi, äãřĩpereri pũřĩřĩrẽ tau, wãtẽa masakare ñajãnerãdere béowiuburo, äřĩgũ.

<sup>2</sup> Äsũ wãikurã äãřĩbũ gũã Jesũs beyenerã: Simón wãikugũ äãřĩmi. ãgũrẽta “Pedro” wãiyemi Jesũs. Simón pagũmũ Andrés wãikumi. Gajigũ Santiago äãřĩmi. ãgũ pagũmũ Juan wãikumi. ãgũsã Zebedeo pũrã äãřĩmã.

<sup>3</sup> Gajerã Felipe, Bartolomé, Tomás äãřĩmã. Yũ Mateo, romano marã opũre niyeru wajaseabosarimasũ äãřĩdi äãřĩbũ. Gajigũ Santiago, Alfeo magũ äãřĩmi. Gajigũ Tadeo äãřĩmi. ãgũta Lebeo wãikumi.

<sup>4</sup> Gajigũ Simón, celote wãikuri bumũ äãřĩmi. Gajigũ Judas Iscariote wãikugũ äãřĩmi. ãgũta Jesũre wãjẽdũarãguere ãgũrẽ ãmubu äãřĩmi.

*Jesũs ãgũ buerãrẽ buedoregũ iriudeã*

(Mr 6.7-13; Lc 9.1-6)

<sup>5</sup> Jesũs gũare ãgũ buerã pe mojõma pere su gubu peru pãrẽbejarãrẽ turarire sĩ odo, äsũ äřĩ were iriumi:

—Judío masaka äãřĩmerã pũroguere waabirikõãka! Irasũ äãřĩmakũ, Samaria nikũma makãřĩgũedere waabirikõãka!

6 Israel bumarā Marīpuyare masīmerā, oveja dedirinerā irirosū āārīrā puro gapu waaka!

7 Īgūsārē āsū ārī wererā waaka: “Mérō duyáa, Marīpu ĩgūyarārē doreri ejaburo”, ārīka!

8 Pūrīrikurārē tauka! Boanerārē masūka! Kāmi boarādere tauka! Wātēa masakare űajānerārē béowiuka! Y<sub>u</sub> turarire m<sub>u</sub>sārē wajamarīrō sīa. Irasirirā, y<sub>u</sub> m<sub>u</sub>sārē wajamarīrō sīrōsūta wajamarīrō ĩgūsārē tauka!

9 Waarā, neō niyeru oro, plata, cobrere,

10 m<sub>u</sub>sāya aju āīabirikōāka! Surí, sapatu m<sub>u</sub>sā sāñarī merā dita waaka! Tuariyukure āīabirikōāka! Moārīmasā ĩgūsā moārī waja merā wajata baama. Irasirirā m<sub>u</sub>sā masakare bueri waja baari m<sub>u</sub>sārē sīrākuma.

11 Makārē ejarā, iri makā marā: “Īīta oārō irigu āārīmi”, ĩgūsā ārīgū puro dujaka! M<sub>u</sub>sā iro āārīrōpā ĩgūya wiire āārīka! Waarāgue iri wiire wirika!

12 Iri wiire űajārā, wii marārē: “Marīpu m<sub>u</sub>sārē siuñajārī sīburo”, ārī oādoreka!

13 M<sub>u</sub>sārē oārō bokatīrīñeāmakū, ĩgūsārē: “Marīpu siuñajārī sīrī merā oārō āārīrikuka!” ārīka! M<sub>u</sub>sārē gāāmemerā, i siuñajārī merā āārībirikuma.

14 M<sub>u</sub>sārē ĩgūsā ñeābirimakū, m<sub>u</sub>sā buerire péduabirimakū ĩārā, ĩgūsāya wiire, o ĩgūsāya makārē wiriarā, nikūwera m<sub>u</sub>sāya guburigue tuadeare mojēbéoka, ĩgūsārē wajamoāburire ĩmurā!

15 Diayeta m<sub>u</sub>sārē werea. Marīpu āārīpererā ñerārē wajamoārīnu ejamakū Sodoma, Gomorra marārē wajamoārō nemorō m<sub>u</sub>sārē gāāmemerārē wajamoāgukumi.

### *Jesúre buremurārē gajerā ñerō iriburire werede*

16 Y<sub>u</sub>re oārō péka! Ovejare makānúu marā diayéa guarā watopegue iriurosū ñerā masaka watopegue m<sub>u</sub>sārē iriua. Irasirirā oārō pémasīka! ĩgūsā watopegue ñerō iriro marīrō āārīrikuka!

17 Pémasīka! Masaka m<sub>u</sub>sārē ĩgūsā oparārē wiarākuma, m<sub>u</sub>sārē wajamoādorera. Judío masaka ĩgūsā nererī wīriguedere m<sub>u</sub>sārē tārārākuma.

18 Irasū āārīmakū, m<sub>u</sub>sā yure buremurī waja, ĩgūsāya makārī marā oparā p<sub>u</sub>rogue, ĩgūsāya nikū marā oparā p<sub>u</sub>rogue āīārākuma m<sub>u</sub>sārē wajamoādozemurā. Irasirirā m<sub>u</sub>sārē irogue āīāmakū, oparārē, judío masaka āārīmerādere yaa kerere wererākoa m<sub>u</sub>sā.

19 M<sub>u</sub>sārē oparā p<sub>u</sub>rogue āīāmakū: “¿Naāsū ārīrākuri ĩgūsārē?” ārī gūñarikubirikōāka! Oparā m<sub>u</sub>sārē sērēñamakū, Marīpu gūñarī sīrī merā wererākoa.

20 Irasirirā m<sub>u</sub>sā gūñarī merā werebirikoa. Marīpu, Ōāgū deyomarīgū merā m<sub>u</sub>sārē masīrī sīrī merā werenīrākoa.

21 'Iripoere masaka, ĩgūsāyarā yare buremumakū ĩārā, ĩgūsārē oparāguere wējēdorerā wiarākuma. Pagūsāmarā ĩgūsā pūrārē oparāguere wējēdorerā wiarākuma. Gajerā, ĩgūsā pagūsāmarārē ĩāturi, oparāguere wējēdorerā wiarākuma.

22 Irasirirā masaka āārīperero i ũm̩ marā yare mūsā buremurī waja mūsārē ĩāturi doorākuma. Marīp̩ gap̩ yare piriro marīrō buremugūrē taugakumi.

23 Su makā marā mūsārē ñerō irimakū, gaji makāgue duriwāgāka! Diayeta mūsārē werea. Āārīpereri Israel nikūma makārīrē mūsā buegorena odoburo dupuyuro, yu āārīpererā tīgū Marīp̩ iriudi i ũm̩gue dupaturi aarig̩koa doja.

24 'Neō sug̩ bueg̩, ĩgūrē bueg̩ nemorō āārībemi. Moāboerimasūde ĩgū op̩ nemorō āārībemi.

25 Sug̩ bueg̩ ĩgūrē buedi irirosū dujad̩amakū ōāgorāa. Moāboerimasūde ĩgū op̩ irirosū dujad̩amakū ōāgorāa. Masaka yare mūsā Op̩re: “Ī Beelzebú, wātēa op̩ āārīmi”, ārīrā, mūsā yaarādere ñerō ārī werenírākuma.

*Jesús: “¿Noārē güiri merā buremurō gāāmeri?” ārī weredea (Lc 12.2-7)*

26 'Irasirirā mūsārē ñerō iriduarārē güibirikōāka! Āārīpereri gajerā ĩāberogue irideare, durirogue irideadere p̩r̩gue masīsūrokoa.

27 Yu mūsārē masaka péberogue weredeare ĩgūsā pérogue wereka! Yu mūsārē gajerā ĩāberogue werenídeare makā dekogue buro busuro merā wereka!

28 Mūsārē wējērā mūsāya dup̩ direta boamakū irirākuma. Mūsāya yuj̩pūrārī gap̩re boamakū irimasībirikuma. Irasirirā güibirikōāka! Marīp̩ gap̩re güika! ĩgū gap̩ mūsāya dup̩, mūsāya yuj̩pūrārīrē peamegue béomasīmi. Irasirirā ĩgūrē güiri merā buremuka!

29 'Masaka pērā mirā wajarirā, su niyeru tigā, mérōgā wajakuri tigārē sīkuma. ĩgūsā mérōgā wajakukerep̩r̩, Marīp̩ gap̩ ĩgūsārē ōārō koremi. ĩgūsārē: “Boaburo”, ārībirikerep̩r̩, neō sug̩gā yebague yuridija, boabemi.

30 Marīp̩ āārīpereri mūsā āārīrikurire masīgū, mūsāya poarire: “Irikū āārā”, ārī masīpeokōāmi.

31 Irasirirā güibirikōāka! Mūsā, mirā nemorō wajakua. Irasirig̩ Marīp̩ mirārē korero nemorō mūsārē koreg̩kumi.

*Jesús: “Masakare yare buremurīrē wereka!” ārīdea (Lc 12.8-9)*

32 'Sug̩, masaka péuro: “Jesúyag̩ āārā”, ārī weremakū, yude Yur̩ ũm̩gasigue āārīgú péuro ĩgūrē: “Yaag̩ āārīmi ĩ”, ārī wēreg̩ra.

33 Sugu yure masikeregu, masaka péuro: “Ígūrē masībea”, āri weremakū, yude Yuru ūmugasigue āārīgú péuro: “Yude ígūrē masībea”, āri weregura, ārimi Jesús.

*Jesús: “Masakare gāme dukawarirākuma”, āri werede*  
(Lc 12.51-53; 14.26-27)

34 Irasū āri odo, masakare āsū werenemomi:

–Musā yure: “Ígū i ūmugwere aarigú, masakare siuñajārī merā āārīmakū irigu aarimí”, āri gūñabirikōāka! Irasirigu aarigú meta iribu. Yu ejarita, masakare ígūsā basi gāme dukawarimakū yāa. Irasirirā surāyeri yure b̄remurākuma. Gajerā yure b̄remumerā gapu ígūsārē iāturirākuma.

35 Sugu yure b̄remurī waja, ígū magū ígūrē iāturigukumi. Sugo yure b̄remurī waja, igo magō igore iāturigokumo. Sugo máñekō yure b̄remurī waja, igo bepo igore iāturigokumo.

36 Irasirirā su wii marā ígūsāyagu yure b̄remumakū iārā, ígūrē iāturirākuma.

37 'Sugu yure maĩrō nemorō ígū pagūsāmarā gapure maĩtarinugāgū, yaagu āārīmasībirikumi. Yure maĩrō nemorō ígū pūrā gapure maĩtarinugāgūde, yaagu āārīmasībirikumi.

38 Sugu yure t̄yaduari waja curusague pábiatú wējēsūbu irirosū āārīkeregu, neō p̄iuro marĩrō yure t̄yaníkōāburo. Yure t̄yaduabi, yaagu āārīmasībirikumi.

39 Sugu i ūmugue ígū okarire maĩgū, peamegue b̄eosūgukumi. Gajigu yure t̄yari waja gajerā ígūrē wējēkerepuru, Marĩpu gapu ígūrē taugukumi, ígū p̄roque ígū merā āārīburo, ārīgū.

*Jesús marī ūmugasigue wajataburire werede*  
(Mr 9.41)

40 'Sugu musārē yaarārē oārō bokatĩrĩñeāgū, yudere bokatĩrĩñeāmi. Yure bokatĩrĩñeāgū, yure iriudidere bokatĩrĩñeāgukumi.

41 Marĩpu ígūya kerere weregure oārī wajatamakū irigukumi. Sugu Marĩpuya kerere weregu āārĩrĩrē iāmasī, ígūrē oārō bokatĩrĩñeāgū, ígū irirosū oārī wajatagukumi. Sugu gajigu ígū oāgū āārĩrĩrē iāmasī, ígūrē oārō bokatĩrĩñeāgū, ígū irirosū ígūde oārī wajatagukumi.

42 Sugu ubu āārīgú yure t̄yagure gajigu ígūrē iritamudugau deko yusari tiāmakū iāgū, Marĩpu ígūdere oārō irigukumi, āri weremi Jesús.

## 11

*Juan masakare wāiyerimasū ígū buerire t̄yarārē Jesús p̄uro iriudea*  
(Lc 1.17; 7.18-35)

<sup>1</sup> Jesús guare pe mojōma pere su gubu peru pērēbejarā ĩgũ buerārē irasũ ārādero pũũ, Galilea nikũgue āārĩĩ makārĩ marārē buegorenagũ waakōāmi.

<sup>2</sup> Juan masakare wāiyerimasũ peresugue āārĩyupũ. Irogue āārĩgũ, Cristo iriri kerere pégu, ĩgũ buerire tũyarārē Jesũre āsũ ārĩ sērēñarā waaka:

<sup>3</sup> —“¿Mũta āārĩĩ, Cristo masakare taugũ aaribu iriayupũ, ĩgũsā ārĩdi, o gajĩgure yũrākuri gu?” ārĩ sērēñarā waaka! ārĩ iriuyupũ.

<sup>4</sup> Irasirirā, Jesús pũrogue ejarā, Juan sērēñadoredeare ĩgũrē sērēñama. Jesús ĩgũsārē yũjũmi:

—Musā périre, musā ĩārĩrē Juārē wererā waaka!

<sup>5</sup> Koye ĩābiranerā ōārō ĩāma. Waamasĩbiranerā waamasĩakōāma. Kāmi boanerā yaripereakōāsũama. Gānipũ pébiranerā péakōāma. Boanerāde masākōāma. Boporā, Marĩpũ masakare tauri kerere weremakũ péma.

<sup>6</sup> “Yũre bũremurĩrē piribi, ɁɁyari opagũkumi”, ārĩ wererā waaka Juārē! ārĩmi Jesús.

<sup>7</sup> ĩgũsā waadero pũũ, Jesús Juāyamarē masakare āsũ ārĩ werenugāmi:

—Musā masaka marĩrōgue Juārē ĩārā waarā, gũigure gũĩnaturabire ĩārā waarā meta irikuyo. ĩgũ turabi, mirũ táborere wējēpubéorosũ āārĩbemi.

<sup>8</sup> Irasũ āārĩmakũ, musā ĩgũrē irogue ĩārā waarā, ōārĩ suri sãñagũrē ĩārā waarā meta irikuyo. Ōārĩ suri sãñarāno oparāya wiirigue āārĩkuma. Juan ĩgũsā irirosũ āārĩbemi.

<sup>9</sup> Musā irogue ĩgũrē ĩārā waarā, Marĩpũya kerere weredupuyurimasũrē ĩārā waarā iriyo. Musārē werea. Diayeta Juan Marĩpũya kerere weredupuyunerā nemorō āārĩmi.

<sup>10</sup> Marĩpũya werenĩrĩ gojadea pũgue gojasũdero āārĩbũ Juan iriburire. Irasirigũ Marĩpũ ĩgũ magũrē āsũ ārĩdi āārĩmi:

Mũ waaburo dupuyuro yaa kerere weredupuyurimasũrē iriugũra mũ waaburore āmuyudoregũ, ārĩ gojasũdero āārĩbũ.\*

<sup>11</sup> Musārē diayeta werea. Juan aariburi dupuyuro neō sugũ ĩgũ nemorō yaamarē masĩgũ marĩdi āārĩmi. Irasũ āārĩkererũ, sugũ Marĩpũ Ɂmũgasigue āārĩgũyagũ gapũ Juan nemorō yaamarē masĩgũ āārĩgũkumi. Āārĩpererā nemorō ubu āārĩgũ āārĩkeregũ, masĩgũ āārĩgũkumi.

<sup>12</sup> Juan masakare wāiyedi buenugādeapeogueta, daporaguedere masaka Ɂmũgasigue Marĩpũ ĩgũyarārē dorerogue ñajādũarārē bũro ñerō tarimakũ yāma. ĩgũsā turari merā ĩgũsārē peremakũ iridũarā iriadima.

\* 11:10 Mal 3.1

13 Juan aariburo dupuyuro ããrĩpererã Marĩpũya kerere weredupuyunerã ĩgũsã gojadea merã, Moisés gojadea merã Marĩpũ ĩgũyarãrẽ doreri kerere werenerã ããrĩmá.

14 Iripoegue Marĩpũ ĩgũya gojadea pũgue: “Yaa kerere weredupuyurimasũrẽ Elías irirosũ ããrĩbure iriugũra”, ãrĩdi ããrĩmĩ. Juan irasũ ãrĩsũdita ããrĩmĩ. Irire bũremurõ gããmea.

15 Gãmpĩrĩ opará, yũ wererire õãrõ péka!

16 “Masaka datora marã, ¿ñeémarãno irirosũ ããrĩrĩ? Majĩrã makã dekogue ĩgũsã merãmarã merã bira gainĩ doanĩrã irirosũ ããrĩma. ãsũ ãrĩ gainĩma:

17 “Gũa tẽrẽdiru purimakũ, bayabirabũ. Bũjawereri merã gũa bayamakũ, orebirabũ”, ãrĩma.

18 Juan masakare wãiyerimasũ pã baabiri, igui deko pãmudeare iirĩbirimi. ĩgũ irasirimakũ ĩãrã: “Wãtĩ ñajãsũdi ããrĩmĩ ĩĩ”, ãrĩbũ musã ĩgũrẽ.

19 Pũrũ yũ ããrĩpererã tĩgũ baa, iirĩmakũ ĩãrã: “Baapagu, iirĩpagũ ããrĩmĩ”, ãrĩbũ. “Romano marã opũre niyeru wajaseabosarimasã merãmũ, ñerõ irirã merãmũ ããrĩmĩ”, ãrĩbũ musã yũre. Musã gũare\* bũremubirikererã, gũa iririre ĩãrã: “Marĩpũ ĩgũsãrẽ masĩrĩ sĩmi”, ãrĩ masĩbokoa, ãrĩmi Jesús.

*Jesús makãrĩ marãrẽ ĩgũsã ĩgũrẽ bũremubirire weredeá  
(Lc 10.13-15)*

20 Pũrũ Jesús iroma makãrĩ marãrẽ turimi. ĩgũsã wãri ĩgũ Marĩpũ turari merã iririre iri ĩmumakũ ĩãkererã, ĩgũsã ñerõ iririre bũjawerebiri, neõ piribirima. Irasirigu ĩgũsãrẽ ãsũ ãrĩmĩ:

21 —Musã Corazín marã, Betsaida marãde ñerõ tarirãkoa. Iripoegue marã Tiro, Sidón marã, musã ĩũrõ Marĩpũ ĩgũ turari merã iri ĩmurõsũ iri ĩmumakũ ĩãrã, ĩgũsã ñerõ irideare piri-bonerã ããrĩmá. ĩgũsã ñerõ irideare bũro bũjawererire ĩmurã, bũjawereri surĩ sãña, nitĩrẽ dipuru weka mawasiripeobonerã ããrĩmá. Musã gapũ Marĩpũ turari merã yũ iri ĩmurĩrẽ ĩãkererã, musã ñerõ iririre neõ piribea.

22 Irasirigu musãrẽ werea. Marĩpũ ããrĩpererã ñerãrẽ ĩgũ wajamoãrĩnũ ejamakũ, Tiro, Sidón marãrẽ wajamoãrõ nemorõ musãrẽ wajamoãgukumi.

23 Musã Capernaum marãde: “Ëmũgasigue mũrĩãrãkoa”, ãrĩ gũñadãa. Iroguere neõ waabirikoã. Boanerã ããrĩrõgue bẽodijusũrãkoa. Sodoma marãrẽ yũ musãrẽ Marĩpũ ĩgũ turari merã iri ĩmuderosũta iri ĩmumakũ, iri makã daporadere ããrĩbokoa dapa.

24 Irasirigu musãrẽ werea. Marĩpũ ããrĩpererã ñerãrẽ ĩgũ wajamoãrĩnũ ejamakũ, Sodoma marãrẽ wajamoãrõ nemorõ

\* 11:19 Jesús: “gũare”, irasũ ãrĩgũ: “ĩgũ basi iririre, Juan irideare”, ãrĩgũ irimi.



mũsã gapure wajamoãgakumi, mũsã ñerõ iririre piribiri waja, ãrĩmi Jesũs.

*Jesũs: “Yũ pũrogue siuñajãrã aarika!” ãrĩdea  
(Lc 10.21-22)*

<sup>25</sup> Iripoere Jesũs ĩgũ Pagure ãsũ ãrĩmi:

—Aũ, yũ mũrẽ: “Õãtaria mũ”, ãrĩ, usũyari sĩa. Mũ ãmũgasi marã, i nikũ marã Opũ ããrã. Irasirigu: “Masĩtarinũgãrã, ããrĩpererire pẽmasĩa”, ãrĩ gũñarãrẽ mũyare masĩmakũ iribeã. Majĩrã irirosũ mũrẽ buremurã gapure mũyare masĩmakũ yãã.

<sup>26</sup> Aũ, irasũta ããrã. Mũ gããmederosũta usũyari merã irasũ yãã, ãrĩmi Jesũs ĩgũ Pagure.

<sup>27</sup> Pũũ masakare ãsũ ãrĩ werenemomi:

—Yũpũ yũre ããrĩpereri irimasĩrĩrẽ sĩmi. Neõ sugũ masakũ yũ ããrĩrikũrere masĩbemi. Yũpũ dita yũre masĩmi. Neõ sugũ masakũ Yũpũ ããrĩrikũrere masĩbemi. Yũ dita ĩgũrẽ masĩa. Yũ ĩgũrẽ masĩdorerãde ĩgũrẽ masĩma.

<sup>28</sup> Mũsã Marĩpũre tũyadũarã nukũrĩ ũũma õẽrã irirosũ ããrĩrã yũ pũro aarika! Yũ mũsãrẽ siuñajãrĩ sĩgũra.

<sup>29</sup> Mũsã yũ iridoreri gapure irika! Yũ iririkũrere masĩka! Yũ mũsãrẽ bopoñarĩ merã iã, iritamugũ ããrã. Irasirirã yũ iridorerire irirã, yũ merã õãrõ siuñajãrĩ bokarãkoa.

<sup>30</sup> Yũ iritamurõ merã yaare mũsã irimakũ diasabeã. Irasirirã yũ dorerire irirã, nukũbiri kãrãwũrĩrere ũũmarõsũ ããrĩrãkoa, ãrĩmi Jesũs.

## 12

*Siuñajãrĩnũ ããrĩmakũ, Jesũs buerã trigo yerire tũrĩdea  
(Mr 2.23-28; Lc 6.1-5)*

<sup>1</sup> Iripoere judio masaka siuñajãrĩnũ ããrĩmakũ, Jesũs trigo ot-  
edero watope waamakũ, gũã ĩgũ buerã uaboasĩa, trigo yerire  
tũrĩ koro baabu\*.

<sup>2</sup> Gũã irasirimakũ iãrã, fariseo bumarã Jesũre ãsũ ãrĩma:

—Ĩãka! ¿Nasirirã siuñajãrĩnũrẽ moãdorebirikerepũũ, mũ  
buerã irasũ yãri? ãrĩma.

<sup>3</sup> Jesũs ĩgũsãrẽ ãrĩmi:

—¿Iripoeguemu David, ĩgũ merãmarã merã uaboagu, ĩgũ iri-  
deare mũsã buebiriri?

<sup>4</sup> ĩgũ merãmarã merã Marĩpũya wiigũ ñajãã, Marĩpũ ĩũrõ  
peyari pã duparure baadi ããrĩmĩ. Marĩpũ paia ããrĩmerãrẽ:  
“Iri pã duparure baabirikõãka!” ãrĩdi ããrĩmĩ. David gapũ paĩ  
ããrĩbirikeregũ, irire baagu, Marĩpũ ĩũrõ ĩgũ dorerire tarinũgãgũ  
meta iridi ããrĩmĩ.

\* **12:1** Deuteronomio 23.25: Moisés gojadea pũgue ãsũ ãrĩ gojasũdero ããrĩbũ: “Sugũ masakũ gajigũya pooegue waagũ, ĩgũya mojõrĩ merã trigo yerire tũrĩ koro baaburo. Wiirimajĩ merã diti ããbirikõãburo”, ãrĩ gojasũdero ããrĩbũ.

<sup>5</sup> Paía Marĩpuya wiigwe moärã, siuñajãrĩnũrĩrẽ siuñajãbema. Siuñajãbirikererã, Marĩpũ dorerire tarinũgãbema. ¿Irire buibiriri musã, Marĩpũ Moisére doreri pídea pũguere?

<sup>6</sup> Musãrẽ werea. Marĩpuya wiire bũremurõ nemorõ yũ gapũre bũremurõ gããmea.

<sup>7</sup> Marĩpũ ìgũya werenĩrĩ gojadea pũgue àsũ ãrĩdi ããrĩmĩ: “Yũre bũremurã waimũrãrẽ wẽjẽ soepeomakũ gããmebea. Gajerãrẽ musã bopoñarĩ merã ìãmakũ gããmea”, ãrĩdi ããrĩmĩ. Musã irire pémasĩrã yũ buerã ñerõ iribirikerepũ, ìgũsãrẽ: “Ñerõ yáma”, ãrĩbiribokoa.

<sup>8</sup> Yũ ããrĩpererã tĩgũ ããrĩsĩã, siuñajãrĩnũrẽ masaka gajino ìgũsã iriburire doremasĩã, ãrĩmi Jesús.

*Jesús mojõ díwewedire taudea*

*(Mr 3.1-6; Lc 6.6-11)*

<sup>9</sup> Irasũ ãrĩ odo, waa, judío masaka nerẽrĩ wiigwe ñajãmi.

<sup>10</sup> Iro sugũ masakũ mojõ díwewedi ããrĩmĩ. Irasirirã fariseo bumarã Jesúre: “Ñerõ yámi”, ãrĩ weresãduarã, ìgũrẽ sërẽñama: —¿Siuñajãrĩnũ ããrĩmakũ, sugũ pũrĩrikũgũre taudoreri ããrĩrĩ? ãrĩma.

<sup>11</sup> Jesús yũjũmi ìgũsãrẽ:

—Siuñajãrĩnũ ããrĩkerepũ, musãyagũ oveja gobegwe meñajãmakũ ìãrã, ìgũrẽ ãi wiukõãkoa.

<sup>12</sup> Marĩpũ sugũ masakũre, oveja nemorõ maĩtarinũgãmi. Irasirirã siuñajãrĩnũrẽ masakare õãrõ irirã, Moisés doredeare tarinũgãrã meta yáa, ãrĩmi.

<sup>13</sup> Irasũ ãrĩ odo, mojõ díwewedire ãrĩmi:

—Muya mojõrẽ soeoka!

Ìgũya mojõrẽ soeomakũta, gaji mojõ irirosũ õãrĩ mojõ dujabũ.

<sup>14</sup> Ìgũ irasirimakũ ìãrã, fariseo bumarã gua wiria: “¿Nasirisĩã, marĩ Jesúre wẽjẽrãkuri?” ãrĩ gãme werenĩñurã.

*Iripoeguemu Marĩpuya kerere weredupuyudi Jesús ìgũ iriburire gojadea*

<sup>15</sup> Jesús ìgũsã ìgũrẽ wẽjẽduarire masĩ, waakõãmi. Ìgũ waamakũ, wãrã masaka ìgũrẽ tuyama. Irasirigũ ããrĩpererã pũrĩrikũrãrẽ taumi.

<sup>16</sup> Ìgũsãrẽ taugũ: “Yaamarẽ gajerãrẽ werebirikõãka!” ãrĩmi.

<sup>17</sup> Jesús irasirigũ, Marĩpuya kerere weredupuyudi Isaías gojaderosũta irimi. Àsũ ãrĩ gojadi ããrĩmĩ:

<sup>18</sup> Àsũ ãrĩmi Marĩpũ: “Ìĩ yũre moãboegu, yũ beyedi, yũ maĩgũ ããrĩmi. Ìgũ merã usũyáa. Õãgũ deyomarĩgũrẽ ìgũrẽ sĩgũra. Irasirigũ yũ turari merã ããrĩpererã masakare diayema iririre weregũkumi.

- 19 Īgū guaseo, gainíbirikumi. Īgū makā dekogue buro gainígorenamakū neō pébirikuma.
- 20 Turamerārē bopoñarī merā iā, iritamugukumi. Irasirigu, ĩgūsā miūmerēñu biu peaboadiñu irirosū āārīmakū iāgū, peabéogu irirosū ĩgūsārē iribirikumi.
- Bujawererārē gūñaturamakū irigukumi. Irasirigu, ĩgūsā sīāgodiru yauboadiru irirosū āārīmakū iāgū, yaubéogu irirosū ĩgūsārē iribirikumi. Īgū Opū ñajāburi dupuyuro ĩgūsārē irasirigukumi. Īgū Opū ñajādero pūgū, masakare diayema iririre irimakū irigukumi.
- 21 Irasirirā āārīperero marā ĩgū doreburire ɥshyari merā yūrākuma”, ārīmi, ārī gojadi āārīmī Isaías.\*

*Jesúre: “Wātī turari opami”, ārī werewɥadea  
(Mr 3.19-30; Lc 11.14-23; 12.10)*

22 Pūgū masaka wātī ñajāsūdire Jesúre taudorerā āījama. Īgū wātī ñajāsūdi: wereníbi, koye iābi āārīmī. Īgūsā āījamakū iā, Jesús ĩgūrē taumi. Īgū irasirimakū, oārō iā, wereními.

23 Āārīpererā masaka, ĩgū tarimakū iāguka, āsū ārī gāme sērēñama:

—Īī David parāmi āārīturiagu masakare taubu meta āārīkuri? ārīma.

24 Īgūsā irasū ārīmakū pérā, fariseo bumarā gapū āsū ārīma:

—Īī wātēa opū Beelzebú turari merā wātēārē béowiumi, ārīma.

25 Jesús ĩgūsā gūñarīrē masīsīā, ĩgūsārē āsū ārīmi:

—Su nikū marā ĩgūsā basi dukawari gāmekēārā, pereakōākuma. Su makā marā, o su wii marā ĩgūsā basi dukawari gāmekēārā, pereakōākuma.

26 Irasūta wātēa opū ĩgūyarā wātēārē béowiugu, ĩgū ba-sita ĩgūyarārē dukawari pereakōāmakū iribokumi. Irasirigu, ĳnoārē dorenemobokuri?

27 Mūsā yūre: “Wātēa opū Beelzebú turari merā wātēārē béowiumi”, ārī werewɥáa. Mūsā buerire tūyarā gapū wātēārē béowiurā, ĳnoā turari merā béowiukuri? Mūsā ĩgūsārē: “Marīpū turari merā wātēārē béowiuma”, ārā. Irasiro mūsā yūre werewɥari diaye āārībea.

28 Yū Ōāgū deyomarīgū turari merā wātēārē béowiua. Irasiro Marīpū ĩgūyarārē doreri mūsā pūroguere ejasiáa, ārī masīsūa.

29 Īrīre keori merā mūsārē werenemogura. Neō sugū masakū, turaguya wiire ĩgūrē siapūroribirikeregū, ĩgū oparire ēmagū ñajāmasībirikumi. Īgūrē siadero pūrgue merē ĩgūyare ēmamasīkumi, ārīmi†.

\* 12:21 Is 42.1-4 † 12:29 Jesús: “Wātī nemorō turagu āārā”, ārīgū, irasū ārīmi.

30 Irasũ arĩ odo, asũ arĩnemomi:

—Yure gãamemerã, yure iãturirã aãrĩma. Masakare yure siiu neeõtamumerã, igũsarẽ waawasirimakũ irirã aãrĩma.

31 Musãrẽ diayeta werea. Marĩpu aãrĩpereri masaka ñerõ iririre, ñerõ arĩ werenírdere kãtimasĩmi. Oãgũ deyomarĩgũrẽ igũsã ñerõ arĩ werenímakũ tamerãrẽ neõ kãtibirikumi.

32 Yu aãrĩpererã tĩgũrẽ igũsã ñerõ arĩ werenímakũ, Marĩpu irire kãtimasĩmi. Oãgũ deyomarĩgũ gapure igũsã ñerõ arĩ werenímakũ, irire neõ kãtibirikumi. Dapora, i umu peredero puruguedere igũsã irasũ arĩdeare neõ kãtibirikumi, arĩmi Jesús.

*Yukure irigu dukaka merã iãmasĩsũa, arĩ weredea*  
(Lc 6.43-45)

33 Irasũ arĩ odo, Jesús gaji keori merã buenemomi:

—Õadi yukũ õarĩrẽ dukakua. Nedi yukũ ñerĩrẽ dukakua. Yukure irigu dukaka merã iãmasĩsũa‡.

34 Musã aña irirosũ ñerã aãrã. Musã ñerã aãrĩsĩã, õarĩrẽ werenímasĩbea. Marĩ gũñarõsũta marĩ werenírĩ wirikõãa.

35 Oãgũ õarĩ gũñarĩ opami. Irasirigu õarĩrẽ wereními. Ñegũ ñerĩ gũñarĩ opami. Irasirigu ñerĩrẽ wereními.

36 Musãrẽ werea. Marĩpu aãrĩpererã ñerãrẽ wajamoãrĩnu ejamakũ, aãrĩpereri masaka noó gãamerõ werenímoãmadeare igũsarẽ masĩmakũ irigukumi.

37 Musã õarõ werenídea waja Marĩpu musãrẽ: “Waja opabema”, arĩgukumi. Musã ñerõ werenídea waja musãrẽ: “Waja opama”, arĩgukumi, arĩmi Jesús fariseo bumarãrẽ.

*Masaka ñerã Jesúre Marĩpu turari merã iri ñmudoredea*  
(Mr 8.12; Lc 11.29-32)

38 Puru surãyeri fariseo bumarã, Moisés gojadeare buerimasã igũrẽ arĩma:

—Buegu, Marĩpu turari merã guare iri ñmuka! arĩma. “Igũ irire irimasĩbi, Marĩpu iriudi meta aãrĩmi”, arĩduarã irasũ arĩñurã.

39 Jesús yujumi:

—Musã dapora marã masaka ñerã, Marĩpugẽ gãamemerã aãrã. Musã yure Marĩpu turari merã gajino iri ñmudorea. Musã irasiridorekererũ, Marĩpuya kerere weredupuyudi Jonás iridea direta weregura.

40 Jonás urenu, ure ñami waaí wãguya paru poekague aãrĩderosũta yude aãrĩpererã tĩgũ urenu, ure ñami yeba poekague aãrĩgukoa.

‡ 12:33 Jesús: “Yukure irigu dukaka merã iãmasĩsũa”, arĩgũ: “Marĩ, gajerã werenírĩrẽ pérã, igũsã aãrĩrikurire masĩa”, arĩgũ irimi.

41 Iripoegue Nínive marā Jonás Marĩpuya kerere were-makū pērā, ĩgūsā ñerō irideare bujawere, ĩgūsā gũñarĩrē gor-awayunerā āārĩmá. Dapora yu Jonás nemorō masĩgũ õõgue musā merā āārā. Yu Marĩpuya kerere werererepuru, musā ñerō iririkurire bujawerebea. Irasirirā, Marĩpu āārĩpererā ñerārē wajamoārĩnu ejamakū, Nínive marā musā dapora marārē: “Ñegorabu”, ārĩrākuma.

42 Marĩpu āārĩpererā ñerārē wajamoārĩnu ejamakū, sugo iripoeguemo Sabá nikū marā opo musā dapora marārē: “Ñegorabu”, ārĩgokumo. Yoaromogue āārĩkeregō, õõgue i nikũgue aarideo āārĩmó, marĩ ñekūsāmarā opu Salomón wári masĩrĩ merā wererire pégo aarigó. Dapora yu Salomón nemorō masĩgũ õõgue musā merā āārā. Yu musā merā āārĩkerepuru, musā gapu yu wererire péduabea, ārĩmi Jesús.

*Jesús, wātĩ dupaturi masakuguerē ñajārĩmarē weredea  
(Lc 11.24-26)*

43 Irasũ ārĩ odo, keori merā werenemomi doja:

—Wātĩ masakuguerē āārādi wiri, puru deko marĩrõgue ĩgũ siuñajāburōre āmagorenagũ waakumi.

44 Irore bokabi, āsũ ārĩ gũñakumi: “Yu wiridi, yaa wii irirosũ āārĩmĩ. Dupaturi yu wiridiguereta goeñajāgura doja”, ārĩ gũñakumi. Irasirigu ĩgũguere dupaturi goeñajāgũ, gajino marĩrĩ wii, õārō āmu, ooaweadea wiire irirosũ bokajakumi.

45 Irasirigu gajerā wātēa su mojóma pere gaji mojó peru pērēbejarā ĩgũ nemorō ñerārē siuu, ĩgūsā āārĩpererā merā masakuguerē āārĩnĩkõākumi. Irasirigu masakũ ĩgũ dupuyuro āārĩrikũdero nemorō ñerō āārĩkumi. Dapora marā Marĩpũre gāāmemerā, yure péduamerā irasũta ñerō waarākuma, ārĩmi Jesús.

*Jesús pago ĩgũ pagupũrā merā ĩgũrē ĩāgõ ejadea  
(Mr 3.31-35; Lc 8.19-21)*

46 Jesús masakare wereripoe ĩgũ pago, ĩgũ pagupũrā merā ĩgũ āārĩrĩ wii disipũro ejayupo ĩgũ merā werenĩduago.

47 Sugũ igore ĩā, Jesũre weremi:

—Mũpo, mu pagupũrā disipũro níama, mu merā werenĩduarā, ārĩmi.

48 ĩgũ irasũ ārĩmakū pégu, Jesús ĩgũrē ārĩmi:

—¿Noā āārĩrĩ yũpo, yu pagupũrā? ārĩmi.

49 Irasũ ārĩgũ, gũare ĩgũ buerārē soepu, āsũ ārĩmi:

—Ĩsā, yũpo, yu pagupũrā irirosũ āārĩma.

50 Yũpu ũmũgasigue āārĩgũ gāāmerĩrē irirāno, yu pagũmu, yu pagũmo, yũpo irirosũ āārĩma, ārĩmi Jesús.

## 13

*Jesús oterimasū keori merā buedea  
(Mr 4.1-9; Lc 8.4-8)*

<sup>1</sup> Irinuta Jesús wiigüe āārādi ditarugue waa, iri ditaru turo eja doami.

<sup>2</sup> Masaka wārā ĩgū puro nerēmakū ĩāgū, doódirugue mārĩñajāa, eja doami. Āārĩpererā masaka ĩmparogue dujanugāma ĩgū buerire pémurā.

<sup>3</sup> Irasirigu wāri keori merā ĩgūsārē āsū ārĩ buemi:

—Sugu oterimasū ĩgūya oteri yerire meéwasirigu waakumi.

<sup>4</sup> ĩgū meéwasiriwāgāmakū, gaji yeri maague yurikoa. Iro yuriadea yerire mirā eja, baapeokōākuma.

<sup>5</sup> Gaji yeri ūtāyerikurogue yurikoa. Iro sīmerērōgā nikū āārĩmakū, iro yuriadea yeri mata puriadikoa.

<sup>6</sup> Iri nikū sīmerērōgā āārĩmakū, puriñajādi, puru abe asimakū, nugūrĩ marĩsĩā, ñaĩ, boakōākoa.

<sup>7</sup> Gaji yeri pora watopegue yurikoa. Pora gapu puritarimūrĩa, oteri gapure wējekōākoa.

<sup>8</sup> Gaji yeri ōārĩ nikūgue yurikoa. Iri yeri puri, ōārō dukakukoa. Suñu cien yeri, gajiñu sesenta yeri, gajiñu treinta yeri dukakukoa.

<sup>9</sup> Musā gāmpūrĩ oparā, yu wererire péduripíka! ārĩmi Jesús.

*Jesús buerā ĩgūrē: “¿Nasirigu keori merā bueri?” ārĩ sērēñadea  
(Mr 4.10-12; Lc 8.9-10)*

<sup>10</sup> Puru guā ĩgū buerā ĩgū puro waa, ĩgūrē sērēñabu:

—¿Nasirigu masakare keori merā bueri? ārĩbu.

<sup>11</sup> Jesús guare yujumi:

—Marĩpu ĩgūyarārē doregu āārĩrĩrē, iripoegue masĩbirideare musārē masĩmakū yámi. Gajerā ĩgūrē bñremumerā gapure irasiribemi.

<sup>12</sup> ĩgūyare masĩrānorē masĩnemomakū irigukumi. Irasirirā wáro masĩrĩ oparākuma. Gajerā ĩgūrē bñremumerā ĩgūyare masĩmerārē ĩgūsā mérō masĩadideare pémasĩbirimakū irigukumi.

<sup>13</sup> Irasirigu yu ĩgūsārē keori merā buea. ĩgūsā Marĩpu iririre ĩākererā, ĩāmasĩbema. ĩgūyare pékererā, péduripíbema. Neō pémasĩbema.

<sup>14</sup> Irasirirā Marĩpuya kerere weredupuyudi Isaías gojaderosūta yáma. Āsū ārĩ gojadi āārĩmĩ:

Āsū ārĩmi Marĩpu: “Yaare pékererā, musā neō pémasĩbea. Yu iririre ĩākererā, musā neō ĩāmasĩbea.

<sup>15</sup> Yaa werenĩrĩrē péduabirisĩā, musā neō pémasĩbea. Gāmpūrĩ pémerā, koye ĩāmerā irirosū āārā. Musā irasū āārĩmerā, yaare ĩāmasĩ, ōārō pémasĩboko. Yu pémasĩrĩ sĩrĩrē oparā

yare b̄remubokoa. Irasiriḡu m̄sārē taubokoa”, ā̄rīmi Marīp̄u, ā̄rī gojadi ā̄rīmī Isaiás.☆

<sup>16</sup> Ḡua gap̄ure ā̄rīmi:

—M̄sā gap̄u pémasīa. Irasirirā ɯs̄yáa. Ȳu iririre iārā, ȳu wererire pérā, ȳure b̄remua.

<sup>17</sup> Diayeta m̄sārē werea. Wárā iripoegue marā Marīp̄uya kerere weredupuyunerā, gajerā Marīp̄ure b̄remunerā m̄sā datora iārīrē b̄uro iād̄uānerā ā̄rādima. Irire iād̄uakererā, irire iābirinerā ā̄rīmá. M̄sā datora périre b̄uro péduakererā, pébirinerā ā̄rīmá.

*Jesús oterimasū keori merā ĩḡū bueadeare: “Āsū ā̄rīduaro yáa”, ā̄rī weredea*

(Mr 4.13-20; Lc 8.11-15)

<sup>18</sup> Irasirirā ōārō péka! Ȳu oterimasū keori merā bueadeare m̄sārē wereḡura. Iri āsū ā̄rīduaro yáa. Marīp̄u ɯm̄gasigue ā̄rīḡú ĩḡuyarārē doreri kere, oteri yeri irirosū ā̄rā.

<sup>19</sup> Surāyeri masaka iri kerere pékererā, pémasībema. Maa b̄uriri maa irirosū ā̄rīma. Iri kerere péadero p̄uɯ, oteri yeri iri maague yuridea yerire mirā baapeoderosū, wātī aari, ĩḡūsā péadideare ěmapeokōāmi.

<sup>20-21</sup> Gajerā masaka ɯtāyerik̄uri yeba irirosū ā̄rīma. Iri kerere pérā, mata ɯs̄yari merā: “Ōāgoráa”, ā̄rī ḡūñama. Irire pékererā, oteri yeri ɯtāyerik̄urogue yuriadero p̄uɯ, puri, nuḡūrī puriñajābiriderosū waama. Mérōgā p̄uɯ ĩḡūsā Marīp̄uyare péduari waja gajerā ĩḡūsārē ñerō irimak̄ū iārā, o ñerō tarisīā, mata ĩḡuyare pirikōāma.

<sup>22</sup> Gajerā masaka porak̄uri yeba irirosū ā̄rīma. Iri kerere pékererā, oteri yeri porak̄urogue yuriadero p̄uɯ, pora gap̄u puritarim̄rīa wējēderosū, i ɯm̄marē b̄uro ḡūñarik̄uma. Doe-biridere b̄uro gāāmenemoma. Irasirirā Marīp̄uyare kātima. Otediñu duk̄a marīdiñu irirosū dujama.

<sup>23</sup> Gajerā masaka ōārī nikū irirosū ā̄rīma. Marīp̄uya kerere pérā, ōārō pémasīma. Irasirirā oteri yeri ōārī nikūgue yuriadero p̄uɯ, puri ōārō duk̄ak̄uderosū ōārīrē yáma. Surāyeri cien yeri, gajerā sesenta yeri, gajerā treinta yeri duk̄ak̄urosū irirā ā̄rīma, ā̄rīmi Jesús.

*Jesús trigo otedea watopegue ñerī tá oteri keori merā buedea*

<sup>24</sup> Jesús irasū ā̄rī odo, gaji keori merā ḡuare buemi:

—Marīp̄u ɯm̄gasigue ā̄rīḡú ĩḡuyarārē doreri i irirosū ā̄rā. Suḡu pooe op̄u ĩḡuya pooḡue ōārī yerire otekumi.

<sup>25</sup> Su ñami merā ā̄rīpererā kārīripoe ĩḡūrē iāturiḡu pooḡue eja, ĩḡu trigo otedea watopegue ñerī táre otekumi. Ote odo, waakōākumi.

☆ 13:15 Is 6.9-10

<sup>26</sup> Trigo yeri puriwiriadero puru, ñerĩ táde purikoa. Puru trigo dukakukoa. Iri dukakumakū ããrã, iri poee opure moãboerimasã ñerĩ tá ããrĩmakū ããmasĩkuma.

<sup>27</sup> Irasirirã iri poee opure wererã waakuma:

—Gua opu, ¿nasiro ããrĩ yeri direta muya poeere otesũdero ããrĩkerepuru, ñerĩ táde puriyuri? ãrĩkuma.

<sup>28</sup> Ìgũsã irasũ ãrĩmakū pégu, ãsũ ãrĩkumi:

—Yure ãaturigu iri ñerĩ táre otekumi, ãrĩkumi.

Ìgũ irasũ ãrĩmakū pérã, Ìgũrẽ moãboerimasã sërẽñakuma doja:

—¿Ñerĩ táre gua taáseabéorã waamakū gããmekuri mu? ãrĩkuma.

<sup>29</sup> —Taáseabirikõãka! Ñerĩ táre taásearã trigodere duuabokoa.

<sup>30</sup> Iri, ñerĩ tá merãta puri masãkõãburo. Trigo ñãĩmakū, gajerã duka seaboerimasãrẽ ãsũ ãrĩ iriugura: “Ñerĩ táre taáseapurori, dupa dotori siaka, irire soemurã! Puru trigore seaka, irire yu duripiri wiigue duripimurã!” ãrĩgura, ãrĩkumi, ãrĩmi Jesús.

*Jesús mostaza wãĩkuri yegã puri masãdea keori merã buedea*  
(Mr 4.30-32; Lc 13.18-19)

<sup>31</sup> Irasũ ãrĩ odo, gaji keori merã buemi:

—Marĩpu ãmugasigue ããrĩgũ Ìgũyarãrẽ doreri sugu masakū Ìgũya poeegue suye oteriye mostaza wãĩkuri yegãrẽ oterosũ ããrã.

<sup>32</sup> Iri oteri yegã ããrĩpereri oteri yeri nemorõ mérĩ yegã ããrĩkoa. Irasũ ããrĩkerero, otemakū, puru yuku wádi irirosũ puri masãkoa. Irasirirã wãrã irigu dupurigue Ìgũsãya suri suakuma, ãrĩmi Jesús\*.

*Jesús pã wemasãrĩ morẽrĩ poga keori merã buedea*  
(Lc 13.20-21)

<sup>33</sup> Puru gaji keori merã buemi:

—Marĩpu ãmugasigue ããrĩgũ Ìgũyarãrẽ doreri i irirosũ ããrã. Sugo nomeõ pã duparure iribo, mérõgã pã wemasãmakū iriri poga merã trigo pogare morẽkumo. Irire wemasãseyaburo, ãrĩgõ, irasirikumo. Irasiro Marĩpu Ìgũyarãrẽ doreri iri pã wemasãrĩ morẽrĩ poga irirosũ ããrã, ãrĩmi†.

\* **13:32** Jesús i kere merã buegu: “Marĩpu ãmugasigue ããrĩgũrẽ buremurã mérãgã ããrĩngãkereruru, purugue gajerã Ìgũsã merã Ìgũrẽ buremunugãmakū, wãrã ããrĩrãkuma; o sugu Marĩpũ buremunugãgũ, mérõgã buremurĩ opami. Purugue, mostaza wãĩkuri yegãrẽ otedero puru yuku wádi puri, masãrõsũ Marĩpu iritamurĩ merã wãro Ìgũrẽ buremurĩ opagukumi”, ãrĩ buegu irimi. † **13:33** Jesús i kere merã buegu: “Marĩpũ buremurã ããrĩperero i ãmuguere Ìgũyarãrẽ doregu ããrĩrĩrẽ masakare buerã waamakū, ããrĩpereri buri marã watopegue wãrã irire pé, Ìgũrẽ buremunugãrãkuma; o sugu Marĩpũ buremunugãgũ Marĩpu Ìgũyarãrẽ doregu ããrĩrĩrẽ buenigũ, Marĩpu iritamurĩ merã Marĩpu doreri direta iridugukumi”, ãrĩ buegu irimi.



*Jesús masakare keori merā buenadea**(Mr 4.33-34)*

<sup>34</sup> Jesús masakare i āārīpereri buerire weregū, keori merā dita buenami. Keori marīrō īgūsārē buenabirimi.

<sup>35</sup> Irasirigū Marīpūya kerere weredupuyudi gojaderosūta irimi. Āsū ārī gojadi āārīmī Jesús masakare wereburimarē: Keori merā weregūkoa. Iri merā weregū, Marīpū i ūmurē iridero pūrugue marā neō masībirideare dapora marārē weregūra, ārī gojadi āārīmī.✱

*Jesús ñerī tá, trigo otedea watopegue puri masādeare buenemodea*

<sup>36</sup> Pūpū Jesús masakare seretu odo, wiigūe ñajāmi. Īgū ñajāmakū ĩā, gūa īgū buerā īgū pūrogue ñajāa, īgūrē sērēñabu:

—Trigo otedea watopegue ñerī tá puri masādea keorire werenemoka! ¿Naāsū ārīduaro iriari? ārībū.

<sup>37</sup> Gūa irasū ārīmakū pégū, Jesús yūjūmi:

—Yū āārīpererā tīgū, iri pooe opū ōārī yeri otedi irirosū āārā.

<sup>38</sup> Poee gapū i ūmū irirosū āārā. Marīpū īgūyarārē dorerogue āārīmurā gapū ōārī yeri irirosū āārīma. Wātīyarā ñerī tá irirosū āārīma.

<sup>39</sup> Wātī poee opūre ĩaturigū irirosū āārīmi. I ūmū pererīnū iri otedea dukare searinū irirosū āārā. Marīpūre wereboerā, poee opūre dukā seaboerimasā irirosū āārīma.

<sup>40</sup> Iri ñerī táre īgūsā taāseadeare peamegue soebéoderosūta i ūmū pererīnū ejamakū waarokoa.

<sup>41</sup> Irasū waaripoe yū āārīpererā tīgū, yūre wereboerārē iriugūkoa. Irasirirā īgūsā masakare ñerī irimakū irirārē, Marīpū dorerire tarinūgārādere neeōrākuma.

<sup>42</sup> Neeō odo, perebiri peamegue īgūsārē beorākuma. Irogue būro pūrīsūrā īgūsāya guikare kūrīduútū orerākuma.

<sup>43</sup> Marīpū gāāmerīrē irirā gapū ūmūgasigūe īgūyarārē dorerogue āārīrā, abe ūmūmū irirosū gosewasirirākuma. Mūsā gāmipūrī oparā, yū wererire pēduripīka!

*Jesús wāro niyeru yáapídea keori merā buedea*

<sup>44</sup> Gaji mūsārē werea. Marīpū ūmūgasigūe āārīgū īgūyarārē doreri i irirosū āārā. Sugū masakū wāro niyeru gajigūya nikū poekague yáapídeare bokakūmi. Irire bokagū, būro ūsuyakūmi. Irasirigū īgū bokadeare būro gāāmesīā, dupaturi yáapíkōākūmi doja. Irasirigū āārīpereri īgūyare gajerārē dukūmi. Īgū duadea waja merā iri nikūrē wajarikūmi‡.

*Jesús perla wāikūriye keori merā buedea*

✱ 13:35 Sal 78.2 † 13:44 Jesús i kere merā buegū: “Masakū āārīpereri īgūyare gāāmerō nemorō Marīpūyare gāāmegū āārīkūmi”, ārī buegū irimi.

45 'Gaji musārē werea doja. Marīpu ūmugasigue āārīgū ĩgūyarārē doreri i irirosū āārā. Sugu wajaririmasū wajapari yeri perla wāikuri yerire āma wajaridukumi.

46 Iri yerire āmagū, wajapatariri yere bokakumi. Iri yere buro gāamesiā, āārīpereri ĩgūyare duakumi. ĩgū duadea waja merā iri yere wajarikumi.

### *Jesús buidi keori merā buede*

47 'Gaji musārē werea doja. Marīpu ūmugasigue āārīgū ĩgūyarārē doreri, waaī wējērīmasā buidi meéyo, āārīpererā waaī āārīrākū ñeārō irirosū āārā.

48 ĩgūsāya buidire waaī uturimakū ĩārā, waaī wējērīmasā ĩmparogue tūāmajā, waairé beyekuma. Ōārā waairé ĩgūsāya puuirigue seasākuma. Ñerārē béokōākuma.

49 I ūmū pererinu āārīmakū, masakare āsūta waarokoa. Marīpure wereboerā ōārārē, ñerārē beyerā aarirākuma.

50 Beye odo, ñerārē perebiri peamegue béorākuma. Iroque buro pūrīsūrā ĩgūsāya guikare kūrīduútú orerākuma, ārīmi Jesús.

### *Jesús iripoeguema buerire, maama bueridere weredea*

51 Puru guare sērēñami:

—¿I āārīpererire pémasīrī musā? ārīmi.

—Éū, pémasiā, ārī yujubu.

52 Gua irasū ārīmakū, ārīmi:

—Sugu Moisés gojadeare buerimasū Marīpu ūmugasigue āārīgū ĩgūyarārē doregu āārīrīmarē masīgū, wii opu irirosū āārīgukumi. Irasirigu wii opu, iripoegue ĩgū opadeare, maama ĩgū oparidere āiwiugu irirosū, maama buerire, iripoeguema bueridere ōārō masīrī merā weregukumi, ārīmi Jesús guare.

### *Jesús Nazaretgue goedujáadea*

(Mr 6.1-6; Lc 4.16-30)

53 Jesús iri keori merā were odo, iro āārādi waa,

54 ĩgū masādea makāgue ejami. Iroque eja, judío masaka nerērī wiigüe buemi. Masaka, ĩgū buemakū pérā, pégukakōāma. Āsū ārī gāme wereníma:

—¿Noógue bueyuri, ĩ iropā masību? ¿Nasirisīā, iri ĩmurīrē irimasīyuri?

55 ĩi taboa moādi magū āārīmi. ĩgū pago María wāikumo. Santiago, José, Simón, Judas ĩgū pagupūrā āārīma.

56 ĩgū pagupūrā nomede i makā marāta āārīma. ĩgū marī irirosū āārīkeregū, ¿nasirisīā, i āārīpererire masīrī? ārīma.

57 Irasirirā ĩgūrē buremudubirima. Jesús gapū ĩgūsārē ārīmi:

—Āārīpererogue sugu Marīpuya kerere weredupuyugure gajerā b̄remuma. Īgūya nikū marā, Īgūya wii marā gapu Īgūrē b̄remubema, ārīmi.

<sup>58</sup> Irasirigu Jesús, Īgūsā Īgūrē b̄remubirimakū ĩāgū, iri makārē wári Marīpu turari merā iri ĩmubirimi.

## 14

*Juan masakare wāīyerimasū boadea*

*(Mr 6.14-29; Lc 9.7-9)*

<sup>1</sup> Iripoere Herodes Galilea nikū marā opu, Jesús iriri kerere péyupu.

<sup>2</sup> Irire pégu, Īgūrē moāboerārē āsū ārīyupu:

—Īgū irire irasū irigu, Juan masakare wāīyerimasūta boadigue masādi āārīkumi. Irasirigu wári iri ĩmurīrē irikumī, ārīyupu.

<sup>3</sup> Juan boaburi dupuyuro Herodes Īgū pagumu Felipe marāpo Herodías wāīkugore ěma, marāpokumakū ĩāgū,

<sup>4</sup> āsū ārīdi āārīmī:

—Mu pagumu marāpore marāpokugu, Marīpu dorerire tarinugāgū yāa, ārīdi āārīmī. Irasirigu Herodes Īgūrē ñeā, peresu iridi āārīmī.

<sup>5</sup> Īgū Juārē wējēduadi āārīmī. Judío masaka gapu: “Ī Juan Marīpuya kerere weredupuyurimasū āārīmī”, ārī gūñanerā āārīmā. Irasirigu Herodes: “Juārē yu wējēmakū yu merā guabokuma”, ārīgū, Īgūsārē gūidi āārīmī.

<sup>6</sup> Puru Herodes Īgū deyoadea bosenu irigu iridi āārīmī. Īgū irasiririnurē Herodías magō Īgū siiuanerā ĩurō baya ĩmudeo āārīmó. Igo baya ĩmumakū ĩāgū, Herodes buro usuyadi āārīmī. Irasirigu igore:

<sup>7</sup> “Ārīgatoro marīrō, mu yure sērērīnorē sīgura”, ārīdi āārīmī.

<sup>8</sup> Īgū irasū ārīmakū pégo, igo pagore: “¿Ñeéonorē sērēgokuri yu?” ārīdeo āārīmó. Irasirigo igo pago sērēdoreaderosūta Īgūrē sērēdeo āārīmó:

—Juan masakare wāīyerimasūya dipurure dititá, soropa wáripa merā Īgūya dipurure yure sīka! ārīdeo āārīmó.

<sup>9</sup> Igo irasū ārīmakū pégu, Herodes buro bujaweredi āārīmī. Īgū siiuanerā péuro: “Ārīgatoro marīrō, mu yure sērērīnorē sīgura”, ārādi āārīsīā, guyasīrīgū, igore: “Murē sībirikoa”, ārīmasībiridi āārīmī. Irasirigu, igo Īgūrē sērērōsūta iridi āārīmī.

<sup>10</sup> Irasirigu, Īgūyagu surara Juan peresugue āārīgú puro waa, Īgūya dipurure dititádi āārīmī.

<sup>11</sup> Puru soropa merā Īgūya dipurure āiri, Herodías magōrē wiadi āārīmī. Īgū wiamakū ñeā, igo pagore āia sídeo āārīmó.

12 Juan boadero pũru, ĩgũ buerire tũyanerã ĩgũya dupure ãiwãgã, yáarã waanerã ããrĩmá. Yáa odo, Juan boadeare Jesúre wererã ejama.

*Jesús cinco mil ãmarẽ baari ejodea*  
(Mr 6.30-44; Lc 9.10-17; Jn 6.1-14)

13 Juãrẽ wẽjẽadea kerere pégu, Jesús doódirugue marĩñajãa, masaka marĩrõgue gũa ĩgũ buerã merã waakõãmi. ĩgũ iroguue waarire pérã, masaka ĩgũsãya makãrĩrẽ wiri, ĩgũ dupuyuro maague waa, ejasianerã ããrĩmá.

14 Gũa ditaru gaji koerũgue taribujaja, Jesús doódirugue sãñadi majãnũgã, wárã masakare bokajami. Irasirigu ĩgũsãrẽ bopoñarĩ merã ĩã, pũrĩrikurã ĩgũsã ãirianerãrẽ taumi.

15 Naĩmejãwãgãripoe gũa Jesús buerã ĩgũ pũro waa, ãsũ ãrĩbu ĩgũrẽ:

—Naĩmejãrõgue yáa. Ōõ masaka marĩrõgue ããrã. Irasirigu masakare waadoreka! Makãrĩgue ĩgũsã baaburire wajarirã waaburo, ãrãdibu.

16 Gũa irasũ ãrĩmakũ pégu, Jesús ãrĩmi:

—Waabirikõãburo. Mũsã ĩgũsãrẽ baari sĩka! ãrĩmi.

17 Gũa ĩgũrẽ ãrĩbu:

—Su mojõma pã duparu, waaídere pãrãta opáa, ãrĩbu.

18 —Irire yare ãirika! ãrĩmi Jesús.

19 Pũru masakare tá weka doadoremi. Irasirigu su mojõma pã duparure, pãrã waairé ãĩ, ãmũgasigue ĩãmu, Marĩpũre: “Mũrẽ usuyari sĩa”, ãrĩmi. ãrĩ odo, iri pã duparure pea, gũare ĩgũ buerãrẽ sĩmi masakare gueredoregu. Irasirirã gũa ĩgũsãrẽ irire guerebu.

20 Irasirirã ããrĩpererã baayapiakõãma. Pũru ĩgũsã baadũãadeare pe mojõma pere su gubu peru pãrẽbejari puuirigora seasã, utũudobobũ.

21 Iro baanerã: nome, majĩrã keoña márĩrõ ãma direta keomakũ cinco mil gora ããrĩmá.

*Jesús deko weka waadea*  
(Mr 6.45-52; Jn 6.16-21)

22 Pũru Jesús gũa ĩgũ buerãrẽ doódirugue marĩñajãadore, ditarugue ĩgũ dupuyuro taribujadoremi. ĩgũ gapũ iroguue dujãmi dapa masakare seretubu.

23 Seretu odo, buúru wekague sugũta waayupũ Marĩpũre sãrẽgũ waagũ. Ñami ejaripoe sugũta ããrĩyupũ iroguere.

24 Gũa gapũ ditaru dekoque ããrĩbũ. Mirũ bũro waabu. Irasiro makũrĩ doódirure pátúpaukõãbũ. Irasirirã taribujajabiribu dapa.

25 Pũru ãgãbo wereripoe Jesús ditarugue buaja, gũa pãroguue deko weka aarimĩ.

26 Īgũ deko weka aarimakũ, gwa ĩgũrẽ ĩãmasĩbirisĩã, ĩãgũkakõãbũ. Gũiri merã: “Masakũ boadi wãtĩ ããrĩmi”, ãrĩ gainĩbũ.

27 Gwa gũimakũ ĩãgũ, Jesús gware ãsũ ãrĩmi:

—Gũnaturaka! Yũta ããrã. Gũimerãta! ãrĩmi.

28 Īgũ irasũ ãrĩmakũ pégu, Pedro ãrĩmi ĩgũrẽ:

—Mũ, yũ Opũ ããrĩgũ, yũre deko weka waa, mũ pũrogue aaridoreka! ãrĩmi.

29 —Jãũ, aarika! ãrĩmi Jesús.

Irasũ ãrĩmakũ pégu, Pedro doódirugue sãñadi dujinũgã, deko weka Jesús pũrogue waami.

30 Īgũ irasũ waakeregu, mirũ bũro wějẽpumakũ ĩãgũ, gũigorami. Irasirigu mirĩdijagu:

—Yũ Opũ, yũre tauka! ãrĩ gainĩmi.

31 Īgũ irasũ ãrĩmakũta, Jesús ĩgũya mojõrẽ ñeã: “Yũre mérõgã bũremurĩ opãa. ¿Nasirigu yũre bũremuturaberi?” ãrĩmi.

32 Pũrũ Jesús Pedro merã doódirugue aari, mũrĩñajãmakũ, mirũ waadea toeakõãbũ.

33 Irasũ waamakũ ĩãrã, gwa doódirugue ããrĩrã ñadũkupuri merã Jesús pũro eja doa, ĩgũrẽ:

—Mũ diayeta Marĩpũ magũ ããrã, ãrĩ bũremubũ.

*Jesús Genesaret marãrẽ pũrĩrikarãrẽ taudea*  
(Mr 6.53-56)

34 Pũrũ taribujaja, Genesaret\* wãĩkũri nikũgue ejabũ.

35 Iro marã Jesũre ĩãmasĩsĩã, ããrĩpererã iro ããrĩrãrẽ ĩgũ ejari kerere wereñurã. Irasirirã ããrĩpererã pũrĩrikarãrẽ taudorerã ĩgũ pũrogue ãĩjama. ĩgũrẽ ãsũ ãrĩ sërẽma:

36 —Mũya surĩro yuwa direta ĩgũsãrẽ moãñadoreka! ãrĩma. Irasirirã ããrĩpererã pũrĩrikarã ĩgũya surĩrore moãñanerã ĩgũsã sĩrĩrĩ opadeare tarisũma.

## 15

*Masakare ñerã waamakũ iririre buedea*  
(Mr 7.1-23)

1 Pũrũ surãyeri fariseo bumarã, Moisés gojadeare buerimasãde Jerusalẽgue ããrãnerã Jesús pũro eja, ĩgũrẽ sërẽñama:

2 —¿Nasirirã mũ buerã, marĩ ñekũsãmarã iriunaderosũ iriberi? Marĩ ñekũsãmarã baaburi dupuyuro mojõkoederosũ iribema, ãrĩma.

3 Jesús ĩgũsãrẽ yũjũmi:

—Yũde mũsãrẽ sërẽñagura. ¿Nasirirã Marĩpũ doreri gapũre irirono irirã, mũsã ñekũsãmarã iriunadeare yãri?

\* 14:34 Genesaret wãĩkũri nikũ, Galilea wãĩkũri ditaru tũro ããrĩyuro.

4 Marĩpu ãsũ ãrĩdi ããrĩmĩ: “Mupure, mupore buremuka! Sugũ ĩgũ pagusãmarãrẽ ñerõ werenĩgũ wẽjẽdoresũgukumi”, ãrĩdi ããrĩmĩ.

5 ĩgũ irasũ ãrĩkerepuũ, musã gapu masakare ĩgũsã pagusãmarãya ããrĩburire buerã, ãsũ ãrã: “Sugũ ĩgũ pagure, o ĩgũ pagore: ‘Yũ musãrẽ sĩboadeare Marĩpũre sĩpeokõãbu. Irasirĩgũ musãrẽ iritamumasĩbirikoa’, ãrĩmakũ õãgorãa”, ãrĩ buea.

6 Irasũ buerã, masakare ĩgũsã pagusãmarãrẽ iritamubirimakũ, Marĩpu dorerire ubu ĩãbéomakũ yãa, musã ñekũsãmarã iriunadeare iritayadorerã.

7 Masaka ĩurõ dita õãrõ yãa musã. ĩgũsã ĩãberogue ñerõ iririkurã ããrã. Iripoegue Marĩpũya kerere weredupuyudi Isaías diayeta gojadi ããrĩmĩ musã irigatorire gojagu. ãsũ ãrĩ gojadi ããrĩmĩ:

8 ĩsã masaka ĩgũsãya disi merã yũre õãrõ werenĩkererã, ĩgũsãya yujupũrãrĩgue yũre neõ buremubema.

9 Irasiro ĩgũsã yũre buremurã nerẽrĩ wajamáa. ĩgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ, ãrĩ yujumi Jesús fariseo bumarãrẽ.\*

10 Irasũ ãrĩ odo, masakare ĩgũ puũro siiu, ãsũ ãrĩmi:

—Yũ wererire õãrõ pékũĩnú péka!

11 Sugũ masakũya disigue baari ñajãri, ĩgũrẽ ñegũ waamakũ iribea. ĩgũya disigue wiriri gapu, ĩgũrẽ ñegũ waamakũ yãa, ãrĩmi.

12 ĩgũ irasũ ãrãdero puũ, gua ĩgũ buerã ĩgũ puũro waa, ĩgũrẽ ãrĩbu:

—¿Mu masĩrĩ? Mu irasũ ãrãdeare pérã, fariseo bumarã guakõãma, ãrĩbu.

13 Gua irasũ ãrĩmakũ, Jesús ãsũ ãrĩ yujumi:

—Yũpu ãmugasigue ããrĩgũ ããrĩpereri ĩgũ otebirideare nugũrĩ merãta duua béogu irirosũ ĩgũsãrẽ béogukumi.

14 Irasirirã ĩgũsãrẽ irasũ ĩãkõãka! ĩgũsã Marĩpũyare masĩbirikererã, gajerã ĩgũyare masĩmerãrẽ buema. Irasirirã koye ĩãmerã gajerã koye ĩãmerãrẽ tũãdupuyurã irirosũ ããrĩma. Sugũ koye ĩãbi gajigu koye ĩãbire tũãdupuyuwãgãgũ, ĩgũsã pẽrãgueta gobegue meẽñajãkõãrãkuma, ãrĩmi Jesús.

15 ĩgũ irasũ ãrĩmakũ pégu, Pedro gapu Jesũre ãrĩmi:

—Gũare wereka! Masakũ ĩgũya disi wiriri keori, ¿naásũ ãrĩduaro yãri? ãrĩmi.

16 Jesús yujumi:

—¿Musãde pémasĩberi dapa?

17 ããrĩpereri marĩ baari, marĩya disigue ñajãa, parugue waa, puũ tariwereakõãa.

18 Masaka werenírí, ìgūsāya disi wiriri āārā. Ìgūsā gūñarìgue ñerírē oparā ñerō wereníma. Iri ìgūsārē ñerā waamakū yāa.

19 Ìgūsā gūñarìgue ñerí oparā āsū āāríma. Ñerí gūñarā, masakare wējēbéorā, gajigū marāpo, gajego marāpu merā ñerō irirā, ūma nome merā, nome ūma merā ñerō gāmebirarā, yajarā, ārìgatorā, masakare ñerō kere wererā āāríma.

20 Iri ñerí ìgūsā gūñarìgue opari, ìgūsārē ñerā waamakū yāa. Masaka ìgūsā ñekūsāmarā iriunaderosū baaburi dupuyuro mojōkoebirimakū, ìgūsārē ñerā waamakū iribeā, ārími Jesús.

*Judío masako āārìbeo Jesúre b̄remudea*

(Mr 7.24-30)

21 P̄m̄ Jesús Tiro, Sidón wāik̄uri makārí āārìrōgue waami.

22 Irogue ejamakū, sugo nomeō Canaán nikūmo irogue āārìgō Jesús p̄uro gainíjamo:

—Ȳm̄ Op̄m̄, David parāmi āāríturiagu ȳre bopoñaka! Ȳm̄ magō wātí ñajāsūdeo b̄uro ñerō tarigo yámo, ārímo.

23 Igo irasū ārímakū pékeregū, Jesús igore ȳm̄birimi. Irasirirā ḡma ìgū buerā ìgūrē ārìb̄u:

—Waadoreka igore! Marírē ñerō gainí t̄yawāgārimo, ārìb̄u.

24 Ḡma irasū ārímakū pégu, Jesús igore ārími:

—Ȳm̄pu ȳre, Israel bumarā oveja dedirinerā irirosū āārírā direta iritamudoregū iriumi, ārími.

25 Igo Israel bumo āārìbirikerego, Jesús guburi p̄uro ñaduk̄upuri merā ejamejā, āsū ārímo:

—Ȳm̄ Op̄m̄, ȳre iritamuka! ārímo.

26 Jesús igore ȳm̄m̄i:

—Wii op̄m̄ ìgū pūrā baarire ēma, diayéare ejomakū oābea, ārími.

27 Ìgū irasū ārìkerep̄m̄, igo gap̄m̄ ìgūrē ārímo doja:

—Ȳm̄ Op̄m̄, irasū āārìkerep̄m̄, diayéa gap̄m̄ wii marā baawasiridijurire baaboema, ārímo.

28 Igo irasū ārímakū, Jesús igore ȳm̄m̄i:

—M̄m̄ ȳre b̄remurí opataria. M̄m̄ s̄er̄r̄ōsūta waarokoa, ārími.

Ìgū irasū ārìripoeta, igo magōguere wātí ñajādi wiriakōāyupu. Irasirigo tariyupo.

*Jesús wárā pūrìrik̄ar̄rē taudea*

29 Jesús irogue āārādi waa, Galilea wāik̄uri ditaru t̄uro tariwāgāmi. P̄m̄ buúrugu maría, eja doami.

30 Ìgū iro doamakū, wárā masaka ejama. Waamasīmerārē, koye ìamerārē, werenímasīmerārē, poyarimasārē, wárā gajerā pūrìrik̄ar̄rē ìgū p̄uro āijapíma. Irasirigu Jesús ìgūsārē taumi.

31 Irasirimakū ìārā, masaka ìāgukakōāma. Werenímasībirinerā werenímakū ìārā, poyarimasā āārìñerā

tarimakū ĩārā, waamasĩbirinerā waamasĩmakū ĩārā, koye ĩābirinerā ĩāmakū ĩārā, ĩāgukakōāma. Irasirirā Marĩpũre: “Marĩ Israel bumarā Opũ, turatarigũ āārĩmi”, ārĩ, ʘsũyari sĩma.

*Jesús cuatro mil āmarē baari ejodea*

(Mr 8.1-10)

<sup>32</sup> Pũrũ Jesús gũare ĩgũ buerārē siiu, ārĩmi:

—Īsā masakare bopoñarĩ merā ĩāa. Yũ merā ʘrenũgora āārĩsĩama. ĩgũsārē baari pereakōāa. ĩgũsārē ʘa merā ĩgũsāya wiirigue goedujāamakū gāāmebirikoa. ĩgũsā baamerāta waarā, maa dekota turari perea kōmoakōābokuma, ārĩmi.

<sup>33</sup> ĩgũ irasũ ārĩmakū, gũa ĩgũ buerā ĩgũrē ārĩbũ:

—¿Nasirisĩā, marĩ oō masaka marĩrōgue ĩĩsā wārā masaka baaburire bokabokuri? ārĩbũ.

<sup>34</sup> Jesús gũare sērēñami:

—¿Diikũ pā duparure opari mʘsā? ārĩmi.

—Su mojōma pere gajĩ mojō peru pērēbejari duparu, irasũ āārĩmakū waaĩ mērāgā opāa, ārĩ yũjubũ.

<sup>35</sup> Irasirigũ Jesús masakare yebague doadore,

<sup>36</sup> su mojōma pere gajĩ mojō peru pērēbejari pā duparure, waaigādere āĩ, Marĩpũre ʘsũyari sĩmi. Odo, pā duparure, waaigādere pea, gũare sĩmi. Irasirirā gũa irire masakare guerebũ.

<sup>37</sup> Irasirirā āārĩpererā irire baayapiakōāma. Pũrũ ĩgũsā baadũáadeare su mojōma pere gajĩ mojō peru pērēbejari puuirigora seasā, ʘtũudobobũ.

<sup>38</sup> Iro baanerā: nome, majĩrā keoña marĩrō ʘma direta keomakū, cuatro mil gora āārĩmā.

<sup>39</sup> Pũrũ Jesús masakare seretu odomakū, doódirugue mʘrĩñajāa, Magdala wāĩkũrogue ĩgũ merā waakōābũ.

## 16

*Fariseo bumarā, saduceo bumarā Jesũre Marĩpũ turari merā iri ĩmudoredea*

(Mr 8.11-13; Lc 12.54-56)

<sup>1</sup> Jesús Magdala wāĩkũrogue ejadero pũrũ, fariseo bumarā, saduceo bumarā ĩgũrē ĩārā ejarā: “Marĩpũ turari merā iri ĩmurĩrē irika!” ārĩma. “ĩgũ irire irimasĩbi, diayeta Marĩpũ iriudi meta āārĩmi”, ārĩdũarā, irasũ ārĩma.

<sup>2</sup> Jesús gapũ ĩgũsārē yũjũmi:

—Mʘsā ñamika abe oārō diiañajāmakū ĩārā: “Ōārĩ ñami āārĩrokoa”, ārā.

<sup>3</sup> Boyorĩpoe ñĩpimakū ĩārā: “Dekonũ āārĩrokoa”, ārā. ʘmarōmarē ĩārā: “Āsũ waarokoa”, ārĩ masĩa. Irire oārō masĩkererā, inũ Marĩpũ turari merā yũ iri ĩmurĩ gapũre ĩārā, neō oārō pemasĩbea.



4 Dapora marã masaka ñerã, Marĩpũre gããmemerã ããrĩma. Yũre Marĩpũ turari merã gajino iri Ìmudorema. Ìgũsã irasiri-dorekerepũũ, Marĩpũya kerere weredupuyudi Jonás iridea direta weregũra, ãrĩmi.

Irasũ ãrĩ odo, Ìgũsãrẽ béowãgã, gajerogue waakõãmi.

*Jesús fariseo bumarã, saduceo bumarã ñerĩ buerire werede*  
(Mr 8.14-21)

5 Pũũ gũa ditarugue taribujarã, pãrẽ kãtikõãnerã ããrĩbũ.

6 Irasirigũ Jesús gũare ãrĩmi:

—Fariseo bumarã, saduceo bumarã Ìgũsã pã wemasãrĩ morẽrĩrẽ õãrõ pémasĩka! ãrĩmi.

7 Ìgũ irasũ ãrĩrĩrẽ gũa gapũ pémasĩbiribũ. Irasirirã gũa basi gãme ãsũ ãrĩ werenibũ:

—Marĩ pãrẽ ãrĩbiradeare Ìãgũ, irasũ ãrĩkumi, ãrĩbũ.

8 Gũa irasũ ãrĩrĩrẽ masĩsĩã, gũare sërẽñami:

—¿Nasirirã: “Pãrẽ ãrĩbirabũ”, ãrĩ gãme werenĩrĩ mũsã? Yũre méréõgã bũremurĩ opáa mũsã.

9 ¿Mũsã pémasĩberi dapa? ¿Yũ cinco mil ãmarẽ su mojõma pã duparure dukawa ejodeare gũñaberi mũsã? Ìgũsã baayapi-adero pũũ, ¿diĩkũ puuirigora Ìgũsã baadũáadeare mũsã seasã utũudobori?

10 ¿Pũũ yũ su mojõma pere gaji mojõ peru pẽrẽbejari pã duparure dukawa, cuatro mil ãmarẽ ejodeadere gũñaberi mũsã? Ìgũsã baayapiadero pũũ, ¿diĩkũ puuirigora Ìgũsã baadũáadeare mũsã seasã utũudobori?

11 ¿Nasirirã mũsã yũ wererire pémasĩberi? Yũ: “Fariseo bumarã, saduceo bumarã pã wemasãrĩ morẽrĩrẽ õãrõ pémasĩka!” ãrĩgũ, pãrẽ ãrĩgũ meta iriabũ, ãrĩmi.

12 Ìgũ irasũ ãrĩmakũ pérã, gũa pémasĩbũ. Pã wemasãrĩ morẽrĩrẽ ãrĩgũ meta irimi. Fariseo bumarã, saduceo bumarã ãrĩgatori merã bueri gapũre: “Õãrõ pémasĩka!” ãrĩgũ irimi.

*Pedro Jesúsre: “Mũ Cristo ããrã”, ãrĩ werede*  
(Mr 8.27-30; Lc 9.18-21)

13 Pũũ Jesús Cesarea Filipo wãĩkũri makã pũroque waami. Iroque eja, gũare Ìgũ buerãrẽ sërẽñami:

—Masaka yũre ããrĩpererã tĩgũrẽ, ¿naásũ ãrĩ gũñarĩ? ãrĩmi.

14 Gũa Ìgũrẽ yũjubũ:

—Surãyeri mũrẽ: “Juan masakare wãĩyerimasũ ããrĩmi”, ãrĩma. Gajerã: “Elías ããrĩmi”, gajerã: “Jeremías ããrĩmi, o gajigũ Marĩpũya kerere weredupuyurimasũ ããrĩmi”, ãrĩma, ãrĩbũ.

15 Irasũ ãrĩmakũ, Jesús gũare sërẽñami:

—Mũsãkoa yũre, ¿naásũ ãrĩ gũñarĩ? ãrĩmi.

16 Ìgũ irasũ ãrĩmakũ pégu, Simón Pedro Ìgũrẽ ãrĩmi:

—Mu, Marĩpu iriudi, Cristo ããrã. Marĩpu okanígũ magũ ããrã mu, ãĩmi.

17 Irasũ ãĩmakũ, Jesús ãgũrẽ yũjũmi:

—Simón, Jonás magũ, mu yũre yũjũri, masaka mũrẽ weredea meta ããrã. Yũpu ãmũgasigue ããĩgũ irire mũrẽ masĩmakũ yámi. Irasirigu mu usũyari opáa.

18 Mũrẽ werea. Mu “Pedro”\* wãĩkũa. I ãtãye weka turari wiire iriboderosũ yũ mu merã yaarãrẽ yũre bũremuturarã ããĩmakũ irigũkoa. Irasirigu wãtĩ ãgũ turari merã yũre bũremurãrẽ neõ tarinũgãbirikumi.

19 Yũ mũrẽ Marĩpu ãgũyarãrẽ doreroguema sawire sĩgũkoa, mu iroguemarẽ iridoreburire. Irasirigu mu Marĩpu ãmũgasigue ããĩgũ dorerosũta: “I ãmũguere ãsũ waabirikõãburo”, ãĩmakũ, irire waabirimakũ irigũkumi. Mu ãgũ dorerosũta: “I ãmũguere ãsũ waaburo”, ãĩmakũ, irire waamakũ irigũkumi, ãĩmi Jesús.

20 Jesús irasũ ãrãdero pũrũ, gũare ãĩmi:

—Gajerã masakare yũre: “Marĩpu iriudi, Cristo ããĩmi ãĩ”, ãĩ werebirikõãka! ãĩmi.

*Jesús ãgũ boaburire weredea*

*(Mr 8.31-9.1; Lc 9.22-27)*

21 ãgũ irasũ ãĩrĩnũ merãta Jesús gũare ãgũ buerãrẽ ãgũ boaburire werenũgãmi:

—Yũre Jerusalẽgue waaró ããrã. Iroque marã: judío masaka mũrã, paía oparã, Moisés gojadeare buerimasã yũre bũro ñerõ tarimakũ irirãkuma. Yũre wẽjẽrãkuma. ãgũsã irasirikerepũrũ, ãrenũ waaró merã Marĩpu yũre masũgũkumi, ãĩmi.

22 ãgũ irasũ ãĩmakũ pégũ, Pedro Jesũre yoaweyarogue ãã, ãgũrẽ ãsũ ãĩmi:

—Yũ Opũ, irire ãĩbirikõãka! Marĩpu, mu ãĩrõsũ mũrẽ waamakũ kãmutaburo. Mu ãĩrõsũ mũrẽ waabirikõãburo, ãĩmi.

23 ãgũ irasũ ãĩmakũ pégũ, Jesús gãmenũgã, ãgũrẽ ãsũ ãĩmi:

—Satanás, yũ pũrore wirika! Mu, Marĩpu yũre dorerire iribirimakũ iridũagu yáa. Marĩpu gãmerĩrẽ gũñabea. Masaka gũñarõsũ gũñãa mu, ãĩmi.

24 ãgũ irasũ ãĩrĩ odo, gũare ãĩmi:

—Sugũ yũre tũyadũagu ãgũ iridũarire piriburo. Irasirigu yũre tũyadũari waja curusague pábiatũ wẽjẽsũbu irirosũ ããĩkeregu, neõ piriro marĩrõ yũre tũyanĩkõãburo.

25 Sugũ i ãmũgue ãgũya okari direta maĩgũ peamegue béosũgũkumi. Gajigu gapũ yũre tũyari waja gajerã ãgũrẽ wẽjẽkerepũrũ, Marĩpu pũroque ãgũ merã usũyari bokagũkumi.

\* 16:18 “Pedro”, ãĩrõ: “ãtãye”, ãĩdũaro yáa.

26 Sugũ masakũ i ãmũmarẽ ããrĩpereri opakeregu, ãgũ boari purũ waaburi gapũre gũñabiri waja peamegue waagũ, õãrĩrẽ neõ wajatabirikumi. Irasirigu i ãmũgue opari diretta gũñagũ, ãgũ boadero purũ, peamegue béosũgũkumi. Iroguere ãgũ wiridũagu i ãmũgue opari merã neõ wajarimasĩbirikumi.

27 Yu ããrĩpererã tĩgũ, Yũpu gosewasiriri merã, ãgũrẽ wereboerã merã i ãmũguere dupaturi aarigũ, ããrĩpererã masakare ãgũsã irideakũ keoro wajarigũkoa.

28 Diayeta werea yũ. Surãyeri mũsã õõguere ããrĩrã mũsã boaburo dupuyuro yũ ããrĩpererã tĩgũ, Opũ ñajãmakũ ããrãkoa, ãrĩmi Jesús.

## 17

*Jesús ãgũ deyori gorawayudea*  
(Mr 9.2-13; Lc 9.28-36)

1 Su mojõma pere gaji mojõ suru pẽrẽbejarinũrĩ purũ, Jesús Pedrore, Santiagore, ãgũ pagũmu Juãrẽ ãmarĩ buúrugue siiu mũrĩãmi.

2 Iri buúru wekague ãgũsã mũrĩjadero purũ, ãgũsã iũrõ ãgũ deyori gorawayuakõãyupu. ãgũ diapu abe ãmũmu irirosũ gosewasiriyuro. ãgũya surĩro goserĩne, õãrõ borero waayuro.

3 Irasũ waaripoeta iripogue marã Moisés, Elías Jesús merã weretamunĩmakũ ããñũrã.

4 ãgũsãrẽ ããgũ, Pedro Jesúsre ãrĩyupu:

—Gũa Opũ, marĩ õõ ããrĩmakũ õãtaridũãa. Mu gããmemakũ, õõguere ure wiigã irigũra. Mũya wii, Moiséya wii, Elíaya wii irigũra, ãrĩyupu.

5 ãgũ irasũ ãrĩ werenĩripoe, õãrõ gosewasiriri mikãyebo ãgũsãrẽ túbiakõãyuro. Iri yebo poekague Marĩpu ãsũ ãrĩ werenĩmakũ pẽñũrã:

—Ĩi yũ magũ, yũ maĩgũ ããrĩmi. ãgũ merã burõ usũyãa. Õãrõ pẽka ãgũrẽ! ãrĩyupu.

6 Irasũ ãrĩmakũ pẽrã, Jesús buerã burõ gũiri merã, ejamejã, ãgũsãya diapurire yebague moomejãkõãñũrã.

7 ãgũsã irasirimakũ ããgũ, Jesús ãgũsã purõ waa, ãgũsãrẽ moãña:

—Wãgãñũgãka! Gũibirikõãka! ãrĩyupu.

8 ãgũ irasũ ãrĩmakũ iũrã, gajerãrẽ ããbiriñũrã. Jesús diretta ããñũrã.

9 Purũ buúrugue ããrãnerã dijariñũrã. Iroguere dijariũ Jesús ãgũsãrẽ turaro merã ãrĩyupu:

—Dapora mũsã ããdeare gajerãrẽ werebirikõãka! Yu ããrĩpererã tĩgũ boa, masãdero purũgue irire wereka! ãrĩyupu.

10 ãgũ irasũ ãrĩmakũ, ãgũ buerã ãgũrẽ sãrẽñãñũrã:

—¿Nasirirã Moisés gojadeare buerimasã: “Cristo, Marĩpu iriubu aariburo dupuyuro Elías aarip̄rorigukumi”, ãrĩrĩ? ãrĩ sērēñañurã.

<sup>11</sup> Jesús ìgūsārē yūjuyur̄:

—Mũsã ãrĩr̄õsũta Elías aarip̄rorigukumi ããrĩpererire ãmuyubu.

<sup>12</sup> Yū gap̄ ãsũ ãrĩ weregura mũsārē. Elías ejasiami. Ìgũ ejakerep̄ru, masaka ìgūrē ìãmasĩbirima. Irasirirã ìgūsã gããmerõ iriduarire ìgūrē ñerõ irima. Ìgūrē iriderosũta yū ããrĩpererã t̄ìgūrē ñerõ irirākuma, ãrĩyur̄.

<sup>13</sup> Ìgũ irasũ ãrĩmakũ p̄rãgue, p̄emasĩñurã. “Ìgũ: ‘Elías ejasiami’, ãrĩgũ, Juan masakare wãiyedire ãrĩgũ yãmi”, ãrĩ masĩñurã pama.

*Jesús ñamasĩrĩrĩ opagure taudea*

*(Mr 9.14-29; Lc 9.37-43)*

<sup>14</sup> P̄ru ìgūsã buúrue ããrãnerã wãrã masaka p̄ro dijamama. Ìgūsã dijajamakũ ìãgũ, suḡ masakũ aari, Jesús p̄ro ñaduk̄puri merã ejamejã, ìgūrē ãrĩmi:

<sup>15</sup> —Yū Op̄, yū magūrē bopoñaka! Ìgũ ñamasĩrĩrĩ opagu ããrĩmi. Buro ñerõ tarinami. Irasirigu peamegue meémejãma, diaguedere meébianokõãmi.

<sup>16</sup> Irasirigu ìgūrē mū buerã p̄rogue ãñjadabu. Ìgūsã ìgūrē taumasĩbirama, ãrĩmi.

<sup>17</sup> Ìgũ irasũ ãrĩmakũ p̄gu, Jesús yūjumi:

—Mũsã dapora marã, yure b̄remurĩ opamerã, diayemarē neõ p̄emasĩmerã ããrã. ¿Noópã yoaripoe mũsã merã ããrĩgukuri? ¿Noópã yoaripoe mũsã yure b̄remubirire gũñaturagukuri? Majìgūrē õõ gap̄ ãirika! ãrĩmi.

<sup>18</sup> Ìgūrē ãñjamakũ, Jesús wãtĩ majìgũguere ããrìgūrē: “Wirika ìgūrē!” ãrĩmi. Jesús ìgūrē béowiumakũta, majìgũ tariakõãmi.

<sup>19</sup> P̄ru ḡna Jesús buerã gajerã p̄berogue ìgūrē sērēñabu:

—¿Nasirirã ḡna gap̄ wãtìrē béowiumasĩbirayuri? ãrĩbu.

<sup>20</sup> Jesús yūjumi:

—Mũsã Marĩp̄re m̄rõgã b̄remurĩ opasã, ìgūrē béowiumasĩbirabu. Diayeta mũsārē werea. Mũsã b̄remurĩ opari mostaza wãikuri yegãpã irirosũ ããrĩkerep̄ru, i buúrue: “Sõõgue waaburo”, ãrĩ masĩbokoã. Mũsã irasũ ãrĩmakũ, i buúru mũsã dorerosũta waabokoã. Marĩp̄re b̄remurĩ oparã ããrĩpererire irimasã.

<sup>21</sup> Ìño wãtìrē béowiudarã, bereri merã Marĩp̄re buro sērēõ gããmea, ãrĩmi.

*Jesús ìgũ boaburire werenemodea*

*(Mr 9.30-32; Lc 9.43-45)*

22 Puru Galilea nikūgue gua waagorenabu. Irogue Jesús guare ārīmi:

—Masaka yure āārīpererā tīgūrē ñeā, gajerāguere wiarākuma.

23 Īgūsā yure wējērākuma. Yure wējēadero puru, urenu waarō merā Marīpu yure masūgukumi, ārīmi. “Yure wējērākuma”, ārīmakū pérā, gua buro bujawerebu.

*Marīpuya wiima āārīburire niyeru wajasearire sērēñadea*

24 Puru gua Jesús merā Capernaugue waabu. Irogue ejadero puru, Marīpuya wiima āārīburire niyeru wajaseabosarimasā Pedro puro eja, īgūrē sērēñama:

—¿Mūsārē buegu Marīpuya wiima āārīburire niyeru wajariri? ārīma.

25 Pedro īgūsārē yujumi:

—Wajarimi, ārīmi.

Puru Pedro wiigue ñajāa, Jesúre sērēñaburipoeta Jesús gapu īgūrē sērēñapurorimi:

—Simón, ¿naásū gūñarī mu? I umu marā oparā masakare niyeru wajaseaduarā, ¿noā gapure wajaseakuri? ¿Īgūsāyarārē, o gajero marā Īgūsāya nikūgue ejanerā gapure wajaseakuri? ārīmi.

26 —Gajero marā gapure wajaseakuma, ārī yujumi Pedro.

Īgū irasū ārīmakū, Jesús ārīmi:

—Irasirigu sugu opu īgūyarārē wajaseabirikumi.

27 Marīpuyarā marī āārīkererā, Marīpuya wiima āārīburire niyeru wajaseabosarārē marī merā guamakū iribirikoa. Irasirirā wajarirākoa. Wejerida āi, ditarugue waaī wējēgū waaka! Baapurorigure túwea āika! Īgūya disigue niyeru tire bokagukoa. Puru iriti merā marī pērāyare Marīpuya wiima āārīburire wajarigu waaka! ārīmi.

## 18

*Jesús sugu gajerā nemorō āārīgūyamarē weredea*  
(Mr 9.33-37; Lc 9.46-48)

<sup>1</sup> Iripoere gua Jesús buerā īgū puro eja, sērēñabu:

—Umugasigue Marīpu īgūyarārē doreroguere, ¿noā gua watopere āārīpererā nemorō āārīgukuri? ārību.

<sup>2</sup> Gua irasū ārīmakū, Jesús majīgūrē siiu, īgūrē gua watopegue āinú, ārīmi:

<sup>3</sup> —Diyeta mūsārē werea. “Majīgū irirosū āārā, gajerā nemorō āārībea”, ārī gūñaka! Mūsā: “Gajerā nemorō āārā”, ārī gūñarērē gorawayumerā, umugasigue Marīpu īgūyarārē doreroguere neō waabirikoa.

<sup>4</sup> Sugū īgū basi: “Yu ubu āārīgū, majīgū irirosū āārā”, ārī gūñagū, Marīpu umugasigue āārīgū ĩūrō gajerā nemorō āārīmi.

<sup>5</sup> Sugũ yaagure, ñi majĩgũ irirosũ ããrĩgũrẽ õãrõ bokatĩrĩñeãgũ yũdere bokatĩrĩñeãmi.

*Gajerãrẽ ñerõ irimakũ iribirikõãka! ãrĩ weredea*  
(Mr 9.42-48; Lc 17.1-2)

<sup>6</sup> Sugũ yũre bũremurãrẽ ñi majĩgũ irirosũ ããrĩrãrẽ ñerõ irimakũ irigũno, bũro wajamoãsũgũkumi. Irasiroro ãgũ gajerãrẽ ñerõ irimakũ iriburi dupuyuro masaka ãgũrẽ wãriye ãtãye merã wãnugũgue siasiu, wãdiyague meéyomakũ õãbokoã.

<sup>7</sup> I ãmũguere masakare ñerõ irimakũ iriri ããrã. Irasirirã ñerõ tarima. I ãgũsãrẽ ñerõ irimakũ iriri ããrĩnikõãrokoa. Gajerãrẽ ñerõ irimakũ irigũno gapũ ñetariro tarigũkumi.

<sup>8</sup> Irasirirã mũsãya mojõ, o gubu merã ñerõ irirã, iri mojõrẽ, o iri gubure dititã beorosũ iri ñerõ iririre pirika! Su mojõ, o su gubu opakrerã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue beosũrãkuma. ãgũsã pe mojõ, o pe gubu opakrerã, peamegue waamakũ ñetarirokoa.

<sup>9</sup> Mũsãya koyeru merã ãã, ñerõ irirã, irirure goreweaberosũ iri ñerõ iririre pirika! Su koyeru opakrerã, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue beosũrãkuma. ãgũsã pe koyeru opakrerã, peamegue waamakũ ñetarirokoa.

*Jesús oveja dediridi keori merã buedea*  
(Lc 15.3-7)

<sup>10</sup> Neõ sugũ ñisã majĩrãrẽ ubu ããbeobirikõãka! Mũsãrẽ werea. ãmũgasigue Yũpũre wereboerã ãgũsãrẽ korerã ãgũ merã ããrĩnikõãma, ãgũsãrẽ ãgũ iritamudorerire irimurã.

<sup>11</sup> Yũ ããrĩpererã tĩgũ dediribonerãrẽ taugũ aarigũ iribũ.

<sup>12</sup> Yũ wererire, ¿naásũ gũñarĩ? Ovejare korerimasũ cien oveja opagu, sugũ oveja dedirimakũ ããgũ, gajerã noventa y nueve ovejare makã tũro ãgũsã baarogue duripĩkõã, dediridire ãmagũ waakumi.

<sup>13</sup> Diayeta mũsãrẽ werea. ãgũrẽ bokagu, gajerã noventa y nueve dediribiranerã nemorõ ãgũrẽ usũyakumi.

<sup>14</sup> ãsũta Marĩpũ ãmũgasigue ããrĩgũ ñisã majĩrã irirosũ ããrĩrãrẽ dedirimakũ gããmebemi, ãrĩmi Jesús.

*“Mũyagu mũrẽ ñerõ irimakũ ãsũ irika!” ãrĩdea*  
(Lc 17.3)

<sup>15</sup> Irasũ ãrĩ odo, ãsũ ãrĩ werenemomi:

—Mũyagu mũrẽ ñerõ irimakũ, gajerã péberogue ãgũ merã irire werenĩka! ãgũ irire õãrõ merã ãmudũagu: “Mũrẽ ñerõ iribũ! Kãtika yũ irideare!” ãrĩmakũ, mũsã dupaturi usũyari merã gãme wapikũrãkoa.

16 Īgũ irire āmuduabirimakũ, sugũ o pērārē siiu, dupaturi Īgũ pũro waaka! Īgũsā péuogwe Īgũ marē ñerō irideare wereka! Irasiro Marĩpũya werenĩrĩ gojadea pũgwe dorederosũta pērā o ƚrerā iri ñerō irideare wererire pédero pũru: “Diayeta irasũ waabu”, ārĩ masĩrākuma.

17 Mũrē ñerō iridi Īgũsā péuogwe āmuduabirimakũ, āārĩpererā yũre bũremurā merā nerē, Īgũsārē Īgũ ñerō irideare wereka! Īgũsā péuogwedere āmuduabirimakũ ĩārā, Īgũrē: “Marĩpũre bũremubi, o romano marā opũre ñegũ niyeru wajaseabosarimasũ irirosũ āārĩmi”, ārĩ ĩāka!

18 ‘Diayeta musārē werea. Musā Marĩpũ ũmũgasigue āārĩgũ dorerosũta: “I ũmũguere āsũ waabirikōāburo”, ārĩmakũ, irire waabirimakũ irigũkumi. Musā Īgũ dorerosũta: “I ũmũguere āsũ waaburo”, ārĩmakũ, irire waamakũ irigũkumi.

19 ‘Gajidere musārē werea. Musā pērā sũrosũ gũñarĩ merā: “Āsũ Marĩpũre sērērā!” ārĩmakũ, Yũpũ ũmũgasigue āārĩgũ musā sērērōsũta irigũkumi.

20 Pērā, o ƚrerā yũre bũremurā nerēmakũ, yũde Īgũsā watopegue āārā, ārĩmi Jesús.

21 Irasũ ārĩmakũ pégu, Pedro Jesús pũro ejanugā, āsũ ārĩ sērēñami Īgũrē:

—Yũ Opũ, ƚdikũgora yaagu yũre Īgũ ñerō irimakũ kātigũkuri? ƚSu mojōma pere gaji mojō peru pērēbejarigora Īgũ yũre ñerō irimakũ kātigũkuri? ārĩmi.

22 Jesús Īgũrē yũjumi:

—“Su mojōma pere gaji mojō peru pērēbejarigora Īgũ yũre ñerō irimakũ kātigũkoa”, ārĩbirikōāka! Īgũ ñerō irinarikũ kātika! ārĩmi.

*Jesús sugũ moāboerimasũ Īgũ merāmu ñerō irideare kātiduabi keori merā buedea*

23 Irasũ ārĩ odo, keori merā buemi gũare Jesús:

—Irasiro Marĩpũ ũmũgasigue āārĩgũ Īgũyarārē doreri āsũ āārā. Sugũ opũ Īgũrē moāboerimasārē Īgũsā Īgũrē wajamorĩrē wajaridorekumi.

24 Īgũsā Īgũrē wajamorĩrē āmunugāripoe gajerā Īgũyarā sugũ wáro wajamogũrē Īgũ pũro āĩakuma.

25 Īgũ wajamorĩrē wajarimasĩbirimakũ ĩāgũ, Īgũ opũ Īgũyarārē: “Īgũrē, Īgũ marāpore, Īgũ pũrārē Īgũ opari āārĩpereri merā gajerāguere duarā waaka!” ārĩkumi. “Irasirigu Īgũsārē duari waja merā Īgũ yũre wajamorĩrē wajarigũkumi”, ārĩkumi.

26 ‘Irasũ ārĩmakũ pégu, wáro wajamogũ gapũ ñadũkupuri merā ejamejā, Īgũ opũre bũro sērēkumi: “Yũ opũ, gũare gajerāguere duabirikōāka! Yũka dapa! Boroñaka yũre! Mũrē yũ wajamorĩ āārĩpererire wajaripeokōāgũkoa”, ārĩkumi.

27 'Irasū ārimakū pégu, ĩgūrē bopoñarĩ merā ĩā, ĩgūrē wiukumi. “Īgū wajamodea pereakōāa”, ārĩ, irire kātipeokōākumi.

28 Īgū irasiriadero pũũ, wáro wajamodi waa, gajigu ĩgū merāmũ ĩgū opũre moāboerimasūrē bokajakumi. Īgū merāmũ gapũ ĩgūrē mérōgā wajamokumi. Īgūrē bokajagũ, mata ĩgūya wānugūrē bũro ñeā: “Murĩgora, yũre mũ wajamorĩrē wajariipurumuka!” ārĩkumi.

29 Īgū irasū ārimakū, ĩgū merāmũ gapũ ñadukũpuri merā ejamejā, ĩgūrē bũro sērēkumi: “Yúka dapa! Bopoñaka yũre! Mũrē yũ wajamorĩ āārĩpererire wajaripeokōāgũkoa”, ārĩkumi.

30 Īgū bũro sērēmakū pékeregu, ĩgūrē yũjũbirikumi. Irasirigu ĩgūrē peresugue iridorekumi. “Yũre ĩgū wajamorĩrē wajaripeomakāgue wiuka!” ārĩkumi.

31 Wáro wajamodi ĩgūrē mérōgā wajamogūrē irasirimakū ĩārā, gajerā moāboerimasā bũro bũjawereri merā ĩgū iriadea āārĩpererire ĩgūsā opũre wererā waakuma.

32 Irire pégu, ĩgūsā opũ wáro wajamodire siiu, āsũ ārĩkumi: “Mũ ñetaria. Mũ yũre bũro sērēmakū, mũ yũre wajamodeare kātipeokōābũ.

33 Yũ irasirikerepũũ, mũ gapũ mũ merāmũrē ĩgū mũrē mérōgā wajamodeare kātibirayuro. Mũ yũre wajamodeare yũ kātiderosũta ĩgū mũrē wajamodeadere mũ kātimakū ōātariboakuyo. ¿Nasirigu ĩgūrē bopoñabirari mũ?” ārĩkumi.

34 'Irasū ārĩ odo, ĩgū merā bũro guagũ, ĩgūrē peresu irikumi bũro wajamoādoregu. Īgū wajamorĩrē wajaripeobi neō wiribirikumi, ārĩ weremi Jesús.

35 Pũũ āsũ ārĩnemomi:

—Yũpũ ãmũgasigue āārĩgũ mũsārē irasũta wajamoāgũkumi, mũsāyarā ĩgūsā mũsārē ñerō irideare mũsā ōārō merā kātibirimakū, ārĩmi.

## 19

*Jesús masakare: “Mũsā marāposā nomerē béobirikōāka!” ārĩ buede*

*(Mr 10.1-12; Lc 16.18)*

1 Jesús irire wereadero pũũ, Galilea nikũgue āārādi gua ĩgū buerā merā Judea nikũgue waa, dia Jordán wāikũdiya gaji koepũgue waami.

2 Irogue waamakū ĩārā, wārā masaka ĩgūrē tũyama. Irasirigu irogue pũrĩrikũrārē taumi.

3 Irasirimakū ĩārā, surāyeri fariseo bumarā Jesús pũro eja, ĩgūrē ñerĩ ĩgū werenĩmakū iridũarā, sērēñama:



—¿Sugu masaku ĩgũ gããmerõ ĩgũ marãpore béomakũ, marĩ doreri ããrĩkuri? ãrĩma.

<sup>4</sup> Jesús ĩgũsãrẽ yujumi.

—¿Marĩpũya werenĩrĩ gojadea pũrẽ buebiriri mũsã? Āsũ ãrĩ gojasũdero ããrĩbũ: “Neõgoraguere Marĩpũ i ãmurẽ irigũ, ãmũũ, nomeõ iridi ããrĩmĩ”, ãrĩ gojasũdero ããrĩbũ.

<sup>5</sup> Āsũ ãrĩ gojanemosũdero ããrĩbũ doja: “Sugu ãmũũ ĩgũ pagũsãmarãrẽ wiri, ĩgũ marãpo merã ããrĩgũkumi. Irasirirã ĩgũsã pẽrã ããrĩkererã, Marĩpũ ĩũrõ su dupũta irirosũ ããrĩrãkuma”, ãrĩ gojasũdero ããrĩbũ.

<sup>6</sup> Irasirirã pẽrã irirosũ ããrĩbema. Su dupũta irirosũ ããrĩma. Marĩpũ ĩgũsãrẽ su dupũta irirosũ ããrĩmakũ iridero pũru, gajigu ĩgũsãrẽ gãme béomakũ iribirikõãrõ gããmea, ãrĩmi Jesús.

<sup>7</sup> ĩgũ irasũ ãrĩmakũ pẽrã, fariseo bumarã sërẽñama doja:

—Mũ irasũ ãrĩkererũ, Moisés gapũ ãsũ ãrĩ gojadi ããrĩmĩ: “Sugu ĩgũ marãpore béodũagu: ‘I waja merã mũrẽ béoa’, ãrĩ gojari pũrẽ sĩrõ gããmea”, ãrĩ gojadi ããrĩmĩ. ¿Nasirigu irasũ ãrĩ gojayuri? ãrĩma.

<sup>8</sup> Jesús ĩgũsãrẽ yujumi:

—Mũsã ñekũsãmarã Marĩpũ dorerire iridũabirimakũ ĩãgũ: “Mũsã marãposã nomerẽ béomasĩa”, ãrĩ gojadi ããrĩmĩ Moisés. ĩgũ irasũ ãrĩ gojakerepũru, neõgoragueta Marĩpũ mũsã marãposã nomerẽ béomakũ gããmebiridi ããrĩmĩ.

<sup>9</sup> Mũsãrẽ werea. Sugo marãpũkũgo gajigu merã ñerõ iribirikererũ, igo marãpũ gapũ igore béo, gajegore marãpokũgũ, igo merã ñerõ irigũ yãmi. Gajigu béodeore marãpokũgũde igo merã ñerõ irigũ yãmi, ãrĩmi.

<sup>10</sup> ĩgũ irasũ ãrĩmakũ pẽrã, gũ ĩgũ buerã ãrĩbũ:

—ĩgũsã marãposã nomerẽ béo, gajego merã ããrĩmakũ õãbea. Irasirirã marãpo marĩmakũ õãbokoa, ãrĩbũ.

<sup>11</sup> Jesús guare yujumi:

—Āãrĩpererã masaka marãpo, o marãpũ marĩrãta ããrĩbokatĩũbirikuma. Marĩpũ marãpokũdorebirinerã, o marãpokũdorebirinerã dita bokatĩũmasĩma.

<sup>12</sup> Surãyeri ãma marãpokũmasĩbema. ĩgũsã watopegue surãyeri ãma deyoarãgueta poyarimasã ããrĩnerã nomerẽ marãpokũmasĩbema. Masaka gajerã ãmarẽ marãpokũmasĩbirimakũ yãma. Gajerã ãma, Marĩpũ ãmũgasigue ããrĩgũ ĩgũyarãrẽ doregũya direta iridũarã marãpokũbema. Irasirirã marãpo, o marãpũ marĩrã ããrĩbokatĩũdũarã, ãsũta ããrĩnikõãburo, ãrĩmi Jesús.

*Jesús majĩrãya ããrĩburire Marĩpũre sërẽbosadea  
(Mr 10.13-16; Lc 18.15-17)*

13 Puro masaka majirãrẽ Jesús puro aijama, igũsarẽ ñapeo, Marĩpũre igũsãya ããrĩburire sërẽbosadorerã. Igũsã aijamakũ ããrã, gũa igũ buerã igũsarẽ bokatĩrĩ: “Igũrẽ garibobirikõãka!” ãrĩbu.

14 Jesús gapũ guare ãrĩmi:

—Majirã yũ pũrogue aariburo. Kãmutabirikõãka igũsarẽ! Ëmũgasigue Marĩpũ igũyarãrẽ dorerogue ããrĩmurã, ããrĩmajirã yũre usũyari merã bokatĩrĩñeãrã irirosũ ããrĩma, ãrĩmi.

15 Irasirigũ majirãrẽ ñapeo, Marĩpũre igũsãya ããrĩburire sërẽbosa odo, gajerogue waakõãmi doja.

*Sugũ maamũ wãri doebiri opagũ Jesús merã werenidea  
(Mr 10.17-31; Lc 18.18-30)*

16 Puro sugũ maamũ Jesús pũrogue eja, igũrẽ sërẽñami:

—Õãgũ buegũ, yũ ãmũgasigue perebiri okari opadũagũ, ¿ñeéno õãrĩrẽ irigũkuri? ãrĩmi.

17 Jesús igũrẽ ãrĩmi:

—¿Nasirigũ yũre: “Õãgũ ããrã”, ãrĩrĩ? Marĩpũ sugũta õãgũ ããrĩmi. Mũ ãmũgasigue perebiri okari opadũagũ, Marĩpũ dorerire irika! ãrĩmi.

18 Igũ irasũ ãrĩmakũ pégũ, maamũ ãsũ ãrĩ sërẽñami doja:

—¿Dií gapũre irigũkuri? ãrĩmi.

Jesús igũrẽ yũjũmi:

—Masakare wẽjẽbirikõãka! Gajigũ marãpo merã ñerõ iribirikõãka! Yajabirikõãka! Gajerãyamarẽ ãrĩgatori merã werebirikõãka!

19 Mũpũ, mũpore gopeyari merã bũremuka! Mũ basi maĩrõsũta mũ puro ããrĩrãrẽ maĩka! ãrĩmi.

20 Igũ irasũ ãrĩmakũ, maamũ Jesũre ãrĩmi doja:

—Iri doreri ããrĩpererire majĩgũgueta neõ tarinũgãbiribũ yũ. ¿Ñeéno dũyari, yũre yũ irinemoburi? ãrĩmi.

21 Jesús igũrẽ ãrĩmi:

—Mũ, Marĩpũ ããrĩrõ igũ dorerire iripeodũagũ, mũ oparire duagũ waaka! Mũ duadea wajare boporãrẽ sĩka! Irasirigũ ãmũgasiguere wãri õãrĩ opagũkoa. Irasiri odo, yũ merã aarika! ãrĩmi.

22 Igũ irasũ ãrĩmakũ pégũ, maamũ igũ wãri oparire maĩsãã, bũro bũjawereri merã waakõãmi.

23 Igũ bũjawereri merã waamakũ ããgũ, Jesús guare igũ buerãrẽ ãrĩmi:

—Diayeta mũsarẽ werea. Wãri doebiri oparãrẽ Marĩpũ ãmũgasigue ããrĩgũ igũyarãrẽ doreroguere waamakũ diasagorãã.

24 Mũsarẽ dupaturi werea. Camellu awiru gobegãrẽ ñajãtariweremasĩbirikumi. I nemorõ wãri doebiri opagũre Marĩpũ igũyarãrẽ doreroguere waamakũ diasãã, ãrĩmi.

<sup>25</sup> Īgũ irasũ ārĩmakũ pérã, gwa ĩgũ buerã péguka, āsũ ārĩ gãme sērēñabu:

—Iro merē, ¿noã gapu Marĩpu tausũmurã ĩgũ purogue waamurã āārĩbokuri? ārĩbu.

<sup>26</sup> Jesús gware ĩã, ārĩmi:

—Masaka ĩgũsã basi ĩgũsã iriri merã Marĩpu purogue waamasĩbema. Marĩpu dita masakare ĩgũ puro āārĩmurã waamakũ irimasĩmi. Āārĩpererire irimasĩmi, ārĩmi.

<sup>27</sup> Īgũ irasũ ārĩmakũ pégũ, Pedro ĩgũrē ārĩmi:

—Gwa Опч, gwa mure tayarã, āārĩpereri gwa opadeare pípeokõãbu. Irasirirã gwa gapu, ¿ñeéonorē oparākuri? ārĩmi.

<sup>28</sup> Jesús gware āsũ ārĩ yujumi:

—Diayeta musārē werea. I ũmu peredero puru āārĩpereri maama gorawayuripoe yu āārĩpererã tĩgũ ũmugasi gosewasirogue Opu doarogue doagukoa. Yu iro doamakũ, musãde yure tayarã, pe mojõma pere su gubu peru pērēbejari oparã doarigue doarãkoa. Irasirirã musã Israel bumarãrē pe mojõma pere su gubu peru pērēbejari buri marãrē dorerãkoa.

<sup>29</sup> Yu merã waarã, ĩgũsãya wiirire, ĩgũsã pagupūrãrē, pagusãmarãrē, pūrãrē, ĩgũsãya pooerire pípeorã, wari õārĩ wajatarākuma. ĩgũsã iro dupuyuro opaderosũ cien nemorõ opanemorākuma. Irasũ āārĩmakũ Marĩpu merã perebiri okari oparākuma.

<sup>30</sup> Wãrã daporare oparã āārĩrã, purugueru ubu āārĩrã dujarākuma. Wãrã daporare ubu āārĩrã gapu, purugueru oparã āārĩrākuma, ārĩ weremi Jesús gware ĩgũ buerãrē.

## 20

### *Jesús igui poee moãrã keori merã buedea*

<sup>1</sup> Irasirigũ dupaturi Jesús keori merã buemi doja:

—Marĩpu ũmugasigũ āārĩgũ ĩgũyarãrē doreri āsũ āārã. Sugũ igui poee opu boyodujimejãripoe ĩgũya pooere moãmurãrē siiugũ waakumi. Āsũ ārĩkumi:

<sup>2</sup> “Sunũ moãrĩ waja suti niyeru ti wajarigũra”, ārĩkumi ĩgũsãrē. Purũ ĩgũsãrē ĩgũya poeegue moãdoregũ iriukumi.

<sup>3</sup> Purũ goeripoe dupuyuro nueve hora āārĩmakũ, makã dekogue waa, gajerã moãrĩ opamerãrē bokajakumi.

<sup>4</sup> ĩgũsãrē bokaja, ārĩkumi: “Musãde yaa pooere moãrã waaka! Keoro wajarigũra”, ārĩkumi. Irasirirã ĩgũya poeegue moãrã waakuma.

<sup>5</sup> Purũ poee opu goeripoe āārĩmakũ, ñamika tres hora āārĩmakũdere gajerãrē moãdorekumi doja.

<sup>6</sup> Purũ ñamikague cinco hora āārĩmakũ, makã dekogue waakumi doja. Irogue eja, gajerã moãrĩ opamerãrē bokaja,

Īgūsārē sērēñakumi: “¿Nasirirā dapagārē moābirikererā doaneākōārī musā?” ārīkumi.

<sup>7</sup> “Neō sugu guare: ‘Moārā waaka!’ ārībirami”, ārī yujukuma. Irasirigu pooe opu Īgūsārē: “Musāde yaa pooere moārā waaka! Keoro wajarigura”, ārīkumi. Irasirirā Īgūsāde Īgūya pooere moārā waakuma.

<sup>8</sup> ‘Abe ñajāripoegue āārīmakū, pooe opu Īgūya pooere siiu moāgārē āsū ārīkumi: “Moārārē siiu, moārā ejatūnunerārē wajaripurori, Īgūsā ejaburi dupuyuro ejanerārē wajari odo, ejapurorianerārē wajaritūnuka!” ārīkumi.

<sup>9</sup> Irasirigu, cinco hora āārīmakū moānugānerārē sunu moārī wataropā suti niyeru ti wajarikumi.

<sup>10</sup> Īgū irasū wajarimakū ĩārā, moāpurorianerā: “Gua gapure Īgūsā nemorō wajarigukumi”, ārī gūñadikuma. Īgūsādere surosūta wajarikōākumi.

<sup>11</sup> Irasū wajarimakū ĩārā, pooe opu merā gua, Īgūrē ārīkuma:

<sup>12</sup> “Īīsā gua purugue ejanerā gapu su horata moāama. Gua gapu sunu oārō moāneākōābu. Buro abe asiripoe moābu. Gua irasū moāneākerepuru, surosū wajarikōābu mu”, ārīkuma.

<sup>13</sup> Īgūsā irasū ārīmakū pégu, pooe opu gapu sugu Īgūsā watope āārīgūrē ārīkumi: “Yu merāmu, yu marē ñerō irigu meta yaa. Yu marē: ‘Suti niyeru ti wajarigura’, ārīmakū pégu: ‘Jáu’, ārābu mu. Irasirigu yu ārāderosūta marē keoro wajariabu.

<sup>14</sup> Irasirigu yu wajariadeare āi, waakōāka! Īrē mu purugue ejadidere marē wajariaderopāta wajarigura.

<sup>15</sup> I yaa niyeru āārā. Irasirigu yu gāāmerō wajarimasā. Gajerārē yu oārō sīmakū ĩāgū, ¿yure ĩaturiri mu?” ārīkumi pooe opu.

<sup>16</sup> ‘I keori ārīrōsūta Marīpu Īgūyarā āārīpurorinerārē, Īgūsā puru Īgūyarā āārīrādere surosū oārīrē sīgukumi, ārī weremi Jesús guare.

### *Dupaturi Jesús Īgū boaburire werede*

*(Mr 10.32-34; Lc 18.31-34)*

<sup>17</sup> Jesús Jerusalén waarī maague waagú, guare pe mojōma pere su gubu peru pērēbejarā Īgū buerārē gajerā péberogue siuwāgā, ārīmi:

<sup>18</sup> –Oārō péka! Marī Jerusalēgue waarā yaa. Irogue yu āārīpererā tīgū, paía oparāguere, irasū āārīmakū Moisés gojadea buerimasāguere wiasūgukoa. Īgūsā yure: “Boaburo”, ārīrākuma.

<sup>19</sup> Irasirirā judío masaka āārīmerāguere yure wiarākuma. Īgūsā yure burida, tārā, curusague pábiatú wējērākuma. Īgūsā yure wējēadero puru, arenu waarō merā masāgukoa, ārīmi Jesús.

*Santiago, Juan pago Jesúre sērēdea**(Mr 10.35-45)*

20 P<sub>u</sub>ru Zebedeo marāpo igo pūrā Santiago, Juan merā Jesús p<sub>u</sub>rogo eja, ĩgūrē sērēbo ñadukupuri merā ejamejāmo.

21 Igo irasirimakū, Jesús igore sērēñami:

—¿Ñeéonorē gāāmerī mu? ārīmi.

Igo ĩgūrē yujumo:

—Mu, Op<sub>u</sub> ñajāgū, ĩsā y<sub>u</sub> pūrā pērārē mu merā doremurā sóoka! Sug<sub>u</sub>re mu diaye gap<sub>u</sub>, gajig<sub>u</sub>re kúgap<sub>u</sub> doadoreka! ārīmo Jesúre.

22 Igo irasū ārīmakū pégu, Jesús igo pūrārē ārīmi:

—Musā y<sub>u</sub>re sērērīrē pémasībea. Y<sub>u</sub> buro ñerō tarig<sub>u</sub>koa. ¿Y<sub>u</sub> ñerō tarirosū musāde ñerō tarirā, bokatīūrākuri? ārīmi.

Īgūsā yujuma:

—Bokatīūkōārākoa, ārīma.

23 Jesús ĩgūsārē ārīmi:

—Diayeta āārā. Y<sub>u</sub> irirosū musāde ñerō tarirākoa. Y<sub>u</sub> gap<sub>u</sub> musārē y<sub>u</sub> diaye, kúgap<sub>u</sub> doamurārē beyemasībea. Y<sub>u</sub>pu āmusiadi āārīmí irire. Irasirirā ĩgū beyenerā dita y<sub>u</sub> diaye, kúgap<sub>u</sub> doarākuma, ārīmi.

24 Gu<sub>a</sub> pe mojōmarā ĩgū buerā gap<sub>u</sub> Santiago, Juan ĩgūsā Jesúre sērērīrē pērā, ĩgūsā merā guabu.

25 Gu<sub>a</sub> guamakū ĩāgū, Jesús āārīpererārē guare siu neō, āsū ārī weremi:

—I nikū marā oparā Marīp<sub>u</sub>re buremumerā gap<sub>u</sub> ĩgūsāyarārē dorerā, turaro merā dorema. Īgūsā doka marāde irasūta dorema. Irire masīa musā.

26 Musā tamerā ĩgūsā irirosū iribirikoa. Musā watopeguere op<sub>u</sub> āārīduagu, musārē moāboegu irirosū āārīburo.

27 Sug<sub>u</sub> musā watopegue āārīgú, gajerā nemorō āārīduagu, moāboegu irirosū āārīburo.

28 Y<sub>u</sub>de irasūta āārā. Y<sub>u</sub> āārīpererā tīgū masaka y<sub>u</sub>re iritamuburo, ārīgū meta aaribú. Y<sub>u</sub> gap<sub>u</sub> ĩgūsārē iritamugū aaribú. Irasirig<sub>u</sub> wārā masakare y<sub>u</sub> boarī merā ĩgūsā ñerō iridea wajare wajaribosagu aarīgú iribu, ārīmi Jesús guare.

*Jesús pērā koye ĩāmerārē taudea**(Mr 10.46-52; Lc 18.35-43)*

29 P<sub>u</sub>ru Jericógue āārānerā gu<sub>a</sub> wirimakū, wārā masaka Jesúre t<sub>u</sub>yama.

30 Gu<sub>a</sub> waarí maa turo, pērā koye ĩāmerā doama. Jesús iro tariwāgārīrē péñarā āsū ārī gainíma:

—Gu<sub>a</sub> Op<sub>u</sub>, David parāmi āārīturiagu, guare bopoñaka! ārīma.

31 Īgūsā irasū ārī gainímakū, masaka gap<sub>u</sub> ĩgūsārē: “Toeaka!” ārīma. Īgūsā irasū ārīkerepu<sub>u</sub>, ĩgūsā gainíadero nemorō gainínemoma:

—Gua Opu, David parāmi āārīturiagu, guare bopoñaka! ārīma.

<sup>32</sup> Īgūsā irasū ārīmakū pé, Jesús dujanugāja, Īgūsārē siiu, āsū ārī sērēñami:

—¿Nēénorē yu musārē irimakū gāāmerī? ārīmi.

<sup>33</sup> —Gua Opu, guare koye iāmakū irika! ārī yujuma.

<sup>34</sup> Īgūsā irasū ārīmakū, Jesús Īgūsārē bopoña, Īgūsāya koyere moñami. Īgū moñamakūta, iākōāma. Irasirirā Jesúre tɔyama.

## 21

*Jesús Jerusalēgue ejadea*

(Mr 11.1-11; Lc 19.28-40; Jn 12.12-19)

<sup>1</sup> Gua Jesús merā Jerusalēgue ejaburo dupuyuro Betfagé wāikuri makāgue ejapuroribu. Betfagé, buúru Olivos wāikuri buúru puro āārībú. Jesús irogue ejagu, gua merāmarā pērārē

<sup>2</sup> āsū ārī iriumi:

—Si makā marī bokatīūrō āārīrī makāgue waaka! Irogue ejarā, burra Īgūsā sianúadeore majīgū merā bokajarākoa. Īgūsārē bokajarā, Īgūsā siadeadare kura, āirika!

<sup>3</sup> Musārē: “¿Nasirimurā Īgūsārē kurari?” ārīmakū pérā: “Marī Opu gāāmeami. Dapora wiagakumi doja”, ārīka! ārī iriumi.

<sup>4</sup> Ire irasū irigu, Marīpuya kerere weredupuyudi gojaderosūta irimi. Āsū ārī gojadi āārīmi:

<sup>5</sup> Jerusalén marārē āsū ārī wereka: “Musā Sión\* marā iāka! Musā Opu musā purogue musārē iritamugū aarīmi.

Ubu āārīgú irirosū burra majīgū weka peyawāgārīmi”, ārī gojadi āārīmi.\*

<sup>6</sup> Irasirirā Jesús iriuanerā iri makāgue waa, Īgū iridoreaderosūta iriñurā.

<sup>7</sup> Burrore, pago merā Jesús purogue āijamakū, guaya suri wekamarē túwea, Īgūsā weka peobu. Gua irasiriadero puru, Jesús, majīgū wekague murībejami.

<sup>8</sup> Murībeja, Jesús Jerusalēgue peyawāgāmākū iārā, masaka wārā Īgūsāya weka sñarī surīre túwea āi, Īgū waarī maarē sēōpídupuyuma Īgūrē buremurā. Irasū āārīmakū, gajerā yuku dupuri pūrikurire diti āi, maarē pídupuyuma, Īgū waarī maa oārī maa āārīburo, ārīrā.

<sup>9</sup> Irasirirā Īgū dupuyuro waarā, Īgū puru tɔyarā āsū ārī gainíma:

—Opu David parāmi āārīturiagure usuyari sīrā! Īi Marīpu marīrē taugu iriudi oārō aariburo. Marīpure: “Ōātaria mu āārīpererā Opu ūmugasigue āārīgú”, ārī, usuyari sīrā! ārīma.

\* 21:5 Zacarías 9.9: Iripoegue marā Jerusalén wāikuri makārēta “Sión” ārīnerā āārīmá. ☆ 21:5 Zac 9.9

10 Jesús Jerusalégue ejamakū, irogue āārīrā īāgukapereakōāma. Wārā īgūsā basi āsū ārī gāme sērēñama:

—¿Noā āārīrī īī? ārīma.

11 Gajerā masaka yujuma īgūsārē:

—Ī Marīp̄ya kerere weregū Jesús wāikugū āārīmi. Galilea nikūma makā Nazaretm̄ āārīmi, ārīma.

*Jesús Marīp̄ya wiigue duarārē béowiudea*

*(Mr 11.15-19; Lc 19.45-48; Jn 2.13-22)*

12 P̄yū Jesús Marīp̄ya wiigue ñajāmi. Ñajāa, doebiri duarārē, īgūsā duarire wajarirādere bokajagū, īgūsārē béowiumi. Niyeru gorawayurimasāya niyeru sāñarī kūmarīrē yomeéwiunokōāmi. Bujare dua doanírāya doaripērīdere irasūta irimi.

13 Īgūsārē āsū ārīmi:

—Marīp̄yā īgūya werenírī gojadea pūgue āsū ārīdi āārīmi: “Yaa wii, yure b̄remurā yure sērērī wii āārā”, ārīdi āārīmi. Musā gapū yajarimasāya wii irirosū āārīmakū yāa, ārīmi.

14 Jesús Marīp̄ya wiigue āārīripoe koye īāmerā, waa-masīmerāde īgū p̄rogue ejama. Īgūsā ejamakū īāgū, īgūsārē taumi.

15 Paía oparā, Moisés gojadeare buerimasā gapū īgū turari merā iri īmumakū īārā, iri wiigue majīrā īgūrē: “Opū David parāmi āārīturiagu oātaria m̄”, ārī gainīmakū pérā, īgū merā guama.

16 Irasirirā Jesúre āsū ārīma:

—¿Īisā majīrā ārīrīrē péri m̄? ārīma.

Jesús yujumi:

—Péa. ¿Marīp̄ya werenírī gojadea pūrē ire buebiriri musā? Āsū ārī gojasūdero āārībú:

M̄ majīrārē, mirīrāgārē oārō ʘsuyari merā m̄rē bayapeo-makū irib̄, ārī gojasūdero āārībú, ārīmi Jesús īgūsārē.\*

17 Irasū ārī odo, īgūsārē béowāgā, Betania wāikuri makāgue waakōāmi. Irogue eja, kārīmi.

*Jesús higueraḡre ñāñugāmakū iridea*

*(Mr 11.12-14, 20-26)*

18 Gajin̄ boyoripoe Jesús Jerusalégue goedujāgu, ʘaboakōāmi.

19 Irasū ʘaboagu, maa turo nídi higuera wāikudire īāgū, irigu dukare āmagú waadimi. Duka marīb̄ irigu gapū. Pūrī dita āārībú. Duka marīmakū īāgū, Jesús āsū ārīmi:

—Iḡu yukū neō dupaturi dukak̄birikoa, ārīmi.

Īgū irasū ārīrī merāta, irigu ñāñugākōāb̄.

20 Irigu irasū waamakū īārā, gūa īgū buerā īāgukakōāb̄.

—¿Nasiriro mata irigu ñaĩakõãrĩ? ãrĩ sêrêñabu Jesúre.

<sup>21</sup> Jesús guare yujumi:

—Diayeta musârê werea. Musã: “Marĩpu ãsũ irimasĩbirikumi”, ãrĩ gũñarõ marĩrõ ãgũrê buremurã, yu irigure ñaĩmakũ iriaderosũ musãde irimasĩrãkoa. Irigure yu iriadero nemorõ diasarire irimasĩrãkoa. Irasirirã Marĩpũre: “I buúrure dia wádiyague béoka!” ãrĩmakũ, musã ãrĩrõsũta waarokoa.

<sup>22</sup> Musã Marĩpũre buremurĩ merã sêrêmakũ, musã sêrêrõsũta Marĩpu musârê irigukumi, ãrĩmi Jesús.

*Judío masaka opará Jesúre: “¿Noã murê doreri?” ãrĩ sêrêñadea (Mr 11.27-33; Lc 20.1-8)*

<sup>23</sup> Pũru Jesús Marĩpũya wiigwe ñajãmi. Ñgũ irogue bueripoe paía opará, gajerã judío masaka murã Ñgũ pũrogue waa, ãgũrê sêrêñama:

—¿Noã murê doreri, mu irire irasirimakũ? ¿Noã murê: “Ãsũ irika!” ãrĩrĩ? ãrĩma.

<sup>24</sup> Jesús ãgũsârê yujumi:

—Yude musârê sêrêñagura. Musã yujumakũ, yude musârê yujugura.

<sup>25</sup> Juan masakare deko merã wãiyemakũ, ¿noã ãgũrê wãiyedoregu iriuri, Marĩpu, o masaka? ãrĩmi.

Ñgũ irasũ ãrĩmakũ pérã, ãgũsã basi ãsũ ãrĩ gãme wereníma:

—¿Naásũ ãrĩ yujurãkuri marĩ? “Marĩpu Juãrê doredi ããrĩmi”, marĩ ãrĩmakũ, Jesús marĩrê: “¿Nasirirã Ñgũ weredeare buremubiriri musã?” ãrĩbokumi.

<sup>26</sup> ããrĩpererã masaka: “Juan Marĩpũya kerere weredupuyudi ããrĩmi”, ãrĩ gũñama. Marĩ: “Masaka Juãrê wãiyedorenerã ããrĩmã”, ãrĩmakũ, masaka marĩ merã guabokuma, ãrĩma.

<sup>27</sup> Irasirirã Jesúre ãsũ ãrĩ yujuma:

—Juãrê wãiyedoredire guã masĩbea, ãrĩma.

Ñgũsã irasũ ãrĩmakũ, Jesús ãgũsârê ãrĩmi:

—Musã yure: “¿Noã murê irire iridoreri?” ãrĩ sêrêñadeare yude musârê yujubea, ãrĩmi.

*Jesús sugũ pũrã pẽrã keori merã buedea*

<sup>28</sup> Jesús irasũ ãrĩ odo, ãgũsârê keori merã buemi:

—¿Naásũ ãrĩ gũñarĩ, yu ãsũ ãrĩ weremakũ pérã? Sugũ pẽrã pũrã opakumi. Sugũre ãsũ ãrĩkumi: “Makũ, igui otedea poeegue moãgũ waaka!” ãrĩkumi.

<sup>29</sup> “Waabea”, ãrĩ yujukumi. Pũru: “Waagura”, ãrĩ gũña, poeegue moãgũ waakumi.

<sup>30</sup> Pũru ãgũsã pagũ gajigu ãgũ magũ pũro waakumi. Ñgũ ãrãderosũta ãgũdere: “Poeegue moãgũ waaka!” ãrĩkumi. Ñgũ: “Jãu”, ãrĩkeregu, waabirikumi.



<sup>31</sup> ¿Níí gapu pagu dorerire iriyuri? ári sērēñami Jesús.

—Īgū moãdorepuroriadi gapu iriyuru, ári yujuma.

Īgūsā irasū ārimakū, Jesús ārimi:

—Musārē diayeta werea. Musā romano marā opure niyeru wajaseabosarimasārē, ūma merā gāmebira wajatarimasā nomerē: “Ñerā āārīma”, ārikerepuru, Īgūsā gapu musā nemorō Marīpu Īgūyarārē doreroguere waarākuma.

<sup>32</sup> Juan masakare wāiyedi musārē: “Āsū irika, Marīpu dorerire irirā!” ári buegu aarikerepuru, musā Īgū buerire neō buremubiribu. Īsā romano marā opure niyeru wajaseabosarimasā, ūma merā gāmebira wajatarimasā nome gapu Īgū buerire pérā, irire buremuma. Īgūsā irasirimakū iākererā, musā gapu musā ñerō iririre bujawere, musā gūñarirē neō gorawayubiribu. Īgū buerire neō buremubiribu, ārimi Jesús.

*Jesús ñerā moārā keori merā buedea*

*(Mr 12.1-12; Lc 20.9-19)*

<sup>33</sup> Jesús dupaturi āsū ári werenemomi:

—Gaji keori merā yu weremakū péka doja! Sugu masakū Īgūya nikūrē pooe opakumi. Iri poore iguidarire otekumi. Ote odo, iri pooe turore sārīsākōākumi. Iro ūtāyegue igui karabipiri gobere irikumi. Wii ūmarī wiigārē irikumi, iri poore korerā ōārō iā koreburo, āriġū. Irasiri odo, gajerārē iri poore wayukumi. “Yaa oteri dukare deko merā sīrākoa, yu musārē iri poore wayuri waja”, ārikumi. Irasū ári odo, gajerogue waakōākumi.

<sup>34</sup> Puru igui ñiripoe ejamakū, Īgūrē moãboerārē Īgūya poore moārā purogue Īgūya oteri dukare deko merā sērēdoregu iriukumi.

<sup>35</sup> Iri poore moārā gapu Īgū iriuanerā irogue ejamakū iārā, Īgūsārē ñerō irikuma. Sugure buro pá, gajigure wējē, gajigure ūtāyeri merā deakuma.

<sup>36</sup> Īgūsā irasiriadeare pégu, iri pooe opu gajerā Īgūrē moãboerārē Īgū iriupurorianerā nemorō iriukumi. Īgūsā ejamakū iārā, iri poore moārā Īgūsādere irasūta ñerō irikuma doja.

<sup>37</sup> Īgūsā irasiriadero puru, pooe opu Īgū magūrē iriukumi. “Yu magū gapure buremurākuma”, ári gūñadikumi.

<sup>38</sup> Iri poore moārā gapu Īgū magū ejamakū iārā, Īgūsā basi āsū ári gāme werenikuma: “Īi puruguerē i poore opabu āārīmi. Īgūrē wējēkōārā! Irasirirā marī basi i poore oparākoa”, ārikuma.

<sup>39</sup> Irasirirā Īgūrē ñeā, poe turogue āiwāgā, wējēbéokōākuma, ārimi Jesús.

<sup>40</sup> Irasū ári odo, judío masaka oparārē sērēñami:

—Iri pooere moārā ĩgũ magũrẽ wẽjẽadero pũũ, pooe opu irogue ejagu, ¿nasirigukuri ĩgũsārẽ? ārĩmi.

41 ĩgũrẽ yũjũma:

—ĩgũsā ñerārẽ bopoñarõ marĩrõ wẽjẽkõãgũkumi. Pũũ gajerārẽ ĩgũya pooere wayugũkumi. ĩgũsā gapũ ĩgũ igui oteri dukare deko merā ĩgũrẽ sĩrākũma, ārĩma.

42 ĩgũsā irasũ ārĩmakũ, Jesũs āsũ ārĩmi ĩgũsārẽ:

—¿Mũsā Marĩpũya werenĩrĩ gojadea pũrẽ ire buebiriri? Āsũ ārĩ gojasũdero āārĩbũ:

Suye ũtāye wii iririmasā ĩgũsā bẽoadeaye merā gajigu gapũ õārõ turari wii irigũkumi.

Marĩpũ irasiridi āārĩmĩ. Marĩ ĩgũ irasirideare ĩārā: “Õātaria”, ārĩ gũñāa, ārĩ gojasũdero āārĩbũ.\*

43 Irasirigu mũsārẽ werea yũ. Marĩpũ ĩgũyarārẽ dorerogue āārĩmurārẽ ĩgũ õārĩ sĩrĩrẽ mũsārẽ sĩbirikumi. Mũsārẽ ĩgũ sĩboadeare gajerā ĩgũ dorerire irirā gapũre sũgũkumi.

44 Sugu i ũtāye weka meemejāgũ, mutākõãgũkumi. I ũtāye gapũ ĩgũ weka meẽbejaro, ĩgũrẽ õārĩ pogagāgue meẽmutũbẽokõãrokoa, ārĩmi Jesũs. ((Jesũs i keori merā weregu: “Sugu yũre gāãmebi wajamoãsũgũkumi”, ārĩgũ irimi.))

45 Paĩa oparā, fariseo bumarā iri keori merā Jesũs irasũ ārĩ weremakũ pẽrā: “Marĩrẽ ārĩgũ irasũ ārĩkumi”, ārĩñurā.

46 Irasirirā ĩgũrẽ ñeãduadiñurā peresu irimurā. Irasũ ñeãduakererā, āsũ ārĩ gũñañurā: “Masaka Jesũre: ‘Marĩpũya kerere weredupuyugu āārĩmi’, ārĩma”, ārĩñurā. Irasirirā ĩgũsārẽ gũisĩā, Jesũre ñeãmasĩbirĩñurā.

## 22

*Jesũs sugũ mojõsiari bosenu iriri keori merā buedea*

1 Jesũs dupaturi gaji keori merā ĩgũsārẽ buenemomi. Āsũ ārĩmi:

2 —Marĩpũ ũmũgasigue āārĩgũ ĩgũyarārẽ doreri āsũ āārā. Su nikũ marā opu ĩgũ magũ mojõsiari bosenu irikumĩ.

3 Irasirigu opu ĩgũrẽ moãboerārẽ: “Yũ magũ mojõsiari bosenu ĩārā aarika!” ĩgũ ārĩnerārẽ siudoregũ iriukumi. ĩgũsā siu-makũ ĩgũsā gapũ: “Waabea”, ārĩkõākũma.

4 Irasirigu opu gajerā ĩgũrẽ moãboerārẽ iriukumi doja. “Yũ siunerārẽ āsũ ārĩ wererā waaka: ‘Yũre moãboerārẽ yaarā wekũare, gajerā yaarā ejorā õārõ diikũrārẽ wẽjẽdoresiabu. Āārĩpereri yũ magũ mojõsiari bosenu baaburi āmu odosiabu. Irasirirā: Bosebaarā aarika!’ ārĩ wereka ĩgũsārẽ!” ārĩ iriukumi.

\* 21:42 Sal 118.22-23

5 Īgū siiunerā gapu irire pékererā, bosenuṛē iārā waabirikuma. Sugū Īgūya poeague waakōā, gajigu Īgū moārīrē iāgū waakōākumi.

6 Gajerā gapu opuṛe moāboerārē ñeā, pá, wējēbéokōākuma.

7 Īgūsā irasirire pégu, opu buro guakumi. Irasirigu Īgūyarā surarare iriukumi, Īgūsārē wējēanerārē wajamoādoregu. Irasirirā Īgūyarā surara Īgūsārē wējēpeokōā, Īgūsāya makārē soebéokōākuma.

8 Puru opu gajerā Īgūrē moāboerārē āsū ārikumi: “Yu magū mojōsiari bosenuṛe āmusiab. Yu siiunerā gapu ñerā āārīsā, aaribirikuma.

9 Irasirirā āārīpererā makā dekoma maarīgue āārīrārē musā bokajarārē siiurā waaka!” ārikumi.

10 Īgū irasū ārīmakū, Īgūrē moāboerā waa, āārīpererā Īgūsā bokajarārē: ñerārē, oārārē siiu, opuṛe wiigue āiakuma. Irasirirā, Īgū bosenu iriri taribure utariakōākuma.

11 Puru opu Īgūsārē iāgū ñajāgū, sugure mojōsiari bosenuṛe surīro sāñabire iākumi.

12 Irasirigu Īgūrē āsū ārī sērēñakumi: “Yu merāmu, ¿nasirigu mojōsiari bosenuṛe surīro sāñabirikeregu, ñajāriari mu?” ārikumi. Īgū irasū ārī sērēñamakū pégu, Īgū gapu yujubirikumi.

13 Īgū yujubirimakū iāgū, opu Īgūrē moāboerārē āsū ārikumi: “Īrē ñeā, Īgūya mojōrīrē, guburidere sia, āi wiria, naītīārōgue Īgūrē beorā waaka! Irogu buro pūrīsūgū Īgūya guikare kūrīduútú oregukumi”, ārikumi, ārī weremi Jesús.

14 Irasū ārī odo, āsū ārīnemomi:

—Ī opu keori irirosū Marīpu wārā siiukerepuru, Īgū beyerā gapu mérāgā āārīma, ārīmi.

*Romano marā opu masakare niyeru wajasearire Jesúre sērēñadea*

(Mr 12.13-17; Lc 20.20-26)

15 Jesús irasū ārādero puru, fariseo bumarā waakōāma. Īgūrē weresādurā: “Īgūrē diaye yujubirimakū irimurā ire sērēñarā!” ārī gāme werenīnurā.

16 Irasirirā surāyeri Īgūsā buerire tayarārē, Herodeya bumarā merā Jesús pūrogu iriūnurā. Īgūsā Jesús pūrogu ejarā, Īgūrē ārīma:

—Buegu, gu mu iririkarire masā. Mu ārīgatoro marīrō werenía. “¿Naāsū gūñarī masaka yare?” ārī gūñarō marīrō Marīpuyare diayeta Īgūsārē buea. Oparārē, ubu āārīrādere āārīpererārē surosūta iāa.

17 Irasirigu guare wereka! ¿Naāsū gūñarī mu? Romano marā opu marīrē niyeru wajasearire marī wajarimakū, ¿ōāgorari, o oāberi? ārīma Jesúre.

18 Jesús gapu Īgūsā Īgūrē ñerō iriduarire masīsā, āsū ārīmi:

—Irigatorikurā āārā musā. ¿Nasirirā yure ñerō yujumakū iriduarī musā?

<sup>19</sup> Niyeru tire musā romano marā opure wajariburi tire āirika! ārīmi.

Īgū irasū ārīmakū pérā, sunu moārī waja wajataropā wajakuri tire āiāma.

<sup>20</sup> Īgūsā iri tire āijamakū, Īgūsārē sērēñami:

—I tiguere, ¿noāya diapu keori, noāya wāi tuuyari? ārīmi.

<sup>21</sup> —Romano marā opuya diapu keori, Īgūya wāita tuuyāa, ārī yujuma.

Īgūsā irasū ārīmakū pégu, Jesús Īgūsārē āsū ārīmi:

—Iro merē romano marā opuya āārīrērē Īgūrē sīka! Marīpuya gapure Marīpure sīka! ārīmi.

<sup>22</sup> Īgū irasū ārīmakū pérā, péguka, Īgūrē piriwāgākōāma.

*Saduceo bumarā, Marīpu boanerārē masūburire Jesúre sērēñadea*

(Mr 12.18-27; Lc 20.27-40)

<sup>23</sup> Irinurēta surāyeri saduceo bumarā Jesús purogue ejama. Īgūsā: “Masaka boanerāgue masābirikuma”, ārī buremurā āārīmá. Irasirirā Jesúre āsū ārīma:

<sup>24</sup> —Buegu, Moisés āsū ārīdi āārīmí: “Sugu marāpokudi pūrā marīkeregu Īgū marāpore boaweomakū, Īgū pagumu igore dúunorēgukumi. Irasirirā, igo merā Īgū pūrākūrā, Īgū tīgū dagu pūrā irirosūta āārīrākuma”, ārīdi āārīmí.

<sup>25</sup> Iripoegue gna watopeguere sugu pūrā su mojōma pere gaji mojō peru pērēbejarā āārīunanerā āārīmá. Īgūsā tīgū gapu marāpoku, pūrā marīgūta boakōāyupu. Irasirigu Īgū dagu dokamuta Īgū marāpo āārīdeore dúunorēyupu.

<sup>26</sup> Īgūde Īgū tīgū dagu irirosūta pūrā marīgūta boakōāyupu. Īgūsā pērā dokamude pūrā marīgūta boakōāyupu. Irasū dita pūrā marīrāta boapereakōāñurā.

<sup>27</sup> Īgūsā puru Īgūsā marāpode boakōāyupo pama.

<sup>28</sup> Īgūsā su mojōma pere gaji mojō peru pērēbejarā ūma āārīpererā igore marāpokunurā. Irasirirā boanerā masāmakū, ¿niino marāpogora āārīgokuri? ārī sērēñama.

<sup>29</sup> Jesús Īgūsārē yujumi:

—Musā diaye gūñabea. Marīpuya werenírī gojadeare, Marīpu turaridere masībea.

<sup>30</sup> Boanerā Īgūsā masādero puru, Īgūsā ūmugasigue Marīpure wereboerā irirosū āārīrākuma. Iroguere marāpokubirikuma. Īgūsā pūrā nomedere nomesubirikuma.

<sup>31</sup> ¿Marīpuya werenírī gojadea pūgue boanerā Īgūsā masāburire musā buebiriri? Āsū ārīdi āārīmí:

32 “Y<sub>u</sub> Abraham, Isaac, Jacob Op<sub>u</sub> aãrã”, aãrĩdi aãrĩmĩ. Irasirirã ĩgũsã boanerã aãrĩkererã, Marĩp<sub>u</sub> merã okarã aãrĩma. Irasirig<sub>u</sub> Marĩp<sub>u</sub> okarã Op<sub>u</sub> aãrĩmi. Boanerã neõ dupaturi masãbirikõãmurã Op<sub>u</sub> aãrĩbemi, aãrĩmi Jesús.

33 ĩgũ irasũ aãrĩmakũ pérã, masaka: “Õãrõ buemi”, aãrĩ pégukakõãma.

“¿Diĩ gap<sub>u</sub> Marĩp<sub>u</sub> doreri gaji doreri nemorõ aãrĩrĩ?” aãrĩ sêrêñadea

(Mr 12.28-34)

34 Jesús saduceo bumarãrê ĩgũsã ĩgũrê sêrêñanemomasĩbirimakũ iririre pérã, fariseo bumarã nerêma.

35 Irasirig<sub>u</sub> sug<sub>u</sub> ĩgũsã merãmu, Moisés gojadeare buerimasũ Jesúre diaye yujubirimakũ iridug<sub>u</sub>, aãrĩ aãrĩ sêrêñami:

36 —Bueg<sub>u</sub>, ¿diĩ gap<sub>u</sub> Marĩp<sub>u</sub> doreri gaji doreri nemorõ aãrĩrĩ? aãrĩmi.

37 Jesús ĩgũrê yujumi:

—Muya yujupũrã merã, mu aãrĩrikuri merã, aãrĩpereri mu gũnarĩ merã Marĩp<sub>u</sub>re mu Op<sub>u</sub>re maĩka!

38 I doreri, gaji nemorõ aãrĩtarinugãrĩ aãrã.

39 I doreri puruma aãrĩ aãrĩ: “Mu basi maĩrõsũta mu puro aãrĩrãrê maĩka!”

40 Marĩ i pe dorerire irirã, aãrĩpereri Moisés doredeare, Marĩp<sub>u</sub>ya kerere weredupuyunerã buedeare irirã yãa, aãrĩmi Jesús.

“¿Noã parãmi aãrĩturiagu aãrĩrĩ Cristo?” aãrĩ sêrêñadea

(Mr 12.35-37; Lc 20.41-44)

41 Fariseo bumarã irogue nerẽanerã aãrĩripoe Jesús ĩgũsãrê sêrêñami:

42 —¿Naásũ gũnarĩ musã Cristo, Marĩp<sub>u</sub> iriudire? ¿Noã magũ aãrĩrĩ ĩgũ? aãrĩmi.

—Cristo, David parãmi aãrĩturiagu aãrĩmi, aãrĩ yujuma.

43 ĩgũsã irasũ aãrĩmakũ pégu, Jesús ĩgũsãrê aãrĩmi:

—David, Cristo ñekũ aãrĩkereg<sub>u</sub>, ¿nasirig<sub>u</sub> Õãgũ deyomarĩgũ ĩgũrê weredorederosũta Cristore: “Y<sub>u</sub> Op<sub>u</sub> aãrĩmi”, aãrĩyuri? David aãrĩ gojadi aãrĩmi:

44 Marĩp<sub>u</sub> y<sub>u</sub> Op<sub>u</sub>re aãrĩ aãrĩmi: “Õõ, y<sub>u</sub> diaye gap<sub>u</sub> doaka, y<sub>u</sub> merã dorebu!

Irasiriripoe murê ĩaturirãrê mu dorerire tarinugãnemobirimakũ irigũra”, aãrĩmi.\*

45 David, Cristo ñekũ aãrĩkereg<sub>u</sub>, ĩgũrê: “Y<sub>u</sub> Op<sub>u</sub> aãrĩmi”, aãrĩdi aãrĩmi. ¿Nasirig<sub>u</sub>, Cristo, David parãmi aãrĩturiagu aãrĩkerepuru, David ĩgũrê irasũ aãrĩyuri? aãrĩmi Jesús.

46 ĩgũ irasũ aãrĩrĩrê pérã, neõ ĩgũrê yujumasĩbirima. Irasirirã gũirã, ĩgũrê dupaturi sêrêñanemobirima.

\* 22:44 Sal 110.1

## 23

*Jesús fariseo bumarãrẽ, Moisés gojadeare buerimasãrẽ ìgūsã ñerõ iririre weredeã*

(Mr 12.38-40; Lc 11.37-54; 20.45-47)

<sup>1</sup> Puru Jesús masakare, gua ìgũ buerãdere ãrĩmi:

<sup>2</sup> —Moisés gojadeare buerimasã, fariseo bumarã, Marĩpu Moisére doreri pídeare: “Ãsũ ãrĩduaro yáa”, ãrĩ wererã ããrĩma.

<sup>3</sup> Irasirirã ìgūsã wererire õãrõ irituyaka musã! Ìgūsã iririkuri gapure ìãkũbirikõãka! Ìgūsã wererosũta iribema.

<sup>4</sup> Masakare dorerã: “Ãsũ irika!” ãrĩrã, ìgūsãrẽ gajino buro nukũrĩ kõãtãrĩrã irirosũ ããrĩmakũ yãma. Masaka ìgūsã dorerire bokatũbirikerepuru, ìgūsãrẽ neõ iritamubema, ìgūsã dorerire iriburo, ãrĩrã.

<sup>5</sup> Masaka ìãmakũ dita õãrĩrẽ iri ìmuma. Marĩpuya werenĩrĩ ìgūsã gojadeã pũrĩ sãrĩ kũmarĩgã gajerãya nemorõ eyari kũmarĩgãrẽ ìgūsãya diapuserorire, ìgūsãya dukaridere siatũma, masaka ìgūsãrẽ: “Marĩpuyare õãrõ masĩma”, ãrĩdorerã. Irasũ ããrĩmakũ, ìgūsãya dipuru peyari gasirore gajerãya nemorõ yoari yuradari opari gasirire peyama, masaka ìgūsãrẽ: “Marĩpure buremutarima”, ãrĩdorerã.

<sup>6</sup> Bosenũrĩ ããrĩmakũ, oparã doarigue dita doadũama. Marĩ nerẽrĩ wiiriguedere ñajãrã, õãrĩ doaripẽrĩgue dita doadũama.

<sup>7</sup> Makã dekoguere masakare õãrõ buremurĩ merã ìgūsãrẽ bokatĩrĩ õãdoremakũ gããmema. Gajerãrẽ ìgūsãrẽ: “Gũare buerã ããrĩma”, ãrĩmakũ gããmema.

<sup>8</sup> Ìgūsã irasũ ãrĩkerepuru, musã gapu masakare: “Musã gũare buerã ããrã”, ãrĩdorebirikõãka! Musã sugu pũrãta ããrã. Yu musãrẽ buegu suguta ããrã.

<sup>9</sup> I ãmũguere neõ sugu masakare: “Gũapu ããrĩmi”, ãrĩbirikõãka! Ìmũgasigue ããrĩgũ dita Marĩpu ããrĩmi\*.

<sup>10</sup> Neõ sugu musã watopegue ããrĩgũrẽ: “Marĩ opu ããrĩmi”, ãrĩbirikõãburo. Yu, Marĩpu iriudi Cristo, suguta musã Opu ããrã.

<sup>11</sup> Musã watopegue ããrĩgũ gajerã nemorõ ããrĩgũ, musãrẽ moãboerimasũ irirosũ musãrẽ iritamugũ ããrĩgũkumi.

<sup>12</sup> Sugu ìgũ basi: “Gajerã nemorõ ããrã”, ãrĩ gũñagũnorẽ Marĩpu ìgũrẽ ubu ããrĩgũ dujamakũ irigũkumi. Gajigu: “Gajerã nemorõ ããrĩbea”, ãrĩ gũñagũ gapure Marĩpu ìgūsã opu ããrĩmakũ irigũkumi.

<sup>13</sup> Musã Moisés gojadeare buerimasã, fariseo bumarã irigatorikurã ããrã. Musã bueri merã masakare ãmũgasigue Marĩpu ìgũyarãrẽ dorerogue waabonerãrẽ kãmutarã yãa.

\* 23:9 Jesús irire ãrĩgũ: “I ãmũguere neõ sugu masakũ Marĩpu ããrĩnĩgũ irirosũ mámi”, ãrĩgũ irimi.

Musāde iroguere waabirikoa. Gajerā iroguere waaduarādere kāmūtāa. Irasirirā ñerō tarirākoa.

14 Musā Moisés gojadeare buerimasā, fariseo bumarā irigatorikurā āārā. Wapiweyarā nome wajamomakū ĩā, ĩgūsāya wiirire ēmanokōāa. ĩgūsārē bopoñabirikererā, yoaripoe Marīpure sērē ĩmugatoa, masaka musārē: “Marīpure oārō buremuma”, āriburo, ārīrā. Irasirirā ñerō tarirākoa. Marīpu musārē gajerā nemorō wajamoāgukumi.

15 Musā Moisés gojadeare buerimasā, fariseo bumarā irigatorikurā āārā. Dia wādiyague taribuja, yoaroma makārīgue musā buerire tūyabure āmarā waāa. ĩgūrē boka, musā bueri merā ĩgūrē musā nemorō perebiri peamegue waabu āārīmakū yāa. Irasirirā ñerō tarirākoa.

16 Musā koye ĩāmerā gajerārē tūādupuyuwāgāmasīmerā irirosū masakare Marīpure keoro buebea. Irasirirā ñerō tarirākoa. ĩgūsārē āsū ārī buea: “Sugū: ‘Marīpure wii merā āsū irigura’, ārī wāipeodeare iribirimakū, waja opabemi”, ārā. Idere āsū ārī buea: “Gajigū: ‘Marīpure wiima oro merā āsū irigura’, ārī wāipeodeare iribirimakū, waja opami”, ārā.

17 Koye ĩāmerā irirosū Marīpure diaye gūñamerā, pémasīmerā āārā musā. Marīpu ĩgūya wiire, iri wiima oro nemorō oārī āārītarinugāmakū yāmi. Irasirigū marīrē, ¿dí gapure buremurī merā gūñamakū gāāmerī, orore, o ĩgūya wii gapure?

18 Musā idere āsū ārī buea: “Sugū: ‘Marīpure wiima soepeoro merā āsū irigura’, ārī wāipeodeare iribirimakū, waja opabemi”, ārā. Idere āsū ārī buea: “Gajigū: ‘Iri soepeoro weka peodea merā āsū irigura’, ārī wāipeodeare iribirimakū, waja opami”, ārā.

19 Koye ĩāmerā irirosū Marīpure diaye gūñamerā, pémasīmerā āārā musā. Marīpu ĩgūya wiima soepeorore, marī iro weka peodea nemorō oārī āārītarinugāmakū yāmi. Irasirigū marīrē, ¿dí gapure buremurī merā gūñamakū gāāmerī, soepeorore, o iro weka peodea gapure?

20 Irasirigū sugū: “Marīpure wiima soepeoro merā āsū irigura”, ārī wāipeogū, āārīpereri iri soepeoro weka peyari merādere wāipeogū irikumī.

21 Sugū: “Marīpure wii merā āsū irigura”, ārī wāipeogū, Marīpu iri wiigue āārīgū merādere wāipeogū irikumī.

22 Sugū: “Ūmugasima merā āsū irigura”, ārī wāipeogude, Marīpu iroguere Opū doarogue doagū merādere wāipeogū irikumī.

23 Musā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Musā oteri mutārīgā: menta, anís, comino wāikuri baari morērīnorē sea needō,

dukawa, pe mojōma diruri irikoa. Sudiru Marīpuya wiigue āiakoā, īgū dorerire irimurā. Irasirikererā, iri nemorō ōārī gapure iribea. Diayema iririre, gajerārē bopoñarī merā iārīrē, Marīpūre būremurīrē neō iribea. Irasirirā mūsā oterire Marīpūre sīduūro marīrō diayemadere irika! Gajerārē bopoñaka! Marīpūre būremuka!

24 Koye iāmerā gajerārē tūādupuyuwāgāmasīmerā irirosū masakare Marīpūyare keoro buebea. Āārīpereri mūsā doreri gapure irikererā, iri nemorō doreri gapure neō iribea.

25 Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā masaka iūrōgue dita ōārō irirā, soropa weka gapu dita ōārō koeadeapa irirosū āārā. Irasirirā mūsā basi wāri opaduarā gajerāyare yajarā, iripa poekague koeña marīrīpa gurari uturiripa irirosū āārā.

26 Mūsā fariseo bumarā, koye iāmerā irirosū, Marīpūyare pēmasīmerā āārā. Irasirirā mūsā gūñarīrē gorawayupurorika, soropa poeka gapure ōārō koeadeapa irirosū āārīmurā. Irasirirā, soropa weka gapudere ōārō koeadeapa irirosū āārīrākoa.

27 Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā masāgoberī irirosū āārā. Masaka, iri masāgoberire utā majīrī boreri merā ōārō wūkādea majīrī merā biamakū iārā: “Ōārō deyoa”, ārī iāma. Iri ōārō deyokerepuru, poekague boanerāya gōārī, āārīpereri ñerī boadea sāñakoa.

28 Mūsāde i irirosūta āārā. Masaka mūsārē iāmakū, ōārā irirosū āārā. Irasū āārīkererā, poekague mūsā gūñarīguere ñerīrē opataria. Irasirirā irigatorikurā, ñerō iririkurā āārā.

29 Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā, iripoegue marā Marīpuya kerere weredupuyunerāya masāgoberire ōārō āmua. Gajerā ōārō irinerāya masāgoberī weka weanūdeadere ōārō āmua.

30 Āmu odo, āsū ārī werenía: “Marī ñekūsāmarā darā Marīpuya kerere weredupuyunerārē wējēnerā āārīmā. Gua īgūsā āārīdeapoegue āārīnerā tamerā īgūsārē wējētamubiribokuyo”, ārā.

31 Mūsā irire irasū ārīrā, mūsā basita: “Gua Marīpuya kerere weredupuyunerārē wējēnerā parāmerā āārīturiarā āārā”, ārīrā yāa.

32 Irasirirā mūsā ñekūsāmarā ñerō iripuroriwāgāriderosūta iriyuwarikukōōka mūsādel!

33 Mūsā ñerō iririkurā āña irirosū āārā. Mūsā ñerō iriri waja Marīpu mūsārē peamegue béoburire neō duribirikoa.



34 Irasirigu yu musā p̄rogue Marīp̄uya kerere weredupuyurārē, ĩḡuyare masīrārē, musārē buerimasādere iriuḡura. Yu irasū iriukerep̄uru, musā gap̄u surāyerire wējērākoa. Gajerārē curusague pábiatú wējērākoa. Gajerārē musā nerērī wiirigue tārā, noó ĩḡusā waarí makārī waamakū t̄uyagorenarākoa ĩḡusārē ñerō irid̄uarā.

35 Irasirirā āārīpererā masaka oārārē wējēdea waja, musā waja op̄aa. Musā ñekūsāmarā Abel diayemarē iridire wējēp̄uroriwāḡarirā, Zacarías Berequías magūguere wējēt̄ununerā āārīmá. ĩḡurē Marīp̄uya wiima soepeoro Marīp̄u āārīrī taribu watopegue wējēnerā āārīmá.

36 Diayeta musārē werea. Āārīpererārē ĩḡusā wējēdea waja dapora marā wajak̄urākuma.

*Jesús Jerusalén marārē bujawereri merā weredea  
(Lc 13.34-35)*

37 Musā Jerusalén marā, Marīp̄uya kerere weredupuyurārē wējēkōāa. Marīp̄u iriunerārē ütāyeri merā dea wējēa. Wári yu musārē āḡābo igo p̄ūrārē igoya kēdup̄uri merā neeōnúrōsū neeōnú kored̄uadib̄u. Musā gap̄u yu irasū irimakū neō ḡāamebirib̄u.

38 Irasiro musā āārīrī makā, béodea makā dujarokoa.

39 Diayeta musārē werea. Dapora merāta musā yure ĩānemobirikoa. P̄rugue musā: “Marīp̄u iriudi oātariḡu āārīmi, oārō aariburo”, ārīrāḡue, yure dupaturi ĩārākoa doja, ārīmi Jesús.

## 24

*Jesús: “Marīp̄uya wii béosūrokoa”, ārī weredea  
(Mr 13.1-2; Lc 21.5-6)*

1 Jesús Marīp̄uya wiiḡue āārādi wiriadero p̄uru, ḡua ĩḡū buerā ĩḡū p̄uro waa, āsū ārīb̄u:

—Īāka i wiire! Ōārī wii, wári wii āārā, ārīb̄u.

2 Jesús gap̄u yuj̄umi:

—Musā i wiire daporare ĩādāa. Diayeta musārē werea. I wiima āārīpereri musā ĩādea, i ütāyeride mutādiapereakōārokoa. Neō suye ütāye gajiyē weka weam̄rīadeade dujabirikoa, ārīmi.

*Jesús: “I ūm̄ p̄ereburi dupuyuro āsū waarokoa”, ārī weredea  
(Mr 13.3-23; Lc 21.7-24; 17.22-24)*

3 P̄uru Olivos wāik̄uri buúrugue eja, irogue doami Jesús. Iro ĩḡū doamakū, ḡua ĩḡū buerā ĩḡū p̄rogue eja, gajerā péberogue sērēñab̄u:

—Ḡuare wereka! ¿Naásū āārīmakū, m̄ ārāderosū waarokuri? ¿Ñeéno iri ĩmuḡukuri, m̄ dupaturi aariḡú? ¿Naásū waarokuri, i ūm̄ p̄ereburi dupuyuro? ārīb̄u.

<sup>4</sup> Jesús yujumi:

—Ōãrō pémasĩka! Gajerã musãrẽ ãrĩgatorire pébirikõãka!

<sup>5</sup> Wárã ãrĩgatorimasã aarirãkuma. “Marĩpu iriudi, Cristo ããrã yu”, ãrĩrãkuma. Īgũsã ãrĩgatomakũ pérã, wárã masaka Īgũsãrẽ buremurãkuma.

<sup>6</sup> Masaka musã puro gãmewějērĩrẽ pérã, yoarogue marã gãmewějērĩ kerere pérã, gũkabirikõãka! Irasũta waarokoa. Irasũ waakerepũũ, i mũũ pereburo duyarakoa dapa.

<sup>7</sup> Su bumarã gaji bumarã merã gãmekẽãrãkuma. Su nikũ marã gaji nikũ marã merã gãmewějērãkuma. Masaka wárã uaboari merã boarãkuma. Gajerã pũrĩrikũ ñerõ tarirãkuma. Wári makãrĩguere nikũ ñomerokoa.

<sup>8</sup> I ããrĩpereri merã masaka ñerõ taripũroriwãgãrĩrãkuma.

<sup>9</sup> Irasirirã gajerã musãrẽ ñeã, ãã, oparãguere ñerõ iridorerã wiarãkuma. Musãrẽ wějērãkuma. Yũre buremurĩ waja ããrĩpererã i mũũ marã musãrẽ ĩãturi doorãkuma.

<sup>10</sup> Irasũ waaripoe wárã yũre buremuadinerã buremuduúrãkuma. Irasirirã gãme ĩãturi doo, Īgũsã merãmarã ããrãdinerãrẽ Īgũsãrẽ ĩãturirãguere wiarãkuma.

<sup>11</sup> Wárã: “Marĩpũya kerere weredupuyurimasã ããrã”, ãrĩgatorãkuma. Irasirirã wárã masaka Īgũsãrẽ buremurãkuma.

<sup>12</sup> Masaka iro dupuyuro ñerõ iridero nemorõ ñerõ irirãkuma. Irasirirã wárã Īgũsã gãme maĩrĩrẽ pirirãkuma.

<sup>13</sup> Īgũsã musãrẽ ñerõ irikerepũũ, musã yũre neõ buremuduúbirimakũ, Marĩpu musãrẽ taugũkumi, Īgũ puro ããrĩnikõãburo, ãrĩgũ.

<sup>14</sup> Marĩpũyare wererã ããrĩpererã i mũũ marãrẽ Īgũyarãrẽ doregũ ããrĩrĩ kerere wererãkuma, ããrĩpereri bumarã irire masĩburo, ãrĩrã. Īgũsã ããrĩpererã iri kerere péperedero pũũ, i mũũ pererokoa.

<sup>15</sup> Iripoegue Marĩpũya kerere weredupuyudi Daniel i mũũ pereburo dupuyuro waaburire ãsũ ãrĩ gojadi ããrĩmĩ: “Ñegũ Marĩpũre ĩãturigũ Marĩpũya wii ñerĩ marĩrĩ wiigue ñajãgũkumi”, ãrĩ gojadi ããrĩmĩ. ((Irasirirã iri wiigue Īgũ ããrĩmakũ ĩãrã, i pũrẽ buerãno: “I mũũ pereburo yãa”, ãrĩ masĩrãkuma.))

<sup>16</sup> Ñegũ irogue ããrĩmakũ ĩãrã, Judea nikũ marã buurĩgue ũmaduriburo.

<sup>17</sup> Sugũ Īgũya wii wekague ããrĩgũ, wii poekague Īgũyare ãĩgũ ñajãbita ũmaduriburo.

<sup>18</sup> Sugũ Īgũya poegue ããrĩgũde, Īgũya surĩre wiigue ãĩgũ dujãabita ũmaduriburo.

<sup>19</sup> Irasũ waarĩnrĩrẽ nijĩpagosã nome, Īgũsã pũrã mirĩrãgã oparã nomede ñerõ tarirãkuma.

20 Irasirirā Marĩpũre āsũ ārĩ sērēka: “Puibũre, siuñajārĩnu\* āārĩmakũ, guare i irasũ waabirikōāburo”, ārĩka ĩgũrē!

21 Irasũ waarĩnũrĩrē masaka bũro ñerō tarirākuma. Marĩpu i ũmũrē iripũroridero pũrũre masaka ñerō taridero nemorō ñerō tarirākuma. I ĩgũsārē ñerō waaburi neō dupaturi irasũ waanemobirikoa.

22 Irasirigũ Marĩpu masakare i ñerō waarĩre: “Yoaripoe waabirikōāburo”, ārĩgukumi. ĩgũ irasiribirimakũ, neō sugũ masakũ taribiribokumi. Irasirigũ ĩgũ beyenerārē bopoñasĩā, ĩgũsārē ñerō waarĩre: “Iropāta waaburo”, ārĩgukumi.

23 Gajerā mũsārē: “Īāka! Ōōta Cristo āārĩmi”, ārĩmakũ pérā, o gajerā mũsārē: “Cristo sōōgue āārĩmi”, ārĩmakũ pérā, bũremubirikōāka!

24 Wārā ārĩgatorimasā aarirākuma. Surāyeri: “Yũ Cristo āārā”, ārĩrākuma. Gajerā: “Marĩpũya kerere weredupuyurimasũ āārā”, ārĩrākuma. Mũsārē ĩgũsā ārĩgatorire bũremudorerā, wārĩ gajino iri ĩmurākuma. Irasirikererā, Marĩpu beyenerārē ĩgũrē bũremuduúmakũ irimasĩbirikuma.

25 Iri waaburi dupuyuro yũ mũsārē weresiāa, irire masĩburo, ārĩgũ.

26 Irasirirā gajerā masaka mũsārē: “Cristo sōō masaka marĩrōgue āārĩmi”, ārĩmakũ pérā, ĩārā waabirikōāka! Gajerā mũsārē: “Īāka! I wiima taribugue āārĩmi”, ārĩmakũ pérā, ĩgũsārē bũremubirikōāka!

27 Yũ āārĩpererā tĩgũ gũñaña marĩrō i ũmũgue dupaturi aarigũkoa. Ũmarōgue, abe mũrĩriro gapũ, ĩgũ ñajārō gapũ bupu miārō irirosũ aarigũkoa.

28 Mimua nerēmakũ ĩārā, masaka sugũ waibũ boadi āārĩrōrē masĩkuma. I irirosũ yũ aarimakũ ĩārā, ĩgũsā wajamoāsũburire masĩrākuma, ārĩ weremi Jesús.

*Jesús āārĩpererā tĩgũ: “Āsũ aarigũkoa”, ārĩ weredeā  
(Mr 13.24-37; Lc 21.25-33; 17.26-30, 34-36)*

29 Irasũ ārĩ odo, guare āsũ ārĩnemomi:

—Masaka ñerō tarirĩnũrĩ pũrũta abe ũmũmũ naĩtĩākōāgukumi. Abe ñamimũ boyonemobirikumi. Neñukā ũmũgasigue āārĩrā yuridijarirākuma. Ũmarōgue marā turarāde naradari merā béosũrākuma.

30 Irasũ waaripoere masaka yũ āārĩpererā tĩgũ ũmũgasigue merā aarimakũ ĩārākuma. Irasirirā āārĩpereri i ũmũma makārĩ marā yũ wārĩ Marĩpu turari merā, ĩgũ gosewasiriri merā mikāyebori weka aarimakũ ĩārā, gũirā orerākuma.

31 Yũ aarigũ, yũre wereboerārē āārĩperero i ũmũguere iriugũkoa. Puriduru bũro bũsumakũ, ĩgũsā yũ beyenerārē āārĩpererogũ āārĩrārē neeōrākuma.

\* 24:20 Judío masaka siuñajārĩnũ, sábadu āārā.

32 'Ire musã masĩburo, ãrĩgũ, higueraḡu keori merã wereḡura. Irigũ pũ maamakũ ãrã: “Bojori waaburo mérõgã dũyãa”, ãrĩ masĩa.

33 Irigũ waarõsũta i ããrĩpereri yũ ãrĩrĩ irasũ waamakũ ãrã: “Cristo dupaturi aariburo mérõgã dũyãa”, ãrĩ masĩrãkoa.

34 Diayeta musãrẽ werea. I ããrĩpereri yũ ãrĩrĩ, dapora marã pereburo dupuyuro irasũ waarokoa.

35 Ƴmũgasi, i nikũde pereakõãrokoo. Yũ werenĩrĩ ḡapũ neõ perebirikoo. ããrĩpereri yũ ãrĩrõsũta waayuwarikũrokoo.

36 'Yũ dupaturi aariburinũrẽ, iri horare neõ sugũ masĩbirikumi. Marĩpũre wereboerã ãmũgasigue ããrĩrãde masĩbema. Yũ Marĩpũ magũde masĩbea. Yũpũ sugũta masĩmi.

37 'Noé ããrĩdeapoe marãrẽ waaderosũta yũ ããrĩpererã tĩḡũ aariburo dupuyuroḡãrẽ waarokoo.

38 Iripoere i nikũ Marĩpũ miũburo dupuyuro masaka õãrõ baa, iirĩ, mojõsia, ãḡũsã pũrã nomerẽ nomesu ããrĩrikũnerã ããrĩmã. Noesã doõdirugue ñajãrĩnũḡuedere irasũta irinĩkõãnerã ããrĩmã.

39 Gũñaña marĩrõ merã wãro deko merẽ, i nikũ mirĩpereakõãdero ããrĩbũ. ãḡũsãde mirĩpereakõãnerã ããrĩmã. Irasũta yũ ããrĩpererã tĩḡũde gũñaña marĩrõ merã i ãmũḡuere dupaturi aarigũkoa.

40 Irasũ waaripoere pẽrã poeḡue moãrã ããrĩrãkuma. Sugũ yũre bũremugũ ããsũḡukumi. Gajigũ yũre bũremubi iroḡueta beõwãḡãsũḡukumi.

41 Nomedede pẽrã nome ojodũka biurã ããrĩrãkuma. Sugo yũre bũremugõ ããsũḡokumo. Gajego yũre bũremubeo iroḡueta beõwãḡãsũḡokumo.

42 'Õãrõ pẽmasĩka! Yũ musã Opũ dupaturi aariburi horare neõ masĩbea musã.

43 Ire õãrõ masĩka! Wii opũ ãḡũya wiire sugũ yajarimasũ ñami merã ejaburi horare masĩḡũ, kãrĩrõ marĩrõ korekumi, ãḡũya wiire ñajãburire kãmutabu.

44 Yũ ããrĩpererã tĩḡũ gũñaña marĩrõ aarigũkoa. Irasirirã, wii opũ irirosũ musãde yũ aariburire õãrõ yũro ḡããmea, ãrĩmi Jesús.

*Jesús pẽrã moãboerimasã keori merã buedea  
(Lc 12.41-48)*

45 Pũrũ Jesús gajĩ keori merã ḡũare buenemomi:

–Sugũ moãboeḡu ãḡũ opũre bũremugũ, pẽmasĩḡũ ãsũ irikumĩ. ãḡũ opũ gajerogũe waagũ, ãḡũrẽ ãḡũya wiire gajerãrẽ ãḡũrẽ moãboerãrẽ koredoreḡũ pĩkumi. Irasirigũ ãḡũrẽ ãḡũsãrẽ baarire keoro siiu baadoreḡũ pĩkumi.

46 Irasirigũ ãḡũ opũ ãḡũya wii goedujajamakũ ãḡũ, ãḡũrẽ moãboeḡu ãḡũ doredoresũta iridi ããrĩsĩã, Ƴsũyakumi.

47 Diayeta musārē werea. Īgū pīderosūta Īgū keoro irideare ĩāgū, Īgū opu Īgūrē āārīpereri Īgūyare koredoregū pīgukumi.

48-49 Īgūrē moāboegū ñegū gapū āsū irikumi. “Yū opu mata goebirikumi”, ārī gūñagū, gajerā Īgū opuare moāboerārē ñerō pábira, mejārikurā merā iiri baagorenakumi.

50 Īgū irasirigorenarīñerē gūñaña marīrō Īgū opu goejakumi. Īgūrē moāboegū gapū: “Īgū iri hora goegukumi”, ārī masībirikumi.

51 Īgū opu goejagū Īgūrē moāboegū ñerō irideare pégū, Īgūrē buro wajamoāgukumi. Irasirigū irigatorikurārē béorogue Īgūrē béogukumi. Iroguere Īgū buro pūrīsūgū Īgūya guikare kūrīduútú oregukumi, ārīmi Jesús.

## 25

### *Jesús pe mojōmarā maamarā nome keori merā buedea*

1 Pūru Jesús dupaturi keori merā guare āsū ārī buemi doja:

—Marīpū ūmugasigue āārīgū Īgūyarārē doreri āsū āārā. Pe mojōmarā nōome āārīkuma. Su ñami Īgūsāya sīāgori duparu merā mojōsiadire bokatīrīrā waakuma.

2 Su mojōmarā nome sīāgori duparu Īgūsā āīaburire ōārō āmuyubirikuma. Gajerā su mojōmarā nome gapū Īgūsā āīaburire ōārō āmuyukuma.

3 Āmuyumerā nome Īgūsāya sīāgori duparure āīakererā, Īgūsā gorawayuburire ūye āīabirikuma.

4 Āmuyurā nome gapū Īgūsāya sīāgori duparure āī, gaji ūye Īgūsā gorawayuburire āīakuma.

5 Irasirirā, mojōsiadi mata ejabirimakū, Īgūsārē wūja ejamakū kāñākōākuma.

6 Pūru ñami deko āārīmakū, gajerā masaka: “Mojōsiadi aarisi-ami. Īgūrē bokatīrīrā aarika!” ārī gainīmakū pékuma.

7 Īgūsā gainīmakū pérā, yobe, Īgūsāya sīāgori duparure āmukuma.

8 Ūye gorawayuburire āīabiranerā nome gapū, gajerā gaji ūye āīānerā nomerē āsū ārīkuma: “Guaya sīāgori duparu yariro yāa. Irasirirā mérōgā musāya ūyere guadere sīka!” ārī sērēadikuma.

9 Āmuyuanerā nome gapū āsū ārī wujukuma: “Guaya ūye musārē sīmakū, musārē, guadere ejabiribokoa. Irasirirā ūye duarā pūro musā basi wajarirā waaka!” ārīkuma.

10 Irasirirā āmuyubiranerā nome ūye wajarirā waakōākuma. Īgūsā waadero pūru, mojōsiadi ejakumi. Īgū ejamakū ĩārā, āmuyuanerā nome gapū Īgūrē bokatīrīkuma. Irasirirā Īgū merā bosenu iriri wiigūe ĩārā ñajākōākuma. Īgūsā ñajāperemakū, iri wii marā disipūrore biakōākuma.

11 Pwugue amuyubiranerã nome gapu ejakuma. “Gua Opu, guadere tũpãsooka!” arĩkuma.

12 Igũsã irasũ arĩmakũ pẽgu, mojõsiadi asũ arĩ yujakumi: “Diayeta yu masãrẽ masĩbea”, arĩkumi Igũsã nomerẽ, arĩ weremi Jesús.

13 Irasũ arĩ odo, guare arĩmi:

—Yu aarĩpererã tĩgũ dupaturi aariburinurẽ, iri horadere neõ masĩbea masã. Irasirirã amuyunerã nome mojõsiadire bokatĩrã waamurã Igũsãya sĩãgori duparure amuyuderosũ masãde yu aariburire õarõ amuyuka! arĩmi Jesús.

*Jesús sugu opu igurẽ moãboerãrẽ niyeru sirĩ keori merã buedea*

14 Irasũ arĩ odo, gaji keori merã guare Igũ buerãrẽ buenemomi doja:

—Marĩpu Igũyarãrẽ doregu, sugu wii opu irirosũ aarĩmi. Wii opu gaji nikũgue waabu, igurẽ moãboerãrẽ siiu, Igũya niyerure koredoregu pikumi.

15 Irasirigu, Igũsarẽ: “Õõpã merã wajatanemorãkuma”, arĩ iãmasĩã, Igũya niyeru wajapari tirire dukawakumi. Sugure su mojõma tiri, gajigure pe ti, gajigure su ti sikumi. Igũsarẽ sũ odo, waakõakumi.

16 Irasirigu su mojõma tiri opagu, mata iri tiri merã gajino wajari, dua, gaji su mojõma tiri wajatanemokumi. Irasirigu pe mojõma tiri opakumi.

17 Pe ti opagude irasũta gaji pe ti wajatanemokumi. Irasirigu wapikari tiri opakumi.

18 Su ti opagu gapu yebague gobe má, iri gobegue Igũ opu sĩadea tire yãapĩkõakumi.

19 Yoadero puru, wii opu goekumi. Goeja, Igũya niyeru tiri merã Igũsã wajatanemodeare amubu, igurẽ moãboerãrẽ siukumi.

20 Irasirigu su mojõma tiri sũsũdi Igũ opu purogue eja, pe mojõma tiri igurẽ wiakumi. “Yu opu, su mojõma tiri yure sĩbu mu”, arĩkumi. “Iãka! Iri tiri merã gaji su mojõma tiri wajatanemobu”, arĩkumi Igũ opure.

21 Igũ irasũ arĩmakũ pẽgu, Igũ opu arĩkumi: “Õãgorãa. Mu yure moãboegu õãgũ aarã. Yu dorederosũta yu mërõgã murẽ pĩdea merã õarõ iriyo. Irasirigu wari yaare koredoregu pĩgura. Yu merã aarĩgũ, usuyari merã aarĩka!” arĩkumi Igũ opu igurẽ.

22 Puru pe ti sũsũdide Igũ opu purogue eja, igurẽ asũ arĩkumi: “Yu opu, pe ti yure sĩbu mu. Iãka! Iri tiri merã gaji pe ti wajatanemobu”, arĩkumi.

23 Igũ irasũ arĩmakũ pẽgu, Igũ opu arĩkumi: “Õãgorãa. Mu yure moãboegu õãgũ aarã. Yu dorederosũta yu mërõgã murẽ pĩdea

merã õãrõ iriyo. Irasirigu wári yaare koredoregu píçura. Yu merã ããrĩgũ, usuyari merã ããrĩka!” ãrĩkumi ĩgũ opu ĩgũrẽ.

24 Pũũ su ti sĩsũdi gapũ, ĩgũ opu pũrogue eja, ĩgũrẽ ãsũ ãrĩkumi: “Yu opu, mũrẽ moãboerãrẽ bũro turaro merã moãdoregu ããrã. Mu basi moãbirikeregu, ĩgũsãrẽ oterire otedore, ĩgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ.

25 Irasirigu mũrẽ güigu, yebague gobe má, iri gobegue mũya niyeru tire yáapĩkõãbũ. Īãka! I ti ããrã mũya niyeru ti”, ãrĩkumi ĩgũ opũre.

26 ĩgũ irasũ ãrĩmakũ pégu, ĩgũ opu ãrĩkumi: “Mũ yũre moãboegu ñegũ ããrã. Térĩkũgu ããrã. Mũ yũre ãsũ ãrã: ‘Mũ basi moãbirikeregu, mũrẽ moãboerãrẽ oterire otedore, ĩgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ’, ãrã mũ yũre.

27 Mũ irasũ ãrĩgũ, ĩnasirigu, yũ mũrẽ sĩdea tire niyeru duripĩri wiigũ duripĩbiriri? Irogue duripĩmakũ, i wii moãrã iri ti merã wáro wajatanemobosabokuma mũrẽ. Irasirigu, yũ goejamakũ, mũ yũre ĩgũsã iriri merã wajatanemobosadeare wiaboakuyo”, ãrĩkumi ĩgũ opu ĩgũrẽ.

28 Irasũ ãrĩ odo, gajerãrẽ irogue ããrĩrãrẽ ãrĩkumi: “Īgũrẽ niyeru tire ĩma, pe mojõma tiri opagu gapũre sĩka!

29 Sugũ wári opagu sĩnemosũgũkumi. Irasirigu ĩgũ wári opadero nemorõ opagũkumi. Gajigu opabi ĩgũ mérĩgã opa-dideare ĩmapeokõãsũgũkumi.

30 Īi yũre moãboegu keoro iribire naĩtĩãrõgue béokõãka! Iroguere bũro pũrĩsũgũ ĩgũya guikare kũrĩduútũ oregũkumi”, ãrĩkumi ĩgũsã opu, ãrĩ weremi Jesús.

### *Jesús i ãmũ marãrẽ wajamoãburire weredeã*

31 Irasũ ãrĩ odo, guare ãrĩnemomi:

—Yũ ããrĩpererã tĩgũ, ããrĩpererã yũre wereboerã merã i ãmũ marãrẽ doregu aarĩgũ, gosewasiriri merã Opu doarogue doagũkoa.

32 Yũ irogue doamakũ, yũre wereboerã ããrĩpereri buri marã masakare yũ diaye neeõrãkuma. ĩgũsãrẽ neeõ odomakũ, sugũ ejorã koregu ovejare, cabrare boje dukawanúrõsũ yũ ĩgũsãrẽ dukawanũgũkoa.

33 Yũre bũremurãrẽ oveja irirosũ ããrĩrãrẽ yũ diaye gapũ núgũkoa. Yũre bũremumerãrẽ cabra irirosũ ããrĩrãrẽ yũ kũgarũ núgũkoa.

34 Yũ irasiriadero pũũ, yũ ããrĩpererã Opu, yũ diaye gapũ nĩrãrẽ ãsũ ãrĩ weregũkoa: “Yũpũ mũsãrẽ õãrõ irisiami. I

ũmurẽ iriguguetã mʉsãya ããrĩburire ĩgũyarãrẽ doreroguere ãmuyusiami. Irasirirã ĩgũ merã ããrĩrã aarika!

35 Yũ ʉaboamakũ ĩãrã, mʉsã yũre baari ejobũ. Yũ ñemesibumakũ, mʉsã yũre iirĩri tĩãbũ. Yũ mʉsã pũro gãmeñajãgũ ejamakũ, yũre kãrĩrõ wayubũ.

36 Surĩ marĩgũ yũ ããrĩmakũ ĩãrã, mʉsã yũre surĩre sãbũ. Pũrĩrikumakũ, mʉsã yũre ĩãrã ejabũ. Peresugue yũ ããrĩmakũdere yũre ĩãrã ejabũ”, ãrĩgũkoa.

37 Yũ irasũ ãrĩmakũ pérã, yũ diaye gapũ nĩrã Yũpũ: “Õãrã, waja opamerã ããrĩma”, ãrĩ ĩãnerã yũre sërẽñarãkuma: “Gũa Opũ, ¿naásũ ããrĩmakũ, mʉ ʉaboamakũ gũa mʉrẽ baari ejori? ¿Naásũ ããrĩmakũ, mʉ ñemesibumakũ mʉrẽ iirĩri tĩãrĩ?”

38 ¿Naásũ ããrĩmakũ, mʉ gũa pũro gãmeñajãgũ ejamakũ, kãrĩrõ wayuri? ¿Naásũ ããrĩmakũ, mʉ surĩ marĩgũ ããrĩmakũ gũa mʉrẽ surĩ sãrĩ?

39 ¿Naásũ ããrĩmakũ, mʉ pũrĩrikumakũ, o peresugue mʉ ããrĩmakũdere gũa mʉrẽ ĩãrã ejari?” ãrĩrãkuma yũre.

40 ĩgũsã irasũ ãrĩmakũ pégu, yũ ããrĩpererã Opũ, ĩgũsãrẽ ãsũ ãrĩ yũjugũkoa: “Diayeta mʉsãrẽ werea. Mʉsã sugũ yaarã watopegue ããrĩpererã nemorõ ubu ããrĩgũrẽ õãrõ irirã, yũreta õãrõ irirã iribũ”, ãrĩgũkoa ĩgũsãrẽ.

41 ĩgũsãrẽ irasũ ãrĩ odo, yũ kũgapũ nĩrãrẽ ãsũ ãrĩ weregũkoa: “Yũpũ wajamoãsumurã ããrã mʉsã. Yũ pũrore wirika! Perebiri peamegue waaka! Yũpũ iri peamerẽ wãtẽa opũ, ĩgũyarã merã ããrĩburore ãmuyusiami.

42 Yũ ʉaboamakũ ĩãrã, mʉsã yũre baari ejobiribũ. Yũ ñemesibumakũ, mʉsã yũre iirĩri tĩãbiribũ.

43 Yũ mʉsã pũro gãmeñajãgũ ejamakũ, yũre kãrĩrõ wayubiribũ. Surĩ marĩgũ yũ ããrĩmakũ, mʉsã yũre surĩ sãbiribũ. Yũ pũrĩrikumakũ, peresugue yũ ããrĩmakũdere mʉsã yũre ĩãrã ejabiribũ”, ãrĩgũkoa ĩgũsãrẽ.

44 Yũ irasũ ãrĩmakũ pérã, ĩgũsã yũre sërẽñarãkuma: “Gũa Opũ, ¿naásũ ããrĩmakũ, mʉ ʉaboamakũ, ñemesibumakũ, gũa pũro gãmeñajãgũ ejamakũ, surĩ opabirimakũ, pũrĩrikumakũ, peresugue mʉ ããrĩmakũ gũa mʉrẽ iritamubiriri?” ãrĩrãkuma yũre.

45 ĩgũsã irasũ ãrĩmakũ, yũ ããrĩpererã Opũ ĩgũsãrẽ ãsũ ãrĩ weregũkoa: “Diayeta mʉsãrẽ werea. Mʉsã sugũ yaarã watopegue ããrĩpererã nemorõ ubu ããrĩgũrẽ iritamumerã, yũreta iritamumerã iribũ”, ãrĩgũkoa ĩgũsãrẽ.

46 Pũrũ ĩgũsã perebiri peamegue wajamoãsurãkuma. Yũpũ: “Õãrã, waja opamerã ããrĩma”, ãrĩ ĩãnerã gapũ ĩgũ pũroque perebiri okarire oparãkuma, ãrĩ weremi Jesũs.



*Oparã Jesúre ñeãburire ãmudea*  
(Mr 14.1-2; Lc 22.1-2; Jn 11.45-53)

<sup>1</sup> Jesús iri ããrĩpererire bue odo, gũare ãgũ buerãrẽ ãrĩmi:

<sup>2</sup> —Penũ ðũyáa, pascua bosenu ejaburo. Irire mũsã masĩa. Iri bosenu ããrĩmakũ, yũ ããrĩpererã tĩgũrẽ ñeã, oparãguere wiarãkuma, curusague pábiatú wējẽdoremurã, ãrĩmi.

<sup>3</sup> Iripoere paía oparã, Moisés gojadeare buerimasã, judío masaka mũrãde Caifás paía opũya wii disipũroma yebague nerẽñurã.

<sup>4</sup> Irogue nerẽrã, ãgũsã Jesúre ãrĩgatori merã ñeã, wējẽburire ãmuñurã.

<sup>5</sup> Irire ãmurã:

—Bosenu ããrĩmakũ, ãgũrẽ ñeãbirikõãrã! Masaka marĩ merã guarã, marĩrẽ gainĩ turibokuma, ãrĩñurã.

*Sugo nomeõ Jesúre sũrõrĩ piupeodea*  
(Mr 14.3-9; Jn 12.1-8)

<sup>6</sup> ãgũsã ãgũrẽ wējẽburire ãmuripoere Jesús Betania wãĩkuri makãgue Simón kãmi boadiya wiigũe ããrĩmĩ.

<sup>7</sup> Irogue ãgũ ããrĩmakũ, sugo nomeõ suru sũrõdiru opago, Jesús pũro ejamo. Igo opadiru “alabastro” wãĩkuri ãtãye merã iridiru, sũrõrĩ wajapari opadiru ããrĩbã. Jesús baa doanĩrĩpoe ãgũya dipurure iri sũrõrĩrẽ piupeomo.

<sup>8</sup> Igo irasũ piupeomakũ ããrã, gũa Jesús buerã guarã ãsũ ãrĩbũ:

—¿Nasirigo igo irire irasiriwasiribéokõãrĩ?

<sup>9</sup> Iri sũrõrĩrẽ duago, wáro niyerure wajataboakumo. Iri niyeru merã boporãrẽ iritamuboakumo, ãrĩbũ.

<sup>10</sup> Jesús, gũa irasũ ãrĩmakũ pégu, gũare ãrĩmi:

—¿Nasirirã igore garibori mũsã? Ire yũre irasirigo, õãrĩrẽ irigo yámo.

<sup>11</sup> Boporã mũsã watopeguere ããrĩnĩkõãrãkuma. Yũ tamerãrẽ mũsã merã ããrĩnĩmakũ ããbirikoa.

<sup>12</sup> Igo i sũrõrĩ yare piupeogo, yaa dupũre ãgũsã yare yáaburo dupuyuro ãmuyugo irirosũ irigo yámo.

<sup>13</sup> Diayeta mũsãrẽ werea. Marĩpũ masakare tauri kerere wererã ããrĩperero i ãmũgue waagorenarã, igo yũre irideadere gajerãrẽ wererãkuma, igore gũñaburo, ãrĩã, ãrĩmi Jesús gũare.

*Judas Iscariote Jesúre wējẽdũarãguere ãgũrẽ ãmuburire ãmudea*  
(Mr 14.10-11; Lc 22.3-6)

<sup>14</sup> Jesús irasũ ããrãdero pũrũ, sugũ gũa Jesús buerã pe mojõma pere su gubu peru pẽrẽbejarã watopemũ Judas Iscariote wãĩkũgũ paía oparã merã werenĩgũ waayupũ.

<sup>15</sup> ãgũsãrẽ ãrĩyupũ:

—Yũ Jesúre mũsãrẽ wiamakũ, ¿noópã niyeru wajarirãkuri yũre? ãrĩyupũ.

Īgũ irasũ ārĩmakũ pérã, ĩgũrẽ treinta niyeru tiri plata merã iridea tirire wajariñurã.

16 Īgũsã wajarimakũ, Judas: “¿Naásũ āārĩmakũ ĩgũsãrẽ yũ Jesúre wiamakũ òākuri?” ārĩ gũñayupũ.

*Jesús ĩgũ buerã merã baatũnudea*

*(Mr 14.12-25; Lc 22.7-23; Jn 13.21-30; 1 Co 11.23-26)*

17 Purũ pã wemasãrĩ morẽña marĩrĩ baari bosenu puroririnu āārĩmakũ, gũa Jesús buerã ĩgũ purogue waa, ĩgũrẽ sērẽñabu:

—¿Noógue mũ pascua bosenu baaburire āmumakũ gãāmekuri? ārĩbu.

18 Īgũ gũare ārĩmi:

—Jerusalẽgue waaka! Iro mũsã bokajagũre āsũ ārĩka: “Gũare buegu mũrẽ āsũ ārĩ weredoreami: ‘Yũ ñerõ tariburo mērõgã duyáa. Pascua bosenu āārĩmakũ, yũ buerã merã mũya wiigue baagũkoa’, ārĩmi”, ārĩka! ārĩmi Jesús.

19 Irasirirã, pascua bosenu āārĩmakũ, Jesús doreaderosũta gũa baaburire āmunerã āārĩmã.

20 Naĩmejãripoe Jesús gũa ĩgũ buerã pe mojõma pere su gubu peru pērẽbejarã merã baa doanĩmi.

21 Gũa baaripoe gũare ārĩmi:

—Diyeta mũsãrẽ werea. Sugũ mũsã watope āārĩgũ yũre wẽjẽduarãguere yũre ĩmugũkumi, ārĩmi.

22 Īgũ irasũ ārĩmakũ pérã, gũa bũro bũjawereri merã sugũno dita ĩgũrẽ sērẽñayobũ:

—Gũa Opũ, ¿yũ āārĩrĩ mũrẽ ĩmubu? ārĩbu.

23 Gũa irasũ ārĩ sērẽñamakũ, gũare yũjũmi:

—Yũ merã i pare pã yosa baagũta āārĩmi yũre wẽjẽduarãguere yũre ĩmubu.

24 Marĩpũya werenĩrĩ gojadea pũgue gojaderosũta yũ āārĩpererã tĩgũrẽ waaró yáa. Yũre ĩmubu gapũre ñetariro waarokoa. Īgũ deyoabirimakũ òãboyo, ārĩmi Jesús.

25 Īgũ irasũ ārĩmakũ, Judas Jesúre wẽjẽduarãguere ĩgũrẽ ĩmubu sērẽñami:

—Gũare buegu, ¿yũ mũrẽ ĩmubu āārĩrĩ? ārĩmi.

Jesús ĩgũrẽ yũjũmi:

—Éũ, mũta āārã, ārĩmi.

26 Irasũ ārĩ odo, gũa baaripoe Jesús pãrẽ āĩ, Marĩpũre: “Mũrẽ usũyari sĩa”, ārĩ, pãrẽ pea, gũare ĩgũ buerãrẽ āsũ ārĩ gueremi:

—Ire baaka! Yaa dupũ āārã, ārĩmi.

27 Purũ iirĩripare āĩ, Marĩpũre: “Mũrẽ usũyari sĩa”, ārĩ, gũare iripare sũu, āsũ ārĩmi:

—Mũsã āārĩpererã ire iirĩka!

28 I yaa dí āārã. Yũ boagũ, dí béori merã wárã masaka ñerõ iridea wajare wajaribosagũkoa. Irasirigũ yaa dí béori merã

Yuru ĩgūsārē: “Ōārō irigura”, ārīdeare iriyuwarikugukumi. Irasirigu ĩgūsā ñerō irideare kātigukumi.

<sup>29</sup> Mūsārē werea. Igui dekore marī dapura iirírosū yu dupaturi neō iirínemobirikoa. Puru Yuru ĩgūyarārē dorerogue mūsā merā maama igui dekore iirígukoa, ārīmi Jesús guare.

*Jesús Pedrore: “Yure masíkeregu: ‘Masíbea’, ārīgukoa”, ārī weredea*

*(Mr 14.26-31; Lc 22.31-34; Jn 13.36-38)*

<sup>30</sup> Puru Marĩpũre bayapeo odo, guā iri wiigue āārānerā wiria, Olivos wāĩkuri buúrue waabu.

<sup>31</sup> Irogue ejagu, Jesús guare ārīmi:

–Dapagā ñami mūsā āārĩpererā gũñaturaro marĩrō yure béowāgāpereakōārākoa. Mūsā irasiriburire Marĩpũya werenĩ gojadea pũgue āsū ārĩ gojasũdero āārĩbú: “Yu oveja koregure wějmakū irīgukoa. Irasirimakū, ĩgūyarā oveja ũmawasiriakōārākuma”, ārĩ gojasũdero āārĩbú.

<sup>32</sup> Yu boadigue masādero puru, mūsā dupuyuro Galileague waadupuyugukoa, ārīmi guare.

<sup>33</sup> ĩgū irasū ārĩmakū pégu, Pedro āsū ārĩ yujumi:

–Gajerā āārĩpererā murē béowāgākerepuru, yu gapu murē neō béowāgābirikoa, ārīmi.

<sup>34</sup> Jesús Pedrore ārīmi:

–Diayeta murē werea. Dapagā ñami āgābo wereburo dupuyuro mu yure masíkeregu, urea gajerārē: “Masíbea”, ārĩgatogukoa, ārīmi.

<sup>35</sup> Pedro ĩgūrē ārīmi:

–Yu mu merā boabu āārĩkeregu: “Masíbea”, ārĩgatobirikoa, ārīmi.

Āārĩpererā guā ĩgū buerā, Pedro ĩgū ārĩrōsũta ārĩbu Jesúre.

*Jesús Getsemanígue Marĩpũre sērēdea*

*(Mr 14.32-42; Lc 22.39-46)*

<sup>36</sup> Puru Jesús guā ĩgū buerā merā waa, Getsemaní wāĩkurogue eja, guare ārīmi:

–Ōōta doaka mūsā dapa! Sōōgue Marĩpũre sērēgū waagú yáa, ārīmi.

<sup>37</sup> Irasū ārĩ odo, Pedrore, Zebedeo pũrā pērāguereta si-iiwāgāmi. ĩgū buro gũñariku, bujawereyuru.

<sup>38</sup> Irasū bujaweregu, ĩgū siiuwāgānerārē ārĩyuru:

–Buro bujowereri merā kōmoma goero péñakoa. Ōōta dujaka! Mūsāde yu kārĩberosũta kārĩmerāta yure yúka! ārĩyuru.

<sup>39</sup> Irasū ārĩ odo, yoaweyaro waanemo, yebague ĩgūya diapure moomejā, Marĩpũre āsū ārĩ sērēyuru:

—Añ, yñ ñerõ tariburire tauduagñ taumasĩa. Yñ irasũ ãrĩkererũ, yñ gããmerõsũ iribirikõãka! Mñ gããmerõsũ gapũ yũre waaburo, ãrĩyupũ.

40 Irasũ ãrĩ sërẽ odo, ñrerã ãgũ buerã pũro e jagũ, ãgũsã kãrĩrãrẽ bokaja, Pedrore ãrĩyupũ:

—¿Nasirirã su horanogãgora mũsã yũre kãrĩmerãta yũmasĩberi?

41 Kãrĩmerãta! Marĩpũre sërẽka, wãtĩ ãrĩmesãrĩrẽ iribokoa, ãrĩrã! Mũsã gãñarĩ merã õãrĩrẽ iridũadãa. Irire iridũakererã, bokatĩũbea, ãrĩyupũ.

42 Irasũ ãrĩ odo, dupaturi waa, Marĩpũre sërẽyupũ doja:

—Añ, i yñ ñerõ tariburire taudũabi, mũ gããmerõsũ irika! ãrĩyupũ.

43 Pũrũ ãgũ buerã ñrerã pũro dupaturi e jagũ, kãrĩrãrẽta bokajayupũ doja. ãgũsãrẽ wũja pũrĩtariyuro.

44 ãgũsãrẽ ããkõã, dupaturi Marĩpũre sërẽgũ waayupũ doja. ãgũ sërẽaderosũta sërẽyupũ.

45 Pũrũ ãgũsã pũro eja, ãrĩyupũ:

—¿Mũsã siuñajã, kãrĩrã yãri dapa? Yũre ããrĩpererã tĩgũrẽ ñerãguere ãgũsã wiari hora ejasiãa.

46 Wãgãñũgãka! Nãka, waarã! Yũre wẽjẽduarãguere yũre ãmubu aarisiami, ãrĩyupũ Jesũs.

### *Jesũre ñeãwãgãdea*

*(Mr 14.43-50; Lc 22.47-53; Jn 18.2-11)*

47 ãgũ irasũ ãrĩ wereripoe Judas, gũã Jesũs buerã pe mojõma pere su gubu peru pẽrẽbejarã watopemũ ããrãdi ejami. Wãrã masaka sareri majĩrĩ, yukũ dukari oparã ãgũ merã ejama. ãgũsã paĩa oparã, judio masaka mũrã ãgũsã iriuanerã ããrĩmã.

48 ãgũsã ejaburi dupuyuro Judas ãgũsãrẽ Jesũre ãmubu ãsũ ãrĩ weredi ããrĩmĩ: “Yñ ãgũya wayupãrã mimigũta ããrĩgũkumi. ãgũrẽ ñeãka!” ãrĩdi ããrĩmĩ.

49 Irasirigũ Jesũs pũro e jagũ, ãgũrẽ ãrĩmĩ:

—Gũare buegũ, ¿ããrĩrĩ mũ? ãrĩ, ãgũya wayupãrãrẽ mimimi.

50 ãgũ irasirimakũ ããgũ, Jesũs ãgũrẽ ãrĩmĩ:

—Yñ merãmũ, ¿nasirigũ aarigũ iriari? Mñ irigũra, ããdeare irika! ãrĩmĩ.

Irasirirã masaka Jesũs pũro eja, ãgũrẽ ñeãwãgãkõãma.

51 ãgũsã ãgũrẽ ñeãwãgãripoe sugũ ãgũ buegũ ãgũya sareri majĩrẽ tũãwea ãĩ, paĩa opũre moãboeguya gãmipũrẽ dititã dijukõãmi.

52 ãgũ irasirimakũ ããgũ, Jesũs gapũ ãgũrẽ ãrĩmĩ:

—Mũya sareri majĩrẽ duripĩkõãka! Sareri majĩ merã gajerã merã gãmewẽjẽrãno, sareri majĩ merãta wẽjẽsũrãkuma.

53 ¿Mūsā masīberi? Yūpūre yu sērēmakū, daporata ĩgūrē wereboerārē pe mojōma pere su gubu peru pērēbejari burig-ora yure iritamumūrārē iriubokumi.

54 Yū sērēmakū, Marīpūya werenírī gojadea pūgue go-jaderosū waabiribokoa, ārīmi Jesús.

55 Irasū ārī odo, masakare ārīmi:

—¿Nasirirā sareri majírī merā, yukū dukari merā sugū ya-jarimasūrē ñeārā aarirā irirosū yure ñeārā aaríri? Ɛmurikū Marīpūya wiigue yu mūsārē bue doanímakū, mūsā yure neō ñeābiribu.

56 Daporare i āārīpereri mūsā yure irasirirā, Marīpūya kerere weredupuyunerā gojaderosūta irirā yáa, ārīmi Jesús.

Īgūrē ñeāmakū ĩārā, gūa ĩgū buerā ĩgūrē sugūreta ũmaweonúwāgākōābū.

*Jesúre oparā pūrogue āiadea*

*(Mr 14.53-65; Lc 22.54-55, 63-71; Jn 18.12-14, 19-24)*

57 Irasirirā Jesúre ñeānerā paía opu Caifáya wiigue āĩāñurā. Iri wiiguere Moisés gojadeare buerimasā, judío masaka murāde nerēsiañurā.

58 Pedro gapū yoawayaro Jesúre tūyañajāa, Caifáya wii dispūro ñajārōma yebague eja, Marīpūya wiire korerā surara merā doayupu. “¿Naásū iriyuwarikarākuri?” ārīgū, irogue ĩā doaníyupu.

59 Paía oparā, judío masaka murā, āārīpererā oparā irogue nerēanerā Jesúre ārīgatori merā weresāmurārē āmarā iriñurā ĩgūrē wējēmurā.

60 Īgūsā pūrogue wārā masaka ārīgatori merā ĩgūrē weresārā ejakererā: “Īgū i ñerō iridea waja boaburo”, ārī weresārīrē neō bokabiriñurā. Pūru gajerā pērā ĩgūrē ārīgatori merā weresārā ejañurā.

61 Āsū ārīñurā:

—Īĩ āsū ārīmi: “Marīpūya wiire béomasā. Ɛrenū waarō merāta iri wiire dupaturi iri odomasā”, ārīmi, ārīñurā.

62 Īgūsā irasū ārīmakū pégu, paía opu wāgānugā, Jesúre ārīyupu:

—¿Īgūsārē yujuberi mū? ¿Nasirirā murē irasū ārī weresārī? ārīyupu.

63 Jesús gapū yujubiriyupu. Īgū yujubirimakū ĩāgū, paía opu ĩgūrē ārīyupu:

—Marīpu okanígū péuro diaye wereka! ¿Mūta āārīrī, Cristo Marīpu magū? ārīyupu.

64 Jesús ĩgūrē ārīyupu:

—Īgūta āārā mū ārīrōsūta. Idere mūsārē werea. Pūru yu āārīpererā tīgūrē Yūpu turagu diaye gapū doamakū ĩārākoa.

Ɖmugasima mikāyebori weka yu aarimakūdere ĩārākoa, āriyupũ.

<sup>65</sup> Ĩgũ irasũ ārĩmakũ pégu, paía opu ĩgũ guarire ĩmugũ, ĩgũya surĩrore tũāyegue, āsũ āriyupũ:

—Ĩĩ irasũ ārĩ werenĩgũ, Marĩpũre ñerõ ārĩgũ yámi. ¿Nasir-imurā gajerā ĩgũrē weresārĩrē neõ pénemobokuri marĩ? Musā, ĩgũ basita Marĩpũre ñerõ ārĩrĩrē pésiáa.

<sup>66</sup> ¿Naásũ gũñarĩ? āriyupũ.

—Marĩpũre ĩgũ ñerõ ārĩrĩ waja boaburo, ārĩ yujũñurā.

<sup>67</sup> Irasũ ārĩ odo, ĩgũ diapure síku eotú, ĩgũrē doteñurā. Gajerā ĩgũya diapure pá,

<sup>68</sup> āsũ ārĩñurā:

—Mu Cristo āārĩgũ, ārĩbokaka: “¿Noā mũrē pári?” ārĩñurā.

*Pedro Jesúre masĩkeregu: “Masĩbea”, ārĩdea*  
(Mr 14.66-72; Lc 22.56-62; Jn 18.15-18, 25-27)

<sup>69</sup> Iri wii poekague ĩgũsā irasiriripoere Pedro disipũro ñajārõma yebague doanĩyupũ. Ĩgũ iroque doamakũ, sugo paía opũre moāboego ĩgũ pũro eja, ĩgũrē āriyupo:

—Mũde Jesús Galileamu merā āārĩdita āārā, āriyupo.

<sup>70</sup> Igo irasũ ārĩmakũ pégu, Pedro āārĩpererā iro āārĩrā péurogue ārĩgatori merā:

—Mu irasũ ārĩrĩrē pémasĩbirikoa yũ, āriyupũ.

<sup>71</sup> Pũru iri wii tũroma sārĩrõ disipũrogue waayupũ. Iroque gajego ĩgũsārē moāboego ĩgũrē ĩāgõ, iro āārĩrārē āriyupo:

—Jesús Nazaretmũ merā āārĩdita āārĩmi ĩĩ, āriyupo.

<sup>72</sup> Pedro ārĩgatori merā dupaturi yujũyupũ:

—Marĩpũ péuro diayeta werea. Yu ĩgũrē masĩbea, āriyupũ.

<sup>73</sup> Mérõgā pũrũta masaka iroque āārĩrā Pedro pũrogue waa, ĩgũrē ārĩñurā:

—Mu diayeta Jesús buerā merāmũta āārā. Pémasĩrõta ĩgũsā irirosũ werenía, ārĩñurā.

<sup>74</sup> Ĩgũsā irasũ ārĩmakũ, Pedro yujũyupũ:

—Marĩpũ péuro diayeta werea. Yu mũsārē diaye werebirimakũ, Marĩpũ yũre wajamoāburo. ĩgũrē neõ masĩbea yũ, āriyupũ.

Ĩgũ irasũ ārĩripoeta āgābo wereyupũ.

<sup>75</sup> Pedro, āgābo weremakũ pégu, Jesús ĩgũrē: “Āgābo wereburo dupuyuro mũ yũre masĩkeregu, urea: ‘Masĩbea’, ārĩgatogũkoa”, ārādeare gũñabokayupũ. Irire gũñaboka, wiria, bujawereri merā bũro oreyupũ.

## 27

*Jesúre Pilato pũro āĩjadea*  
(Mr 15.1; Lc 23.1-2; Jn 18.28-32)

1 Boyodujimejāripoe āārīpererā paía oparā, judío masaka mūrā merā nerē: “Āsū iri, Jesúre wējērā”, āri āmuñurā.

2 Irasū āri āmu odo, Jesúre sia, āiwāgā, Poncio Pilato wāikugure Judea nikū marā opure wiañurā.

### *Judas Iscariote boadea*

3 Īgūsā Jesúre wējērākuma, ārīrīrē pégu, Judas gapu buru bujawereri merā ĩgū Jesúre ĩmuadeare gūñayupu. Irasirigu treinta niyeru tiri plata merā iridea tiri ĩgūsā ĩgūrē wajaridea tirire paía oparārē, judío masaka mūrārē wiagu waayupu. Irogue eja, ĩgūsārē āriyupu:

4—Yñ ñetariro iriakubu. Yñ ñerī iribire oparāguere wiadire: “Boaburo”, ārāñurā, āriyupu.

Īgū irasū ārīmakū, ĩgūrē yujñurā:

—Mu irasiriadea guaya meta āārā. Muya āārā, ārīñurā.

5 Īgūsā irasū ārīmakū pégu, Judas Marīpuya wiigue niyeru tirire meéwasiribéo, waakōāyupu. Waa, pūgubudare siasiu, ĩgū basi ĩgūya wānugūrē túsānú, parimadija, boakōāyupu.

6 Paía oparā niyeru tirire sea neeōrā, āsū ārīñurā:

—I niyeru ĩgūsā masakure wējēburi waja wajariadea āārā. Irasirirā i niyerure Marīpuya wiima duripíri kūmague pímasībirikoa. Marīrē doreri irasiridorebea, ārīñurā.

7 Puru āsū ārīñurā: “I niyeru merā diari sorori weaguya nikūrē wajarimakū ōārokoa. Irasirirā gajero marā ōōgue boamakū, iri nikū ĩgūsārē yāaburi nikū āārīrokoa”, ārīñurā.

8 Irasirirā masaka iri nikūrē: “Dí béodea nikū āārā”, āri wāiyema. Daporaguedere irasūta wāikukōāa.

9 Īgūsā irasirimakū, Jeremías Marīpuya kerere weredupuyudi gojaderosūta waabu. Āsū āri gojadi āārīmī: “Israel bumarā treinta niyeru tiri plata merā iridea tirire ĩgūrē wajarideare āīma.

10 Irasirirā iri tiri merā diari sorori weaguya nikūrē wajarima. Irasirirā, Marīpu yure: ‘Āsū irirākuma’, āri gojadorederosūta yāma”, āri gojadi āārīmī.

### *Pilato Jesúre sērēñadea*

(Mr 15.2-5; Lc 23.3-5; Jn 18.33-38)

11 Pilato, Jesúre ĩgū pūrogue ĩgūsā āījamakū, ĩgūrē sērēñayupu:

—¿Muta āārīrī judío masaka Opu? āriyupu.

—Mu ārīrōsūta ĩgūta āārā, āri yujayupu Jesús.

12 Paía oparā, judío masaka mūrā ĩgūrē weresārī gapure yujubiriyupu.

13 Irasirigu Pilato ĩgūrē āriyupu:

—¿Āārīpereri ĩgūsā murē weresārīrē péberi mu? āriyupu.

14 Jesús gapu neõ yujubiriyupu. Ìgũ yujubirimakũ ìãgũ, Pilato ìãgũkakõâyupu.

*Jesúre wějēdoredea*

*(Mr 15.6-20; Lc 23.13-25; Jn 18.38-19.16)*

15 Bojoriku pascua bosenu ããrĩmakũ, Pilato sugu peresugue ããrĩgũrē masaka wiudoregure wiunayupu.

16 Iripoere sugu Barrabás wãikugũ peresugue ããrĩyupu. Masaka ìgũ ñerõ irideare masĩñurã.

17 Irasirigu ìgũsã nerēmakũ ìãgũ, Pilato ìgũsãrē sērēñayupu:

—¿Niĩ gapure yu wiumakũ gããmerĩ musã? ¿Barrabáre, o Jesús: “Cristo” ìgũsã ãrĩgũ gapure? ãrĩyupu.

18 Wárã masaka Jesúre buremumakũ ìãrã, oparã ìgũrē ìãturisã, Pilato purogue ããñerã ããrĩmã. Pilato gapu ìgũsã ìãturirire masĩkõâyupu. Irasirigu Jesúre wiudadiyupu.

19 Puru Pilato masaka weresãrĩrē beyerimasũ doarogue doaripoe, ìgũ marãpo ìgũrē kere iriuyupo: “Ìgũ diayema irigure gajerosũ neõ iribirikõãka! Dapagã ñami ìgũrē waaburire buru goero kēãkubu”, ãrĩ kere iriuyupo.

20 Paía oparã, judío masaka murã gapu masakare ãsũ ãrĩdoreñurã: “ ‘Barrabáre wiuka, Jesús gapure wějēka!’ ãrĩka!” ãrĩdoreñurã.

21 Puru Pilato masakare dupaturi sērēñayupu doja:

—¿Ìgũsã pērãrē niĩ gapure yu wiumakũ gããmerĩ musã? ãrĩyupu.

—Barrabás gapure wiuka! ãrĩ yujũñurã.

22 Ìgũsã irasũ ãrĩmakũ pégu, Pilato sērēñayupu:

—¿Nasirigakuri yu, ñĩ Jesús: “Cristo” ìgũsã ãrĩgũ gapure? ãrĩyupu.

Ããrĩpererã:

—Curusague pábiatú wějēka ìgũrē! ãrĩ yujũñurã.

23 Irasirigu Pilato ãsũ ãrĩyupu:

—¿Ñeéno ñerĩrē iriari ñĩ, musã irasũ ãrĩmakũ? ãrĩyupu.

Masaka gapu dupaturi gainínemoñurã:

—Curusague pábiatú wějēka ìgũrē! ãrĩñurã.

24 Ìgũsã ìgũrē péduabirimakũ, ìgũsã guari merã gainĩmakũ pégu, Pilato dekore ãiwãgãridoreyupu. Iri merã masaka ìũrõ mojõkoe, ãsũ ãrĩyupu:

—Ñrē waja opabire wějēdoreri, yu doreri meta ããrã. Musã doreri ããrã, ãrĩyupu.

25 Ìgũ irasũ ãrĩmakũ pérã, ããrĩpererã masaka ãsũ ãrĩñurã:

—Gua murē ñrē wějēdoreri waja, gua, gua pũrã ããrĩpererã merã waja oparãkoa, ãrĩñurã.



26 Īgūsā irasū ārīmakū pégu, Pilato Barrabáre peresugue āārīgūrē wiuyupɱ. Pɱɱ surarare Jesúre tārādore, Īgūrē Īgūsārē wiayupɱ, Īgūrē curusague pábiatú wējédoregɱ.

27 Irasirirā surara Jesúre Pilatoya wiima yebague āijañurā. Irogue āārīpererā surarare Jesús pɱro neeōñurā.

28 Pɱɱ Īgūya surírore túwea āi, opɱya suríro irirosū deyoríne diiariñerē Īgūrē sāñurā.

29 Pora merā iriadea berore Īgūya dipurure peoñurā. Irasiri odo, yukure diaye gapɱ moāsua, Īgū pɱro ñadukɱpuri merā ejamejā, Īgūrē āsū ārī bɱridañurā:

—Bɱremurā aarika judío masaka Opɱre! ārīñurā.

30 Īgūrē síku eotú, Īgūsā moāsua dire tūāwea āi, irigu merāta Īgūya dipurure pánañurā.

31 Īgūrē bɱrida odo, Īgūsā sādea surírore túwea, Īgūya suríro gapɱre sāñurā doja. Sā odo, curusague pábiatú wējēmura Īgūrē āi wiriakōañurā.

*Jesúre curusague pábiatúdea*

*(Mr 15.21-32; Lc 23.26-43; Jn 19.17-27)*

32 Īgūsā Īgūrē āiwāgārā, sugu masakure Simón wāikugɱ Cirenemɱrē bokatírīma. Īgūrē Jesús kōādea curusare kōādorema.

33 Īgūrē irasū āiwāgārā, Gólgota wāikurogue āijama. “Gólgota”, ārīrō: “Masaku dipuru boaweadea pero”, ārīduaro yáa.

34 Irogue eja, igui deko sūrī merā morēdeare Jesúre tīādima. Jesús irire iiríña, pɱɱ iiribirimi.

35 Īgūrē curusague pábiatú āiwāgūnú odo, surara Īgū suri sāñadeare: “Ubu ārīboka birarā: ‘¿Noārē dujarokuri?’ ” ārīma, irire Īgūsā basi gāme dukawamurā. Īgūsā irasirirā, Marīpɱya kerere weredupuyudi gojaderosūta irima. Āsū ārī gojadi āārīmí: “Yaa suríre Īgūsā basi ārīboka bira dukawarākuma”, ārī gojadi āārīmí.

36 Irasiriadero pɱɱ, surara curusa pɱro eja doama, Jesúre korerā.

37 “Ī āsū iridea waja boami”, ārīrā: “Īita judío masaka Opɱ āārīmí”, ārī gojadea majírē curusague Jesúya dipuru weka pábiatúma.

38 Pērā yajarimasādere curusarigue pábiatú āiwāgūnúma. Sugure Īgū diaye gapɱ, gajigure Īgū kúgapɱ pábiatú āiwāgūnúma.

39 Masaka Jesús pɱro tariwāgānarā, ñerō ārī bɱrida, Īgūsāya dipure yure, ārīma:

40 —Mɱ āsū ārī wereníbɱ: “Marīpɱya wiire béo, pɱɱ urenu waaró merāta iri wiire dupaturi iri odogukoa”, ārībɱ. Irasirigu

m̄u basi tauka! M̄u diayeta Marĩp̄u magũ ããrĩgũ, curusague merã dijarika! ãrĩma.

41 Irasũta paia oparã, Moisés gojadeare buerimasã, fariseo bumarã, judío masaka m̄urãde ãrĩ b̄uridama. ãsũ ãrĩ gãme werenĩma:

42 —Gajerã gap̄ure taumi. Ĩgũ basi gap̄u taumasĩbemi. “Israel bumarã Op̄u ããrã”, ãrĩmi. Irasirirã, curusague merã ĩgũ dijari-makũ ããrã, marĩ ĩgũrẽ b̄uremurãkoa.

43 Ĩgũ: “Marĩp̄ure b̄uremua, ĩgũ magũ ããrã”, ãrĩmi. Irasirigũ ĩgũ ãrĩderosũta Marĩp̄u ĩgũrẽ maĩgũ, iritamuburo, ãrĩ b̄uridama.

44 Yajarimasã Jesús p̄uro curusarigue pábiatú ãiwãgũnúsũanerãde irasũta ĩgũrẽ ñerõ ãrĩ b̄uridama.

### *Jesús boadea*

(Mr 15.33-41; Lc 23.44-49; Jn 19.28-30)

45 Goeripoe ããrĩmakũ, i nikũ ããrĩpererogue naĩtĩãkõãb̄u. Ƴre hora gora naĩtĩãb̄u.

46 Ƴre hora ejamakũta Jesús b̄uro gainĩmi:

—Elí, Elí, ¿lama sabactani? ãrĩmi. Irasũ ãrĩgũ: “Ȳu Op̄u, ȳu Op̄u, ¿nasirigũ ȳure béori m̄u?” ãrĩgũ irimi.

47 Surãyeri irogue ããrĩrã, ĩgũ irasũ ãrĩ gainĩmakũ pérã:

—Marĩp̄uya kerere weredupuyudire Eliare siugũ yámi, ãrĩma.

48 Mata sugũ ĩgũsã merãm̄u ũmawãgã, igui deko piari yosadea ȳusure yukũ yuwague siatú, ãiwãgã, Jesúre iirĩburo, ãrĩgũ, soemuúmi.

49 ĩgũ irasirimakũ ããrã, gajerã gap̄u ãsũ ãrĩma:

—Iropãta irika! Elías ĩgũrẽ taugũ aarimakũ ããrãrã dapa marĩ, ãrĩma.

50 Jesús dupaturi b̄uro gainĩnemo, kõmoakõãmi.

51 ĩgũ kõmomakũta, Marĩp̄uya wii poekama taribu disip̄uro kãmutari gasiro ũmarõ gap̄u merã yegue dijari, deko merã yeguesiajayuro. Nikũ b̄uro ñomeb̄u. Ƴtãyeri pagayeride waari-akõãb̄u.

52 Masãgoberĩ tũpãkõãyuro. Wárã Marĩp̄ure b̄uremurã boanerã masãñurã.

53 Jesús masãdero p̄ura, ĩgũsã masãgoberigue ããrĩnerã wiria, Marĩp̄uya makãgue Jerusalẽgue waañurã. ĩgũsã irogue ejamakũ, masaka wárã ĩgũsarẽ ããñurã.

54 Romano marã surara op̄u ĩgũyarã surara merã Jesúre koreanerã, nikũ ñomemakũ, ããrĩpereri irasũ waarĩre ããrã, b̄uro guka, gũiri merã ãsũ ãrĩma:

—Ĩĩ diayeta Marĩp̄u magũ ããrãdañumi, ãrĩma.

55 Wárã nome yoaweyarogue Jesúre ĩũnĩma. ĩgũsã Galileague Jesúre iritamugorenanerã nome ããrĩmã.

56 Īgūsā nome watopeguere María Magdalena wāikugo, gajego María wāikugo Santiago, José pago, gajego Zebedeo marāpo āārīmá.

*Jesúya dupure masāgobegue pídea*  
(Mr 15.42-47; Lc 23.50-56; Jn 19.38-42)

57 Puru naimejāripoe āārīmakū, José wári opagu, Arimatea wāikuri makāmū irogue ejami. Īgū Jesús buerire tūyagu āārīmī.

58 Irasirigu Pilato pūrogoe waa, Jesúya dupure yáabu sērēyupu. Īgū ārī sērēmakū pégu, Pilato surarare Jesúya dupure sīdoreyupu Īgūrē.

59 Irasirigu José waa, Jesúya dupure āidiju, ōārī suríro gasiro gurari marīrī gasiro merā Īgūya dupure ōmayupu.

60 Ōma odo, Īgūrē yábodea masāgobegue píyupu. Iri gobe, maama gobe ūtāyegue mádea gobe āārīyuro. Irogue Jesúya dupure pí odo, wári majī ūtā majī merā iro űajārōrē ōārō biakōā, waakōāyupu.

61 Īgū irasiriripoe María Magdalena, gajego María merā iri gobe bokatīūrō iūdoanīñurā.

*Surara Jesúya dupure pídea gobere koredea*

62 Gajinu gapu judío masaka siuñajārīñu\* āārīmakū, paía oparā, fariseo bumarā Pilato pūrogoe waañurā.

63 Āsū ārīñurā Pilatore:

—Gua opu, sōō āārīdi okagugue ārīgatorikugu ārīdeare gua gūñáa. Āsū ārīmi: “Yu boa, ūrenu puru masāgukoa”, ārīmi.

64 Irasirigu mūyarā surarare ūrenugora Īgūya dupure píaderogue koredoregu iriuka, Īgū buerā űami merā Īgūya dupure yajabirikōāburo, ārīgū! Īgūsā yajadero puru masakare: “Jesús boadigue masākōāmi”, ārībokuma. Irasiriro Īgū ārīgatodea nemorō Īgūsā ārīgatori gapu űetarirokoa, ārīñurā.

65 Īgūsā irasū ārīmakū, Pilato yujuyupu:

—Jáu, űsā jaarā surara ōōgue āārīma. Īgūsārē āiaka, iri masāgobe gajerosū waari, ārīrā! Irasirirā mūsā bokatīūrō Īgūsārē koredoreka! ārīyupu.

66 Īgū irasū ārīmakū, Īgūsā waa, iri gobe biadea ūtā majīrē ōārō wītābiatoñurā, masaka Īgūsā űajādeare iāmasīrāra, ārīrā. Irasū āārīmakū, surarare iri gobere ōārō koredoreñurā.

## 28

*Jesús masādea*  
(Mr 16.1-8; Lc 24.1-12; Jn 20.1-10)

\* 27:62 Judío masaka siuñajārīñu, sábado āārā.

1 Judío masaka siuñajārīnu p̄ru, gajinu boyodujimejāripoe gaji semana ñajārīnu ãārīmakū, María Magdalena, gajego María merā Jesúre pídea gobere ĩārā waañurā.

2 Gũñaña marĩrō nikū b̄ro ñomeyuro. Irasū waaripoe marĩ Op̄re wereboegu ũmugasigue merā dijari, masāgobere ĩgūsā biadea ũtā majĩrē tūpā, iri majĩ weka doayup̄u.

3 ĩgū bupu miārōsū ōārō gosewasirigu ãārīyup̄u. ĩgūya surĩro ōārō borero ãārīyuro.

4 Surara iri gobere koreanerā ĩgūrē ĩārā, b̄ro gūiri merā narada, kōmorā irirosū waañurā.

5 P̄ru Marĩp̄re wereboegu irogue ĩārā waanerā nomerē ārīyup̄u:

—Gübirikōāka! Ȳ masīa, m̄sā Jesús ĩgūsā curusague pábiatú wējēadire āmarā yáa.

6 ĩgū ōōrē mámi. ĩgū ārĩderosūta masāsiami. ĩgūya dup̄re ĩgūsā píaderore ĩārā aarika!

7 P̄ru mumurō merā ĩgū buerārē: “ĩgū boadi ãārĩkeregu, masāmi. M̄sā dupuyuro Galileague waagukumi. Irogue ĩgūrē ĩārākoa”, ārĩ wererā waaka! Irire m̄sārē weregu aarigū iriab̄u, ārīyup̄u Marĩp̄re wereboegu.

8 ĩgū irasū ārīmakū pérā, masāgobere ĩārā waanerā nome gūikererā, mumurō merā us̄yari merā Jesús buerārē wererā ũmadujáañurā.

9 ĩgūsā ũmadujáarā nomerē Jesús ĩgūsārē bokatĩrĩ, ōādoreyup̄u. ĩgūrē ĩārā, ĩgū p̄ro ñadukupuri merā ejamejā, ĩgūya guburire ñeā, ĩgūrē buremuñurā.

10 Jesús ĩgūsārē āsū ārīyup̄u:

—Gübirikōāka! Yaarā ȳ buerārē: “Galileague waaka!” ārĩ wererā waaka! Irogue ȳre ĩārākuma, ārīyup̄u.

### *Surara ĩgūsā ĩādeare werede*

11 ĩgūsā nome Jesús buerārē wererā waaripoe surāyeri surara masāgobere koreanerā Jerusalēgue waañurā. Irogue eja, paía oparārē ãārĩpereri masāgobegue waadeare werepeokōañurā.

12 ĩgūsā irasū ārĩ weremakū pérā, paía oparā, judío masaka m̄rā merā nerēñurā. Irasirirā ĩgūsā: “¿Nasirirākuri?” ārĩ āmu odo, surarare wáro niyerure sī,

13 āsū ārīñurā:

—Masakare āsū ārĩka: “Ñami merā gua kārĩripoe Jesús buerā masāgobegue eja, ĩgūya dup̄re yajakōānerā ãārāma”, ārĩka!

14 Pilato m̄sā irasū ārĩ kerere pémakū, gua ĩgū merā werenírākoa, m̄sārē wajamoābirikōāburo, ārĩrā, ārīñurā.

15 ĩgūsā irasū ārīmakū pérā, surara niyerure ñeā, waakōañurā. P̄ru paía oparā ĩgūsārē weredoreaderosūta

gajerārē wereñurā. Irasirirā, ĩgūsā irasū ārĩĩ kerere wārā judío masaka pénerā āārĩmá. Daporaguedere ĩgūsā ārĩgatodeare b̄remukōāma dapa.

*Jesús ĩgū buerārē ĩgūyare buedoregū pídea  
(Mr 16.14-18; Lc 24.36-49; Jn 20.19-23)*

16 P̄r̄r̄ ḡr̄a Jesús buerā pe mojōma pere su gubu suru p̄r̄ēbejarā Galileague waa, buúrugue ĩgū ḡr̄are waadoredea buúrugue waab̄r̄.

17 Irogue eja, Jesúre ĩārā, ĩgūrē b̄remub̄r̄. Surāyeri ḡr̄a merā waanerā gap̄r̄: “¿ĩgūta āārĩkuriye ĩĩ?” ārĩ gūñama.

18 Irasirigū Jesús ḡr̄a p̄ro aari ejanugā, āsū ārĩmi:

—Ȳr̄r̄ ȳre āārĩpererogue i nikū, ũm̄ugasiguedere dorebure sóosiami.

19 Irasirirā āārĩpereri buri marā masakare yaa kerere buerā waaka, ĩgūsāde m̄sā irirosūta yaa buerire t̄yaburo, ārĩrā! Ȳr̄r̄ wāĩ merā, ȳr̄ wāĩ merā, Ōāgū deyomarĩgū wāĩ merā ĩgūsārē deko merā wāĩyeka!

20 Āārĩpereri ȳr̄ m̄sārē doredeare ĩgūsārē bueka, irire iriburo, ārĩrā! Ire masĩka m̄sā! Ȳr̄ m̄sā merā āārĩnĩkōāgukoa. I ũm̄ p̄readero p̄r̄uguedere m̄sā merā āārĩnĩkōāgukoa, ārĩ weremi ḡr̄are Jesús.

Iropāta āārā.

## SAN MARCOS

*Juan masakare wāiyerimasū buedea*

*(Mt 3.1-12; Lc 1.80; 3.1-9, 15-17; Jn 1.19-28)*

<sup>1</sup> Marīpu magū Jesucristoya kere wereri, āsū nuḡādero āārībú:

<sup>2</sup> Iripoegue Isaías Marīpuya kerere weredupuyudi, Marīpu ĩḡū magūrē ārīdeare gojadi āārīmí. Marīpu ĩḡū magūrē āsū ārīdi āārīmí:

Mu waaburo dupuyuro yaa kerere weredupuyubure iriugukoa, mu waaburore āmuyudoreḡu.\*

<sup>3</sup> ĩḡū masaka marīōḡue buro gainírī merā āsū ārī werēḡukumi: “Marī Opu aariburi dupuyuro ĩḡū aariburi maarē diayema maa ōārī maa āmurā irirosū diayemarē irika!” ārī gainíḡukumi, ārī gojadi āārīmí.\*

<sup>4</sup> Irasirigu Juan masaka marīōḡue masakare wāiyepuroriwāḡārigu, āsū ārī werenayupu ĩḡūsārē:

—Musā ñerō irideare bujawereka! Musā ḡūñarīrē gorawayuka! Deko merā wāiyesūanerā dujaka! Irasirirā musā ñerō irideare kātisūrākoa.

<sup>5</sup> Āārīpererā Judea nikū marā, Jerusalén marāde ĩḡū wererire pérā ejañurā. ĩḡūsā ñerō irideare Marīpure weretaripeomakū ĩāḡū, Juan ĩḡūsārē dia Jordán wāikūdiyague wāiyeyupu.

<sup>6</sup> Juāya surí camellua poari merā suadea āārīyuro. ĩḡūya yuñwēñarīda waibu gasiro merā irideada āārīyuro. Poreroa, mume makānū marāyare baarikuyupu.

<sup>7</sup> Masakare āsū ārī werenayupu:

—Gajigu yu puḡu aaribu, yu nemorō turagu āārīmí. Yu gapu ubu āārīḡú, ĩḡūrē neō suropebirikoa.

<sup>8</sup> Yu musārē deko merā wāīyea. ĩḡū gapu Ōāḡū deyomarīḡū merā wāīyegukumi. Irasirigu Ōāḡū deyomarīḡū musā merā āārīnīkōāḡukumi musārē iritamubu, ārīyupu.

*Juan Jesúre deko merā wāīyedeā*

*(Mt 3.13-17; Lc 3.21-22)*

<sup>9</sup> Iripoere Jesús Galilea nikūma makā, Nazaret wāikuri makāḡue āārādi, Juan puḡogue ejayupu. ĩḡū ejamakū, Juan ĩḡūrē dia Jordán wāikūdiyague wāiyeyupu.

<sup>10</sup> ĩḡū wāīye odomakū, Jesús diague āārādi majānuḡāḡūta ūmugasi tūpāmakū ĩāyupu. Ōāḡū deyomarīḡū buja irirosū deyogu ĩḡū weka dijariyupu.

\* 1:2 Mal 3.1    \* 1:3 Is 40.3

11 Irasũ waaripoe Marĩpu ãmugasigüe merã Jesũre ãsũ ãrĩ werenĩyupu:

—Mu yu magũ, yu maĩgũ ããrã. Mu merã buro usuyãa, ãrĩyupu.

*Wãtĩ Jesũre ãrĩmesãdidea  
(Mt 4.1-11; Lc 4.1-13)*

12 Jesũre Juan wãiyeri purugãta Õãgũ deyomarĩgũ masaka marĩrõgue ãiayupu.

13 Irasirigu Jesús irogue waa, cuarenta nurĩgora makãnúu marã waimurã guarã watopegue ããrĩyupu. Ìgũ irogue ããrĩmakũ, wãtẽa opu Satanás wãikugu Ìgũrẽ ãrĩmesãdiyupu. Marĩpũre wereboerã Ìgũrẽ iritamurã ejañurã.

*Jesús Galilea nikũgue masakare buenugãdea  
(Mt 4.12-17; Lc 4.14-15)*

14 Herodes Juãrẽ peresugue sóodobodero puru, Jesús Galilea nikũgue masakare Marĩpũya kerere weregorenagũ wãgãyupu.

15 ãsũ ãrĩ werenayupu:

—Marĩpu iripoeque: “ãsũ waarokoa”, ãrĩdea ejasiãa. Daporare mérõgã ðuyãa, Ìgũyarãrẽ doreri ejaburo. Irasirirã musã ñerõ iririre bujawereka! Musã gũnarĩrẽ gorawayuka! Ìgũ masakare tauri kere gapũre buremuka! ãrĩyupu Jesús.

*Jesús wapikurã waaĩ wẽjẽrĩmasãrẽ siuidea  
(Mt 4.18-22; Lc 5.1-11)*

16 Puru Jesús Galilea wãikuri ditaru turo waagũ, Simõrẽ, Ìgũ pagumu Andrére bokajayupu. Ìgũsã waaĩ wẽjẽrĩmasã ããrĩsã, ditarugue Ìgũsãya buidire meéyorã iriñurã.

17 Jesús Ìgũsãrẽ ãsũ ãrĩyupu:

—Nãka, yu merã! Daporare musãrẽ waaĩ wẽjẽrĩmasã ããrĩrẽ piri, masakare Marĩpũya kerere wererimasã ããrĩmakũ irigũkoa.

18 Ìgũ irasũ ãrĩmakũ pérã, mata Ìgũsãya buiriyukure irota píkõã, Ìgũ merã waakõãñurã.

19 Puru Jesús yoaweyaro waa, Zebedeo pũrã Santiagore, Ìgũ pagumu Juãrẽ doódirugue Ìgũsãya buiriyukure ãmu sãñanĩmakũ Ìayupu.

20 Jesús Ìgũsãrẽ siiuyupu. Ìgũ siiumakũ pérã: “Jáu”, ãrĩ, Ìgũsãya doódirugue Ìgũsã pagu Zebedeore, Ìgũrẽ iritamurã merã pí, Jesús merã waakõãñurã.

*Wãtĩ ñajãsũdi Jesũre bokatĩrĩdea  
(Lc 4.31-37)*

21 Īgũ merã waa, Capernaum wãikuri makãgue ejañurã. Irogue judío masaka siuñajãrĩnũ\* ããrĩmakũ, Jesús ĩgũsã nerẽrĩ wiigüe† ñajãa, masakare buenũgãyupũ.

22 Moisés gojadeare buerimasã irirosũ buebiriyyupũ. Ōãrõ doreri opagũ irirosũta bueyyupũ. Īgũ irasũ buemakũ pérã, péguakakõãñurã.

23 Iri wiiguere ĩgũsã merã sugũ wãtĩ ñajãsũdi ããrĩyupũ. Āsũ ãrĩ gainĩyupũ:

24 —Jesús Nazaretmũ, ¿nasiribu gũa purõ aarĩri? ¿Guare peamegue béogũ aarigú yári? Yũ murẽ ĩãmasĩkõãa. Mũ, Murũ iriudi, õãtarigũ ããrã, ãrĩyupũ.

25 Jesús wãtĩrẽ:

—Wereníbita! Wirika ĩgũrẽ! ãrĩyupũ.

26 Īgũ irasũ ãrĩmakũ pégu, wãtĩ masakare meémejã, naradamakũ iri, burõ gainĩ, wiriakõãyupũ.

27 Jesús wãtĩrẽ béowiumakũ ĩãrã, ããrĩpererã masaka ĩãgũka, ĩgũsã basi ãsũ ãrĩ gãme sërẽñañurã:

—¿Ñeéno ããrĩrĩ, ñeéno maama bueri ããrĩrĩ i? ĩĩ wãtẽãrẽ ĩgũ turaro merã wiridoremakũ, neõ ĩgũrẽ tarinũgãbema, ãrĩñurã.

28 Mérõgã purũta ããrĩperero Galilea nikũ marã Jesús iriadea kerere péseyakõãñurã.

*Jesús, Simón Pedro máñekõrẽ taudea*

*(Mt 8.14-15; Lc 4.38-39)*

29 Jesús nerẽrĩ wiigüe ããrãdi Santiago, Juan merã wiria, Simón, Andréya wiigüe waayupũ.

30 Simón máñekõ burõ nimakurikũgo peyarogue oyayupo. Irasirirã Jesúre: “Sĩrĩgõ yámo”, ãrĩ wereñurã.

31 Irasũ ãrĩmakũ pégu, Jesús igo purõ ejanũgã, igoya mojõrẽ ñeã tũãwãgũnúmakũta nimakuri tariakõãyuro. Iri tarimakũ, ĩgũsãrẽ baari ejoyupo.

*Jesús wárã pũrĩrikurãrẽ taudea*

*(Mt 8.16-17; Lc 4.40-41)*

32 Abe ñajãdero purũ naĩmejãripoe iri makã marã ããrĩpererã pũrĩrikurãrẽ, wãtẽa ñajãsũnerãdere Jesús purõgue ãĩjañurã.

33 Irasirirã ããrĩpererã iri makã marã ĩgũ ããrĩrĩ wii dispurõgue nerẽñurã.

34 Jesús wárã pũrĩrikurãrẽ tauyupũ. Wárã wãtẽa masakare ñajãnerãdere béowiyupũ. Wãtẽa, Jesús Marĩpu magũ ããrĩrĩrẽ masĩñurã. Irasirigũ Jesús: “Werenímerãta!” ãrĩyupũ.

\* 1:21 Judío masaka siuñajãrĩnũ, sábado ããrã. † 1:21 Judío masaka nerẽrĩ wii, sinagoga wãikuri wii ããrã. Irogue ĩgũsã siuñajãrĩnũ ããrĩmakũ nerẽ, Marĩpuya werenĩrĩ gojadea pũgue gojadeare buenama.



*Jesús Galilea nikũgue masakare buedea**(Lc 4.42-44)*

<sup>35</sup> Jesús gajinu gapu naĩtĩãweyaripoeãta yobe, iri makã turo masaka marĩõgue Marĩpure sērẽgũ waayupu.

<sup>36</sup> Simón, ĩgũ merãmarã merã Jesús marĩmakũ ĩãgũ, ĩgũrẽ ãmagũ waayupu.

<sup>37</sup> ĩgũrẽ bokagu:

—Ããĩpererã masaka mũrẽ ãmarã iriama, ãĩyupu.

<sup>38</sup> ĩgũ irasũ ãĩmakũ, Jesús ãsũ ãĩyupu:

—Nãka, gaji makãrĩ õõ puro weya ããĩrĩ makãrĩ marãdere buegu waadũakoa. Ire iributa i ãmũguere aaribũ.

<sup>39</sup> Irasirigu ããĩperero Galilea nikũgue judío masaka nerẽrĩ wiirigue buegorenagũ, wãtẽa masakare ñajãnerãrẽ béowiunayupu.

*Jesús kãmi boagure taudea**(Mt 8.1-4; Lc 5.12-16)*

<sup>40</sup> Jesús irasiriripoe sugu kãmi boagu ĩgũ puro eja, ñadũkupuri merã ejamejãja, ĩgũrẽ sērẽyupu:

—Mu, yu pũĩrikũrire taudũagu taumasĩa, ãĩyupu.

<sup>41</sup> ĩgũ irasũ ãĩmakũ pẽgu, Jesús buro bopoñarĩ merã ĩgũrẽ ĩã, ĩgũya mojõ merã moãña, ãsũ ãĩyupu:

—Mũrẽ taugũra. Kãmi marĩgũ dujaka!

<sup>42</sup> ĩgũ irasũ ãĩrĩ merãta kãmi yaripereakõãyuro. Irasirigu kãmi marĩgũ dujayupu.

<sup>43-44</sup> Jesús ĩgũrẽ turaro merã ãsũ ãĩyupu:

—Gajerã masakare mu tariadeare werebirikõãka! Paĩ pũrogue mũya kãmi yariadeare ĩgũrẽ ĩmugũ waaka, ĩgũ mũrẽ: “Õãa, kãmi marĩgũ ããrã”, ãrĩburo, ãrĩgũ! ĩgũ irasũ ãrãdero puro, Moisés gojadea pũgue sĩdoredeare sĩka! Mu irire irimakũ ĩãrã, masakade mũya kãmi yariadeare masĩrãkuma.

<sup>45</sup> Jesús ĩgũrẽ: “Gajerãrẽ yu mũrẽ tauadeare werebirikõãka!” ãrĩkerepũ, kãmi boadi gapu irire masaka ããĩperero marãrẽ wererũroriyupu. Irasirigu Jesús masaka ĩũrõ makãĩguere ñajãmasĩbiriypũ. Makã tũrogue dita waanayupu. Irogue ĩgũ ããrĩkerepũ, masaka ããĩperero marã ĩgũ pũrogue ĩãrã ejanaũrã.

**2***Jesús dupu bũadire taudea**(Mt 9.1-8; Lc 5.17-26)*

<sup>1</sup> Mẽrõgã pũũ Jesús dupaturi Capernaugue goedujãayupu. ĩgũ gojadero pũũ, iro marã masaka ĩgũ wiigue ããĩrĩrẽ masĩũrã.

<sup>2</sup> Irasirirã mata wárã masaka iri wiire nerë, disipurogueta uturiwirinugãjakõãñurã. Jesús ìgüsãrë Marĩpuya kerere weregu iriyupu.

<sup>3</sup> Ìgũ wereripoe wapikurã ùma dupu buadire Jesús pãroguë àijañurã.

<sup>4</sup> Masaka wárã àãrĩmakũ, ìgürë àiñajãmasĩbiriñurã. Irasirirã iri wii wekague marĩa, Jesús weka su gobe àiwea, ìgũ oyaro merãta ìgürë dijuñurã.

<sup>5</sup> Jesús, ìgüsã ìgürë buremumakũ ìãgũ, buadire àsũ àrĩyupu:  
—Yũ, mũ ñerõ irideare kãtia.

<sup>6</sup> Ìgũ irasũ àrĩmakũ pérã, surãyeri Moisés gojadeare buerimasã iri wiigue doarã Jesúre àsũ àrĩ gũñañurã:

<sup>7</sup> “¿Nasirigu ñi ìgũ werenĩrĩ merã Marĩpũre ñerõ àrĩrĩ? Masaka ñerõ irideare neõ sugũ masaku kãtimasĩbirikumi. Marĩpu sugũta masĩkumi”, àrĩ gũñañurã.

<sup>8</sup> Jesús ìgüsã gũñarĩrë ìãmasĩ, àsũ àrĩyupu:

—¿Nasirirã irasũ gũñarĩ mũsã?

<sup>9</sup> ¿Naásũ àrĩrĩ gapu diasaberi ñi buadire: “Yũ, mũ ñerõ irideare kãtia”, àrĩrĩ, o “Wãgãñugã, mũ oyarore àikõã waaka!” àrĩrĩ gapu diasaberi?

<sup>10</sup> Yũ àãrĩpererã tĩgũ i ùmũgue àãrĩrãrë ìgüsã ñerõ irideare Marĩpu dorero merã kãtimasĩa. Irasirigu ñi buadire taugũra, mũsãrë irire masĩdoregu, àrĩyupu. Irasũ àrĩ odo, buadire àrĩyupu:

<sup>11</sup> —Yũ mũrë àsũ àrã: Wãgãñugã, mũ oyaderore àikõã, mũya wiigue waaka!

<sup>12</sup> Ìgũ irasũ àrĩrĩ merãta àãrĩpererã masaka ìũrõ wãgãñugã, ìgũ oyaderore ài, waakõãyupu. Irasiririre ìãrã, ìãgũka, Marĩpũre: “Õãtaria mũ, neõ àsũ iririnorë ìãñamerã àãrĩbũ”, àrĩ, mũyari sĩñurã.

### *Jesús Levire siuidea*

(Mt 9.9-13; Lc 5.27-32)

<sup>13</sup> Pũpu Jesús dupaturi ditaru tũroguë waayupu. Iroguë wárã masaka ìgũ pũro nerëmakũ ìãgũ, ìgüsãrë bueyupu.

<sup>14</sup> Pũpu iro àãrãdi waa, Alfeo magürë Leví\* wãikũgure ìgũ moãrĩ taribugue doagũre ìãyupu. Ìgũ romano marã opũre niyeru wajaseabosagu àãrĩyupu. Jesús ìgürë ìã:

—Nãka, yũ merã! àrĩyupu.

Ìgũ irasũ àrĩmakũ pégu, Leví wãgãñugã, ìgũ merã waakõãyupu.

<sup>15</sup> Jesús Levíya wiigue waamakũ ìãrã, wárã niyeru wajaseabosarimasã, gajerã ñerõ irirãde ìgürë tũyañurã. Levíya wiigue eja, Jesús ìgüsã merã ìgũ buerã merã baa doanĩyupu.

\* 2:14 Leví pe wãĩ opayupu. ìgũta Mateo wãikũyupu.

16 Jesús ìgūsā merā baa doanímakū ìārā, fariseo bumarā, Moisés gojadeare buerimasāde Jesús buerārē āsū ārīñurā:

—¿Nasirigū mūsārē buegū niyeru wajaseabosarimasā, ñerō irirā merā iiri, baari?

17 Ìgūsā irasū ārīmakū pégu, Jesús ārīyupū:

—Pūrīrī marīrā kúririmasūrē āmabema. Pūrīrikurā gapū ìgūrē āmama. Yū: “Ōārā āārā”, ārī gūñarārē siiugū aaribiribū. “Ñerō irirā āārā”, ārī gūñarā gapūre siiugū aaribú, ārīyupū.

*Jesúre bererimarē sērēñadea*

*(Mt 9.14-17; Lc 5.33-39)*

18 Juan buerā, fariseo bumarāde bererā iriñurā. Irasirirā gajerā masaka Jesús pūro eja, ìgūrē sērēñañurā:

—Juan buerā, fariseo bumarā buerire tūyarāde Marīpūre bñremurā berenama. ¿Nasirirā mū buerā gapū ìgūsā irirosū iriberi?

19 Jesús ìgūsārē yūjuyupū:

—Sugū mojōsiadi bosenu irimakū, ìgū siiuanerā ìgū merā āārīrā, berebirikuma.

20 Pūru ìgūrē gajerā āīāmakū, buro bujawereri merā bererākuma.

21 Masaka maama suríro gasiro merā bugūñerē seretúbirikuma. Irasū seretúmakū, maama gasiro ìgūsā koeadero pūru, tūāneeō, bugūñerē wári gobe yeguenemomakū irikoa.

22 Waimurā gasiri merā iridea ajuri bugū ajurigue maama igui dekore diribirikuma. Irasū dirimakū, maama igui deko pāmu, bugū ajuro sērāturabiri, ooreakōākoa. Irasiriro igui deko, ajurode kōmoko. Irasirirā maama igui dekore maama ajurogue diriro gāāmea, ārīyupū†.

*Siuñajārīñu āārīmakū, Jesús buerā trigo yerire tūrīdea*

*(Mt 12.1-8; Lc 6.1-5)*

23 Sunū, judío masaka siuñajārīñu āārīmakū, Jesús trigo ot- edero watope waamakū, ìgū buerā trigo yerire tūrī, koro, baawāgāñurā‡.

24 Fariseo bumarā, Jesús buerā irasirimakū ìārā, Jesúre ārīñurā:

—Īāka! ¿Nasirirā siuñajārīñurē moādorebirikerepūgū, mū buerā irasū yári?

25 Jesús ìgūsārē yūjuyupū:

† 2:22 Fariseo bumarā, Moisés gojadeare buerimasā iripoegue marā iriunadeama bueri, maama bueri merā buemorēduamakū ìāgū, irasū ārīyupū Jesús. ‡ 2:23 Deuteronomio 23.25: Moisés gojadea pūgue āsū ārī gojasūdero āārībú: “Sugū masakū gajigūya poegue waagú, ìgūya mojōrī merāta trigo yerire tūrī, koro, baaburo. Wiirimajī merā diti āābirikōāburo”, ārī gojasūdero āārībú.

—¿Iripoegue opu David igũ merãmarã merã uaboagu, igũ irideare buebiriri?

<sup>26</sup> Igũ merãmarã merã Marĩpuya wiigue ñajãa, Marĩpu iũrõ peyari pã duparure baadi ããrĩmĩ. Abiatar paia opu ããrĩriope irasiridi ããrĩmĩ. Marĩpu paia ããrĩmerãrẽ: “Iri pã duparure baabirikõaka!” ãrĩdi ããrĩmĩ. David gapu pai ããrĩbirikeregũ, irire baagu, Marĩpu iũrõ igũ dorerire tarinugãgũ meta iridi ããrĩmĩ, ãrĩyupu.

<sup>27</sup> Irasũ ãrĩ odo, ãsũ ãrĩyupu doja:

—Iripoegue Marĩpu masakaya ããrĩburire siuñajãrĩnũrẽ igũsarẽ pídi ããrĩmĩ. Masaka gapu inunorẽ igũsã iriburire doremasĩbema.

<sup>28</sup> Yu ããrĩpererã tĩgũ ããrĩsĩã, siuñajãrĩnũrẽ masakare gajino igũsã iriburire doremasĩa, ãrĩyupu Jesús.

### 3

*Jesús mojõ diíweredire taudea*

(Mt 12.9-14; Lc 6.6-11)

<sup>1</sup> Gajinu Jesús judío masaka nerẽrĩ wiigue ñajãyupu doja. Iri wiigue sugũ masakũ diayema mojõ gapu diíweredi ããrĩyupu.

<sup>2</sup> Fariseo bumarã, Moisés gojadeare buerimasã Jesúre iãduripítuya: “Siuñajãrĩnũ ããrã, irasirirã ñi mojõ diíweredire igũ taumakũ igũrẽ weresãrã!” ãrĩ gũñañurã.

<sup>3</sup> Jesús mojõ diíweredire:

—Wãgãngã, masaka iũrõgue ejanugãgũ aarika! ãrĩyupu.

<sup>4</sup> Irasũ ãrĩ odo, gajerã iri wii ããrĩrãrẽ ãsũ ãrĩ sërẽñayupu:

—¿Siuñajãrĩnũrẽ Marĩpu marĩrẽ ñeonorẽ iridoreyuri, õãrĩrẽ, o ñerĩrẽ, masakare taurire, o wějërĩrẽ?

Igũsã gapu igũrẽ yujubiriñurã.

<sup>5</sup> Irasirigu Jesús igũsarẽ guari merã iãyupu. Igũsã pémasĩduabirimakũ iãgũ, bujawereyupu. Irasirigu mojõ diíweredire:

—Muya mojõrẽ soeoka! ãrĩyupu.

Igũ irasũ ãrĩmakũ pégu, soeoyupu. Igũ soeomakũ, igũya mojõ õãkõãyuro.

<sup>6</sup> Irire iãrã, fariseo bumarã iri wiigue ããrãnerã wiria, Herodes merãmarã merã nerẽ: “¿Nasirisĩã, marĩ igũrẽ wějërãkuri?” ãrĩ gãme wereniñurã.

*Jesús ditaru tũrogue wãrã masakare buedea*

<sup>7</sup> Jesús gapu igũ buerã merã ditaru tũrogue waakõãyupu. Gajerã masaka Galilea nikũ marã wãrã igũrẽ tuyañurã.

<sup>8</sup> Judea nikũ marã, Jerusalén marã, Idumea nikũ marã, dia Jordán wãikũdiya gaji koepu marã, gajerã Tiro, Sidón wãikũri makãrĩ tũro marãde Jesús iriri kerere pãrã, igũrẽ iãrã ejañurã.

9-10 Jesús wárã pūrīrikarārē taugu iriyupu. Īgū irasū tau-makū ĩārã, ãārīpererã pūrīrikarã Īgū p̄rogue ejanugãñurã Īgūrē moãñamurã. Irasirigu, Īgūsã wárãgora ãārīmakū ĩãgū, Jesús Īgū buerārē suru doódirure ãmudoreyupu, masaka Īgūrē kũñarõgãgora ejanugãbirikõãburo, ãrĩgū.

11 Wātēa Īgūrē ĩã, Īgū ĩūrõ ñadukupuri merã ejamejã:

—Mu ãmugasigue marã Opu magū ãārã, ãrĩ gainĩñurã.

12 Īgūsã irasū ãrĩmakū, Jesús wātēārē turaro merã:

—Yaamarē werenĩmerãta! ãrĩyupu.

*Jesús pe mojõma pere su gubu peru p̄rēbejarã ĩgū buedoregũ p̄murãrē beyedeã*

(Mt 10.1-4; Lc 6.12-16)

13 Gajinu Jesús buúru wekague marĩa, Īgū gããmerārē si-uyupu. Īgū siiumakū pé, Īgū p̄ro nerēñurã.

14 Irasirigu Jesús pe mojõma pere su gubu peru p̄rēbejarã ĩgū merã ãārĩmurãrē, Marĩp̄ya kerere ĩgū buedoremurãrē beyeyupu.

15 Īgūsãrē Īgū turarire s̄yupu, pūrīrikarārē tau, wātēa masakare ñajãnerãdere béowiuburo, ãrĩgū.

16 ãsū wãĩkarã ãārĩñurã: Simón wãĩkugu ãārĩyupu. Īgūrēta “Pedro” wãĩyeyupu Jesús.

17 Gajigu Santiago, Īgū pagumu Juan Īgūsã Zebedeo wãĩkugu p̄rã ãārĩñurã. Jesús Īgūsãrē “Boanerges” wãĩyeyupu. “Boanerges”, ãrĩrõ: “Bupua masã”, ãrĩduaro yãa.

18 Gajerã: Andrés, Felipe, Bartolomé\*, Mateo, Tomás, Santi-ago ãārĩñurã. Santiago, Alfeo magū ãārĩyupu. Gajerã: Tadeo, Simón ãārĩñurã. Simón, celote wãĩkuri bumũ ãārĩyupu.

19 Gajigu Judas Iscariote wãĩkugu ãārĩyupu. Īgũta Jesúre wējẽduarãguere Īgūrē ĩmubu ãārĩyupu.

*Jesúre: “Wãtĩ turari opami”, ãrĩ werewũadeã*

(Mt 12.22-32; Lc 11.14-23; 12.10)

Puru Jesús Īgū buerã merã su wiigue ñajãyupu.

20 Dupaturi wárã masaka Īgū p̄ro nerēñurã doja. Irasirigu Jesús, Īgū buerã merã baamasĩbiriypupu.

21 Jesúya wererã irasū waarĩre p̄rã: “Niãrõtãrĩakõãkumi”, ãrĩñurã. Irasirĩã gajerogue Īgūrē ãĩaduarã ejadiñurã.

22 Gajerã Moisés gojadeare buerimasã Jerusalẽgue merã aaranerã ãsū ãrĩñurã:

—Ĩĩ, wātēa opu Beelzebú ñajãsũdi ãārĩmi. Irasirigu Beelzebú turari merã wātēārē béowiumi, ãrĩñurã.

\* 3:18 “Bartolomé”, ãrĩrõ: “Tolomé magū”, ãrĩduaro yãa. Īgũta Natanael wãĩkugu ãārĩdi ãārĩmi. San Juan 1.43-51: Jesús Natanaere siiudeã kere ãārã.

23 Īgūsā irasū ārīmakū pégu, Jesús masakare siiu, su keori merā āsū ārī wereyupū:

—¿Nasirigu Satanás Īgū basita béowiubokuri?

24 Su nikū marā Īgūsā basi dukawari gāmekēārā, pereakōākuma.

25 Su wii marā Īgūsā basi dukawari gāmekēārā, pereakōākuma.

26 Satanás Īgūyarā merā dukawari gāmekēāgū, Īgū basita yuwarikūdjakōākumi.

27 'Neō sugū masakū, turagūya wiire Īgūrē siarūroribirikeregū, Īgū oparire ēmagū űajāmasībirikumi. Īgūrē siadero pūrugue merē Īgūyare ēmamasīkumi, ārīyupū. Jesús wātī nemorō turagū āārā, ārīgū, irasū ārīyupū.

28 Pūru āsū ārīnemoyupū:

—Musārē diayeta werea. Marīpū āārīpereri masaka űerō iririre, Īgūsā űerō ārī werenīrīdere kātimasīmi.

29 Ōāgū deyomarīgūrē Īgūsā űerō ārī werenīmakū tamerārē neō kātibirikumi. Irasū waja opanīkōārākuma, ārīyupū.

30 Īgūsā Īgūrē: “Wātī űajāsūdi āārīmi īī”, ārī werewūari waja irasū ārīyupū Jesús.

*Jesús pago Īgū pagūpūrā merā Īgūrē ĩāgō ejadea*  
(Mt 12.46-50; Lc 8.19-21)

31 Īgū iro āārīripoe Jesús pago, Īgū pagūpūrā merā ejayupo. Īgū āārīrī wii disipūrogueta ejanūgāja, iro āārīrārē Jesūre siiu-doreñurā.

32 Irasirirā Jesús pūro doarā Īgūrē ārīñurā:

—Mūpo, mū pagūpūrā disipūroguet mūrē āmarā ejañurā.

33 Jesús gapū āsū ārīyupū:

—¿Noā āārīrī yūpo, yū pagūpūrā?

34 Irire ārī odo, Īgū pūro doarārē ĩā, āsū ārīyupū:

—Īīsā, yūpo, yū pagūpūrā irirosū āārīma.

35 Marīpū gāāmerīrē irirāno, yū pagūmū, yū pagūmo, yūpo irirosū āārīma, ārīyupū.

## 4

*Jesús oterimasū keori merā buedea*  
(Mt 13.1-9; Lc 8.4-8)

1 Gajinū Jesús ditaru tūroguet buenūgāyupū doja. Masaka wārā Īgū pūro nerēñurā. Īgūsā wārā nerēmakū ĩā, Jesús doódirugue mūrīñajāa, eja doayupū. Masaka ĩmiparogue dujanūgāñurā Īgū buerire pémurā.

2 Irasirigu wārī keori merā Īgūsārē āsū ārī bueyupū:

3 —Ōārō péka! Sugū oterimasū Īgū oterire oteguet waakumi.

<sup>4</sup> Īgũ irire meéwasiriwãgãmakũ, gaji yeri maague yurikoa. Iro yuriadea yerire mirã eja, baapeokõãkuma.

<sup>5</sup> Gaji yeri ütãyerikurogue yurikoa. Iro nikũ sĩmerẽrõgã ããrĩmakũ, iri yeri mata puriadikoa.

<sup>6</sup> Puriñajãdi, pũũ abe asimakũ nugũrĩ marĩsĩã, ñãĩ, boakõãkoa.

<sup>7</sup> Gaji yeri pora watopegue yurikoa. Pora gapũ puritarimũrĩa, iro yuridea yerire wẽjẽkõãkoa. Irasiriro ðaka marĩrĩta boakõãkoa.

<sup>8</sup> Gaji yeri õãrĩ nikũgue yurikoa. Iri yeri puri, masã, õãrõ ðakakũkoa. Suñu treinta yeri, gajiñu sesenta yeri, gajiñu cien yeri ðakakũkoa, ãrĩyupũ.

<sup>9</sup> Irire were odo:

—Gãnipũrĩ oparã, yũ wererire péduripíka! ãrĩyupũ Jesús.

*Jesús buerã ĩgũrẽ: “¿Nasirigu keori merã bueri?” ãrĩ sẽrẽñadea (Mt 13.10-17; Lc 8.9-10)*

<sup>10</sup> Masaka waadero pũũ, Jesús suguta ããrĩmakũ ããrã, ĩgũ buerã pe mojõma pere su gubu peru pẽrẽbejarã, gajerã ĩgũ merã ããrĩrãde iri keori merã bueadeare:

—¿Naásũ ãrĩduaro iriari, gũare mũ bueadea? ãrĩñurã.

<sup>11</sup> Irasũ ãrĩmakũ pégu, Jesús ĩgũsãrẽ ãrĩyupũ:

—Marĩpũ ĩgũyarãrẽ doregũ ããrĩrĩrẽ iripoegue masĩbirideare mũsãrẽ masĩmakũ yãmi. Yũ gajerãrẽ ĩgũrẽ bũremumerã gapũre keori merã dita buea.

<sup>12</sup> Irasirirã Marĩpũ iririre ããkererã, ããmasĩbema. ĩgũyare pékererã, õãrõ pémasĩbema. Marĩpũ, ĩgũsã ñerõ iriri gapũre pirimakũ ĩãgũ, kãtibokumi, ãrĩyupũ.

*Jesús oterimasũ keori merã ĩgũ bueadeare: “Ãsũ ãrĩduaro yãa”, ãrĩ weredea*

*(Mt 13.18-23; Lc 8.11-15)*

<sup>13</sup> Jesús gaji ĩgũsãrẽ ãrĩnemoyupũ doja:

—¿Mũsã, iri keori merã yũ bueadeare pémasĩberi? Irire pémasĩmerã, ¿nasiri gaji gapũre pémasĩbokuri?

<sup>14</sup> Marĩpũya kerere weregũ, oteri yerire otegũ irirosũ ããrĩmi.

<sup>15</sup> Surãyeri masaka bũriri maa irirosũ ããrĩma. Marĩpũya kerere péadero pũũ, oteri yeri iri maague yuridea yerire mirã baapeoderosũ, wãtẽa opũ Satanás aari, ĩgũsã péadideare ãmapeokõãmi.

<sup>16-17</sup> Gajerã masaka ütãyerikũri yeba irirosũ ããrĩma. ĩgũsã Marĩpũya kerere usũyari merã péma. Irire pékererã, oteri yeri ütãyerikurogue yuriadero pũũ, puri nugũrĩ puriñajãbiriderosũ waama. Irasirirã mérõgã pũũ ĩgũsã Marĩpũyare péduari waja gajerã ĩgũsãrẽ ñerõ irimakũ ããrã, o ñerõ tarirã, ĩgũsã péadeare pirikõãma.

18 Gajerã masaka porakuri yeba irirosũ ããrĩma. Marĩpuya kerere péma. Irire pékererã, oteri yeri porakurogue yuriadero puru, pora gapu puritarimurĩa wējēderosũ,

19 i umuma gapure buru gũnarikuma. “Wári oparã òãrõ ããrĩrãkoa”, ãrĩ gũnarĩ, gajinorẽ buru gããmenemorĩ Marĩpuya kerere péadideare kãtimakũ yãa. Otediñu ðuka marĩdiñu irirosũ ðujama. Irasirirã Marĩpuyare iribema.

20 Gajerã masaka òãrĩ nikũ irirosũ ããrĩma. Marĩpuya kerere òãrõ péduripĩma. “Òãgorãa”, ãrĩ, Marĩpuyare òãrõ yãma. Irasirirã otediñu wári ðukakurosũ ããrĩma. Surãyeri treinta yeri, gajerã sesenta yeri, gajerã cien yeri ðukakurosũ ããrĩma, ãrĩyupu Jesús.

*Jesús siãgodiru keori merã buedea*

*(Mt 5.15-16; Lc 8.16-18)*

21 Gaji Jesús ãrĩnemoyupu ðoja:

–Masaka siãgodirure ããa, dupa kũma dokague, o kãrĩrõ dokaguedere píbirikuma. Ubu gapu ãmarõgue siukuma, òãrõ siãgoburo, ãrĩrã.

22 Masaka iãberogue ðuripídeare siãgorogue iãmasĩrõ irirosũ ããrĩpereri masaka masĩbirideare masĩsũrokoa. Irasiriro yayedea irirosũ neõ ããrĩbirikoa.

23 Gãmipũrĩ oparã, yu wererire òãrõ péduripĩka!

24 Irasũ ãrĩ òdo, ãsũ ãrĩnemoyupu ðoja:

–Musã périre òãrõ pémasĩka! Mérõgã pémasĩduarã, mérõgã pémasĩrãkoa. Wáro pémasĩduarã, wáro pémasĩrãkoa. Marĩpu ãgũya kerere musã pémasĩduaropã pémasĩrĩrẽ sigukumi. Irasũ ããrĩmakũ, wáro pémasĩduarãrẽ sĩnemogukumi.

25 Irasirigu ãgũya kerere òãrõ pémasĩrãrẽ wári pémasĩrĩ sĩnemogukumi. Gajerã pémasĩmerã gapure ãgũsã pémasĩadideare ãmasũrãkuma. Irasirirã neõ pémasĩmerã ããrĩrãkuma, ãrĩyupu.

*Oteri masãrĩ keori merã buedea*

26 Irasũ ãrĩ òdo, gaji keori merã bueyupu ðoja:

–Marĩpu ãgũyarãrẽ doreri ãsũ ããrã. Sugu masakũ ãgũya pooegue oteri yerire meéwasirigu irirosũ ããrã.

27 ãgũ irasũ meéwasiriadero puru, ñami merã kãrĩkumi. Puru boyoripoe yobekumi. Umurĩ, ñamirĩ tarikoa. ãgũ oteadea yeri puri masãkoa. ãgũ gapu irire: “Irasũ waakoa”, ãrĩ masĩbirikumi.

28 Iri yeri yeba poekague ããrĩsĩã, puri, pũrĩ wiripurori, puru dupañerĩgã wiri, ðuka yeri deyoakoa. Purgue pama òãrõ ðuka buribejakoa.

29 Iri buribeja odomakũ iã, ãgũrẽ moãboerãrẽ irire sea ðuripĩmurãrẽ iriukumi, ãrĩyupu Jesús.

*Jesús mostaza wãikuri yegã puri masãdea keori merã buedea*

*(Mt 13.31-32; Lc 13.18-19)*



30 Irasũ arĩ odo, gaji arĩnemoyupũ doja:

—Marĩpũ ĩgũyarārē doreri, ¿ñeéno irirosũ aārĩkuri? ¿Ñeéno keori merā weregakuri?

31 I irirosũ aārā. Suye oteriye mostaza wāĩkuri yegārē oterosũ aārā. Iri oteri yegā aārĩpereri oteri yeri nemorō méri yegā aārā.

32 Irasũ aārĩkerero, otemakũ, pũũ yukũ wádi dũpũri padi masākoa. Irasirirā mirā irigũ dũpũrigue, yũũrogue ĩgũsāya surĩ suakuma, arĩyupũ Jesús ĩgũ buerārē, ĩgũsā merā aārĩrādere.

*Jesús masakare keori merā buenadea*  
(Mt 13.34-35)

33 Jesús masakare asũ buenayupũ. Marĩpũya kerere weregũ, wári keori merā masaka pemasĩrōgueta buenayupũ.

34 ĩgũsārē buegũ, keori merā dita buenayupũ. ĩgũ buerā merā dita aārĩgũ gapũ: “Asũ arĩduaro yāa iri”, arĩ werenayupũ ĩgũsārē.

*Jesús mirũ, makũrĩrē toemakũ iridea*  
(Mt 8.23-27; Lc 8.22-25)

35 Jesús masakare oteri keori merā bueadeanũ naĩmejāriporē ĩgũ buerārē asũ arĩyupũ:

—Náka, ditaru sikoepũgue taribujarā!

36 ĩgũ irasũ arĩmakũ pé, masakare seretu, ĩgũ sãñadea doódirugue marĩñajāa, ĩgũrē aĩ taribujakōañurā. Gajerā gaji doóriduparu merā wapikũwāgāñurā.

37 ĩgũsā taribujaripoe mirũ bũro waa, makũrĩ ĩgũsāya doódirure páñajāmiũakōādiyuro. Bũro goero waayuro ĩgũsārē.

38 Jesús gapũ wejaturoma doaripērōgue peyari gasiro merā ēotú kārĩbejakōāyupũ. Irasirirā ĩgũ buerā ĩgũrē asũ arĩ yobeñurā:

—¿Guare buegũ, mũ ãāberi? Marĩ mirĩmurā yāa, arĩñurā.

39 ĩgũsā irasũ arĩmakũ pégũ, Jesús wāgānugā, mirũrē, makũrĩdere toedoreyupũ:

—Iropāta, toeaka! arĩyupũ. ĩgũ irasũ arĩmakũ, mirũ, makũrĩ bũro waadea toedijapereakōāyuro.

40 Pũũ Jesús ĩgũ buerārē arĩyupũ:

—¿Nasirirā güiri mũsā? ¿Yũre bũremurĩ opaberi dapa mũsā iropā güirā?

41 ĩgũsā gapũ bũro gũka, asũ arĩ gāme werenĩñurā:

—¿Ñeémũno masakũ aārĩrĩ ñĩ? Mirũ, makũrĩgueta ĩgũrē tarinũgābea, arĩñurā.

## 5

*Jesús Gerasamurē wātēa ñajānerārē béowiudea  
(Mt 8.28-34; Lc 8.26-39)*

1 Jesús ĩgũ buerã merã ditarure taribuja, Gerasa\* marãya nikũgue ejayupũ.

2 Jesús doódirugue ããrãdi majãñugãripoe sugũ masakũ wãtĩ ñajãsũdi, masãgoberi watopegue ããrãdi Jesũre bokatĩriyupũ.

3 ĩgũ masãgoberi watopegue ããrĩgũ ããriyupũ. Neõ sugũ ĩgũrẽ pũguburi merã, kõmedari merãdere siapĩmasĩbiriñurã.

4 Wãri ĩgũya guburire, mojõrĩdere kõmedari merã siapĩnadiñurã. ĩgũsã siapĩrikũ, ĩgũsã siadeadarire tũãtawasiri beonokõãyupũ. Neõ sugũ ĩgũrẽ tarinũgãmasĩbiriñurã.

5 Ĕmurikũ, ñamirikũ buurĩgue, masãgoberi watopegue gainĩgorenayupũ. ĩgũ basita ùtãyeri merã ĩgũya dupũre pá kãmitũnayupũ.

6 Jesũre yoarogueta ĩãgũ, ùmawãgãri, ĩgũ ĩũrõ ñadũkũpuri merã ejamejãyupũ.

7-8 Jesús ãriyupũ:

—Wãtĩ, mũ ñajãdire wirika!

Irasũ ãrĩmakũ pégu, bũro gainĩrĩ merã ãsũ ãriyupũ:

—Jesús, ùmũgasigue ããrĩpererã nemorõ turagu magũ, ¿nasiribu yãri mũ yũre? Mũpũ ùmũgasigue ããrĩgũ péuro mũrẽ sërẽa. Yũre poyarikũmakũ iribirikõãka!

9 Jesús ĩgũrẽ sërẽñayupũ:

—¿Naásũ wãĩkũri mũ?

—Wãrã ããrã gua. Irasirigu Legiõn wãĩkũa yũ, ãriyupũ.

10 Irasũ ãrĩ odo, Jesũre bũro sërẽyupũ doja:

—Guare i nikũrẽ béowiubirikõãka! ãriyupũ.

11 Iro buúru pũro wãrã yesea ãma baarã iriñurã.

12 ĩgũsãrẽ ĩãrã, wãtēa Jesũre sërẽñurã:

—Guare yeseaguere ñajãdoregu iriuka!

13 —Jãũ, ĩgũsãrẽta ñajãrã waaka! ãriyupũ Jesús wãtēãrẽ. ĩgũ irasũ ãrĩmakũ, masakũguere ããrãnerã wiria, yesea dos mil ããrĩrãrẽ ñajãñurã. ĩgũsã ñajãmakũ, yesea ùma mirẽbuáa, ditarugue meébia dijãa, mirĩ boapereakõãñurã.

14 Irasũ waamakũ ĩãrã, yeseare korerimasã gũkari merã ùmadujãa, ĩgũsãya makã marãrẽ, iri makã tũro marãdere wererã waañurã. ĩgũsã weremakũ pérã, masaka ããrĩpererã: “¿Naásũ waáayuri?” ãrĩ, ĩãrã ejañurã.

15 Jesús pũro ejarã, wãtēa ñajãsũdi ããrãdire iro doagũre ĩãñurã. Surĩro sãñadi, õãrõ pémasĩrĩ merã ããriyupũ. Masaka ĩgũrẽ ĩãrã, bũro gũiñurã.

\* 5:1 Gerasa, Gadara wãĩkũri makãrĩ Decápolis wãĩkũri nikũgue ããriyuro.

16 Jesús masakure wātēārē béowiadeare ñānerā yeseare waadeadere wereñurā.

17 Irire pérā, Gerasa marā Jesúre: “Waaka guaya nikūrē!” ārīñurā.

18 Īgūsā irasū ārīmakū pégu, Jesús doódirugue mūrīñajāyupu. Īgū mūrīñajāmakū, wātēa ñajāsūdi āārādi Jesúre: “Yude mu merā waadukoa”, ārī sērēadiyupu.

19 Īgū irasū ārīmakū pégu, Jesús Īgūrē āsū ārīyupu:

—Yu merā waabirikōāka! Muya wiigue goedujāaka! Mūrē mu Opu oārō iriadeare, Īgū bopoñarī merā ñādeare muya wii marārē weregū waaka! ārīyupu.

20 Īgū irasū ārīmakū pégu, Decápolis† wāikurogue waa, iroma makārī marārē āārīpereri Jesús Īgūrē irideare werenugāyupu. Āārīpererā Īgū wererire pérā, pégukakōāñurā.

*Jesús Jairo magōrē, gajego nomeō ĩgūya surírore moññagōrē taudea*

(Mt 9.18-26; Lc 8.40-56)

21 Jesús Gerasa marāya nikūgue āārādi doódirugue mūrīñajāa, gaji koepugue taribujakōāyupu. Īgū irogue ejamakū ñā, ditaru turogue wārā masaka Īgū puro nerēñurā.

22 Īgū irogue āārīripoe sugū judío masaka nerērī wii oparā merāmu Jairo wāikugū ejayupu. Jesúre ñāgū, ĩgūya guburi puro ñadukupuri merā ejamejāja, ĩgūrē buro sērēyupu:

23 —Yu magō kōmobogue iriamo. Muya mojōrī merā ñapeo, igore taugū aarika! Mu irasirimakū, okagokumo, ārīyupu.

24 Īgū irasū ārīmakū pégu, Jesús ĩgū merā waayupu. Īgū waamakū, wārā masaka ĩgūrē kūñarōgā tuuyañurā.

25 Īgūsā watopegue sugo nomeō pe mojōma pere su gubu peru pērēbejari bojorigora dí wiriri merā pūrīrikugo āārīyupo.

26 Wārā kúririmasā igore kúrikerepuru, neō taribiriyuro. Igo niyeru opadideare āārīpereri ĩgūsārē wajaripeokerepuru, sōō gapu buro waayuro.

27-28 Igo, Jesús pūrīrikurārē taurire péyupo. Irasirigo masaka watopegue waa: “Īgūya surírore yu moññamakū, pūrīrī yure tarirokōa”, ārī gūñarī merā, Jesús purupu gapu ejanugā, ĩgūya surírore moññayupo.

29 Mata igo dí wiriadea tariakōāyuro. “Yure pūrīrī tarikōa”, ārī péñayupo.

30 Igo moññamakūta, Jesús ĩgū turaro merā sugo pūrīrikugore tauadeare masīkōāyupu. Irasirigu masakare gāmenugā ñā:

—¿Noā yaa surírore moññarī? ārīyupu.

31 Īgū irasū ārīmakū pérā, ĩgū buerā ĩgūrē ārīñurā:

† 5:20 Gerasa, Gadara wāikuri makārī Decápolis wāikuri nikūgue āārīyuro.

—¿Mu ñāberi? Wárā masaka murē kūñarōgā tuuyama. ¿Nasirigu ĩgūsārē: “¿Noā yure moañarĩ?” ārĩ sērēñarĩ?

<sup>32</sup> Jesús gapu masaka āārīpererārē ĩāyupu, ĩgūrē moañadeore ĩābokabu.

<sup>33</sup> Jesús igo pūrīrikuri tariadeare masīmakū ĩā, gūi naradari merā ĩgūya guburi purō ñadukupuri merā ejamejā, āārīpererire diaye ārĩ merā werepeokōāyupo.

<sup>34</sup> Jesús igore ārīyupu:

—Mu yure buremurī opāa. Irasirigo mu pūrīrikurire tausūa. Usuyari merā waaka! Mu pūrīrikudea tariakōāa, ārīyupu.

<sup>35</sup> Jesús irasū ārīripoe Jairoya wiigue āārānerā ejañurā:

—Mu magō kōmoakōāmo. Iropāta marīrē buegure gari-bonemoka! ārīñurā.

<sup>36</sup> ĩgūsā irasū ārīkerepuru, Jesús Jairore āsū ārīyupu:

—Gūibirikōāka! Buremurī opaka yure!

<sup>37</sup> Irasirigu Jesús masakare: “Aaribirikōāka!” ārĩ, Pedro, Santiago, ĩgū pagumu Juārē siiu, Jairoya wiigue ĩgūsā merā waayupu.

<sup>38</sup> Iri wiigue ejagu, wárā masaka burō busuro orerārē bokajayupu.

<sup>39</sup> Jesús, wiigue ñajāa, ĩgūsārē āsū ārīyupu:

—¿Nasirirā musā iropā busuro oreri? Igo majīgō boabemo. Kārīgō yāmo.

<sup>40</sup> ĩgū irasū ārīmakū pérā, ĩgūrē burīñurā. Irasirigu Jesús āārīpererārē wiriadoreyupu. ĩgūsā wiriadero puru, majīgō pagusāmarārē, ĩgū merāmarārē igo peyarogue siiu ñajāyupu.

<sup>41</sup> Ñajāja, igoya mojōrē ñeā, igore:

—Talita, cumi, ārīyupu. “Talita, cumi”, ārīrō: “ ‘Majīgō, wāgānugāka!’ ārā”, ārīduaro yāa.

<sup>42</sup> ĩgū irasū ārīmakūta, majīgō wāgānugā, waamasīyupo. Igo pe mojōma pere su gubu peru pērebejari bojori opago āārīyupo. Masaka, igo masāmakū ĩārā, ĩāgukatariakōāñurā.

<sup>43</sup> Jesús gapu ĩgūsārē turaro merā:

—Igo masādeare gajerārē werebirikōāka! ārīyupu. Irasū ārī odo, igo pagusāmarārē: “Igore baari ejoka!” ārīyupu.

## 6

*Jesús Nazaregue goedujáadea*  
(Mt 13.53-58; Lc 4.16-30)

<sup>1</sup> Puru Jesús iro āārādi ĩgūya nikūgue goedujáayupu. ĩgū buerāde ĩgū merā waañurā.

<sup>2</sup> Judío masaka siuñajārīnu āārīmakū, Jesús ĩgūsā nerērī wi-igüe ñajāa, masakare buenugāyupu. Wárā masaka iro āārīrā ĩgū buemakū pérā, pégukakōāñurā:

—¿Noógue bueyuri ñi iropã masĩbu? ¿Noã ìgũrẽ iropã masĩrĩrẽ sīyuri, ìgũ turari merã iri ìmuburire?

<sup>3</sup> Ñi taboa merã gajino irigũ ããrĩmi. María magũ, Santi-ago, José, Simón, Judasã tĩgũ ããrĩmi. Ìgũ pagupũrã nomede õõ marĩya makãta ããrĩma, ãrĩ gãme werenĩñurã ìgũsã basi. Irasirirã ìgũrẽ buremuduabiriñurã.

<sup>4</sup> Jesús gapũ ìgũsãrẽ ãrĩyupũ:

—Ããrĩpererogue sugũ Marĩpũya kerere weredupuyugũre gajerã buremuma. Ìgũya nikũ marã, ìgũya wererã, ìgũya wii marã gapũ ìgũrẽ buremubema, ãrĩyupũ.

<sup>5</sup> Irasirigũ iro ããrĩgũ, wãri Marĩpũ turari merã iri ìmubiriyupũ. Surãyerita pũrĩrikũrãrẽ ìgũya mojõrĩ merã ñapeo tauyupũ.

<sup>6</sup> Iro marã ìgũrẽ buremubirimakũ ìãgũ, gũkatariakõãyupũ. Pũrũ iri makã turoma makãrĩ marãrẽ buegũ waayupũ.

*Jesús ìgũ buerãrẽ buedoregũ iriudea*

*(Mt 10.5-15; Lc 9.1-6)*

<sup>7</sup> Irasirigũ Jesús ìgũ buerã pe mojõma pere su gubu peru pẽrẽbejarãrẽ siiu neõ: “Yũ turari merã wãtẽa masakare ñajãnerãrẽ béowiurã waaka!” ãrĩ, ìgũsã ããrĩpererãrẽ pẽrã dita dukawa iriuyupũ.

<sup>8</sup> Ìgũsãrẽ iriugũ, gajino baari, aju, niyeru ããadorebiriyupũ. Ìgũsã tuari yuku direta ããadoreyupũ.

<sup>9</sup> Ìgũsã sãñarĩ merã dita waadoreyupũ. Gaji ìgũsã suri sãñaburi ããadorebiriyupũ.

<sup>10</sup> Æsũ ãrĩyupũ:

—Sugũ musãrẽ õãrõ bokatĩrĩñeãmakũ, ìgũya wiita dujaka! Iri makãrẽ wiri waarãgue iri wiire wirika!

<sup>11</sup> Su makã marã musãrẽ gããmebirimakũ ìãrã, musã werenĩrĩrẽ péduabirimakũ ìãrã, iri makãrẽ tariwãgã, iri makãma nikũwera musãya guburigue tuadeare mojẽbéokõãka! Ìgũsã musãrẽ gããmebiri waja irasirika, ìgũsãrẽ Marĩpũ wajamoãburire pémasĩburo, ãrĩrã! Yũ musãrẽ diayeta werea. Marĩpũ ããrĩpererã ñerãrẽ wajamoãrĩnũ ejamakũ, Sodoma, Gomorra marãrẽ wajamoãrõ nemorõ ìgũsãrẽ wajamoãgũkumi, ãrĩyupũ.

<sup>12</sup> Ìgũ irasũ ãrãdero pũrũ, waakõãñurã. Waa, masakare: “Musã ñerõ irideare bujawereka! Musã gũñarĩrẽ gorawayuka!” ãrĩñurã.

<sup>13</sup> Irasũ ããrĩmakũ, wãrã wãtẽa masakare ñajãnerãrẽ béowiñurã. Wãrã pũrĩrikũrãrẽ uye merã wũkã, tauñurã.

*Juan masakare wãiyerimasũ boadea*

*(Mt 14.1-12; Lc 9.7-9)*

14 Āārīperero marā masaka Jesús ĩgũ iriri kerere péseyakōāñurā. Herodes, Galilea nikũ marā opude péyupu. Irire pégu, āsũ ārīyupu:

—Juan masakare wāiyerimasũ boadigue masādi āārīkumi. Irasirigu turari merā wāri iri ĩmurĩrē irikumi, ārīyupu.

15 Gajerā gapu ārīñurā:

—Īgũ, Elías iripoegue Marĩpuya kerere weredupuyudi āārīkumi.

Gajerā ārīñurā:

—Īgũ, sugu iripoeguemu, Marĩpuya kerere weredupuyudi irirosũ āārĩgũ āārīkumi, ārīñurā.

16 Herodes irire pé, āsũ ārīyupu:

—Īgũ, Juan āārīkumi. Yu ĩgũrēta ĩgũya dipurure dititádorebu. Daporare dupaturi masākumi doja, ārīyupu.

17-18 Juan boaburi dupuyuro Herodes ĩgũ pagumu Felipe marāpore ēma, igore marāpokudi āārĩmĩ. Igo Herodías wāikudeo āārĩmó. Īgũ irasirimakũ ĩā, Juan Herodere:

—Mu pagumu marāpore marāpokugu, Marĩpu dorerire tarinugāgũ yāa, ārĩdi āārĩmĩ. Īgũ irasũ ārĩrĩ waja Herodes ĩgũyarā ũmarē Juārē peresu iridoredi āārĩmĩ.

19-20 Herodías gapu Juārē pũrĩsũgũ ĩādeo āārĩmó. Irasirigo ĩgũrē wējēduadeo āārādimó. Herodes gapu Juārē: “Ōārĩrē irigu, ōāgũ āārĩmĩ”, ārĩ gũña, bũremurĩ merā ĩgũrē gũidi āārĩmĩ. Juan weremakũ pégu, bũro gũñarikudi āārĩmĩ. Irasũ gũñarikukeregu, usuyari merā ĩgũ wererire pédi āārĩmĩ. Irasirigu ĩgũrē wējēdorebiridi āārĩmĩ. Irasirigo Herodías ĩgũrē wējēduakerego, wējēdoremasĩbirideo āārĩmó.

21 Pũru Herodías ĩgũrē wējēduadeo āārĩsĩā, ōārō bokadeo āārĩmó. Herodes ĩgũ deyoadeanu āārĩmakũ, ĩgũya nikũ marā oparārē, ĩgũyarā surara oparārē, gajerā Galilea marā oparādere siiu, ĩgũsā merā bosebaadi āārĩmĩ.

22 Īgũ siuanerā merā baari taribugue baaripoe Herodías magō ñajāa, ĩgũsā ĩũrō baya ĩmudeo āārĩmó. Igo baya ĩmumakũ ĩārā, Herodes, ĩgũ siuanerāde usuyanerā āārĩmā. Irasirigu Herodes igore ārĩdi āārĩmĩ:

—Mu gāāmerĩnorē sērēka yure! Mu sērērĩrē mure sīgura, ārĩdi āārĩmĩ.

23 Irasirigu iro āārĩrā péuro: “Ārĩgatoro marĩrō mu sērērōsũta mure sīgukoa. Yu opari, yaa nikũ āārĩrĩ deko ejatuaropā mure sīgukoa”, ārĩdi āārĩmĩ.

24 Īgũ irasũ ārĩmakũ pégo, igo pago pũro waa, sērēñādeo āārĩmó:

—¿Ñeéonorē sērēgokuri yu?

—Juan masakare wãiyerimasüya dipurure sêrêka! ãrĩ yujudeo ããrĩmó.

<sup>25</sup> Igo pago irasũ ãrĩmakũ pégo, mata opũ Herodes pãroque waa, ãgũrê ãrĩdeo ããrĩmó:

—Daporata Juan masakare wãiyerimasüya dipurure dititá, soropa wáripa merã sĩmakũ gããmekoa.

<sup>26</sup> Igo irasũ ãrĩmakũ, opũ Herodes bũro bujaweredi ããrĩmí. Ìgũ siiuanerã péuro: “Mũ sêrêrĩrê murê sĩgura”, ãrãdi ããrĩsĩã, gũyasĩrĩgũ, igore: “Mũ sêrêrĩrê sĩbirikoa”, ãrĩmasĩbiridi ããrĩmí.

<sup>27</sup> Irasirigũ mata ãgũyagũ surarare peresu iriri wiigue Juãya dipurure dititá ãiwãgãridoregũ iriudi ããrĩmí.

<sup>28</sup> Irasirigũ surara iroque waa, Juãya dipurure dititá, soropa merã ãiadi ããrĩmí. Ìija, Herodías magõrê wiadi ããrĩmí. Ìgũ igore iripare wiamakũ, ñeã, igo pagore ãia sĩdeo ããrĩmó.

<sup>29</sup> Juan buerã ãgũrê waadea kerere pérã, iroque waa, ãgũya dupure ãiwãgã, yãañurã.

*Jesús cinco mil ãmarê baari ejodea  
(Mt 14.13-21; Lc 9.10-17; Jn 6.1-14)*

<sup>30</sup> Jesús ãgũyare buedoregũ iriuanerã ãgũ pũro goedujajarã, ãgũsã iriadeare ãgũsã masakare buedeare werepeokõãñurã.

<sup>31</sup> Ìgũsã goedujajadero pũrũ, wárã masaka ãgũsã pũro gãmeñajãrã ejañurã. Irasirirã Jesús buerã baamasĩbiriñurã. Irasirigũ Jesús ãgũsãrê:

—Náka, marĩ dita masaka marĩrõgue siuñajãrã! ãrĩyupũ.

<sup>32</sup> Irasirigũ Jesús ãgũ buerã merã doódirugue marĩñajãa, ãgũsã dita masaka marĩrõgue waakõãñurã.

<sup>33</sup> Ìgũsã waamakũ ãrãrã, wárã masaka Jesúre ãmasĩñurã. Irasirirã ããrĩpereri makãrĩ marã maague waa, Jesús ejaburogue ãmajasiañurã.

<sup>34</sup> Jesús doódirugue sãñadi majãnugãja, wárã masakare ããyupũ. Ìgũsãrê ããgũ: “Ìisã oveja sugũ ãgũsãrê koregũ opamerã irirosũ ããrĩma”, ãrĩ gũñayupũ. Irasirigũ ãgũsãrê bopoñarĩ merã ãã, wári buenugãyupũ.

<sup>35</sup> Ñamika ããrĩmakũ, Jesús buerã ãgũ pũro waa, ãgũrê ãrĩñurã:

—Õõ masaka marĩrõgue ããrã. Ñamikague ããrĩsĩãa.

<sup>36</sup> Irasirigũ masakare waadoreka! Makãrĩgue, makãrĩ tũroma wiirigue baari wajarirã waaburo. Marĩ õõguere baari opabea, ãrĩñurã.

<sup>37</sup> Jesús gapũ:

—Mũsã ãgũsãrê baari sĩka! ãrĩyupũ.

Ìgũ irasũ ãrĩmakũ pérã:

—¿Gua ãgũsã baaburire wajarirã waamakũ gããmekuri? Ìgũsã baaburi doscientos narĩ moã wajataropã wajakurokoa, ãrĩñurã.

38 Jesús ĩgŭsārē ārīyupŭ:

—¿Dikŭ pã duparu opari mŭsã? Īārã waaka!

—Jáŭ, ārī, baarire ĩārã waa:

—Su mojõma pã duparu ãārã, waaí pērãta ãārĩma, ārĩñurã.

39 Irasirigŭ Jesús ĩgŭsārē ārīyupŭ:

—Masakare tá weka boje yebori dita doayodoreka!

40 Irasirirã su yebore cien, gajı yebore cincuenta doajañurã.  
 Āārĩpererã irasũ dita doajañurã.

41 Īgŭsã eja doaperemakũ, Jesús su mojõma pã duparu, pērã waaire ãĩ, ũmugasigue ĩãmu, Marĩpŭre: “Mŭrē ũsŭyari sĩa”, ārīyupŭ. Ārĩ odo, iri pã duparure pea, ĩgũ buerārē sīyupŭ, masakare gueredoregŭ. Waaídere irasũta iriyupŭ, ãārĩpererãrē gueredoregŭ.

42 Irasirirã ãārĩpererã õãrõ baayapiakõãñurã.

43 Pŭrŭ ĩgŭsã baadũáadeare Jesús buerã seasãrã, pe mojõma pere su gubu peru pērēbejari puuirigora ũtũudoboñurã.

44 Pã duparure baanerã: nome, majĩrã keoña marĩrõ ũma direta keomakũ, cinco mil gora ãārĩñurã.

### *Jesús deko weka waadea*

*(Mt 14.22-27; Jn 6.16-21)*

45 Pŭrŭ Jesús ĩgũ buerārē doódirugue mŭrĩñajãdore, Betsaida wãĩkŭri makãgue ĩgũ dupuyuro taribujadoreyupŭ. Īgŭsã taribujaripoe Jesús masakare: “Õãrõ waaka!” ārĩ seretuyupŭ.

46 Seretu odo, buúrugue Marĩpŭre sērēgũ mŭrĩayupŭ.

47 Naĩwãgãriripoe Jesús sugŭta buúru wekague ãārīyupŭ. Īgũ buerã gapŭ ditaru dekogora ãārĩñurã.

48 Mirũ ĩgŭsārē taribujamasĩña marĩrõ ĩgŭsã diaye wējēpumakũ ĩayupŭ Jesús. Pŭrŭ boyo mŭrĩriripoe ditarugue buaja, deko weka ĩgŭsã pŭro aari, ejanugã, ĩgŭsārē tariwãgãbu irirosũ iriyupŭ.

49 Īgũ irasũ deko weka ejanugãmakũ ĩārã: “Masakŭ boadi wãĩ ãārĩmi”, ārĩ gũña, bŭro gŭkari merã gainĩñurã.

50 Āārĩpererã ĩgŭrē ĩārã, bŭro gŭkañurã. Īgŭsã gŭkamakũ ĩãgũ, mata Jesús ĩgŭsārē ārīyupŭ:

—Gũñaturaka! Yŭta ãārã. Gũimerãta!

51 Īgũ irasũ ãrãdero pŭrŭ, ĩgŭsã sãñadiru doódirugue mŭrĩñajãyupŭ. Īgũ mŭrĩñajãmakũta, mirũ toeakõãyuro. Irasũ waamakũ ĩārã, ĩãgŭkatariakõãñurã.

52 Īgũ pã duparure Marĩpŭ turari merã iri ĩmuadeare pémasĩbiriñurã. Īgŭyamarē õãrõ pémasĩturabiriñurã.

### *Jesús Genesaret marãrē pŭrĩrikŭrãrē taudea*

*(Mt 14.34-36)*



<sup>53</sup> Jesús doódirugue marĩñajãmakũ, ĩgũ merã taribuja, Gene-saret\* wãikuri nikũgue eja, doódirure siatúpau majãkõãñurã.

<sup>54</sup> ĩgũsã majãmakũ, mata masaka Jesúre ĩãmasĩñurã.

<sup>55</sup> Irasirirã ĩgũsãya nikũ ããrĩpererogue ũmawãgã, pũrĩrikurãrẽ ĩgũsã peyari merãta ĩgũ ããrĩrõgue ãijañurã.

<sup>56</sup> ããrĩperero ĩgũ waaró ĩgũ ejaburi dupuyuro paga makãrĩ marã, mutã makãrĩgã marã, makãrĩ turo marãde pũrĩrikurãrẽ wiiri disipurorogue ãiwiupiñurã. ĩgũsã puro ĩgũ ejamakũ ĩã, ĩgũrẽ:

—Muya suríro yuwa direta ĩgũsãrẽ moãñadoreka! ãrĩ sërẽñurã. Irasirirã ããrĩpererã ĩgũya surírore moãñarã ĩgũsã pũrĩrikũadeare tarisũñurã.

## 7

### *Masakare ñerã waamakũ iririre buedea* (Mt 15.1-20)

<sup>1</sup> Puru fariseo bumarã, Moisés gojadeare buerimasãde Jerusalégue ããrãnerã eja, Jesús puro nerẽñurã.

<sup>2</sup> Irasũ nerẽrã, ĩgũsã: “Baaburi dupuyuro mojõkoeka!” ãrĩdeare surãyeri Jesús buerã mojõkoero marĩrõ baamakũ ĩãrã, ĩgũsãrẽ werewũñurã.

<sup>3</sup> Fariseo bumarã, ããrĩpererã judío masaka ĩgũsã ñekũsãmarã iriunaderosũ ĩgũsãya mojõrĩrẽ mojõkoepurori baanañurã.

<sup>4</sup> ĩgũsã baari duarogue ejanerãde mojõkoepurorisã, baanañurã. Wãri gajĩ ĩgũsã ñekũsãmarã iriunadeare iritũyañurã. Irasirirã ĩgũsã ñekũsãmarã: “Ãsũ dita irika!” ãrĩdeare irirã, ĩgũsã iirĩriduparure, ĩgũsã iirĩburi duripĩriduparure, ĩgũsãya kõmesororire, ĩgũsã doaripẽrĩrẽ koenañurã.

<sup>5</sup> Irasirirã fariseo bumarã, Moisés gojadeare buerimasãde Jesúre ãsũ ãrĩ sërẽñañurã:

—¿Nasirirã mu buerã marĩ ñekũsãmarã iriunaderosũ baaburi dupuyuro mojõkoeberi? ãrĩñurã.

<sup>6</sup> Jesús ĩgũsãrẽ ãrĩyupu:

—Musã masaka ĩãberogue ñerõ iriririkurã, irigatorikurã ããrã. Iripoegue Marĩpũya kerere weredupuyudi Isaiás musã dapura irigatorire gojagu, diayeta ãsũ ãrĩ gojadi ããrĩmĩ: Masaka ĩgũsãya disĩ merã yũre õãrõ werenikererã, ĩgũsãya gũñarĩgue yũre neõ bũremubema.

<sup>7</sup> Irasiro ĩgũsã yũre bũremurã nerẽrĩ wajamáa. ĩgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ.\*

\* 6:53 Genesaret wãikuri nikũ, Galilea wãikuri ditaru turo ããrĩyuro.

☆ 7:7 Is

<sup>8</sup> Irasirirā musā ñekūsāmarā iriunaderosū irimurā Marīpu dorerire pirikōāa, āriyupu Jesús.

<sup>9</sup> Āsū ārinemoyupu doja:

—Musā ñekūsāmarā doredeare iritayarā, Marīpu doreri gapure béokōāa.

<sup>10</sup> Iripoegue Moisés āsū āri gojadi āārīmí: “Mupure, mupore buremuka! Sugu ĭgū pagusāmarārē ñerō werenígū wējēdoresūgukumi”, āri gojadi āārīmí.

<sup>11</sup> Musā gapu masakare āsū āri buea: “Sugu ĭgū pagure, o ĭgū pagore: ‘Yu musārē sīboadeare Marīpure sīpeokōābu. Irasirigu musārē iritamumasībirikoa’, ārīmakū ōāgorāa”, āri buea.

<sup>12</sup> Musā masakare irasū āri buerā, masakare ĭgūsā pagusāmarārē iritamubirimakū yāa.

<sup>13</sup> Irasirirā musā ñekūsāmarā pídeare gajerārē irire iritayadorerā, ĭgūsārē Marīpu doreri gapure ubu ĭāmakū yāa. Gaji wári irinorē yāa, āriyupu Jesús fariseo bumarārē.

<sup>14</sup> Irasū āri odo, Jesús masakare siiu, āsū āriyupu:

—Yu wererire āārīpererā ōārō pékūñnú, péka!

<sup>15</sup> Masakaya disigue ñajāri ĭgūsārē ñerā waamakū iribea. ĭgūsāya disi wiriri gapu, ĭgūsārē ñerā waamakū yāa.

<sup>16</sup> Gāmipūrī oparā, yu wererire péduripíka! āriyupu.

<sup>17</sup> Puru Jesús masaka merā āārādi, wiigue ñajākōāyupu. Irogue ĭgū buerā ĭgū keori merā wereadeare sērēñañurā.

<sup>18</sup> ĭgūsā sērēñamakū pégu, āriyupu:

—¿Musāde pémasīberi dapa? Āārīpereri baari masakaya disigue ñajāri, ĭgūsārē ñerā waamakū irimasībea. ¿Irire pémasīberi musā?

<sup>19</sup> ĭgūsā baadea ĭgūsā gūñarīgue ñajābea. ĭgūsāya paru gapu ñajāa, puru tariwiria, āriyupu. Irire ārīgū: “Āārīpereri baari ōārī āārā”, ārīgū iriyupu.

<sup>20</sup> Gaji ārinemoyupu doja:

—Masaka ĭgūsā gūñarīguere opari gapu, ĭgūsārē ñerā waamakū yāa.

<sup>21</sup> ĭgūsā gūñarīgue ñerī oparā, āsū āārīma. Ñerī gūñarā, gajerā marāposā nomerē gāmebirarā, nome merā ñerī iririkurā, masakare wējēbéorā,

<sup>22</sup> gajerāyare yajarā, gajigu oparinorē buro waribejarā, gajerārē ñerō irirā, ārīgatorā, ñerā, gajino oparārē ĭaturirā, gajerārē ñerō kere wererā, “Gajerā nemorō āārā yu”, āri gūñakererā pémasīrī marīrō irirā āārīma.

<sup>23</sup> Iri āārīpereri ñerī masaka gūñarīgue opari ĭgūsārē ñerā waamakū yāa, āriyupu Jesús ĭgū buerārē.

*Judío masako āārībeo Jesúre buremudea  
(Mt 15.21-28)*

24 Puru Jesús iro ããrãdi waa, Tiro, Sidón wãikuri makãrĩ turogue ejayuru. Irogue eja, su wiigüe ñajãyuru masaka ãgũ ããrĩrõrẽ masĩbirikõãburo, ãrĩgũ. Irasirikeregu, masikõãsũyuru.

25 Sugo nomeõ wãtĩ ñajãsũdeo pago ãgũ ejadeare pëgo, mata ãgũ puro waa, ãgũya guburi puro ñadukupuri merã ejamejãyuro.

26 Igo judío masako ããrĩbeo ããrĩyuro. Igo deyoadea makã Sirofenicia wãikuri makã ããrĩyuro. Jesús puro ñadukupuri merã ejamejãja, ãgũrẽ sërẽyuro:

—Wãtĩrẽ béowiuka yu magõrẽ! ãrĩyuro.

27 Jesús igore ãrĩyuru:

—Wii opu pũrã baarire ãma, diayéare ejomakũ õãbea.

28 Igo ãgũrẽ yujuyuro:

—Irasũta ããrã yu Opu. Irasũ ããrĩkerepuru, diayéagueta baari peyaro doka majĩrã baawasiridijurire baaboema, ãrĩyuro.

29 Jesús igore ãrĩyuru:

—Mu õãrõ yujua. Irasirigo muya wiigüe goedujáaka! Wãtĩ mu magõrẽ ñajãdi wirisiami, ãrĩyuru.

30 ãgũ irasũ ãrãdero puru, igoya wiigüe goedujáa, igo magõrẽ peyarogue oyagore bokajayuro. Wãtĩ igore ñajãdi wiriasiyuru. Irasirigo tariyuro.

### *Jesús sugu werenĩrĩ kukugure gãmipũ pébire taudea*

31 Jesús Tiro wãikuri makã turogue ããrãdi dupaturi wiri, Sidón wãikuri makãrẽ tariwãgã, Decápolis wãikuri nikũrẽ tariwere, Galilea wãikuri ditarugue ejayuru doja.

32 Irogue ejamakũ ãã, iro marã sugu gãmipũ pébire werenĩrĩ kukugure Jesús puro ãã:

—Muya mojõrĩ merã ñapeoka ãgũrẽ! ãrĩ sërẽñurã.

33 Irasirigu Jesús masaka ããbero gapu ãgũrẽ ãã, mojõsũrĩ merã pébiya gãmipũrĩrẽ soesóo, síku eoepo, ãgũya nedirure moãñayuru.

34 Puru ãmugasigue ããmu, siuñajãnugãja, ãsũ ãrĩyuru:

—Efata! ãrĩyuru. “Efata”, ãrĩrõ: “Toyoka!” ãrĩduaro yáa.

35 ãgũ irasũ ãrĩmakũta, pébiya gãmipũrĩ toyoakõãyuro. Mata ãgũya nediru turadea niirõãmakũ, õãrõ werenímasĩyuru.

36 Jesús gapu ãgũrẽ taumakũ ããnerãrẽ: “Gajerãrẽ werebirikõãka!” ãrĩyuru. ãgũ: “Werebirigorakõãka!” ãrĩkerepuru, ãgũsã gapu gajerãrẽ werepeokõãñurã.

37 Buro ããgũka, usuyari merã ãsũ ãrĩñurã:

—Ããrĩpererire õãrõ yámi. Gãmipũ pémerãrẽ õãrõ pémakũ yámi. Werenímasĩmerãdere õãrõ werenímasĩmakũ yámi, ãrĩñurã.

## 8

*Jesús cuatro mil ñmarē baari ejodea*  
(Mt 15.32-39)

1 Pꝛꝛꝛ dupaturi wárã masaka Jesús pꝛꝛꝛogue nerēanerārē baari peremakū ĩāgū, ĩgū buerārē siiu, ārĩyupꝛꝛ:

2 —Ūrenꝛꝛgora waáa, ĩsã masaka yꝛꝛ merã ãārĩrõ. ĩgūsārē baari pereakõãa. Irasirigꝛꝛ ĩgūsārē bopoñarĩ merã ĩãa.

3 Surãyeri yoarogue aarinerã ãārĩmã. ĩgūsã baamerārēta ĩgūsãya wiirigue goedujáadoremakū, maa dekota turabiri-akõãbokuma, ārĩyupꝛꝛ.

4 ĩgū irasū ārĩmakū pérã, ĩgū buerã yꝛꝛꝛñurã:

—¿Nasirisĩã, õõ masaka marĩrõguere baari boka ejobokuri marĩ ĩgūsārē?

5 Jesús ĩgūsārē sērēñayupꝛꝛ:

—¿Diĩkꝛꝛ pã duparu opari mꝛꝛsã?

—Su mojõma pere gaji mojõ peru pērēbejari duparu opãa, ārĩ yꝛꝛꝛñurã.

6 Irasirigꝛꝛ Jesús masakare yebague doadore, iri pã duparure ãĩ, Marĩpꝛꝛure: “Mꝛꝛē ꝛꝛꝛyari sĩa”, ārĩyupꝛꝛ. Irasiri odo, pã duparure pea, ĩgū buerārē sĩyupꝛꝛ, masakare gueredoregꝛꝛ.

7 Waagãdere mérãgã opañurã. Jesús ĩgūsãgãrē ãĩ, Marĩpꝛꝛure: “Mꝛꝛē ꝛꝛꝛyari sĩa”, ārĩ, iridere ĩgū buerārē masakare gueredoreyupꝛꝛ.

8 ãārĩpererã irire baayapiakõãñurã. Pꝛꝛꝛ ĩgūsã baaduáadeare Jesús buerã su mojõma pere gaji mojõ peru pērēbejari puiri seasã ꝛꝛꝛudoboñurã.

9 Iro baanerã: nome, majĩrã keoña marĩrõ ñma direta keomakū, cuatro mil gora ãārĩñurã.

10 Pꝛꝛꝛ Jesús ĩgūsārē seretu, ĩgū buerã merã doódirugue marĩñajãa, Dalmanuta wãĩkꝛꝛi makã tꝛꝛogꝛꝛue waayupꝛꝛ.

*Fariseo bumarã Jesúre Marĩpꝛꝛ turari merã iri ĩmudoredea*  
(Mt 16.1-4; Lc 12.54-56)

11 Pꝛꝛꝛ fariseo bumarã Jesús merã werenĩrã ejañurã. Irasū ejarã: “Marĩpꝛꝛ turari merã iri ĩmurĩrē irika!” ārĩñurã. “ĩgū irire irimasĩbi, Marĩpꝛꝛ iriudi meta ãārĩmi”, ārĩduarã, irasū ārĩñurã.

12 ĩgūsã irasiridoremakū pégꝛꝛ, Jesús bꝛꝛo bujawereri merã siuñajãñgãja, ārĩyupꝛꝛ:

—Mꝛꝛsã dapora marã masaka, ¿nasirimurã Marĩpꝛꝛ turari merã iri ĩmurĩrē ĩãduari? Diayeta mꝛꝛsārē werea. Marĩpꝛꝛ turari merã iri ĩmurĩrē mꝛꝛsã ĩũrõ neõ iribirikoa, ārĩyupꝛꝛ.

13 ĩgūsārē irasū ārĩ odo, ĩgūsã iro nĩrõta, doódirugue mꝛꝛĩñajãa, ditaru sikoepꝛꝛgue taribujakõãyupꝛꝛ ĩgū buerã merã.

*Jesús Fariseo bumarã, Herodeya bumarã ñerĩ buerire were-dea*

(Mt 16.5-12)

14 Irogue taribujarã, ãgũsã baaburire kãtikõãñurã. Doódiruguere suruta pã opañurã.

15 Irasirigu Jesús ãgũsãrẽ goepeyari merã wereyupũ:

—Fariseo bumarã, Herodeyarãya pã wemasãrĩ morẽrĩrẽ õãrõ pémasĩka! ãrĩyupũ.

16 Ìgũ buerã gapũ Ìgũ irasũ ãrĩrĩrẽ pémasĩmerã, ãgũsã basi ãsũ ãrĩ gãme werenĩñurã:

—Marĩ pã opabirimakũ ããgũ, irasũ ãrĩkumi, ãrĩñurã.

17 Jesús, ãgũsã irasũ ãrĩrĩrẽ masĩkõãyupũ. Irasirigu ãgũsãrẽ ãrĩyupũ:

—¿Nasirirã: “Pã opabea”, ãrĩ gãme werenĩrĩ? ¿Masĩberĩ? ¿Pémasĩberĩ mũsã dapa?

18 ¿Koye opakrerã, ããberĩ? ¿Gãmipũrĩ opakrerã, péberĩ? ¿Yũ irideare gũñaberi mũsã?

19 ¿Yũ cinco mil masaka ãmarẽ pe mojõma pã duparure yũ dukawa sĩdeare gũñaberi? Ìgũsã baayapiadero pũrũ, ¿diĩku puuiri ãgũsã baadũáadeare seasã utũudobori? ãrĩyupũ Jesús.

—Pe mojõma pere su gubu peru pẽrẽbejari puuiri, ãrĩ yũñurã.

20 Ìgũsã irasũ ãrĩmakũ pégu:

—Pũrũ su mojõma pere gaji mojõ peru pẽrẽbejari pã duparure cuatro mil masakare yũ sĩdero pũrũ, ¿diĩku puuiri ãgũsã baadũáadeare seasã utũudobori?

—Su mojõma pere gaji mojõ peru pẽrẽbejari puuiri, ãrĩ yũñurã.

21 Ìgũsã irasũ ãrĩ yũjũmakũ, ãgũsãrẽ:

—¿Mũsã irire gũñakererã, pémasĩberĩ dapa? ãrĩyupũ Jesús.

*Jesús Betsaidamũrẽ koye ããbire taudea*

22 Ditarure taribuja, pũrũ Betsaida wãĩkũri makãrẽ ejañurã. Ìgũsã irogue ejamakũ ããrã, iro marã sugũ koye ããbire Jesús pũro ãia:

—Mũya mojõ merã moãñaka, ãgũrẽ taridoregu! ãrĩ, burõ sẽrẽñurã.

23 Ìgũsã irasũ ãrĩmakũ pégu, Jesús koye ããbiya mojõrẽ ñeã, iri makã tũrogue ãgũrẽ tũãwãgã, sũku merã ãgũya koyere eopeoyupũ. Irasiri odo, ãgũya mojõrĩ merã ãgũrẽ ñapeo:

—¿Mũrẽ gajino deyori? ãrĩ sẽrẽñayupũ Jesús.

24 Ìgũ ããpã, ããdiyupũ. Irasirigu Jesúre:

—Masakare ããdáa. Ìgũsã yuku irirosũ deyorã waanamakũ ããa, ãrĩyupũ.

25 Īgũ irasũ ārimakũ, Jesús dupaturi Īgũya mojõrĩ merã Īgũya koyere ñapeoyupũ doja. Iropãgueta āārĩpereri õãrõ deoyoyuro Īgũ ĩãmakũ.

26 Irasirigũ Jesús Īgũrẽ:

—Mũya wiigüe diayeta goedujãakõãka! Makãguere waabirikõãka! I mũrẽ yũ iriadeare gajerã masakare iro āārĩrãrẽ werebirikõãka! ārĩyupũ.

*Pedro Jesúre: “Mũ Cristo āārã”, ārĩ weredea  
(Mt 16.13-20; Lc 9.18-21)*

27 Pũrũ Jesús Īgũ buerã merã Cesarea Filipino wãikũri makã turo āārĩrĩ makãrigüe waañurã. Maa waagũ, Īgũ buerãrẽ ãsũ ārĩ sērẽñayupũ:

—Masaka yũre, ¿naásũ ārĩ gũñarĩ? ārĩyupũ.

28 Īgũ buerã Īgũrẽ yũjuñurã:

—Surãyeri mũrẽ: “Juan, masakare wãiyerimasũ āārĩmi”, ārĩma. Gajerã: “Elías āārĩmi”, gajerã: “Marĩpũya kerere weredupuyurimasã merãmũ āārĩmi”, ārĩma, ārĩñurã.

29 —Mũsãkoa yũre, ¿naásũ gũñarĩ? ārĩ sērẽñayupũ.

Pedro Īgũrẽ yũjuyupũ:

—Mũ, Marĩpũ iriudĩ, Cristo āārã, ārĩyupũ.

30 Īgũ irasũ ārimakũ, Jesús Īgũsãrẽ:

—Yũ āārĩrikurire gajerãrẽ werebirikõãka! ārĩyupũ.

*Jesús Īgũ boaburire weredea  
(Mt 16.21-28; Lc 9.22-27)*

31 Pũrũ Īgũsãrẽ ãsũ ārĩ buenugãyupũ:

—Yũ āārĩpererã tĩgũ bũro ñerõ tarigũkoa. Judío masaka mũrã, paía oparã, Moisés gojadeare buerimasã yũre gããmemerã yũre wējērākuma. Yũre wējēkererũ, urenũ waaró merã masãgũkoa doja, ārĩyupũ Jesús.

32 Īgũsãrẽ pémasĩma õãrõ wereyupũ. Īgũ irasũ ārimakũ pégu, Pedro gapũ Jesúre gajero gapũ āñjanugã, Īgũrẽ turaro merã: “Irire ārĩbirikõãka!” ārĩyupũ.

33 Jesús gapũ gãmegoronugã, Īgũ buerãrẽ ĩã, Pedrore ārĩyupũ:

—Satanás, yũ pũrore wirika! Mũ, Marĩpũ yũre dorerire kãmutadugũ yáa. Mũ gũñarĩ, Marĩpũ gũñarĩ āārĩbea. Masaka gũñarõsũ gũñãa mũ, ārĩyupũ.

34 Irasũ ārĩ odo, masakare, Īgũ buerãrẽ siiu, ārĩyupũ:

—Sugũ yũre tuyadugũ Īgũ iridũarire piriburo. Irasirigũ yũre tuyari waja curusague pábiatú wējēsũbu irirosũ āārĩkeregu, neõ piriro marĩrõ yũre tuyanikõãburo.

35 Sugũ i ãmugüe Īgũya okari direta maĩgũ, peamegue waagũkumi. Gajĩgũ yũre bũremugũ, Marĩpũ masakare tauri kerere Īgũ wereri waja gajerã Īgũrẽ wējēkererũ, Īgũ gapũ tarigũkumi.

<sup>36</sup> Sugũ masakũ i ãmũmarẽ ããrĩpereri opakeregu, ãgũ boari pũũ waaburi gapũre gũñabiri waja peamegue waagũ, õãrĩrẽ neõ wajatabirikumi.

<sup>37</sup> Irasirigũ peameguere wiridũagu, i ãmũ opari merã neõ wajarimasĩbirikumi.

<sup>38</sup> Dapora marã ñerã Marĩpũre gããmemerã ããrĩma. Noó yũre, yũ werenĩrĩrẽ masĩkererã, gũyasĩrĩrĩ merã yũre: “Masĩbea”, ãrĩmakũ, yũde gũyasĩrĩrĩ merã ãgũsãrẽ: “Masĩbea”, ãrĩgũkoa. Yũ ããrĩpererã tĩgũ, Yũpũ gosewasiriri merã, ãgũrẽ wereboerã õãrã merã i ãmũguere dupaturi aarigũ, yũre gũyasĩrĩnerãrẽ yũde gũyasĩrĩgũkoa, ãrĩ wereyupũ Jesús ãgũsãrẽ.

## 9

<sup>1</sup> Jesús ãrĩnemoyupũ doja:

—Diyeta mũsãrẽ werea. Surãyeri mũsã õõguere ããrĩrã, mũsã boaburo dupuyuro, Marĩpũ ãgũ turaro merã ãgũyarãrẽ doreri aarimakũ ããrãkoa, ãrĩyupũ.

*Jesús ãgũ deyori gorawayudea*  
(Mt 17.1-13; Lc 9.28-36)

<sup>2</sup> Jesús, su mojõma pere gaji mojõ suru pẽrẽbejarinũrĩ pũũ Pedrore, Santiagore, Juãrẽ ãmarĩ buúrugue ãgũsã direta siiu mũrĩayupũ. Irogue ãgũsã ãũrõ ãgũ deyori gorawayuakõãyupũ.

<sup>3</sup> ãgũya surĩro goserĩne, õãrõ borero waayuro. Neõ sugo nomeõ surĩ koego irasũ boreri waamakũ irimasĩgõ mámo.

<sup>4</sup> Irasũ waaripoeta iripoegue marã Moisés, Elías deyoanũgã, Jesús merã weretamunĩmakũ ããñũrã.

<sup>5-6</sup> Irasirirã bũro gũĩñũrã. Pedro naásũ ãrĩmasĩbirisĩã, Jesũre:

—Gũare buegu, marĩ õõ ããrĩmakũ õãtaridũãã. Irasirirã ure wiigã irirãra. Mũya wii, Moiséya wii, Elíaya wii irirãra, ãrĩyupũ.

<sup>7</sup> ãgũ irasũ ãrĩripoe su yebo mikãyebo dijari ãgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ pẽñũrã:

—Ñi yũ magũ, yũ maĩgũ ããrĩmi. ãgũrẽ õãrõ péka!

<sup>8</sup> Irasũ ãrĩmakũ, Pedrosã gãmenũgã ãũrã, Moisére, Elíare ããbiriñũrã. Jesús direta nĩmakũ ããñũrã.

<sup>9</sup> Pũũ Jesús buúru wekague ãgũrẽ waamakũ ããdeare: “Gajerãrẽ werebirikõãka!” ãrĩ dijariyupũ.

—Yũ ããrĩpererã tĩgũ boa, masãdero pũrugue irire gajerãrẽ wereka! ãrĩyupũ.

<sup>10</sup> Irasirirã ãgũ doreaderosũta gajerãrẽ werebirikererã, ãgũsã basi gãme ãsũ ãrĩ sãrẽñãñũrã:

—“Yũ boa, masãdero pũũ”, ãrĩgũ, ħnasirigũ irasũ ãrãyuri? ãrĩñũrã.

<sup>11</sup> Irasirirã Jesũre ãsũ ãrĩ sãrẽñãñũrã:

—¿Nasirirã Moisés gojadeare buerimasã: “Cristo, Marĩpu iriubu aariburi dupuyuro Elías aaripurorigukumi”, ãrĩrĩ? ãrĩ sērēñañurã.

<sup>12</sup> Jesús ĩgūsãrē yujuyupu:

—Musã ãrĩrõsũta Elíata aaripurorigukumi, ããrĩpererire ãmuyubu. Marĩpuya werenĩrĩ gojadea pũgue yure ããrĩpererã tĩgũrē waaburire ãsũ ãrĩ gojasũdero ããrĩbũ:

Ĩgũta buro ñerõ tarigukumi. Masaka ĩgũrē gããmebirikuma, ãrĩ gojasũdero ããrĩbũ.\*

<sup>13</sup> Yu gapu musãrē: “Elías ejasiami”, ãrã. ĩgũ irasũ ejamakũ, masaka ĩgūsã gããmerõ iriduarire ĩgũrē ñerõ irima. ĩgũrē waaburire iripoegue Marĩpuya werenĩrĩ gojadea pũgue gojaderosũta ĩgũrē irisiamã, ãrĩyupu Jesús Pedrosãrē.

*Jesús sugu majĩgũrē wãtĩ ñajãsũdire taudea*

*(Mt 17.14-21; Lc 9.37-43)*

<sup>14</sup> Jesús Pedrosã merã buúrugue ããrãdi dijajagu, gajerã ĩgũ buerã puru wãrã masaka nerēanerãrē bokajayupu. Moisés gojadeare buerimasãde ããrĩñurã. ĩgũ buerã merã gãme guaseorã iriñurã.

<sup>15</sup> Puru Jesũre ĩãrã, ããrĩpererã ĩãguka, ĩgũ puru ũmawãgã, ĩgũrē õãdoreñurã.

<sup>16</sup> Jesús ĩgũ buerãrē:

—¿Ñeénorē gãme guaseoari, musã ĩgūsã merã? ãrĩ sērēñayupu.

<sup>17</sup> ĩgũ sērēñamakũ pégu, sugu ĩgūsã watope ããrĩgũ Jesũre ãrĩyupu:

—Buegu, murē yu magũrē wãtĩ ñajãsũdire ãiriabu. Wãtĩ ĩgũrē werenĩbirimakũ irinami.

<sup>18</sup> Noó ĩgũ waaró wãtĩ ĩgũrē yebague ñeã meépiunokõãmi. ĩgũ irasirimakũ ĩgũya disigue sũmu wiri, ĩgũya guikare kũrĩduútũa, buanokõãmi. Yu mu buerãrē: “Majĩgũrē wãtĩrē beówiubosaka!” ãrãdabu. Neõ bokatĩubirama, ãrĩyupu.

<sup>19</sup> Jesús ĩgūsãrē ãrĩyupu:

—Musã yure buremurĩ opabirigorakõãa. ¿Noópã yoaripoe musã merã ããrĩgukuri? ¿Noópã yoaripoe musã yure buremubirire gũñaturagukuri? Majĩgũrē õõ gapu ãirika! ãrĩyupu.

<sup>20</sup> Irasirirã majĩgũrē Jesús puru ãĩãñurã. ĩgũ puru ãĩjamakũ, wãtĩ Jesũre ĩãgũ, majĩgũrē narada, yebague tũrũjamejã, sũmutumakũ iriyupu.

<sup>21</sup> Irasũ waamakũ ĩãgũ, Jesús ĩgũ pagure sērēñayupu:

—¿Dĩpoeague ãsũ waanugãrĩ ĩgũ? ãrĩyupu.

Ĩgũ pagu yujuyupu:

—Majĩgũgãgueta irasũ ããrĩmĩ.



22 Wātī ĩgūrē wējēduagu peamegue meémejá, diaguedere meébiamakū irinami. Irasirigu mu guare iritamumasīgū, bopoñarī merā ĩā, guare iritamuka! āriyupū Jesúre.

23 Jesús āriyupū ĩgūrē:

—Marīpu, mu yure buremumakū ĩāgū, muya āārīburire irigu, āārīpererire irimasīmi, āriyupū.

24 ĩgū irasū ārīmakū pégu, majīgū pagu āsū ārī gainiyupū:

—Murē buremua. Nemorō buremumakū irika yure! āriyupū.

25 Jesús, wārā masaka ĩgūsā puero ũma nerēmakū ĩāgū, wātīrē wiridoreyupū:

—Ī majīgūrē werenībirimakū, pébirimakū iridi ĩgūrē wirika! Dupaturi ĩgūrē ñajābita pama! āriyupū.

26 ĩgū irasū ārīmakū pégu, wātī gainí, majīgūrē buero naradari merā yebague tūrūjamejāmakū, kōmoadi irirosū waamakū irisīā, ĩgūrē wiriyupū. Irasū waamakū ĩārā, āārīpererā masaka: “Kōmoakōāmi”, āriñurā.

27 Jesús ĩgūya mojōrē ñeā, ĩgūrē tūāwāgūnūmakū, wāgānugāyupū.

28 Puuru Jesús, wiigue ñajājamakū, ĩgū buerā masaka péberogue ĩgūrē sērēñañurā:

—¿Nasirirā guā gapu wātīrē béowiumasībirayuri?

29 Jesús ĩgūsārē yujuyupū:

—Īno wātīrē béowiuduarā, bereri merā Marīpure buero sērērō gāāmea, āriyupū.

*Jesús ĩgū boaburire werenemodea*

*(Mt 17.22-23; Lc 9.43-45)*

30-31 Puuru Jesús irogue āārādi ĩgū buerā merā waa, Galilea nikūgue tariwerewāgāyupū. ĩgū waaróre gajerā masīmakū gāāmebiradiyupū. ĩgū buerārē buegu irasiriyupū. Āsū ārī bueyupū ĩgūsārē:

—Masaka yure āārīpererā tīgūrē ñeā, gajerāguere wējēdorerā wiarākuma. ĩgūsā yure wējēadero puuru, arenu waaró merā masāgukoa doja, āriyupū.

32 ĩgū irasū ārīrīrē ĩgūsā gapu pémasībiriñurā. Pémasībirikererā, ĩgūrē güirā: “¿Naásū ārīduagu iriari, irasū ārīgū?” ārī sērēñabiriñurā.

*Jesús sugū gajerā nemorō āārīgūyamarē weredea*

*(Mt 18.1-5; Lc 9.46-48)*

33 Jesús Capernaugue eja, puuru wiigue ñajāja, ĩgū buerārē sērēñayupū:

—Musā maa aarirā, ¿ñeénorē gāme werení guaseowāgārirā iriari? āriyupū.

<sup>34</sup> Īgũ irasũ ārĩmakũ pérã, yujubiriñurã. Maa aarirã, ĩgũsã basi: “¿Noã marĩ watopere āārĩpererã nemorõ āārĩgukuri?” ārĩ werenĩ guaseowãgãrĩã iriñurã. Irasirirã Jesũre yujubiriñurã.

<sup>35</sup> Īgũsã yujubirimakũ ĩãgũ, Jesũs eja doaja, ĩgũ buerã pe mojõma pere su gubu peru pẽrẽbejarãrẽ siiu, ãsũ ārĩyupũ:

–Sugũ āārĩpererãrẽ doregũ āārĩduagũ āārĩpererãrẽ moãboegu irirosũ āārĩpererãrẽ iritamurõ gããmea, ārĩyupũ.

<sup>36</sup> Irasũ ārĩ, majĩgũrẽ ĩgũsã dekogue ãĩnú, ĩgũrẽ kõã, ĩgũya gosowekague ãĩpeo, ārĩyupũ:

<sup>37</sup> –Sugũ yaagure ĩĩ majĩgũ irirosũ āārĩgũrẽ õãrõ bokatĩrĩñeãgũ yũdere bokatĩrĩñeãmi. Yũre bokatĩrĩñeãgũ yũ direta bokatĩrĩñeãgũ meta yãmi. Yũpũ yũre iriudidere bokatĩrĩñeãmi, ārĩyupũ Jesũs.

*Jesũs: “Marĩrẽ ĩãturibi, marĩ merãmũ āārĩmi”, ārĩ weredeã*  
(Mt 10.42; Lc 9.49-50)

<sup>38</sup> Pũrũ Juan Jesũre ārĩyupũ:

–Gũare buegũ, sugũ masakũ mũ wãĩ merã wãtẽãrẽ: “Wirika mũsã ñajãdire!” ārĩ béowiumakũ ĩãbũ. ĩgũ, marĩ merã āārĩbirimakũ ĩãrã, ĩgũrẽ: “Irire neõ irinemobirikõãka!” ārãbũ, ārĩyupũ.

<sup>39</sup> Jesũs gapũ ārĩyupũ:

–Kãmutabirikõãka ĩgũrẽ! Neõ sugũ yũ wãĩ merã gajino iri ĩmugũ, pũrũ yũre ñerõ werenĩbirikumi.

<sup>40</sup> Marĩrẽ ĩãturibi, marĩ merãmũta āārĩmi.

<sup>41</sup> Diayeta mũsãrẽ werea. Mũsãrẽ: “Cristoyarã āārĩma”, ārĩ, mũsãrẽ deko tĩãrãnorẽ diayeta Marĩpũ ĩgũsãrẽ wajatari opamakũ irigukumi.

*Gajerãrẽ ñerõ irimakũ iribirikõãka! ārĩ weredeã*  
(Mt 18.6-9; Lc 17.1-2)

<sup>42</sup> Sugũ yũre bũremurãrẽ ĩĩ majĩgũ irirosũ āārĩrãrẽ ñerõ irimakũ irigũno, bũro wajamoãũgukumi. Irasiriro, ĩgũ gajerãrẽ ñerõ irimakũ iriburi dupuyuro masaka ĩgũrẽ wãriye ũtãye merã wãnugũgue siasiu, wãdiyague meéyomakũ õãbokoa.

<sup>43</sup> Irasirirã mũsãya mojõ merã ñerõ irirã, iri mojõrẽ dititã béorosũ ñerõ iririre pirika! Su mojõ merãta Marĩpũ pãroguẽ waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ĩgũsã pe mojõ opakerrerã, iroguẽ waamakũ ñetarirokoa. Iroguere peame neõ yaribirikoa.

<sup>44</sup> Beka iroguẽ waarãrẽ baanĩkõãrãkuma. Neõ boabirikuma. Peame neõ yaribirikoa.

<sup>45</sup> Mũsãya gubu merã ñerõ irirã, iri gubure dititã béorosũ ñerõ iririre pirika! Su gubu merãta, Marĩpũ pãroguẽ waamakũ õãtarirokoa. Ñerõ iririre pirimerã gapũ perebiri

peamegue béosūrākuma. Īgūsā pe gubu opakrerā, irogue waamakū ñetarirokoa. Irogue peame neō yaribirikoa.

<sup>46</sup> Beka irogue waarārē baaníkōārākuma. Neō boabirikuma. Peame neō yaribirikoa.

<sup>47</sup> 'Musāya koyeru merā ĩā, ñerō irirā, irirure gorewea, béorosū ñerō iririre pirika! Su koyeruta opakrerā, Marīpu ĩgūyarārē dorerogue waamakū ōātarirokoa. Ñerō iririre pirimerā gapu perebiri peamegue béosūrākuma. Īgūsā pe koyegueta opakrerā, irogue waamakū ñetarirokoa.

<sup>48</sup> Beka irogue waarārē baaníkōārākuma. Neō boabirikuma. Peame neō yaribirikoa.

<sup>49</sup> 'I ūmaguere āārīpererā Marīpure bāremurā moā okari irirosū āārīrā, peamegue ūjū pūrīsūrōsū ñerō tariri merā ōārō āārīrākuma.

<sup>50</sup> Moā okamakū ōāgorāa. Irasirirā gajerā merā ōārō āārīrā moā okari irirosū āārā. Moā okadea okabirimakū, dupaturi okamakū irimasībirikoa. Irasirirā moā okari irirosū āārīka! Gajerā merā ōārō āārīnīkōāka! ārī wereyupu Jesús ĩgūsārē.

## 10

*Jesús masakare: “Musā marāposā nomerē béobirikōāka!” ārī buedea*

*(Mt 19.1-12; Lc 16.18)*

<sup>1</sup> Jesús Capernaugue āārīdi waa, Judea nikūgue eja, dia Jordán wāikūdiya gaji koepugue ejayupu doja. Irogue wārā masaka ĩgū puro nerēmākū ĩāgū, ĩgū irinarōsūta dupaturi ĩgūsārē bueyupu.

<sup>2</sup> ĩgū bueripoe fariseo bumarā Jesúre ñerī werenímākū iriduarā, āsū ārī sērēñarā ejañurā:

—Sugū masakū ĩgū marāpore béomākū, ¿marī doreri āārīkuri? ārīñurā.

<sup>3</sup> Jesús ĩgūsārē yujuyupu:

—¿Naāsū doreyuri Moisés musārē?

<sup>4</sup> ĩgū irasū ārīmakū, ĩgūrē āsū ārīñurā:

—“Sugū masakū ĩgū marāpore béodugū: ‘I waja marē béoa’, ārī gojari pūrē sīrō gāamea”, ārī gojadi āārīmī, ārīñurā.

<sup>5</sup> ĩgūsā irasū ārīmakū, āsū ārīyupu Jesús:

—Musā ñekūsāmarā Marīpu dorerire iridubirimakū ĩāgū: “Īgūsā marāposā nomerē béoduarā, béokōāburo”, ārī gojadi āārīmī Moisés.

<sup>6</sup> ĩgū irasū ārī gojakerepupu, neōgoragueta Marīpu i ūmurē irigū, ūmūu, nomeō iridi āārīmī.

<sup>7</sup> Sugū ūmūu ĩgū pagūsāmarārē wiri, ĩgū marāpo merā āārīgukumi.

<sup>8</sup> Irasirirā ĩgūsā pērā āārĭkererā, Marĭpu ĩūrō su dup̄ta irirosū āārĭrākuma. Irasirirā pērā āārĭbema. Su dup̄ta irirosū āārĭma.

<sup>9</sup> Marĭpu ĩgūsārē su dup̄ta irirosū āārĭmakū iridero puḥ, gajigu ĩgūsārē gāme béomakū iribirikōārō gāāmea, ārĭyupu.

<sup>10</sup> Jesús irasū ārĭ odo, ĩgū buerā merā wiigüe ñajākōāyupu. Iroque ĩgū buerā irire sērēñanemoñurā doja.

<sup>11</sup> Jesús ĩgūsārē yujyupu:

—Sugḥ masakḥ ĩgū marāpore béodi gajego merā marāpokuḥ, igo merā ñerō irigu yámi.

<sup>12</sup> Nomeōde igo marāpore béogo, gajigu merā marāpukuḥ, ĩgū merā ñerō irigo yámo, ārĭyupu.

*Jesús majĭrāya āārĭburire Marĭpore sērēbosadea*

*(Mt 19.13-15; Lc 18.15-17)*

<sup>13</sup> Puḥ masaka majĭrārē Jesúre moāñadorerā ĩgū puḥo āĭjañurā. ĩgūsā āĭjamakū ĩārā, ĩgū buerā gapu ĩgūsārē bokatĭrĭ: “ĩgūrē garibobirikōāka!” ārĭñurā.

<sup>14</sup> ĩgūsā irasū ārĭmakū pégu, Jesús ĩgūsā merā gua, āsū ārĭyupu:

—Majĭrā yḥ puḥogue aariburo. Kāmutabirikōāka ĩgūsārē! Marĭpu ĩgūyarārē dorerogue āārĭmurā ĩsā majĭrā yḥre ḥḥyari merā bokatĭrĭñeārā irirosū āārĭma.

<sup>15</sup> Diayeta mḥsārē werea. ĩsā majĭrā Marĭpore ĩgūsā Opḥre gāāmerā irirosū āārĭmerāno, ĩgūyarārē doreroguere waabirikuma, ārĭyupu.

<sup>16</sup> Irasū ārĭ odo, majĭrārē āĭ, kōā, ĩgūsārē ñapeo, Marĭpore ĩgūsāya āārĭburire sērēbosayupu.

*Sugḥ maamḥ wári doebiri opagu Jesús merā werenídea*

*(Mt 19.16-30; Lc 18.18-30)*

<sup>17</sup> Jesús iroque āārādi waaripoe sugḥ maamḥ ũmaja, ĩgū ñadukupuri merā Jesúya guburi puḥo ejamejāja, sērēñayupu:

—Ōāgū buegu, yḥ ũmugasigue perebiri okarire wajataduagu, ĩñeéonorē irigukuri? ārĭyupu.

<sup>18</sup> Jesús ĩgūrē yujyupu:

—ĭNasirigu yḥre: “ōāgū”, ārĭrĭ? Marĭpu suguta ōāgū āārĭmi.

<sup>19</sup> Mḥ, ĩgū doreri pídeare masĭa: “Masakare wējēbirikōāka! Gajigu marāpo merā ñerō iribirikōāka! Yajabirikōāka! Gajerā irideare ārĭgatori merā werebirikōāka! Gajerāyare ārĭgatori merā āĭbirikōāka! Mḥ pagḥsāmarārē goepeyari merā buremuka!” ārĭ wereyupu Jesús ĩgūrē.

<sup>20</sup> Maamḥ Jesúre yujyupu:

—Buegu, iri doreri āārĭpererire majĭgūgueta tarinugābiribu yḥ, ārĭyupu.

<sup>21</sup> Jesús ĩgūrē maĭrĭ merā ĩā, āsū ārĭyupu:

—Murē su wāi duyāa. Mu oparire duagu waaka! Mu du-  
adea wajare boporārē sika! Irasirigu ūmugasiguere wári ōārī  
opagukoa. Irasiri odo, yu merā aarika! āriyupu.

22 Īgū irasū ārimakū pégu, Īgū wári oparire maísā, buro  
bujawereri merā waakōāyupu.

23 Īgū bujawereri merā waamakū ĩāgū, Jesús Īgū buerārē ĩā,  
āriyupu:

—Wári doebiri oparārē Marīpu Īgūyarārē doreroguere ĩgūsā  
waadamakū diasagorāa, āriyupu.

24 Īgū irasū ārimakū, ĩgūsā gapu péguka, pémasĩbiriñurā. Jesús  
dupaturi werenemoyupu doja ĩgūsārē:

—Yu buerā, musārē werea. Masaka: “Wári opari merā ōārō  
waarokoa yure”, āri gūnarārē Marīpu Īgūyarārē doreroguere  
ĩgūsā waamakū diasagorāa.

25 Camellu awiru gobegāgue ñajātariweremasĩbirikumi. I  
nemorō, wári doebiri opagure Marīpu Īgūyarārē doreroguere  
waamakū diasāa, āriyupu.

26 Īgū irasū ārimakū pérā, nemorō péguka, ĩgūsā basi gāme  
sērēñanurā:

—Iro merē, ¿noā gapu Marīpu tausūmurā ĩgū purogue waa-  
murā āārĩbokuri? āriñurā.

27 Jesús ĩgūsārē ĩā, āriyupu:

—Masaka ĩgūsā basi ĩgūsā iriri merā Marīpu purogue waa-  
masĩbema. Marīpu dita ĩgūsārē ĩgū puro āārĩmurā waamakū  
irimasĩmi. ĩgū dita āārĩpererire irimasĩmi, āriyupu.

28 Īgū irasū ārimakū pégu, Pedro ĩgūrē āriyupu:

—Gua Opu, gua murē tuyarā, āārĩpereri gua opadeare  
pĩpeokōābu, āriyupu.

29 Jesús yujyupu:

—Diayeta musārē werea. Yu merā Marīpuya kerere wer-  
erā waarā, ĩgūsāya wiirire, ĩgūsā pagupūrārē, pagusāmarārē,  
pūrārē, ĩgūsāya pooerire pĩpeorā, wári ōārī wajatarākuma.

30 ĩgūsā iro dupuyuro opaderosū i ūmuguere cien nemorō  
ĩgūsāya wiiri, ĩgūsā pagupūrā, pagosā nome, pūrā, ĩgūsāya  
pooeri oparākuma. ĩgūsā, yaarā āārĩmakū ĩārā, gajerā ĩgūsārē  
ñerō tarimakū irikerepuru, wári ōārī wajatarākuma. I ūmu  
peremakū, ūmugasigue perebiri okari oparākuma.

31 Wārā daporare wári oparā, puruguere neō gajino  
opamerā dujarākuma. Opamerā gapu, puruguere wári oparā  
dujarākuma, āriyupu Jesús.

*Dupaturi Jesús ĩgū boaburire werede a*  
*(Mt 20.17-19; Lc 18.31-34)*

32 Puru Jesús Jerusalégue waarī maague ĩgū buerā  
dupuyuro majāyupu. ĩgū dupuyumakū ĩārā, ĩagukakōāñurā.

“¿Marĩre irogue naásũ waarokuri?” ãrĩ gũña, gũiri merã ĩgũ pũũ tũyañurã. Irasirigu Jesús ĩgũ buerã pe mojõma pere su gubu peru pẽrẽbejarãre siiu, ĩgũrẽ waaburire werenugãyupũ doja:

33 —Õãrõ péka! Marĩ Jerusalẽgue waarã yáa. Irogue yũ ããrĩpererã tĩgũ, paía oparãguere, Moisés gojadeare buerimasãguere wiasũgukoa. ĩgũsã yũre: “Boaburo”, ãrĩrãkuma. Irasirirã judío masaka ããrĩmerãguere wiarãkuma.

34 ĩgũsã yũre burida, síku eotúbira, burõ tãrãrãkuma. Irasiri odo, yũre wẽjẽrãkuma. ĩgũsã yũre wẽjẽaderõ pũũ, ãrenũ waarõ merã masãgukoa, ãrĩyupũ Jesús.

*Santiago, Juan merã Jesúre sërẽdea*  
(Mt 20.20-28)

35 Pũũ Zebedeo pũrã Santiago, Juan Jesús pũro waa ejanugã, ĩgũrẽ ãsũ ãrĩ sërẽñurã:

—Gũare buegu, gũa sërẽrõsũta gũare irika! ãrĩñurã.

36 Jesús ĩgũsãrẽ sërẽñayupũ:

—¿Ñeéonorẽ yũ irimakũ gããmerĩ musã?

37 ĩgũrẽ yũjuñurã:

—Mũ Opũ ñajãgũ, gũadere mũ merã doremurã sóoka! Sugũre mũ diaye gapũ, gajigũre kúgapũ doadoreka! ãrĩñurã.

38 Jesús ĩgũsãrẽ ãrĩyupũ:

—Musã yũre sërẽrĩrẽ pémasĩbea. Yũ burõ ñerõ tarigũkoa. ¿Yũ ñerõ tarirosũ musãde ñerõ tarirã, bokatĩũrãkuri? ¿Yũre ĩgũsã wẽjẽrõsũ musãdere ĩgũsã wẽjẽmakũ, bokatĩũrãkuri? ãrĩyupũ.

39 —Bokatĩũkõãrãkoa, ãrĩ yũjuñurã.

Jesús ĩgũsãrẽ ãrĩyupũ:

—Yũ irirosũ musãde ñerõ tari, boarãkoa.

40 Yũ gapũ musãrẽ yũ diaye, kúgapũ doamurãrẽ beyemasĩbea. Yũpũ ãmusiadi ããrĩmĩ irire. Irasirirã ĩgũ beyenerã dita yũ diaye, kúgapũ doarãkuma, ãrĩyupũ.

41 Gajerã Jesús buerã pe mojõmarã gapũ Santiago, Juan ĩgũsã Jesúre sërẽrĩrẽ pérã, ĩgũsã merã guañurã.

42 ĩgũsã guamakũ ããgũ, Jesús ĩgũsãrẽ ĩgũ pũro siiu neeõ, ãrĩyupũ:

—I nikũ marã oparã Marĩpũre burẽnumerã ĩgũsãyarãrẽ turaro merã dorema, ĩgũsã dorerire iridorerã. Irire masĩa musã.

43 Musã tamerã ĩgũsã irirosũ iribirikoa. Musã watopeguere opũ ããrĩduagu, musãrẽ moãboegu irirosũ ããrĩrõ gããmea.

44 Sugũ musã watopegue ããrĩgũ gajerã nemorõ ããrĩduagu, ããrĩpererãrẽ moãboegu irirosũ ããrĩburo.

45 Yũde irasũta ããrã. Yũ ããrĩpererã tĩgũ masaka yũre iritamuburo, ãrĩgũ meta aaribú. Yũ gapũ ĩgũsãrẽ iritamugũ

aaribú. Irasirigú wárã masakare yu boari merã ĩgúsã ñerõ iridea wajare wajaribosagu aarigú iribú, ãrĩyupú Jesús.

*Jesús Bartimeo wãikugure koye ãbire taudea*

*(Mt 20.29-34; Lc 18.35-43)*

<sup>46</sup> Púru Jesús ĩgú buerã merã Jericógue ejayupú. Iri makãrẽ tariwãgãmakú, wárã masaka ĩgúsã merã waañurã. ĩgúsã waari maa turo sugú koye ãabi doayupú. ĩgú Bartimeo wãikugú, Timeo magú ããrĩyupú. Ɛmarikú iri maa turo masakare niyeru sêrẽ doanínayupú.

<sup>47</sup> Masaka: “Jesús Nazaretmú aarími”, ãrĩmakú pégu, ãsú ãrĩ gainínugãyupú:

—Jesús, David parãmi ããrĩturiagu, yure bopoñarĩ merã ãaka! ãrĩyupú.

<sup>48</sup> ĩgú irasú ãrĩ gainímakú pérã, wárã masaka: “Toeaka!” ãrãdiñurã. ĩgúsã irasú ãrĩkerepú, ĩgú gapú ĩgú gainíadero nemorõ:

—David parãmi ããrĩturiagu, yure bopoñarĩ merã ãaka! ãrĩ gainíyupú.

<sup>49</sup> ĩgú irasú ãrĩmakú pé, Jesús dujanugãja, masakare:

—Siurika ĩgürẽ! ãrĩyupú.

Ĩgú irasú ãrĩmakú pérã, gajerã ĩgürẽ siiu: “Ɛsuyaka! Wãgãnugãka! Mürẽ siiumi”, ãrĩñurã.

<sup>50</sup> ĩgúsã irasú ãrĩmakú pé, ĩgúya suríro wekamañerẽ túweapí, pari wãgãnugã, Jesús puro ejanugãjayupú.

<sup>51</sup> Jesús ĩgürẽ sêrẽñayupú:

—¿Ñeéonorẽ yu mürẽ irimakú gããmerĩ? ãrĩyupú.

Bartimeo yujuyupú:

—Buegu, yure koye ãmakú irika! ãrĩyupú.

<sup>52</sup> Jesús ĩgürẽ ãrĩyupú:

—Mu yure buremurĩ opáa. Irasirigú tausúa, ãrĩyupú.

Ĩgú irasú ãrĩmakúta, koye ããbiradi õãrõ ããmasãakõãyupú. Púru maague Jesúre tuyawãgãyupú.

## 11

*Jesús Jerusalëgue ejadea*

*(Mt 21.1-11; Lc 19.28-40; Jn 12.12-19)*

<sup>1</sup> Púru Jesús ĩgú buerã merã Jerusalëgue ejaburo dupuyuro, Betfagé, Betania wãikuri makãrĩ puro ejaruroriyupú. Iri makãrĩ Olivos wãikuri buúru ããrĩdujimejãrõ ããrĩyuro. Irogue ejagu, Jesús pãrã ĩgú buerãrẽ ãsú ãrĩ iriuyupú:

<sup>2</sup> —Si makã marĩ bokatiñurõ ããrĩrĩ makãgue waaka! Irogue ejarã, sugú burrore ĩgúsã sianúadire neõ suñarõ peyasúña marĩgürẽ bokajarãkoa. ĩgürẽ kura, ãirika!

<sup>3</sup> Sugu musārē: “¿Nasirimurā yári?” ārīmakū: “Marī Opu gāameami. Dapora wiagakumi doja”, ārīka! ārī iriuyupu.

<sup>4</sup> Īgū irasū ārīmakū, pērā waa, maa turo āārīrī wii disipuro burrore ĩgūsā sianúadire bokaja, ĩgūrē kurañurā.

<sup>5</sup> Īgūsā irasirimakū ĩārā, iro āārīrā sērēñañurā:

—¿Nasirirā yári? ¿Nasirimurā burrore kurari? ārīñurā.

<sup>6</sup> Īgūsā irasū ārīmakū pērā, Jesús ārāderosūta wereñurā. Īgūsā irasū ārī weremakū pērā: “Áiaka!” ārī yujañurā.

<sup>7</sup> Puru burrore Jesús purogue āiāñurā. Áija, ĩgūsāya wekama surire túwea, burro weka peoñurā. Jesús ĩgū wekague mārībeja waayupu.

<sup>8</sup> Masaka wárā ĩgūsāya wekama surire túwea āi, ĩgū waaburi maarē sēōpídupuyuñurā ĩgūrē buremurā. Gajerā yuku dupuri pūrīkūrire diti, maarē pídupuyuñurā, ĩgū waarī maa oārī maa āārīburo, ārīrā.

<sup>9</sup> Irasirirā ĩgū dupuyuro waarā, ĩgū puru tayarāde āsū ārī gainiñurā:

Marī Opure usayari sīrā! Ī Marīpu marīrē taugu iriudi oārō aariburo.

<sup>10</sup> Marī Opu ñajāburi oārō aariburo. Marī ñekū David opu āārīderosūta oārō āārīburo.

Marīpore: “Ōātaria mu āārīpererā Opu umugasigue āārīgú”, ārī, usayari sīrā! ārīñurā.\*

<sup>11</sup> Irasirigu Jesús Jerusalēgue eja, Marīpuya wiigüe ñajāa, āārīpereri iri wiimagüe āārīrīrē ĩāpeokōāyupu. Īā odo, Betaniague ĩgū buerā pe mojōma pere su gubu peru pērēbejarā merā waayupu. Īgūsā irogu waaripoere ñamikague āārīsiayuro.

*Jesús higueraḡu dukā marīdire ñaĩmakū iridea*  
(Mt 21.18-19)

<sup>12</sup> Gajinu gapu Betaniague āārānerā Jerusalēgue goedujāañurā doja. Jesús irogu goedujāagu, uaboakōāyupu.

<sup>13</sup> Yoarogue merā higuera wāikūdire oārō pūrīkūdire ĩā: “Dukakukoa”, ārīgū ĩāgū waadiyupu. Irigu gapu dukā marīyuro. Dukakuripoe āārībiriyo. Irasirigu pūrī direta bokajayupu.

<sup>14</sup> Irigu dukā marīmakū ĩāgū, Jesús āsū ārīyupu:

—Igu dukare masaka neō dupaturi baabirikuma. Neō dukakubirikoā, ārīyupu.

Īgū irasū ārīmakū, ĩgū buerā péñurā.

*Jesús Marīpuya wiigüe duarārē béowiudea*  
(Mt 21.12-17; Lc 19.45-48; Jn 2.13-22)

\* 11:10 Sal 118.25-26



15 Pwɔ Jerusalēgue eja, Jesús Marĩpɔya wiigwe ñajāyupɔ. Irogwe doebiri duarāre, wajarirādere béowiyupɔ. Niyeru gor-awayurimasāya niyeru sãñarĩ kũmarĩre yomeewiunokōāyupɔ. Bujare dua doanĩrāya doaripērdere irasũta iriyupɔ.

16 “Neō duari āi ñajābirikōāka, Marĩpɔya wiiguere!” āriyupɔ Jesús masakare.

17 Āsũ āri bueyupɔ ĩgũsārē:

—Marĩpɔ ĩgũya werenĩ gojadea pũgue āsũ ārĩdi āārĩmĩ: “Yaa wii, yare bɔremurā yare sērēri wii wāikurokoa. Irasirirā āārĩpereri nikũ marā i wiigwe yare sērērā aarirākuma”, ārĩdi āārĩmĩ. Mũsā gapɔ, ĩgũ irasũ ārĩkererɔɔ, yajarimasāya wii irirosũ āārĩmakũ yāa, āriyupɔ Jesús.

18 ĩgũ irasũ ārĩmakũ, āārĩpererā masaka pégukakōāñurā. Irasirirā paia oparā, Moisés gojadeare buerimasāde ĩgũrē gũñurā. “¿Nasiri ĩre wējērākuri?” āri gũñamañurā.

19 Pwɔ naimejāripoe Jesús ĩgũ buerā merā iri makāre wiriwāgākōāyupɔ doja.

*Jesús buerā higueraɔ boanɔgādire ĩādea*

*(Mt 21.20-22)*

20 Gajinɔ boyoripoe maague waarā, higueraɔ nugũrĩgue merāta ñañɔgādire ĩāñurā.

21 Pedro irĩgwe Jesús ārādeare gũña, ĩgũrē āriyupɔ:

—Bueɔ, ĩāka! Iɔ higueraɔ mɔ boadoredi boakōāsiayo, āriyupɔ.

22 Jesús yɔjɔyupɔ:

—Marĩpɔre bɔremuka!

23 Diayeta mũsārē werea. Sugu Marĩpɔre bɔremugũ, ĩgũrē: “I buúrure dia wādiyague béoka!” ārĩmakũ, ĩgũ ārāderosũta waarokoa. Mũsā: “Marĩpɔ āsũ irimasĩbirikumi”, āri gũñarō marĩrō: “ĩgũrē yɔ sērēaderosũta waarokoa”, āri bɔremumakũ, Marĩpɔ diayeta irasirigukumi.

24 Irasirigɔ mũsārē irire wereɔra doja. Marĩpɔre sērērā: “Yɔ sērērōsũta waarokoa yare”, āri bɔremumakũ, mũsā sērērōsũta irigukumi.

25 Irasirirā Marĩpɔre mũsā sērēburo dupuyuro gajerā mũsārē ñerō iridea waja ĩgũsā merā guarire pirika! ĩgũsā ñerō irideare kātika! Irasirimakũ ĩāgũ, Mũsāpɔ umugasigwe āārĩgũ mũsā ñerō irideare kātigukumi.

26 Gajerā mũsārē ñerō irideare mũsā kātibirimakũ ĩāgũ, ĩgũde mũsā ñerō irideare kātibirikumi, āriyupɔ Jesús.

*Judío masaka oparā Jesúre: “¿Noā mɔrē doreri?” āri sērēñādea*

*(Mt 21.23-27; Lc 20.1-8)*

27 ĩgũ irasũ ārādero pɔɔ, dupaturi Jerusalēgue waañurā doja. Irogwe eja, Jesús Marĩpɔya wiigwe waanamakũ ĩārā, paia

oparã, Moisés gojadeare buerimasãde, judío masaka merã  
merã ãgũ pũrogue waa ejanugã,

<sup>28</sup> ãgũrẽ sêrẽñañurã:

—¿Noã mũrẽ doreri mũ irasirimakũ? ¿Noã mũrẽ: “Ãsũ irika!”  
ãrĩrĩ? ãrĩñurã.

<sup>29</sup> Jesús ãgũsãrẽ yũjũyũpũ:

—Yũde mũsãrẽ sêrẽñañura. Mũsã yũjũmakũ, yũde mũsãrẽ  
yũjũñura.

<sup>30</sup> ¿Noã Juãrẽ masakare deko merã wãiyedoregũ iriuyuri,  
Marĩpũ, o masaka? Yũjũka! ãrĩyũpũ Jesús.

<sup>31</sup> ãgũ irasũ ãrĩmakũ pérã, ãgũsã basi ãsũ ãrĩ gãme werenĩñurã:

—“Marĩpũ Juãrẽ doredi ããrĩmĩ”, marĩ ãrĩmakũ, Jesús marĩrẽ:  
“¿Nasirirã ãgũ weredeare bũremubiriri mũsã?” ãrĩbokumi.

<sup>32</sup> ããrĩpererã masaka: “Diayeta Juan Marĩpũya kerere  
weredupuyudi ããrĩmĩ”, ãrĩ gũñama. Marĩ: “Masaka  
Juãrẽ wãiyedorenerã ããrĩmã”, ãrĩmakũ, masaka marĩ merã  
guabokuma, ãrĩñurã. Masakare gũisĩã, irire irasũ ãrĩñurã.

<sup>33</sup> Irasirirã: “Masĩbirikoa”, ãrĩ yũjũñurã Jesũre.

Irasirigũ Jesús ãgũsãrẽ ãrĩyũpũ:

—Mũsã yũre: “¿Noã mũrẽ irire doreri?” ãrĩ sêrẽñadeare yũde  
mũsãrẽ yũjũbea, ãrĩyũpũ.

## 12

*Jesús ñerã moãrã keori merã buedea*

*(Mt 21.33-46; Lc 20.9-19)*

<sup>1</sup> Pũrũ Jesús paía oparãrẽ, Moisés gojadeare buerimasãrẽ,  
judío masaka oparãrẽ keori merã ãsũ ãrĩ wereyũpũ:

—Sugũ masakũ ãgũya pooegue iguidarire otekumi. Ote odo,  
iri pooe tũro ãtãyeri merã sãrĩsãkumi. Ëtãyegue igui kũrabipiri  
gobere irikumĩ. Wii ãmarĩ wiigãrẽ irikumĩ, iri pooere korerã  
õãrõ ãã koreburo, ãrĩgũ. Irasiri odo, gajerãrẽ iri pooere wayu:  
“Yaa oteri dukare yũre deko merã sĩrãkoa, yũ mũsãrẽ iri pooere  
wayuri waja”, ãrĩkumi. Irasũ ãrĩ odo, gajerogue waakõãkumi.

<sup>2</sup> Pũrũ igui ñĩripoe ejamakũ, ãgũrẽ moãboegũre ãgũya pooere  
moãrã pũrogue iriukumi, ãgũya pooema oteri dukare deko  
merã sêrẽdoregũ.

<sup>3</sup> Iri pooere moãrã gapũ ãgũ irogue ejamakũ ããrã, ãgũrẽ ñeã,  
pákuma. Neõ gajino sĩrõ marĩrõ ãgũrẽ iridujukuma.

<sup>4</sup> Pũrũ iri pooe opũ gajigũ ãgũrẽ moãboegũre iriukumi doja.  
ãgũrẽ dipurure pá, kãmitúkuma. ãgũrẽ bũrida, iridujukuma.

<sup>5</sup> Iri pooe opũ gajigũre iriukumi doja. ãgũrẽ wẽjẽkõãkuma.  
Pũrũ wãrã iriukumi doja. Surãyerire pá, gajerãrẽ  
wẽjẽkõãkuma.

6 'Irasirigu iri pooe opu magū, ĩgū buro maĩgū dita duyakumi. “Yu magūrē buremurākuma”, ārĩ gūñarĩ merā ĩgūrē iriutūnuadikumi.

7 Iri pooere moārā gapu ĩgū magū ejamakū ĩārā, ĩgūsā basi āsū ārĩ gāme wereníkuma: “Īta paruquere i pooere opabu āārĩmi. ĩgūrē wējēkōārā! Irasirirā marĩ basi i pooere oparākoa”, ārĩkuma.

8 Irasirirā ĩgūrē ñeā, wējē, pooe turogue ĩgūya dupare āĩwāgā békōākuma, ārĩyupu Jesús.

9 Irasū ārĩ odo, ĩgūsārē sērēñayupu:

—Iro merē pooe opu, ¿nasirigakuri ĩgūya pooere moārārē? Āsū irigakumi. Irogue waa, ĩgūsārē wējē, ĩgūya pooere gajerā gapure sīgakumi.

10' ¿Musā Marĩpuya werenĩrĩ gojadea pūrē ire buebiriri? Āsū ārĩ gojasūdero āārĩbú:

Suye ũtaye wii iririmasā ĩgūsā békōadeaye merā gajigu gapu ōārō turari wii irigakumi.

11 Marĩpu irasiridi āārĩmĩ. Marĩ ĩgū irasirideare ĩārā: “Ōātaria”, ārĩ gūñāa, ārĩ gojasūdero āārĩbú, ārĩ wereyupu Jesús ĩgūsārē.\*

12 Judío masaka oparā ĩgū i keori merā irasū ārĩ weremakū pérā: “Marĩrē: ‘ĩgūsā irirosū ñerā āārā’, ārĩgū irikumi”, ārĩ pémasĩ, ĩgūrē ñeā, peresu iridudañurā. Irasiridudakererā: “Masaka ĩgūrē marĩ irasirimakū ĩārā, marĩ merā guabokuma”, ārĩ gūñañurā. Irasirirā ĩgūsārē gūi, Jesúre pirikōā, gajerogue waakōañurā.

*Romano marā opu masakare niyeru wajasearire Jesúre sērēñadea*

(Mt 22.15-22; Lc 20.20-26)

13 Pupu Jesúre weresāduarā, surāyeri fariseo bumarārē, Herodeya bumarādere Jesús paruogwe ĩgūrē wári sērēña, diaye yujabirimakū iridorerā iriñurā.

14 ĩgūsā iriuanerā Jesús paruogwe ejarā, āsū ārĩñurā:

—Buegu, mu iririkurire masĩa. Mu ārĩgatoro marĩrō werenía. Marĩpuya diayeta buea. “¿Naāsū gūñarĩ masaka yure?” ārĩ gūñarō marĩrō diayeta ĩgūsārē werea. Oparārē, ubu āārĩrādere āārĩpererārē surosũta ĩāa. Irasirigu guare wereka! Romano marā opu marĩrē niyeru wajasearire marĩ wajari-makū, ¿ōāgorari, o ōāberi? ¿Wajariro gāamerĩ, o wajaribirikōārō gāamerĩ? ārĩñurā.

15 Jesús gapu ĩgūsā irigatori merā ĩgūrē ñerō iriduarire masĩsĩā, āsū ārĩyupu:

\* 12:11 Sal 118.22-23

—¿Nasirirã yu ñerõ yujumakũ iriduari musã? Niyeru tire yure ãirika! Iri tire ãamurã! ãrĩyupu.

16 Ìgũ irasũ ãrĩmakũ pérã, suti ããñurã. Jesús Ìgũsãrẽ sêrẽñayupu:

—I tiguere, ¿noãya diapu keori, noãya wãĩ tuuyari? ãrĩyupu.

—Romano marã opũya diapu keori, Ìgũ wãĩta tuuyãa, ãrĩ yujumãurã.

17 Irasirigu Jesús Ìgũsãrẽ ãrĩyupu:

—Iro merẽ romano marã opũya ããrĩrĩrẽ Ìgũrẽ sĩka! Marĩpũya gapure Marĩpure sĩka! ãrĩyupu.

Ìgũ irasũ ãrĩmakũ pégukakõãñurã.

*Saduceo bumarã, Marĩpu boanerãrẽ masũrĩrẽ Jesúre sêrẽñadea*

(Mt 22.23-33; Lc 20.27-40)

18 Pũru surãyeri saduceo bumarã Jesús pũroque ejañurã. Ìgũsã: “Masaka boanerãgue masãbirikuma”, ãrĩ bũremurã ããrĩñurã. Irasirirã Jesúre ãsũ ãrĩñurã:

19 —Buegu, Moisés marĩrẽ ãsũ ãrĩ gojapídi ããrĩmí: “Sugũ marãpokũdi pũrã marĩkeregu igore boaweomakũ, Ìgũ pagũmu igore dúunorẽgukumi. Irasirirã, Ìgũ igo merã pũrãkũrã Ìgũ tĩgũ dagũ pũrã irirosũta ããrĩrãkuma”, ãrĩdi ããrĩmí.

20 Iripoeguere sugũ pũrã su mojõma pere gaji mojõ peru pẽrẽbejarã ããrĩunanerã ããrĩmã. Ìgũsã tĩgũ gapũ marãpokũ, pũrã marĩgũta boakõãyupu.

21 Irasirigu Ìgũ dagũ dokamũta Ìgũ marãpo ããrĩdeore dúunorẽyupu. Ìgũde, Ìgũ tĩgũ dagũ irirosũta pũrã marĩgũta boakõãyupu. Ìgũsã pẽrã dokamũde pũrã marĩgũta boakõãyupu.

22 Irasũ dita pũrã marĩrãta boapereakõãñurã. Ìgũsã pũru Ìgũsã marãpode boakõãyupo pama.

23 Ìgũsã su mojõma pere gaji mojõ peru pẽrẽbejarã ãma igore marãpokũadiñurã. Irasirirã boanerã masãmakũ, ¿niĩno marãpogora ããrĩgokuri? ãrĩñurã.

24 Jesús Ìgũsãrẽ yujuyupu:

—Musã diaye gũñabea. Marĩpũya werenĩrĩ gojadeare, Ìgũ turaridere musã neõ masĩbea.

25 Boanerã Ìgũsã masãdero pũru, Ìgũsã ãmũgasigue Marĩpure wereboerã irirosũ ããrĩrãkuma. Iroguere marãpokũbirikuma. Ìgũsã pũrã nomedere nomesubirikuma.

26 ¿Moisés gojadea pũguere boanerã Ìgũsã masãburire buebiriri? Iripoeguere yukũgãgue ãjũrõgue Marĩpu Moisére ãsũ ãrĩdi ããrĩmí: “Yu Abraham, Isaac, Jacob Opũta ããrã”, ãrĩdi ããrĩmí.

27 Irasirirã ĩgũsã boanerã ããrĩkererã, Marĩpũ merã okarã ããrĩma. Irasirigũ Marĩpũ boanerã dupaturi masãbirimurã Opũ ããrĩbemi. Okarã, boanerãgue dupaturi masãmurã Opũ ããrĩmi. Irasirirã mũsã: “Boanerã masãbirikuma”, ãrĩ gũnarã, diaye gũnabea, ãrĩyupũ Jesús.

“¿Dĩĩ gapũ Marĩpũ doreri gaji doreri nemorõ ããrĩrĩ?” ãrĩ sêrêñadea

(Mt 22.34-40)

28 ĩgũsã Jesús merã werenĩripoe sugũ Moisés gojadeare buerimasũ ĩgũsã pũro ejayupũ. Jesús ĩgũ õãrõ yũjurire pé, ãsũ ãrĩ sêrêñayupũ ĩgũrê:

—¿Dĩĩ gapũ Marĩpũ doreri gaji doreri nemorõ ããrĩrĩ?

29 Jesús ĩgũrê yũjuyupũ:

—Gaji doreri nemorõ ããrĩrĩ i ããrã: “Israel bumarã õãrõ péka! Marĩpũ sugũta mũsã Opũ ããrĩmi.

30 Irasirirã mũsãya yũjupũrãrĩ merã, mũsã ããrĩrikuri merã, ããrĩpereri mũsã gũnarĩ merã, mũsã turari merã Marĩpũre mũsã Opũre maĩka!”

31 I doreri pũrũma ãsũ ãrã: “Mũ basi maĩrõsũta mũ pũro ããrĩrãrê maĩka!” I pe dorerita gaji ããrĩpereri doreri nemorõ ããrã, ãrĩyupũ Jesús.

32 ĩgũ irasũ ãrĩmakũ, Moisés gojadeare buerimasũ ãsũ ãrĩ yũjuyupũ:

—Buegũ, irasũta ããrã. Mũ ãrĩrĩ diayeta ããrã. Marĩpũ sugũta ããrĩmi. Gajigũ ĩgũ irirosũ ããrĩgũ mámi.

33 Marĩrê marĩya yũjupũrãrĩ merã, marĩ gũnarĩ merã, ããrĩpereri marĩ turari merã Marĩpũre maĩrõ gããmea. Marĩ basi maĩrõsũta gajerãrê maĩrõ gããmea. Marĩpũre bũremurã ĩgũ ĩũrõ waimurã wêjê soepeomakũ õãgorãa. I nemorõ Marĩpũre, masakadere marĩ maĩmakũ õãtaria, ãrĩyupũ.

34 ĩgũ pémasĩrĩ merã õãrõ yũjamakũ ĩã, Jesús ĩgũrê ãrĩyupũ:

—Mérõ duyãa, Marĩpũ mũ Opũ ããrĩrĩrê mũ pémasĩburo, ãrĩyupũ.

Jesús irire irasũ ãrãdero pũrũ, neõ sugũ ĩgũrê sêrêñanemobiriñurã.

“¿Noã parãmi ããrĩturiagũ ããrĩrĩ Cristo?” ãrĩ sêrêñadea

(Mt 22.41-46; Lc 20.41-44)

35 Jesús Marĩpũya wiigue buegũ, ãsũ ãrĩ sêrêñayupũ:

—¿Nasirirã Moisés gojadeare buerimasã: “Cristo, David parãmi ããrĩturiagũ ããrĩmi”, ãrĩrĩ?

36 David, Cristo ñekũ ããrĩkeregũ, Õãgũ deyomarĩgũ ĩgũrê weredorederosũta ãsũ ãrĩ gojadi ããrĩmĩ:

Marĩpũ yũ Opũre ãsũ ãrĩmi: “Õõ, yũ diaye gapũ doaka, yũ merã dorebu! Irasiriripoe mũrê ĩãturĩrê mũ dorerire

tarinugānemobirimakū irigura”, ārīmi, ārī gojadi āārīmi David.✱

<sup>37</sup> David, Cristo ñekū āārīkeregu, ĩgūrē: “Yū Opū āārīmi”, ārīdi āārīmi. ¿Nasirigu, Cristo, David parāmi āārīturiagu āārīkerepuru, David ĩgūrē irasū ārīyuri? ārīyupu Jesús.

Wārā masaka iri wiigue āārīrā ĩgū wererire usuyari merā peñurā.

*Jesús Moisés gojadeare buerimasāyamarē weredea*

*(Mt 23.1-36; Lc 11.37-54; 20.45-47)*

<sup>38</sup> Jesús āsū ārī buenemoyupu:

—Moisés gojadeare buerimasā ñerō iririre oārō pemasīka! Oparā irirosū suri yoari sāña, masaka ĩūrōgue waagore-nama. Makā dekoguere masakare oārō buremurī merā ĩgūsārē bokatīrī oādoremakū gāāmema.

<sup>39</sup> Marī nerērī wiiriguere ñajārā, oārī doaripērīgue dita doadūama. Bosenurī āārīmakūdere oparā doarigue dita doadūama.

<sup>40</sup> Wapiweyarā nome wajamomakū ĩā, ĩgūsāya wiirire ēmanokōāma. ĩgūsārē bopoñarī merā ĩābirikererā, yoaripoe Marīpūre sērē ĩmugatoma, masaka ĩgūsārē: “Marīpūre oārō buremuma”, ārīburo, ārīrā. ĩgūsā irasiriri waja, Marīpū ĩgūsārē gajerārē wajamoārō nemorō wajamoāgukumi, ārīyupu Jesús.

*Wapiweyo bopogo Marīpūya wiigue igo niyeru tiri sādea*

*(Lc 21.1-4)*

<sup>41</sup> Pūru Jesús Marīpūya wiima ĩgūsā āmuburi niyeru needrī kūma pūro masaka ĩgūsā niyeru sāmakū ĩā doanīyupu. Wāri doebiri oparā iri kūmaguere wāro niyeru sāñurā.

<sup>42</sup> Sugo wapiweyo iri kūma pūro ejanugā, pe tigā mérōgā wajakuri tirigārē sāyupo.

<sup>43</sup> Iri tirire igo sāmakū ĩāgū, Jesús ĩgū buerārē siiu, ārīyupu:

—Diayeta mūsārē werea. Igo wapiweyo bopogo niyeru sīgō, Marīpū ĩūrō gajerā āārīpererā sīadero nemorō sīamo.

<sup>44</sup> Gajerā wāri doebiri oparā wāro sīkerepuru, ĩgūsāya wāro dūyāa. Igo gapu bopogo āārīkerego, igo baari wajariboadeare āārīpereri sīpeokōāmo Marīpūre buremugō, ārīyupu Jesús.

## 13

*Jesús: “Marīpūya wii béosūrokoa”, ārī weredea*

*(Mt 24.1-2; Lc 21.5-6)*

<sup>1</sup> Jesús Marīpūya wiigue āārādi wiriaripoe sugū ĩgū buegu āsū ārīyupu:

—Gūare buegu, ĩāka i wiire pagari ũtāyeri merā iridea wii miērē, ārīyupu.

<sup>2</sup> Jesús ĩgūrē yujuyupu:

—Musā i wiire wári wiire daporare ãdáa. Pwugue neõ suye ütāye gajiyē weka weamũĩadeade dujabirikoa. Āãĩpereri mutādiwapereakõãrokoa, āĩyupũ Jesús.

*Jesús: “Iũmũ pereburi dupuyuro āsũ waarokoa”, āĩ weredeā (Mt 24.3-38; Lc 21.7-36)*

<sup>3</sup> Pũũ Jesús ĩgũ buerā merā Olivos wāĩkuri buũru Marĩpũya wii bokatiũrõ āārĩĩ buũrugue waayupũ. Jesús irogue eja doamakũ, Pedro, Santiago, Juan, Andrés ĩgũrē ĩgũsā seyaro sērēñañurā:

<sup>4</sup> —Gũare wereka! ¿Naásũ āārĩmakũ, mũ ārāderosũ waarokuri? ¿Ñeeno iri ĩmugukuri, iri āārĩpereri irasũ waaburi dupuyuro? āĩñurā.

<sup>5</sup> Jesús ĩgũsārē yũyũyupũ:

—Õārõ pemasĩka! Gajerā musārē āĩgatorire pėbirikõãka!

<sup>6</sup> Wārā āĩgatorimasā aarirākuma. “Yũ Marĩpũ iriudi Cristo āārā”, āĩrākuma. ĩgũsā irasũ āĩgatomakũ pērā, wārā masaka ĩgũsārē bũremurākuma.

<sup>7</sup> Masaka musā pũro gāmwějērĩrē pērā, yoarogue marā gāmwějērĩ kerere pērā, gũkabirikõãka! Irasũta waarokoa. Irasũ waakerepũũ, i mũmũ pereburo dũyarokoa dapa.

<sup>8</sup> Su bumarā, gaji bumarā merā gāmwějērākuma. Su nikũ marā, gaji nikũ marā merā gāmwějērākuma. Wári makāĩguere nikũ ñomerokoa. Masaka wārā uaboari merā boarākuma. I āārĩpereri merā masaka ñerõ taripũroriwāgārirākuma.

<sup>9</sup> Gajerā musārē ñeā, āĩa, oparāguere ñerõ iridorerā wiarākuma. Musā judío masaka nerērĩ wiirigue āārĩmakũ, musārē pārākuma. Musā yũre bũremurĩ waja makāĩ marā oparā pũrogue, iri nikũ marā oparā pũrogue āĩāsũrākoa. Irasirimakũ, musā Marĩpũya õārĩ kerere wererākoa ĩgũsārē. Irasirirā musā basi õārõ pemasĩka!

<sup>10</sup> I mũmũ pereburo dupuyuro Marĩpũyare wererā āārĩpereri buri marārē ĩgũya kerere wererākuma.

<sup>11</sup> Masaka musārē oparā pũrogue āĩāmakũ: “¿Naásũ āĩrĩrākuri ĩgũsārē?” āĩ gũñarikũmerāta waaka! Oparā musārē sērēñamakũ, Marĩpũ gũñarĩ sĩrĩ merā wererākoa. Irasirirā musā basi werenĩbirikoa. Õāgũ deyomarĩgũ iritamurĩ merā, ĩgũ werenĩrĩ sĩrĩ merā wererākoa.

<sup>12</sup> I mũmũ pereburo dupuyuro masaka ĩgũsā pagũpũrārē, ĩgũsā tĩrārē oparāguere wějėdorerā wiarākuma. Pagũsāmarā ĩgũsā pũrārē, pũrā ĩgũsā pagũsāmarārē oparāguere wějėdorerā wiarākuma.

<sup>13</sup> Yũre musā bũremurĩ waja āārĩperero marā masaka musārē ĩāturi doorākuma. Musārē ĩgũsā ñerõ irikererepũũ, yũre bũremurĩrē piribirimakũ, Marĩpũ musārē taugũkumi.

14 'I ũma pereburo dupuyuro ñegũrẽ Marĩpure ãaturigũre ããrãkoa. Marĩpũya wiigũe ãgũrẽ ããrĩdorebiridea wiigũe nĩmakũ ããrãkoa. Iripoegue Marĩpũya kerere weredupuyudi Daniel ãgũrẽ gojadi ããrĩmĩ. ãgũ gojadeare buegũno, pẽmasĩburo. ãsũ ãrĩ gojadi ããrĩmĩ: “Iro ãgũ nĩmakũ ããrã, Judea nĩkũgue ããrĩrã buurĩgue ũmaduriburo”.

15 Irasũ waaripoere masakare ñerõ waarokoa. Sugũ ãgũya wii wekague ããrĩgũ wii poekague ãgũyare ãĩgũ ñajãbirikõãburo.

16 Sugũ ãgũya pooerĩgue ããrĩgũde ãgũya surĩre wiigũe ãĩgũ dujãabirikõãburo.

17 Irasũ waarĩnũrĩrẽ nijĩpagosã nome, gajerã ãgũsã pũrã mirĩrãgã oparã nomede burõ ñerõ tarĩrãkuma.

18 Irasĩrĩrã Marĩpure ãsũ ãrĩ sãrẽka: “Puibũ ããrĩmakũ, irasũ waabirikõãburo”, ãrĩ sãrẽka!

19 'Irasũ waarĩnũrĩrẽ masaka ñerõ tarĩrãkuma. Marĩpũ i ũmũrẽ iripũroridero pũrũre masaka ñerõ taridero nemorõ ñerõ tarĩrãkuma. I ãgũsãrẽ ñerõ waaburi neõ dupaturi irasũ waanemobirikõãburo.

20 Irasĩrĩgũ Marĩpũ masakare i ñerõ waarĩre: “Yoaripoe waabirikõãburo”, ãrĩgũkumi. ãgũ irasĩribirimakũ, neõ sugũ masakũ tarĩbiribokumi. Irasĩrĩgũ ãgũ beyenerãrẽ bopoñasã, ãgũsãrẽ ñerõ waarĩre: “Iropãta waaburo”, ãrĩgũkumi.

21 'Irasũ ñerõ waaripoere gajerã mũsãrẽ: “ããka! Ōõta Cristo ããrĩmĩ”, o “Sõõ ããrãmi Cristo”, ãrĩmakũ pãrã, bũremubirikõãka!

22 Wãrã ãrĩgatorikũrã aarĩrãkuma. Surãyeri: “Yũ Marĩpũ iriudi Cristo ããrã”, o “Marĩpũya kerere weredupuyurimasã ããrã”, ãrĩrãkuma. Irasĩrĩrã masakare ãgũsã ãrĩgatorire bũremudorerã, wãri gajino iri ãmurãkuma. Irasĩrĩkererã, Marĩpũ beyenerãrẽ ãgũrẽ bũremuduũmakũ irimasĩbirikuma.

23 Iri irasũ waaburi dupuyuro mũsãrẽ i ããrĩpererire were-siãa. Irasĩrĩrã õãrõ pẽmasĩka! ãrĩ wereyupũ Jesũs ãgũ buerãrẽ.

*Jesũs i ũmũgue ãgũ dupaturi aarĩburire weredeã*  
(Mt 24.29-35, 42-44; Lc 21.25-36)

24 Jesũs ãsũ ãrĩ werenemoyupũ ãgũsãrẽ:

—Irasũ ñerõ waarĩnũrĩ pũrũ, abe ũmũmũ naĩtĩãkõãgũkumi. Ñamimũde boyonemobirikumi.

25 Neñukã ũmũgasĩgue ããrĩrã yuridjarĩrãkuma. Ũmarõgue marã turarãde ñaradari merã bẽosũrãkuma.

26 Irasũ waaripoere masaka yũ ããrĩpererã tĩgũ, bũro turari merã, gosewasĩriri merã mikãyebogue i nĩkũguere dupaturi aarĩmakũ ããrãkuma.

27 Yũre wereboerãrẽ ããrĩperero i nĩkũguere iriugũra. Irasĩrĩrã yaarãrẽ Marĩpũ beyenerãrẽ ããrĩpererogue ããrĩrãrẽ yũ pũroegue neõrãkuma.



28 'Ire musã masĩburo, ãrĩgũ, higueraḡu keori merã wereḡura. Irigũ pũ maamakũ ãrã: “Bojori waaburo mérõgã dũyáa”, ãrĩ masĩa.

29 Irigũ waarósũta i ããrĩpereri yũ ãrĩrĩ irasũ waamakũ ãrã: “Marĩḡu iriudi dupaturi aariburo mérõgã dũyáa”, ãrĩ masĩrãkoa.

30 Diayeta musãrẽ werea. I ããrĩpereri yũ ãrĩrĩ, dapora marã ãgũsã boapereburo dupuyuro irasũ waarokoa.

31 Ũmũgasi, i nikũde pereakõãrokoa. Yũ werenĩrĩ ḡapũ neõ perebirikoa. ããrĩpereri yũ musãrẽ ãrĩrõsũta waayumarikurokoa.

32 Yũ dupaturi aariburinũrẽ, iri horare neõ sugũ masĩbemi. Marĩḡure wereboerã ũmũgasigue ããrĩrãde masĩbema. Yũ Marĩḡu magũde masĩbea. Yũḡu sugũta masĩmi.

33 Musãde yũ aariburinũrẽ masĩbea. Irasirirã õãrõ pémasĩrĩ merã yúka! “Ḡũare iritamuka!” ãrĩ sêrêka Marĩḡure!

34 I keori merã musãrẽ wereḡura. Wii opũ yoarogue ḡãmeñajãḡũ waaburi dupuyuro ãḡũrẽ moãboerãrẽ ãḡũya wiire koredorekumi. Surãyerire ãḡũ moãrĩrẽ píkumi. Gajigure wii disipũro koredorekumi, ãḡũ dujariburire õãrõ yúdoreḡu.

35 Irasiri odo, waakõãkumi. ãḡũrẽ moãboerã ḡapũ ãḡũ dujariburinũrẽ neõ masĩbirikuma. Namika, o ñami deko, ãḡãbo wereripoe, o boyoripoe aaribokumi. ãḡũsã õãrõ yúbirimakũ, ãḡũ ḡũñaña marĩrõ aarigũ, ãḡũsãrẽ kãrĩrãrẽ bokajagukumi. Wii opũre moãboerã ãḡũ dujariburinũrẽ ãḡũsã masĩbiriderosũta musãde yũ dupaturi aariburinũrẽ masĩbea.

36 Ḡũñaña marĩrõ yũ aariburire masĩrã, yũre õãrõ pémasĩrĩ merã yúka! Sugũ kãrĩḡũ irirosũ ããrĩḡũ yũre õãrõ yúbirikumi. ãḡũ irirosũ ããrĩbirikõãka!

37 Yũ musãrẽ ãrĩrĩrẽ ããrĩpererãrẽ ãrĩḡura. Õãrõ pémasĩrĩ merã yúka! ãrĩ wereyupũ Jesús ãḡũ buerãrẽ.

## 14

*Oparã Jesúre ñeãburire ãmudea*  
(Mt 26.1-5; Lc 22.1-2; Jn 11.45-53)

1 Penũ pascua bosenu, judío masaka pã wemasãrĩ morẽña marĩrĩ baari bosenu dũyaripoe paía oparã, Moisés gojadeare buerimasã nerẽñurã. Jesúre ãrĩḡatori merã ãḡũsã ãḡũrẽ ñeã, wẽjẽburire ãmuñurã.

2 Irire ãmurã, ãsũ ãrĩñurã:

—I bosenu ããrĩmakũ ãḡũrẽ ñeãbirikõãrã! Masaka marĩ merã guarã, marĩrẽ gainĩ turibokuma, ãrĩñurã.

*Sugo nomeõ Jesúre sũrõrĩ piupeodea*  
(Mt 26.6-13; Jn 12.1-8)

<sup>3</sup> Jesús Betania wāikuri makāgue, Simón kāmi boadiya wiigüe āārīyupũ. Īgũ iri wiigüe āārīrā merā baa doaniripo e sugo nomeo suru sārōdiru opago Jesús p̄ro ejanugāyupo. Igo opadiru “alabastro” wāikuri ūtāye merā iridiru, sārōrī “nardo” wāikuri wajapari opadiru āārīyuro. Irirure tūpā, Jesúya dipurure piupeoyupo.

<sup>4</sup> Gajerā iri wiigüe āārīrā igo irasirimakū ĩārā, gua, āsū ārī gāme werenĩñurā:

—¿Nasirigo iri sārōrīrē irasiriwasiribéokōārī?

<sup>5</sup> Igo irire duamakū, trescientos niyeru tiri su bojori moā wajataropā wiriboakuyo. Iri waja merā boporārē iritamuboakumo, ārĩñurā. Igo irasiririre suyubiriñurā.

<sup>6</sup> Jesús gapũ ĩgūsārē ārīyupũ:

—Igore garibobirikōāka! ¿Nasirirā igore garibori? Igo yure oārīrē yāmo.

<sup>7</sup> Boporā mūsā watopeguere āārīnikōārākuma. Irasirirā ĩgūsārē iritamuduarā iritamumasīa. Yũ tamerārē mūsā merā āārīnĩmakū ĩābirikoa.

<sup>8</sup> Igo oārō iriduaru bokatiūrō yure oārō iriamo. Yaa dupure masāgobegue ĩgūsā pĩburi dupuyuro āmuyugo, yure sārōrī piupeosiamo.

<sup>9</sup> Diayeta mūsārē werea. Marĩpũ masakare tauri kerere wererā āārĩperero i āmugue waagorenarā, igo yure irideadere gajerārē wererākuma, igore gũñaburo, ārīrā, ārīyupũ Jesús.

*Judas Iscariote Jesúre wējēduarāguere ĩgūrē ĩmuburire āmudea (Mt 26.14-16; Lc 22.3-6)*

<sup>10</sup> Pũrũ Judas Iscariote wāikũgũ sugũ Jesús buerā pe mojōma pere su gubu peru pērēbejarā watopemũ paía oparā p̄roguē waa, ĩgũ Jesúre ĩgūsāguere ĩgūrē ĩmuburire werenĩyupũ.

<sup>11</sup> Īgũ irasū ārĩmakū pērā, ɯɯyari merā: “Īgūrē mũ guare ĩmumakū, niyeru m̄rē wajarirākoa”, ārĩñurā.

Irasirigũ Judas: “¿Naásū āārĩmakū ĩgūsārē yũ Jesúre wiamakū oākuri?” ārī gũñayupũ.

*Jesús ĩgũ buerā merā baatũnudea (Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Pũrũ judío masaka pã wemasārī morēña marĩrī baari bosenu p̄roririnu āārĩmakū, Marĩpũ ĩūrō oveja majĩrārē wējē baañurā. Irinũta Jesús buerā ĩgūrē āsū ārī sērēñañurā:

—¿Noógue mũ pascua bosenu baaburire āmumakū gāāmekuri? ārĩñurā.

<sup>13</sup> Īgūsā irasū ārĩmakū pé, Jesús ĩgũ buerā pērārē āsū ārī iriuyupũ:

—Jerusalēgue waaka! Irogue sugũ dekosoro kōāwāgāgũ mūsārē bokatiĩrĩgukumi. Īgūrē tũyaka!

14 Īgū, wiigue ñajāmakū, iri wii opare: “Guare buegu, āsū ārī sērēñadoreami: ‘¿Díi taribugue yu buerā merā i pascua bosenurē baagukuri?’ ārāmi”, ārīka!

15 Mūsā irasū ārīmakū pé, wári taribu ūmarōgue āmuadea taribuguerē ĩmugukumi. Irogue marī baaburire āmuka! ārīyupū Jesús.

16 Irasirirā iri makāgue waa, irogue eja, Jesús wereaderosūta bokaja, pascua bosenū baaburire āmuñurā.

17 Puru naīmejāripoe Jesús Īgū buerā pe mojōma pere su gubu peru pērēbejarā merā iri taribugue baagu ejayupū.

18 Īgūsā baa doanīripoe Jesús Īgūsārē ārīyupū:

—Diayeta mūsārē werea. Sugū mūsā watopemū yu merā baa doanīgūta yure wējēduarāguere yure ĩmugukumi, ārīyupū.

19 Īgū irasū ārīmakū pérā, buro bujawereri merā sugano dita ĩgūrē sērēñayoñurā:

—¿Yu āārīrī murē ĩmubu? ārīñurā. Gajerāde irasū dita āārīñurā.

20 Jesús Īgūsārē yujuyupū:

—Sugū mūsā pe mojōma pere su gubu peru pērēbejarā watopemū yu merā baaguta āārīmi.

21 Marīpuya werenīrī gojadea pūgue gojaderosūta yure āārīpererā tīgūrē waaró yāa. Yure ĩmubu gapure ñetariri waarokoa. Īgū deyoabirimakū ōāboyo, ārīyupū.

22 Jesús, Īgūsā baaripoe pārē āi, Marīpue: “Murē usuyari sīa”, ārī, pea, Īgūsārē āsū ārī guereyupū:

—Ire baaka! Yaa dupū āārā, ārīyupū.

23 Puru iirīripare āi, Marīpue: “Murē usuyari sīa”, ārī, Īgūsārē iripare sīyupū. Irasirirā āārīpererā iirīñurā.

24 Īgūsārē āsū ārīyupū:

—I yaa dí āārā. Yu masakare boabosagu yaa dí béori merā wārārē Yupu: “Īgūsārē ōārō irigura”, ārīdeare iriyuwarikugukoa.

25 Diayeta mūsārē werea. Igui dekore marī dapora iirīrosū yu dupaturi neō iirīnemobirikoa. Puru Yupu Īgūyarārē dorerogue mūsā merā maama igui dekore iirīgukoa, ārīyupū Jesús Īgū buerārē.

*Jesús Pedrorre: “Yure masīkeregu: ‘Masībea’, ārīgukoa”, ārī weredea*

*(Mt 26.30-35; Lc 22.31-34; Jn 13.36-38)*

26 Puru Marīpue bayapeo odo, Olivos wāikuri buúruegē waakōñurā doja.

27 Irogue Jesús Īgūsārē ārīyupū:

—Mūsā āārīpererā gūñaturaro marīrō yure béowāgāperekōārākoa. Mūsā irasiriburire Marīpuya werenīrī gojadea pūgue āsū ārī gojasūdero āārībú:

Y<sub>u</sub> oveja koregure wējēmakū irigukoa. Irasirimakū, ĩgūyarā oveja ũmawasiriakōārākuma, ārī gojasūdero āārībú.<sup>☆</sup>

<sup>28</sup> Y<sub>u</sub> boadigue masādero p<sub>u</sub>r<sub>u</sub>, m<sub>u</sub>sā dupuyuro Galileague waadupuyug<sub>u</sub>koa, ārīy<sub>u</sub>p<sub>u</sub>.

<sup>29</sup> Pedro gap<sub>u</sub> Jesúre ārīy<sub>u</sub>p<sub>u</sub>:

—Īgūsā āārīpererā m<sub>u</sub>rē béowāgākerep<sub>u</sub>r<sub>u</sub>, y<sub>u</sub> gap<sub>u</sub> m<sub>u</sub>rē neō béowāgābirikoa, ārīy<sub>u</sub>p<sub>u</sub>.

<sup>30</sup> Jesús ĩgūrē y<sub>u</sub>j<sub>u</sub>y<sub>u</sub>p<sub>u</sub>:

—M<sub>u</sub>rē diayeta werea. Dapagā ñami āgābo pea wereburi dupuyuro m<sub>u</sub> y<sub>u</sub>re masīkereg<sub>u</sub> urea gajerārē: “Masībea”, ārīgatog<sub>u</sub>koa, ārīy<sub>u</sub>p<sub>u</sub>.

<sup>31</sup> Pedro ĩgūrē ārīy<sub>u</sub>p<sub>u</sub>:

—Y<sub>u</sub> m<sub>u</sub> merā boabu āārīkereg<sub>u</sub>: “Masībea”, ārīgatobirikoa, ārīy<sub>u</sub>p<sub>u</sub>.

Āārīpererā ĩgū buerā Pedro ārīrōsū dita ārīñurā.

*Jesús Getsemanígue Marīp<sub>u</sub>re sērēdea*

*(Mt 26.36-46; Lc 22.39-46)*

<sup>32</sup> P<sub>u</sub>r<sub>u</sub> Getsemaní wāikurogue ejañurā. Irogue Jesús ĩgū buerārē:

—Ōōta doaka m<sub>u</sub>sā dapa! Marīp<sub>u</sub>re sērēgū waagú yáa, ārīy<sub>u</sub>p<sub>u</sub>.

<sup>33</sup> Irasū ārī odo, Pedro, Santiago, Juārē siiuwāgāy<sub>u</sub>p<sub>u</sub>. ĩgū buro gūñariku, bujawerey<sub>u</sub>p<sub>u</sub>.

<sup>34</sup> ĩgūsārē ārīy<sub>u</sub>p<sub>u</sub>:

—Buro bujawereri merā kōmoma goero péñakoa. Kārīmerāta ōō doa yúka! ārīy<sub>u</sub>p<sub>u</sub>.

<sup>35-36</sup> Irasū ārī odo, yoaweyaro waanemo, yebague moomejāja, Marīp<sub>u</sub>re āsū ārī sērēy<sub>u</sub>p<sub>u</sub>:

—A<sub>u</sub>, āārīpererire irimasīa m<sub>u</sub>. I y<sub>u</sub> ñerō tariburire tauduagu tauka! Y<sub>u</sub> irasū ārīkerep<sub>u</sub>r<sub>u</sub>, y<sub>u</sub> gāāmerōsū iribirikōāka! M<sub>u</sub> gāāmerōsū gap<sub>u</sub> y<sub>u</sub>re waaburo, ārīy<sub>u</sub>p<sub>u</sub>.

<sup>37</sup> P<sub>u</sub>r<sub>u</sub> ĩgūsā p<sub>u</sub>rogue ejagu, ĩgūsā kārīrārē bokajay<sub>u</sub>p<sub>u</sub>. Pedrore ārīy<sub>u</sub>p<sub>u</sub>:

—Simón, ¿kārīgū yári? ¿Nasirig<sub>u</sub> su horanogora y<sub>u</sub>re kārībita yúmasīberi?

<sup>38</sup> Kārīmerāta! Marīp<sub>u</sub>re sērēka, wātī ārīmesārīrē iribokoa, ārīrā! M<sub>u</sub>sā gūñarī merā ōārīrē irid<sub>u</sub>adāa. Irire irid<sub>u</sub>akererā, bokatīūbea, ārīy<sub>u</sub>p<sub>u</sub>.

<sup>39</sup> Irasū ārī odo, Marīp<sub>u</sub>re ĩgū sērēaderosūta dupaturi sērēgū waay<sub>u</sub>p<sub>u</sub> doja.

<sup>40</sup> Dupaturi ĩgūsā p<sub>u</sub>ro ejagu, kārīrārēta bokajay<sub>u</sub>p<sub>u</sub> doja. ĩgūsārē wuja pūrītariyuro. Irasirirā, naásū ārī y<sub>u</sub>j<sub>u</sub>masībiriñurā.

<sup>41</sup> Ūreagora kārīrārē bokajagu, Jesús ĩgūsārē ārīy<sub>u</sub>p<sub>u</sub>:

<sup>☆</sup> 14:27 Zac 13.7

—Siuñajã, kãrĩka pama! Iropãta ejãa. Yure ããrĩpererã tĩgũrẽ ñerãguere wiari hora ejasiãa.

42 Wãgãñugãka! Náka, waarã! Yure wẽjẽduarãguere yure ãmubu aarisiami, ãrĩyupũ Jesús.

*Jesúre ñeãwãgãdea*

*(Mt 26.47-56; Lc 22.47-53; Jn 18.2-11)*

43 Ìgũ irasũ ãrĩ wereripoe Judas, Jesús buerã pe mojõma pere su gubu peru pẽrẽbejarã watopemũ ããrãdi ejayupũ. Wãrã masaka sareri majĩrĩ, yukũ dukari opanerã Jesús pũrore ìgũ merã ejañurã. Ìgũsã paía oparã, Moisés gojadeare buerimasã, judío masaka mũrã iriuanerã ããrĩñurã.

44 Ìgũsã Jesús pũro ejaburi dupuyuro Judas ìgũsãrẽ ãsũ ãrĩ weredi ããrĩmĩ: “Yũ ìgũya wayupãrãrẽ mimigũta ããrĩgũkumĩ. Ìgũrẽ ñeã, õãrõ sia, ãĩaka!” ãrĩdi ããrĩmĩ.

45 Judas, Jesús pũro ejagũta: “Gũare buegũ”, ãrĩ, ìgũya wayupãrãrẽ mimiypũ.

46 Ìgũ mimimakũ ìãrã, Judas merã aaranerã Jesúre turaro merã ñeãwãgãñurã.

47 Sugũ Jesús buegũ gapũ paía opũre moãboegũre sareri majĩ merã ìgũya gãmipũrẽ dititã dijukõãyupũ.

48 Jesús gapũ ìgũsãrẽ ãrĩyupũ:

—¿Nasirirã sareri majĩrĩ merã, yukũ dukari merã sugũ yajari-masũrẽ ñeãrã aarirã irirosũ yure ñeãrã aariri?

49 Ëmũrikũ Marĩpũya wiigũe mũsã watopegue buebũ. Iroguere mũsã yure neõ ñeãbiribũ. Mũsã irasiriri Marĩpũya werenĩrĩ gojadea pũgue gojaderosũta waaró yãa yure, ãrĩyupũ Jesús.

50 Jesúre ñeãmakũ ìãrã, ããrĩpererã ìgũ buerã sugũreta ãmaweonũwãgãkõãñurã.

51 Sugũ maamũ ìgũ õmasiariñe merã dita Jesúre tũyayupũ. Ìgũdere ñeãkõãñurã.

52 Ìgũsã ìgũrẽ ñeãmakũ, ìgũ õmasiariñerẽ meépi, surĩ marĩgũ ãmaduriwãgãkõãyupũ.

*Jesúre oparã pũroguẽ ãĩadea*

*(Mt 26.57-68; Lc 22.54-55, 63-71; Jn 18.12-14, 19-24)*

53 Pũrũ Jesúre paía opũ pũroguẽ ãĩjañurã. Iroguere paía oparã, Moisés gojadeare buerimasã, judío masaka mũrã ããrĩpererã nerẽñurã.

54 Pedro gapũ yoawayaro Jesúre tũyañajãa, paía opũya wii disipũro ñajãrõma yebague eja, Marĩpũya wiire korerã surara merã peame tũro sũma doaníyupũ.

55 Paía oparã, judío masaka murã, ããrĩpererã iroque nerëanerã Jesúre ārĩgatori merã weresãmurãrẽ ãmarã iriñurã ĩgũrẽ wẽjẽmurã. Irasirikererã, bokabiriñurã.

56 Wárã gajerã ārĩgatori merã Jesúre weresãkerepũ, keoro ejabiriyuro.

57 Gajerãde wãgãñugãja, ārĩgatori merã ãsũ ārĩ weresãñurã:

58 —Gũ, ĩgũ ãsũ ārĩmakũ pébũ: “Marĩpũya wii masaka iridea wiire béokõãgũra. Pũũ urenũ waaró merã gaji wii, masaka iribiri wiire irigũra”, ārĩmi, ārĩñurã.

59 ĩgũsã irasũ ārĩrĩde keoro ejabiriyuro.

60 Irasirigũ paía opũ ĩgũsã watopegue wãgãñugãja, Jesúre sërẽñayupũ:

—Īgũsãrẽ yujuberi mũ? ĩNasirirã murẽ irasũ ārĩ weresãrĩ? ārĩyupũ.

61 Jesús gapũ yujubiriyupũ. ĩgũ yujubirimakũ ĩã, paía opũ dupaturi sërẽñayupũ doja:

—ĪMũ Marĩpũ õãtarigũ magũ Cristota ããrĩrĩ?

62 Jesús ĩgũrẽ ārĩyupũ:

—Yũ ĩgũta ããrã. Yũ ããrĩpererã tĩgũrẽ Yũpũ turagũ diaye gapũ doamakũ ĩãrãkoa. Īmũgasima mikãyebori weka yũ aari-makũdere ĩãrãkoa, ārĩyupũ Jesús.

63 ĩgũ irasũ ārĩmakũ pégũ, paía opũ ĩgũ guarire ĩmugũ, ĩgũya surĩrore tũãyegue, ãsũ ārĩyupũ:

—ĪNasirimurã gajerã ĩgũrẽ weresãrĩrẽ pénemobokuri marĩ?

64 Mũsã, ĩgũ basita Marĩpũre ñerõ ārĩrĩrẽ pésiãa. ĩNaásũ gũñarĩ? ārĩyupũ.

ĩgũ irasũ ārĩmakũ pérã, ããrĩpererã ãsũ ārĩñurã:

—Marĩpũre ĩgũ ñerõ ārĩrĩ waja boaburo, ārĩñurã.

65 Irasirirã surãyeri Jesúre síku eotú, surĩro gasiro merã ĩgũya koyere siabiato, ĩgũrẽ pá:

—“ĪNoã murẽ pári?” ārĩbokaka! ārĩñurã. Marĩpũya wiire korerã Jesúre ãia, ĩgũya diapure bũro pánañurã.

*Pedro Jesúre masĩkeregũ: “Masĩbea”, ārĩdea*

*(Mt 26.69-75; Lc 22.56-62; Jn 18.15-18, 25-29)*

66 Pedro gapũ paía opũya wii disipũro ñajãrõma yebague doaníyupũ. Iro ĩgũ doarĩpoe sugo nomeõ paía opũre moãboego ejayupo.

67 ĩgũ peame tũro sũma doanímakũ ĩãgõ, ĩgũrẽ ãsũ ārĩyupo:

—Mũde Jesús Nazaretmũ merã ããrĩdita ããrã, ārĩyupo.

68 Pedro ārĩgatori merã ãsũ ārĩ yujuyupũ igore:

—ĩgũrẽ masĩbea. Mũ irasũ ārĩrĩrẽ pémasĩbirikoa yũ, ārĩyupũ.

Irasũ ārĩ, iri wii tũroma sãrĩrõ disipũroque wiriaripoeta ãgãbo wereyupũ.

69 Moãboego Pedrore dupaturi ĩã, iro ããrĩrãrẽ ārĩyupo doja:

—Ī, Jesús merāmuta āārīmi, ārīyupo.

<sup>70</sup> Pedro dupaturi igore ārīgatoyupu doja:

—Āārībea yu, ārīyupu.

Mérōgā puruta iro āārīrā Pedrore ārīñurā doja:

—Mu diayeta Jesús buerā merāmuta āārā. Mu Galileamuta āārā. Pémasīrōta ĩgūsā irirosū werenía, ārīñurā.

<sup>71</sup> ĩgūsā irasū ārīmakū, Pedro ārīyupu:

—Marīpu péuro diayeta werea. Yu musārē diaye werebirimakū, Marīpu yare wajamoāburo. Yu musā werenīgūrē masībea, ārīyupu.

<sup>72</sup> ĩgū irasū ārīripoeta dupaturi āgābo wereyupu. Pedro, āgābo weremakū pégu, Jesús ĩgūrē: “Āgābo pea wereburo dupuyuro mu yare masīkeregu, urea: ‘Masībea’, ārīgatogukoa”, ārādeare gūñaboka, buro oreyupu.

## 15

*Jesúre Pilato puro āījadea*

(Mt 27.1-2, 11-14; Lc 23.1-5; Jn 18.28-38)

<sup>1</sup> Boyodujimejāripoe āārīpererā judío masaka oparā, paía oparā, murā, Moisés gojadeare buerimasā nerē: “¿Nasirirākuri marī Jesúre?” ārī wereníñurā. Werení odo, ĩgūrē sia, āīwāgā, Pilatore wiañurā.

<sup>2</sup> Pilato Jesúre sērēñayupu:

—¿Muta āārīrī judío masaka Opu? ārīyupu.

—Mu ārīrōsūta ĩgūta āārā, ārī yujyupu Jesús.

<sup>3</sup> Paía oparā Jesúre: “Ī ñerō iridi āārīmi”, ārī, wári weresāñurā.

<sup>4</sup> ĩgūsā irasū ārīmakū pégu, Pilato dupaturi Jesúre āsū ārī sērēñayupu:

—¿Neō yujuberi? Péka! ĩgūsā murē wári weresārā yáma, ārīyupu.

<sup>5</sup> Jesús gapu neō yujubiriyupu. Irasirigu Pilato ĩāgakakōāyupu.

*Jesúre wējēdoredea*

(Mt 27.15-31; Lc 23.13-25; Jn 18.38-19.16)

<sup>6</sup> Bojoriku pascua bosenu āārīmakū, Pilato sugu peresugue āārīgūrē masaka wiudoregure wiunayupu.

<sup>7</sup> Iripoere Barrabás wāikugu gajerā romano marā oparārē béoduarā masakare wējēnerā merā peresugue āārīyupu.

<sup>8</sup> Iri bosenu āārīmakū, Pilato purogue wārā masaka nerē:

—Mu bojoriku irinarōsūta irika doja! ārī sērēñurā.

<sup>9</sup> Pilato ĩgūsārē yujyupu:

—¿Musā judío masaka Opure yu wiunakū gāāmerī? ārīyupu.

10 Pilato, paía oparā Jesúre iāturisīā, ĩgūsā ĩgūrē wiamakū masĭgū, irasū āriyupū.

11 Paía oparā gapū masakare: “Barrabāre wiuka!” āri gainidoreñurā.

12 ĩgūsā irasū ārimakū pé, Pilato ĩgūsārē sērēñayupū:

—Musā judío masaka Opū, āriĭgū merā gapūre, ĩnasirimakū gāāmekuri?

13 ĩgū irasū ārimakū, buro gainirī merā:

—Curusague pábiatú wějēka ĩgūrē! āriñurā.

14 Pilato ĩgūsārē āriyupū:

—ĩNeéno ñerīrē iriari ĩgū, musā irasū ārimakū?

ĩgūsā gapū dupaturi:

—Curusague pábiatú wějēka ĩgūrē! āri gainiñurā.

15 Irasirigū Pilato ĩgūsā ĩgū merā oārō dujamakū iridūagū, ĩgūsā gāāmerōsūta Barrabāre wiuyupū. Jesús gapūre tārādore, pūru surarare wiayupū, ĩgūrē curusague pábiatúdogū.

16 Irasirirā surara Jesúre Pilatoya wii disipūroma yebague āijañurā. Irogue āārīpererā surarare Jesús pūro neeñurā.

17 Pūru suríro buro diiariñerē ĩgūrē sāñurā. ĩgūya dipurure pora bero ĩgūsā iriadea berore peoñurā.

18 Pūru: “Būremurā aarika judío masaka Opūre!” āri gainiñurā.

19 ĩgūya dipurure yukū dukā merā pá, ĩgūrē síku eotúbiranañurā. ĩgūrē buridarā ñadukupuri merā ejamejājanañurā.

20 Pūru irasiri burida odo, suríro diiariñerē túwea, ĩgūya surírore sāñurā doja. Irasiri odo, ĩgūrē curusague pábiatú wějēmurā āiākōāñurā.

*Jesúre curusague pábiatúdea*

*(Mt 27.32-44; Lc 23.26-43; Jn 19.17-27)*

21 ĩgūrē āiārā, sugū Cirenemū Simón wāikūgūre poegue āārādi dujarigūre bokatīriñurā. ĩgū Alejandro, Rufo wāikurā pagū āārīyupū. ĩgūrē bokatīri, Jesús kōādea curusare kōāadoreñurā.

22 Gólgota wāikūrogue Jesúre āijañurā. “Gólgota”, āriřō: “Masakū dipuru boaweadea pero”, āriđuaro yāa.

23 Irogue eja, Jesúre igui deko mirra wāikuri merā morēadeare tīādiñurā. Jesús gapū iirībiriypū.

24-25 Pūru irogue ñamigāgā nueve hora āārīmakū Jesúre curusague pábiatú āiwāgānúkōāñurā pama. Odo, ĩgūya suríre: “ĩNoārē dujarokuri?” āriřboka birañurā, irire ĩgūsā basi gāme dukawamurā.

26 “ĩi āsū iridea waja boami”, āriřā: “ĩita judío masaka Opū āārīmi”, āri gojadea majīrē curusague ĩgū weka pábiatúñurā.



27 Jesús merã pērã yajarikurãrẽ gaji curusarigue pábiatú ãiwãgũnúñurã. Sugure ìgũ diaye gapu, gajigure kúgapu pábiatú ãiwãgũnúñurã.

28 Jesúre ìgũsã irasirimakũ, Marĩpuya werenĩrĩ gojadea pũgue gojaderosũta waayuro: “Ìgũ ñerĩ irigu irirosũ ñerã merã wẽjẽsũgukumi”, ãrĩ gojasũdero ããrĩbũ.

29 Masaka irogue ããrĩrã Jesús pũro ejanugãja, buridari merã ìgũrẽ ìgũsãya dipure sagui, ñerõ werenĩñurã.

—Jũú, mu Marĩpuya wiire béo, pũru urenu waaró merãta iri wiire dupaturi iri odogukoa, ãrĩ wereníbũ.

30 Irasirigu mu basi tauka! Curusague merã dijarika! ãrĩñurã.

31 Paía oparã, Moisés gojadeare buerimasãde ìgũrẽ ãsũ ãrĩ buridañurã:

—Gajerã gapure taumi. Ìgũ basi gapu taumasĩbemi.

32 Diayeta Cristo, Israel bumarã Opũ ããrĩgũ, curusague merã ìgũ dijarimakũ ìãrã, marĩ ìgũrẽ buremurãkoa, ãrĩ buridañurã. Ìgũ merã pábiatú ãiwãgũnúñũanerãde irasũta ãrĩ buridañurã.

### *Jesús boadea*

(Mt 27.45-56; Lc 23.44-49; Jn 19.28-30)

33 Goeripoe ããrĩmakũ, i nikũ ããrĩpererogue naĩtĩãkõãyuro. Ure hora gora naĩtĩãyuro.

34 Ure hora ejamakũta Jesús buru gainiyupu:

—Eloi, Eloi, ¿lama sabactani? ãrĩyupu. Irasũ ãrĩgũ: “Yũ Opũ, yũ Opũ ¿nasirigu yure béori mu?” ãrĩgũ iriyupu.

35 Surãyeri iro ããrĩrã, ìgũ irasũ ãrĩ gainĩmakũ pérã:

—Péka! Marĩpuya kerere weredupuyudire Eliare siiugu yámi, ãrĩñurã.

36 Sugũ ìgũsã merãmu ãmawãgã, igui deko piari yosadea yusare yukũ yuwague siatú, Jesúre iiriburo, ãrĩgũ soemuúyupu. Irasũ soemuúgũ, ãsũ ãrĩyupu:

—Ìãñarã marĩ, ìgũ curusague ããrĩgũrẽ Elías ãĩdijugu aari-makũ, ãrĩyupu.

37 Jesús buru gainí, kũmoakõãyupu.

38 Ìgũ kũmomakũta Marĩpuya wii poekama taribu disipũro kãmutari gasiro ãmarõ gapu merã yegue dijari, deko merã yeguesiajayuro.

39 Jesús boamakũ ìãgũ, romano surara opũ:

—Ìĩ diayeta Marĩpũ magũ ããrãdañumi, ãrĩyupu.

40 Nomedede yoaweyarogue Jesúre iũnĩñurã. Ìgũsã nome watopeguere María Magdalena ããrĩyupo. Gajego María Santiago, ìgũ tĩgũ José pago ããrĩyupo. Gajego Salomé ããrĩyupo.

41 Jesús Galileague ããrĩmakũ, ĩgũrẽ iritamunerã nome ããrĩñurã. Gajerã nome wãrã ããrĩñurã, Jerusalẽgue ĩgũ merã waanerã nome.

*Jesúya dupure masãgobegue pídea*  
(Mt 27.57-61; Lc 23.50-56; Jn 19.38-42)

42-43 Naĩmejãripoe ããrĩmakũ, judío masaka siuñajãrĩnu ñajãburo dupuyuro José, Arimatea wãĩkuri makãmu Pilato pũrogo ejayuru. Judío masaka oparã watopemu ããrĩyuru. ĩgũ Marĩpu ĩgũyarãrẽ doreburire yũgu iriyuru. Irasirigu gũiro marĩrõ Pilato pũro eja, Jesúya dupure yáabu sërẽyuru.

44 ĩgũ irasũ ãrĩ sërẽmakũ, Pilato pégukakõãyuru. Irasirigu surara opure siiu:

—¿Jesús ããrĩrõta boakõãrĩ? ãrĩ sërẽñayuru.

45 Surara opu ĩgũrẽ: “Boakõãmi”, ãrĩ wũjumakũ pégũ, Pilato Josere Jesúya dupure ãĩdijudoreyuru.

46 Irasirigu José õãrĩ surĩro gasiro wajari, Jesúya dupure ãĩdiju, iri gasiro merã õmayuru. Pũru su gobe masãgobe ãtãyegue mádea gobegue píyuru. Irasiri odo, iri gobere ãtã majĩ merã biayuru.

47 ĩgũ Jesúya dupure yáamakũ, María Magdalena, gajego María José pago ããñurã.

## 16

*Jesús masãdea*  
(Mt 28.1-10; Lc 24.1-12; Jn 20.1-10)

1 Judío masaka siuñajãrĩnu\* tariadero pũru, María Magdalena, gajego María, Santiago pago, gajego Salomé, sũrõrĩ wajariñurã Jesúya dupure piupeomurã.

2 Semana ããrĩpũrorirĩnũrẽ† ĩgũsã nome ñamigãgã, abe mũrĩriripoe Jesúya dupure yáadea masãgobegue waañurã.

3 Irogoe waarã:

—¿Noã marĩrẽ iri masãgobe biadea ãtã majĩrẽ tũpãbosarãkuri? ãrĩ werenĩwãgãñurã.

4 Irogoe ejarã, iri gobere biadea ãtã majĩ miẽrẽ gajerogue oyamakũ ããñurã.

5 Irasirirã iri gobegue ñajãa, sugũ maamu diayemapãrẽ gapũ surĩro yoaro õãrõ borero sãñadi doamakũ ããñurã. ĩgũrẽ ããrã, ããgukakõãñurã.

6 ĩgũ gapũ ĩgũsãno merẽ ãrĩyuru:

—Gũkabirikõãka! Mũsã Jesús Nazaretmũrẽ, ĩgũsã curusague pãbiatú wẽjẽadire ãmarã yáa. Masãsiami. Oõrẽ mámi. ĩãka, ĩgũsã ĩgũrẽ píaderore!

\* **16:1** Judío masaka siuñajãrĩnu, sãbado ããrã. † **16:2** Semana ããrĩpũrorĩnũno, domingo ããrã.

<sup>7</sup> Īgũ buerārē, irasũ āārĩmakũ Pedrore wererã waaka! Īgũ masã dupuyuro Galileague waasiami. Irogue masã ĩgũrē ĩārãkoa ĩgũ ārĩderosũta, ārĩyupũ.

<sup>8</sup> Īgũ irasũ ārĩmakũ pé, bũro gũka naradari merã waakõañurã. Bũro gũisĩã, gajerārē ĩgũsã ĩãdeare werebiriñurã.

*Jesús María Magdalenarē deyoadea*  
(Jn 20.11-18)

<sup>9</sup> Jesús semana āārĩpũroririnu boyoripoe, ĩgũ masãdero pũru María Magdalenarē deyoapũroriyupũ. Igo su mojõma pere gaji mojõ peru pērēbejarã wãtēārē ĩgũ béowiusũdeo āārĩyupo.

<sup>10</sup> Jesús igore deyoadero pũru, ĩgũ buerārē igo ĩãdeare werego waayupo. ĩgũsã bũro bujawereri merã orerã iriñurã.

<sup>11</sup> Igo ĩgũsãrē: “Jesús okami, ĩgũrē ĩãbu”, ārĩ wererire pérã, bũremubiriñurã.

*Jesús ĩgũ buerire tũyarã pērārē deyoadea*  
(Lc 24.13-35)

<sup>12</sup> Pũru Jesús gajerã pērārē makã tũroque waarārē deyoayupũ. ĩgũ deyoapũrorigu, deyoderosũ deyobiriyupũ. Irasirirã ĩgũrē ĩãmasĩbiriñurã.

<sup>13</sup> ĩgũrē ĩãmasĩ, pũru ĩgũ buerã āārĩrõgue waa, Jesús ĩgũsãrē deyoadeare wereñurã. ĩgũsãdere bũremudũabiriñurã.

*Jesús ĩgũ buerārē ĩgũyare buedoregũ pídea*  
(Mt 28.16-20; Lc 24.36-49; Jn 20.19-23)

<sup>14</sup> Jesús ĩgũ boa, masãdero pũru, ĩgũ buerã pe mojõma pere su gubu suru pērēbejarārē ĩgũsã baa doanĩrõgue deyoa, ārĩyupũ:

—¿Nasirirã, yũ masãdea kerere pékererã, bũremuberi, ĩgũsã masãrē werekererũ? Bũremurĩ opabea masã, ārĩyupũ.

<sup>15</sup> Pũru ĩgũsãrē ãsũ ārĩyupũ doja:

—Āārĩpererogue marārē Marĩpũ masakare tauri kerere wererã waaka!

<sup>16</sup> Yũre bũremurã, deko merã wãĩyesũrã tausũrãkuma. Yũre bũremumerã gapũ peamegue béosũrãkuma.

<sup>17</sup> Yũre bũremurã yũ wãĩ merã, yũ turaro merã wãtēārē masakaguere ñajãnerārē béowiurãkuma. Gaji masã ya ĩgũsã dupuyuro werenĩmasĩbirideare werenĩrãkuma.

<sup>18</sup> Āñarē ñeãmakũ, ĩgũsãrē ñerõ waabirikoa. Nima iirĩmakũdere pũrĩbirikoa. Pũrĩrikurārē ĩgũsãya mojõrĩ merã ñapeomakũ, ĩgũsãrē pũrĩrĩ tarirokoa, ārĩyupũ Jesús ĩgũ buerārē.

*Jesús ãmũgasigue mũrĩadea*  
(Lc 24.50-53)

<sup>19</sup> Marĩ Opũ Jesús irasũ ārĩ were odoadero pũru, Marĩpũ ĩgũrē ãmũgasigue ãimũrĩayupũ. Irasirigu irogue ejagu, Marĩpũ ãiaye gapũ eja doayupũ.

20 Īgũ buerã ĩgũ masakare tauri kerere ããĩpererogue wererã waañurã. Īgũsã irasũ weregorenamakũ, marĩ Opм Jesús ĩgũsãrẽ iritamuníkõãyupм. Irasirigм ĩgũ turari merã ĩgũsãrẽ iri ĩmurĩrẽ irimakũ irinayupм, masakare ĩgũsã wererire: “Diayeta ããrã”, ãrĩ bмremudoreгм.

Iropãta ããrã.

## SAN LUCAS

*Lucas, opu Teófilo wāikugure gojadea*

1-2 Opu Teófilo, yu mure òadore. Gu watopere Jesús irinugadeare iānerā guare igūya kerere buema. Wārā gajirā, igūsā guare buederosūta keoro gojanugāsianerā āārīmā.

3-4 Yude āārīpereri Jesús irinugadeare masīpeoduagu, òārō buehu. Irasirigu mure gajirā buedeare: “Diayeta āārā”, āārī masiburo, āārgū, irire keoro gojāa.

*Marīpure wereboegu Juan masakare wāiyerimasū deyoaburire werede*

5 Herodes, Judea nikū marā opu āārīripoe sugu paí Zacarías wāikugu āārīyupu. Igū, paí Abías wāikuguya bumū āārīyupu. Igū marāpo Isabel wāikugo, paí Aarón wāikugu parāmeō āārīturiagoue āārīyupo.

6 Igūsā pērāgueta Marīpu iūrōrē diayemarē irirā, Moisére doreri pídeadere tarinugābiriñurā. Irasirirā gajirā igūsārē: “Ñerī irirā āārīma”, āārīmasībiriñurā.

7 Isabel pūrā marīgōno āārīyupo. Irasirirā pūrā marīrāta, muñuakōāñurā.

8 Sun Zacaríaya bumarārē Marīpuya wiigue Marīpu iūrō moārī āārīyuro. Irasirirā, igū paíare iridorederosūta irirā iroque waañurā.

9 Iroque ejadero puru, igūsā paía irinarōsū Zacaríare sūrōrī soemubure beyebokañurā. Irasirigu Zacarías Marīpuya wiima taribugue soemugū ñajāyupu.

10 Igū irire soemuripoe iri taribu wirinugārōgue wārā masaka Marīpure sērērā iriñurā.

11 Igū soemuripoe sugu Marīpure wereboegu sūrōrī soemurō diaye gapu Zacaríare deyoayupu.

12 Zacarías igūrē iāgū, iāguka, nasirimasībiriyupu. Buro güiyupu.

13 Igū güimakū iāgū, Marīpure wereboegu gapu āsū ārīyupu:  
—Zacarías, güibirikōāka! Marīpu mu sērērē pēmi. Mu marāpo Isabel sugu majīgū pūrākugokumo. Igūrē “Juan” wāiyeka!

14 Igū merā buru usuyagukoa. Wārā gajirā igū deyoamakū, usuyarākuma.

15 Igū Marīpu iūrōrē ubu āārīgū meta āārīgukumi. Igui deko pāmūrē, siburidere neō iiribirikumi. Igū deyoaburi dupiyurogueta Ōāgū deyomarīgūrē opatarisiagukumi.

16 Wárã Israel bumarãrẽ Marĩpũre gũñaduúnerãrẽ dupaturi gũñamakũ irigukumi doja.

17 Marĩ Opũ aariburi dupiyuro Elías Marĩpũya kerere weredupiyudi werederosũta Ōãgũ deyomarĩgũ turari merã masakare weregukumi. Pagusãmarã ĩgũsã pũrã merã õãrõ ããrĩburo, ãrĩgũ; tarinũgãrĩmasãdere oparã dorerire õãrõ yujuburo, ãrĩgũ, Marĩpũyare weregukumi. Irasirigũ masaka marĩ Opũre õãrõ usũyari merã bokatĩrĩñeãburo, ãrĩgũ, irire weregukumi, ãrĩyupũ Marĩpũre wereboegũ Zacariãre.

18 ĩgũ irasũ ãrĩmakũ pégu, Zacarías sêrẽñayupũ:

—¿Nasirigũ yũ ire: “Diayeta ããrã”, ãrĩmasĩbukuri? Yũ bũgũrogora ããrã. Yũ marãpode búro ããrĩmo, ãrĩyupũ.

19 ĩgũ irasũ ãrĩmakũ pégu, ãsũ ãrĩ yũjũyupũ:

—Yũ Marĩpũre wereboegũ, Gabriel wãikũgũ, Marĩpũ pũro ããrĩgũ ããrã. ĩgũta yũre iriuami, mũrẽ i õãrĩ kerere were-doregũ.

20 Dapagorare yũ wererire mũ bũremubiri waja, werenĩbi dujagũkoa. Mũ magũ deyoadero pũrũ, werenĩgũkoa doja. Marĩpũ: “Irasũ waaburo”, ãrĩmakũ, yũ mũrẽ ãrãderosũta waarokoa, ãrĩyupũ Gabriel Zacariãre.

21 ĩgũ irasũ ãrĩ wereripoere masaka, iri taribu wirinũgãrõgue ããrĩrã Zacariãre yũrã iriñurã. “¿Naásũ waayuri, ĩgũ iropa yoaripoe deyomarĩgũ?” ãrĩ gũñañurã.

22 Zacarías iri taribugue ããrãdi wirijagũ, ĩgũsãrẽ weredũagũ, neõ werenĩmasĩbiriypũ. Irasirigũ ĩgũya mojõrĩ merã irikeoyupũ. Masaka, ĩgũ irasirimakũ ããrã: “Iri taribugue Marĩpũ ĩmuadeare ĩãgukakõãkumi”, ãrĩ gũñañurã.

23 Zacarías Marĩpũya wiigũ Marĩpũ ĩũrõ moãrĩrẽ iripeo, ĩgũya wiigũ goedujãkõãyupũ.

24 Pũrũ ĩgũ marãpo Isabel nijĩpo ããrĩnũgãyupõ. Su mojõmarã abe neõ wiriro marĩrõ igoya wiigũ ããrĩkõãyupõ.

25 ãsũ ãrĩ gũñayupõ: “Marĩpũ, yũ pũrã marĩgõ ããrĩdeore iritamugũ irasũ yãmi, masaka yũre ĩãbéobirikõãburo, ãrĩgũ”.

*Marĩpũre wereboegũ Marĩare Jesús deyoaburire weredea*

26 Isabel nijĩpo ããrĩnũgãdero pũrũ, su mojõma pere gaji mojõ suru pẽrẽbejari abe waaró merã Marĩpũ ĩgũrẽ wereboegũ Gabriere Galilea nikũma makã Nazaret wãikũri makãgue,

27 sugo nomeõ Marĩa wãikũgo, neõ sugũ ãmũũ merã ããrĩbeo pũrogue iriuyupũ. Igo, José wãikũgũ opũ David parãmi ããrĩturiagu merã marãpũkũbo iriyupõ.

28 Gabriel, igo ããrĩrõgue ñajãa, igore:

—Mũrẽ õãdorea. Marĩpũ mũrẽ õãrõ irigũ ããrĩmi. ĩgũ marĩ Opũ mũ merã ããrĩmi. ããrĩpererã nome nemorõ mũrẽ õãrõ iritarinũgãgũkumi, ãrĩ õãdoreyupũ.

29 María, ĩgũrẽ ĩãgõ, ĩgũ irasũ ãrĩrĩrẽ pégo, pégukakõãyupo. “¿Naásũ ãrĩdũaro irikuri ĩgũ yũre õãdoreri?” ãrĩ, bũro gũñayupo.

30 Igo gũkamakũ ĩãgũ, Marĩpũre wereboegu ãrĩyupũ:

—María, gũibirikõãka! Marĩpũ ĩũrõrẽ mũ õãrĩ bokabũ. Mũ merã usuyami.

31 Irasirigo mũ dapagorare nijĩpo ããrĩnũgãgokoa. Sugũ majĩgũ pũrãkũgokoa. ĩgũrẽ “Jesús” wãiyegokoa.

32-33 ĩgũ ubu ããrĩgũ meta ããrĩgukumi. Marĩpũ ããrĩpererã nemorõ turagũ, ĩgũrẽ: “Yũ magũ ããrã mũ”, ãrĩgukumi. David, mũ magũ ñekũ, Israel bumarã opũ ããrĩdi ããrĩmĩ. Marĩpũ Davire opũ píderosũta mũ magũdere Opũ pígukumi Israel bumarãrẽ dorenĩbure. ĩgũ doreri neõ perebirikoa, ãrĩyupũ.

34 ĩgũ irasũ ãrĩmakũ pégo, María ĩgũrẽ sãrẽñayupo:

—¿Nasiro yũre irasũ waabukuri, yũ neõ sugũ ãmũ merã ããrĩbirikeremakũ? ãrĩyupo.

35 Igo irasũ ãrĩmakũ pégu, ãsũ ãrĩyupũ:

—Õãgũ deyomarĩgũ mũguere dijarigũkumi. Marĩpũ ããrĩpererã Opũ turari, su ĩĩmikãyebo túbiaro irirosũ ejarokoa mũrẽ. Irasirigũ mũ magũ deyoabu, Marĩpũyagũ õãgũ ããrĩgũkumi. Masaka ĩgũrẽ: “Marĩpũ magũ ããrĩmĩ”, ãrĩrãkuma.

36 Mũ basudeo Isabede, bũro ããrĩkerego, sugũ majĩgũ pũrãkũgokumo. Masaka igore: “Pũrã marĩgõ ããrĩmo”, ãrĩkeremakũ, su mojõma pere gaji mojõ suru pãrẽbejari abegora opasiamo.

37 Marĩpũre ĩgũ iridũari, neõ diasabea, ãrĩyupũ.

38 ĩgũ irasũ ãrĩmakũ pégo, María ãrĩyupo:

—Yũ marĩ Opũre moãboego ããrã. Marĩpũ, mũ ãrĩrõsũta iriburo yũre, ãrĩyupo.

Igo irasũ ãrãdero pũrũ, Marĩpũre wereboegu waakõãyupũ.

### *María Isabere ĩãgõ waadea*

39 Irinũrĩta María mumurõ merã Judea nikũ ãtãyuku watopegue ããrĩrĩ makãgue waayupo.

40 Iroque eja, Zacarĩaya wiigue ñajãa, Isabere õãdoreyupo.

41 Igo õãdorerire pémakũ, Isabel magũ igoya patoregue ããrĩgũ bũro gãmeñayupũ. Igo, Õãgũ deyomarĩgũrẽ opatariyupo.

42 Irasirigo turaro merã ãsũ ãrĩyupo:

—Marĩpũ ããrĩpererã nome nemorõ mũrẽ õãrõ iritarinũgãmi. Mũ magũdere õãrõ yãmi.

43 Mũ, yũ Opũ pago yũre ĩãgõ ejamakũ õãtaria.

44 Mũ õãdorerire yũ pémakũta, yũ magũ yaa patoregue ããrĩgũ bũro usuyari merã gãmeñami.

45 Marĩpũ wereboegu mũrẽ wereadeare: “Keoro waarokoa”, ãrĩ buremusiã, õãrõ usuyari merã ããrã, ãrĩyupo Isabel Mariãre.

46 Irasirigo Mariã ãsũ ãrĩyupo:

Yaa yũjũpũrãgue yũ Opũre: “Õõtaria mũ”, ãrĩ, usuyari siã.

47 Marĩpũ yũre taugu merã bũro usuyãa.

48 Yũ ubu ããrĩgõ ããrĩkeremakũ, Marĩpũ yũre ĩgũrẽ moãboegore gũñami. Irasirirã dapagora merã masaka yũre: “Marĩpũ igore õãrõ iridea merã bũro usuyadeo ããrĩmó”, ãrĩnĩkõãrãkuma.

49 Marĩpũ turatarigu yũre wãri õãrĩrẽ yãmi. ĩgũ õãtarigu, neõ ñerĩ opabi ããrĩmi.

50 ããrĩpererã gopeyari merã ĩgũrẽ buremurãrẽ bopoñanĩkõãgũkumi.

51 ĩgũ turari merã wãri õãrĩrẽ iri ĩmumi. “Gũa gajirã nemorõ ããrã”, ãrĩ gũñarãnorẽ ubu ããrĩrã dujamakũ yãmi.

52 Oparãrẽ ubu ããrĩrã dujamakũ yãmi. Ubu ããrĩrã: “Gajirã nemorõ ããrĩbea”, ãrĩ gũñarã gapũre oparã dujamakũ yãmi.

53 Hãboarimasãrẽ wãri õãrĩ siĩmi. Wãri oparã gapũre neõ gajino opamerã dujamakũ yãmi.

54-55 Marĩ ñekũsãmarãrẽ: “Iritamugũra”, ãrĩderosũta Abrahãrẽ, ĩgũ parãmerã ããrĩturiarãdere iritamunĩkõãmi. Irasirigu marĩ Israel bumarãrẽ, ĩgũrẽ moãboerãrẽ ĩgũ ãrĩdeare neõ kãtiro marĩrõ bopoñarĩ merã iritamunĩkõãmi, ãrĩyupo Mariã.\*

56 Mariã, Isabel merã urerã abegora ããrĩyupo. Pũru igoya wiigũ goedujãkõãyupo.

### *Juan masakare wãiyerimasũ deyoadea*

57 Pũru Isabel majĩgũ deyoarinopoe nijĩwãgũdero pũru, igo magũ deyoayupu.

58 Irasirirã igo pũro ããrĩrã, igoyarã, Marĩpũ igore õãrõ iridea kerere pãrã, igore usuyatamurã waañurã.

59 Igo magũ deyoadero pũru, su mojõma pere gajĩ mojõ ureru pẽrẽbejarinũrĩ waaró merã majĩgũrẽ ĩgũya dũpũma gasirogãrẽ\* wiirirã waañurã. ĩgũrẽ ĩgũ pagũ “Zacariã” wãirẽ wãiyedũadiñurã.

60 Isabel gapũ ĩgũsãrẽ:

—ããrĩbea. ĩgũ: “Juan” wãĩkũgũkumi, ãrĩyupo.

\* 1:54-55 1 S 2.1-10; Sal 113.5-9; Gn 17.7 \* 1:59 Gn 17.1-14: Iripoegue Marĩpũ Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dũpũma gasirogãrẽ wiiridoredi ããrĩmi. Pũru iri dorerire Moisiere pidi ããrĩmi. Irasirirã judiõ masaka Abraham parãmerã ããrĩturiarã iri dorerire irirã, ĩgũsã pũrã ãmarẽ su mojõma pere gajĩ mojõ ureru pẽrẽbejarinũrĩ waaró merã ĩgũsã deyoadero pũru irasũ yãma.



61 Igo irasũ āřĩmakũ pérã, igore:

—¿Nasirigũ irasũ wãĩkũbukuri? Neõ mũyarã irasũ wãĩkũrã máma, āřĩñurã.

62 Irasirirã Zacariare: “¿Mũ naásũ wãĩyedũakuri?” āřĩrã, mojõrĩ merã irikeo, sērẽñañurã.

63 Irasirigũ Zacarías su taboa majĩ sērẽ, iri majĩgue:

—“Juan wãĩkũgũkumi”, āřĩ gojayurũ. Īgũ gojarire ĩārã, gũkakõãñurã.

64 Irire gojagũta Zacarías werenĩbi āārãdi wereniãkõãyurũ doja. Irasirigũ Marĩpũre: “Õátaria mũ”, āřĩ, mũyari sĩyurũ.

65 Āārĩpererã Zacarías pũro āārĩrã, ĩgũ werenĩmakũ pérã, gũkakõãñurã. Āārĩpererogue Judea nikũ marã ãtãyuku watopegue āārĩrãrẽ Juan deyoadeare wereñurã.

66 Īgũ deyoadea kerere pérã, āārĩpererã gũña, ãsũ āřĩ gãme sērẽñañurã:

—Ĩĩ majĩgũ buguro waagũ, ¿naásũ āārĩrikũgũkuri Marĩpũ turari merã deyoadi? āřĩñurã.

### *Zacarías Marĩpũre bayapeodea*

67 Zacarías, Õãgũ deyomarĩgũrẽ opatarigũ Marĩpũ ĩgũrẽ weredorerire ãsũ āřĩ wereyurũ:

68 Marĩpũre Israel bumarã Opũre mũyari sĩrã! Marĩ ĩgũyarã pũrogue marĩrẽ taugũ aarĩmi.

69 Irasirigũ marĩrẽ taubure turatarigũre iriugũkumi. Īgũ, David Marĩpũre moãboerimasũ āārĩdi parãmi āārĩturiagugue āārĩmi.

70 Iripoegue Marĩpũ, ĩgũya kerere weredupiyurimasã ñerĩ marĩrã merã marĩrẽ tauburire ãsũ āřĩ weredi āārĩmi:

71 “Āārĩpererã mũsãrẽ ĩãturirãrẽ, wajarãkũrãrẽ, mũsãrẽ tariw-eremakũ irigũra”, āřĩ weredi āārĩmi.

72 Irasirigũ marĩ ñekũsãmarãrẽ: “ ‘Mũsãrẽ bopoñarĩ merã ĩãgũ, õãrõ irigũra’, āřĩdeare neõ kãtibirikoa”, āřĩ weredi āārĩmi.

73 Irire Marĩpũ marĩ ñekũ Abrahãrẽ weredi āārĩmi.

74 Irasirigũ marĩrẽ ĩãturirãrẽ wĩjatagũkumi, gũiri marĩrõ ĩgũ dorerire iritũyaburo, āřĩgũ.

75 Āārĩperero marĩ okaro bokatĩũrõ marĩrẽ ĩgũyarã, diayemarẽ irirã āārĩmakũ irigũkumi, āřĩyurũ Zacarías.

Irasũ āřĩ odo, ĩgũ magũgãrẽ āřĩyurũ:

76 Mũka, masaka mũrẽ: “Marĩpũ āārĩpererã nemorõ turagũya kerere weredupiyurimasũ āārĩmi”, āřĩrãkuma. Mũ, marĩ Opũ aariburi dupiyuro ĩgũ aariburi maarẽ diayema maa ãmugũ irirosũ ĩgũyare weregũ waagũkoa.

77 Marĩpũyarãrẽ ãsũ āřĩ weregũkoa: “Marĩpũre: ‘Gũa ñerõ irideare kãtika!’ āřĩ sērẽmakũ, mũsãrẽ kãtigũkumi.

Irasirigu musārē perebiri peamegue waabonerārē taugukumi”, ārīgukoa.

78 Marīpu marīrē bopoñarī merā maĩsĩā, ūmɸ, maamanɸ boyoro irirosū waamakū irigukumi, ūmɸgasigue merā marīrē taubure iriugɸ.

79 Naĩtĩārōgue āārĩrārē boyori sīgukumi perebiri peamegue waabonerārē ĩgūrē masĩburo, ārīgū. Irasirigu marīrē ĩgū merā ōārō siñajārī bokamakū irigukumi, ārī wereyupɸ Zacarías.\*

80 Majīgū ōārī gūñarī merā, Marīpu turari merā masāyupɸ. Masaka marĩrōgue yoaripoe āārīyupɸ. Irogue āārīgúta Israel bumarārē buenɸgāyupɸ.

## 2

### *Jesús deyoadea* (Mt 1.18-25)

1 Marīpu magū deyoaburi dupiyuro romano marā opɸ Augusto wāikɸgɸ ĩgūya nikū marārē āārĩpererārē keoñabu, ĩgūsā wāirē gojatúdoreyupɸ.

2-3 Irasirirā āārĩpererā masaka ĩgūsā ñekūsāmarā deyoadea makārĩgue ĩgūsā wāirē gojatúrā waañurā. Siria nikū marā opɸ Cirenio wāikɸgɸ āārĩripoe gojatúnɸgāñurā.

4 Irasirigu Joséde, Galilea nikūma makā Nazaregue āārādi, Judea nikūma makā Belēgue waayupɸ. Belén, David deyoadea makā āārīyuro. ĩgū, David parāmi āārīturiagu āārĩsĩā, irogue waayupɸ.

5 ĩgū marāpo āārĩbo María merā ĩgū wāirē gojatúgɸ waayupɸ. María gapɸ nijĩpo āārīyupo.

6 Irasirigo irogue āārīgō, nijĩwāgūyupo.

7 Kārĩrī wii uturimakū ĩā, José, María merā wekɸa wiigue kārĩrā waañurā. Iri wiigue María neō pūrākubeo āārĩdeo, majīgū pūrākɸnɸgāyupo. ĩgū deyoamakū, surí gasiri merā ōma, wekɸa baari korogue ĩgūrē sāyupo.

### *Marĩpure wereboerā oveja korerimasārē deyoadea*

8 Belén turogue ovejare korerimasā āārĩñurā. Ñamiriku irogue dita ĩgūsāyarā ovejare koreboyoanañurā.

9 Irogue ĩgūsārē gūñaña marĩrō sugɸ Marĩpure wereboegɸ deyoayupɸ. ĩgū deyoamakū, Marĩpu gosesiriri ĩgūsārē boyoyuro. Irasū waamakū ĩāguka, bɸro gūiñurā.

10 Marĩpure wereboegɸ āsū ārīyupɸ ĩgūsārē:

—Gübirikōāka! Musārē ōārī kerere āirigu yāa, āārĩpererā masaka usuyaburire.

\* 1:79 Mal 3.1; Is 9.2

11 Dapagã ñami, David deyoadea makãguere musârê taubu deyoami. Īgũ Marĩpu iriudi, Cristo musã Opũ ããrĩmi.

12 Musã majĩgũrê ĩārã waarã, surĩ gasiri merã õmadire, wekũa baari korogue sãñagũrê bokajarãkoa. Irasirirã ĩgũrê ĩārã: “Diayeta ããrãñumi”, ãrĩrãkoa, ãrĩyupũ.

13 Īgũ irire ãrĩripoeta gajirã wárã Marĩpũre wereboerã deyoa, Marĩpũre buremurã ãsũ ãrĩ bayañurã:

14 Marĩpu ãmũgasigue ããrĩgũrê: “Õãtaria mũ”, ãrĩ, usuyari sĩrã! I ãmũgue ĩgũ merã õārõ ããrĩrã siñajãrĩ opaburo, ãrĩ bayañurã.

15 Marĩpũre wereboerã ãmũgasigue mũrĩadero pũrũ, ovejare korerimasã ĩgũsã basi gãme werenĩñurã:

—Náka, dapagorata Belẽgue! Marĩpũre wereboegũ marĩrê wereaderosũta ĩārã waarã! ãrĩñurã.

16 Irasirirã mumurõ merã ĩārã waañurã. Irogue eja, Josere, Marĩare bokajañurã. Majĩgũ gapũre wekũa baari korogue sãñagũrê ĩãñurã.

17 Īgũrê ĩārã, iro ããrĩrãrê Marĩpũre wereboegũ majĩgũyamarê wereadeare wereñurã.

18 Īgũsã irire weremakũ pẽrã, ããrĩpererã pẽgũkakõãñurã.

19 Marĩa gapũ ããrĩpereri ĩgũsã wererire pẽgo, igoya yũpũrãgueta gũñaduripĩyupo.

20 Ovejare korerimasã Marĩpũre wereboegũ wereaderosũta ããrĩpereri ĩgũsã pẽadea, ĩãdea keoro waamakũ ĩārã, Marĩpũre: “Õãtaria mũ”, ãrĩ, usuyari merã goedujãakõãñurã.

### *Jesũre Marĩpũya wiigue ãĩadea*

21 Pũrũ su mojõma pere gaji mojõ ureru pẽrẽbejarinũrĩ waarõ merã majĩgũrê ĩgũya dupũma gasirogãrê wiiriñurã. Wiiri odo, Marĩpũre wereboegũ Marĩare, igo nijĩpo ããrĩburo dupiyuro ãrĩderosũta ĩgũrê “Jesũs” wãiyeyñurã.

22 Pũrũ Moises: “Ãsũ irika ãmũurê pũrãkũadero pũrũ!” ãrĩdeare iripeo, Josẽ, Marĩa merã Jesũre Jerusalẽgue ãĩãñurã, Marĩpũya wiigue Marĩpũre: “Mũyagũ ããrĩmi”, ãrĩ ĩmurã waarã.

23 Irire irirã, Marĩpu dorederosũta iriñurã. Ãsũ ãrĩ gojasũdero ããrĩbũ Marĩpu doreri gojadea pũgue: “Ããrĩpererã ãma deyoapũrorirã Marĩpũyarã ããrĩburo”, ãrĩ gojasũdero ããrĩbũ.

24 Irasirirã Josẽ, Marĩa merã Jerusalẽgue Marĩpu dorederosũta irirã waañurã. Ãsũ ãrĩ gojasũdero ããrĩbũ doja: “Pẽrã buja, o ĩgũsã marĩmakũ buja irirosũ deyorãgã pẽrã sĩka, Marĩpu ĩũrõ wẽjẽ soepeoburo, ãrĩrã”.

25 Iripoere Jerusalẽguere sugũ bũgũro Simeõn wãikũgũ ããrĩyupũ. Īgũ õãgũ, Marĩpũre buremugũ ããrĩyupũ. Israel

bumarārē taugu aaribure yugu iriyupu. Ōāgū deyomarīgū ĩgū merā āārīnkōāyupu.

<sup>26</sup> Iripoegue Ōāgū deyomarīgū ĩgūrē āsū ārī weredi āārīmí: “Cristo, Marĩpu iriubure iābita boabirikoa mu”, ārīdi āārīmí.

<sup>27-28</sup> Jesúre ĩgū pagusāmarā Jerusalēgue āijarinurē Ōāgū deyomarīgū Simeōrē Marĩpuya wiigue waadoreyupu. Marĩpu dorederosūta Jesúre iri wiigue āijamakū iā, Simeón ĩgūrē kōā, Marĩpüre usuyari sī, āsū ārĩyupu:

<sup>29</sup> Yu Opu, mu iripoegue ārīderosūta keoro yāa. Irasirigu da-pagorare yu murē moāboegu usuyari merā boamasīa.

<sup>30</sup> Īi majīgūrē masakare taubure yaa koye merā iāa.

<sup>31</sup> ĩgūrē masĩdoregu, āārĩpererā masaka ĩūrōgue iriubu.

<sup>32</sup> ĩgāta judío masaka āārĩmerārē murē masĩmakū irigu, sīāgori sīgū irirosū irigukumi.

Āārĩpererā masaka: “Marĩpu ĩgūyarā Israel bumarārē ōārō iritamumi”, ārĩrākuma, ārĩyupu Simeón.\*

<sup>33</sup> Simeón majīgūyamarē irasū ārĩmakū pérā, ĩgū pagusāmarā pégukakōāñurā.

<sup>34</sup> Simeón ĩgūsārē: “Marĩpu musārē ōārō iriburo”, ārī odo, Jesús pagore āsū ārĩyupu:

—Īi majīgū Marĩpu beyedi āārīmí. Wārā Israel bumarā ĩgūrē bāremumerā perebiri peamegue bēodijusūrākuma. ĩgūrē bāremurā gapu ũmugasigue āimurĩāsūrākuma. Marĩpu turari merā ĩgū iri ĩmumakū iārā, wārā masaka ñerō werenĩrākuma ĩgūrē.

<sup>35</sup> Irasiriri merā āārĩpererā masaka ĩgūsāya yujupūrārigue gūñarĩrē masĩsūrokoa. Mu gapu i merā muya yujupūrārē sareri maji merā saremakū pūrĩsūrōsū buro bujaweregokoa, ārĩyupu Simeón Marĩare.

<sup>36</sup> Gajigo Marĩpuya wiiguere Marĩpuya kerere weredupiyu-gode āārĩyupo. Igo Ana wāikugo, Fanuel magō, Aser bumo, búro āārĩyupo. Maamogora marāpukudeo āārādimo. Puru, su mojōma pere gaji mojō peru pērēbejari bojori waaró merā igo marāpu boakōāyupu.

<sup>37</sup> Irasirigo wapiweyo dujayupo. ĩgūsā Jesúre Marĩpuya wiigue āijaripoere ochenta y cuatro bojorigora opayupo. Iri wiiguere ũmuriku, ñamiriku bereri merā Marĩpüre sērēnayupo.

<sup>38</sup> Jesúre āijamakū iāgō, ĩgū puro aari ejanugā, Marĩpüre usuyari sīyupo. Puru āārĩpererā Jerusalén marārē taubure yūrārē Jesús deyoadeare wereyupo.

*Nazaretgue goedujáadea*

\* 2:32 Is 42.6; 49.6; 52.10

39 José, María Jerusalégue ããrãnerã, Marĩpu dorederosũta ããrĩpereri iripeo, Galilea nikũ ĩgũsãya makã Nazaretgue goedujãakõãñurã.

40 Irogue majĩgũ turagu õãrõ masĩgũ masãyupu. Marĩpu ĩgũrẽ õãrõ iritamuyupu.

### *Jesús Marĩpũya wiigüe waadea*

41 Bojoriku Jesús pagusãmarã pascua bosenuĩ ããrĩmakũ, Jerusalégue waanañurã.

42 Jesús pe mojõma pere su gubu peru pẽrẽbejari bojori oparipoe ĩgũsã irinarõsũ ĩgũ merã iri bosenuĩ irogue taurã waañurã.

43 Iri bosenu tariadero puru, ĩgũsãya makãgue Nazaretgue goedujãakõãñurã. Jesús gapu Jerusalégua dujakõãyupu. ĩgũ pagusãmarã ĩgũ irogue dujarire masĩbiriñurã.

44 “Gajirã marĩ merãmarã merã aarikumi”, ãrĩ gũñadiñurã. Puru Jerusalẽrẽ ĩgũsã wiriadeanu ñamika ããrĩmakũ, ĩgũsã merãmarã watopegue ĩgũrẽ ãmadiñurã.

45 Æma, ĩgũrẽ bokabiri, maa deko merãta gãme dujãakõãñurã doja Jerusalégue ãmarã waarã.

46 Ærenu puru Marĩpũya wiigüe Moisés gojadeare buerimasã watopegue doagure bokañurã. ĩgũsã werenĩrĩrẽ pé, ĩgũsãrẽ sẽrẽñanayupu.

47 ĩgũ masĩrĩ merã wererire, ĩgũ õãrõ yujurire pérã, ããrĩpererã pégukakõãñurã.

48 ĩgũ irogue doamakũ ããrã, ĩgũ pagusãmarã ããgukakõãñurã. Pago ĩgũrẽ ãrĩyupo:

—Maku, ¿nasirigu gũare irasiriari mu? Yu, mupu merã buro gũñarikuri merã murẽ ãmaabu, ãrĩyupo.

49 Jesús pagore ãsũ ãrĩ yujuyupu:

—¿Nasirirã yũre ãmaarĩ? Yuruyare yũre iriro gããmea ĩgũya wiiguere. ¿Irire masĩberi musã? ãrĩyupu.

50 ĩgũ irasũ ãrĩrĩrẽ ĩgũ pagusãmarã gapu pémasĩbiriñurã.

51 Puru Jesús ĩgũsã merã Nazaretgue goedujãakõãyupu. ĩgũ irinĩrõsũta ĩgũsã dorerire tarinũgãrõ marĩrõ yujunayupu. ĩgũ pago gapu ããrĩpereri ĩgũ Jerusalégue iriadeare igoya yujupũrãgue gũñaduripíyupo.

52 Jesús wãri masĩrĩ merã masãyupu. Marĩpu ĩgũrẽ: “Õãgũ ããrĩmi”, ãrĩ ãyupu. Masakade ããrĩpererã irasũta ãrĩ ããñurã.

## 3

### *Juan masakare wãiyerimasã buedea*

(Mt 3.1-12; Mr 1.1-8; Jn 1.19-28; 8.31-47)

1 Pe mojõma pere su gubu pẽrẽbejari bojori Tiberio wãikugu romano marã opu ããrĩrĩ ñajãdero puru, gajirã ĩgũ dokamarã

ĩĩsākũ ããrĩñurã: Poncio Pilato, Judea nikũ marã opũ ããrĩyupũ. Herodes, Galilea nikũ marã opũ ããrĩyupũ. Īgũ pagũmũ Felipe: Iturea, Traconite, pe nikũ marã opũ ããrĩyupũ. Gajigũ Lisantias, Abilinia nikũ marã opũ ããrĩyupũ.

<sup>2</sup> Gajirã pērã: Anás, Caifás wãikũrã paia oparã ããrĩñurã. Īgũsã oparã ããrĩripoere Zacarías magũ Juãrẽ masaka marĩrõgue ããrĩgũrẽ Marĩpũ Īgũyare weredoreyupũ.

<sup>3</sup> Irasirigũ Juan ããrĩperero dia Jordán wãikũdiya turogue masaka irogue ejarãrẽ:

—Mũsã ñerõ irideare bujawereka! Mũsã gũñarĩrẽ gorawayu, wãiyedoreka! Irasirimakũ, mũsãrẽ Marĩpũ mũsã ñerõ irideare kãtigukumi, ãrĩ werenayupũ.

<sup>4</sup> Juan irire irigũ, iripoegue Marĩpũya kerere weredupiyudi Isaías gojaderosũta iriyupũ. Āsũ ãrĩ gojadi ããrĩmĩ:

Masaka marĩrõgue sugũ bũro gaguinĩrĩ merã weregukumi:

“Marĩ Opũ aariburi dupiyuro Īgũ aariburi maarẽ diayema maa õãrĩ maa ãmurã irirosũ diayemarẽ irika!

<sup>5</sup> Dupa tũrũrĩ ããrãdeare yasurope piusũrokoa. Ʋtãyuku ããrãdeade keoro dujarokoa. Maarĩ dupaberori ããrãdeade diayema maarĩ dujarokoa. Goberikũri maarĩde su báparogueta dujarokoa.

<sup>6</sup> Marĩpũ marĩrẽ taubure iriumakũ, ããrĩpererã masaka ĩãrãkuma”, ãrĩ gojadi ããrĩmĩ.\*

<sup>7</sup> Wãrã masaka Juan pũrogue wãiyedorerã ejañurã. Juan Īgũsãrẽ ãrĩyupũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? Marĩpũ, gũa ñerõ iriri waja wajamoãbirikõáburo, ãrĩrã, ¿mũsã yure wãiyedorerã aarari?

<sup>8</sup> Mũsã: “Gũa ñerõ irideare bujawere, gũñarĩrẽ gorawayuabũ”, ãrĩrã, mũsã ñerõ irideare piri, õãrĩ gapũre irika! Mũsã: “Gũa Abraham parãmerã ããrĩturiarã ããrĩmakũ, Marĩpũ guare wajamoãbirikumĩ”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãa. Marĩpũ ĩ Ʋtãyeri merã Abraham parãmerã ããrĩturiarã waamakũ irimasĩmĩ”.

<sup>9</sup> Mũsã ñerĩ iririre piribirimakũ ĩãgũ, Marĩpũ mũsãrẽ bẽogukumi. Sugũ yukũ ñerĩ dukakũdire ĩã, kõme merã nugũrĩgue merãta diti, peamegue soebẽorosũ mũsãrẽ bẽogukumi, ãrĩyupũ Juan.

<sup>10</sup> Īgũ irasũ ãrĩmakũ pãrã, Juãrẽ sãrẽñañurã:

—¿Gũare nasiriro gããmerĩ?

<sup>11</sup> Juan Īgũsãrẽ yũjũyupũ:

—Sugũ peñe surĩro opagũ, opabire suñe sĩburo. Baari opagũ, baari opabire dukawaburo, ãrĩyupũ.

12 Gajirã romano marã oparãrẽ niyeru wajaseabosarã, Juan pũro wãiyedorerã ejañurã. Īgũsãde Juãrẽ sērẽñañurã:

—Gũare buegu, ¿gũare nasiro gããmerĩ?

13 Īgũsã irasũ ãrĩmakũ, Juan ãrĩyupũ:

—Musã oparã musãrẽ wajaseadoreaderopata wajaseaka! Īgũsã doreadero nemorõ wajaseabirikõãka! ãrĩyupũ.

14 Gajirã surara Juãrẽ sērẽñañurã:

—¿Gũakoare nasiro gããmerĩ? ãrĩñurã.

Īgũsã irasũ ãrĩmakũ, ãsũ ãrĩ yujuyupũ:

—Gajirã oparire ãmabirikõãka! Īgũsãrẽ niyeru ãmaduarã ãrĩkatori merã Īgũsã iribirideaguereta weresãbirikõãka! Musã moã wajatari merã usuyaka! ãrĩyupũ.

15 Masaka: “¿Naásũ ããrĩmakũ Marĩpũ iriubu aarigukuri?” ãrĩ gũñarã iriñurã. Irasirirã, Juan wererire pérã: “¿Ī Juan, Cristo ããrĩkuri?” ãrĩ gũñañurã.

16 Juan ããrĩpererã masakare ãsũ ãrĩyupũ:

—Yũ musãrẽ deko merã wãiyea. Gajigũ yũ pũru aarigũ, yũ nemorõ turagũ ããrĩmi. Yũ gapũ ubu ããrĩgũ, Īgũrẽ neõ sũropebirikoa. Īgũ aarigũ, musãrẽ Ōãgũ deyomarĩgũ merã, peame merã wãiyegukumi. Irasirigũ musãrẽ Ōãgũ deyomarĩgũ musã merã ããrĩnimakũ irigukumi, ñerĩrẽ soebéorosũ musãrẽ ñerĩrẽ béoburo, ãrĩgũ.

17 Trigo gasire korobéogũ irirosũ ããrĩmi. Gasire koro odo, iri yerire baari duripĩri wiigue duripĩgukumi. Iri gasiri gapũre peamegue soebéokõãgukumi. Iri peame neõ yaribirikoa, ãrĩyupũ.

18 Juan gaji wãri irasũ wereri merã masakare: “Ãsũ irika!” ãrĩ werenayupũ. Irasirigũ iri merã Marĩpũya õãrĩ kerere werenayupũ.

19 Iripoere opũ Herodes ĩgũ pagũmũ Felipe marãpore Herodías wãikũgore ãma, marãpokũyupũ. Iri waja, gaji wãri ñerõ iridea waja, Juan ĩgũrẽ: “Mũ irasirimakũ ñetaria”, ãrĩ wereyupũ.

20 Herodes, Juan wererire pérõno irigũ, ñerõ irinemo, ĩgũrẽ peresu iriri wiigue sóodoreyupũ.

*Juan Jesúre deko merã wãiyedeã*

*(Mt 3.13-17; Mr 1.9-11)*

21 Juan peresu iriri wiigue sóosũburi dupiyuro ããrĩpererã masaka ĩgũ pũro wãiyedorerã ejarãrẽ wãiyeyupũ. Jesúde ĩgũ pũroque wãiyedoregũ ejayupũ. Juan ĩgũrẽ wãiyẽ odomakũ, Jesús Marĩpũre sērẽripoe ãmũgasi tũpãkõãyuro.

22 Ōãgũ deyomarĩgũ, buja irirosũ deyogũ dijari, Jesús weka ejabejayupũ. Marĩpũ ãmũgasigue ããrĩgũ ãsũ ãrĩyupũ Jesúre:

—Mũ yũ magũ, yũ maĩgũ ããrã. Mũ merã burõ usuyãã, ãrĩyupũ.

*Jesucristo ñekūsāmarā āārīturiadea**(Mt 1.1-17)*

<sup>23</sup> Jesús treinta bojori opagu masakare buenugāyupu.  
Masaka Jesúre: “José magū āārīmi ñ”, ārī gūñadiñurā.

José, Elí magū āārīyupu.

<sup>24</sup> Elí Matat magū,

Matat Leví magū, Leví Melqui magū,

Melqui Jana magū, Jana José magū,

José Matatías magū,

<sup>25</sup> Matatías Amós magū,

Amós Nahum magū, Nahum Esli magū,

Esli Nagai magū, Nagai Maat magū,

<sup>26</sup> Maat Matatías magū, Matatías Semeí magū,

Semeí José magū, José Judá magū,

<sup>27</sup> Judá Joana magū, Joana Resa magū,

Resa Zorobabel magū, Zorobabel Salatiel magū,

Salatiel Neri magū, Neri Melqui magū,

<sup>28</sup> Melqui Adi magū, Adi Cosam magū,

Cosam Elmodam magū, Elmodam Er magū,

Er Josué magū,

<sup>29</sup> Josué Eliezer magū,

Eliezer Jorim magū, Jorim Matat magū,

Matat Leví magū,

<sup>30</sup> Leví Simeón magū,

Simeón Judá magū, Judá José magū,

José Jonán magū, Jonán Eliaquim magū,

Eliaquim Melea magū,

<sup>31</sup> Melea Mainán magū,

Mainán Matata magū, Matata Natán magū,

Natán opu David magū āārīdi āārīmí.

<sup>32</sup> David Isaí magū, Isaí Obed magū,

Obed Booz magū, Booz Salmón magū,

Salmón Naasón magū,

<sup>33</sup> Naasón Aminadab magū,

Aminadab Aram magū, Aram Esrom magū,

Esrom Fares magū, Fares Judá magū,

Judá Jacob magū āārīdi āārīmí.

<sup>34</sup> Jacob Isaac magū, Isaac Abraham magū āārīdi āārīmí.

Abraham Taré magū, Taré Nacor magū,

Nacor Serug magū,

<sup>35</sup> Serug Ragau magū,

Ragau Peleg magū, Peleg Heber magū,

Heber Sala magū,

<sup>36</sup> Sala Cainán magū,

Cainán Arfaxad magū, Arfaxad Sem magū,



Sem Noé magū āārīdi āārīmí.

Noé Lamec magū, Lamec Matusalén magū,

<sup>37</sup> Matusalén Enoc magū, Enoc Jared magū,

Jared Mahalaleel magū, Mahalaleel Cainán magū,

Cainán Enós magū, Enós Set magū,

Set Adán magū āārīdi āārīmí.

<sup>38</sup> Adán neōgorague Marīp̄u iridi, ĩgū magū āārīdi āārīmí.

## 4

*Wātī Jesúre ārīmesādidēa*  
(Mt 4.1-11; Mr 1.12-13)

<sup>1</sup> Jesús Ōāgū deyomarīgūrē opatariakōāyup̄u. Irasiriḡu Ōāgū deyomarīgū ĩgū dia Jordán wāik̄udiyague āārādire masaka marīrōgue āīayup̄u.

<sup>2</sup> Irogue Jesús cuarenta n̄arīgōra āārīyup̄u. Irogue āārīri坡e wātī ĩgūrē ārīmesāgū ejayup̄u. Iri cuarenta n̄arīrē Jesús neō baabiriyup̄u. Irasiriḡu n̄aboakōāyup̄u.

<sup>3</sup> ĩgū n̄aboamakū ĩāgū, wātī Jesúre āsū ārīyup̄u:

—Diayeta Marīp̄u magū āārīgū, m̄u turaro merā i ūtāyere p̄ā waamakū irika! ārīyup̄u.

<sup>4</sup> Jesús ĩgūrē yuj̄yup̄u:

—Ȳp̄u ya werenírī gojādea p̄ūgue: “Baari dita masakare okamakū iribea. Āārīpereri Marīp̄u ya werenírī gap̄u ĩgūsārē okamakū yāa”, ārī gojasūdero āārībú, ārī wereyup̄u Jesús wātīrē.

<sup>5</sup> P̄u wātī Jesúre ūtāū wekague āīm̄rīayup̄u. Irogue suñarōta āārīpereri i ūm̄ma makārīrē ĩmupeokōāyup̄u.

<sup>6</sup> Irire ĩmupeo odo, āsū ārīyup̄u:

—I yure sīdea āārā. Irasiriḡu yu sīduagure sīgukoa, ĩgū i āārīpereri op̄u āārīburo, ārīgū.

<sup>7</sup> M̄u yure n̄aduk̄upuri merā ejamejāja, b̄uremumakū, i āārīpereri m̄urē sīgura, ārī wereyup̄u wātī Jesúre.

<sup>8</sup> Jesús ĩgūrē yuj̄yup̄u:

—Satanás, yu p̄urore wirika! Ȳp̄u ya werenírī gojādea p̄ūgue: “Marīp̄u ditare b̄uremuka! ĩgū doreri ditare irika!” ārī gojasūdero āārībú, ārī wereyup̄u Jesús wātīrē.

<sup>9</sup> P̄u wātī Jesúre Jerusalēgue āīa, Marīp̄u ya wii wekague āīm̄rīa, ĩgūrē āsū ārīyup̄u doja:

—Diayeta Marīp̄u magū āārīgū, ōōgue merā yebague parimadijaka!

<sup>10-11</sup> Marīp̄u ya werenírī gojādea p̄ūgue āsū ārī gojasūdero āārībú:

Marĩpũ ĩgũrẽ wereboerãrẽ murẽ koredoregukumi, neõ  
ũtãyegue meébejabirikõãburo, ãrĩgũ, ãrĩ gojasũdero ããrĩbũ,  
ãrĩ wereyupũ wãtĩ Jesúre.\*

<sup>12</sup> Jesús ĩgũrẽ ãrĩyupũ:

—Yũpũya werenĩrĩ gojadea pũgue: “Bũremurĩ marĩrõ  
Marĩpũre: ‘Mũ turari merã yũre gajino iri ĩmuka!’ ãrĩbirikõãka!”  
ãrĩ gojasũdero ããrĩbũ, ãrĩ wereyupũ Jesús wãtĩrẽ.

<sup>13</sup> Irasirigũ wãtĩ Jesúre gaji ãrĩmesãrĩ bokabiri, waakõãyupũ  
dapa.

*Jesús Galilea nikũgue masakare buenũgãdea*

*(Mt 4.12-17; Mr 1.14-15)*

<sup>14</sup> Pũũ Jesús masaka marĩrõgue ããrãdi Galilea nikũgue goe-  
dujáayupũ. Ōãgũ deyomarĩgũ turarire opatariyupũ. ããrĩperero  
Galilea nikũ marã ĩgũ iridea kerere masĩpereakõãñurã.

<sup>15</sup> Jesús irogue ejagu, makãrĩkũ judío masaka nerẽrĩ wi-  
irigue\* buenayupũ. ĩgũ buemakũ pérã, ããrĩpererã: “Ōãrõ  
buemi”, ãrĩ bũremuñurã.

*Jesús Nazaretgue goedujáadea*

*(Mt 13.53-58; Mr 6.1-6; Jn 4.44)*

<sup>16</sup> Pũũ Jesús Nazaretgue ĩgũ masãdea makãgue  
goedujáayupũ. ĩgũ irinarõsũta judío masaka siñajãrĩnũ†  
ããrĩmakũ, ĩgũsã nerẽrĩ wiigue waa, ñajãyupũ. Iri wiigue  
Marĩpũya werenĩrĩ gojadea pũrẽ bue ĩmubu wãgãnũgãyupũ.

<sup>17</sup> Irasirigũ iri wii koregũ Jesúre Marĩpũya kerere  
weredupiyudi Isaías gojadea pũrẽ sĩyupũ. ĩgũ sĩmakũ, Jesús  
iri pũgue ãsũ ãrĩ gojadeare boka, bue ĩmuyupũ:

<sup>18</sup> Yũ Opũ, Ōãgũ deyomarĩgũ yũ merã ããrĩmakũ yãmi, ĩgũ  
dorerire iriburo, ãrĩgũ. ĩgũyare iridoregũ yũre beyepídi  
ããrĩmĩ.

Irasirigũ boporãrẽ ĩgũya kerere weredoregũ, bũro  
bũjawererãrẽ usũyamakũ iridoregũ, peresugue  
ããrĩrãrẽ taudoregũ, koye ããmerãrẽ ããmakũ iridoregũ,  
ñerõ irisũrãrẽ taudoregũ yũre iriudi ããrĩmĩ.

<sup>19</sup> Marĩ Opũ ĩgũyarãrẽ taugũ aariburire weredoredi ããrĩmĩ, ãrĩ  
gojadi ããrĩmĩ Isaías, ãrĩ bue ĩmuyupũ Jesús.\*

<sup>20</sup> Bue ĩmu odo, ĩgũ bueadea pũrẽ tũrã, iri wii koregũre wia,  
eja doayupũ. ããrĩpererã iri wiigue ããrĩrã ĩgũrẽ ããduúbiriñurã.

<sup>21</sup> Jesús ãsũ ãrĩ werenũgãyupũ ĩgũsãrẽ:

—Dapagã merã yũ mũsãrẽ bue ĩmumakũ, Isaías gojaderosũta  
waãa.

\* 4:10-11 Sal 91.11-12 \* 4:15 Judío masaka nerẽrĩ wii, sinagoga wãikuri wii ããrã.  
Irogue ĩgũsã siñajãrĩnũ ããrĩmakũ nerẽ, Marĩpũya werenĩrĩ gojadea pũgue gojadeare  
buenama. † 4:16 Judío masaka siñajãrĩnũ, sábado ããrã. \* 4:19 Is 61.1-2

<sup>22</sup> Jesús irasũ arĩmakũ pérã, aãrĩpererã pégukakõãñurã. “Oãrĩ werenĩrĩ merã weremi”, arĩ gũñañurã. Irasũ gũñakererã, ãgũsã basi gãme sërẽñañurã:

—¿ĩ José magũ meta aãrĩrĩ? arĩñurã.

<sup>23</sup> Jesús, ãgũsã irasũ arĩmakũ pégu, ãgũsãrẽ ãsũ arĩyupũ:

—Masaka ãgũsã arĩnarõsũ musã yũre: “Mu õãrõ kúrigu aãrĩrĩrẽ ãmugũ, mu basita kúrika!” arĩkoa. Gajidere arĩkoa: “Gua, mu Capernaugue iri ãmudea kerere pébu. Irasirigu iroguere mu iriderosũta i makã, mu masãdea makãdere iri ãmuka!” arĩkoa, arĩyupũ.

<sup>24</sup> Irasũ arĩ odo, ãsũ arĩnemoyupũ:

—Diayeta musãrẽ werea. Neõ sugũ Marĩpũya kerere weredupiyurimasũrẽ ãgũya nikũ marã õãrõ bokatĩrĩñeãbema.

<sup>25</sup> Irasirigu musãrẽ ire õãrõ masĩmakũ gããmea. Iripoegue Elías Marĩpũya kerere weredupiyudi aãrĩdeapoere masaka Marĩpũre buremubiri waja, ure bojori gaji bojori deko-gora neõ deko merẽbiridero aãrĩbũ. Aãrĩpereroguerẽ baaride marĩdero aãrĩbũ. Marĩya nikũrẽ wãrã wapiweyarã nome aãrĩnerã aãrĩmã.

<sup>26</sup> ãgũsã wãrã aãrĩkeremakũ, Marĩpũ Elíare ãgũsãrẽ iritamudoregu neõ iriubiridi aãrĩmĩ. Gaji nikũmo Sarepta wãikũri makãmo Sidón pũro aãrĩgõ gapũre iritamudoregu Elíare iriudi aãrĩmĩ.

<sup>27</sup> Eliseo Marĩpũya kerere weredupiyudi aãrĩdeapoedere wãrã kãmi boarã marĩya nikũrẽ aãrĩunanerã aãrĩmã. ãgũsã wãrã aãrĩkeremakũ, Marĩpũ Eliseore ãgũsãrẽ taudoregu neõ iriubiridi aãrĩmĩ. Siria nikũmu Naamán wãikũgu gapũre taudoregu Eliseore iriudi aãrĩmĩ, arĩ weryupũ Jesús.

<sup>28</sup> Jesús irasũ arĩmakũ pérã, aãrĩpererã iri wiigũe aãrĩrã ãgũ merã bure guañurã.

<sup>29</sup> Irasirirã wãgãnuãgã, ãgũrẽ ñeã, aãrĩãkõãñurã. Iri makã ãtãũ weka iridea makã aãrĩyuro. Irasirirã iri makã tarogue ãgũrẽ ãã, túmeédijudũarã iriadiñurã.

<sup>30</sup> Jesús gapũ ãgũsã watopeta tariwerewãgãkõãyupũ.

*Wãtĩ ñajãsũdi Jesúre bokatĩrĩdea  
(Mr 1.21-28)*

<sup>31</sup> Pũru Jesús Capernaugue waayupũ. Iri makã Galilea nikũgue aãrĩyuro. Irogue eja, judío masaka siñajãrĩnu aãrĩmakũ, ãgũsã nerẽrĩ wiigũe ãgũsãrẽ bueyupũ.

<sup>32</sup> Sugũ doregu irirosũ õãrõ masĩrĩ merã ãgũ buemakũ pérã, pégukakõãñurã.

<sup>33</sup> Iri wiiguere ãgũsã merã sugũ wãtĩ ñajãsũdi aãrĩyupũ. ãsũ arĩ gaguinĩyupũ:

34 —Jesús Nazaretmu, ¿nasiribu gwa puro aaríri? ¿Guare peamegue béogu aarigú yári? Yu murē ã́amasĩkṍãa. Mu, Marĩpu iriudi, ṍatarigu ã́ãã, ã́ĩyupu.

35 Jesús wã́tĩrē:

—Werenĩbita! Wirika ĩgũrē! ã́ĩyupu.

Īgũ irasũ ã́ĩmakũ, wã́tĩ masaka ĩũrõ ĩgũ ñajãdire yebague túmeépi, ñerõ iriro marĩrõ wiriakṍãyupu.

36 Jesús wã́tĩrē béowiumakũ ĩãã, ã́ãĩpererã masaka ĩãguka, ĩgũsã basi ã́sũ ã́rĩ gãme werenĩñurã:

—¿Ñeéno werenĩrĩ ã́ãrĩrĩ i? Īgũ turaro merã wã́tẽãrē wiriadoremakũ, mata wirianokṍãma, ã́rĩñurã.

37 Pũru Jesús iriadeare ã́ãĩperero iri makã tũro marãrē weresiriñurã.

*Jesús, Simón Pedro máñekõrē taudea*

*(Mt 8.14-15; Mr 1.29-31)*

38 Jesús, nerērĩ wiigwe ã́ãrãdi wiria, Simõya wiigwe waayupu. Simón máñekõ bũro nimakurikũgo iriyupo. Jesús ejamakũ ĩãã, igore taudorerã ĩgũrē sērēñurã.

39 Īgũsã irasũ sērēmakũ pégu, Jesús igo puro waa ejanugã: “Pũrĩrĩ tarika igore!” ã́ĩyupu. Īgũ irasũ ã́rĩrĩ merãta igore nimakuri ã́ãrãdea tariakṍãyuro. Irasirigo wã́gãñugã, ĩgũsãrē baari ejoyupo.

*Jesús wã́rã pũrĩrikũrãrē taudea*

*(Mt 8.16-17; Mr 1.32-34)*

40 Ñamika, abe ñajãdero pũru, iri makã marã ã́ãĩpererã gajirosũperi pũrĩrikũrãrē Jesús pũrogu ã́ijañurã. Jesús pũrĩrikũrãrē, ĩgũya mojõrĩ merã ñapeo, tauyupu.

41 Wã́rã wã́tẽa masakare ñajãnerãdere béowiuyupu. Wã́tẽa wirĩrã, Jesúre ã́sũ ã́rĩ gaguiniñurã:

—Mu, Marĩpu magũ ã́ãã, ã́rĩñurã. Īgũsã Jesúre, ĩgũ Cristo, Marĩpu iriudi ã́ãrĩrĩrē masĩñurã. Irasirigu Jesús wã́tẽãrē werenĩdorebiriypupu.

*Jesús Galilea nikũgwe masakare buedea*

*(Mr 1.35-39)*

42 Gajĩnu boyoripoe Jesús makã tũro masaka marĩrõgue waayupu. Īgũ waadero pũru, masaka ĩgũrē ã́ma, ĩgũ pũrogu ejañurã. Īgũrē: “Gua merã dujaka dapa!” ã́ãrãdiñurã.

43 Jesús gapu ĩgũsãrē ã́ĩyupu:

—Marĩpu ĩgũyarã Opũ ã́ãrĩrĩrē yũre weredoregu iriudi ã́ãrĩmĩ. Irasirigu gaji makãrĩ marãdere ire weregu waagũra, ã́ĩyupu.

44 Irasirigu ã́ãĩperero Galilea nikũ marãrē judío masaka nerērĩ wiirigwe buegorenayupu.

## 5

*Jesús ĩgũ buerãrẽ wárã waaí wějẽmakũ iridea  
(Mt 4.18-22; Mr 1.16-20; Jn 21.3, 6)*

<sup>1</sup> Gajinũ Jesús Genesaret\* wãikuri ditaru turogue ããrĩmakũ, wárã masaka ĩgũ pũrore uturĩngãjañurã Marĩpũya kerere pẽduarã.

<sup>2</sup> Jesús iri ditaru turo waaí wějẽrĩmasãya doóriduparu peru masaka marĩrĩ payamakũ ĩãyupũ. Waaí wějẽrĩmasã gapũ ĩgũsãya buiriyukure koerã iriñurã.

<sup>3</sup> Jesús Simõyarugue marĩñajãa, ĩgũrẽ soewijudoreyupũ. Soewijupau odomakũ ĩã, Jesús irirugue eja doa, masakare buenũgãyupũ.

<sup>4</sup> Bue odo, Simõrẽ ãsũ ãrĩyupũ:

—Doódiru merã ditaru deko ùkũãrõgue wija, musãya buiriyukure meéyoka waaí ñeãmurã, ãrĩyupũ.

<sup>5</sup> Simón ĩgũrẽ yũjyupũ:

—Gũare buegũ, dapagã ñamirẽ wějẽboyoakõãdabũ. Neõ wějẽbirakubũ. Mũ dorerosũta buidire meéyoñagura doja, ãrĩyupũ.

<sup>6</sup> ĩgũsã meéyomakũ, waaí wárã ñajãa, buidire ooreakõãdiñurã.

<sup>7</sup> Wárã ñajãmakũ ĩã, ĩgũsã merãmarã gajiru doódirugue ããrĩrãrẽ buadeañurã, ĩgũsãrẽ ñeãtamudorerã. Irasirirã ĩgũsã eja, waairé seasãmakũ, perugueta mirĩboyakõãyuro.

<sup>8</sup> Irasũ waamakũ ĩãgũ, Simón Pedro Jesús pũro ñadũkupuri merã ejamejãja, ĩgũrẽ ãrĩyupũ:

—Yũ Opũ, mũ õãtarigũ ããrã. Yũ gapũ ñegũ ããrã. Irasirigũ yũ pũrore ããrĩbirikõãka! ãrĩyupũ.

<sup>9</sup> Simón, wárã waaí ñajãmakũ ĩãgũkagũ, irasũ ãrĩyupũ. ĩgũ merã ããrĩrãde ĩãgũkakõãñurã.

<sup>10</sup> Gajiru doódiru ããrĩrã ĩgũ merãmarã Zebedeo pũrã Santiago, Juan ããrĩñurã. ĩgũsãde ĩãgũkakõãñurã. Jesús gapũ Simõrẽ ãrĩyupũ:

—Gũibirikõãka! Dapagorare mũ waaí wějẽrĩmasũ ããrĩrĩrẽ piri, Marĩpũya kerere masakare wererimasũ ããrĩgũkoa, ãrĩyupũ.

<sup>11</sup> Irasirirã ĩgũsãya doóriduparure ditaru turo tũãmajũpĩkõã, ããrĩpereri ĩgũsãyare pĩkõã, Jesús merã waakõãñurã.

*Jesús kãmi boagũre taudea  
(Mt 8.1-4; Mr 1.40-45)*

\* 5:1 Genesaret wãikuri nikũ, Galilea wãikuri ditaru turo ããrĩyuro. Irasiriro Galilea ditaruta Genesaret wãikũyuro.

12 Puru Jesús su makãgue ããrĩripoe sugu kãmi boagu ejayuru. Jesúre iãgũ, ĩgũ puro ñadukupuri merã ejamejã, ĩgũya diapure yebague moomejãja, ĩgũrẽ sêrẽyuru:

—Yu Oru, mu yu pũrĩrikurire tauduagu taumasã, ãrĩyuru.

13 ĩgũ irasũ ãrĩmakũ pégu, Jesús ĩgũya mojõ merã ĩgũrẽ moãña, ãsũ ãrĩyuru:

—Murẽ taugura. Kãmi marĩgũ dujaka! ãrĩyuru. ĩgũ irasũ ãrĩrĩ merãta kãmi yaripereakõayuro.

14 Irasirigu turaro merã Jesús ĩgũrẽ ãrĩyuru:

—Gajirã masakare mu tariadeare werebirikõaka! Paire murẽ kãmi yariadeare ĩmugũ waaka! ĩgũ murẽ iãgũ: “Kãmi marĩgũ ããrã”, ãrĩgukumi. Puru Moisés gojadea pũgue sĩdoredeare sika! Mu irire irimakũ ĩãrã, ããrĩpererã masaka murẽ kãmi yariadeare masĩrãkuma, ãrĩyuru.

15 Jesús ĩgũrẽ: “Gajirãrẽ mu tariadeare werebirikõaka!” ãrĩkeremakũ, ããrĩpererogue marã masaka Jesús ĩgũrẽ iriadeare péperekõãñurã. Irasirirã wãrã masaka ĩgũ purogue ĩgũ buerire pérã, ĩgũsã pũrĩrikuridere taudorerã, ejañurã.

16 Jesús gapu masaka marĩõgue Marĩpũre sêrẽgũ waanayuru.

### *Jesús dupu buadire taudea*

*(Mt 9.1-8; Mr 2.1-12)*

17 Sunu Jesús buemakũ, surãyeri fariseo bumarã gajirã Moisés gojadeare buerimasãde irogue doañurã. ĩgũsã ããrĩperero Galilea nikũma makãrĩ marã, Judea nikũma makãrĩ marã, Jerusalén marã ããrĩñurã. Jesús pũrĩrikurãrẽ taubu, Marĩpu turarire opayuru.

18 ĩgũ bueripoe gajirã iro marã sugu dupu buadire ĩgũ oyaro merãta ãijañurã. ĩgũrẽ wiigüe ãñajãa, Jesús purogue píduarã iriadiñurã.

19 Masaka wãrã ããrĩmakũ, ãñajãmasĩbiri, iri wii wekague murã, su gobe ãñwea, ĩgũrẽ masaka watopegue ĩgũ oyaro merãta Jesús puro dijuñurã.

20 Jesús, ĩgũsã ĩgũrẽ buremumakũ iãgũ, buadire ãrĩyuru:

—Yu, mu ñerõ irideare kãtia.

21 ĩgũ irasũ ãrĩmakũ pérã, fariseo bumarã, Moisés gojadeare buerimasã ãsũ ãrĩ gũñañurã: “¿Ñéemũno masakũ ããrĩrĩ ñi? ĩgũ werenĩrĩ merã Marĩpũre ñerõ ãrĩmi. Masaka ñerõ irideare neõ sugu masakũ kãtimasĩbirikumi. Marĩpu suguta masĩkumi”, ãrĩñurã.

22 Jesús ĩgũsã gũñarĩrẽ ĩãmasĩ, ãsũ ãrĩyuru:

—¿Nasirirã irasũ gũñarĩ musã?

23 ¿Naásũ ãrĩrĩ gapu diasaberi ñi buadire: “Yu, mu ñerõ irideare kãtia”, ãrĩrĩ, o “Wãgãnuãgã, waaka!” ãrĩrĩ gapu diasaberi?

24 Y<sub>H</sub> āārīpererā tīgū i ūmugue āārīrārē ĩgūsā ñerō irideare Marīp<sub>H</sub> dorero merā kātimasīa. Irasirig<sub>H</sub> ñ b<sub>H</sub>adire taug<sub>H</sub>ra, m<sub>H</sub>sārē irire masīdoreg<sub>H</sub>, ārīyup<sub>H</sub>. Irasū ārī odo, b<sub>H</sub>adire ārīyup<sub>H</sub>:

—Y<sub>H</sub> m<sub>H</sub>rē āsū ārā. Wāgānugā, m<sub>H</sub> oyaderore āi, m<sub>H</sub>ya wiig<sub>H</sub>ue waaka! ārīyup<sub>H</sub>.

25 ĩgū irasū ārīrī merāta ĩgūsā ĩūrō wāgānugā, ĩgū oyaderore āi, ĩgūya wiig<sub>H</sub>ue waag<sub>H</sub>, Marīp<sub>H</sub>re: “Ōātaria m<sub>H</sub>”, ārī, m<sub>H</sub>yari sīyup<sub>H</sub>.

26 Masaka, Jesús irasiririre ĩāg<sub>H</sub>ka, ĩgūsāde Marīp<sub>H</sub>re: “Ōātaria m<sub>H</sub>”, ārī, m<sub>H</sub>yari sīñurā. B<sub>H</sub>ro gūiri merā āsū ārīñurā: —Dapagārē neō marī ĩābirideare ĩā, ārīñurā.

### *Jesús Levíre siiudea*

(Mt 9.9-13; Mr 2.13-17)

27 P<sub>H</sub>ru Jesús iro merā waa, Leví† wāikug<sub>H</sub>re bokajayup<sub>H</sub>. Leví romano marā op<sub>H</sub>re niyeru wajaseabosagu āārīyup<sub>H</sub>. ĩgū moārī taribug<sub>H</sub>ue doamakū ĩāg<sub>H</sub>, Jesús ĩgūrē ārīyup<sub>H</sub>:

—Nāka, y<sub>H</sub> merā!

28 ĩgū irasū ārīmakū pégu, Leví wāgānugā, ĩgū moādea āārīpererire pípeo, Jesús merā waakōāyup<sub>H</sub>.

29 P<sub>H</sub>ru Leví ĩgūya wiig<sub>H</sub>ue eja, Jesúsre bosenu iripeoyup<sub>H</sub>. Wārā niyeru wajaseabosarimasā, gajirā masaka ĩgūsā merā baa doanīñurā.

30 Jesús ĩgūsā merā doamakū ĩārā, fariseo bumarā, Moisés gojadeare buerimasā Jesús buerārē āsū ārī werew<sub>H</sub>añurā:

—¿Nasirirā niyeru wajaseabosarimasā, ñerō irirā merā iirí, baari m<sub>H</sub>sā? ārīñurā.

31 Jesús ĩgūsārē y<sub>H</sub>juyup<sub>H</sub>:

—Pūrīrī marīrā kūririmasūrē āmabema. Pūrīrikurā gap<sub>H</sub> ĩgūrē āmama.

32 Y<sub>H</sub>: “Ōārā āārā”, ārī gūñarārē siiug<sub>H</sub> aaribirib<sub>H</sub>. “Ñerō irirā āārā”, ārī gūñarā ditare siiug<sub>H</sub> aarig<sub>H</sub> irib<sub>H</sub>, ĩgūsā ñerō irideare b<sub>H</sub>jawere, gūñarārē gorawayuburo, ārīg<sub>H</sub>, ārīyup<sub>H</sub>.

### *Jesúsre bererimarē sērēñadea*

(Mt 9.14-17; Mr 2.18-22)

33 Jesús irasū ārīmakū pérā, ĩgūrē sērēñañurā:

—Juan buerā, fariseo bumarā buerire t<sub>H</sub>yarāde Marīp<sub>H</sub>re b<sub>H</sub>remurā bere, ĩgūrē sērēnama. ¿Nasirirā m<sub>H</sub> buerā gap<sub>H</sub> ōārō iirí, baari? ārīñurā.

34 Jesús ĩgūsārē y<sub>H</sub>juyup<sub>H</sub>:

—¿Sug<sub>H</sub> mojōsuadi bosenu irimakū, m<sub>H</sub>sā ĩgū siiuanerārē ĩgū merā āārīrārē b<sub>H</sub>jawereri merā beremakū irimasībukuri?

† 5:27 Leví pe wāi opayup<sub>H</sub>. ĩgūta Mateo wāikuyup<sub>H</sub>.

<sup>35</sup> Pura ĩgũrẽ gajirã ãĩãmakũ, bujawereri merã bererãkuma, ãrĩyupũ.

<sup>36</sup> Irire ãrĩ odo, keori merã ĩgũsãrẽ ãsũ ãrĩ wereyupũ doja:

—Masaka neõ surĩro maamañerẽ tábirikuma buçuñerẽ seretũmurã. Irasũ seretũrã, maamañerẽ poyanorẽrã irikuma. Maama gasiro merã buçuñerẽ seretũadero õãrõ deyobirikoa.

<sup>37</sup> Waimurã gasiri merã iridea ajuri buçu ajurigue maama igui dekore diribirikuma. Irasũ dirimakũ, maama igui deko pãmu, buçu ajuri sërãturabiri, ooreakõãkoa. Irasiriro igui deko, ajuride kõmoko.

<sup>38</sup> Irasirirã maama igui dekore maama ajurigue diriro gããmea.

<sup>39</sup> Masaka igui deko pãmurĩrẽ iirĩrã, maama igui dekore gããmebirikuma, maama buerire péduaberosũ. “Igui deko pãmudea gapũ, maama igui deko nemorõ õãa”, ãrĩrãkuma, ãrĩyupũ Jesũs ĩgũsãrẽ.

## 6

*Siñajãrĩnũ ããrĩmakũ, Jesũs buerã trigo yerire tãrĩdea*  
(Mt 12.1-8; Mr 2.23-28)

<sup>1</sup> Gajinũ, judío masaka siñajãrĩnũ ããrĩmakũ, Jesũs trigo ot-  
edero watope waamakũ, ĩgũ buerã trigo yerire tãrĩ koro  
baawãgãñurã\*.

<sup>2</sup> ĩgũsã irasirimakũ ĩãrã, surãyeri fariseo bumarã ĩgũsãrẽ  
sërẽñãñurã:

—¿Nasirirã siñajãrĩnũrẽ moãdorebirikeremakũ, irasũ yãri  
mũsã? ãrĩñurã.

<sup>3</sup> Jesũs ĩgũsãrẽ yũjuyupũ:

—¿Mũsã iripoeguemu David ĩgũ merãmarã merã uaboagu,  
ĩgũ irideare buebiriri?

<sup>4</sup> ĩgũ merãmarã merã Marĩpũya wiigue ñajãa, Marĩpũ ĩũrõ  
peyari pã duparure baadi ããrĩmĩ. Marĩpũ paia ããrĩmerãrẽ:  
“Iri pã duparure baabirikõãka!” ãrĩdi ããrĩmĩ. David gapũ paĩ  
ããrĩbirikeregũ, irire baagu, Marĩpũ ĩũrõ ĩgũ dorerire tarinũgãgũ  
meta iridi ããrĩmĩ, ãrĩyupũ.

<sup>5</sup> Irasũ ãrĩ odo, ãsũ ãrĩyupũ doja:

—Yũ ããrĩpererã tĩgũ ããrĩsĩã, siñajãrĩnũrẽ masaka gajino ĩgũsã  
iriburire doremasĩa, ãrĩyupũ Jesũs.

*Jesũs mojõ diĩweredire taudea*  
(Mt 12.9-14; Mr 3.1-6)

\* 6:1 Deuteronomio 23.25: Moisés gojadea pũgue ãsũ ãrĩ gojasũdero ããrĩbũ: “Sugu masaka gajiguya pooegue waagũ, ĩgũya mojõrĩ merã trigo yerire tãrĩ koro baaburo. Wiirimajĩ merã diti ããbirikõãburo”, ãrĩ gojasũdero ããrĩbũ.



6 Gajinu siñajārīnu āārīmakū, Jesús judío masaka nerērī wiigüe ñajāa, ĩgūsārē bueyupu. Iri wiigüe sugu masakū diayema mojō gapu diíweredi āārīyupu.

7 Fariseo bumarā, Moisés gojadeare buerimasā Jesúre buro ĩaduripítuya: “Siñajārīnu āārā, irasirirā ĩi mojō diíweredire ĩgū taumakū, ĩgūrē weresārāra”, ārī gūñañurā.

8 Jesús ĩgūsā gūñarīrē ĩāmasī, mojō diíweredire:

—Wāgānugā, masaka ĩūrōgue ejanugāgū aarika! ārīyupu. ĩgū irasū ārīmakū pégu, mojō diíweredi wāgānugā, Jesús purō ejanugāyupu.

9 ĩgū ejanugāmakū, Jesús gajirā iroque āārīrārē āsū ārīyupu:

—Musārē sērēñaduakoa. ¿Siñajārīnurē Marīpu marīrē ñeénorē iridoreyuri, oārīrē, o ñerīrē, masakare taurire, o wējērīrē? ārīyupu.

10 Sērēña odo, masaka āārīpererārē ĩā, mojō diíweredire ārīyupu:

—Muya mojōrē soeuka!

ĩgū irasū ārīmakū pégu, soeuyupu. ĩgū soeumakū, ĩgūya mojō oākōāyuro.

11 ĩgū irasirimakū ĩārā, fariseo bumarā, Moisés gojadeare buerimasā buro guañurā: “¿Nasirirākuri marī ĩirē?” ārī gāme wereníñurā.

*Jesús pe mojōma pere su gubu peru pērēbejarā ĩgū buedoregu pímurārē beyedeá*

*(Mt 10.1-4; Mr 3.13-19)*

12 Irinurīrē Jesús ātāūgue Marīpure sērēgū waayupu. Iroque iri ñamirē Marīpure sērēboyokōāyupu.

13 Boyoripoe ĩgū buerire tayarārē siiu neeō, ĩgūsā watopegue āārīrārē pe mojōma pere su gubu peru pērēbejarā āmarē beyeyupu: “Musārē yaa kerere buegorenamurārē beyepía”, ārīyupu.

14 ĩisāku āārīñurā: Simón wāikugu āārīyupu. ĩgūrēta “Pedro” wāiyeyupu Jesús. Simón pagumu Andrés; gajirā: Santiago, Juan, Felipe, Bartolomé†,

15 Mateo, Tomás, Santiago āārīñurā. Santiago, Alfeo magū āārīyupu. Gajigu Simón āārīyupu. ĩgū celote wāikuri bumū āārīyupu.

16 Gajigu Judas āārīyupu. ĩgū Santiago magū āārīyupu. Gajigu Judas Iscariote wāikugu āārīyupu. ĩgūta Jesúre wējēduarāguere ĩgūrē ĩmubu āārīyupu.

† 6:14 “Bartolomé”, ārīrō: “Tolomé magū”, ārīduaro yāa. ĩgūta Natanael wāikugu āārīdi āārīmí. San Juan 1.43-51: Jesús Natanaere siiudea kere āārā.

*Jesús wárã masakare buedea*  
(Mt 4.23-25)

<sup>17</sup> Jesús iri ütãügue ããrãdi ïgüsã merã dijija, iri ütãü ããrĩdijimejãrõgue ããrĩyupũ. ïgũ beyanerã, gajirã wárã ïgũ buerire tũyarã merã ããrĩyupũ. Gajirã wárã ããrĩperero Judea nikũ marã, Jerusalén marã, wãdiya tũro marã Tiro, Sidón marã ããrĩñurã. ïgüsã Jesús pũro ïgũ buerire pérã, ïgüsã pũrĩrikũrere taudorerã ejanerã ããrĩñurã.

<sup>18</sup> Jesús wãtẽa ñajãsũnerãdere tauyupũ.

<sup>19</sup> ïgũ ããrĩpererãrẽ Marĩpũ turaro merã taumakũ ïãrã, ããrĩpererã masaka ïgũrẽ moãñadũãñurã.

*Jesús usũyari, bujawereridere buedea*  
(Mt 5.1-12)

<sup>20</sup> Pũpũ Jesús ïgũ buerãrẽ ïã, ãsũ ãrĩyupũ:

–Marĩpũ mũsã Opũ ããrĩmi. Irasirirã boporã ããrĩkererã, usũyaka!

<sup>21</sup> 'Dapagorare mũsã ñaboari merã ããrĩã, pũrũguere yapirãkoa. Irasirirã usũyaka!

'Dapagorare bũro bujawereri merã orerã, pũrũguere usũyari merã burirãkoa. Irasirirã usũyaka!

<sup>22</sup> 'Mũsã yũre ããrĩpererã tĩgũrẽ buremumakũ ïãrã, gajirã mũsãrẽ ïãturi doorãkuma. Mũsãrẽ: "Gua merã ããrĩmerãta!" ãrĩ béorãkuma. Mũsãrẽ ñerõ werenĩrãkuma. "Ñerã ããrĩma", ãrĩ werewũarãkuma. ïgüsã irasũ ãrĩkeremakũ, usũyari merã ããrĩrikũka!

<sup>23</sup> Iripoegue marĩ ñekũsãmarã Marĩpũya kerere weredupiyunerãrẽ irasũta iriunanerã ããrĩmã. Irasirirã dapagora marã mũsãrẽ mũrãrõta ñerõ irimakũ ïãrã, bũro usũyaka! Bũro usũyari merã ããrĩrikũka! Mũsã ãmũgasigue waamakũ, Marĩpũ õãrĩ wãro wajatari sĩgũkumi mũsãrẽ.

<sup>24</sup> 'Mũsã i ãmũmarẽ wãri oparã gapũ usũyari bokasiãa. Pũrũguere usũyari neõ bokabirikoa. Irasiriro mũsãrẽ ñegorãa.

<sup>25</sup> 'Mũsã dapagorare yapirã, pũrũguere bũro ñaboarãkoa. Usũyari neõ bokabirikoa. Irasiriro mũsãrẽ ñegorãa.

'Dapagorare Marĩpũyare buridarã, pũrũguere bũro bujawereri merã orerãkoa. Usũyari neõ bokabirikoa. Irasiriro mũsãrẽ ñegorãa.

<sup>26</sup> 'Masaka ããrĩpererã mũsãrẽ: "Õãrã ããrĩma", ãrĩkeremakũ, usũyari neõ bokabirikoa. Iripoegue mũsã ñekũsãmarã Marĩpũyare ãrĩkatori merã wererimasãrẽ: "Õãrã ããrĩma", ãrĩunanerã ããrĩmã.

*Jesús: "Mũsãrẽ ïãturirãrẽ maĩka!" ãrĩ buedea*  
(Mt 5.38-48; 7.12)

27 'Yu werenírĩrē ōārō pēduripírānorē āsū ārĩ weregura. Mūsārē ĩāturirārē maĩka! Mūsārē doorārē ōārō irika!

28 Mūsārē: “Nerō waaburo”, ārĩrārēta ōāadoreka! Mūsārē ñerō ārĩ buridarārēta Marĩpure ĩgūsā ōārō āārĩburire sērēbosaka!

29 Sugu masaku mūsāya wayupārārē pámakū, gajipārē gapudere pádoreka! Mūsāya surĩro wekamañerē ěmamakū, mūsāya camisadere sĩka!

30 Āārĩpererā mūsārē gajino sērērānorē sĩka! Sugu masaku mūsā oparire āĩmakū, ĩgūrē: “Wiaka!” ārĩbirikōāka!

31 Gajirā mūsārē ōārō irimakū gāāmerōsũta mūsāde ĩgūsārē ōārō irika!

32 Mūsārē maĩrā ditare maĩmakū ōābea. Mūsā irasũ maĩrĩ wajamāa. Gajirā, ñerā āārĩkererā, ĩgūsārē maĩrārē maĩkuma.

33 Mūsārē ōārō irirā ditare ōārō irimakū ōābea. Mūsā irasiriri wajamāa. Ñerāde ĩgūsārē ōārō irirārē ōārō irikumuma.

34 Gajirārē wayurā ĩgūsārē: “Gua wayuadeare keoro wiaka doja!” ārĩmakū ōābea. Mūsā irasiriri wajamāa. Ñerō irirāde gajirā ñerārē wayukuma. ĩgūsā wayuadeare: “Āārĩpereri wiarākuma doja”, ārĩ gũñakuma.

35 Irasirirā ñerā irirosũ iribirikōāka! Mūsārē ĩāturirādere maĩka! ĩgūsārē ōārō irika! ĩgūsārē wayurā, mūsā wayuadeare: “Wiaka doja!” ārĩbirikōāka! Irasirirā wári ōārĩ wajatari bokarākoa. Marĩpu āārĩpererā nemorō turagu pūrā āārĩrākoa. Masaka Marĩpure usuyari sĩbirikeremakū, ĩgūsārē bopoñarĩ merā ĩāmi dapa. Ñerā āārĩkeremakū, ĩgūsārē irasũ ĩāmi dapa.

36 Irasirirā mūsāde Mūsāpu ĩmugasigüe āārĩgũ masakare bopoñarĩ merā ĩārōsũta gajirārē bopoñarĩ merā ĩāka!

*Jesús: “Gajirārē: ‘Ñerā āārĩma’, ārĩ werewuabirikōāka!” ārĩ buedea*

*(Mt 7.1-5; Jn 13.16; 15.20)*

37 'Gajirārē: “Ñerā āārĩma”, ārĩ werewuabirikōāka! Mūsā werewuabirimakū ĩāgũ, Marĩpu mūsārē: “Ñerā āārĩma”, ārĩ ĩābirikumi. Gajirā mūsārē ñerō irimakū ĩārā: “Marĩpu ĩgūsārē wajamoāburo”, ārĩbirikōāka! Mūsā irasũ ārĩbirimakū, Marĩpu mūsārē: “Wajamoāgura”, ārĩbirikumi. Gajirā mūsārē ñerō irideare kātika! Mūsā kātimakū, Marĩpude mūsā ñerō irideare kātigukumi.

38 Gajirārē sĩka! Mūsā sĩmakū, Marĩpu mūsārē wári ōārĩ sĩgukumi. Ajuro wári ajuro gajino utariri ajuro ōārō ñadiuadea ajuro irirosũ sĩgukumi. Mūsā gajirārē sĩderopata Marĩpu mūsārē sĩgukumi, ārĩyupu Jesús.

39 Irasũ ārĩ odo, keori merā wereyupu doja:

—Sugu masaku koye ĩābi gajigu koye ĩābire tũādupiyuwāgāmasĩbirikumi. ĩgūsā pērāgueta maarē ĩāmerā gobegue meēñajākōākuma.

40 Sugu buerimasũ ĩgũ buerã nemorõ masĩkumi. ĩgũ buerãde ĩgũ buederosũ buepeosĩã, ĩgũsarẽ buedi masĩderosũta ĩgũsãde masĩrãkuma.

41 Mũsã ñerõ iridea, koyerugue wári turu oparosũ ñetariri ããrĩrĩrẽ gũñabirikererã, mũsãyagu ñerõ iridea, koyerugue nikũyegã oparosũ ããrĩrĩrẽ: “Ñegorãã”, ãrĩ gũñãã.

42 Irasirirã mũsã ñerõ iridea, koyerugue wári turu oparosũ ããrĩrã, mũsãyagure ĩgũya koyerugue ããrĩrĩ nikũyegãrẽ: “¿Ãibeosi?” ãrĩmasĩbea. Mũsã ñerõ iririkurã, irikatorikurã ããrã. Mũsãya koyerugue ããrĩrĩ turu gapure ãĩbéopuroriro irirosũ mũsã ñerõ iririre piripurorika! Irasiri odo, mũsãyagure: “Mũ ñerõ iririre pirikõãka!” ãrĩ masĩã, ãrĩyupũ Jesús.

*Jesús yukure dukã merã ĩãmasĩsũã, ãrĩ buedea*  
(Mt 7.17-20; 12.34-35)

43 Irasũ ãrĩ odo, gaji keori merã wereyupũ doja:

—Yukũ õãdi ñerĩ dukakũbirikoa. Yukũ ñedide õãrĩ dukakũbirikoa.

44 ããrĩpereri yukure dukã merã ĩãmasĩsũã. Poragu higo wãĩkurire dukakũbirikoa. Ñaagũde iguire dukakũbirikoa.

45 Irasirigu sugu masakũ õãgũ, yukũ õãrĩ dukakũdi irirosũ ããrĩmi. ĩgũ gũñarĩgue õãrĩ gũñarĩ opasĩã, õãrĩrẽ yãmi. Gajigu ñegũ, ĩgũ gũñarĩgue ñerĩ gũñasĩã, ñerĩrẽ yãmi. Marĩ gũñarĩgue gũñarõsũta werenĩrãkoa. Irasirirã masakã ñerĩ gũñarĩ oparã, ñerĩ werenĩrãkuma. Õãrĩ gũñarĩ oparã gapũ õãrĩ werenĩrãkuma.

*Jesús pe wii keori merã buedea*  
(Mt 7.24-27)

46 ‘¿Nasirirã mũsã yure: “Yũ Opũ ããrã mũ”, ãrĩkererã, yũ dorerire neõ iriberi?”

47 Sugu yũ puro eja, yũ werenĩrĩrẽ pãduripĩ, purũ yũ dorerire irigu, ãsũpero irigu irirosũ ããrĩmi.

48 Sugu ãtãyegue ãkũãrĩ goberi mãñajãã, wii õãrõ nugũdi irirosũ ããrĩmi. Purũ dia wãro yura, ĩgũya wiiguere deko ãma meétũkeremakũ, neõ mirũabirikoa.

49 Yũ werenĩrĩrẽ pãkeregũ, yũ dorerire iribi gapũ sugu ĩmparogue wii iridi irirosũ ããrĩmi. Dia wãro yuraro, ĩgũya wiire ãmabéokõãkoa. Irasiriro ããrĩpereri kõmopereakõãkoa, ãrĩ wereyupũ Jesús masakare.

## 7

*Jesús surara opure moãboegure taudea*  
(Mt 8.5-13)

<sup>1</sup>Jesús masakare irire were odo, Capernaugue waakõãyupũ.

<sup>2</sup> Iroguere romano marā surara opu āārīyupu. Īgūrē moāboegu sīrīgū kōmorī p̄rogāgue āārīyupu. Surara opu Īgūrē buro maīyupu.

<sup>3</sup> Irasirigu, Jesús iridea kerere pégu, judío masaka murārē Jesús p̄rogue iriuyupu, Īgūrē moāboegure taugu aaridoregu.

<sup>4</sup> Īgūsā Jesús p̄rogue ejarā, Īgūrē turaro merā āsū ārī sērēñurā:

—Surara opu guare mu p̄ro iriuadi, ōāgū āārīmi. Irasirigu Īgūrē iritamuka!

<sup>5</sup> Īgū judío masakū āārībirikeregu, marīya nikū marārē buro maīmi. Īgūta Īgūya niyeru merā guā nerērī wiire moādoremi. Irasirigu Īgūrē iritamuka! ārīñurā.

<sup>6</sup> Irire pégu, Jesús Īgūsā merā waayupu. Surara opu, Īgūya wii p̄ro Īgūsā ejawāgārimakū Īāgū, Īgū merāmarārē Jesúre āsū ārī weredoregu iriuyupu:

—Yū Opu, murē garibonemodūabirikoa. Yū ubu āārīgū āārīsā, yaa wiire mu ñajārimakū, buro guyasīrīkoa.

<sup>7</sup> Irasirigu yude mu p̄rogue waabea. Mu werenīrī turari merā yure moāboegure: “Sīrīrī tarika Īgūrē!” ārīmakū tarigukumi.

<sup>8</sup> Gajirā oparā yure dorema. Yude gajirā surarare dorea. Yū sugure: “Waaka!” ārīmakū, waami. Gajigure: “Aarika!” ārīmakū, aarīmi. Yū, yure moāboegure: “Ire irika!” ārīmakū, irire yāmi, ārīka Jesúre! ārī iriuyupu.

<sup>9</sup> Īgū weredoreadeare Īgūsā weremakū pégu, Jesús gukakōāyupu. Īgūrē tayarārē gāmenugā Īā, āsū ārīyupu:

—Musārē werea. Sīrī surara opu Israel bumū āārībirikeregu, yure buremumi. Israel bumarā watopeguere sīrī irirosū yure buremugūrē neō bokajabiribū, ārīyupu Jesús.

<sup>10</sup> Īgū irasū ārādero p̄ru, surara opu iriuanerā Īgūya wiigū goedujāāñurā. Irogue goedujajarā, sīrīgū āārādire tariadiguere bokajañurā.

### *Jesús wapiweyo magūrē masūdea*

<sup>11</sup> P̄ru Jesús Capernaugue āārādi Naín wāikuri makāgue waayupu. Īgū buerā, gajirā masaka wārā Īgū merā waañurā.

<sup>12</sup> Iri makārē ejaripoe iri makā marā, sugū masakū boadire kōāwāgāriñurā Īgūrē yāarā waarā. Īgū wapiweyo magū, sugū āārīgū āārādiyupu. Īgū pago Īgūrē yāamurā merā waamakū, wārā masaka wapikūwāgāriñurā.

<sup>13</sup> Igore Īāgū, marī Opu Jesús buro bopoñarī merā Īā, āsū ārīyupu:

—Orebirikōāka!

14 Irasirigu Jesús masāpore puro ejanugā, moñayuru. Īgū moñamakū ĩārā, iri porere kōārā dujanugāñurā. Jesús boadire āsū āriyuru:

—Yū mure ārā: “Wāgānugāka!”

15 Īgū irasū ārimakū, boadi wāgādo, wereninugāyuru. Irasirigu Jesús ĩgūrē pagore wiyuru.

16 Irire ĩārā, āārīpererā masaka ĩagukakōāñurā. Marīpore: “Ōātaria mu”, āri, usuyari siñurā. Īgūsā basi āsū āri gāme wereniñurā:

—Ī Marīpuya kerere wererimasū, turatarigu, marī watopeguere ejami.

Idere āriñurā:

—Marīpu ĩrē iriuñumi ĩgūyarārē iritamudoregu, āriñurā.

17 Irasirirā āārīpererogue Judea nikū marā, iri nikū turo marāde Jesús ĩgūrē masūdea kerere péperekōāñurā.

*Juan masakare wāiyerimasū ĩgū buerire tayarārē Jesús purogue iriudea*

(Mt 11.2-19)

18 Juan masakare wāiyerimasū peresugue āārīripoe ĩgū buerire tayarā āārīpereri Jesús irideare ĩgūrē wererā waañurā. Juan irire pégu, ĩgūsā merāmarā pērārē siiu:

19 —Jesúre āsū āri sērēñarā waaka! “¿Muta āārīrī Cristo guare taugu aaribu iriayuru, ĩgūsā ārīdi, o gajigure yūrākuri gu?” āri sērēñarā waaka! āri iriuyuru.

20 Irasirirā, Jesús puro ejarā, ĩgūrē āriñurā:

—Juan masakare wāiyerimasū guare mure āsū āri sērēñadoreami: “¿Muta āārīrī Cristo guare taugu aaribu iriayuru, ĩgūsā ārīdi, o gajigure yūrākuri gu?”

21 Īgūsā ejaripoere Jesús wārā pūrīrikurārē, wātēa ñajāsūnerārē, koye ĩāmerādere taugu iriyuru.

22 Irasirigu Jesús āsū āri yujuyuru Juan iriuanerārē:

—Musā ĩārīrē, musā pérere, Juārē wererā waaka! Koye ĩābiranerā oārō ĩāma. Waamasībiranerā waamasīakōāma. Kāmi boanerā yariperekōāsūama. Gāmipū pébiranerā péakōāma. Boanerāde masākōāma. Boporā, Marīpu masakare tauri kerere weremakū péma.

23 “Yure buremurīrē piribi, usuyari opagukumi”, āri wererā waaka Juārē! āriyuru Jesús.

24 Īgūsā waadero puru, Jesús Juāyamarē masakare āsū āri werenugāyuru:

—Musā masaka marīrōgue Juārē ĩārā waarā, güigure gūñaturabire ĩārā waarā meta irikuyo. Īgū turabi, mirū táborere wējāpubéorosū āārībemi.

25 Irasũ āārĩmakũ, musã ĩgũrẽ iroque ĩārã waarã, õārĩ suri sãñagũrẽ ĩārã waarã meta irikuyo. Õārĩ suri sãñarãno oparãya wiirigue āārĩkuma. Juan ĩgũsã irirosũ āārĩbemi.

26 Musã iroque ĩgũrẽ ĩārã waarã, Marĩpũya kerere weredupiyurimasũrẽ ĩārã waarã iriyo. Musãrẽ werea. Juan diayeta Marĩpũya kerere weredupiyunerã nemorõ āārĩmi.

27 Marĩpũya werenĩrĩ gojadea pũgue gojasũdero āārĩbũ Juan iriburire. Irasirigũ Marĩpũ ĩgũ magũrẽ ãsũ ãrĩdi āārĩmĩ:

Mũ waaburo dupiyuro yaa kerere weredupiyubure iriugũra, mũ waaburore ãmuyudoregũ, ãrĩ gojasũdero āārĩbũ.\*

28 'Musãrẽ werea. Juan aariburi dupiyuro neõ sugũ ĩgũ nemorõ yaamarẽ masĩgũ marĩdi āārĩmĩ. Irasũ āārĩkerepũũ, sugũ Marĩpũ ãmũgasigue āārĩgũyagũ gapũ Juan nemorõ yaamarẽ masĩgũ āārĩgũkumi. Āārĩpererã nemorõ ubu āārĩgũ āārĩkeregũ, masĩgũ āārĩgũkumi, ãrĩyupũ Jesús.

29 ĩgũ irasũ ãrĩrĩrẽ pérã, āārĩpererã masaka, romano marã opũre niyeru wajaseabosarimasãde Juan wãiyesũnerã āārĩsĩã: “Marĩpũ diayeta irigũ āārĩmi”, ãrĩ masĩñurã.

30 Fariseo bumarã, Moisés gojadeare buerimasã gapũ Juãrẽ wãiyedorebirinerã āārĩsĩã, Marĩpũ ĩgũsãrẽ iridũarire gããmebirĩñurã.

31 Irasirigũ marĩ Opũ Jesús ãsũ ãrĩnemoyupũ:

—Masaka dapagora marã, ¿ñeémarãno irirosũ āārĩrĩ?

32 Majĩrã makã dekoue ĩgũsã merãmarã merã bira gaguinĩ doanĩrã irirosũ āārĩma. ãsũ ãrĩ gaguinĩma: “Gũa tẽrẽdiru purimakũ, bayabirabũ. Bũjawereri merã gũa bayamakũ, orebirabũ”, ãrĩma.

33 Juan masakare wãiyerimasũ pã baabirimakũ, igui deko pãmudeare iirĩbirimakũ ĩārã, ĩgũrẽ: “Wãtĩ ñajãsũdi āārĩmi ĩĩ”, ãrĩbũ musã.

34 Pũrũ yũ āārĩpererã tĩgũ baa, iirĩmakũ ĩārã: “Baapagu, iirĩpagũ āārĩmi”, ãrĩbũ. “Romano marã opũre niyeru wajaseabosarimasã merãmũ, ñerõ irirã merãmũ āārĩmi”, ãrĩbũ musã yure.

35 Musã yaamarẽ, Juãyamarẽ masĩbirikeremakũ, gũare masĩrã gapũ: “Diayeta Marĩpũ iriunerã āārĩma”, ãrĩ masĩma, ãrĩyupũ Jesús.

### *Jesús, fariseo bumũ Simón wãikũgũya wiigũe ejadea*

36 ĩgũ irasũ ãrãdero pũrũ, sugũ fariseo bumũ Jesũre ĩgũya wiigũe baadoregũ siuayupũ. Irasirigũ Jesús ĩgũya wiigũe waa, eja, baari peoro pũro eja, doayupũ.

\* 7:27 Mal 3.1

37 Sugo nomeõ iri makāmo, ñerõ iririmasõ, Jesús fariseoya wiigüe baagü ejadea kerere pé, irogué waayupo. Suru borewariru “alabastro” wāikari ütāye merā iridirure õārõ sārõrĩ opadirure āñayupo.

38 Āñā, Jesús purupu gapu ejanugāja, igo ñerõ irideare buru bujawereri merā güña, ore, Jesús puro meédoaja, ĩgüya guburi wekare igoya kódeko meébejamakū ĩā, igoya poañapu merā túkoe bojoyupo. Túkoe bojo, buremurĩ merā ĩgüya guburire mimi, igo sārõrĩ āñadea merā ĩgüya guburire pípeoyupo.

39 Igo irasirimakū ĩāgü, fariseo bumü Jesúre baadoregü siuadi ĩgü basi güñayupu: “Igo ĩgüya guburire moāñagõ ñerõ iririmasõ āārĩmo. Ĩĩ diayeta Marĩpüya kerere weregü āārĩgü, irire masĩsiabukumi”, ārĩ güñayupu.

40 Jesús ĩgü güñarĩrē ĩāmasĩ, ĩgürē ārĩyupu:

—Simón, yu murē gajino weredukoa, ārĩyupu.

—Buegü, wereka yure! ārĩyupu Simón.

41 ĩgü irasü ārĩmakū pégü, Jesús i keori merā wereyupu ĩgürē:  
—Sugü masakare niyeru wayurimasü āārĩkumi. Pērā üma wajamokuma ĩgürē. Sugü wári niyeru koeri quinientos moārĩñarĩ wajataropa wajamokumi. Gajigü mérĩ koerigā cincuenta moārĩñarĩ wajataropa wajamokumi.

42 ĩgüsā pērā, ĩgüsā wajamorĩrē wajariri opabirimakū ĩāgü, niyeru wayudi ĩgüsārē pērāguereta: “Iropata, müsā wajamorĩ pereburo. Irire kätigukoa”, ārĩkumi. Irasirimakū, ¿niĩ gapu niyeru wayudire buru maĩkuri? wáro wajamodi, o mérõgā wajamodi gapu, ārĩyupu Jesús.

43 Simón yujuyupu:

—Wáro wajamodi gapu buru maĩbukumi, ārĩyupu.

—Diayeta yujua mü, ārĩyupu Jesús ĩgürē.

44 Irasü ārĩ odo, Jesús nomeõrē ĩā, Simõrē ārĩyupu:

—¿Igo yure iriadeare ĩārĩ mü? Müya wiigüe yu ñajājamakū, mü yure yaa guburi koeburire deko sibirabu. Igo gapu yaa guburire igoya kódeko merā koe, igoya poañapu merā túkoe bojoamo.

45 Yu õādoremakū, mü yure bokatĩrĩ pábua, mimibirabu. Igo gapu yu ñajājadero purugüe yaa guburire mimiadeo neõ mimiduúbemo.

46 Mü gapu yaa dipurure üye õārĩ sārõrĩ merā pípeobirabu. Igo gapu yaa guburire sārõrĩ pípeoamo.

47 Irasirigü Simón, yu murē werea. Igo ñerõ iridea wári āārĩkeremakū, yu irire kätia. Yu irasirimakū, yure buru maĩmo. Gajigü gapu, yu ĩgü ñerõ irideare kätimakū: “Yu mérõgāta ñerõ irideare opáa”, ārĩ güñasĩā, yure sārũta maĩmi, ārĩyupu Jesús.

48 ĩgürē irasü ārĩ odo, nomeõrē āsü ārĩyupu:

—Mü ñerõ irideare kätia yu, ārĩyupu.



49 Īgũ irasũ ārĩmakũ pérã, gajirã masaka iri wiigue Īgũ merã baadoregũ siuanerã āsũ ārĩ gãme werenĩñurã:

—¿Ñeémuno masakũ āārĩrĩ ĩĩ, irasũ ñerõ irideare kãtigu? ārĩñurã.

50 Jesús gapũ nomeõrẽ ārĩyupũ doja:

—Yũre buremusĩã, perebiri peamegue waabodeo tausũsiãa. Irasirigo õãrõ siñajãrĩ merã waaka! ārĩyupũ.

## 8

### *Nome Jesúre iritamudea*

1 Pũrũ Jesús paga makãrĩ marãrẽ, mutã makãrĩgã marãdere Marĩpũ Īgũyarãrẽ doreri kerere weregorenagũ waayupũ. Īgũ buerã pe mojõma pere su gubu peru pẽrẽbejarã Īgũ merã waañurã.

2 Nomede Īgũ merã waañurã. Pũrĩrikurã āārĩnerã Jesús taunerã nome āārĩñurã. Gajirã nome, wãtẽa ñajãnerãrẽ Jesús béowiusũnerã āārĩñurã. Sugo María Magdalena wãikũgo āārĩyupo. Igo su mojõma pere gaji mojõ peru pẽrẽbejarã wãtẽãrẽ Jesús béowiusũdeo āārĩyupo.

3 Gajigo Juana wãikũgo, Cuza wãikũgu marãpo āārĩyupo. Cuza Herodeya wiigue moãboerimasã opũ āārĩyupũ. Gajigo Susana wãikũgo āārĩyupo. Gajirã nomede wárã Jesús merã waañurã Īgũ buerire péduarã. Īgũsã nome, Īgũsã opari merã Jesúre, Īgũ buerãdere iritamuñurã.

### *Jesús oterimasũ keori merã buedea*

(Mt 13.1-9; Mr 4.1-9)

4 Wárã masaka wári makãrĩ marã Jesús pũro Īgũrẽ ñãduarã nerẽñurã. Īgũsã wárã nerẽmakũ, Jesús i keori merã āsũ ārĩ bueyupũ Īgũsãrẽ:

5 —Sugũ oterimasũ Īgũya oteri yerire meésirigu waakumi. Īgũ meésiriwãgãmakũ, gaji yeri maague yurikoa. Masaka iri maague waarã, iro yuriadea yerire kũramutũkõãkuma. Mirãde iri yerire boka, baapeokõãkuma.

6 Gaji yeri ãtãyerikũrogue yurikoa. Iri yeri puriadikoa. Puriadi, deko marĩmakũ ñãĩ, boakõãkoa.

7 Gaji yeri pora watopegue yurikoa. Pora gapũ puritarĩmũrĩa, oteri gapũre wẽjẽkõãkoa.

8 Gaji yeri õãrĩ nikũgue yurikoa. Iri yeri õãrõ puri, wári dukakũkoa. Su dupaũu cien yerigora dukakũkoa, ārĩyupũ.

Iri keori merã were odo, Īgũsãrẽ turaro merã āsũ ārĩyupũ doja:

—Mũsã gãmipũrĩ oparã, yũ wererire péduripĩka! ārĩyupũ Jesús masakare.

*Jesús buerã ĩgũrẽ: “¿Nasirigu keori merã bueri?” ãrĩ sêrẽñadea (Mt 13.10-17; Mr 4.10-12)*

<sup>9</sup> Pũũ ĩgũ buerã ĩgũrẽ sêrẽñañurã:

—¿Naásũ ãrĩduaro iriari, guare mũ wereadea? ãrĩñurã.

<sup>10</sup> Jesús ĩgũsãrẽ yũjũyũpũ:

—Marĩpũ ĩgũyarãrẽ doregu ããrĩrĩrẽ iripoegue masĩbirideare dapagorare mũsãrẽ masĩmakũ yámi. Gajirã gapũre keori merã dita buea. Irasirirã ĩgũsã Marĩpũ iririre ĩãkererã, ĩãmasĩbirikuma. ĩgũyare pékererã, pémasĩbirikuma.

*Jesús oterimasũ keori merã ĩgũ bueadeare: “Ãsũ ãrĩduaro yáa”, ãrĩ weredea*

*(Mt 13.18-23; Mr 4.13-20)*

<sup>11</sup> Yũ iri keori merã bueadea ãsũ ãrĩduaro yáa. Iri oteri yeri Marĩpũya werenĩrĩ irirosũ ããrã.

<sup>12</sup> Surãyeri masaka Marĩpũya werenĩrĩrẽ pékererã, pémasĩbema. Maa bũriri maa irirosũ ããrĩma. ĩgũya werenĩrĩrẽ péadero pũũ, oteri yeri iri maague yuridea yerire mirã baapeoderosũ, wãtĩ ĩgũsã gũñarĩgue eja, ĩgũsã péadideare ĩmapeokõãmi. ĩgũsã Marĩpũre bũremubiri, tausũbirikõãburo, ãrĩgũ, irasũ yámi.

<sup>13</sup> Gajirã masaka ãtãyerikũri yeba irirosũ ããrĩma. ĩgũsã Marĩpũya werenĩrĩrẽ usũyari merã pékeremakũ, oteri yeri ãtãyerikũrogue yuriadero pũũ, nugũrĩ marĩderosũ ĩgũsãrẽ waáa. Irasirirã yoaweyaripoe bũremuadima. Pũũ Marĩpũyare iridũari waja gajirã ĩgũsãrẽ ñerõ irimakũ ĩãrã, mata ĩgũyare pirikõãma.

<sup>14</sup> Gajirã masaka porakũri yeba irirosũ ããrĩma. Marĩpũya werenĩrĩrẽ pékererã, oteri yeri porakũrogue yuriadero pũũ, pora gapũ puritarimũrĩã, wẽjẽderosũ, i mũmũmarẽ bũro gũñarikũma. Irasirirã wãri oparire gũñataria, ĩgũsã gããmerõ iridũasĩã, Marĩpũya werenĩrĩrẽ kãtima.

<sup>15</sup> Gajirã masaka õãrĩ nikũ irirosũ ããrĩma. Irasirirã Marĩpũya werenĩrĩrẽ õãrõ pérã, péduripĩma. Õãrĩ gũñarĩrẽ oparã, Marĩpũyare iridũarã ããrĩma. Gajirã ĩgũsãrẽ ñerõ irik-eremakũ, ĩgũyare piribema. Wãri õãrĩ dukakũdiñũ irirosũ ããrĩma, ãrĩyũpũ.

*Jesús sããgodiru keori merã buedeã*

*(Mt 5.15-16; Mr 4.21-25)*

<sup>16</sup> Pũũ gaji keori merã bueyũpũ doja:

—Masaka sããgodirure sããgorã, kũmesoro merã muũpĩbirikuma. Kãrĩrõ dokaguedere dobobirikuma. Őmarõ, wiĩ dekogue siukuma. Irasirirã gajirã iri wiire ñajãrã, sããgodiru ãjũgorore õãrõ ĩã, ñajãkuma.

17 Āārīpereri masaka iripoegue masībirideare masīsūrokoa. Masaka iāberogue duripideare sīāgoro āārīrōgue iāmasīrō irirosū masīsūrokoa. Yayedea irirosū neō āārībirikoa.

18 ʻIrasirirā Marīp̄ya werenírīrē pérā, ōārō pémasīka! Irire ōārō péduripígūnorē Marīp̄ wári pémasīrī sīnemogūkumi. Gajigu ōārō pébirikeregū: “Masīa yu”, ārī gūñami. Īgū irasū ārī gūñakeregū, ōārō pémasībemi. Īgū pémasīadideare ēmasūgūkumi. Irasirigū neō pémasībi dujagūkumi pama, ārīyupū Jesús.

*Jesús pago, Īgū pagupūrā merā Īgūrē Īāgō ejadea*  
(Mt 12.46-50; Mr 3.31-35)

19 P̄yū Jesús pago, Īgū pagupūrā merā Īgūrē Īāgō ejayupo. Masaka wárā Īgū p̄yogūe āārīmakū, ejamasībiriypū.

20 Irasirigū sugū irogūe āārīgú Jesúsre wereyupū:

—M̄p̄o, m̄y pagupūrā merā m̄yē Īād̄arā, masaka p̄yup̄yogūe níama, ārīyupū.

21 Īgū irasū ārīmakū pégū, Jesús āsū ārī yūj̄yupū:

—Marīp̄ya werenírīrē ōārō péduripírā, Īgūyare ōārō irit̄yarā, ȳp̄o, ȳy pagupūrā irirosū āārīma, ārīyupū.

*Jesús mirū, makūrīrē toemakū iridea*  
(Mt 8.23-27; Mr 4.35-41)

22 Sunū Jesús ditaru t̄yogūe āārīgú, Īgū buerā merā doódirugūe m̄yīñajāa, Īgūsārē:

—Náka, ditaru sipārēgūe taribujarā! ārīyupū.

—Jáa, ārī, waakōāñurā.

23 Iro taribujagū, Jesús kārīñajākōāyupū. P̄yū ditarugūere b̄yūo mirū waayuro. Doódirugūere makūrī páñajāa, miūkōādiyuro. B̄yūo goero waayuro Īgūsārē.

24 Irasū waamakū Īārā, Jesúsre yobeñurā:

—Ḡyare buegū, marī mirīmurā yāa, ārī gaguinīñurā.

Īgūsā irasū ārīmakū pégū, Jesús yobe, mirū, makūrīrē toedoreyupū. Īgū toedoremakū, mirū, makūrī b̄yūo waadea toedijapereakōāyuro.

25 P̄yū Īgū buerārē ārīyupū:

—¿M̄sā ȳre b̄yemurī opaberi?

Īgūsā gapū gūkanerā āārīsīā, Īāgūka, Īgūsā basi gāme sērēñañurā:

—¿Néem̄no masakū āārīrī ĩ? Īgū mirūrē, makūrīrē toedoremakū toedijakōā, neō tarinugābea Īgūrē, ārīñurā.

*Jesús Gadaram̄rē wātēa ñajānerārē béowiudea*  
(Mt 8.28-34; Mr 5.1-20)

26 P̄yū Galilea nikū bokatūrō, Gadara wāik̄yogūe taribujañurā.

27 Jesús doódirugue ããrãdi majãñugãmakû, sugu masakû iri makãmû ãgû pûro ejanugãyupû. ãgû wãtêa ñajãsũdero pûru yoakõãyuro. Neõ surí sãñabi, wiiguere ããrĩbi, masãgoberi watopegue dita ããrĩgû ããrĩyupû.

28-29 Wãtĩ masakure wãri ñeã meémejãnayupû. Irasirirã masaka ãgürê ñeã, ãgûya mojóĩrê, guburidere kômedari merã sãanadiñurã ãgürê biadobomurã. ãgû gapû ãgûsã sãarikû, tũãtanokõãyupû. Irasirigû wãtĩ ãgürê masaka marĩrôgue waamakû irinayupû.

Jesús wãtĩrê: “Wirika mû ñajãdire!” ãrĩyupû. Masakû Jesúre ããgû, ãgû pûro ñadukupuri merã ejamejã, bûro gaguinĩyupû:

—Jesús, ãmugasigue marã Opû ããrĩpererã nemorõ turagu magû, ¿nasiribu yãri mû yure? “Yure poyarikumakû iribirikõãka!” ãrĩ, bûro sêrêa, ãrĩyupû.

30 Jesús ãgürê sêrêñayupû:

—¿Ñeémû wãĩkuri mû? ãrĩyupû.

—“Legión” wãĩkua yû, ãrĩ yujuyupû. “Legión”, ãrĩrô: “wãrã”, ãrĩduaro yãa. Wãrã wãtêa ñajasũdi ããrĩsã, irasû wãĩkuyupû.

31 Wãtêa masakuguerê ñajãnerã Jesúre:

—Gũare bûro ãkũãrĩ gobegue waadobirikõãka! ãrĩ sêrêñurã.

32 Iro ãtãũgue wãrã yesea ãma baarã iriñurã. ãgûsãrê ããrã, wãtêa Jesúre sêrêñurã:

—Yeseaguere gũare ñajãdoreka!

—Jãu, ãgûsãgüereta ñajãrã waaka! ãrĩyupû.

33 ãgû irasû ãrĩmakû, wãtêa masakuguerê ããrãnerã wirirã, yeseaguere ñajãñurã. ãgûsã ñajãmakû, yesea ãma mirêbuãa, ditarugue meébia dijãa, mirĩ boapereakõãñurã.

34 Irasû waamakû ããrã, yeseare korerimasã gũkari merã ãmadujãa, ãgûsãya makã marãrê, iri makã tũro marãdere wererã waañurã.

35 Irire pãrã: “¿Naásû waãayuri?” ãrĩ, Jesús pûro ããrã waañurã. Irogue eja, wãtêa béowiusũadire bokajañurã. Jesús pûro, surĩro sãñadi, õãrõ pémasĩrĩ merã doayupû. Masaka ãgürê ããrã, bûro gũiri merã ããñurã.

36 Wãtêãrê béowiumakû ããnerã irogue ejarãrê irire wereñurã.

37 Irire pãrã, ããrĩpererã Gadara nikû marã bûro gũisã, Jesúre: “Waaka õõrê!” ãrĩñurã. ãgûsã waadoremakû pégu, Jesús doódirugue mũrĩñajãyupû.

38 ãgû mũrĩñajãmakû ããgû, wãtêa béowiusũadi Jesúre:

—Yude mû merã waadũakoa, ãrĩ sêrêadiyupû.

Jesús gapû ãgürê ãrĩyupû:

—Yû merã waabirikõãka!

39 Mũya wiigüe goedujãka! ããrĩpereri Marĩpû mũrê õãrĩ iriadeare weregû waaka! ãrĩyupû.

Īgū irasū āřĩmakū pégu, ĩgūya makāgue waakōāyupu. Irogue eja, Jesús ĩgūrē ōārĩ iriadeare āārĩpererā ĩgūya makā marārē wereyupu.

*Jesús Jairo magōrē, gajigo nomeō ĩgūya surĩro moāñagōrē taudea*

(Mt 9.18-26; Mr 5.21-43)

40 Jesús Gadara nikūgue āārĩripoe wárā masaka Galilea nikūgue ĩgūrē yúrā iriñurā. Irasirirā, ĩgū taribujamakū ĩārā, buro usuyari merā bokatĩrĩñurā.

41 Iripoere sugu judío masaka nerērĩ wii opu Jairo wāikugu Jesús purogue ejayupu. Eja, Jesúsya guburi puro ñadukupuri merā ejamejāja, ĩgūrē: “Yaa wiigue waaka!” ārĩ, buro sērēyupu.

42 Īgū magō buro sĩřĩgō kōmorĩ purōgāgue āārĩyupo. Igo sugota āārĩyupo. Pe mojōma pere su gubu peru pērēbejari bojori opayupo. Jesús Jairoya wiigue waamakū, wárā masaka ĩgūrē kũnarōgā tuuyañurā.

43 Īgūsā watopegue sugo nomeō pe mojōma pere su gubu peru pērēbejari bojorigora dí wiriri merā pũřĩrikugo āārĩyupo. Irasirigo igo opadea niyerure kúririmasārē wajari peremejākōāyupo. Īgūsā kúrikeremakūta, igo pũřĩrikuri neō taribiriyuro.

44 Jesús iro waamakū ĩāgō, ĩgū purupu gapu waa ejanugā, ĩgūya surĩro yuware moāñayupo. Igo moāñamakūta, igo dí wiririadea tariakōāyuro.

45 Irasirigu Jesús sērēñayupu:

—¿Noā yure moāñarĩ? ārĩyupu.

Āārĩpererā: “Gua neō moāñabea”, ārĩñurā.

Pedro, ĩgū merāmarā merā:

—Gware buegu, ¿nasirigu irasū ārĩ sērēñarĩ? Masaka wárā kũnarōgā tuuyama mūrē, ārĩñurā.

46 Jesús gapu ĩgūsārē ārĩyupu:

—Sugo nomeō moāñañumo yure. Igo moāñamakū, yu turari merā igo pũřĩrikurire tauayo. Irire masĩa yu, ārĩyupu.

47 Īgū irasū āřĩmakū pégo: “Yu iriadeare masĩmi”, ārĩ gũña, buro gũi naradari merā ĩgū guburi puro ñadukupuri merā ejamejāja, āārĩpererā péuro Jesúsre: “Yu muya surĩrore moāñamakūta yu pũřĩrikudea tariakōābũ”, ārĩ wereyupo.

48 Jesús igore ārĩyupu:

—Mu yure buremurĩ opáa. Irasirigo mu pũřĩrikurire tausũa. Usuyari merā waaka! ārĩyupu.

49 Jesús irasū āřĩripoe sugu masakũ Jairoya wii āārādi ejayupu, Jairore weregu ejagu:

—Mu magō kōmoakōāmo. Marĩrē buegure garibonemo-birikōāka! ārĩyupu.

50 Īgū irasū ārimakū pégu, Jesús Jairore āsū āriyupū:  
—Gūbirikōāka! Buremurī opaka yure! Mu magō  
tarigokumo, āriyupū.

51 Irasirigu Jairoya wiigie eja, gajirārē űajādorebiryupū. Pe-  
drore, Juārē, Īgū tīgū Santiagore, boadeo pagusāmarā ditare  
siuu űajāyupū.

52 Īgūsā űajājaripoere āārīpererā iri wiigie āārīrā buru orerā  
iriñurā. Jesús āriyupū Īgūsārē:

—Orebirikōāka! Majīgō boabemo. Kārīgō yāmo.

53 Īgū irasū ārimakū pérā, oreanerā gapū Īgūrē burīñurā. “Igo  
boadeare masīa gūa”, ārī gūñāñurā.

54 Jesús gapū boadeo puru ejanugā, igoya mojōrē ñeā, turaro  
merā igore āsū āriyupū:

—Majīgō, wāgānugāka!

55 Īgū irasū ārimakū, igoya yujupūrā goeyuro. Irasirigo mata  
wāgādoakōāyupo. Jesús igo pagusāmarārē: “Baari ejoka igore!”  
āriyupū.

56 Igo okamakū ĩārā, igo pagusāmarā gukatariakōāñurā.  
Jesús igore Īgū masūadeare gajirārē weredorebiryupū.

## 9

*Jesús Īgū buerārē buedoregū iriudea*  
(Mt 10.5-15; Mr 6.7-13)

1 Puru Jesús Īgū buerārē pe mojōma pere su gubu peru  
pērēbejarārē siuu neō, Īgū turarire siyupū: “Iri turari merā  
āārīpererā wātēārē béowiumasīrākoa. Pūrīrdere taumasīrākoa”,  
āriyupū.

2 Irasirigu Īgūsārē Marīpu Īgūyarārē doreri kerere were-  
doregū, pūrīrikurādere taudoregū āsū ārī iriuyupū:

3 —Waarā, gajinorē neō āābirikōāka! Mūsā tuadire, ajuro,  
baari, niyeru, gaji surī mūsā gorawayuburidere āābirikōāka!

4 Makā ejarā, mūsā ejadea wiita āārīkōāka! Iri makārē  
waarāgue iri wiire wirika!

5 Gaji makā marā masaka mūsārē gāāmebirimakū, iri makārē  
diayeta tariakōāka! Irasū tariarā, nikūwera mūsāya guburigue  
tuadeare mojēbéokōāka! Īgūsā mūsārē gāāmebiri waja Marīpu  
Īgūsārē wajamoāburire masīburo, ārīrā, irasirika! āriyupū  
Jesús.

6 Īgū irasū ārī odoadero puru, waakōāñurā. Irasirirā  
āārīpereri makārīgue Marīpu masakare tauri kerere weregore-  
narā, pūrīrikurādere taugorenarā waañurā.

*Juan masakare wāiyerimasū boadea*  
(Mt 14.1-12; Mr 6.14-29)

<sup>7</sup> Iripoere Galilea nikū marā opu Herodes āārīpereri Jesús iriri kerere péyupu. Gajirā Jesúre masīmerā: “Īgū, Juan masakare wāiyerimasūta boadigue masādi āārīkumi”, āārīñurā. Herodes gapu irire pégu: “¿Nasiriro irasū waáari?” ārī, buro gūñarikuyupu.

<sup>8</sup> Gajirā: “Elías iripoegue āārīunadi deyoakumi”, āārīñurā. Gajirā: “Sugu Marīpuya kerere weredupiyudi iripoegue āārīunadi masākumi”, āārīñurā.

<sup>9</sup> Herodes gapu āsū ārīyupu: “Yuta Juārē Īgūya dipurure ditiádorebu. ¿Niino gapu āārībukuri iropa wári werenísūgū?” ārīyupu. Irasirigu Jesúre buro ĩādudiyupu.

*Jesús cinco mil āmarē baari ejodea  
(Mt 14.13-21; Mr 6.30-44; Jn 6.1-14)*

<sup>10</sup> Jesús Īgū buerā buedoregu iriunerā goedujajarā, Īgūsā irideare werepeokōāñurā Īgūrē. Pugu Jesús Īgūsārē masaka marīrōgue Betsaida wāikuri makā tarogue siiuayupu.

<sup>11</sup> Īgūsā irogue waarī kerere pérā, wārā masaka Jesúre tuyañurā. Jesús Īgūsārē ōādore, Marīpu Īgūyarārē doreri kerere wereyupu. Pūrīrikarā Īgūrē taudorerārē tauyupu.

<sup>12</sup> Namika āārīmakū, Jesús buerā pe mojōma pere su gubu peru pērēbejarā Īgū puro eja, Īgūrē āārīñurā:

—Masakare waadoreka! Ōō puro āārīrī makārīma wiirigue Īgūsā kārīrī, baari āmarā waaburo. Ōō marī āārīrōguere neō gajino máa, āārīñurā.

<sup>13</sup> Jesús gapu ārīyupu:

—Musā Īgūsārē baari sīka!

Īgūsā yujunurā:

—Gua pā duparu su mojōma duparuta, waaídere pērāta opáa. Mérōgā baari āārā. Masaka gapu wārāgora āārīma. Irasirirā gua gaji baari wajarirā waamerā Īgūsārē ejobirikoa, āārīñurā.

<sup>14</sup> Wārā masaka āārīñurā Īgūsā merā. Ūma ditare keomakū, cinco mil āārīñurā. Irasirigu Jesús Īgū buerārē ārīyupu:

—Masaka āārīpererārē boje yebori cincuenta dita dukawa, Īgūsārē doadoreka! ārīyupu.

<sup>15</sup> Irasirirā Īgū buerā Īgū ārīrōsūta āārīpererā masakare doadoreñurā.

<sup>16</sup> Masaka doaperemakū, Jesús su mojōma pā duparure, pērā waairé āi, ūmugasigue ĩāmu, Marīpura usuyari sī, irire peayupu. Pea, Īgū buerārē masakare gueredoregu sīyupu.

<sup>17</sup> Irasirirā āārīpererā masaka irire baayapiakōāñurā. Pugu Īgūsā baadúadeare Jesús buerā pe mojōma pere su gubu peru pērēbejari puuirigora seasā utudoboñurā.

*Pedro Jesúre: “Mu Cristo āārā”, ārī weredeia  
(Mt 16.13-19; Mr 8.27-29; Jn 6.68-69; 12.24-25)*

18 Gajinũ Jesús ĩgũ suguta Marĩpure sērēgũ iriyupũ. ĩgũ buerã ĩgũ merã ãārĩñurã. Irasirigu Jesús ĩgũsārē ãsũ ãrĩ sērēñayupũ:

—Masaka yũre, ¿naásũ ãrĩ gũñarĩ? ãrĩyupũ.

19 ĩgũsã yũjuñurã:

—Surãyeri mũrē: “Juan, masakare wãiyerimasũ ãārĩmi”, ãrĩma. Gajirã: “Elías iripoegue ãārĩunadi ãārĩmi”, gajirã: “Sugũ Marĩpũya kerere weredupiyudi iripoegue ãārĩunadi, masãdi ãārĩmi”, ãrĩma, ãrĩñurã.

20 Irasũ ãrĩmakũ, Jesús ĩgũsārē sērēñayupũ:

—Musãkoa yũre, ¿naásũ ãrĩ gũñarĩ? ãrĩyupũ.

Pedro ãrĩyupũ ĩgũrē:

—Mũ, Marĩpũ iriudi, Cristo ããrã, ãrĩyupũ.

### *Jesús ĩgũ boaburire weredea*

(Mt 16.20-28; Mr 8.30-9.1; Jn 12.24-25)

21 Pedro irasũ ãrĩrĩrē pégu, Jesús ĩgũ buerãrē buru turaro merã: “Gajirãrē ire werebirikõãka!” ãrĩyupũ.

22 Irasũ ãrĩ odo, ãsũ ãrĩyupũ doja:

—Yũre ããrĩpererã tĩgũrē buru ñerõ tariro ããrã. Judío masaka mũrã, paía oparã, Moisés gojadeare buerimasã yũre gããmebirisĩã, gajirãrē yũre wējēdorerãkuma. ĩgũsã yũre wējēadero purũ, urenũ waaró merã Marĩpũ yũre masũgakumi, ãrĩyupũ.

23 Purũ ããrĩpererã masakare ãrĩyupũ:

—Yũre tũyaduarãno ĩgũsã iriduarire piriburo. Irasirirã yũre tũyari waja curusague pábiatú, wējēsũmurã irirosũ ããrĩkererã, piriro marĩrõ yũre tũyanikõãburo.

24 ĩũmũgue ĩgũsãya okari ditare maĩrãno perebiri peamegue beósũrãkuma. Gajirã gapũ yũre tũyari waja, masaka ĩgũsārē wējēkeremakũ, Marĩpũ pũrogue waarãkuma, ĩgũ merã õãrõ ããrĩñĩmurã.

25 Sugũ masakũ i mũmũmarē ããrĩpereri opakeregu, ĩgũ boari purũ waaburi gapũre gũñabiri waja peamegue waagú, õãrĩrē neõ wajatabirikumi.

26 Masaka yũre, yaa kerere gũyasĩrĩmakũ, yũde ĩgũsārē gũyasĩrĩgũkoa. Yũ ããrĩpererã tĩgũ yũ goesiriri merã, Yũpũ, ĩgũrē wereboerã õãrã goesiriri merã dupaturi aarigũkoa. Irasũ aarigú, yũre gũyasĩrĩnerãrē gũyasĩrĩgũkoa.

27 Diayeta mũsãrē werea. Surãyeri mũsã õõgue ããrĩrã, mũsã boaburi dupiyuro Marĩpũ ĩgũyarãrē doregu ããrĩrĩrē ĩãrãkoa, ãrĩyupũ Jesús.

### *Jesús ĩgũ deyori gorawayudea*

(Mt 17.1-8; Mr 9.2-8)



28 Īgū irasū ārādero p̄ru su mojōma pere gaji mojō Ɂreru p̄rēbejarinurī waadero p̄ru, Jesús ūtāū wekague Marīp̄re sērēgū waagū, Pedro, Santiago, Juārē siiu m̄rīayuru.

29 Irogue Marīp̄re sērēripoe Īgūya diapu deyori gorawayuakōāyuro. Īgūya surīro b̄ro borero k̄mijūrīne waayuro.

30 Irasū waaripoe Īgū p̄ro ūma p̄rā deyoa, Īgū merā were-tamunīñurā. Īgūsā iripoegue marā Moisés, Elías āārīñurā.

31 Īgūsāde goesiriri merā deyoañurā. Iripoegue: “Īgūrē āsū waarokoa”, ārīderosūta Jerusalēgue Īgū boaburire Jesús merā werenīñurā.

32 Pedrosā b̄ro w̄jakukererā, kārīrō marīrō Jesús gos-siririre, Īgū merā āārīrārē ĩñurā.

33 Moisés, Elías Jesús p̄ro āārānerā waaripoe Pedro ārīyuru:  
—Ḡare buegū, marī ōōgue āārīmakū ōātariduaa. Irasirirā Ɂre wiigā irirāra. M̄ya wii, Moiséya wii, Elíaya wii irirāra, ārīyuru.

Īgū irasū ārīkereguta, Īgū ārīrīrē neō pémasībiriyuru.

34 Īgū irasū ārīripoe su yebo ĩmikāyebo túbiayuro Īgūsārē. Iri Īgūsārē túbiamakū, b̄ro gūiñurā.

35 Marīp̄rē ĩmikāyebo poekague āsū ārī werenīmakū péñurā:

—Ī yu magū, yu beyedi āārīmi. Īgūrē ōārō péka! ārīyuru.

36 Marīp̄rē werenīadero p̄ru, Jesús ditare ĩñurā. Pedrosā gap̄rē Jesús i nikūgue āārīñurārē neō suḡrē masak̄re Īgūsā ĩādeare werebirīñurā.

*Jesús suḡrē majīgūrē wātī ñajāsūdire taudea*

*(Mt 17.14-21; Mr 9.14-29)*

37 Gajinū gap̄rē Īgūsā ūtāūgue āārānerā dijjadero p̄ru, wárā masaka Jesure bokatīñurā.

38 Suḡrē masak̄rē Īgūsā watopegue āārīgú turaro merā ārīyuru:

—Ḡare buegū, yu m̄rē b̄ro sērēa. Yu magū suḡrē āārīgūrē bopoñarī merā ĩāka!

39 Wātī Īgūrē ñeā, gūñaña marīrō gaguiní, naradamakū iri-nami. Irasiriḡrē majīgū Īgūya disigue sūmu wirisūnami. Wātī Īgūrē b̄ro ñerō tarimakū irinami. Īgūrē neō pirid̄abemi.

40 M̄ buerārē wātīrē b̄ro béowiudoreadab̄. Īgūsā neō bokatīūbirama, ārīyuru.

41 Jesús yuj̄yuru:

—M̄sā dapagora marā, ȳre b̄remurī opamerā, diayemarē neō pémasīmerā āārā. ¿Noópa yoaripoe m̄sā merā āārīgukuri? ¿Noópa yoaripoe m̄sā ȳre b̄remubirire gūñaturagukuri? ārīyuru. Irasū ārī odo, wātī ñajāsūdi paḡre:

—M̄ magūrē āirika! ārīyuru.

42 Majĩgũ Jesús pũro waa ejanũgãmakũ, wãtĩ ĩgũrẽ yebague túmeépíkõãyupũ. ĩgũrẽ dupaturi bũro naradamakũ iriyupũ. Jesús gapũ wãtĩrẽ: “Majĩgũrẽ wirika!” ãrĩ, tauyupũ. Irasiri odo, ĩgũrẽ pagũre wiayupũ.

43 Masaka ããrĩpererã Marĩpũ wãri turari merã iririre ĩãrã, ĩãgũkakõãñũrã.

*Jesús dupaturi ĩgũ boaburire weredea*

*(Mt 17.22-23; Mr 9.30-32)*

Īgũsã ããrĩpererã Jesús iriadeare: “Oãtaria”, ãrĩ gũñaripoeta Jesús ĩgũ buerãrẽ ãrĩyupũ:

44 —Yũ musãrẽ wererire õãrõ pẽduripĩka! Kãtibirikõãka! Masaka yũre ããrĩpererã tĩgũrẽ ñeã, gajirãguere wiarãkuma, ãrĩyupũ.

45 Īgũsã gapũ ĩgũ irasũ ãrĩrĩrẽ õãrõ pẽmasĩbiriñũrã. Marĩpũ ĩgũsãrẽ irire pẽmasĩmakũ iribiriyupũ dapa. Irasirirã Jesũre gũirã: “¿Naasũ ãrĩdũagũ iriari, mũ irasũ ãrĩgũ?” ãrĩ sãrẽñabiriñũrã.

*Jesús sugũ gajirã nemorõ ããrĩgũyamarẽ weredea*

*(Mt 18.1-5; Mr 9.33-37; Jn 13.20)*

46 Pũrũ ĩgũ buerã ãsũ ãrĩ guaseonũgãñũrã: “Marĩ watopere, ¿noã marĩ ããrĩpererã nemorõ ããrĩrĩ?” ãrĩñũrã.

47 Jesús ĩgũsã gũñarĩrẽ ĩãmasĩkõãyupũ. Irasirigũ sugũ majĩgũrẽ ĩgũ pũro ãĩnũ, ãrĩyupũ:

48 —Sugũ yaagũre, ñĩ majĩgũ irirosũ ããrĩgũrẽ õãrõ bokatĩrĩñeãgũ, yũdere bokatĩrĩñeãmi. Yũre õãrõ bokatĩrĩñeãgũ, yũre iriudidere bokatĩrĩñeãmi. Sugũ musã watopemũ: “Gajirã nemorõ ããrĩbea”, ãrĩ gũñagũ, gajirã nemorõ ããrĩmi, ãrĩyupũ.

*Jesús: “Marĩrẽ ĩãturibi, marĩ merãmũ ããrĩmi”, ãrĩ weredea*

*(Mr 9.38-40)*

49 Pũrũ Juan Jesũre ãrĩyupũ:

—Gũare buegũ, sugũ masakũ mũ wãĩ merã wãtẽãrẽ: “Wirika mũsã ñajãdire!” ãrĩ béowiumakũ ĩãbũ. ĩgũ, marĩ merãmũ ããrĩbirimakũ ĩãrã, ĩgũrẽ: “Irire neõ irinemobirikõãka!” ãrãbũ, ãrĩyupũ.

50 Jesús gapũ ãrĩyupũ:

—Kãmutabirikõãka ĩgũrẽ! Sugũ marĩrẽ ĩãturibi, marĩ merãmũta ããrĩmi, ãrĩyupũ.

*Jesús Santiagore, Juãrẽ weredea*

51 Pũrũ Jesús ãmũgasigue mũrĩaburi dupiyuro ejawãgãrĩripoe: “Jerusalẽgue waagũra”, ãrĩyupũ.

52 ĩgũ waaburi dupiyuro gajirãrẽ Samaria nikũgue ããrĩrĩ makãgue ĩgũ kãrĩburore ãmayudoregũ iriuyupũ.

53 Samaria marã gapu judío masaka merã gãmesuribirisĩã, Jesús Jerusalégue waaburire pérã, ìgũrẽ bokatĩrĩneãduabiriñurã.

54 Jesús buerã Santiago, Juan Samaria marã ìgũrẽ bokatĩrĩneãduabirimakũ ìãrã, ãsũ ãrĩñurã:

—Gua Opu, çiripoegue Elías Marĩpuya kerere weredupiyudi iriderosũ, ãmugasima peamerẽ diju, ìgũsãrẽ wějẽdoremakũ gããmekuri? ãrĩñurã.

55 Ìgũsã irasũ ãrĩmakũ pé, Jesús ìgũsãrẽ gãmenugã, ìã, ãrĩyupu:

—Irasũ ãrĩbirikõãka! Mũsãrẽ irasũ werenĩmakũ irigure masĩbea. Mũsã werenĩrĩ Õãgũ deyomarĩgũ wereri ããrĩbea.

56 Yũ ããrĩpererã tĩgũ masakare béogu aaribiribu. Ìgũsãrẽ taugu aarigũ iribu, ãrĩyupu. Irasũ ãrĩ odo, gaji makãgue waakõãyupu doja.

*Gajirã Jesúre: “Mũrẽ tũyadũakoa”, ãrĩdea*

*(Mt 8.19-22)*

57 Ìgũsã maague waamakũ, sugu masakũ ìgũsã puro eja, Jesúre ãrĩyupu:

—Yũ Opu, mũ noó waaró mũrẽ tũyagura, ãrĩyupu.

58 Jesús ìgũrẽ yũjũyupu:

—Makãnúũ marã diayéa ìgũsã kãrĩrĩ toreri opama. Mirãde ìgũsã kãrĩrõ opama. Yũ ããrĩpererã tĩgũ gapu kãrĩrõ opabea, ãrĩyupu.

59 Pũru Jesús gajigũre ãrĩyupu:

—Náka, yũ merã!

Ìgũ gapu yũjũyupu:

—Yũ Opu, yũru boamakũ ìgũrẽ yáa odo, mũrẽ tũyagura, ãrĩyupu.

60 Jesús ìgũrẽ yũjũyupu:

—Yũre bũremumerã, boanerã irirosũ ããrĩrãta boanerãrẽ yáaburo. Mũ gapu Marĩpu ìgũyarãrẽ doreri kerere weregu aarika! ãrĩyupu.

61 Gajigu Jesúre ãrĩyupu:

—Yũ Opu, mũrẽ tũyagura. Yũ mũrẽ tũyaburi dupiyuro yaa wii marãrẽ seretugu waadũakoa dapa, ãrĩyupu.

62 Jesús ìgũrẽ ãrĩyupu:

—Sugu masakũ moãnugãgũ waadi, moãduabi gãmenugãdujáagu, moãbirikumi. Marĩpu dorerire iritũyanugãgũ, ìgũ gããmerĩrẽ piribi, gãmenugãdujáagu irirosũ ããrĩkumi. Irasirigu Marĩpuyare õãrõ iritũyabirikumi, ãrĩyupu.

## 10

*Jesús setenta y dos ìgũ buerãrẽ iriudea*

<sup>1</sup> Puru marĩ Opu Jesús gajirã setenta y dos ãmarẽ beye, pẽrã dita dukawa, ĩgũsãrẽ ããrĩpereri ĩgũ waaburi makãrĩguere

<sup>2</sup> ãsũ ãrĩ iriuyupu:

—Wãrã masaka Marĩpuayare neõ pémerã, poeague oteri duka buribejadea irirosũ ããrĩma. ĩgũsãrẽ Marĩpuayare weremurã gapu, iri pooere moãrĩmasã irirosũ mérãgã ããrĩma. Irasirirã marĩ Opure: “Gajirã mũyare weremurãrẽ iriuka!” ãrĩ sërẽka!

<sup>3</sup> Mũsãde Marĩpuayare wererã waaka! Oveja majĩrãrẽ makãnúu marã diayéa watopegue iriurosũ yu mũsãrẽ ñerã ããrĩrõguere iriua, Marĩpuayare weredoregu.

<sup>4</sup> Mũsãya ajuri, niyeru ãĩabirikõõaka! Gubu surí, mũsã sãñarĩ merã dita waaka! Maague masakare bokajarã, õãdore yoaripoe weretamunĩbirikõõaka!

<sup>5</sup> 'Su wiino ñajãrã, iri wii marãrẽ: “Marĩpu mũsãrẽ siñajãrĩ sĩburo”, ãrĩ õãdorepurorika!

<sup>6</sup> Iri wii marã Marĩpu siñajãrĩ sĩrĩrẽ opaduarã mũsãrẽ õãrõ bokatĩrĩñeãrã, Marĩpu siñajãrĩ sĩrĩ merã õãrõ ããrĩrikurãkuma. Mũsãrẽ gããmemerã, i siñajãrĩ merã ããrĩbirikuma.

<sup>7</sup> Mũsã ejadea wiita dujaka! Iri wii marã mũsãrẽ ejorire baa, iirĩka! Sugu moãrĩmasũ ĩgũ moãrĩ waja keoro wajatakumi. Mũsã Marĩpuayare buerã, moãrĩmasã irirosũ ããrã. Mũsãrẽ iri wii marã ejori, mũsã ĩgũsãrẽ Marĩpuayare bueri waja ããrã. Irasirirã gaji wiirigue ããrĩgorenabirikõõaka!

<sup>8</sup> Mũsã su makãgue ejarã, iro marã mũsãrẽ õãrõ bokatĩrĩñeã, ĩgũsã baari ejomakũ, õãrõ baaka!

<sup>9</sup> Iri makã marã pũrĩrikurãrẽ tauka! ãsũ ãrĩ wereka: “Mérõ dũyáa, Marĩpu doreri mũsã purogue aariburo”, ãrĩka!

<sup>10</sup> 'Gaji makãgue mũsã ejamakũ, iro marã mũsãrẽ bokatĩrĩñeãbirimakũ, wiriwãgãrã, ãsũ ãrĩka ĩgũsãrẽ:

<sup>11</sup> “Mũsãya makãma nikũwera guaya guburire tuadeare mojẽbéoa. Mũsã guare gããmebiri waja Marĩpu mũsãrẽ wajamoãburire masĩmakũ irirã, irasũ yáa. Ire õãrõ pémasĩka! Mũsã guare gããmebirikeremakũ, mérõ dũyáa, Marĩpu doreri aariburo”, ãrĩka ĩgũsãrẽ!

<sup>12</sup> Mũsãrẽ werea. Marĩpu ããrĩpererã ñerãrẽ wajamoãrĩnu ejamakũ, mũsãrẽ gããmebirinerãrẽ Sodoma marãrẽ wajamoãrõ nemorõ wajamoãgũkumi, ãrĩyupu Jesús.

*Jesús makãrĩ marãrẽ ĩgũsã ĩgũrẽ buremubirire weredea  
(Mt 11.20-24)*

<sup>13</sup> Puru Jesús gaji makãrĩ marãrẽ ãsũ ãrĩyupu:

—Mũsã Corazín marã, Betsaida marãde ñerõ tarirãkoa. Iripoeague marã Tiro, Sidón marã, mũsã ĩũrõ Marĩpu ĩgũ turari merã iri ĩmurõsũ iri ĩmumakũ ĩãrã, ĩgũsã ñerõ irideare piri-bonerã ããrĩmã. ĩgũsã ñerõ irideare buro bujawererire ĩmurã,

bujawereri surí sãña, nitikurogue doabonerã ããrĩmá. Īgũsã ñerõ irideare piri, õãrĩ gapure iribonerã ããrĩmá. Mũsã gapure Marĩpũ turari merã iri ĩmurĩrẽ ĩãkererã, mũsã ñerõ iririre neõ piribeá.

<sup>14</sup> Irasirigũ mũsãrẽ werea. Marĩpũ ĩgũ ããrĩpererã ñerãrẽ wajamoãrĩnũ ejamakũ, Tiro, Sidón marãrẽ wajamoãrõ nemorõ mũsãrẽ wajamoãgũkumi.

<sup>15</sup> Mũsã Capernaum marã: “Ũmũgasigue mũrĩãrãkoa”, ãrĩ gũñadáa. Iroguere neõ waabirikoa. Boanerã ããrĩrõgue béodijusũrãkoa, ãrĩyupũ.

<sup>16</sup> Irasũ ãrĩ odo, ĩgũ buerãrẽ ãrĩyupũ:

—Mũsã wererire péduripírãno yũ wereridere péduripĩma. Mũsãrẽ gããmemerãno yũdere gããmebema. Yũre gããmemerãno yũre iriuididere gããmebema, ãrĩyupũ.

*Jesús setenta y dos iriunerã goedea*

<sup>17</sup> Pũrũ Jesús setenta y dos iriunerã bũro mũyari merã goejañurã:

—Gũa Opũ, wãtẽãrẽ mũ dorero merã, mũ wãĩ merã gũa béowiumakũ, õãrõ yũjũama, ãrĩñurã.

<sup>18</sup> Jesús ãrĩyupũ ĩgũsãrẽ:

—Bupu miãrõ irirosũ wãtẽa opũ Satanás ũmũgasigue ããrãdi, yurimadjarimakũ ĩãbũ.

<sup>19</sup> Ōãrõ péka! Yũ mũsãrẽ turari sĩbũ, ãñarẽ, korebabare kũrapeo, ããrĩpereri wãtĩ turaridere neõ ñerõ irisũrõ marĩrõ tarinũgãburo, ãrĩgũ.

<sup>20</sup> Mũsã wãtẽãrẽ wiridoremakũ ĩgũsã õãrõ yũjũadeare mũyabirikõãka! Mũsã Marĩpũyarã ããrĩmakũ, ũmũgasigue mũsã wãĩ gojatúsũdero ããrĩbũ. Iri gapure mũyaka! ãrĩyupũ.

*Jesús ĩgũ Pagure mũyari sĩdea*

*(Mt 11.25-27; 13.16-17)*

<sup>21</sup> ĩgũ irasũ ãrĩripoe Ōãgũ deyomarĩgũ Jesũre bũro mũyamakũ iriyupũ. Irasirigũ Jesús ĩgũ Pagure ãsũ ãrĩyupũ:

—Aũ, yũ mũrẽ: “Ōãtaria mũ”, ãrĩ, mũyari sĩa. Mũ ũmũgasi marã, i nikũ marã Opũ ããrã. Irasirigũ: “Masĩtarinũgãrã, ããrĩpererire pémasĩa”, ãrĩ gũñarãrẽ mũyare masĩmakũ iribeá. Majĩrã irirosũ mũrẽ bũremurã gapure mũyare masĩmakũ yáa. Aũ, irasũta ããrã. Mũ gããmederosũta mũyari merã irasũ yáa, ãrĩyupũ.

<sup>22</sup> Pũrũ masakare ãrĩyupũ:

—Yũpũ yũre ããrĩpereri irimasĩrĩrẽ sĩmi. Neõ sugũ masakũ yũ ããrĩrikũrere masĩbemi. Yũpũ dita masĩmi. Neõ sugũ masakũ Yũpũ ããrĩrikũrere masĩbemi. Yũ dita masĩa. Yũ ĩgũrẽ masĩdorerãde ĩgũrẽ masĩma, ãrĩyupũ.

<sup>23</sup> Irasũ ãrĩ odo, ĩgũ buerãrẽ ĩã, ĩgũsã ditare ãsũ ãrĩyupũ:

—Musāya koye merā yure ĩāa. Irasirirā usuyāa.

<sup>24</sup> Musārē werea. Wārā iripoegue marā Marīpuya kerere weredupiyunerā, irasū āārīmakū oparā iripoegue āārīnerā musā dapagora ĩārīrē ĩāduanerā āārādima. Irire ĩāduakererā, ĩābirinerā āārīmá. Musā dapagora périre péduakererā, pébirinerā āārīmá, ārīyupū.

*Jesús ōāgū Samariamū keori merā weredeā*

<sup>25</sup> Pūpū sugū Moisés gojadeare buerimasū Jesúre diaye yujūbirimakū iridūagu wāgānūgā, ĩgūrē āsū ārī sērēñayupū:

—Buegū, ¿ñeénorē yure iriro gāāmerī, ūmūgasigue perebiri okari opabu? ārīyupū.

<sup>26</sup> Jesús ĩgūrē yujūyupū:

—¿Naásū ārī gojasūyuri, Moisés gojadea pūgue? Mū irire buegū, ¿naásū péñarī? ārīyupū.

<sup>27</sup> Moisés gojadeare buerimasū ĩgūrē yujūyupū:

—Āsū ārī gojasūdero āārībú: “Marīpū mū Opūre buro maīka! Mūya yujūpūrā merā, mū āārīrikuri merā, mū turari, āārīpereri mūya gūñarī merā ĩgūrē maīka! Mū basi maīrōsūta mū pūro āārīrādere maīka!” ārī gojasūdero āārībú, ārīyupū.

<sup>28</sup> Irire pégū, Jesús ĩgūrē ārīyupū:

—Diayeta yujūa mū. Irire irigū, ūmūgasigue perebiri okarire opagūkoa, ārīyupū.

<sup>29</sup> Moisés gojadeare buerimasū gapū masaka ĩgūrē: “Ōāgū āārīmi”, ārī gūñamakū gāāmegū, Jesúre sērēñayupū doja:

—¿Noā āārīrī, yū pūro āārīrā? ārīyupū.

<sup>30</sup> ĩgū irasū ārīmakū pégū, Jesús keori merā wereyupū ĩgūrē:

—Sugū masakū Jerusalēgue āārādi Jericó waarī maague buáakumi. ĩgū irogue buáamakū, yajarimasā ĩgūrē bokatīrī, ñeā, ĩgū opadea āārīpererire ēmapeo, ĩgūya surídere túwea, āi, ĩgūrē buro pá, kāmítú, waakōākuma.

<sup>31</sup> ĩgūsā irasū iriadero pūpū, sugū paí iri maarē waakumi. ĩgūrē ĩākeregū, yoarogue ĩātariakōākumi.

<sup>32</sup> ĩgū pūpū, gajigū Levíya bumū iri maarē waakumi. ĩgūde ĩgūrē ĩākeregū, yoarogue ĩātariakōākumi.

<sup>33</sup> Pūpū sugū Samariamū iri maarē waakumi. ĩgūrē ĩāboka, buro bopoñarī merā ĩgūrē ĩākumi.

<sup>34</sup> Irasirigū ĩgū pūro waa ejanūgā, ĩgūya kāmīrē ūye, igui deko pāmudea merā pípeo, surí gasiri merā ōmakumi. Ōma odo, ĩgūyagu burro wekague āiŕpeo, ĩgūrē āiākōākumi. Āiā, su wii naarīmasā kārīrī wiigue eja, irogue ĩgūrē korekumi dapa.

<sup>35</sup> Gajinū gapū ĩgūya niyeru penū moā wajataropa iri wii opūre síkumi. “Ōārō koreka ĩrē!” ārīkumi. “Dupaturi aarigá, mūrē wajarinemogūra ĩrē koreri waja”, ārīkumi, ārīyupū Jesús.

36 Irire were odo, Moisés gojadeare buerimasūrē sērēñayupu:

—¿Naásū gūñarī m̄ irire pégu? ¿Niino gapu ñsã urerã watopem̄ yajarimasã pádire ĩgū p̄ro āārīgūrē irirosū ōārō iriyuri? ārīyupu.

37 Moisés gojadeare buerimasū yujuyupu:

—Īgūrē bopoñarī merã ĩã iritamudi gapu, ārīyupu.

Īgū irasū ārīmakū, Jesús ĩgūrē ārīyupu:

—Mude ñ bopoñarī merã ĩãdi iriderosūta gajirārē irigu waaka! ārīyupu.

### *Jesús Marta, Maríaya wiigue ejadea*

38 P̄ru Jesús ĩgū buerã merã waa, su makãgue ejayupu. Iri makãguere sugo Marta wãikugo ĩgūrē bokatĩñeã, igoya wiigue ñajãdoreyupo.

39 Jesús iri wiigue ñajãjamakū, Marta pagumo María wãikugo ĩgūya guburi p̄ro eja doayupo ĩgū werenĩrē péduago.

40 Marta gapu āārĩpereri igo moārĩrē buro gūñarikuyupo. Irasirigo igo pagumo Jesúya guburi p̄ro doamakū ĩãgō, ĩgū p̄ro waa, ĩgūrē ārīyupo:

—Gua Op̄u, yu sugota āārĩpererire moãgō irikōãdáa. ¿M̄ ĩãberi, yu pagumo yare neō iritamubirimakū? Igore iritamu-doreka yare! ārīyupo.

41 Igo irasū ārīmakū pégu, Jesús yujuyupu:

—Marta, m̄ wári gajino moārĩrē gūñarikua.

42 Su wãirēta iriro gãamea marĩrē. María i ōārĩrē beyemo. Irasirirã, yu werenĩrē igo péduamakū, gajirã neō igore irire pirimakū iribirikuma, ārīyupu.

## 11

### *Jesús Marĩpure sērēĩrē buedea*

(Mt 6.9-15; 7.7-11)

1 Sun̄ Jesús gajirogue Marĩpure sērēgū iriyupu. Īgū sērē odomakū, sugū ĩgū buegu ārīyupu ĩgūrē:

—Gua Op̄u, Juan masakare wãiyerimasū ĩgū buerārē Marĩpure sērēĩrē buederosū guadere bueka! ārīyupu.

2 Jesús ĩgūsārē ārīyupu:

—Marĩpure sērērã, ãsū ārĩka:

“Gup̄u ãmugasigue āārīgú, āārĩpererã m̄rē goepeyari merã b̄remuburo. M̄ āārĩpererārē doreri aariburo. Ëmugasigue marã m̄ gãamerō irirosūta i nikū marãde iriburo.

3 Ëm̄rik̄u guare baari s̄ika!

4 Gajirã guare ñerō irideare gua kãtirosūta mude gua ñerō irideare kãtika! Gua ñerō iridumamakū kãmutaka!

Ñegũ guare ñerĩ ārĩmesārĩrē tau kāmataka!” ārĩka Marĩpure sērērã! ārĩyupu Jesús.

<sup>5</sup> Irasũ ārĩ odo, keori merã wereyupu ĩgũsārē:

—Yũ ire weremakũ pérã, ĩnaásũ gũñarĩ mũsã? Ñami deko āārĩmakũ, sugũ masakũ ĩgũ merãmũya wiigue waa, ĩgũrē àsũ ārĩ sērēkumi: “Yũ merãmũ, ureru pã duparu sĩka yure!

<sup>6</sup> Gajigũ yũ merãmũ yaa wiigue naagũ ejáami. Yũ ĩgũrē gajino mérõ ejorino neõ opabirakubũ. Irasirigũ mũrē sērēgũ aarabũ”, ārĩkumi.

<sup>7</sup> ĩgũ irasũ ārĩmakũ pékeregũ, wii poekague āārĩgũ gapũ àsũ ārĩ yujukumi: “Yure garibobirikõaka! Makãpurore õārõ biakõásiabũ. Yũ pũrã yũ merã kārĩrãgue yáma. Wãgãñugã, mũrē sīgũ waasubirikoa”, ārĩkumi ĩgũrē.

<sup>8</sup> Ire mũsārē werea. ĩgũ merãmũ āārĩkeremakũ, ĩgũrē sĩbirikumi. Sĩbirikeregũ, ĩgũrē piriro marĩrõ sērēmakũ ĩã, ĩgũrē: “Garibonemobirikõáburo”, ārĩgũ, āārĩpereri ĩgũ gããmerĩrē sĩkõākumi pama.

<sup>9</sup> Irasirigũ mũsārē werea. Marĩpure sērēka! Mũsã sērēmakũ, sīgũkumi. Õārĩrē amarã, bokarãkoa. Wiigue ñajãduarã oemakũ, Marĩpu makãpuro tũpã ñajãdoregũ irirosũ mũsã sērērĩrē pégũkumi.

<sup>10</sup> ĩgũrē sērērãnorē sīgũkumi. Āmarãno bokarãkuma. Wiigue ñajãduarã oerã irirosũ ĩgũrē sērēmakũ ĩãgũ, ĩgũsārē ñajãdoregũ irirosũ ĩgũsã sērērĩrē õārõ pégũkumi.

<sup>11</sup> Mũsã pũrã pãrē sērēmakũ, ütãyere sĩbirikoa. Waai sērēmakũdere añarē sĩbirikoa.

<sup>12</sup> Āgãbo diu sērēmakũ, korebabare sĩbirikoa.

<sup>13</sup> Ñerã āārĩkererã, mũsã pũrãrē õārĩrē sĩmasĩa. Marĩpu mũmugasigue āārĩgũ gapũ mũsã nemorõ õārĩrē sĩmasĩmi. Irasirigũ Õãgũ deyomarĩgũrē sīgũkumi ĩgũrē sērērãrē, ārĩyupu Jesús.

*Jesúre: “Wãtĩ turari opami”, ārĩ werewũadea*

*(Mt 12.22-30; Mr 3.20-27)*

<sup>14</sup> Pũgũ Jesús wãtĩ masakure werenĩmasĩbirimakũ irigure béowiugũ iriyupu. Wãtĩrē béowiumakũ, werenĩbiradi wereniakõãyupu. Masaka, ĩgũ irasirimakũ ĩãrã, ĩãgũkakõãñurã.

<sup>15</sup> Gajirã gapũ Jesúre àsũ ārĩ werewũañurã:

—Ĩĩ wãtẽa opũ Beelzebú turaro merã wãtẽãrē béowiumi, ārĩñurã.

<sup>16</sup> Gajirãde ĩgũrē:

—Mũ diayeta turari opagũ, iri turari merã gajino mũmugasimarē iri ĩmuka! ārĩñurã.

<sup>17</sup> Jesús gapũ ĩgũsã gũñarĩrē masĩsĩa, àsũ ārĩyupu:



—Su nikū marā ĩgūsā basi dukawari gāmekēārā, pereakōākuma. Su wii marā ĩgūsā basi dukawari gāmekēārā, pereakōākuma.

<sup>18</sup> Mũsā yũre: “Wātēa opũ Beelzebú turari merā wātēārē béowiumi”, ārĩ werewũáa. Yũre ĩgũ turari merā wātēārē béowiudoregũ, ĩgũ basi ĩgũyarārē béobukumi. Irasirirā ĩgūsā basi dukawari gāmekēārā, pereakōábukuma.

<sup>19</sup> Iri irasũ āārĩmakũ, mũsā buerire tũyarā gapũ wātēārē béowiurā, ĩnoā turari merā béowiukuri? Mũsā ĩgūsārē: “Marĩpu turari merā wātēārē béowiuma”, ārā. Irasiriro mũsā yũre werewũari diaye āārĩbea.

<sup>20</sup> Yũ gapũ Marĩpu turari merā wātēārē béowiumakũ, Marĩpu doreri mũsā pũroguere ejasiáa, ārĩ masĩsũa.

<sup>21</sup> ‘Sugũ wii opũ turagũ āārĩpereri mojōkũgũ, ĩgũya wiimarē ōārō koremasĩkumi. Gajirā ĩgũ oparire ēmamasĩbirikuma.

<sup>22</sup> “I mojōkũsĩā, yaa wiire ōārō koremasĩa”, ārĩ gũñakeremakũ, gajigũ ĩgũ nemorō turagũ gapũ ĩgũrē tarinũgā, āārĩpereri ĩgũ mojōkũrĩre ēmagukumi. Irasirigũ ĩgũ oparire āĩpeo, ĩgũ merāmarārē gueregũkumi.

<sup>23</sup> Yũre gāāmemerā, yũre ĩātũrĩrā āārĩma. Masakare yũre siiu neeōtamumerā, ĩgūsārē waasirimakũ irirā āārĩma, ārĩyũpũ.

*Jesús, wātĩ dupaturi masakũguere ñajārĩmarē weredeo*  
(Mt 12.43-45)

<sup>24</sup> Irasũ ārĩ odo, gaji keori merā ĩgūsārē wereyũpũ doja:

—Wātĩ masakũguere āārādi wiri, pũrũ deko marĩrōgue ĩgũ siñajāburore āmagorenagũ waakumi. Irore bokabi, āsũ ārĩ gũñakumi: “Yũ wiridi, yaa wii irirosũ āārĩmĩ. Dupaturi yũ wiridiguereta goeñajāgũra doja”, ārĩ gũñakumi.

<sup>25</sup> Irasirigũ ĩgũguere dupaturi goeñajāgũ, gajino marĩrĩ wii, ōārō āmu, ooaweadea wiire irirosũ bokajakumi.

<sup>26</sup> Irasirigũ gajirā wātēa su mojōma pere gaji mojō peru pērebejarā ĩgũ nemorō ñerārē siiu, ĩgūsā āārĩpererā merā masakũguere āārĩnĩkōākumi. Irasirigũ masakũ ĩgũ dupiyuro āārĩrikũdero nemorō ñerō āārĩkumi, ārĩyũpũ Jesús.

*Jesús diayema mũsũyarimarē weredeo*

<sup>27</sup> Jesús irire wereripoe sugo nomeō masaka watopegue āārĩgō gaguinĩyũpo:

—Mũrē pũrākũ masũdeo mũsũyatarikumo, ārĩyũpo Jesũre.

<sup>28</sup> Jesús gapũ ĩgore ārĩyũpũ:

—Marĩpũya werenĩrĩrē pérā, ĩgũ dorerire irirā gapũ ōārō mũsũyarākuma, ārĩyũpũ.

*Masaka ñerā Jesũre Marĩpu turari merā iri ĩmudoredea*  
(Mt 12.38-42; Mr 8.12)

29 Puro Jesús ĩgũ puro masaka wárã nerẽwãgãriripoe ãsũ ãrĩ wereyupu ĩgũsãrẽ:

—Dapagora marã masaka ñetarĩã ããrĩma. Yure Marĩpu turari merã gajino iri ĩmudorekeremakũ, Marĩpuya kerere weredupiyudi Jonás iridea ditare weregura.

30 Iripoegue Marĩpu Jonárẽ Nínive wãĩkuri makã marãrẽ weredorederosũ yure ããrĩpererã tĩgũrẽ dapagora marã masakare weredoremi.

31 Marĩpu ããrĩpererã ñerãrẽ wajamoãrĩnu ejamakũ, sugo iripoeguemo Sabá nikũ marã opo musã dapagora marãrẽ: “Ñegorabu”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opu Salomón wári masĩrĩ merã wererire pégo aarigó. Dapagora yu Salomón nemorõ masĩgũ õõgue musã merã ããrĩkeremakũ, musã gapu yu wererire péduabea.

32 Iripoegue Nínive marã Jonás Marĩpuya kerere weremakũ pérã, ĩgũsã ñerõ irideare bujawere, ĩgũsã gũñarĩrẽ gorawayunerã ããrĩmã. Dapagora yu Jonás nemorõ masĩgũ õõgue musã merã ããrã. Yu Marĩpuya kerere werekeremakũ, musã ñerõ iririkũrere bujawerebea. Irasirirã, Marĩpu ããrĩpererã ñerãrẽ wajamoãrĩnu ejamakũ, Nínive marã musã dapagora marãrẽ: “Ñegorabu”, ãrĩrãkuma, ãrĩyupu.

*Jesús masakaya koye sĩagodiru irirosũ ããrĩrĩrẽ buedea*  
(Mt 5.15; 6.22-23)

33 Irasũ ãrĩ odo, gaji keori merã wereyupu:

—Masaka sĩagodirure sĩagorã, deyomarĩõgue duúbirikuma. Dupa kũma dokaguedere pĩbirikuma. Sĩago, wii dekogue siukuma, gajirã iri wiire ñajãrã iri sĩagodiru boyorore õãrõ ĩã ñajãburo, ãrĩrã.

34 Musãya koye musãya gũñarĩguere sĩagodiru irirosũ ããrã. Musã õãrĩ koye oparã irirosũ ããrĩmakũ, musãya gũñarĩguere õãrõ sĩagoro irirosũ ããrã. Irasirirã Marĩpuyare masĩa. Musã ñerĩ koye oparã irirosũ ããrĩmakũ, musã gũñarĩguere naĩtĩãrõ irirosũ ããrã. Marĩpuyare masĩbea.

35 Irasirirã pémasĩka, musãya gũñarĩgue sĩagori, naĩtĩãrĩ waabirikõãburo, ãrĩrã!

36 Musãya gũñarĩgue sĩagori, naĩtĩãrõ marĩrõ irirosũ ããrĩmakũ, ããrĩpereri Marĩpuyare pémasĩrãkoa. Irasirirã sĩagori boyorogue ĩãrõsũ õãrõ pémasĩrĩ merã ĩgũyare irituyarãkoa, ãrĩyupu Jesús.

*Jesús fariseo bumarãrẽ, Moisés gojadeare buerimasãrẽ ĩgũsã ñerõ iririre weredea*  
(Mt 23.1-36; Mr 12.38-40; Lc 20.45-47)

37 Jesús irasū āri odoadero p̄aru, suḡu fariseo bum̄u ĩgūya wiiḡue baadoreḡu siuayup̄u ĩgūrē. Irasiriḡu Jesús ĩgū merā waa, ĩgūya wiiḡue ñajāa, eja doayup̄u ĩgū merā baabu.

38 Fariseo bum̄u gap̄u judío masaka irinirōsū Jesús baaburi dupiyuro ĩgū mojōkoebirimakū ĩāgū, ĩāḡkakōāyup̄u.

39 ĩgū ĩāḡkamakū ĩāgū, marī Op̄u Jesús ĩgūrē āriyup̄u:

—Musā fariseo bumarā masaka ĩūrōgue dita oārō irirā, soropa weka gap̄u dita oārō koeadeapa irirosū āārā. Irasirirā gajirāyare yajaduarā, ñerī ditare iriduarā āārīsā, iripa poekague ḡurari ut̄uro irirosū āārā.

40 Irasirirā neō pémasībea. Marīp̄u, marīya d̄up̄ure iriḡu, marī gūñarīdere iridi āārīmī. ¿Irire pémasīberi musā?

41 Musā oparire gajirārē sīrā, oārō gūñarī merā sīka! Irasirirā soropa poeka gap̄udere koeadeapa irirosū āārīrākoa.

42 'Musā fariseo bumarā b̄uro ñerō tarirākoa. Musā oterī mutārīgā: menta, ruda wāikari baari morērīnorē, āārīpereri oteridari dukak̄urinogādere sea neō, keoro dukawa, pe mojōma diruri irikoa. Sudiru Marīp̄uya wiiḡue āia: “ĩgūrē yu sīrī āārā”, āri, iroque píkoa, ĩgū dorerire irimurā. Irasirik-ererā, gajirārē diayema iririre iribea. Marīp̄ure maībea. Irasirirā musā oterire ĩgūrē sīduuro marīrō diayemadere irika! Marīp̄ure maīrī merā b̄uremuka!

43 'Musā fariseo bumarā b̄uro ñerō tarirākoa. Musā nerērī wiiriguere nerērā, oārī doarigue dita doaduaa. Makā dekoguere masakare musārē goepeyari merā bokatīrī oādoremakū gāamea.

44 'Musā Moisés gojadeare buerimasā, fariseo bumarāde b̄uro ñerō tarirākoa. Musā masāgoberi irirosū āārā. Irasirirā masaka iri goberi āārīrō weka tāpítariarā, iri goberi poekague āārīrīrē masīberosū musā ñerō oparire masībema, āriyup̄u Jesús.

45 ĩgū irasū ārīmakū péḡu, suḡu Moisés gojadeare buerimasā āriyup̄u ĩgūrē:

—Bueḡu, m̄u fariseo bumarārē irasū ārīgū, ḡudere āri turiḡu yāa, āriyup̄u.

46 Jesús gap̄u ĩgūrē āsū āriyup̄u:

—Musāde, Moisés gojadeare buerimasā b̄uro ñerō tarirākoa. Musā gajirārē: “Āsū irika!” āri, dorerā, ĩgūsārē gajino b̄uro nukarī kōātārīrā irirosū āārīmakū yāa. Irasirirā iri dorerire bokatīubema. ĩgūsā musā dorerire bokatīubirikeremakū, ĩgūsārē neō iritamubea iri dorerire iriburo, ārīrā.

47 'Irasirirā musā b̄uro ñerō tarirākoa. Iripoegue marā Marīp̄uya kerere weredupiyunerā masāgoberi weka weanúdeare musā āmua. ĩgūsārēta musā ñekūsāmarā wējēnerā āārīmā.

48 Īgūsā irasū wējēdero purugue, dapagora musā Īgūsā iripoegue irideare iriwekabekōāa, Īgūsā wējēnerāya masāgoberi weka weanúdeare āmurā. Irasirirā musā Īgūsā wējēdeare: “Ñegorabu”, āri gūñabea. Musā ñekūsamarā Marīpuya kerere weredupiyunerārē gāāmebiriderosū musāde yure gāāmebea.

49 'Irasirigu iripoegue Marīpu Īgū masīrī merā āsū ārīdi āārīmī: “Yaa kerere weredupiyurimasārē, yaare buerimasādere iriugura. Irire buemakū iā, surāyerire masaka wējērākuma. Gajirārē ñerō iriduarā, noó Īgūsā waaró tuyagorenarākuma”, ārīdi āārīmī Marīpu.

50-51 Marīpu i āmurē iriadero puru, Abere Īgū tīgū wējēdi āārīmī. Puru Marīpuya kerere weredupiyunerārē wējēnerā āārīmā. Puru Zacariadere Marīpuya wiima sopeoro Marīpu āārīrī taribu watopegue wējēnerā āārīmā. Irasirigu Marīpu āārīpererārē Īgūsā wējēdea waja dapagora marārē wajamoōgukumi.

52 'Musā Moisés gojadeare buerimasā buro ñerō tarirākoa. Musā Marīpuyare masīkererā, musā basi irire iriduahea. Irasirirā gajirārē irire masiduarārē masībirimakū yāa, āriyupu Jesús.

53 Īgū irasū ārādero puru, Moisés gojadeare buerimasā, fariseo bumarāde Īgū merā guatariakōāñurā. Irasirirā buro Īgūrē werewua, wāri Īgūrē sērēñanugāñurā.

54 Īgū diaye yajubirimakū pérā, Īgūrē weresāduarā, irasiriñurā.

## 12

### *Jesús fariseo bumarā irikatorire werede*

1 Īgūsā irasiripoe Jesús puro masaka wārā nerēñurā. Īgūsā wārā āārīsīā, gāme karatīānokōāñurā. Jesús Īgū buerārē āsū āri werenugāyupu:

—Fariseo bumarā irikatorire oārō pémasīka! Īgūsā irikatori pā wemasārī morērī irirosū āārā.

2 Āārīpereri gajirā iāberogue irideare, duriroque irideadere purugue masīsūrokoa.

3 Musā naiñārōgue irirosū gajirā péberogue werenídeare boyorogue irirosū Marīpu Īgūsārē pémakū irigukumi. Musā wii poekague yayero werenídeadere makā dekoque gaguinírosū gajirārē oārō pémakū irigukumi.

*Jesús: “¿Noārē güiri merā buremurō gāāmerī?” āri werede (Mt 10.26-31)*

4 'Mūsārē yu merāmarārē werea. Mūsārē wējērā, mūsāya dɔpɔ ditare boamakū irirākuma. Pɔrɔguere mūsārē neō ñerō irinemobirikuma. Irasirirā mūsārē wējēduarārē güibirikōāka!

5 Yu mūsā gopeyari merā güibure weregɔra. Marĩpɔ gapɔre güiri merā bɔremuka! Masakare ĩgūsā okarire ēmamasĩmi. ĩgū ēmadero pɔrɔ, ĩgūsārē perebiri peamegue béomasĩmi. Irasirirā ĩgū gapɔre güiri merā bɔremuka!

6 'Masaka su mojómarā mirā wajarirā, pe niyeru koegā, mérōgā wajakuri koerigārē sĩkuma. ĩgūsā mérōgā wajakukeremakū, Marĩpɔ gapɔ ĩgūsārē ōārō koremi. Neō sugɔre kātibemi.

7 Marĩpɔ āārĩpereri mūsā āārĩrikurire masĩgū, mūsāya poarire: "Irikū āārā", ārĩ masĩpeokōāmi. Irasirirā güibirikōāka! Mūsā, mirā nemorō wajakua. Irasirigu Marĩpɔ mirārē korero nemorō mūsārē koregukumi.

*Jesús: "Masakare yure bɔremurĩrē wereka!" ārĩdea  
(Mt 10.32-33; 12.32; 10.19-20)*

8 'Mūsārē werea. Sugɔ, masaka péuro: "Jesúyagu āārā", ārĩ weremakū, yu āārĩpererā tĩgūde Marĩpɔre wereboerā péuro: "Yaagu āārĩmi ĩ", ārĩ weregukoa.

9 Sugɔ yure masĩkeregu, masaka péuro: "ĩgūrē masĩbea", ārĩ weremakū, yu āārĩpererā tĩgūde Marĩpɔre wereboerā péuro: "Yude ĩgūrē masĩbea", ārĩ weregukoa.

10 'Sugɔ yure āārĩpererā tĩgūrē ñerō ārĩ werenĩmakū, Marĩpɔ kātimasĩmi. Ōāgū deyomarĩgū gapɔre ñerō ārĩ werenĩmakū, neō kātibirikumi.

11 'Masaka mūsārē ĩgūsā nerērĩ wiiri oparā pɔrogu, weresārĩrē beyerimasā pɔrogu, o makārĩ marārē dorerā pɔrogu mūsārē ĩgūsā weresāmurā āĩmakū: "¿Naásū yɔjɔrākuri, o naásū ārĩrākuri ĩgūsārē?" ārĩ, bɔro güñarikubirikōāka!

12 ĩgūsā mūsārē sērēñamakūta, Ōāgū deyomarĩgū masĩrĩ sĩrĩ merā ĩgūsārē wererākoa, ārĩyupɔ Jesús.

*Jesús: "Wári doebiri oparārē goegorāa", ārĩ werede*

13 Pɔrɔ sugɔ masaka watopegue āārĩgú Jesúre ārĩyupɔ:

—Buegu, guapɔ boagu ĩgū opadeare guare pími. Irasirigu yu tĩgūrē irire keoro dukawa, yudere sĩdoreka! ārĩyupɔ.

14 Jesús gapɔ ĩgūrē yɔjɔyupɔ:

—Mūsāpɔ pídeare mūsārē dukawabu āārĩbea yɔ, ārĩyupɔ.

15 Irasū ārĩ odo, āārĩpererārē ārĩyupɔ:

—Pémasĩka mūsā! Doebirire, gajinodere wáro gāāmebirikōāka! Masaka wári oparā, ōārĩ okari gapɔre opabema, wári opari ditare güñarā, ārĩyupɔ.

16 Irasū ārĩ odo, keori merā wereyupɔ ĩgūsārē:

—Sugu masaku wári doebiri opakumi. Īgū otedeade wárigora dukakukoa.

17 Irasirigu Īgū basi gūñakumi: “¿Nasirigukuri? Yaa oteri duka sea duripíburi wii máa”, ārkumi.

18 Puru gūñakumi doja: “Āsū irigura. Yu gajino duripíri wii āārīpuroridea wiire béo, nemorō wári wii irigura. Iri odo, iri wiigue yaa oteri dukare āārīpereri, yaa doebiridere duripígura.

19 Puru yu basi āsū ārīgura: ‘Wári doebiri opáa. Wári bojorima baaburidere opáa. Irasirigu siñajā, baa, iiri, usuyagura’”, ārkumi.

20 Marīpu gapu Īgūrē ārkumi: “Mu neō pémasībi āārā. Dapagā ñamita boagukoa. Mu boamakū, ¿noā oparākuri mu duripiadeare?” ārkumi.

21 Irasūta waarākuma, masaka Īgūsāya doebiri ditare gūñarā. Īgūsāya āārīburi ditare gūña, wári doebirire duripírākuma. Irasirikererā, Marīpure gūñamerā, Īgū iūrōrē boporā irirosū āārīrākuma, ārīyupu Jesús.

*Jesús, Marīpu Īgū pūrārē korerimarē buedea*  
(Mt 6.25-34)

22 Puru Jesús Īgū buerārē āsū ārīyupu doja:

—Irasirigu musārē ire weregura. Musā āārīrikurire gūñarā: “¿Ñeonorē baarākuri, ñeonorē iirírākuri, ñeonorē sāñarākuri?” ārī, buro gūñarikubirikōāka!

23 Marī okari gapu, baari nemorō wajakua. Marīya dupu, suri nemorō wajakua. Irasiro musā āārīrikuri, musā opari nemorō wajakua.

24 Mirārē gūñaka! Īgūsā baaduarā, otebema. Otedea dukare seabema. Baari duripíri wiiridere opabema. Marīpu gapu Īgūsārē baari sími. Musā gapu, mirā nemorō wajakutarinugāa.

25 Musā buro gūñarikuri merā neō mérōgā masānemobirikoa.

26 Musā irasū gūñarikuri wajamarīkeremakū, ¿nasirirā gajinorē buro gūñarikuri? Musā gūñarikuri merā āārīpererire neō irimasībirikoa.

27 ‘Makānūuma goori masārīrē gūñaka! Iri moābirikerero, suabirikerero, oārī suri sāñarō irirosū deyoa. Musārē werea. Opu Salomón suri oārī sāñadero nemorō iri goori gapu oārī deyoa.

28 Iri goori makānūugue mata puridea goori āārīkeremakū, Marīpu oārī goori deyoamakū irikeremakū, mérōgā puru ñāidija pereakōāa. Gajinu gapu peamegue soebéokōāsūa. Iri mata pereburi āārīkeremakū, Marīpu iri goorire oārī deyoamakū yámi. Iri goorire oārī āārīmakū irirosū nemorō musārē oārō irigukumi. Musā Īgūrē mérōgā bāremukeremakū, musārē suri sigukumi.

29 Irasirirā ūmuriḱu mūsā baaburire, mūsā iiriburire buro gũñarikuri merā āmabirikōāka!

30 I ūmu marā Marĩpũre buremumerā buro gũñarikuri merā irire āmaníkōāma. Īgūsā irasũ āārĩkeremakũ, Marĩpũ mūsā gāāmerĩrē masĩsiami. Irire mūsārē sīgukumi.

31 Irasirirā mūsā Marĩpũre masĩrā, Īgũ mūsā Opũ āārĩrĩrē gāāmerũrorika! Mūsā irasirimakũ, mūsā baa, iiriburire, mūsā suri sãñaburidere sĩwekapeogukumi.

*Jesús marĩ ūmugasigue wajataburire buedea*

*(Mt 6.19-21)*

32 'Mūsā yaarā, mérāgā, oveja su yebo marā irirosũ āārā. Irasũ āārĩkererā, gũbirikōāka! Mūsāpũ ūmugasigue āārĩgũ Īgũyarārē dorerogue mūsā Īgũ merā āārĩmakũ gāāmemi, Īgũ merā doreburo, ārĩgũ.

33 Irasirirā mūsā oparire duaka! Iri duadea wajare niyerure boporārē sĩka! Ūmugasiguemarē gũñaka! Irasirirā irogue perebiri wajatarire, ajurogue doebiri neō perebirire oparosũ oparākoa. Irogue wajatarire yajarimasā ñajāa, āĩmasĩbirikuma. Buruade baadedeubirikuma.

34 Mūsā i ūmũma ditare: "Opadũakoa", ārĩ gũñarā, irire buro maĩrākoa. Ūmugasima gapũre: "Opadũakoa", ārĩ gũñarā, irire buro maĩrākoa.

*Jesús i ūmũgue dupaturi aariburi dupiyuro oārō āmuyudoredea*

35 'Yũ i ūmũgue dupaturi aariburi dupiyuro oārō āmuyuanerāgue āārĩka! Sĩāgodirure sĩāgoanerā irirosũ yũre yũka!

36 Sugũ masakũ, mojōsũadi pũrogue mojōsũari bosenu waa-makũ, Īgũrē moāboerā Īgũ dujariburire yũkuma. Īgūsā opũ Īgũya wiigüe goedujaja, ñajāduagũ makāpũrore Īgũ dotemakũ pérā, Īgũrē moāboerā mata tũpākuma. Īgūsā yũrosũta mūsāde yũ dujariburire yũka!

37 Īgūsā opũ goemakũ, Īgũ doreaderosũta irirā, usũyarākuma. Īgūsā irasirimakũ Īgũ, Īgūsā opũ Īgūsārē moāboegũ irirosũ Īgūsārē: "Baari peoro pũro doarā aarika!" ārĩgukumi Īgūsārē baari ejobu.

38 Īgũrē moāboerā Īgũ ñami deko āārĩmakũ, o boyoripoe āārĩmakũ, Īgũ goeburire oārō yũanerā āārĩsĩā, usũyarākuma.

39 Ire masĩka! Sugũ wii opũ Īgũya wiigüe yajarimasũ ejaburi horare masĩgũ, Īgũrē yũkumi Īgũya wiigüe ñajāburire kāmutabu.

40 Irasirirā mūsāde oārō yũka! Yũ āārĩpererā tĩgũ gũñaña marĩrō aarigũkoa. Irasirirā yaare iririre neō piriro marĩrō yũre yũka mūsā! ārĩyupũ Jesús.

*Jesús pērā moāboerimasā keori merā buedea*

*(Mt 24.45-51)*

41 Īgũ irasũ ārĩmakũ, Pedro gapu sērēñayupu:

—Gua Opu, i keori merã weregũ, ¿gua ditare weregũ yári, o āārĩpererārē wereri? ārĩyupu.

42 Īgũ irasũ ārĩmakũ, Jesús gaji keori merã āsũ ārĩ wereyupu Īgũsārē doja:

—Sugu moãboerimasũ Īgũ opuare buremugũ õārõ pémasĩgũ āsũ irikumi. Īgũ opu gajirogue waagú, Īgũrē: “Yaa wii marārē õārõ koreka!” ārĩ píkumi. Irasirigu baaripoe āārĩmakũ, gajirã moãboerimasārē baarire keoro ejokumi.

43 Irasirigu, Īgũ opu Īgũya wii goedujajamakũ ĩāgũ, Īgũ opu dorederosũta iriadi āārĩsĩã, õārõ usuyakumi.

44 Diaye musārē werea. Īgũ irasirimakũ ĩāgũ, Īgũ opu āārĩpereri Īgũyare Īgũrē koredoregũ pígukumi.

45 Gajigu moãboerimasũ ñegũ gapu āsũ irikumi. “Yu opu yoaripoe deyobemi”, ārĩ gũñagũ, gajirã Īgũ opuare moãboerārē ãmarē, nomedere ñerõ pábira, baa, iirí, mejākumi.

46 Īgũ irasiriripoe gũñaña marĩrõ Īgũ opu goejakumi. Īgũrē moãboegũ gapu: “Īgũ iri hora goegukumi”, ārĩmasĩbirikumi. Irasirigu Īgũ opu goejagu, Īgũ ñerõ irideare pégu, Īgũrē buro wajamoãgukumi. Marĩpue burenumerārē béorogue Īgũrē béogukumi.

47 Irasirigu sugu moãboerimasũ Īgũ opu iridorerire masĩkeregũ, õārõ ãmubiri, irire neõ iribirimakũ ĩāgũ, Īgũ opu Īgũrē wajamoã, buro tārãgukumi.

48 Gajigu moãboerimasũ gapu Īgũ opu iridorerire masĩbi, irire iribirimakũ ĩāgũ, Īgũ opu Īgũrē sĩrũweyata tārãgukumi. Marĩpu masakare Īgũ iridorerire masĩmakũ yámi. Irasirigu õārõ masĩgũrē Īgũ iridorerire õārõ iridoremi. Puru Īgũrē masĩnemomakũ irigu, Īgũ iridea nemorõ õārĩrē iridoremi, ārĩyupu Jesús.

*Jesús: “Masakare gãme dukawarirākuma”, ārĩ weredea (Mt 10.34-36)*

49 Puru Jesús Īgũsārē ārĩyupu doja:

—Béoadear peame merã soebéorosũ i ãmu marã ñerõ iririre béogu aarigú iribu. Dapagoragãta iri ñerĩ āārĩpererire soebéomakũ ĩãduasiadãa.

50 Yu ñerõ tarigukoa. Yu ñerõ tariburire gũñagũ, buro bujawereri merã āārĩrikua. Irasirigu irire tariwerepeogugue buro usuyagukoa.

51 Musã yue: “Īgũ i nikũguere aarigú, masakare siñajãrĩ merã gãme āārĩrikumakũ irigu aarimĩ”, ¿ārĩ gũñarĩ? Irasũ āārĩbea. Musārē werea. Masakare Īgũsã basi gãme dukawarimakũ irigu aaribú. Irasirirã surãyeri yue buremurākuma. Gajirã yue buremubirikuma.



<sup>52</sup> Dapagã merã su wii marã su mojõ marã yaa kerere péadero pũũ, ĩgũsã basi gãme dukawarirãkuma. Urerã, pẽrã merã, pẽrã, urerã merã gãme ĩaturirãkuma.

<sup>53</sup> Surãyeri masaka yũre bũremunugãdero pũũ, gajirã yũre bũremubiridero pũũ, ãsũ waarãkuma. Sugũ ĩgũ magũrẽ ĩaturigukumi yũre bũremumakũ ĩãgũ. Gajigũ ĩgũ pagũre ĩaturigukumi. Gajigo igo magõrẽ ĩaturigokumo. Gajigo igo pagore ĩaturigokumo. Sugo mũñekõ igo beporo ĩaturigokumo. Sugo bepo igo mũñekõrẽ ĩaturigokumo yũre bũremumakũ ĩãgõ, ãrĩyupũ Jesús.

*Masaka Jesús iririre ĩãmasĩbiridea  
(Mt 16.1-4; Mr 8.11-13)*

<sup>54</sup> Pũũ Jesús masakare ãsũ ãrĩ wereyupũ doja:

—Mũsã abe ñajãrõ gapũ ĩĩmikãyeborire ĩãrã: “Deko merẽburo yãa”, ãrã. Mũsã ãrãderosũta waãa.

<sup>55</sup> Sur gapũ merã mirũ aarimakũ: “Asirinũ ããrĩrokoa”, ãrã. Mũsã ãrãderosũta asirinũ ããrã.

<sup>56</sup> Mũsã irikatorikũrã, i nikũmarẽ, ãmarõmarẽ ĩãrã: “Õãrĩnũ, o ñerĩnũ waarokoa”, ãrĩ masĩa. Iririre õãrõ masĩkererã, ĩnasirirã ĩnũrĩrẽ Marĩpũ turari merã yũ iri ĩmurĩ gapũre ĩãrã, neõ õãrõ pémasĩberi? ãrĩyupũ.

*Marĩrẽ ĩaturigũre õãrõ merã gãme ãmudoredea  
(Mt 5.25-26)*

<sup>57</sup> Irasũ ãrĩ odo, ãsũ ãrĩnemoyupũ doja:

—ĩMũsã diayema iririre ĩã beyemasĩberi dapa?

<sup>58</sup> Sugũ mũsãrẽ weresãduamakũ, ĩgũ merã oparã pũrogue waarã, ĩgũrẽ: “Dupaturi irasũ iribirikoa”, ãrĩ gãme ãmuka! Mũsã ĩgũrẽ ãmubirimakũ, weresãrĩrẽ beyerimasũguere mũsãrẽ weresãgukumi. Pũũ beyerimasũ mũsãrẽ peresu iridoregũ, suraraguere wiagukumi.

<sup>59</sup> Mũsãrẽ werea. Beyerimasũ mũsãrẽ wajaridorerire mũsã wajaripeobirimakũ, neõ mũsãrẽ wiubirikumi, ãrĩyupũ.

## 13

*Jesús masakare: “Mũsã gũñarĩrẽ gorawayuka!” ãrĩdea*

<sup>1</sup> Jesús irasũ ãrĩripoe gajirã ĩgũrẽ ãsũ ãrĩ wereñurã:

—Galilea marã Marĩpũ ĩũrõ waibũre wẽjẽ, soepeo bũremuripoe Pilato gapũ ĩgũsãrẽ wẽjẽyupũ. ĩgũ irasũ wẽjẽmakũ, waibũ dí merã masaka dí morẽãkõãyuro, ãrĩñurã.

<sup>2</sup> ĩgũsã irasũ ãrĩmakũ pégũ, Jesús ãrĩyupũ:

—Pilato wẽjẽnerãrẽ, ĩnaásũ gũñarĩ? ĩĩgũsã irasũ wẽjẽsũrã, gajirã Galilea marã nemorõ ñerã ããrĩdea waja boayuri?

<sup>3</sup> Āārībea. Musārē werea. Musāde ñerī iririre bujaweremerā, musā gūñarīre gorawayumerā, boarā, perebiri peamegue waarākoa.

<sup>4</sup> Irinugue gajirā dieciocho masakare Siloé wāikuri wii ũmarī wii ĩgūsā weka turidija, tāū wējēyuro. ¿Naásū gūñarī musā ĩgūsārē waadeare? ¿Īgūsā irasū boarā, gajirā Jerusalén marā nemorō ñerā āārīdea waja boayuri?

<sup>5</sup> Āārībea. Musārē werea. Musāde ñerīre bujaweremerā, musā gūñarīre gorawayumerā, boarā, perebiri peamegue waarākoa, ārīyupu Jesús.

*Jesús higeragu duká marīdi keori merā weredea*

<sup>6</sup> Jesús ĩgūsārē irasū ārī odo, keori merā wereyupu:

—Pooe opu ĩgūya poogue ĩgū otedi higeragu wāikudire opakumi. Sunu: “Dukakukoa”, ārī, ĩāgū waakumi. Neō bokabirikumi. Duká marīkoa.

<sup>7</sup> Bokabirisīā, iri pooe moāgūrē werekumi: “Īāka! Ure bojorigora igu dukare āmadāa. Duká máa. Irasirigu irigure pábéokōāka! Duká marīkerero, gajino oteboarderore kāmutanía”, ārīkumi.

<sup>8</sup> Īgū irasū ārīmakū pégu, ĩgūrē moāboegu āsū ārīkumi: “Yū opu, i bojorigora tamerārē níñaburo dapa. Yū irigu purore nikūrē sea odo, waibu gura merā ũjātūñagura.

<sup>9</sup> Yū irasū iriadero puru, gajipoe iriro dukakubukoa. Duká marīmakū ĩāgū, pábéodoreka!” ārīkumi, ārī wereyupu Jesús.

*Siñajārīnu āārīmakū, Jesús dupamutīrō nígōrē taudea*

<sup>10</sup> Sunu judío masaka siñajārīnu āārīmakū, Jesús ĩgūsā nerērī wiigue buegu iriyupu.

<sup>11</sup> Iro sugo nomeō dieciocho bojorigora pūrīrikugo āārīyupo. Wātī igore dupamutīrō nímakū iriyupu. Irasirigo diaye nímasībiriyo.

<sup>12</sup> Igo irasū āārīmakū ĩāgū, Jesús igore: “Aarika!” ārī siyupu:

—Nomeō, mu pūrīrikuri tausūsiáa, ārīyupu.

<sup>13</sup> Irasū ārīgūta, igore ĩgūya mojōrī merā ñapeoyupu. Īgū ñapeomakūta, diaye níyupo. Puru Marīpure: “Ōātaria mu”, ārī, usuyari sīngāyupo.

<sup>14</sup> Jesús siñajārīnu igore taumakū ĩāgū, iri nerērī wii opu gapu ĩgū merā guayupu. Irasirigu, masakare āsū ārīyupu:

—Semanariku, marī moārīnarī, su mojōma pere gaji mojō suru pērēbejarinarī āārā. Irasirirā musā pūrīrikurā taudoreduarā, irinurīre taudorerā aarika! Dapagāno marī siñajārīnurē irinorē iribirikōārō gāamea, ārīyupu.

<sup>15</sup> Īgū irasū ārīmakū pégu, marī opu Jesús āsū ārīyupu:

—Musã irikatorikurã ããrã. Musã wekure, o burrore oparã siñajãrĩnu ããrĩkeremakũ, ĩgũsãrẽ suadeadarire kura, ĩgũsãrẽ deko iiridorerã ãĩbuãa.

<sup>16</sup> Igore Abraham parãmeõ ããrĩturiagore wãtẽa opu Satanás dieciocho bojorigora pũrĩrikumakũ irimi. Iro merẽ siñajãrĩnu ããrĩmakũ, ĩgore taubirikõãrõ gããmeadayuri? ãrĩyupu Jesús.

<sup>17</sup> ĩgũ irasũ ãrĩmakũ pãrã, Jesũre ĩãturirã ããrĩpererã gũyasĩrĩperekõãñurã. Gajirã gapu ããrĩpereri Jesús õãrĩ iririre ĩãrã, usũyañurã.

*Jesús mostaza wãĩkuri yegã puri masãdea keori merã were-dea*

(Mt 13.31-32; Mr 4.30-32)

<sup>18</sup> Pũru ãrĩyupu doja:

—Marĩpu ĩgũyarãrẽ doreri, ĩñeeno irirosũ ããrĩkuri? ĩÑeeno keori merã weregũkuri?

<sup>19</sup> I irirosũ ããrã. Suye oteriyere mostaza wãĩkuri yegãrẽ oterosũ ããrã. Iri yegãrẽ sugu masakũ ĩgũya pooegue otekumi. ĩgũ oteadero pũru, yukũ wãdi irirosũ puri, masãkoa. Irasirirã mirã wãrã irĩgu dũpũrigue ĩgũsãya suri suakuma, ãrĩyupu.

*Jesús pã wemasãrĩ morẽrĩ poga keori merã weredea*

(Mt 13.33)

<sup>20</sup> Dupaturi keori merã werenemoyupu:

—Marĩpu ĩgũyarãrẽ dorerire, ĩñeeno keori merã werenemogũkuri?

<sup>21</sup> I irirosũ ããrã. Pã wemasãrĩ morẽrĩ poga irirosũ ããrã. Sugo nomeõ pã irigo, mërõgã pã wemasãmakũ iriri poga merã trigo pogare morẽkumo. Igo irasũ morẽadero pũru, iri poga mërõgã ããrĩkerero, wemasãseyakõãkoa, ãrĩyupu.

*Jesús eyabiri makãpũrore ñajãri keori merã weredea*

(Mt 7.13-14, 21-23)

<sup>22</sup> Pũru Jesús Jerusalẽgue waagũ, paga makãrĩrẽ, mutã makãrĩgãdere buetariwãgãyupu.

<sup>23</sup> Irogue sugu masakũ ĩgũrẽ ãsũ ãrĩ sãrẽñayupu:

—Yũ opu, ĩMarĩpu perebiri peamegue waabonerãrẽ tau-murã mërãgã ããrĩkuri? ãrĩyupu.

Ĩgũ irasũ ãrĩmakũ pãgũ, Jesús i keori merã wereyupu:

<sup>24</sup> —Marĩpu pũroque ñajãduarã, ĩgũyare irika! Musãrẽ werea. Wãrã ĩgũ pũroque ñajãduakererã, ñajãmasĩbirikuma. Irogue ñajãduamakũ diasagorãa. Eyabiri makãpũro ñajãrõ irirosũ ããrã.

<sup>25</sup> Marĩpu, sugu wii opu irirosũ ããrĩmi. Wii opu wãgãñũgã, makãpũrore biadero pũru, musã gapu makãpũroque ããrĩã ĩgũya wiire ñajãduarã, ãsũ ãrĩrãkoa ĩgũrẽ: “Gũũ opu, gũare

tūpāsóogu aarika!” āĩrākoa. Irasū āĩkeremakū, wii opu gapu: “Mūsārē masībea. Noó marā āāĩrā āāĩrā”, āĩgukumi.

<sup>26</sup> Īgū irasū āĩmakū, mūsā gapu āsū āĩrākoa: “Gua mu merāta baa, iiri iribu. Guaya makāguedere buegorenabu”, āĩrākoa.

<sup>27</sup> Mūsā irasū āĩmakū, āsū yujugukumi: “ ‘Mūsārē masībea. Noó marā āāĩrā āāĩrā’ āĩsiáa. Mūsā ñerō irirā āārā. Irasirirā āāĩpererā waaka! Yu purore wirika!” āĩgukumi wii opu mūsārē.

<sup>28</sup> Irasirirā, Abraham, Isaac, Jacob, āāĩpererā Marĩpuya kerere weredupiyunerā merā Marĩpu ĩguyarārē dorerogue āāĩmakū iārā, mūsā gapu makāpurogue béosunerā āāĩsiā, pūrĩsūrā mūsāya guikare kūrĩduútú orerākoa.

<sup>29</sup> Irasū waaripoere norte marā, sur marā, abe mārĩro marā, abe ñajārō marā Marĩpu ĩguyarārē dorerogue eja, usuyari merā baa doanĩrākuma.

<sup>30</sup> Irasirirā dapagorare ubu āāĩrā, purugure oparā dujarākuma. Dapagorare: “Oparāgora āārā”, āĩrā gapu purugure ubu āāĩrā dujarākuma, āĩyupu Jesús.

*Jesús Jerusalén marārē ĩāgū oredea  
(Mt 23.37-39)*

<sup>31</sup> Jesús irasū āĩripoe surāyeri fariseo bumarā ĩgū purogue eja, āsū āĩñurā:

—Herodes mārē wējēdhami. Irasirigu gajirogue waaka! āĩñurā.

<sup>32</sup> Jesús gapu ĩgūsārē yujuyupu:

—Āsū āĩ wererā waaka, ĩgū āĩkatorikugure: “Dapagārē, ñamigādere āsūta irigura. Wātēārē béowiugukoa. Pūrĩkurārē taugukoa. Irasirigu ñamigā sinu gapu odogukoa”, ārāmi, āĩ wereka ĩgūrē!

<sup>33</sup> Dapagā, ñamigā, ñamigā sinu gapudere Jerusalēgue waagura. Iro marā Marĩpuya kerere weredupiyunerārē wējēnerā āāĩmā. Irasirigu yure Marĩpuya kerere weredupiyugure ĩgūsā wējēbure iri makāgue āāĩrō gāāmea.

<sup>34</sup> ‘Mūsā Jerusalén marā Marĩpuya kerere weredupiyuri-masārē wējēkōāa. Īgū iriunerārē ūtāyeri merā dea wējēa. Wari yu mūsārē, āgābo igo pūrārē, igoya kēdupuri merā neeōnūrōsū neeōnūdhamibu. Mūsā gapu yu irasū irimakū neō gāāmebiribu.

<sup>35</sup> Irasiro mūsā āāĩrĩ makā, béodea makā dujarokoa. Mūsārē diayeta werea. Mūsā yure dupaturi ĩābirikoa. Purugue mūsā: “Marĩpu iriudi ōātarigu ōārō aariburo”, āĩrā, yure dupaturi ĩārākoa doja, āĩyupu Jesús.

## 14

*Jesús sugu bijiri pūrĩrikugure taudea*

1 Sunu Jesús, judío masaka siñajārīnu āārīmakū, sugu fariseo bumarā opuya wiigue baagu waayupu. Iroque āārīrā gajirā fariseo bumarā īgūrē īānūrānikōāñūrā.

2 Īgūsā baaro p̄rogue sugu masaku bijiri pūrīrikugu Jesús diaye āārīyupu.

3 Irasirigu Jesús, Moisés gojadeare buerimasārē, fariseo bumarādere āsū ārī sērēñayupu:

—Siñajārīnu āārīmakū, ¿sugu pūrīrikugure taudoreri, o taudoreberi? ārīyupu.

4 Īgū irasū ārīmakū pérā, neō yujubiriñūrā. Īgūsā yujubirimakū īāgū, Jesús bijiri pūrīrikugure tauyupu. Odo, īgūrē: “Ōārō waaka!” ārīyupu.

5 Puru Īgūsārē sērēñayupu doja:

—Siñajārīnu āārīkeremakū, musāyagu burro, o musāyagu weku gobegue meēñajādire īārā, ¿mata āi wiubiribukuri? ārīyupu.

6 Īgūsā gapu, Īgū irasū ārī sērēñārīrē yujumasībiriñūrā.

*Mojōshari bosenu siiusūnerāya keori merā weredeā*

7 Jesús fariseo bumarā opuya wiigue āārīgū, iri wiimu siuanerā ejamakū īāyupu. Īgūsā ōārī doaripērīrē beyeñūrā, oparā irirosū doamurā. Īgūsā irasirimakū īāgū, Jesús i keori merā wereyupu Īgūsā āārīpererārē:

8-9 —Sugu wii opu mojōshari bosenu irigu musārē siuadero paru, musā īgūya wiigue ejarā, oparā doarire beye doabirikōāka! Iri wii opu gajirā īgū siuanerārē musā nemorō goepeyarā ejamakū īāgū, musārē āsū ārīgukumi: “Īsā gapure musā doarire sīka! Musā gapu sōōgue doarā waaka!” ārīgukumi. Īgū irasū ārīmakū pérā, musā gūyasīrīrī merā ubu āārīrā doarigue doarā waarākoa.

10 Irasirirā, wii opu musārē siiumakū, ubu āārīrā doarigue doaka! Musā irasirimakū īāgū, iri wii opu musārē: “Oparā doarigue doarā aarika!” ārīgukumi. Īgū irasirimakū īārā, gajirā īgū siuanerā musārē būremurī merā īārākuma.

11 Sugu īgū basi: “Gajirā nemorō āārā”, ārī gūñagūnorē Marīpu īgūrē ubu āārīgū dujamakū irīgukumi. Gajigu: “Gajirā nemorō āārībea”, ārī gūñagū gapure Marīpu īgūrē gajirā nemorō āārīmakū irīgukumi, ārīyupu.

12 Irasū ārī odo, īgūrē siuadire āsū ārīyupu:

—Mu bosenu irigu, mu merāmarārē, mu pagupūrārē, mūyarārē, doebiri oparārē siubirikōāka! Mu Īgūsārē siiumakū, mūrē īgūsāde siu gāmibukuma. Īgūsā irasiriri merā īgūsā baadeare mūrē ejo gāmibukuma.

13 Mu bosenu irigu, boporārē, poyarimasārē, guburi būanerārē, oye īāmerārē siuka!

14 M<sub>u</sub> irasirimakū, Marīp<sub>u</sub> m<sub>u</sub>rē ōārō irigakumi. Īgūsārē m<sub>u</sub> siuidea waja, Īgūsā m<sub>u</sub>rē siu gāmbirikuma. Irasirig<sub>u</sub> Marīp<sub>u</sub> diayemarē irirā boanerārē masūrīn<sub>u</sub> āārīmakū, m<sub>u</sub>rē ōārīrē wajarigakumi, ārīyup<sub>u</sub> Jesús.

*Jesús bosebaarin<sub>u</sub> keori merā buedea*

15 Īgū irasū ārīmakū pég<sub>u</sub>, sug<sub>u</sub> iroque baa doanígū Īgūrē ārīyup<sub>u</sub>:

—Marīp<sub>u</sub> Īgūyarārē dorerogue Īgū p<sub>u</sub>ro baa doanírā b<sub>u</sub>ro us<sub>u</sub>yarākuma, ārīyup<sub>u</sub>.

16 Īgū irasū ārīmakū, Jesús keori merā wereyup<sub>u</sub> Īgūrē:

—Sug<sub>u</sub> wári bosebaarin<sub>u</sub> irig<sub>u</sub> wárā masaka siuukumi.

17 Īgū siuadero p<sub>u</sub>r<sub>u</sub>, bosenu āārīrīn<sub>u</sub>rē Īgūrē moāboeg<sub>u</sub>re Īgū siuanerārē weredoreg<sub>u</sub> iriukumi. “Aarika! Āārīpereri bosenu<sub>u</sub>marē āmusiami”, ārī weredorekumi.

18 Īgū irire weremakū pérā, āārīpererā: “Masīña máa, waabirikoa”, ārīkuma. Īgū siup<sub>u</sub>rorisūadi moāboeg<sub>u</sub>re āsū ārīkumi: “Dapagorata nikū wajari odoa. Irore Īgū waabu yáa. Irasirig<sub>u</sub> m<sub>u</sub> op<sub>u</sub>re: ‘Masīña máa, waabirikoa’, ārāmi, ārī wereka!” ārīkumi.

19 Gajig<sub>u</sub> āsū ārīkumi: “Wek<sub>u</sub> pe mojōmarā wajariabu. Īgūsārē keoñagū waabu yáa. Irasirig<sub>u</sub> m<sub>u</sub> op<sub>u</sub>re: ‘Masīña máa, waabirikoa’, ārāmi, ārī wereka!” ārīkumi.

20 Gajig<sub>u</sub> āsū ārīkumi: “Y<sub>u</sub> dapagorata mojōs<sub>u</sub>na odoa. Irasirig<sub>u</sub> iri bosenu<sub>u</sub>rē waabirikoa”, ārīkumi.

21 Īgū irasū ārīmakū, moāboeg<sub>u</sub> gap<sub>u</sub> goedujáa, Īgū op<sub>u</sub>re Īgūsā ārādeare werekumi. Īgū weremakū pég<sub>u</sub>, op<sub>u</sub> b<sub>u</sub>ro gua, āsū ārīkumi Īgūrē moāboeg<sub>u</sub>re: “Murīgoráa. Makā dekoma maarīgue āārīrārē āmagú waaka! Irasirig<sub>u</sub> boporārē, poyarimasārē, koye Īāmerārē, gubu buanerārē mumurō merā yaa wiigue āarika!” ārīkumi.

22 P<sub>u</sub>r<sub>u</sub> moāboeg<sub>u</sub> Īgū op<sub>u</sub>re werekumi: “Y<sub>u</sub> op<sub>u</sub>, m<sub>u</sub> doreaderosūta masakare siuabu. Wii gap<sub>u</sub>re ut<sub>u</sub>ribema dapa”, ārīkumi.

23 Īgū irasū ārīmakū pég<sub>u</sub>, Īgū op<sub>u</sub> Īgūrē dorekumi doja: “Maarīgue waaka! Paga maarīgue, m<sub>u</sub>tā maarīgāgue m<sub>u</sub> bokajarārē turaro merā siuwāgārika! Irasirimakū, yaa wiire ut<sub>u</sub>rīrākuma.

24 Diayeta m<sub>u</sub>rē werea. Neō sug<sub>u</sub> y<sub>u</sub> siup<sub>u</sub>roriadinerā baaboadideare mérōgā baabirikuma”, ārīkumi op<sub>u</sub> Īgūrē moāboeg<sub>u</sub>re, ārī wereyup<sub>u</sub> Jesús.

*Jesús: “Sug<sub>u</sub> y<sub>u</sub>re t<sub>u</sub>yad<sub>u</sub>amakū diasagoráa”, ārī weredea (Mt 10.37-38)*

25 Wárā masaka Jesúsre t<sub>u</sub>yañurā. Irasirig<sub>u</sub> Īgūsārē gāmenugā Īā, āsū ārīyup<sub>u</sub>:

26 —Sugũ yaa buerire buetũyaduũagu, ãgũ pagure, pagore, marãpore, pũrãrẽ, pagupũrãrẽ, pagupũrã nomerẽ, ãgũ basi maĩrõ nemorõ yũ gapũre maĩrõ gããmea.

27 Sugũ yũre tũyaduũari waja curusague pábiatú wějėsũbu irirosũ ããrĩkeregũ, yũre neõ piriro marĩrõ yũre tũyanĩkõãburo. Yũre tũyaduũabi, yũ buegũ ããrĩmasĩbirikumi.

28 Sugũ, mũsã watopegue ããrĩgũ, ãmarĩ wiire iriburo dupiyuro: “¿Ñeeno merã iripeogũkuri?” ãrĩ gũñagũ, iri wiire iriburi wajakũburire keopũrorikumi.

29 Wajakũburire keopũroribi, iri wiire iripeobirikumi. ãgũ iripeobirimakũ ããrã, gajirã ãgũrẽ buridakuma.

30 “ãka! ãrĩ wiire iriadiñumi. Iripeomasĩbiriñumi”, ãrĩ buridakuma ãgũrẽ.

31 Su nikũ marã opũ, gajigũ opũ merã gãmewějẽburo dupiyuro ãgũyarã surarare keopũrorikumi. “¿Yũ diez mil surara merã, gajigũ veinte mil surara opagũ merã gãmewějẽgũ waagũ bokatĩũbukuri?” ãrĩ gũñakumi.

32 Keoña: “Bokatĩũbirikoa”, ãrĩkumi. Irasirigũ, gajigũ opũ ãgũyarã surara merã gãmewějẽgũ aarimakũ, yoarogue ãgũ ããrĩmakũta: “Gãmewějẽbirikõãrã”, ãrĩ kere iriukumi ãgũyagure.

33 I irirosũta yũ buerã ããrĩduũarã mũsã iriburire õãrõ gũñadupiyuro gããmea. ãsũ ããrã. Mũsã gããmerĩrẽ piriduũamerã yũ buerã ããrĩmasĩbea.

*Moã õãrõ okari irirosũ ããrĩrõ gããmea, ãrĩ weredea  
(Mt 5.13; Mr 9.50)*

34 Moã õãrõ okari ããrĩmakũ õãgorãa. Moã okadea okabirimakũ, dupaturi okamakũ irimasĩña máa.

35 Moã okabirimakũ õãbea. Béokõãrõ gããmea. Irasirirã mũsã moã okabirimakũ béosũburi irirosũ neõ ããrĩbirikõãka! Gãmpũrĩ oparã, ire õãrõ péka! ãrĩ wereyupũ Jesús.

## 15

*Jesús oveja dederidi keori merã buedea  
(Mt 18.10-14)*

1 Gajinũ wárã romano marã opũre niyeru wajaseabosarimasã, ñerõ iririmasãde Jesús pũro ãgũ buerire pérã ejañurã.

2 ãgũsã irasũ ejamakũ ããrã, fariseo bumarã, Moisés gojadeare buerimasãde Jesũre ãsũ ãrĩ werewuãñurã:

—ãrĩ ñerãrẽ bokatĩrĩñeã, ãgũsã merã baami, ãrĩñurã.

3 ãgũsã irasũ ãrĩmakũ pégu, Jesús i keori merã wereyupũ ãgũsãrẽ:

4 —Oveja korerimasũ cien oveja opagũ, sugũ oveja dederimakũ ããgũ, noventa y nueve ovejare makã tũro ãgũsã

baarogue duripikōã, dederiadire ãmagú waakumi. Īgūrē bokagugue ãmuduúkumi.

<sup>5</sup> Īgūrē bokagũ, usuyari merã Īgūrē ãikōã,

<sup>6</sup> Īgūya wiigue ãi dujáakōãkumi. Āi dujaja, Īgū pũro ãārĩrãrē, Īgūyarãrē siiu neeõkumi. “Yaagu oveja dederiadire bokáabu. Irasirirã yũ merã usuyaka!” ãrĩkumi.

<sup>7</sup> Mũsãrē werea. Sugũ ñerõ irigũ, oveja dederiadi irirosũ ãārĩmi. Irasirigũ Īgũ ñerõ iririre bujawere, Īgũ gũñarĩrē gorawayumakũ, Marĩpu pũro ãārĩrã bũro usuyama. Gajirã wãrã masaka Īgũsã noventa y nueve oveja, makã turogue duripinerã irirosũ ãārĩrã, ãsũ ãrĩ gũñadima: “Ñerõ iribea gũa gapũ. Irasirirã gũa ñerõ iririre bujawereri opabea”, ãrĩ gũñama. Īgũsã irasũ ãrĩ gũñamakũ, Marĩpu pũro ãārĩrã usuyabema.

*Jesús niyeru koe dederidea keori merã buedea*

<sup>8</sup> Sugo nomeõ pe mojõma niyeru koeri wajapari koeri opakumo. Su koe dederimakũ ããgõ, sããgodirure sããgo, wiire ooa, õãrõ ãmapeokumo. Iri koere bokagogue ãmaduúkumo.

<sup>9</sup> Iri koere bokago, igo pũro ãārĩrãrē, igoyarãrē siiu neeõkumo. “Yaa niyeru koe, dederiadea koere bokáabu. Irasirirã yũ merã usuyaka!” ãrĩkumo.

<sup>10</sup> Mũsãrē werea. Sugũ ñerĩrē irigũ Īgũ ñerĩ iririre bujawere, Īgũ gũñarĩrē gorawayumakũ, Marĩpũre wereboerã bũro usuyarãkuma. Īgũ dederiboadi dederibirimakũ ããrã, bũro usuyarãkuma, ãrĩyupũ Jesús.

*Jesús sugũ pẽrã pũrãkũdi keori merã buedea*

<sup>11</sup> Irasũ ãrĩ odo, Jesús gaji keori merã bueyupũ doja:

—Sugũ masakũ pẽrã ãma pũrãkũkumi.

<sup>12</sup> Sunũ pagũmũ gapũ pagũre ãsũ ãrĩkumi: “Aũ, mũ boagũ, yũre sĩburire dapagorata yũre sĩweoka!” ãrĩkumi. Īgũ irasũ ãrĩmakũ pégũ, Īgũ pũrã pẽrãguereta Īgũ oparire dukawa, sĩkumi.

<sup>13</sup> Méréõgã pũrũta, pagũmũ gapũ Īgũ pagũ sãadeare ãārĩpereri duapeokõãkumi. Pũrũ Īgũ duadea waja niyeru merã yoarogue gaji nikũgue waakõãkumi. Irogue eja, Īgũya niyerure ñerõ iriri merã irisiripeokõãkumi.

<sup>14</sup> Īgũya niyeru irisiribéoadero pũrũ, iri nikũguere baari pereakõãkoa. Irasirigũ bũro uaboapũrorinugãkumi.

<sup>15</sup> Irasirigũ, sugũ iri nikũmũ pũro, moãrĩ ãmagú waakumi. Īgũ gapũ Īgūrē Īgũya moãrĩ ãārĩrõgue yeseare koredoregũ iriukumi.

<sup>16</sup> Yapidũagũ, yeasea baarireta baadũadikumi. Neõ gajirã Īgūrē baari ejobirikuma.



17 Irasirigu āsū ārī gūñanugākumi: “Yuruya wiire wārā ĩgūrē moāboerā āārīkeremakū, baari wāro dāyanabu. Yu gapu oōguere buru haboari merā kōmogūgue irikoa.

18 Irasirigu yuru prugue goedujáagura doja. Āsū ārīgura ĩgūrē: ‘Au, yu Marīpu ĩūrōrē ñerō irikubu. Mudere irasūta irikubu’, ārīgura.

19 ‘Ñegū āārā. Yure: “Yu magū āārā”, ārībirikōāka! Irasirigu yure sugu murē moāboegu irirosū opaka!’ ārīgura yurure”, ārī gūñakumi.

20 Irasū ārī gūña, maague waa, ĩgū paguya wiigue goedujáakōākumi.

‘Īgū yoarogue aarimakūta, ĩgū pagu ĩgūrē ĩā, buru bopoñakumi. Puru ūmawāgā, ĩgūrē bokatīrī, pábua, mimi irikumi.

21 Irasirigu ĩgū pagure ārīkumi: “Au, yu Marīpu ĩūrōrē ñerō irikubu. Mudere irasūta irikubu. Ñegū āārā. Yure: ‘Yu magū āārā’, ārībirikōāka! Irasirigu yure sugu murē moāboegu irirosū opaka!” ārīkumi ĩgū pagure.

22 Īgū irasū ārīkeremakū, ĩgū pagu gapu ĩgūrē moāboerārē ārīkumi: “Murīgorāa. Surī oārīrē āirā waa, sāka! Mojōsūrū túsārī berodere sāka! Gubu surídere sāka!

23 Weku majīgū oārō diikugure āirā waa, wējēka, ĩgūrē baa, yu magū goejari bosenu irimurā.

24 Ī yu magū boakōākumi, ārādi goejami. Okami. Dederidire marī bokāa”, ārīkumi. Puru bosenu irinugākuma.

25 ‘Īgūsā bosenu iriripoe, masā tīgū gapu poeague āārīkumi. Iroque āārādi goedujarigu, wii puru ejagu, ĩgūsā bayarire pékumi.

26 Īgūsā bayamakū pégu, sugu ĩgū pagure moāboegure siu, sērēñakumi: “¿Naásū waári wiiguere?” ārīkumi.

27 “Mu pagumu pūrīrī marīgū, oāgū goejami. Irasirigu muru usuyari merā weku majīgū diikugure wējēdoreami”, ārī yujakumi moāboegu ĩgūrē.

28 Īgū irasū ārī weremakū pégu, masā tīgū gapu buru guakumi. Wiigue ñajābirikumi. Īgū ñajābirimakū ĩāgū, ĩgū pagu wiria, ĩgūrē: “Ñajārika!” ārādikumi.

29 “Au, péka! Yu wári bojori mu dorerire neō suñarō tarinugārō marīrō murē moābosabu. Yu irasirikeremakū, neō sugu waiibu sībiribu, yu merāmarā merā bosenu iriburo, ārīgū.

30 Ī mu magū gapu ñerā nome merā muyare irisiribéodi āārīmí. Irire irisiribéo odo, ĩgū goejamakū, weku diikugure ĩgūrē wējē, ejoa”, ārīkumi ĩgū pagure.

31 “Maku, mu yu merā āārīnikōāa. Irasiriro āārīpereri yu opari muya dita āārā.

<sup>32</sup> Īi m<sub>u</sub> pag<sub>u</sub>m<sub>u</sub> boakōākumi, ārādi goejami. Okami. Dederidire marī bokāa. Irasirirā Īgū goejamakū, marī bosenu iri *usuyamakū ōāgorāa*”, ārikumi Īgū magūrē, āri wereyup<sub>u</sub> Jesús.

## 16

*Jesús, wári doebiri opag<sub>u</sub>yare koreboeg<sub>u</sub> keori merā were-dea*

<sup>1</sup> Jesús irasū āri odo, Īgū buerārē i keori merā wereyup<sub>u</sub>:

—Sug<sub>u</sub> masak<sub>u</sub> wári doebiri opag<sub>u</sub> āārikumi. Irasirig<sub>u</sub>, Īgūyare koreg<sub>u</sub>re opakumi. Gajirā gap<sub>u</sub> Īgū ōārō korebiri-makū ĩārā, Īgū op<sub>u</sub>guere: “M<sub>u</sub>ya niyerure irisirig<sub>u</sub> iriami”, āri weresākuma.

<sup>2</sup> Īgūsā weresāmakū pég<sub>u</sub>, Īgūyare koreg<sub>u</sub>re siiu: “Gajirā yaa niyeru m<sub>u</sub> irisirire weresāma. Yaare m<sub>u</sub> moārīrē gojatúri pūrē yare ĩmuka! Irasirig<sub>u</sub> yaare korenemobirikōāka pama!” ārikumi Īgū op<sub>u</sub> Īgūrē.

<sup>3</sup> Īgū irasū ārimakū, niyeru koreg<sub>u</sub> āsū āri gūñakumi: “Y<sub>u</sub> op<sub>u</sub> yare béowiubu yámi. Y<sub>u</sub> turabea. Irasirig<sub>u</sub> turaro moārīrē bokatīūbirikoa. Gajirārē niyeru sērē doanīgū, g<sub>u</sub>yasīrīgorakoa. ¿Nasirigukuri y<sub>u</sub>?” āri gūñakumi.

<sup>4</sup> P<sub>u</sub>r<sub>u</sub> gūñanemokumi doja: “Dapagorare y<sub>u</sub> iriburire masísíaa. Yare moārī marīmakū, y<sub>u</sub> āsū irimakū ĩārā, yare gajirā Īgūsāya wiirigue ñajādorērākuma”, āri gūñakumi.

<sup>5</sup> Irasirig<sub>u</sub>, Īgū op<sub>u</sub>re wajamorārē sug<sub>u</sub>no ditare siiu, sērēñakumi ejapurorig<sub>u</sub>re: “¿Y<sub>u</sub> op<sub>u</sub>re noópa wajamorī m<sub>u</sub>?” āri sērēñakumi.

<sup>6</sup> Wajamogū Īgūrē y<sub>u</sub>jukumi: “Cien dukari olivo wāikudi *uyere wajamokoa*”, ārikumi. Īgū irasū āri weremakū, āsū ārikumi Īgūrē: “Doaka, murīgorāa! M<sub>u</sub> wajamorīrē gojatúdea pū, i pū āārā. Iri pūrē āi, gaji pūguere cincuenta dukarita gojatúka!” ārikumi.

<sup>7</sup> P<sub>u</sub>r<sub>u</sub> gajig<sub>u</sub>re sērēñakumi: “¿M<sub>u</sub>koa, noópa wajamorī?” ārikumi. Wajamogū Īgūrē y<sub>u</sub>jukumi: “Cien trigo ajuri wajamokoa”, ārikumi. Īgū irasū ārimakū, āsū ārikumi Īgūrē: “M<sub>u</sub> wajamorīrē gojatúdea pū, i pū āārā. Iri pūrē āi, gaji pūguere ochenta ajurita gojatúka!” ārikumi.

<sup>8</sup> Īgū op<sub>u</sub>, Īgū irasū ōārō irikatomerēmakū ĩāgū: “M<sub>u</sub> ñegū āārikereg<sub>u</sub>, m<sub>u</sub> masīrī merā ōārō niyerure moāmasīa”, ārikumi. I ũmugue marā Marīp<sub>u</sub>re masībirikererā, Marīp<sub>u</sub>yarā Īgūsāya niyerure moāmasīrō nemorō moāmasīma, āri wereyup<sub>u</sub> Jesús.

<sup>9</sup> Irasū āri odo, āsū āri werenemoyup<sub>u</sub>:

—M<sub>u</sub>sā i ũmuma oparire boporārē sīka, m<sub>u</sub>sārē maīburo, ārīrā! M<sub>u</sub>sā irasū sīmakū, m<sub>u</sub>sā opadea pereadero p<sub>u</sub>r<sub>u</sub> ũmugasig<sub>u</sub>re m<sub>u</sub>sā ejamakū, iroguē āārīrā m<sub>u</sub>sārē *usuyari merā bokatīrīñeārākuma*.

10 'Sug<sub>u</sub> mérīgā opari merā òārō irig<sub>u</sub>, wári opari merādere òārō irig<sub>u</sub>kumi. Gajig<sub>u</sub> mérīgā opari merā òārō iribi, wári opari merādere òārō iribirikumi.

11 M<sub>u</sub>sā i ùm<sub>u</sub>ma merā òārō iribirimakū, ¿noā Marīp<sub>u</sub>yare diaye òārī oparire sībukuri m<sub>u</sub>sārē?

12 Gajig<sub>u</sub>yare m<sub>u</sub>sā òārō iribirimakū, ¿noā m<sub>u</sub>sā òārō āārīb<sub>u</sub>rire sībukuri m<sub>u</sub>sārē?

13 'Neō sug<sub>u</sub> moārīmasū pērā oparārē moāboemasīb<sub>u</sub>rikumi. Sug<sub>u</sub> op<sub>u</sub>re maīgū, gajig<sub>u</sub> gap<sub>u</sub>re maīb<sub>u</sub>rikumi, o sug<sub>u</sub> op<sub>u</sub>re b<sub>u</sub>remugū, gajig<sub>u</sub> gap<sub>u</sub>re y<sub>u</sub>j<sub>u</sub>b<sub>u</sub>rikumi. Īg<sub>u</sub>sā irirosūta niyerure maītarig<sub>u</sub>, Marīp<sub>u</sub> gap<sub>u</sub>re maīb<sub>u</sub>mi, ārīy<sub>u</sub>p<sub>u</sub> Jesús.

14 Īg<sub>u</sub> irasū ārīmakū pērā, fariseo bumarā gap<sub>u</sub> niyerure maīrā āārīsīā, Īg<sub>u</sub>rē b<sub>u</sub>ridañurā.

15 Īg<sub>u</sub>sā irasū b<sub>u</sub>ridamakū pég<sub>u</sub>, Jesús Īg<sub>u</sub>sārē werey<sub>u</sub>p<sub>u</sub>:

—M<sub>u</sub>sā, masaka iūrōrē òārō iriadāa. Īg<sub>u</sub>sā, m<sub>u</sub>sā iririre iārā: “Òārā diayemarē irirā āārīma”, ārīrīrē b<sub>u</sub>ro péduāa. Marīp<sub>u</sub> gap<sub>u</sub> m<sub>u</sub>sā gūñarīrē masīmi. Masaka Īg<sub>u</sub>sā basi iririre: “Òātaria”, ārī gūñadima. Marīp<sub>u</sub> gap<sub>u</sub> Īg<sub>u</sub>sā iririre: “Ñetaria”, ārī iāmi.

*Jesús, Marīp<sub>u</sub> dorerire, Īg<sub>u</sub> marī Op<sub>u</sub> āārīrīrē weredea*

16 'Juan masakare wāiyedi ejaburo dupiyuro Marīp<sub>u</sub> Īg<sub>u</sub> Moisére doreri pídea merā, Īg<sub>u</sub>ya kerere weredupiyunerā buedea merā marīrē doredi āārīmī. Dapagora gap<sub>u</sub>re Juan ejadero p<sub>u</sub>r<sub>u</sub>, Marīp<sub>u</sub>ya òārī kerere, Īg<sub>u</sub>yarārē dorerire y<sub>u</sub> werea. Y<sub>u</sub> irire weremakū pērā, masaka Īg<sub>u</sub>sā turari merā Īg<sub>u</sub>yarārē doreroguere b<sub>u</sub>ro ñajād<sub>u</sub>ama.

17 'Īm<sub>u</sub>gasi, i nikūde pererokoa. Iri perekeremakū, Marīp<sub>u</sub> Moisére doreri pídeare neō béobirikumi. Iri doreri merā āārīpereri Īg<sub>u</sub>: “Āsū irig<sub>u</sub>ra”, ārīdeare iriyuwarik<sub>u</sub>g<sub>u</sub>kumi Īg<sub>u</sub> ārīderosūta, ārīy<sub>u</sub>p<sub>u</sub> Jesús.

*Jesús masakare: “M<sub>u</sub>sā marāposā nomerē béobirikōāka!” ārī buedea*

*(Mt 19.1-12; Mr 10.1-12)*

18 Irasū ārī odo, āsū ārīnemoy<sub>u</sub>p<sub>u</sub>:

—Sug<sub>u</sub> Īg<sub>u</sub> marāpore béo, gajigo merā marāpok<sub>u</sub>g<sub>u</sub>, igo merā ñerō irig<sub>u</sub> yāmi. Gajig<sub>u</sub> béodeore marāpok<sub>u</sub>g<sub>u</sub>de igo merā ñerō irig<sub>u</sub> yāmi, ārīy<sub>u</sub>p<sub>u</sub>.

*Jesús doebiri wári opag<sub>u</sub>ya, gajig<sub>u</sub> Lázaro wāik<sub>u</sub>g<sub>u</sub>ya keori merā buedea*

19 P<sub>u</sub>r<sub>u</sub> Jesús gaji keori merā werey<sub>u</sub>p<sub>u</sub> doja:

—Sug<sub>u</sub> wári doebiri opag<sub>u</sub> āārīdi āārīmī. Surí wajaparire sāñadi āārīmī. Irasirig<sub>u</sub> wári opag<sub>u</sub> āārīsīā, ùm<sub>u</sub>rik<sub>u</sub> bosenu irig<sub>u</sub> irirosū òārī ditare baarik<sub>u</sub>di āārīmī.

20 Gajigu bopogu Lázaro wāikugu, ĩgūya dupu āārīperero kāmikugu wári doebiri opaguya wii makāpuro doanadi āārīmi.

21 Wári doebiri opagu baamakū, bopogu gapu ĩgū baasiridi-juri pogare baayapiduagu, sea, baadi āārīmi. ĩgū iro doaripoe diayéa ĩgū puro eja, ĩgūya kāmīrē neerēnerā āārīmā.

22 Pugu bopogu boakōadi āārīmi. ĩgū boamakū, Marīpure wereboerā paraíso wāikurogue Abraham āārīōgue ĩgūrē āīmūrīānerā āārīmā. Mērōgā puru wári doebiri opagude boakōadi āārīmi. ĩgū boamakū, ĩgūrē yāanerā āārīmā.

23 Irasirigu doebiri opagu āārādi boanerā āārīōgue ejagu, buro poyari merā āārīdi āārīmi. ĩgū irogue āārīgū, umugasigue ĩamu, Abrahāre yoarogue āārīmakū ĩadi āārīmi. Lázarodere ĩgū merā āārīmakū ĩadi āārīmi.

24 Irasirigu buro gaguinīdi āārīmi: “Yu ñekū Abraham, bopoñarī merā ĩāka yure! Lázarore iriuka! ĩgū yure ĩgūya mojōsūrū merā dekore yosa, yaa nedirure yusañajāmakū ĩrigu aariburo. Yu i peameguere buro poyagu irikoa”, ārīdi āārīmi.

25 ĩgū irasū ārīkeremakū, Abraham gapu ĩgūrē āsū ārīdi āārīmi: “Maku, okagu āārīgūgue āārīpererire ōārīrē opabu mu. Lázaro gapure umuriku ñerō waabu. Dapagorare mu ñerō tariripoere ĩgū gapu ōōguere usuyari merā āārīkōāgū yami.

26 ‘Gaji āsū āārā. Ūkūārī gobe miē āārā. Irasirirā ōōguere āārīrā mu puruguere waamasībema. Mu purogue āārīrā ōōgue aaridukererā, aarimasībema”, ārīdi āārīmi Abraham.

27 ĩgū irasū ārīmakū, doebiri opadi āsū ārīdi āārīmi: “Yu ñekū Abraham, mūrē buro sērēa. Lázarore yuruya wiigue iriuka!

28 Yu su mojōma pererā pagupūrākua. Lázarore weredoregu iriuka, ĩgūsārē ōōguere ñerō waarōguere aaribirikōāburo, ārīgū”, ārīdi āārīmi.

29 ĩgū irasū ārīmakū, Abraham gapu yujudi āārīmi: “Marīpu ĩgū dorerire Moisére pídeare, Marīpuya kerere weredupiyunerā gojadeadere opama mu pagupūrā. Irasirirā irire bue, buremuburo”, ārīdi āārīmi.

30 ĩgū irasū ārīmakū, doebiri opadi gapu yujudi āārīmi: “Yu ñekū Abraham, ĩgūsā irire opakkererā, ōārō buremubirikuma. Lázaro boadigue masā, ĩgūsā puro waa, ĩgūsārē weremakū, ĩgūsā ñerō iririre bujawere, ĩgūsā gūñarīrē gorawayurākuma. Irasirirā ōārī gapure irirākuma pama yu pagupūrā”, ārīdi āārīmi.

31 ĩgū irasū ārīmakū, Abraham gapu ĩgūrē āsū ārī weredi āārīmi: “Mu pagupūrā Marīpu ĩgū dorerire Moisére pídeare, ĩgūya kerere weredupiyunerā gojadeadere buremumerā, Lázaro boadigue masā, ĩgūsārē weremakūdere Marīpure buremubirikuma”, ārīdi āārīmi Abraham, ārī wereyupu Jesús.

## 17

*Gajirārē ñerō irimakū iribirikōāka! ārī weredea*  
(Mt 18.6-7, 21-22; Mr 9.42)

<sup>1</sup> Jesús ĩgū buerārē āsū ārī wereyupũ:

—Masakare ñerō irimakū iriri, āārīnikōārokoa. Gajirārē ñerō irimakū irigũno gapũ ñetariro tarigũkumi.

<sup>2</sup> Sugũ yũre bũremugūrē majĩgũ irirosũ āārĩgūrē ñerō irimakū irigũ, bũro wajamoāšũgũkumi. Irasiriro, ĩgũ gajigũre ñerō irimakū iriburi dupiyuro masaka ĩgūrē wáriye ũtāye merā wánugũgue sũasiu, wádiyague meéyomakū ōābukoa.

<sup>3</sup> Irasirirā ōārō pémasĩka mũsā! Mũyagũ mũrē ñerō irimakū ĩāgũ: “Irinorē iribirikōāka!” ārĩka ĩgūrē! Irasirigũ ĩgũ ñerō iriadeare bũjawere, ĩgũ gũñarĩrē gorawayumakū ĩāgũ, ĩgũ ñerō iriadeare kātika!

<sup>4</sup> Irasirigũ sunurē su mojōma pere gaji mojō peru pērēbejarigora mũrē ñerō irimakū ĩāgũ, irikũta mũrē kātiri sērēgũ ejamakū, kātika! ārĩyupũ.

*Marĩpũre bũremurĩrē weredea*  
(Mt 13.31-32)

<sup>5</sup> Jesús irasũ ārĩmakū pérā, ĩgũ buerā āsū ārĩñurā:

—Gũare Marĩpũre bũremunemomakū irika!

<sup>6</sup> ĩgũsā irasũ ārĩmakū, marĩ Opũ Jesús ārĩyupũ:

—Marĩpũre mũsā bũremurĩ opari, mostazayegā irirosũ mérōgā āārĩkeremakū, igũ sicómoro wāikũdire: “Tũāduuawāgā, wádiyague ejanugārō waaka!” ārĩbukoa. Mũsā bũremurĩ merā doremakū, mũsā ārĩrōsũta waakoa, ārĩyupũ.

*Sugũ moāboerimasũ iririre weredea*

<sup>7</sup> Irasũ ārĩ odo, āsũ ārĩñemoyupũ doja:

—Mũsā watopegue āārĩgũ sugũ moāboegũre opakumi. ĩgũ poogũ moākumi, o wekũare korekumi. ĩĩgũ moā odo, wiigũre dujajamakū ĩārā, ĩgūrē: “Murĩgora, baagũ aarika!” ārĩbukuri?

<sup>8</sup> Ārĩbirikoa. Āsũ gapũ ārĩkoa: “Yũ baaburire āmuka! Pũrũ yũ baa, irĩ iriripoere yũre baari sĩnemobu yũka! Yũ baa odoadero pũrũ, mũde baagũkoa pama”, ārĩkoa mũsārē moāboegũre.

<sup>9</sup> ĩĩgũ mũsā moādorere ōārō irimakū ĩārā, ĩgūrē: “Ōāa, mũ merā mũyáa”, ārĩbukuri? Ārĩbirikoa.

<sup>10</sup> Mũsāde ĩgũ irirosũta āārĩpereri Marĩpũ dorere iri odo, āsũ ārĩka! “Gũa ĩgūrē moāboerā, ubu āārĩrā āārā. ĩgũ dorere gũare pídea ditare iriabũ”, ārĩka! ārĩyupũ.

*Jesús pe mojōmarā kāmĩ boarārē taudea*

<sup>11</sup> Gajinũ Jesús Jerusalēgue waagũ, Samaria nikũ, Galilea nikũ watope tariwāgāyupũ.

12 Iro aārīrī makāgue ĩgũ ejaripoe pe mojōmarā ũma kāmi boarā ĩgūrē bokatīrīrā aariñurā. Kāmi boarā aārīsīā, yoaweyarogue dujanugā, suro merā gaguinīñurā:

13 —Jesús, buegu, guare bopoñarī merā ĩāka! ārīñurā.

14 Jesús ĩgūsārē ĩāgũ, āsũ ārīyupũ:

—Paíare musāya dupure ĩmurā waaka! ārīyupũ.

ĩgūsā maague waaripoe ĩgūsāya kāmi yaripereakōāyuro. Kāmi marīrā dujañurā.

15 Irasirigu sugũ ĩgūsā watopemu ĩgũya kāmi yarimakũ ĩāgũ, Jesús purogue gāmedujarigu, busuro merā Marīpũre: “Ōātaria mũ”, ārī, usuyari sīyupũ.

16 Jesús puro ejagu, ĩgũya guburi puro ñadukupuri merā ejamejāja, ĩgũya diapure yebague moomejāja, Jesúre: “Ōāa”, ārī, usuyari sīyupũ. ĩgũ Samariamũ aārīyupũ.

17 Jesús, ĩgũ suguta irasirimakũ ĩāgũ, āsũ ārīyupũ:

—Pe mojōmarā aārāma kāmi tausūanerā. ¿Gajirā su mojōma pere gaji mojō wapikadiru pērēbejarā gapũ noógue aārīkuri?

18 Ĩ guaya nikũmũ aārībi dita Marīpũre usuyari sīgũ gāmedujariañumi. ¿Nasirirā gajirā ĩgũ merā aārānerā gapũ aaribirayuri? ārīyupũ.

19 Irasũ ārī odo, ĩgūrē āsũ ārīyupũ:

—Wāgānugā, waaka! Mũ Marīpũre buremurī opasīā, kāmi marīgũ dujabũ, ārīyupũ.

*Jesús, Marīpũ doreri ejaburire weredea*

*(Mt 24.23-28, 36-41)*

20 Iro aārīrā fariseo bumarā Jesúre āsũ ārī sērēñañurā:

—¿Naāsũ aārīmakũ, Marīpũ ĩgũyarārē doreri ejarokuri? ārīñurā. ĩgūsā irasũ ārīmakũ pégu, yujuyupũ:

—Marīpũ ĩgũyarārē doreri ejamakũ, musā ĩāmasībea.

21 “Marīpũ ĩgũyarārē doreri oōgue aārābũ, o sōōgue aārā”, ārīmasīña máa. ĩgũyarārē doreri musā watopegue aārīsīāa, ārīyupũ.

22 Irasũ ārī odo, ĩgũ buerārē āsũ ārīyupũ:

—Pũrũgue yũ aārīpererā tīgũ i ũmũgue dupaturi aariburire bũro ĩādũarākoa. Yũ aariburi dupiyuro sunũ yũre ĩādũakererā, neō sunũ ĩābirikoa.

23 Gajirā musārē āsũ ārīrākuma. “Īāka! Cristo oōta aārīmi”, o gajirā: “Cristo sōōgue aārāmi”, ārīrākuma. ĩgūsā irasũ ārīkeremakũ, ĩgūsārē neō tuyabirikōāka!

24 Yũ aārīpererā tīgũ i ũmũguere dupaturi aarigũ, bupu aārīperero ũmarōrē gũñaña marīō miārōsũ, gũñaña marīō aarigũkoa.

25 Yũ dupaturi aariburo dupiyuro yũre bũro ñerō tariro aārā. Dapagora marā yũre gāāmebirikuma.

26 Noé āārīdeapoe marārē waaderosūta yu āārīpererā tīgū aariburo dupiyurogārē waarokoa.

27 Noé āārīdeapoere masaka baa, iiri, mojóshauanerā āārīmá. Īgūsā pūrā nomerē nomesunanerā āārīmá. Noé doódiru wádirugue ñajārīnuguedere irasūta irinikōāunanerā āārīmá. Puru Marīpu Īgūsā āārīpererārē miübéopeokōādi āārīmí. Irasūta waarokoa yu dupaturi aarimakūdere.

28 Lot āārīdeapoedere murārōta iriunanerā āārīmá. Baa, iiri, wajari, dua, ote, wiirire iriunanerā āārīmá.

29 Īgūsā irasū iriripoe Īgūsāya makā Sodoma wāikuri makārē Lot wirideanarē deko merērōsū, ūmugasima peame, azufre wāikuri poga ūjudijari, Īgūsārē wējēpeokōādero āārībú.

30 Yu āārīpererā tīgū gūñaña marīrō i ūmugue dupaturi aarirīnurē masakare irasūta waarokoa.

31 'Irasū waaripoere sugu Īgūya wii wekague āārīgú, wii poekague Īgūyare āīgū dijabirikōāburo. Murārōta gajigu Īgūya poeague āārīgú, Īgūya wiiguge dujáabirikōāburo.

32 Lot marāpo igoya makārē ĩāgāmedujugo, moā turu irirosū poyanugādeare gūñaka!

33 Sugu Īgūya āārīburi ditare gūñagū perebiri peamegue waadederigukumi. Gajigu yaare gūñagū tarigukumi. Marīpu pūroque waagukumi Īgū merā ōārō āārīnību.

34 'Musārē werea. Irasū waaburi ñamirē, pērā peyarogue kārīrākuma. Sugu yare buremugū āīsūgukumi. Gajigu yare buremubi dujagukumi.

35 Nomede pērā ojodaka biurā āārīrākuma. Sugo yare buremugō āīsūgokumo. Gajigo yare buremubeo dujagokumo.

36 Pērā poeaguere moārā āārīrākuma. Sugu āīsūgukumi. Gajigu dujagukumi, āriyupu.

37 Īgū irasū ārīmakū pérā, Īgū buerā sērēñāñurā:

—Gua Opu, ¿noógue irasū waarokuri? ārīñurā.

Jesús yajuyupu:

—Mimua nerēmakū ĩārā, masaka sugu waibu boadi āārīrōrē masíkuma. I irirosū yu aarimakū ĩārā, Īgūsā wajamoāsūburire masīrākuma, ārī wereyupu Jesús.

## 18

*Jesús sugo wapiweyo, weresārīrē beyerimasā keori merā bueada*

1 Puru Jesús Īgū buerārē buegu, āsū āriyupu: “Musā Marīpure sērērā, piriro marīrō gūñaturari merā sērēka!” āriyupu. Irasirigu i keori merā wereyupu.

2 Āsū āriyupu:

—Su makārē sugu weresārīrē beyerimasū āārīkumi. Īgū Marīp̄re, masakadere b̄remubirikumi.

<sup>3</sup> Iri makārēta sugo wapiweyo āārīkumo. Igo Īgū p̄arogue Īgūrē iritamurī sērēgō waanakumo: “Yure iāturigure wajamoādoreka!” āārīnakumo.

<sup>4</sup> Igo irasū āārīkū, igore: “Iribirikoa”, āārīnakumi. Īgū irasū āārīkeremakū, wāri Īgūrē sērē, garibokumo. Igo gariborire piribirimakū iāgū, āsū ārī gūñakumi Īgū basi: “Yu Marīp̄re, masakadere b̄remubi āārīkeremakū,

<sup>5</sup> igo yure garibotarimo. Yure irasū garibogo yure garibore-amakū yāmo. Irasirigu igore iāturigure igo weresārīrē pé, Īgūrē wajamoādoregukoa pama”, āārīkumi, ārī wereyupu Jesús.

<sup>6</sup> Irasū ārī odo, marī Op̄u werenemoyupu:

—Īi weresārīrē beyerimasū ñegū āārīkeregu, igo sērēnīrīrē pékumi. Īgū irasirideare oārō pémasīka musā!

<sup>7</sup> Īgū nemorō Marīp̄u gapu Īgū beyenerārē ūmurī, ñamirī Īgūrē b̄uro sērēnīrārē iritamugukumi. “Iritamubirikoa”, āārībirikumi Īgūsārē.

<sup>8</sup> Musārē werea. Marīp̄u gajirā Īgūsārē ñerō irimakū iāgū, Īgūsā sērērīrē pé, yooboro marīrō Īgūsārē iritamugukumi. Īgū irasū oārō pégu āārīkeremakū, yu āārīpererā tīgū i ūmugue dupaturi aarigū, Marīp̄re b̄remurārē Īgūrē sērērārē bokagukuri? āārīyupu.

*Jesús fariseo bum̄u, gajigu romano marā op̄re niyeru wajaseabosarimasū keori merā buedea*

<sup>9</sup> Jesús irasū ārī odo, gaji keori merā bueyupu. “Gua gapu oārā āārā. Gajirā gapu ñerō irirā āārīma”, ārī gūñarārē i keori merā āsū ārī wereyupu:

<sup>10</sup> —Pērā ūma Marīp̄uya wiigie Īgūrē sērērā waakuma. Sugu fariseo bum̄u, gajigu romano marā op̄re niyeru wajaseabosarimasū āārīkuma.

<sup>11</sup> Fariseo bum̄u gapu ejanugā, iāmu, āsū ārī werenīkumi: “Gua pu, yu murē usuyari sīa. Yu, gajirā yajarimasā, ñerī iririmasā, nome merā ñerō iririmasā irirosū āārībea. Irasū āārīmakū, neō Īi romano marā op̄re niyeru wajaseabosarimasū irirosū āārībea. Irasirigu murē usuyari sīa.

<sup>12</sup> Semanarikū penū berea murē b̄remugū. Pe mojōma niyeru koeri wajatagu, su koe murē sīa. Āārīpereri yu wajatarire murē irasū dita sīa”, āārīkumi.

<sup>13</sup> Niyeru wajaseabosarimasū gapu neō ñajārōgue dujanugā, muúsiunugāja, Īgū ñerī oparire gūña, bujawere, ūmugasigie neō iāmurō marīrō Īgūya koretibire pá, āsū āārīkumi Marīp̄re: “Yu ñegū āārā, irasirigu yure bopoñarī merā iāka!” āārīkumi.



14 Mũsārē werea. Ī niyeru wajaseabosarimasū, Marĩpu ĩũrõ õãgũgue ĩgũya wiigue dujáakumi. Fariseo bumũ gapũ, Marĩpu ĩũrõ waja opagũta ĩgũya wiigue dujáakõakumi. Āsũ āārã. Sugũ ĩgũ basi: “Gajirã nemorõ õãgũ āārã”, ārĩ gũñagũnorē Marĩpu ĩgũrē ubu āārĩgũ āārĩmakũ irigũkumi. Gajigũ Marĩpure: “Ñerõ iriabũ, irasirigũ yũre bopoñarĩ merã ĩãka!” ārĩgũ gapũre Marĩpu ĩgũ ĩũrõ õãgũ āārĩmakũ irigũkumi, ārĩ wereyupũ Jesús.

*Jesús majĩrãya āārĩburire Marĩpure sērēbosadea  
(Mt 19.13-15; Mr 10.13-16)*

15 Pũrũ masaka majĩrãgãrē Jesũre moñĩadorerã ĩgũ pũro āĩjañurã. ĩgũsã āĩjamakũ ĩārã, Jesús buerã ĩgũsãrē bokatĩrĩ: “Īgũrē garibobirikõãka!” ārĩñurã.

16 Jesús gapũ majĩrãgãrē ĩgũ pũro siiu, ĩgũ buerãrē ārĩyupũ:  
–Majĩrã yũ pũrogue aariburo. Kãmutabirikõãka ĩgũsãrē! Marĩpu ĩgũyarãrē dorerogue āārĩmurã, ĩĩsã majĩrã yũre mũyari merã bokatĩrĩñeãrã irirosũ āārĩma.

17 Diayeta mũsãrē werea. ĩĩsã majĩrã Marĩpure ĩgũsã Opũre gããmerã irirosũ āārĩmerãno, ĩgũyarãrē doreroguerũ waabirikuma, ārĩyupũ.

*Sugũ maamũ wãri doebiri opagũ Jesús merã werenĩdea  
(Mt 19.16-30; Mr 10.17-31)*

18 Pũrũ sugũ judĩo masaka oparã merãmũ Jesũre sērēñayupũ:  
–Õãgũ buegũ, yũ mũmũgasigue perebiri okarire wajatadũagu, ĩñeėnorē irigũkuri? ārĩyupũ.

19 Jesús ĩgũrē ārĩyupũ:  
–ĩNasirigũ yũre: “õãgũ”, ārĩrĩ? Marĩpu sugũta õãgũ āārĩmi.  
20 Mũ, ĩgũ doreri pĩdeare masĩa: Gajigũ marãpo merã ñerõ iribirikõãka! Masakare wējėbirikõãka! Yajabirikõãka! Gajirãyamarē ārĩkatori merã werebirikõãka! Mũ pagũsãmarãrē gopeyari merã bũremuka! ārĩyupũ.

21 ĩgũ irasũ ārĩmakũ pėgũ, Jesũre yujũyupũ:  
–Iri doreri āārĩpererire majĩgũgãgueta iripeosiabũ yũ, ārĩyupũ.

22 ĩgũ irasũ ārĩmakũ pėgũ, Jesús ĩgũrē āsũ ārĩyupũ:  
–Mũrē su wãĩ dũyãa. Āārĩpereri mũ oparire duagũ waaka! Mũ duadea wajare boporãrē guereka! Irasirigũ mũmũgasiguere wãri õārĩ opagũkoa. Odo, yũ merã aarika! ārĩyupũ.

23 ĩgũ irasũ ārĩmakũ pėgũ, ĩgũ gapũ ĩgũ wãri oparire maĩsĩã, bũro bũjawereri merã āārĩnũgãyupũ.

24 ĩgũ bũjaweremakũ ĩãgũ, Jesús āsũ ārĩyupũ:  
–Wãri doebiri oparãrē Marĩpu ĩgũyarãrē dorerogue ĩgũsã waadũamakũ diasatariakõãa.

25 Camellu awiru gobegāgue ñajātariweremasĩbirikumi. I nemorõ wári doebiri opagure Marĩpu ĩgũyarārẽ dorerogue waamakũ diasáa, ārĩyupu.

26 ĩgũ irasũ ārĩmakũ pérã, masaka àsũ ārĩñurã:

—Iro merẽ, ¿noã gapu Marĩpu tausũmurã ĩgũ pũrogue waamurã aārĩbukuri? ārĩñurã.

27 Jesús ĩgũsārẽ ārĩyupu:

—Masaka ĩgũsã basi ĩgũsã iriri merã Marĩpu pũrogue waamasibema. Marĩpu dita ĩgũsārẽ ĩgũ pũro aārĩmurã waamakũ irimasĩmi, ārĩyupu.

28 ĩgũ irasũ ārĩmakũ pégu, Pedro ĩgũrẽ ārĩyupu:

—Гна Ору, гна мурẽ туярã, aārĩpereri гна opadeare pípeokõãbũ, ārĩyupu.

29 ĩgũrẽ Jesús àsũ ārĩ yujuyupu:

—Diayeta mũsārẽ werea. Marĩpu ĩgũyarārẽ doreri kerere wererã waarã, ĩgũsãya wiirire, marãposã nomerẽ, ĩgũsã pagupũrãrẽ, pagusãmarãrẽ, pũrãrẽ pípeorã, wári õãrĩ wajatarākuma.

30 ĩgũsã iro dupiyuro opaderosũ i ãmũguere nemorõ wári õãrĩ wajatarākuma. Pũru i ãmũ peremakũ, ãmũgasigue perebiri okari oparākuma Marĩpu merã aārĩnĩmurã, ārĩyupu.

*Dupaturi Jesús ĩgũ boaburire weredeá*

*(Mt 20.17-19; Mr 10.32-34)*

31 Pũru Jesús ĩgũ buerãrẽ pe mojõma pere su gubu peru pẽrẽbejarã ditare siiuwãgã, ārĩyupu:

—Õãrõ péka! Marĩ Jerusalẽgue waarã yáa. Irogue aārĩpereri Marĩpũya kerere weredupiyunerã yure aārĩpererã tĩgũrẽ gojaderosũta yure waarokoa.

32 Irasirirã yure ñeã, judío masaka aārĩmerãguere wiarākuma. ĩgũsã yure burida, ñerõ werení, siku eotúbirarākuma.

33 Yure burõ tãrãrākuma. Irasiri odo, wẽjẽrākuma. ĩgũsã yure wẽjẽadero pũru, urenũ waaró merã masãgũkoa, ārĩyupu.

34 ĩgũ buerã ĩgũ irasũ ārĩ wererire aārĩpererire neõ pémasĩbiriñurã. Marĩpu irire ĩgũsārẽ pémasĩmakũ iribiriyupu dapa.

*Jesús Jericómurẽ koye ããbire taudea*

*(Mt 20.29-34; Mr 10.46-52)*

35 Pũru Jesús Jericó wãĩkũri makã tũrogue ejaripoe ĩgũ waarĩ maa tũro sugũ koye ããbi niyeru sẽrẽ doaníyupu.

36 Irasirigũ masaka wárã ĩgũ pũro tariwãgãnamakũ pégu, iro aārĩrãrẽ sẽrẽñayupu: “¿Nasirirã masaka wárã tariwãgãnarĩ?” ārĩyupu.

37 —Jesús Nazaretmũ aarigú yámi, ārĩñurã.

38 Īgūsā irasū ārīmakū pégu, āsū ārī gaguiníyupu:

—Jesús, David parāmi āārīturiagu, yure bopoñarī merā ĩāka! ārīyupu.

39 Īgū irasū ārī gaguinímakū, masaka Īgū dupiyuro āārīrā gapu Īgūrē: “Toeaka!” ārīñurā. Īgūsā irasū ārīkeremakū, Īgū gaguiníadero nemorō gaguinínemoyupu:

—David parāmi āārīturiagu, yure bopoñarī merā ĩāka! ārīyupu.

40 Īgū irasū ārīmakū pé, Jesús dujanugāja, masakare: “Āirika Īgūrē!” ārīyupu. Īgū irasū ārīmakū pérā, gajirā Īgūrē āiwāgāñurā. Īgū purogue āijamakū, Jesús Īgūrē sērēñayupu:

41 —¿Neenorē yu murē irimakū gāamerī? ārīyupu.

—Yu Opu, yure koye ĩāmakū irika! ārī yujuyupu.

42 —Jáu, ĩāka pama! Mú yure buremurī opáa. Irasirigu tausūa, ārīyupu Jesús Īgūrē.

43 Īgū irasū ārīmakūta, oārō ĩāmasīakōāyupu. Irasirigu Jesúre tųyawāgā, Marīpure: “Ōātaria mú”, ārī, usųyari sīyupu. Āārīpererā Īgūrē irasū waamakū ĩārāde, Marīpure usųyari sīñurā.

## 19

### *Jesús Zaqueore ĩābokadea*

1 Puru Jesús Jericógue eja, iri makārē tariwāgāgū iriyupu.

2 Irore sugu masakū Zaqueo wāikugu wári doebiri opagu, romano marā opure niyeru wajaseaboerimasā opu āārīyupu.

3 Īgū Jesúre ĩādudiyupu. Masaka wārā watopeguere ūmabi āārīsīā, Jesúre neō ĩābokabiriyupu.

4 Irasirigu ūmadupiyuwāgā, Jesús tariwāgāburo puromu yukú sicómoro wāikudigue murīayupu Īgūrē: “Īāgura”, ārīgū.

5 Jesús irigu puro tariagu, ūmarōgue peyagure ĩāboka, Īgūrē āsū ārīyupu:

—Zaqueo, murīgora, dijirika! Yu dapagārē múya wiita dujagúkoa, ārīyupu.

6 Īgū irasū ārīmakū pé, Zaqueo mumurō merā dijiri, Jesúre buro usųyari merā bokatīrīgū waayupu.

7 Īgū irasirimakū ĩārā, āārīpererā masaka werewuñurā: “¿Nasirigu Jesús ñegūya wiigue dujagu waáari?” ārīñurā.

8 Irasirigu Zaqueo Īgūya wiigue ejadero puru, wāgānugā, marī Opu Jesúre ārīyupu:

—Yu Opu, péka! Gajino boporārē yu oparire deko merā dukawagura. Yu gajirārē ārīkatori merā yajadeare wapikuri āārīnemorō Īgūsārē wiagura, ārīyupu.

9 Jesús irire pégu, iri wii āārīrārē āsū ārīyupu:

—Dapagã merã ĩgũ, ĩgũya wii marã, ĩgũsã ñerõ iridea wajare tausũma. ĩgũde Abraham parãmi ããrĩturiagu, yũre buremugũ ããrĩmi.

<sup>10</sup> Yũ ããrĩpererã tĩgũ perebiri peamegue waadederibonerãrẽ ãma, taugũ aarigũ iribũ, ãrĩyupũ.

### *Jesús pe mojõma niyeru koeri keori merã buedea*

<sup>11</sup> Jesús Zaqueo merã werenĩmakũ masaka péñurã. ĩgũ Jerusalén turogue ããrĩmakũ ĩãrã, ãsũ gũñañurã: “Gũñaña marĩrõ Marĩpũ ĩgũyarãrẽ dorero ejaburo yáa”, ãrĩ gũñañurã. Irasirigũ Jesús keori merã ĩgũsãrẽ

<sup>12</sup> ãsũ ãrĩ wereyupũ:

—Sugũ masakũ, opũ ñajãburo dupiyuro yoarogue gaji nikũgue waakõakumi. ĩgũrẽ opũ sóoadero purũ, ĩgũya nikũrẽ goekumi.

<sup>13</sup> ĩgũ waaburo dupiyuro ĩgũrẽ moãboerã pe mojõmarãrẽ siiukumi. Siiu, ĩgũsãkũ su koe wajapari niyeru koe sĩ, ĩgũsãrẽ ãsũ ãrĩkumi: “Yũ irogue ããrĩripoe i niyeru koe merã gajino wajari, duaka, gaji niyeru koeri wajatanemomurã!” ãrĩkumi.

<sup>14</sup> Irasũ ãrĩ odo, opũ ñajãbu waakõakumi pama. ĩgũya nikũ marã gapũ ĩgũrẽ gããmebirikuma. Irasirirã, ĩgũ waadero purũ, gajirãrẽ ĩgũrẽ weredorerã iriukuma. Irasirirã ĩgũrẽ: “Mũ, gũa opũ ããrĩmakũ gããmebea”, ãrĩkuma.

<sup>15</sup> ĩgũsã ĩgũrẽ gããmebirikeremakũ, ĩgũsã opũ ñajãkumi. Opũ ñajãa odo, ĩgũya nikũgue goedujáakumi. Irasũ goedujajagũ, ĩgũrẽ moãboerãrẽ ĩgũsã niyeru koe merã wajatanemoadeare masĩbu, ĩgũsãrẽ siiukumi.

<sup>16</sup> ĩgũ purõ ejapurorigũ ãsũ ãrĩkumi: “Yũ opũ, mũ niyeru koe yũre sĩdea koe merã gaji pe mojõma koeri wajatanemobũ”, ãrĩkumi.

<sup>17</sup> ĩgũ irasũ ãrĩmakũ pégu, ĩgũ opũ ãrĩkumi: “Õãgoráa. Mũ yũre moãboegu õãgũ ããrã. Yũ dorederosũta yũ mérõgã mũrẽ pídea merã õãrõ iriyo. Irasirigũ pe mojõma makãrĩrẽ doregu ããrĩgũkoa”, ãrĩkumi ĩgũ opũ ĩgũrẽ.

<sup>18</sup> Purũ gajigũ ãsũ ãrĩkumi: “Yũ opũ, mũ niyeru koe yũre sĩdea koe merã gaji su mojõma koeri wajatanemobũ yũde”, ãrĩkumi.

<sup>19</sup> ĩgũ irasũ ãrĩmakũ pégu, ĩgũ opũ ãrĩkumi: “Su mojõma makãrĩrẽ doregu ããrĩgũkoa”, ãrĩkumi.

<sup>20</sup> Purũ gajigũ ãsũ ãrĩkumi: “Yũ opũ, mũya niyeru koe õõ ããrã. Iri koere surĩro gasiro merã õma, duripĩbũ.

<sup>21</sup> Mũ gajirãrẽ burõ turaro merã moãdoregu ããrã. Mũ basi moãbirikeregu, otebi ããrĩkeregu, mũrẽ moãboerãrẽ oterire otedore, ĩgũsãrẽ oteri dukare seadore, irire mũ basita opáa. Irasirigũ mũrẽ gũiabu”, ãrĩkumi ĩgũ opũre.

22 Īgū irasū āřĩmakū pégu, Īgū opu āřĩkumi: “Mũ yũre moãboegu ñegū āārā. Irasirigu mũrē wajamoãgura. Mũ yũre wereri merāta mũrē weregura. Mũ yũre āsū ārā: ‘Mũ gajirārē bũro turaro merā moãdoregu āārā. Mũ basi moãbirikeregu, otebi āārĩkeregu, mũrē moãboerārē oterire otedore, Īgūsārē oteri dukare seadore, irire mũ basita opāa’, ārā mũ yũre.

23 Mũ irasū āřĩgū, ħnasirigu yũ mũrē sidea koere niyeru duripĩri wiigue duripĩbiriri? Iroque duripĩmakū, i wii moārā iri koe merā wáro wajatanemobosabukuma mũrē. Irasirigu, yũ goejagu, mũ yũre Īgūsā iriri merā wajatanemobosadeare ñeãboakuyo”, āřĩkumi Īgū opu Īgūrē.

24 Irasū āřĩ odo, gajirārē Īgū pũro āārĩrārē āřĩkumi: “Īgūrē niyeru koere ěma, pe mojõma koeri opagu gapũre sĩka!” āřĩkumi.

25 Īgū irasū āřĩmakū, Īgūsā āsū āřĩkuma Īgūrē: “Gũa opu, pe mojõma koeri opagu opasiami”, āřĩkuma.

26 Īgūsā irasū āřĩmakū, opu āsū āřĩ yũjukumi: “Mũsārē werea. Āārĩpererā Īgūsā opari merā õārõ irirā õārĩrē sĩnemosũrākuma. Gajirā õārõ irimerā Īgūsā mérõgā opadideare ěmapeokõāsũrākuma.

27 Dapagorata yũre ĩaturirārē yũre opu ñajāmakū gāãmemerārē yũ pũroque āřĩka! Yũ ĩũrõ wějeka Īgūsārē!” āřĩkumi opu Īgūrē moãboerārē, āřĩ wereyupu Jesús.

### *Jesús Jerusalēgue ejadea*

*(Mt 21.1-11; Mr 11.1-11; Jn 12.12-19)*

28 Irasū āřĩ odo, gajirā dupiyuro Jerusalēgue waayupu doja.

29 Iroque waa, Betfagé, Betania wāĩkuri makārĩ pũro ejarũroriyupu. Iri makārĩ, Olivos wāĩkudi ũtāũ āārĩdujimejārõgue āārĩyuro. Iroque ejagu, Īgū buerā pērārē āsū āřĩ iriyupu:

30 –Si makā marĩ bokatiũrõ āārĩřĩ makāgue waaka! Iro ejarā, sugũ burrore Īgūsā suanũadire neõ suñarõ peyasũña marĩgūrē bokajarākoa. Īgūrē kura, õõgue āřĩka!

31 Sugũ mũsārē: “ĤNasirimurā Īgūrē kurari?” āřĩmakū: “Marĩ Opu gāãmeami”, āřĩka! āřĩ iriyupu.

32 Īgū irasū āřĩmakū, Īgū buerā pērā makāgue waañurā. Iroque Jesús Īgū ārāderosũta waayuro.

33 Irasirirā burrore Īgūsā kuramakū ĩārā, Īgū oparā Īgūsārē sērēñañurā:

–ĤNasirimurā burrore kurari? āřĩñurā.

34 Īgūsā irasū āřĩmakū pérā, āsū āřĩ yũjuñurā:

–Marĩ Opu Īgūrē gāãmeami, āřĩñurā.

35 Pꝛꝛꝛ burrore Jesús pꝛꝛꝛogue ãĩĩñurã. ãĩja, ĩgũsãya wekama surĩre túwea, burro weka peo, Jesúre ĩgũ wekague mũĩbejamakũ iriĩñurã.

36 Jesús peyawãgãrimakũ, masaka ĩgũsãya wekama surĩre túwea ãĩ, ĩgũ waaburi maarẽ sãõpĩdupiyuñurã ĩgũrẽ bũremurã.

37 Irasirirã Jerusalén pꝛꝛꝛogue eja, Olivos wãĩkũdi útãũ dijarrĩã, ããĩpererã Jesúre bũremurã ĩgũrẽ irogue tũyanerã ããĩpereri ĩgũ Marĩpꝛꝛ turaro merã iri ĩmumakũ ĩãdeare gũñarã, usũyari merã Marĩpꝛꝛ: “Õãtaria mũ”, ãĩĩ, bũro gaguĩnĩñurã ĩgũrẽ bũremurã.

38 ãsũ ãĩĩñurã:

Marĩ Opꝛꝛe usũyari sĩrã! ĩĩ Marĩpꝛꝛ marĩrẽ taugũ iriudi õãrõ aariburo. Ɛmũgasigue ããĩrã siñãjãburo.

Ĩgũsãde Marĩpꝛꝛ: “Õãtaria mũ ããĩpererã Opꝛꝛ ããĩrĩgũ”, ãĩĩ, usũyari sĩburo, ãĩĩñurã.\*

39 ĩgũsã irasũ ãĩĩmakũ pãrã, surãyeri fariseo bumarã irogue ããĩrã Jesúre ãĩĩñurã:

–Buegũ, mũ buerãrẽ wereka! Toedoreka ĩgũsãrẽ! ãĩĩñurã.

40 ĩgũsã irasũ ãĩĩmakũ, Jesús ĩgũsãrẽ yũjũyupũ:

–Mũsãrẽ werea. ĩgũsã usũyari merã werenĩbirimakũ, Marĩpꝛꝛ ĩ útãyerire gaguĩnĩmakũ iribukumi, ãĩĩyupũ.

41 Pꝛꝛꝛ Jesús Jerusalén tũro eja, iri makãrẽ ĩã, oreyupũ.

42 ãsũ ãĩĩyupũ:

–Jerusalén marã, dapagã Marĩpꝛꝛ mũsãrẽ õãrõ siñãjãrĩ sĩduarire pãmasĩmakũ õãtariboakuyo. Marĩpꝛꝛ irasũ sĩduakeremakũ, mũsã irire neõ pãmasĩduabea. Irasirigu Marĩpꝛꝛ mũsãrẽ irire pãmasĩdorebemi.

43 Irasiriro mũsãrẽ ñerõ waarĩnũ ejarokoa. Mũsãrẽ ĩãturirã mũsãya makã tũrore wea kãmutamejãjarãkuma. Mũsã wiri-boadeare ããĩpererogue biapeokõãrãkuma mũsãrẽ ñeãmurã.

44 Irasirirã mũsãrẽ yebague wẽjẽmeépĩrãkuma. Mũsãrẽ iri makã marã ããĩpererãrẽ wẽjẽpeokõãrãkuma. Ɛtãyeri weadeade neõ gajiyẽ weka dujabirikoa. Mũsãrẽ Marĩpꝛꝛ ĩgũ tauduarinũ ejakeremakũ, mũsã ĩgũrẽ ĩãmasĩbiridea waja, ĩgũrẽ béodea waja irasũ waarokoa, ãĩĩ wereyupũ Jesús.

*Jesús Marĩpꝛꝛya wiigue duarãrẽ béowiudea  
(Mt 21.12-17; Mr 11.15-19; Jn 2.13-22)*

45 Pꝛꝛꝛ Jerusalẽgue ejagũ, Jesús Marĩpꝛꝛya wiigue ñãjãyupũ. Irogue ñãjãã, doebiri duarãrẽ, ĩgũsã duarire wãjarĩãdere bokaja, ĩgũsãrẽ béowiuyupũ.

46 ĩgũsãrẽ ãsũ ãĩĩyupũ:

—Marĩpu ĩgũya werenĩrĩ gojadea pũgue ãsũ ãrĩdi ããrĩmĩ: “Yaa wii, yũre buremurã yũre sērērĩ wii ããrã”, ãrĩdi ããrĩmĩ. Mũsã gapũ yajarimasãya wii irirosũ ããrĩmakũ yãa, ãrĩyupũ Jesũs.

<sup>47</sup> Ƴmarĩkũ Jesũs Marĩpũya wiigũe masakare buegũ waanayupũ. ĩgũ irasũ buegũ ejamakũ ĩã, Moĩsēs gojadeare buerimasã, paĩa oparã, gajirã judĩo masaka oparãde: “¿Nasirĩ ĩgũrē wējērākuri?” ãrĩ gũñamañurã.

<sup>48</sup> ĩgũsã ĩgũrē wējēduakeremakũ, masaka ããrĩpererã ĩgũ werenĩrĩrē òãrō pēnũñurã. Irasirirã Jesũre wējēduarã: “Ãsũ irirã, ĩgũrē wējēmurã”, ãrĩ, ãmumasĩbiriñurã.

## 20

*Judĩo masaka oparã Jesũre: “¿Noã mũrē doreri?” ãrĩ sērēñadea (Mt 21.23-27; Mr 11.27-33)*

<sup>1</sup> Gajĩnũ Jesũs Marĩpũya wiigũe ããrĩrãrē Marĩpu masakare tauri kerere buegũ iriyupũ. ĩgũ irasũ buemakũ, paĩa oparã, Moĩsēs gojadeare buerimasã, judĩo masaka mũrã merã ĩgũ pũrogue eja,

<sup>2</sup> ĩgũrē sērēñañurã:

—Wereka gũare! ¿Noã mũrē doreri, mũ irasirimakũ? ¿Noã mũrē: “Ãsũ irika!” ãrĩrĩ? ãrĩñurã.

<sup>3</sup> Jesũs ĩgũsãrē yũjũyupũ:

—Yũde mũsãrē sērēñagũra. Yũjũka yũdere!

<sup>4</sup> Juan masakare deko merã wãiyemakũ, ¿noã ĩgũrē wãiyedoregũ iriyuyuri, Marĩpu, o masaka? ãrĩyupũ.

<sup>5</sup> ĩgũ irasũ ãrĩmakũ pērã, ĩgũsã basi ãsũ ãrĩ gãme werenĩñurã:

—¿Naãsũ ãrĩ yũjũrākuri marĩ? “Marĩpu Juãrē doredi ããrĩmĩ”, marĩ ãrĩmakũ, Jesũs marĩrē: “¿Nasirirã ĩgũ weredeare buremubiriri mũsã?” ãrĩbukumi.

<sup>6</sup> ããrĩpererã masaka: “Diayeta Juan Marĩpũyare weredupiyudi ããrĩmĩ”, ãrĩ gũñama. Marĩ: “Masaka Juãrē wãiyedorenerã ããrĩmã”, ãrĩmakũ, masaka marĩrē ütãyeri merã dearākuma, ãrĩñurã.

<sup>7</sup> Irasirirã Jesũre ãsũ ãrĩ yũjũñurã:

—Juãrē wãiyedoredire gũa masĩbea, ãrĩñurã.

<sup>8</sup> ĩgũsã irasũ ãrĩmakũ, Jesũs ĩgũsãrē ãrĩyupũ:

—Iro merē mũsã yũre: “¿Noã mũrē irire doreri?” ãrĩ sērēñadeare yũde mũsãrē yũjũbea, ãrĩyupũ.

*Jesũs ñerã moãrã keori merã buedea (Mt 21.33-44; Mr 12.1-11)*

<sup>9</sup> Pũnũ Jesũs i keori merã masakare ãsũ ãrĩ buenũgãyupũ:

—Sugũ masakũ ĩgũya poogũe iguidarire otekumi. Ote odo, gajirãrē iri pooere wayu: “Yũ otedea dukare deko merã

sĩrãkoa, yu musãrẽ iri pooere wayuri waja”, ãrĩkumi. Irasũ ãrĩ odo, gajirogue waakõãkumi. Yoaripoe deyomarĩkumi.

<sup>10</sup> Pũru igui ñiripoe ããrĩmakũ, ãgũrẽ moãboegure ãgũya pooema oteri dukare deko merã sãrẽdoregũ iriukumi. Pooere moãrã gapũ ãgũ iriudire irogue ejamakũ ããrã, ãgũrẽ pákuma. Neõ sutõ ãgũtõ sãrõ marĩrõ ãgũrẽ iridujukuma.

<sup>11</sup> Pũru pooe opu gajigu ãgũrẽ moãboegure iriudikumi doja. Pooere moãrã gapũ ãgũdere pá, ñerõ irikuma. Neõ gajino sãrõ marĩrõ ãgũdere iridujukuma.

<sup>12</sup> Pũru pooe opu gajigu ãgũrẽ moãboegure iriudikumi doja. Pooere moãrã gapũ ãgũrẽ kãmitú, iri pooe tũrogue béokõãkuma.

<sup>13</sup> ãgũsã irasiriadero pũru, pooe opu ãsũ ãrĩ gũñakumi: “¿Nasirigukuri yu?” ãrĩkumi. “Ãsũ irigũra. Yu magũ yu maãgũrẽ iriugũra. ãgũrẽ iriumakũ, ãgũrẽ buremurãkuma”, ãrĩ gũñadikumi.

<sup>14</sup> Irasirigu ãgũ magũrẽ iriukumi. ãgũ irogue ejamakũ ããrã, pooe moãrã gapũ ãgũsã basi ãsũ ãrĩ gãme wereníkuma: “ãta pũrugũere i pooere opabu ããrĩmi. ãgũrẽ wẽjẽkõãrã! Irasirirã marĩ basi i pooere oparãkoa”, ãrĩkuma.

<sup>15</sup> Irasirirã ãgũrẽ ñeã, pooe tũrogue ãiwãgã, wẽjẽbéokõãkuma, ãrĩyupu Jesús.

Irasũ ãrĩ odo, ãgũsãrẽ sãrẽñayupu:

—Musã péñamakũ, ãgũ magũrẽ wẽjẽadero pũru, ¿nasirigukuri pooe opu ãgũya pooere moãrãrẽ? ãsũ irigukumi.

<sup>16</sup> Irogue waa, ãgũsãrẽ wẽjẽ, iri pooere gajirã gapũre sãgukumi, ãrĩyupu Jesús.

ãgũ irasũ ãrĩmakũ pérã, masaka gapũ ãsũ ãrĩñurã:

—Neõ marĩrẽ irasũ waabirikõãburo, ãrĩñurã.

<sup>17</sup> Jesús gapũ ãgũsãrẽ ãã, ãsũ ãrĩ sãrẽñayupu:

—Marĩpũya werenĩrĩ gojadea pũgue ãsũ ãrĩ gojasũdea,

¿naásũ ãrĩduaro yãri? ãsũ ãrĩ gojasũdero ããrĩbũ:

Suye ãtãyere wii iririmasã béoadeaye merã gajigu gapũ õãrõ turari wii irigukumi.\*

<sup>18</sup> Sugũ i ãtãye weka meémejãgũ, matãkõãgukumi. I ãtãye gapũ ãgũ weka meébejaro ãgũrẽ õãrĩ pogagãgue meémutũbéokõãrokoa, ãrĩyupu Jesús.

*Romano marã opu masakare niyeru wajasearire Jesũre sãrẽñadea*

(Mt 21.45-46; 22.15-22; Mr 12.12-17)

<sup>19</sup> Paia oparã, Moisés gojadeare buerimasãde ãgũ i keori merã irasũ ãrĩ weremakũ pérã: “Marĩrẽ: ‘Pooe moãrã irirosũ ñerã ããrã’, ãrĩgũ irikumi”, ãrĩ péña, ãgũrẽ peresu irimurã bure ñeãduadiñurã. Irasũ ñeãduakererãta: “Masaka, ãgũrẽ marĩ

\* 20:17 Sal 118.22



irasirimakū iārā, marī merā guarākuma”, āriñurā. Irasirirā ĩgūsārē gūisīā, ñeāmasībiriñurā.

20 Irasirirā: “Gajinū ĩgūrē ñeārāra”, āri, iānarūtuyañurā. ĩgū ñerō yujumakū weresāmurā pēduarā iriadiñurā. Irasirirā gajirārē irikatorārē ĩgū puro iriuñurā ĩgū werenírīrē pēdorerā. “ĩgūrē sērēñarā waarā, masaka ĩūrōrē diaye irirā irirosū āārīka!” āri, ĩgūsārē iriuñurā. “Jesús ñerō werenímakū pérā, iri nikū marā opu purogue peresu iridorerā āiwāgārāra”, ārīrā, ĩgūsārē iriudiñurā.

21 ĩgūsā Jesús purogue ejarā, āsū āriñurā:

—Buegu, mū iririkarire masīa. Mū ārīkatoro marīrō werenía. Marīpuyare diayeta buea. “¿Naāsū gūñarī masaka yure?” āri gūñarō marīrō diayeta ĩgūsārē werea. Oparārē, ubu āārīrādere āārīpererārē surosūta iāa.

22 Irasirigū gūare wereka! Romano marā opu marīrē niyeru wajasearire marī wajarimakū, ¿ōāgorari, o ōāberi? āriñurā Jesúre.

23 Jesús gapū ĩgūsā ñerō iriduarire masīsīā, ĩgūsārē āriyupū:

24 —Niyeru koere āirika! I koeguere, ¿noāya diapu keori, noāya wāi tuuyari? āriyupū.

—Romano marā opūya diapu keori, ĩgū wāita tuuyāa, āri yujuñurā.

25 ĩgūsā irasū ārīmakū pégu, Jesús ĩgūsārē āsū āriyupū:

—Iro merē romano marā opūya āārīrīrē ĩgūrē sīka! Marīpūya gapure Marīpūre sīka! āriyupū.

26 Irasirirā masaka péuro neō ĩgūrē ñerō āri werenímakū iri-masībiriñurā. Ubu gapū ĩgū yujarire pérā péguka, toekōāñurā.

*Saduceo bumarā, Marīpū boanerārē masūburire Jesúre sērēñadea*

(Mt 22.23-33; Mr 12.18-27)

27 Pūru surāyeri saduceo bumarā Jesús purogue ejañurā. ĩgūsā: “Masaka boanerāgue masābirikumā”, āri būremurā āārīñurā. Irasirirā Jesúre āsū āriñurā:

28 —Buegu, Moisés marīrē āsū āri gojapídi āārīmí: “Sugū marāpokūdi pūrā marīkeregu igore boaweomakū, ĩgū pagumū igore dúunorēgukumi. Irasirirā, ĩgū igo merā pūrākūrā ĩgū tīgū dagū pūrā irirosūta āārīrākuma”, āri gojapídi āārīmí.

29 ĩripoeguere sugū pūrā, su mojōma pere gaji mojō peru pērēbejarā āārīunanerā āārīmá. ĩgūsā tīgū gapū marāpokū, pūrā marīgūta boakōāyupū.

30 Irasirigū ĩgū dagū dokamūta ĩgū marāpo āārīdeore dúunorēyupū. ĩgūde, ĩgū tīgū dagū irirosūta pūrā marīgūta boakōāyupū.

31 Īgūsā pērā dokamude pūrā marīgūta boakōāyupū. Irasū dita pūrā marīrāta boapereakōāñūrā.

32 Īgūsā pūru Īgūsā marāpode boakōāyupo pama.

33 Īgūsā su mojōma pere gaji mojō peru pērēbejarā ūma igore marāpokūadiñūrā. Irasirirā boanerā masāmakū, ¿nīno marāpogora āārīgokuri? ārīñūrā.

34 Jesús Īgūsārē yujuyupū:

—I ūmūgue āārīrā, ūma, nome merā marāpokūma. Īgūsā pūrā nomedere nomesuma.

35 Īgūsā irasirikeremakū, ūmūgasigue āārīmurā gapū irasū āārībirikuma. Marīpū: “Ōārā āārīma”, ārī iārā, boanerāgue masā, pūru Īgū pūroque marīārākuma. Iroguere marāpokūbirikuma. Īgūsā pūrā nomedere nomesubirikuma.

36 Marīpūre wereboerā irirosū neō dupaturi boabirimurā āārīsīā, irasiribirikuma. Īgūsā Marīpū masūnerā, Īgū pūrā āārīrākuma.

37 Iripoeguere Moisés Īgū yukūgāgue ūjūrōgue waadeare gojadi āārīmī. Īgū iroque āārīmakū, Marīpū āsū ārīdi āārīmī Īgūrē: “Yū Abraham, Isaac, Jacob Opūta āārā”, ārīdi āārīmī. I merā boanerā masāburire marī masīa.

38 Abraham, Isaac, Jacob boanerā āārīkererā, Marīpū merā okarā āārīma. Irasirigū Marīpū boanerā dupaturi masābirimurā Opū āārībemi. Okarā Opū āārīmī. Āārīpererā masaka boakererā, Marīpū iūrō okarā āārīma, ārīyupū Jesús.

39 Īgū irasū ārīmakū pérā, surāyeri Moisés gojadeare buerimasā āsū ārīñūrā:

—Buegu, mū ōārō yujua, ārīñūrā.

40 Irasirirā neō dupaturi gaji Īgūrē sērēñadūabiriñūrā.

“¿Noā parāmi āārīturiagu āārīrī Cristo?” ārī sērēñadea  
(Mt 22.41-46; Mr 12.35-37)

41 Jesús gapū āsū ārīyupū:

—¿Nasirirā Moisés gojadeare buerimasā: “Cristo, David parāmi āārīturiagu āārīmī”, ārīrī?

42 David, Salmos wāikūri gojadea pūgue āsū ārī gojadi āārīmī:

Marīpū, yū Opūre āsū ārīmī: “Ōō, yū diaye gapū doaka yū merā dorebu!

43 Irasiriripoe mūrē iāturirārē mū dorerire tarinūgānemobirimakū irigūra”, ārīmī, ārī gojadi āārīmī David.\*

44 David, Cristo ñekū āārīkeregu, Īgūrē: “Yū Opū āārīmī”, ārīdi āārīmī. ¿Nasirigu, Cristo, David parāmi āārīturiagu āārīkeremakū, David Īgūrē irasū ārīyuri? ārīyupū Jesús.

\* 20:43 Sal 110.1

*Jesús, Moisés gojadeare buerimasãrê: “Ñerõ yáa”, ãrĩ weresãdea*

*(Mt 23.1-36; Mr 12.38-40; Lc 11.37-54)*

<sup>45</sup> ããrĩpererã masaka péurogue Jesús ìgũ buerãrê ãsũ ãrĩyupũ:

<sup>46</sup> —Moisés gojadeare buerimasã ñerõ iririre õãrõ pémasĩka! Oparã irirosũ suri yoari sãña, masaka ìurõgue waagore-nama. Makã dekoguere masakare õãrõ buremurĩ merã bokatĩrĩ õãdoremakũ gããmema. Nerẽrĩ wiiriguere ñajãrã, õãrĩ doaripẽrĩgue dita doadũama. Bosenurĩ ããrĩmakũdere oparã doarĩgue dita doadũama.

<sup>47</sup> Wapiweyarã nome wajamomakũ ìã, ìgũsãya wiirire ãmanokõãma. ìgũsãrê bopoñarĩ merã ìãbirikererã, yoaripoe Marĩpũre sêrê ìmukatoma, masaka ìgũsãrê: “Marĩpũre õãrõ buremuma”, ãrĩburo, ãrĩrã. ìgũsã irasiriri waja Marĩpũ ìgũsãrê gajirã nemorõ wajamoãgũkumi, ãrĩyupũ Jesús.

## 21

*Wapiweyo bopogo Marĩpũya wiigũe niyeru koeri sãdea*  
*(Mr 12.41-44)*

<sup>1</sup> Jesús Marĩpũya wiigũe ããrĩgũ, iri wiima ìgũsã ãmuburi niyeru neeõrĩ kũmague wãri doebiri oparã ìgũsã niyeru sãmakũ ìãyupũ.

<sup>2</sup> Sugo wapiweyo bopogode iri kũmague pe koegã, mérõgã wajakũri koerĩgãrê sãmakũ ìãyupũ.

<sup>3</sup> Iri koerire igo sãmakũ ìãgũ, ãsũ ãrĩyupũ:

—Diayeta mũsãrê werea. Igo wapiweyo bopogo i kũmague niyeru sãgõ, Marĩpũ ìurõ gajirã ããrĩpererã ìgũsã sĩadero nemorõ sãamo.

<sup>4</sup> Gajirã wãri doebiri oparã wãro sĩkeremakũ, ìgũsãya wãro dũyáa. Igo gapũ bopogo ããrĩkeregõ, igo baari wajariboadeare sĩpeokõãmo Marĩpũre buremugõ, ãrĩyupũ.

*Jesús Marĩpũya wiire béoburimarẽ weredeã*  
*(Mt 24.1-2; Mr 13.1-2)*

<sup>5</sup> Surãyeri ìgũ buerã Marĩpũya wiimarẽ ìãrã, ãsũ ãrĩñurã:

—Õãrĩ ãtãyeripa merã iridea wii ããrã. Masaka iri wiire ìgũsã sĩdeade õãrĩ ããrã, ãrĩñurã.

Ìgũsã irasũ ãrĩmakũ pégu, Jesús ìgũsãrê ãrĩyupũ:

<sup>6</sup> —Mũsã i wiimarẽ dapagorare ìãdáa. Sunũ i wiima ããrĩpereri marĩ ìãdea, i ãtãyeride mutãdijapereakõãrokoa. Neõ suye ãtãye gajiyẽ weka weamũrĩadeade dujabirikoa, ãrĩyupũ.

*Jesús: “Iũmũ pereburi dupiyuro ãsũ waarokoa”, ãrĩ weredeã*  
*(Mt 24.3-28; Mr 13.3-23)*

<sup>7</sup> Ìgũ irasũ ãrĩmakũ pérã, ìgũrẽ sêrẽñãñurã:

—Guare buegu, ¿naásũ ããrĩmakũ mu ãrãderosũ waarokuri? ¿Ñeéno iri Ìmugukuri, iri irasũ waaburi dupiyuro? ãrĩñurã.

<sup>8</sup> Jesús yujuyupũ:

—Õãrõ pémasĩka! Gajirã wárã ãrĩkatorimasã aarirãkuma. “Yũ Marĩpu iriudi, Cristo ããrã”, ãrĩrãkuma. “Dapagorare i ùmu pereburo aarisiáa”, ãrĩrãkuma. Ìgũsã ãrĩkatorire pébirikõãka!

<sup>9</sup> Masaka musã pũro gãmewējērĩrē pérã, gajirogue marã Ìgũsã oparãrē béori kerere pérã, gukabirikõãka! I ùmu pereburi dupiyuro irasũ waapũrorirokoa. Irasũ waakeremakũ, i ùmu pereburo dũyarokoa dapa, ãrĩyupũ.

<sup>10</sup> Irasũ ãrĩ odo, Ìgũsãrē ãsũ ãrĩnemoyupũ doja:

—Su bumarã, gaji bumarã merã gãmewējērãkuma. Su nikũ marã, gaji nikũ marã merã gãmewējērãkuma.

<sup>11</sup> Wári makãrĩguere nikũ burõ ñomerokoa. Masaka wárã hãboari merã boarãkuma. Pũrĩrikuri merã ñerõ tarirãkuma. Ñmugasiguere burõ goeri, wári gajino deyoarire Ìãrã, masaka burõ güirãkuma.

<sup>12</sup> I ããrĩpereri irasũ waaburo dupiyuro musã yũre bũremurĩ waja gajirã musãrē ñeã, ñerõ irirãkuma. Irasirirã marĩ judío masaka nerẽrĩ wiirigue musãrē weresã, peresu irirãkuma. Makãrĩ marã oparã pũrogue ãĩãnarãkuma musãrē wajamoãdorerã.

<sup>13</sup> Ìgũsã irogue musãrē ãĩjamakũ, musã gapũ Marĩpũya õãrĩ kerere wererãkoa Ìgũsãrē.

<sup>14</sup> Ìgũsã musãrē oparã pũrogue ãiwãgãmakũ Ìãrã, oparãrē yujuburire güñarikũbirikõãka! “¿Naásũ ãrĩrãkuri Ìgũsãrē?” ãrĩ güñarikũbirikererãta ããrĩka!

<sup>15</sup> Musã werenĩmakũ iritamugũra. Musãrē irasũ iritamugũ, masĩrĩ merã õãrĩ werenĩrĩ merã weremakũ irigũra. Musã irasũ weremakũ pérã, musãrē Ìãturirã gapũ musã werenĩrĩrē bokatĩũbirikuma. “Iri diaye ããrĩbea”, ãrĩmasĩbirikuma.

<sup>16</sup> Surãyeri musã pagusãmarã, musã pagupũrã, musãya makã marã, musã merãmarãde musãrē oparãguere wējẽdorerã wiarãkuma. Irasirirã musãrē surãyerire wējẽrãkuma.

<sup>17</sup> Yũre musã bũremurĩ waja ããrĩperero marã masaka musãrē Ìãturi doorãkuma.

<sup>18</sup> Ìgũsã irasirikeremakũ, sudagã musãya poadagã neõ ded-eribirikoa.

<sup>19</sup> Irasirirã musãrē ñerõ irikeremakũ, yũre bũremurĩrē pir-imerã, Marĩpu pũrogue pereburi okari oparãkoa.

<sup>20</sup> Irasirirã wárã surara Jerusalén tũro gãmegorobiatũmakũ Ìãrã, iri makãrē Ìgũsã béoburo mérõgã dũyãa, ãrĩ masĩrãkoa.

<sup>21</sup> Irasũ waamakũ Ìãrã, Judea nikũgue ããrĩrã ùtãyukugue ùmaduriburo. Jerusalẽgue ããrĩrãde iri makãrē wiriburo. Iri makã tũro ããrĩrã Jerusalẽguere dupaturi goedujãbirikõãburo.

22 Irasũ waarĩnũrĩ Marĩpu ñerãrẽ wajamoãrĩnũrĩ ããrĩrokoa. Irasiro ããrĩpereri ĩgũya werenĩrĩ gojadea pũgue gojaderosũta waarokoa.

23 I nikũ marã bũro pũrĩrõ péñarākuma. Marĩpu ĩgũsãrẽ bũro wajamoãgũkumi. Irasũ waamakũ, nijĩpagosã nome, ĩgũsã pũrã mirĩrãgã oparã nomede bũro ñerõ tarirākuma.

24 Surãyeri i makã marã gãmewẽjẽrõgue boarākuma. Boamerã gapũre ããrĩpereri nikũgue ãĩwãgã, peresu irirākuma. Judío masaka ããrĩmerã Jerusalẽrẽ ñerõ irirākuma. Irasirirã iri makã marãrẽ tarinũgãrākuma. Marĩpu, judío masaka ããrĩmerãrẽ: “Iri makã marãrẽ neõ opabirikõãka pama!” ãrĩmakũgue opaduũrākuma.

*Jesús i ãmũgue ĩgũ dupaturi aariburire weredea  
(Mt 24.29-35, 42-44; Mr 13.24-37)*

25 'I ãmũ pereburi dupiyuro abe ãmũmũ, abe ñamimũ, neñukãde deyori gorawayuakõãrākuma. Wãdiya turaro busũri, makũrĩ nikũguere bũro ejarokoa. Irasirirã i ãmũ marã ããrĩpererã bũro gũkari merã diaye gũñamasĩbirikuma.

26 Ɔmarõgue marã turarã naradari merã beosũrākuma. Irasũ waamakũ ĩãrã, masaka i ãmũ pereburire: “¿Aarisiakuri?” ãrĩ gũñarã, bũro gũiri merã kõmorã irirosũ neõ gũñajabirikuma.

27 Irasũ waaripoere masaka yũ ããrĩpererã tĩgũ, wãro Marĩpu turari merã, ĩgũ goesiriri merã ñĩmikãyebogue i nikũguere yũ dupaturi aarimakũ ĩãrākuma.

28 Yũ ãrĩderosũta iri goerire waapũrorimakũ ĩãrã, mũsã yaarã ããrĩrã gũibirikõãka! Gũñaturari merã ãmũgasigue ĩãmuka! Mérõgã dũyãa, Marĩpu mũsãrẽ perebiri peamegue waabonerãrẽ tauri ejaburo, ãrĩyupũ Jesũs.

29 Irasũ ãrĩ odo, i keori merã ĩgũsãrẽ werenemoyupũ:

—Higueragũ, o gajigũ yukũ noó gããmedire ĩãka!

30 Irigũ pũ maamamakũ ĩãrã: “Bojori waaburo mérõgã dũyãa”, ãrĩ masĩa.

31 Irigũ waarósũta i ããrĩpereri yũ ãrĩrĩ irasũ waamakũ ĩãrã: “Marĩpu ĩgũyarãrẽ doreri aariburo mérõgã dũyãa”, ãrĩ masĩrãkoa.

32 Diayeta mũsãrẽ werea. I ãmũ marã boapereburo dupiyuro i ããrĩpereri yũ ãrĩrĩ irasũ waarokoa.

33 Ɔmũgasi, i nikũde pereakõãrokoa. Yũ werenĩrĩ gapũ neõ perebirikoa. ããrĩpereri yũ ãrĩrõsũta waayuwarikũrokoa.

34-35 'Yũ dupaturi aariburinũrẽ neõ masĩbea mũsã. Irasirirã õãrõ pẽmasĩka! Bosenũrĩrẽ irirã, ñerĩrẽ iribirikõãka! Mejãbirikõãka! I ãmũmarẽ bũro gũñarikũbirikõãka! Mũsã ire irasirimerã, gũñaña marĩrõ i ãmũguere yũ aarimakũ ĩãrã, gũkabirikoa. Waibũ gũñaña marĩrõ weadeadague ĩgũ

meésiajarosũta gũñaña marĩrõ yu aarirĩnu masakare ããrĩpereri nikũ marãrẽ waarokoa.

<sup>36</sup> Irasirirã õãrõ pemasĩrĩ merã yũka! Marĩpũre ãsũ ãrĩ sërẽnikõãka! “I ãmu peremakũ, guare iritamuka! Turarire sũka, guare õãrõ tariburo, ãrĩgũ! Irasirirã gua ããrĩpererã tĩgũrẽ gũiro marĩrõ bokatĩrĩrãkoa”, ãrĩ sërẽka ĩgũrẽ! ãrĩyupu Jesũs.

<sup>37</sup> Jesũs ãmurĩku Marĩpũya wiigie buenayupu. Ñamirĩku bue odogu, Olivos wãĩkũdi ãtãũgue waa, irogue ããrĩboyoanayupu.

<sup>38</sup> Boyoripoe ããrĩmakũ, ããrĩpererã masaka Marĩpũya wiigie ĩgũ buerire pãrã waanañurã.

## 22

*Judas Iscariote Jesũre wẽjẽduarãguere ĩgũrẽ ĩmuburire ãmudea (Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Iripoere judĩo masaka pã wemasãrĩ morẽña marĩrĩ baari bosenu, mërõgã duyayuro. Iri bosenu pascua wãĩkũyuro.

<sup>2</sup> Paĩa oparã, Moisés gojadeare buerĩmasã Jesũre wẽjẽduarã: “¿Nasiri ĩgũrẽ wẽjẽrãkuri marĩ?” ãrĩñurã. ĩgũsã Jesũre wẽjẽduakererã, masakare gũĩñurã.

<sup>3</sup> Iripoere wãtĩ, Judas Iscariote wãĩkũgũguere ñajãyupu ñerõ iridoregu. Judas, Jesũs buerã pe mojóma pere su gubu peru pẽrẽbejarã watopemu ããrãdiyupu.

<sup>4</sup> Wãtĩ ñajãdero puu, Judas paĩa oparã, Marĩpũya wiire korerã surara oparã puo waayupu. Irogue eja, ĩgũ Jesũre ĩmuburire ĩgũsã merã werenĩyupu.

<sup>5</sup> ĩgũ irasũ ãrĩmakũ pãrã, usuyari merã: “Ĩgũrẽ mu guare ĩmumakũ, mure niyeru wajarirãkoa”, ãrĩñurã.

<sup>6</sup> Judas: “Jãu”, ãrĩ, puu: “¿Naásũ ããrĩmakũ, masaka ĩãberogue oparãguere yu Jesũre wiamakũ õãrokuri?” ãrĩ gũñayupu.

*Jesũs ĩgũ buerã merã baatũnudea (Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Puu pã wemasãrĩ morẽña marĩrĩ baari bosenu ããrĩnũgãrĩnu ããrĩyuro. Irĩnu pascua bosenu irĩrĩnu ããrĩmakũ, Marĩpu ĩũrõ oveja majĩgũrẽ ĩgũsã wẽjẽrĩnu ããrĩyuro.

<sup>8</sup> Irĩnũta Jesũs Pedrore, Juãrẽ ãsũ ãrĩ irĩuyupu:

—Marĩ pascua bosenu baaburire ãmurã waaka!

<sup>9</sup> ĩgũ irasũ ãrĩmakũ pãrã, ãsũ ãrĩ sërẽñañurã:

—¿Noógue marĩ pascua bosenu baaburire ãmumakũ gããmekuri? ãrĩñurã.

<sup>10-11</sup> Jesũs ĩgũsãrẽ yũjuyupu:

—Jerusalẽgue waaka! Irogue sugũ dekosoro kõãwãgãgũrẽ bokajarãkoa. ĩgũrẽ tũyaka! ĩgũ ñajãri wiigie ejarã, iri wii opũre: “Guare buegu, ãsũ ãrĩ sërẽñadoreami: ‘¿Dĩ taribugue yu buerã merã i pascua bosenu rẽ baagũkuri?’ ãrãmi”, ãrĩka!

12 M<sub>us</sub>ã irasũ ãrĩmakũ pé, wári taribu, ùmarõgue ìgũsã ãmu odoadea taribure ìmugukumi. Irogue marĩ baaburire ãmuka! ãrĩyupũ Jesús.

13 Irasirirã iri makãgue waa, irogue eja, Jesús wereaderosũta bokaja, pascua bosenũ baaburire ãmuñurã.

14 Ìgũsã baaripoe ejamakũ, Jesús ìgũ buerã pe mojõma pere su gubu peru pẽrẽbejarã merã baa doanĩyupũ.

15 Irogue baa doanígũ, ìgũsãrẽ ãrĩyupũ:

—Y<sub>ũ</sub> boaburo dupiyuro i pascua bosenũ baarire m<sub>us</sub>ã merã burõ baadũãa.

16 M<sub>us</sub>ãrẽ werea. I bosenũrẽ marĩ dapagora irirosũ yũ dupaturi neõ irinemobirikoa. Pũrũ Y<sub>ũ</sub>pũ ìgũyarãrẽ dorerogue dupaturi iriyuwarikugukoa, ãrĩyupũ.

17 Irasũ ãrĩ odo, iiriripare ãĩ, Marĩpũre: “M<sub>us</sub>ãrẽ usũyari sĩa”, ãrĩ, ìgũsãrẽ ãsũ ãrĩyupũ:

—Ire ãĩ, dukawa iirĩka!

18 M<sub>us</sub>ãrẽ werea. I igui dekore marĩ dapagora iirĩrosũ yũ dupaturi neõ iirinemobirikoa. Y<sub>ũ</sub>pũ ìgũyarãrẽ doreri ejadero pũrugue dupaturi iirĩgukoa doja, ãrĩyupũ.

19 Pũrũ pãrẽ ãĩ, Marĩpũre: “M<sub>us</sub>ãrẽ usũyari sĩa”, ãrĩ, pãrẽ pea, ìgũsãrẽ ãsũ ãrĩ guereyupũ:

—I yaa dupũ ããrã. Y<sub>ũ</sub> m<sub>us</sub>ã ñerõ iridea waja boagukoa. Irasirirã m<sub>us</sub>ã dapagora iriaderosũ nerẽ, pãrẽ baarikũ, yũ m<sub>us</sub>ãrẽ boabosarire gũñaka! ãrĩyupũ.

20 Ìgũsã baa odoadero pũrũ, pãrẽ ãĩaderosũta iirĩripadere ãĩ, ìgũsãrẽ ãsũ ãrĩyupũ:

—Y<sub>ũ</sub> m<sub>us</sub>ãrẽ boabosagu, yaa dí béori merã Y<sub>ũ</sub>pũ m<sub>us</sub>ãrẽ: “Õãrõ irigũra”, ãrĩdeare iriyuwarikugukoa.

21 ‘Dapagorare yũre wẽjẽduarãguere yũre ìmubu õõ yũ merã baa doanĩmi.

22 Marĩpũ ãrĩderosũta yũre ããrĩpererã tĩgũrẽ waaró yáa. Yũre ìmubu gapũre ñetariro waarokoa, ãrĩyupũ.

23 Ìgũ irasũ ãrĩmakũ pérã, ìgũsã basi ãsũ ãrĩ gãme sërẽñañurã:

—¿Noã marĩ watopeguere irasiribukuri? ãrĩñurã.

*Jesús buerã: “Marĩ watopere, ¿noã ããrĩpererã nemorõ ããrĩgukuri?” ãrĩ guaseodea*

24 Pũrũ Jesús buerã ãsũ ãrĩ gãme guaseoñurã:

—Marĩ watopere, ¿noã ããrĩpererã nemorõ ããrĩgukuri? ãrĩñurã.

25 Jesús gapũ ìgũsãrẽ ãrĩyupũ:

—I nikũ marã oparã Marĩpũre burẽmumerã gapũ ìgũsãyarãrẽ dorerã, turaro merã dorema. Irasirirã ìgũsã oparãrẽ: “Masakare õãrõ iritamurã ããrĩma”, ãrĩma.

26 M<sub>us</sub>ã tamerã i nikũ marã oparã irirosũ iribirikõõaka! ãsũ gapũ irika! M<sub>us</sub>ã watopeguere sugũ gajirã nemorõ ããrĩduagũ,

mʉsā nemorō ubu āārīgū maamu irirosū āārīburo. Mʉsārē doredʉagu, moāboegu irirosū mʉsārē iritamugū āārīburo.

<sup>27</sup> Mʉsā gūñamakū, ¿niino gapu gajigu nemorō āārīgū āārīrī? ¿Baa doanīgū gapu, o ĩgūrē baari ejogu gapu āārīrī? Āsū āārā. Baa doanīgū gajigu nemorō āārīmi. Yu gapu mʉsā watopegue āārīgū, mʉsārē moāboegu irirosūta mʉsārē iritamugū aaribá.

<sup>28</sup> 'Masaka yure ñerō irikeremakū, mʉsā yu merā āārīnikōābu.

<sup>29</sup> Irasirigu, Yuru yure ĩgūyarā Opu píderosū, yu mʉsādere oparā sóogura.

<sup>30</sup> Irasirirā, yu ĩgūyarā Opu āārīrōgue mʉsāde, yu merā iirí, baa doanírākoa. Irogue mʉsā pe mojōma pere su gubu peru pērēbejari oparā doarire doarākoa. Irasirirā Israel bumarārē pe mojōma pere su gubu peru pērēbejari buri marārē dorērākoa, ārīyupu.

*Jesús Pedrore: “Yure masíkeregu: ‘Masíbea’, ārīgukoa”, ārī weredea*

*(Mt 26.31-35; Mr 14.27-31; Jn 13.36-38)*

<sup>31</sup> Irasū ārī odo, marī Opu Jesús Pedrore āsū ārīyupu:

—Simón, yure péka! Wātēa opu Satanás Yurure sērēadami, trigo gasirire koro, yʉsasiribéoro irirosū mʉsārē yure bʉremurīrē pirimakū iridʉagu.

<sup>32</sup> ĩgū irasū iridʉakeremakū, yu gapu mʉya āārīburiere Yurure sērēbosabu, mʉ yure bʉremurīrē pīribirikōāburo, ārīgū. Irasirigu yure dupaturi oārō gūñaturadero puru, mʉyarā yure bʉremurārē gūñaturamakū irika! ārīyupu.

<sup>33</sup> ĩgū irasū ārīmakū pégu, Pedro ārīyupu:

—Yu Opu, mʉrē peresu irirā, yʉdere mʉ merāta peresu iriburo. Mʉrē wējērā, yʉdere mʉ merāta wējēburo, ārīyupu.

<sup>34</sup> Jesús ĩgūrē ārīyupu:

—Pedro, mʉrē werea. Dapagā ñami āgābo wereburo dupiyuro yure masíkeregu ʉrea gajirārē: “Masíbea”, ārīkatogukoa, ārīyupu.

*Jesúre ĩgūsā ñeāburo dupiyuro waadea*

<sup>35</sup> Irasū ārī odo, Jesús ĩgū buerārē āsū ārī sērēñayupu doja:

—¿Sōō āārīdeapoere mʉsā niyeru, surí āīārī ajuri, gubu surí opamerā mʉsārē yu iriudeapoere ñeénorē gāāmenemorī?

—Neō gajino gāāmenemobiribu, ārī yujñurā.

<sup>36</sup> ĩgūsā irasū ārīmakū, ārīyupu doja:

—Dapagora gapure surí, niyeru āīārī ajuri oparā, irire āīaka! Mʉsārē sareri majīrī marīmakū ĩārā, mʉsāya surí wekamarē dua, su majī wajarika!

<sup>37</sup> Ire mʉsārē werea. Marīpʉya werenírī gojadea pūgue gojaderosūta yure waaró yáa. Āsū ārī gojasūdero āārībú: “ ĩgūde



ñegũ irirosũ ñerã watopeguere ããrĩdi ããrĩmi', ãrĩsũgukumi", ãrĩ gojasũdero ããrĩbú, ãrĩyupũ. Ìgũ irasũ ãrĩmakũ pẽrã, Ìgũ buerã Ìgũrẽ ãrĩñurã:

38 —Гҩа Опҩ, pe majĩ sareri majĩrĩ opáa, ãrĩñurã.

—Õásiáa, ãrĩ yҩyҩyupũ Jesús.

*Jesús Getsemanígue Marĩpure sêrêdea*

(Mt 26.36-46; Mr 14.32-42)

39 Pҩrҩ Jesús Ìgũ irinarõsũ Olivos wãikudi ãtãũgue waakõãyupũ. Ìgũ buerãde Ìgũ merã waañurã.

40 Irogue ejagҩ, Jesús Ìgũsãrẽ ãrĩyupũ:

—Marĩpure sêrêka, wãtĩ ãrĩmesãrĩrẽ iribukoa, ãrĩrã, ãrĩyupũ.

41 Irasũ ãrĩ odo, Ìgũ suguta yoawayaro waa, ñadukupuri merã ejamejãja, Marĩpure ãsũ ãrĩ sêrẽyupũ:

42 —Аҩ, yҩ ñerõ tariburire taudҩagҩ, tauka! Yҩ irasũ ãrĩkeremakũ, yҩ gããmerõsũ iribirikõãka! Mҩ gããmerõsũ gapҩ yҩre waaburo, ãrĩyupũ.

43 Ìgũ irasũ ãrĩmakũ, Marĩpure wereboegҩ ãmҩgasigue ããrãdi Jesúre deyoayupũ Ìgũrẽ gũñaturamakũ irigҩ.

44 Jesús bҩro pũrĩsũgũ Marĩpure sêrêadero nemorõ Ìgũrẽ sêrênemoyupũ doja. Ìgũ ñajãsuririta dí yeri pagayeri wiri, yebague yuriyuro.

45 Marĩpure irasũ ãrĩ sêrẽ odo, wãgãnugã, Ìgũ buerã p̃rogue ejagҩ, bҩro bҩjawereri merã kãrĩrãrẽ bokajayupũ.

46 Irasirigҩ Ìgũsãrẽ ãrĩyupũ:

—¿Nasirirã kãrĩrĩ? Yobeka! Marĩpure sêrêka, wãtĩ ãrĩmesãrĩrẽ iribukoa, ãrĩrã, ãrĩyupũ.

*Jesúre ñeãwãgãdea*

(Mt 26.47-56; Mr 14.43-50; Jn 18.2-11)

47 Ìgũ irasũ ãrĩ wereripoe masaka wárã ejañurã. Judas pe mojõma pere su gubu peru pẽrẽbejarã buerã watopemҩ ããrãdi masakare dupiyuyupũ. Jesús pҩro eja, Ìgũrẽ bokatĩrĩ, Ìgũya wayupãrãrẽ mimiyupũ.

48 Ìgũ irasũ mimimakũ Ìãgũ, Jesús gapҩ Ìgũrẽ ãrĩyupũ:

—Judas, ¿yҩre ããrĩpererã tĩgũrẽ yҩre Ìãturirãguere wiagҩ, yaa wayupãrãrẽ mimirĩ mҩ? ãrĩyupũ.

49 Ìgũ irasũ ãrĩmakũ, Jesús buerã Ìgũrẽ masaka ñeãburire masĩrã: “Гҩа Опҩ, ¿gҩa sareri majĩrĩ merã Ìgũsã merã gãmekẽãsi?” ãrĩñurã.

50 Irasũ ãrĩ, sugҩ Jesús buegҩ Ìgũya sareri majĩ merã paía opҩre moãboagure diaye gapҩma gãmpũrẽ dítitá dijukõãyupũ.

51 Ìgũ irasirimakũ Ìãgũ, Jesús ãrĩyupũ:

—Iropata irika! Inorẽ irinemobita! ãrĩyupũ.

Ārī odo, gāmipū āārāderore moāñayupū. Īgū moāñamakū, Īgūya gāmipū ōākōāyuro doja.

<sup>52</sup> Irasiri odo, Īgūrē ñeāmurārē: paía oparārē, Marīpuya wiire korerā surara oparārē, judío masaka mūrādere ārīyupū:

—¿Nasirirā sareri majīrī merā, yukū dukari merā sugū yajari-masūrē ñeārā aarirā irirosū yure ñeārā aaríri?

<sup>53</sup> Ūmurikū Marīpuya wiigue musā merā yū āārīmakū, yure neō ñeābiribū. Irasū āārīkeremakū, dapagora musā yure ñerō iriripoe ejasiáa. Wātī naiñārōgue āārīgú musārē dorerire irirā yáa musā, ārīyupū.

*Pedro Jesúre masīkeregū: “Masībea”, ārīdea*

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup> Pūru Jesúre ñeā, paía opūya wiigue āāñūrā. Īgūsā Īgūrē āāñamakū, Pedro Īgūsārē yoaweyarogue tūyayupū.

<sup>55</sup> Irogue ejarā, makāpuro ñajārōma yeba dekogue peame diiñūrā. Irasirirā irime turo sūma doanīñūrā. Pedro Īgūsā pūro eja, Īgūsā watopegue doayupū.

<sup>56</sup> Sugo moāboerimasō, Īgū peame turo doamakū ĩāgō, Īgūrē ōārō ĩā, gajirārē āsū ārī wereyupo:

—Īide Īgū merā āārīdita āārāmi, ārīyupo.

<sup>57</sup> Igo irasū ārīmakū pégū, Pedro ārīkatori merā:

—Yū Īgūrē neō masībea, ārī yūjuyupū.

<sup>58</sup> Mērōgā pūru gajigū Īgūrē ĩā, āsū ārīyupū:

—Mude Jesús buerā merāmūta āārā, ārīyupū.

—Neō āārībea yū, ārīyupū Pedro.

<sup>59</sup> Su hora pūru gajigū gajirārē āsū ārī wereyupo:

—Ī diayeta Īgū merā āārīdita āārīmi. Galileamūta āārīmi, ārīyupū.

<sup>60</sup> Īgū irasū ārīmakū, Pedro yūjuyupū:

—Yū, mū werenīgūrē masībea, pémasībirikoa, ārīyupū.

Īgū irasū ārīripoeta āgābo wereyupū.

<sup>61</sup> Īgū weremakū, marī Opū Jesús yoaweyarogue āārīgú Pedrore ĩā gāmeuyupū. Īgū irasū ĩāmakū, Pedro, Jesús Īgūrē: “Dapagā ñami āgābo Īgū wereburo dupiyuro mū yure masīkeregū, urea: ‘Masībea’, ārīkatogukoa”, ārīdeare gūñabokayupū.

<sup>62</sup> Irire gūñaboka, wiria, bujawereri merā būro oreuyupū.

*Jesúre ñerō iri būridadea*

(Mt 26.67-68; Mr 14.65)

<sup>63</sup> Jesúre korerā surara Īgūrē būrida, páñūrā.

<sup>64</sup> Irasū Īgūrē párā, suríro gasiro merā Īgūya koyere sūabiato:

—¿Noā mūrē pári? Ārībokaka! ārīñūrā.

<sup>65</sup> Wári gajī ñerō ārī būridañūrā.

*Jesúre opará purogue ãiadea*

(Mt 26.59-66; Mr 14.55-64; Jn 18.19-24)

66 Gajinu gapu boyodujimejãripoe judío masaka murã, paía opará, Moisés gojadeare buerimasãde nerẽñurã. Puru igúsã nerẽrõgue Jesúre ãija, ãsũ ãrĩ sêrẽñañurã:

67 –Wereka guare! ¿Mu, Marĩpu iriudi Cristota ããrĩrĩ? ãrĩñurã.

Jesús igúsãrẽ yujuyupu:

–Musãrẽ: “Yu igũta ããrã”, ãrĩmakũ, yure buremubirikoa.

68 Musãrẽ gajinorẽ yu sêrẽñamakũ, yure yujubirikoa.

69 Musã yure buremubirikeremakũ, mérõgã puru Yupu turatarigu yure ããrĩpererã tĩgũrẽ igũ diaye gapu doamakũ irigukumi, ãrĩyupu.

70 Igũ irasũ ãrĩmakũ pérã, ããrĩpererã igũrẽ sêrẽñañurã:

–¿Irasũ ãrĩgũ, Marĩpu magũta ããrĩrĩ mu? ãrĩñurã.

–Igũta ããrã musã ãrĩrõsũta, ãrĩ yujuyupu Jesús.

71 Igũ irasũ ãrĩmakũ, ãsũ ãrĩñurã:

–Nasirimurã gajirã igũrẽ weresãrĩrẽ pênemobirikoa marĩ! Igũ werenĩrĩrẽ marĩ basita pésiáa, ãrĩñurã.

## 23

*Jesúre Pilato puro ãijadea*

(Mt 27.1-2, 11-14; Mr 15.1-5; Jn 18.28-38)

1 Irasũ ãrĩ odo, ããrĩpererã wãgãñugã, Jesúre opu Pilato wãikugu purogue ãiãñurã.

2 Jesúre iroque ãijarã, ãsũ ãrĩ weresãñugãñurã:

–Ĩ marĩya nikũ marãrẽ ñerõ iridoremakũ péabu. Romano marã opu niyeru wajasearire: “Wajaribirikõãka!” ãrĩrĩrẽ péabu. Gajidere: “Yu judío masaka Opu, Cristo ããrã”, ãrãmi, ãrĩñurã.

3 Igúsã irasũ ãrĩmakũ pégu, Pilato Jesúre sêrẽñayupu:

–¿Muta ããrĩrĩ, judío masaka Opu?

–Mu ãrĩrõsũta igũta ããrã, ãrĩ yujuyupu Jesús.

4 Igũ irasũ ãrĩmakũ, Pilato paía oparãrẽ, masaka iroque ããrĩrãrẽ ãrĩyupu:

–Ĩrẽ neõ ñerĩ iridea máa, yu ããmakũ, ãrĩyupu.

5 Igũ irasũ ãrĩkeremakũ, igúsã gapu buro weresãnemoñurã:

–Igũ bueri merã masaka oparãrẽ tarinugãmakũ iriami. Galilea nikũgue irire irinugãmi. Dapagorare i makãguedere irasũta irigu ejaami, ãrĩñurã.

*Jesúre Herodes puro ãijadea*

6 Igúsã irasũ ãrĩmakũ pégu, Pilato gapu sêrẽñayupu:

–¿Ĩ Galileamuta ããrĩrĩ? ãrĩyupu.

7 “Iromuta aārīmi”, ārī, ĩgūsā yujumakū pégu, Pilato surarare: “Jesúre Galilea nikū marā opu Herodes puro aāka!” āriyupu. Iripoe Herodes Jerusalégue aārīyupu.

8 Iro dupiyuro Herodes Jesús iridea kerere pédi aārīmi. Irasirigu yoaripoe ĩgūrē buro ĩadugū iriadiyupu. Jesús ĩgū turari merā iri ĩmumakū ĩadugū iriadiyupu. Irasirigu ĩgū puro ĩgūsā Jesúre aijamakū ĩagū, buro usuyayupu.

9 Wári Jesúre sērēñadiyupu. ĩgū sērēñakeremakū, Jesús gapu ĩgūrē neō yujubiriyupu.

10 Paía oparā, Moisés gojadeare buerimasāde Herodes puro ejanerā, Jesúre turaro merā weresāñurā.

11 Pugu Herodes ĩgūya surara merā Jesúre burida, ñerō iriñurā. ĩgūrē buridarā, oārī surírore opuyañerē sāñurā. Irasiri odo, Herodes: “ĩgūrē Pilato purogue aāka doja!” āriyupu.

12 Herodes, Pilato merā iro dupiyuroguere gāme ĩadhabirinerā aārīkererā, irinu merā gāmesuriñurā.

*Jesúre wējēdoredea*

*(Mt 27.15-26; Mr 15.6-15; Jn 18.39-19.16)*

13 Pugu Pilato paía oparārē, judío masaka oparārē, masakadere siu needō,

14 āsū āriyupu:

—Musā ĩrē yu puro aājarā: “Īi masakare ñerō iridoremi”, ārābu musā yure. Musā ĩūrō, yu ĩrē sērēñapeoabu. Musā ĩrē weresākeremakū, ĩi ñerō iridea máa, yu ĩāmakū.

15 Herodede: “Īrē neō ñerī iridea máa”, ārayupu. Dupaturi ĩrē yu puro iriuañumi doja. Irasiri ĩrē wējēdoreri máa. Musāde ire masā.

16 Irasirigu yu ĩgūrē tārādoregukoa. Pugu ĩgūrē wiugura, ārādiyupu Pilato.

17 Pilato, bojoriku pascua bosenu aārīmakū, sugū peresugue aārādire ĩgūsā wiudoregure wiunayupu.

18 Irasirirā, Pilato: “Jesúre wiugura”, ĩgū ārīmakū pérā, aārīpererā masaka suro merā āsū āri gaguinínugāñurā:

—Jesúre wējēkōāka! Barrabás gapure wiuka! āriñurā.

19 Īi Barrabáre iro dupiyuro Jerusalégue oparārē ĩgū béoduadea waja, gajirārē ĩgū wējēdea waja, peresu irinerā aārīmā.

20 Pilato Jesús gapure wiudadiyupu. Irasirigu masakare ĩgūrē wiuburire dupaturi sērēñayupu doja.

21 ĩgū Jesúre wiudakeremakū, ĩgūsā gaguiníadero nemorō gaguiníñurā doja:

—Curusague pábiatú wējēka ĩgūrē! Wējēkōāka ĩgūrē! āriñurā.

22 ĩgūsā irasū ārīmakū, Pilato urea waaró merā ĩgūsārē āsū ārādiyupu doja:

—¿Ñeéno ñerĩrẽ iriari ñĩ, musã irasũ ãrĩ gaguinĩmakũ? Yu ñĩmakũ, neõ ñgũrẽ ñerĩ iridea máa. Irasiriro ñrẽ wějedoreri máa. Irasirigu ñgũrẽ tãrãdore, wiugura, ãrãdiyupũ.

23 Ñgũ irasũ ãrĩmakũ, masaka, paía oparãde buro gaguinĩnemo: “Curusague pábiatú wějeka ñgũrẽ!” ãrĩñurã. Pilato, ñgũsã irasũ ãrĩ gaguinĩmakũ neõ bokatĩubiri: “Musã gããmerõ irika!” ãrĩyupũ.

24 Irasirigu, ñgũsã ãrĩrõsũta Jesúre curusague pábiatú wějẽdoreyupũ.

25 Pũrũ ñgũsã sërërõsũta Barrabáre peresugue ããrĩgãrẽ, oparãrẽ béodũadire, masakare wějedi gapũre wiuyupũ. Irasiri odo, Pilato: “Musã gããmerõsũ irika Jesúre!” ãrĩyupũ.

*Jesúre curusague pábiatúdea*

(Mt 27.32-44; Mr 15.21-32; Jn 19.17-27)

26 Jesúre curusague wějẽmurã ñgũsã ãiwãgãripoe sugũ Simón wãikũgu Cirene wãikũri makãmu Jerusalén tũrogue ããrãdi goedujariyupũ. Irasirirã ñgũrẽ bokatĩrĩ, ñeã, Jesús kõãdea curusare kõãtũyadoreñurã.

27 Wãrã masaka Jesúre waaburire ñãrã ñgũrẽ tũyañurã. Ñgũsã watopegue nome ñgũrẽ ñãrã, gaguinĩ bujawereri merã oretũyañurã.

28 Ñgũsã oremakũ pégu, Jesús ñgũsãrẽ ñãgãmeu, ãsũ ãrĩyupũ:

—Jerusalén marã nome yure orebirikõãka! Musã basi, musã pũrãya ããrĩburire oreka!

29 Pũrugue masaka ñetariro tarirãkuma. ãsũ ãrĩrãkuma: “Neõ pũrãkũmerã, miũñamerã nome ããrĩmakũ õãtaribuyo”, ãrĩrãkuma.

30 Ñtãyukure ãsũ ãrĩrãkuma: “Gũare tãũ wějẽ, dedeukõãburo”, ãrĩrãkuma.

31 Masaka yure waja opabire ñerõ irimakũ, waja oparã gapũ ñetariro tarirãkuma, ãrĩyupũ.

32 Jesúre ãiwãgãrã, pẽrã ñerõ iririmasãdere ñgũ merã wějẽsũmurãrẽ ãiwãgãñurã.

33 Ñgũsãrẽ ãiwãgãrã, masakũ dipuru boaweadea pero wãikũrogue eja, Jesúre curusague pábiatú ãiwãgũnúñurã. Ñerõ iririmasãdere curusarigue pábiatú ãiwãgũnúñurã. Sugũre ñgũ diaye gapũ, gajigũre ñgũ kũgapũ pábiatú ãiwãgũnúñurã.

34 Ñgũsã Jesúre curusague pábiatú ãiwãgũnúmakũ, Jesús ãrĩyupũ:

—Aũ, ñgũsã ñerõ iririre kãtika! Ñgũsã yure irasiririre pémasĩbema, ãrĩyupũ.

Surara ñgũ surĩ sãñadeare: “Ubu ãrĩboka birarã: ‘¿Noãrẽ dujarokuri?’ ” ãrĩñurã irire ñgũsã basi gãme dukawamurã.

35 Masaka iroguẽ ããrĩrã ãñĩñũrã. Oparãgueta Jesúre ãsũ ãrĩ buridañũrã:

—Gajirã gapure taumi. Irasirigu diayeta Cristo, Marĩpu beyedi ããrĩgũ ĩgũ basi tauburo, ãrĩñũrã.

36 Surarade ĩgũrẽ buridañũrã. ĩgũ puro waa ejanugãrã, igui deko sũĩrĩrẽ ĩgũrẽ iirídoreadiñũrã.

37 Irire irirã, ĩgũrẽ ãsũ ãrĩñũrã:

—Mũ diayeta judío masaka Opũ ããrĩgũ, mũ basi tauka! ãrĩñũrã.

38 “Ĩĩ ãsũ iridea waja boami”, ãrĩrã: “Ĩĩta judío masaka Opũ ããrĩmi”, ãrĩ gojadea majĩrẽ curusague ĩgũ weka pábiatũñũrã. Griego ya merã, latín ya merã, hebreo ya merã gojasũyuro.

39 Sugũ ñerõ iridi, Jesús merã ĩgũsã pábiatũ ãĩwãgũnúdi Jesúre ñerõ ãrĩ turiyupũ:

—Mũ diayeta Cristo ããrĩgũ, mũ baside tau, gũadere tauka! ãrĩyupũ.

40 ĩgũ irasũ ãrĩmakũ pégu, gajigu gapũ ĩgũrẽ ãsũ ãrĩyupũ:

—Irasũ ãrĩbirikõãka! ¿Marĩpure gũiberi irasũ ãrĩgũ? Marĩrẽ suro merã wajamoãma.

41 Marĩ gapure marĩ ñerĩ iridea waja diayeta wajamoãma. ĩĩ gapũ ñerĩrẽ neõ iribi ããrĩmi, ãrĩyupũ.

42 Irasũ ãrĩ odo, Jesúre ãsũ ãrĩyupũ:

—Jesús, mũyarã Opũ ñajãgũ, yadere gũñaka! ãrĩyupũ.

43 —Diayeta mũrẽ werea. Dapagãta yũ merã paraíso wãĩkurogue ããrĩgũkoa, ãrĩyupũ Jesús ĩgũrẽ.

### *Jesús boadea*

(Mt 27.45-56; Mr 15.33-41; Jn 19.28-30)

44 Pũgũ goeripoe ããrĩmakũ, i nikũ ããrĩpererogue naĩtĩãkõãyuro. Ƴre hora gora naĩtĩãyuro.

45 Abede deyomarĩyupũ irasũ waaripoere. Marĩpũya wii poekama taribu makãpũro kãmutari gasiro deko merã yeguesiajakõãyuro.

46 Irasirigu Jesús turaro merã ãsũ ãrĩ gaguiniyupũ:

—Aũ, yaa yũjũpũrãrẽ mũrẽ wiãa, ãrĩyupũ.

Irasũ ãrĩgũta, kõmoakõãyupũ.

47 Romano marã surara opũ irasũ waamakũ ĩãgũ, Marĩpure mũnyari sũyupũ. ãsũ ãrĩyupũ:

—Diayeta ĩĩ ñerõ iribi ããrãdañumi, ãrĩyupũ.

48 ããrĩpererã masaka iro Jesúre waarĩre ĩãrã ejanerã ĩgũ boamakũ ĩãrã, bũro bũjawererĩ merã ĩgũsãya koretibirire páwãgã, ĩgũsãya wiirigue dujáakõãñũrã.

49 ããrĩpererã Jesús merãmarã, Galileague ĩgũrẽ tũyanerã nomede yoarogue Jesúre irasũ waarĩre ãñĩñũrã.

*Jesúya dɔpɔre masãgobegue pídea*

*(Mt 27.57-61; Mr 15.42-47; Jn 19.38-42)*

<sup>50-51</sup> Irogue sugu José wãikugu Judea nikũmu, Arimatea wãikuri makãmu ããrĩyupu. Īgũ òãgũ, diayemarẽ irigu, Marĩpu ĩgũyarãrẽ doreri ejaburire yũgu ããrĩyupu. Īgũ judío masaka oparã watopemu ããrĩkeregu, Jesúre ĩgũsã: “Wẽjẽka!” ãrĩmakũ pẽgu: “Jáu”, ãrĩbiridi ããrĩmĩ.

<sup>52</sup> Irasirigu Pilato pɔrogue waa, Jesúya dɔpɔre yáabu sẽrẽyupu.

<sup>53</sup> Sẽrẽ odo, Jesúya dɔpɔre curusague ããrĩrĩ dɔpɔre ãĩdiju, òãrĩ suri gasiro merã òmayupu. Òma odo, ùtãyegue mádea gobegue píyupu. Iri gobe neõ sugu boadire yáasũña marĩrĩ gobe ããrĩyuro.

<sup>54</sup> José Jesúre yáarinu judío masaka siñajãrĩnu ããrĩburire ĩgũsã ãmuyurinũ ããrĩyuro. I siñajãrĩnu ñajãburo mérõgã dɔyayuro.

<sup>55</sup> Galileague Jesúre tɔyanerã nome masãgobegue José waa-makũ ããrã, waañurã. Iri gobegue Jesúya dɔpɔre ĩgũ pímakũ ããrĩurã.

<sup>56</sup> ĩgũsã irasũ ããdero pɔru, ĩgũsã ããrĩrĩ wiigue dujáakõãñurã. Dujaja, sãrõrĩrẽ ĩgũya dɔpɔre pípeoburire ãmuñurã. ãmu odo, siñajãrĩnu ããrĩmakũ, Moisés dorederosũta siñajãñurã.

## 24

*Jesús masãdea*

*(Mt 28.1-10; Mr 16.1-8; Jn 20.1-10)*

<sup>1</sup> Semana ããrĩpɔroririnũ\* ããrĩmakũ, boyodujimejãripoep ĩgũsã nome dupaturi Jesúya dɔpɔre yáadea masãgobegue waañurã. ĩgũsã sãrõrĩ ãmuadeare ãĩãñurã. Gajirã nomede ĩgũsã merã wapikɔwãgãñurã.

<sup>2</sup> Irogue ejarã, iri gobe biadea ùtã majĩrẽ gajirogue oyamakũ ããrĩurã.

<sup>3</sup> Irire ããrã, diayeta ñajãkõãñurã. Irogue ñajãjarã, neõ marĩ Opɔ Jesúya dɔpɔre bokabiriñurã.

<sup>4</sup> Irasirirã bɔro gaka, naásũ irimasĩbiriñurã. “¿Naásũ waáyuri?” ãrĩ gũñaripoeta gũñaña marĩrõ pẽrã ùma suri gosesiriri sãñarã ĩgũsã pɔro nímakũ ããrĩurã.

<sup>5</sup> ĩgũsãrẽ ããrã, bɔro gũiri merã muúsiañurã. ĩgũsã irasiri-makũ ããrã, ùma ĩgũsãrẽ ãrĩñurã:

—¿Nasirimurã boanerãrẽ yáarogue okagure ãmarĩ?

<sup>6</sup> Òõrẽ mámi. Masãsiami. Gũñaka, ĩgũ mɔsã merã Galileague ããrĩgũ mɔsãrẽ ãrĩdeare!

\* 24:1 Semana ããrĩpɔroririnũno, domingo ããrã.

7 Āsū ārīmi: “Yu āārīpererā tīgū āārīgū masaka ñerāguere wiasūguko. Īgūsā yure curusague pábiatú wējēmakū, urenu waaró merā Marīpu yure masūgukumi”, ārīmi, ārīñurā.

8 Īgūsā irasū ārīmakū pérā, Jesús ārīdeare gūñabokañurā.

9 Irasirirā masāgobegue āārānerā goedujajarā, āārīpereri ĩgūsā ĩādeare Jesús buerā pe mojōma pere su gubu suru pērēbejarārē wereñurā. Irasū āārīmakū, gajirārē Jesúre bñremurā āārīpererārē irire wereñurā.

10 Jesús buerārē iri kerere wererā ejanerā nome ĩsāku āārīñurā: María Magdalena, Juana, gajigo María Jacob pago, irasū āārīmakū gajirā nome āārīñurā.

11 Īgūsā ĩādeare werekeremakū, Jesús buerā gapu bñremubiriñurā. “Irasū ārīkōārā yāma ĩsā nome”, ārī gūñañurā.

12 Pedro gapu masāgobegue ĩāgū ũmawāgāyupu. Iri gobegue ĩāgū ejagu, Jesúya dñpüre ōmadea gasiro gajiro gapu túpeoadea gasiro ditare ĩāyupu. Irire ĩāguka: “¿Naásū waáyuri?” ārī gūñā, ĩgū āārīrī wiigie dujáakōāyupu.

*Emaús wāikuri makā waarí maague Jesús pērārē deyoadea (Mr 16.12-13)*

13 Jesús masādeanñrēta pērā ĩgū buerire tayarā Emaús wāikuri makā waarí maague waarā iriñurā. Emaúgue waaró, Jerusalén merā wiriwāgāmakū pe mojōma pere su gubu suru pērēbejari kilómetro yoaro āārīyuro.

14 Maa waarā, āārīpereri Jesúre waadeare wereníñurā.

15 Irire wereníripoe Jesús ĩgūsā puo aari, ĩgūsā merā waayupu.

16 Īgū, ĩgūsā merā waamakū ĩākeremakū, gajino ĩgūsārē ĩgūrē ĩāmasībirimakū iriyuro.

17 Jesús ĩgūsārē sērēñayupu:

—¿Ñeénorē werenírā yári, mūsā maa waarā? ārīyupu.

Īgū irasū ārīmakū pérā, buro bujawerereri merā maa deko dujanugāñurā.

18 Cleofas wāikugu Jesúre āsū ārī yñyupu:

—Āārīpererā inñrī Jerusalēgue waadeare masīma. ¿Mñ suguta iroque āārādi irasū waadeare masīberi? ārīyupu.

19 Īgū irasū ārīmakū, Jesús ĩgūsārē:

—¿Naásū waáari? ārīyupu.

Īgūrē ārīñurā:

—Jesús Nazaretmñrē ĩgūsā iriadeare werenírā iriabu. Īgū Marīpuya kerere weregu āārādimi. Āārīpererā masaka ĩūrō, Marīpu ĩūrōguedere ĩgū turari sīrī merā irigu, ĩgūyare weregu āārādimi.



20 Paía oparã, gajirã marĩ oparã merã ìgürë wějēdorerã, romano marã oparãrë wiáama. Ìgüsã irasũ wiamakũ, curusague pábiatú wějēama.

21 “Ìgũ marĩrë taubu, marĩ Israel bumarã Опм аãrĩbu, marĩ yúdi аãrĩmi”, ãrĩ gũñadibu gua ìgürë. Irasiro dapagã merã arenu waáa, ìgürë wějēadero puru.

22 Surãyeri gua merãmarã nome, ìgüsã wereri merã guare gukamakũ iriama. Dapagã ñamigãgora ìgürë yáaderogue ejañurã.

23 Irogue eja, ìgũya dupure bokamerãta, gua purogue goedu-jajama. “Irogue guare kërõ irirosũ waamakũ, Marĩpure wereboerãrë iãbu”, ãrãma. Marĩpure wereboerã ìgüsãrë: “Jesús okami”, ãrãdeadere wereama guare ìgüsã nome.

24 Puru gajirã gua merãmarã ìgürë yáaderogue eja, ìgüsã nome ãrãderosũta iãñurã. Ìgüsãde Jesúre iãbirañurã, ãrĩ wereñurã Cleofasã Jesúre.

25 Ìgüsã irasũ ãrĩmakũ pégu, Jesús ìgüsãrë ãrĩyuru:

—Musa pémasĩmerã aãrã. ¿Noopa yoaripoe Marĩpuya kerere weredupiyunerã gojadeare õãrõ pémasĩrĩ merã buremubirikõãrĩ musã?

26 Marĩpu iriudi Cristo ìgũ amugasigue murĩaburo dupiyuro, ìgũyarã Опм ñajãburo dupiyuro ìgürë ñerõ tarigukumi, ãrĩ gojanerã aãrĩmã. ¿Ire masĩberi musã? ãrĩyuru.

27 Jesús irasũ ãrĩ odo, Marĩpuya kerere weredupiyunerã gojadea pũgue ããrĩpereri ìgüsã ìgürë gojayudeare: “Ãsũ ãrĩduaro yáa”, ãrĩ wereyuru ìgüsãrë. Moisés gojadeare werenugãyuru. Puru ããrĩpererã Marĩpuya kerere weredupiyunerã gojadeare wereyuru.

28 Puru ìgüsã waaró Emaúgue ejamakũ, Jesús iri makãrë tariwãgãgũ irirosũ iriyuru.

29 Ìgũ irasũ tariwãgãmakũ iãrã, ìgürë ãsũ ãrĩñurã:

—Gua merã dujaka! Ñamikague aãrã. Naĩmejãrõgue yáa, ãrĩñurã.

Irasirigu Jesús ìgüsã merã waa, ìgüsãya wiigue ñajãkõãyuru ìgüsã merã dujagu.

30 Puru ìgüsã merã baa doanígũ, pãrë ãĩ, Marĩpure: “Murë usuyari sĩa”, ãrĩ, pãrë pea, ìgüsãrë guereyuru.

31 Ìgũ irasirimakũ iãrãgueta: “Jesúta ããrĩmi”, ãrĩ iãmasĩñurã. Ìgüsã iãmasĩmakũta, dederiakõãyuru ìgüsãrë.

32 Ìgũ irasũ dederiadero puru, ìgüsã basi ãsũ ãrĩ gãme werenĩñurã:

—Maague ìgũ marĩrë: “Marĩpuya werenĩrĩ gojadeare: ‘Ãsũ ãrĩduaro yáa’”, ãrĩ weremakũ pérã, buro usuyari merã: “Õãtaria”, ãrĩ péñabu, ãrĩñurã.

<sup>33</sup> Irasirirã mata Jerusalêgue gãme dujáakõãñurã. Irogue eja, Jesús buerã, pe mojõma pere su gubu suru pẽrẽbejarã nerẽanerãrẽ, gajirã ìgüsã merãmarãdere bokajañurã.

<sup>34</sup> Ìgüsã ejamakũ ìãrã, iro nerẽanerã ãsũ ãrĩñurã:

—Diayeta marĩ Opũ masãñumi. Simõrẽ deyoayupũ, ãrĩñurã.

<sup>35</sup> Ìgüsã irasũ ãrĩmakũ pérã, Emaúgue waanerãde ìgüsãrẽ maague waadeare wereñurã. Jesús pãrẽ pea, ìgüsãrẽ ìgũ sĩmakũ, ìgũrẽ ìãmasĩadeare wereñurã iro nerẽanerãrẽ.

*Jesús ìgũ buerãrẽ deyoadea*

*(Mt 28.16-20; Mr 16.14-18; Jn 20.19-23)*

<sup>36</sup> Ìgüsã irire irasũ ãrĩ werenĩripoe Jesús ìgüsãrẽ deyoa, ãsũ ãrĩ õãdoreyupũ:

—¿Ããrĩrĩ mũsã? Siñajãrĩ merã ããrĩrikuka! ãrĩyupũ.

<sup>37</sup> Ìgũ deyoamakũ, ìãgũkakõãñurã. “Boadi yũjupũrã deyoamakũ ìãrã irikoa marĩ”, ãrĩ gũñañurã. Irasirirã bũro gũñurã.

<sup>38</sup> Ìgüsã gũimakũ ìãgũ, Jesús ìgüsãrẽ ãrĩyupũ:

—¿Nasirirã ìãgũkari mũsã? ¿Nasirirã yũre ìãrã: “Ìgũ boadi dupaturi okabiribukumĩ”, ãrĩ gũñarĩ mũsã? Irire gũñabirikõãka!

<sup>39</sup> Ìãka, yaa mojõrĩrẽ, yaa guburidere! Yũta ããrã. Yũre moãñaka! Irasirirã masĩrãkoa yũ ããrĩrĩrẽ. Sugũ boadi ìgũ yũjupũrã merã deyoagũ dupũ opabemi. Diĩ, gõãrĩ opabi ããrĩkumi. Yũ gapũ diire, gõãrĩrẽ opáa, ãrĩyupũ Jesús.

<sup>40</sup> Irasũ ããrĩgũta, ìgũya mojõrĩrẽ soeu, ìgũya guburidere ìmuyupũ ìgüsãrẽ.

<sup>41</sup> Ìgüsã gapũ mérõgã bũremurĩ opakerrerã, bũro mũsuyari merã: “¿Diayeta ìgũta ããrĩkuri?” ãrĩ gũñañurã.

Ìgüsã irasũ mérõgã bũremurĩ opamakũ, Jesús masĩkõãyupũ. Irasirigũ ìgüsãrẽ sërẽñayupũ:

—¿Mũsã baari opari õõrẽ? ãrĩyupũ.

<sup>42</sup> Ìgũ irasũ ãrĩmakũ pé, waaĩ mupũadea dukare sĩñurã. Mume dekodere ìgũrẽ sĩñurã baaburo, ãrĩrã.

<sup>43</sup> Irire sĩmakũ, ìgüsã ìũrõ ãĩ baayupũ.

<sup>44</sup> Baa odo, Jesús ìgüsãrẽ wereyupũ doja:

—Sõõ ããrĩdeapoe mũsã merã ããrĩgũ, yũ mũsãrẽ werederosũta dapagorare yũre waabũ. Moisés yaamarẽ gojaderosũta yũre waabũ. Marĩpũya kerere weredupiyunerã gojaderosũta, Salmos wãĩkurĩ pũrẽ gojanerãde ìgüsã yũre gojaderosũta waabũ. ããrĩpereri Marĩpũ ìgüsãrẽ irasũ gojadorederosũta yũre waabũ, ãrĩyupũ Jesús.

<sup>45</sup> Irasũ ãrĩ odo, Marĩpũya werenĩrĩ gojadeare ìgüsãrẽ pémasĩmakũ iriyupũ.

<sup>46</sup> ãsũ ãrĩyupũ:

—Iripoegue Marĩp̄ya kerere weredupiyunerã gojadea p̄gue ãsũ gojasũdero ããrĩbú: “Cristo, Marĩp̄ iriudi boakõãḡkumi. Īgũ boaḡ, uren̄ waaró merã masãḡkumi doja.

<sup>47</sup> Īgũ masãdero p̄r̄, Īgũrẽ b̄remurã Īgũya wãĩ, Īgũ turaro merã ããrĩpereri nikũ marãguere Īgũya kerere weregorenarãkuma. Jerusalén marãrẽ werep̄roriwãgãrãkuma. Āsũ ãrĩ wererãkuma: ‘M̄sã ñerĩ iririre b̄jawereka! M̄sã gũñarĩrẽ gorawayuka! Irasiriḡ Marĩp̄ m̄sã ñerĩ irideare kãtiḡkumi’ ”, ãrĩrãkuma, ãrĩ gojasũdero ããrĩbú.

<sup>48</sup> M̄sã i ããrĩpereri ȳre waadeare iãnerã ããrã. Irasirirã irire gajirãrẽ wererãkoa.

<sup>49</sup> Ȳp̄ iripoegue ãrĩderosũta ȳ m̄sãrẽ Ōãgũ deyomarĩgũrẽ iriuḡra, Īgũ m̄sãguere ããrĩnĩkõãburo, ãrĩgũ. Irasirirã õõ Jerusaléta dujaka dapa, Īgũ m̄sãrẽ ãm̄gasima turarire s̄gũ aarimakũ, ãrĩyup̄ Jesús.

*Jesús ãm̄gasigue m̄rĩadea*  
(Mr 16.19-20)

<sup>50</sup> P̄r̄ Jesús Īgũsãrẽ Betania wãĩk̄ri makã t̄rogue ãĩayup̄. Irogue eja, Jesús Īgũya mojõrĩ soemu: “Ȳp̄ m̄sãrẽ õãrõ iritamuburo”, ãrĩyup̄.

<sup>51</sup> Irasũ ãrĩgũta Īgũsãrẽ p̄kõã, ãm̄gasigue ãĩm̄rĩãkõãsũyup̄.

<sup>52</sup> Īgũsã, Īgũ m̄rĩãmakũ iãrã: “Ōãtariḡ ããrĩmi”, ãrĩ b̄remuñurã. P̄r̄ b̄ro ɯɯyari merã Jerusalégue goedujãakõãñurã.

<sup>53</sup> Ɔm̄rik̄ Marĩp̄ya wiigue Īgũrẽ: “Ōãtaria m̄”, ãrĩ, ɯɯyari s̄ĩnañurã.

Āsũ ããrã. Irasũta ããrĩburo.  
Lucas

## SAN JUAN

*Jesucristo Marĩpuya werenĩrĩrẽ weregũ marĩ irirosũ dupũkũgũ ããrĩnũgãrĩmarẽ gojadea*

<sup>1</sup> Neõgoragueta i ãmũ ããrĩburi dupiyuro Jesucristo Marĩpuya werenĩrĩrẽ weregũ ããrĩsiadi ããrĩmĩ. Marĩpũ merã ããrĩgũ, Marĩputa ããrĩmĩ.

<sup>2</sup> Neõgoragueta ãgũ Marĩpũ merã ããrĩsiadi ããrĩmĩ.

<sup>3</sup> Irasirĩgũ Marĩpũ ãgũ merã i ãmũma ããrĩburi ããrĩpererire iridi ããrĩmĩ. Irasiriro i ãmũma ããrĩpereri Marĩpũ ãgũ merã iridea ããrã.

<sup>4</sup> Jesucristo, Marĩpũ merã perebiri okarire sĩgũ ããrĩmĩ. I okari merã masakare sĩãgori sĩgũ ããrĩmĩ. Irasirĩgũ ãgũsãrẽ Marĩpũre masĩmakũ yãmi.

<sup>5</sup> Marĩpũre masĩmerã naĩtĩãrõgue ããrĩrã irirosũ ããrĩma. Jesucristo sĩãgori sĩgũ ããrĩgũ ãgũsãrẽ Marĩpũre masĩmakũ yãmi. Naĩtĩãrĩ sĩãgorire neõ yaumasĩbea.

<sup>6</sup> Jesucristo i ãmũgue aariburi dupiyuro Marĩpũ Juan\* wãikũgũre iriudi ããrĩmĩ.

<sup>7</sup> Juan, Jesús masakare sĩãgori sĩgũ ããrĩgũ ãgũ i ãmũgue aariburire weremi, ããrĩpererã irire pãrã ãgũrẽ bũremuburo, ãrĩgũ.

<sup>8</sup> Juan masakare sĩãgori sĩgũ ããrĩgũ meta ããrĩmĩ. ãgũsãrẽ Jesucristo aariburi gapũre weredupiyudi ããrĩmĩ.

<sup>9</sup> Jesucristo diayeta ããrĩpererã masakare sĩãgori sĩgũ ããrĩgũ i ãmũgue ããrĩrãrẽ Marĩpũre masĩmakũ irĩgũ aaridi ããrĩmĩ.

<sup>10</sup> Jesucristo i ãmũguere ããrĩdi ããrĩmĩ. Marĩpũ ãgũ merã i ãmũrẽ irikeremakũ, i ãmũ marã gapũ ãgũrẽ neõ masĩbirinerã ããrĩmã.

<sup>11</sup> ãgũya nikũgue aarikeremakũ, ãgũya nikũ marã gapũ ãgũrẽ bokatĩrĩñeãbirinerã ããrĩmã.

<sup>12</sup> ãgũrẽ bokatĩrĩñeã, bũremurã gapũre Marĩpũ pũrã ããrĩmakũ yãmi.

<sup>13</sup> ãgũsã pagũsãmarã ãgũsãrẽ pũrãkurã, Marĩpũ pũrã ããrĩmakũ iribema. Irasũ ããrĩmakũ, ãgũsã pagũ ãgũ gããmerõ iriri merã ãgũsãrẽ Marĩpũ pũrã ããrĩmakũ iribemi. Marĩpũ gapũ ãgũsãrẽ ãgũ pũrã ããrĩmakũ yãmi.

<sup>14</sup> Jesucristo, Marĩpuya werenĩrĩrẽ weregũ marĩ irirosũ dupũkũgũ ããrĩnũgãdero pũrũ, i ãmũgue gũa merã ããrĩgũ, masakare burũ maĩrĩ merã, diaye werenĩgũ ããrĩmĩ. Gũa ãgũ

\* 1:6 Jesucristo i ãmũgue aariburi dupiyuro Marĩpũ iriudi, Juan wãikũgũ masakare wãiyedi ããrĩmĩ.

gosesiririre ìābũ. Ìgũ Marĩpũ magũ sugũ ãārĩgũ, Ìgũ irirosũta turagũ, òāgũ ãārĩmi.

<sup>15</sup> Juan masakare wãiyedi Jesucristore ìāgũ, gũare ãsũ ãrĩ weremi:

—Ìĩ ãārĩmi yũ mũsārẽ weredi. Mũsārẽ ãsũ ãrĩ werebũ: “Ìgũ yũ pũũ aarikeregũ, yũ deyoaburo dupiyuro ãārĩsiadi ãārĩmi. Irasirigũ yũ nemorò ãārĩmi”.

<sup>16</sup> Jesucristo marĩrẽ maĩtarigũ ãārĩsĩã, marĩ ãārĩpererãrẽ òārò iritamuníkòãmi.

<sup>17</sup> Marĩpũ Ìgũ dorerire Moisés merã marĩrẽ pídi ãārĩmi. Jesucristo merã gapũre Marĩpũ Ìgũ marĩrẽ maĩrĩrẽ, Ìgũ werenĩrĩ diaye ãārĩrĩrẽ ìmumi.

<sup>18</sup> Neò sugũ masakũ Marĩpũre ìãdi mámi. Jesucristo Ìgũ magũ sugũ ãārĩgũ gapũ Ìgũ Pagũ merã ãārĩsĩã, marĩrẽ Ìgũrẽ masĩmakũ yámi.

*Juan masakare wãiyerimasũ Jesucristoyare weredea  
(Mt 3.11-12; Mr 1.7-8; Lc 3.15-17)*

<sup>19</sup> Judío masaka oparã Jerusalén ãārĩrã paĩare, Leviya bumarãdere Juan pũrogue Ìgũrẽ: “¿Noã ãārĩrĩ mũ?” ãrĩ sērēñadorerã iriuñurã.

<sup>20</sup> Ìgũsã irasũ ãrĩ sērēñarã ejamakũ, Juan Ìgũsãrẽ pémasĩma òārò ãsũ ãrĩ yũjũmi:

—Yũ, Cristo Marĩpũ masakare taudoregũ iriudi ãārĩbea, ãrĩmi.

<sup>21</sup> Irasirirã Ìgũrẽ dupaturi sērēñama doja:

—Iro merẽ, ¿niĩno gapũ ãārĩrĩ? ¿Iripoeguemu Marĩpũya kerere weredupiyudi Elías ãārĩrĩ? ãrĩma.

Juan Ìgũsãrẽ yũjũmi:

—Ãārĩbea, ãrĩmi.

Ìgũ irasũ yũjũmakũ pérã, dupaturi Ìgũrẽ sērēñama doja:

—¿Mũ, sòò ãārĩdeapoe masaka Marĩpũya kerere weredupiyugũ aaribu ãārãyupũ, Ìgũsã ãrĩdi ãārĩrĩ? ãrĩma.

Juan yũjũmi:

—Ãārĩbea.

<sup>22</sup> Irasirirã Ìgũrẽ ãsũ ãrĩma:

—¿Niĩno gapũ ãārĩrĩ? Gũare iriuanerã Ìgũsã pũrogue mũ yũjũrere gũã ãĩãmakũ gããmemã. Irasirigũ wereka gũare! Mũ basĩ, ¿naásũ ãrĩ gũñarĩ? ãrĩma.

<sup>23</sup> Irasirigũ Juan iripoeguemu Isaías Marĩpũya kerere weredupiyudi gojadea merã Ìgũsãrẽ ãsũ ãrĩ yũjũmi:

—Masaka marĩrõgue sugũ bũro bũsũro merã were gaguinĩgorenagũ ãsũ ãrĩ werea: “Marĩ Opũ aariburi dupiyuro Ìgũ aariburi maarẽ diayema maa òārĩ maa ãmurã irirosũ diayemarẽ irika!” ãrĩ werea, ãrĩmi Juan.

24-25 Īgū irasū āri yujamakū pérā, fariseo bumarā iriuanerā Īgūrē sērēñama doja:

—Mu, Cristo Marĩpu iriudi, o Elías, o sōō āārĩdeapoe Marĩpuya kerere weredupiyudi āārā, ārĩbi, ¿nasirigu masakare wāiyeri?

26 Juan Īgūsārē ārĩmi:

—Yu masakare deko merā wāiyea. Sugū musā watopeguere musā masĩbi āārĩmi.

27 Īgū, yu puru aarikeregu, yu nemorō āārĩmi. Yu ubu āārĩgū, Īgūrē neō suropebirikoa, ārĩmi.

28 Juan Īgū masakare wāiyenarōgue Betania wāikuro, dia Jordán wāikudiya abe murĩiro gapu i āārĩpererire Īgūsārē weremi.

*Marĩpu Jesúre oveja majĩgū irirosū āārĩgūrē iriudi āārĩmarē Juan weredea*

29 Gajinu gapu Juan, Jesús Īgū puro aarimakū ĩāgū, guare āsū ārĩmi:

—Īāka! Īi Marĩpu iriudi, oveja majĩgū<sup>†</sup> irirosū āārĩmi. Īgū boari merā i umu marārē Īgūsā ñerō iridea wajare peremakū irigukumi.

30 Īita āārĩmi yu musārē iro dupiyuro āsū āārĩmi, āri weredi. “Īgū yu puru aarikeregu, yu deyoaburo dupiyuro āārĩsiadi āārĩmí. Irasirigu yu nemorō āārĩmi”, āri werebu.

31 Yude Īgūrē: “Marĩpu iriudi āārĩmi”, ārĩmasĩbiribu. Īgūrē masĩbirikeregu, Israel bumarā masakare deko merā wāiyegu aarigá iribu, Īgūsā Īgūrē masĩburo, ārigū, ārĩmi.

32 Irasū āri odo, Juan āsū āri werenemomi doja:

—Ōāgū deyomarĩgū umugasigue merā buja irirosū deyogu dijari, Cristo weka ejamakū ĩābu.

33 Marĩpu yure masakare deko merā wāiyedoredi dupiyurogue āsū ārĩmi: “Mu Ōāgū deyomarĩgū dijari, sugu masakū weka ejamakū ĩāgukoa. Īgūta masakare Ōāgū deyomarĩgū merā wāiyegukumi, ĩgū ĩgūsā merā āārĩnĩkōāburo, ārĩgū”, ārĩmi Marĩpu yure.

34 Irasū waamakū ĩāgū: “Īgūta Marĩpu magū āārĩmi”, āri masĩbu. Irasirigu musārē irire werea, ārĩmi Juan.

*Jesús buerā ĩgū merā āārĩpuroridea*

35 Gajinu gapu irogueta Juan dupaturi āārĩmí doja. Guā pērā ĩgū buerā ĩgū merā āārĩbú.

36 Jesús guā puro tariamakū ĩāgū, Juan āsū ārĩmi:

† 1:29 Exodo 29.38-43; Números 28.1-4,9, 16-19; 29.7-8: Iripoegue Marĩpu Moisere ĩgū dorerire āsū āri pidi āārĩmí: “Israel bumarārē āsū ārĩka: ‘Musā yu dorerosūta yure buremurā, oveja majĩgūrē ōāgūrē yu ĩūrō wējē soepeoka! Musā irasirimakū ĩāgū: ‘Musā ñerō iridea wajare opamerā āārā, musārē wajamoābirikoa’, āri ĩāgukumi’, ārĩka!” ārĩdi āārĩmí.

—Ĩaka! Īi oveja majĩgũ irirosũ Marĩpu iriudi ããrĩmi.

<sup>37</sup> Ĩgũ irasũ ãrĩmakũ pérã, gũa pérã Juan buerã Jesúre tũyabu.

<sup>38</sup> Irasirigu, gũa ĩgũrẽ tũyamakũ gãmenũgã ĩã:

—¿Ñeénorẽ gããmerĩ? ãrĩmi.

Gũa ĩgũrẽ ãrĩbu:

—¿Buegu, noógue ããrãrĩ mu?

<sup>39</sup> Ĩgũ gũare ãrĩmi:

—Ĩãrã aarika!

Irasirirã gũa ĩgũ merã waa, ĩgũ kãrĩrõgue ñamika cuatro hora ããrĩmakũ ejabu. Iroque eja, iri ñamirẽ ĩgũ merã ããrĩbũ.

<sup>40</sup> Gũa pérã: yũ, Andrés merã Juan weredeare pénerã ããrĩsĩã, Jesúre tũyabu. Andrés, Simón Pedro pagumu ããrĩmĩ.

<sup>41</sup> Gajinu gapu, Andrés ĩgũ tĩgũ Simón Pedrore ãmapurumugũ waami. Ĩgũ pũroque eja, ĩgũrẽ ãrĩyupu:

—Marĩpu iriudi Mesĩare bokajabu, ãrĩyupu. “Mesías”, ãrĩrõ: “Cristo”, ãrĩduaro yáa.

<sup>42</sup> Irasirigu Andrés Simõrẽ Jesús pũroque ãĩjami. Jesús ĩgũrẽ ĩãgũ, ãsũ ãrĩmi:

—Mu, Simón wãikũgu Jonás magũ ããrã. Pũmu mu “Cefas” wãikũgukoa, ãrĩmi. “Cefas”, ãrĩrõ: “Pedro”, ãrĩduaro yáa.

### *Jesús Felipere, Natanaere siiudea*

<sup>43</sup> Gajinu gapu Jesús: “Galilea nikũgue waagũra”, ãrĩ, Felipe bokaja:

—Náka, yũ merã! ãrĩmi.

<sup>44</sup> Felipe Betsaida wãikũri makãmu ããrĩmĩ. Pedro, Andrésãde iri makã marãta ããrĩmã.

<sup>45</sup> Jesús ĩgũrẽ: “Náka!” ãrĩmakũ pégu, Felipe Natanaere siiugu waami. Ĩgũ pũroque eja, ĩgũrẽ ãrĩyupu:

—Moisés ĩgũya doreri gojadea pũgue ĩgũ gojadire bokajabu. Marĩpũya kerere weredupiyunerãde ĩgũrẽta gojanerã ããrĩmã. Ĩgũsã gojadi Jesús Nazaretmũ, José magũ ããrãmi, ãrĩyupu Felipe.

<sup>46</sup> Ĩgũ irasũ ãrĩmakũ pégu, Natanael gapu ĩgũrẽ ãrĩyupu:

—Neõ sugu Nazaretmũ õãrõ irigu mámi, ãrĩyupu.

Felipe gapu ĩgũrẽ ãrĩyupu:

—Náka, ĩmusi.

<sup>47</sup> Jesús, Natanael ĩgũ pũro ejarimakũ ĩãgũ, ãsũ ãrĩmi:

—Ĩi õãgũ, diayeta Israel bumũgora, ãrĩkatori marĩgũ ããrĩmi.

<sup>48</sup> Ĩgũ irasũ ãrĩmakũ pégu, Natanael ĩgũrẽ sërẽñami:

—¿Naásũpero merã yũre masĩrĩ mu?

Jesús ãrĩmi:

—Felipe, mũrẽ siiuburi dupiyuro higeragu doka mu ããrĩmakũ ĩãbu, ãrĩmi.

<sup>49</sup> Ĩgũ irasũ ãrĩmakũ pégu, Natanael ĩgũrẽ ãrĩmi:

—Bueḡ, mḡ Marĩḡ magũ, Israel bumarã Opḡ ããrã, ãrĩmi.

<sup>50</sup> Jesús ĩḡũrẽ ãrĩmi:

—Yḡ mḡrẽ: “Higueragḡ doka mḡ ããrĩmakũ ĩãbḡ”, ãrĩrĩ ditare pésĩã, yḡre bḡremua. Pḡḡguere i nemorõ Marĩḡ turari merã yḡ iri ĩmurĩrẽ ĩãḡkoa, ãrĩmi.

<sup>51</sup> Āsũ ãrĩnemomi doja:

—Diayeta mḡsãrẽ werea. Pḡḡguere ãmḡgasi tũpãmakũ ĩãrãkoa. Irasũ tũpãmakũ, Marĩḡre wereboerã yḡ ããrĩpererã tĩḡ pḡrore mḡrĩãna, dijarina irĩmakũ ĩãrãkoa, ãrĩmi Jesús.

## 2

*Jesús Caná wãĩkḡri makãḡue mojõsḡadiya bosenuḡ ĩãḡũ waadea*

<sup>1</sup> Jesús Felipere, Natanaere siuudero pḡḡ, ḡrenḡ waarõ merã, Galilea nikũguere Caná wãĩkḡri makãrẽ sugḡ mojõsḡadiya bosenuḡ ããrĩbũ. Jesús pagode iri bosenuḡ ĩãḡõ waamo.

<sup>2</sup> Gḡḡ Jesús buerãdere, ĩḡũ merã iri bosenuḡ ĩãdorerã siiuma.

<sup>3</sup> Pḡḡ iri bosenuḡma igui deko peremakũ ĩãḡõ, Jesús pago ĩḡũrẽ ãrĩmo:

—Igui deko pereakõãbḡ ĩḡsãrẽ.

<sup>4</sup> Igo irasũ ãrĩmakũ péḡḡ, Jesús ãrĩmi:

—¿Nasirigo irire yḡre wereri mḡ? Masaka yḡre masĩburo dḡyakõãa dapa, ãrĩmi.

<sup>5</sup> Igo garḡ, ĩḡũ irasũ ãrĩkeremakũ, tĩãboerãrẽ ãrĩmo:

—Yḡ magũ mḡsãrẽ dorerosũta irika!

<sup>6</sup> Iri wiiguere su mojõma pere gaji mojõ suru pẽrẽbejari sorori ãtãyeri merã iridea sorori ããrĩbũ. Judío masaka Marĩḡ dorederosũ irirã ĩḡsã ḡḡrari koeburi deko duripĩri sorori ããrĩbũ. Sororikḡ wãro deko cincuenta o setenta litros ejari sorori ããrĩbũ.

<sup>7</sup> Jesús tĩãboerãrẽ ãrĩmi:

—I sororire deko piusã ḡtḡudoboepokõãka! ãrĩmi.

ĩḡũ irasũ ãrĩmakũ pérã, iri sororire piusã, ḡtḡudoboepokõãma.

<sup>8</sup> ĩḡsã odomakũ, Jesús ãrĩmi:

—Mérõ ãĩsĩã, bosenuḡ siiu irigũre tĩãrã waaka! ãrĩmi.

“Jãḡ” ãrĩ, ãĩãma.

<sup>9</sup> Iri bosenuḡ siiu irigũ Jesús dekoreta igui deko iriadeare masĩbirimi. Tĩãboerã dita irire masĩma. Irasirigũ iri bosenuḡ siiu irigũ irire iirĩñagũ, mojõsḡadire siiu, ãsũ ãrĩmi:

<sup>10</sup> —Gajirã igui deko õãrĩrẽ tĩãdorepḡrorikuma. Pḡḡ ĩḡsã si- iuanerã wãro iirĩãdero pḡḡ, igui deko ubu ããrĩrĩrẽ tĩãdorekuma pama. Mḡ garḡ igui deko õãrĩrẽ duripĩayo ḡḡare tĩãtũnubu, ãrĩmi.



11 Jesús Galilea nikūma makā Caná wāikuri makāgue irire irigu, Marīpu turaro merā iri ĩmurorimi. Īgū irasirimakū ĩārā, gha ĩgū buerā: “Diayeta Marīpu iriudi āārīmi”, āri b̄remub̄.

12 P̄hu Jesús Capernaum wāikuri makāgue waakōāmi. Īgū pago, ĩgū pagupūrā, gha ĩgū buerāde ĩgū merāta waabu. Iri makāgue eja, yoaweyaripoe āārīb̄.

*Jesús Marīpuya wiigie duarimasārē béowiudea  
(Mt 21.12-13; Mr 11.15-18; Lc 19.45-46)*

13 Pascua bosenu mērō d̄yaripoe Jesús Jerusalén wāikuri makāgue waami.

14 Irogue ejagu, Marīpuya wiigie ñajāa, wekua, oveja, buja duarimasārē bokajami. Irasū āārīmakū, niyeru gorawayurimasā ĩgūsāya kūmarī p̄ro doarārē bokajami.

15 Īgūsā irasirimakū ĩāgū, p̄gubu merā tārāridari iri, ĩgūsārē, ĩgūsāyarā ovejare, wekuaare makāgue tārānr̄wiumi. Niyeru gorawayurimasārē ĩgūsāya niyeru kūmarīrē túmeép̄sirimi.

16 Irasiri odo, buja duarimasārē āsū ārīmi:

—Īsārē āiwiriaka! Ȳpuya wiire doebiri duari wii iribirikōāka! ārīmi Jesús.

17 Īgū irasū ārīmakū pérā, gha ĩgū buerā Marīpuya werenírī gojadea p̄gue āsū ārī gojadeare gūñabokabu:

Ȳ Op̄, m̄ya wiire b̄ro maīa. Īgūsā iri wiire ñerō irimakū ĩāgū, b̄ro b̄jawereri merā āārā, ārī gojasūdero āārīb̄.✱

18 Judío masaka oparā Jesús irasirimakū ĩārā, ĩgūrē sērēñama:

—¿Nasirigu ĩgūsārē béowiuari? Marīpu irire m̄rē iridoremakū, ĩgū turari merā iri ĩmuka, gha masīma oārō! ārīma.

19 Jesús ĩgūsārē ārīmi:

—I wiire m̄sā béomakū, uren̄ merāta ȳ dupaturi odonúḡkoa doja, ārīmi.

20 Īgū irasū ārīmakū pérā, ārīma:

—I wiire irirā, cuarenta y seis bojorigora irima. ¿Nasiribu m̄ gapu uren̄ merāta odobukuri?

21 Jesús iri wiire weregu, ĩgūya d̄pu gapure weregu irimi.

22 Jesús boa, masādero p̄ru, gha ĩgū buerā ĩgū irasū ārīdeare gūñā, pémasīb̄. Irasirirā Marīpuya werenírī gojadea p̄gue ĩgūrē gojadeare, ĩgū weredeade: “I diayeta āārīyo”, āri b̄remub̄.

*Jesús āārīpererā masaka gūñarīrē ĩāmasīdea*

23 Pascua bosenu āārīmakū, Jesús Jerusalēgue āārīmí. Masaka ĩgū Marīpu turari merā iri ĩmumakū ĩārā, wārā: “Marīpu iriudi āārīmi”, āri b̄remuma.

✱ 2:17 Sal 69.9

24 Īgūsā irasū buremukeremakū, Jesús gapu āārīpererā Īgūsā gūñarīrē ĩāmasīkōāmi. Irasirigu Īgūsārē: “Yure gūñaturari merā buremunīkōārākuma”, ārī ĩābirimi.

25 Masaka gūñarīrē ōārō ĩāmasīgū āārīsīā: “¿Naásū gūñarī Īgūsā?” ārī sērēñabirikeregu, ĩāmasīmi.

### 3

#### *Nicodemo Jesús merā werenídea*

1 Sugū judío masaka oparā merā fariseo bumū Nicodemo wāīkugū āārīmi.

2 Su ñami Jesúre ĩāgū ejayupu. Īgū pūroque eja, Īgūrē ārīyupu: —Buegu, Marīpu mū merā āārīmi. Irasirigu Īgū turari merā mū iri ĩmumasīa. Mū iri ĩmurīrē ĩārā, guā masīa. Marīpu mūrē iriudi āārīmi guare buedoregu, ārīyupu.

3 Īgū irasū ārīmakū pégu, Jesús Īgūrē ārīyupu: —Diayeta mūrē werea. Sugū masakū dupaturi deyoagu irirosū āārīgú dita Marīpu Īgūyarārē dorerogue waamasīmi, ārīyupu.

4 Īgū irasū ārīmakū pégu, Nicodemo Jesúre sērēñayupu: —¿Nasiri irasū waabukuri? Sugū masakū buguroque dupaturi deyoabu, Īgū pagoya patoreguere ñajāmasībirikumi, ārīyupu.

5 Jesús Īgūrē yujuyupu: —Diayeta mūrē werea. Sugū masakū deko merā, Ōāgū deyomarīgū merā deyoagu dita Marīpu Īgūyarārē dorerogue waamasīmi.

6 Masaka pūrākumakū, Īgūsā pūrā masakata āārīma. Ōāgū deyomarīgū Īgū merā deyoarā gapure Marīpu pūrā āārīmakū yāmi.

7 Irasirigu mū: “Āārīpererā dupaturi deyoarā irirosū āārīrō gāāmea”, ārīrīrē pégu, pégukabirikōāka!

8 Mirū noó gāāmerō wējāpuwāgāa. Iri busurire péa. Irire pékererā, sōō merā aara, iro waaró yāa, ārī masīña máa. Irasūta āārā, Ōāgū deyomarīgū Īgū merā deyoarārē Marīpu pūrā āārīmakū iriri āsū waaró yāa, ārī masīña máa, ārīyupu Jesús.

9 Īgū irasū ārīmakū pégu, Nicodemo āsū ārī sērēñayupu Jesúre doja:

—¿Nasiri irasū āārībukuri? ārīyupu.

10 Jesús Īgūrē yujuyupu:

—¿Mū Israel bumarārē Marīpuyare buegu āārīkeregu, ire masīberi?

11 Diayeta mūrē werea. Guā masīrīrē, guā ĩādeare musārē werea. Musā gapu irire buremubea.

12 Y<sub>u</sub> i ũm<sub>u</sub>ma ubu ããrĩrĩrē weremakū mañurē b<sub>u</sub>remubea. ¿Nasirimurã ũm<sub>u</sub>gasimarē y<sub>u</sub> wereri gap<sub>u</sub>re b<sub>u</sub>remubukuri?

13 'Neõ sug<sub>u</sub> masak<sub>u</sub> ũm<sub>u</sub>gasiguere m<sub>u</sub>rĩã, p<sub>u</sub>r<sub>u</sub> dijaridi mámi. Y<sub>u</sub> sug<sub>u</sub>ta ããrĩpererã tĩg<sub>u</sub> ũm<sub>u</sub>gasigue ããrĩdi õõ i ũm<sub>u</sub>gue dijaribu.

14 'Iripoegue masaka marĩrõgue Moisés kõme merã ãña keori irideare yuk<sub>u</sub>gue ãisiu, ãiwãg<sub>u</sub>núdi ããrĩmí. I ãña keorire yuk<sub>u</sub>gue ãisiu, ãiwãg<sub>u</sub>núderos<sub>u</sub> masaka y<sub>u</sub>re ããrĩpererã tĩg<sub>u</sub>rē curusague pábiatú, ãiwãg<sub>u</sub>núrākuma.

15 Irasirirã ããrĩpererã y<sub>u</sub>re b<sub>u</sub>remurãno perebiri peamegue waabirikuma. ũm<sub>u</sub>gasigue perebiri okari gap<sub>u</sub>re oparākuma.

*Jesús Nicodemorē: “Marĩp<sub>u</sub> i ũm<sub>u</sub> marãrē b<sub>u</sub>ro maĩmi”, ãrĩ weredea*

16 'Marĩp<sub>u</sub> i ũm<sub>u</sub> marãrē b<sub>u</sub>ro maĩsĩã, ĩg<sub>u</sub> mag<sub>u</sub> sug<sub>u</sub> ããrĩg<sub>u</sub>rē iriudi ããrĩmí. ĩg<sub>u</sub>rē b<sub>u</sub>remurãno perebiri peamegue waabirikuma. ũm<sub>u</sub>gasigue Marĩp<sub>u</sub> merã perebiri okari gap<sub>u</sub>re oparākuma.

17 Marĩp<sub>u</sub> ĩg<sub>u</sub> mag<sub>u</sub>rē masakare peamegue waabonerãrē taudoreg<sub>u</sub> i ũm<sub>u</sub>guere ĩg<sub>u</sub>rē iriudi ããrĩmí. Masakare wajamoãdoreg<sub>u</sub> meta i ũm<sub>u</sub>guere ĩg<sub>u</sub>rē iriudi ããrĩmí.

18 'Marĩp<sub>u</sub> ĩg<sub>u</sub> mag<sub>u</sub>rē b<sub>u</sub>remurãrē neõ wajamoãbirikumi. ĩg<sub>u</sub>rē b<sub>u</sub>remumerã gap<sub>u</sub>re: “Wajamoãg<sub>u</sub>ra”, ãrĩ weresiãmi. ĩg<sub>u</sub> mag<sub>u</sub>rē sug<sub>u</sub>ta ããrĩg<sub>u</sub>rē b<sub>u</sub>remubirideã waja ĩg<sub>u</sub>sãrē wajamoãg<sub>u</sub>kumi.

19 Marĩp<sub>u</sub> mag<sub>u</sub> i ũm<sub>u</sub>guere aarimí, masakare Marĩp<sub>u</sub>re masĩmak<sub>u</sub> iribu. Irasirig<sub>u</sub> ĩg<sub>u</sub>sãrē sĩãgori sĩg<sub>u</sub> ããrĩmí. ĩg<sub>u</sub>rē b<sub>u</sub>remumerã gap<sub>u</sub> ĩg<sub>u</sub>rē gããmebema. ĩg<sub>u</sub>sã ñerĩ iriri gap<sub>u</sub>re b<sub>u</sub>ro gããmema. Irasirirã boyorogue ããrĩmerã, naĩtĩãrõgue ããrĩduarã iriros<sub>u</sub> ããrĩma. Irasirig<sub>u</sub> Marĩp<sub>u</sub> ĩg<sub>u</sub>sãrē wajamoãg<sub>u</sub>kumi.

20 ããrĩpererã ñerõ irirã Marĩp<sub>u</sub> mag<sub>u</sub>rē gããmebema. Boyorogue ããrĩduamerã iriros<sub>u</sub> ããrĩma, gajirã ĩg<sub>u</sub>sã ñerõ iririre masĩbirikõãburo, ãrĩrã.

21 Marĩp<sub>u</sub>yare keoro irirã gap<sub>u</sub> ĩg<sub>u</sub> mag<sub>u</sub>rē gããmema. Boyorogue ããrĩduarã iriros<sub>u</sub> ããrĩma, gajirã ĩg<sub>u</sub>sã õãrĩrē irimak<sub>u</sub> ĩãrã: “Marĩp<sub>u</sub> ĩg<sub>u</sub>sãrē iritamumi”, ãrĩ masĩburo, ãrĩrã, ãrĩ wereyup<sub>u</sub> Jesús.

*Juan masakare wãiyerimas<sub>u</sub> Jesúyare weredea*

22 P<sub>u</sub>r<sub>u</sub> Jesús g<sub>u</sub>are ĩg<sub>u</sub> buerãrē Judea nik<sub>u</sub>gue siiuwãgãmi. Iroge eja, iro marã merã yoaweyaripoe ããrĩ, ĩg<sub>u</sub>sãrē wãiyerã iribu.

23 Juãde masakare Enón wãik<sub>u</sub>ri makãgue wãiyeyup<sub>u</sub>. Enón, Salim wãik<sub>u</sub>ri makã p<sub>u</sub>ro ããrĩbú. Iroge dia wãdiya ããrĩbú. Irasirirã masaka ĩg<sub>u</sub> p<sub>u</sub>roge wãiyedorerã waanañurã.

24 Gajirã ĩgũrẽ peresu iriburi dupiyuro ããrĩyuro.

25 Iripoere surãyeri Juan buerã sugũ judío masakũ merã ĩgũsã koerikũri merã guaseopũroriĩũrã.

26 Pũrũ Juan pũrogue waa, ĩgũrẽ ãsũ ãrĩ wereĩũrã:

—Buegũ, dia Jordán wãikũdiya gaji koepũgue mũ merã ããrĩdi, gũare mũ weredi, dapagorare masakare wãiyegũ iriami. ããrĩpererã ĩgũ pũrogue waarã iriama, ãrĩĩũrã.

27 ĩgũsã irasũ ãrĩmakũ pégu, Juan ãrĩyupũ:

—Sugũ masakũ Marĩpũ turari merã òãrĩrẽ iriri, Marĩpũ ĩgũrẽ pídea ããrã.

28 Mũsã yũ weredeare pébũ. “Marĩpũ iriudi Cristo ããrĩbea yũ”, ãrĩbũ. Yũ Cristo ããrĩbirikeremakũ, Marĩpũ gapũ Cristo aariburi dupiyuro yũre ĩgũyare weredupiyudoregũ iriumi.

29 ãsũ ããrã. Sugũ mojõsũamakũ, nomeõ ĩgũ merã ããrĩgõ waakumo. ĩgũ merãmũ, mojõsũamakũ ĩãgũ, ĩgũ werenĩmakũ pégu, bũro usũyakumi. Irasirigũ mojõsũadi merãmũ usũyaderosũta masaka Cristo merã waamakũ ĩãgũ, yũde usũyari opataria.

30 Masaka Cristore tũyaro gããmea. Yũ gapũre tũyaduúkõãrõ gããmea, ãrĩyupũ Juan.

*Jesucristo ãmũgasigue merã dijaridi ããrĩmi, ãrĩ werede*

31 Irasũ ãrĩ odo, Juan ãsũ ãrĩnemoyupũ doja:

—Ëmũgasigue merã dijaridi ããrĩpererã nemorõ masĩgũ ããrĩmi. Sugũ masakũ i ãmũmũ, i ãmũmarẽ werenĩkumi. Ëmũgasigue merã dijaridi gapũ ããrĩpererã nemorõ masĩgũ ããrĩmi.

32 ĩgũ ĩãdeare, ĩgũ pédeare weremi. ĩgũ irire werekeremakũ, neõ sugũ ĩgũ wererire bũremubemi.

33 ĩgũ wererire bũremurã gapũ: “Marĩpũ diaye ããrĩĩmarẽ ãrĩkatori marĩrõ ãrĩgũ ããrĩmi”, ãrĩ ĩmuma.

34 Marĩpũ Cristore ĩgũ iriudire Òãgũ deyomarĩgũrẽ opatarimakũ iridi ããrĩmĩ. Irasirigũ Cristo Marĩpũya werenĩrĩrẽ weremi.

35 Marĩpũ ĩgũ magũ Cristore bũro maĩmi. Irasirigũ ĩgũrẽ ããrĩpereri, ããrĩpererãrẽ doregũ ããrĩmakũ iridi ããrĩmĩ.

36 Marĩpũ magũrẽ bũremurã ãmũgasigue ĩgũ merã perebiri okarire opama. ĩgũ magũrẽ bũremudũamerã gapũ iri okarire neõ opabirikuma. Marĩpũ ĩgũsãrẽ bũro wajamoãgũkumi, ãrĩyupũ Juan.

## 4

*Jesús Samaria nikũmo merã werenĩdea*

1 Jesús buerã, Juan buerã nemorõ wárã ããrĩrĩ kerere, Jesús, Juan nemorõ masakare wãiyeri kerere, fariseo bumarã péñurã.

2 Ìgüsã iri kerere pékeremakũ, Jesús gapu ìgũ basi masakare wãiyebirimi. Gua ìgũ buerã gapu ìgüsãrẽ wãiyebu.

3 Fariseo bumarã iri kerere péadeare masìgũ, Jesús Judea nikũgue ããrãdi, Galilea nikũ gapu guare siiu, goedujáami.

4 Galileague goedujáagu, Samaria nikũgue tariwãgãmi.

5 Iro tariwãgãgũ, iri nikũma makã Sicar wãikuri makãgue ejami. Iri makã, Jacob iripoeguemu ìgũ magũ Josere sídea nikũ puro ããrĩbú.

6 Iroguere deko gobe Jacob iridea gobe ããrĩbú. Jesús yoaro aaradi, garibore, iri gobe puro síñajã eja doami. Goeripoe ejaburi dupiyuro ããrĩbú.

7-8 Ìgũ iroguere doaripoeta gua ìgũ buerã makãgue baari wajarirã waabu. Gua waadero puru, iri gobeguere sugo nomeõ Samariumo deko wágo ejayupo.

Igo iroguere ejamakũ ìãgũ, Jesús igore ãrĩyupu:

—Yure deko tíãka!

9 Ìgũ irasũ ãrĩmakũ pégo, ìgũrẽ ãrĩyupo:

—¿Nasirigu mu judío masakũ ããrĩkeregu, yure Samariamorẽ: “Deko tíãka!” ãrĩ sëreri? ãrĩyupo. Iripoere judío masaka Samaria marã merã neõ gãmesuribirima. Irasirigo irasũ ãrĩyupo ìgũrẽ.

10 Igo irasũ ãrĩmakũ, Jesús ãrĩyupu:

—Mu Marĩpu masakare sírĩrẽ masìgõ, yudere masìgõ, yure: “Okari sírĩ dekore síka\*!” ãrĩ sërẽboakuyo. Mu sërẽmakũ, yu iri dekore síboakuyo, ãrĩyupu.

11 Ìgũ irasũ ãrĩmakũ, ìgũrẽ ãrĩyupo doja:

—Mu deko ãiburi sorore opabea, i gobe ùkũãgoráa. ¿Noógue mu i okari sírĩ deko bokagukuri?

12 Iripoegue marĩ ñekũ Jacob i gobema dekore iirídi ããrĩmí. Ìgũ pũrã, ìgũyarã ejorãde iirínerã ããrĩmá. Ìgũ marĩrẽ i gobere pídi ããrĩmí. ¿Mu gapu ìgũ nemorõ masìgũ ããrĩrĩ? ãrĩyupo.

13 Jesús igore yujuyupu:

—Ããrĩpererã i gobema deko iirírã, dupaturi ñemesiburi oparãkuma.

14 Yu síburi gapure iirírã, neõ ñemesiburi opabirikuma. Ìgüsãrẽ ìgüsãya yujupũrãrĩguere deko ùmayoro irirosũ ããrĩrokoa. Irasirirã i merã perebiri okari oparãkuma, ãrĩyupu.

\* 4:10 Jn 11.25: Jesús ãrĩmi: —Yu boanerãrẽ masãmakũ irigu, ìgüsãrẽ okari sígũ ããrã. Yure buremugũ boadigue ããrĩkeregu, okagukumi. Jn 14.6: Jesús ãrĩmi: —Yu dita Yupu purogue waarĩ maa irirosũ ããrã. Yu diayema ããrĩrĩrẽ masakare masĩmakũ irigu, ìgüsãrẽ okamakũ irigu ããrã. Yu merãta Yupu purogue waarãkuma.

15 Īgũ irasũ ārĩmakũ pégo, Īgũrẽ ārĩyupo:

—Iri dekore sika yure! Mũ yure sĩmakũ, yũ neõ dupaturi ñemesiburi opabirikoa. Irasũ āārĩmakũ, i gobeguere neõ dupaturi deko wágo aaribirikoa pama, ārĩyupo.

16 Jesús igore ārĩyupũ:

—Mũ marāpũre siiugo waaka! Īgũrẽ siiu, õõgue ĩgũ merā dupaturi aarika! ārĩyupũ.

17 Igo ĩgũrẽ yujyupũ:

—Yũ, marāpũ marĩgõ āārã.

Jesús igore ārĩyupũ:

—Mũ yũre: “Marāpũ marĩgõ āārã”, ārĩgõ, diayeta yujya.

18 Mũ su mojómarã ũma merā marāpũkũsiadibũ. Dapagora mũ merā āārĩgũ mũ marāpũ diaye āārĩbemi, mũ ĩgũrẽ neõ mojósubiribũ. Irasiriro mũ yujari diayeta āārã.

19 Īgũ irasũ ārĩmakũ pégo, ārĩyupo:

—“Mũ Marĩpũya kerere weredupiyurimasũ āārĩkoa”, ārĩ gũñáa yũ.

20 Gũa ñekũsāmarã Samaria marã sigũ ũtāũgue Marĩpũre bũremunerã āārĩmá. Mũsã judío masaka gapũ gũare: “Jerusalēgue Marĩpũre bũremurõ āārã. Irogue Marĩpũre bũremurã waaka!” ārã gũare mũsã, ārĩyupo.

21 Igo irasũ ārĩmakũ pégu, Jesús āsũ ārĩyupũ:

—Yũ werenĩrĩrẽ péka! Pũrũgue mũsã i ũtāũguere, Jerusalēguedere Marĩpũre bũremurã waabirikoa. Mũsã irasiriburo mérõgã dũyáa.

22 Mũsã Samaria marã mũsã bũremugũrẽ masĩbea. Gũa judío masaka gapũ gũa bũremugũrẽ õārõ masĩa. Īgũ masakare taubu judío masakũ āārĩmi.

23 Marĩpũre diayeta bũremurã ĩgũsāya yujpũrārĩgue bũremurākuma. Marĩpũ ĩgũrẽ bũremurārẽ āsũta bũremurõ gāāmemi. Īgũrẽ āsũ bũremuripoe ejaro, dapagorare ejasiáa.

24 Marĩpũ deyomarĩgũ āārĩmi. Irasirigu ĩgũrẽ bũremurāya yujpũrārĩgue āārĩmi. Irasirirã ĩgũsāya yujpũrārĩgue diayeta ĩgũrẽ bũremurõ gāāmea ĩgũsārẽ, ārĩyupũ.

25 Īgũ irasũ ārĩmakũ, ĩgũrẽ ārĩyupo:

—Yũ masĩa. Mesías, Marĩpũ iriudi Cristo aarigũkumi. Īgũ aarigũ, marĩrẽ āārĩpererire weregũkumi, ārĩyupo.

26 Igo irasũ ārĩmakũ pégu, āsũ ārĩ deyoromuyupũ:

—Yũ mũ merā werenĩgũ Marĩpũ iriudita āārã, ārĩyupũ Jesús.

27 Īgũsã irasũ weretamuripoe gũa baari wajarirã ejanerã Jesús pũrogue goedujabũ. Īgũ sugo nomeõ Samariamo merā werenĩmakũ ĩārã, ĩāgũkakõābũ. Īgũrẽ neõ: “¿Ñeénorẽ gāāmeari? o ¿ñeénomarẽ igo merā werenĩari?” ārĩ sērẽñabiribũ Jesúre.

28 Puru nomeõ igo deko wárisorore irota béodobokõã, makãgue waakõãmo. Iroque ejago, masakare wereyupo:

29 —Náka, mʉsãde iãrã aarika! Sõõ sugʉ ãmũũ ããrãmi. Ĩgũ ããrĩpereri yʉ irideare masĩpeokõãmi, irire werepeokõãmi yʉre. ¿Ĩgũ Cristo, Marĩpu iriudi ããrĩkuri? ãrĩyupo igoya makã marãrẽ.

30 Igo irasũ ãrĩmakũ pérã, Jesús puoguo ĩgũrẽ iãrã waañurã.

31 Ĩgũsã ĩgũ puo aariburi dupiyuro gʉa ĩgũrẽ ãrĩbʉ:

—Buegʉ, gʉa mʉrẽ ãriadea baarire baaka! ãrĩ sĩadibʉ.

32 Jesús gapʉ gʉare ãrĩmi:

—Yʉ baari opáa, irire mʉsã masĩbea.

33 Ĩgũ irasũ ãrĩmakũ pérã, gʉa basi ãsũ ãrĩ gãme sêrẽñapʉroribʉ:

—¿Gajipoe irirã gajirã ĩgũrẽ baari ejoayuri? ãrĩbʉ.

34 Jesús gapʉ gʉare ãrĩmi:

—Yʉre iriudi gãamerĩrẽ irigʉ, ĩgũ yʉre moãdoredeare iriyuwarikʉgʉ, baayapigʉ irirosũ ããrã.

35 Mʉsã ãsũ ãrã: “Wapikurã abe dʉyáa, ĩgũsã otedea dʉka sĩburo”. Yʉ gapʉ mʉsãrẽ ãsũ ãrã: “Ĩgũsã otederore iãka! Dʉka borerire searipoe ejasiáa”.

36 Sugʉ otedea dʉkare searimasũ ĩgũ moãdea wajare wajatami. Marĩpuya werenĩrĩrẽ weregʉ ĩgũ irirosũ ããrĩmi. Ĩgũ wererire pérã, yʉre bʉremuma. Irasirirã ãmʉgasigue perebiri okarire oparãkuma. Ĩgũsã, ĩgũ otedea dʉka seari irirosũ ããrĩma. Irasirirã oterimasũ, ĩgũ otedea dʉkare searimasũ irirosũ ããrĩrã, ʉsʉyama, masaka yʉre bʉremumakũ iãrã.

37 Masaka ãsũ ãrĩ werewʉakuma: “Sugʉ masakʉ otekumi. Puru gajigʉ i otedea dʉkare seakumi”, ãrĩkuma. Ĩgũsã irasũ ãrĩ werewʉadea diayeta ããrã.

38 Iripoegue Marĩpuya werenĩrĩrẽ weredupiyunerã oterimasã irirosũ ããrĩnerã ããrĩmã. Dapagora yʉ mʉsãrẽ iriua. Mʉsã ĩgũsã iripoegue otedea dʉkare searimasã irirosũ ããrã. Irasirirã ĩgũsã moãdea wajare mʉsã wajatarã irirosũ ããrã. Ĩgũsã moãderoguere moãwekabejarã irirosũ irirã yáa, ãrĩmi Jesús.

39 Samariamo makãgue ejadero puru: “Sõõ ããrãdi ããrĩpereri yʉ irideare masĩpeokõãmi”, ãrĩmakũ pérã, wãrã iri makã marã Jesúre bʉremuñurã.

40 Irasirirã Jesús puo aarirã, ĩgũrẽ: “Gʉa merã dujaka!” ãrĩ sêrẽma. Ĩgũsã irasũ ãrĩmakũ pégu, Jesús ĩgũsã merã penũ dujami.

41 Ĩgũ wererire pérã, gajirãde wãrã ĩgũrẽ bʉremuma.

42 Irasirirã nomeõrẽ ãrĩma:

—Gʉa mʉ wereadea ditare pérã, Jesúre bʉremuadabʉ. Dapagora tamerãrẽ gʉa basi ĩgũ wererire pésĩã, ĩgũrẽ bʉremua.

G<sub>na</sub> masĩa. Īgũ diayeta Marĩpu iriudi, i ũmu marārē peamegue waabonerārē taugu āārĩmi, ārĩma.

*Jesús Galilea nikũ marã opu dokamu magūrē taudea*

43 Jesús pen<sub>u</sub> Samariague āārādi, Galilea nikũgue waami.

44 Iro dupiyuro Jesús āsũ ārĩdi āārĩmĩ: “Marĩpuya kerere weredupiyugure ĩgũya nikũ marã ĩgūrē b<sub>u</sub>remubema”, ārĩdi āārĩmĩ.

45 Galileague ejamakũ, iro marã ĩgūrē õārõ bokatĩrĩneãma. Iro dupiyuro ĩgũsãde Jerusalēgue pascua bosenu ĩārã ejanerã āārĩmã. Irasirirã āārĩpereri Jesús iroque irideare ĩānerã āārĩmã.

46 Jesús Galileague ejadero pu<sub>u</sub>, Caná wāĩkuri makāgue ĩgũ dekoreta igui deko iridea makāgue goemi. Iri makāguere sug<sub>u</sub> Galilea marã opu dokamu āārĩmĩ. Īgũ magũ Capernaum wāĩkuri makāgue āārĩgũ, pũrĩrikug<sub>u</sub> iriyupu.

47 Irasirig<sub>u</sub> opu dokamu, Jesús Judeague āārādi ĩgũ Galileague ejari kerere pégu, Jesús pu<sub>o</sub> aarimĩ. Āsũ ārĩ sērēmi ĩgūrē:

—Y<sub>u</sub> magũ boabu iriami. Īgūrē taubosagu aarika! ārĩmi.

48 Īgũ irasũ ārĩmakũ pégu, Jesús ārĩmi:

—Marĩpu turari merã y<sub>u</sub> iri ĩmurĩrē ĩābirikererã, neõ y<sub>u</sub>re b<sub>u</sub>remubea musã, ārĩmi.

49 Opu dokamu gap<sub>u</sub> Jesúre ārĩmi:

—G<sub>na</sub> Opu, y<sub>u</sub> magũ boaburo dupiyuro aarika!

50 Jesús ĩgūrē ārĩmi:

—M<sub>u</sub>ya wiig<sub>u</sub> dujáaka! M<sub>u</sub> magũ okagukumi, ārĩmi.

Opu dokamu, ĩgũ irasũ ārĩrĩrē pégu, b<sub>u</sub>remurĩ merã ĩgũya wiig<sub>u</sub> dujáakõãmi.

51 Īgũya wiig<sub>u</sub> ejawāgāriripoe ĩgūrē moãboerã bokatĩrĩ wereñurã:

—M<sub>u</sub> magũ okami, ārĩñurã.

52 Īgũsã irire ārĩmakũ pégu: “¿Naásũ āārĩmakũ õārĩ?” ārĩ sērēñayupu. Īgũsã ĩgūrē ārĩñurã:

—Ñamika goeripoe pu<sub>u</sub>gāta nimakuri tariabu ĩgūrē, ārĩñurã.

53 Irasũ ārĩmakũ pégu, ĩgũ pag<sub>u</sub> ārĩyupu: “Jesús y<sub>u</sub>re: ‘M<sub>u</sub> magũ okagukumi’, ārĩ wereripoeta nimakuri tariakuyo”, ārĩyupu. Irasirig<sub>u</sub>, āārĩpererã ĩgũya wii marã merã Jesúre b<sub>u</sub>remuyupu.

54 Jesús Judea āārādi dupaturi Galileague ejadero pu<sub>u</sub>, opu dokamu magūrē ĩgũ tauadea merã Caná wāĩkuri makāgue pea Marĩpu turari merã iri ĩmumi.

## 5

*Jesús dupu buadire taudea*

1 Pu<sub>u</sub> Jesús Jerusalēgue judío masaka bosenu ĩāgũ waami.



<sup>2</sup> Iri makã turo sãrĩrõgue su makãpuro “Oveja” wãikuri makãpuro puro wári gobe deko gobe ìgũsã iridea gobe ããrĩbã. Iri gobe hebreo ya merã “Betzata” wãikuba. Iri gobe turoguere su mojõma taridupabu tiaña marĩĩ ããrĩbã.

<sup>3-4</sup> Iri taridupabugue wãrã masaka pũrĩrikurã oyama. Koye ããmerã, waamasĩmerã, guburi buasũnerã ããrĩmã. Gajipoere Marĩpũre wereboegu iri gobegue dijajanayupu. Irogue dija-jagu, dekore gãmeñamakũ irinayupu. Ìgũ irasiriadero puru, iri gobegue buañajãpuroriguno ìgũ sĩrĩrĩrẽ tarisũnayupu. Irasirirã deko gãmeñaburire yũrã irogue oyama.

<sup>5</sup> Irogue sugu duru buadi oyami. Ìgũ treinta y ocho bojorig-ora pũrĩrikugu ããrĩyupu.

<sup>6</sup> Jesús iri gobe turo tariwãgãgũ, ñi buadi oyagure ããmi. “Yoaripoe pũrĩrikugu ããrĩmi”, ãrĩ masĩkõami. Irasirigu ìgũrẽ ãsũ ãrĩ sãrẽñami:

—¿Mu pũrĩrikurire taumakũ gããmerĩ? ãrĩmi.

<sup>7</sup> Ìgũ Jesũre yujumi:

—Yũ Opũ, sugu yũre iritamugũ neõ mámi. Deko gãmeñamakũ, yu iri gobe ñajãdũamakũ, gajirã yu dupiyuro ñajãpurorinama, ããrĩmi.

<sup>8</sup> Jesús ìgũrẽ ãrĩmi:

—Wãgãnuãgãka! Mu oyarore ããaka! ãrĩmi.

<sup>9</sup> Irasũ ãrĩmakũta, ìgũ pũrĩrikuri taribu. Irasirigu wãgãnuãgã, ìgũ oyarore tuútũrã, ããkõami. Jesús ìgũrẽ tauadeanu judío masaka siñajãrĩnu\* ããrĩbã.

<sup>10</sup> Irasirirã judío masaka oparã Jesús tausũadi ìgũ oyarore ããmakũ ããrã, ìgũrẽ ãrĩñurã:

—Dapagã marĩ siñajãrĩnu ããrã. Mu oyarore kõãgũ, marĩ dorerire tarinuãgãgũ yãa, ãrĩñurã.

<sup>11</sup> Ìgũ ìgũsãrẽ yujuyupu:

—Yũre tauadi: “Mu oyarore ããaka!” ããmi.

<sup>12</sup> Ìgũ irasũ ãrĩmakũ pãrã, ìgũrẽ ãsũ ãrĩ sãrẽñañurã:

—Irire murẽ irasũ ããrãdi, ¿noãno ããrãrĩ?

<sup>13</sup> Jesús buadire tauadero puru, iro ããrĩrã masaka wãrã watopegue waakõami. Irasirigu buadi ããrãdi ìgũrẽ tauadire: “Ìgũta ããrĩmi”, ãrĩ masĩbiriypu.

<sup>14</sup> Puru Jesús Marĩpũya wiigüe ìgũrẽ bokajagu, ããrĩmi:

—Pemasĩka! Dapagorare mu pũrĩrikuri marĩgũ ããrã. Irasirigu ñerĩrẽ irinemobirikõãka! Dupaturi ñerĩrẽ irigu, mu pũrĩrikadero nemorõ ñerõ tarigũkoa, ããrĩmi.

<sup>15</sup> Ìgũ irasũ ããrãdero puru, buadi ããrãdi judío masaka oparã purogue waa, ìgũsãrẽ wereyupu:

—Yũre tauadi Jesús wãikugu ããrĩmi, ãrĩyupu.

\* 5:9 Judío masaka siñajãrĩnu, sábado ããrã.

16 Irire pérã, judío masaka oparã ïgüsã siñajãrĩnu ããrĩmakũ Jesús buadire tauadea waja ïgürẽ ñerõ iripurori, wējẽduadiñurã.

17 ïgüsã ïgürẽ ñerõ iridumamakũ ïãgũ, Jesús ïgüsãrẽ ãrĩmi:

—Yũpu piriro marĩrõ moãgũ yãmi. Yude moãa, ãrĩmi.

18 ïgũ irire ãrĩmakũ pérã, judío masaka oparã dupiyuro ïgürẽ wējẽduadero nemorõ wējẽduadiñurã. ïgüsã siñajãrĩnu ããrĩmakũ buadire ïgũ tauadea waja, ïgũ Marĩpũre: “Yũpu”, ãrĩrĩ waja ïgürẽ irasũ wējẽduadiñurã. “Ïgũ: ‘Yũpu’, ãrĩgũ, ïgũ basi: ‘Yũ Marĩpu suro merã ããrã’, ãrĩgũ yãmi”, ãrĩ gũñañurã.

*Jesús ïgũ Pagũ ïgürẽ dorerosũta ïgũ iririre weredea*

19 Irasirigu Jesús ïgüsãrẽ ãsũ ãrĩ weremi:

—Diayeta musãrẽ werea. Yũ Marĩpu magũ yũ gããmerõ neõ iribeã. Yũpu iririre ïãgũ, iri ditare yãa.

20 Yũpu yũre ïgũ magürẽ maĩmi. Irasirigu ããrĩpereri ïgũ iririre yũre ïmumi. I dapagorare ïgũ turari merã yũ iridea nemorõ gajire yũre iridoregukumi. ïgũ turari merã irire yũ iri ïmumakũ ïãrã, ïãgũkarãkoa musã.

21 Yũpu boanerãrẽ masũ, okari sĩrõsũta yũde yũ okari sĩduarãrẽ sĩgũkoa.

22 Yũpu masaka ñerõ iridea waja ïgüsãrẽ wajamoãbemi. Yũ gapũre ããrĩpereri ïgũ turarire pími, ïgüsãrẽ wajamoãbure.

23 ããrĩpererã ïgürẽ buremurõsũta yũdere buremuburo, ãrĩgũ, yũre irasiridoremi. Yũre ïgũ magürẽ buremumerã Yũpũdere buremubema. ïgũ yũre iriudi ããrĩmi.

24 Diayeta musãrẽ werea. Yũ werenĩrĩrẽ pérã, yũre iriudire buremurã, ãmũgasigue Yũpu merã perebiri okari opama. Wajamoãsũbirikuma. ïgüsã perebiri peamegue waabonerã tarisiamã.

25 Diayeta musãrẽ werea. Peamegue waabonerã yũ Marĩpu magũ werenĩmakũ pãripoe dapagorare ejasiãa. Yũ wererire pérã, yũre buremurã Marĩpu merã okarãkuma.

26 Yũpu masakare okari sĩgũ ããrĩmi. Irasirigu yũ ïgũ magürẽ ïgũ irirosũta ïgüsãrẽ okari sĩmakũ yãmi.

27 Yũ ããrĩpererã tĩgũ ããrã. Irasirigu Yũpu yũre masaka ñerõ iridea waja ïgüsãrẽ wajamoãdoremi.

28 Musã ire pérã, pãgũkabirikõãka! Sunũ boanerã ããrĩpererã yũ werenĩmakũ pãrãkuma.

29 ïgüsã, yũ werenĩmakũ pãrã, masãgoberigue ããrĩnerã masã, wiripereakõãrãkuma. Õãrĩrẽ irinerã masãrãkuma, ãmũgasigue perebiri okari opamurã. Ñerĩ irinerã gapũ masãrãkuma, perebiri peamegue wajamoãsũmurã.

*Jesús ïgũyamarẽ werenemodea*

30 Y<sub>H</sub> gāāmerō neō irimasībea. Y<sub>H</sub>pu y<sub>u</sub>re iriudi gāāmerīrē, ĩgū y<sub>u</sub>re masakare wajamoōdorerōsūta yāa. Irasirigu ĩgūsārē wajamoōgū diayeta yāa.

31 Y<sub>H</sub> basi: “Y<sub>H</sub> Marīpu magū ĩgū iriudi āārā”, ārī weremakū: “M<sub>H</sub> werenírī neō diaye āārībea”, ārībukoa m<sub>H</sub>sā.

32 Gajigu āārīmi yaamarē weregu. ĩgū Y<sub>H</sub>pu āārīmi. ĩgū yaamarē wereri diayeta āārā. Irire y<sub>H</sub> oārō masīa.

33 M<sub>H</sub>sā gajirārē Juārē masakare wāīyerimasūrē yaamarē sērēñadorerā iriubu. ĩgūde yaamarē diayeta weremi.

34 Y<sub>H</sub> gapu sug<sub>H</sub> masakare y<sub>u</sub>re: “Marīpu iriudi āārīmí”, ārī werebure neō āmabea. Irasū āmabirikeregu, Juan yaamarē weredeare: “Diayeta āārā”, ārī werea, m<sub>H</sub>sā y<sub>u</sub>re b<sub>u</sub>remu, peamegue waabirikōāburo, ārīgū.

35 Juan m<sub>H</sub>sārē sīāgodiru irirosū āārīmí. ĩgū wereri sīāgodiru ājūgoro irirosū āārībú. ĩgū wererire pérā, yoaweyaripoe m<sub>H</sub>sā us<sub>H</sub>yadibu.

36 Juan weredeāa nemorō y<sub>H</sub> iriri merā y<sub>H</sub> āārīrikurire masīsūa. Y<sub>H</sub>pu turari merā ĩgū y<sub>u</sub>re iriyuwarikudoredeare irigu yāa. I merā y<sub>u</sub>re ĩgū iriudi āārīrīrē masīsūa.

37 Y<sub>H</sub>pu y<sub>u</sub>re iriudi, yaamarē oārō weremi. ĩgū irasū werekeremakū, ĩgū werenírīrē m<sub>H</sub>sā neō pébea. ĩgū deyorire neō ĩābea.

38 Y<sub>u</sub>re Y<sub>H</sub>pu iriudire m<sub>H</sub>sā neō b<sub>u</sub>remubea. Irasirirā ĩgūya kerere neō péduripībea.

39 Y<sub>H</sub>puya werenírī gojadea pūrē m<sub>H</sub>sā oārō bueníkōāa. “G<sub>H</sub>a i pūrē buerā, Marīpu merā perebiri okarire bokarākoa”, ārī gūñāa m<sub>H</sub>sā. Iri pūguere yaamarēta gojasūdero āārībú.

40 Iri pūguere yaamarē irasū gojasūkeremakū, m<sub>H</sub>sā gapu y<sub>u</sub>re gāāmebea. Irasirirā i okari y<sub>H</sub> sīrīrē opabirikoa.

41 ‘Masakare yaamarē oārō werenímurārē āmabea.

42 Y<sub>H</sub> m<sub>H</sub>sā masaka āārīrikurire masīa. M<sub>H</sub>sā Marīp<sub>u</sub>re maīrā meta āārā.

43 Y<sub>H</sub>pu gāāmerōsūta y<sub>H</sub> aarikeremakū, m<sub>H</sub>sā y<sub>u</sub>re gāāmebea. Gajigu gapu ĩgū basi ĩgū gāāmerō aarimakū, m<sub>H</sub>sā ĩgūrē gāāmerākoa.

44 ¿Nasirirā y<sub>u</sub>re b<sub>u</sub>remubukuri m<sub>H</sub>sā? M<sub>H</sub>sā basi: “Oārō yāa”, ārī gāme werenírīrē gāāmea. Marīpu sug<sub>H</sub> āārīgú m<sub>H</sub>sārē: “Oārō yāa”, ārī werenírī gap<sub>u</sub>re gāāmebea.

45 M<sub>H</sub>sā y<sub>u</sub>re gāāmebiri waja: “ĩgū Pag<sub>u</sub>guere g<sub>u</sub>are weresāg<sub>u</sub>kumi”, ārī gūñabirikōāka! “Moisés dorerire irirā, Marīpu merā oārō āārīrākoa”, ārī gūñakeremakū, Moisés gapu m<sub>H</sub>sārē weresāg<sub>u</sub>kumi.

46 Moisés ĩgū gojadea pūgue yaamarē gojadi āārīmí. Irasirirā ĩgū gojadeare b<sub>u</sub>remurā, y<sub>u</sub>dere b<sub>u</sub>remuboayo m<sub>H</sub>sā.

47 Moisés gojadeare musã buremumerã, ¿nasirirã yu wereri gapure buremubukuri? ārĩmi Jesús.

## 6

*Jesús cinco mil ámarē baari ejodea  
(Mt 14.13-21; Mr 6.30-44; Lc 9.10-17)*

1 Jesús Jerusalēgue dupu buadire taudero puru, gna ĩgũ buerã ĩgũ merã Galilea wāĩkuri ditaru gaji koepugue taribujabu. Iri ditaruta “Tiberias” wāĩkubu.

2 Masaka Jesús ĩgũ turari merã pūrĩrikarārē taumakũ ĩāsĩã, wárã ĩgũrē tnyama.

3 Ditaru gaji koepugue ĩgũ ejadero puru, gna merã útãugue mnrĩa, doami.

4 Irĩnu judío masaka bosenu, pascua bosenu ejaburo mérõgã duyabu.

5 Jesús wárã masaka ĩgũ puru aarimakũ ĩãgũ, Filipere sērēñami:

—¿Noõgue marĩ ĩĩsã masaka āārĩpererã baaburire wajarirākuri? ārĩmi.

6 Jesús ĩgũ basi ĩgũ iriburire masĩkeregu: “Felipe yure, ¿naásũ yujugukuri?” ārĩgũ, irasũ ārĩmi.

7 Felipe ĩgũrē yujumi:

—Marĩ dosciento nurĩ moãdea waja wajataropa pã duparu wajari, masakare marĩ gueremakũ, neõ ejabirikoa, ārĩmi.

8 ĩgũ irasũ ārĩmakũ pégu, gna merãmu Andrés, Simón Pedro pagumu Jesúre ārĩmi:

9 —Õõ ĩĩ majĩgũ su mojõma pã duparu, pērã waaĩ opami. Masaka gapu wárãgora āārĩma. Irasiro ĩgũsārē baari neõ ejabirikoa.

10 ĩgũ irasũ ārĩmakũ pégu, Jesús guare ĩgũ buerārē ārĩmi:

—Masakare āārĩpererārē doadoreka! ārĩmi.

Iro õārõ tákuro āārĩbú. Irasirirã iri weka doama. Ūma ditare keomakũ, cinco mil gora āārĩmã.

11 ĩgũsã eja doaperemakũ ĩãgũ, Jesús pã duparure āĩ, Marĩpũre: “Õãã”, ārĩ, usuyari sĩmi. Irasiri odo, guare āārĩpererã iro doarārē irire gueredoremi. Waaĩdere gueredoremi. Irasirirã āārĩpererārē ĩgũsã baaduaropa guereyobu.

12 ĩgũsã yapimakũ ĩãgũ, Jesús guare ĩgũ buerārē ārĩmi:

—ĩgũsã baaduarire seaka! Ubugorata kōmobukoa, ārĩmi.

13 Su mojõma pã duparure masaka baadúadeare seasārã, pe mojõma pere su gubu peru pērēbejari puuirigora utudobobu.

14 Masaka Jesús Marĩpu turari merã ĩgũsārē baari sĩmakũ ĩārã, ásũ ārĩma:

—Diyeta āārã. “Ī Marĩpũya kerere weredupiyurimasũ i umugue aaribu āārãyupu”, ĩgũsã ārĩdita āārĩmi.

15 Irasirirã Jesúre turaro merã ãña, ìgũsã Opũ ããrĩbure sóoduarã iriadima. Ìgũ gapũ irire masĩkõãmi. Irasirigũ dupaturĩ sugũta ùtãũgue mũrĩãkõãmi.

*Jesús deko weka waadea*

(Mt 14.22-27; Mr 6.45-52)

16 Naĩtĩãwãgãrĩripoe ããrĩmakũ, gũa ìgũ buerã ditarugue buabũ.

17 Buaja, doódirugue ñajãa, Capernaugue taribujapũroribũ. Naĩtĩãrõgue iribũ. Jesús gũa pũrogue ejabirimi dapa.

18 Gũa taribujamakũ, mirũ bũro wẽjãpuwãgãribũ. Pagari makũrĩ wãgãbũ.

19 Su mojõma kilómetro gũa waadero pũgũ, gũayaru pũro Jesús deko wekague aarimakũ ìãbũ. Ìgũ irasũ aarimakũ ìãrã, bũro gũibũ.

20 Jesús gapũ gũare ãrĩmi:

—Yũta ããrã. Gũimerãta!

21 Ìgũ irasũ ãrĩmakũ pérã, gũa ìgũrẽ õãrõ bokatĩrĩ ñajãdorebu. Ìgũ ñajãdero pũgũ, mata gũa waaderoguerẽ ejabũ.

*Masaka Jesúre ãmadea*

22 Gajinũ gapũ masaka ditaru gaji koepũgue dujanerã iri ñamirẽ gũayaru suru dujadiru merã gũa taribujamakũ, Jesús gũa merã waabirideadere masĩñurã.

23 Irogue ìgũsã ããrĩripoere gaji doóriduparu Tiberias wãĩkũri makãgue ããrãdea duparu, Jesús Marĩpũre: “Õãa”, ãrĩ, Һsũyari sĩ, masakare baari gueredero pũroweyague ejayuro.

24 Irasirirã Jesús, gũa ìgũ buerã marĩmakũ ìãrã, iri doóriduparugue ñajãa, Capernaugue taribujañurã Jesúre ãmarã waarã.

*Jesús pã irirosũ ìgũ ããrĩrĩmarẽ weredeã*

25 Ditarure taribuja, Jesúre bokajarã, ìgũrẽ sërẽñama:

—Buegũ, ¿naásũ ããrĩmakũ õõguere aarari mũ? ãrĩma.

26 Jesús ìgũsãrẽ ãrĩmi:

—Diayeta mũsãrẽ werea. Yũ Marĩpũ turari merã iri ìmurĩrẽ ìãkererã, ìgũ iriudi yũ ããrĩrĩrẽ bũremubea. Irasirirã, yũ mũsãrẽ ejodeare baayapinerã dita ããrĩsĩã, yũre ãmãa.

27 Mũsã baari pereburi gapũ ditare wajatamurã, moãbirikõãka! Gaji baari yũ ããrĩpererã tĩgũ sĩburi gapũre ãmaka! Iri baarire ãmarã, Marĩpũ merã perebiri okari oparãkoa. Yũpũ yũre irire mũsãrẽ sĩdoregũ ããrĩmi. Ìgũ iriudi yũ ããrĩrĩrẽ mũsãrẽ ìmusiami, ãrĩmi.

28 Ìgũ irasũ ãrĩmakũ pérã, ìgũrẽ sërẽñama:

—¿Nasirirãkuri Marĩpũ iridorerire õãrõ iriyuwarikũmurã?

29 Jesús ìgũsãrẽ yũjumi:

—Marĩpu mʉsārē iridoreri ʉsũ ʉārā. Yʉre ĩgũ iriudire bʉremudoremi, ʉrĩmi.

30 ĩgũ irasũ ʉrĩmakũ pérā, ĩgũrē ʉrĩma:

—Gʉare mʉrē bʉremudoregʉ, ¿ñeonorē mu turari merā iri ĩmugukuri? ¿Naásũperire iri ĩmugukuri?

31 Masaka marĩrõgue marĩ ñekʉsāmarā maná wāĩkʉrĩre baanerā ʉārĩmá. Marĩpʉya werenĩrĩ gojadea pũgue ʉrĩderosũta ʉmʉgasima baarire ĩgʉsārē sĩdi ʉārĩmĩ, ʉrĩma Jesúre.

32 ĩgʉsā irasũ ʉrĩmakũ pégu, Jesús ĩgʉsārē ʉrĩmi:

—Diayeta mʉsārē werea. Moisés ʉmʉgasima baarire mʉsārē sĩbiridi ʉārĩmĩ. Yʉpʉta baari ʉmʉgasima, diayemarē mʉsārē sĩgũ ʉārĩmi.

33 Yʉ ʉmʉgasigue ʉārĩdi Marĩpu iriudi, ĩgũ baari irirosũ ʉārĩgũ, i ʉmʉ marārē okari sĩgũ ʉārā, ʉrĩmi.

34 ĩgũ irasũ ʉrĩmakũ pérā, ĩgũrē ʉrĩma:

—Gʉa Opu, iri baarire gʉare sĩnĩkõaka!

35 Jesús ĩgʉsārē ʉrĩmi:

—Yʉ okarire sĩgũ, baari irirosũ ʉārĩgũ ʉārā. Yʉre tʉyagu, neõ ʉaboabi irirosũ ʉārĩgʉkumi. Yʉre bʉremugũ, neõ ñemesibubi irirosũ ʉārĩgʉkumi.

36 Dupiyuro yʉ mʉsārē ʉrĩderosũta, mʉsā gapʉ yʉre ĩākererā, bʉremubea dapa.

37 ʉārĩpererā Yʉpʉ yʉre sĩnerā yʉre tʉyarākuma. ĩgʉsārē yʉ neõ béobiriko.

38 ʉmʉgasigue ʉārĩdi yʉ gāamerĩrē irigʉ aarigũ meta iribʉ. Yʉre iriudi gāamerĩ gapʉre irigʉ aaribʉ.

39 Yʉre iriudi ʉsũ gāamemi. ĩgũ yʉre sĩnerārē neõ sugʉre yʉ dedeubirimakũ gāamemi. I ʉmʉ peremakũ, yʉ ĩgʉsārē masũmakũ gāamemi.

40 Yʉpʉ yʉre iriudi ʉārĩpererā yʉre ĩgũ magũrē ĩārā, yʉre bʉremurā ĩgũ merā perebiri okarire opamakũ gāamemi. Irasirigʉ i ʉmʉ peremakũ, ĩgʉsārē masũgʉkoa, ʉrĩmi Jesús.

41 Jesús: “Yʉ ʉmʉgasigue merā دچارidea baari irirosũ ʉārĩgũ ʉārā”, ʉrĩrĩrē pérā, judío masaka oparā ĩgũrē werewʉama.

42 ʉsũ ʉrĩma:

—¿ĩ Jesús, José magũ ʉārĩberi? Marĩ ĩgũ pagʉ, ĩgũ pagore masía. ¿Nasirigʉ ĩgũ: “ʉmʉgasigue ʉārĩdi دچارibʉ”, ʉrĩrĩ?

43 ĩgʉsā irasũ ʉrĩmakũ pégu, Jesús ʉsũ ʉrĩ yʉjʉmi:

—Mʉsā yʉre werewʉarire pirika!

44 Neõ sugʉ ĩgũ gāamerõ yʉre tʉyabirikumi. Yʉpʉ gapʉ yʉre iriudi masaka yʉre bʉremumakũ irigʉ ʉārĩmi. I ʉmʉ peremakũ, yʉre bʉremurārē masũgʉkoa.

45 Marĩpʉya kerere weredupiyunerā ʉsũ ʉrĩ gojanerā ʉārĩmá: “Marĩpu ʉārĩpererārē buegʉkumi”. Irasirirā

ããrĩpererã Yũpũya buerire pé bũremurã, ãgũyare masĩã yũre tũyarãkuma.

46 'Neõ sugũ masakũ Yũpũre ããgũ mámi. Yũ sugũta ãgũ merã ããrĩdi ãgũrẽ masĩa.

47 Diayeta mũsãrẽ werea. Yũre bũremugũ Yũpũ merã perebiri okari opami.

48 Yũ baari irirosũ ããrĩgũ okari sĩgũ ããrã.

49 Mũsã ñekũsãmarã masaka marĩrõgue manárẽ baanerã ããrĩmá. Irire baakererã, boanerã ããrĩmá.

50 Yũ ãmũgasigue merã dijaridea baari gapũre werea. Irire baagũ, neõ boabirikumi.

51 Yũ ãmũgasigue merã dijaridea baari okari sĩrĩ irirosũ ããrĩgũ yũta ããrã. I baarire baagũ, Yũpũ merã okanígukumi. I baari yũ sĩrĩ, yaa dũpũ ããrã. I ãmũ marã Yũpũ merã okaníkõãburo, ãrĩgũ, yaa dũpũre sĩgũkoa, ãrĩmi Jesús.

52 ãgũ irasũ ãrĩmakũ pérã, judío masaka oparã ãgũsã basi gãme guaseo, ãsũ ãrĩma:

—¿Nasirigu marĩrẽ ãgũya dũpũre baadoregũ sĩbukuri?

53 ãgũsã irasũ ãrĩmakũ pégu, Jesús ãrĩmi:

—Diayeta mũsãrẽ werea. Yũ ããrĩpererã tĩgũ ããrã. Mũsã yaa dũpũre baamerã, yaa díre iirĩmerã okari opabea.

54 Yaa dũpũre baagũ, yaa díre iirĩgũ, Yũpũ merã perebiri okari opami. I ãmũ peremakũ, ãgũrẽ masũgũkoa.

55 Yaa dũpũ diayema baari ããrã. Yaa dí diayema iirĩri ããrã.

56 Yaa dũpũre baagũ, yaa díre iirĩgũ yũ merã õãrõ ããrĩmi. Yũde ãgũ merã õãrõ ããrã.

57 Yũpũ yũre iriudi okanígũ ããrĩmi. ãgũ okanígũ ããrĩsĩa, yũdere okanímakũ yámi. Irasirigu yũre baagũre yũ irirosũ okanímakũ irigũkoa.

58 Yũ irire ãrĩgũ, ãmũgasigue merã dijaridea baarire werea. I baari, maná mũsã ñekũsãmarã baadea irirosũ ããrĩbea. ãgũsã irire baakererã, boanerã ããrĩmá. ãmũgasigue merã dijaridea baari gapũre baagũno, okaníkõãgũkumi, ãrĩmi Jesús.

59 Jesús Capernaugue judío masaka nerẽrĩ wiigue buegũ, irire weremi.

*Jesús werenĩrĩrẽ pérã perebiri okari opaburire werede*

60 ãgũ irasũ ãrĩ buemakũ pérã, wárã Jesúre tũyarã ãsũ ãrĩ gãme werenĩma ãgũsã basi:

—ãgũ wereri marĩ pémakũ, diasagorãa. ¿Noã ire bokatĩũbukuri? ãrĩma.

61 ãgũsã werenĩrĩrẽ Jesús pékõãmi. Irasirigu ãgũsãrẽ sërẽñami:

—¿Yũ wererire pédũabirikuri?

62 Yũ ããrĩpererã tĩgũ yũ ããrĩderogue mũrĩãmakũ ããrã, ¿naásũ gũñabukuri mũsã?

63 Ōāgū deyomarīgū masakare okarire sīmi. Īgūsāya dūpu gapu Īgūsārē okamakū irimasīña máa. Y<sub>u</sub> wererire pérā Ōāgū deyomarīgū okari sīrīrē opama.

64 Irasū āārīkeremakū, gajirā mūsā merāmarā gapu y<sub>u</sub>re b<sub>u</sub>remubema dapa, ārīmi Jesús.

Neōgoraguere Īgūrē b<sub>u</sub>remumerā āārīmurārē, irasū āārīmakū Īgūrē wējēduarāguere Īgūrē ĩmubure masīsiayupu.

65 Āsū ārīmi:

—Āsū ārī wereabu mūsārē. Neō sug<sub>u</sub> Īgū gāāmerō y<sub>u</sub>re t<sub>u</sub>yabirikumi. Y<sub>u</sub>pu, y<sub>u</sub>re b<sub>u</sub>remumakū irigu āārīmi. Īgū irasiribirimakū, neō sug<sub>u</sub>no y<sub>u</sub>re b<sub>u</sub>remubiribukumi, ārīmi Jesús.

66 Īgū irasū ārīrīrē pérā, wārā Jesúre t<sub>u</sub>yanerā neō t<sub>u</sub>yanemobirima.

67 Īgūsā irasirimakū ĩāgū, Jesús guare pe mojōma pere su gubu peru pērēbejarā Īgū buerārē sērēñami:

—¿Mūsāde y<sub>u</sub>re t<sub>u</sub>yaduúrā yári? ārīmi.

68 Īgū irasū ārīmakū pégu, Simón Pedro Īgūrē y<sub>u</sub>jumi:

—G<sub>u</sub>a Op<sub>u</sub>, ¿noārē g<sub>u</sub>a t<sub>u</sub>yabukuri? M<sub>u</sub> wereri, guare Marīpu merā peregiri okari opamakū yáa.

69 G<sub>u</sub>a mūrē b<sub>u</sub>remusiáa. G<sub>u</sub>a ire masīsiáa. M<sub>u</sub> ōāgū, Marīpu iriudi āārā, ārīmi.

70 Īgū irasū ārīmakū pégu, Jesús guare ārīmi:

—Y<sub>u</sub> mūsārē pe mojōma pere su gubu peru pērēbejarārē beyebu. Y<sub>u</sub> irasirikeremakū, sug<sub>u</sub> mūsā merā āārīgú wātīyagu āārīmi.

71 Jesús irasū ārīgū, Judare Simón Iscariote magūrē ārīgū iriyupu. Judas pe mojōma pere su gubu peru pērēbejarā g<sub>u</sub>a merā āārīkeregu, Jesúre wējēduarāguere Īgūrē ĩmubu āārīmí.

## 7

### *Jesús pagupūrā Īgūrē b<sub>u</sub>remud<sub>u</sub>abiridea*

<sup>1</sup> Jesús masakare irire buedero pu<sub>u</sub>, Galilea nikūgue naagū waami. Judío masaka oparā Īgūrē wējēduarire masīgū, Judea nikūguere āārīd<sub>u</sub>abirimí.

<sup>2</sup> Iripoere judío masaka ñekūsāmarā masaka marīrōgue āārīrā, wiirigā irideare gūñarī bosenu ejaburo dupiyuro āārībú.

<sup>3</sup> Irasirirā Jesús pagupūrā Īgūrē ārīma:

—Ōōrē dujabita, Judeague bosenu<sub>rē</sub> ĩāgū waaka! Irasirirā irogue m<sub>u</sub> buerā m<sub>u</sub> turari merā iri ĩmurīrē ĩārākuma.

<sup>4</sup> Masaka mūrē masīmakū gāāmegū, m<sub>u</sub> turari merā iri ĩmurīrē āārīpererā ĩūrō iri ĩmugū waaka! Īgūsā ĩāberogue iribirikōāka! ārīma.



<sup>5</sup> Īgũ pagupũrã ããrĩkererã, Jesúre bũremubirima.

<sup>6</sup> Irasirigu Jesús ĩgũsãrẽ ãrĩmi:

—Masaka ĩgũsã yũre masĩburo dũyakõãa dapa. Mũsãrẽ iri bosenũrẽ ĩãrã waadũamakũ õãgorãa.

<sup>7</sup> I ùmũ marã mũsãrẽ ĩãturibema. Yũ gapũre ĩgũsã ñerõ irideare yũ weremakũ ĩãturima.

<sup>8</sup> Mũsã bosenũrẽ ĩãrã waaka! Yũre yũ waaburo dũyakoa dapa. Irasirigu iri bosenũrẽ ĩãgũ waabea dapa, ãrĩmi Jesús.

<sup>9</sup> Īgũ irire ãrãdero pũrũ, Galileague dujami.

*Jesús ĩgũsã wiirigã iriri bosenũrẽ ĩãgũ waadea*

<sup>10</sup> Īgũ pagupũrã bosenũrẽ ĩãrã waadero pũrũ, Jesúde masaka ĩmurõ marĩrõ waami, ĩgũsã ĩgũ waarĩre masĩbrikõãburo, ãrĩgũ.

<sup>11</sup> Iri bosenũrẽ judío masaka oparã ĩgũrẽ ãmarã iriñũrã. ãsũ ãrĩ sërẽñañũrã:

—¿Noógue ããrĩkuri ĩgũ? ãrĩñũrã.

<sup>12</sup> Wãrã masaka Jesúyamarẽ werenĩrã iriñũrã. Gajirã: “Õãgũ ããrĩmi”, ãrĩñũrã. Gajirã gapũ: “Õãgũ meta, masakare ãrĩkatorikũgũ ããrĩmi”, ãrĩñũrã.

<sup>13</sup> Judío masaka oparãrẽ güirã, ããrĩpererã péurogue: “Jesús ãsũ ããrĩmi”, ãrĩ werebiriñũrã.

<sup>14</sup> Jesús irogue eja, iri bosenũ dekokũaripoe Marĩpũya wiigũe ñajãa, masakare buemi.

<sup>15</sup> Īgũ buemakũ pérã, judío masaka oparã pégũka, ãsũ ãrĩma:

—Ĩi buebiridi ããrĩkeregũ, ¿nasirigu õãrõ masĩrĩ?

<sup>16</sup> Īgũsã irasũ ãrĩmakũ pégũ, Jesús ĩgũsãrẽ ãrĩmi:

—Yũ bueri, yaa meta ããrã. Yũre iriudiya bueri gapũ ããrã.

<sup>17</sup> Marĩpũ gããmerĩrẽ iridũarã yũ buerire pérã: “Marĩpũ ĩgũrẽ buedorerosũta buemi. Īgũ gããmerõ werebemi”, ãrĩrãkuma.

<sup>18</sup> Sugũ ĩgũ gããmerõ weregũ, gajirãrẽ: “Īgũ õãrõ weremi”, ãrĩ bũremumakũ iridũagu ããrĩmi. Gajigu Marĩpũ ĩgũrẽ iriudi gããmerĩrẽ weregũ gapũ masakare: “Marĩpũ õãtarimi”, ãrĩ bũremumakũ yãmi. Īgũ ãrĩkatori marĩrõ diayeta weregũ ããrĩmi.

<sup>19</sup> Moisés Marĩpũ doreri gojadea pũrẽ mũsãrẽ pídi ããrĩmĩ. Mũsã gapũ neõ sugũ iri dorerire iribea. ¿Nasirirã mũsã yũre wẽjẽdũari? ãrĩmi.

<sup>20</sup> Masaka ĩgũrẽ ãrĩma:

—Mũ wãtĩ ñajãsũdi ããrã. ¿Noã murẽ wẽjẽdũari?

<sup>21</sup> Jesús ĩgũsãrẽ ãrĩmi:

—Suñarõ siñajãrĩnũ ããrĩmakũ yũ sugũ pũrĩrikũgũre taumakũ ĩãrã, mũsã ããrĩpererã ĩãgũkakõãbũ.

22 Iripoegue Moisés musā pūrā ūmarē ĩgūsāya dupuma gasirogārē\* wiiridoredi āārīmí. ĩgū irire doreburo dupiyuro musā ñekūsāmarā irasirianerā āārímá. Irasirirā musā majírāgārē su mojōma pere gají mojō ureru pērēbejarinurí waaró merā ĩgūsā deyoadero puru siñajārīnu āārīkeremakū, ĩgūsārē irasirináa.

23 Irasirirā Moisés dorederosūta irirā, siñajārīnu āārīkeremakū musā majírāgā ūmarē ĩgūsāya dupuma gasirogārē wiiria. Siñajārīnu āārīmakū yu sugure āārīpereri ĩgūya dupumarē oāmakū iribū. ¿Nasirimurā yu merā guari musā?

24 Musā yu irideare iādero puru: “Ñerō irimi”, ārī werewuabirikōōka! Yu irideare oārō keoro pēmasī odorāgue wereníka! ārīmi Jesús.

*Jesús amugasigue merā aaribú, ārī weredea*

25 ĩgū irasū ārīripoere gajirā Jerusalén marā āsū ārī wereníma:

—¿Ī marí oparā wējēduagu meta āārīrī?

26 ĩgū āārīpererā iūrōgue buegu yámi. Suguno gaputa ĩgūrē gajino neō ārībema. Gajipoe irirā marí oparā: “Ī diayeta Cristo, Marīpu iriudi āārīmi”, ¿ārī gūñabukuri?

27 Marí ĩ aariderore masīa. Cristo, Marīpu iriugu gapure aarimakū, ĩgū āārīderoguere masībirikoa. Irasirigu Cristo āārībirikumi ĩ, ārīma.

28 Jesús Marīpuya wiigue bueripoe ĩgūsā irasū ārī werenímakū pégu, buro busuro merā āsū ārī weremi:

—Musā yure masīa, ārā. ĩgū aariderodere masīa, ārā. Yu gāāmerō aaribiribū. Yure iriudi keoro irigu āārīmi. Musā ĩgūrē masībea.

29 Yu ĩgū purogue āārīdi āārīsīā, ĩgūrē masīa. ĩgūta yure iriumi, ārīmi Jesús.

30 ĩgū irasū ārīmakū pérā, ĩgūrē peresu iridakererā, ñeābirima. ĩgū ñerō tariburinu duyabu dapa. Irasirirā ĩgūrē ñeābirima.

31 Gajirā wārā masaka ĩgūrē buremuma. Āsū ārīma:

—Neō sugu, ĩ nemorō Marīpu turari merā iri ĩmugū mámi. Irasirigu ĩ Cristo, Marīpu iriudi āārīmi.

*Fariseo bumarā Jesúre peresu iridoredea*

\* 7:22 Gn 17.1-14: Iripoegue Marīpu Abrahārē ĩgū pūrā ūmarē: “Yaarā āārīburo”, ārīgū, ĩgūsāya dupuma gasirogārē wiiridoredi āārīmí. Puru iri dorerire Moisére pídi āārīmí. Irasirirā judío masaka Abraham parāmerā āārīturarā iri dorerire irirā, ĩgūsā pūrā ūmarē su mojōma pere gají mojō ureru pērēbejarinurí waaró merā ĩgūsā deyoadero puru irasū yáma.

<sup>32</sup> Fariseo bumarã, masaka Jesúre: “Íi Marĩpu iriudi ããrĩmi”, ãrĩrĩrẽ péñurã. Irasirirã ãgũsã paía oparã merã Marĩpuya wiire korerã surarare ãgũrẽ ñeã, peresu iridorerã iriuadiñurã.

<sup>33</sup> Irasirigũ Jesús masakare ãsũ ãrĩmi:

—Yoaweyaripoe musã merã ããrĩgũkoa. Pũru yũre iriudi pũrogue waagũkoa.

<sup>34</sup> Yũ ããrĩburore musã waamasĩbirikoa. Irasirirã yũre ãmakererã, neõ bokabirikoa.

<sup>35</sup> ãgũ irasũ ãrĩmakũ pérã, judío masaka oparã ãgũsã basi ãsũ ãrĩ gãme sērēñama:

—ãgũ marĩrẽ: “Yũre musã neõ bokabirikoa”, ãrĩgũ, ¿noógue waagũkuri? ¿ãgũ judío masaka griego ããrĩrõgue makãrĩ waanerã pũrogue griego masakare buegũ waabukuri?

<sup>36</sup> ãgũ marĩrẽ: “Yũ ããrĩburore musã waamasĩbirikoa. Irasirirã yũre ãmakererã, neõ bokabirikoa”, ãrĩrĩ, ¿naásũ ãrĩduaro iriyuri? ãrĩma.

### *Jesús okari sĩrĩ dekomarẽ weredeã*

<sup>37</sup> ãgũsã bosenu iritũnurĩnu dupanugora ããrĩmakũ, Jesús wãgãñugã, buro busuro merã masakare ãsũ ãrĩ weremi:

—Ñemesiburã yũ pũrogue iirĩrã aarika!

<sup>38</sup> Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Yũre buremurãya yũjupũrãrĩguere okari sĩrĩ deko ãmayoro irirosũ ããrĩnkõãrokoa”, ãrĩ gojasũdero ããrĩbũ, ãrĩmi.

<sup>39</sup> Jesús irire ãrĩgũ: “Yũre buremurã Õãgũ deyomarĩgũrẽ oparãkuma”, ãrĩgũ irimi. Jesús ãmugasigue mũrĩaburo dupiyuro Õãgũ deyomarĩgũ ejabirimi dapa.

### *Masaka dukawarideã*

<sup>40</sup> Jesús ãrĩrĩrẽ pérã, gajirã ãsũ ãrĩma:

—Íi diayeta Marĩpuya kerere weredupiyurimasũ: “Marĩ pũro aarĩbu ããrãyupũ”, ãgũsã ãrĩdi ããrĩmi.

<sup>41</sup> Gajirã ãsũ ãrĩma:

—Íi, Cristo Marĩpu iriudi ããrĩmi.

Gajirã gapũ:

—Cristo, ¿nasiribu Galileamu ããrĩbukuri? ãrĩma.

<sup>42</sup> Marĩpuya werenĩrĩ gojadea pũgue ãsũ gojasũdero ããrĩbũ: “Cristo Marĩpu iriubu, opu David parãmi ããrĩturiagu ããrĩgũkumi. David deyoadea makã Belén wãĩkuri makãgue deyoagũkumi”, ãrĩ gojasũdero ããrĩbũ.

<sup>43</sup> Irasirirã Jesúre surosũ gũñabirisĩã, gãme dukawariakõãma.

<sup>44</sup> Surãyeri Jesúre ñeã, peresu iridũakererã, iribirima.

### *Judío masaka oparã Jesúre buremubirideã*

45 Irasirirã Marĩp̃ya wiire korerã surara Jesúre ñeãdorerã iriunerã, paia oparã, fariseo bumarã p̃rogue goedujáañurã. Īgūsã goedujajamakū ĩārã, Īgūsãrẽ sērẽñañurã:

—¿Nasirirã Jesúre ñeã, aĩribirari?

46 Surara Īgūsãrẽ yujũñurã:

—Neõ sugũ Īgũ irirosũ werenígũ mámi.

47 Īgūsã irasũ arĩmakū pérã, fariseo bumarã Īgūsãrẽ arĩñurã:

—¿Mũsãde Īgũ arĩkatori merã weremakũ: “Diayeta weremi”, arĩ b̃remurĩ?

48 Neõ sugũ marĩ oparã, neõ sugũ g̃ua fariseo bumarã Īgũrẽ b̃remugũ mámi.

49 S̃ĩsã masaka gapũ Īgũ wererire b̃remurã, Marĩp̃u Moisére doreri pídeare masĩbema. Wajamoãsũmurã aãrĩma.

50 Nicodemo fariseo bumũ iro dupiyuro ñami merã Jesúre ĩãgũ ejadi, Īgūsã merã aãrĩyupũ. Īgūsã irasũ arĩmakū pégu, Īgūsãrẽ arĩyupũ:

51 —Marĩrẽ doreri ãsũ arã. Sugũ masakũ Īgũ irideare weremakũ marĩ péburo dupiyuro Īgũrẽ: “Ñerõ iribũ”, arĩ wajamoãmasĩbea, arĩyupũ.

52 Īgũ irasũ arĩmakū pérã, ãsũ arĩ yujũñurã:

—¿Mũde Īgũ irirosũ Galileamũ aãrĩrĩ? Marĩp̃ya werenírĩ gojadea pũrẽ bueka! Iri pũrẽ buegũ: “Neõ sugũ Galileamũ Marĩp̃ya kerere weredupiyurimasũ mámi”, arĩ masĩgukoa.

*Ɔmũũ merã ñerõ irigore weresãdea*

53 Īgūsã irasũ arãdero p̃urũ, Īgūsãya wiirigue dujáakõañurã.

## 8

1 Jesús gapũ ütãũ Olivos wãĩkudigue waami.

2 Gajinũ gapũ boyoripoe aãrĩmakū, Marĩp̃ya wiigüe waami doja. Īgũ ejamakū ĩārã, masaka aãrĩpererã Īgũ p̃uro nerẽma. Irasirigũ eja doa, Īgūsãrẽ buenugãmi.

3 Moisés gojadeare buerimasã, fariseo bumarã sugo nomeõrẽ gajigũ igo marãp̃u aãrĩbi merã igo ñerõ irigore bokajañurã. Irasirirã Jesús bueripoe iri wiigüe aãrĩpererã masaka iũrõ igore aãñajãnú, Jesúre arĩma:

4 —Buegũ, igo marãp̃ukugo aãrĩkeregõ, gajigũ merã ñerõ irigore bokajabũ.

5 Moisés Marĩp̃u doreri gojadea pũgüe igo nomeõ irirosũ irigonore ütãyeri merã dea wẽjẽdorede aãrĩmĩ. Mũkoa, ¿naásũ arĩrĩ?

6 “¿Naásũ yujugukuri?” arĩrã, Īgũrẽ irasũ arĩ sērẽñadima. “Īgũ keoro yujubirimakū, marĩ oparãguere weresãrãkoa”, arĩ gũñañurã. Īgūsã irasũ sērẽñamakū pégu, Jesús gapũ muúbia doja, nikũgüe Īgũya mojõsũrũ merã gojami.

7 Īgūsā Īgūrē sērēñaduúbirimakū pégu, Jesús wāgānugā, āsū ārīmi:

—Mūsā merāmū ñerō iribino igore ūtāye merā deap̄roriburo.

8 Irasū ārī odo, dupaturi muúbia doja, nikūgue gojami doja.

9 Īgū irasū ārīmakū pérā, Īgūsā ñerī irideare pémasī, gūyasīrīrī merā, mūrā sugū p̄ru, gajigū p̄ru wiriap̄rorima. Irasirirā Jesúre suguta nomeō iro dujago merā pikōā, waakōāma.

10 Jesús wāgānugā, igore ārīmi:

—¿Noógue āārīrī mūrē weresānerā? ¿Neō sugū mūrē wajoādoregū mārī?

11 —Mámi, yū Opū, ārī yujumo.

Igo irasū ārīmakū, Jesús igore ārīmi:

—Yude mūrē wajoādorebea. Irasirigo waaka! Dupaturi ñerīrē neō irinemobirikōāka!

*Jesús i ūmū marārē sīāgori sīgū āārīrīmarē weredea*

12 Jesús dupaturi masakare āsū ārī weremi:

—Yū i ūmū marārē sīāgori sīgū āārā. Yure t̄yarā naītīārōgue āārīrā irirosū āārībema. Boyorogue āārīrā irirosū āārīma. Irasirirā yū okari sīrīrē oparākuma.

13 Īgū irasū ārīmakū pérā, fariseo bumarā ārīma:

—Mū basi mū āārīrikurire werea. Irasiro mū werenírī neō wajamáa.

14 Jesús Īgūsārē āsū ārī yujumi:

—Yū aariderore, yū waaburodere yū masīa. Mūsā gapū irire neō masībea. Irasirigū yū basi yū āārīrikurire werekeremakū, yū werenírī diayeta āārā.

15 Mūsā i ūmū marā irirosū yure werewhāa. Yū gapū neō sugure mūsā irirosū werewhabea.

16 Yū masaka āārīrikurire: “I gapū ōāa, i gapū ōābea”, ārīgū, keoro ārā. Yū suguta yū gāāmerō irire ārībea. Yūpū yure iriudi merā irire irasū yāa.

17 Mūsārē doreri gojadea pūgue āsū ārā: “Pērā masaka Īgūsā ĩādeare surosū weremakū: ‘Diayeta āārā’, ārī b̄remurō gāāmea”, ārī gojasūdero āārībú.

18 Yū basi yū āārīrikurire werea. Yūpū yure iriudide yū āārīrikurire weremi, ārīmi.

19 Īgū irasū ārīmakū pérā, Īgūrē sērēñama:

—¿Noógue āārīrī mūpū?

Jesús Īgūsārē yujumi:

—Mūsā yure, Yūp̄dere masībea. Yure masīrā, Yūp̄dere masīboayo.

20 Jesús irasū ārī weregū, Marīp̄ya wiigue āārīmí. Masaka niyeru sīrā, Īgūsā sārī kūmarī p̄ro āārīmí. Īgū ñerō tariburinū ejabiribū dapa. Irasirirā neō sugū Īgūrē ñeā, peresu iribirima.

*Jesús: “Y<sub>u</sub> waaburore musã waamasibirikoa”, arĩ weredea*

<sup>21</sup> Jesús dupaturi judío masaka oparãre weremi:

—Y<sub>u</sub> aãrĩderogue waagukoa. Y<sub>u</sub> waadero puru, musã yure aamarãkoa. Musã ñerĩ iridea waja, waja oparã boarãkoa. Y<sub>u</sub> waaburoguere musã waamasibirikoa.

<sup>22</sup> Igũ irasũ arĩmakũ pérã, gãme sērēñama:

—¿Nasirigu: “Y<sub>u</sub> waaburoguere musã waamasibirikoa”, arĩrĩ? ¿Igũ basi wējē boagukuri irasũ arĩgũ?

<sup>23</sup> Jesús Igūsãrē arĩmi:

—Musã gapu i umugue aãrĩrã, i umu marã aãrã. Y<sub>u</sub> gapu umugasigue aãrĩdi, i umumu meta aãrã.

<sup>24</sup> Irasirigu musãrē: “Musã ñerĩ iridea waja, waja oparã boarãkoa”, arãbu. Musã: “Y<sub>u</sub> Igũ aãrã\*”, arĩ wereadeare buremubirisĩã, musã ñerĩ iridea waja, waja oparã boarãkoa.

<sup>25</sup> Irasũ arĩgũ pérã Igũrē sērēñama:

—¿Noãno aãrĩrĩ mu?

Jesús Igūsãrē yujumi:

—Buenagãgũgueta musãrē: “Y<sub>u</sub> Igũ aãrã”, arĩ weresiabu.

<sup>26</sup> Y<sub>u</sub> musãyamarē, musã ñerõ iridea waja musãrē wajamoãburire wereduari, wãri aãrã. Yure iriudi gapu diaye weremi. Irasirigu Igũ weremakũ yu pédea ditare musã i umu marãrē werea, arĩmi.

<sup>27</sup> Jesús: “Yure iriudi”, arĩgũ, Igũ Pagureta werenígũ irimi. Igūsã gapu irire pémasibirima.

<sup>28</sup> Irasirigu Jesús Igūsãrē arĩmi:

—Yure aãrĩpererã tĩgũrē musã curusague pábiatú aĩwãgũnúrãkoa. Musã irasũ irirã: “Y<sub>u</sub> Igũ aãrã”, arĩ wereadeare: “Diayeta aãrã”, arĩ masĩrãkoa. Y<sub>u</sub> gããmerõ neõ iribi, irasũ aãrĩmakũ Y<sub>u</sub> yure buedea ditare yu weregu aãrĩrĩrē masĩrãkoa.

<sup>29</sup> Yure iriudi yu merã aãrĩmi. Igũ gããmerĩ ditare irinía. Irasirigu Igũ yure neõ béobemi.

<sup>30</sup> Jesús irasũ arĩmakũ pérã, wãrã masaka Igũrē buremuma.

*Jesús Marĩpu pũrãyamarē, ñerõ iririmasãyamarē weredea*

<sup>31</sup> Jesús, judío masaka: “Marĩpu iriudi aãrĩmi”, arĩ buremurãrē ašũ arĩmi:

—Y<sub>u</sub> werenĩrĩrē buremuduúmerã, diayeta yu buerã aãrã.

<sup>32</sup> Irasirirã diayema aãrĩrĩrē masĩrãkoa. Irire masĩrã, ñerõ iririre pirirãkoa. Moãboanerã musã opure wirianerã irirosũ aãrĩrãkoa.

\* 8:24 Exodo 3.13-15: Iripoegue Moisés Marĩpure sērēñadi aãrĩmi: “Israel bumarã yure: ‘Mu iriudi wãĩ, ¿naásũ aãrĩrĩ?’ arĩ sērēñamakũ, ¿naásũ arĩ weregukuri?’ Marĩpu Igũrē ašũ arĩdi aãrĩmi: ‘Y<sub>u</sub> wãĩ ‘YO SOY EL QUE SOY’ aãrã. Irasirigu Israel bumarãrē ašũ arĩ wereka: ‘YO SOY yure musãguere weredoregu iriumi’, arĩka!’ arĩdi aãrĩmi. ‘YO SOY EL QUE SOY’, arĩrõ: ‘Y<sub>u</sub> aãrĩnigũta aãrã, o igũta aãrã yu’, arĩduaro yãa.

33 Īgū irasū ārīmakū pérā, Īgūrē ārīma:

—Gua Abraham parāmerā āārīturiarāgue āārā. Irasirirā neō gajirāyarā Īgūsārē moāboerā āārībea. Irasirigū: “Moāboeanerā mūsā opure wirianerā irirosū āārīrākoa”, ārīgū, ¿naásū ārīduagu irasū ārīrī mu?

34 Jesús Īgūsārē ārīmi:

—Diayeta mūsārē werea. Āārīpererā ñerīrē irirā, ñerīrē iridoreguyarā Īgū dokamarā irirosū āārīma.

35 Sugū moāboegu wii opu magū irirosū neō āārībemi. Wii opu magū gapu Īgū paguya wiimu āārīnkōākumi.

36 Yu, umgasigue āārīgū magū āārā. Irasirigū mūsārē ñerīrē iridoreguyarā irirosū āārībirimakū irigū, diayeta moāboeanerā mūsā opure wirianerā irirosū āārīmakū irigūkoa.

37 Yu mūsā Abraham parāmerā āārīturiarire masā. Irasū āārīkererā, mūsā yu wererire péduabea. Irasirirā yure wējēduáa.

38 Yupu yure masīmakū irideare mūsārē werea. Mūsā gapu mūsāpu dorerire yáa.

39 Īgūsā Īgūrē ārīma:

—Abraham gua ñekū āārīdi āārīmí.

Jesús gapu Īgūsārē ārīmi:

—Mūsā diayeta Abraham parāmerā āārīturiarā āārīrā Īgū iriunaderosūta iririkūboayo.

40 Yupu yure diaye wererire mūsārē yu werekeremakū, yure wējēduáa. Abraham gapu mūsā irirosū neō irasiribiridi āārīmí.

41 Mūsā mūsāpu irirosūta yáa.

Īgū irasū ārīmakū pérā, ārīma:

—Gua, pagu marīrā irirosū āārībea. Marīpu suguta gapu āārīmi.

42 Jesús Īgūsārē ārīmi:

—Yupu diayeta mūsāpu āārīmakū, mūsā yure maīboayo. Yu Īgū merā āārīdita ōō mūsā purogue aaribú. Yu gāāmerō aaribiribu. Yupu yure iriumi.

43 ¿Nasirirā yu wererire pémasīberi mūsā? Mūsā yu wererire péduabirisīā, pémasībea.

44 Mūsāpu wātī āārīmi. Mūsā Īgūyarā āārā. Irasirirā Īgū gāāmerīrē iriduáa. Neōgoragueta masakare wējēbéodi āārīgū yámi. Īgūguere diayema neō máa. Irasirigū Īgū neō diayemarē werebemi. Neōgoraguere masakare ārīkatopuroridi āārīmí. Irasirigū Īgū irasū ārīkatorikugu āārīsīā, ārīkatori ditare weremi.

45 Yu gapu diayemarē werea. Irasirirā yu wererire pérā, mūsā irire buremubea.

46 ¿Noã yure: “Mu ãsũ irigu, ñerõ iriabũ”, ãrĩ masĩbukuri? Yu musãrẽ diayemarẽ werekeremakũ, ¿nasirirã yu wererire buremuberi?

47 Yũpũ pũrã ĩgũ werenírĩrẽ péma. Musã gapũ ĩgũ pũrã ããrĩbirisĩã, irire péduabea, ãrĩmi Jesús.

*Cristo Abraham dupiyuro ããrĩdeamarẽ weredea*

48 Jesús irasũ ãrĩmakũ pérã, judío masaka ĩgũrẽ ãrĩma:

—Gũa: “Mu Samariamũ, wãtĩ ñajãsũdi ããrã”, ãrĩrã, diayeta ãrĩrã yáa.

49 Jesús ĩgũsãrẽ ãrĩmi:

—Yu wãtĩ ñajãsũdi ããrĩbea. Yu iriri merã masaka Yũpũre: “Oãtaria mu”, ãrĩmakũ yáa. Musã gapũ yu iririre iãkererã: “Ñerĩrẽ irigu ããrĩmi”, ãrã.

50 Yure: “Oãrõ yáa”, ãrĩ buremurãrẽ ãmabea yu. Yũpũ gapũ masakare yure buremumakũ gããmemi. ĩgũta yu iririre iãgũ, yure: “Oãrõ yáa”, ãrĩmi.

51 Diayeta musãrẽ werea. Yu wererire irigu neõ boabirikumi.

52 ĩgũ irasũ ãrĩmakũ pérã, ĩgũrẽ ãrĩma:

—Dapagora gũa ire masĩa. Mu wãtĩ ñajãsũdi ããrã. Abraham iripoegue boakõãdi ããrĩmĩ. Marĩpũya kerere weredupiyunerãde boakõãnerã ããrĩmã. Mu gapũ: “Yu wererire irigu neõ boabirikumi”, ãrã.

53 ¿Gũa ñekũ Abraham nemorõ ããrĩrĩ mu? ĩgũ, Marĩpũya kerere weredupiyunerãde boakõãnerã ããrĩmã. ¿Noã ããrĩrĩ mu irasũ ãrĩ weregũ?

54 Jesús ĩgũsãrẽ ãrĩmi:

—Yu, yu basi õãrõ werenírĩ wajamáa. Yũpũ gapũ musã: “Gũapũ ããrĩmi”, ãrĩgũ gapũ yure õãrõ weremi.

55 Musã gapũ Yũpũre neõ masĩbea. Yu ĩgũrẽ masĩa. Yu: “Ĩgũrẽ masĩbea”, ãrĩgũ, musã irirosũ ãrĩkatorikugũ ããrĩbukoa. Yu gapũ ĩgũrẽ õãrõ masĩa. Irasũ ããrĩmakũ, ĩgũ wererire yáa.

56 Musã ñekũ Abraham yu i mũugue aariburire masĩdi ããrĩmĩ. Irasirigu yu aarimakũ iãgũ, buro usuyari merã ããrĩdi ããrĩmĩ.

57 ĩgũsã Jesúre ãrĩma:

—Mu cincuenta bojori opabirikeregũ, ¿nasirigu Abrahãrẽ ĩãdi ããrĩbukuri?

58 Jesús ĩgũsãrẽ ãrĩmi:

—Diayeta musãrẽ werea. Abraham dupiyuro ããrĩdi yuta ããrã.

59 ĩgũ irasũ ãrĩmakũ pérã, ĩgũsã ütãyeri ãĩ, ĩgũrẽ dea wẽjẽduamakũ, Marĩpũya wiigüe ããrãdi ĩgũsã watope duriwiriakõãmi.



## 9

*Deyoagugueta koye iãmasĩbire Jesús taudea*

<sup>1</sup> Gajinu Jesús maague waagú, deyoagugueta koye iãmasĩbire bokajami.

<sup>2</sup> Guu igũrẽ iãrã, Jesúre sêrẽñabũ:

—Buegu, ¿noã ñerõ iridea waja igũ koye iãmasĩbi deyoayuri? ¿Igũ pagusãmarã ñerõ iridea waja, o igũ basi igũ ñerõ iridea waja igũrẽ irasũ waayuri? arĩbu.

<sup>3</sup> Jesús guare arĩmi:

—Igũ ñerõ iridea, igũ pagusãmarã ñerõ iridea igũ deyoagugueta koye iãmasĩbi aãrĩmakũ iribiribu. Marĩpu igũ turari merã igũrẽ õarĩ iririre masakare imugakumi. Irasirigu igũ koye iãmasĩbi deyoami.

<sup>4</sup> Ūmu merã masaka moãmasĩrã irirosũ dapagora Marĩpu yure iriugu pídeare marĩrẽ iriro gããmea. Ñami merã moãmasĩmerã irirosũ purugue igũ pídeare irimasĩbirikoa pama.

<sup>5</sup> Yu i umuguerẽ aãrĩgú, masakare siãgori sigũ aãrã. Irasirigu igũsarẽ Marĩpure masĩmakũ yáa, arĩmi.

<sup>6</sup> Irasũ arĩ odo, nikũgue síkure eomeépí, iri merã morẽ, koye iãmasĩbiya koyeguerẽ túwũkãmi.

<sup>7</sup> Irasiri odo, igũrẽ arĩmi:

—Siloé wãikũri deko gobegue igũsã iridea gobegue muya koyere koegu waaka! arĩmi. “Siloé”, arĩrõ: “Iriugu”, arĩduaro yáa.

Igũ irasũ arĩmakũ pégu, koye iãmasĩbi irogue igũya koyere koegu waakõãmi. Koe odo, koye iãmasĩgũgue dujariyupu.

<sup>8</sup> Igũya wiigue dujajamakũ, igũya wii puro aãrĩrã, iro dupiyuro igũ niyeru sêrêdi aãrĩmakũ iãnerã, sêrẽñañurã:

—¿ĩ dupiyuro niyeru sêrê doanídita aãrĩrĩ?

<sup>9</sup> Gajirã arĩñurã:

—Igũta aãrĩmi.

Gajirã gapu arĩñurã:

—Igũ aãrĩbemi. Igũ irirosũ deyogu aãrĩmi.

Igũsã irasũ arĩmakũ pégu, koye iãmasĩbi aãrãdi gapu asũ ariyupu:

—Igũta aãrã yu.

<sup>10</sup> Igũ irasũ arĩmakũ, masaka igũrẽ sêrẽñañurã:

—Mu iãmasĩbiradi aãrĩgú, ¿nasirigu dapagorare irasũ iãmasĩrĩ?

<sup>11</sup> Igũsarẽ yujuyupu:

—Jesús wãikũgu igũya síku nikũ merã moãmorẽ, yu koyere túwũkãmi. Túwũkã odo, yure: “Siloé wãikũri deko gobegue igũsã iridea gobegue muya koyere koegu waaka!” arãmi. Yu irogue waa, koyere koe odo, iãmasĩpuroriabu.

12 Īgū irasū ārīmakū, Īgūrē sērēñañurā doja:

—Murē irasiriadi, ¿noógue āārāī?

—Masībirikoa. Noó āārīgú āārīkumi, ārīyupū.

*Fariseo bumarā koye ĩāmasībi āārīdire sērēñadea*

13 Purū Īgūsā koye ĩāmasībiridire fariseo bumarā purogue ārīñurā.

14 Jesús Īgūya síku nikū merā moāmorē, koye ĩāmasībire taudeanū judío masaka siñajārīnū āārībū.

15 Irasirirā fariseo bumarā koye ĩāmasībiridire sērēñañurā:

—¿Nasirigū dapagorare oārō ĩārī?

Īgūsārē yujuyupū:

—Sugū Īgūya síku nikū merā moāmorē, yaa koyere túwākāmi. Irasirigū yaa koyere koeadero purū, ĩāmasīpuroribū.

16 Īgū irasū ārīmakū, surāyeri fariseo bumarā merāmarā ārīñurā:

—Īgūrē irasiridi, marī siñajārīnūrīma dorerire iribi āārīmi. Irasirigū Marīpū iriudi āārībemi.

Gajirā gapū ārīñurā:

—Īgū ñerō irigūno āārīgú, i iri ĩmurērē irimasībiriboayupū. Irasirirā Īgūsā surosū gūñabirisīā, dukawarīñurā.

17 Irasirirā dupaturi koye ĩāmasībiridire sērēñañurā doja:

—Mukoa, ¿naásū ārīrī murē koye ĩāmasīmakū iridire?

Īgū yujuyupū:

—Īgū Marīpū kerere weredupiyugū āārīmi, ārā yū, ārīyupū.

18-19 Judío masaka oparā gapū: “Īī koye ĩāmasīgū, dupiyuro koye ĩāmasībi āārīdi āārībemi”, ārī gūñadiñurā. Irasirirā Īgū pagūsāmarārē siiu, sērēñañurā:

—“¿Īī mū magū neō deyoagūgueta koye ĩāmasībi āārīdi āārīmi”, ārīrī? Īgū diayeta koye ĩāmasībiridi āārīgú, ¿nasiri dapagorare oārō ĩāmasīrī?

20 Īgū pagūsāmarā yujūñurā:

—Ire gūa masīa. Īī gūa magūta āārīmi. Īgū deyoagūgueta koye ĩāmasībiridita āārīmi.

21 Īgū dapagora koye ĩāmasīrī gapūre, Īgūrē ĩāmakū irididere masībea. Īgūrē sērēñaka! Buguro āārīmi. Īgū basi musārē yujumasīmi.

22 Judío masaka oparā dupiyurogue āsū ārīñurā:

—Jesúre: “Marīpū iriudi Cristo āārīmi”, ārīgūnorē marī nerērī wiirigue neō ñajādorebirikōārā! ārīñurā. Irasirirā, Īgūsā ārīdeare pénerā āārīsīā, koye ĩāmasībiridi pagūsāmarā Īgūsārē güigorañurā.

23 Irasirirā Īgūsārē: “Buguro āārīmi. Īgūrē sērēñaka!” ārīñurā.

24 Judío masaka opará irire pérã, dupaturi koye ããmasĩbiridire siiu, ãgũrẽ ãrĩñurã doja:

—Marĩpu mu wererire pémi. Irasirigu ãgũ péuogwe guare diaye wereka! Gũa ire masĩa. Jesús ñerõ irigu ããrĩmi.

25 ãgũsã irasũ ãrĩmakũ pégu, ãgũsãrẽ ãsũ ãrĩ yũjũyupu:

—Jesúre ãgũ ñegũ, o õãgũ ããrĩrĩrẽ masĩbirikoa yũ. I ditare masĩa. Yũ dupiyuroguere koye ããmasĩbi ããrĩbũ. Dapagorare ããa, ãrĩyupu.

26 ãgũ irasũ ãrĩmakũ pérã, dupaturi ãgũrẽ sãrẽñañurã doja:

—¿Nasiriri ãgũ murẽ? ¿Nasirigu ãgũ murẽ koye ããmasĩmakũ iriri?

27 ãgũ yũjũyupu ãgũsãrẽ:

—Irireta musãrẽ weresiabu. Yũ irasũ ãrĩ werekeremakũ, musã gapu yũ wererire péduabirabu. ¿Nasirirã dupaturi yũ irire weremakũ péduari? ¿Musãde ãgũ buerã ããrĩduakuri?

28 ãgũ irasũ ãrĩmakũ pérã, ãgũrẽ turiñurã:

—Mu ãgũ buegu ããrã. Gũa gapu Moisés gojadeare buerã ããrã.

29 Ire gũa masĩa. Marĩpu Moisére weredi ããrĩmi. Jesúsre iriudi gapure gũa masĩbea.

30 ãgũsã irasũ ãrĩmakũ, ãgũsãrẽ ãsũ ãrĩ yũjũyupu:

—Musã irasũ ãrĩmakũ, pégũkakõãkoa. ãgũ yũre koye ããmasĩmakũ irikeremakũ, musã ãgũrẽ iriudire masĩbea, ãrã.

31 Marĩ ire õãrõ masĩa. Marĩpu ñerõ irirã ãgũrẽ sãrẽmakũ pébemi. ãgũrẽ buremugũ, ãgũ dorerire irigure ãgũ sãrẽrĩ ditare pémi.

32 Marĩ neõ sugu deyoagũgueta koye ããmasĩbire ããmakũ irigu ããrĩrĩrẽ pébea.

33 Marĩpu Jesúsre iriubirimakũ, yũre koye ããmasĩmakũ iribiri-boañumi, ãrĩyupu.

34 ãgũ irasũ ãrĩmakũ pérã, ãrĩñurã:

—Mu deyoagũgueta ñerĩ merã deyoadi ããrĩkeregũ, ¿irire wereduari guare buebu? ãrĩñurã.

Irasirirã judío masaka nerẽrĩ wiigwe ãgũrẽ ñãjãdorebiriñurã.

*Jesús ãgũyare pémerã koye ããmasĩmerã irirosũ ããrĩma, ãrĩ weredea*

35 Jesús koye ããmasĩbiridire ãgũsã béowiuadeare pémi. Irasirigu ãgũrẽ bokajagu, sãrẽñami:

—¿Marĩpu magũ ããrĩpererã tĩgũrẽ buremurĩ mu?

36 ãgũ Jesúsre ãrĩmi:

—Yũ Opu, ¿noã ããrĩrĩ ãgũ? Wereka yũre! ãgũrẽ masĩgũ, buremugura.

37 Jesús ãgũrẽ ãrĩmi:

—Mu ãgũrẽ ããsiãa. Yũ mu merã werenígũ, ãgũta ããrã.

38 Irire ãrĩmakũ pégu, Jesús puro ñadukupuri merã ejamejã, ãgũrẽ:

—Y<sub>H</sub> Op<sub>H</sub>, murẽ b<sub>u</sub>remua, ãrĩmi.

<sup>39</sup> P<sub>H</sub>H<sub>H</sub> Jesús ãsũ ãrĩmi:

—Y<sub>H</sub> masaka irideare: “I gap<sub>H</sub> oãa, i gap<sub>H</sub> oãbea”, ãrĩgũ, i ùm<sub>H</sub>guere aaribú. Y<sub>H</sub>p<sub>H</sub> gããmerĩrē masĩmerã, koye iãmasĩmerã irirosũ aãrĩma. Irasirig<sub>H</sub> koye iãmasĩmerã irirosũ aãrĩrãrē ĩgũ gããmerĩrē masĩburo, ãrĩgũ, “G<sub>H</sub>a oãrõ masĩa”, ãrĩ gũñarã gap<sub>H</sub>ure koye iãmasĩmerã irirosũ waaburo, ãrĩgũ aaribú.

<sup>40</sup> ĩgũ irasũ ãrĩmakũ pérã, surãyeri fariseo bumarã ĩgũrē ãrĩma:

—¿M<sub>H</sub> irire ãrĩgũ, g<sub>H</sub>adere: “Koye iãmasĩmerã irirosũ aãrã”, ãrĩgũ yári?

<sup>41</sup> Jesús ĩgũsãrē ãrĩmi:

—M<sub>H</sub>sã koye iãmasĩmerã irirosũ Y<sub>H</sub>p<sub>H</sub> gããmerĩrē masĩmerã aãrĩrã, m<sub>H</sub>sã ñerĩ iridea wajare opabiribukoa. “G<sub>H</sub>a oãrõ masĩa”, ãrĩrã aãrĩsĩã, m<sub>H</sub>sã ñerõ iridea wajare opáa dapa, ãrĩmi.

## 10

*Jesús oveja korerimasũ iririk<sub>H</sub>ri keori merã weredeã*

<sup>1</sup> Jesús irire ãrĩ odoadero p<sub>H</sub>H<sub>H</sub>, keori merã ãsũ ãrĩ weremi:

—Diayeta m<sub>H</sub>sãrē werea. Oveja korerimasũ ĩgũsãrē duripĩri sãrĩrõ makãp<sub>H</sub>rore ñajãgũ irirosũ iribino, yajarimasũ aãrĩkumi. Makãp<sub>H</sub>ro marĩrõgue ñajãkumi.

<sup>2</sup> Makãp<sub>H</sub>ro ñajãgũ gap<sub>H</sub> oveja korerimasũ aãrĩkumi.

<sup>3</sup> Makãp<sub>H</sub>rore koreg<sub>H</sub> tũpãkumi, oveja korerimasũrē ñajãridoreg<sub>H</sub>. Oveja korerimasũ ñajãmakũ, oveja ĩgũ werenĩmakũ pékuma. ĩgũyarãrē ĩgũsã wãĩ merã oekumi. Irasũ oeg<sub>H</sub>, ĩgũsãrē siu wiukumi.

<sup>4</sup> ĩgũyarã aãrĩpererãrē oe, siu wiu odo, ĩgũsãrē dupiyuwãgãkumi. Oveja ĩgũ werenĩrĩrē masĩrã aãrĩsĩã, ĩgũrē t<sub>H</sub>yakuma.

<sup>5</sup> Gajig<sub>H</sub>ure ĩgũsã iãmasĩbire t<sub>H</sub>yabirikuma. ĩgũ werenĩrĩrē masĩmerã aãrĩsĩã, ĩgũrē gũi ùmaduriwãgãkõãkuma.

<sup>6</sup> Jesús iri keori merã ĩgũsãrē weremakũ pérã gap<sub>H</sub> pémasĩbirima. “Ãsũ ãrĩd<sub>H</sub>aro irikoa i”, ãrĩmasĩbirima.

*Jesús ovejare oãrõ koreg<sub>H</sub> irirosũ aãrĩrĩmarē weredeã*

<sup>7</sup> Irasirig<sub>H</sub> Jesús ĩgũsãrē werenemomi doja:

—Diayeta m<sub>H</sub>sãrē werea. Y<sub>H</sub> ovejare duripĩri sãrĩrõ makãp<sub>H</sub>ro irirosũ aãrã.

<sup>8</sup> Aãrĩpererã ñerã y<sub>H</sub> dupiyuro aarinerã, yajarimasã irirosũ aãrĩma. Yaarã oveja irirosũ aãrĩrã gap<sub>H</sub> ĩgũsãrē pébema.

<sup>9</sup> Y<sub>H</sub> makãp<sub>H</sub>ro irirosũ aãrã. Y<sub>H</sub>re b<sub>u</sub>remurã iri makãp<sub>H</sub>rore ñajãrã irirosũ aãrĩma. ĩgũsãrē peamegue waabonerãrē taugãkoo. Oveja gũiro marĩrõ ĩgũsãrē duripĩri sãrĩrõ

makāpurore ñajārā, wirirā ĩgūsā baaburi bokarā irirosū āārīrākuma.

10 Yajarimasā ovejare yajamurā, wējēmurā, poyanorēmurā aaríma. Y<sub>u</sub> gapu ĩgūsārē okarire opamakū irigu aaribú. Āārīpereri oārīrē opaburo, ārīgū, aaribú.

11 Y<sub>u</sub> ovejare oārō koregu irirosū āārā. Ovejare oārō koregu wējēsūbu āārīkeregu, ĩgūsārē béobirikumi. ĩgūsā oārō āārīburire boabosagukumi.

12 Gajigu moārīmasū gapu ĩgū moāwajatari ditare gūñami. Ovejare oārō koregu irirosū āārībemi. Oveja ĩgūyarā āārībema. Irasirigu makānūmu diayée ovejare ñeā wējēgū aarimakū ĩāgū, ovejare béo, gūi ũmaduriwāgākōāmi. ĩgūsārē béowāgādero puru, makānūmu diayée ovejare ñeāmakū ĩārā, gajirā oveja ũmasiriwāgākōāma.

13 Moārīmasū ĩgū moāwajatari ditare gāāmemi. Irasirigu ovejare ĩgūsā oārō āārīburire gūñabemi.

14-15 Y<sub>u</sub> ovejare oārō koregu irirosū āārā. Y<sub>u</sub>pu yure masīmi. Y<sub>u</sub>de Y<sub>u</sub>pu masīa. I irirosū yaarā ovejare y<sub>u</sub> masīa. Yaarāde yure masīma. Irasirigu y<sub>u</sub> okarire maībea. ĩgūsā oārō āārīburire boabosagukoa.

16 Gajirā oveja gaji duripíri sārīrō marā irirosū āārīma. ĩgūsāde yaarā āārīma. ĩgūsādere āīgukoa. Y<sub>u</sub> werenírīrē pérākuma. Irasirirā yaarā āārīpererā su buta āārīrākuma. Y<sub>u</sub> suguta ĩgūsārē koregukoa.

17 Yaarā oārō āārīburire boabosagukoa. Y<sub>u</sub> okarire maībi āārīsīā, irasirigukoa masā, dupaturi okabu. Y<sub>u</sub> irasiribu āārīmakū, Y<sub>u</sub>pu yure maīmi.

18 Y<sub>u</sub> gāāmebirimakū, neō sugu yure boamakū irimasībiribukumi. Y<sub>u</sub> gāāmerō merā boagukoa. Y<sub>u</sub> turaro merā y<sub>u</sub> gāāmerīrē irimasīgū āārīsīā, y<sub>u</sub> gāāmerō merā boa, puru masāgukoa. Y<sub>u</sub>pu yure irireta iridoremi, ārīmi Jesús.

19 ĩgū irasū ārīmakū pérā, judío masaka dupaturi surosū ĩgūrē gūñabirisīā, dukawarima.

20 Gajirā wárā ĩgūsā merāmarārē ĩgūyamarē ārīma:

—ĩgū wātī ñajāsūdi, niāsūgū yámi. ¿Nasirirā ĩgūrē péri masā?

21 Gajirā gapu ārīma:

—Wātī ñajāsūdi, ĩgū irirosū oārō werenībiribukumi. Koye ĩāmasībidere ĩāmakū irimasībiribukumi, ārīma.

### *Judío masaka Jesúre gāāmebiridea*

22 Puibu āārīmakū, Jerusalēgue judío masaka bosenu irima. Iripoegue marā Marīpuya wiire iripeodeare gūñarī bosenu āārībú.

23 Iri bosenure Jesús, Pórtico de Salomón wāikuri taribu Marīpuya wii taro biaña marīrī taribugue waagorenami.

24 Iroque ĩgũ āārĩmakũ ĩārã, judío masaka oparã ĩgũ puro nerẽ, ĩgũrẽ sērẽñama:

—¿Naásũ āārĩmakũ gũare òārõ diaye weregũkuri? ¿Mũ Cristo, Marĩpu iriudita āārĩrĩ?

25 Jesũs ĩgũsãrẽ yũjumi:

—Mũsãrẽ weresiabu. Mũsã gapũ yũ wererire bũremubea. Yũ, Yũpu yũre dorerosũta ĩgũ turari merã iri ĩmurĩrẽ irinagũ yãa. I merã yũ āārĩrikũrire masĩsũa.

26 Yũ ĩgũ turari merã iri ĩmurĩrẽ ĩakererã, mũsã gapũ yũre bũremubea. Mũsã yaarã āārĩbirisĩã, yũre bũremubea. Yũ dupiyuro werederosũta mũsã gajigũyarã oveja irirosũ āārã.

27 Yaarã oveja yũ werenĩrĩrẽ masĩma. Yũ ĩgũsãrẽ masĩa. Irasirĩã yũre tuyama.

28 Yũ ĩgũsãrẽ ãmũgasigue perebiri okari opamakũ yãa. Irasirĩã perebiri peamegue neõ waabirikuma. Yũ ĩgũsãrẽ korea. Gajirã ĩgũsãrẽ neõ yũre ãmamasĩbema.

29 Yũpu ĩgũsãrẽ yũre sĩdi āārĩmĩ. ĩgũ āārĩpererã nemorõ turagũ āārĩmi. ĩgũde ĩgũsãrẽ koremi. Gajirã ĩgũsãrẽ neõ ĩgũdere ãmamasĩbema.

30 Yũ, Yũpu merã sugũta āārã, ārĩmi Jesũs.

31 ĩgũ irasũ ārĩmakũ pérã, dupaturi judío masaka ãtãyeri āĩma, ĩgũrẽ dea wẽjẽduarã.

32 ĩgũsã irasiridũamakũ ĩãgũ, Jesũs ĩgũsãrẽ ārĩmi:

—Yũ, Yũpu yũre dorederosũta wãri ĩgũ turari merã iri ĩmurĩrẽ iribu. Mũsã irire ĩãbu. ¿Ñeeno yũ iridea waja mũsã yũre ãtãyeri merã dea wẽjẽduari?

33 ĩgũsã ĩgũrẽ ārĩma:

—Mũ òārõ iriri waja gũa mũrẽ ãtãyeri merã dea wẽjẽduabea. Mũ Marĩpũre ñerõ werenĩrĩ waja mũrẽ ãtãyeri merã dea wẽjẽduãa. Mũ masakũ āārĩkeregũ: “Marĩpu āārã yũ”, ārĩ werenĩa.

34 ĩgũsã irasũ ārĩmakũ pẽgu, Jesũs ĩgũsãrẽ ārĩmi:

—Marĩpu ãsũ ārĩdi āārĩmĩ ĩgũ mũsãrẽ doreri gojadea pũgue: “Mũsã yũ irirosũ āārã”, ārĩdi āārĩmĩ.

35 Marĩ ire masĩa. Marĩpu ĩgũya werenĩrĩ gojadea pũgue ārĩrĩ diayeta āārã. Marĩrẽ neõ irire: “Diaye āārĩbea”, ārĩ masĩña mãa. Irasiro iri pũguere ĩgũya kerere pérãrẽ: “Yũ irirosũ āārĩma”, ārĩrĩ diayeta āārã.

36 Marĩpu yũre beyesĩã, i ãmũguere iriumi. Irasũ āārĩkeremakũ: “Yũ Marĩpu magũ āārã”, ārĩdea waja mũsã gapũ yũre: “Marĩpũre ñerõ werenĩmĩ”, ārã. ¿Nasirĩã yũre irasũ ārĩrĩ mũsã?

37 Yũpu yũre dorerosũta ĩgũ turari merã yũ iri ĩmubirimakũ ĩārã, yũ wereri gapũre bũremubirikõãka!

38 Yuru yure dorerosũta yu iri imumakũ iãrã, yu wererire buremubirikererã, yu iriri gapure: “Marĩpu turari merã iriri ããrã”, ãrĩ buremuka! Musã irire ãrĩ buremurã, Yuru yugure òãrò ããrĩrẽ, irasũ ããrĩmakũ yu ãgũ merã suguta ããrĩrẽ masĩrãkoa.

39 ãgũ irasũ ãrĩmakũ, ãgũrẽ peresu iridũarã ñeãdũarã iriadima doja. ãgũ gapu ãgũsãrẽ duriwiriakõãmi.

40 Wiria, Juan masakare wãiyepuroriderogue dia Jordán wãikũdiya gaji koepugue dupaturi waa, irogue dujami.

41 Masaka wãrã ãgũrẽ iãrã ejama. ãsũ ãrĩma:

—Juan masakare wãiyedi Marĩpu turari merã iririre iri imubirikeregu, ããrĩpereri Jesúyamarẽ weredeã diayeta ããrã, ãrĩma.

42 Irasirirã wãrã irogure Jesúre buremuma.

## 11

### *Lázaro boadea* (Lc 10.38-42)

1-2 Iripoere Betania wãikũri makãmu Lázaro wãikũgu pũrĩrikũgu iriyupu. Iri makã, ãgũ tĩrã nome María, Marta wãikũrãya makã ããrĩbũ. María marĩ Opũ Jesúya gubure sũrõrĩ merã piupeo, igo poari merã túkoëbo ããrĩmó.

3 Lázaro pũrĩrikũmakũ iãrã, ãgũ tĩrã nome gajirã merã Jesúre kere iriuñurã:

—Gua Opũ, mu maĩgũ pũrĩrikũgu yãmi, ãrĩ kere iriuñurã.

4 Jesús iri kerere pégu, ãrĩmi:

—Iri pũrĩrĩ ãgũrẽ boamakũ iriburi ããrĩbea. Iri merã Marĩpu masakare ãgũ turarire imugukumi. ãgũ irire imugũ, yu ãgũ magũ ããrĩrĩrẽ, ãgũ turari opagu ããrĩrdere imugukumi.

5-6 Irasirigu Jesús Martare, igo pagumorẽ, Lázarore buro maĩsã, Lázaro pũrĩrikũri kere péadero purũ, penũ ãgũ ããrĩrdguere dujanemomi.

7 Penũ purũ guare ãgũ buerãrẽ ãrĩmi:

—Nãka, dupaturi Judea nikũgue waarã doja!

8 Gua ãgũrẽ ãrĩbũ:

—Buegu, irinugue marĩ irogue ããrĩmakũ, judío masaka murẽ ãtãyeri merã deã wẽjẽdũama. ¿Nasirigu mu irogue dupaturi waadũari?

9 Gua irasũ ãrĩmakũ, Jesús keori merã guare ãsũ ãrĩ weremi:

—Sunrẽ pe mojõma pere su gubu peru pẽrẽbejari horagora ããrã. Irasirirã, i umugure siãgori ããrĩyumakũ, iri boyori merã masaka noó waaró waarã, gubutũabirikuma.

10 Ñãmi merã siãgori marĩrõ waarã gapu gubutũama.

11 ãgũ irire ãrĩ odo, guare ãrĩmi:

—Marĩ merãmu Lázaro kãriakõãmi. Yũ ìgũrẽ yobegu waagũkoa.

<sup>12</sup> Gũa ìgũrẽ ãrĩbu:

—Gũa Opũ, Lázaro kãrĩmakũ, ìgũ sĩrĩrĩ tarirokoa, ãrĩbu.

<sup>13</sup> Jesús: “Kãriakõãmi”, ãrĩgũ, ìgũ kõmoadeare weregu iridi ããrĩmĩ. Gũa gapũ: “Ìgũ kãrĩrĩrẽ weremi”, ãrĩ gũñadibu.

<sup>14</sup> Irasirigu Jesús pémasĩma õãrõ gũare weremi:

—Lázaro boakõãmi.

<sup>15</sup> Yũ usũyáa, yũ marĩrõ boami. Ìgũ boari merã musã yũre bũremunemorãkoa. Náka, marĩ ìgũrẽ ìãrã! ãrĩmi.

<sup>16</sup> Jesús irire ãrĩmakũ pégu, Tomás “Sũdũadi” ìgũsã ãrĩgũ gũare ãrĩmi:

—Marĩ Jesús merã waarã! Ìgũ iroque boamakũ, marĩde ìgũ merãta boakõãrã!

*Jesús boanerãrẽ masãmakũ irigu, okari sīgũ ããrĩrĩmarẽ were-dea*

<sup>17</sup> Jesús Betaniague ejamakũ, iro marã ìgũrẽ werema:

—Wapikurinu taria, Lázaro dagũre ìgũsã yáadero pũru, ãrĩma.

<sup>18</sup> Betania, Jerusalén pũrogã, pe kilómetro gaji kilómetro deko yoaro ããrĩbũ.

<sup>19</sup> Irasirirã judío masaka wãrã Lázaro boadea kerere pérã, Marta, Maríare ìãrã waañurã, ìgũsãrẽ ìã gũñaturaburo, ãrĩrã.

<sup>20</sup> Jesús ìgũsã pũro ejaburi kerere pégo, Marta ìgũrẽ bokatĩrĩgõ aarimó. María gapũ wiigueta dujakõãdeõ ããrĩmó.

<sup>21</sup> Marta Jesús pũro ejago, ìgũrẽ ãrĩmo:

—Yũ Opũ, mũ õõgue ããrĩmakũ, yũ pagũmu boabiriboadi ããrãmi.

<sup>22</sup> Yũ masĩa. Mũ Marĩpũre sërẽmakũ, ããrĩpereri mũ sërẽrõsũta irigũkumi.

<sup>23</sup> Jesús igore ãrĩmi:

—Mũ pagũmu dupaturi okagũkumi.

<sup>24</sup> Igo ìgũrẽ ãrĩmo:

—Yũ masĩa. I mũmu peremakũ ããrĩpererã boanerã masãmakũ, ìgũde dupaturi okagũkumi.

<sup>25</sup> Igo irasũ ãrĩmakũ, Jesús ãsũ ãrĩmi:

—Yũ boanerãrẽ masãmakũ irigu, ìgũsãrẽ okari sīgũ ããrã. Yũre bũremugũ boadigue ããrĩkeregũ, okagũkumi.

<sup>26</sup> Irasirirã okarã yũre bũremurãno neõ boabirikuma\*. ¿Mũ ire bũremurĩ?

<sup>27</sup> Igo ìgũrẽ ãrĩmo:

—Yũ Opũ, mũrẽ bũremua. Mũ, Cristo Marĩpũ magũ, i mũmũgue aarigũkumi, ìgũsã ãrĩdi ããrã.

\* **11:26** Jesús: “Okarã yũre bũremurãno neõ boabirikuma”, ãrĩgũ, ìgũsã mũmũgasigũre perebiri okaburire, perebiri peamegue neõ waabiriburire werenígũ irimi.



*Jesús Lázaro ya dupure yáadea masãgobe puro oredea*

28 Marta irasũ arĩ odo, igo pagũmo Maríare siiugo waamo. Gajirã péberogã igore asũ arĩyupo:

—Marĩrẽ buegũ ejasiami. Murẽ siiuami.

29 Igo irasũ arĩmakũ pégo, mata María ĩgũ pũrogue mumurõ merã aarimó.

30 Jesús makãgue ejabirimi dapa. Marta ĩgũrẽ bokatĩrĩaderogueta aãrĩmĩ.

31 Judío masaka wiigue Maríare ĩã gũñaturaburo, arĩrã, igo merã aãrãnerã, igo mumurõ merã waamakũ ĩãrã, igore tũyawãgãñurã. “Igo pagũmũ yáa masãgobegue orego waagó irikumo”, arĩ gũñañurã.

32 María Jesús pũrogue ejago, ĩgũrẽ ĩã, ĩgũ guburi puro ñadukũpuri merã ejamejã:

—Yũ Opũ, mũ õõgue aãrĩmakũ, yũ pagũmũ boabiriboadi aãrãmi, arĩmo.

33-34 Igo, igore tũyanerã merã oremakũ ĩãgũ, Jesús bũro bopoña, bũjawereri merã ĩgũsãrẽ ĩã:

—¿Noógue ĩgũrẽ yáari mũsã? arĩ sērẽñami.

ĩgũsã ĩgũrẽ arĩma:

—Gũa Opũ, ĩãgũ aarika!

35 Jesús oremi.

36 ĩgũ oremakũ ĩãrã, judío masaka arĩma:

—Īaka! Noópagora ĩgũrẽ maĩayuriye!

37 Gajirã ĩgũsã merãmarã gapũ arĩma:

—Koye ĩãmasĩbire ĩãmakũ iridi aãrĩmi. ¿Lázaro boaburi dupiyuro ĩgũrẽ ĩãgũ taukõãboayuri?

*Jesús Lázaro masũdea*

38 Jesús bũro bũjawereri merã masãgobe puro waami. Iri gobe ẽtãtore aãrĩbũ. Iri gobe ñajãrõrẽ wãri majĩ ẽtã majĩ merã biasũbũ.

39 Jesús arĩmi:

—Ëtã majĩrẽ aĩ weanúka!

ĩgũ irasũ arĩmakũ pégo, Marta boadi tĩgõ arĩmo:

—Yũ Opũ, ĩgũya dupũ daro ũrĩasiakuyo. Wapikũrinũ tarisiáa, ĩgũ boadero pũrũ.

40 Jesús gapũ igore arĩmi:

—Murẽ wereabũ: “Yũre bũremugõ Marĩpũ turarire ĩãgokoa”, arãbũ.

41 ĩgũ irasũ arĩ odomakũ, ĩgũsã ẽtã majĩrẽ aĩ weanúma. Jesús ũmũgasigue ĩãmu, Marĩpũre asũ arĩmi:

—Aũ, yũ sērẽrĩrẽ mũ pésiabũ. Irasirigũ mũrẽ: “Õãa”, arĩ, usyari sĩa.

42 Y<sub>u</sub> masĩa. Y<sub>u</sub> murē sērērīrē irasū pénikōāa. Y<sub>u</sub> irire masĩkereg<sub>u</sub>, ōō nírā y<sub>u</sub> m<sub>u</sub> iriudi āārīrīrē masīburo, ārīgū, ĩgūsā péurogue murē: “Y<sub>u</sub> sērērīrē m<sub>u</sub> pésiabu”, ārī werea.

43 Irasū ārī odo, Jesús burō b<sub>u</sub>suro merā ārīmi:

—Lázaro, irore wirika!

44 ĩgū irasū ārīmakūta, masāgobegue wiririmi. ĩgūya mojōrī, guburire surí gasiri merā d<sub>u</sub>rasūdi, ĩgūya diapure suríro gasiro merā ōmasūdi āārīmí. Irasirig<sub>u</sub> Jesús ĩgūsārē:

—Kuranoka ĩgū waamakū! ārīmi.

*Judío masaka oparā Jesúre ñeãd<sub>u</sub>adea*

(Mt 26.1-5; Mr 14.1-2; Lc 22.1-2)

45 Wárā judío masaka María merā masāgobegue wapik<sub>u</sub>nerā Jesús iriadeare ĩārā, ĩgūrē b<sub>u</sub>remuma.

46 Gajirā ĩgūsā merāmarā gap<sub>u</sub> fariseo bumarā p<sub>u</sub>rogoe waa, Jesús iriadeare ĩgūsārē wereñurā.

47 Irasirirā fariseo bumarā, irasū āārīmakū paía oparā gajirā judío masaka oparā merā nerē, āsū ārī wereníñurā:

—¿Nasirirākuri marĩ? Jesús wári turari merā iri ĩmugū yámi.

48 Marĩ ĩgūrē: “Iropata irika!” ārībirimakū, āārīpererā masaka ĩgūrē b<sub>u</sub>remurākuma. Irasirirā romano marā oparā aarirākuma, Marĩp<sub>u</sub>ya wiire béo, marĩrē marĩya níkurē ěmamurā, ārīñurā.

49 Sug<sub>u</sub> ĩgūsā merāmu, Caifás wāik<sub>u</sub>gu iri bojorire paía opu āārīmí. ĩgūsā irire irasū ārīmakū pégu, ĩgūsārē ārīyup<sub>u</sub>:

—M<sub>u</sub>sā irima āārīpererire neō masíbea.

50 Ire pémasíbea. Suguta marĩ judío masakaya āārīburire boabosamakū ōārokoa. ĩgū boabirimakū, marĩ āārīpererā judío masaka gap<sub>u</sub> pereakōābukoa.

51 ĩgū Jesús judío masakaya āārīburire boabosaburire wereg<sub>u</sub>, ĩgū basi gūñarĩ merā irasū ārībiriyp<sub>u</sub>. Iri bojorire ĩgū paía opu āārīmakū, Marĩp<sub>u</sub> ĩgūrē irire ārīmakū iriyup<sub>u</sub>.

52 Jesús boag<sub>u</sub>, judío masakaya āārīburire, irasū āārīmakū āārīpererā Marĩp<sub>u</sub> pūrā āārīperero āārīrādere ĩgūsāya āārīburidere boami, su buta āārīburo, ārīgū.

53 Caifás ĩgūsārē irasū ārādero p<sub>u</sub>ru: “¿Nasiri Jesúre wējērākuri marĩ?” ārī werenírā iriñurā.

54 Jesús, ĩgūsā ĩgūrē wējēd<sub>u</sub>arire masĩkōāmi. Irasirig<sub>u</sub> judío masaka oparā ĩūrōgue neō waagorenabirimi. Judea níkūma makā, masaka marĩrō p<sub>u</sub>ro āārīrĩ makā Efraín wāik<sub>u</sub>ri makāgue waakōāmi. Irogue g<sub>u</sub>a ĩgū buerā merā dujami.

55 Iripoere pascua bosenu g<sub>u</sub>a judío masaka bosenu āārīburo mérōgā d<sub>u</sub>yabu. Irasirirā bosenu dupiyuro masaka wárā gaji makārĩ marāde Jerusalēgue iri bosenu<sub>u</sub>marē baaburo

dupiyuro Marĩpu dorederosũta koerã waama ĩgũ ĩgũsãrẽ: “Ñerĩ opamerã, õarã ããrĩma”, ãrĩ ĩãburo, ãrĩrã.

<sup>56</sup> ĩgũsã irogue ejarã, Jesũre ãmagorenañurã. Marĩpuya wi-  
igüe ããrĩrã, ãsũ ãrĩ gãme werenĩñurã:

—¿Naásũ gũñarĩ? ¿Bosenurẽ ĩãgũ aarigukuri, o aaribirikuri?

<sup>57</sup> Paía oparã, fariseo bumarã masakare doreñurã. ãsũ  
ãrĩñurã:

—Jesũs ããrĩrõrẽ masĩrã, gũare wereka! ĩgũrẽ ñeã, peresu  
iriduarã irasũ ãrĩñurã.

## 12

*María Jesúya guburire sãrõrĩ piupeodea*  
(Mt 26.6-13; Mr 14.3-9)

<sup>1</sup> Su mojõma pere gaji mojõ suru pẽrẽbejarinurĩ pascua  
bosenu waaburi dupiyuro Jesũs Betaniague waami. Iri makã,  
Lázaro boadiguere Jesũs masũdiya makã ããrĩbũ.

<sup>2</sup> Irogue Jesũre bosenu iripeoma. Marta baarire gueremo.  
Lázaro ĩgũ merã baa doami. Gũade ĩgũsã merã baabũ.

<sup>3</sup> Gũa ĩgũsã merã baaripoe María suru sãrõdiru wádiru su  
litro deko opadirure Jesũs purõ ãija, ĩgũya guburire piupeomo.  
Iri sãrõrĩ “nardo” wãikuri sãrõrĩ, gajino merã morẽña marĩrĩ,  
wajapari sãrõrĩ ããrĩyuro. Irire piupeo odo, igoya poañapu  
merã ĩgũya guburire túkoemo. Iri wii ããrĩperero sãrõseyakõãbũ.

<sup>4</sup> Igo irasirimakũ ĩãgũ, gũa Jesũs buerã watopemu Jesũre  
wẽjẽduarãguere ĩgũrẽ ĩmubu Judas Iscariote ãsũ ãrĩmi:

<sup>5</sup> —¿Nasirigo i sãrõrĩrẽ duabirari? Irire duago, trescientos  
nurĩ moãdea wajare wajataropa wajataboakuyo. Irasirigo iri  
niyerure boporãrẽ sĩboakuyo, ãrĩmi.

<sup>6</sup> Yajarikũsĩã, irasũ ãrĩmi. Boporãrẽ iritamudũagũ meta  
ããrĩmĩ. ĩgũ gũaya niyeru ajurore koregũ ããrĩmĩ. Iri ajurogue  
gũa niyeru duripĩrere yajanokõãmi.

<sup>7</sup> Jesũs ĩgũrẽ ãrĩmi:

—Iropata ãrĩka! Igo iri sãrõrĩ duripĩadeare yãre piupeogo,  
ĩgũsã yãre yáaburi dupiyuro iriburire irasũ yámo.

<sup>8</sup> Boporã musã merã ããrĩnĩkõãrãkuma. Yu gapũ musã purõ  
ããrĩnĩbirikoa.

*Judío masaka oparã Lázarore wẽjẽduadea*

<sup>9</sup> Jesũs Betaniague ããrĩrĩ kerere pẽrã, judío masaka wárã  
irogue ĩgũrẽ ĩãrã aarirã, ĩgũ ditare ĩãrã aaribirima. Lázaro  
boadiguere Jesũs masũdidere ĩãrã aarimã.

<sup>10-11</sup> Jesũs ĩgũrẽ masũmakũ ĩãdero purũ, wárã judío  
masaka paía oparã bueri gapũre tũyanemobiri, Jesũre  
buremupurõrĩñurã. Irasirirã paía oparã Jesũre wẽjẽduarosũta  
Lázarodere wẽjẽduañurã.

*Jesús Jerusalēgue ejadea**(Mt 21.1-11; Mr 11.1-11; Lc 19.28-40)*

<sup>12</sup> Gajinu gapu wárã masaka Jerusalēgue pascua bosenurē ãrã ejanerã, Jesús iroque waaburi kerere péñurã.

<sup>13</sup> Irasirirã beje pũ diti ãiwãgã, ãgũrē ãsũ ãrĩ gaguini bokatĩrĩrã aarimã:

—Marĩ Opure usuyari sĩrã! Ñ Marĩpu marĩrē taugũ iriudi òãrò aariburo. Ñgũ marĩ Israel bumarã Oputa ããrĩmi, ãrĩma.

<sup>14</sup> Jesús burrore bokaja, ãgũ weka murĩbejami. Irasirigu Marĩpuya werenĩrĩ gojadea pũgue ãrĩderosũta irimi. ãsũ ãrĩ gojasũdero ããrĩbũ:

<sup>15</sup> Jerusalén marã güibirikõãka!

Ñãka! Musã Opũ burro weka peyawãgãrimi, ãrĩ gojasũdero ããrĩbũ.\*

<sup>16</sup> Gũã ãgũ buerã iri gojadeare pémasĩbiribũ. “Dapagora Jesús iri gojaderosũta irigu yãmi”, ãrĩ güñabiribũ. Umugasigue ãgũ murĩadero purũ, iri gojadeare güñaboka, pémasĩbũ. “Marĩpuya werenĩrĩ gojadea pũgue ãrĩderosũta Jesúre waabu”, ãrĩ güñabu.

<sup>17</sup> Jesús Lázarore ãgũsã yáadea gobere wiridore, ãgũrē masũmakũ ããnerã gajirãrē ãgũsã ããdeare wererã irima.

<sup>18</sup> Irasirirã wárã masaka Lázarore Jesús masũdea kerere pénerã ããrĩsĩã, Jesúre bokatĩrĩrã aarimã.

<sup>19</sup> ãgũsã irasirimakũ ããrã, fariseo bumarã ãgũsã basi ãsũ gãme ãrĩ werenĩñurã:

—Ñãka! ããrĩpererã ãgũ merã dita waarã yãma. Marĩ neõ ãgũsã iririre kãmutamasĩbea.

*Surãyeri griego masaka Jesúre ããduadea*

<sup>20</sup> Jerusalēgue pascua bosenũ ããrĩmakũ, Marĩpure buremurã ejanerã watopere surãyeri griego masaka ããrĩmã.

<sup>21</sup> ãgũsã Jesúre ããduarã, Felipe wererã aarimã. Felipe Betsaida wãikuri makãmu ããrĩmĩ. Betsaida, Galilea nikũgue ããrĩrĩ makã ããrĩbũ. ãsũ ãrĩma ãgũrē:

—Jesúre ããduakoa gũã.

<sup>22</sup> ãgũsã irasũ ãrĩmakũ pégu, Felipe Andrére weregu waami. Irasirirã ãgũsã pãrãgueta Jesúre wererã waama.

<sup>23</sup> Jesús, griego masaka ãgũrē ããduarire pégu, guare ãrĩmi:

—Mérõgã dayáa yũ ããrĩpererã tĩgũ boa, masã, umugasigue murĩaburo.

<sup>24</sup> Diayeta musãrē werea. Oteri yere otebirimakũ, suyeta dujarokoa. Iri yere otedero purũ, yeba poekague boa, purũ puri wiri, wãri dukã sĩkoa.

<sup>25</sup> Sugũ ãgũ i umugue okarire maĩgũno, perebiri peamegue waagukumi. ãgũ i umugue okarire maĩbi gapu umugasigue perebiri okari opagukumi.

26 Y<sub>u</sub> dorerire irid<sub>u</sub>agu, y<sub>u</sub>re t<sub>u</sub>yaburo. Y<sub>u</sub>re t<sub>u</sub>yagu, y<sub>u</sub> ããrĩburoguere y<sub>u</sub> merã ããrĩg<sub>u</sub>kumi. Y<sub>u</sub>ru y<sub>u</sub> dorerire irigare: “Oãrõ irig<sub>u</sub> yãmi”, ãrĩ, ãg<sub>u</sub>rẽ õãrõ irig<sub>u</sub>kumi.

*Jesús ãg<sub>u</sub> boaburire weredea*

27 Dapagorare y<sub>u</sub> b<sub>u</sub>ro b<sub>u</sub>jawereri merã ããrã. ¿Naásũ ãrĩg<sub>u</sub>kuri? “A<sub>u</sub>, y<sub>u</sub> ñerõ tariburore tauka!” ¿ãrĩg<sub>u</sub>kuri? Irire ãrĩbea. Ñerõ taributa i ãm<sub>u</sub>guere aarib<sub>u</sub>, ãrĩmi.

28 Irasũ ãrĩ odo, ãg<sub>u</sub> Pagure: “A<sub>u</sub>, m<sub>u</sub> turagu ããrĩrẽ masakare ãmuka!” ãrĩmi.

ãg<sub>u</sub> irasũ ãrĩmak<sub>u</sub>, Marĩru ãm<sub>u</sub>gasigue ããrĩg<sub>u</sub> werenĩrẽ pébu. ãsũ ãrĩmi:

–Y<sub>u</sub> turagu ããrĩrẽ masakare ãmusiab<sub>u</sub>. Irire dupaturi ãmugura doja.

29 Masaka irogu ããrĩã ãg<sub>u</sub> werenĩrẽ pérã, ãrĩma:

–Bupu b<sub>u</sub>s<sub>u</sub>kumi.

Gajirã ãrĩma:

–Marĩp<sub>u</sub>re wereboegu Jesúre werenĩami.

30 Jesús gap<sub>u</sub> ãsũ ãrĩmi:

–Y<sub>u</sub>ru irire werenĩg<sub>u</sub>, y<sub>u</sub>re pédoreg<sub>u</sub> meta werenĩami. Musã gap<sub>u</sub>re pédoreg<sub>u</sub> werenĩami.

31 Dapagorare waarĩ merã, i ãm<sub>u</sub> marã ãg<sub>u</sub>sã ñerĩ iridea waja wajamoãsrãkuma. Irasũ ããrĩmak<sub>u</sub>, ñeg<sub>u</sub> i ãm<sub>u</sub> marãrẽ doreg<sub>u</sub> béosũg<sub>u</sub>kumi.

32 Curusague ãg<sub>u</sub>sã y<sub>u</sub>re pábiatú, ãiwãg<sub>u</sub>númak<sub>u</sub>, ããrĩpererã masakare siug<sub>u</sub>koa, y<sub>u</sub> merã ããrĩburo, ãrĩg<sub>u</sub>.

33 Irasũ ãrĩg<sub>u</sub>, ãg<sub>u</sub> curusague boaburire wereg<sub>u</sub> irimi.

34 ãg<sub>u</sub> ãrĩrẽ pérã, masaka ãg<sub>u</sub>rẽ ãrĩma:

–Marĩp<sub>u</sub>ya werenĩrĩ gojadea p<sub>u</sub>gue ãg<sub>u</sub>sã bue ãmumak<sub>u</sub> pébu. “Marĩp<sub>u</sub> iriudi Cristo okanĩkõãg<sub>u</sub>kumi”, ãrĩ bue ãmuma. ¿Nasirigu m<sub>u</sub> gap<sub>u</sub>: “ããrĩpererã tãg<sub>u</sub>rẽ curusague pábiatú, ãiwãg<sub>u</sub>núrakuma”, ãrĩrĩ? ¿Noã ããrĩrĩ ããrĩpererã tãg<sub>u</sub>?

35 ãg<sub>u</sub>sã irasũ ãrĩmak<sub>u</sub>, Jesús ãrĩmi:

–Y<sub>u</sub> masakare siãgori siãg<sub>u</sub> ããrã. Yoaweyaripoe musã p<sub>u</sub>rogu ããrĩg<sub>u</sub>koa dapa, Marĩp<sub>u</sub>re masĩburo, ãrĩg<sub>u</sub>. Irasirirã siãgori merã õãrõ waamasirã irirosũ ããrĩka! Naĩtĩãrõgue waagorenag<sub>u</sub>no, ãg<sub>u</sub> waaburore neõ masĩbirikumi.

36 Y<sub>u</sub> musãrẽ siãgori siãg<sub>u</sub> ããrĩg<sub>u</sub> musã merã ããrã, Marĩp<sub>u</sub>re masĩburo, ãrĩg<sub>u</sub>. Irasirirã, musã merã y<sub>u</sub> ããrĩt<sub>u</sub>nuburo dupiyuro y<sub>u</sub>re b<sub>u</sub>remuka! Y<sub>u</sub>re b<sub>u</sub>remurã, boyorogue ããrĩã irirosũ, yaarã ããrĩrãkoa.

Irasũ ãrĩ odo, ãg<sub>u</sub>sãrẽ duriwãg<sub>u</sub>kõãmi.

*Judío masaka Jesúre b<sub>u</sub>remubiridea*

<sup>37</sup> Jesús wári Marĩpu turari merã iri ĩmumakũ ĩãkererã, ĩgũrẽ buremubirima.

<sup>38</sup> Marĩpuya werenĩĩ gojadea pũgue Isaías gojaderosũta irima. Āsũ ãrĩ gojadi ããrĩmĩ Isaías:

Гѡа Ору, masaka гѡа мѡа kere wererire pékererã, buremubema. Мѡ turari merã мѡ iri ĩmurĩrẽ ĩãkererã: “Гѡа Ору iriri ããrĩ i”, ãrĩbema, ãrĩ gojadi ããrĩmĩ.☆

<sup>39</sup> ĩgũsã Marĩpũre buremumasĩbirideadere Isaías gajirogue Marĩpuya werenĩĩ gojadea pũgue ãsũ ãrĩ gojadi ããrĩmĩ:

<sup>40-41</sup> Marĩpu ĩgũsãrẽ koye ĩãmasĩmerã irirosũ ããrĩmakũ iridi ããrĩmĩ. ĩgũyare pémasĩbirimakũ iridi ããrĩmĩ.

Irasirirã ĩgũ turari merã iri ĩmurĩrẽ ĩãkererã, irire neõ ĩãmasĩbema. ĩgũyare pékererã, irire neõ pémasĩbema. ĩgũrẽ neõ buremudũabema.

ĩgũrẽ buremumakũ, ĩgũsãrẽ taubukumi, ãrĩ, Isaías Jesús turarire, ĩgũ gosesiririre ĩãdi ããrĩsĩã, irasũ ãrĩ gojadi ããrĩmĩ.☆

<sup>42</sup> Gajirã Jesũre buremubirikeremakũ, wãrã judío masaka, ĩgũsã oparãgueta ĩgũrẽ buremuñurã. Irasũ buremukererã, fariseo bumarãrẽ gũisĩã, gajirãrẽ Jesũre ĩgũsã buremurĩrẽ werebiriñurã. Fariseo bumarã ĩgũsãrẽ: “Neõ marĩ judío masaka nerẽrĩ wiigue ñajãnemobirikõãka!” ãrĩbukuma, ãrĩrã, irasiriñurã.

<sup>43</sup> Irasirirã Jesũre buremukererã, gajirã masaka, Marĩpu nemorõ ĩgũsãrẽ: “Õãrã ããrĩma”, ãrĩmakũ gããmeñurã.

*Masaka Jesús wererire pédũabiri waja wajamoãsũrãkuma, ãrĩ gojadea*

<sup>44</sup> Jesús masaka péburo, ãrĩgũ, bũro bũsũro merã ãsũ ãrĩ weremi:

—Yũre buremugũ yũ ditare buremubemi. Yũpu yũre iriudidere buremumi.

<sup>45</sup> Yũre ĩãgũ, yũre iriudidere ĩãmi.

<sup>46</sup> Yũ sĩãgori sĩgũ ããrĩgũ i ãmũguere yũre buremurã yũre iriudire masĩmerã irirosũ ããrĩbirikõãburo, ãrĩgũ aaribú. Irasirirã naĩĩãrõgue ããrĩrã irirosũ ããrĩbirikuma.

<sup>47</sup> Yũ wererire pékererã, irire irimerãrẽ yũ wajamoãbirikoa. Yũ i ãmũguere masakare wajamoãgũ aaribiribũ. Ubu gapũ taugũ aaribú, ĩgũsã perebiri peamegue waabirikõãburo, ãrĩgũ.

<sup>48</sup> Yũre gããmemerã, yũ wererire pédũamerã wajamoãsũrãkuma. ĩgũsãrẽ wajamoãbu, Yũpu ããrĩmĩ. I ãmũ peremakũ, yũ ĩgũya werenĩĩ wererire pébiridea waja ĩgũsãrẽ wajamoãgũkumi.

<sup>49</sup> Yũ gããmerõ werebea. Yũpu yũre iriudi ĩgũ were-dorerosũta werea. ĩgũ yũre buedorerosũta buea.

<sup>50</sup> Yurɛ dorerosũta iriguno, amugasigue perebiri okarire opagukumi. Irasirigu Yurɛ yure weredorerosũta musãrẽ werea, arĩmi Jesús.

## 13

### *Jesús igũ buerãya guburire koedea*

<sup>1</sup> Pascua bosenɛ waaburo mérõgã dɛyabu. Jesús i umurẽ wiri, igũ Pagu purõ waaburo mérõgã dɛyarire masĩsiami. Igũyarã i amugue aarĩrãrẽ neõ maĩduubirimi. Igũsarẽ burõ maĩrĩrẽ imuburo mérõgã dɛyabu.

<sup>2-4</sup> Wãtĩ Judare Simón Iscariote magurẽ igũya gũnarĩgue Jesúre wẽjẽduarãguere igurẽ imudoresiadi aarĩmĩ. Jesús igũ Pagu purõ merã aarideare, puru igũ irogue waaburire masĩmi. Marĩpu igũ Pagu aarĩpererãrẽ dorebure pídeadere masĩmi. Irasirigu gũa igũ buerã merã baa doanĩadi, wãgãnuãgã, igũya surĩro wekamañerẽ túwea, túkoeri gasiro merã igũya yujurure suami.

<sup>5</sup> Sua odo, soropa merã deko piusã, gũare igũ buerãrẽ gũaya guburire koenuãgãmi. Sugũya guburire koe odo, igũ suadea gasiro merã túkoemi. Gajirãya guburidere irasũ dita irimi.

<sup>6</sup> Igũ Simón Pedroya guburire koebu irimakũ iãgũ, Pedro igurẽ arĩmi:

—Yɛ Opɛ, ¿yaa guburire koeri mu?

<sup>7</sup> Jesús igurẽ arĩmi:

—Dapagora yɛ iririre mu pémasĩbea. Purugue pémasĩgukoa.

<sup>8</sup> Pedro igurẽ arĩmi:

—Yaa guburire mu neõ koebirikoa.

Jesús igurẽ arĩmi:

—Murẽ yɛ koebirimakũ, yaagu aarĩbirikoa.

<sup>9</sup> Igũ irasũ arĩmakũ pégu, Simón Pedro igurẽ arĩmi:

—Yɛ Opɛ, yaa guburi ditare koebirikõãka! Yaa guburire koegu, yaa mojõrĩ, yaa dipurudere koeka!

<sup>10</sup> Igũ irasũ arĩmakũ, Jesús asũ arĩmi:

—Sugu masakɛ õãrõ guuadigue dupaturi guuabirikumi. Naagorena odoadero purɛ, igũya guburi ditare koekumi. Aarĩpererã musã gurari marĩrã irirosũ aarã. Irasũ aarĩkeremakũ, sugu musã merãmu ñegũ, gurarikugu irirosũ aarĩmi.

<sup>11</sup> Jesús, Judas igurẽ wẽjẽduarãguere igurẽ imuburire masĩsiami. Irire masĩsĩã: “Sugu musã merãmu ñegũ, gurarikugu irirosũ aarĩmi”, arĩgũ irimi.

<sup>12</sup> Gũaya guburire koe odo, igũya wekamañerẽ sãña, igũ doaderogue dupaturi eja doaja, gũare asũ arĩmi:

—¿Yɛ musãrẽ dapagora iririre pémasĩrĩ musã?

13 Músã yure: “Gũare buegu, gũa Opũ ããrã”, ãrĩrã, keoro werea. Diayeta yũ músãrẽ buegu, músã Opũ ããrã.

14 Yũ músãrẽ buegu, músã Opũ ããrĩkeregu, músãya guburire koeabũ. Irasirirã músãdere músãya guburire gãme koero gããmea.

15 Músã gãme iritamumakũ gããmegũ, músãrẽ irasiri ĩmuabũ, yũ músãrẽ iriaderosũta iriburo, ãrĩgũ.

16 Diayeta músãrẽ werea. Neõ sugũ moãboerimasũ, ĩgũ opũ nemorõ ããrĩbirikumi. Sugũ iriusũdi, ĩgũrẽ iriudi nemorõ ããrĩbirikumi.

17 Músã ire pémasĩrã, ire irirã, usuyari merã ããrĩrãkoa.

18 Yũ irire ãrĩgũ, músã ããrĩpererãrẽ ãrĩbea. Yũ beyenerãrẽ masĩa. Marĩpũya werenĩrĩ gojadea pũgue ãrĩaderosũta keoro waarokoa. Āsũ ãrĩ gojasũdero ããrĩbũ: “Yũ merã baagũta yure ĩaturigũ dujami”, ãrĩ gojasũdero ããrĩbũ.

19 I waaburi dupiyuro yũ músãrẽ werea. Irasirirã yũ weredeã keoro waadero pũru: “Īgũ ããrã yũ\*”, ãrĩdeare bũremurãkoa.

20 Diayeta músãrẽ werea. Yũ iriunerãrẽ õãrõ merã bokatĩrĩneãgũno, yũdere bokatĩrĩneãmi. Yure õãrõ merã bokatĩrĩneãgũ, yure iriudidere bokatĩrĩneãmi, ãrĩmi Jesús.

*Judas Jesúre wẽjẽduarãguere ĩgũrẽ ĩmuburire weredeã*  
(Mt 26.20-25; Mr 14.17-21; Lc 22.21-23)

21 Irasũ ãrĩ odo, Jesús bũro bũjawereri merã ããrĩmĩ. Gũare pémasĩma õãrõ ãsũ ãrĩ weremi:

–Diayeta músãrẽ werea. Sugũ músã merãmu yure wẽjẽduarãguere yure ĩmugũkumi.

22 Īgũ irasũ ãrĩmakũ pérã, gũa: “¿Noãrẽ irasũ ãrĩrĩ?” ãrĩrã, gãme ĩã oya doanĩbũ.

23 Yũ Juan, Jesús buegu ĩgũ maĩsũgũ, ĩgũ pũrogã doabũ.

24 Simón Pedro ĩgũya mojõ merã yure soepumi, Jesúre ĩgũ irasũ ãrĩrĩrẽ sërẽñadoregu.

25 Irasirigũ yũ Jesús pũrogã gãme doaweya, ĩgũrẽ sërẽñabũ:

–Yũ Opũ, ¿noã ããrĩrĩ ĩgũ?

26 Jesús yure ãrĩmi:

–Yũ pãrũrẽ moãwa, yosa, ĩgũrẽ sĩgũkoa. Īgũta ããrĩmi yure ĩmubu.

Irasũ ãrĩ odo, pãrũrẽ moãwa, yosa, Judare Simón Iscariote magũrẽ sĩmi.

\* 13:19 Exodo 3.13-15: Iripoegue Moisés Marĩpũre sërẽñadi ããrĩmĩ: “Israel bumarã yure: ‘¿Mũ iriudi wãĩ naásũ ããrĩrĩ?’ ãrĩ sërẽñamakũ, ¿naásũ ãrĩ weregũkuri?” Marĩpũ ĩgũrẽ ãsũ ãrĩdi ããrĩmĩ: “Yũ wãĩ ‘YO SOY EL QUE SOY’ ããrã. Irasirigũ Israel bumarãrẽ ãsũ ãrĩ wereka: ‘YO SOY yure músãguere weredoregu iriumi’, ãrĩka!” ãrĩdi ããrĩmĩ. “YO SOY EL QUE SOY”, ãrĩrõ: “Yũ ããrĩnĩgũta ããrã, o ĩgũ ããrã yũ”, ãrĩduaro yãa.



27 Judas ire ñeãmakû, mata wãtĩ ìgũguere ñajãdi ããrĩmĩ. Irasirigu Jesús Judare ãrĩmi:

—Mũ iriburire iripurumuka!

28 Jesús ìgũrẽ irasũ ãrĩrĩrẽ pékererã, gũa irogue baa doanírã irire pémasĩbiribũ.

29 Surãyeri gũa ãsũ ãrĩ gũñabũ: “Judas gũa niyerure koregũ ããrĩmi. Irasirigu Jesús ìgũrẽ gũa bosenu baaburire wajari-doregũ iriuami, o boporãrẽ niyerure sĩdoregũ iriuami”, ãrĩbũ.

30 Judas iri pãrũrẽ moãwa, yosadeare ñeã odoguta gũa pũrogue ããrĩdi wiriakõami. Ìgũ wiriaripoe ñamigue ããrĩbũ.

### *Jesús maama dorerire weredea*

31 Judas waadero pũrũ, Jesús gũare ãrĩmi:

—Dapagora Marĩpũ yũ ããrĩpererã tĩgũ yũ turagũ ããrĩrĩrẽ masakare ìmugũkumi. Irasũ ããrĩmakũ, yũ merã ìgũ turagũ ããrĩrĩdere ìmugũkumi.

32 Yũ merã ìgũ turagũ ããrĩrĩrẽ ìmugũ, yũ turagũ ããrĩrĩdere ìmugũkumi. Dapagorata iripurumugũkumi.

33 Yaarã, yũre péka! Yoaweyaripoeta mũsã merã ããrĩgũkoa. Mũsã yũre ãmarãkoa. Irasirigu yũ judío masakare dupiyurogue ãrĩderosũta dapagora mũsãdere: “Yũ waaburore mũsã waamasĩbea”, ãrĩ werea.

34 Maama dorerire mũsãrẽ píguera. ãsũ ãrã. Gãme maĩka! Yũ mũsãrẽ maĩrõsũta gãme maĩka!

35 Mũsã gãme maĩmakũ ìãrã, ããrĩpererã masaka mũsãrẽ yũ buerã ããrĩrĩrẽ masĩrãkuma, ãrĩmi Jesús.

*Jesús Pedrone: “Yũre masĩkeregũ: ‘Masĩbea’, ãrĩgũkoa”, ãrĩ weredea*

*(Mt 26.31-35; Mr 14.27-31; Lc 22.31-34)*

36 Simón Pedro Jesúre sērēñami:

—Yũ Opũ, ¿noógue waagũkuri mũ? ãrĩmi.

Jesús ìgũrẽ ãrĩmi:

—Yũ dapagora waaburoguere mũ yũ merã waamasĩbea. Pũrũ yũ pũrogue waagũkoa.

37 Ìgũ irasũ ãrĩmakũ pégu, Pedro ìgũrẽ ãrĩmi:

—Yũ Opũ, ¿nasiribu dapagorata yũ mũ merã waamasĩbirikuri? Ìgũsã yũre wējēduakeremakũ, yũ mũrẽ béobirikoa. Mũya ããrĩburire boabosagũkoa.

38 Jesús ìgũrẽ ãrĩmi:

—“Mũya ããrĩburire boabosagũkoa”, ãrã mũ. ¿Ããrĩrõta yũre iribosagũkuri? Diayeta mũrẽ werea. ãgãbo wereburo dupiyuro mũ yũre urea gajirãrẽ: “Ìgũrẽ masĩbea”, ãrĩgũkoa, ãrĩmi.

## 14

*Jesúre bɔremurã Marĩpu puo waaburire werede*

<sup>1</sup> Jesús guare ãsũ ãrĩmi:

—Buro gũñarikubirikõãka! Marĩpue bɔremuka! Yũdere bɔremuka!

<sup>2</sup> Yũpu puoguerere su wii wári taridupabu opari wii irirosũ ããrã. Irogue musã ããrĩburore ãmuyugu waagũkoa. Iri diaye ããrĩbirimakũ, musãrẽ irire werebiriboayo.

<sup>3</sup> Musã ããrĩburore ãmu odo, dupaturi aarigũkoa musãrẽ ãĩabu. Irasirirã musãde yu puoguerere yu merã ããrĩrãkoa.

<sup>4</sup> Musã yu waaburire, yu irogue waaburi maarẽ masĩa, ãrĩmi Jesús.

<sup>5</sup> Tomás ĩgũrẽ ãrĩmi:

—Gua Opu, mu waaburire masĩbea. ¿Nasiri mu waaburi maarẽ gua masĩrãkuri?

<sup>6</sup> Jesús ĩgũrẽ ãrĩmi:

—Yu dita Yũpu puoguerere waarĩ maa irirosũ ããrã. Yu diayema ããrĩrĩrẽ masakare masĩmakũ irigu, ĩgũsãrẽ okamakũ irigu ããrã. Yu merãta Yũpu puoguerere waarãkuma.

<sup>7</sup> Musã yure masĩrã, Yũpũdere masĩboayo. Dapagora merã ĩgũrẽ masĩsiãa. ĩgũrẽ ĩãsiãa.

<sup>8</sup> ĩgũ irasũ ãrĩmakũ, Felipe ĩgũrẽ ãrĩmi:

—Gua Opu, Marĩpue ĩmuka guare! Iropata gããmea gua.

<sup>9</sup> Jesús ĩgũrẽ ãrĩmi:

—Felipe, yu yoaripoe musã merã ããrĩkeremakũ, ¿yure masĩberi? Sugũ yure ĩãgũno, Yũpũdere ĩãmi. ¿Nasirigu mu yure: “Marĩpue ĩmuka guare!” ãrĩrĩ?

<sup>10</sup> ¿Yũpu yuguerere ããrĩrĩrẽ, irasũ ããrĩmakũ yu ĩgũ merã ããrĩrĩrẽ bɔremuberi? Yu musãrẽ weregu, yu gããmerõ werebea. Yũpu yuguerere ããrĩgũ yu merã iri ĩmugũ yámi.

<sup>11</sup> Yu musãrẽ: “Yũpu yuguerere ããrĩmi, irasũ ããrĩmakũ yu ĩgũ merã ããrã”, ãrĩ wererire: “Diayeta ããrã”, ãrĩ bɔremuka! Musã yu wererire pédero puu bɔremumerã, Yũpu turari merã yu iri ĩmurĩ gapure gũñaka! Irire gũñarã, yu wereridere bɔremuka!

<sup>12</sup> Diayeta musãrẽ werea. Yure bɔremugũ, yu iriderosũta irigũkumi. Yu, Yũpu puoguerere waabu yáa. Yu waamakũ, yure bɔremugũ yu nemorõ wári Yũpu turari merã iri ĩmurĩrẽ irigũkumi.

<sup>13</sup> Musã yure bɔremumakũ, ããrĩpereri musã yu wãĩ merã yure sãrẽrĩrẽ pégũkoa. Irasirigu musã yure sãrẽrõsũta irigũkoa. Yu irasiriri merã musãrẽ Yũpu turagu ããrĩrĩrẽ masĩmakũ irigũkoa.

<sup>14</sup> Musã yu wãĩ merã yure sãrẽrõsũta irigũkoa.

*Jesús: “Õãgũ deyomarĩgũrẽ musãrẽ iriugura”, ãrĩ werede*

15 'Musā yure maĩrā, yu dorerire irirākoa.

16 Yurure musāya āārĩburire sērēbosagũkoa. Irasirimakũ, Yuru gajigũre iriugũkumi, musārē iritamuburo, ārĩgũ. Īgũ iriubu musā merā āārĩnikōagũkumi.

17 Īgũ Ōāgũ deyomarĩgũ musārē diayemarē masĩmakũ irigu āārĩmi. I ũmu marā yure buremumerā gapu ĩgũrē masĩbema. Irasirirā ĩgũrē bokatĩrĩñeāmasĩbema. Īgũ musā merā āārĩmi. Irasũ āārĩmakũ, musāguere āārĩnikōagũkumi. Irasirirā ĩgũrē masĩa.

18 Yu musārē béowāgābirikoa. Musā merāta āārĩgũ aarigũkoa doja.

19 Mērōgā duyāa yu waaburo. Yu waadero puru, i ũmu marā yure buremumerā neō ĩābirikuma. Musā gapu yure ĩārākoa. Yu okāa. Irasirirā musāde okarākoa.

20 Yu aariburinurē yu, Yuru merā suguta āārĩrĩrē masĩrākoa. Irasũ āārĩmakũ, musā yu merā āārĩrĩrē, yu musāguere āārĩrĩrē masĩrākoa.

21 Yu dorerire masĩgũ irire irigu yure maĩgũta āārĩmi. Yuru yure maĩgũrē maĩgũkumi. Yude ĩgũrē maĩgũkoa. Īgũrē yaa-marē oārō masĩmakũ irigũkoa, ārĩmi Jesús.

22 Īgũ irasũ ārĩmakũ, gajigu Judas wāikũgu Jesúre sērēñami. Judas Iscariote meta āārĩmi.

—Gua Opu, ¿nasirigu gua ditare mu āārĩrĩkũrere masĩmakũ irigũkuri? ¿Nasirigu i ũmu marā gapure irire masĩmakũ iribirikuri?

23 Jesús ĩgũrē ārĩmi:

—Yure maĩgũ yu dorerire irigũkumi. Yuru ĩgũrē maĩgũkumi. Yuru, irasũ āārĩmakũ yu ĩgũ merā āārĩrā aarirākoa.

24 Yure maĩbi gapu yu dorerire iribemi. Yu musārē wereri, yaa werenĩrĩ āārĩbea. Yuru yure iriudiya gapu werenĩrĩ āārā.

25 Yu musā merā āārĩgũ, i āārĩpererire musārē werea.

26 Yu sērēmakũ, Yuru Ōāgũ deyomarĩgũrē musāguere iriugũkumi. Irasirigu Ōāgũ deyomarĩgũ musārē iritamubu āārĩsĩā, āārĩpererire buegũkumi. Āārĩpereri yu musārē were-deare gũñamakũ irigũkumi.

27 Yu musārē siñajārĩ merā āārĩmakũ irigũkoa. Yu siñajārĩ merā āārĩgũ irirosũ musādere siñajārĩ merā āārĩmakũ irigũkoa. Yu musārē siñajārĩ merā āārĩmakũ iriri, i ũmuma irirosũ āārĩbea. Buro gũñariku, gũibirikōāka!

28 Yu musārē: “Waa, dupaturi musā merāta āārĩgũ aarigũkoa doja”, ārĩ weremakũ pébu musā. Yuru yu nemorō āārĩmi. Irasirirā ĩgũ purogue yu waaburire pédero puru, musā yure diaye maĩrā, usuyari merā āārĩboayo.

29 Y<sub>H</sub> m<sub>h</sub>sārē ire wereyugu iriab<sub>H</sub>. Irasirirā ire keoro waamakū, y<sub>H</sub> m<sub>h</sub>sārē weredeare: “Diayeta g<sub>H</sub>are weremi”, ā<sub>H</sub> b<sub>H</sub>remurākoa.

30 'I ūm<sub>H</sub> marārē doreg<sub>H</sub> ñegū āārīmi. Īgū aaribu yāmi. Irasirig<sub>H</sub> y<sub>H</sub> m<sub>h</sub>sārē mērōgā werenīnemog<sub>H</sub>ra. Īgū y<sub>H</sub>re neō doremasībemi.

31 Y<sub>H</sub>, Y<sub>H</sub>p<sub>H</sub> gap<sub>H</sub>re maīa. Irasirig<sub>H</sub> Īgū y<sub>H</sub>re doreri gap<sub>H</sub>re yāa, y<sub>H</sub> Īgūrē maīrīrē i ūm<sub>H</sub> marārē masīburo, ā<sub>H</sub>īgū. Wāgān<sub>H</sub>gāka! Nāka waarā! ā<sub>H</sub>īmi Jesús.

## 15

### *Jesús iguida keori merā weredeā*

1 Jesús keori merā g<sub>H</sub>are āsū ā<sub>H</sub>ī weremi:

—Y<sub>H</sub> diayeta iguida irirosū āārā. Y<sub>H</sub>p<sub>H</sub> iridare koreg<sub>H</sub> irirosū āārīmi.

2 Yaarā iridama d<sub>H</sub>p<sub>H</sub>ri irirosū āārīma. Y<sub>H</sub>p<sub>H</sub> iguidare koreg<sub>H</sub> d<sub>H</sub>ka marīī d<sub>H</sub>p<sub>H</sub>re ditibéog<sub>H</sub> irirosū yāmi. Gaji d<sub>H</sub>kak<sub>H</sub>ri d<sub>H</sub>p<sub>H</sub>ri gap<sub>H</sub>re ditiwea āmugū irirosū yāmi d<sub>H</sub>kak<sub>H</sub>nemoburo, ā<sub>H</sub>īgū.

3 M<sub>h</sub>sā y<sub>H</sub> weredeare b<sub>H</sub>remurā āārā. Irasirig<sub>H</sub> Y<sub>H</sub>p<sub>H</sub> m<sub>h</sub>sārē ñerī opamerā āārīmakū irisiami.

4 Y<sub>H</sub> merā ōārō āārīka! Irasirig<sub>H</sub> m<sub>h</sub>sāguere ōārō āārīnīkōāg<sub>H</sub>koa. Su iguidama d<sub>H</sub>p<sub>H</sub> iridaguere marīrō iri d<sub>H</sub>p<sub>H</sub> seyaro d<sub>H</sub>kak<sub>H</sub>birikoa. I irirosūta y<sub>H</sub> merā ōārō āārīmerā neō ōārī d<sub>H</sub>ka sībiri d<sub>H</sub>p<sub>H</sub>ri irirosū āārīma.

5 'Y<sub>H</sub> iguida irirosū āārā. M<sub>h</sub>sā yaarā iridama d<sub>H</sub>p<sub>H</sub>ri irirosū āārā. Y<sub>H</sub> merā ōārō āārīnīrāno, y<sub>H</sub>de Īgūsāguere ōārō āārīnīmakū, Īgūsā ōārō d<sub>H</sub>kak<sub>H</sub>ri d<sub>H</sub>p<sub>H</sub>ri irirosū āārīma. M<sub>h</sub>sā y<sub>H</sub> merā ōārō āārīmerā, ōārīrē neō irimasībea.

6 Y<sub>H</sub> merā ōārō āārīmerā ditibéodea d<sub>H</sub>p<sub>H</sub>ri bojegue ñaī oy-anīī d<sub>H</sub>p<sub>H</sub>re sea, peamegue soebéoro irirosū āārīrākuma.

7 'M<sub>h</sub>sā y<sub>H</sub> merā ōārō āārīnīrā, y<sub>H</sub> buerire kātimerā, m<sub>h</sub>sā gāāmerīnorē Y<sub>H</sub>p<sub>H</sub>re: “Sīka!” ā<sub>H</sub>ī sērēmakū, sīg<sub>H</sub>kumi.

8 M<sub>h</sub>sā wāri ōārī d<sub>H</sub>kak<sub>H</sub>ri d<sub>H</sub>p<sub>H</sub>ri irirosū āārīmakū īārā, gajirā masaka Y<sub>H</sub>p<sub>H</sub>re: “Ōātarig<sub>H</sub> āārīmi”, ā<sub>H</sub>ī masīrākuma. Irasirirā m<sub>h</sub>sā wāri ōārī irirā, diayeta y<sub>H</sub> buerā āārīrē gajirārē masīmakū yāa.

9 Y<sub>H</sub>p<sub>H</sub> y<sub>H</sub>re maīrōsūta y<sub>H</sub>de m<sub>h</sub>sārē maīa. Irasirirā y<sub>H</sub> m<sub>h</sub>sārē maīgū merā āārīnīka, y<sub>H</sub> maīrīrē masīmurā!

10 Y<sub>H</sub>, Y<sub>H</sub>p<sub>H</sub> y<sub>H</sub>re maīgū dorerire irig<sub>H</sub>, Īgū merā ōārō āārīnīkōāa. Irasūta m<sub>h</sub>sāde y<sub>H</sub> dorerire irirā, y<sub>H</sub> m<sub>h</sub>sārē maīgū merā ōārō āārīnīkōāa.

11 'Ire m<sub>h</sub>sārē werea m<sub>h</sub>sā y<sub>H</sub> merā <sub>H</sub>uyaburo, ā<sub>H</sub>īgū. Irasirirā <sub>H</sub>yari opatarirākoa.

12 Y<sub>H</sub> doreri āsū ā<sub>H</sub>ā. Y<sub>H</sub> m<sub>h</sub>sārē maīrōsūta gāme maīka!

13 Sugũ masakũ ĩgũ merãmarãrẽ boabosagũ, gajirã nemorõ ĩgũsãrẽ maĩmi.

14 Mũsã yũ dorerire irirã yũ merãmarã ããrã.

15 Dapagorare yũ mũsãrẽ: “Yũre moãboerã ããrã”, ãrĩbirikoa. Moãboerã ĩgũsã opũ iririre masĩbirikuma. Yũ gapũ Yũpũ yũre weredeare mũsãrẽ werepeobũ. Irasirigũ mũsãrẽ: “Yũ merãmarã”, ãrã.

16 Mũsã yũre beyebiribũ. Yũ gapũ mũsãrẽ beyebũ wári oãrĩrẽ irirã waaburo, ãrĩgũ. Mũsã oãrĩ iriri, oãrĩ dukã neõ boabiri irirosũ ããrã. Irasirirã mũsã yũre bũremumakũ, Yũpũ mũsã yũ wãĩ merã ĩgũrẽ sērẽrõsũta mũsãrẽ sīgũkumi.

17 Yũ mũsãrẽ dorea. Mũsã basi gãme maĩka!

*I ãmũ marã Jesúre, ĩgũyarãrẽ ĩãturiburire weredeã*

18 I ãmũ marã mũsãrẽ ĩãturimakũ ĩãrã, yũre ĩãturipũrorideare masĩka!

19 Mũsã diayeta i ãmũ marã ããrĩmakũ, ĩgũsã merãmarãrẽ maĩrõsũta mũsãdere maĩbukuma. Yũ mũsãrẽ i ãmũ marã watopegue ããrĩrãrẽ beyebũ. Irasirirã i ãmũ marãgora ããrĩbea. Mũsã ĩgũsã irirosũ ããrĩbirimakũ ĩãrã, i ãmũ marã mũsãrẽ ĩãturima.

20 Yũ mũsãrẽ ãrĩdeare gũñaka! “Neõ sugũ moãboerimasũ, ĩgũ opũ nemorõ ããrĩbirikumi”, ãrĩbũ. ĩgũsã yũre ñerõ irirã, mũsãdere ñerõ irirãkuma. Yũ buerire pérã, mũsã bueridere pérãkuma.

21 I ãmũ marã yũre iriudire masĩbema. Irasirirã mũsã yũre bũremumakũ ĩãrã, mũsãrẽ ããrĩpereri ñerĩ irirãkuma.

22 Yũ ĩgũsãrẽ weregũ aaribirimakũ, neõ ñerĩ iridea wajare opabiribukuma. Dapagorare yũ ĩgũsãrẽ weredero pũrũ: “Ñerĩ iridea wajare opabea gũã”, ãrĩmasĩbema.

23 Yũre ĩãturigũ Yũpũdere ĩãturimi.

24 Yũ, Yũpũ turari merã iri ĩmugũ, gajirã neõ iribirideare iribũ. Yũ ĩgũ turari merã iri ĩmubirimakũ, neõ waja opabiribukuma. ĩgũsã yũ iri ĩmurĩrẽ ĩãma. Irire ĩãdero pũrũ, yũre, Yũpũdere ĩãturima.

25 I ĩãturiri, Marĩpũya werenĩrĩ gojadeã pũgue gojaderosũta keoro waaró yáa. Ásũ ãrĩ gojasũdero ããrĩbũ: “ĩgũsã yũre: ‘Ñerõ yámi’, ãrĩmasĩbirikererã, ĩãturima”, ãrĩ gojasũdero ããrĩbũ.

26 ‘Oãgũ deyomarĩgũ, mũsãrẽ iritamugũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Yũ ĩgũrẽ Yũpũ merã ããrĩgũrẽ mũsãrẽ iriugũkoa. ĩgũ yaamarẽ weregũkumi mũsãrẽ.

27 Yũ mũsãrẽ buerpũrorimakũgueta yũ merã ããrĩbũ. Irasirirã mũsãde yaamarẽ wererãkoa, ãrĩmi Jesús.

## 16

1 Jesús guare ãsũ ãrĩnemomi doja:

—Y<sub>H</sub> m<sub>ũ</sub>sãrẽ irire wereabu, y<sub>ũ</sub>re piribirikõãburo, ãrĩgũ.

2 Judío masaka ãgũsã nerẽrĩ wiirigue m<sub>ũ</sub>sã ããrãnerãrẽ béowiurãkuma. Gajipoe gajirã m<sub>ũ</sub>sãrẽ wẽjërã: “Marĩpu gããmerĩrẽ yáa”, ãrĩ gũñarãkuma.

3 Y<sub>ũ</sub>re, Y<sub>H</sub>pu dere masĩmerã ããrĩsĩã, irasirirãkuma.

4 Y<sub>H</sub> irire werea m<sub>ũ</sub>sã, ãgũsã irasirimakũ ããrã: “Jesús guare irireta weremi”, ãrĩ gũñaburo, ãrĩgũ.

*Jesús, Õãgũ deyomarĩgũ iririmarẽ weredea*

Y<sub>H</sub> neõgorague m<sub>ũ</sub>sã merã ããrĩsĩã, ire werebiribu.

5 Dapagore y<sub>ũ</sub>re iriudi puog<sub>ũ</sub> waag<sub>ũ</sub>koa. Y<sub>H</sub> m<sub>ũ</sub>sãrẽ ire werekeremakũ, neõ sug<sub>ũ</sub> y<sub>ũ</sub>re: “¿Noógue waag<sub>ũ</sub>kuri?” ãrĩ sërẽñabea.

6 Irasirirã y<sub>H</sub> waaburire weremakũ pérã, y<sub>H</sub> waaburo gap<sub>ũ</sub>re sërẽñabirisĩã, buro bujawereri merã ããrã.

7 Diayeta m<sub>ũ</sub>sãrẽ werea. Y<sub>H</sub> waadero pu<sub>H</sub>, õãrokoa m<sub>ũ</sub>sãrẽ. Y<sub>H</sub> waabirimakũ, Õãgũ deyomarĩgũ m<sub>ũ</sub>sãrẽ irita-mubu aaribiribukumi. Y<sub>H</sub> irogue waagú, ãgũrẽ m<sub>ũ</sub>sãrẽ iriug<sub>ũ</sub>koa, m<sub>ũ</sub>sã merã ããrĩnikõãburo, ãrĩgũ.

8 ãgũ aarigú, i ãm<sub>ũ</sub> marãrẽ ãgũsã ñerõ irirã ããrĩrĩrẽ, y<sub>H</sub> diayema irig<sub>ũ</sub> ããrĩrĩrẽ, ãgũsã ñerõ iridea waja Marĩpu ãgũsãrẽ wajamoãburire masĩmakũ irig<sub>ũ</sub>kumi.

9 ãgũsã y<sub>ũ</sub>re buremubirisĩã, ñerã ããrĩma.

10 Y<sub>H</sub>, Y<sub>H</sub>pu puog<sub>ũ</sub> waamakũ, m<sub>ũ</sub>sã y<sub>ũ</sub>re ããnemobirikoa. Y<sub>H</sub> irogue waamakũ, Õãgũ deyomarĩgũ aarig<sub>ũ</sub>kumi, i ãm<sub>ũ</sub> marãrẽ y<sub>H</sub> diayema irig<sub>ũ</sub> ããrĩrĩrẽ masĩmakũ iribu.

11 I ãm<sub>ũ</sub> marãrẽ doreg<sub>ũ</sub> ñegũ ãgũsãrẽ ñerĩ iridoreri waja, Y<sub>H</sub>pu ãgũrẽ wajamoãdoresiami. Irasirig<sub>ũ</sub> Õãgũ deyomarĩgũ aarigú, ãgũsãrẽ Y<sub>H</sub>pu ãgũrẽ wajamoãdoredeare masĩmakũ irig<sub>ũ</sub>kumi.

12 Wãri ããrã m<sub>ũ</sub>sãrẽ y<sub>H</sub> wereburi. Dapagore y<sub>H</sub> ire were-makũ, m<sub>ũ</sub>sã pemasĩbiribukoa.

13 Õãgũ deyomarĩgũ gap<sub>ũ</sub> aarig<sub>ũ</sub>kumi. ãgũ m<sub>ũ</sub>sãrẽ diayema ããrĩrĩrẽ masĩmakũ irig<sub>ũ</sub>kumi. Irasirig<sub>ũ</sub> m<sub>ũ</sub>sãrẽ i ããrĩpererire bueg<sub>ũ</sub>kumi. ãgũ gããmerõ werebirikumi. Y<sub>H</sub>pu ãgũrẽ were-dorerire, pu<sub>H</sub>g<sub>ũ</sub> waaburidere m<sub>ũ</sub>sãrẽ wereg<sub>ũ</sub>kumi.

14 Y<sub>H</sub> ãgũrẽ wererire pédeare m<sub>ũ</sub>sãrẽ masĩmakũ irig<sub>ũ</sub>, y<sub>H</sub> õãrõ ããrĩrĩrẽ masĩmakũ irig<sub>ũ</sub>kumi.

15 ããrĩpereri Y<sub>H</sub>pu opari, yaa ããrã. Irasirig<sub>ũ</sub> y<sub>H</sub> m<sub>ũ</sub>sãrẽ: “Õãgũ deyomarĩgũ m<sub>ũ</sub>sãrẽ yaamarẽ masĩmakũ irig<sub>ũ</sub>kumi”, ãrãbu.

*Bujawerenerã, H<sub>S</sub>H<sub>Y</sub>ari merã ããrĩburire weredea*

16 'Mérōgā pꝛꝛꝛꝛ mꝛꝛꝛꝛ yꝛꝛꝛꝛ iānemobirikoa. Yoaweyaripoe pꝛꝛꝛꝛ yꝛꝛꝛꝛ iārākoa doja. I Yꝛꝛꝛꝛ pꝛꝛꝛꝛogue waadero pꝛꝛꝛꝛ, irasū waarokoa, āĩmi.

17 Īgū irasū āĩmakū pérā, gꝛꝛꝛꝛ surāyeri āsū āĩ gāme werenibꝛꝛꝛꝛ: —¿Naásū āĩdꝛꝛꝛꝛo irikuri Īgū irasū āĩĩĩ? Īgū marĩrē: “Mérōgā pꝛꝛꝛꝛ mꝛꝛꝛꝛ yꝛꝛꝛꝛ iānemobirikoa. Yoaweyaripoe pꝛꝛꝛꝛ yꝛꝛꝛꝛ iārākoa doja”. Ire āĩ odo: “I Yꝛꝛꝛꝛ pꝛꝛꝛꝛogue waadero pꝛꝛꝛꝛ, irasū waarokoa”, āĩmi.

18 Īgū marĩrē: “Mérōgā pꝛꝛꝛꝛ”, āĩmakū, ¿naásū āĩdꝛꝛꝛꝛo irikuri? Īgū irasū āĩĩĩrē marĩ pémasĩbea, āĩbꝛꝛꝛꝛ.

19 Jesús Īgūrē gꝛꝛꝛꝛ sērēñaduarire masĩkōami. Irasirigꝛꝛꝛ gꝛꝛꝛꝛē āĩmi:

—Yꝛꝛꝛꝛ mꝛꝛꝛꝛē: “Mérōgā pꝛꝛꝛꝛ mꝛꝛꝛꝛ yꝛꝛꝛꝛ iānemobirikoa. Yoaweyaripoe pꝛꝛꝛꝛ yꝛꝛꝛꝛ iārākoa doja”, ¿āĩ wererire gāme sērēñarā yári?

20 Diayeta mꝛꝛꝛꝛē werea. Yꝛꝛꝛꝛ boamakū iārā, bꝛꝛꝛꝛo bꝛꝛꝛꝛawereri merā orerākoa. I āmꝛꝛꝛꝛ marā yꝛꝛꝛꝛ bꝛꝛꝛꝛemumerā gapꝛꝛꝛꝛ ꝛꝛꝛꝛyari merā āāĩrākuma. Mꝛꝛꝛꝛ bꝛꝛꝛꝛawererā, pꝛꝛꝛꝛ ꝛꝛꝛꝛyarākoa.

21 Āsū āārā. Nomeō majĩgū kōāburo dupiyurogā, igore pũĩrĩrē bꝛꝛꝛꝛawereri merā gũñakumo. Majĩgūgā deyoadore iāgō, ꝛꝛꝛꝛyakumo. Igore pũĩrĩdeare gũñanemobirikumo.

22 Mꝛꝛꝛꝛēde irasūta dapagorare bꝛꝛꝛꝛawereri merā āārā. Pꝛꝛꝛꝛ yꝛꝛꝛꝛ mꝛꝛꝛꝛē dupaturi iāgū aarigꝛꝛꝛꝛ. Yꝛꝛꝛꝛ irasirimakū iārā, mꝛꝛꝛꝛ ꝛꝛꝛꝛyari opatarirākoa. Mꝛꝛꝛꝛ irasū ꝛꝛꝛꝛyari merā āāĩmakū, gajirā mꝛꝛꝛꝛē bꝛꝛꝛꝛaweremakū irimasĩbirikuma.

23 Īrinārē yꝛꝛꝛꝛ neō sērēñabirikoa. Diayeta mꝛꝛꝛꝛē werea. Mꝛꝛꝛꝛ yꝛꝛꝛꝛ bꝛꝛꝛꝛemumakū iāgū, Yꝛꝛꝛꝛ āāĩrpereri mꝛꝛꝛꝛ yꝛꝛꝛꝛ wāĩ merā Īgūrē sērēĩrē pégꝛꝛꝛꝛ, mꝛꝛꝛꝛ sērērōsūta sīgꝛꝛꝛꝛkumi.

24 Iro dupiyurogue mꝛꝛꝛꝛ yꝛꝛꝛꝛ wāĩ merā Yꝛꝛꝛꝛē neō sērēbiribꝛꝛꝛꝛ. Dapagorare yꝛꝛꝛꝛ wāĩ merā Īgūrē sērēka! Mꝛꝛꝛꝛ irasū sērēmakū, mꝛꝛꝛꝛ sērērōsūta sīgꝛꝛꝛꝛkumi. Irasirirā ꝛꝛꝛꝛyari opatarirākoa.

### *Jesús i āmꝛꝛꝛꝛ marā ñerārē tarinꝛꝛꝛꝛgādeare weredea*

25 Yꝛꝛꝛꝛ keori merā mꝛꝛꝛꝛē wereabꝛꝛꝛꝛ. Pꝛꝛꝛꝛ keori merā werebirikoa. Irasirirā, Yꝛꝛꝛꝛyamarē yꝛꝛꝛꝛ wererire ōārō pémasĩrākoa.

26 Mꝛꝛꝛꝛ Yꝛꝛꝛꝛyamarē ōārō pémasĩrĩnārē yꝛꝛꝛꝛ wāĩ merā Īgūrē sērērākoa. Irasū āĩgū: “Mꝛꝛꝛꝛyā āāĩburire yꝛꝛꝛꝛ Īgūrē sērēbosagꝛꝛꝛꝛ”, āĩgū meta yāa.

27 Yꝛꝛꝛꝛ mꝛꝛꝛꝛē maĩmi. Irasirirā mꝛꝛꝛꝛ yꝛꝛꝛꝛ wāĩ merā mꝛꝛꝛꝛ basi Īgūrē sērērākoa. Mꝛꝛꝛꝛ yꝛꝛꝛꝛ maĩa. Irasū āāĩmakū mꝛꝛꝛꝛ yꝛꝛꝛꝛ: “Marĩpꝛꝛꝛꝛ pꝛꝛꝛꝛogue āāĩrĩdi, Īgū iriudi āārā”, āĩ bꝛꝛꝛꝛemua.

28 Yꝛꝛꝛꝛ, Yꝛꝛꝛꝛ pꝛꝛꝛꝛogue āāĩrĩdi, i āmꝛꝛꝛꝛguere aaribú. Dapagorare i āmꝛꝛꝛꝛguē āāĩrĩdi, Yꝛꝛꝛꝛ pꝛꝛꝛꝛogue waagꝛꝛꝛꝛ doja, āĩmi Jesús.

29 Īgū irasū āĩmakū pérā, gꝛꝛꝛꝛ Īgū buerā Īgūrē āĩbꝛꝛꝛꝛ:

—Dapagorare keori merā mꝛꝛꝛꝛ gꝛꝛꝛꝛē werebea. Irasirirā mꝛꝛꝛꝛ wererire pémasĩa.

<sup>30</sup> Dapagorare gwa masĩa. Mu ããrĩpererire masĩpeokõãa. Gajirã murẽ sêrẽñabirikeremakũ, ĩgũsã gũñarĩgue sêrẽñaduarire mũ masĩa. Irasirirã: “Marĩpu pũroque ããrĩdi, ĩgũ iriudi ããrã”, ãrĩ buremua, ãrĩbu.

<sup>31</sup> Jesús gware ãrĩmi:

—¿Dapagorare buremurĩ?

<sup>32</sup> Mérõgã duyãa, musã yũre béowãgãburo. Musãya wiirigue waasiri, yũre suguta dujamakũ irirãkoa. Musã irasirikere-makũ, Yũpu gapu yũ merã ããrĩmi. Irasirigu yũ suguta ããrĩbea.

<sup>33</sup> Musã yũ merã õãrõ siñajãrĩ opaburo, ãrĩgũ, musãrẽ i ããrĩpererire wereabu. Musã i ãmũgue ããrĩripoe i ãmũ marã musãrẽ ñerõ tarimakũ irirãkuma. ĩgũsã irasirikeremakũ, yũ merã gũñaturaka! Yũ i ãmũ marã ñerãrẽ tarinũgãdigue ããrã. Irasirirã yũ merã gũñatura mũnyaka! ãrĩmi Jesús.

## 17

*Jesús ĩgũ buerãya ããrĩburire Marĩpũre sêrẽbosadea*

<sup>1</sup> Jesús irasũ ãrĩ odo, ãmũgasigue ĩãmu, ĩgũ Pagũre ãsũ ãrĩmi:

—Aũ, dapagorare mũ ãrĩderosũta yũre waaburi ejasiãa. Irasirigu masakare yũ mũ magũ, mũ iriudi ããrĩrĩrẽ ĩmuka! Mũ irasirimakũ, yũ mũ turagu, mũ õãgũ ããrĩrĩrẽ ĩgũsãrẽ ĩmugũkoa.

<sup>2</sup> Mũ yũre masaka ããrĩpererãrẽ doregu pĩbu, mũ yũre sĩnerãrẽ ãmũgasigue perebiri okari opamakũ iridoregu.

<sup>3</sup> Masaka mũ diayeta Marĩpu sugũ ããrĩgũ ããrĩrĩrẽ, irasũ ããrĩmakũ yũ Jesucristo mũ iriudi ããrĩrĩrẽ masĩrã, ãmũgasigue perebiri okari opamurã ããrĩma.

<sup>4</sup> I ãmũguere mũ yũre iridoredeare yũ iriyuwarikũbu. Irasirigu i ãmũ marãrẽ mũ turagu, õãgũ ããrĩrĩrẽ ĩmubu.

<sup>5</sup> Aũ, mũ i ãmũrẽ iriburo dupiyuro yũ mũ merã õãrõ ããrĩbũ. Mũ ããrĩrikũrĩre opabu. Irasirigu dapagorare mũ ããrĩrõgue yũ mũ merã õãrõ ããrĩmakũ mũrãrõta irika!

<sup>6</sup> Mũ yũre sĩnerãrẽ i ãmũ marã watope ããrĩrãrẽ beyenerãrẽ mũ ããrĩrikũrĩre masĩmakũ iribu. Mũ yũre sĩnerã mũyarã ããrĩma. Mũ dorerire irima.

<sup>7</sup> Dapagorare masĩma. ããrĩpereri yũ opari, mũ yũre sĩdea ããrã.

<sup>8</sup> Mũ yũre weredoredeare ĩgũsãrẽ werebu. Yũ wererire pérã, buremuma. Yũ diayeta mũ pũro ããrĩdi ããrĩrĩrẽ masĩma. Yũ mũ iriudi ããrĩrĩrẽ: “Diayeta ããrã”, ãrĩ buremuma.

<sup>9</sup> Yũ ĩgũsãya ããrĩburire sêrẽbosãa. Gajirã i ãmũ marã yũre buremumerãya ããrĩburi gapũre sêrẽbosabea. Yũre buremurã mũ yũre sĩnerã mũyarã ããrĩma. Irasirigu ĩgũsãya ããrĩburire sêrẽbosãa.



10 Āārīpererā yaarā, m̄yarā āārīma. Irasirirā m̄yarāde, yaarā āārīma. Īgūsā yaarā āārīsīā, y<sub>H</sub> ōārō āārīrikurire masakare masīmakū yāma.

11 'Y<sub>H</sub> i ūm̄guere dujabirikoā. M<sub>H</sub> y<sub>H</sub>re sīnerā gap<sub>H</sub> i ūm̄guere dujarākuma. A<sub>H</sub>, m<sub>H</sub> ōāgū āārā. M<sub>H</sub> wāi merā m<sub>H</sub> turari merā Īgūsārē koreka, marī sug<sub>H</sub> āārīnīrōsūta Īgūsāde suro merā āārīnīkōāburo, ārīgū.

12 Y<sub>H</sub> i ūm̄guere m<sub>H</sub> y<sub>H</sub>re sīnerā merā āārīgū, m<sub>H</sub> turari merā Īgūsārē ōārō koreb<sub>H</sub>. Neō sug<sub>H</sub> dederibirima. Sug<sub>H</sub>ta peamegue waadederibu āārīmi. M̄ya werenīrī gojadea pūge ārīderosūta iri irasū waabu.

13 'Dapagorare y<sub>H</sub> m<sub>H</sub> p̄rogue waabu yāa. Y<sub>H</sub> waaburi dupiyuro i ūm̄gue āārīgū i āārīpererire y<sub>H</sub>re b̄remurārē werea, Īgūsāde y<sub>H</sub> irirosūta m̄yari opatariburo, ārīgū.

14 M̄ya kerere Īgūsārē wereb<sub>H</sub>. Y<sub>H</sub> i ūm̄m<sub>H</sub> āārībea. Irasirirā y<sub>H</sub>re b̄remurāde i ūm̄ marā irirosū āārībema. Irasirirā i ūm̄ marā y<sub>H</sub>re iāturirosūta y<sub>H</sub>re b̄remurādere iāturima.

15 Y<sub>H</sub> m̄rē: “Y<sub>H</sub>re b̄remurārē i ūm̄rē āiaka!” ārī sērēbea. Āsū gap<sub>H</sub> ārī sērēa. Īgūsārē ōārō koreka, wātī nērī iridorerire pébirikōāburo, ārīgū!

16 Y<sub>H</sub> i ūm̄m<sub>H</sub> āārībea. Irasirirā y<sub>H</sub>re b̄remurāde i ūm̄ marā irirosū āārībema.

17 M̄ya kere diayema āārā. Irasirig<sub>H</sub> iri merā Īgūsārē m<sub>H</sub> dorerire irirā āārīmakū irika!

18 M<sub>H</sub> y<sub>H</sub>re m̄ya kerere i ūm̄ marārē weredoreg<sub>H</sub> iriuderosūta y<sub>H</sub>re b̄remurārē m̄ya kerere i ūm̄ marārē weredoreg<sub>H</sub> iriua.

19 Īgūsāya āārīburire m<sub>H</sub> dorerire irig<sub>H</sub> yāa, Īgūsāde diayeta m<sub>H</sub> dorerire iriburo, ārīgū.

20 'Y<sub>H</sub> Īgūsāya āārīburi ditare sērēbosabea. Īgūsā m̄ya kere wererire pérā, gajirāde y<sub>H</sub>re b̄remurākuma. Irasirig<sub>H</sub> y<sub>H</sub> Īgūsāya āārīburidere sērēbosāa.

21 Y<sub>H</sub> irire sērēbosāa, y<sub>H</sub>re b̄remurā āārīpererā suro merā āārīburo, ārīgū. A<sub>H</sub>, m<sub>H</sub> y<sub>H</sub>guere ōārō āārā. Y<sub>H</sub> m<sub>H</sub> merā āārā. Irasirirā marī āārīrōsūta Īgūsā marī merā ōārō āārīburo. Īgūsārē suro merā āārīmakū irika, i ūm̄ marā y<sub>H</sub> m<sub>H</sub> iriudi āārīrīrē b̄remuburo, ārīgū!

22 M<sub>H</sub> āārīrikurire y<sub>H</sub>re sīb<sub>H</sub>. Irasirig<sub>H</sub> Īgūsārē y<sub>H</sub> irirosū āārīrikumakū irib<sub>H</sub>, y<sub>H</sub> m<sub>H</sub> merā sug<sub>H</sub> āārīrōsūta Īgūsāde suro merā āārīburo, ārīgū.

23 Y<sub>H</sub> Īgūsāguere āārā. M<sub>H</sub> y<sub>H</sub>guere āārā. Marī Īgūsā merā āārā, Īgūsā diayeta suro merā āārīburo, ārīrā. Īgūsā suro merā āārīmakū iārā, i ūm̄ marā y<sub>H</sub> m<sub>H</sub> iriudi āārīrīrē, m<sub>H</sub> y<sub>H</sub>re maīrōsūta y<sub>H</sub>re b̄remurārē maīrīrē masīrākuma.

24 'Añ, mũ i ùmurē iriburo dupiyuro yure maĩbu. Irasirigu mũ ããrĩrikurire yure sĩbu. Yure mũ sĩnerãrē yũ ããrĩburogue yũ merã ããrĩmakũ gããmea mũ yure ããrĩrikurĩ sĩdeare masĩburo, ãrĩgũ.

25 Añ, mũ keoro irigu ããrã. I ùmũ marã yure bũremumerã murē masĩbema. Yũ gapũ murē masĩa. Yure bũremurã yũ mũ iriudi ããrĩrĩrē masĩma.

26 Mũ ããrĩrikurire ìgũsãrē masĩmakũ iribu. Yũ ìgũsãguere ããrĩgũ murē irasũ masĩmakũ irinĩkõãgũkoa, mũ yure maĩrõsũta ìgũsãde gãme maĩburo, ãrĩgũ, ãrĩmi Jesũs.

## 18

*Jesũre peresu ñeãwãgãdea*

(Mt 26.47-56; Mr 14.43-50; Lc 22.47-53)

1 Jesũs ìgũ Pagure sērē odoadero pũrũ, gũa ìgũ buerã merã Jerusalērē wiri, Cedrón wãikurĩ ùmayuridijari mārē taribuja, olivos wãikurĩ yuku otederogue waami.

2 Iro dupiyuro wãri Jesũs irogue gũare siiuwãgãnami. Irasirigu Judas Jesũre ìaturirãguere ìgũrē ìmubu irore masĩmi.

3 Jesũs gũa merã irogue ejadero pũrũ, Judas subu surara merã aarimĩ. Gajirã surara Marĩpũya wiire korerãde ìgũ merã aarimã. Ìgũsã paĩa oparã, fariseo bumarã iriunerã surara ããrĩmã. Ìgũsã mojõkurĩ merã, sĩagoriduparu, sĩagori tururi merã aarimã.

4 Jesũs ìgũrē waaburire masĩsiami. Irasirigu, ìgũsã ìgũ pũro ejarimakũ, bokatĩrĩ sērēñami:

—¿Noãrē ãmarĩ mũsã?

5 Ìgũrē yujũma:

—Jesũs Nazaretmurē ãmãa.

Jesũs ìgũsãrē ãrĩmi:

—Ìgũta ããrã yũ\*.

Judas Jesũre wējẽduarãguere ìgũrē ìmubu surara merã ããrĩmĩ.

6 Jesũs: “Ìgũta ããrã yũ”, ãrĩmakũ pãrã, duusirimawãgã, yebague meẽmejãkõãma.

7 Jesũs ìgũsãrē dupaturĩ sērēñami doja:

—¿Noãrē ãmarĩ mũsã?

Ìgũrē yujũma:

—Jesũs Nazaretmurē ãmãa.

8 Jesũs ìgũsãrē ãrĩmi:

\* **18:5** Exodo 3.13-15: Iripogue Moisés Marĩpare sērēñadi ããrĩmĩ: “Israel bumarã yure: ‘¿Mũ iriudi wãĩ naásũ ããrĩrĩ?’ ãrĩ sērēñamakũ, ¿naásũ ãrĩ weregũkurĩ?” Marĩpũ ìgũrē ãsũ ãrĩdi ããrĩmĩ: “Yũ wãĩ ‘YO SOY EL QUE SOY’ ããrã. Irasirigu Israel bumarãrē ãsũ ãrĩ wereka: ‘YO SOY yure mũsãguere weredoregu iriumĩ’, ãrĩka!” ãrĩdi ããrĩmĩ. “YO SOY EL QUE SOY”, ãrĩrõ: “Yũ ããrĩnĩgũta ããrã, o ìgũta ããrã yũ”, ãrĩduaro yãa.

—Y<sub>u</sub> musārē: “Y<sub>u</sub> ĩgūta āārā”, ārī weresiab<sub>u</sub>. Y<sub>ure</sub> āmarā, ĩsā y<sub>u</sub> merāmarārē waadoreka!

<sup>9</sup> ĩgū: “Y<sub>u</sub> y<sub>u</sub>re sīnerārē neō sug<sub>u</sub>re dedeubirib<sub>u</sub>”, ārīdeare keoro waaburo, ārīgū, irire irasū ārīmi.

<sup>10</sup> ĩgūsā Jesúre ñeāmurā irimakū ĩāgū, Simón Pedro sareri majīrē opag<sub>u</sub> tūāwea āī, paía op<sub>u</sub>re moāboeg<sub>u</sub>re Malco wāikug<sub>u</sub>re diaye gap<sub>u</sub>ma gāmipūrē dititá dijukōāmi.

<sup>11</sup> Jesús gap<sub>u</sub> Pedroe ārīmi:

—M<sub>u</sub>ya sareri majīrē duripíka! Y<sub>u</sub> y<sub>u</sub>re ñerō tari-dorederosūta ñerō tarig<sub>u</sub>ra, ārīmi.

*Jesúre paía op<sub>u</sub> p<sub>u</sub>rogue āiadea*

*(Mt 26.57-58; Mr 14.53-54; Lc 22.54; Jn 11.49-50)*

<sup>12</sup> ĩgū irasū ārīmakū, surara, ĩgūsā op<sub>u</sub>, Marīp<sub>u</sub>ya wiire korērā surara Jesúre ñeā, s<sub>u</sub>ama.

<sup>13</sup> S<sub>u</sub>a odo, ĩgūrē Anás wāikug<sub>u</sub>ya wiig<sub>u</sub>e āiwāgāp<sub>u</sub>rorima. Anás, Caifás wāikug<sub>u</sub> múněkū āārīmí. Caifás iri bojorire paía op<sub>u</sub> āārīmí.

<sup>14</sup> ĩgūta iro dupiyuro judío masaka oparārē: “Sug<sub>u</sub>ta masak<sub>u</sub> marī judío masakaya āārīburire boabosamakū ōārokoa”, ārīdi āārīmí.

*Pedro Jesúre masīkereg<sub>u</sub>: “Masībea”, ārīdea*

*(Mt 26.69-70; Mr 14.66-68; Lc 22.55-57)*

<sup>15</sup> ĩgūsā Jesúre āiāmakū, y<sub>u</sub>, Simón Pedro merā Jesúre yoaweyarogue ĩāt<sub>u</sub>yab<sub>u</sub>. Paía op<sub>u</sub> y<sub>u</sub>re masīmi. Irasirig<sub>u</sub> y<sub>u</sub> Jesúre ĩāt<sub>u</sub>yawāgā, paía op<sub>u</sub>ya wii makāp<sub>u</sub>roma yebague ñajāb<sub>u</sub>.

<sup>16</sup> Pedro gap<sub>u</sub> iri wii t<sub>u</sub>ro ñajāri makāp<sub>u</sub>rogue dujanugāmi. ĩgū iro dujanugāmakū ĩāgū, y<sub>u</sub> iri makāp<sub>u</sub>ro korego merā werení, Pedroe siiu ñajāb<sub>u</sub>.

<sup>17</sup> ĩgū ñajāmakū, makāp<sub>u</sub>ro korego Pedroe sērēñamo:

—¿M<sub>u</sub> sīi buerā merām<sub>u</sub> āārīberi?

Pedro igore ārīmi:

—Āārībea y<sub>u</sub>.

<sup>18</sup> Y<sub>u</sub>sagorab<sub>u</sub>. Irasirirā iri wii moāboerimasā, surara merā ĩgūsā peame diudeame t<sub>u</sub>ro sūma níma. Pedroe ĩgūsā p<sub>u</sub>rota sūma ními.

*Paía op<sub>u</sub> Jesúre sērēñadea*

*(Mt 26.59-66; Mr 14.55-64; Lc 22.66-71)*

<sup>19</sup> Paía op<sub>u</sub> Anás Jesúre sērēñayur<sub>u</sub>:

—¿Noā āārīrī m<sub>u</sub> buerā? ¿Ñeénorē ĩgūsārē bueri? ārīyur<sub>u</sub>.

<sup>20</sup> Jesús ĩgūrē y<sub>u</sub>juyur<sub>u</sub>:

—Y<sub>u</sub> āārīpererā p<sub>u</sub>rogue bueb<sub>u</sub>. Marī judío masaka nerērī wiirig<sub>u</sub>e, irasū āārīmakū Marīp<sub>u</sub>ya wiiguedere masaka nerērōg<sub>u</sub>e bueb<sub>u</sub>. Gajirog<sub>u</sub>e durisīā, neō buebirib<sub>u</sub>.

21 ¿Nasirigu yure sērēñarī? Yu buerire sērēñaduagu, yure pénerārē sērēñaka! Īgūsā yu weredeare masīma, āriyuru.

22 Īgū irasū ārīmakū pégu, Marīruya wii koregu surara Īgū mojō merā Jesúya diapure pá, Īgūrē āriyuru:

—¿Nasirigu irasū yujuri paía opure? Irasū ārībita Īgūrē!

23 Jesús Īgūrē yujuyuru:

—Yu ñerō werenímakū: “Ñeéno werenía”, ārika yure! Yu diayema gapure keoro weremakū, ¿nasirigu yure pári?

24 Jesús irasū ārādero puru, Anás Īgūrē Īgūsā suadire paía opu Caifás purogue iriuyuru.

*Pedro Jesúre masīkeregu, dupaturi: “Masībea”, ārīdea*  
(Mt 26.71-75; Mr 14.69-72; Lc 22.58-62)

25 Irasiripoe Simón Pedro peame turota sūma níkōāmakū ĩārā, iro āārīrā Īgūrē sērēñama:

—¿Mu sīi buerā merāmu meta āārīrī?

Pedro Īgūsārē ārīmi:

—Āārībea yu.

26 Īgū irasū ārādero puru, sugu paía opure moāboegu Pedro Īgūya gāmpū dítítadiyagu Pedroe ārīmi:

—Yu olivos otederogue mu Īgū merā āārīmakū ĩābū.

27 Pedro dupaturi: “Āārībea, Īgū merā āārībirabū”, ārīmi. Irire ārīripoeta, āgābo weremi.

*Pilato Jesúre sērēñadea*

(Mt 27.1-2, 11-14; Mr 15.1-5; Lc 23.1-5)

28 Puru Jesúre Caifáya wii āārādire Pilato purogue āiāma. Boyoripoe āārībú. Pilato romanomu judío masakare doregu āārīmí. Jesúre Īgū purogue āiārā, Īgūya wiiguere ñajābirima. “Marī judío masaka, Īgū judío masakū āārībiya wiiguere ñajārā, marī dorerire tarinagābukoa. Irasirirā pascua bosenu baaburire baabiribukoa”, ārī gūñama.

29 Īgūsā ñajābirimakū ĩāgū, Pilato Īgūsā merā werenígū wiririmi. Īgūsārē sērēñami:

—¿Neenorē iriari ĩi, musā yure wajamoādorerā aarimakū?

30 Īgūsā Pilatore ārīma:

—Īi ñerī iribirimakū, mūrē wiarā aaribiriboakuyo.

31 Īgūsā irasū ārīmakū, Pilato ārīmi:

—Āiaka! Musārē doreri ārīrōsūta musā basi Īgūrē wajamoāka!

Īgūsā Īgūrē ārīma:

—Gua judío masaka sugure mu guare: “Wējēka!” ārīrō marīrō wējēmasībea.

32 Īgūsā irire irasū ārīrā, Jesúre Īgū curusague boaburire iro dupiyuro weredeā keoro waamakū irima†.

33 Īgūsā irasū ārīmakū pégu, Pilato wiigue gāmenugā ñajāa, Jesúre siiu, sērēñayupɛ:

—¿Mɛta judío masaka Opɛ āārīrī?

34 Jesús Īgūrē ārīyupɛ:

—¿Mɛ basi gūñarō merā yare irasū sērēñarī, o gajirā murē yaamarē wereari?

35 Pilato Īgūrē ārīyupɛ:

—Yɛ judío masakɛ meta āārā. Mɛya nikū marā judío masaka, irasū āārīmakū paía oparā murē ōō yɛ pɛroguē āijama. ¿Ñeénorē iriari mɛ?

36 Jesús ārīyupɛ:

—Yɛ Opɛ āārīrī, i ũmɛma āārībea. I ũmɛma āārīmakū, yaarā gāmekēābukuma, judío masaka yare ñeā, peresu iribirikōāburo, ārīrā. Yɛ Opɛ āārīrī, gajiroguema āārā.

37 Īgū irasū ārīmakū pégu, Pilato Īgūrē ārīyupɛ:

—¿Mɛ irasū ārīgú: “Opɛ āārā”, ārīrī?

Jesús Īgūrē ārīyupɛ:

—Mɛ ārīrōsūta Opɛ āārā. Yɛ deyoabɛ i ũmɛ marāguere diayemarē werebu. Āārīpererā diayema āārīrīrē péduarā, yɛ wererire péma.

38 Īgū irasū ārīmakū, Pilato Īgūrē ārīyupɛ:

—¿Ñeéno āārīrī diayema?

*Judío masaka Pilatore: “Jesúre wējēka!” ārī doredea  
(Mt 27.15-31; Mr 15.6-20; Lc 23.13-25)*

Irasū ārī odo, Pilato judío masaka oparā merā werenígú wiriri, Īgūsārē ārīmi doja:

—Īrē neō ñerī iridea máa yɛ ĩāmakū.

39 Bojorikɛ pascua bosenu āārīmakū, musā irinarōsūta sugɛ peresu āārīgūrē yare wiudorea. ¿Musā judío masaka Opɛre musārē wiумakū gāāmekuri?

40 Īgū irasū ārīmakū pérā, Īgūsā gaguiníma:

—Īgūrē wiubirikōāka! Barrabás gapɛre guare wiuka! ārīma. Barrabás yajarimasū āārīmí.

## 19

1 Īgūsā irasū ārī gaguinímakū pégu, Pilato Īgūyarā surarare Jesúre tārādoreyupɛ.

† 18:32 Judío masaka sugɛ ñerō irigure ütayeri merā dea wējēnerā āārímá Īgūrē wajamoārā. Romano masaka gapɛ Īgūrē wajamoārā, curusague pábiatú wējēnerā āārímá.

<sup>2</sup> Jesúre tārā odo, pora bero iri, ĩgūya dipurure peoñurā. Peo odo, opūya suríro irirosū deyoriñe diiañiweyariñerē ĩgūrē sãñurā.

<sup>3</sup> Sã odo, ĩgū p̄uro ejanugã, ãsū ãrĩ buridañurā:

—Ōãrō ããrĩburo judío masaka Op̄u! ãrĩñurā, Irasū ãrĩrãta, ĩgūsãya mojõrĩ merã ĩgūya diapure pãñurā.

<sup>4</sup> Pilato dupaturi masakare weregū wiriri, ãsū ãrĩmi:

—Īgūrē neõ ñerĩ iridea máa yu ĩãmakū. Irasirigū m̄usãrē masĩburo, ãrĩgū, ĩgūrē siiu wiugura m̄usãrē ĩãdoregū.

<sup>5</sup> Irasū ãrĩ odo, Jesúre siiu wiumi. Irasirigū, Jesús pora berore peyadi, opūya surírore sãñadi ĩgū wiririmakū, Pilato masakare ãrĩmi:

—Īãka! Īita ããrĩmi ĩgū.

<sup>6</sup> Paía oparã, Marĩp̄uya wii korerã surara Jesúre ĩãrã, gaguinínugãma:

—Īgūrē curusague pábiatú wějêka! Curusague pábiatú wějêka! ãrĩ gaguiníma.

Pilato ĩgūsãrē ãrĩmi:

—Yu ĩãmakū, ĩgūrē neõ ñerĩ iridea máa. Irasirirã m̄usã ĩgūrē ãĩaka! M̄usã basita ĩgūrē curusague pábiatú wějêrã waaka!

<sup>7</sup> Judío masaka oparã ĩgūrē ãrĩma:

—Īgū: “Yu Marĩp̄u magū ããrã”, ãrĩmi. Ḡhare doreri irasū ãrĩgūnorē wějêdorea.

<sup>8</sup> Īgūsã: “Īgū: ‘Yu Marĩp̄u magū ããrã’, ãrĩmi”, ãrĩmakū pégu, Pilato ĩgū dupiyuro güiadero nemorõ güimi.

<sup>9</sup> Irasirigū Jesúre dupaturi siiu ñajãa, sērēñayurū doja:

—¿Noõm̄u ããrĩrĩ m̄u? ãrĩyurū.

Jesús gap̄u ĩgūrē neõ yujubiriyurū.

<sup>10</sup> Īgū yujubirimakū ĩãgū, Pilato ĩgūrē ãrĩyurū:

—¿Nasirigū yure yujuberi? Yu yaarã surarare m̄urē peresu ããrĩgūrē wiudoremakū, m̄urē wiurākuma, o ĩgūsãrē m̄urē curusague pábiatú wějêdoremakū, m̄urē pábiatú wějêrākuma. ¿Irire masĩberi m̄u?

<sup>11</sup> Jesús ĩgūrē yujuyurū:

—M̄u yure irasū iridoreri, Yurū ãm̄ugasigue ããrĩgú m̄urē pídea ããrã. Irasirigū yure m̄ugure wiadi, m̄u nemorõ waja opami, ãrĩyurū.

<sup>12</sup> Īgū irasū ãrĩmakū pégu, Pilato Jesúre: “¿Nasiri wiugakuri yu ĩgūrē?” ãrĩ pémaadiyurū. Īgūrē irasū wiud̄amakū ĩãrã, judío masaka gap̄u gaguiníma:

—M̄u ĩgūrē wiugū, romano marã op̄u merãm̄u ããrĩbirikoa. Sugū: “Yu judío masaka op̄u ããrã”, ãrĩgūno romano marã op̄ure marĩrē doregure béodugū, ĩgūrē ĩãturigū yámi, ãrĩma.

13 Īgūsā irasū ārīmakū pégu, Pilato Jesúre wiigüe āārīgūrē ūtā majīrī merā Īgūsā iridea yebague wiriridoremi. Īgū, masaka weresārīrē beyerimasū doarogue eja doami. Iri ūtā majīrī merā Īgūsā iridea yeba, hebreo ya merā Gabata wāīkubū.

14 Irasū waarīnū, gūa pascua bosenuṃa baaburi āmurīnū āārībú. Goeripoe dupiyuro āārībú. Pilato Īgū doarogue eja doa, judío masakare āsū ārī weremi:

—Īīta āārīmi mūsā Opū.

15 Īgū irasū ārīmakū pérā, judío masaka gaguiníma:

—Boaburo Īgū. Boaburo. Curusague pábiatú wējēka Īgūrē! ārīma.

Pilato Īgūsārē ārīmi:

—¿Yū yaará surarare mūsā Opūre curusague pábiatú wējēdoremakū gāāmerī mūsā?

Paía opará Īgūrē yujūma:

—Gūa opū, romano marā opū āārīmi. Gajigū gūa opū mámi.

16 Īgūsā irasū ārīmakū pégu, Pilato Jesúre Īgūsārē wiāmi, curusague pábiatú wējēdoregū. Irasirirā Īgūrē āīākōāma.

*Jesúre curusague pábiatú wējēdea*

*(Mt 27.32-44; Mr 15.21-32; Lc 23.26-43)*

17 Irasirigū Jesús curusare kōā, “Masakū dipuru boaweadea pero” wāīkurogue waami. Hebreo ya merā Gólgota wāīkubū.

18 Irogue eja, Jesúre curusague pábiatúma. Gajirā pērārē pábiatúma. Sugūre Īgū diaye gapū, gajigūre Īgū kúgapū curusague pábiatú āīwāgūnúma. Jesúre Īgūsā deko āīwāgūnúma.

19 Pilato taboa majīrē Īgū gojadea majīrē curusague Jesús dipuru weka pábiatúdoreyupū. Āsū ārī gojasūdero āārībú: “Īī Jesús Nazaretmū, judío masaka Opū āārīmi”.

20 Hebreo ya merā, latín ya merā, griego ya merā gojadea āārībú. Jesúre curusague Īgūsā pábiatú āīwāgūnúdero, makā pūrogā āārībú. Irasirirā wārā judío masaka irogue aari, iri gojadeare Īā buema.

21 Paía opará judío masaka āārīsīā, Pilato gojadeare gāāmebirīñurā. Irasirirā Īgūrē wererā waañurā. Āsū ārīñurā:

—Mū: “Īī judío masaka Opū āārīmi”, ārī gojadeare gorawayuka! Āsū gapū gojaka: “Īī: ‘Judío masaka opū āārā’, ārīmi”, ārī gojaka! ārīñurā.

22 Pilato gapū Īgūsārē ārīyupū:

—Yū gojadeare gorawayubirikoa, ārīyupū.

23 Jesúre curusague pábiatú āīwāgūnúaderō pūgū, wapikurā surara Īgūya surí āārādeare sea, Īgūsāku suñeno dita gāme dukawama. Suñe suríro su gasirota suadea suríro, eañeña maríro merā iridea gasiro āārībú.

24 Iri suríro irasū āārīmakū Īārā, gāme ārī wereníma:

—Ine surírore yeguebirikõãrã! Ubu ãrĩboka birarã! “¿Noãrẽ dujarokuri?” ãrĩma.

Ïgüsã irasirimakũ, Marĩpũya werenírĩ gojadea pũgue gojaderosũta keoro waabu. Æsũ ãrĩ gojasũdero ããrĩbũ: “Yaa suríre: ‘¿Noãrẽ dujarokuri?’ ãrĩboka birarãkuma, irire gãme Ïgüsã basi dukawamurã”, ãrĩ gojasũdero ããrĩbũ. Iri pũgue gojaderosũta surara irasirima.

<sup>25</sup> Jesúya curusa pũro Ïgũ pago, igo tĩgõ, María Cleofas marãpo, María Magdalena nĩma.

<sup>26</sup> Jesús, Ïgũ pagore, irasũ ããrĩmakũ yũ Ïgũ maĩsũgũ igo pũro nĩmakũ Ïãgũ, igore ãrĩmi:

—Meõ, ñ mũ magũ ããrĩmi.

<sup>27</sup> Irasũ ãrĩ odo, yũre:

—Igo, mũpo ããrĩmo, ãrĩmi.

Irasirigũ Jesús pagore yaa wiigue ãã opabu.

### *Jesús boadea*

(Mt 27.45-56; Mr 15.33-41; Lc 23.44-49)

<sup>28</sup> Jesús irasũ ãrĩ odo: “Ããrĩpereri Yũpũ yũre iridoregũ pídeare iripeo odosiãã”, ãrĩ masĩmi. Irasirigũ ãsũ ãrĩmi:

—Ñemesibukoa yũre. Irire ãrĩgũ, Marĩpũya werenírĩ gojadea pũgue gojadeare iriyuwarikũmi.

<sup>29</sup> Iroque suru borewariru igui deko sãrĩ deko utũuduru ããrĩbũ. Irasirirã iro ããrĩrã Jesús irasũ ãrĩmakũ pérã, iri igui deko sãrĩ merã yurayũsũ merã yosa, hisopo wãikũdima dũpũ yuwague sũatũ, Jesúya disire soemuũma.

<sup>30</sup> Jesús iri yurayũsũ igui deko sãrĩ yosadeare mimimi. Mimi odo, ãsũ ãrĩmi:

—Ããrĩpereri iripeo odosiãã, ãrĩmi. Ire ãrĩgũta, Ïgũya dipurure mumusiudija, Ïgũya yũpũrãrẽ Marĩpũre wia, boakõãmi.

### *Surara Jesúre curusague boadire saredea*

<sup>31</sup> Jesús boarinũ gũa pascua bosenuma baaburire ãmurĩnu ããrĩbũ. Gajinũ gapũ gũa judío masaka siñajãrĩnu, irasũ ããrĩmakũ pascua bosenu gũa iririnũ, ubu ããrĩrĩnu meta ããrĩbũ. Irinũrẽ boanerã curusarigue ããrĩmakũ judío masaka oparã gããmebirima. Irasirirã Pilato pũroque Ïgũrẽ sërërã waañurã: “Mũyarã surarare curusarigue pábiatúsũnerãrẽ mata boaburo, ãrĩrã, Ïgüsãya ñigã gõãrĩrẽ pánuadoreka! Pũru Ïgüsãya dũpũrĩre ãĩdiju, gajiroque píadoreka!” ãrĩñurã.

<sup>32</sup> Irasirirã surara Jesús merã curusarigue pábiatúsũnerãya ñigã gõãrĩrẽ pánuama. Sugũre irasũ iripũrori, gajigũdere irasũta irima.

<sup>33</sup> Jesús pũro waa ejanũgãrã, boadiguere ããma. Irasirirã Ïgũya ñigã gõãrĩrẽ pánuabirima.



34 Sugũ surara ĩgũya sareri merã Jesúre ĩgũya arupãma doka saremi. ĩgũ saremakũ, mata ĩgũya dí, deko merã wiribu.

35 Yu, i waamakũ iãbu. Irasirigu yu i pũrẽ gojagu, diayema ããrĩrĩre musãrẽ werea. Yu ire masĩa. Yu iãdea diayeta waabu. Yu wereri diayeta ããrã. Irasirigu musãrẽ irire werea, musãde Jesúre buremuburo, ãrĩgũ.

36 Surara Jesúya ñigã gõãrĩrĩre pánuabirimakũ, Marĩpuya werenĩrĩ gojadea pũgue ãrĩderosũta waabu. Iri pũgue ãsũ ãrĩ gojasũdero ããrĩbũ: “ĩgũya gõãrĩrĩre, neõ su gõãrẽ pánuabirima”, ãrĩ gojasũdero ããrĩbũ.

37 Gajirogue Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “ĩgũsã saredire iãrãkuma”, ãrĩ gojasũdero ããrĩbũ.

*José Jesúya dupure masãgobegue ãiwãgã yáadea*  
(Mt 27.57-61; Mr 15.42-47; Lc 23.50-56)

38 Jesús boadero puru, José Arimatea wãikuri makãmu Pilatore Jesúya dupure sãrẽgũ waayupu. José judío masaka oparãrẽ gũisĩa, Jesúre buremugũ ããrĩrĩrĩre gajirãrẽ werebiridi ããrĩmĩ. Pilato ĩgũrẽ: “Jãu, ĩgũya dupure ãiaka!” ãrĩmakũ, José curusa puro waa, Jesúya dupure ãidijumi.

39 Nicodemode wãri sũrõrĩrĩre treinta kilo nukũrĩrĩre ãĩjami, Jesúya dupure õãrõ ãmubu. ĩgũ iro dupiyuro ñami merã Jesúre werenĩgũ ejadi ããrĩmĩ. ĩgũ ãidea: mirra wãikuri sũrõrĩ, áloes wãikuri sũrõrĩ merã morẽdea ããrĩyuro.

40 Irasirirã ĩgũsã pãrã Jesúya dupure iri sũrõrĩ merã piupeo, õãrĩ surĩ gasiri merã õmama. Judío masaka ĩgũsã boanerãya dupure yáaburi dupiyuro ãmunaderosũta irima.

41 Jesúre curusague pábiatú wẽjẽdero puro pooe ããrĩbũ. Iri poeugere masãgobe ãtãyegue mádea gobe ããrĩbũ. Iri gobere neõ sugũ boadire yáabirima dapa.

42 Gũa judío masaka siñajãrĩnu ejaburo iribu. Irasirirã iri gobe curusa ãiwãgũnúadero purogã ããrĩmakũ, Jesúya dupure iroque yáama.

## 20

*Jesús masãdea*  
(Mt 28.1-10; Mr 16.1-8; Lc 24.1-12)

1 Judío masaka siñajãrĩnu\* waadero puru, boyoburo dupiyurogã María Magdalena ĩgũsã Jesúya dupure yáaderogue iãgõ waayupo. Iroque ejago, iri gobere biadea ãtã majĩrẽ bojegue ããrĩmakũ iãyupo.

\* 20:1 Judío masaka siñajãrĩnu, sábado ããrã.

<sup>2</sup> Irasirigo, gua pērã Simón Pedro, irasũ ããrĩmakũ yu Jesús maĩsũgũ pũrogue ũmawãgãrimo. Igo gua pũrogue ejago, guare ãrĩmo:

—Marĩ Opũya dũpũre ãĩkõãnerã ããrãma. Īgũrẽ Īgũsã píaderore marĩ masĩbea, ãrĩmo.

<sup>3</sup> Igo irasũ ãrĩmakũ pērã, yu, Pedro merã Īgũsã Jesúya dũpũre yáaderogue ĩãrã waabu.

<sup>4</sup> Irogue waarã, gua pěrãgueta ũmawãgãbu. Yu gapu Pedrore ũmatariwãgã, masãgobegue ejaɸuroribu.

<sup>5</sup> Irogue ejaɸu, iri gobere muúbia ĩã sóobu. Irasũ ĩã sóogu, Jesúya dũpũre õmadea surĩ gasiri ditare ĩãbu. Iri gobegue ñajãbiribu.

<sup>6</sup> MÉRõgã pũru Simón Pedro ejami. Irogue eja, iri gobegue ñajãa, Īgũde Jesúya dũpũre õmadea surĩ gasiri ditare ĩãmi.

<sup>7</sup> Īgũya dipurure Īgũsã õmadea surĩro gasirodere ĩãmi. Iri gasiro túpeasũbu. Gaji surĩ gasiri merã peyabiribu.

<sup>8</sup> Pedro irasũ ñajãmakũ ĩãgũ, yude iri gobegue ejaɸuroridi ñajãa, iri ditare ĩãgũ, buremubu.

<sup>9</sup> Gua, Jesúya dũpũre masãgobegue marĩmakũ ĩãkererã, Marĩpũya werenĩrĩ gojadea pũgue Jesús boadigue masãgũkumi, ãrĩdeare pémasĩbiribu. Keoro waarokoa, ãrĩ gũñabiribu.

<sup>10</sup> Irire ĩã odorã, guaya wiigue goedujãakõãbu.

*Jesús María Magdalenarẽ deyoadea*  
(Mr 16.9-11)

<sup>11</sup> María gapu masãgobegueta dujãa, buro oreypu. Oregota, iri gobegue muúbia ĩã sóoyupu.

<sup>12</sup> Irasũ ĩã sóogo, pērã Marĩpũre wereboerãrẽ boreri surĩ sãnarãrẽ Jesúya dũpũ peyaderogue Īgũsã doamakũ ĩãyupu. Sugũ, Īgũya dipuru ããrĩdero gapu, gajigu, Īgũya guburi ããrĩdero gapu doañurã.

<sup>13</sup> Īgũsã igore sērẽñañurã:

—¿Nasirigo orego yári?

Igo Īgũsãrẽ ãrĩyupu:

—Yu Opũya dũpũre ãĩkõãnerã ããrãma. Īgũrẽ Īgũsã píderore yu masĩbea, ãrĩyupu.

<sup>14</sup> Irire ãrĩ odo, gãmenugã ĩãgõ, Jesúre iro nímakũ ĩãyupu. Īgũrẽ ĩãkeregõ: “Jesúta ããrĩmi”, ãrĩ ĩãmasĩbiriyupu.

<sup>15</sup> Jesús igore ãrĩyupu:

—¿Nasirigo orego yári? ¿Noãrẽ ãmarĩ?

Igo gapu: “Īi, i pooere koregu ããrĩkumi”, ãrĩ gũñagõ, Īgũrẽ ãrĩyupu:

—Mu Īgũya dũpũre gajirogue ãiadi, yure wereka! ¿Noógue píari? Mu weremakũ, Īgũya dũpũre ãĩgõ waagorãa.

16 Igo irasū ārīmakū, Jesús igore āriyupo:

—María.

Īgū irasū ārīmakū pégo, gāmenugā, hebreo ya merā Īgūrē:

—Rabuni, āriyupo. “Rabuni”, ārīrō, hebreo ya merā: “Buegū”, ārīduaro yāa.

17 Jesús igore āriyupo:

—Yure pirika! Yurū pūroque mūrīabea dapa. Gajirā yaarā pūroque waaka! Īgūsārē āsū ārī wereka: “Jesús ārāmi: ‘Yurū pūroque waabu yāa. Īgū mūsādere mūsāpūta āārīmi. Īgū yū Opū, irasū āārīmakū mūsādere mūsā Opūta āārīmi’, ārāmi”, ārīka Īgūsārē!

18 Īgū irasū ārīmakū pégo, María Magdalena gūa Jesús buerā pūroque aari, gūare igo marī Opūre ĩādeare, Īgū igore were-doreadeare weremo.

*Jesús Īgū buerārē deyoadea*

(Mt 28.16-20; Mr 16.14-18; Lc 24.36-49)

19 Irinū semana āārīpūrorinūta† ñamigue gūa Jesús buerā gūaya wiigue nerērā, judío masaka oparārē gūirā, makāpūrorire ōārō biabū. Gūa iroque āārīripoe Jesús gūa dekoque deyoa, gūare ōādoregū, āsū ārīmi:

—Mūsā ōārō siñajārī merā āārīrikūka!

20 Irasū ārī odo, Īgūya mojōrīrē, Īgūrē arupāma doka sarederore gūare ĩmumi. Gūa Īgūrē marī Opūre ĩārā, buro usuyabū.

21 Dupaturi Jesús gūare ārīmi doja:

—Ōārō siñajārī merā āārīrikūka mūsā! Yurū yure iriuderosūta yude mūsārē iriua, ārīmi.

22 Irasū ārī odo, gūare puripeo, āsū ārīmi:

—Ōāgū deyomarīgūrē bokatīrīñeāka, mūsārē iritamubure!

23 Mūsā masakare Īgūsā ñerō irideare kātīmakū, Īgūsā ñerō irideare kātīsūrākuma. Mūsā gajirārē Īgūsā ñerō irideare kātībirīmakū, Īgūsā ñerō irideare kātīsūbirīkuma, ārīmi Jesús.

*Tomás Jesúre masādire ĩādea*

24 Jesús gūare deyoamakū, Tomás Jesús buegū “Sudhadi” Īgūsā ārīdi gūa merā āārībirīmi.

25 Pūru Īgū gūa merā āārīmakū, Īgūrē ārībū:

—Gūa marī Opūre ĩābū.

Tomás gapū gūare ārīmi:

—Īgūya mojōrīgūe Īgūsā pábiadea goberire ĩābi, iri goberire yaa mojōsūrū merā puñabi, irasū āārīmakū Īgū arupāma dokare Īgūsā saredea gobere yaa mojō merā soesóñabi, Īgū masādea kerere neō būremubirīkoa.

† 20:19 Semana āārīpūrorinūno, domingo āārā.

26 Su semana Jesús guare deyoadero puᵐ, gua ḡᵐ buerã dupaturi wiigue nerēbu. Iripoere Tomás gua merã ããrĩmĩ. Iri wii biadea wii ããrĩkeremakũ, Jesús ñajãa, gua dekogue deyoa, guare õãdoregu, ãsũ ãrĩmi:

—Musã siñajãrĩ merã õãrõ ããrĩrikuka!

27 Irasũ ãrĩ odo, Tomárẽ ãrĩmi:

—Ĩaka yaa mojõrĩrẽ! Mũ mojõsũrũ merã yaa mojõrĩgue ḡᵐsã pábiadea goberire puuñaka! Mũ mojõ merã yũ arupãma doka ḡᵐsã saredea gobere soesóoñaka! Yũ masãdeare: “Diaye ããrĩbea”, ãrĩbirikõãka! “Diaye ããrã”, ãrĩ buremuka!

28 ḡᵐ irasũ ãrĩmakũ, Tomás ãsũ ãrĩmi:

—Mũ, yũ Opũ, yũ buremugũ ããrã.

29 Jesús ḡᵐrẽ ãrĩmi:

—Mũ yũre ĩãsã: “Diayeta boadigue masãdi ããrã”, ãrĩ buremua. Gajirã gapũ yũre ĩãbirikererã, yũ boadigue masãdeare buremurãkuma. Irasirirã ḡᵐsã burõ usuyari merã ããrĩrãkuma, ãrĩmi.

*I pũgue ããrĩrẽ nasiriburo, ãrĩ gojadea*

30 Jesús gua merã ããrĩḡũ, wãri gaji Marĩpu turari merã iri ĩmurĩrẽ irimi. Iri ããrĩpereri ḡᵐ irideare i pũguere gojapeo-birĩbu.

31 Irire gojapeobirikeregu, surãyeri Jesús irideare gojãa, ḡᵐ Marĩpu iriudi Cristo ããrĩrĩrẽ, ḡᵐ diayeta Marĩpu magũ ããrĩrĩrẽ buremuburo, ãrĩḡũ. Irasũ ããrĩmakũ musã ḡᵐrẽ buremurĩ merã okari opaburo, ãrĩḡũ, irasũ ãrĩ gojãa.

## 21

*Jesús dupaturi ḡᵐ buerãrẽ deyoadea*

1 Puᵐ Jesús Tiberias wãikuri ditaru tũro dupaturi guare ḡᵐ buerãrẽ deyoami. Guare deyoagu ãsũ irimi.

2 Gua irogue ããrĩrã ĩsãku ããrĩbũ: Simón Pedro, Tomás “Sũduadi” ḡᵐsã ãrĩdi, Natanael Galilea nikũma Caná wãikuri makãmũ, gua pẽrã Zebedeo pũrã, irasũ ããrĩmakũ gajirã pẽrã ããrĩbũ.

3 Gua irogue ããrĩripoe Simón Pedro ãrĩmi:

—Waaĩ wẽjẽḡũ waagũ yãa.

—Gũade mũ merã waarãra, ãrĩbu.

Irasũ ãrĩ, buãa, doódiru merã waabu. Iri ñamirẽ waaĩ wẽjẽboyotamuakõãdibu.

4 Boyowãḡãriripoe Jesús ditaru tũro nímakũ ĩãbu. ḡᵐrẽ ĩãkererã, ĩãmasĩbirikubu.

5 Irasirigu guare ãrĩmi:

—¿Waaĩ wẽjẽãrĩ?

—Neõ wẽjẽbirakubu, ãrĩ yũjubu.

6 Gua irasũ ãrĩmakũ pégu, Jesús ãrĩmi:

—Doódiru diaye gapu buidire meéyoka! Iro gapu waaí wējērākoa. Īgū ārīrōsūta meéyomakū, wárā waaí ñajāma. Wárā waaí ñajāmakū, buidire doódirugue neō āisāturabiribu.

7 Irasū waamakū ĩāgū, yu Jesús maīsūgū Pedrore ārību:

—Īgūta marī Opu āārīmi.

Yu irasū ārīmakū pégu, Simón Pedro ĩgūya wekama surírore túweadi, sãña, ditarugue meébia báwāgāmi.

8 Gha ĩgū merāmarā ditaru turore cien metros yoaro payarā, buidire waaí wárā ñajādire guayaru merā tūānumuabu.

9 Majāngārā, peame nitī dita gose oyanírīme weka waairé Jesús mupūnugūnerārē, pādere ĩābu.

10 Jesús guare ārīmi:

—Gajirā waaí, mérā musā wējērārē āirika!

11 Īgū irasū ārīmakū, Simón Pedro doódirugue ñajāa, buidire ĩmparogue tūāmajāmi. Pagarā waaí ñajānerā ciento cincuenta y tres āārīmá. Wárā waaí ñajānerā āārīkererā, buidire neō yeguebirima.

12 Jesús guare ārīmi:

—Baa yoberā aarika!

Gha neō suguno ĩgūrē: “¿Noāno āārīrī mu?” ārī sērēñabiribu. “Īgū marī Oputa āārīmi”, ārī masību.

13 Jesús peame puro waa, pã, waairé āi, guare gueremi.

14 Jesús boadigue masādero puru, pea guare deyoasiami. Irasirigu ditaru turogue deyoagu, urea guare ĩgū buerārē deyoagu irimi.

### *Jesús Pedro merā werenídea*

15 Gha baadero puru, Jesús Simón Pedrore sērēñami:

—Simón, Jonás magū, ¿mu ĩsā nemorō yare maĩrī?

Pedro ĩgūrē ārīmi:

—Yu Opu, murē maĩa. Mu irire masĩa.

Jesús ārīmi:

—Irasirigu ovejare koregu oveja majīrārē oārō korerosūta yare buremurārē majīrā irirosū āārīrārē oārō koreka!

16 Irasū ārī odo, dupaturi Simón Pedrore sērēñami doja:

—Simón, Jonás magū, ¿yare maĩrī mu?

—Yu Opu, murē maĩa. Mu irire masĩa, ārīmi.

Jesús ārīmi doja:

—Ovejare koregu ovejare oārō korerosūta yare buremurārē oārō koreka! ārīmi.

17 Irasū ārī odo, dupaturi Simón Pedrore sērēñami:

—Simón, Jonás magū, ¿diayeta yare maĩrī mu?

Urea ĩgūrē irasū sērēñamakū pégu, Simón Pedro buro bujawereri merā āārīmí. Īgūrē ārīmi:

—Yu Opu, mu āārīpereri masĩa. Murē yu maĩrīrē masĩa.

Irasirigu Jesús ìgūrē ārīmi:

—Ovejare koregũ ovejare òārō kererosũta yũre bũremurãrē òārō koreka!

<sup>18</sup> Diayeta mūrē werea. Mũ maamu ãārĩgũ surĩre sãña, mũ gãamerō noó waadũaro waaunabũ. Pũũ bũgũro ãārĩgũ, mũya mojõrĩrē soemugũkoa. Gajigu mūrē surĩre sãgũkumi. Mũ waadũaberogue mūrē ãĩwãgãgũkumi.

<sup>19</sup> Jesús, Simón Pedro ìgũ boaburi merã masakare Marĩpu turagu, òãgũ ãārĩrĩrē masĩmakũ iriburire irasũ ārĩ weremi. Irire were odo, Jesús ìgūrē ārīmi:

—Yũre tũyaka!

*Jesús Juãrē ìgũ maĩgũrē weredea*

<sup>20</sup> Pedro gãmenugã, yũ ìgũsãrē tũyawãgãmakũ ìãmi. Yũ, Jesús maĩgũ, iro dupiyuro Jesús pũro baa doanĩgũ ìgũrē: “Yũ Opũ, ¿noã mūrē wējẽdũarãguere mūrē ìmubu ãārĩkuri?” ārĩ sērẽñadi ãārĩbũ.

<sup>21</sup> Pedro yũre ìãgũ, Jesũre sērẽñami:

—Yũ Opũ, ¿naásũ waarokuri ìgũrē?

<sup>22</sup> Jesús ìgũrē ārīmi:

—Yũ i ãmũguere dupaturi aariripoeta ìgũ okamakũ yũ iridũarire, o iridũabirire mũya meta ããrã. Irire gũñarikũbirikõãka! Yũre tũyaka!

<sup>23</sup> Jesús irasũ ārĩrĩ kerere pérã, gajirã ìgũrē bũremurã: “Juan boabirikumi”, ārĩ gãme weresirima. Jesús: “Juan boabirikumi”, ārĩdi meta ããrĩmĩ. “Yũ i ãmũguere dupaturi aariripoeta ìgũ okamakũ yũ iridũarire, o iridũabirire mũya meta ããrã”, ārĩdi ããrĩmĩ.

<sup>24</sup> Yũ Jesús buegu, yũ ìãdeare i pũrē gojãa. Irasirirã mũsã yũ gojarire: “Diayeta ããrã”, ārĩ masĩa.

<sup>25</sup> Jesús wãri gaji irimi. Iri ããrĩpererire yũ gojapeomakũ, wãri pũrĩ ããrĩbukoa. Yũ péñamakũ, masaka iri pũrĩrē i ãmũguere duripídũamakũ, utũriakõãbukoa.

Iropata ããrã.

Juan

## LOS HECHOS

*Jesús ìgũ buedoregũ beyenerãrê: “Õãgũ deyomarìgũ aarigũkumi”, ãrĩ weredea*  
(Lc 1.1-4)

<sup>1</sup> Opũ Teófilo, yũ mũrẽ gojadupiyudea pũguere Jesús neõgorague irinũgãdeare, ìgũ buedea ããrĩpererire gojabũ.

<sup>2</sup> Ìgũ ãmũgasigue mũrĩaburo dupiyuro Õãgũ deyomarìgũ turaro merã ìgũ buedoregũ beyenerãrê: “Ãsũ irirãkoa”, ãrĩ weredeadere gojabũ.

<sup>3</sup> Jesús ìgũ boa, masãdero pũrũ, ìgũsãrê cuarenta mũrĩgora deyoayupũ. Irasirigũ ìgũ dupaturi okarire ìgũsãrê õãrõ masĩmakũ iriyupũ. Marĩpũ ìgũyarãrê doreri kerere ìgũsãrê wereyupũ.

<sup>4</sup> Jesús ìgũsã merã ããrìgũ, ìgũsãrê ãsũ ãrĩyupũ:

—Jerusalëta dujaka dapa! Iripoegue Yũpũ: “Õãgũ deyomarìgũrê mũsãrê iriugũra”, ãrĩdeare yũka! Irire weresiabũ.

<sup>5</sup> Juan mũsãrê deko merã wãiyedi ããrĩmĩ. Yũ gapũ mérõgã pũrũ mũsãrê Õãgũ deyomarìgũ merã wãiyegũkoa, ìgũ mũsã merã ããrĩnikõãburo, ãrìgũ, ãrĩyupũ.

*Jesús ãmũgasigue mũrĩadea*

<sup>6</sup> Pũrũ ãtãũ Olivos wãikũdigue Jesús merã nerẽ, ìgũrê sërẽñañurã:

—Gũa Opũ, ¿dapagorare gajigũ gũaya nikũmũrê gũare dorebure, opũ pígakuri? ãrĩñurã.

<sup>7</sup> Jesús ìgũsãrê yũjũyupũ:

—Yũpũ suguta masĩmi. Ìgũ irasũta waaburo, ãrĩmakũ irasũta waarokoa. Mũsãya meta ããrã i.

<sup>8</sup> Mérõgã pũrũ Yũpũ Õãgũ deyomarìgũrê iriugũ, mũsãrê ìgũ turarire opamakũ irigũkumi. Ìgũ irasirimakũ, mũsã gũiro marĩrõ gũñaturari merã masakare yaa kerere wererã waarãkoa. Jerusalén marãrê, Judea nikũ marãrê, Samaria nikũ marãrê, ããrĩperero i nikũgue ããrĩrãrê wererã waarãkoa, ãrĩyupũ Jesús ìgũ buedoregũ beyenerãrê.

<sup>9</sup> Ìgũ irasũ ãrĩ wereadero pũrũ, Marĩpũ ãmũgasigue ìgũrê ãimũrĩãkõãyupũ. Ìgũsã ìgũrê ããmutũyamakũ, su yebo ãimikãyebo túbiakõãyuro. Irasirirã ìgũrê neõ ããnemobiriñurã.

<sup>10</sup> Ìgũsã ããmutũyaripoe gũñaña marĩrõ pẽrã ãma suri boreri sãñanerã ìgũsã pũro deyoa,

<sup>11</sup> ãsũ ãrĩñurã:

—Galilea marã, ¿nasirirã ãmugasire ãmunirĩ? Jesús ãmugasigue marĩaguta dupaturi i ãmuguere aarigukumi doja. Musã ãgũrẽ marĩãmakũ ãrõsũta aarimakũ ãrãkoa, ãrĩñurã.

*Judare gorawayurã, Matías wãikũgũre beyedeã*

<sup>12</sup> Irasirĩ, pũũ Jesús buedoregũ beyerã Olivos wãikũdi ãtãũgue ããrãnerã dijãa, Jerusalẽgue dujãakõãñurã doja. Iri makã pũrogã ããrĩyuro iri ãtãũ.

<sup>13</sup> Dujaja, ãgũsã kãrĩrĩ taribu ãmarõma taribugue ñajãkõãñurã. ãsãkũ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãikũri bumũ, Santiago Alfeo magũ, Judas Santiago magũ ããrĩñurã.

<sup>14</sup> Gajirãde ãgũsã merã nerẽñurã: Jesús pagũpũrã, Jesús pago María, gajirã nome ããrĩñurã. ãmarikũ iri taribugue Marĩpũre sãrẽmurã nerẽñañurã.

<sup>15</sup> Sunũ ãgũsã merã gajirã Jesũre bũremurã ciento veinte gora nerẽñurã. Irasirigũ Pedro ãgũsã watopegue wãgãñũgã, ãgũsãrẽ ãsũ ãrĩyupũ:

<sup>16-17</sup> —Yaarã, gũã Judas merã pe mojõma pere su gubu peru pẽrẽbejarãgora ããrãdibũ. Jesús gũare beyederosũta ãgũdere beyeadimi, gũã merã ãgũya kerere weredoregũ. Judas gapũ Jesũre peresugue ñeãwãgãmurãrẽ ãgũrẽ ãmumi. Oãgũ dey-omarĩgũ Judas waaburire Davire iripoegue gojadorederosũta diayeta waabũ.

<sup>18</sup> ãgũ Jesũre oparãguere ãmudea wajare ãgũsãrẽ wia, makã ojarogue waa, dipuru gapũ merã meẽmejã, ãgũya paru meẽ ooreakõã, gũramisĩ wirisiri kõmoakõãyupũ. Irasirirã oparã iri niyeru merã ãgũ meẽmejãdea nikũrẽ wajariñurã.

<sup>19</sup> Judas irasũ waadeare ããrĩpererã Jerusalén marã pẽperekõãñurã. Irasirirã, ãgũ irasũ waaderore: “Acældama” wãiyẽñurã. “Acældama”, ãrĩrõ, ãgũsã ya merã: “Dĩ bẽodero”, ãrĩduaro irikoa.

<sup>20</sup> Iripoegue Salmos wãikũri pũgue ãsũ ãrĩ gojasũdero ããrĩbũ Judare:

ãgũya wii ããrĩdero masaka marĩrõ dujaburo. Neõ sugũ ãgũ ããrĩderore dupaturi ããrĩbirikõãburo, ãrĩ gojasũdero ããrĩbũ.\*

ãsũ ãrĩ gojasũdero ããrĩbũ doja:

Gajigũ ãgũya moãdeare gorawayuburo, ãrĩ gojasũdero ããrĩbũ.\*

<sup>21-22</sup> Irasirirã marĩrẽ sugũ Judas gorawayugũre beyero gããmea. Sugũ, gũã merã ããrĩdire, Juan marĩ Opũ Jesũre deko merã wãiyemakũ ããdire, ããrĩpereri Jesús irideare ããdire, Marĩpũ ãgũrẽ ãmugasigue ãimurĩãmakũ ããdire beyero gããmea. Irasirigũ, Jesús boadigue masãdeare gũã merã weregũ waagakumi, ãrĩyupũ Pedro.



23 Īgũ irasũ ārĩmakũ pé, pērārē beyeñurã. Sugũ José wãikuyupũ. Gajirã Īgũrēta “Justo”, gajirã “Barsabás” wãiyenerã ãārĩmã. Gajigu Matías wãikuyupũ.

24-25 Beye odo, ãsũ ārĩ sērēñurã Marĩpũre:

—Gũa Opũ, mũ ãārĩpererã masaka gũñarĩrē òãrõ masĩa. Judas Īgũ dapagora ãārĩrõgue waagú, mũya kere weredoredeare pĩrikõãmi. Sugũ Īgũ gorawayubure beyesiabũ mũ. Irasirigu mũ beyeadire ĩmuka gũare! ārĩñurã.

26 Irasũ ārĩ odo, peye ùtãyegãgue Matías, José wãirē goja, puuigãgue sã, suye ãĩ ĩãñurã. Matías wãĩ gojatúadeayere ãĩ bokañurã. Irasirirã Matíare: “Gũa pe mojõma pere su gubu suru pērēbejarã ãārãnerã merã Jesúya kerere weregu waagũkoa”, ārĩñurã Īgũrē.

## 2

### *Õãgũ deyomarĩgũ Jesúre bũremurãrē ejadea*

1 Pentecostés\* wãikuri bosenu ãārĩmakũ, ãārĩpererã Jesúre bũremurã Īgũsã nerēdea wiigueta nerēñurã.

2 Pũũ gũñaña marĩrõ ãmũgasigue mirũ bũro aarirósũ, Īgũsã ãārĩrõguere bũro bũũũ dijiriyuro.

3 Irasũ waaripoe peame ùjũrĩ pũrã dijari, nediru irirosũ deyori masakakũre dipu weka deyoayuro.

4 ãārĩpererã Õãgũ deyomarĩgũrē opatari, Īgũ iritamurĩ merã gaji masã ya Īgũsã dupiyuro werenĩbirideare werenĩngũãñurã.

5 Iripoere wárã judío masaka ãārĩpereri nikũ marã Jerusalēgue ejanerã ãārĩmã. Īgũsã bũremurĩrē òãrõ tũyarimasã ãārĩñurã.

6 Irasũ bũsurire pérã, Jesúre bũremurã pũroque nerēwãgãñurã. Iroque masakakũ Īgũsãya werenĩrĩ merã Jesúre bũremurã werenĩmakũ péñurã. Irasũ waarĩre pémasĩbiriñurã.

7-8 Irasirirã ĩãgũka, ãsũ ārĩ gãme werenĩñurã:

—¿Nasirirã Īgũsã Galilea marã ãārĩkererã, marĩ yare òãrõ werenĩrĩ? Marĩ deyoadea nikũ marã irirosũ werenĩma.

9 Marĩ gajiro marã ããrã. Partia marã, Media marã, Elam marã, Mesopotamia marã, Judea marã, Capadocia marã, Ponto marã, Asia marã,

10 Frigia marã, Panfilia marã, Egipto marã, Libia Cirene wãikuri nikũ tũro marã ããrã. Marĩ Roma marãde òõguere naarĩmasã ããrã.

11 Surãyeri judío masaka, gajirã judío masaka ãārĩbirikererã, judío masaka irirosũ bũremurã òõguere ããrã. Creta marã, Arabia marãde marĩ merã ãārĩma. Irasirirã marĩ ãārĩpererã

\* 2:1 Pascua bosenu waadero pũũũ, cincuenta nũĩrĩ pũũũ, Pentecostés wãikuri bosenu waayuro.

gajiro marã āārīkererã, marĩ ya merã ĩĩsã õārõ werenĩmakũ péa. Īgũsã Marĩpũ õārõ iridea kerere werenĩrã yáma, āārĩñurã.

12 Irasirirã āārĩpererã pégukakõāñurã.

—¿Nasiriro irasũ waarĩ? ārĩ gãme werenĩñurã.

13 Gajirã gapũ:

—Mejãrã yáma, ārĩ buridañurã.

*Pedro masakare weredeã*

14 Īgũsã irasũ ārĩmakũ pégu, Pedro gajirã pe mojõma pere su gubu suru pērēbejarã Jesús buedoregu beyenerã merã wãgãñugã, burõ burõ werenĩyupũ:

—Musã āārĩpererã judío masaka õõgue Jerusalégue āārĩrã õārõ péka yũ wererire!

15 Musã guare: “Mejãrã yáma”, ārĩ gũñarã, diaye gũñabea. Goeripoe dupiyuro āārã dapa. Irasirirã guã mejãrã meta yáa.

16 Guã irasũ werenĩrĩrẽ Joel Marĩpũya kerere weredupiyudi āsũ ārĩ gojadi āārĩmĩ:

17-18 Marĩpũ āsũ ārĩmĩ: “I ãmũ pereburo dupiyuro Ōãgũ deyomarĩgũrẽ iriugũra, masaka āārĩpereri buri marãrẽ. Irasirirã musã pũrã ãma, nomede yaa kerere wererãkuma. Maamarã kērõ irirosũ, mũrã kērõgue yũ ĩmurĩrẽ ĩārãkuma. Yũ dorerire irirãrẽ ãmarẽ, nomedere Ōãgũ deyomarĩgũrẽ iriugũra. Irasirirã, yaa kerere wererãkuma.

19 Yũ ãmũgasiguere gajirosũperi deyoamakũ irigũra. I nikũdere dí, peame, ĩmĩkã deyoamakũ irigũra.

20 Abe ãmũmũ naĩtĩãgũkumi. Abe ñamimũ dí irirosũ deyogu waagũkumi. Musã Opũ i ãmũguere dupaturi aariburo dupiyuro irasũ waarokoa. Īgũ aarirĩnũ goerĩnũ āārĩrokoa. Ubu āārĩrĩnũ āārĩbirikoa.

21 ‘Yũ Opũ, tauka yũre!’ ārĩgũnorẽ taugũra”, ārĩmĩ Marĩpũ, ārĩ gojadi āārĩmĩ Joel.\*

22 ‘Musã Israel bumarã yũ wererire õārõ péka! Marĩpũ Jesúre Nazaretmũrẽ iriudi āārĩmĩ. Jesús musã pũrogue āārĩgũ, Marĩpũ turari merã pũrĩrikũrãrẽ tau, wãtẽa masakare ñajãnerãrẽ béowiu, boanerãrẽ masũdi āārĩmĩ. Irasirigu Jesús, Marĩpũ iriudi āārĩsĩã, Īgũ turari merã irire iri ĩmudi āārĩmĩ. Irire musã õārõ masĩa.

23 Musã ñerãrẽ ĩgũrẽ curusague pábiatú wējẽdoremakũ, Marĩpũ iripogue Jesúre irasũ waarokoa, ārĩderosũta waabũ.

24 Irasũ waakeremakũ, Marĩpũ gapũ ĩgũ boadiguere masũkõadi āārĩmĩ. Boanerã āārĩrõrẽ ĩgũrẽ wiudi āārĩmĩ. Irasirimakũ, boari Jesúre tarinũgãmasĩbiridero āārĩbũ.

25 Iripogue David āsũ ārĩ gojadi āārĩmĩ, Jesús Marĩpũre werenĩburire:

\* 2:21 ¶ 2.28-32

Y<sub>u</sub> Op<sub>u</sub>, marē ãānĩkõāa. M<sub>u</sub> y<sub>u</sub> diaye gap<sub>u</sub>, y<sub>u</sub> merā ãārĩnĩkõāa. Irasirig<sub>u</sub> y<sub>u</sub> neõ güibea.

26-27 Yaa y<sub>u</sub>ɔpũrãgue buro us<sub>u</sub>yari merā ãārã. Irasirig<sub>u</sub> us<sub>u</sub>yari merā werenía. Y<sub>u</sub> boamakũ, boanerã ãārĩrõgue béobirikoa. Y<sub>u</sub> masãgobegue ãārĩmakũ, yaa d<sub>u</sub>p<sub>u</sub> neõ boabirikoa. Y<sub>u</sub>re dupaturi okamakũ irig<sub>u</sub>koa doja. Irasirig<sub>u</sub> y<sub>u</sub> güiro marĩrõ ãārĩg<sub>u</sub>koa.

28 M<sub>u</sub>, y<sub>u</sub> dupaturi okaburire y<sub>u</sub>re õārõ masĩmakũ yáa. Irasirig<sub>u</sub> y<sub>u</sub> merā m<sub>u</sub> ãārĩmakũ, buro us<sub>u</sub>yari merā ãārã, ārĩ gojadi ãārĩmĩ David.\*

29 'Yaarã, y<sub>u</sub> musãrē diayeta weregura. Marĩ ñekũ David boadi ãārĩmĩ. Marĩ ñekũsamarã ãgũrē yáanerã ãārĩmã. ãgũya masãgobe i makãguere ãārã dapa.

30-31 Iripoegue Marĩp<sub>u</sub> Davire ãsũ ārĩ weredi ãārĩmĩ:

Y<sub>u</sub> m<sub>u</sub>rē diayeta werea: "P<sub>u</sub>rũguere m<sub>u</sub> parãmi i nikũ marã Op<sub>u</sub> ãārĩg<sub>u</sub>kumi. Y<sub>u</sub> m<sub>u</sub>rē píderosũta píg<sub>u</sub>koa ãgũdere", ārĩdi ãārĩmĩ.

David Marĩp<sub>u</sub>ya kerere weredupiyug<sub>u</sub> ãārĩdi ãārĩmĩ. Irasirig<sub>u</sub> Jesúre Marĩp<sub>u</sub> píburire masĩsĩã, ãsũ ārĩ weredi ãārĩmĩ ãgũ masãburire:

ãgũ boadero p<sub>u</sub>r<sub>u</sub>, boanerã ãārĩrõgue neõ béosũbirikumi. ãgũya d<sub>u</sub>p<sub>u</sub> masãgobegue neõ boabirikoa, ārĩ gojadi ãārĩmĩ.\*

32 Marĩp<sub>u</sub> Jesúre boadiguere masũdi ãārĩmĩ. ãgũrē masũadero p<sub>u</sub>r<sub>u</sub>, g<sub>u</sub>a ãārĩpererã ãgũrē ããb<sub>u</sub>. "Dupaturi okami", ārĩ masĩã.

33 ãgũ Pag<sub>u</sub> ãgũrē masũ, ãmũgasigue ãĩmũrĩã, ãgũ diaye gap<sub>u</sub> dobodi ãārĩmĩ. ãgũ ārĩderosũta Jesúre Õãgũ deyomarĩgũrē iriudi ãārĩmĩ. Irasirig<sub>u</sub> Jesús g<sub>u</sub>are Õãgũ deyomarĩgũrē iriumi. Irasirirã m<sub>u</sub>sã, ãgũ g<sub>u</sub>aguere ejamakũ ããa. ãgũ iritamurĩ merã g<sub>u</sub>a werenĩmakũ péa.

34-35 David† gap<sub>u</sub> ãgũ boadero p<sub>u</sub>r<sub>u</sub>, Jesús m<sub>u</sub>rĩaderosũ m<sub>u</sub>rĩabiridi ãārĩmĩ. ãgũ boaburo dupiyuro ãsũ ārĩ gojadi ãārĩmĩ, Marĩp<sub>u</sub> Jesúre ārĩdeare gojag<sub>u</sub>:

Marĩp<sub>u</sub> y<sub>u</sub> Op<sub>u</sub>re ãsũ ārĩmi: "Õõ y<sub>u</sub> diaye gap<sub>u</sub> doaka, y<sub>u</sub> merã dorebu! Irasiriripoe m<sub>u</sub>rē ããturĩrãrē m<sub>u</sub> dorerire tarĩnũgãnemobirimakũ irig<sub>u</sub>ra", ārĩmi, ārĩ gojadi ãārĩmĩ.\*

36 'Irasirirã m<sub>u</sub>sã Israel bumarã ãārĩpererã õārõ pémasĩka! Marĩp<sub>u</sub> Jesúre, m<sub>u</sub>sã curusague pábiatú wẽjẽdire marĩ Op<sub>u</sub> ãārĩmakũ iridi ãārĩmĩ. Marĩp<sub>u</sub> ãgũrē iriudi ãārĩmĩ, marĩrē tauburo, ãrĩgũ, ārĩ wereyup<sub>u</sub> Pedro masakare.

37 ãgũ irasũ ãrĩmakũ pérã, ãgũsãya y<sub>u</sub>ɔpũrãrãrĩgue buro bujawereri merã güñarík<sub>u</sub>, Pedrore, gajirã Jesús buedoreg<sub>u</sub> beyenerãrē ãsũ ārĩ sērẽñãñurã:

\* 2:28 Sal 16.8-11    \* 2:30-31 Sal 132.11    † 2:34-35 David ãgũ boadero p<sub>u</sub>r<sub>u</sub>, ãgũ d<sub>u</sub>p<sub>u</sub> merã ãmũgasigue m<sub>u</sub>rĩabiridi ãārĩmĩ. Irasirig<sub>u</sub> Jesús m<sub>u</sub>rĩaderosũ m<sub>u</sub>rĩabiridi ãārĩmĩ.    \* 2:34-35 Sal 110.1

—Guayarã, ¿nasirirākuri gua?

<sup>38</sup> Pedro ĩgūsārē yujuyupũ:

—Musã ñerō irideare bujawere, musã gũñarĩrē gorawayuka! Irasirirã musã aãrĩpererã Jesucristore buremua, arĩ, guare deko merã wãiyedoreka! Musã irasirimakũ, Marĩpu musã ñerō irideare kãtigukumi. Ōãgũ deyomarĩgũrē iriugukumi, musã merã aãrĩnikõãburo, arĩgũ.

<sup>39</sup> Marĩpu arĩderosũta musãrē, musã pũrã aãrĩturiarãrē, gajiro marãdere aãrĩpererã ĩgũ beyenerãrē Ōãgũ deyomarĩgũrē iriugukumi, arĩyupũ.

<sup>40</sup> Irire arĩ odo, gaji wãri werenemoyupũ Pedro ĩgūsārē:

—Ōarō pémasĩka musã! I nikũ marã Jesúre wějēnerã ñerã aãrĩma. ĩgūsã ñerō iridea waja Marĩpu ĩgūsārē wajamoãgukumi. ĩgūsã ñerã irirosũ neõ irinemobirikõãka pama! Irasiribirimakũ, Marĩpu ĩgūsārē wajamoãgũ, musã gapũre wajamoãbirikumi, arĩyupũ.

<sup>41</sup> Wãrã ĩgũ wererire õarō péñurã. Irasirirã deko merã wãiyesũñurã Jesúre buremurĩrē ĩmurã. Irasirirã Jesúre buremupũrorinerã merã aãrĩnũgãñurã. Pedro ĩgūsārē wereadeanũ merãta wãrã tres mil gora masaka buremunũgãñurã.

<sup>42</sup> Irasirirã umũrikũ Jesúre buremupũrorinerã merã nerēnañurã, ĩgũ buedoregũ beyenerã buerire pémurã. Irasũ nerēnarã, Marĩpũre sērē, pãrē dukawa, siiu baanañurã.

### *Jesúre buremupũrorinerã iridea*

<sup>43</sup> Jesús buedoregũ beyenerã ĩgũ iriderosũta wãri Marĩpu turari merã iri ĩmunañurã. Irasirirã pũrĩrikũrãrē tau, wãtẽa masakare ñajãnerãrē béowiu, boanerãrē masũnañurã. ĩgūsã irasirimakũ ĩarã, masaka aãrĩpererã ĩãgũkanañurã.

<sup>44</sup> Aãrĩpererã Jesúre buremurã su bumarã irirosũ õarõ aãrĩrikũñurã. Irasirirã ĩgūsã oparire gãme sĩnañurã.

<sup>45</sup> Gajinorē oparã, irire dua, iri waja merã gajino opamerãrē sĩnañurã.

<sup>46</sup> Umũrikũ aãrĩpererã surosũ gũñarĩ oparã Marĩpũya wiigue nerēnañurã. ĩgūsãya wiirigue pãrē dukawa, õarõ usũyari merã siiu baanañurã.

<sup>47</sup> Marĩpũre: “Ōãtaria mu”, arĩ, usũyari sĩnañurã. Gajirã masaka ĩgūsārē: “Ōãrã aãrĩma”, arĩ ĩãñurã. Umũrikũ marĩ Opũ Jesús gajirãrē ĩgũrē buremumakũ iriyupũ. Irasirirã ĩgũrē buremurã wãrã aãrĩñurã.

## 3

*Sugũ waamasĩbire waamasĩmakũ iridea*

1 Sunu, ñamika tres ããrĩmakũ Pedro, Juan merã Marĩpũya wiigue waañurã. Iri horata masaka Marĩpũre sērēnañurã.

2 Iri wiima makãpũrore sugũ masakũ deyoagugeta waamasĩbi ããrĩdi doayupu. Iri makãpũro: “Õãrĩ makãpũro” wãikũyuro. Ɛmurikũ ĩgũ merãmarã ĩgũrē ãiwãgã, iri makãpũroge dobonañurã, iri wii ñajãrãrē niyeru sērē doanĩdorerã.

3 Pedrosã iri wii ñajãmurã iriripoe ĩgũsãrē ĩã, niyeru sērēyupu.

4 ĩgũsã pērãgueta ĩgũrē ĩã, Pedro gapũ ĩgũrē ãrĩyupu:

—Gũare ĩãka!

5 ĩgũ irasũ ãrĩmakũ: “Yũre niyeru sĩmurã irikumã”, ãrĩ gũñarĩ merã bũro ĩãyupu.

6 Pedro gapũ ĩgũrē ãrĩyupu:

—Niyerure opabea. Irire opabirikeregũ, yũ opari merã murē iritamugũra. Jesucristo Nazaretmũ wãĩ merã, ĩgũ turaro merã wãgãnuãgã waaka! ãrĩyupu.

7 Pedro ĩgũrē irasũ ãrĩgũta, diayema mojõrē ñeã, tũãwãgũnúyupu. Irasirimakũta, ĩgũya guburi, ĩgũya ãñagubuyeri turanũgãjayuro.

8 Irasirigũ pari wãgãnuãgãja, waapũrori, pũru ĩgũsã merã Marĩpũya wiigue Marĩpũre: “Õãtaria mũ”, ãrĩ gaguinĩ, pariñajãyupu.

9-10 ĩgũ usũyari merã Marĩpũre: “Õãtaria mũ”, ãrĩ, pariñajãmakũ ĩãrã, iri wiigue ããrĩrã ããrĩpererã ĩgũrē ĩãmasĩ:

—Ĩĩ, i wii õãrĩ makãpũroge niyeru sērē doanĩadita ããrĩmi, ãrĩñurã. Irasirirã ĩgũ waamasĩmakũ ĩãrã, “¿Naasũ waari?” ãrĩ ĩãgũkakõãñurã.

### *Pedro masakare Marĩpũya wiigue weredea*

11 Waamasĩbiradi Pedrosãrē duúbirimakũ, ããrĩpererã masaka iri wii ããrĩrã ĩãgũkari merã, ĩgũsã pũroge “Pórtico de Salomón” wãikũroge ũmanerēñurã.

12 ĩgũsã irasũ ũmanerēmakũ ĩãgũ, Pedro ĩgũsãrē ãrĩyupu:

—Musã, Israel bumarã, ¿nasirirã iropa gũkari? ¿Nasirirã gũare bũro ĩãrĩ? “Ĩgũsã Marĩpũre bũremurĩ merã, ĩgũsã turaro merã ĩrē waamasĩmakũ iriama”, ãrĩ gũñabirikõãka!

13 Jesús ĩgũ turaro merã ĩgũrē waamasĩmakũ iriami. Marĩ ñekũsãmarã Abraham, Isaac, Jacob Marĩpũre ũmũgasigue ããrĩgũrē bũremunerã ããrĩmã. Marĩpũ ĩgũ magũ Jesúre, ĩgũ doreri õãrõ iridire: “Õãtarigũ ããrĩmi”, ãrĩdi ããrĩmĩ. Musã gapũ ĩgũrēta oparãguere wiabu. Pilato ĩgũrē wiudũakeremakũ, musã gapũ gããmebiribu.

14 Jesús òǎǵũ, ñerĩrẽ neõ iribi ããrĩkeremakũ, ïǵũrẽ neõ wiu-dorebiribũ. Sugũ ñegũ masakare wějẽdi gapũre wiudorebũ musã.

15 Irasirirã, Jesús marĩrẽ okari sǐǵũ gapũre wějẽdorebũ. ïǵũ boadero pũrũ, Marĩpũ gapũ ïǵũrẽ masũdi ããrĩmĩ. Gũa ïǵũrẽ Marĩpũ masũdire ïãbũ, ãrĩ masĩa.

16 Jesũta ïǵũ turaro merã ïĩ waamasĩbiradire musã ïãmasĩǵũrẽ waamasĩmakũ iriami. Gũa Jesús taumasĩrĩrẽ buremumakũ ïãǵũ, ïǵũrẽ tauami. Musã ããrĩpererã ïǵũ tauadire ïǵũ waa-masĩmakũ ïãa.

17 'Yaarã, musã, musã oparãde Jesũre: "Marĩpũ magũta ããrĩmĩ", ãrĩ pémasĩbirisĩa, ïǵũrẽ wějẽdorebũ.

18 Iripoegue Marĩpũ ïǵũya kerere weredupiyunerã ããrĩpererãrẽ: "Cristo yũ iriubu ñerõ tarigũkumi", ãrĩderosũta Jesũre waabũ.

19 Irasirirã musã ñerõ irideare bũjawere, musã gũñarĩrẽ gorawayuka! Marĩpũ dorerire irika! Irasirimakũ, Marĩpũ musãrẽ musã ñerõ irideare kãti, siñajãrĩ merã ããrĩrikumakũ irigũkumi.

20 Irasirigũ musãrẽ Cristore dupaturi iriugũkumi. Cristo, Marĩpũ beyedi musãrẽ taugũ, Jesũta ããrĩmĩ.

21 Jesucristo ãmũgasigue mũrĩadi, irogueta ããrĩmĩ dapa. Marĩpũ iripoegue ïǵũ iriburire ïǵũya kerere weredupiyunerãrẽ weredorederosũta ããrĩpererire òãrõ ãmu, pũrũ Jesũre iriugũkumi.

22 Iripoegue Moisés irimarẽ marĩ ñekũsãmarãrẽ ãsũ ãrĩdi ããrĩmĩ:

Pũrũgue Marĩpũ marĩ Opũ sugũ ïǵũya kerere werebure iriugũkumi. Yũre iriuderosũta ïǵũdere iriugũkumi. ïǵũde marĩyagũta ããrĩgũkumi. ããrĩpereri ïǵũ wererire péka! ïǵũ dorerire òãrõ iritũyaka!

23 ïǵũ dorerire iritũyamerã gapũ béosũrãkuma. Irasirirã Marĩpũyarã merã neõ ããrĩnemobirikuma pama, ãrĩdi ããrĩmĩ Moisés.\*

24 'ããrĩpererã iripoegue marã Marĩpũya kerere weredupiyunerãkũ, Samuel pũrũ marãde dapagora waarĩre irasũta ãrĩ gojanerã ããrĩmã.

25 Iripoegue Marĩpũ marĩ ñekũ Abrahãrẽ: "Yũ, mu parãmi ããrĩturiagũ merã ï ãmũ marã ããrĩpererãrẽ òãrõ irigũra", ãrĩdi ããrĩmĩ. ïǵũya kerere weredupiyunerãrẽ ïǵũ Abrahãrẽ ãrĩdeare weredoredi ããrĩmĩ marĩ ñekũsãmarãrẽ. Irasirigũ Marĩpũ ïǵũsãrẽ ãrĩderosũta musãrẽ iridi ããrĩmĩ.

\* 3:23 Dt 18.15-19; 34.10

<sup>26</sup> Irasirigu ĩgũ magũ Jesús boadiguere masũ, marĩrẽ judío masakare iriupuroridi ããĩmĩ, marĩrẽ õãrĩ gapũre iri, marĩ ñerõ iririre piriburo, ãrĩgũ, ãrĩ wereyupu Pedro ĩgũsãrẽ.

## 4

### *Pedrore, Juãrẽ oparã purogue ãĩadea*

<sup>1-2</sup> Pedro, Juan merã masakare werenĩripoe paĩa, Marĩpũya wii korerã surara opu, gajirã saduceo bumarã ejañurã. Pedrosã masakare: “Jesús boadero purũ masãdi ããĩmĩ. Irasirirã marĩde boadero purũ ããĩpererã masãrãkoa”, ãrĩ buenañurã. ĩgũsã irasũ ãrĩ buemakũ pẽrã, saduceo bumarã, masaka boanerã masãrĩrẽ buremubirisĩã, ĩgũsã merã burõ guañurã.

<sup>3</sup> Irasirirã abe ñajãripoe ããĩmakũ, Pedrosãrẽ ñeã, iri ñamirẽ peresu iriñurã.

<sup>4</sup> Irasirikeremakũ, gajirã wãrã Jesúya kerere pẽnerã, ĩgũrẽ buremunugãrã ããĩñurã. Irasirirã dupiyurogue Jesúre buremupurorinerã merã wãrã ããĩñurã. Őma ditare keomakũ, cinco mil ããĩñurã.

<sup>5</sup> Pedrosãrẽ peresu iriadero purũ, gajinũ gapũ Jerusalẽgue judío masaka oparã, gajirã murã, gajirã Moisés gojadeare buerimasã nerẽñurã.

<sup>6</sup> Gajirãde, paĩa opu Anás, Caifás, Juan, Alejandro, gajirã paĩa opũyarã ĩgũsã merã ããĩñurã.

<sup>7</sup> Irogue nerẽ, Pedrosãrẽ ĩgũsã puro ãĩridore, ĩgũsã ejamakũ:  
—¿Noã musãrẽ doreri, noã musãrẽ inorẽ irasiridoreri? ãrĩ sẽrẽñañurã.

<sup>8-9</sup> Pedro Őãgũ deyomarĩgũrẽ opatarisĩã, ãsũ ãrĩ yũyũupu ĩgũsãrẽ:

—¿Musã judío masaka oparã, murãde guare ñi waamasĩbiradire õãrõ iriadeare, ĩgũrẽ tauadeare sẽrẽñarã yãri?

<sup>10</sup> Musãrẽ ire weregũra, ããĩpererã Israel bumarã õãrõ pẽmasĩburo, ãrĩgũ. Jesucristo Nazaretmũ turaro merã, ĩgũ wãĩ merã ñi waamasĩbiradi waamasĩami. Musã ĩgũrẽta curusague pábiatú wẽjẽdorebu. ĩgũ boadero purũ, Marĩpu gapũ ĩgũrẽ masũ, dupaturi okamakũ iridi ããĩmĩ.

<sup>11</sup> Iripogue Marĩpũya kerere weredupiyudi ãsũ ãrĩ gojadi ããĩmĩ: “Suye ãtãye wii iririmasã ĩgũsã bẽoadeaye merã gajigu gapũ õãrõ turari wii irigũkumi”, ãrĩ gojadi ããĩmĩ. Jesús iri ãtãye ĩgũsã bẽoadeaye irirosũ ããĩmĩ. Marĩpu ĩgũrẽ beyedi ããĩmĩ marĩrẽ taubure.

<sup>12</sup> I nikũguere Jesús sugũta marĩrẽ taugũ ããĩmĩ. Gajigu marĩrẽ taugũ neõ mámi. Marĩpu ĩgũrẽta iriudi ããĩmĩ marĩrẽ taubure, ãrĩ wereyupu Pedro ĩgũsãrẽ.

13 Judío masaka oparã Pedro, Juan buebirinerã ããrĩkererã, õãrõ gũñaturari merã, pémasĩrĩ merã weremakũ pérã, pégukakõãñurã. Ìgũsãrẽ: “Diyeta Jesús merãmarãta ããrĩma”, ãrĩ Ìãmasĩñurã.

14 Waamasĩbiradi Pedrosã pũro nímakũ Ìãrã, Ìgũsãrẽ: “Ñerõ irirã iriabu”, ãrĩ werewamasĩbirĩñurã.

15 Irasirirã, Ìgũsãrẽ Ìgũsã nerẽrĩ taribugue ããrĩrãrẽ wiriadoreñurã, Ìgũsã basi gãme werenímurã:

16 Æsũ ãrĩñurã:

—¿Nasirirãkuri Ìgũsãrẽ? Ìĩ waamasĩbiradire Ìgũsã waamasĩmakũ iriadeare Jerusalén marã péperekõãñurã. Irasirirã: “Iribirama”, ãrĩmasĩbirikoa marĩ.

17 Gajirãrẽ irire neõ pénemomakũ iribirikõãrõ gããmea marĩrẽ. Irasirirã: “Jesúyamarẽ gajirãguere neõ werenemobirikõãka pama!” ãrĩrã Ìgũsãrẽ, ãrĩ werenĩñurã.

18 Irasũ ãrĩ werení odo, Pedrosãrẽ siuu, ãsũ ãrĩñurã:

—Gajirãguere neõ Jesúyamarẽ werenemobirikõãka! Neõ Ìgũya kerere buenemobirikõãka! ãrĩñurã.

19 Ìgũsã irasũ ãrĩkeremakũ, Pedro, Juan gapũ ãsũ ãrĩ yũñurã Ìgũsãrẽ:

—¿Marĩpu musã guare dorerire irimakũ gããmerĩ, o Ìgũ doreri gapũre gũa irimakũ gããmerĩ? ¿Naásũ gũñarĩ musã irire?

20 Gũa Ìgũ dorerire iritayarã ããrã. Irasirirã gũa Ìãdeare, gũa pédeare neõ wereduúmasĩña máa, ãrĩñurã.

21-22 Ìgũsã irasũ ãrĩmakũ pérã, judío masaka oparã gapũ dupaturi ãrĩñurã:

—Jesúyamarẽ neõ werenemomerãta pama! Irire pirimerã, wajamoãsurãkoa, ãrĩñurã. Gajirã gapũ usuyari merã Marĩpure: “Mu Ìĩ waamasĩbiradire tauadea õãtariabu”, ãrĩñurã. Ìgũ cuarenta bojori nemorõ opagũ ããrĩyupu. Irasirirã oparã gapũ Pedrosãrẽ: “Ñerõ irirã iriama”, ãrĩmasĩbiri, wajamoãmerãta Ìgũsãrẽ wiukõãñurã.

### *Jesúre buremurã Marĩpure iritamurĩ sêrẽdea*

23 Pedrosã irogue ããrãnerã wiria, Ìgũsã merãmarã pũrogue waakõãñurã. Irogue eja, paía oparã, judío masaka murã Ìgũsãrẽ ãrãdeare Ìgũsã merãmarãrẽ wereñurã.

24 Ìgũsã weremakũ pérã, ããrĩpererã iro ããrĩrã Marĩpure sêrẽñurã:

—Gũa Opũ, mu diyeta ãmugasi, i nikũ, dia wádiya, i ãmuma ããrĩpererire iridi ããrã.

25 Iripoegue gũa ñekũ Davire murẽ moãboegure Õãgũ dey-omarĩgũ merã ãsũ ãrĩ weredoredi ããrĩbũ:

Judío masaka ããrĩmerã Marĩpu merã bũro guama. Israel bumarãde Marĩpũyare: “Gããmebea”, ãrĩ gũñadima.



26 I nikū marā oparā Marīpu merā gāmekēādwarā nerērākuma. Īgū beyedi merādere irasūta gāmekēārākuma, āri were-doredi āārībá.\*

27 M̄u weredorederosūta diayeta waabu. I makāguere opu Herodes, Poncio Pilato, gajirā Israel bumarā, gajirā judío masaka āārīmerā nerēma Jesús m̄u magūrē wējēmurā. Īgū ōāgū, m̄u beyedi āārīmi.

28 Irasirirā, iripoegue m̄u turaro merā m̄u beyedire: “Irasū waarokoa ĭgūrē”, ārīderosūta irima.

29 Ḡua Opu, dapagora paía oparā m̄uya kerere: “Were-birikōāka! M̄usā irire wererā, wajamoāšūrākoa”, ārāma ḡuare. Īgūsā irasū ārādeare gūñaka m̄u! Ḡua m̄urē moāboerā āārā. Irasirigu ḡuare m̄uyare gajirārē güiro marīrō weremakū irika!

30 Ḡuare m̄u turaro merā pūrīrikurārē taumakū irika! Irasirigu ḡuare m̄u turaro merā Jesús m̄u magū, ōāgū wāi merā iri ĩmurīrē irimakū irika! āri sērēñurā Marīpure.

31 Īgūsā irasū āri sērēadero puru, ĭgūsā āārīrī wii gāmeñayuro. Āārīpererā Ōāgū deyomarīgūrē opatariñurā. Irasirirā, ĭgū iri-tamurī merā güiro marīrō Marīpuya kerere wererā waañurā.

### *Jesúre b̄uremurā ĭgūsā oparire gāme dukawadea*

32-33 Irasirirā Jesús buedoreḡu beyenerā Marīpu turaro merā masakare: “Marī Opu Jesús boadero puru masādi āārīmi. Īgū dupaturi okadero puru, ḡua ĭgūrē ĩābu”, āri wereñurā. Āārīpererā Jesúre b̄uremurā surosū gūñañurā. Irasirirā ĭgūsā oparire: “Yaa āārā”, ārīrō marīrō gāme dukawañurā. Marīpu ĭgūsārē āārīpererārē ōārō iritamuyupu.

34-35 Irasirirā wiiri oparā, nikū oparā, gajirārē irire duañurā. Īgūsā duadea wajare Jesús buedoreḡu beyenerārē sīnañurā. Jesús buedoreḡu beyenerā irire ĭgūsā watope āārīrārē gajino opamerārē dukawañurā. Irasirirā ĭgūsā watopegue boporā marīñurā pama.

36 Iripoere suḡu Jesúre b̄uremugū José wāikuḡu āārīyupu. Īgū Chipre wāikuri nugūrōm̄u, Levíya bum̄u āārīyupu. Jesús buedoreḡu beyenerā ĭgūrē “Bernabé” wāīyeñurā. “Bernabé”, ārīrō, griego ya merā: “Masakare ōārō yujupūrākumakū irigu”, ārīdwaro irikoa.

37 Īgū nikū opaḡu āārīsīā, su poee ejatuaro gajirārē duayupu. Īgū duadea wajare Jesús buedoreḡu beyenerārē sīpeokōāyupu.

## 5

### *Ananías, Safira merā ārīkatodea*

1 Gajigu Ananías wāikuḡu ĭgū marāpo Safira merā su poee ejatuaro nikūrē duayupu.

\* 4:26 Sal 2.1-2

<sup>2</sup> Īgũ duadea wajare ĭgũ basi deko merã duripíkõãyupũ. Irasirigũ ããrĩpereri niyerure Jesús buedoregũ beyenerãrẽ sĩpeobirikeregũ: “Iropata wajariama”, ãrĩkatoyupũ. Īgũ marãpo ããrĩpereri ĭgũ irasiriadeare masĩyupũ.

<sup>3</sup> Pedro ãsũ ãrĩyupũ ĭgũrẽ:

—Ananías, ¿nasirigũ wãtĩrẽ m̃ya gũñarĩguere ñajãdoreari? Īgũ ñajãmakũta, m̃ya nikũ duadea wajare gũare sĩpeobirikeregũ, m̃ya Õãgũ deyomarĩgũrẽ ãrĩkatoa.

<sup>4</sup> Iri nikũ m̃ya duaburo dupiyuro m̃ya nikũ ããrĩbũ. M̃ya duadea waja m̃ya niyeruta ããrã. Noó m̃ya sĩduaropa sĩboakuyo. ¿Nasiribu irasũ ãrĩkatori? Gũa ditare ãrĩkatogũ meta yãa. Marĩpũdere ãrĩkatoa m̃ya, ãrĩyupũ.

<sup>5</sup> Īgũ irasũ ãrĩmakũ pégũ, mata Ananías meémejã kõmoakõãyupũ. Īgũ irasũ waadea kerere pérã, ããrĩpererã bũro gũĩñurã.

<sup>6</sup> Īgũ kõmoadero purũ, gajirã maamarã ñajãja, ĭgũya dupũre suriro gasiro merã õma, ãiwiriakõãñurã ĭgũrẽ yãarã waarã.

<sup>7</sup> Ure hora purũ, Ananías marãpo ããrãdeo ñajãjayupũ. Īgũ boadeare neõ masĩbiryupũ.

<sup>8</sup> Igo ñajãmakũ ĭãgũ, Pedro igore sërẽñayupũ:

—Wereka yũre! ¿Mũsãya pooere duarã, iropata niyeru wajatari mũsã? ãrĩyupũ. Igo ĭgũrẽ yũjyupũ:

—Iropata wajatabũ, ãrĩyupũ.

<sup>9</sup> Pedro ãrĩyupũ igore:

—¿Nasirirã mũsã, marĩ Opũ Õãgũ deyomarĩgũrẽ ãrĩkatoari? “Gũa irasirimakũ masĩbirikumĩ”, ¿ãrĩ gũñadari mũsã? Īãka! M̃ya marãpũre yãarã ejanerã sĩĩsã dujarima. M̃ya dupũdere ãiwiriarãkuma, m̃ya marãpũya dupũre ãiwiriaderosũta, ãrĩyupũ.

<sup>10</sup> Īgũ irasũ ãrĩmakũta, igode Pedroya guburi purũ meémejã kõmoakõãyupũ. Irasirirã maamarã igo kõmoadeoguere bokaja, igoya dupũre ãiwiria, igo marãpũ dagũre ĭgũsã yãadero purũgueta igodere yãañurã.

<sup>11</sup> Irasirirã ããrĩpererã Jesũre bũremurã, gajirãde Ananías, Safirare waadea kerere pérã, bũro gũĩñurã.

*Jesús buedoregũ beyenerã Marĩpũ turaro merã iri ĩmudea*

<sup>12</sup> Iripoere masaka watopegue Jesús buedoregũ beyenerãrẽ Marĩpũ ĭgũ turari merã wãri iri ĩmurĩrẽ irimakũ iriyupũ. ããrĩpererã Jesũre bũremurã Marĩpũya wii tũro biaña marĩrĩ taribu “Pórtico de Salomón” wãĩkũri taribugue nerẽnañurã.

<sup>13</sup> Masaka ĭgũsãrẽ: “Õãrã ããrĩma”, ãrĩkeremakũ, gajirã gapũ ĭgũsãrẽ gũĩñurã. Īgũsã merã neõ nerẽduabiriñurã.

<sup>14</sup> Gajirã gapũ marĩ Opũ Jesũre wãrã ãma, nomede bũremuñurã.

15 Irasirirā pūrīrikurārē ĩgūsā peyari gasiri merā Pedro waaburi maa turo pīñurā. “Pedro ĩgūsārē ñapeobirikeremakū, ĩgū wātī meépīro ĩgūsā weka ejamakū, ĩgūsārē pūrīrī tarirokoa”, ārī gūñarā, irasiriñurā.

16 Wārā Jerusalén turo marāde pūrīrikurārē, wātēa ñajāsūnerārē irogue āīānañurā. Irasirirā Jesús buedoregū beyenerā ĩgūsā āārīpererārē taunañurā.

*Oparā Jesús buedoregū beyenerārē ĩaturidea*

17 Irasirirā paía opū, gajirā ĩgū merāmarā saduceo bumarāde Jesús buedoregū beyenerārē buro ĩāturi,

18 ĩgūsā merā buro gua, ĩgūsārē ñeā, peresu iriñurā.

19 Irasirikeremakū, sugū Marīpure wereboegū iri ñamita peresu wii makāpurorire tūpā, ĩgūsā āārīrī taribugue ñajāja, ĩgūsārē āsū ārī āiwiriyupū:

20 —Marīpūya wiigue waaka! Irogue eja, Marīpū Jesúre buremurārē ĩgū merā oārō āārīmakū iriburi kerere wereka masakare! ārīyupū Marīpure wereboegū ĩgūsārē.

21 ĩgū irasū ārīmakū pérā, ĩgūsā peresu āārānerā wiriakōāñurā. Gajinū gapū boyoripoe āārīmakū, Marīpūya wiigue ñajāja, masakare buenagāñurā, Marīpure wereboegū ĩgūsārē weredoreaderosūta.

ĩgūsā irogue bueripoe paía opū gapū, ĩgū merāmarāde, Pedrosā peresu āārānerā wiriadeare masībiriñurā dapa. Irasirirā ĩgūsā Israel bumarā oparārē āārīpererārē neeōñurā. ĩgūsā nerēperemakū ĩārā, surarare peresu iriri wiigue Jesús buedoregū beyenerārē ĩgūsā biadoboanerārē āiridoreñurā.

22 Irasirirā surara ĩgūsārē āirā waadiñurā. Irogue eja, Pedrosārē neō bokabiriñurā. ĩgūsārē bokabirisīā, oparāguere wererā dujáakōāñurā doja.

23 Dujaja, oparārē:

—Peresu iriri wii makāpurori oārō biadea makāpurori āārādabu. Irogue biadoboanerārē korerāde iri makāpurorikū níadama. Irasū āārīkeremakū, gua ĩgūsā āārādea taribure makāpuro tūpāmakū neō marāma, ārīñurā.

24 ĩgūsā irasū ārīmakū pérā, paía opū, Marīpūya wii marā surara opū, paía oparāde: “¿Naásū waayuri ĩgūsārē?” ārī gūñarikuñurā.

25 ĩgūsā irasū gūñarikuñuripoe sugū masakū ĩgūsā puro eja:

—Musā peresu irianerā Marīpūya wiigue āārāma. Masakare buerā iriama, ārīyupū.

26 ĩgū irasū ārīmakū pérā, Marīpūya wii marā surara opū, ĩgūyarā surara merā ĩgūsārē ñeārā waañurā. Irogue eja, ĩgūsārē ñeā, paía oparā puro āīāñurā doja. Masakare gūisīā,

Īgūsārē tārābiriñurā. “Gua Īgūsārē tārāmakū ĩārā, masaka guare ũtāyeri merā deabukuma”, āri gūñañurā.

27 Īgūsārē judío masaka oparā purō āñjamakū, paía opu Īgūsārē turiyupu:

28 —Gua musārē: “Jesúyare neō buenemobirikōāka!” ārādibu. Gua irasū āñkeremakū, musā āññiperero Jerusalén marārē buegorenáa. Jesús boadea waja guare waja opamakū iriduarā yáa musā, āñyupu.

29 Īgū irasū āñmakū, Pedro gajirā Jesús buedoregu beyenerā merā Īgūrē āsū āñ yujuyupu:

—Masaka doreri nemorō Marĩpuya gapure iriro gāāmea. Gua musā dorerire irirā, Marĩpu doreri gapure iribiribukoa.

30 Musā Jesúre curusague pábiatú wējēdoredire Marĩpu, marĩ ñekūsāmarā Opu gapu Īgūrē masūdi āññimí.

31 Īgūrē masū odo, ũmugasigue āñmũñlagu, Īgū diaye gapu dobodi āññimí. Marĩrē taubure, marĩ Opu āññibure irasiridi āññimí. Irasirigu marĩ judío masaka marĩ ñerō irideare bujawere, gūñarĩrē gorawayumakū kātigukumi.

32 Gua āññipereri Jesús irideare ĩānerā āññā. Irasirirā irire werea. Ōāgū deyomarĩgūde guare irire pēmasĩmakū yámi. Irasirirā Īgū iritamurĩ merā werea. Marĩpu dorerire pérānodere Ōāgū deyomarĩgūrē iriugukumi, āñ wereyupu Pedro paía opure.

33 Īgū irasū āñmakū pérā, oparā gapu guataria, Pedrosārē wējēduadiñurā.

34 Sugū fariseo bumū Gamaliel wāikugu gapu wāgānugāyupu Īgūsārē werebu. Īgū judío masaka oparā merāmu Moisés gojadeare buerimasū āññiyupu. Masaka Īgūrē: “Ōāgū āññimi”, āñ bñremuñurā. Īgū wāgānugā, surarare: “Īisārē āñwiriaka dapa!” āñyupu.

35 Īgūsārē āñwiriadero puru, oparārē āsū āñyupu:

—Musā Israel bumarā, musā Īgūsārē iriduarire ōārō gūñaka!

36 Teudas wāikugu waadeare gūñaka! Irinuguere Īgū masakare: “Masĩtarinugāgū āññā yu”, āññi āññadimi. Irasirirā wārā cuatrocientos ũma Īgū merāmarā āññinerā āññadima Īgū buerire péduarā. Puru gajirā Īgūrē wējēkōānerā āññimá. Īgūrē wējēadero puru, Īgū merāmarā āññadinerā waasiriakōānerā āññimá. Irasū waadero puru, Īgū buedeare pereakōādero āññibú.

37 Puru i nikū marārē Īgūsā keoripoe gajigu Judas wāikugu Galileamu āññidi āññadimi. Wārā Īgū merāmarā āññinerā āññadima. Puru gajirā Īgūdere wējēkōānerā āññimá. Īgūrē wējēadero puru, Īgū merāmarā āññadinerā waasiripereakōānerā āññimá.

38 Irasirigũ musârê werea. Sîisârê, marĩ peresugue biadoboanerârê wiuka! Musã Ìgũsârê iriduarire iribirikõaka! Ìgũsã bueri, Marĩpũya bueri ãârĩbero, pereakõãrokoa Teudas, Judas buedea perederosũta.

39 Ìgũsã bueri, Marĩpũya bueri ãârĩrõ, neõ perebirikoa. Ìgũsârê irire pirimakũ iribirikoa. Irasirirã irire õãrõ pémasĩka! Ìgũsã bueri, diayeta Marĩpũya bueri ãârĩmakũ, musã Ìgũsârê wějẽduarã, Marĩpũ merã gãmekẽãduarã irirosũ iribukoa, ãrĩyupũ Gamaliel.

40 Ìgũ irasũ ãrĩmakũ pérã: “Jáũ, marĩrê diayeta weremi ìĩ”, ãrĩ péñurã. Irasirirã Jesús buedoregũ beyenerârê siiu, surarare tãrãdoreñurã. “Jesúyare neõ werenemobirikõaka!” ãrĩñurã. Irasũ ãrĩ odo: “Waaka!” ãrĩ, wiuñurã Ìgũsârê pama.

41 Irasirirã Jesús buedoregũ beyenerã judío masaka oparã pũro ããrãnerã waakõãñurã. “Marĩ Jesúyare bueri waja marĩrê tãrãdoreama gũyasĩrĩburo, ãrĩrã”, ãrĩñurã. “Marĩpũ gapũ marĩrê: ‘Irire bokatĩũkõãma’, ãrĩ masĩmi”, ãrĩñurã. Irasirirã oparã Ìgũsârê ñerõ irikeremakũ, bũro usũyañurã.

42 Irasirirã ãmũrikũ Marĩpũya wiigue, wiiriguedere masakare: “Jesúta Marĩpũ iriudi, Cristo ããrĩmi”, ãrĩ buenañurã.

## 6

### *Jesús buedoregũ beyenerã Ìgũsârê iritamumurãrê beyedea*

1 Irasirirã irinurĩrê wãrã judío masaka Jesúre bũremunũgãñurã. Surãyeri hebreo ya merã werenĩñurã. Gajirã griego ya merã werenĩñurã. Ìgũsã wapiweyarã nomerê ãmũrikũ Ìgũsã baarire keoro guerebirimakũ Ìãrã, hebreo ya merã werenĩrã gapũre turiñurã.

2 Irasirirã Jesús buedoregũ beyenerã Jesúre bũremurãrê ããrĩpererãrê Ìgũsã pũroque siiu neõ, ãsũ ãrĩ wereñurã:

—Gũa baarire guererã, Marĩpũya kere gapũre wereduũmakũ õãbiribukoa.

3 Irasirirã musã gũayarã, Jesúre bũremurã musã watope ããrĩrãrê su mojõma pere gajĩ mojõ peru pẽrẽbejarãgora beyeka! “Õãrõ masĩrã, Õãgũ deyomarĩgũ turarire opatarirã ããrĩma”, musã ãrĩ Ìãrãrê beyeka! Musã beye odomakũ, gũa Ìgũsârê baari gueremurãrê sóorãkoa.

4 Irasirirã gũa ãmũrikũ Marĩpũre sêrê, Ìgũyare buerãkoa, ãrĩñurã.

5 Ìgũsã irasũ ãrĩmakũ pérã, ããrĩpererã: “Jáũ, irasũta irirãra”, ãrĩ, Esteban wãikũgũre beyeñurã. Ìgũ Jesúre õãrõ bũremugũ, Õãgũ deyomarĩgũrê opatarigũ ããrĩyupũ. Gajirã Felipe, Prócoro, Nicanor, Timón, Parmenas, Nicolás wãikũrãrê beyeñurã.

Nicolás Antioquíamu judío masaku ããrĩbirikeregu, judío masaka irirosũ buremugũ ããrĩyupu.

<sup>6</sup> Īgūsārē beye odo, Jesús buedoregu beyenerã pero ãĩãñurã. Īgūsã ãĩjamakũ ĩārã, Marĩpure: “Ōãrõ iritamuka Īgūsārē!” ãrĩ sērēbosa, Īgūsãya dipu weka mojõrĩ merã ñapeoñurã.

<sup>7</sup> Irasirirã Marĩpuya kerere weregorenamakũ, wárã masaka irire péñurã. Wárã Jerusalén marã masaka, paia de Jesúre buremunugãñurã.

### *Estebãrē peresu iridoredea*

<sup>8</sup> Esteban Marĩpu iritamurĩ merã ĩgũ turaro merã pũrĩrikurãrē tau, gaji õãrĩ iri ĩmurĩrē iriyupu masaka wárã watopere.

<sup>9</sup> Īgũ irasirimakũ ĩārã, surãyeri judío masaka “Esclavos Libertado” wãĩkuri bumarã ĩgũ merã guaseoparoriñurã. Īgūsã: Cirene marã, Alejandría marã, Cilicia marã, Asia marã su wii judío masaka ĩgūsã nerērĩ wiigue nerēnarã ããrĩñurã.

<sup>10</sup> Esteban, Ōãgũ deyomarĩgũ ĩgũrē õãrĩ masĩrĩ sĩrĩ merã werenĩmakũ pérã, ĩgũrē neõ werenĩ bokatiũbiriñurã.

<sup>11</sup> Irasirirã masaka ĩãberogue gajirãrē niyeru wajari: “Ãsũ ãrĩkatoka masakare!” ãrĩñurã:

—“Esteban Moisére, Marĩpure ñerõ werenĩmakũ péabu gua”, ãrĩka! ãrĩñurã.

<sup>12</sup> Irasirirã ĩgūsã ãrĩkatodoresũanerã irire weremakũ pérã, iri makã marã, murã, Moisés gojadeare buerimasãde Esteban merã bure gua, ĩgũrē ñeã, oparã pero ãĩãñurã.

<sup>13</sup> ĩgũrē irogue ãija, gajirãrē ãsũ ãrĩkatonemodoreñurã doja:

—Ĩĩ ãmurĩku Marĩpuya wiire, Moisés gojadedere ñerõ werenĩgorenami.

<sup>14</sup> Masakare: “Jesús Nazaretmu, Marĩpuya wiire béogukumi. Moisés marĩrē pídeadere gorawayugukumi”, ãrĩmakũ péabu gua, ãrĩkatoñurã oparãrē.

<sup>15</sup> Īgūsã irasũ ãrĩmakũ pérã, oparã ããrĩpererã irogue doarã Estebãrē bure ĩãñurã. Īgūsã ĩãmakũ, ĩgũya diapu Marĩpure wereboeguya diapu irirosũ deyoyuro.

## 7

### *Esteban oparãrē weredea*

<sup>1</sup> Īgūsã Estebãrē ĩãripoe paia opu ĩgũrē sērēñayupu:

—¿Diyeta ãrĩrĩ, ĩgūsã murē weresãrã? ãrĩyupu.

<sup>2</sup> Esteban yujuyupu ĩgũrē:

—Yaarã, yure õãrõ péka! Marĩ ñekũ Abraham, Harán wãĩkuri makãgue waaburo dupiyuro Mesopotamiague ããrĩdi ããrĩmĩ Caldea masaka ããrĩrõgue. ĩgũ irogue ããrĩripoe Marĩpu õãrõ gosesiriri merã ĩgũrē deyoya,

<sup>3</sup> āsū ārīdi āārīmí: “I nikūrē, m̄yarārē béowāgāka! M̄u waamakū, ȳu gaji nikū m̄u āārīburi nikūrē ĩmugakoa”, ārīdi āārīmí Marīp̄u Abrahārē.

<sup>4</sup> Marīp̄u irasū āārmakū pégu, Abraham Caldea nikū āārādi Harāgue waadi āārīmí. Irogue ejadero p̄u, ĩgū pagu boadi āārīmí. ĩgū boadero p̄u, Marīp̄u Abrahārē wiridoredi āārīmí doja. Irasirigu Abraham oō, marī āārīrī nikūrē ejadi āārīmí pama.

<sup>5</sup> ĩgū oōgue ejamakū, Marīp̄u ĩgūrē neō nikūrē sībiridi āārīmí dapa. Sībirikeregu, ĩgūrē: “P̄rugue m̄ya, m̄u parāmerā āārīturiarāya nikū āārīrokoa”, ārīdi āārīmí. ĩgū irasū āārīpoere Abraham neō pūrā marīdi āārīmí dapa.

<sup>6</sup> Gaji Marīp̄u ĩgūrē ārīnemodi āārīmí doja: “M̄u parāmerā āārīturiarā gaji nikūgue waarākuma dapa. Cuatrocientos bojorigora iri nikū marārē moāboerākuma. ĩgūsārē moādore, pābirarākuma.

<sup>7</sup> Ȳu gapu iri nikū marārē wajamoāgura ĩgūsā irasiriri waja. Ȳu ĩgūsārē wajamoā odoadero p̄u, m̄u parāmerā āārīturiarā iri nikūrē wirirākuma. Wiri, ȳu ĩgūsārē sīburi nikūgue eja, ȳu b̄remurā ȳu dorerire irirākuma”, ārīdi āārīmí Marīp̄u Abrahārē.

<sup>8</sup> ĩgū irasū ārādero p̄u, āsū iridoredi āārīmí doja: “Āārīpererā ūmarē ĩgūsāya dupama gasirogārē\* wiirika! Irasirirā masā ȳu werenīrī b̄remurīrē ȳu ĩmurākōa”, ārīdi āārīmí. Irasirigu Abraham ĩgū magū Isaare su semana ĩgū deyoadero p̄u, ĩgūrē wiiridi āārīmí. M̄rārōta Isaade ĩgū magū Jacore iridi āārīmí. Jacode m̄rārōta ĩgū pūrārē pe mojōma pere su gubu peru pērēbejari buri āārīmurārē iridi āārīmí.

<sup>9-10</sup> Jacob pūrā marī ñekūsāmarā ĩgūsā pagum̄rē Josére ĩāturisā, Egiptogue waarārē duanerā āārīmá, iro marārē moāboegu āārīburo, ārīrā. Marīp̄u gapu ĩgū merā āārīnīkōādi āārīmí ĩgūrē iritamugū. ĩgū ñerō tarikeremakū, āārīpereri ĩgū ñerō taririre taudi āārīmí. Wāri masīrī sīdi āārīmí. Irasirigu faraón† Egiptom̄u i nikū marā opu Josére beyedi āārīmí, ĩgū dokamu opu āārīburo, ārīgū. ĩgūya wiimadere moādoregu sóodi āārīmí.

<sup>11</sup> P̄u āārīperero Egiptogueru, Canaán nikūgedere baari pereakōādero āārībú. Irasirirā masaka b̄uro ñerō tarinerā āārīmá. Marī ñekūsāmarā uaboanerā āārīmá.

\* **7:8** Gn 17.1-14: Iripoegue Marīp̄u Abrahārē ĩgū pūrā ūmarē: “Yaarā āārīburo”, ārīgū, ĩgūsāya dupama gasirogārē wiiridoredi āārīmí. P̄u iri dorerire Moisére pídi āārīmí. Irasirirā judío masaka Abraham parāmerā āārīturiarā iri dorerire irirā, ĩgūsā pūrā ūmarē su mojōma pere gaji mojō ureru pērēbejarinarī waaró merā ĩgūsā deyoadero p̄u irasū yáma. † **7:9-10** “Faraón”, ārīrō, Egipto marā ya merā: “opu”, ārīduaro yáa.

12 Irasirigu Egiptogue trigo āārīrī kerere pégu, Jacob ĩgũ pūrārē marī ñekūsāmarārē: “Wajarirā waaka!” ārī iriudi āārīmí. ĩgũ irasũ ārīmakũ pérā, neō waarā irinerā āārīmá iroguere. Iroguere eja, baari wajari odo, gāme dujarikōānerā āārīmá doja.

13 ĩgūsā baari wajariadeare baapeo, dupaturi wajarirā waanerā āārīmá doja. Iripoeta pama José ĩgūsārē: “Musā pagumuta āārā ya”, ārī weredi āārīmí. Irasirigu Egipto marā opa José tīrārē masīdi āārīmí.

14 Puru José ĩgũ tīrā merā kerere iriudi āārīmí ĩgũ pagure. “Yuru, ĩgūyarā merā aariburo”, ārī iriudi āārīmí. Jacoyarā setenta y cinco gora āārīnerā āārīmá.

15 José kere iriuadeare pégu, Jacob ĩgũ pūrā merā Egiptogue waadi āārīmí. Jacob iroguere boadi āārīmí. ĩgũ pūrā, marī ñekūsāmarāde boanerā āārīmá.

16 Purugue ĩgūsā parāmerā āārīturiarā ĩgūsāya gōārīrē Siquem wāikuri makāgue Abraham, Hamor pūrārē ĩgũ ũtāgobe wajaridea gobegue pīmurā āāānerā āārīmá.

17 Marīpu Abrahārē: “Mu parāmerā āārīturiarārē i nikūrē sīgura”, ārīdero ejawāgāripoe Abraham parāmerā āārīturiarā Egiptogue āārīrā wārā masāporenerā āārīmá.

18 ĩgūsā iroguere āārīmakũ, José boadero puru yoadero puru, gajigu iri nikũ marā opa ñajādi āārīmí doja. ĩgũ, José ōārō irideare ōārō masībiridi āārīmí.

19 Irasirigu marī ñekūsāmarā wārā masāporemakũ ĩāgũ, ĩgūsārē tarinugāduagu, ñerō iridi āārīmí. ũma pūrā deyoarārē boaburo, ārīgũ, bēodoredi āārīmí.

20 Iripoeta Moisés deyoadi āārīmí. ĩgũ Marīpu ĩūrōrē ōāgũ āārīdi āārīmí. Irasirirā ĩgũ deyoadero puru, ĩgũ pagusāmarā ĩgūsāya wiigüe Ɂrerā abegora duri merā ĩgūrē masūnerā āārīmá.

21 ĩgūrē duúnemomasīmerā, diague puui merā paubéonerā āārīmá. Puru Egipto marā opa magō ĩgūrē boka, igoya wiigüe āīmajā, igo magũ diaye irirosũ masūdeo āārīmó.

22 Moisés iri wiigüe masā, āārīpereri Egipto marā buerire buepeodi āārīmí. Irasirigu ĩgũ masīrī merā werení, āārīpereri ōārō iridi āārīmí.

23 Puru cuarenta bojori opagu ĩgūyarārē Israel bumarārē ĩādūagu, ĩgūsā purogue waadi āārīmí.

24 Iroguere ejagu, sugu Egiptomu ĩgūyagure ñerō irimakũ ĩādi āārīmí. Irasirigu ĩgūrē gāmibosagu Egiptomurē wējēkōādi āārīmí.

25 ĩgũ basi: “Marīpu yaarārē wijatadoregu iriuami, ĩgūsā irire ōārō pémasīkuma”, ārī gūñadi āārīmí. ĩgūsā gapu ĩgũ gūñarōsũ gūñabirinerā āārīmá.



26 Gajinu gapu Moisés ĩgũsã pũroque waadi ããrĩmĩ doja. Iroque ejagu, gajirã ĩgũyarã pẽrã ĩgũsã basi gãmekẽãmakũ ĩãdi ããrĩmĩ. “Iropata gãmekẽãka! ĩNasirimurã su bumarã ããrĩkererã, iropa gãmekẽãkõãrĩ?” ãrĩdi ããrĩmĩ Moisés ĩgũsãrẽ.

27 ĩgũ irasũ ãrĩmakũ pẽgu, buro pádi gapu, Moisére túmeénú: “‘ĩNoã murẽ gua opu, guare dorebu ããrĩburo’, ãrĩ sóoari?”

28 ĩNamika Egiptomurẽ mu wẽjẽaderosũ yudere wẽjẽduagu yári?” ãrĩdi ããrĩmĩ Moisére.

29 ĩgũ irasũ ãrĩmakũ pẽguka, Moisés Egiptore wiri, gaji nikũ Media wãikuri nikũgue waadi ããrĩmĩ. Iroque ĩgũsã watopegue ããrĩgũ, iromorẽ marãpokũ, pẽrã ũma pũrãkũdi ããrĩmĩ.

30 Moisés cuarenta bojorigora iri nikũguere ããrĩdi ããrĩmĩ. Iriku bojori puru Sinaí wãikũdi ũtãũ pũro, masaka marĩrõgue waadi ããrĩmĩ. Iroque sugu yukugã dupuri watopegue peame ũjũmakũ ĩãdi ããrĩmĩ. Marĩpure wereboegu iri peame ũjũrĩ pũrã dekouge deyoadi ããrĩmĩ ĩgũrẽ.

31 Moisés iri peame ũjũmakũ ĩãgũ, ĩãgukakõãdi ããrĩmĩ. “ĩNaásũ waari?” ãrĩ, iri yukugã pũrogãgue ĩãgũ waagũ, marĩ Opu ãsũ ãrĩ werenĩmakũ pеди ããrĩmĩ:

32 “Yu, mu ñekũsãmarã: Abraham, Isaac, Jacob Opu ããrã”, ãrĩdi ããrĩmĩ. ĩgũ irasũ ãrĩmakũ pẽgu, buro gũi narada, neõ ĩãnemodũabiridi ããrĩmĩ.

33 Marĩpu ĩgũrẽ: “Yu pũrota nĩa mu. Irasirigu m̩ya gubu surĩre túweaka, yure buremurĩrẽ ĩmubu.

34 Yaarã Egiptogue ããrĩrãrẽ buro poyamakũ ĩãa. ĩgũsã buro bujawereri merã gaguinĩmakũ péa. Irasirigu ĩgũsãrẽ taubu dijijabu. Irasirigu murẽ Egiptogueta iriugura ĩgũsãrẽ iritamudoregu”, ãrĩ weredi ããrĩmĩ Marĩpu Moisére.

35 ĩi Moiséreta marĩ ñekũsãmarã ĩgũrẽ gããmemerã: “‘ĩNoã murẽ gua opu, guare dorebu ããrĩburo’, ãrĩ sóoari?” ãrĩnerã ããrĩmã. Marĩpu gapu ĩgũrẽ: “ĩgũsã opu píguera murẽ”, ãrĩ, ĩgũrẽ iriudi ããrĩmĩ ĩgũsãrẽ taudoregu. Marĩpu ĩgũrẽ wereboegu yukugã dupuri watopegue peame ũjũderogue deyoadi merã ĩgũrẽ iriudi ããrĩmĩ.

36 Irasirigu Moisés Egiptogue eja, Marĩpu turaro merã wári iri ĩmurĩrẽ iridi ããrĩmĩ. Pũru marĩ ñekũsãmarãrẽ Egiptogue ããrãnerãrẽ siuwãgã, wãdiya deko diidiyague eja, Marĩpu turaro merã irasũta iridi ããrĩmĩ doja. Pũru cuarenta bojorigora masaka marĩrõgue ĩgũsã waagorenamakũdere, irasũta iridi ããrĩmĩ doja.

37 Moiséta marĩ ñekũsãmarã Israel bumarãrẽ ãsũ ãrĩ weredi ããrĩmĩ: “Pũrugue marĩyagure Marĩpu iriugakumi ĩgũya kerere werebure. Yure ĩgũ iriuderosũta ĩgũdere iriugakumi. ĩgũ wererire õãrõ pẽduripĩka!” ãrĩ weredi ããrĩmĩ.

38 Marĩ ñekūsāmarā masaka marĩrōgue nerēmakū, Moisés ĩgūsā merā āārĩdi āārĩmĩ. Iroque Sinaĩ wāikudi ũtāūgue Marĩpũre wereboegũ ĩgūrē weredi āārĩmĩ. ĩgũ irasũ weremakū péadeare Moisés marĩ ñekūsāmarārē weretaudi āārĩmĩ. Marĩ irire pémakū, Marĩpũ marĩrē ĩgũ merā ōārō āārĩmakū yāmi. Iri neō perebirikoa.

39 Moisés irire werekeremakū, marĩ ñekūsāmarā gapũ neō bũremubirinerā āārĩmā. ĩgũdere bũremubiri: “Egiptogue dujāakōārā”, ārĩ gũñanerā āārĩmā.

40 Irasirirā Moisés ũtāūgue āārĩripoe ĩgũ tĩgũ Aarōrē: “Marĩrē Egiptogue āārĩrārē āiridi, ¿naásũ waayuri? Marĩ neō masĩbea”, ārĩnerā āārĩmā. Irasirirā Aarōrē: “Keori weabosaka gũare! I keori weadea merā kōādupiyurākoa, marĩ waaburi maarē ĩmuburo, ārĩrā”, ārĩnerā āārĩmā.

41 Irasũ ārĩ odo, sugũ wekũ majĩgũ keori oro merā weanerā āārĩmā. Pũrũ ĩgūsāyarā waimurā ejorārē wějē, soepeonerā āārĩmā iri weadeare bũremurā. Pũrũ irire usuyari merā ĩārā, bosenu irinugānerā āārĩmā.

42 ĩgūsā weadeare bũremumakū ĩāgũ, Marĩpũ ĩgūsārē béodi āārĩmĩ, ĩgūsā gāāmerō iriburo, ārĩgũ. Irasirirā neñukārē, abeare bũremunugānerā āārĩmā. Marĩpũya kerere weredupiyunerā āsũ ārĩ gojanerā āārĩmā Marĩpũ ārĩdeare gojarā:

Mũsā, Israel bumarā masaka marĩrōgue cuarenta bojori āārĩrā, yũ gapũre mũsāyarārē waimurā ejorārē wějē soepeo bũremubiribũ.

43 Irasirirā mũsā Moloc wāikũgũ keorire bũremurā, ĩgūrē bũremurĩ wiire, mũsā surĩ gasiri merā iridea wiire kōāgorenabũ.

Gajigũ Refán wāikũgũ neñukāmũ keori mũsā weadeadere bũremubũ. Mũsā iri keorire weabũ bũremudũarā. Irasirigũ, mũsā yũre bũremubirideia waja mũsārē Babilonia wāikũro koregue béogũra, ārĩ gojanerā āārĩmā.\*

44 Irasũ ārĩ odo, Esteban oparārē Marĩpũya wiima gapũre wereyupũ doja:

—Marĩ ñekūsāmarā masaka marĩrōgue āārĩrā, Marĩpũre bũremurĩ wii, waimurā gasiri merā ĩgūsā iridea wiire opanerā āārĩmā. Iri wiiguere Marĩpũ pe mojōma doreri gojadea majĩ ũtā majĩ āārĩdero āārĩbũ. ĩgūsā iri wiire iriburo dupiyuro Marĩpũ Moisére iri wii keorire: “Āsũpero irika!” ārĩdi āārĩmĩ. Irasirirā marĩ ñekūsāmarā iri wiire Marĩpũ dorederosũta keoro irinerā āārĩmā.

45 ĩgūsā boadero pũrũ, ĩgūsā pũrũ marā iri wiire opaturianerā āārĩmā. Pũrũ Josué ĩgūsārē siiuwāgāmakū, iri wiire ĩgūsā

\* 7:43 Am 5.25-27

noó waaró ãĩñanerã ããrĩmá. Īgūsã òõgue ejamakū, Marĩpu i nikū marãrē judío masaka ããrĩbirinerãrē béokõãdi ããrĩmí. Yoaripoe marĩ ñekūsãmarã Marĩpũre iri wiigue bũremunerã ããrĩmá. David opu ñajãdero pũruguedere opanerã ããrĩmá.

46 Marĩpũ Davire Īgũ ĩũrõ òãrõ iridire ɥɥyari merã ĩãdi ããrĩmí. Irasirigu David Marĩpũre ãsũ ãrĩdi ããrĩmí: “Gua ñekũ Jacob bũremudi ããrã mu. Irasirigu yu murē wári wii mu ããrĩburi wiire iribosasi”, ãrĩdi ããrĩmí. Īgũ irasiridũakeregu, iri wiire iribiridi ããrĩmí.

47 Īgũ magũ Salomón gapu iri wiire iridi ããrĩmí pama.

48 Irasirikeremakū, Marĩpu gapu ããrĩpererãrē doregu ããrĩsĩã, masaka iridea wiirigue dita ããrĩbemi. Iripoegue Īgũya kerere weredupiyudi ãsũ ãrĩ gojadi ããrĩmí Marĩpu ãrĩdeare gojagu:

49 Yu, ããrĩpererã Opu ããrã. Ɔmũgasi yu doaro irirosũ ããrã. I nikū yaa guburi kũraña doanĩrõ irirosũ ããrã. Irasirirã, yu ããrĩburi wiire irimasĩbea musã.

50 Yuta ããrĩpererire iribu, ãrĩmi Marĩpu, ãrĩ gojasũdero ããrĩbũ.\*

51 Esteban irasũ ãrĩ odo, ãsũ ãrĩ werenemoyupu doja:

—Musã Marĩpu dorerire tarinũgãa. Īgũrē masĩmerã irirosũ Īgũ wererire neõ péduabea. Ōãgũ deyomarĩgũ dorerire neõ iridũabea. Marĩ ñekūsãmarã iriderosũta iririkukõãa.

52 Īgūsã ããrĩpererã Marĩpũya kerere weredupiyunerãrē ñerõ waamakū irinerã ããrĩmá. Gajirãrē: “Jesús marĩrē taubu, Marĩpu doreri iribu aarigukumi”, ãrĩ wererãrē wějēnerã ããrĩmá. Īgũrēta Īgũ ejadero pũru, musã gapu ñeã, gajirãrē wia wějēdorebu.

53 Marĩpu Īgũrē wereboerã merã Īgũ dorerire marĩ ñekūsãmarãrē píkeremakū, musã irire bũro tarinũgãa, ãrĩ wereyupu Esteban oparãrē.

### *Estebãrē wějēdea*

54 Īgũ irasũ ãrĩmakū pérã, bũro guari merã Īgũsãya guikare kũrĩduútũñurã.

55 Esteban gapu Ōãgũ deyomarĩgũrē opatariyupu. Ɔmũgasigue ĩãmu, Marĩpu gosesiririre ĩãyupu. Marĩpu diaye gapu Jesús nĩmakū ĩãyupu.

56 Esteban Īgũrē ĩãgũ: “Īãka!” ãrĩyupu. “Ɔmũgasi tũpãmakū ĩãa. Jesús ããrĩpererã tĩgũ Marĩpu diaye gapu nĩmakū ĩãa yu”, ãrĩyupu oparãrē.

57-58 Īgũ irasũ ãrĩmakū péduamerã, bũro gaguiní, Īgũsãya gãmipũrĩrē biañurã. Suro merã ũmawãgã, Īgũrē ñeã, iri makã tũrogoe ãĩãñurã. Īgũsãya surí wekamarē túwea pí, sugũ maamu Saulo wãikũgure irire koredoreñurã. Odo, Estebãrē ütãyeri merã dea wějēñurã.

\* 7:50 Is 66.1-2

<sup>59</sup> Īgūsā irasirimakū, Esteban āsū ārī sērēyupū:

—Jesús yu Opu, yu kōmomakū, yaa yuɲupūrārē ñeāka! ārīyupū.

<sup>60</sup> Puyū Īgūya ñadukupuri merā ejamejāja, buro gaguinírī merā:

—Yu Opu, kātika, ñisārē yure Īgūsā irasiririre, ārīyupū. Irasū ārī, kōmoakōāyupū pama.

## 8

### *Saulo Jesúre buremurārē ñerō iridea*

<sup>1</sup> Saulo Īgūsā Estebārē dea wējēmakū ĩāgū: “Ōārō irirā irasū yáma”, ārī gūñayupū. Irinuta Jesúre buremumerā ĩgūrē buremurārē Jerusalégue āārīrārē ñerō irinugāñurā. Irasirimakū ĩā, Jesúre buremurā gapu āārīpererā Judea nikūgue, Samaria nikūgue waasiriakōāñurā. Jesús buedoregu beyenerā dita Jerusalégue dujañurā. Gajirogue waabiriñurā.

<sup>2</sup> Gajirā ũma Marīpūre buremurā Estebāya dūpūre yáarā, buro ore bujawereñurā.

<sup>3</sup> Saulo gapu neō sugū Jesúre buremugū marīkōāburo, ārīgū, Jesúre buremurāya wiirigue ñajāa, ũmarē, nomedere ñeā, peresu iribu āñāyupū.

### *Felipe Samaria marārē buedea*

<sup>4</sup> Īgū irasirimakū, Jesúre buremurā Jerusalērē wirirā, noō ĩgūsā waaró Marīpū masakare tauri kerere werenañurā.

<sup>5</sup> Felipe wāikugū Samaria nikū āārīrī makāgue waa, iroque eja, iro marārē Jesucristoya kerere werenayupū.

<sup>6</sup> Īgū iri kerere weremakū pérā, ĩgū Marīpū turaro merā iri ĩmumakū ĩārā, ĩgū puo nerēnañurā ĩgū wererire oārō pémurā.

<sup>7</sup> Wárā wātēa ñajāsūnerārē tauyupū. Wātēa gapu ĩgūsāguere āārīnerā buro gaguinírī merā wiriñurā. Wárā dūpu buarārē, waamasīmerādere tauyupū.

<sup>8</sup> Irasirimakū ĩārā, iri makā marā buro usuyañurā.

<sup>9</sup> Iri makārē sugū Simón wāikugū yé āārīyupū. Īgū yoaripoe yéa iririkurire irigorenamakū ĩārā, Samaria marā ĩāgukanokōāñurā. “Yu masītarinugāgū āārā”, ārī werenayupū ĩgūsārē.

<sup>10</sup> Irasirirā āārīpererā iri makā marā oparā, oparā āārīmerāde ĩgūrē: “Ī ũmugasigue marā Opu irirosū turari opagu āārīkumi”, ārī gūñadiñurā.

<sup>11</sup> Īgū sōō gapu merā wári yéa iririkurire irimakū ĩārā, wárā masaka ĩgūrē buremuñurā.

<sup>12</sup> Felipe gapu Samaria marārē: “Marīpū āārīpererā Opu āārīmi. Īgū magū Jesucristo marīrē taugu āārīmi”, ārī wereyupū. ũma, nome, ĩgū wererire pé buremumakū ĩāgū, ĩgūsārē deko merā wāiyeyupū.

13 Simõde Jesúre: “Buremua yu”, ãrĩmakũ pégu, Felipe ìgũdere wãiyeyuru. Puru Felipe merã waagorenayuru. Felipe Marĩpu turaro merã iri ìmumakũ ìãgũ, ìãgũkanokõãyuru.

14 Jesús buedoregu beyenerã Jerusalègue ããrĩrã: “Samarìa marã Marĩpuhare õãrõ buremunugãñurã”, ãrĩrĩ kerere pérã, Pedro, Juãrẽ ìãdorerã iriũnurã.

15 Iroque ejarã, Jesúre buremurãrẽ Marĩpure sërëbosañurã, Õãgũ deyomarĩgũrẽ bokatĩrĩñeãburo, ãrĩrã.

16 Ìgũsã marĩ Opu Jesúre buremunugãdero puru, ìgũ wãĩ merã dita wãiyesũñurã. Õãgũ deyomarĩgũ ìgũsãrẽ ejabiriyuru dapa.

17 Irasirirã Pedrosã ìgũsãya mojørĩ merã Jesúre buremunugãnerãya dipu weka ñapeoñurã. Ìgũsã ñapeomakũ, Õãgũ deyomarĩgũ ìgũsãguere ejayuru.

18 Pedrosã ñapeomakũ, Õãgũ deyomarĩgũ ejamakũ ìãgũ, Simón gapu ìgũsã turarire gããmegũ, niyeru merã wajaridũadiyuru. Æsũ ãrĩyuru:

19 –Iri turarire sĩka yũdere! Yu ñapeorãguere Õãgũ deyomarĩgũ ejamakũ iridũakoa, ãrĩyuru.

20 Ìgũ irasũ ãrĩmakũ, Pedro ìgũrẽ yujuyuru:

–Mu Marĩpu turari sĩrĩrẽ: “Niyeru merã wajarigũkoa” ãrĩ gũñarĩ waja, muya niyeru, mu merãta béosũrokoa.

21 Marĩpu ìũrõrẽ mu gũñarĩ diaye ããrĩbea. Irasirigu gua irirosũ irimasĩbirikoa.

22-23 Mu ñerõ iririre iripautariadi ããrã. Irasirigu mu ñerõ iririre bujawere, mu gũñarĩrẽ gorawayuka! Marĩpure sërëka, mu ñerõ gũñarĩrẽ kãtiburo, ãrĩgũ. Gajipoe irigu irire kãtibukumi mu ìgũrẽ sërëmakũ, ãrĩyuru.

24 Irasũ ãrĩmakũ pégu, Simón ìgũsãrẽ ãrĩyuru:

–Musã Marĩpure sërëbosaka, yure musã ãrãdea waabirikõãburo, ãrĩrã, ãrĩyuru.

25 Pedrosã, Jesús irimakũ ìãdeare, ìgũ buemakũ pédeare iri makã marãrẽ were odo, Jerusalègue goedujããñurã. Goe-dujãarã, wãrã masakare Samarìa nikũ ããrĩrĩ makãrĩ marãdere Jesúya kerere werewãgãñurã.

### *Felipe Etiopiamurẽ werede*

26 Puru sugu Marĩpure wereboegu Filipere ãsũ ãrĩyuru:

–Jerusalén merã ããrĩnugãwãgãrĩ maa, Gaza wãĩkuri makã buari maague waaka! Iri maa masaka marĩrõgue ããrĩwãgã, ãrĩyuru.

27 Ìgũ irasũ ãrĩmakũ pé, Felipe iri maague buagu, sugu Etiopiamurẽ bokajayuru. Ìgũ iri nikũ marã opo dokamu, ããrĩpereri igoya niyerure korerimasũ ããrĩyuru. Ìgũ Jerusalègue Marĩpure buremugũ ejadi ããrĩyuru.

28 Iroque ejadi ĩgũya nikũgue goedujáagu, ĩgũya tũrũdiru caballua tũãdiru wekague doagu, Isaías Marĩpaya kerere weredupiyudi gojadea pũrẽ buegu iriyupu.

29 ĩgũ bueripoe Ōãgũ deyomarĩgũ Felipere:

—Iriru puroweya waaka! arĩyupu.

30 ĩgũ irasũ arĩmakũ pé, Felipe iriru puo umawãgã, Etiopíamu Isaías gojadea pũrẽ buemakũ péyupu. ĩgũ irire buemakũ pégu: —¿Mu buerire pémasĩrĩ? arĩ sērẽñayupu.

31 ĩgũ gapu yujuyupu:

—¿Nasiri pémasĩbukuri, yu gajigu yure i irasũ arĩduaro yáa, arĩgũ marĩkeremakũ? Marĩñajãka, irire yure buebu, arĩyupu Felipere.

32 ĩgũ bueri asũ arĩyuro:

Ovejare ñeã wějẽderosũta ĩgũdere ñeã wějẽrãkuma. Oveja majĩgũrẽ ĩgũya poarire ĩgũsã peramakũ, ĩgũ gaguinĩbiriderosũta ñĩ masakũde gaguinĩbirikumi.

33 Masaka ĩgũrẽ buridarãkuma. ĩgũ ñerõ iribirikeremakũ, neõ sugu ĩgũrẽ: “Waja opabemi”, arĩbirikuma.

Irasirirã, ĩgũ i nikũgue aãrĩripoe ĩgũya nikũ marã ĩgũrẽ ñerõ iri, wějẽrãkuma. ĩgũsã ñerõ irideare neõ sugu werepeomasĩbirikumi, arĩ gojadea aãrĩyuro.\*

34 Irire bue odo, Felipere sērẽñayupu:

—Wereka yure! ¿Noãrẽ gojagu iriyuri Isaías, ĩgũ basi, o gajigu guere?

35 Felipe asũ arĩ yujuyupu ĩgũrẽ:

—Iri Jesũre arĩ gojadea aãrã, arĩyupu. Irasirigu Jesũyare ĩgũ õãrõ iridea kerere wereyupu ĩgũrẽ.

36 Irasũ wereniwãgãrã, ditarugue ejañurã. Iri ditarure ĩãgũ, Etiopíamu Felipere:

—Ĩãka! Deko aãrã. ¿Mu yure wãiyemakũ õãgorabukuri? arĩyupu.

37 Felipe gapu ĩgũrẽ:

—Mu Jesucristore õãrõ buremumakũ, marẽ deko merã wãiyegura, arĩyupu. Etiopíamu ĩgũrẽ arĩyupu doja:

—Jesucristore buremua yu. ĩgũta Marĩpu magũ aãrĩmi, arĩyupu.

38 Irasirigu Etiopíamu ĩgũya tũrũdiru wejatugure dujupídore, ĩgũsã pẽrã dijingã, ditarugue ñumuwija, Felipe ĩgũrẽ deko merã wãiyeyupu.

39 ĩgũrẽ wãiyeye odo, ñumuwãgãriripoe gũñaña marĩrõ merã Ōãgũ deyomarĩgũ Felipere gajirogue aĩãkõayupu. Etiopíamu ĩgũrẽ dupaturi ĩanemobirikeregu, ĩgũrẽ waadeare gũña, buro usuyari merã ĩgũya makãgue dujáakõayupu.

\* 8:33 Is 53.7-8

40 Felipe gapu Ōāgū deyomarīgū ĩgūrē āñadero paru, Azote wāikuri makāgue ejayupu. Irogue eja, makārīku Jesúya kerere weregorenagū, Cesarea wāikuri makāgue weretūnujuyupu.

## 9

*Saulo Jesúre b̄remunugādea*  
(Hch 22.6-16; 26.12-18)

1 Felipe buegorenaripoe Saulo gapu Jesúre b̄remurārē ĩaturigu: “Wējēpeokōāgura”, āñirirē piribirisā, paía opu p̄rogue waa, āsū āñiyupu:

2 —Yure papera pū āmubosaka, Damascogue waaburire. Iri pūrē marī nerērī wiiri marā oparārē wiabu yāa. Iri makā marā Jesúre b̄remurārē ūma, nomerē, noó yu bokajarārē ñeā āñigura Jerusalēgue peresu iribu, āñi sērēyupu Saulo paía opure.

3 Iri pūrē sñadero paru, Saulo gajirā merā Damascogue waakōāyupu. ĩgū iri makā ejabu iriripoe gūñaña marirō āmugasigue merā b̄ro kūmijūrō ĩgū p̄rore gosesiridijuyuro.

4 Irasū waamakū, Saulo yebague meemejāgū, āsū āñi werenimākū péyupu:

—Saulo, ¿nasirigu yure ñerō yári mu?

5 ĩgū irasū āñimākū pégu: “¿Noā āñirirī mu?” āñiyupu.

—Yu Jesús, mu ñerō iriguta āñrā. Mu yure ñerō irigu, mu basita ñerō yāa, āñiyupu.

6 ĩgū irasū āñimākū, Saulo b̄ro güi naradari merā:

—Yu Opu, ¿naásūpero gapu yu irimakū gāāmerī? āñiyupu.

ĩgū irasū āñimākū, ĩgūrē:

—Wāgānugā, makāgue waaka! Irogue sugu yu marē iridoreburire weregukumi, āñiyupu Jesús Saulore.

7 Saulo merā waanerāde Jesús werenirirē pérā guka, werenimasĩbiriñurā. Irire pékererā, Jesús gapure neō ĩābiriñurā.

8 Saulo yebague oyadi wāgānugāja, ĩāpāgū, neō ĩābiriypu. Irasirirā ĩgū merāmarā ĩgūrē tūāwāgāñurā Damascogue waarā.

9 Irogue eja, urenugora koye ĩābiri, neō baabiri, ĩiribiri iriyupu.

10 Damascoguere sugu Jesúre b̄remugū Ananías wāikugu āñiyupu. Kērō irirosūgue Jesús ĩgūrē wereniyupu:

—¿Ananías, āñirirī mu?

—Yu Opu, oōta āñrā, āñi yujuyupu.

11 ĩgū irasū āñimākū, Jesús ĩgūrē:

—Wāgānugāka! “Diayema maa” wāikuri maague waaka! Iri maague waagú, Judaya wiigue ñajāa, sugu Tarsom̄rē Saulo wāikugure sērēñaka! Dapagorare ĩgū yure sērēgū yámi.

12 Īgūdere neāgue kērō irirosū āārīrī merā ĩmuabu. Mu ĩgū puro ñajāa, ĩgūya dipurure ñapeori merā dupaturi ĩgūya koye ĩāburire ĩmuabu. Mu wāidere ĩmuabu ĩgūrē, ārīyupu Jesús Ananiare.

13 Īgū irasū ārīmakū pégu, āsū ārīyupu:

—Yu Opu, ĩgū mūrē buremurārē Jerusalēgue āārīrārē ñerō iriadeare wārā masaka yure wereama.

14 I makā marādere mūrē buremurārē āārīpererā mu wāi merā Marīpore sērērārē peresu iribu, paía oparā: “Āsū irika!” ārī iriuadea pū merā ejāayupu, ārī wereyupu.

15 Īgū irasū ārīkeremakū, Jesús gapu:

—Īgū purogue waaka! Īgū yu beyesūdi āārīmi. Irasirigu yaa kerere gaji nikū marārē, ĩgūsā oparārē, Israel bumarādere weregukumi.

16 Irire weregorenagū, buro ñerō tarigukumi. Yu basi ĩgūrē weregura, ārīyupu.

17 Īgū irasū ārīmakū pé, Ananías Judaya wiigue waa, iri wiigue ñajāa, Saulore bokaja, ĩgūya dipurure ñapeo, āsū ārīyupu:

—Yaagu Saulo, péka yure! Marī Opu Jesúta mūrē maague deyoadi yure iriuami, mūrē dupaturi koye ĩāburo, ārīgū. Ōāgū deyomarīgūdere opatariburo, ārīgū, iriuami, ārīyupu.

18 Īgū irasū ārīripoeta Sauloya koyeguere waaí nutūrī irirosū deyori tuuyadea yurisiridijakōāyuro. Ōārō ĩākōāyupu doja. Irasirigu wāgānugā, deko merā wāiyesūadi dujayupu.

19 Puru baa, turakōāyupu. Iri makāguere yoaweyaripoe Jesúre buremurā merā dujayupu dapa.

### *Saulo Damasco marārē Jesúyare buenugādea*

20 Iro āārīgū, judío masaka nerērī wiirigue waa, iroque āārīrārē: “Jesús, Marīpu magū āārīmi”, ārī werenayupu.

21 Īgū weremakū pérā, āārīpererā péguka, ĩgūsā basi āsū ārī gāme wereniñurā:

—Ī Jerusalēgue Jesúre buremurārē ĩgū wāi merā Marīpore sērērārē wējēdoredita āārīmi. Dapagorare i makāguedere ōō marārē Jesúre buremurārē ñeāgū aarigú iriañumi Jerusalēgue āia, paía oparāguere wiabu, ārīñurā.

22 Īgūsā irasū ārīkeremakū, Saulo gapu āmuriku judío masakare, Damascogue āārīrārē güiro marīrō ōārō merā: “Jesús diayeta Marīpu iriudi, Cristo āārīmi”, ārī werenayupu. Īgū irasū ārī weremakū pérā, ĩgūrē: “Ārīkatogu yámi ĩ”, ārīmasĭbiriñurā.

### *Saulo judío masakare duriwāgādea*

23 Yoadero puru, surāyeri judío masaka Saulore ĩgūsā wējēburire werenimurā nerēñurā.



24 Irasirirã ãmuriku, ñamiriku makã turo ïgũsã ùtã koeri merã weadea sãrĩrõ makãpurore korenañurã ïgũrẽ wẽjẽduarã. Saulo gapu ïgũsã ïgũrẽ wẽjẽduarire masĩkõãyupu.

25 Irasirirã su ñami Jesũre buremurã wãri puui merã ïgũrẽ iri sãrĩrõma gobegue yõtaudijuñurã. Æsũ irisĩã, Saulo iri makãrẽ wiriyupu.

### *Saulo Jerusalẽgue goedujãadea*

26 Puru Jerusalẽgue goedujayupu doja. Irogue eja, Jesũre buremurã merã ããrĩduadiyupu. ïgũsã gapu ïgũrẽ gũigorañurã. “Jesũre buremugũ ããrĩbemi ïĩ”, ãrĩñurã.

27 ïgũsã irasirimakũ ïãgũ, Bernabé gapu Saulore Jesũs buedoregu beyenerã puro ãiyupu. Irogue eja, ïgũsãrẽ Saulo maague waagũ ïgũ Jesũre ïãdeare, Jesũs ïgũ merã werenĩadeare, ïgũ Damascogue Jesũya kerere gũiro marĩrõ merã wereadere ïgũsãrẽ wereyupu.

28-29 ïgũ irasũ ãrĩ wereadero puru, Saulo ïgũsã merã ããrĩngãyupu. Irasirigu ïgũsã merã Jerusalẽgue gũiro marĩrõ marĩ Opu Jesũya kerere weregorenayupu. Iri kerere weregorenagũ, surãyeri judío masaka, griego ya merã werenĩrãrẽ were, ïgũsã merã gãme wereniyupu. ïgũsã gapu ïgũ wererire pẽduabirisĩã, ïgũrẽ wẽjẽduadiñurã.

30 Irasirirã ïgũsã wẽjẽduamakũ ïãrã, Jesũre buremurã gapu ïgũrẽ Cesarea wãikuri makãgue ãã, irogue eja, ïgũya makã Tarsogue iriukõãñurã pama.

31 ïgũ irogue waadero puru, ããrĩpererã Jesũre buremurã Judea marã, Galilea marã, Samaria marã siñajãrĩ merã dujañurã. Õãgũ deyomarĩgũ iritamurõ merã buremunemoñurã. Jesũyare goepeyari merã irituyañurã. Gajirã wãrã ïgũrẽ buremunugãñurã.

### *Pedro Enearẽ taudea*

32 Pedro ããrĩpereri makãrĩ marãrẽ Jesũre buremurãrẽ ïãgorenagũ waagũ, Lida wãikuri makãguedere ejayupu.

33 Irogue eja, sugu Eneas wãikugure bokajayupu. Su mojõma pere gaji mojõ ureru pẽrẽbejari bojorigora ïgũya wiiguere dupu buadi peyayupu.

34 Pedro ïgũrẽ ãrĩyupu:

—Eneas, Jesucristo murẽ taugakumi. Wãgãnugã, mu peyaderore ãmu duripika!

ïgũ irasũ ãrĩmakũta, Eneas wãgãnugãkõãyupu.

35 Æãrĩpererã Lida marã, Sarõn marãde ïgũrẽ ïãrã, iripoegue ïgũsã buremunadeare piri, Jesũs gapure buremunugãñurã.

### *Pedro Dorcare masũdea*

36 Gaji makā Jope wāikuri makāgue sugo nomeō Jesúre buremugō “Tabita” wāikugo āārīyupo. Griego ya merā “Dorcac” wāikuyupo. Igo ōārīrē irigo, boporārē ōārō iritamugō āārīyupo.

37 Iripoe Pedro Lidague āārīripoe igo pūrīriku kōmoakōāyupo. Igo kōmoadero puru, ĩgūsā irinaderosūta igo merāmarā igoya duru darore koeñurā. Koe odo, ūmarōma taribugue pīñurā.

38 Jope, Lida purogā āārīyuro. Irasirirā Jope marā Jesúre buremurā Pedro Lidague āārīmakū pérā, ūma pērārē ĩgū purogue iriuñurā. Irogue ejarā, ĩgūrē:

—Mumurō merā Jopegue waaka! ārīñurā.

39 ĩgūsā irasū ārīmakū pégu, mata Pedro ĩgūsā merā Jopegue waayupu. Irogue ejarā, ĩgūrē Dorcas boadeo peyari taribugue siu mūrīñurā. ĩgū iri taribugue ejamakū, wapiweyarā nome Pedro puro nerēnugāñurā. Orerāta, igo ĩgūsārē surí eabosadeare ĩmuñurā ĩgūrē.

40 Pedro iri taribugue āārīrārē āārīpererārē wiriadoreyupu. ĩgūsā wiriadero puru, ñadukupuri merā ejamejāja, Marīpure sērēyupu. Sērē odo, boadeore gāmenugā ĩā:

—Tabita, wāgānugāka! ārīyupu.

ĩgū irasū ārīmakūta, koye ĩāpā, Pedore ĩāgōta wāgādoayupo.

41 Pedro igoya mojōgue ñeā, tūāwāgūnú, puru wapiweyarā nomerē gajirā Jesúre buremurādere siumu, ĩgūsārē wiayupu igore.

42 Āārīpererā Jope marā igore ĩgū masūadea kerere péperekōāñurā. Irasirirā wārā Jesúre buremunugāñurā.

43 Pedro yoaripoe Jopeguere sugu Simón wāikugu, waimurā gasirire āmurīmasūya wiigugue āārīyupu.

## 10

### *Cornelio Pedore siudoredea*

1 Cesareaguere Cornelio wāikugu wārā surara, “Italiano” wāikuri bumarā opu āārīyupu.

2 Cornelio, āārīpererā ĩgūya wii marā merā Marīpure goepeyari merā buremuñurā. Irasirigu judío masaka boporārē iritamugū wāri niyeru sīnayupu. Ūmūriku Marīpure sērēnayupu.

3 Sunu ñamika tres āārīmakū, kērō irirosūgue sugu Marīpure wereboegu deyoa, ĩgū puro ñajāmakū ĩayupu. Ñajāa, ĩgūrē:

—Cornelio, ārīyupu.

4 Cornelio buro gūiri merā ĩgū ditare ĩā:

—Yu Opu, ¿ñeénorē gāāmerī? ārīyupu.

ĩgū irasū ārīmakū, Marīpure wereboegu ĩgūrē ārīyupu:

—Marīpu mu sērērērē pémi. Mu boporārē niyeru sīrīdere ĩāmi.

5 Irasirigu Simón Pedro wãikugure siiudoregu, Jopegue iriuka muyarã ãmarẽ!

6 Ìgũ gajigu Simón wãikugu waimurã gasirire ãmurĩmasũya wiigüe ããrĩmi. Iri wii wãdiya turo ããrã, ãrĩyupu.

7 Marĩpũre wereboegu irasũ ãrĩ odo, waadero puru, Cornelio Ìgũrẽ moãboerã pẽrãrẽ, gajigu surara Ìgũrẽ iritamugũrẽ Marĩpũre gopeyari merã buremugũrẽ siiuyupu.

8 Ìgũsãrẽ siiu, ããrĩpereri Marĩpũre wereboegu Ìgũrẽ weread-eare wereyupu. Were odo, Ìgũsãrẽ Jopegue iriukõãyupu.

9 Ìgũsã waadeanu gajinu gapu goeripoe ããrĩmakũ, Jopegue ejamurã iriripoe Pedro Ìgũ ããrĩrĩ wii wekague Marĩpũre sërẽgũ murĩayupu.

10 Ìgũ irogue ããrĩgũ buru haboa, baadũadiyupu. Iri wii marã Ìgũsã baarĩ ãmuripoe kërõ irirosũ waasũ, ãmugasi tũpãmakũ Ìãyupu.

11 Irasũ tũpãmakũ, suñe surĩro irirosũ deyori gasiro wapikuri turori sũadea gasiro miẽ, yebague دچارimakũ Ìãyupu.

12 Iri gasiro poekaguere ããrĩpererã waimurã: paarã, yebague sigũwãgãrã, wurã sãñañurã.

13 Marĩpu Ìgũrẽ:

—Pedro, wãgãnugã, Ìsãrẽ wẽjẽ baaka! ãrĩyupu.

14 Ìgũ irasũ ãrĩmakũ:

—Yu Opu, yu Ìgũsãnorẽ neõ baañabea. Ñerãrẽ, mu guare baadorebirinerãrẽ neõ baabea, ãrĩyupu.

15 Marĩpu Ìgũrẽ dupaturi ãrĩnemoyupu doja:

—Yu: “Õãrã ããrĩma”, ãrĩrãrẽ, Ìgũsãrẽ: “Ñerã, baaya marĩrã ããrĩma”, ãrĩbirikõãka!

16 Urea Ìgũrẽ irire Ìmuadero puru, iri gasirore ãmugasigüe ãmurĩãkõãyupu doja.

17 Pedro: “¿Naásũ ãrĩduaro irikuri iri yure Ìmuadea?” ãrĩ gũñarikipoe Cornelio iriuanerã Ìgũ ããrĩrĩ wii makãpuro: “¿Simõya wii noogue ããrĩrĩ?” ãrĩ sërẽñarã ejañurã.

18 Irogue eja, iri wii marãrẽ: “¿Õõta ããrĩrĩ, Simón Pedro wãikugu?” ãrĩ oeñurã.

19 Pedro Ìgũ Ìãdeare gũñagũ iriyupu dapa. Ìgũ irire gũñaripoe Õãgũ deyomarĩgũ Ìgũrẽ:

—Ìãka! Ëma urerã ãmarã yama murẽ.

20 Murĩgora دچارpurumuka! “¿Naásũ waarokuri yure?” ãrĩ, neõ gũñarikuro marĩrõ Ìgũsã merã waaka! Yu Ìgũsãrẽ iriuabu murẽ, ãrĩyupu Pedore.

21 Ìgũ irasũ ãrĩmakũ pégũ, Pedro dija, Ìgũsãrẽ:

—Yuta ããrã musã ãmagũ. ¿Nasirĩrã aarari? ãrĩyupu.

22 Ìgũsã Ìgũrẽ ãrĩñurã:

—Surara opu Cornelio wāikugu guare iriuami. Īgū ōārīrē irigu, Marīpue goepeyari merā buremugū āārīmi. Āārīpererā judío masaka Īgūrē: “Ōāgū āārīmi”, āri ĩāma. Sugu Marīpue wereboegu mūrē Īgūya wiigie waadoregu siudoreayupu. Mu Īgū puo waamakū, mu wererire pégukumi. Irasirirā mūrē siurā aarirā iriabu, āriñurā.

<sup>23</sup> Īgūsā irasū ārīmakū pégu, Pedro: “Ñajārika! Ōō kārika dapagā ñamirē!” āriyupu. Gajinu gapu Īgūsā merā waakōayupu. Gajirāde Jope marā Jesúre buremurā Īgūsā merā wapikuwāgāñurā.

<sup>24</sup> Gajinu gapu Cesareaguere ejañurā. Cornelio gapu, Īgūyarārē, Īgū merāmarādere Īgūya wiigie siu neeō, Pedroro yūyupu.

<sup>25</sup> Pedro Īgūya wii ejamakū, Cornelio makāpurogue bokatīrīgū wiria, ñadukupuri merā ejamejāyupu Īgūrē buremugū.

<sup>26</sup> Īgū irasirimakū ĩā, Pedro gapu Īgūrē tūāwāgūnú:

—Wāgānugāka! Yude mu irirosūta masakū āārā, āriyupu.

<sup>27</sup> Īgūya wiigie weretamu ñajārā, Pedro wārā masaka irogu nerēanerārē bokajayupu.

<sup>28</sup> Irasū bokajagu, Īgūsārē āriyupu:

—Gua judío masaka āārīrā, judío masaka āārīmerāya wiriguere ñajārā, Moisés guare pídeare tarinugābukoa. Musā irire ōārō masā. Marīpu gapu gajī bumarārē: “Ñerā āārīma”, ārīdorebirami yure.

<sup>29</sup> Irasirigu mu iriuanerā yure siurimakū, “Waabea”, ārīrō marīrō mata aarabu. Dapagora yu ōōgue ejasīā, musārē: “¿Nasiribu yure siuari?” āri sērēñadukoa, āriyupu.

<sup>30</sup> Cornelio Īgūrē āriyupu:

—Wapikurinu taria i horanota tres āārīmakū, i wii yu bere, Marīpue sērēripoe gūñaña marīrō sugu ūmu surīro buro goseriñe sāñagū deyoa:

<sup>31</sup> “Cornelio, Marīpu mu sērērīrē pémi. Mu boporārē irita-murīdere ĩāmi”, ārīmi yure.

<sup>32</sup> “Muyarā ūmarē iriuka, Jopegue Simón Pedro wāikugue siudoregu. Īgū gajigu Simón wāikugu waimurā gasirire āmugūya wiigie wādiya turo āārīrī wiigie āārīmi. Īgū mu puo jagu, mūrē weregukumi”, āri weremi yure.

<sup>33</sup> Irasirigu mata yaarā ūmarē mūrē siudoregu iriuanu. Irasirigu mu gua puo ōārō aarayo. Marī āārīpererā ōōrē Marīpu ĩūrō āārā. Irasirirā āārīpereri mūrē Marīpu were-dorerire mu guare weremakū pédukoa, āriyupu Cornelio Pedroro.

*Pedro Cornelioya wii āārīrārē weredeā*

<sup>34</sup> Īgũ irasũ ārĩmakũ pégũ, Pedro āsũ ārĩ werenugāyupu Īgūsārē:

—Yũ dapagoragueta pémasĩa. Diayeta āārā. Marĩpu marĩ āārĩpererārē surosũ ĩāmi.

<sup>35</sup> Irasirigũ āārĩpereri bumarā ĩgūrē bũremu, ōārĩrē irirānorē ĩābéobirikumi.

<sup>36</sup> Marĩpu ĩgũya kerere judío masakare pídi āārĩmĩ. “Jesu-cristo merā siñajārĩ bokarākuma”, ārĩdi āārĩmĩ. Īgũta āārĩpererā Opũ āārĩmĩ.

<sup>37</sup> Āārĩpereri gũa judío masaka āārĩrĩ nikũgue waadeare ōārō masĩkoa mũsā. Juan masakare bue, ĩgūsārē deko merā wāiyemi. Īgũ irasiriadero pũrũ, Jesús Galileague buenugāmi.

<sup>38</sup> Idere masĩkoa mũsā. ĩĩ Jesús Nazaretmũrē Marĩpu Ōāgũ deyomarĩgũ merā ĩgūrē turarire sĩdi āārĩmĩ. Marĩpu ĩgũ merā āārĩnikōādi āārĩmĩ. Irasirigũ Jesús masakare ōārĩrē irigore-nami. Noó ĩgũ waaró āārĩpererā wātĩ doreri irirārē taumi.

<sup>39</sup> Gũa judío masaka āārĩrĩ nikũgue Jerusalēguedere āārĩpereri ĩgũ irideare ĩābũ. Irogue ĩgūrē curusague pábiatũ wējēma.

<sup>40</sup> Īgūsā wējēkeremakũ, urenũ waaró merā Marĩpu gapũ ĩgūrē masũkōādi āārĩmĩ. ĩgūrē masũ, pũrũ gũare deyoamakũ irimi, ĩgũ dupaturi okarire masĩburo, ārĩgũ.

<sup>41</sup> Jesús āārĩpererā masakare deyoabiridi āārĩmĩ. Gũa ditare deyoami. ĩgũ deyoamakũ, gũa ĩgũ merā baa, iirĩbũ. Iripoegueta Marĩpu gũare beyedi āārĩmĩ, Jesũre ĩgũ masũadire ĩāmurārē.

<sup>42</sup> Marĩpu Jesũreta masaka āārĩpererā okarārē, boanerādere: “Ōārārē taugũkoa, ñerā gapũre wajamoāgũkoa!” ārĩ beyebure pídi āārĩmĩ. Irire masakare weredoremi gũare Jesús.

<sup>43</sup> Āārĩpererā Jesũre bũremurārē Marĩpu ĩgūsā ñerō irideare kātigũkumi, ārĩrĩrē gojanerā āārĩmā āārĩpererā Marĩpũya kerere weredupiyunerā, ārĩ wereyupũ Pedro Cornelioya wii nerēanerārē.

*Judío masaka āārĩmerāde Ōāgũ deyomarĩgūrē opanũgādea*

<sup>44</sup> Pedro werenĩrĩrē pérāguere Ōāgũ deyomarĩgũ dijijayupũ.

<sup>45-46</sup> ĩgũ ejadero pũrũ, ĩgūsā gajirā ya merā werenĩmasĩbirideare werenĩnugā, usũyari merā Marĩpũre: “Ōātarigũ āārā mũ”, ārĩ bũremuñurā. ĩgūsā irasũ ārĩmakũ pérā, Pedro merā irogue ejanerā judío masaka Jesũre bũremurā pégũkakōāñurā. “Marĩpu Ōāgũ deyomarĩgūrē iriumi judío masaka āārĩmerādere”, ārĩñurā.

<sup>47</sup> Irasirigũ Pedro ĩgũ merāmarārē ārĩyupũ:

—Marĩpu Ōāgũ deyomarĩgūrē marĩ judío masakare iriuderosũta ĩĩsādere iriumi. Irasirirā ĩgūsā Ōāgũ

deyomarĩgũrẽ opamakũ ããrã, marĩ ãgũsãrẽ deko merã wãiyebirikõãrã, ãrĩmasĩña máa.

<sup>48</sup> Irasirirã: “Mũsã Jesucristore bũremurã ãgũyarã ããrã”, ãrĩ wãiyeka ãgũsãrẽ! ãrĩ wereyupũ Pedro ãgũ merãmarãrẽ.

Ãgũsãrẽ wãiyeadero pũrũ, Pedrosãrẽ: “Yoaweyaripoe dujaka gũa merã dapa!” ãrĩñurã.

## 11

### *Pedro Jerusalén marãrẽ Jesúre bũremurãrẽ weredea*

<sup>1</sup> Jesús buedoregũ beyenerã, gajirã ãgũrẽ bũremurã Judeague ããrĩrã: “Judío masaka ããrĩmerãde Marĩpũyare bũremuma”, ãrĩrĩ kerere péñurã.

<sup>2</sup> Pedro Cesareague ããrãdi Jerusalẽgue dujajamakũ ããrã, iro marã judío masaka Jesúre bũremurã ãgũrẽ ãsũ ãrĩ werewũa, sërẽñañurã:

<sup>3</sup> —¿Nasirigũ judío masakũ ããrĩkeregũ, judío masaka ããrĩmerãya wiigũe ñajãa, ãgũsã merã baáari?

<sup>4</sup> ãgũsã irasũ ãrĩmakũ, Pedro ããrĩpereri ãgũrẽ iroguẽ waadeare ãsũ ãrĩ wereyupũ:

<sup>5</sup> —Yũ Jopegue ããrĩgũ, Marĩpũre sërẽripoe kërõ irirosũ waabũ yũre. Æmũgasigue suñe surĩro irirosũ deyori gasiro wapikari turori suadea gasiro miẽ, yũ pũro dijarimakũ ããrũ.

<sup>6</sup> Yũ iri gasiro poekaguere: “¿Ñeéno ããrĩrĩ?” ãrĩ, õãrõ ããrĩpererã waimurã: paárã, makãnúũ marã, yebague sigũwãgãrã, wũrã sãñamakũ ããrũ.

<sup>7</sup> Yũ ãgũsãrẽ ããrĩripoe Marĩpũ yũre: “Pedro, wãgãñũgãka! ãgũsãrẽ wẽjẽ baaka!” ãrĩmakũ pébũ.

<sup>8</sup> Yũ gapũ ãgũrẽ yũñũbũ: “Baabea yũ Opũ. Gajirã waimurã gũa judío masakũ baaya marĩrã ããrĩma. Neõ suñarõ ãgũsãnorẽ baañabi ããrĩkubũ”, ãrĩbũ ãgũrẽ.

<sup>9</sup> Yũ irasũ ãrĩmakũ, Marĩpũ Æmũgasigue ããrĩgũ dupaturi ãrĩmi doja: “Yũ baadorerãrẽ: ‘Baaya marĩrã ããrĩma’ ”, ãrĩbirikõaka! ãrĩmi yũre.

<sup>10</sup> Ærea ãgũ irire ãmuadero pũrũ, iri gasirore ããrĩpererã merã Æmũgasigue ãĩmurĩãkõãmi doja.

<sup>11</sup> Irasiriripoeta ãrẽrã Æma Cesarea marã yũre siiudorerã iriuanerã yũ ããrĩrĩ wiiguere ejama.

<sup>12</sup> Æãgũ deyomarĩgũ yũre: “ ãgũsã judío masakũ ããrĩmerã merã waabea, ãrĩ gũñabita waaka!” ãrĩmi. Irasirigũ yũ Jope marã Jesúre bũremurã su mojõma pere gaji mojõ suru pẽrẽbejarã merã waa, Cesareaguere eja, gũa ããrĩpererã Cornelioya wiigũe ñajãbũ.

<sup>13</sup> Gũa iro ñajãjamakũ, Cornelio gũare: “Sugũ Marĩpũre wereboegũ yaa wii ñajãjamakũ ããrũ. ãgũ yũre: ‘Jopegue Æma

m̄ayarārē iriuka, Simón Pedro w̄aikugure siiudoregu!’ ārīmi”, ārī weremi.

14 “Īgū murē Marīp̄uyare weremakū b̄uremugū, m̄, m̄ayarā āārīpererā ōārō tarirākoa. Ūm̄ugasiguere Marīp̄u merā ōārō m̄s̄uyari bokarākoa’, ārī weremi yare Marīp̄ure wereboegu”, ārīmi Cornelio.

15 Irasiriḡu yu Īgūsārē weren̄ḡaripoe Ōāgū deyomarīgū marīrē neōgora Īgū dijjaderosūta Īgūsāguere dijjami.

16 Irasirimakū ĩāgū, Jesús ārīdeare gūñabokabu. Āsūta ārīmi: “Juan m̄s̄ārē deko merā w̄āiyedi āārīmī. Yu gap̄u m̄s̄ārē Ōāgū deyomarīgū merā w̄āiyeguko, Īgū m̄s̄ā merā āārīnīkōāburo, ārīgū”.

17 Marīp̄u marīrē iriuderosūta Ōāgū deyomarīgūrē iriumi, judío masaka āārīmerādere, marī Op̄u Jesucristore Īgūsā b̄uremumakū. Īgū irasirimakū ĩāgū, Marīp̄ure: “Irasiribirikōāka Īgūsārē!” ārīmasībiribu yu, ārī wereyupu Pedro iro āārīrārē.

18 Īgū wereadero pur̄u, toeperea:

—Marīp̄u judío masaka āārīmerādere Īgūsā ñerō irideare bujawere, piridoremi, Īgūsāde ūm̄ugasigue Īgū merā ōārō m̄s̄uyari bokaburo, ārīgū, ārī, m̄s̄uyari siñurā Marīp̄ure.

### *Antioquía marā Jesúre b̄uremudea*

19 Estebārē wējēadero pur̄u, Jesúre b̄uremurārē ñerō iriñurā. Irasirirā surāyeri Feniciague, gajirā Chipre n̄ugūrōgue, gajirā Antioquíague duriwāgāñurā. Īgūsā iroque ejarā, Jesúya kerere wereñurā judío masaka ditare.

20 Surāyeri Jesúre b̄uremurā Chipre marā, Cirene marā āārīñurā. Īgūsā Antioquíague eja, judío masaka āārīmerārē Jesúya kerere wereñurā. “Jesús, marīrē tauḡu, āārīpererā Op̄u āārīmi”, ārī wereñurā Īgūsārē.

21 Marīp̄u irasū ārī wererārē ōārō iritamuyupu. Irasirirā Īgūsā weremakū pérā, iro marā wārā Jesúre b̄uremun̄ḡāñurā. Īgūsā dupiyuro b̄uremudeare pirikōāñurā.

22 “Īgūsāde Jesúre b̄uremuma”, ārīrī kerere pérā, Jerusalén marā Jesúre b̄uremurā Bernabére Antioquíague iriñurā: “¿Naásū waári?” ārī ĩāgū waaka!” ārīrā.

23 Irasiriḡu iroque eja, Marīp̄u Īgūsārē Īgū iritamuadeare ĩā, buro m̄s̄uyari merā:

—Marī Op̄u Jesúre ōārō b̄uremunīka! Īgūrē b̄uremurīrē neō piribirikōāka! ārī wereyupu Īgūsārē.

24 Bernabé Ōāgū deyomarīgūrē opatariḡu, ōāgū, Jesúre ōārō b̄uremugū āārīyupu. Irasirirā Īgū weremakū pérā, wārā masaka Jesúre b̄uremuñurā.

25 Pɪɾɪ Bernabé Antioquíague ããrãdi Saulore Tarsogue ããrĩgũrẽ ãmagú waayupɪ.

26 Īgũrẽ bokaja, Īgũsã pẽrãgueta Antioquíague goedujaja, Jesúre bɪremurã merã su bojorigora iri makãguere ããrĩñurã. Iroguere wãrã masakare Jesúyare bueñurã. Iripoe merãta iro marãrẽ Jesúre bɪremurãrẽ: “Cristoyarã, Cristiano ããrĩma”, ãrĩ wãĩyepɪroriñurã.

27 Bernabé, Saulo merã Antioquíague ããrĩripoe gajirã Jerusalén marã Marĩpɪya kerere weredupiyurã iroguere waañurã.

28 Sugɪ Īgũsã merã, Agabo wãĩkɪgɪ ããrĩyupɪ. Īgũ iroguere eja, Ōãgũ deyomarĩgũ masĩrĩ sĩrĩ merã iro marãrẽ:

— ããrĩpereroguerere masaka ɪaboarãkuma, ãrĩ weryupɪ Īgũsãrẽ. Claudio wãĩkɪgɪ romano marã opɪ ñajãdero pɪɾɪ Agabo Īgũ ãrĩdea waayuro.

29 Īgũ irasũ ãrĩmakũ pẽrã, Antioquía marã Jesúre bɪremurã ãsũ ãrĩñurã:

— Marĩ Judeague ããrĩrãrẽ Jesúre bɪremurãrẽ marĩ niyeru oparire, marĩ sĩrõ bokatĩũrõ iriurã! ãrĩñurã.

30 Irasirirã niyeru neeõ, Bernabé, Saulo merã: “Jesús bue-doregɪ beyenerãrẽ iritamurãrẽ wiaka!” ãrĩ iriũñurã.

## 12

### *Santiagore wẽjẽdea, Pedrore peresu iridea*

1 Iripoere Herodes wãĩkɪgɪ Judea marã opɪ, surãyeri Jesúre bɪremurã Jerusalégue ããrĩrãrẽ ñerõ irinɪgãyupɪ.

2 Irasirigɪ Īgũyarã surarare Santiagore Juan tĩgũrẽ sareri majĩ merã wẽjẽdoreyupɪ.

3 Īgũrẽ wẽjẽmakũ ĩãrã, judío masaka ɪsɪyañurã. Herodes Īgũsã ɪsɪyamakũ ĩãgũ, Pedrore ñeãdore, peresu iriyupɪ. Irasiriripoe pã wemasãrĩ morẽña marĩrĩ baari bosenu pascua bosenu ããrĩyuro.

4 Īgũrẽ peresu iriadero pɪɾɪ, wapikɪri bu surarare gorawayu koredoreyupɪ. Iri burikɪ wapikɪrã dita ããrĩñurã. “Pascua bosenu pɪɾɪ, ãĩwiugɪra masaka ĩũrõgue Īgũrẽ wẽjẽdorebu”, ãrĩ gũñadiyupɪ Herodes.

5 Irasirirã Pedrore surara õãrõ koreníkõãñurã. Īgũ iroguere ããrĩripoe Jesúre bɪremurã gapɪ Marĩpɪre bɪro sêrẽbosaníkõãñurã.

### *Marĩpɪ Pedrore peresugue ããrĩgũrẽ taudea*

6 Herodes Pedrore masaka ĩũrõgue Īgũrẽ ãĩwiuburi ñamirẽ pẽrã surara watopegue peda kõmeda merã sɪasũadi kãrĩyupɪ. Gajirã surara pẽrã makãpɪro wiriarore koreñurã.



<sup>7</sup> Āārīpererā kārīripoe gūñaña marīrō sugu Marīpūre wereboegu Pedro āārīrī taribugue deyoayupu. Irasiro iri taribu poekague ðārō boyosiriakōāyuro. Marīpūre wereboegu Pedroya dukare tūkare, ĩgūrē yobeyupu.

—Murīgora wāgānugāka! ārīyupu. ĩgū irasū ārīmakūta, Pedroya mojōrīrē ĩgūsā kōmedari suadea kuradijakōāyuro.

<sup>8</sup> Marīpūre wereboegu ĩgūrē:

—Yujutúka! Muya gubu surīre sāñaka! ārīyupu.

ĩgū irasū ārīmakū pégu, yujutú, ĩgūya gubu surīre sāñayupu. ĩgū sāña odomakū, ārīyupu doja:

—Wekamañe surīrore sāñaka! Náka, yu merā! ārīyupu.

<sup>9</sup> ĩgū irasū ārīmakū pégu, Pedro ĩgūrē tuyawiriayupu. “¿Diayeta Marīpūre wereboegu yure āiwiriagu irikuri? Gajipoe irigu kēgū iribukoa”, ārī gūñayupu.

<sup>10</sup> Marīpūre wereboegu, Pedro merā surara korerā āārīpūrorirārē tari, pūru gajirārē tari, iri wii ñajāpūroriri kōme makāpūroge ejañurā. Iro ĩgūsā ejamakū, iri makāpūro basi tūpākōāyuro. Iri makāpūrore tariwiria, yoawayaro waa, Marīpūre wereboegu dederiakōāyupu. Pedro sugata dujayupu pama.

<sup>11</sup> Marīpūre wereboegu dederiadero pūru, Pedro ĩgūrē waadeare ðārō pémasī:

—Diayeta Marīpu yure wijatadoregu, ĩgūrē wereboegure iri-uañumi Herodes yure ñerō iribirikōāburo, ārīgū, gaji āārīpereri judío masaka yure ñerō iriduarire kāmūtadoregu, ārī gūñayupu.

<sup>12</sup> Irire gūñawāgā, Maríaya wiigue ejayupu. Igo, Juan Marcos wāikugu pago āārīyupo. Iri wiiguere masaka wārā nerē, Marīpūre sērēbosarā iriñurā ĩgūrē.

<sup>13</sup> Iroge ejagu, Pedro iri wii turo ñajāri makāpūrore doteyupu. ĩgū dotemakū pégo, sugo Rode wāikugo iri wii marārē moāboego: “¿Noā āārīrī?” ārī ĩāgō waayupo.

<sup>14</sup> ĩgū werenírīrē pémasī, makāpūrore tūpābeota usuyari merā ūmañajāa, iro nerēanerārē: “Pedro makāpūro āārīgú kárinami”, ārī wereyupo.

<sup>15</sup> Igo irasū ārīmakū pérā, igore: “Mu irasū ārīmoāmakōāgō yáa”, ārī, igo wererire baremubiriñurā.

Igo gapu ĩgūsārē: “Diayeta ārā yu”, ārīyupo.

“Iro merē Pedroya yujupūrā āārīkoa”, ārīñurā.

<sup>16</sup> Pedro gapu makāpūrore dotegu iriyupu dapa. Irasirimakū waa, iri makāpūrore tūpā, ĩgū iro nīmakū ĩārā, gūkakōāñurā.

<sup>17</sup> ĩgū gapu ĩgūya mojō merā irikeo, ĩgūsārē toedoreyupu. Pūru wiigue ñajāja, ĩgū peresu āārīgūrē Marīpu ĩgūrē āiwiriadeare wereyupu ĩgūsārē:

—Irire wereka, Santiagore, gajirā Jesúre bñremurārē! āri were odo, gajirogue waakōāyupũ.

18 Pũũ boyoripoe peresu korerā Pedro marĩmakũ iārā: “¿Naásũ waáyuri?” āri gāme gaguiniñurā ĩgūsā basi.

19 Irasirigũ Herodes ĩgũyarā surarare Pedrore āmadoreyupũ. ĩgūsā bokabirimakũ ĩāgũ, Pedrore koreadinerārē bũro sērēña, ĩgūsā yujubirimakũ, ĩgūsārē wējēdoreyupũ. Pũũ Judeare wiri, Cesareague āārĩgũ waayupũ Herodes.

### *Herodes boadea*

20 Iripoere Herodes Tiro, Sidón wāikũri makārĩ marā merā bũro guayupũ. Iri makārĩ marā baari, Herodeya nikũ marā duadea āārĩyuro. Irasirirā, ĩgũ guamakũ iārā: “Gũare baari duabiribukumi”, āri, ĩgũ pũroque irire āmurā waañurā. Iroque eja, Herodeya wii koregũ Blasto wāikũgure: “Iritamuka gũare!” āriñurā. ĩgũ: “Jáũ”, ārĩmakũ pérā: “Herodere werenĩbosaka, ĩgũ gũa merā guanemobirikōāburo, ārĩgũ!” āriñurā ĩgūrē.

21 Irasirigũ Herodes ĩgūsā merā werenĩdũarinũ ejamakũ, opũ sãñarĩ surĩre sãña, masaka iũrō opũ doarogue doa, ĩgūsārē werenĩyupũ.

22 ĩgũ irasũ werenĩmakũ pérā, masaka gaguiniñurā:

—Ĩi õõ werenĩgũ masakũ āārĩbemi. Ũmũgasigue marā Opũ āārĩmi, āriñurā.

23 ĩgūsā irasũ ārĩmakũ pégũ, Herodes ĩgūsārē: “Masakuta āārā yũ”, ārĩbiriypũ. Irasirigũ Marĩpũre bñremubiri waja, mata Marĩpũre wereboegũ Herodere pũrĩrikũmakũ iriypũ. Irasirigũ Herodes beka baaweasũ boakōāyupũ.

24 Iri irasũ waadero pũũ, Jesúre bñremurā Marĩpũya kerere āārĩpereroguere weregorenañurā. Wārā masaka irire péñurā.

25 Bernabé, Saulo merā Jerusalēgue gajirā Jesúre bñremurārē iritamu odo, Antioquíague gāme dujāañurā. Juan Marcos wāikũgũde ĩgūsā merā waayupũ.

## 13

### *Bernabé, Saulo merā Jesúya kerere buenũgãdea*

1 Antioquíaguere Jesúre bñremurā watopegue surāyeri Marĩpũya kerere weredupiyurā, gajirā masakare buerimasā āārĩñurā. Bernabé ĩgūsā merāmũ āārĩyupũ. Gajigũ Simón wāikũgũ āārĩyupũ. ĩgūrēta masaka: “Nĩgũ” āri wāiyeñurā. Gajigũ Lucio wāikũgũ Cirenemũ āārĩyupũ. Gajigũ Manaén wāikũgũ, Herodes Galilea marā opũ dagũ merā suro merā masādi āārĩyupũ. Gajigũ Saulo āārĩyupũ.

2 Sunũ ĩgūsā bere, Marĩpũre sērēripoe Őāgũ deyomarĩgũ ĩgūsārē wereyupũ:

—Bernabére, Saulore beyepíka! Ígūsā yure moãboemurã, yu beyesũnerã ããrĩma, ãrĩyuru.

<sup>3</sup> Ígũ irasũ ãrĩmakũ pérã, Ígūsã bere, Marĩpũre sērē odo, Ígūsãya dipure ñapeo, seretu iriũnurã.

*Bernabé, Saulo merã Chipre marãrē buedea*

<sup>4</sup> Pũũ Bernabé, Saulo merã Õãgũ deyomarĩgũ Ígūsãrē iri-uderósũta Seleucia wãikũri makãgue waa, irogue eja, doódiru merã Chipre wãikũri nũgũrõgue waañurã.

<sup>5</sup> Iri nũgũrõma makã Salamina wãikũri makãrē eja, judío masaka nerērĩ wiirigue Marĩpũya kerere wereñurã. Juan Marcode Ígūsãrē iritamugorenayuru.

<sup>6</sup> Pũũ iri nũgũrõrē tariwerewãgã, Pafos wãikũri makãgue ejañurã. Irogue ejarã, sugũ judío masakũre yé ããrĩgũrē boka-jañurã. Ígũ Barjesús wãikũgũ ããrĩyuru. Griego ya merã Elimas wãikũyuru. Iri makã marãrē: “Ëmũgasigue marã Opũya kerere weredupiyurimasũ ããrã yũ”, ãrĩkatogorenayuru.

<sup>7</sup> Sergio Paulo wãikũgũ merãmu ããrĩyuru. Sergio Paulo iri nũgũrõ marã opu, wãri masĩgũ ããrĩyuru. Ígũ Marĩpũya kerere péduagũ, Bernabé, Saulore siudoreyuru.

<sup>8</sup> Irasirirã Ígūsã Ígũ pũrogue wererã waañurã. Elimas, yé ããrĩgũ gapũ Sergio Paulo Jesúre bũremumakũ gããmebiriyuru. Irasirigũ Ígūsã wererire kãmutadũadiyuru.

<sup>9</sup> Irasirimakũ, Saulo Õãgũ deyomarĩgũrē opatarigũ, Ígũrē bũro Ìayuru. Saulota, “Pablo” wãikũyuru.

<sup>10</sup> Æsũ ãrĩyuru:

—Mu ãrĩkatorikũgũ, ñegũ, ããrĩpereri õãrõ iririre kãmutadũagũ, wãtĩ irirosũ ããrã. Marĩ Opũya diayemarē gorawayudũagũ ããrã.

<sup>11</sup> Mu irasiriri waja marĩ Opũ mũrē wajamoãgũkumi. Irasirigũ mũ koye Ìãbi dujagũkoa. Marĩ Opũ mũrē waja-joãrõpa abe goesiririre Ìãbirikoa, ãrĩyuru Pablo Ígũrē. Ígũ irasũ ãrĩrĩ merãta Ígũrē naĩtĩãkõãyuro. Neõ koye Ìãbi dujayuru. Irasirigũ Ígũrē tũãwãgãbure ãmayuru.

<sup>12</sup> Ígũ irasũ waamakũ Ìãgũ, Sergio Paulo marĩ Opũ Jesúya buerire pégũkakõãyuru. Irasirigũ Jesúre bũremuyuru.

*Pablo, Bernabé merã Pisidia nikũma makã Antioquía wãikũri makãgue ejadea*

<sup>13</sup> Pũũ Pablo Ígũ merãmarã merã Pafogue ããrãnerã wiri taribuja, Perge wãikũri makãgue ejañurã. Iri makã Panfilia wãikũri nikũgue ããrĩyuro. Ígūsã Pergegue ejamakũ, Juan Marcos gapũ Ígūsãrē iro pí, Jerusalẽgue gãme dujáakõãyuru doja.

<sup>14</sup> Pũũ Pergegue ããrãnerã gaji makã Antioquía wãikũri makãgue waañurã. Iri makã Pisidia wãikũri nikũgue ããrĩyuro.

Irogue eja, judío masaka siñajārīnu\* āārīmakū ĩgūsā nerērī wiigue† ñajāa, doañurā.

15 Iri wii marā oparā Moisés gojadeare, Marīpuya kerere weredupiyunerā gojadeare bueadero puru, Pedrosārē siiu:

—Ghayarā, masakare wereduarā, wereka, ĩgūsārē oārō āārīrikuburo, ārīrā! ārīñurā.

16 ĩgūsā irasū ārīmakū pégu, Pablo wāgānugā, ĩgūya mojō merā irikeo, ĩgūsārē wereyupu:

—Musā Israel bumarā, gajirā ĩgūsā irirosū Marīpure buremurā, oō āārīrā, yu wererire oārō péka!

17 Marīpu, gha judío masaka Israel bumarā buremugū, gha ñekūsāmarārē beyedi āārīmi. Irasirigu iripoegue ĩgūsā Egiptogue āārīrārē wārā masāporemakū iridi āārīmí. Puru iri nikūgue āārīrārē ĩgū turaro merā āiwiridi āārīmí.

18 ĩgūsā Egiptore wiridero puru, cuarenta bojorigora masaka marīrōgue waagorenanerā āārīmá. Irogue ĩgūsā ĩgū dorerire tarinugākeremakū, Marīpu ĩgūsārē oārō koredi āārīmí.

19 Puru ĩgūsā Canaán nikūgue ejamakū, iri nikū marārē su mojōma pere gajī mojō peru pērēbejari buri marārē Marīpu béosīā, gha ñekūsāmarārē pídi āārīmí iro āārīdoregu.

20 Marīpu ĩgūsārē iri nikūgue pídero puru, cuatrocientos cincuenta bojorigora āārīnerā āārīmá. ĩgūsā irogue āārīmakū, Marīpu ĩgūsārē doremurārē pídi āārīmí. ĩgūsā Samuel wāikugu Marīpuya kerere weredupiyudi ĩgū āārīnugāripoegue doretūnunerā āārīmá.

21 Gha ñekūsāmarā Samuere: “Sugu gha opu gāāmekoa”, ārī sērēmakū pégu, Marīpu ĩgūsā opu āārībure Saúre pídi āārīmí. Saúl, Cis wāikugu magū, Benjamīya bumū āārīdi āārīmí. ĩgū cuarenta bojorigora ĩgūsā opu āārīdi āārīmí.

22 Puru Marīpu Saúre Israel bumarā opu āārīrīrē béo, David wāikugure ĩgūsā opu āārībure pídi āārīmí. Āsū ārīdi āārīmí ĩgūrē: “Davire Isai magūrē bokabu. Buro usuyāa ĩgū merā. Āārīpereri yu gāāmerīrē irigukumi”, ārīdi āārīmí.

23 “Sugu David parāmi āārīturiagu, musārē Israel bumarārē taugu aarigukumi”, ārī weredi āārīmí Marīpu gha ñekūsāmarārē. Irasirigu ĩgū ārīderosūta Jesúre iriudi āārīmí.

24 Jesús masakare buenugāburi dupiyuro Juan āārīpererā Israel bumarārē: “Musā ñerō irideare bujawere, musā gūñarīrē gorawayuka! Musā irasirimakū ĩāgū, musārē deko merā wāiyegukoa”, ārī buedi āārīmí.

\* 13:14 Judío masaka siñajārīnu, sábado āārā. † 13:14 Judío masaka nerērī wii, sinagoga wāikuri wii āārā. Irogue ĩgūsā siñajārīnu āārīmakū nerē, Marīpuya werenírī gojadea purē buenama.

25 Īgū buetūnuburi dupiyuro Īgūsārē ārīdi āārīmí: “Mūsā yare: ‘Gũare taugũ āārīmí’, ārī gũñadáa. Āārībea yu. Yu pũũ gajigũ aarigũkumi. Yu gapũ ubu āārīgú, Īgūrē neō sũropebirikoa”, ārīdi āārīmí.

26 Yaarā, Abraham parāmerā āārīturiarā, gajirā Īgūsā irirosũ Marĩpũre bũremurā oō āārĩrāde oārō péka! Marĩpũ marĩrē: “Taugũra”, ārī kere iriudi āārīmí.

27 Jerusalén marā, Īgūsā oparāde Jesús marĩrē taugũre ĩamasĩbirinerā āārímá. Siñajārĩnũrikũ Marĩpũya kerere weredupiyunerā gojadeare buekererā, neō pémasĩbirinerā āārímá. Pémasĩbirisĩā, Jesũre wējēdorerā, Marĩpũya werenĩrĩ gojadea pũgue ārĩderosũta irinerā āārímá.

28 Jesús Īgū ñerō irideare bokabirikererā, Pilatore: “Wējēka Īgūrē!” ārī sērēñurā.

29 Irasirirā iripoegue Marĩpũya kerere weredupiyunerā gojadea pũgue ārĩderosũta Jesũre āārĩpererire iri odo, Īgūrē curusague boadire āĩdiju, masāgobe ũtāyegue mádea gobegue pĩnerā āārímá.

30 Īgūrē wējēkeremakũ, Marĩpũ gapũ boadiguere masũdi āārīmí.

31 Īgū masādero pũũ, wárinũrĩ deyoadi āārīmí Īgū merāmarārē. Dupiyurogue Īgūsā Īgū merā Galileague wiri, Jerusalēgue wapikũgorenarā waanerā āārímá. Dapagorare ĩsāta Īgū masādire ĩānerā, Īgũyare werema gũayarārē.

32-33 Irasirirā yu, yu merāũũ Bernabé mūsārē Jesũya kerere wererā aaribú. Iripoegue Marĩpũ Īgū Jesús merā oārō iriburire weredi āārīmí gũa ñekūsāmarārē. Īgū ārĩderosũta gũare Īgūsā parāmerā āārīturiarārē irasiridi āārīmí Jesũre boadiguere masũgũ. Salmos wāikũri gojadea pũgue āsũ ārī gojasũdero āārĩbú: “Yu magũ āārā mũ. Dapagā mũrē masāmakũ yáa”, ārīdi āārīmí Marĩpũ.

34 Gaji pũgue Marĩpũ āsũ ārīdi āārīmí, Jesũre boadiguere masũburire, Īgū dũpũ boabiriburire: “Iripoegue yu Davire: ‘Oārō irigũra’, ārĩderosũta mũrē irigũkoa”, ārīdi āārīmí.

35 Gaji Salmos pũ David Īgū gojadea pũgue āsũ ārī gojadi āārīmí: “Mũ dorerire oārō iridiya dũpũre neō boadorebirikoa”, ārī gojadi āārīmí.

36 Diayeta werea. David okagũ, Marĩpũ gāāmederosũta Īgū āārĩdeapoe marārē iritamunĩkōādi āārīmí. Īgū boadero pũũ, Īgū ñekūsāmarā darārē yáaderogueta gajirā Īgūrē yáanerā āārímá. Īgūrē yáadero pũũ, Īgũya dũpũ boakōāyuro.

37 Jesús Marĩpũ masũdiya dũpũ gapũ neō boabiridero āārĩbú.

38-39 Mūsā āārĩpererā Jesũya kerere yu weremakũ, oārō péka! Īgū merā marĩ ñerō irideare kātiri bokarākoa. Īgūrē

buremurānorē ĩgūsā ñerō irideare Marĩpu kātigukumi. Moisés doreri iriri merā neō kātiri bokabirikoā.

<sup>40</sup> Irasirirā musā dapagora marā oārō pēmasĩka! Musā oārō pēmasĩbirimakū, iripoegue marā Marĩpuya kerere weredupiyunerā gojaderosūta musādere waarokoa.

<sup>41</sup> Āsū āĩ gojanerā āārĩmā Marĩpuya werenĩĩ gojadea pũgue:

Oārō péka, yare buridarimasā! Musā okarinurĩrē musārē gajino buro goerire ĩmugura. Gajirā musārē irire weremakū pékererā, buremubirikoā. Irasirirā musā buremubiridea waja béosūrākoa, āĩ gojanerā āārĩmā,<sup>☆</sup>

āĩ wereyupu Pablo Antioquía marārē.

<sup>42</sup> Pablosā irire were odo, wiriamakū, judío masaka āārĩmerā iri wiigue nerēanerā ĩgūsārē:

—Gaji siñajārĩnu āārĩmakū, gũare irireta werenemoka doja! āĩ sērēñurā.

<sup>43</sup> Irasirirā iri wii nerēanerā wiriamakū, wárā judío masaka, judío masaka irirosū buremurāde Pablosā wererire buremusiā, ĩgūsārē tuyañurā. Irasirirā Pablosā ĩgūsārē: “Marĩpu musārē buro maĩrĩ merā ĩāgūrē buremurĩrē neō piribirikōāka!” ārĩñurā.

<sup>44</sup> Gaji semana siñajārĩnu āārĩmakū, wárā iri makā marā Marĩpuya kerere pēmurā iri wiigue nerēñurā doja.

<sup>45</sup> ĩgūsā wárā nerēmakū ĩārā, judío masaka Pablore buro ĩāturiñurā. Irasirirā ñerō werenĩĩ merā Pablo wererire: “Di-aye āārĩbea”, ārĩñurā.

<sup>46</sup> ĩgūsā irasū ārĩmakū pérā, Pablo, Bernabé güiro marĩrō merā ĩgūsārē ārĩñurā:

—Marĩpu dorederosūta gũa musārē judío masakare ĩgũya kerere wererũgoriadabu. Musā gapu irire neō gāāmebea. Marĩpu puo perebiri okari opaburidere gāāmebea. Irasirirā gũa judío masaka āārĩmerā gapure iri kerere wererākoa.

<sup>47</sup> Āsūta doredi āārĩmĩ Marĩpu ĩgũya werenĩĩ gojadea pũguere:

Musārē judío masaka āārĩmerārē yaa kerere weredoregu píũkoa. Irasirigu ĩgūsārē āārĩpererā i nikū marā musā irire weremakū pérānorē taugũkoa perebiri peamegue waabonerārē, ārĩdi āārĩmĩ Marĩpu, āĩ wereñurā.<sup>☆</sup>

<sup>48</sup> ĩgūsā irasū ārĩmakū pérā, judío masaka āārĩmerā buro usuyari merā: “Marĩpuya kere gapu oārĩ āārā”, ārĩñurā. Irasirirā Marĩpu beyesūnerā, ĩgũ puogue perebiri okari ĩgũ sīsūmurā, Jesúre buremuñurā.

<sup>49</sup> Irasirirā Marĩpuyare āārĩpererogue iri nikū marārē were-goreñañurā.

<sup>☆</sup> 13:41 Hab 1.5    <sup>☆</sup> 13:47 Is 49.6

<sup>50</sup> Irasirimakū ããrã, surãyeri judío masaka Pablosãrẽ ñerõ wereniñurã. Ìgüsã wererire pérã, gajirã wáro niyeru oparã judío masaka iririkurire b̄remurã nome Pablosã merã guañurã. Iri makã marã oparãde ìgüsã merã guañurã. Irasirirã ìgüsãrẽ ñerõ irinugã, ìgüsãya nikürẽ béowiukõãñurã.

<sup>51</sup> Irasirirã Pablo, Bernabé ìgüsãya gubu surire tuadea niküwerare mojébéoñurã, iri makã marã ìgüsã ñerĩ iriri waja ìmurã. Irasiri odo, Iconiogue waakõãñurã.

<sup>52</sup> Ìgüsã waakeremakū, Jesúre b̄remurã gapu irogue ããrĩrã Õãgū deyomarìgurẽ opatari, b̄ro usuyari merã dujañurã.

## 14

### *Pablo, Bernabé merã Iconiogue ejadea*

<sup>1</sup> Pablo, Bernabé merã Iconiogue eja, judío masaka nerẽrĩ wiigüe ñajãa, Jesúya kerere wereñurã. Ìgüsã weremakū pérã, judío masaka, gajirã judío masaka ããrĩmerãde wárã Jesúre b̄remunugãñurã.

<sup>2</sup> Judío masaka Jesúyare péduamerã gapu, Jesúre b̄remurãrẽ ñerõ wereniñurã. Judío masaka ããrĩmerãrẽ, Jesúre b̄remurã merã guamakū iriñurã. Irasirirã judío masaka ããrĩmerã Jesúre b̄remurãrẽ ñerõ gũñañurã.

<sup>3</sup> Ìgüsã irasū gũñamakū ããrã, Pablosã gapu yoaripoe irore duja, güiro marĩrõ merã: “Marĩpu masakare b̄ro maĩrĩ merã ããmi”, ãrĩ bueñurã. Ìgüsã buemakū, Marĩpu ìgüyare: “Diayeta buema”, ãrìgū, ìgū turaro merã iri ìmurĩrẽ ìgüsã irimakū iritamuyupu.

<sup>4</sup> Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã.

<sup>5</sup> Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ütãyeri merã dea wējẽduañurã.

<sup>6-7</sup> Ìgüsã irasū wējẽduarire pérã, Pablo, Bernabé merã Liconia nikügüe duriwãgãñurã. Irogue eja, iro marãrẽ Jesúya kerere buegoreñañurã. Ìgüsã irasū buegorenarã, iri nikū ããrĩrĩ makãrĩ Listra, Derbe wãikuri makãrìgüe ejañurã.

### *Listrague Pablöre ütãyeri merã deadea*

<sup>8</sup> Listrague eja, sugu neõ deyoagugüeta waamasĩbiridire iro doagure bokajañurã.

<sup>9</sup> Irasirigu irogue doagu, Pablo buemakū péyupu. Ìgū pémakū, Pablo su diayeta ããyupu ìgurẽ. “Ìrĩ Jesúre b̄remumi. ‘Ìgū yare taumasĩmi’, ãrĩ gũñakumi”, ãrĩ gũñayupu Pablo ìgurẽ ããgū.

10 Irasirigu turaro merã:

—Wãgãnuḡãka! ãrĩyupu ĩḡũrẽ.

Īḡũ irasũ ãrĩmakũ péḡu, pariwãḡãnuḡã waayupu.

11 Pablo ĩḡũrẽ irasirimakũ ĩãrã, Licaonia marã ĩḡũsã ya merã ãsũ ãrĩ gaguinĩñurã:

—Marĩ bũremurã ũmarõḡue ããrãnerã ũma irirosũ deyorã marĩ pũrogue dijajama, ãrĩ gaguinĩñurã.

12 Irasirirã Bernabére: “Marĩ bũremurã opu Zeus wãĩkuḡu ããrĩmi”, ãrĩ wãĩyeñurã. Pablo gapũre ĩḡũsãrẽ werepũroridi ããrĩmakũ: “Marĩ bũremuḡũ Hermes wãĩkuḡu ããrĩmi”, ãrĩ wãĩyeñurã.

13 Iri makã ñajãrõ tũro Zeure bũremurĩ wii ããrĩyuro. Sugu paĩ iri wiire koreḡu wekũare, goori ĩḡũ ãmuadeare ãĩwãḡãyupu. Īḡũ, iro marã merã wekũare wẽjẽ soepeoduadiyupu Pablosãrẽ bũremuduḡu.

14 Īḡũsã irasũ iridũamakũ ĩãrã, Pablosã ĩḡũsãya surĩre yegue, iro ããrĩrã watopegue ũmawãḡã, ãsũ ãrĩ gaguinĩñurã:

15 —Mũsã ḡũare, ¿nasirimurã irasũ yãri? ḡũade mũsã irirosũta masaka ããrã. ḡũa mũsãrẽ Marĩpũya kerere ãsũ ãrĩ wererã aaribũ. Keori weadeare béokõãka! Marĩpu okagu gapũre bũremuka! Īḡũta ũmuḡasi, i nikũ, dia, ããrĩpererã i ũmuḡue ããrĩrãrẽ iridi ããrĩmi.

16 Iripoegue ããrĩpereri buri marãrẽ ĩḡũsã ḡããmerõ irimakũ kãmutabiridi ããrĩmi.

17 Masaka ĩḡũrẽ bũremubirikeremakũ, marĩrẽ õãrõ irigu, ĩḡũ õãrõ ããrĩrikũrĩre ĩmumi ããrĩpererãrẽ. Irasirigu deko merẽmakũ yãmi. Marĩ oterire dukakũmakũ yãmi marĩ baaburire sĩḡũ. Irasirigu mũyari merã ããrĩmakũ yãmi marĩrẽ, ãrĩñurã Pablosã ĩḡũsãrẽ.

18 Īḡũsã irasũ ãrĩmakũ pékererã, Pablosãrẽ bũremuduãrã, wekũare wẽjẽ soepeoduadiñurã dapa. Pablosã gapũ ĩḡũsãrẽ: “Iropata irika! Iririre pirikõãka!” ãrĩmakũ pérã, irire pirikõãñurã pama.

19 Pũru ḡajirã judío masaka, Antioquía marã, Iconio marãde Listrague ejañurã. Iroḡue ejarã, Pabloure ñerõ werenĩñurã. Īḡũsã irasũ ãrĩmakũ pérã, iro marãde ĩḡũ merã ḡua, ĩḡũrẽ ũtãyeri merã deañurã. Dea odo: “Īĩ kõmoakõãmi”, ãrĩ, iri makã tũrogue tũãwãḡã meépi béokõãñurã.

20 Īḡũsã irasirikeremakũ, Jesúre bũremurã gapũ ĩḡũ pũro nerẽjañurã. Īḡũsã nerẽjamakũ, wãḡãnuḡã, ĩḡũsã merã makãḡue dujãakõãyupu doja. ḡajinu gapũ Bernabé merã Derbegue waayupu.

21 Iroḡue eja, Jesúya kerere wereñurã. Īḡũsã weremakũ pérã, wãrã iro marã Jesúre bũremuñurã. Irire were odo, Listrague



goedujáañurã. Iro eja, Iconiogue waañurã. Puru Pisidiana makã Antioquíague ejañurã.

<sup>22</sup> Iri makãrigue weregorenarã, Jesúre buremurãrẽ õãrõ ããririkumakũ iriñurã. “Jesúre buremurĩrẽ neõ piribirikõaka! Marĩpu ĩgũyarãrẽ doreroguere waaduarã, õõguere wári poyari merã ããrĩrãkoa”, ãrĩ bueñurã ĩgũsarẽ.

<sup>23</sup> Puru iri makãrĩku marãrẽ Jesúre buremurãrẽ iritamurãrẽ beyeñurã. Beye odo, bere, ãsũ ãrĩ sërẽñurã Marĩpure ĩgũsã buremugũrẽ:

—Гуа Ору, ĩsã mũyarãrẽ iritamuka! ãrĩñurã.

*Pablo, Bernabé merã Siria nikũma makã Antioquíague dujãadea*

<sup>24</sup> ĩgũsã Pisidia nikũgue weregorenadero puru, Panfilia nikũgue ejañurã.

<sup>25</sup> Iri nikũma makã Pergere Marĩpura kerere were odoadero puru, Atalia wãĩkuri makãgue waañurã.

<sup>26</sup> Iri makã ããrãnerã Antioquíague dujãarã, doódiru merã waañurã. Iripoegue iri makã marã Jesúre buremurã Pablosãrẽ iriupurorirã, Marĩpure ĩgũsãya ããrĩburire ãsũ ãrĩ sërẽbosanerã ããrĩmã: “Гуару, му маĩrĩ merã ĩsãrẽ mũyare buegorenamakũ, õãrõ koreka!” ãrĩ sërẽnerã ããrĩmã. Irasirirã Pablo, Bernabé merã ĩgũsã buedoreadeare buepeo, iri makãrẽ goeñurã doja.

<sup>27</sup> Irasirirã iri makãrẽ goejarã, gajirã Jesúre buremurã merã nerẽ, ããrĩpereri ĩgũsã Marĩpu turari merã iriadeare, Marĩpu judío masaka ããrĩmerãdere Jesúre buremumakũ iriadeare wereñurã ĩgũsarẽ.

<sup>28</sup> Yoaripoe iroguere Jesúre buremurã merã ããrĩñurã.

## 15

*Jerusalẽgue Jesúre buremurã nerẽdea*

<sup>1</sup> Pablo, Bernabé Antioquíague ããrĩrĩpoe gajirã Judea nikũ marã iroguere eja, Jesúre buremurãrẽ ãsũ ãrĩ buenagãñurã.

—Moisés dorederosũta ããrĩpererã mũsãya dũpuma gasirogãrẽ wiiribirimakũ, Marĩpu mũsarẽ taubirikumi, ãrĩñurã.

<sup>2</sup> ĩgũsã irire ãrĩmakũ pérã, Pablosã ĩgũsã merã buro gãme guaseoñurã. Irasirirã Antioquia marã Jesúre buremurã Pablora, Bernabé, gajirã iro marãdere Jerusalẽgue waañurãrẽ beyeñurã. ãsũ ãrĩñurã: “Jerusalẽgue waaka! Jesús buedoregu beyenerãrẽ, ĩgũsarẽ iritamurãdere: ‘¿Judea marã buerire diayeta ããrĩrĩ?’ ãrĩ sërẽñarã waaka!” ãrĩ iriũñurã.

<sup>3</sup> Irasirirã Jesúre buremurã ĩgũsarẽ iriuadero puru, Pablo, Bernabé merã Fenicia nikũ waa, puru Samaria

nikūrē tariwāgā, judío masaka āārīmerā ĩgūsā ñekūsāmarā b̄remunadeare piri, Marīp̄ya gap̄re b̄remunugārī kerere wererā iriñurā Jesúre b̄remurārē. Irire pérā, āārīpererā b̄ro us̄yañurā.

4 Pablosā Jerusalēgue ejamakū ĩārā, Jesúre b̄remurā, Jesús buedoreḡu beyenerā, ĩgūsārē iritamurāde oārō us̄yari merā bokatīrīñurā. Irasirirā Pablo, Bernabé merā āārīpereri ĩgūsā Marīp̄u turari merā irideare wereñurā.

5 Iroguere surāyeri fariseo bumarā Jesúre b̄remurā āārīñurā. Pablosā weremakū pékererā, ĩgūsā gap̄u wāgāñugā, āsū ārīñurā:

—Judío masaka āārīmerā Jesúre b̄remurā, ĩgūsāya dup̄uma gasirogārē wiiriburo. “Moisés doredeare irika musāde!” ārīō gāāmea ĩgūsārē, ārīñurā.

6 ĩgūsā irasū ārīmakū pé, Jesús buedoreḡu beyenerā, gajirā ĩgūsārē iritamurā nerē, irire āmuduarā wereníñurā.

7 ĩgūsā yoaripoe wereniadero p̄ru, Pedro wāgāñugā, wereyup̄u ĩgūsārē:

—Yaarā, oārō péka ȳre! Iripoegue, ȳu musā merā āārīgūrē Marīp̄u beyedi āārīmí, ȳre ĩgūya kerere judío masaka āārīmerārē weredoreḡu. Irasiriḡu ĩgū masakare tauri kerere werea, Jesúre b̄remuburo, ārīgū.

8 Marīp̄u āārīpererā gūñarīrē masīgū, judío masaka āārīmerārē Jesúre b̄remurārē: “Yaarā āārīma”, ārī ĩmubu, ĩgūsādere Ōāgū deyomarīgūrē iriumi marīrē iriuderosūta.

9 Irasiriḡu marīrē ĩgūsā merā surosū ĩāmi. ĩgūsā Jesúre b̄remumakū, ĩgūsādere ĩgūsā gūñarīgue oārō āārīrikumakū yāmi.

10 Marīp̄u Moisére doreri pídeare marī ñekūsāmarā bokatīūbirinerā āārímá. Marīde ĩgūsā irirosū bokatīūbirikererā, ¿nasirimurā Jesúre b̄remurārē judío masaka āārīmerārē irire iridorebukuri? ¿Nasirimurā Marīp̄u judío masaka āārīmerārē ĩgūyarā āārīmakū iririre: “Iro āārībea”, ārī gūñabukuri?

11 Āsū gap̄u gūñarō gāāmea. Marī Op̄u Jesús marīrē mañrī merā, Marīp̄u marīrē taumi. Irasiriḡu marīrē taurosūta judío masaka āārīmerādere taumi, ārīyup̄u Pedro ĩgūsārē.

12 ĩgū irasū ārīmakū pérā, āārīpererā toepereakōñurā. Irasirirā Pablo, Bernabé merā judío masaka āārīmerā watopegue Marīp̄u turari merā ĩgūsā iri ĩmudeare weremakū oārō péñurā.

13 ĩgūsā irire were odoadero p̄ru, Santiagode wereyup̄u:

—Yaarā, péka ȳre!

14 Marīp̄u judío masaka āārīmerārē ĩgūyarā āārīñugāmakū neō irideare weresiami Simón Pedro musārē.

15 Marĩpaya kerere weredupiyunerã werederosũta waabu judío masaka ããrĩmerãrẽ. Marĩpaya werenĩrĩ gojadea pũgue ãsũ ãrĩ gojanerã ããrĩmã ĩgũ ãrĩdeare gojarã:

16 Pũũ Daviya bumarã ĩgũsã oparã ããrĩdea pereadero pũũgue dupaturi ĩgũ parãmi ããrĩturiagure ĩgũsã Opũ sóogura doja. Irasirigũ ĩgũyarãrẽ ĩgũsã õãrõ ããrĩrikumakũ irigũkoa.

17-18 Irasirirã ããrĩpererã judío masaka ããrĩmerã yũ beyenerã, yũre ĩgũsã Opũre bũremurãkuma, ãrĩmi Marĩpũ masakare irire masĩdoregũ, ãrĩ gojanerã ããrĩmã.\*

19 'Irasirigũ ãsũ gũñãa yũ. Judío masaka ããrĩmerãrẽ Jesũre bũremunũgãrãrẽ wãri: "Ãsũ irika!" ãrĩ garibobirikõãrõ gããmea marĩrẽ.

20 Irasirirã marĩ ĩgũsãrẽ ãsũ ãrĩ gojarã: "Keori weadea pũro baari pĩdeare baabirikõãka! Nome merã ñerõ iribirikõãka! Nomedede ũma merã ñerõ iribirikõãka! Waimarã wũnugũ biu wẽjãnerãya díkuri díre baabirikõãka! Díre iiribirikõãka!" ãrĩ gojarã!

21 Iripoegueta marĩ nerẽrĩ wiirigue siñajãrĩnũrikũ Marĩpũ Moisére doreri pĩdeare masaka buema. Irasirirã ããrĩpereri makãrĩ marã iri dorerire masĩkuma. Irasirirã yũ ãrãdea ditare gojarã! ãrĩyupũ Santiago ĩgũsãrẽ.

### *Judío masaka ããrĩmerãrẽ gojadea*

22 Irasirirã Jesús buedoregũ beyenerã, ĩgũsãrẽ iritamurã, gajirã ããrĩpererã Jesũre bũremurã merã Santiago ãrãdeare: "Irasũta irirã!" ãrĩ, ĩgũsã merãmarã pẽrãrẽ beyeñurã Antioquíague Pablo, Bernabé merã waamurãrẽ. Irasirirã Judare, Silare beyeñurã. Judata, "Barsabás" wãĩkũyupũ. ĩgũsã Jesũre bũremurã watopegue ããrĩrã oparã irirosũ ããrĩrã ããrĩñurã.

23 Pũũ ĩgũsã gojadea pũrẽ ĩgũsã merã iriuñurã. ãsũ ãrĩ gojañurã:

Gũa, Jesús buedoregũ beyenerã, gũare iritamurã, gajirã Jesũre bũremurã õõgue ããrĩrã õãdorea mũsãrẽ.

Ããrĩpererã judío masaka ããrĩmerã Antioquíague, Siriague, Ciliciague ããrĩrãrẽ Jesũre bũremurãrẽ õãdorea.

24 Gajirã gũa merãmarã mũsã pũrogue ejarã, mũsãrẽ garibogoreñañurã. Mũsãya dupũma gasirogãrẽ wiiridore: "Ããrĩpereri Moisés doredeare irika!" ãrĩgoreñañurã. Gũa gapũ ĩgũsãrẽ irire: "Buerã waaka!" ãrĩbiradibu.

25 Irasirirã gũa ããrĩpererã nerẽ, gũa merãmarã Judas, Silas wãĩkurãrẽ beyeabu mũsã pũrogue iriumurã. ĩgũsã marĩ maĩrã Pablo, Bernabé merã waarãkuma.

\* 15:17-18 Am 9.11-12

<sup>26</sup> Masaka Pablosārēta Jesucristo marī Opuya kerere güiro marĩrõ merã buemakũ wějẽboyaunanerã ããrĩmã. Mérõgã tarinerã ããrĩmã.

<sup>27</sup> Judasã musã purogue ejarã, gua gojadeare wererãkuma.

<sup>28</sup> Ōãgũ deyomarĩgũ guare gũnarĩ sĩrõsũta: “Gaji dorerire píbirikoa musãrẽ”, ãrĩ gũñãa. Irasirirã i doreri ditare pírákoa:

<sup>29</sup> “Keori weadea puro baari pídeare baabirikõãka! Díre iirĩbirikõãka! Waimurã wánugũ biu wějẽanerãya díkuri díre baabirikõãka! Nome merã ñerõ iribirikõãka! Nomedede ãma merã ñerõ iribirikõãka!” I gua dorerire irirã, õãrĩrẽ irirãkoa musã. Iropata ããrã musãrẽ gua wereduari, ãrĩ gojañurã Jesúre buremurã Jerusalégue ããrĩrã.

<sup>30</sup> Iri pũrẽ goja odo, Pablosãrẽ: “Ōãrõ waaka!” ãrĩ sere-tuñurã. Puru Pablosã Antioquíague waañurã. Iroque eja, Jesúre buremurãrẽ siiu needõ, iri pũrẽ wiañurã.

<sup>31</sup> Iri pũrẽ bue odo, õãrĩ ïgũsã were gojadeare ïãrã, buro usuyañurã.

<sup>32</sup> Judas, Silas merã Marĩpuya kerere weredupiyurã ããrĩñurã. Irasirirã Jesúre buremurãrẽ Marĩpu ïgũsãrẽ weredoredeare wereñurã. ïgũsã weremakũ pérã, Jesúre buremurã gapu usuya, õãrõ gũñaturari merã dujañurã.

<sup>33</sup> Judas iroguere yoaweyaripoe ããrĩ: “Dujáagu yáa”, ãrĩ seretuyupu iro marãrẽ. Irasũ ãrĩmakũ pé: “Ōãrõ waaka! Buro siñajãrĩ merã dujáaka Jerusalégue. Ōãburo iro marã, musãrẽ iriuanerã”, ãrĩ dujuñurã. ïgũsã irasũ ãrãdero puru, Judas, gajirã merã Jerusalégue dujáakõãyupu doja.

<sup>34</sup> Silas gapu: “Ōõgue dujagura”, ãrĩ gũñasã, Antioquíague dujakõãyupu dapa.

<sup>35</sup> Pablo, Bernabé merã yoaweyaripoe iroguere dujañurã. Irasirirã wárã gajirã merã iro marãrẽ bue, marĩ Opu Jesúya kerere weregorenãñurã.

### *Dupaturi Pablo Jesúya kerere buegorenagũ waadea*

<sup>36</sup> Mérõgã puru Pablo Bernabére wereyupu:

—Náka, ããrĩpereri makãrĩ marĩ Opu Jesúya kerere marĩ buegorenadea makãrĩ marãrẽ: “¿Naásũ ããrĩrikuri?” ãrĩ, ïãgorenarã! ãrĩyupu.

<sup>37</sup> ïgũ irasũ ãrĩmakũ pégu, Bernabé gapu Juan Marcove ããaduadiyupu.

<sup>38</sup> Dupiyurogue Juan Marcos ïgũsã merã Panfiliague ããrĩgũ, ïgũsã moãrĩrẽ bokatĩũbiridea waja Pablo dupaturi ïgũrẽ ããaduabiriyupu. Irasirigu Bernabére: “Ïgũrẽ ããabirimakũdere õãrokoa”, ãrĩyupu.

39 Irasirirã ĩgũsã basi irire buro gãme guaseo, dukawariakõãñurã. Irasirigũ Bernabé gapũ Juan Marcoteo ãĩayupũ, doódiru merã Chipre nũgũrõgue waagũ.

40 Pablode Silare beyeyupũ ĩgũ merã waabure. ĩgũsã buerã waaburi dupiyuro Jesũre buremurã ĩgũsãrẽ: “Marĩ Opũ mũsãrẽ maĩgũ õãrõ koreburo”, ãrĩ sërẽbosa, iriuñurã.

41 Irasirirã Siria nikũ, Cilicia nikũdere tariwãgã, Jesũre buremurãrẽ ĩgũyare bue, õãrõ gũñaturamakũ iriñurã ĩgũsãrẽ.

## 16

*Timoteo, Pablo, Silasãrẽ wapikũwãgãdea*

1 Pũrũ Pablo, Silas merã Derbegue, Listrague ejañurã. Irogue ejarã, Timoteore Jesũre buremugũrẽ bokajañurã. ĩgũ pagode Jesũre buremugõ, judío masako ããrĩyupo. Pagũ gapũ griego masakũ ããrĩyupũ.

2 Jesũre buremurã Lистра marã, Iconio marãde Timoteore: “Õãgũ ããrĩmi”, ãrĩ ĩãñurã.

3 Irasirigũ Pablo Timoteore ĩgũrẽ wapikũbure ãĩaduayupũ. Judío masaka iri nikũ marã gapũ Timoteo pagũ griego masakũ ããrĩrĩrẽ masĩñurã. Irasirigũ Pablo ĩgũsã merã guamakũ iridũabi, Timoteoya dũpũma gasirogãrẽ wiiriyupũ judío masaka irinarõsũ irigũ.

4 Pũrũ Pablo, Timoteo merã waa, ĩgũsã gojadea pũmarẽ Jesũre buremurãrẽ ĩgũsã ejari makãrĩ marãrẽ wereñurã. Iri pũ Jerusalẽgue Jesũs buedoregũ beyenerã, ĩgũsãrẽ iritamurã: “Ãsũ irika!” ãrĩ gojadea pũ ããrĩyuro.

5 ĩgũsã irire weremakũ pérã, Jesũre buremurã: “Jãũ”, ãrĩ, gũñaturari merã Jesũre buremunemoñurã. Gajirãde ãmũrikũ Jesũre buremubirinerã, buremunemowãgãñurã.

*Pablo kërõgue irirosũ Macedoniamũrẽ ĩãdea*

6-7 Pũrũ Pablosã Asia nikũgue Jesũya kerere buerã waadũarãrẽ Õãgũ deyomarĩgũ waadorebiriypũ. Irasirirã ĩgũsã Frigia nikũrẽ taria, Galacia nikũdere taria, Misia nikũ tũrogue eja, Bitinia nikũgue waadũadiñurã. Õãgũ deyomarĩgũ gapũ iroguedere waadorebiriypũ.

8 Irasirirã Misia nikũ tũrore tariwãgã, Troas wãĩkũri makãgue buajañurã.

9 Irogue iri ñamirẽ Pablo kërõgue irirosũ sugũ Macedonia nikũmũ ĩgũ pũro nímakũ ĩãyupũ. “Gũare Macedonia marãrẽ iritamugũ aarika!” ãrĩ siuyupũ.

10 Pablo kërõ irirosũ waadeare gũare weremakũ pérã: “Marĩpũ iri nikũ marãrẽ ĩgũya kerere weredoregũ iriugũ irikumi marĩrẽ”, ãrĩ gũña, gũayare ãmu, Macedoniague waakõãbũ. ((Yũ Lucas i pũrẽ gojabude ĩgũsã merã waabũ.))

*Pablo, Silas merã Filipogue waadea*

11 Irasirirã Troague ããrãnerã doódiru merã Samotracia wãikuri nügãrõgue taribuja, gajinu gapu Neápoligue waabu.

12 Iri makãrê taria, Filipino romano marãya makãgue ejabu. Iri makãta Macedonia nikũma makãrĩrê doreri makã ããrĩbũ. Iroguere yoaweyaripoe ããrĩbũ.

13 Judío masaka siñajãrĩnu ããrĩmakũ, ãgũsã Marĩpure sêrêrã nerênarõrê ãmarã waarã, iri makã turo, dia wekague waabu. Iroguere eja, iro nerêanerã nomerê Jesúya kerere were doanĩbu.

14 Iroguere sugo Tiatira wãikuri makãmo, Lidia wãikugo õãrĩ suri diari surĩre duarimasõ ããrĩmó. Marĩpure bũremugõ ããrĩmó. Irasirigu Marĩpu igore Pablo wererire õãrõ pémasĩrĩ merã pé bũremumakũ irimi.

15 Irasirigu Pablo igore, igoya wii marã ããrĩpererãrê deko merã wãiyemi. ãgũ wãiyeadero puru, ãsũ ãrĩmo:

—Musã yure: “Diayeta Jesúre bũremugõ ããrĩmo”, ãrĩ gũñarã, yaa wiigue dujaka! ãrĩmo guare.

Igo irasũ ãrĩmakũ pérã, igoya wiigue dujabu.

16 Sunu iro marã Marĩpure sêrêrã nerênarõgue dupaturi waarã, wãtĩ ñajãsũdeore bokajabu. Igo gajirãrê moãboego ããrĩmó. Irasirigo wãtĩ masĩrĩ sĩrĩ merã masakare: “Ãsũ waarokoa musãrê”, ãrĩboka, wãro niyeru wajatabosamo igo oparãrê.

17 Igo guã noó waaró guã merã waagó, ãsũ ãrĩ gaguinĩmo:

—ãgũsã Marĩpu ããrĩpererãrê doregure moãboerimasã ããrĩma. Marĩpu marĩrê tauri kerere werema musãrê, ãrĩ gaguinĩmo.

18 Wárinurĩ guare garibomakũ, Pablo gãmenugã, wãtĩ igoguere ããrĩgũrê ãsũ ãrĩmi:

—Jesucristo wãĩ merã, ãgũ turari merã murê: “Igo iropata wirika!” ãrĩmi.

ãgũ irasũ ãrĩmakũta, wãtĩ igore wiriakõãmi.

19 Wãtĩ igore wiriadero puru, masakare: “Ãsũ waarokoa”, ãrĩ weremasĩbiri, igo oparãrê niyeru wajatanemobosabirimo pama. Irasirirã, igo oparã gapu Pablo, Silare ñeã, iri makã marã oparã purogue ãĩãma.

20 Puru weresãrĩrê beyerimasã purogue ãgũsãrê ãija, ãsũ ãrĩma:

—ãĩsã judío masaka ããrĩma. Marĩya makã marãrê gariborã yãma.

21 ãgũsã marĩrê buerã, marĩ romano marã iririkurire iridorebema. Irasirirã ãgũsã buerire gããmebea. ãgũsã doreridere irimasĩbea, ãrĩma.

22 ãgũsã irasũ ãrĩmakũ pérã, masaka wãrã iroguere ããrĩrã Pablosã merã guama. Weresãrĩrê beyerimasã gapu Pablosãya surĩre túweadore, yuku merã tãrãdorema.

23 Īgūsārē buro tārā odo, peresu irima. Īgūsārē korebure ōārō ĩāduripídorema.

24 Irasirigu Īgūsārē koregū gapū iri wii dekoma taribugue Īgūsārē Īgūsāya guburire taboa majīrīma goberigue s̄uadobo, ōārō biadobokōāyupū.

25 Pūru ñami deko āārīmakū, Pablosā Marīpūre sērē, bayapeoñurā. Īgūsā irasū bayamakū, gajirā peresugue āārīrā péñurā.

26 Īgūsā bayaripoe gūñaña marīrō nikū buro ñomeyuro. Irasiriro iri wiide buro gāmeña, suro merā āārīpereri iri wiima makāpūrori tūpāperekōāyuro. Peresugue āārīrārē Īgūsā kōmedari merā s̄uadeadaride kurakōāyuro.

27 Irasū waamakū, Īgūsārē koregū yobe, iri wiima makāpūrori toyomakū ĩāgū: “Peresu āārānerā duriwiria-perekōāñuma”, ārī gūñayupū. Irasirigu Īgūya sareri majīrē āī, ĩgū basi sareboarduagu iriadiyupū.

28 Īgū irasirimakū ĩāgū, Pablo ĩgūrē gaguiniyupū:

—Mu basi ñerō neō iribirikōāka! Āārīperekōāa gua, ārīyupū.

29 Īgū irasū ārīmakū pégu, sīāgodore, Pablosā pūro ūmawāgā, Īgūsāya guburi pūro naradari merā ejamejāyupū.

30 Pūru Īgūsārē āīwiu, āsū ārī sērēñayupū:

—¿Nasirigukuri, yu Marīpu yure taumakū gāāmegū?

31 Pablosā yujñurā:

—Marī Opū Jesucristore buremuka! M̄aya wii marāde ĩgūrē buremuburo. M̄usā ĩgūrē buremumakū ĩāgū, Marīpu m̄usārē taugakumi, ārīñurā.

32 Irasū ārī odo, ĩgūya wii marādere Jesúya kerere wereñurā.

33 Ñami deko pūru ĩgūsārē koreadi ĩgūsāya kāmire koeyupū. Īgū koe odoadero pūru, Pablosā ĩgūrē, ĩgūya wii marādere deko merā wāīyeñurā.

34 Īgūsārē wāīyeadero pūru, Pablosārē ĩgūya wiigie āīa, baari ejoyupū. Īgū, ĩgūya wii marā merā Marīpūre buremusiā, buro us̄uyañurā.

35 Boyoripoe oparā surarare iriñurā, peresu wii koregure Pablosārē wiudorerā.

36 Iri wii koregū irire pégu, Pablosārē ārīyupū:

—Oparā m̄usārē wiridoreañurā. Irasirirā güiro marīrō us̄uyari merā wirika! ārīyupū.

37 Īgū irasū ārīmakū pégu, Pablo gapū ārīyupū surarare:

—Oparā gua ñerō irideare bokabirikererā, masaka wárā ĩūrō guare tārādoreama. Īgūsā, gua romano marā āārīkeremakū, tārādoreama. Pūru peresu iriama. ¿Dapague guare masaka ĩābero wiuduari? Āārībea. Īgūsā basita wiurā aariburo guare, ārīyupū Pablo.

<sup>38</sup> Īgū irasū ārīmakū pérā, surara Pablo ārādeare oparārē wererā waañurā. Pablo, Silas romano marā āārīma, ārīrī kerere pérā, oparā güigorañurā.

<sup>39</sup> Irasirirā Pablosā puro ejarā, āsū ārīñurā:

—Kātika, gya musārē peresu iriadeare! Irasū ārī odo, ĩgūsārē peresugue āārānerārē wiu: “Gyaaya makārē wirika!” ārīñurā.

<sup>40</sup> Irasirirā Pablosā peresugue āārānerā wiria, Lidiaya wiigüe waañurā. Irogue eja, Jesúre bñremurā nerēanerārē bokajarā, òārō güñaturanemomakū iriñurā. Pura waakōāñurā.

## 17

### *Tesalónica marā Pablo, Silas merā guadea*

<sup>1</sup> Pablo, Silas merā waarā, Anfīpolire, Apoloniare taria, Tesalónicague ejañurā. Iri makāguere judío masaka nerērī wii āārīyuro.

<sup>2</sup> Irogue eja, Pablo iri wiigüe waayupu ĩgū gaji makārīrē irinaderosūta. Ūre semana judío masaka siñajārīñurī āārīmakū, iro marārē Marīpuyare werenayupu.

<sup>3</sup> Āsū ārī bueyupu:

—Marīpu iriudi, Cristo āārīmi. Marī ñerō iridea waja ñerō taridi āārīmí. Īgū boadero pura, Marīpu gapu ĩgūrē masūdi āārīmí marī òārō āārīburire. Ī Jesús yu āsū ārī weregu, ĩgūta Cristo āārīmi marīrē taugu. Āsūta ārī werea, Marīpuya kerere ĩgūsā gojadea pūguere, ārī wereyupu.

<sup>4</sup> Īgū irasū ārīmakū pérā, surāyeri judío masaka ĩgū wererire: “Diayeta āārā”, ārī bñremuñurā. Irasirirā Pablosā merā waañurā. Gajirā wárā griego masaka Marīpüre bñremurīmasā, oparā nomede, Pablo wererire pérā, bñremuñurā. Irasirirā ĩgūsāde ĩgūsā merā waañurā.

<sup>5</sup> Gajirā judío masaka irasirimakū ĩārā, Pablosārē ĩāturi, wárā ñerā moāmerārē siu need: “Pablo ĩgū merāmarā merā ñerō irigu yámi”, ārī gaguinírā waaka i makā marārē, ārī iriñurā. Irasū ārī gaguinírā, āārīpererā iri makā marārē Pablosā merā guamakū iriñurā. Irasirirā Jesúre bñremugū Jasón wāikuguya wiima makāpurore turaro merā tūākoro, ñajāa, Pablosārē āmadiñurā masakaguere wiaduarā.

<sup>6</sup> ĩgūsārē bokabirisīā, Jasōrē, gajirā Jesúre bñremurādere ñeā tūāwāgā, iri makā marā oparā purogue āia, irogue eja, gaguiníñurā:

—Pablosā āārīpererogue masakare gariborā iriama. Dapagorare marīya makārē ejasiama.

<sup>7</sup> Ī Jasón ĩgūsārē ĩgūya wiigüe ñajādoreami. Īisā āārīpereri marī romano marā opu dorerire tarinugāma. “Gajigu



musā Opu, Jesús wāikugu āārīmi”, ārī buema masakare, ārī gaguinīñurā oparārē.

<sup>8</sup> Īgūsā irasū ārī gaguinīmakū pérā, āārīpererā iri makā marā, Īgūsā oparāde Pablosā merā guañurā. “¿Naásū waáari?” ārī gaguinísirikōāñurā.

<sup>9</sup> Irasirirā oparā Jasōrē, Īgū merāmarādere peresu waadoremerā: “Dupaturi Pablosārē iritamubirikōāka!” ārī, niyeru wajaridore, wiukōāñurā.

### *Pablo, Silas merā Bereague ejadea*

<sup>10</sup> Puru iri ñamita Jesúre bñremurā Pablosārē Bereague iriukōāñurā. Irogue eja, judío masaka nerērī wiigue waañurā.

<sup>11</sup> Judío masaka Berea marā gapu Tesalónica marā nemorō Jesúya kerere oārō péduañurā. Irasirirā irire: “¿Diayeta āārīrī?” ārī masīduarā, ũmariku Marīpuya werenírī gojadea pūmarē bueníkōāñurā.

<sup>12</sup> Irasirirā wārā Jesúre bñremuñurā. Gajirā griego masakade, iri makā marā oparā nomede bñremuñurā.

<sup>13</sup> Pablo, Berea marārē Marīpuyare wereri kerere pérā, Tesalónica marā judío masaka ejañurā. Irore eja, Berea marārē kere ārī, Pablosā merā guamakū iriñurā.

<sup>14</sup> Īgūsā irasirimakū iārā, Jesúre bñremurā Pablöre mumurō merā dia wádiya turogue iriñurā. Īgū merāmarā gapu Silas, Timoteo merā Bereague dujañurā.

<sup>15</sup> Pablöre āiwāgānerā Atenas wāikuri makāgue eja, Īgūrē irogue pí, Bereague gāme dujáakōāñurā doja. Irogue dujajarā, Pablo Īgū: “Murīgora Silas, Timoteode oōgue aariburo”, ārī kere iriudeare wereñurā Īgūsārē.

### *Pablo Atenague āārīdea*

<sup>16</sup> Pablo Atenague Silas, Timoteore yúgu, iri makā marā keori weadeare wári opamakū iāgū, buro bujawereyuru.

<sup>17</sup> Irasirigu judío masaka nerērī wiigue Īgūsā merā werenígū waayuru. Iroguere gajirā judío masaka āārīmerā Marīpüre bñremurā āārīñurā. Īgūsā merādere wereníyuru. ũmariku iri makā marā Īgū bokajarā merā wereníyuru.

<sup>18</sup> Gajirā ũmade Epicúreos wāikuri bumarāyare buerimasā, gajirā Estoicos wāikuri bumarāyare buerimasā Pablo merā wereníñurā. Īgū weremakū pérā, āsū ārī gāme sērēñañurā:

—¿Naásū ārī werednagu yári, ñ iropa werenígū? ārīñurā.

Pablo Jesúyare, Īgū masā mārīadeare weremakū pérā, gajirā āsū ārīñurā:

—Gajiro marā Īgūsā bñremurāyare weregu irikumi, ārīñurā.

<sup>19</sup> Irasirirā Īgūsā nerērō Areópago wāikurogue Pablöre āñañurā. Irogue āija, Īgūrē ārīñurā:

—Gna maama bueri mñ wererire masīdnakoa.

20 M<sub>u</sub> bueri gajirosū āārā. Irasirirā g<sub>ua</sub>: “¿Naásū ārīduaro yári iri?” ārī masīduakoa, ārīñurā Pablöre.

21 Āārīpererā Atenas marā, gajiro marā iri makā ejanerāde maama bueri ditare wereníduañurā.

22 Irasirig<sub>u</sub> Pablo Areópague ĩgūrē āījadero p<sub>uru</sub>, wāgānugā, āsū ārī wereyup<sub>u</sub> ĩgūsārē:

—Keori weadeare m<sub>us</sub>ā āārīpererā ōārō b<sub>ure</sub>mua. Irire masīa y<sub>u</sub>.

23 I makā m<sub>us</sub>āya makārē naagorenagū, m<sub>us</sub>ā b<sub>ure</sub>murōrē ĩāb<sub>u</sub>. Sug<sub>u</sub> m<sub>us</sub>ā b<sub>ure</sub>mugūrē sīdea soepeorogue gojatúdeadere ĩāb<sub>u</sub>. “Ĕm<sub>u</sub>gasigue marā Op<sub>u</sub> marī masīña marīgūrē b<sub>ure</sub>murō āārā”, ārī gojatúdeare ĩāb<sub>u</sub>. M<sub>us</sub>ā ĩgūrē masībirikeremakū, ĩgūrēta werea y<sub>u</sub> m<sub>us</sub>ārē, ārīyup<sub>u</sub> Pablo. Irasū ārī odo, ārīnemoyup<sub>u</sub> doja:

24 —Marīp<sub>u</sub> i ũmūrē āārīpereri iridi āārīmí. Ĕm<sub>u</sub>gasi, i nikū Op<sub>u</sub> āārīmí. Masaka iridea wiirire āārībemi.

25 Marī iritamurīrē gāānebemi. ĩgū gap<sub>u</sub> marīrē iritamumi. Marī āārīrikurire, āārīpereri gajinodere sīmi. Okari opamakū yámi. Y<sub>u</sub>juāimākū yámi marīrē.

26 “Marīp<sub>u</sub> sug<sub>u</sub> ũm<sub>u</sub> merāta āārīpereri buri marā āārīmakū iridi āārīmí, ĩgūsārē i nikū āārīpererogue āārīburo, ārīgū. “Ōōpa yoaripoe okarākuma ĩgūsā āārīrōguere”, ārī pídi āārīmí.

27 Marīp<sub>u</sub>: “Y<sub>u</sub>re āmarā bokaburo”, ārīgū, irasiridi āārīmí. ĩgūrē marī bokaburo, ārīgū, yoarogue āārībemi. Marī merāta āārīmí.

28 Marīp<sub>u</sub> marīrē āārīmakū yámi. ĩgū marīmakū marībukuyo. Marī okari, marī irimasīrī, marī āārīrikurire sīgū āārīmí. M<sub>us</sub>ā bayarire gojarimasāde āsū ārī gojanerā āārīmá: “Marīde ũm<sub>u</sub>gasigue marā Op<sub>u</sub> pūrā āārā”, ārī gojanerā āārīmá.

29 Irasirirā marī ĩgū pūrā āārīrā, keori masaka weadeare ĩgūsā gūñarō merā irideare: “Marīp<sub>u</sub> irirosū āārīmí”, ārī gūñabirikōārā! Marīp<sub>u</sub>, masaka oro, plata, ũtāyeri merā keori weadea irirosū āārībemi.

30 Marīp<sub>u</sub> iripoegue marā ĩgūrē masīmerā ĩgūrē b<sub>ure</sub>mubirimakū irasū ĩākōādi āārīmí. Irasirig<sub>u</sub>, dapaguere pama marīrē āārīpererā i nikūgue āārīrārē: “M<sub>us</sub>ā ñerō irideare b<sub>u</sub>jawereka! M<sub>us</sub>ā gūñarīrē gorawayuka!” ārīmí.

31 P<sub>uru</sub> Marīp<sub>u</sub> āārīpererā ñerārē wajamoārīñ<sub>u</sub> ejamakū, ĩgū beyedi Jesús merā āārīpererā i nikūgue āārīrārē diayeta irigukumi ōārārē beye, ñerā gap<sub>u</sub>re béobu. Jesús boadero p<sub>uru</sub>, Marīp<sub>u</sub> ĩgūrē masūgū, ĩgū beyedi āārīrīrē ĩmudi āārīmí āārīpererārē, ārī wereyup<sub>u</sub> Pablo Atenas marārē.

32 ĩgū Jesús boadigue masādeare weremakū pérā, gajirā ĩgūrē ubu b<sub>u</sub>rikōāñurā. Gajirā gap<sub>u</sub>:

—Dupaturi ire m<sub>u</sub> weremakū péduakoa doja, ārīñurā.

<sup>33</sup> Pablo ĩgŭsŕĕ piri waakŏŕyupŭ.

<sup>34</sup> Gajirŕ, ĩgŭ wererire pĕnemodŭarŕ ĩgŭ merŕ waañurŕ. Irasirirŕ Jesŭre bŭremunŭgŕñurŕ. ĩgŭsŕ merŕ sugŭ Dionisio wŕikŭgŭ Areŏpagogue oparŕ merŕ nerĕrĭmasŭ ŕŕrĭyupŭ. Gajigo Dŕmaris wŕikŭgode gajirŕ merŕ Jesŭre bŭremunŭgŕyupŭ.

## 18

### *Pablo Corintogue ejadea*

<sup>1</sup> Pŭrŭ Pablo Atenague ŕŕrŕdi waa, Corinto wŕikŭri makŕgue ejayupŭ.

<sup>2</sup> Irogue judĭo masakŭ Aquila wŕikŭgŭre Ponto nikŭmŭrĕ bokajayupŭ. Aquila, ĩgŭ marŕpo Priscila merŕ Italia nikŭgue ŕŕrĭnerŕ ŕŕrŕdima. ĩgŭsŕ irogue ŕŕrĭripoe romano marŕ opŭ Claudio wŕikŭgŭ ŕŕrĭpererŕ judĭo masakare Romarĕ wiridoremakŭ, Aquila ĩgŭ marŕpo merŕ Corintogue ejanerŕ ŕŕrĭmŕ. ĩgŭsŕ irogue ŕŕrĭmakŭ, Pablo ĩgŭsŕĕ ĩŕgŭ waayupŭ.

<sup>3</sup> ĩgŭde ĩgŭsŕ moŕrikŭrinorĕta moŕgŭ ŕŕrĭyupŭ. Irasirigŭ dujakŏŕyupŭ ĩgŭsŕ merŕ moŕbu. ĩgŭsŕ surĭ gasiri merŕ wiiri irirŕ ŕŕrĭñurŕ.

<sup>4</sup> Pablo, judĭo masaka siñajŕrĭnŭrikŭ ĩgŭsŕ nerĕrĭ wiigue waa, judĭo masakare, judĭo masaka ŕŕrĭmerŕdere Jesŭya kerere werenayupŭ, ĩgŭsŕ iri kerere: “Diayeta ŕŕrŕ”, ŕrĭ gŭñaburo, ŕrĭgŭ.

<sup>5</sup> Timoteo, Silas merŕ Macedoniague ŕŕrŕnerŕ Pablo pŭrogue ĩgŭsŕ ejadero pŭrŭ, Pablo surĭ gasiri merŕ wiiri moŕrĭrĕ piri, ŕmŭrikŭ judĭo masakare Jesŭya kerere diaye ŕrĭrĭ merŕ bueyupŭ:

–Jesŭs ŕŕrĭmi marĭ yoaripoe yŭdi. ĩgŭta Marĭpŭ iriudi, Cristo ŕŕrĭmi, ŕrĭyupŭ.

<sup>6</sup> ĩgŭ irasŭ ŕrĭ buekeremakŭ, judĭo masaka gapŭ ĩgŭrĕ pĕdŭabirĭñurŕ. Irasirigŭ ĩgŭsŕ ñerŏ werenĭrĭ merŕ ĩgŭrĕ werewŭamakŭ pĕgŭ, Pablo ĩgŭsŕĕ: “Buenemobirikoa”, ŕrĭ ĩmugŭ ĩgŭya surĭre iroma nikŭ tuadeare pŕsiri, ŕsŭ ŕrĭyupŭ:

–Marĭpŭ dorederosŭta mŭsŕĕ bueabŭ. Mŭsŕ gapŭ yŭre pĕdŭabea. Irasirirŕ mŭsŕ pĕdŭabiri waja perebiri peamegue waarŕkoa. Irasirigŭ yŭ mŭsŕĕ bueadeare pirigŭkoa. Dapagorare judĭo masaka ŕŕrĭmerŕrĕ buegŭ waagŭra, ŕrĭyupŭ.

<sup>7</sup> Irasŭ ŕrĭ, iri wiigue ŕŕrŕdi wiria, Ticio Justo wŕikŭya wiigue waayupŭ. ĩgŭya wii judĭo masaka nerĕrĭ wii turo ŕŕrĭyuro. ĩgŭ Marĭpŭre bŭremugŭ ŕŕrĭyupŭ.

<sup>8</sup> Nerĕrĭ wii opŭ Crispo wŕikŭgŭ, ŕŕrĭpererŕ ĩgŭya wii marŕde Jesŭre bŭremuñurŕ. Gajirŕ Corinto marŕde wŕrŕ Jesŭya kerere pĕrŕ, ĩgŭrĕ bŭremunŭgŕñurŕ. Irasirirŕ deko merŕ wŕiyesŭñurŕ, ĩgŭsŕ Jesŭre bŭremurĭrĕ ĩmurŕ.

<sup>9</sup> Su ñami Pablöre kërõgue irirosũ marĩ Opũ ãgũrẽ ãsũ ãrĩ wereyupũ:

—Gũibirikõãka! Neõ piriro marĩrõ yaa kerere bueníkõãka i makã marãrẽ!

<sup>10</sup> Yũ, mũ merã ããrã. Irasirirã masaka mũrẽ ñerõ irimasĩbema. I makãrẽ wãrã yaarã ããrĩma, ãrĩyupũ.

<sup>11</sup> Irasirigũ Pablo iro marã merã su bojori gaji bojori deko ããrĩyupũ Marĩpũya kerere buegũ.

<sup>12</sup> Iripoere romanomũ Galiõn wãikũgũ Acaya nikũ marã opũ ããrĩripoe judío masaka suro merã nerẽ, Pablöre ñeã, Galiõn pũrogue ãĩja,

<sup>13</sup> ãsũ ãrĩñũrã:

—Ĩi masakare: “Ãsũ gapũ irika, Marĩpũre bũremurã!” ãrĩ buegũ, i nikũma doreri gapũre béodoremi, ãrĩñũrã Galiõrẽ.

<sup>14</sup> Ĩgũsã irasũ ãrĩmakũ, Pablo ĩgũsãrẽ werebu iriripoeta Galiõn gapũ judío masakare ãrĩyupũ:

—Ĩgũ ñerõ iriadero pũrũ tamerãrẽ yũ péboakuyo mũsã judío masaka weresãrĩrẽ.

<sup>15</sup> Mũsã dorerire tarinũgãmakũ, mũsã basi ãmuka! Ire masĩbea yũ. Irasirigũ irire: “Irasũta irika!” ãrĩmasĩbirikoa, ãrĩyupũ.

<sup>16</sup> Irasũ ãrĩgũta ĩgũyarã surarare Pablöre weresãrãrẽ béowiudoreyupũ.

<sup>17</sup> Irasirimakũ ããrã, ããrĩpererã iri wii ããrĩrã Sóstenẽrẽ judío masaka nerẽrĩ wii opũre ñeã, Galiõn ĩũrõ páñũrã. Ĩgũsã pámakũ ããgũ, Galiõn gapũ: “Ĩgũsã gããmerõ iriburo”, ãrĩ ããkõãyupũ.

*Pablo Antioquíague goedujáa, dupaturi buegorenadea*

<sup>18</sup> Pablo Corintogue yoaripoe ããrĩyupũ dapa. Pũrũ Jesúre bũremurãrẽ: “Waagú yáa”, ãrĩ odo, doódiru merã Priscila, Aquila merã Siriana makãgue waakõãñũrã. Ĩgũ doódiru merã waaburi dupiyuro Cencreague ããrĩgũ, Marĩpũre: “Ãsũ irigũra mũrẽ bũremugũ”, ãrĩderosũta ĩgũya poaire wũũapeokõãdoreyupũ.

<sup>19</sup> Pũrũ ĩgũsã merã waa, Efeso wãikũri makãgue eja, Priscila, Aquilare píkõã, judío masaka nerẽrĩ wiigüe waayupũ. Iri wiigüe eja, judío masaka iro nerẽanerã merã Marĩpũyare wereyupũ.

<sup>20</sup> Ĩgũ irasũ weremakũ pérã, ĩgũrẽ: “Yoaripoe dujaka gũa merã!” ãrãdiñũrã. Ĩgũ gapũ: “Dujabea mũsã merã”,

<sup>21</sup> ãrĩgũta ĩgũsãrẽ seretuyupũ:

—Jerusalẽgue bosenu ããgũ waagú yáa. Marĩpũ gããmemakũ dupaturi ããgũ dujaribukoa mũsãrẽ, ãrĩyupũ.

Irasũ ãrĩ odo, Efesogue ããrãdi doódiru merã waakõãyupũ.

<sup>22</sup> Irasirigu Cesareare tariwãgã, Jerusalêgue eja, iro marã Jesúre bñremurãrê õãdoregu ejayupu. Pũũ Antioquiague waayupu doja.

<sup>23</sup> Irore yoaweyaripoe ããrĩ, pũũ Galaciana makãrĩgue Frigiama makãrĩrê dupaturi eja, iri makãrĩ marãrê Jesúre bñremurãrê bue, ĩgũsãrê õãrõ usũyari merã ããrĩrikumakũ iriyupu.

### *Apolos Efesogue buedea*

<sup>24</sup> Iripoere judío masakũ Apolos wãĩkũgu, Alejandría wãĩkũri makãmũ Efesogue ejayupu. ĩgũ õãrõ weregu, Marĩpũya werenĩrĩ gojadeare masĩgũ ããrĩyupu.

<sup>25</sup> Gajirã ĩgũrê marĩ Opũ Jesúya kerere weresianerã ããrĩmã. Irasirigu usũyari merã Jesús irideare diaye ãrĩrĩ merã wereyupu. Irasirikeregu, Juan masakare deko merã wãiyedea ditare masĩyupu.

<sup>26</sup> Güiro marĩrõ judío masaka nerẽrĩ wiigue ããrĩrãrê buenũgãyupu. ĩgũ buerire péanerã Priscila, Aquila ĩgũsãya wiigue ĩgũrê ãĩa, irogu õãrõ diaye ãrĩrĩ merã wereñurã ĩgũ Marĩpũyare masĩbirire.

<sup>27</sup> Pũũ Apolos Acayague waaduamakũ, Jesúre bñremurã ĩgũrê su pũ gojabosañurã. Irasirirã Jesúre bñremurãrê Acayague ããrĩrãrê: “Apolore õãrõ bokatĩrĩñeãka!” ãrĩrĩ pũrê ĩgũ merã iriuñurã. Irasirigu Apolos irogu ejamakũ, Marĩpũ ĩgũsãrê maĩgũ, ĩgũ merã õãrõ iritamuyupu.

<sup>28</sup> Irasirigu Apolos ããrĩpererã ĩũrõ judío masakare õãrõ turari merã:

—Marĩpũ iriudi, mũsã yoaripoe yúdi, Cristo ããrĩmi. ĩgũta Jesús ããrĩmi, ãrĩyupu. Irasirirã Marĩpũya werenĩrĩ gojadea pũrê keoro weremakũ pérã, judío masaka: “Diaye ããrĩbea”, ãrĩmasĩbiriñurã.

## 19

### *Pablo Efesogue buedea*

<sup>1</sup> Apolos Corintogue ããrĩripoe Pablo gapũ ãtãyuku watopegue taria, Efesogue eja, wãrã Jesúre bñremurãrê bokajayupu.

<sup>2</sup> Bokaja, ĩgũsãrê sêrêñayupu:

—¿Mũsã Jesúre bñremurã, Õãgũ deyomarĩgũrê bokatĩrĩñeãrĩ? ãrĩyupu.

Ĩgũrê yũjuñurã:

—“Õãgũ deyomarĩgũ ããrĩmi”, ãrĩmakũ, neõ pébiribu guã.

<sup>3</sup> Pablo ĩgũsãrê sêrêñayupu doja:

—¿Noãya buerire pédero pũũ, deko merã wãiyeri mũsãrê? ãrĩyupu. ĩgũsã gapũ yũjuñurã:

—Juāya buerire gua pédero p̄r̄u, guare wāiyema, ārīñurā.

<sup>4</sup> Pablo āsū ārīyup̄u doja:

—Juan masakare ĩgūsā ñerī irideare bujawere, gūñarīrē gorawayurārē wāiyedi āārīmí. Irasū wāiyekereḡu: “Ȳu p̄r̄u aaribure b̄remuka!” ārī buedi āārīmí. Irasū ārīgū: “Jesúre Marīp̄u iriudire b̄remuka m̄sā!” ārīgū iridi āārīmí, ārīyup̄u Pablo.

<sup>5</sup> ĩgū irasū ārīmakū pérā, marī Op̄u Jesús wāi merā wāiyesūñurā ĩgūrē b̄remurīrē ĩmurā.

<sup>6</sup> P̄r̄u Pablo ĩgūsāya dipu weka ĩgūya mojōrī merā ñapeomakū, Ōāgū deyomarīgū dijijayup̄u ĩgūsārē. ĩgū dijijamakū, gaji masā ya werenírī merā ĩgūsā werenímasībirideare wereníñurā. Marīp̄u ĩgūsārē weredorerire wereñurā.

<sup>7</sup> ĩgūsā āārīpererā pe mojōma pere su gubu peru p̄rēbejarāgora āārīñurā.

<sup>8</sup> Pablo iri makāguere urerā abe āārīgū, judío masaka nerērī wiigüe ñajāa, güiro marīrō Marīp̄u marī Op̄u āārīrī kerere masakare werenayup̄u. Irire gūñaturari merā weremakū pérā: “I diayeta āārā”, ārīñurā.

<sup>9</sup> Gajirā gap̄u Marīp̄uyare péduamerā, ĩgū wererire b̄remubiriñurā. Irasirirā masaka péurogue marī Op̄uya bueri: “Ñegorāa”, ārī wereñurā. ĩgūsā irasū ārīmakū pégu, Pablo gap̄u Jesúre b̄remurārē siiu wiria, Tiranno wāikuḡuya bueri wiigüe waayup̄u. Iroguere ūm̄urik̄u masakare buenayup̄u.

<sup>10</sup> Pe bojorigora bueyup̄u ĩgūsārē iri wiiguere. ĩgū irasū buemakū, āārīpererā Asia nikū marā judío masaka, judío masaka āārīmerāde marī Op̄uyare péperekōāñurā.

<sup>11</sup> Pablo iri makāgue āārīmakū, Marīp̄u ĩgū turari merā ĩgūrē wári iri ĩmurīrē irimakū iriyup̄u.

<sup>12</sup> Irasirimakū ĩārā, masaka surí gasiri, Pabloya d̄up̄u p̄rēadea gasirire p̄rīrikurā p̄uro āñañurā. ĩgūsā āñāmakū, p̄rīrikurā iri gasirire moaña, tarinañurā. Wātēa ñajāsūnerāde irire moaña, wirisūñurā.

<sup>13-14</sup> Iripoere gajirā judío masaka wātēārē béowiugorenarā iriñurā. ĩgūsā Esceva wāikuḡu p̄rā su mojōma pere gaji mojō peru p̄rēbejarāgora āārīñurā. Esceva paía op̄u āārīyup̄u. ĩgū p̄rā Pablo irirosūta marī Op̄u Jesús wāi merā wātēārē béowiudarā, āsū ārīñurā:

—Jesús, Pablo weredi wāi merā dorea m̄sārē. Wirika m̄sā ñajādire! ārī béowiuadiñurā.

<sup>15</sup> ĩgūsā irasū ārīkeremakū, wātī masakuguerē ñajādi āsū ārīyup̄u:

—Jesúre, Pablöre masĩa. Musã gapure masĩbea. ¿Niísãno ããrĩrĩ musã? ãrĩyupu.

16 Īgũ irasũ ãrĩmakũta, wãtĩ ñajãsũdi gapu pari meébeja, buro turaro merã Īgũsã ããrĩpererãrẽ ñeã, tarinugãyupu. Īgũsãrẽ pá, kãmitú, Īgũsãya surire yeguepeokõãyupu. Irasirirã suri marĩrã, kãmikurãgue ũmawiriañurã.

17 Īgũsã irasũ waadea kerere pérã, ããrĩpererã Efeso marã, judío masaka, judío masaka ããrĩmerãde péguka, buro gũñurã. Irasirirã marĩ Opu Jesús wãirẽ õãrõ goepeyari merã buremuñurã pama.

18 Irasirirã wárã dupiyuro Jesúre buremunugãnerã gapu Īgũsã ñerõ irideare masaka péurogue weretarirã ejañurã.

19 Īgũsã merã wárã yéa ããrĩrã ããrĩñurã. Irasirirã Īgũsã bayirima gojadea papera turirire irogue ãĩa, masaka iũrõ irire soebéokõãñurã. ããrĩpereri iri wajakũdeare Īgũsã keoñamakũ, cincuenta mil niyeru koeri wajakũadiyuro.

20 Īgũsã irasirimakũ iãdero puru, ũmuriku wárã masaka Marĩpuya kerere pérã, Īgũ turari merã Jesúre buremunugãñurã.

21 Irasũ waadero puru, Pablo ãsũ ãrĩ gũñayupu: “Macedonia nikũ waapurori, iri nikũrẽ taria, Acaya nikũdere taria, Jerusalégue waagura. Iro merãta Romarẽ iãgũ waagura”, ãrĩ gũñayupu.

22 Irasirigũ Īgũ waaburi dupiyuro pẽrã Īgũrẽ iritamurãrẽ Erasto, Timoteore iriuyupu Macedoniague. Pablo gapu suguta dujayupu dapa Asiaguere.

### *Efeso marã Pablo merã gua, gaguinídea*

23 Pablo Efesogue ããrĩripoe gajirã iro marã buro werenírĩ merã Īgũrẽ iãturiñurã, masaka wárã Jesúre buremumakũ iãrã.

24 Sugũ plata wãĩkũri kõme merã moãrĩmasũ Demetrio wãĩkũgũ Pablöre iãturiwãgũyupu. Īgũ plata merã iro marã buremugõ Artemisa wãĩkũgo buremurĩ keori wiirigãrẽ weanayupu. Īgũ, gajirã moãrã merã Īgũsã weadeare masakare duarã, wáro wajatanañurã.

25 Irasirigũ Demetrio Īgũ merã moãrãrẽ, gajirã Īgũ irirosũ plata moãrãrẽ siiu neõ, ãsũ ãrĩyupu:

—Yũ merãmarã, õãrõ péka! Irire masĩa musã. Marĩ weadeare duari merã wáro wajata, õãrõ ããrĩkõã.

26 Pablo buedeaderere masĩa. ãsũ ãrĩ buegorenami: “Masaka buremurã keori weadea, turari oparã irirosũ ããrĩbea. ũmugasigue marã Opu irirosũ neõ ããrĩbea, keori weadea ããrã”, ãrĩ buemi. Irire pérã, wárã masaka õõ marã, ããrĩperero Asia marãde Īgũ buedeare: “Diayeta ããrã”, ãrĩ gũñama.

27 I marĩrē buro goea. Marĩya moārĩ wajamarĩãkõãburo yáa. Marĩ buremugõ Artemisaya wiide ubu ããrĩrĩ wii dukõãrokoa. Dapagueta ããrĩperero Asia marã buremuadima igore. Masaka Pablo wererire buremurã sõõ gapu merã igore buremunemobirikuma pama, ãrĩyupu Demetrio ĩgũsãrē.

28 ĩgũ irasũ ãrĩmakũ pérã, buro guari merã:

—Artemisa, Efeso marã buremugõ turago ããrĩmo, ãrĩ gaguinĩp̄roriñurã.

29 ĩgũsã gaguinĩmakũ, gajirã wárã Efeso marã: “¿Naásũ waari?” ãrĩ pémasĩbirikererã, ĩgũsãde gaguinĩpereakõãñurã. Irasũ gaguinĩrãta Gayore, Aristarcore ñeã, iri makã marã nerẽrõgue ĩgũsãrē tũãwãgãñurã. Gayo, Aristarco Macedonia marã, Pablore wapikũwãgãnerã ããrĩñurã.

30 ĩgũsãrē ñeãmakũ ĩãgũ, Pablo gapu masaka wárã watopegue ĩgũsãrē weregu waadũadiyupu. Jesúre buremurã gapu waadorebiriñurã.

31 Gajirã iri nikũ marã oparãde, Pablo merãmarã ĩgũrē: “Gua m̄rē dorea: ‘ĩgũsã nerẽrõgue waabirikõãka!’ ” ãrĩ kere iriñurã.

32 Irogue nerẽanerã buro gaguinĩrã iriñurã dapa. “¿Nasirirã marĩ õõgue nerẽrĩ?” ãrĩmasĩmerã ĩgũsã gããmerõ gaguinĩmirẽkõãñurã.

33 Irasirirã judío masaka ĩgũsãyagure Alejandro wãikugure gaguinĩrã ĩũrõgue túmeénúñurã ĩgũsãrē weredorerã. Irasirigũ ĩgũ gapu ĩgũya mojõ merã irikeo: “Iropata gaguinĩka, toeaka!” ãrĩdũadiyupu. “Gua judío masaka ñerõ iribeã”, ãrĩ weredũadiyupu.

34 ĩgũ judío masakũ ããrĩrĩrē ĩãmasĩrã, ããrĩpererã suro merã pe hora gaguinĩñurã:

—Artemisa, Efeso marã buremugõ turago ããrĩmo, ãrĩ gaguinĩñurã.

35 ĩgũsã buro gaguinĩmakũ ĩãgũ, sugũ iri makã marã oparãrē iritamugũ masakare toedore, ãsũ ãrĩyupu:

—Mũsã, Efeso marã õãrõ péka! Artemisa, marĩ buremugõ turago ããrĩmo. Igore buremurĩ wiire, igo keori ãmugasigue dijarideadere korerã ããrã marĩ. Irire ããrĩperero marã õãrõ masĩma.

36 “I diaye ããrĩbeã”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka mũsãde! Noó gããmerõ pémasĩrĩ marĩrõ gajinorē iribirikõãka!

37 ĩĩsã mũsã ñeãnerã marĩ buremurĩ wiirimarē neõ yajabirama. Marĩ buremugõrē ñerõ neõ ãrĩ werenĩbirama. ĩgũsã ñerõ iribirikeremakũ, ĩgũsãrē ñeã, õõgue ãĩriayo.



38 Demetrio, ĩgũ merã moãrã ĩgũsãrẽ weresãduarã, weresãrĩrẽ beyerimasã pũrogue waaburo. Irogue i nikũ marã oparã ĩũrõgue ĩgũsãrẽ weresãdeare ãmumasĩma.

39 Oparã i makã marãrẽ siu neeõmakũ ĩãrã, gajino sãrẽduarã, werenĩrã aarika!

40 Dapagã musã guari merã gaguiniãdea kerere marĩ oparã pãrã: “Marĩrẽ tarinũgãduarã yãma”, ãrĩ weresãbukuma. Irasirirã marĩ bũro gaguiniãdea waja marĩrẽ weresãmakũ neõ yujumasĩbiribukoa, ãrĩyupũ oparãrẽ iritamugũ ĩgũsãrẽ.

41 Irire were odo: “Iropata ããrã. Waaka musãya wiirigue!” ãrĩyupũ.

## 20

### *Pablo Macedoniague, Greciague ejadea*

1 ĩgũsã irasũ ãrĩ gaguinĩmirẽdero pũrũ, Pablo gapũ Jesũre bũremurãrẽ siu neeõ, ĩgũsãrẽ õãrõ ããrĩrikũdoregũ, wereyupũ. Were odo, mojõ ñeã, ĩgũsãrẽ seretu, Macedoniague waakõãyupũ.

2 Irogue eja, iroma makãrĩ marãrẽ Jesũre bũremurãrẽ ĩgũ werenĩrẽ merã õãrõ gũñaturamakũ iriyupũ. Pũrũ Greciague waayupũ.

3 Irore urenã abegora ããrĩyupũ. Pũrũ Siria nikũgue doódiru merã taribujabu iriripoe judío masaka: “Murẽ ñerõ iriduarã iriama”, ãrĩrĩ kerere péyupũ. Irasirigũ: “Maa merã Macedoniagueta dujáagura doja”, ãrĩ gũñayupũ.

4-5 Gũã, ĩgũ merã waaburi dupiyuro gajirã ĩgũ merãmarã Troas wãĩkuri makãgue waa, gũare yũñurã. ĩsãkũ ããrĩmã: Sópater wãĩkugũ Bereamũ, Pirro wãĩkugũ magũ ããrĩmĩ. Gajirã Tesalónica marã pãrã Aristarco, Segundo wãĩkũrã ããrĩmã. Gajigũ Derbemũ Gayo wãĩkugũ, gajigũ Timoteo, gajirã Asia marã Tíquico, Trófimo ããrĩmã.

6 ĩgũsã yúripoe gũã gapũ pã wemasãrĩ morẽña marĩrĩ baari bosenu pũrũ, Filipogue ããrãnerã doódiru merã su mojõma nũrĩ taribuja, Troague ejabu. Irogue ĩgũsãrẽ bokaja, ĩgũsã merã su semana dujabũ.

### *Troague Pablo naadea*

7 Siñajãrĩnũ ããrĩmakũ, gajirã Jesũre bũremurã merã pãrẽ dukawa baamurã nerẽbũ. Pablo gajinũ gapũ waabu ããrĩsĩã, yoaripoe buemi ĩgũsãrẽ. Ñami deko ããrĩmakũ bue odobirimi dapa.

8-9 Gũã nerẽrĩ taribu, ure kaya wekama taribu, sããgori wãri opari taribu ããrĩbũ. Pablöre iro ããrĩrã pãripoe sugũ maamũ Eutico wãĩkugũ ventanague doami. Pablo ĩgũsãrẽ yoaripoe buemakũ, ĩgũrẽ wuja ejayuro. Irasirigũ kãrĩtari,

yebague yuridijakōāmi. Īgū yuridijamakū ĩārā, Īgū p̄uro waa, kōmoadiguere āīwāgū doboma.

10 Īgūsā irasū irimakū ĩāgū, Pablo dijari, maamurē pábua āīwāgūnū, Īgūsārē weremi:

—Gukabirikōāka! Okami dapa, āīmi.

11 Īgū irasū āīmakū, maamu kōmoadigue āārīkeregu, masākōāmi. Īgū masāmakū ĩāgū, Pablo dupaturi m̄rīa, pārē dukawa, Īgūsā merā baami. Īgū irasiriadero p̄uru, yoaripoe buenemomi doja. Boyoburo dupiyurogā Īgūsārē bue odo, wiriakōāmi.

12 Īgū wiriadero p̄uru, irogue nerēanerā Eutico kōmoadigue masādire usuyari merā Īgūya wiigie āīāma.

*Pablosā Troas āārānerā Miletogue waadea*

13 Pablo guare ārīderosūta doódiru merā Īgū dupiyuro Asogue waabu. Īgū gapu Īgū waadhaderosūta maague waami.

14 Asogue guare bokaja, gua merā doódirugue ñajāa, Mitlenegue waami.

15-16 Gajinu iro merā waarā, Quío wāikuri n̄ugūrō bokatūrōgue ejabu. Gajinu waarā, Samogue ejabu doja. Iro merā waa, Trogilio wāikurogue kārību. Pablo, Pentecostés bosenu dupiyuro Jerusalēguere ejadugū, guare: “Asiare yoaripoe āārīduabirikoa yu”, āīmi. “Irasirirā Efesore diayeta taria, Miletogue waapurumurā!” āīmi. Irasirirā gajinu gapu waa, Miletogue ejabu.

*Pablo Efeso marā Jesúre b̄uremurā oparārē werede*

17 Pablo Miletogue āārīgū, Efeso marā Jesúre b̄uremurā oparārē kere iriumi Īgū p̄uro aaridoregu.

18 Īgūsā Īgū p̄uro ejamakū, Īgūsārē āīmi:

—Asiague ejagu, m̄sā merā neōgora yu irideare oārō masīa m̄sā.

19 M̄sā merā āārīgū, marī Op̄uyare iribu. Irasirigu m̄sārē neō tarinugābiribu. Masaka Jesúre b̄uremubirimakū ĩāgū, orebu. Judío masaka yure wējēduakeremakū, m̄sārē buebu.

20 M̄sā nerērōgue, m̄sāya wiiriguedere āārīpereri m̄sā oārō āārīrikuburire buebu.

21 Judío masakare, judío masaka āārīmerādere irireta buebu. “Oārō péka! M̄sā ñerō iririre piri, Marīp̄uya gapure oārō irinugāka! Marī Op̄u Jesúre b̄uremuka!” āī buebu.

22 Irasirigu dapagorare Ōāgū deyomarīgū dorederosūta Jerusalēgue waagū yāa. Irogue yure āsū waarokoa, āīmasībirikoa dapa.

23 Yu ejadea makārīku Ōāgū deyomarīgū āsū āīmi yure: “Mu irogue waamakū, masaka m̄rē peresu iri, ñerō tarimakū irirākuma”, āīmi. Iri ditare masīa.

24 Irire masĩkeregu, güibea. Yaa okaridere maĩbea. Marĩpu masaka ããĩpererãrẽ maĩrĩ merã iãmi, ãrĩrĩ kerere marĩ Opũ Jesús weredoremi yũre. I ditare ĩgũ yũre moãrĩ pídeare iripeoduáa.

25 'Yũ musã merã ããrĩgũ, Marĩpu ĩgũyarãrẽ doreri kerere weregorenabu. Dapagorare musã neõ dupaturi yũre iãnemobirikoa. Irire masĩa yũ.

26-27 Irasirigu dapagãrẽ irire werea musãrẽ. ããrĩpereri Marĩpu yare ĩgũ yũre weredoredeare werebu musãrẽ. Irasirirã musã ããrĩpererã irire: "Neõ pébea yũ", ãrĩmasĩbirikoa. Perebiri peamegue waamakũ, ĩgũsã péduabiridea waja ããrĩrokoa. Yaa waja ããrĩbirikoa.

28 Irasirirã Marĩpu yare õãrõ péduripka! Musã Jesúre buremurãrẽ, Õãgũ deyomarĩgũ musãrẽ koredorerãdere: "Õãrõ péka musãde!" ãrĩ wereka! ĩgũ magũ boagu dí béodea merã Marĩpu ĩgũsãrẽ ĩgũyarã ããrĩmakũ iridi ããrĩmĩ. Irasirirã ĩgũsãrẽ õãrõ koreka, oveja korerã ĩgũsãyarã ovejare õãrõ korederosũta!

29 Yũ waadero puũ, gajirã ãrĩkatorimasã, makãnúũ marã diayéa ovejare wẽjẽduarã irirosũ musã puũro ejarãkuma. ĩgũsã bueri merã musãrẽ dukawarimakũ iriduarãkuma.

30 Puũguere gajirã musã merãmarãta musãrẽ Jesúre buremurãrẽ ãrĩkatorãkuma ĩgũsã buerire pédorerã.

31 Irasirirã õãrõ pémasĩka! Ære bojorigora ãmũrĩ, ñamirĩ oreri merã musã ããrĩpererãrẽ werebu. Irasirirã yũ weredeare gũñanĩkõãka!

32 'Dapagorare Marĩpu yare sërẽbosagura musãrẽ koreburo, ãrĩgũ. ĩgũ musãrẽ maĩrĩ merã iãrĩ kerere buerã, õãrõ ããrĩrikurãkoa. Æmũrikũ ĩgũ turari merã musãrẽ ĩgũrẽ buremunemomakũ yãmi. Musãrẽ ĩgũyarãrẽ ããrĩpererãrẽ õãrĩrẽ sĩgũkumi ĩgũ iripoegue ãrĩderosũta.

33 Yũ musã merã ããrĩgũ, musãya niyerure, musãya surĩdere: "Yũre sĩka!" neõ ãrĩbiribu.

34 Yũ basi moãdea waja merã, yũ gããmerĩrẽ, yũ merãmarã gããmerĩdere bokabu. Irire õãrõ masĩa musã.

35 Marĩ moã wajatadea merã gajino opamerãrẽ iritamurõ gããmea. Ire musãrẽ iri ĩmubu: "Ãsũ iririkũka musãde!" ãrĩgũ. Marĩ Opũ Jesús ãrĩdeare gũñaka! Ãsũ ãrĩyupu: "Sugũ gajino sĩgũ gapũ ĩgũ sĩrĩrẽ ñeãgũ nemorõ usũyami", ãrĩ weremi Pablo Efeso marã Jesúre buremurãrẽ.

36 Irasũ ãrĩ odo, Pablo ĩgũsã merã ñadũkupuri merã ejamejã, Marĩpu yare sërẽmi.

37-38 Sërẽ odo: "Musã dupaturi neõ iãnemobirikoa yũre", ĩgũ ãrĩdeare gũñarã, buũro bujawereri merã dujama. Irasirirã

ããrĩpererã ãgũrẽ pábua, orema. Puru ãgũrẽ perague tũyabuajama gũa doódiru merã waamakũ ããtũyarã.

## 21

### *Pablo dupaturi Jerusalẽgue waadea*

<sup>1</sup> Gũa Efeso marãrẽ Jesúre bũremurãrẽ seretu odo, doódiru merã Cos wãikuri nũgũrõgue diaye waakõãbũ. Gajinu Rodas wãikuri nũgũrõrẽ taria, Pátara wãikuri makãgue ejabu.

<sup>2</sup> Irogue eja, doódiru Feniciague waaburidirure bokaja, iriru merã waabu doja.

<sup>3</sup> Waa, Chipre wãikuri nũgũrõrẽ tariarã, iri nũgũrõ kúgapu dujamakũ ããbũ. Irore taria, Siria nikũrẽ eja, Tiro wãikuri makãma perague ejabu. Irogue doódirure moãrã iriruma doebirire píma.

<sup>4</sup> Irogue eja, Jesúre bũremurãrẽ bokaja, su mojõma pere gaji mojõ peru pẽrẽbejarinũrĩ ãgũsã merã ããrĩbũ. ãgũsã Õãgũ deyomarĩgũ masĩrĩ sĩsũnerã ããrĩsĩã, Pabloure: “Jerusalẽgue waabirikõãka mũrẽ wẽjẽrĩ!” ãrĩ werema.

<sup>5</sup> ãgũsã irasũ ãrĩkeremakũ, su mojõma pere gaji mojõ peru pẽrẽbejarinũrĩ puru, waakõãbũ. Gũa waamakũ, ããrĩpererã Jesúre bũremurã, ãgũsã marãposã nome, ãgũsã pũrã iri makã tũrogue gũare ããtũyarã ejama. Irasirirã gũa ããrĩpererã ãgũsã merã perague buãa, iroma ãmparogue ãnadukũpuri merã ejamejãja, Marĩpũre sẽrẽbũ.

<sup>6</sup> Puru ãgũsãrẽ pábua seretu odo, doódiru merã waakõãbũ. ãgũsã gapu ãgũsãya wiirigue majãkõãma.

<sup>7</sup> Irasirirã gũa Tirore ããrãnerã waa, Tolemaida wãikuri makãgue ejabu. Irogue eja, Jesúre bũremurãrẽ õãdore, sunu ãgũsã merã ããrĩbũ.

<sup>8</sup> Gajinu gapu Pablo gũa merã maague waami, Cesarea wãikuri makãgue waagũ. Irogue eja, Felipe wãikũgu Jesúya kerere weregorenagũya wiigüe waa, ãgũ merã ããrĩbũ. Felipe Jesúre bũremurã su mojõma pere gaji mojõ peru pẽrẽbejarã baari guerenerã watope ããrĩdi ããrĩmĩ.

<sup>9</sup> Felipe pũrã wapikũrã nóome, marãpũ marĩrã nome ããrĩmã. ãgũsã Marĩpũ weredorederosũta ãgũya kerere wereturiarã nome ããrĩmã.

<sup>10</sup> Gũa irore yoaweyaripoe ããrãdero puru, Agabo wãikũgu Marĩpũya kerere weredupiyugu Judeague ããrãdi gũare ããgũ ejami.

<sup>11</sup> ãgũ gũa pũro eja, Pabloya yũjũwẽñarĩdare ãĩ, ãgũ basi ãgũya guburire, ãgũya mojõrĩrẽ suami. Sũa odo, gũare ããrĩmi:

—Ãsũ ããrĩmi Õãgũ deyomarĩgũ yũre: “Idare opagu Jerusalẽgue ejamakũ, mũ basi ida merã suaderosũta judío

masaka suarākuma ĩgūrē. Súa odo, judío masaka āārīmerārē ĩgūrē wiarākuma”, ārīmi yure, ārī weremi Agabo guare.

12 ĩgū irasū ārīmakū pérā, guā Cesarea marā merā Pablore: “Jerusalēguere waabirikōāka!” ārī werebu.

13 Pablo gapu guare ārīmi:

—¿Nasirimurā iropa ore, yure buro bujaweremakū yári? Jerusalēgue ĩgūsā yure sua, peresu irimakū ōārokoa. Marī Opu Jesúya kerere weredeā waja yu boamakū ōārokoa. Nērō yure āārīkeremakū waagura, ārīmi.

14 Irasirirā guā ĩgūrē: “Waabirikōāka!” ārānerā pirikōābu pama. Āsū ārību:

—Marī Opu ĩgū gāāmerōsūta iriburo, ārīkōābu.

15 Pupu guayare āmu, Jerusalēgue waakōābu.

16 Iroguē waamakū, gajirā Cesarea marā Jesúre buremurā guā merā waama. ĩgūsā merāmu Mnasón wāikugū Chipremu āārīdi, yoaripoe Jesúre buremugū āārīmí. Irasirirā Jerusalēgue eja, ĩgūya wiigūe ĩgū merā āārībá.

### *Pablo Santiagore ĩāgū ejadea*

17 Guā Jerusalēgue ejamakū, iro marā Jesúre buremurā usuyari merā bokatīrīma.

18 Gajinu Pablo guā merā Santiagore ĩāgū waami. ĩgū puruguere āārīpererā Jesúre buremurā oparā, nerēnerā āārīmá.

19 Pablo ĩgūsārē ōādore odo, judío masaka āārīmerārē āārīpereri Marīpu ĩgū merā irideare weremi.

20 ĩgū weremakū pérā, Marīpure: “Ōātaria mu”, ārī, usuyari sīma. Pupu āsū ārīma Pablore:

—Guayagu, ire ōārō masīa mu. Wārā judío masaka Jesúre buremukererā, āārīpererā: “Moisés doredearederi iriro gāāmea dapa”, ārīma.

21 Gajirā masaka āsū ārī werewuama murē: “ĩgū judío masaka āārīmerā āārīrōgue āārīgú, judío masaka iroguē āārīrārē Moisés doredeare iridorebemi. ĩgūsā pūrārē ĩgūsāya dupuma gasirogārē wiiridorebemi. Marī judío masaka iririkurire iridorebemi”, ārī werewuama.

22 ĩgūsā mu ōōrē ejayupu, ārīrī kerere pérā, nerē, murē turirākuma. Iro tamerārē, ¿nasirigukuri mu?

23 Āsū irika! Ōōrē wapikurā ūma āārīma. “Marīpure buremurā, āsū irirāra!” ārīnerā āārīma.

24 ĩgūsā merā Marīpuya wiigūe waaka! Mude ĩgūsā irirosūta irika! Moisés doredeare irirā waamurā yāma. Irasirigu Marīpu iūrōrē ĩgūsā iriri wajare wajaribosaka! Mu irasiridero puru, ĩgūsāya poarire wuadorerākuma. Mu irasirimakū ĩārā, āārīpererā masaka murē werewuadeare: “Ārīkatorā

iriñuma”, ãrĩrākuma. “Īgũde Moisés doredeare õãrõ irigu ããrĩmi”, ãrĩrākuma.

<sup>25</sup> Judío masaka ããrĩmerãrẽ Jesúre bũremurãrẽ gũa go-jadea pũrẽ iriusiabũ. Æsũ ãrĩ gojabũ: “Keori weadea pũro baari pĩdeare, waimurã wúnugũ biu wẽjẽanerãya díkuri díire baabirikõãka! Díre iiribirikõãka! Nome merã ñerõ iribirikõãka! Nomedede ùma merã ñerõ iribirikõãka!” ãrĩ gojabũ gũa, ãrĩma Pablöre.

*Marĩpũya wiigüe judío masaka Pablöre ñeãdea*

<sup>26</sup> Irasirigũ Pablo gajinũ gapũ wapikurã ùma merã Marĩpũ iũrõ Moisés doredeare irigu waayupũ. Pũrũ Marĩpũya wiigüe ñajãa, Pablo paíre ãrĩyupũ: “Su semana dũyãa, gũa Moisés doredeare iri odoburo. Gũa odorinũ ããrĩmakũ, gũakũ waimurã ejorãrẽ ãrĩrãkoa. Marĩpũ iũrõ ĩgũsãrẽ wẽjẽ soepeoka! ãrĩrã!” ãrĩyupũ.

<sup>27</sup> ĩgũsã Moisés doredeare iri odoburipoe Asia marã judío masaka Pablöre Marĩpũya wiigüe ããrĩgũrẽ iãñurã. Irasirirã gajirãrẽ iri wii ããrĩrãrẽ ĩgũ merã guamakũ iri, Pablöre ñeã, ãsũ ãrĩ gaguinĩñurã:

<sup>28</sup> —Gũayarã Israel bumarã, gũare iritamuka! Īĩta ããrĩmi, ããrĩpereroguerẽ marĩrẽ ñerõ ãrĩ werenĩgorenagũ. “Judío masaka ñegorama. Moisés doredea wajamãa. I wiide ñegorãa”, ãrĩ buegorenami masakare. Gajire griego masakare i wiigüe ãĩñajãgũ ñerõ irigu yãmi i wiire, ãrĩñurã.

<sup>29</sup> Pablo iro dupiyuro Trófimo merã makãgüe ããrĩmakũ iãnerã ããrĩsĩã, Pablo ĩgũrẽ Marĩpũya wiigüe ãĩñajãgũ irikumĩ, ãrĩ gũñañurã. Trófimo Efesomũ judío masakũ ããrĩbi ããrĩyupũ. Irasiro ĩgũnorẽ iri wiiguerẽ ñajãmasĩña marĩyuro.

<sup>30</sup> Pablöre weresã gaguinĩmakũ pérã, iri makã marã ããrĩpererã bũro guañurã. Irasirirã ùmañajãa, Pablöre ñeã tũãwiria, iri wii makãpũrorire mata biakõãñurã.

<sup>31</sup> ĩgũsã Pablöre wẽjẽmurã iriripoe gajirã surara opũguere wererã waañurã. ĩgũ pũrogue eja: “Ããrĩpererã Jerusalén marã nerẽ, bũro guari merã gaguinĩrã iriama”, ãrĩ wereñurã.

<sup>32</sup> ĩgũsã irasũ ãrĩmakũ pégu, surara opũ ĩgũyarã surarare, ĩgũsãrẽ dorerãdere siiu needõ, ĩgũsã merã Pablöre wẽjẽduarã pũrogue ùmawãgãyupũ. ĩgũsã ejamakũ iãrã, Pablöre pánerã piriñurã.

<sup>33</sup> Surara opũ Pablo pũrogue eja, ĩgũyarã surarare ĩgũrẽ ñeãdore, pe kũmeda merã suadoreyupũ. ĩgũsã sua odomakũ iãgũ, surara opũ masakare sãrẽñayupũ:

—¿Nĩno ããrĩrĩ ĩĩ? ¿Nasiriari, ĩgũ musã irasirimakũ? ãrĩ sãrẽñayupũ.

<sup>34</sup> Īgū irasū āřĩmakū, masaka gapu: “Āsū iriami”, āřĩ, gajirā gajirosū, gajirā gajirosū gaguinĩmirēkōāñurā. Īgūsā irasū gaguinĩmakū, surara opu neō diaye pēbiryupu. Irasirigu Īgūyarā surara āārĩřĩ wiigue Pablora āiadoreyupu.

<sup>35-36</sup> Īgūsā irogue Īgūrē āiāmakū ĩārā, wārā masaka: “Wējēkōāka Īgūrē!” āřĩ gaguinĩ, tuyañurā. Irasirirā surara Īgūsāya wii makāpuro mūrĩaro ejarā, Pablora āikōā mūrĩāñurā, masaka Īgūrē wējērĩ, āřĩrā.

*Pablo masakare: “Neō ñerō iribea yu”, āřĩ weredea*

<sup>37</sup> Iri wiigue eja, Īgūrē peresu irimurā iriripoe surara opu: —Yu, mu merā werenĩduakoa, āřiyupu.

Pablo griego ya merā werenĩmakū pégu, surara opu gapu āřiyupu:

—¿Mu griego yare masĩřĩ?

<sup>38</sup> ¿Sōō āārādi, Egiptomu meta āārĩřĩ mu? Īgū romano marā oparā merā gāmekēādudagu, wārā cuatro mil wējērĩmasārē siiu neō, masaka marĩrogue āiayupu. ¿Īgū meta āārĩřĩ mu?

<sup>39</sup> Īgū irasū āřĩmakū pégu, Pablo yujuyupu:

—Yu, Īgū meta āārā. Judío masakū āārā. Tarso, Cilicia nikū āārĩřĩ makā deyoabu. Ubu āārĩřĩ makāmu āārĩbea. Irasirigu mūrē sērēa. Īsā masaka merā werenĩdoreka yure! āřiyupu.

<sup>40</sup> Īgū irasū āřĩmakū pégu, surara opu: “Jámu, werenĩka!” āřiyupu. Irasirigu Pablo mūrĩrogue mūrĩnugā, Īgūya mojō merā masakare toeburo, āřīgū, irikeoyupu. Īgū irasirimakū ĩārā, toekōāñurā. Īgūsā toemakū, Pablo hebreo ya merā wereyupu Īgūsārē:

## 22

<sup>1</sup> —Yaarā, yu irideare musārē weremakū, oārō péka! āřiyupu Pablo.

<sup>2</sup> Īgū hebreo ya merā werenĩmakū pérā, masaka toepereakōāñurā. Irasirigu Pablo Īgūsārē āsū āřĩ wereyupu:

<sup>3</sup> —Yu judío masakuta āārā. Cilicia nikū Tarso wāikuri makāgue deyoabu. Iro deyoadi āārĩkeregu, oō Jerusalén masābu. Gamaliel wāikugu buemi yure. Irasirigu marĩ ñekūsāmarārē Moisés doreri pídeare oārō masāa. Irasirigu musā ĩirosūta yude Marĩpu doredeare oārō yāa.

<sup>4</sup> Iripoeguere Jesúre bremurārē ñerō iriunabu. Surāyerire wējēdorebu. Ūmarē, nomedere ñeā, peresu iriunabu.

<sup>5</sup> Paía opu, āārĩpererā judío masaka oparā yu āārĩřĩrē: “Irasūta iriunami”, āřĩ weremasāma musārē. Īgūsāta yure su pū gojabosama marĩyarā Damasco marārē Jesúre bremurārē ñeādorerā. Irasirigu iri pū merā Jesúre bremurārē ñeāgū waadibu, oō Jerusalēgue Īgūsārē āija peresu iribu.

*Pablo ĩgũ Jesúre bũremunugãdeare weredea*

<sup>6</sup> Goeripoe ããrĩmakũ, yũ Damascogue ejabu iriripoe gũñaña marĩrõ ãmũgasi bũro kũmijũrõ yũ pũrore gosesiribu.

<sup>7</sup> Irasũ waamakũ, yebague meémejã, pũrũ ãsũ ãrĩ werenĩmakũ pébu. “Saulo, ¿nasirigu yũre ñerõ yári mũ?”

<sup>8</sup> ĩgũ irasũ ãrĩmakũ pégu: “¿Noã ããrĩrĩ mũ?” ãrĩ sērēñabu. ĩgũ gapũ: “Yũ, Jesús Nazaretmũ mũ ñerõ iriguta ããrã”, ãrĩmi yũre.

<sup>9</sup> Yũ merã ããrĩnerã iri gosesiririre ĩãgũkakõãma. Irire ĩãkererã, Jesús yũre werenĩmakũ pébirima.

<sup>10</sup> Pũrũ: “Yũ Opũ, ¿nasirigukuri yũ?” ãrĩ sērēñabu ĩgũrẽ. ĩgũ yũre yũjũmi: “Wãgãnũgã, Damascogue waaka! Irogue sugũ ããrĩpereri yũ mũrẽ iridoreburire mũrẽ weregũkumi”, ãrĩmi.

<sup>11</sup> Bũro kũmijũrõ waadea yaa koyere neõ deyomarĩmakũ irikubũ. Irasirirã yũ merãmarã yaa mojógue ñeã, Damascogue ãĩãma.

<sup>12</sup> Yũ iro ejadero pũrũ, Ananías wãikũgũ, Marĩpũre bũremugũ, Moisés doredeare õãrõ irigu yũre ĩãgũ ejami. ĩgũ iro marã judío masaka ããrĩpererã bũremugũ ããrĩmi.

<sup>13</sup> ĩgũ yũ pũro ejanũgãja: “Yaagu Saulo, mũ dupaturi koye ĩãgũkoa doja”, ãrĩmi. ĩgũ irasũ ãrĩmakũta, dupaturi ĩãbu doja. Irasirigu Ananías yũ pũro nĩmakũ õãrõ ĩãbu.

<sup>14</sup> Yũ ĩãmasĩadero pũrũ, yũre ãrĩmi doja: “Iripoegue Marĩpũ marĩ ñekũsãmarã bũremudi mũrẽ beyesiadi ããrĩmi, ĩgũ dorerire õãrõ iribure, ĩgũ magũrẽ ñerĩ opabire ĩãbure, ĩgũ werenĩrĩrẽ pébure.

<sup>15</sup> Irasirigu ããrĩpererã masakare mũ ĩãdeare, mũ pédeare weregorenagũkoa.

<sup>16</sup> Dapagorare yoaripoe yũbirikõãka! Wãgãnũgã, deko merã wãiyedoreka, mũ marĩ Opũ Jesúre bũremurĩrẽ ĩmugũ! Marĩpũre: ‘Jesúre bũremua, irasirigu yũ ñerõ irideare kãtika!’ ãrĩ sērẽka, mũ ñerõ irideare kãtiburo, ãrĩgũ!” ãrĩmi Ananías yũre.

*Pablo judío masaka ããrĩmerãrẽ Marĩpũ ĩgũrẽ buedoredeare weredea*

<sup>17</sup> Pũrũ Damascogue ããrãdi i makã Jerusalẽgue dujajagu, Marĩpũya wiigue ĩgũrẽ sērẽgũ waabu. Irogue kěrõ irirosũ waarĩre ĩãbu.

<sup>18</sup> Irogue Jesús yũre deyoa, weremi: “Jerusalén marã yaare mũ weremakũ péduabema. Irasirigu murĩgora gajirogue waaka!” ãrĩmi.

<sup>19</sup> ĩgũ irasũ ãrĩmakũ pégu, ĩgũrẽ ãrĩbu: “Yũ Opũ, Jerusalén marã yũ irideare õãrõ masĩma. Yũ judío masaka nerẽrĩ wiirigue ããrĩrãrẽ mũrẽ bũremurãrẽ ñeã pá, peresu iribu.

<sup>20</sup> Mũya kerere weredi Estebãrẽ ĩgũsã wẽjẽmakũ, ĩgũrẽ wẽjẽrãya surĩ wekamarẽ korebosabu. ‘Õãrõ irirã, wẽjẽma’, ãrĩ gũñabu”, ãrĩ werebu yũ Opũre.



21 Y<sub>H</sub> irasũ āřĩmakũ pégu, y<sub>H</sub> Op<sub>H</sub> weremi: “Yoarogue waaka! Judío masaka āārĩmerārē buedoregu iriugura mūrē”, āřĩmi, āřĩ wereyup<sub>H</sub> Pablo ĩgūsārē.

*Surara op<sub>H</sub> Pablo merā werenídea*

22 Pablo: “Y<sub>H</sub> Op<sub>H</sub> Jesús judío masaka āārĩmerārē buedoregu iriugura”, āřĩřrē pérā, buro guari merā gaguinĩnurā:

—Dapagorare ĩ āārĩnemobirikōāburo. Dapagorata boaburo, āřĩ gaguinĩnurā.

23 Irasũ āřĩ gaguinĩrā, ĩgūsāya surí wekamarē wějāsiri, nikūwera merā meésiriñurā.

24 Irasirimakũ ĩāgũ, surara op<sub>H</sub> ĩgūyarārē Pablöre ĩgūsāya wiigue āĩñajāadoreyup<sub>H</sub>. Pablöre: “¿Nasirirā masaka mūrē guari merā gaguinĩrĩ?” āřĩ masĩduagu ĩgūrē tārādoreyup<sub>H</sub>.

25 Irasirirā ĩgūrē sua, tārāmurā iriripoe Pablo gap<sub>H</sub> ĩgũ p<sub>H</sub>ro nĩgūrē surarare doregure āřiyup<sub>H</sub>:

—Y<sub>H</sub> romano marāya nikūm<sub>H</sub> āārā. Irasirirā weresārĩrē beyerimasũ y<sub>H</sub>re: “Āsũ iriami ñerō irigũ”, āřĩ weresābirikeremakũ, ubugorata tārāmasĩbea musā y<sub>H</sub>re, āřiyup<sub>H</sub>.

26 ĩgũ irasũ āřĩmakũ pégu, surarare doregu ĩgũ op<sub>H</sub>re weregu waayup<sub>H</sub>:

—Ōārō pémasĩka! “Romano marāya nikūm<sub>H</sub> āārā y<sub>H</sub>”, āřĩmi. Irasirigũ ñerō iribirikōāka ĩgūrē! āřiyup<sub>H</sub>.

27 ĩgũ irasũ āřĩmakũ, surara op<sub>H</sub> Pablöre sērēñagũ waayup<sub>H</sub>:

—¿Diayeta romano marāya nikūm<sub>H</sub> āārĩrĩ m<sub>H</sub>? Werekā y<sub>H</sub>re! Pablo gap<sub>H</sub> ĩgūrē:

—Īgũta āārā, āřĩ y<sub>H</sub>nyup<sub>H</sub>.

28 Surara op<sub>H</sub> ĩgūrē āřiyup<sub>H</sub>:

—Y<sub>H</sub> romanom<sub>H</sub> āārĩduagu wáro niyeru wajarib<sub>H</sub>.

Pablo ĩgūrē āřiyup<sub>H</sub> doja:

—Y<sub>H</sub> tamerā romanoma makāgue deyoabu. Irasirigũ deyoagũgueta romanom<sub>H</sub> āārĩdi āārā y<sub>H</sub>.

29 ĩgũ irasũ āřĩmakũ pérā, ĩgūrē tārāboanerā güi wiriakōāñurā. Surara op<sub>H</sub>de Pablo romanom<sub>H</sub> āārĩřrē pégu, kōmedari merā ĩgūrē sua tārādoreadeare güñagũ, güiyup<sub>H</sub>.

*Pablo judío masaka oparā p<sub>H</sub>ro āārĩdea*

30 Irasirigũ gajinũ gap<sub>H</sub> judío masaka Pablöre weresādeare masĩduagu, paía oparārē, gajirā āārĩpererā judío masaka oparārē siiu neeoyup<sub>H</sub>. ĩgūsā nerēmakũ ĩāgũ, Pablöre ĩgūsā sua dea kōmedarire kura, āĩ, ĩgūsā ĩūrō doboyup<sub>H</sub>.

## 23

1 Pablo judío masaka oparārē ĩābokatiñunugāja, āsũ āřiyup<sub>H</sub>:

—Yaarā, y<sub>H</sub> okaro bokatiūrō Marĩp<sub>H</sub> ĩūrō ōārō āārĩrikua, āřĩ péñāa. Irasirigũ güñarikuro marĩrō āārĩkōāa.

<sup>2</sup> Īgũ irasũ ārĩmakũ pégu, paía opu Ananías Pablo werenírĩrẽ péduabi Īgũ puo āārĩrãrẽ Īgũya disire pádoreyupu.

<sup>3</sup> Irasirigu Pablo Ananíare āsũ ārĩyupu:

—Marĩpu murẽ wajamoāgukumi gajirãrẽ mu yure pádoreri waja. Mu irikatorikugũ āārã. Yure: “Moisés doredeare tarinugãa”, ārĩ ĩākeregu, mu gapu iri dorerire tarinugãa, gajirãrẽ yure pádoregu, ārĩyupu.

<sup>4</sup> Irasũ ārĩmakũ pérã, iro āārĩrã āsũ ārĩñurã Pablöre:

—Ñerõ ārĩ werenibirikõaka paía opure Marĩpu beyedire!

<sup>5</sup> Īgũsã irasũ ārĩmakũ pégu, Pablo ārĩyupu doja:

—Yaarã, yu masĩbirakubu Īgũ paía opu āārĩrĩrẽ. Masĩgũ irasũ ārĩbiriboakuyo. Marĩpuya werenĩrĩ gojadea pũguere: “Musãya makã marã opure ñerõ ārĩ werenibirikõaka!” ārĩ gojasũdero āārĩbũ.

<sup>6</sup> Irogue āārĩrã: Saduceo bumarã, gajirã fariseo bumarã āārĩñurã. Irasirigu Īgũsãrẽ ĩāgũ, Pablo busuro werenĩyupu:

—Yaarã, yude fariseota āārã. Fariseo bumũ magũta āārã. Irasirirã masaka boanerã masārĩrẽ yu buremurĩ waja yure wajamoāduakoa, ārĩyupu.

<sup>7</sup> Īgũ boanerã masārĩrẽ weremakũ pérã, fariseo, saduceo bumarã merã gãme guaseonugãñurã. Irasirirã iri wiigue suro merã āārãnerã āārĩkererã, gãme dukawariakõñurã.

<sup>8</sup> Saduceo bumarã: “Masaka boanerã masābirikuma. Marĩpũre wereboerã marĩkuma. Masaka boanerã yujpũrãrĩde marĩkoa”, ārĩ wererã āārĩñurã. Fariseo bumarã gapu āārĩpereri irimarẽ buremurã āārĩñurã.

<sup>9</sup> Irasirirã irimarẽ gãme guaseo, buro gaguinĩnugãñurã. Irasirirã surāyeri fariseo bumarã Moisés doredeare buerimasã wāgānugã, wereñurã:

—Masaku boadi, o Marĩpũre wereboegu diayeta ĩĩ merã wereniakumi. Irasirirã Īgũrẽ ñerõ iriami, neõ ārĩmasĩbea. Īgũrẽ wajamoārã, Marĩpũre ñerõ irirã iribukõaa marĩ, ārĩñurã.

<sup>10</sup> Īgũsã buro gaguinĩmakũ ĩāgũ, surara opu gapu Pablöre gũisāyupu. “Īgũrẽ ñeã, tũāwějāsiribéokõābukuma”, ārĩgũ, Īgũyarã surarare: “Pablöre āĩaka, dupaturi marĩ āārĩrĩ wiigue!” ārĩ iriyupu.

<sup>11</sup> Iri ñamita marĩ Opu Jesús Pablöre deyoa, wereyupu:

—Gũnaturaka! Gũibirikõaka! I makã Jerusalén marãrẽ yaa kerere wereaderosũta Roma marãdere weregu waaka! ārĩyupu.

### *Judío masaka Pablöre wějēduadea*

<sup>12</sup> Gajĩnu gapu surāyeri judío masaka Pablöre wějēduarã nerẽ, āsũ ārĩñurã:

—Dapagã merã neõ baabiri, iiribirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo, ãrĩñurã.

13 Irasũ ãrĩ werenírã cuarenta nemorõ ããrĩñurã.

14 Pũrũ paía oparã, gajirã judío masaka oparã pũrogue wererã waañurã:

—“Dapagã merã neõ baabirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo”, ãrãbũ, ãrĩñurã.

15 Irasirirã musã, musã merãmarã oparãde ãrĩkatori merã kere iriuka surara opũguere! “Ñamigã Pablöre dupaturi ìgũ irideare weremakũ péduakoa”, ãrĩka ìgürẽ! Surara opũ iri kerere pégu, Pablöre õõgue ãiwãgãridoregukumi. Irasirirã maague yúrã, ìgũ õõrẽ ejaburo dupiyuro ìgürẽ wějẽmurã, ãrĩñurã.

16 Pablo tĩgõ magũ gapũ ìgũsã irasũ ãrĩ werenímakũ péyupũ. Irasirigũ Pablöre surara ããrĩrĩ wiigüe ããrĩgürẽ weregũ waayupũ.

17 Pablo irire pégu, sugũ surarare siiu wereyupũ:

—Ĩr maamũ mũ opũre gajino weredũayupũ. Irasirigũ ìgũ pũrogue ãĩaka! ãrĩyupũ.

18 Ìgũ irasũ ãrĩmakũ pégu, surara Pablo tĩgõ magürẽ ìgũ opũ pũrogue ãija, ãrĩyupũ:

—Pablo peresugüe ããrĩgũ yũre ĩr maamũrẽ mũ pũro iriuami. Ìgũ mũrẽ gajino weregũ aarigũ iriami, ãrĩyupũ.

19 Ìgũ irasũ ãrĩmakũ pégu, surara opũ maamũrẽ ìgũya mojõrẽ ñeã tũãwãgã, masaka péberogue sërẽñayupũ:

—¿Naásũ ãrĩbu iriari mũ yũre?

20 Maamũ gapũ ìgürẽ ãrĩyupũ:

—Judío masaka oparã mũrẽ ìgũsã pũrogue Pablöre ãĩadorerãkuma. Mũrẽ ãsũ ãrĩ wereníama: “Ñamigãrẽ dupaturi Pablöre sërẽñaduakoa ìgũ irideare õãrõ masĩmurã”, ãrĩkatorãkuma.

21 Irasirigũ ìgũsãrẽ yũjubirikõãka! Ëma cuarenta nemorõ maague Pablöre wějẽmurã duriri merã yúsíama. “Dapagã merã neõ baabirikõãrã! Ìgürẽ wějẽmerã ñamerãta boarã! Ìgürẽ wějẽbirimakũ, Marĩpũ marĩrẽ wajamoãburo”, ãrãma, ãrĩ wereyupũ maamũ surarã opũre.

22 Ìgũ irasũ ãrĩmakũ pégu, surara opũ gapũ:

—Waaka doja! Irire gajirãrẽ neõ werebirikõãka! ãrĩyupũ ìgürẽ.

*Surara opũ Pablöre Félix pũrogue iriudea*

23 Maamũ waadero pũrũ, opũ pẽrã ìgũyarã surarare dorẽrẽ siiu wereyupũ:

—Yaarã surarare doscientos gubu merã waamurãrẽ, setenta caballu weka peyamurãrẽ, doscientos sareri yuku oparãdere Cesareague waamurãrẽ ãgũsãyare ãmudorerã waaka! ãgũsã ãmu odomakũ, dapagã ñami nueve ããrĩmakũ, ãgũsãrẽ siiuaka!

<sup>24</sup> Pablo peyamurã caballuadere ãmubosaka! Irasirigu õãrõ waagukumi. Õãrõ pírá waaka, ãgũrẽ opu Félix puro Cesareague! ãrĩyupu surara opu ãgũ dokamarãrẽ.

<sup>25</sup> Irasũ ãrĩ odo, Félire su papa pũ ãsũ ãrĩ gojayupu:

<sup>26</sup> Yu, Claudio Lisias, murẽ opu Félire yu buremugãrẽ õãdorea.

<sup>27</sup> Judío masaka ñi Pablo wãikugure ñeã, wẽjẽadima. ãgũ romano marã nikũmu ããrĩrĩrẽ masĩgũ, yu gapu ãgũrẽ ãgũsã wẽjẽoadire yaarã surara merã wijatagu ejabu.

<sup>28</sup> Irasirigu ãgũrẽ ãgũsã weresãdeare masĩduagu judío masaka oparã puro ãjjabu.

<sup>29</sup> Judío masakaya doreri ditare ãgũ tarinugãdea waja ãgũsã weresãmakũ pégu, ãgũrẽ peresu iribiribu. Ñeéno waja wẽjẽmasiña marĩbu ãgũrẽ.

<sup>30</sup> Irasirigu judío masaka ãgũrẽ wẽjẽkõãrã, ãrĩrĩ kerere pégu, mu purogue iriua. ãgũrẽ weresãnerã mu purogueta waa, murẽ weresãrã waaburo, ãrĩbu ãgũsãrẽ. Iropata ããrã, ãrĩ gojayupu surara opu Félire.

<sup>31</sup> Irasirirã surara ãgũsã opu doreaderosũta iri ñami merã Pablora Antípatris wãikuri makãgue ããñũrã.

<sup>32</sup> Gajinu gapu surara gubu merã waanerã iro merãta ãgũsã ããrĩrĩ wiigue gãme dujãakõãñũrã. Caballua weka waanerã dita Pablora Cesareague ãñ tariañũrã.

<sup>33</sup> Puru Cesareague Pablora ãñja, surara opu ãgũ iriudea pũrẽ Félire wiañũrã. Irasirirã Pablora Félix purogueta píköãñũrã.

<sup>34</sup> Félix iri pũrẽ bueña odo, ãsũ ãrĩ sãrẽñayupu:

—¿Díi nikũmu ããrĩrĩ ñi?

—Cilicia nikũmu ããrĩmi, ãrĩ yujũñũrã.

<sup>35</sup> Félix Pablora ãrĩyupu:

—Murẽ weresãnerã õõrẽ ejamakũ, mu wererire pégu, ãrĩyupu.

Irasũ ãrĩ odo, opu Herodes daguya wiigue Pablora pí, ãgũyarã surarare koredoreyupu.

## 24

*Pablora Félix ñũrõ weresãdea*

<sup>1</sup> Su mojõma nurĩ tariadero puru, paía opu Ananías Cesareague waayupu. ãgũ merã gajirã judío masaka oparã,

gajigu masakare wereníbosarimasū Tértulo wāikugude opu Félire Pablöre weresārā waañurā.

<sup>2</sup> Pablöre ĩgūsā nerērōgue āĩjamakū, Tértulo ĩgūrē Félire āsū āĩ weresānugāyupū:

—Gua opu, wári masĩrĩ merā guare i nikū marārē doregu āārā mū. Mū doreri merāta i nikū ōārĩ gorawayuro yāa. Gāmekēārō marĩrō ōārō āārĩkōāa.

<sup>3</sup> Irasirirā gua āārĩperero marāgue mū merā ōārō usuyāa.

<sup>4</sup> Yoaripoe mū merā wereníbirikoa. Irasirigu yū mū merā mérōgā werenímakū péka dapa!

<sup>5</sup> Gua ire weredukakoa murē. ĩ Pabło wāikugu guare garibotarimi. Āārĩpereri nikūgue judío masakare guari merā gaguinĩ, ĩgūsā basi gāme dukawarimakū irigorenami. “Nazarenos” wāikuri bumará opu āārĩmi.

<sup>6</sup> Marĩpuya wiire ĩgū ñerō iridukamakū ĩārā, ĩgūrē peresu irimurā ñeābū, gua judío masakaya dorerire ĩgū tarinugārĩ waja ĩgūrē wajamoāduarā.

<sup>7</sup> Gua irasiridukamakū ĩāgū, surara opu Lisias wāikugu gapū gua puro eja, ĩgūrē turaro merā ēmakōāmi.

<sup>8</sup> Puru Lisias, gua ĩgūrē weresānerārē mū purogue iriuami. ĩgū irasū ārĩmakū pérā, ōōgue aarabū. Mū basita ĩgūrē sērēñagū, āārĩpereri gua ĩgūrē weresārĩrē diayeta ārĩma, ārĩgukoa, ārĩyupu Tértulo Félire.

<sup>9</sup> Gajirā judío masaka iro āārĩrāde: “Tértulo diayeta wereními”, ārĩñurā.

<sup>10</sup> ĩgūsā irasū ārĩmakū pégu, opu Félix Pablöre mojō merā irikeo, weredoreyupū. Pabło ārĩyupu ĩgūrē:

—Wári bojori i nikū marārē mū dorerire ōārō masĩa yū. Irasirigu yaamarē usuyari merā murē weregura.

<sup>11</sup> Pe mojōma pere su gubu peru pērēbejarinurĩta taria, yū Jerusalēgue Marĩpure bñremugū ejadero purū. Irire diaye masidugū, gajirārē sērēñaka!

<sup>12</sup> Yū iri makāgue āārĩmakū, yūre weresānerā yū gajirā merā guaseomakū neō ĩābirama. Marĩpuya wiire, judío masaka nerēĩ wiiriguedere, noó gajiro iri makā marārē gua gaguinĩmakū iribirabū.

<sup>13</sup> Irasirirā yūre weresānerā: “Āsū iriami, irasirigu waja opami”, ārĩmasībema.

<sup>14</sup> Murē gaji gapure weregura. Gua ñekūsāmarā Marĩpure, Moisés doreri pídeare, Marĩpuya kerere weredupiyunerā gojadeare bñremuderosūta yū bñremua. Irire bñremukeregu, Jesús buedeaderē bñremua. Yūre weresānerā: “Jesús bueada ārĩkatori āārā”, ārĩ wereníma.

<sup>15</sup> ĩgūsā: “Marĩpū āārĩpererā masaka boanerārē ōārārē, ñerādere masūgukumi”, ārĩ gūñarōsūta yude gūñāa.

16 Irasirigu yu Marĩpu ãũrõ, masaka ãũrõdere yu turaro bokatiũrõ õãrõ iridũakoa.

17 'Yaa makã Jerusalêrê yu wiriadero puru, wári bojori gajirogue naagorena, puru irogueta dujãabu. Irogu eja, yaarã boporãrê niyeru sãgũ ejabu. Irogu ããrĩgũ, Marĩpu ãũrõ waibũre soepeodũadibu ãgũrê bũremugũ.

18 Marĩpũya wiigüe waa, ãgũ ãũrõ Moisés doredeare yu iriripoe judío masaka Asia marã yũre bokajama. Yũ merã gajirã masaka mérãgã ããrĩmã. Neõ ãgũsãrê gua gaguinĩmakũ iribiribu.

19 Judío masaka Asia marã yu Marĩpũya wiigüe irideare ããnerã, yũre: “Ñerõ iriami”, ãrĩ weresãdũarã, õõgüe mu ãũrõgüe weresãrã aariburo.

20 ãgũsã aaribirimakũ, judío masaka oparã õõgüe ããrĩrã yu ãgũsã oparãrê wereadeare péanerã: “Ãsũ ããrã”, ãrĩ weresãdũarã, weresãburo.

21 I tamerãrê yũre weresãmasĩma. Yũ ãgũsã merã ããrĩgũ, bũro turaro merã: “ ‘Boanerã masãrãkuma’, ãrĩdea waja yũre wajamoãdũakoa”, ãrĩbu ãgũsãrê, ãrĩ weryupũ Pablo Félire.

22 ãgũ irasũ ãrĩmakũ pégu, Félix gapũ Jesúre bũremurã iririkũire õãrõ masĩsã, ãsũ ãrĩyupũ Pablõre:

—Iropata pégũra. Surara opu Lisias ejadero puru, mũgẽ yu iriburire weregũakoa, ãrĩyupũ.

23 Irasũ ãrĩ odo, Pablõre koregũre: “Peresugüe õãrõ koreka ãgũrê! Iri wiigueta naãa ããrĩkõãburo. ãgũ merãmarã ãgũrê iritamudũamakũ kãmutabirikõãka!” ãrĩyupũ.

24 Yoaweyaripoe tariadero puru, Félix ãgũ marãpo judío masako Drusila wãikũgo merã eja, Pablõre ãiridoreyupũ, Jesucristore ãgũ bũremurĩrê weremakũ pédũarã.

25 Pablo ãgũsãrê ãsũ ãrĩyupũ: “Marĩpu masakare diayemarê irimakũ, ãgũsã basi ñerõ iridũarire iribirimakũ gããmemi. I ãmũ peremakũ, Marĩpu ããrĩpererã ñerãrê wajamoãgũkumi”, ãrĩ weremakũ, Félix gapũ pégũka, gũi, “Waaka!” ãrĩyupũ ãgũrê:

—Gajipoe yũre gajino moãrĩ marĩmakũ siugũra doja marê, ãrĩyupũ.

26 Félix irasũ ãrĩkeregũ: “Pablo yũre niyeru sĩburo”, ãrĩgũ, ãgũ merã werenĩgũ wári ãgũrê siunayupũ. “Gajipoe irigu niyeru sĩmakũ ãgũrê wiubukoa”, ãrĩ gũñadiyupũ.

27 Pe bojori puru, Porcio Festo wãikũgũ Félire gorawayugũ, opu ñajãyupũ. Irasirigu Félix gapũ ãgũ opu ããrĩrĩrê wirigu, judío masaka merã õãrõ ããrĩdũagũ, Pablõre peresugũeta ããrĩdorekõãyupũ dapa.

<sup>1</sup> Ʋrenu ĩgũ opu ăărĩrĩ ñajădero puru, Festo Cesareague ăărădi, Jerusalėgue waayupu.

<sup>2</sup> ĩgũ iroque ejadero puru, paia opară, gajiră judío masaka opară Pablöre ĩgũsă weresădeare Festoguere wereră waañură.

<sup>3</sup> ĩgũ puro eja, turaro meră: “Guare iritamuka! Pablöre ăă Jerusalėgue ăăridoreka!” ărĩ sěrėñañură. ĩgũsă ĩgũrė maague aarigũre: “Wějėkăără!” ărĩ ămuyusiadiñură.

<sup>4</sup> Festo gapu ĩgũsărė yujuyupu:

—Pablo Cesareague peresu ăărĩmi dapa. Měrôgă puru iroque goedujăagukoa doja.

<sup>5</sup> Pablo ñerô iririkugu ăărĩmakũ ĩără, musă opară Cesareague yu merăta waa, ĩgũrė weresără waaburo, ărĩyupu.

<sup>6</sup> Irasirigu Festo su semana pere, gaji semana urenu waarô meră Jerusalėgue ăărădi Cesareague goedujăakăăyupu. ĩgũ dujajadero puru, gajinu gapu weresărĩrė beyeri wiigue waayupu. Iro eja, opu doarogue doa, Pablöre ăăridoreyupu.

<sup>7</sup> Pablo iroque ejamakũ ĩără, judío masaka Jerusalén meră aaraneră ĩgũ puro waa ejanugă, ĩgũrė wări ñerĩ weresădiñură. Irasũ ărĩ weresăkereră: “Ăsũ irimakũ ĩăbu”, neô ărĩmasĩbiriñură.

<sup>8</sup> Puru Pablo ĩgũ irideare wereyupu:

—Judío masaka dorerire, Marĩpuya wiima dorerire, romano mară opu doreridere neô tarinugăbiribu yu, ărĩyupu.

<sup>9</sup> Festo gapu judío masaka meră ôărô ăărĩdugũ, Pablöre sěrėñayupu:

—¿Jerusalėgue waadukuri? Iroque mu irideare yure weremakũ, ĩgũsă mure weresădeare weremakũ pėdukoo, ărĩyupu.

<sup>10</sup> ĩgũ irasũ ărĩmakũ, Pablo yujuyupu:

—Yu ôô romano marărė weresărĩrė beyerogue ăărĩsiăa. Irasirigu Jerusalėguere waadukabirikoo. Ôôta yure irire beyero găămea. Judío masakare neô ñerô iribiribu. Mu irire ôărô masĩkoa.

<sup>11</sup> Yu ñerô iridi tameră: “Yure wějėbirikăăka!” ărĩbiriboakuyo. ĩgũsă yure ărĩkatori meră weresădea ăărĩmakũ, neô sugu opuguerere wiamasĩña maa. Yu irideare romano mară opure beyemakũ găămekoo, ărĩyupu Pablo Festore.

<sup>12</sup> ĩgũ irasũ ărĩmakũ pėgu, Festo ĩgũ merămară meră wereni odo, Pablöre ărĩyupu doja:

—Mu irideare romano mară opure weredukamakũ, ĩgũ purogue iriugura mure, ărĩyupu.

*Pablo, opu Agripare werede*

<sup>13</sup> Yoaweyaripe puru Festo opu ñajădero puru, Judea mară opu Agripa wăikugu, ĩgũ tĩgô Berenice meră Cesareague Festore ôădoreră waañură.

14 Agripa irore yoaripoe ããrĩmakũ, Festo Pablöre ĩgũsã irideare wereyupũ ĩgũrẽ:

—Õörẽ sugũ ããrĩmi Félix peresu iridi.

15 Yũ Jerusalẽgue ããrĩmakũ, paía oparã, gajirã judío masaka oparã ĩgũrẽ yũre weresãrã ejama. “Īgũ ñerõ iridea waja wẽjẽdoreka!” ãrĩ sërẽma yũre.

16 Yũ gapũ: “Gũa romano marã ubugorata gajirãrẽ neõ wẽjẽdorebea. Irasirirã sugũ masakũre weresãnerã ĩgũsã weresãdi merã weresãrĩrẽ beyerimasũ ĩũrõ gãme werenĩbirikererã: ‘Wẽjẽkõãka!’ ãrĩmasĩbema”, ãrĩ yũjubũ.

17 Irasirigũ ĩgũrẽ weresãnerã yũ merã õõgue ĩgũsã ejadero pũũ, yooboro marĩrõ gajinũ gapũ weresãrĩrẽ beyeri wiigue waabũ. Iro eja, opũ doarogue doa, ĩgũsã weresãdire ãĩridorebũ.

18 Īgũ yũ pũro ejamakũ ĩãrã, ĩgũrẽ weresãnerã wãgãnuãgãma. Īgũsã wãgãnuãgãmakũ ĩãgũ: “Īgũ ñerĩ irideare wári weremurã yáma”, ãrĩ gũñadibũ. Īgũsã gapũ: “Īgũ ñerĩ irimakũ ĩãbũ”, ãrĩ neõ weremasĩbirima.

19 Judío masaka bũremurĩ ditare weresãma. “Jesús wãĩkũgũ boa, pũũ masãdi ããrĩmĩ”, ĩgũ ãrĩdea waja weresãma ĩgũrẽ.

20 Nasirimasĩbirisĩã, ĩgũrẽ sërẽñabu: “¿Jerusalẽgue mude yũ merã waadũakuri? Iroque yũ merã waasĩã, mũ irideare wereaso yũre”, ãrĩbũ ĩgũrẽ.

21 Yũ irasũ ãrĩmakũ pégũ: “Iroguere waadũabirikoa, Romano marã opũ gapũre yũ irideare weregũ waadũakoa”, ãrĩmi. Irasirigũ yũ gapũ ĩgũrẽ õõta píkõãbũ dapa. “Yũ mũrẽ iriumakũ, romano marã opũ Augusto pũro waagũkoka mũ”, ãrĩbũ ĩgũrẽ, ãrĩ wereyupũ Festo Agripare.

22 Agripa Festore ãrĩyupũ:

—Yũde ĩgũ weremakũ péduakoa.

—Jãũ, ñamigãta ĩgũrẽ pégũkoka mũ, ãrĩyupũ.

23 Gajinũ gapũ Agripa, ĩgũ tĩgõ Berenice merã iri makã marã nerẽrĩ taribugue waañurã. Iroque ñajãrã, oparã sãñarĩ suri merã ñajãñurã. Gajirã surara oparã, iri makã marã oparãde ĩgũsã merã ñajãñurã. Īgũsã nerẽadero pũũ, Festo Pablöre ãĩridoreyupũ.

24 Pablo ĩgũsã pũroque ñajãjamakũ, Festo iro ããrĩrãrẽ ãrĩyupũ:

—Opũ Agripa, ããrĩpererã i taribugue nerẽanerã õãrõ péka yũre! Wãrã judío masaka Jerusalén marã, i makã marãde ĩrẽ weresãma yũre. “Wẽjẽkõãka ĩgũrẽ!” ãrĩ gaguinĩma.

25 Īgũsã irasũ ãrĩkeremakũ, yũ gapũ ĩgũsã ĩgũrẽ wẽjẽrõ gããmea, ãrĩrĩ wajare bokabiribũ. Irasirigũ opũ Augustore ĩgũ irideare weregũ waadũakoa, ãrĩmakũ: “Īgũ pũroque iriugũra”, ãrĩ gũñabu.



<sup>26</sup> Y<sub>H</sub> gap<sub>H</sub> ĩgūrē ĩgūsā weresādeare ōārō masĭbirisĭā, op<sub>H</sub> Augustore irimarē gojabirib<sub>H</sub> dapa. Irasirig<sub>H</sub> ĩgūrē āĭridoreab<sub>H</sub>, ĩgū irideare m<sub>H</sub>sā péuro weredoreg<sub>H</sub>. Op<sub>H</sub> Agripa, ĩgū irideare weremakū m<sub>H</sub> péadero p<sub>H</sub>r<sub>H</sub>, ĩgūrē sērēña, p<sub>H</sub>r<sub>H</sub> y<sub>H</sub> ōārō go-jag<sub>H</sub>koa pama marĭ op<sub>H</sub> Augustore.

<sup>27</sup> Sug<sub>H</sub> masak<sub>H</sub>re ĩgū ñerō irideare masĭbirikererā, marĭ op<sub>H</sub> Augusto p<sub>H</sub>rogue iriumasĭña máa. ĩgūrē weresādeare ōārō masĭbirikererā ĩgūrē iriurā, ubugorata iriubukoa, āĭiyup<sub>H</sub> Festo Agripare.

## 26

### *Pablo Agripare weredea*

<sup>1</sup> Irasirig<sub>H</sub> Agripa Pablöre:

—Wereka y<sub>H</sub>re m<sub>H</sub> irideare! ĩgūsā m<sub>H</sub>rē weresādeare m<sub>H</sub> y<sub>H</sub>j<sub>H</sub>makū péduakoa, āĭiyup<sub>H</sub>.

ĩgū irasū āĭĭmakū pég<sub>H</sub>, Pablo ĩgūya mojōrē soemu, ĩgū irideare weren<sub>H</sub>gāyup<sub>H</sub>:

<sup>2</sup> —Op<sub>H</sub> Agripa, dapagorare m<sub>H</sub> y<sub>H</sub>re weredoremakū, b<sub>H</sub>ro m<sub>H</sub>s<sub>H</sub>yáa. Irasirig<sub>H</sub> y<sub>H</sub> irideare, judío masaka y<sub>H</sub>re weresādeare āĭĭĭpererire m<sub>H</sub>rē wereg<sub>H</sub>ra.

<sup>3</sup> G<sub>H</sub>a judío masaka iririk<sub>H</sub>re g<sub>H</sub>a gāme werenĭrĭdere ōārō masĭkoa. Irasirig<sub>H</sub> bopōñarĭ merā y<sub>H</sub> weremakū, ōārō péka!

### *Pablo Jesúre b<sub>H</sub>remuburi dupiyuro ĩgū āĭĭĭrik<sub>H</sub>deare weredea*

<sup>4</sup> Āĭĭĭpererā judío masaka yaa nikū marā, Jerusalén marāde y<sub>H</sub> majĭgūgueta ĩgūsā merā āĭĭdeare masĭma.

<sup>5</sup> Y<sub>H</sub> maam<sub>H</sub>gueta fariseo bum<sub>H</sub> āĭĭĭdi āĭĭĭbá. M<sub>H</sub>rē irire wered<sub>H</sub>arā, weremasĭma. Āĭĭĭpererā g<sub>H</sub>a judío masaka watopeguere fariseo bumarā g<sub>H</sub>a b<sub>H</sub>remurĭrē gajirā nemorō ōārō yāma.

<sup>6</sup> Marĭp<sub>H</sub> g<sub>H</sub>a ñekūsāmarārē masaka boanerārē masūg<sub>H</sub>ra, āĭĭdeare y<sub>H</sub> b<sub>H</sub>remurĭ waja y<sub>H</sub>re weresārā ōōgue iriuma wajamoāburo, āĭĭrā.

<sup>7</sup> G<sub>H</sub>a judío masaka, Israel bumarā pe mojōma pere su gubu peru pērēbejari buri marāgora, Marĭp<sub>H</sub> marĭ boadero p<sub>H</sub>r<sub>H</sub> masūburire m<sub>H</sub>s<sub>H</sub>yari merā yáa. Irasirirā ũm<sub>H</sub>rĭ, ñamirĭ Marĭp<sub>H</sub>re b<sub>H</sub>remunĭkōāa. Op<sub>H</sub> Agripa, g<sub>H</sub>a irire yúkeremakū, surāyeri judío masaka weresāma y<sub>H</sub> irire b<sub>H</sub>remurĭ waja.

<sup>8</sup> M<sub>H</sub>sā gap<sub>H</sub>, ¿nasirirā Marĭp<sub>H</sub> boanerārē masūburire b<sub>H</sub>remuberi?

### *Pablo Jesúre b<sub>H</sub>remurārē ĩgū ñerō iriunadeare weredea*

<sup>9</sup> ĩripoegue Jesús Nazaretm<sub>H</sub>rē b<sub>H</sub>remurārē y<sub>H</sub> bokatĭūrō ñerō irid<sub>H</sub>adib<sub>H</sub>.

10 Jerusaléguere paia oparã dorero merã wárã Jesúre buremurãrẽ peresu iribũ. Irasirigu oparã ìgũsãrẽ wējẽdoremakũ, yude neõ kãmutabiribũ.

11 Aãrĩpereri ìgũsã nerẽrĩ wiirigue ñajãa, Jesúre buremurãrẽ ñerõ iriunabũ, ìgũrẽ buremurĩrẽ piriburo, ãrĩgũ. Ìgũsã merã buro guabũ. Gaji makãrĩguedere irasũta ñerõ irigorenabũ.

*Pablo Jesúre buremunugãdeare weredea*

12 'Irasirigu Damascogue Jesúre buremurãrẽ ñerõ irigu waadibũ, paia oparã yure: "Gua dorero merã waaka!" ãrĩmakũ pégu.

13 Opu Agripa, yu maague waamakũ, ãsũ waabũ. Goeripoe ããrĩmakũ, ãmugasigue abe ãmũmũ gosero nemorõ gosesiribũ yu puero, yu merã waanerã puodere.

14 Gua ããrĩpererã yebague meémejãbũ. Sugũ yure hebreo ya merã werenĩmakũ pébu. "Saulo, ¿nasirigu yure ñerõ yári mũ? Mũ yure ñerõ irigu, mũ basita ñerõ yáa", ãrĩmi yure.

15 Ìgũ irasũ ãrĩmakũ pégu, yu gapũ: "¿Noã ããrĩrĩ mũ?" ãrĩ sërẽñabũ. Marĩ Opu gapũ ãsũ ãrĩmi: "Yu, Jesús, mũ ñerõ iriguta ããrã.

16 Wãgãnugãka! Yu murẽ deyoa, yure moãboegu ããrĩburo, ãrĩgũ. Irasirigu mũ yure ìãdeare, puugue yu murẽ ìmuburidere gajirãrẽ weregũkoa.

17 Yu murẽ judío masaka ããrĩmerãrẽ buebure iriugũra. Judío masaka, judío masaka ããrĩmerãde murẽ ñerõ irimakũ wi-jatagũra.

18 Yu murẽ judío masaka ããrĩmerãrẽ buedoregu iriugũkoa, yaa kerere masĩburo, ãrĩgũ. Irasirirã ñerĩrẽ pirirãkuma. Koye ìãpãmerã, naĩfĩarõgue ããrĩrã irirosũ ããrĩbirikuma. Boyorogue ããrĩrã irirosũ ããrĩrãkuma. Wãtĩ ìgũsã opu ããrĩbirikumi pama. Marĩpu gapũ ìgũsã Opu ããrĩgũkumi. Irasirigu, ìgũsã yure buremumakũ ìãgũ, Marĩpu ìgũsã ñerĩ irideare kãtigũkumi. Ìgũsãrẽ ìgũyarã ããrĩmakũ irigũkumi", ãrĩmi Jesús yure.

*Pablo, Jesús dorerire yujudea*

19 'Opu Agripa, ãmugasigue Jesús yure werenĩdeare tarinugãbiribũ.

20 Irasirigu Damasco marãrẽ ìgũya kerere werepuororibũ. Puũ Jerusalén marãrẽ, ããrĩpererogue Judea marãrẽ werebũ. Judío masaka ããrĩmerãdere werebũ. "Mũsã ñerõ irideare bujawere, mũsã gũñarĩrẽ gorawayuka! Marĩpu gããmerĩ gapure irika! Irasirirã mũsã gũñarĩ gorawayuadeare ìmurãkoa", ãrĩ buebu ìgũsãrẽ.

21 Yu irire buedea waja judío masaka Marĩpuya wiigue yu ããrĩgũrẽ ñeã wējẽdũarã irima.

22 Īgūsā irasirikeremakū, Marīpū gapū yūre iritamunikōāmi. Irasirigū āārīpererā oparārē, ubu āārīrādere yū Īgūya kerere wererire neō piribea. Iripoegue Moisés, gajirā Marīpūya kerere weredupiyunerā, pūrugue āsū waarokoa, ārīdeare werea. Āsū ārī gojanerā āārīmá:

23 “Cristo, Marīpū iriudi buro ñerō tarigukumi. Īgū boadero pūru, Īgūta masāpūrori, neō dupaturi boabirikumi. Irasirigū Īgū masakare taugū āārīrīrē judío masakare judío masaka āārīmerādere masīmākū irigukumi”, ārī gojanerā āārīmá, ārī wereyupū Pablo Agripare.

*Pablo Agripare: “Jesúre bñremuka!” ārī weredea*

24 Īgū irasū ārīripoeta Festo gaguiníyupū:

—Pablo, mirēgū yáa. Wári buetarisīā, mirērīmasū waáa, ārīyupū.

25 Pablo gapū Festore ārīyupū:

—Yū opū, mirēbea. Yū wereri diayeta āārā. Irasirigū ire gopeyaro merā werea.

26 Opū Agripa gapū, yū wereri āārīpererire ōārō masīkumi. Irire masīa yū. Irasirigū Īgūrē güiro marīrō werea. Yū Jesúyare weregū, yayerogue werebea, ārīyupū Pablo Festore. Irasū ārī ōdo, āsū ārīyupū Agripare:

27 —Opū Agripa, Marīpūya kerere weredupiyunerā gojadeare bñremua mū. Mū irire bñremurīrē masīa yū, ārīyupū.

28 Agripa Īgūrē yūjuyupū:

—Iropagā werekeregū, ¿yūre Jesúre bñremumakū iridūari? ārīyupū.

29 Īgū irasū ārīmakū pégu, Pablo yūjuyupū Īgūrē:

—Jesúyare wári, o mérōgā weregū, mūsā āārīpererārē yū irirosū Īgūrē bñremumakū gāāmea. Marīpūguere irire sērēbosāa. Yū peresugue āārīgū irirosū mūsā āārīmakū tamerārē gāāmebea, ārīyupū.

30-31 Īgū irasū ārīmakū pérā, Agripa, Festo, Berenice gajirā Īgūsā merā doanerāde wāgānūgā, gajī taribugue waa, Īgūsā basi āsū ārī gāme werenīñurā:

—Īgūrē i waja wējērō gāāmea, ārīrī máa. I waja peresu iriro gāāmea, ārīrīde máa, ārī gāme werenīñurā.

32 Irasirigū Agripa āsū ārīyupū Festore:

—Pablo romano marā opūre yū irideare weredūakoa, Īgū ārībirimakū, marī Īgūrē peresugue āārīgūrē wiukōāboakuyo, ārīyupū.

<sup>1</sup> Irasirirā Pablōre, gajirā peresu āārīrādere doódiru merā Italia nikūma makā Romague g<sub>ua</sub> merā iriuma. Julio wāikug<sub>u</sub> surara op<sub>u</sub>dere iriuma ĩgūsārē koredorerā. ĩgūsā romano marā op<sub>u</sub> Augusto wāikug<sub>u</sub>yarā surara āārīmā.

<sup>2</sup> G<sub>ua</sub> Adramitio wāikuri makā marāya doódiru Asia nikūma perague waadiru merā waab<sub>u</sub>. Gajig<sub>u</sub> Aristarco wāikug<sub>u</sub> Macedonia nikūma makā Tesalónica wāikuri makāmude g<sub>ua</sub> merā waami.

<sup>3</sup> Gajin<sub>u</sub> gap<sub>u</sub> Sidón wāikuri makāma perague ejab<sub>u</sub>. Irogue ejadero p<sub>u</sub>ru, Julio Pablōre bopoñarī merā ĩā, ĩgūrē ĩgū merāmarā p<sub>u</sub>ro naadoreg<sub>u</sub> iriumi, ĩgūsā ĩgū gāāmerīrē sīburo, ārīgū.

<sup>4</sup> G<sub>ua</sub> iri makāgue āārānerā doódiru merā waamakū, b<sub>u</sub>ro mirū g<sub>ua</sub>re gajipārēgue wējāputaribujub<sub>u</sub>. Irasirirā Chipre wāikuri n<sub>u</sub>gūrō kúgar<sub>u</sub> dujamakū tarib<sub>u</sub>. Iro gap<sub>u</sub> mirū wējāpubiriweyab<sub>u</sub>.

<sup>5</sup> Ciliciare, Panfiliadere tarib<sub>u</sub>. P<sub>u</sub>ru Licia nikūma makā Mira wāikuri makāgue ejab<sub>u</sub>.

<sup>6</sup> G<sub>ua</sub> irogue ejamakū, surara op<sub>u</sub> gajiru doódiru bokajami. Iriuru Alejandriague aaradiru, Italiague waaburidiru āārīb<sub>u</sub>. Irasirig<sub>u</sub> g<sub>ua</sub>re irirugue ñajādoremi.

<sup>7</sup> Iriuru merā waarā, mirū g<sub>ua</sub>re b<sub>u</sub>ro wējāpu kāmutamakū, yoaripoe yoobob<sub>u</sub>. B<sub>u</sub>ro ñerō tariri merā waa, Gnido wāikuri makā bokatīūrō ejab<sub>u</sub>. Irore g<sub>ua</sub> tarimakū, mirū dupaturi b<sub>u</sub>ro wējāpub<sub>u</sub>. G<sub>ua</sub> waaderoguere ejamasībirib<sub>u</sub>. Irasirirā Creta wāikuri n<sub>u</sub>gūrōgue waa, Salmón wāikuri ñorōrē tariadero p<sub>u</sub>ru, mirū g<sub>ua</sub>re neō wējāputaribujubirib<sub>u</sub> pama.

<sup>8</sup> Iri n<sub>u</sub>gūrō t<sub>u</sub>ro taria, gariboretarianerāgue “Ōārī pera” wāikurogue ejab<sub>u</sub>. Iri pera Lasea wāikuri makā p<sub>u</sub>rogue āārīb<sub>u</sub>.

<sup>9</sup> G<sub>ua</sub> yoaripoe yooboadea waja puib<sub>u</sub> waaburo mérōgā d<sub>u</sub>yab<sub>u</sub>. Irasirig<sub>u</sub> Pablo doódiru moārārē weremi:

<sup>10</sup> —Péka! Marī dapagora waamakū, iru doódiru, doebiride dederibukoa. Marīdere mirīboama goegorāa, ārādimi.

<sup>11</sup> ĩgū irasū ārīkeremakū, surara op<sub>u</sub> Pablo wererire pébirimi. Doódiru op<sub>u</sub>, iriru wejatug<sub>u</sub> wererī gap<sub>u</sub>re b<sub>u</sub>rem<sub>u</sub>mi.

<sup>12</sup> ĩgūsā ejadea pera gap<sub>u</sub> puib<sub>u</sub> tamumakū, ñegorayuro. Irasirirā: “Fenice wāikuri makāgue waakōādoea. Gajipoe irirā irogue puib<sub>u</sub> tamubukoa”, ārīma. Fenice, Creta n<sub>u</sub>gūrōma makā abe ñajārō gap<sub>u</sub> āārīrī makā āārīyuro. Iri makāma pera gap<sub>u</sub>re mirū wējāpubiriweyayuro.

*Wádiyague b<sub>u</sub>ro mirū waadea*

<sup>13</sup> Irasirirā sur gap<sub>u</sub> mirū wējāpuweyamakū ĩārā, doódiru moārā: “Ōārīn<sub>u</sub> āārīrokoa”, ārī gūñadima. G<sub>ua</sub> irirure ñajāa, Creta n<sub>u</sub>gūrō t<sub>u</sub>ro waab<sub>u</sub> Fenicegue waad<sub>u</sub>arā.

14 MÉRŌGĀ PURU BURO mirū nordeste wāikuri aaribú.

15 Irasiriro gūaya doódirure mirū wējāpubéokōābū. Mirū iro wējāpumakū gāme goroamasībiri, mirū wējāpuro gaputa waabū.

16 GUA Cauda wāikuri nūgūrōgā turogue ejamakū, mirū wējāpubiriweyabū. Irasirirā gūa buro moātarianerāgue doódirumarū médiru kūmagārē ōārō tūāmu suapeobū. Iriro wádiru mirīmakū, ĩgūsā ñajāburidirugā āārībú.

17 Irirugārē suapeo odo, wádirure pūgubudari merā suanemoma mirū merā waaríri, ārírā. Puru gūi, Sirte wāikuri ĩmiparo miēgue marīrē mirū āārī, ārírā, ĩgūsā mirū ñeārī gasiri suatúdea gasirire kuradijukōāma. ĩgūsā kuradijuadero puru, mirū wējāpuro gaputa waabū.

18 Gajinū gapu murārōta buro mirū wējāpumakū ĩārā, iriruma doebirire diague béobū.

19 Gajinū gapudere iriruma āārīrīrē diague béobū.

20 Yoaripoe ñípirinurī āārīmakū, abe ũmumū, neñukāde neō deyomarīma. Buro mirū wējāpubū dapa. Irasirirā: “Iro diaye waakōā”, ārī masīña marībū guare. “Mirī boakōārākoa”, ārī gūñabū.

21 Irasirigū yoaripoe gūa baabirimakū ĩāgū, Pablo gūa watopegue āārādi wāgānugā, āārīpererārē ārīmi:

—Musā yū Cretague weredeare pémakū ōāgorabukuyo. Marī iro wirimerā, irure poyanorē, doebiridere dedeubiriboakuyo.

22 Irasirirā dapagorare yū weremakū péka! Gūñaturaka! Gūibirikōāka! Neō sugū boabiriko. Iru doódiru dita ded-erirokoa.

23 Yū Marīpuyagū āārā. ĩgūrē buremua. Dapagā ñami ĩgūrē wereboegū yūre deyoami.

24 Āsū ārāmi: “Pablo, neō gūibirikōāka! Mū romano marā opure mū irideare wereguko. Marīpu marē maĩrī merā ĩāgū, mū sērēaderosūta marē, mū merāmarā irugue āārīrādere taugukumi”, ārāmi.

25 Irasirirā gūñaturaka! Marīpu ĩgūrē wereboegū yūre ārāaderosūta waamakū irigukumi, ārī buremua.

26 Irasiriro marīrē nūgūrōgue mirū wējāpumeétúrokoa, ārī weremi Pablo.

27 Su ñami, pe semana gūa Cretare wiriadero puru, wádiya Adria wāikūdiya mirū buro wējāpuro gaputa waabū dapa. Ñami deko āārīmakū, doódiru moārā: “Marī nikūgue ejarā irisuyua”, ārīma.

28 Irasirirā pūgubudague kōmerūrē suatúdiyu keoñama. ĩgūsā keoñamakū, treinta y seis metrogora ũkūābū. MÉRŌTA waa, dupaturi keoñamakū, veintisiete metrogora ũkūābū.

29 Irasirirā ñami āārīyomakū, ūtāyerigue meétuabukoa, ārī güirā, āsū irima. Wapikari majī kōme majīrīpare iriyaburigue pūgubudari merā suatúadeare wejaturo gapu meéyoma irirure tūāñeāpaburo, ārīrā. Irasiri odo: “Murīgora boyoro gāāmeadāa”, ārī gūñarikuma.

30 Iri ñamita irirure moārā gapu duriduarā irima. Irasiri gaji kōme majīrīrē wejadupiyuro gapu meéyomurā yāa, ārikato, doódirumarū médirugārē āidiju, iriru merā duriduarā irima.

31 Īgūsā duriduumakū ĩāgū, Pablo surara opure ĩgūyarā suraradere weremi:

—Īsā iru moārā médirugā merā waamakū, musā āārīpererā taribirikoa, ārīmi.

32 Īgū irasū ārīmakū pérā, surara gapu médirugā ĩgūsā suadeadarire dítitā, diague béokōāma.

33 Boyoburi dupiyuro Pablo ĩgūsārē baadoregu, āsū ārīmi:

—Pe semanagora waāa, musā baamerāta buro gūñarikuro.

34 Irasirigu tariduarā baaka! ārī, buro sērēa. Neō sugu musā dederibirikoa. Musāya poadaride neō dederibirikoa, ārīmi.

35 Irasū ārī odo, Pablo pārē āi, āārīpererā ĩūrō Marīpare: “M merā usuyāa”, ārī, irire dukawa baami.

36 Īgū baamakū ĩārā, ĩgūsāde āārīpererā gūñatura baama.

37 Gua irirugue āārīrā āārīpererā doscientos setenta y seis gora āārībū.

38 Irasirirā ĩgūsā āārīpererā baayapi, puru irirugue āārīrī, wāri trigore diague béoma, kārāwūriduru dujaburo, ārīrā.

### *Doódiru ĩmparogue soemuribeja mirīdea*

39 Boyoripoe doódiru moārā nugūrōrē ĩāboka: “Āsū wāikuri nugūrō āārā”, ārī ĩāmasībirima. Dupatūgūguere ĩmparo āārīmakū ĩārā: “Sōō buanumarā! Gajipoe irirā iro majābukoa”, ārīma.

40 Irasirirā kōme majīrīrē ĩgūsā suadeadarire dítiméedijubéokōāma. Iri odo, wejadupabu wejaturo ĩgūsā suadeadarire kurama. Puru iriru wejadupiyuro gapu āārīrī surī gasirote āiwāgūnūma mirū āiaburo, ārīrā. Irasiro ĩmparo puro gapu numuabu.

41 Numua, wejadupiyuro gapu ĩmparo ūkūāberogue soemuribejabu. Neō soebumasīña marībū. Iriru wejaturo gapu makūrī pagari meétuamakū waariakōābu.

42 Irasū waamakū ĩārā, surara gapu ārīma:

—Iru mirīmakū, marī peresu irianerā bānumuā, duriakōābukuma. Irasirirā ĩgūsārē wējēpeokōārā! ārī werenīma ĩgūsā basi.

43 Īgūsā opu gapu Pablöre tauduagu: “Neō sugure wējēbirikōāka! Āārīpererā bāmasīrā mata nūgūrō turogue bānumuaka!” ārīmi.

44 “Gajirā taboa majīrī merā, gaji iriruma waariadea majīrī merā payanumuaka!” ārīmi. Irasirirā āārīpererā iri merā bānumuā, ōārō tariperekōābu.

## 28

### *Pablo, Malta wāikuri nūgūrōgue ejadea*

1 Āārīpererā turogue majānūgādero puru iri nūgūrōrē ĩāmasību. Malta wāikuri nūgūrō āārīdero āārībū.

2 Iri nūgūrō marā masaka guare ōārō irima. Deko merēmakū, guare buro yusakubu. Irasirirā guare peame diubosa, sūmadorema.

3 Pablode pea bojoñajāri seagu waa, seatīāmi. Īgū seatīāripoe āña ĩgū seadeague āārādi peame asiri güiwirigu, Pablöre ĩgūya mojjōgue kūrīmeésiami.

4 Īgūrē kūrīmeésiamakū ĩārā, iri nūgūrō marā ĩgūsā basi āsū ārī gāme werenīma:

—Ī masakare wējēdi āārīkumi. Īgū dia wādiyare tariadi āārīkeremakū, marī buremugō masakare wajamoādorego ĩgūrē okadorebirikumō, ārādima.

5 Pablo gapu āñarē peamegue wējāsiri meépeokōāmi. Neō pūrīsūbirimi.

6 Irasirimakū ĩārā, iro marā gapu: “Bijiakōārokoa”, ārīma. Īgūrē bijibirimakū ĩārā: “Gūñaña marīrō kōmoakōāgukumi”, ārīma doja. Yoaripoe ĩgū pūrīsūbirimakū ĩārā: “Ī sugu āmugasigue marā opu āārīkumi”, ārīma.

7 Gna majādero puro iri nūgūrō marā opu Publio wāikuya nikū āārībū. Guare ĩgūya wiigüe siuami. Irasirirā gna urenu ĩgū merā āārīmakū, guare ōārō irimi.

8 Publio pagu nimakuri yojo merā sīrīgū ĩgū kārīrōgue peyami. Irasirigu Pablo ĩgūrē ĩāgū waa, ĩgūya taribugue ñajāa, Marīpūre sērē odo, ĩgūya mojjōrī merā ĩgū weka ñapeo, taumi.

9 Īgūrē taumakū ĩārā, āārīpererā gajirā iri nūgūrō marā pūrīrikarā Pablo puro ejama. Īgūsā ejamakū ĩāgū, Pablo ĩgūsādere taumi.

10 Īgū irasirimakū ĩārā, wāri gajino sīma, guare ĩgūsā buremurīrē ĩmurā. Puru gna waaburi dupiyurogā āārīpereri gna gāāmerī, gna baaburidere doódirugue durisābosama.

### *Pablo Romague ejadea*

11 Gna iri nūgūrōgue ureerā abe āārādero puru, doódiru Alejandriague aaradiru merā waabu doja. Iri iri nūgūrōgue

puibu tamudero āārībú. Iri ru wejadupiyurore pērā masaka būremurā Cástor, Pólux wāikurā keori weadea āārībú.

12 Gha iriru merā waa, Siracusa wāikuri makāma perague ejabu. Irore urenu āārībú.

13 Iri makārē wiriwāgā, iri nūgūrō turo taria, Regio wāikuri makāgue ejabu. Gajinu gapu gha waaripoe gha puru gapu mirū wējāpuwāgāribu. Irasirirā gajinu gaputa Puteoli wāikuri makāgue ejabu.

14 Iroque gajirā Jesúre būremurārē bokajabu. Īgūsā ghare: “Su semana gha merā dujaka!” āāimakū pērā, su semanagora Īgūsā merā dujabu. Puru Romague waarā, maa merā waabu.

15 Gajirā Roma marā Jesúre būremurā gha waarí kerere pērā, Apio wāikuri makāgue ghare bokatīrīrā ejama. Iri makā doebiri duari makā āārībú. Puru maague yoaweyaro waaripoe naarā kārīrī wiiri, ure wii āārīrōgora gajirā ghare bokatīrīrā ejama. Īgūsā bokatīrīrā ejamakū ĩāgū, Pablo usuyari merā Marīpurre: “Murē usuyari sīa”, āāri, siñajā gūñaturakōāmi.

16 Romague gha ejadero puru, surara opu peresu āārīrārē Pablo merā āānerārē iro marā peresu āārīrārē korerā opure wiāmi. Pablo gapure: “Suguta āārīduamakū ōārokoa”, āāri, sugu surara ĩgūrē korebure pími.

### *Pablo Roma marārē buedea*

17 Urenu puru Pablo judío masaka oparārē iro āārīrārē siiu neeōmi. Īgūsā nerēperemakū ĩāgū, āsū āāri:

—Yaarā, yu marīyarārē, marī ñekūsāmarā iriunadeadere tarinūgābirikeremakū, Jerusalén marā yure ñeā, romano marā oparāguere wia, yure peresu irima.

18 Romano marā oparā gapu yure sērēña wiudhadima wējērō gāāmea, āāri bokabirisīā.

19 Marīyarā judío masaka gapu neō yure wiudhabirima. Īgūsā irasirimakū ĩāgū: “Romano marā opure yu irideare weredorerā iriuka!” āāri sērēbu. Irire sērēgū, yu gapu marīyarārē: “Ñerō irima”, āāri weresābiribu.

20 Irasirigū mūsārē ire werebu siiuabu. Marī judío masaka yoaripoe yúdi, marīrē taugū, Jesucristo āāri. Yu ĩgūrē būremurī waja peresugue i kōmeda merā sūasūdi āārā, āāri weremi Pablo judío masaka oparārē.

21 Īgūsā ĩgūrē āāri:

—Neō su papera pū, marīyarā Judea marā, mayamarē gojadea pūrē ñeābea. Īgūsā ōōgue naarā ejanerāde murē neō ñerō āāri weresābirima. Gajirāde: “Ñerō irimi”, āāri werebirima ghare.



22 I ditare masĩa. Āārĩpererogue marã masaka mu merãmarãrẽ: “Īgũsã bueri ñegorãa”, ãrĩ werenĩma. Irasirirã mu buerire pẽduakoa, ãrĩma.

23 Irasirirã sunu irire werenĩburinãrẽ beye odo, waakõama. Pũru irinu ejamakũ ãrã, wãrã masaka Pablo ãārĩrĩ wiigüe ejama. Irasirigũ boyoripoe ãārĩmakũ, Īgũsãrẽ buenũgãdi, bueneãkõãmi. Marĩpu Īgũyarãrẽ doreri kerere buemi. Moisés gojadeare, Marĩpũya kerere weredupiyunerã gojadedere buemi, Jesúre buremuburo, ãrĩgũ.

24 Surãyeri Īgũ buerire buremuma. Gajirã gapu neõ pẽduabirima.

25 Irasirirã surosũ gũñabiri, wirianokõãma. Īgũsã wiriaripoe Pablo ãrĩmi:

—Ōãgũ deyomarĩgũ Marĩpũya kerere weredupiyugũ Isaías merã marĩ ñekũsãmarãrẽ diayeta weredi ãārĩmĩ. Āsũ ãrĩ weredi ãārĩmĩ:

26 Masakare ãsũ ãrĩ weregu waaka: “Ūmurikũ musã yaare pẽkererã: ‘Irasũ ãrĩduaro irikoa’, ãrĩ neõ pẽmasĩbea. Ūmurikũ yu õãrõ iririre ãkererã: ‘Irasũ ãrĩduaro irikoa’, ãrĩ neõ ããmasĩbea”, ãrĩ wereka Īgũsãrẽ!

27 Yaa werenĩrĩrẽ pẽmerã diayeta pẽmasĩbema. Irasirirã gãmipũrĩ pẽmerã, koye ããpãmerã irirosũ ãārĩma. Irasũ ãārĩmerã ããmasĩ, õãrõ pẽmasĩbukuma. Irasirirã yu pẽmasĩrĩ sĩrĩrẽ oparã yure buremubukuma. Irasirigũ Īgũsãrẽ tauboakuyo, ãrĩdi ãārĩmĩ.\*

28 Irasirirã musã yure pẽduabiri waja dapagora merã Marĩpu masakare tauri kerere judío masaka ãārĩmerã gapure wererã waarãkoa. Īgũsã gapu pẽrãkuma, ãrĩmi Pablo judío masaka Īgũ pũro nerẽanerãrẽ.

29 Īgũ irasũ ãrĩmakũ pẽrã, Īgũsã basi bũro gãme turi wiriama.

30 Pe bojorigora Pablo iro marã Īgũrẽ wayudea wiigüe ãārĩmĩ. Īgũ iri wiigüe ãārĩrĩ waja Īgũsãrẽ niyeru merã wajari-nami. Iri wiigüe ãārĩgũ, Īgũrẽ ãrã ejanarãrẽ usuyari merã bokatĩrĩñeãnami.

31 Güiro marĩrõ Marĩpu Īgũyarãrẽ doreri kerere, Jesucristoya keredere buenami. Neõ sugũ Īgũrẽ: “Buebirikõãka!” ãrĩbirima.

Iropata ããrã.

Lucas

## ROMANOS

*Pablo Roma marārē ōādoredea*

<sup>1</sup> Y<sub>H</sub> Pablo, Jesucristore moāboeg<sub>H</sub> āārā. Marīp<sub>H</sub> y<sub>H</sub>re īgū masakare tauri kerere buedoreg<sub>H</sub> beyepimi.

<sup>2</sup> Iripoegue Marīp<sub>H</sub> īgūyare weredupuyunerārē iri kerere weredi āārīmī. Irasirirā irire īgūya werenīrī gojadea pūgue gojanerā āārīmā.

<sup>3</sup> Īgūsā gojadea, Marīp<sub>H</sub> magū marī Op<sub>H</sub> Jesucristoya kere āārā. Īgūta i ūm<sub>H</sub>guere marī irirosū dup<sub>H</sub>k<sub>H</sub>g<sub>H</sub> deyoagu, David parāmi āārīturiagu āārīdi āārīmī.

<sup>4</sup> Īgū, Ōāgū deyomarīgūrē opag<sub>H</sub> āārīmī. Īgū boadero p<sub>H</sub>g<sub>H</sub>, Marīp<sub>H</sub> īgū turari merā īgūrē masūdi āārīmī āārīpererārē: “Di-ayeta y<sub>H</sub> magū āārīmī”, ārī īmugū.

<sup>5</sup> Īgūta g<sub>H</sub>are ōārō irig<sub>H</sub>, Jesucristo merā īgūyare weredoreg<sub>H</sub> pīmi, āārīpereri buri marārē īgūrē b<sub>H</sub>remurāno īgū dorerire iriburo, ārīgū.

<sup>6</sup> M<sub>H</sub>sādere Jesucristoyarā āārīburo, ārīgū, beyedi āārīmī.

<sup>7</sup> Irasirig<sub>H</sub> y<sub>H</sub> m<sub>H</sub>sārē Marīp<sub>H</sub> beyenerārē āārīpererā Roma marārē ōādorea. Marīp<sub>H</sub> āārīnīgū, marī Op<sub>H</sub> Jesucristo m<sub>H</sub>sārē ōārō iritamu, siuñajārī merā āārīrikumakū iriburo.

*Pablo: “Romague waad<sub>H</sub>akoa”, ārī gojadea*

<sup>8</sup> Ire m<sub>H</sub>sārē werep<sub>H</sub>rorig<sub>H</sub>ra. Āārīperero marā masaka, m<sub>H</sub>sā Jesucristore b<sub>H</sub>remurīrē werenīpereakōāma. Irire pégu, Jesucristo iritamurī merā Marīp<sub>H</sub>re <sub>H</sub>suyari sīa.

<sup>9</sup> Āārīpereri y<sub>H</sub> turari merā Marīp<sub>H</sub> y<sub>H</sub>re dorerosūta masakare īgū magūya kerere werea. Irasirig<sub>H</sub> īgūrē sērērik<sub>H</sub>, m<sub>H</sub>sāya āārīburi sērēbosanīkōāa. Marīp<sub>H</sub> irire masīmi.

<sup>10</sup> Irasirig<sub>H</sub> Marīp<sub>H</sub>re: “M<sub>H</sub> y<sub>H</sub>re Romague iriud<sub>H</sub>ag<sub>H</sub>, y<sub>H</sub> waaburire āmuyuka!” ārī sērēnāa.

<sup>11</sup> M<sub>H</sub>sā p<sub>H</sub>ro ejag<sub>H</sub>, gūñaturari merā Jesúre b<sub>H</sub>remunemoburo, ārīgū, īgūyare wered<sub>H</sub>akoa, Ōāgū deyomarīgū y<sub>H</sub>re iritamurōsūta m<sub>H</sub>sādere iritamuburo, ārīgū.

<sup>12</sup> Marī Jesúre b<sub>H</sub>remurā āārā. Irasirirā m<sub>H</sub>sā, y<sub>H</sub> īgūrē b<sub>H</sub>remumakū īārā, nemorō gūñaturarākoa. Y<sub>H</sub>de, m<sub>H</sub>sā īgūrē b<sub>H</sub>remumakū īāgū, gūñaturag<sub>H</sub>koa.

<sup>13</sup> Yaarā, y<sub>H</sub> m<sub>H</sub>sā p<sub>H</sub>ro waad<sub>H</sub>arire masīmakū gāāmekoa. Gajero marā masaka y<sub>H</sub> Jesúya kerere weremakū pérā, īgūrē b<sub>H</sub>remuma. Irasirig<sub>H</sub> m<sub>H</sub>sāya makā marādere irire werēg<sub>H</sub> waad<sub>H</sub>akoa, Īgūsāde īgūrē b<sub>H</sub>remuburo, ārīgū.

14 Marĩpu yure ããrĩpererãrẽ iri kerere weredoremi. Paga makãrĩ marãrẽ, mutã makãrĩ marãrẽ, masĩrãrẽ, masĩmerãdere weredoremi.

15 Irasirigu mũsãya makã marãrẽ Jesúre bũremumerãrẽ ĩgũya kerere bũro weredũakoa.

*Jesúya kerere pérã, ĩgũrẽ bũremunũgãrãkuma, ãrĩ gojadea*

16 Masaka iri kerere pérã, ĩgũrẽ bũremunũgãrãkuma. Irasirigu Marĩpu ããrĩpererã Jesúre bũremurãrẽ ĩgũ turari merã taugũkumi, perebiri peamegue waabirikõáburo, ãrĩgũ. Judío masaka, judío masaka ããrĩmerãde iri kerere pé, ĩgũrẽ bũremumakũ, Marĩpu ĩgũsãrẽ taugũkumi. Irasirigu yũ, gũyasĩrĩrĩ marĩrõ gũñaturari merã iri kerere werea.

17 Iri kere ãsũ ãrã. Marĩpu Jesucristore bũremurã direta: “Õãrã ããrĩma”, ãrĩ ĩãmi. Marĩpuya kerere gojadea pũguedere ãsũ ãrĩ gojasũdero ããrĩbũ: “Marĩpu irasũ bũremurãrẽ: ‘Õãrã ããrĩma’, ãrĩ ĩãmi. Irasirirã ĩgũ merã ããrĩnĩkõãrãkuma”, ãrĩ gojasũdero ããrĩbũ.

*Masaka ĩgũsã ñerĩ iriri merã waja opama, ãrĩ gojadea*

18-19 Marĩpu masakare ĩgũyamarẽ õãrõ masĩmakũ yãmi. ĩgũ irire masĩmakũ irikerepũru, ñerĩrẽ yãma. Irasirirã Marĩpuya diayemarẽ masĩmerã dujama. Irasirigu Marĩpu ãmũgasigue ããrĩgũ ããrĩpererã diayemarẽ irimerãrẽ, ñerõ irirãrẽ ĩgũ bũro wajamoãburire masĩmakũ yãmi.

20 Marĩpu deyomarĩgũ ããrĩkerepũru, ĩgũ neõgorague i ãmũrẽ ããrĩpereri iridea merã ĩgũ perebiri turarire, ĩgũyamarẽ masĩsũa. Irasirirã masaka ĩgũrẽ: “Masĩbirisĩã, waja opabea”, ãrĩmasĩbirikuma.

21 Marĩpuyamarẽ masĩkererã, ĩgũrẽ: “Õãtaria mũ”, ãrĩ bũremubema. ĩgũ õãrõ irikerepũru, ĩgũrẽ: “Õãa”, ãrĩ, mũyari sĩbema. Irasirirã ĩgũyare pẽmasĩmerã dujama. Ñerĩ direta gũñarĩ opama. Irasiro ĩgũsã gũñarĩguere naĩĩfãrõ irirosũ ããrã.

22 “Gũa masĩrã ããrã”, ãrĩkererã, Marĩpuyare neõ pẽmasĩmerã waama.

23 Irasirirã Marĩpu ããrĩnĩgũ gapũre bũremubema. Pũrũgue boaburi gapũre: masaka keorire, mirã, waimũrã paárã, pĩrũa keori ĩgũsã weadeare bũremuma.

24 Irasirigu Marĩpu ĩgũsãrẽ ĩgũsã ñerĩrẽ mũribejari direta irinaburo, ãrĩgũ, béomi. Irasirirã gũyasĩũrõ ñerĩrẽ gãme irinĩkõãma.

25 Marĩpuya diayema gapũre bũremubema. ãrĩgatori direita õãrõ pẽma. Irasirirã Marĩpu ããrĩpereri i ãmũmarẽ iridi gapũre bũremumerã, ĩgũ iridea gapũre bũremuma. ĩgũsã

Īgūrē būremubirikerepuru, marī gapu Īgūrē: “Ōātaria mu”, āri, usuyari sīnīkōārō gāāmea. Irasūta irirā!

26 Īgūsā būremubiri waja Marīpu Īgūsārē béomi, Īgūsā gāāmerō gūyasiūrō ñerīrē iriburo, āriḡū. Irasirirā nome ūmarē marāpukudubema. Nome basita gāme marāpukuduarā irirosū āārīma. Irasirirā Īgūsā nome seyaro ñerō yāma.

27 Ūmade irirosūta yāma. Nomerē marāpokudubema. Ūma basita gāme marāpokuduarā irirosū āārīma. Īgūsā ūma seyaro ñerō yāma. Irasirirā Īgūsā basita ñerō iriri waja Īgūsāya dupurire poyanorēma.

28 Īgūsā Marīpure masīdubiri waja Īgūsārē béomi, ñerī gūñarī direta opaburo, āriḡū. Irasirirā noō gāāmerō ñerīrē irinīkōāma.

29 Āārīpereri ñerīrē iririkūma. Ūma nome merā, nome ūma merā ñerō iririkūma. Ŋetariro iririkūma. Gajerāyare būro gāāmema. Gajerārē ñerō iridūama. Gajerā gajino opamakū ĩārā, Īgūsārē ĩāturima. Gāmewējērikurā, gāmekēārīkurā, āriḡatorīkurā, ñerō āārīrikurā, būro kerekurā āārīma.

30 Gajerārē āriḡatori merā ñerō āri werenīma. Marīpure gāāmemerā dooma. Gajerārē ĩāmuīrikūma. “Gajerā nemorō āārā”, āri gūñarā: “Ōārō yāa”, āri weregorenama. Gajerosūperi ñerī iririre iribokadūama. Īgūsā pagusāmarārē tarinūgārikūma.

31 Ōārīrē pémasīdubema. Gajerārē: “Āsū irirāra”, āriḡeare neō keoro iribema. Neō sugunorē maīrī merā ĩābema. Īgūsārē gajerā ñerō irideare neō kātīmasībema. Gajerārē bopoñabema.

32 Marīpu irasirirārē: “Wajamoāḡura”, āriḡerosūta iriḡukumi. Perebiri peamegue béoḡukumi. Īgūsārē béoburire masīkererā, ñerīrē neō piribema. Gajerā Īgūsā irirosū ñerīrē irimakū ĩārā, ōārō usuyari merā ĩāma.

## 2

*Ñerī irirārē Marīpu diayeta wajamoāḡukumi, āri gojadea*

1 Irasirirā gajerārē werewuarā Īgūsā irirosū irikererā, musā basita werewuarā yāa. Īgūsārē: “Īgūsā ñerō iriri waja, waja opama”, āriḡā, musā basita: “Ḡude waja opāa”, āriḡā irirosū āriḡā yāa.

2 Marīpu ñerī irirārē: “Īgūsā ñerī iriri waja, wajamoāḡura”, āriḡū, diayeta āriḡū yāmi. Irire masīa marī.

3 Musā gajerārē: “Ñerō yāma”, āri werewuarā, Īgūsā irirosū irikererā: “Marīpu ḡa gapure wajamoābirikumi”, ¿āri gūñarī? Irire irasū āri gūñabirikōāka! Marīpu musādere musā ñerō iriri waja, wajamoāḡukumi.

4 Musã ñerĩ irirã: “Marĩpu guare buro bopoñarĩ merã ããgũ, mata wajamoãbemi”, ãrĩ gũñabirikõãka! Õãrõ pemasĩka! Musã ñerõ iririre bujaweremakũ ããduagu, musã gũñarĩrẽ gorawayu-makũ ããduagu, mata wajamoãbemi.

5 Mata wajamoãbirikeregu, musã ãgũrẽ neõ pébirimakũ ããgũ, ñerõ iririre neõ piriduabirimakũ ããgũ, musã merã guanemomi. Irasirigu purugue ããrĩpererã ñerãrẽ ãgũ wajamoãrĩnu ejamakũ, musãrẽ buro wajamoãgukumi. ãgũ irasirimakũ ããrã, ããrĩpererã: “Diayeta ãgũsãrẽ wajamoãgũta yãmi”, ãrĩ masĩrãkuma.

6 Irinurẽ Marĩpu masakakure ãgũsã irideare ãã beye, keoro wajarigukumi.

7 Õãrĩrẽ irinĩrã gapu: Marĩpu merã ããrĩduarã: “Musã õãrõ yãa”, ãrĩmakũ péduarã, ãgũ purogue perebiri okarire opaduãrã ããrĩma. Irasirigu ãgũsãrẽ perebiri okarire sĩgukumi, ãgũ merã ããrĩnikõãburo, ããrĩgũ.

8 ãgũsã gããmerõ irirã gapu diayemarẽ iriduabema. Ñerĩ direta iriduama. Irasirigu Marĩpu ãgũsã merã gua, buro ãgũsãrẽ wajamoãgukumi.

9 ããrĩpererã ñerĩ irirã ñerõ tari, buro gũñarĩkurãkuma. Judío masakare waapurorirokoa. Judío masaka ããrĩmerãdere irasũta waarokoa.

10 Marĩpu ããrĩpererã õãrĩ irirã gapure: “Õãrõ yãma”, ãrĩ ããgukumi. ãgũsãrẽ ãgũ merã õãrõ ããrĩmakũ irigukumi. Irasirigu siuñajãrĩ opamakũ irigukumi. Judío masakare irire iripurorigukumi. Judío masaka ããrĩmerãdere irasũta irigukumi.

11 Marĩpu marĩ ããrĩpererãrẽ: judío masakare, judío masaka ããrĩmerãdere surosũta ããmi.

12 Judío masaka ããrĩmerã, Marĩpu Moisére doreri pídeare opabirikererã ñerĩ irimakũ ããgũ, Marĩpu ãgũsãrẽ perebiri peamegue béogukumi. Judío masaka ãgũ doreri pídeare oparãde ñerĩ irimakũ ããgũ, ãgũsãdere irire tarĩnugãrĩ waja, wajamoãgukumi.

13 ãgũ Moisére doreri pídeare pékererã irire iribirimakũ ããgũ, ãgũsãrẽ: “Õãrã ããrĩma”, ãrĩ ããbemi. Irire irirã gapure: “Õãrã ããrĩma”, ãrĩ ããmi.

14 Judío masaka ããrĩmerã Marĩpu Moisére doreri pídeare opabirikererã õãrõ irirã, Marĩpu dorederosũta yãma. Irasirirã ãgũsã basi Marĩpu doredeare oparã irirosũ irire yãma.

15 Marĩpu ãgũsã gũñarĩgue ãgũ doredeare masĩmakũ iridi ããrĩmĩ. Irasirirã ãgũ dorederosũta irirã, irire masĩrã irirosũ yãma. Õãrõ irirã, o ñerõ irirã, ãgũsã gũñarĩ merã ãgũsã irideare masĩma. Ñerĩrẽ irianerã: “Waja opãa”, ãrĩ gũñama. Irasũta

õärĩrẽ irianerãde: “Waja opabea”, ãrĩ gũñama.

<sup>16</sup> Irasirigũ Marĩpu ããrĩpererã ñerãrẽ wajamoãrĩnu ejamakũ, Jesucristore: “Ããrĩpererã gũñarĩrẽ, ãgũsã gajerã ãberogue irideare ãã beyeka!” ãrĩgũkumi. Irasirigũ Jesucristo ñerĩ gũñarĩ oparãrẽ, ñerĩ iririkurãrẽ: “Wajamoãgũra”, ãrĩgũkumi. Õãrĩ gũñarĩ oparãrẽ, õãrõ iririkurãrẽ: “Wajamoãbirikoa”, ãrĩgũkumi. Marĩpu masakare tauri kerere buegu, irireta buea yu.

*Marĩpu Moisére doreri pídeamarẽ gojadea*

<sup>17</sup> Mũsã gapũ: “Gũa judío masaka Marĩpu Moisére doreri pídeare bũremusiã, gajerã nemorõ Marĩpuyarã ããrã”, ãrĩ gũñadãa.

<sup>18</sup> Gajire ãsũ ãrĩ gũñãa: “Gũa Marĩpu gããmerĩrẽ, ãgũ Moisére doreri pídeare masĩrã ããrĩsĩã, õãrĩ direta beyemasĩa.

<sup>19</sup> Irasirirã koye ããmerãrẽ tũãdupuyuwãgãrã irirosũ Marĩpuyarẽ masĩmerãrẽ buemasĩa. Naĩtĩãrõgue ããrĩrãrẽ sĩãgoro irirosũ diayema iririre masĩmerãrẽ diayema gapũre ãgũsãrẽ iridorea.

<sup>20</sup> Marĩpu Moisére doreri pídeare opasĩã, diayema iririre õãrõ masĩa. Irasirirã masĩmerãrẽ, majĩrã irirosũ ããrĩrãrẽ buerimasã ããrã”, ãrĩ gũñadãa mũsã.

<sup>21</sup> Gajerãrẽ irasũ ãrĩ buekererã, ¿nasirirã mũsã basi bueberi? “Yajabirikõãka!” ãrĩ buekererã, ¿nasirirã yajari mũsã?

<sup>22</sup> “Gajigũ marãpo, gajego marãpu merã ñerõ iribirikõãka!” ãrĩ buekererã, ¿nasirirã irasũ yãri? Masaka bũremurĩ keori weadeare dookererã, ¿nasirirã ãgũsã bũremurĩ wiirimarẽ yajari, irire opamurã?

<sup>23</sup> “Marĩpu Moisére doreri pídeare opasĩã, gajerã nemorõ ããrã”, ãrĩ gũñakererã, iri dorerire tarinũgãrã, gajerãdere ãgũrẽ bũremubirimakũ irirã yãa.

<sup>24</sup> Marĩpuya werenĩrĩ gojadea pũgue mũsã irasiririre ãsũ ãrĩ gojasũdero ããrĩbũ: “Mũsã judío masaka, judío masaka ããrĩmerãrẽ Marĩpũre ñerõ ãrĩ werenĩmakũ yãa”, ãrĩ gojasũdero ããrĩbũ.

<sup>25</sup> Mũsã judío masaka Marĩpu Moisére doreri pídeare irirã, mũsãya dupũma gasirogãrẽ\* wiirisũnerã ããrĩmakũ õãgorãa. Marĩpu mũsãrẽ: “Yaarã ããrĩma”, ãrĩ ããmi. Irire tarinũgãrã, mũsãya dupũma gasirogãrẽ wiirisũbirinerã irirosũ ããrã.

<sup>26</sup> Judío masaka ããrĩmerã irasũ wiirisũbirinerã ããrĩkerepũru, Marĩpu Moisére doreri pídeare irimakũ: “Yaarã ããrĩma”, ãrĩ

\* **2:25** Gn 17.1-14: Iripoegue Marĩpu Abrahãrẽ ãgũ pũrã ãmarẽ: “Yaarã ããrĩburo”, ãrĩgũ, ãgũsãya dupũma gasirogãrẽ wiiridoredi ããrĩmĩ. Pũru iri dorerire Moisére pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ãgũsã pũrã ãmarẽ su mojõma pere gaji mojõ ureru pẽrẽbejarinurĩ waarõ merã ãgũsã deyoadero pũru irasũ yãma.

ĩãgukumi. Judío masakadere ĩgũsã irire irimakũ, irasũta ãrĩ ĩãgukumi.

<sup>27</sup> Judío masaka ããrĩmerã gapũ ĩgũsãya dupũma gasirogãrẽ wiirisũbirinerã ããrĩkererã, Marĩpũ doredeare irirã, mũsãrẽ judío masakare iri doredeare oparãrẽ mũsã irire tarinũgãrĩ waja: “Waja opama”, ãrĩrãkuma.

<sup>28</sup> Sugu judío masaku irasũ wiirisũdi: “Marĩpũyagũ ããrã”, ãrĩ gũñakeregũ, Marĩpũre bũremubi, diayeta Marĩpũyagũ, judío masakugora ããrĩbemi.

<sup>29</sup> Marĩpũyarã gapũ irasũ wiirisũnerã dita ããrĩbema. Ōãgũ deyomarĩgũ ĩgũsãya gũñarĩgue ōãrĩ merã gorawayumakũ iridero pũrũ, ĩgũsã Marĩpũyarã, judío masakagora ããrĩma. Masaka ĩgũsãrẽ: “Ōãrã ããrĩma”, ãrĩ ĩãbirikerepũrũ, Marĩpũ gapũ: “Ōãrã ããrĩma”, ãrĩ ĩãmi.

### 3

<sup>1</sup> Mũsã, yũ irasũ ãrĩmakũ pérã: “¿Gũa judío masaka, gũaya dupũma gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ?

<sup>2</sup> Gũa judío masaka ããrĩmakũ ōãgorãa. Marĩpũ gũare wãri ōãrĩrẽ sĩdi ããrĩmĩ. Irasirigũ gũare ĩgũya kerere pĩpũroridi ããrĩmĩ, irire gajerãrẽ weredoregũ.

<sup>3</sup> Yũ irasũ ãrĩmakũ pérã: “Judío masaka surãyeri Marĩpũ ĩgũsãrẽ: ‘Ãsũ irigũra’, ãrĩdeare bũremubirimakũ, irire iribirikumi” ¿ãrĩ gũñarĩ?

<sup>4</sup> Neõ irasũ ãrĩ gũñabirikõãka! ããrĩpererã masaka ãrĩgatokerepũrũ, Marĩpũ gapũ neõ ãrĩgatobemi. ĩgũya werenĩrĩ gojadea pũgue ãsũ ãrĩ gojasũdero ããrĩbũ:

Gũapũ, mũ werenĩrĩ merã masakare mũ diayema iririre masĩmakũ yãa. Mũ ãrĩderosũta keoro irimakũ, neõ sugu masakũ mũrẽ: “Diaye iribemi”, ãrĩmasĩbirikumi, ãrĩ gojasũdero ããrĩbũ.\*

<sup>5</sup> Gajerã irire pérã, ãsũ ãrĩmoãmabokuma: “Gũa ñerõ iriri merã Marĩpũ diaye iriri masakare masĩmakũ yãa. Gũa irasirikerepũrũ, Marĩpũ gũare wajamoãgũ, diaye iribemi”, ãrĩbokuma.

<sup>6</sup> Neõ irasũ ããrĩbea. ĩgũsã irasũ ãrĩrĩ keoro ããrĩmakũ, Marĩpũ neõ suganorẽ ĩgũsã ñerõ irikerepũrũ, wajamoãbiribokumi.

<sup>7</sup> Gajerã idere ãrĩmoãmabokuma: “Gũa ãrĩgatori merã Marĩpũ ãrĩgatobi ããrĩrĩrẽ masakare masĩmakũ yãa. Irasirirã ĩgũrẽ: ‘Ōãtarimi’, ãrĩ bũremuma. Gũa irasirikerepũrũ, Marĩpũ gũare wajamoãgũ, diaye iribemi”, ãrĩbokuma.

<sup>8</sup> Ãsũ ãrĩbokuma doja: “Gũa ñerĩ irimakũ, gajerã Marĩpũ ōãgũ ããrĩrĩ gapũre masĩnemorãkuma”, ãrĩbokuma. Surãyeri

\* 3:4 Sal 51.4

guare ñerõ gũñarĩ merã: “Pablosãde irasũta ãrĩ buema”, ãrĩ werenĩma. Īgũsã irasũ ãrĩrĩ waja Marĩpu Īgũsãrẽ wajamoãgũ, diayeta irigukumi.

*Ããrĩpererã masaka waja oparã dita ããrĩma, ãrĩ gojadea*

<sup>9</sup> ¿Naásũ ãrĩ gũñarĩ? ¿Marĩpu ĩũrõ marĩ judío masaka, gajerã nemorõ õãrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsĩã, waja oparã dita ããrã. Irire yu musãrẽ weresiabu.

<sup>10</sup> Marĩpuya werenĩrĩ gojadea pũgue ãsũ ãrĩ gojasũdero ããrĩbũ:

Neõ sugũno õãgũ mámi. Neõ marĩgorakõãmi.

<sup>11</sup> Neõ Marĩpuyare pémasĩgũ mámi. Neõ sugũno ĩgũrẽ masĩduagu mámi.

<sup>12</sup> Ããrĩpererã Marĩpuyare irituyamerã, dedirimurã dita ããrĩma. Neõ sugũno õãrĩrẽ irigu mámi. Neõ marĩgorakõãmi.\*

<sup>13</sup> Masãgobe toyori gobe ãrĩwiurosũ Īgũsã ñerĩ werenĩrĩ ããrã. Ārĩgatorikuma. Āña disigue nima opagu irirosũ pũrĩrõ werenĩma.\*

<sup>14</sup> Ñerĩ direta werenĩ, gajerãrẽ dojama. Buro turirikuma.\*

<sup>15</sup> Masakare wẽjẽbéoduari direta opasurima.

<sup>16</sup> Noó Īgũsã waaró masakare poyanorẽ, Īgũsãrẽ ñerõ tarimakũ yáma.

<sup>17</sup> Gajerãrẽ siuñajãrĩ merã ããrĩmakũ neõ iribema.\*

<sup>18</sup> Marĩpuyare goepeyari merã buremubema. Irasirirã ĩgũrẽ güibema, ãrĩ gojasũdero ããrĩbũ.\*

<sup>19</sup> Marĩ ire masĩa. Ããrĩpererã Moisés doreri gua judío masakare: “Ãsũ irika!” ãrĩ pídeare iripeobirisĩa: “Waja opabea”, ãrĩmasĩbema. Irasirirã ããrĩpererã judío masaka, judío masaka ããrĩmerãde waja opasĩa, Marĩpu wajamoãsumurã dita ããrĩma.

<sup>20</sup> Neõ sugũ masakũ Moisés doredeare iripeomasĩbemi. Irasirigu: “Marĩpu yure: ‘Õãgũ ããrĩmi’, ãrĩ ĩãgukumi”, ãrĩmasĩbirikumi. Marĩpu iri dorerire pídea merãta marĩrẽ: “Ñerã ããrã”, ãrĩ masĩmakũ yámi.

*Marĩ Jesucristore buremurĩ merã tausũrãkoa, ãrĩ gojadea*

<sup>21-22</sup> Daporare Marĩpu marĩrẽ ire masĩmakũ yámi. Marĩ Jesucristore buremumakũ, ĩgũ Moisére doreri pídeare iripeobirikerepũũ, marĩrẽ: “Õãrã, waja opamerã ããrĩma”, ãrĩ ĩãmi. Irasirigu marĩ ããrĩpererãrẽ Jesucristore buremurãrẽ sũrosũta ĩãmi. Īgũ irasũ ãrĩ ĩãburire Moisés, gajerã ĩgũyare

\* **3:12** Sal 14.1-3; 53.1-3 \* **3:13** Sal 5.9; 140.3 \* **3:14** Sal 10.7 \* **3:17** Is 59.7-8

\* **3:18** Sal 36.1



weredupuyurimasāde ĩgũya kerere gojadea pũgue gojanerā āārĩmá.

<sup>23</sup> Marĩ āārĩpererā ñerĩ irirā dita āārā. Irasirirā, Marĩpu: “Yu merā ōārō āārĩrākoa”, ārĩdeare marĩ basi neō bokabirikoa.

<sup>24</sup> Marĩ irasũ āārĩkerepuu, Marĩpu marĩrē maĩgũ ĩgũ magũ Jesucristore iriudi āārĩmĩ, marĩ ñerĩ iridea wajare wajari-bosadoregu. Irasirigu, marĩrē Jesucristore buremurārē: “Waja opamerā āārĩma”, ārĩ ĩāmi.

<sup>25</sup> Marĩpu Jesucristore āārĩpererā masakare ĩgũsā ñerĩ iridea wajare wajaridoregu, ĩgũrē iriudi āārĩmĩ. Irasirigu, Jesucristo boagu dí béodea merā ĩgũrē buremurārē ĩgũsā ñerĩ iridea wajare kātidi āārĩmĩ. Bopoñagũ āārĩsĩā, iripoegue marādere ĩgũsā ĩgũ: “Āsũ irigũra”, ārĩdeare buremudea merā ĩgũsā ñerō iridea wajare kātidi āārĩmĩ. Irire irigu, ĩgũ diaye irigu āārĩrĩrē ĩmudi āārĩmĩ.

<sup>26</sup> Marĩpu dapora marādere Jesús marĩ ñerĩ iridea wajare wajaribosadea merā ĩgũrē buremurārē: “Ōārā, waja opamerā āārĩma”, ārĩ ĩāmi. Irasirigu marĩrē ĩgũ diaye irigu āārĩrĩrē masĩmakũ yámi.

<sup>27</sup> Irasirirā Marĩpu ĩũrō marĩ basita: “Ōārā āārā, ĩgũ Moisére doreri pídeare iripeorā yáa”, ārĩmasĩbea. Āsũ gapu ārĩ masĩa. Marĩpu, Jesúsre marĩ buremumakũ, marĩrē: “Ōārā āārĩma”, ārĩ ĩāmi.

<sup>28</sup> Ire masĩa. Marĩpu Moisére doreri pídeare marĩ irimakũ meta marĩrē: “Ōārā āārĩma”, ārĩ ĩāmi. Marĩ Jesúsre buremumakũ, marĩrē: “Ōārā āārĩma”, ārĩ ĩāmi.

<sup>29-30</sup> ¿Marĩpu judío masaka direta Opu āārĩrĩ? Neō irasũ āārĩbemi. Judío masaka, judío masaka āārĩmerādere ĩgũ suguta āārĩpererā Opu āārĩmi. Irasirigu, ĩgũsā Jesúsre buremumakũ: “Ōārā, waja opamerā āārĩma”, ārĩ ĩāmi.

<sup>31</sup> Irasirirā marĩ Jesúsre buremurā, ¿Marĩpu Moisére doreri pídeare béorā yári? Āārĩbea. Marĩ ĩgũrē buremurā Marĩpu dorerire nemorō irinemowāgārākoa.

## 4

### *Pablo, Abraham Marĩpũre buremudeare gojadea*

<sup>1</sup> Irasirirā, ¿naásũ ārĩrākuri Abrahārē, marĩ ñekũ āārĩpuoridire? ¿Naásũ waayuri ĩgũrē?

<sup>2</sup> Marĩpu Abrahārē: “Ōārō irigu āārĩsĩā, ōāgũ āārĩmi”, ārĩ ĩābodi āārĩkerepuu, Abraham ĩgũ basi: “Marĩpu ĩũrō ōārō yáa”, neō ārĩmasĩbiriunadi āārĩmĩ.

<sup>3</sup> Marĩpũya werenĩrĩ gojadea pũgue āsũ ārĩ gojasũdero āārĩbú: “Abraham Marĩpũre buremumakũ, Marĩpu ĩgũrē: ‘Ōāgũ āārĩmi’, ārĩ ĩādi āārĩmĩ”, ārĩ gojasũdero āārĩbú.

<sup>4</sup> Āsū āārā. Sugu gajino moādire wajarirā, irasū sīkōārā meta irikuma. Īgū moādea waja wajarirā irikuma.

<sup>5</sup> Marīpu gapu irasiribemi. Ņērārē, īgūsā oārīrē iribirikerepu, īgūrē b̄remumakū: “Waja opamerā āārīma”, āri īāmi. Irasirigu, marī īgūrē b̄remumakū: “Yu īūrō oārā āārīma”, āri īāmi.

<sup>6</sup> Iripoeguemu Davide yu ārīrōsūta gojadi āārīmī. Marīpu masaka iririre īāgū: “Oārā āārīma”, āri īāgū meta āārīmī. Īgūrē b̄remurā direta: “Oārā āārīmā”, āri īāgū āārīmī. Irasirirā īgū merā oārō usuyama.

<sup>7</sup> Irire āsū āri gojadi āārīmī David: Marīpu dorerire tarinugārārē īgūsā űērō iridea wajare īgū kātimakū, oārō usuyama.

<sup>8</sup> Marīpu īgūsā űērō iridea wajare: “Neō gūñabirikoā”, ārīmakū, oārō usuyama, āri gojadi āārīmī David.\*

<sup>9</sup> Judío masaka īgūsāya dupuma gasirogārē wiirisūnerā dita usuyabirikuma. Judío masaka āārīmerāde usuyarākuma. Abrahārē dupaturi gūñaka! Īgū Marīpūre b̄remumakū, Marīpu īgūrē: “Oāgū, waja opabi āārīmi”, āri īādi āārīmī.

<sup>10</sup> ĶNaāsū āārīmakū, Marīpu Abrahārē: “Oāgū āārīmi”, āri īāyuri? Īgūya dupuma gasirogārē wiiridero pu, Ķīgūrē irasū āri īāyuri? Āārībea. Īgū irire iriburi dupuyurogueta: “Oāgū āārīmi”, āri īāsiadi āārīmī.

<sup>11</sup> Marīpu īgūrē: “Oāgū āārīmi”, āri īādero pu, īgūrē irasū wiiridoredi āārīmī, īgūyagu āārīrīrē īmudoregu. Irasirigu dupuyurogue īgūrē: “Oāgū āārīmi”, āri īādeare diaye masīmakū iridi āārīmī. Sugu Abraham b̄remuderosūta Marīpūre b̄remumakū, Marīpu īgūrē: “Oāgū āārīmi”, āri īāmi. Irasirigu Abraham āārīpererā Marīpūre b̄remurā űekū āārīpuroridi āārīmī, īgūsāya dupuma gasirogārē wiirisūbirikerepu.

<sup>12</sup> Āārīpererā īgūsāya dupuma gasirogārē wiirisūnerā Marīpūre b̄remurā, diayeta Abraham parāmerā āārīma. Abraham irasū wiirisūburi dupuyuro Marīpūre b̄remuderosū īgūsāde b̄remurā, diayeta Abraham parāmerā āārīma.

*Marīpu, Abraham īgūrē b̄remumakū: “Āsū irigūra”, āri deare gojādea*

<sup>13</sup> Marīpu Abrahārē: “I nikūrē mūrē, mū parāmerā āārīturīarādere sīgura”, āri di āārīmī. Īgū doredeare irimakū īāgū meta irasū āri di āārīmī. Īgūrē b̄remumakū: “Oāgū āārīmi”, āri īādi āārīmī. Irasirigu īgūrē: “I nikūrē sīgura”, āri di āārīmī.

\* 4:8 Sal 32.1-2

14 Marĩpu ĩgũ doredeare irirã direta: “Sĩgura”, ãrĩdeare sĩmakũ, marĩ ĩgũrẽ bũremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgura”, ãrĩdea ubu ããrĩrĩta ããrĩyuwarikũkõãbokuyo.

15 Marĩpu Moisére doreri pídeare masĩkererã, irire tarinũgãrã, wajamoãsurãkuma. Iri doreri marĩmakũ, irire neõ tarinũgãrĩ marĩbokuyo.

16 Irasirigu Marĩpu ĩgũrẽ bũremurã direta ĩgũ Abrahãrẽ ãrĩderosũta sũgukumi. ĩgũ doreri pídeare irirã direta: “Sĩgura”, ãrĩbirikumĩ. Abraham Marĩpũre bũremuderosũ bũremurãno ĩgũ parãmerã ããrĩturiarã ããrĩma. Irasirigu Marĩpu Abrahãrẽ ãrĩdeare ĩgũsarẽ ããrĩpererãrẽ wajamarĩrõ sũgukumi. Abraham, marĩ ããrĩpererã Marĩpũre bũremurã ñekũ ããrĩdi ããrĩmĩ.

17 Marĩpu ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Mũrẽ wãri buri marã ñekũ ããrĩbure píbu”, ãrĩdi ããrĩmĩ. Marĩpu irasũ ãrĩmakũ pégũ, Abraham ĩgũrẽ bũremudi ããrĩmĩ. Irasirigu Marĩpũre bũremugũ, ĩgũ ĩũrõ marĩ ñekũ ããrĩdi ããrĩmĩ. Marĩpu boanerãrẽ masũgũ ããrĩmĩ. ĩgũ werenĩrĩ merã dupuyurogue marĩdeare ããrĩmakũ irimasĩmĩ.

18 Marĩpu Abrahãrẽ: “Mu parãmerã ããrĩturiarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregu: “Marĩpu ĩgũ yũre ãrĩderosũta irigukumi”, ãrĩ bũremudi ããrĩmĩ. Irasirigu Abraham wãri buri marã ñekũ waadi ããrĩmĩ.

19 ĩgũ cien bojori opakeregu, ĩgũ marãpode búro ããrĩkerepũrũ, Marĩpũre bũremusiã: “Neõ pũrãkũbirikoa”, ãrĩ gũñabiridi ããrĩmĩ. ãsũ gapũ ãrĩ gũñadi ããrĩmĩ: “Guare pẽrãguereta pũrãkũboadero tarikerepũrũ, Marĩpu ĩgũ yũre ãrĩderosũta irigukumi. Yu irire masĩa”, ãrĩdi ããrĩmĩ.

20 “Marĩpu ãrĩderosũta irigukumi”, ãrĩ bũremurĩrẽ neõ piribiridi ããrĩmĩ. Irasirigu gũñatura, Marĩpũre bũremunemodi ããrĩmĩ. “Marĩpu turatarigu ããrĩmĩ”, ãrĩ, mũnyari sĩdi ããrĩmĩ.

21 Irasirigu Abraham: “Marĩpu yũre ãrĩderosũta diayeta ĩgũ turari merã iriyuwarikũgũkumi. Yu irire õãrõ masĩa”, ãrĩ bũremudi ããrĩmĩ.

22 ĩgũ bũremumakũ, Marĩpu ĩgũrẽ: “Õãgũ ããrĩmĩ”, ãrĩ ĩãdi ããrĩmĩ.

23 Irire Marĩpũya werenĩrĩ gojadea pũguere gojasũdero ããrĩbũ. Iri Abrahãyama direta gojadea meta ããrĩdero ããrĩbũ.

24-25 Marĩpu Abrahãrẽ: “Õãgũ ããrĩmĩ”, ãrĩ ĩãderosũta marĩdere: “Õãrã ããrĩma”, ãrĩ ĩãburire gojadea ããrĩdero ããrĩbũ. Irasirigu Marĩpu, marĩ ĩgũrẽ bũremumakũ, marĩdere: “Õãrã ããrĩma”, ãrĩ ĩãmi. Marĩ ñerĩ iridea waja Marĩpu Jesũre ĩgũrẽ wẽjẽmurãguere wiadi ããrĩmĩ, marĩrẽ boabosaburo, ãrĩgũ. Marĩ

Op̄u Jesús boadero p̄uᵐ, Marīp̄u marīrē ōārā, waja opamerā āārīmakū iribu, ĩgūrē masūdi āārīmí.

## 5

*Marīp̄u ĩūrō waja opamerā āārā, ārī gojadea*

1 Marī Op̄ure Jesucristore marī b̄uremumakū, Marīp̄u marīrē: “Ōārā, waja opamerā āārīma”, ārī ĩāmi. Irasiriḡu Marīp̄u, Jesús marī ñerī iridea waja boabosadea merā marīrē ĩgū merā siuñajārī opamakū iridi āārīmí.

2 Marī Jesucristore b̄uremurā, Marīp̄u marīrē maĩgū merā ōārō āārā. P̄uᵐgue Marīp̄u ĩgū irirosū marīrē ōārā āārīmakū iriḡukumi. Irasirirā gūñaturari merā, ōārō us̄yari merā ĩgū ōārō iriburire yúa.

3 Gajire masīa. Marī ñerō tarirā, Marīp̄ure marīrē iritamugūrē gūñaturanemorākoa. Irasirirā marī ñerō tarikererā, us̄yamasīa.

4 Marī ĩgūrē gūñaturari merā ñerō taririre bokatĩumakū, Marīp̄u marīrē: “Ōārō yáma”, ārīḡukumi. Irasirirā, ĩgū marīrē ōārō iriburire gūñaturari merā yúa.

5 Marīp̄u marīrē Ōāgū deyomarīgūrē iriudi āārīmí marī merā āārīdoreḡu. Irasiriḡu Ōāgū deyomarīgū merā marīrē ĩgū maĩrē opatarimakū yámi. Irasirirā: “Marīp̄u marīrē: ‘Ōārō iritamuḡura’, ārīdeare keoro iriḡukumi”, ārī masīa.

6 Marī basi peamegue waaburire tarimasībirimakū, Marīp̄u marīrē tauripoe ejamakū, Cristo marī ñerārē boabosadi āārīmí.

7 Marī gap̄u suḡu boaboadeare boabosabirikoa, ĩgū diayemarē iriḡu āārīkerep̄uᵐ. Gajipoe irirā suḡu ōāgū gap̄ure boabosabokoa.

8 Marīp̄u gap̄u marī ñerā āārīkerep̄uᵐ ĩgū marīrē b̄uro maĩrē masīmakū iribu, Cristore iriudi āārīmí. Irasiriḡu Cristo marīya āārīburire boabosadi āārīmí.

9 Cristo boaḡu ĩgūya dí béodea merā Marīp̄u marīrē waja opamerā āārīmakū iridi āārīmí. ĩgū irasiridero nemorō ĩgū āārīpererā ñerārē wajamoārīnu ejamakū, Cristo merāta marīrē tauḡukumi.

10 Marī Marīp̄ure gāāmemerā āārīkerep̄uᵐ, ĩgū magū marīrē boabosadea merā ĩgū merā siuñajārī opamakū iridi āārīmí. ĩgū irasiridero nemorō Cristo marīrē boabosa, dupaturi okadea merā marīrē ĩgū merā siuñajārī oparārē tauḡukumi.

11 I gajī āārīnemoa. Marīp̄u, marī Op̄u Jesucristo merā marīrē ĩgū merā siuñajāmakū irideare gūñarā, ĩgū merā b̄uro us̄yáa.

*Adán, irasū āārīmakū Cristo iridea*

12 Āsū āārā. Neōgoraguere Adán ñerī iriparoridi āārīmí. Īgū ñerī iridea waja boadi āārīmí. Īgū suguya waja merāta āārīpererā Īgū parāmerā āārīturiarāde ñerī iri, boamurā dita āārīma.

13 Marīpu Moisére Īgū doreri píburi dupuyurogueta masaka ñerī irisianerā āārīmá. Īgūsā ñerī irikerepuru iri doreri marīmakū, Marīpu Īgūsārē: “Iri dorerire tarinugārī waja, waja opama”, āribiridi āārīmí dapa.

14 Irasū āārīkerepuru, Adán parāmerā āārīturiarā Moisés āārīdeapogue āārīnerāde boanerā āārīmá. Īgūsā Marīpu doredeare Adán tarinugāderosū iribirikererā, Īgūsā ñerī iridea waja boanerā āārīmá. Adán i umurē āārīpurorigu, Marīpu doredeare tarinugāpuroridi āārīmí. Jesucristo gapu i umugure aarigú, Marīpu dorerire tarinugābiriparoridi āārīmí.

15 Marī Adán tarinugādeare, Marīpu marīrē maīgū oārō irideare masía. Adán suguya waja merāta masaka āārīpererā boamurā dita āārīma. Marīpu gapu marīrē maīgū, marīrē taubure Jesucristore iriudi āārīmí. Irasirigu Jesucristo sugū āārīkeregū, āārīpererāya āārīburire wajamarīrō boabosadi āārīmí. Irasirigu Marīpu Jesucristo merā marīrē wáro oārī iridi āārīmí.

16 Adán Marīpu doredeare suñarō tarinugādea waja merāta āārīpererā masaka waja opama. Marī wári ñerī irikerepuru, Marīpu marīrē maīgū, wajamarīrō Jesucristore iriudi āārīmí, marī ñerō iridea wajare taudoregū. Irasirigu Jesús merā marīrē waja opamerā āārīmakū iridi āārīmí.

17 Adán sugū Marīpu doredeare tarinugādea waja merāta marī āārīpererā boamurā dita āārā. Marīpu gapu marīrē buro maīgū Jesucristore iriudi āārīmí, marīrē boabosadoregū. Irasirigu Jesucristo sugū marīrē wajamarīrō boabosadea merā Marīpu marīrē: “Oārā, waja opamerā āārīma”, ārī ĩāmi. Īgū irasiridero nemorō Jesucristo merā Īgū irasū ārī ĩārārē maama okari opamakū irigukumi, Īgū turari merā Īgūyare iriburo, ārīgū.

18 Adán, Marīpu doredeare tarinugādea waja merāta masaka āārīpererā ñerīrē iriwekabejama. Irasirirā Marīpu wajamoāsūmurā dita āārīma. Jesucristo diayema irigu marī ñerī iridea waja boabosadea merā gapu Marīpu marīrē: “Oārā, waja opamerā āārīma”, ārī ĩāmi, Īgū merā āārīnīkōāburo, ārīgū.

19 Āsū āārā. Adán, Marīpu doredeare tarinugādea waja merāta masaka āārīpererā ñerīrē irirā dita āārīma. Jesucristo Marīpu dorerire iridea merā āārīpererā Īgūrē buremurānorē waja opamerā āārīmakū iridi āārīmí. Irasirigu Marīpu Īgūsārē: “Oārā āārīma”, ārī ĩāmi.

20 Marĩpu ĩgũ dorerire pídi āārĩmĩ, marĩrẽ iri dorerire tarinũgārĩrẽ masĩnemomakũ iribu. Wári ñerĩ marĩ irikerepũ, Marĩpu gapũ marĩrẽ bũro maĩgũ, marĩ ñerĩ iriro nemorõ Jesucristo merã marĩrẽ õātariro iridi āārĩmĩ.

21 Marĩ āārĩpererã ñerĩ iridea waja boamurã dita āārĩunanerã āārĩbũ. Irasũ āārĩkerepũ, Marĩpu marĩrẽ maĩgũ, bopoñarĩ merã ĩãsĩã, marĩ Opũ Jesucristo boabosadea merã marĩrẽ waja opamerã āārĩmakũ iridi āārĩmĩ, ĩgũ pũro perebiri okarire opadoregũ.

## 6

*Cristo merã õãrõ āārĩrã, waja opamerã āārĩrĩmarẽ gojadea*

1 Marĩpu marĩrẽ bopoñamakũ ĩãrã, ¿naásũ ārĩrãkuri? Marĩrẽ ĩgũ bopoñanemomakũ ĩãduarã, ¿ñerĩrẽ irinemorãkuri?

2 Irasũ neõ āārĩbea. Marĩ Jesucristo marĩrẽ boabosadi merã boanerã irirosũ āārã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea.

3 Mũsã ire masĩa. Marĩ deko merã wãiyesũrã, marĩ Jesucristoyarã āārĩrĩrẽ ĩmubu. Marĩ ĩgũyarã āārĩsĩã, ĩgũ boamakũ, marĩde ĩgũ merã boanerã irirosũ waanerã āārĩbũ.

4 Marĩ wãiyesũrã, ĩgũ boadero pũrũ yãasũmakũ, marĩde ĩgũ merã yãasũnerã irirosũ waanerã āārĩbũ. Marĩpu umugasigue āārĩgũ ĩgũ turari merã ĩgũrẽ masãgũ, marĩdere ĩgũ merã masãnerã irirosũ āārĩmakũ iridi āārĩmĩ, ĩgũ merã maama okarire opaburo, ārĩgũ.

5 Marĩ Cristoyarã āārĩsĩã, ĩgũ boaderosũta marĩde ĩgũ merã boanerã irirosũ waanerã āārĩbũ. Irasirirã, ĩgũ boadigue masãderosũta marĩde masãrãkoa.

6 Āsũ masĩa. Cristo curusague boamakũ, marĩ ñerĩ direta iririkũnerã ĩgũ merã curusague boanerã irirosũ waanerã āārĩbũ. Irasiriro marĩ ñerĩrẽ uaribejari, marĩrẽ tarinũgãmasĩbirikoa pama.

7 Masaka boadero pũrũ, ĩgũsã ñerĩ iririkũrĩre neõ irinemobirikuma.

8 Marĩ Cristo merã boanerã irirosũ āārĩrã: “Ĩgũ merã õãrõ āārĩnĩkõãrãkoa”, ārĩ bũremua.

9 Idere õãrõ masĩa. Cristo boadero pũrũ, Marĩpu ĩgũrẽ masũ, dupaturi okamakũ iridi āārĩmĩ. Irasirigũ Cristo dupaturi neõ boabirikumi pama. Boari neõ dupaturi ĩgũrẽ tarinũgãmasĩbirikoa.

10 ĩgũ suñarõta boari merã marĩ ñerĩ iridea wajare boa, wajaripeokõãdi āārĩmĩ. ĩgũ boadero pũrũ, Marĩpu ĩgũrẽ masũ, dupaturi okamakũ iridi āārĩmĩ. ĩgũrẽ masũ, dupaturi okamakũ iridero pũrũ, Marĩpu gããmerõsũta irigũ Marĩpu merã õãrõ āārĩnĩkõãmi.

11 Irasirirā mūsā āsū ārī gūñaka! “Gua Opu Jesucristo merā gua boanerā irirosū āārīsīā, gua ñerirē iriunaderosū irinemobirikoa”, ārī gūñaka! “Irasirirā ĩgūyarā āārīsīā, Marĩpu gāāmerōsūta iri, ĩgū merā ōārō āārīnīkōārā!” ārī gūñaka!

12 Irasirirā mūsāya dupu boaburi dupu merā ñerirē neō irinemobirikōāka, mūsā ñerirē haribejari mūsārē tarinugābirikōāburo, ārīrā!

13 Mūsāya mojrōrī, mūsā gūñarī, āārĩpereri mūsāya dupugue āārĩrī merā ñerirē iribirikōāka! Mūsā Cristo merā boanerā dupaturi okarā irirosū āārā. Irasirirā āsū gapu irika! Āārĩpereri mūsāya dupugue āārĩrīrē Marĩpure wiaka, ĩgū gāāmerōsūta ōārī direta irimurā!

14 Marĩ irire irasirimakū, marĩ ñerī iriduari marirē tarinugāmasībirikoa. Marĩpu marirē: “Yu Moisére doreri pídeare iribirimakū, mūsārē béogura”, ārībemi. Āsū gapu marirē yāmi. ĩgū marirē maĩgū āārīsīā, marirē iritamumi, ĩgū doredeare iriburo, ārīgū.

### *Marĩ, Cristore moāboerā āārĩrīmarē gojadea*

15 Marĩpu marirē maĩmakū ĩārā: “Marĩ, Marĩpu doreri pídea merā āārībea. Irasirirā ñerirē irirā!” ĵārĩrī? Irire neō ārībirikōārā!

16 Mūsā ire ōārō masīa. Marĩ sugu dorerire irirā, ĩgūyarā ĩgūrē moāboerā āārĩrākoa. ĩgū marĩ opu āārīgukumi. Iri irirosūta marĩ ñerī iriduari, marĩ opu, marirē doregu irirosū āārīrokoa. Irasirirā marĩ ñerī iririre pirimerā, Marĩpu merā perebiri okari bokabirikoa. ĩgū doreri gapure irirā ĩgūrē moāboerā diayemarē irinirākoa.

17-18 Iripoegue ñerī iridoreguyarā ĩgūrē moāboerā irirosū mūsā ñerī iriduarire irinerā āārībú. Marĩpu mūsārē ĩgūya buerire pémasīmakū iridero puru, ĩgū doreri gapure mūsā ōārō iritayáa. Irasirirā ñerī iridoreguyarā ĩgūrē moāboerā irirosū neō āārībea pama. ĩgūrē wirinerā irirosū āārĩrā, Marĩpure moāboerā ñajānerā āārā, diayema gapure irimurā. Irasirirā irire gūñarā: “Mu guare irasiridea ōātaria”, ārī, usuyari sīka ĩgūrē!

19 Yu ire mūsārē pémasīmakū gāāmegū, masaka ĩgūsā gūñarī merā wererosū werea. Iripoegue āārĩpereri mūsāya dupugue āārĩrī merā ūmuriku ñerī direta irinīkōānerā āārībú. Daporare āārĩpereri mūsāya dupugue āārĩrīrē Marĩpure wiaka, ĩgūrē moāboerā diayema direta irimurā! Irasirirā ĩgū gāāmerī direta iririkurākoa.

20 Iripoegue mūsā ñerī iriduari direta irirā, Marĩpure moāboerā ĩgū gāāmerī direta iriro gāāmekoa, ārībirinerā āārībú.

21 Músã ñerĩrẽ irasirirã, ¿ñeeno õãrĩrẽ bokari? Dapora músã ñerĩ iriunadeare gũñarã, buro guyasĩrĩa. Iri ñerĩrẽ músã iridea waja perebiri peamegue waabokuyo.

22 Iripoegue marĩ ñerĩ direta iridoregure moãboerã irirosũ ããrĩunanerã ããrĩbú. Daporare Marĩpũ marĩrẽ wiudero pũũ, ĩgũrẽ moãboerã ããrã. Irasirirã ĩgũ gããmerĩrẽ iriwãgãrã, ĩgũ pũro perebiri okarire opamurã ããrã.

23 Ñerĩ irirãno, ĩgũsã ñerĩ iriri waja, perebiri peamegue waarĩre wajatarãkuma. Marĩpũ, marĩ Opũ Jesucristore buremurã gapure wajamarĩrõ ĩgũ pũro perebiri okari opaburire sĩgũkumi.

## 7

### *Mojõsiarima keori merã weredeã*

1 Yaarã, músã Marĩpũ Moisére doreri pídeare õãrõ masĩa. Sugu masakũ ĩgũ okarinurĩ direta iri dorerire irimasĩmi.

2 Marĩpũ doreri pídea ãsũ ãrã. Sugo nomeõ igo mojõsiadero pũũ, igo marãpũ okaripoere igo ĩgũ merã ããrĩnĩkõãkumo. ĩgũ boamakũ, igo marãpũ dagũ merã ããrĩdea perekoa. Gajigu merã mojõsiamasĩkumo doja.

3 Igo marãpũ okakerepũũ gajigu merã marãpũkũgo, ĩgũ merã ñerõ irigo Marĩpũ dorerire tarinũgãgõ irikumo. Igo marãpũ boadero pũũgue dita gajigu merã marãpũkũmasĩkumo. Irasirigo ĩgũ merã ñerõ irigo meta irikumo. Marĩpũ dorerire tarinũgãbirikumo.

4 Yaarã, músãde ãsũta ããrã. Iripoegue Marĩpũ Moisére doreri pídea merã ããrĩnerã ããrĩbú. Jesucristo boamakũ, ĩgũ merã boanerã irirosũ ããrĩsĩã, daporare iri doreri pídea merã ããrĩbea. Jesucristo boa, masãrĩ merã Marĩpũ marĩrẽ ĩgũyarã ããrĩmakũ iridi ããrĩmĩ, ĩgũ gããmerĩrẽ iriburo, ãrĩgũ.

5 Iripoeguere marĩ ñerĩrẽ uribejari direta iriunanerã ããrĩbú. Marĩpũ Moisére doreri pídeare masĩdero pũũ, iri dorerire tarinũgã, ããrĩpereri marĩya dupũma merã ñerĩrẽ uribejanemonerã ããrĩbú. Irasirirã perebiri peamegue waamurã dita ããrĩnerã ããrĩbú.

6 Daporare pama marĩ Cristo merã boanerã irirosũ ããrĩsĩã, Marĩpũ Moisére doreri pídea merã ããrĩbea. Irire tariweren-erãgue ããrã. Irasirigu Marĩpũ, Oãgũ deyomarĩgũ merã marĩrẽ maama okarire opamakũ yãmi, ĩgũ gããmerĩrẽ iridoregũ.

### *Marĩrẽ ñerĩ irimakũ iriri marĩguere ããrĩrĩmarẽ weredeã*

7 Irasirirã, Marĩpũ Moisére doreri pídeare: “Ñegorãa”, ¿ãrĩrãkuri? Neõ irasũ ãrĩbirikõãrã! Irita yũ ñerĩ iririkurire masĩmakũ iribũ. Iri doreri pídea ãsũ ãrã. “Gajerãyare



buro ɯaribejabirikōāka!” Irasirigu, iri doreri marĩmakū, yu gajerāyare ɯaribejarire masĩbiribokuyo.

8 Iri doreri: “Āsū iribirikōāka!” ārĩdeare masĩdero pɯɯu, iri yure āārĩpereri ñerĩrē ɯaribejamakū iribu. Iri doreri marĩmakū: “Irire tarinugāgū irikoa”, ārĩmasĩbiribokuyo.

9 Yu iri dorerire masĩburi dupuyuro: “Yu, Marĩpu merā ōārō āārĩkōāgū irikoa”, ārĩ gūñadibu. Iri dorerire masĩdero pɯɯu, irire tarinugāgū: “Ñerō irigu irikoa, Marĩpu merā ōārō āārĩbirikoa”, ārĩ masĩbu pama.

10 Marĩ iri dorerire irirā, Marĩpu merā ōārō āārĩkōābokoa. Yu gapu irire iripeomasĩbirisĩ, ñerĩ iridea waja, waja opagu, perebiri peamegue waabodi dujabu.

11 “Marĩpu dorerire irigu, ĩgū merā ōārō āārĩkōāgū irikoa”, ārĩ gūñakerepɯɯu, yu ñerĩ ɯaribejari, yure Marĩpu dorerire tarinugāmakū iribu. Irasirigu iri dorerire tarinugāsĩ, ñerĩ iridea waja, waja opagu peamegue waabodi dujabu.

12 Irasū āārĩkerepɯɯu, Marĩpu Moisére doreri pídea ōārĩ āārā. Diayema doreri āārā. Marĩpu irire pídi āārĩmĩ marĩrē iritamubu.

13 Iro tamerārē Marĩpu doreri ōārĩ āārĩkerero, ¿marĩrē peamegue waabonerā dujamakū irikuri? Neō irasū āārĩbirikoa. Marĩ ñerĩ iriri gapu marĩrē peamegue waabonerā dujamakū iribu. Irasiriro Marĩpu ĩgū ōārĩ doreri pídea merā marĩ ñerō iririre: “Ñegoráa”, ārĩ masĩsūa.

14 Ire masĩa marĩ. Marĩpu ĩgū dorerire Ōāgū deyomarĩgū merā Moisére pídi āārĩmĩ. Irasiriro ōārĩ dita āārā. Marĩ gapu marĩ ñerĩrē ɯaribejari merā ñerĩ iridoregure duasūnerā irirosū āārā. Irasirirā ñerĩrē iririkurā āārā.

15 Ōārĩrē iridɯakererā, iribea. Ñerĩrē iridɯabirikererā, irinikōāa. Marĩ irasiririre pémasĩbea.

16 “Ñerĩrē iridɯabirikoa”, ārĩkererā, irikōāa. Irasirikererā: “Ñerĩrē iridɯabirikoa”, ārĩrā, Marĩpu dorerire: “Ōārĩ āārā”, ārĩ masĩa.

17 “Marĩ ñerĩrē dupaturi iribea pama”, ārĩkererā, ñerĩrē irirā, marĩ basi meta irire yáa. Marĩguere ñerĩ āārĩrĩ gapu marĩrē irire irimakū yáa.

18 Marĩ ñerĩrē ɯaribejari merā ñerĩ direta irirā yáa. Irasirirā: “Marĩguere ōārĩ máa”, ārĩ masĩa. Marĩ ōārĩrē iridɯakererā, bokatĩubea.

19 Marĩ ōārĩ iridɯakererā, iribea. Ñerĩ iridɯabirikererā, iri gapure yáa.

20 Irasirirā marĩ basi: “Ñerĩrē dupaturi iribirikoa”, ārĩkererā, irikōāa doja. Marĩguere ñerĩ āārĩrĩ gapu marĩrē irire irimakū yáa.

21 Irasiroro āsū waāa marĩrē. Ōāĩrē marĩ iridũakerepũ, marĩguere ñerĩ āārĩrĩ marĩrē ñerĩ direta irimakũ yāa.

22 Marĩ basi marĩ gũñarĩgue: “Marĩpũ dorerire iridũakoa”, ārĩ gũñāa.

23 Iri dorerire iridũakerepũ, marĩ ñerĩ iridũari gapũ marĩ gũñarĩgue ōārĩ iridũarire tarinũgāa. Irasirirā marĩ basi iri ñerĩ iridũarire tarinũgāmasĩbea.

24 Marĩ basi ñerĩ iridũarire tarinũgāmasĩmerā, buru bujawereri merā: “¿Noā marĩrē ñerĩ iridea wajare taugũkuri, Marĩpũ merā ōārō āārĩburo, ārĩgũ?” ārĩ gũñāa.

25 Marĩpũ dita Jesucristo marĩ Opũ merā marĩrē taumasĩmi. Irasirirā Marĩpũre: “Ōātaria mũ”, ārĩ, usũyari sĩa. Irasirirā marĩ gũñarĩgue: “Marĩpũ dorerire iridũakoa”, ārĩ gũñāa. “Gũa Opũ āārā mũ”, ārā ĩgũrē. Marĩ irasũ ārĩkerepũ, marĩ ñerĩrē ĩaribejari, marĩrē ñerĩrē iridoregũ irirosũ āārĩkōāa dapa.

## 8

### *Ōāgũ deyomarĩgũ iritamurĩ merā ōārō āārĩrĩmarē gojadea*

1 Dapora Marĩpũ marĩrē Jesucristoyarārē ñerĩrē ĩaribejarire piri, Ōāgũ deyomarĩgũ dorerosũ irirārē: “Wajamoāgũra”, ārĩrĩno neō māa.

2 Ōāgũ deyomarĩgũ, marĩ Jesucristoyarā ĩgũ dorerosũ irimakũ, marĩ ñerĩ iririkũrere pirimakũ yāmi. Irasirigũ marĩrē, perebiri peamegue waabonerārē Marĩpũ merā ōārō āārĩmakũ yāmi.

3 Marĩ ñerĩ iriri direta ĩaribejasĩā, Marĩpũ Moisere doreri pĩdeare neō iripeomasĩbirinerā āārĩbũ. Irasirigũ Marĩpũ gapũ ĩgũ magũrē iriudi āārĩmĩ, marĩ ñerĩ iridea wajare boa, wajari-bosadoregũ. ĩgũ ñerĩrē iribirikeregũ, marĩ ñerĩ iridea waja, waja oparā irirosũ dupũkũgũ, marĩrē boabosadi āārĩmĩ, marĩ ñerĩ iridea waja oparire wajarĩgũ.

4 Marĩpũ, marĩrē ĩgũ dorerire iriburo, ārĩgũ, irasiridi āārĩmĩ. Irasirirā marĩ ñerĩ iririre ĩaribejabea. Ōāgũ deyomarĩgũ dorerosũ irirā yāa.

5 Ñerĩ iririre ĩaribejarā, iri direta gũña, iridũama. Ōāgũ deyomarĩgũ dorerosũ irirā gapũ, ĩgũ gāāmerĩ direta gũña, iridũama.

6 Ñerĩ direta gũña, iridũarā, perebiri peamegue waarākuma. Ōāgũ deyomarĩgũ gāāmerĩ direta gũña, iridũarā gapũ Marĩpũ merā perebiri okari oparākuma. Irasirirā siuñajārĩ merā āārĩrākuma.

7 Ñerĩ direta gũña, iridũarā, Marĩpũre ĩāturirā āārĩma. ĩgũ dorerire iridũabiri, irire neō irimasĩbema.

<sup>8</sup> Irasirirã ñerĩ iriri direta ɥaribejarã, Marĩpɥe ɥsɥyamakũ irimasĩbema.

<sup>9</sup> Mɥsã gapɥ ñerĩ iriri direta ɥaribejabea. Ōãgũ deyomarĩgũ mɥsãguere ããrĩmi. Irasirirã ãgũ turari merã ãgũ dorerosũ yãa. Ōãgũ deyomarĩgũrẽ opamerã gapɥ, Cristoyarã ããrĩbema.

<sup>10</sup> Marĩ ñerõ iridea waja marĩya dupɥ boaburi dupɥ ããrĩkererɥɥ, Cristo marĩguere ããrĩmakũ, Marĩpɥ marĩrẽ: “Ōãrã, waja opamerã ããrĩma”, ãrĩ iãmi. Irasiro marĩya dupɥ boakererɥɥ, marĩya ɥɥɥpũrã ɥmɥgasigue okanĩkõãrokoa.

<sup>11</sup> Marĩpɥ, Ōãgũ deyomarĩgũ merã Jesucristore boadiguere masũ, dupaturi okamakũ iridi ããrĩmi. Ōãgũ deyomarĩgũ marĩguere ããrĩmakũ, Marĩpɥ Jesucristore masũdita marĩya dupɥ boadero pɥɥ, marĩdere masũ, maama okari opamakũ irigɥkumi.

<sup>12</sup> Yaarã: “Marĩpɥ marĩrẽ irasũta irigɥkumi”, ãrĩ masĩrã, ñerĩ iririre ɥaribejabirikõãrã!

<sup>13</sup> Ñerĩ iriri direta ɥaribejarã, perebiri peamegue waarãkoa. Ōãgũ deyomarĩgũ turari merã marĩ ñerĩrẽ ɥaribejarire pirirã, Marĩpɥ merã perebiri okarire oparãkoa.

<sup>14</sup> Ōãgũ deyomarĩgũ dorerosũ irirãno, Marĩpɥ pũrã ããrĩma.

<sup>15</sup> Marĩpɥ marĩrẽ Ōãgũ deyomarĩgũrẽ iriudi ããrĩmi. ãgũ marĩrẽ Marĩpɥ pũrã ããrĩmakũ yãmi. ãgũ merã Marĩpɥ marĩrẽ wajamoãburire gũiderosũ dupaturi gũibe. Irasirirã ãgũ iritamurĩ merã gũiro marĩrõ Marĩpɥe: “Yɥpɥ”, ãrĩ masĩa.

<sup>16</sup> Ōãgũ deyomarĩgũ marĩ gũñarĩgue marĩrẽ: “Diayeta Marĩpɥ pũrã ããrã”, ãrĩ masĩmakũ yãmi.

<sup>17</sup> Irasirirã marĩ ãgũ pũrã ããrĩsĩã: “Ããrĩpererire ɥɥ pũrãrẽ sĩgura”, ãrĩdeare Cristo merã irire oparãkoa. Marĩ Cristoyarã ããrĩsĩã, ãgũ i ɥmɥgue ñerõ tariderosũ marĩde ñerõ tarikererã, pɥɥgue ɥmɥgasigue ãgũ ããrĩrõsũta ãgũ merã õãrõ ããrĩrãkoa.

<sup>18</sup> Dapora marĩ i ɥmɥgue ñerõ tarikererã, pɥɥgue ɥmɥgasigue Marĩpɥ marĩrẽ õãrĩ sĩburire gũñarã: “Bɥro ñerõ taribeã”, ãrĩ masĩa.

<sup>19</sup> Sunɥ Marĩpɥ marĩrẽ: “ĩsã ɥɥ pũrã ããrĩma”, ãrĩ, õãrĩrẽ sĩgɥkumi. ãgũ marĩrẽ sĩburire ããrĩpereri ãgũ i ɥmɥma iridea, masaka gajĩnorẽ bɥro iãɥarã irirosũ yũro yãa.

<sup>20</sup> Iripoegue Adán ñerĩrẽ iripɥroridea waja i ɥmɥma poyakõãdero ããrĩbũ. Iri gããmerõ poyabiridero ããrĩbũ. Marĩpɥ dorederosũ poyadero ããrĩbũ. Irasirikeregɥ, pɥɥgue õãrĩ gorawayugɥkumi.

<sup>21</sup> Irasirigɥ Marĩpɥ, i ɥmɥma boapereburi ããrĩkererɥɥ, marĩrẽ ãgũ pũrãrẽ õãrã gorawayurosũ, i ɥmɥma ããrĩpererire õãrĩ dita gorawayugɥkumi doja.

22 Ire marĩ masĩa. Adán ñerĩrẽ iripuroridero puru, dapor-aguedere aarĩpereri i umuma Marĩpu iridea, nomeo majĩgũ nijĩwãgũgõ purĩsũrõsũ aarã.

23 I ĩgũ iridea irirosũta marĩde poyari merã aarã. Marĩ ĩgũyarã aarĩnugãmakũ, Oãgũ deyomarĩgũrẽ marĩrẽ sidi aarĩmĩ. Daporare burõ ñerõ tarikererã, purugue ĩgũ marĩrẽ: “Yũ purã aarĩma”, arĩ, boabiri dupure maama dupure siburire usuyari merã yúa.

24 “Marĩpu marĩrẽ: ‘Taugura’, arĩderosũta taugukumi”, arĩ yumasĩa. ĩgũ marĩrẽ taudero puru, marĩ irire yúderosũ neõ yunemobirikoa.

25 Marĩ gajinorẽ iãbirikererã gũñaturari merã: “Iãrãkoa”, arĩ yúrosũ, Marĩpu purugue ĩgũ marĩrẽ tauburire gũñaturari merã yúro gããmea.

26 Marĩ Marĩpure: “¿Naásũ sērērõ gããmerĩ?” arĩ masĩbirimakũ, Oãgũ deyomarĩgũ marĩrẽ iritamumi. Irasirigu, marĩ Marĩpure keoro sērēmasĩbirimakũ, Oãgũ deyomarĩgũ marĩya aarĩburire Marĩpure oãrõ sērēbosami. Masaka werenĩrõsũ sērēbemi. Marĩrẽ burõ bopoñarĩ merã, oãrõ masĩrĩ merã sērēbosami.

27 Marĩpu gããmerõsũta Oãgũ deyomarĩgũ marĩ ĩgũyarã aarĩburire sērēbosami. Irasirigu Marĩpu, aarĩpereri marĩ gũñarĩrẽ masĩpeogu, Oãgũ deyomarĩgũ marĩrẽ sērēbosaridere oãrõ masĩmi.

### *Jesucristo turari merã ñerĩrẽ tarinugãmasĩa, arĩ gojadea*

28 Idere marĩ masĩa. Marĩpu ĩgũ gããmederosũta marĩrẽ beyedi aarĩmĩ. Irasirigu aarĩpereri marĩrẽ ĩgũrẽ maĩrãrẽ waaburire amumi oãrĩ direta iribu.

29 Neõgoragueta Marĩpu marĩrẽ ĩgũyarã aarĩmurãrẽ masĩsiadi aarĩmĩ. Marĩ neõ deyoaburo dupuyurogueta beyesiadi aarĩmĩ, marĩrẽ ĩgũ magũ irirosũ aarĩburo, arĩgũ. Irasirigu ĩgũ magũ marĩ tĩgũ aarĩmĩ. Marĩ ĩgũ pagupũrã wárã aarã.

30 Neõgoragueta Marĩpu ĩgũyarã aarĩmurãrẽ: “Yũ purã aarĩma”, arĩ beyesiadi aarĩmĩ. Irasirigu marĩrẽ ĩgũ beyenerãrẽ Jesúre buremunugãdoregu siiu: “Oãrã, waja opamerã aarĩma”, arĩ iãmi. ĩgũ marĩrẽ irasũ arĩ iãrãrẽ umugasigue ĩgũ aarĩrõsũta ĩgũ merã oãrõ aarĩmakũ irigukumi.

31 Marĩ irire masĩrã, ¿naásũ arĩrĩ? Āsũ arã. Marĩpu marĩrẽ iritamumakũ, gajerã marĩrẽ iãturikererã, neõ poyanorēmasĩbema.

32 Marĩpu marĩ ñerĩ iridea waja boabosabure ĩgũ magũ Jesucristore iriudi aarĩmĩ. “Yũ magũrẽ maĩsĩa, iriubea”, arĩbiridi aarĩmĩ. Irasirigu ĩgũ magũrẽ iriudi aarĩsĩa, aarĩpereri marĩya aarĩburire oãrĩ direta sigukumi.

33 Marĩpu marĩrẽ ĩgũ beyenerārẽ: “Ōārã, waja opamerã ãārĩma”, ãrĩ ĩãmakũ, gajerã marĩrẽ: “Ñerã ãārĩma”, neõ ãrĩ weresãmasĩbema.

34 Cristo marĩ ñerĩ iridea wajare boabosa, masã, ãmũgasigue mũrĩadi ãārĩmĩ. Irasirĩgũ Marĩpu diaye gapũ doami. Marĩya ãārĩburire sērēbosanĩkõãmi. Irasirirã gajerã Marĩpure marĩrẽ: “Ĩsã ñerĩ iridea waja ĩgũsārẽ wajamoãka!” neõ ãrĩmasĩbema.

35 Cristo marĩrẽ bũro maĩmakũ, gajerã ĩgũrẽ: “Neõ maĩnemobirikõãka ĩgũsārẽ!” ãrĩmasĩbirikuma. Marĩ ñerõ tarikererũ, marĩ diasaro pėñakererũ, gajerã marĩrẽ ñerõ irikererũ, marĩ ãaboakererũ, surĩ marĩrã ãārĩkererũ, goero marĩrẽ ãārĩkererũ, gajerã marĩrẽ wējėkererũ, Cristo marĩrẽ maĩgũ marĩ merã ãārĩnĩkõãmi. ĩgũ marĩrẽ maĩrĩrẽ neõ piribirikumĩ.

36 Marĩpũya werenĩrĩ gojadea pũgue marĩ waaburire ãsũ ãrĩ gojasũdero ãārĩbũ:

Gũa mũyarã ãārĩrĩ waja gajerã gũare ãmũrikũ wējėdũanĩkõãma. Ovejare wējėmurã wējėrõgue ãĩãrã irirosũ gũare yãma, ãrĩ gojasũdero ãārĩbũ.\*

37 Marĩ gapũ ñerõ tarikererã, Cristo marĩrẽ maĩgũ iritamurĩ merã, marĩ ãārĩpereri ñerĩrẽ tarinũgãa. Irasirirã ĩgũ merãta gũñaturanemoa.

38 Irasirĩgũ ire õãrõ masĩa. Marĩpu marĩrẽ bũro maĩmi. Marĩ Opũre Jesucristore iriugũ, ĩgũ marĩrẽ maĩrĩrẽ masĩmakũ iridi ãārĩmĩ. Marĩ boamakũ, o marĩ yoaripoe okamakũ, marĩrẽ maĩgũ marĩ merã ãārĩnĩkõãmi. Marĩpure wereboerã, masaka oparã, wãtẽa oparãde Marĩpure marĩrẽ maĩrĩrẽ pirimakũ irimasĩbema. Marĩrẽ gajino irimakũ, Marĩpu marĩrẽ maĩgũ marĩ merã ãārĩmi. Daporama ãārĩrĩ, pũgũma ãārĩburide Marĩpure marĩrẽ maĩrĩrẽ pirimakũ irimasĩbirikoa.

39 Marĩ ãmarõgue waamakũ, o ãkũãrõgue waamakũ, marĩrẽ maĩgũ marĩ merã ãārĩmi. Gajinode Marĩpu iridea ããrã. Irasiriro iride ĩgũrẽ marĩrẽ maĩrĩrẽ pirimakũ irimasĩbea. Marĩrẽ marĩ Opũ Jesucristoyarãrẽ ĩgũ maĩrĩ neõ perebirikoa.

## 9

*Israel bumarã Marĩpu beyenerã ãārĩma, ãrĩ gojadea*

1 Yũ, Cristore bũremugũ ãārĩgũ, diayeta werea mũsãrẽ. Ārĩgatobea. Ōãgũ deyomarĩgũde yũ merã ãārĩgũ, yũ ãrĩrĩrẽ: “Diayeta ããrã”, ãrĩ masĩmakũ yãmi.

2 Yaarã Israel bumarã Cristore bũremubirimakũ ĩãgũ, bũro bujawereri merã gũñarikũa.

\* 8:36 Sal 44.22

3 Īgūsā Īgūrē buremumakū gāāmegū, yu gapu gorawayudhadāa: “Perebiri peamegue wajamoāsūbokuma”, ārīgū. Yu Īgūsārē irasiribosagu Cristore dukawarinugājagu, Īgūrē neō dupaturi iānemobiribokoa.

4 Īgūsā, Israel parāmerā āārīturiarā āārīma. Marīpu Īgūsārē: “Yu pūrā āārā”, ārīdi āārīmī. Īgū gosewasiriri merā Īgūsā watope āārīdi āārīmī. Īgūsārē: “Yu, musā Opu āārā. Musā, yaarā āārā”, ārīdi āārīmī. Īgūsārē Īgū dorerire masīburo, ārīgū, Moisére irire pīdi āārīmī. “Yaa wiigue yure buremurā, āsū irika!” ārī pīdi āārīmī. “Musā parāmerā āārīturiarārē oārō iritamugara”, ārīdi āārīmī.

5 Israel pūrā pe mojōma pere su gubu peru pērēbejarāgora, gūa űekūsāmarā āārīnerā āārīmā. Cristode marī irirosū dupukugu deyoagu Īgūsā parāmi āārīturiagu, Israel bumuta āārīdi āārīmī. Īgū āārīpererā, āārīpereri Opu āārīmī. Irasirirā Īgūrē: “Oātaria mu”, ārī, usuyari sīnīrā! Irasūta irirā!

6 Israel bumarā āārīpererā diayeta Marīpuyarāgora āārībema. Irasirigu Marīpu Israel bumarārē: “Yaarārē āsū irigura”, ārīdeare Īgūsārē āārīpererārē iribirimakū iāgū: “Marīpu Īgū ārīderosūta iribemi”, ārī gūñabea yu.

7 Israel bumarā, Īgūsā űekū Abraham parāmerā āārīturiarā āārīkerepu, Marīpu Īgūsārē āārīpererārē: “Diayeta yu pūrā āārīma”, ārī iābemi. Irasirigu Abrahārē: “Mu magū Isaac parāmerā āārīturiarā dita diayeta mu parāmerā āārīturiarā āārīrākuma”, ārīdi āārīmī.

8-9 Marīpu Abrahārē Īgū magū Isaac deyoaburire weregu, āsū ārīdi āārīmī: “Gaji bojori ipapoeta aarigura doja. Iripoeta mu marāpo Sara majīgūrē pūrākugokumo”, ārīdi āārīmī. Irasirigu Marīpu ārīderosūta Abraham magū deyoadi āārīmī. Irasirirā marī ire masīa. Abraham parāmerā deyoaturi-awāgārā āārīpererā Marīpu pūrā āārībema. Marīpu ārīdeare buremurā dita diayeta Abraham parāmerā āārīturiarā, Marīpu pūrā āārīma.

10 Gaji āsū āārā. Isaac, Rebeca merā marāpokūdero pu, igo űma pērāgue pūrākūdeo āārīmó. Īgūsā pagu Isaac, gūa űekū āārīdi āārīmī.

11-13 Īgū pūrā deyoaburi dupuyuro, Īgūsā oārīrē, o űerīrē iriburi dupuyuro Marīpu Īgūsā pago āārībore āsū ārīdi āārīmī: “Īgū tīgū Īgū pagumrē moāboegakumi”, ārīdi āārīmī. Īgū igore irire ārīderosūta Īgūya werenīrī gojadea pūgue āsū ārī gojasūdero āārībú: “Jacore beyebu. Esaú gapure beyebiribu”, ārī gojasūdero āārībú. Irasirigu Marīpu Jacore beyederosūta Īgūyarā āārīmurārē beyegu, Īgūsā gajino iriburi dupuyuro Īgū gāāmederosūta Īgūsārē: “Yaarā āārīma”, ārīdi āārīmī.

14 Irire pérã, ¿naásũ gapũ ãrĩrãkuri marĩ? “Sugũ gajino iriburi dupuyuro Marĩpũ ãgũrẽ beyegu, diaye iribemi”, ¿ãrĩrãkuri? Irasũ ãrĩbirikõãrã! Marĩpũ diayeta irigu ããrĩmi.

15 Iripoegue Marĩpũ Moisédere ãsũ ãrĩdi ããrĩmi: “Yũ bopoñarĩ merã ããrĩrãrẽ bopoñarĩ merã ããrĩrã. Yũ maĩrĩ merã ããrĩrãrẽ maĩrã”, ãrĩdi ããrĩmi.

16 Irasirirã ire masĩa. Marĩpũ, ãgũ bopoñaduarãrẽ bopoñarĩ merã ããrĩmi. Masaka ãgũrẽ bopoñadoremakũ meta, ãgũsã õãrõ irimakũ meta ãgũsãrẽ bopoñarĩ merã ããrĩmi.

17 Marĩpũ ãgũya werenĩrĩ gojadea pũgue ãsũ ãrĩdi ããrĩmi Egipto marã opũre, faraõrẽ: “Yũ gããmerõsũta murẽ Egipto marã opũ ããrĩbure píbũ, mũ merã yũ turarire ããrĩpererãrẽ ããrĩbũ. ããrĩperero marãrẽ, yũ turagu ããrĩrĩrẽ masĩdoregũ, irasiribũ”, ãrĩdi ããrĩmi.

18 Irasirigu ãgũ bopoñaduarãrẽ bopoñarĩ merã ããrĩmi. ãgũ dorerire péduamerãrẽ nemorõ péduabirimakũ yãmi.

19 Yũ irasũ ãrĩrĩrẽ pérã, mũsã ãsũ ãrĩboko: “Marĩpũ ãgũ basita masakare ãgũ dorerire péduabirimakũ irikeregũ, ¿nasirigu ãgũsãrẽ wajamoãgũkuri? ¿Nasirisã, ãgũ gããmerõ irasiririre kãmutamasĩbokuri marĩ?” ãrĩ pũrĩwisi sãrẽñaboko.

20 Irire irasũ ãrĩbirikõãka! Marĩ masaka ubu ããrĩrã, Marĩpũ irinerã ããrã. Irasirirã ãgũrẽ: “¿Nasirigu yũre irasũ yãri mũ?” ãrĩ pũrĩwisi sãrẽñamasĩbea. Diarisoro irisoro weagore: “¿Nasirigo yũre irasũ yãri mũ?” ãrĩberosũta marĩde Marĩpũre irasũ ããrĩmasĩbea.

21 Sorori weago diari merã igo iridũaro irikumo. Irasirigo õãrĩ soro iridũago, õãrĩ soro irikumo. Iri diari merãta ubu ããrĩrĩ sorodere iridũago, ubu ããrĩrĩ soro irikumo. Igo diari merã irirosũta Marĩpũde masakare ãgũ iridũarosũta yãmi.

22 Marĩpũ peamegue ãgũ béomurãrẽ, ãgũsãrẽ ãgũ turari merã bũro wajamoãburire masĩdoregũ, ãgũsã ñerõ iririre gũñatura, mumurõ marĩrõ ãgũsãrẽ wajamoãbemi.

23 Marĩ ãgũ bopoñarĩ merã ããrã gapũre ãgũ õãtarigu ããrĩrĩrẽ masĩburo, ãrĩgũ, ãgũsãrẽ irasirigu yãmi. Neõgoragueta marĩrẽ ããrĩrĩrẽ ãgũ ããrĩrõsũta ãgũ merã õãrõ ããrĩmurãrẽ beyedi ããrĩmi.

24 Marĩrẽ beyegu, surãyeri judío masaka watopegue ããrĩrãrẽ, gajerã judío masaka ããrĩmerã watopegue ããrĩrãdere beyedi ããrĩmi, ãgũyarã ããrĩburo, ãrĩgũ.

25 Marĩpũya werenĩrĩ gojadea pũgue ãgũya kerere weredupuyudi Oseas, judío masaka ããrĩmerãyamarẽ ãsũ ãrĩ gojadi ããrĩmi:

Marĩpũ ãsũ ãrĩmi: “Yaarã ããrĩbirinerãrẽ: ‘Yaarã ããrĩma’, ãrĩgũkoka. Yũ maĩbirinerãrẽ: ‘Yũ maĩrã ããrĩma’, ãrĩgũkoka”, ãrĩmi.

26 Marĩpu: “Musã, yaarã meta ããrã”, ãrĩdea nikũ marãrẽ: “Yu okanĩgũ pũrãta ããrã”, ãrĩsũrãkuma, ãrĩ gojadi ããrĩmĩ.\*

27-28 Isaías, Israel bumarã gapure ãsũ ãrĩ gojadi ããrĩmĩ: “Marĩ Opũ ĩgũ ãrĩderosũta i ãmũ marãrẽ mumurõ merã diayeta wajamoãgukumi. Irasirirã Israel bumarã wadiyama ĩmpayeri irirosũ wãrã ããrĩkererã, mërãgã tausũrãkuma”, ãrĩ gojadi ããrĩmĩ.

29 ĩgũta idere ãrĩ gojadi ããrĩmĩ doja:

Marĩ Opũ ããrĩpererã nemorõ turagu, marĩ ñekũsãmarã ããrĩturiarãrẽ mërãgãrẽ taubirimakũ, marĩ judío masaka ããrĩpererã béosũbonerã ããrĩbũ. Sodoma marãrẽ, Gomorra marãrẽ béoderosũta marĩdere béobodi ããrĩmĩ, ãrĩ gojadi ããrĩmĩ.\*

### *Judío masaka Jesucristoya kerere bũremubiridea*

30 Irire pérã, ¿naásũ ãrĩrãkuri? ãsũ ããrã. Judío masaka ããrĩmerã Marĩpu merã ĩgũsã õãrõ ããrĩburire ãmabirikererã, ĩgũsã Jesucristore bũremurĩ merã irire bokama. Irasirigu Marĩpu ĩgũsãrẽ: “Õãrã ããrĩma”, ãrĩ ĩãmi.

31 Judío masaka gapũ: “Marĩpu Moisére doreri pídeare marĩ irimakũ, marĩrẽ: ‘Õãrã, waja opamerã ããrĩma’, ãrĩ ĩãgukumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpu merã õãrõ ããrĩbema.

32 ¿Nasirirã Marĩpu merã õãrõ ããrĩberi? Jesucristore bũremurõ marĩrõ ĩgũsã basi Marĩpu Moisére doreri pídeare iridea merã gapũ, Marĩpu merã õãrõ ããrĩũadima. Irasirirã Cristore Marĩpu iriudire bũremumerã, Marĩpu pũrogue neõ waabirikuma. ĩgũsã ãtãye, maa deko pídeayegue gubu tũameémejãnerã irirosũ ããrĩrãkuma.

33 Marĩpuya werenĩrĩ gojãdea pũgue Marĩpu ĩgũ magũrẽ iriburire ãsũ ãrĩ gojasũdero ããrĩbũ:

Sugu yũ iriubure ãtãye irirosũ ããrĩgũrẽ Jerusalẽgue píguã. ĩgũrẽ bũremumerã, iri yegue gubu tũameémejãrã irirosũ ããrĩrãkuma. Irasirirã yũ pũrogue neõ ejabirikuma. ĩgũrẽ bũremurã gapũ: “Ĩgũrẽ ubugorata bũremukubũ”, ãrĩbirikuma. Yu pũro ejarãkuma, ãrĩ gojasũdero ããrĩbũ.\*

## 10

1 Yaarã, yũ Israel bumarãrẽ Marĩpu ĩgũ tauburire bũro gããmea. Irasirigu ĩgũrẽ ĩgũsãya ããrĩburire bũro sërëbosãa.

2 Diayeta ĩgũsã Marĩpu gããmerĩrẽ bũro iridũakererã, ĩgũ gããmerĩrẽ õãrõ pémasĩbema.



<sup>3</sup> Marĩpu marĩrẽ Jesucristore bũremurĩ merã: “Õãrã ããrĩma”, ãrĩ ããrĩrẽ masĩbema. Irasirirã ãgũsã basi õãrĩrẽ iridũakererã, Marĩpu Jesucristore bũremudoregũ iriudire bũremubema. Irasirigũ Marĩpu ãgũsãrẽ: “Õãrã ããrĩma”, ãrĩ ããbemi.

<sup>4</sup> Cristo ããrĩpereri Marĩpu Moisére doreri pídeare iripeodi ããrĩmĩ. Irasirigũ Marĩpu ããrĩpererã Cristore bũremurãnorẽ: “Õãrã, waja opamerã ããrĩma”, ãrĩ ããmi.

<sup>5</sup> Moisés ãsũ ãrĩ gojadi ããrĩmĩ: “Marĩ, Marĩpu dorerire ããrĩpereri iripeomakũ, Marĩpu marĩrẽ: ‘Õãrã, waja opamerã ããrĩma, yũ merã õãrõ ããrĩrãkuma’, ãrĩ ããgũkumi”, ãrĩ gojadi ããrĩmĩ.

<sup>6</sup> Marĩpu marĩrẽ: “Õãrã, waja opamerã ããrĩma”, ãrĩ ããrĩ gapũ ãsũ ããrã. Marĩ Cristore bũremumakũ, Marĩpu marĩrẽ: “Õãrã ããrĩma”, ãrĩ ããgũkumi. Irasirirã ãsũ ãrĩ gũñabirikõãka: “¿Noã Cristore ãmũgasigue ããrĩgũrẽ ããdijugũkuri marĩrẽ taudoregũ?” ãrĩ gũñabirikõãka! Cristo i ãmũguere marĩrẽ taugũ ejasiadi ããrĩmĩ.

<sup>7</sup> Irasirirã doja: “¿Noã, boanerã ããrĩrõgue ãkũãrĩ gobegue dijagũkuri Cristore siu marĩribu?” ãrĩ gũñabirikõãka! Marĩ basi irire irimasĩña mãã. ãgũ boa, masã, mũrĩasiadi ããrĩmĩ.

<sup>8</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũya kerere mũsã pésiãã. Irire mũsãya disi merã werenĩã. Mũsãya gũñarĩgue: ‘Diayeta ããrã iri’, ãrĩ gũñãã”, ãrĩ gojasũdero ããrĩbũ. Irire, marĩrẽ Jesucristo tauri kerere diayeta bũremua. Irasirirã masakare irireta werea.

<sup>9</sup> Irasirirã marĩya disi merã: “Jesús, yũ Opũ ããrĩmi”, ãrĩ werenĩmakũ, marĩya gũñarĩgue: “ãgũ boadero pũrũ, Marĩpu ãgũrẽ masũdi ããrĩmĩ”, ãrĩ bũremumakũ, Marĩpu marĩrẽ perebiri peamegue waabonerãrẽ taugũkumi, ãgũ merã õãrõ ããrĩnĩkõãburo, ãrĩgũ.

<sup>10</sup> Marĩpu, marĩ Jesucristore bũremumakũ, marĩrẽ: “Õãrã, waja opamerã ããrĩma”, ãrĩ ããmi. Marĩ gajerãrẽ: “Jesucristo yũre taugũ ããrĩmi, ãgũrẽ bũremua”, ãrĩ weremakũ, marĩrẽ peamegue waabonerãrẽ ãgũ taumurã ããrĩmakũ yãmi.

<sup>11</sup> Marĩpũya werenĩrĩ gojadea pũgue: “Neõ sugũ ãgũrẽ bũremugũ: ‘ãgũrẽ ubugorata bũremukubũ’, ãrĩbirikumi”, ãrĩ gojasũdero ããrĩbũ.

<sup>12</sup> Marĩpu, ããrĩpererã Opũ ããrĩmi. Irasirigũ judío masakare, judío masaka ããrĩmerãdere sũrosũta ããmi. Irasirigũ ããrĩpererãrẽ ãgũrẽ bũremurĩ merã sãrãrãrẽ õãrĩrẽ wãri sĩgũkumi.

<sup>13</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ Opũ, yũ ñerõ irideare yũre kãtika!” ãrĩ sãrãrãno

tausũrākuma. Peamegue wajamoāsũbirikuma”, āĩ gojasũdero āārĩbũ.

14 Irasũ āārĩkerepũ, marĩ Opũre: “Diayeta marĩrẽ taugũ āārĩmi”, āĩ burenumerã, ĩgũrẽ sērẽmasĩbema. ĩgũya tauri kerere pémerã, ĩgũrẽ buremumasĩbema. ĩgũya kerere ĩgũsãrẽ weregũ marĩmakũ, irire masĩbirikuma.

15 Marĩpũ ĩgũya kerere weremurãrẽ iriubirimakũ, irire wererã waabirikuma. ĩgũya werenĩrĩ gojadesa pũgue āsũ āĩ gojasũdero āārĩbũ: “Marĩpũya õārĩ kerere, ĩgũ merã õārõ siuñajãrĩ opari kerere wererã ejamakũ ĩãrã, marĩ burõ usũyãa”, āĩ gojasũdero āārĩbũ.

16 Iri Marĩpũ masakare tauri kere āārĩkerepũ, wãrã péduabema. Isaías āsũta āĩ gojadi āārĩmi: “Gua Opũ, ĩgũsã gua wererire péduabema”, āĩ gojadi āārĩmi.

17 Irasirirã Cristoya kerere weremakũ péduripírã, ĩgũrẽ buremurākuma.

18 Irasirigũ ire sērẽñaduakoa musãrẽ. ¿Israel bumarã iri kerere pébiriyuri? Pénerã āārĩmã. Marĩpũya werenĩrĩ gojadesa pũguedere irasũta āĩ gojasũdero āārĩbũ:

Marĩpũyare wererimasã āārĩpererogue marãrẽ ĩgũya kerere wererã waama. Irasiriro ĩgũsã wereri i ũmu āārĩpererogue seyakõaa, āĩ gojasũdero āārĩbũ.\*

19 Dupaturi musãrẽ sērẽñaduakoa doja. ¿Israel bumarã pékererã, õārõ pémasĩbiriyuri? Pémasĩnerã āārãdima. Yũ irire werenemogũ, Moisés ārĩdeare werepũrorigũra. Āsũ āĩ gojadi āārĩmi:

Marĩpũ Israel bumarãrẽ āsũ ārĩmi: “Ubu āārĩrãrẽ, yaare pémasĩmerãrẽ yaarã āārĩmakũ irigũra. Yũ irasirimakũ ĩãrã, musã gapũ ĩgũsãrẽ ĩaturirãkoa. Irasirigũ musãrẽ ĩgũsã merã guamakũ irigũkoa”, ārĩmi, āĩ gojadi āārĩmi Moisés.\*

20 Pũrũ Isaíade: “Irasũ ārĩbokoã”, āĩ, gũiri marĩrõ āsũ ārĩnemopeodi āārĩmi:

Āsũ ārĩmi Marĩpũ: “Yũre āmamerã gapũ yũre bokama. Irasirigũ yũre masĩmerãrẽ yũre masĩmakũ iribũ”, ārĩmi, āĩ gojadi āārĩmi Isaías.\*

Judío masaka āārĩmerã Marĩpũyarã āārĩburire weregũ irasũ āĩ gojadi āārĩmi.

21 Israel bumarã gapũre āsũ āĩ gojadi āārĩmi: “Āsũ ārĩmi Marĩpũ: ‘Ūmurĩkũ yũ merã õārõ āārĩduarã aarika!’ ārãdibũ ĩgũsãrẽ. ĩgũsã gapũ yũ dorerire tarinũgãrã, yũre péduabirima’, ārĩmi”, āĩ gojadi āārĩmi Isaías.

\* 10:18 Sal 19.4 \* 10:19 Dt 32.21 \* 10:20 Is 65.1

## 11

*Marĩpu Israel bumarãrẽ beyedeamarẽ gojadea*

1 Irasirigu musãrẽ ire sërẽñagura. ¿Marĩpu Israel bumarãrẽ: “Yaarã ããrĩma”, ãrĩdero puru, Ìgüsãrẽ béokõãyuri? Béobiridi ããrĩmí. Yude Israel buma, Abraham parãmi ããrĩturiaguta Benjamĩya buma ããrã.

2 Iripoegue Marĩpu Israel bumarãrẽ Ìgũyarã ããrĩburo, ãrĩgũ, beyedi ããrĩmí. Ìgũ irasũ beyenerãrẽ béobemi. Musã Marĩpuya kerere weredupuyudi Elías Ìgũrẽ: “Israel bumarã waja opama”, ãrĩdeare masĩkoa. Irire Marĩpuya werenĩrĩ gojadea pũgue ãsũ ãrĩ gojadi ããrĩmí:

3 “YU OPU, Israel bumarã muya kerere weredupuyuri-masãrẽ wẽjẽkõãma. Murẽ sĩdea soepeorore tuúmeédijukõãma. Irasirigu Ìgüsã watope yu suguta murẽ buremua. YU irasũ ããrĩmakũ Ìãrã, yudere wẽjẽduama”, ãrĩ gojadi ããrĩmí.

4 Ìgũ irasũ ãrĩmakũ pégu, Marĩpu ãsũ ãrĩ yujudi ããrĩmí: “Mu, suguta ããrĩbea. Yaarã siete mil ããrĩma. Ìgüsãrẽ iritamubu. Irasirirã yure õãrõ buremuma. Baal wãikugũ keori weadeare neõ buremubema. Irasirigu murẽ wẽjẽduarãrẽ güibirikõãka!” ãrĩdi ããrĩmí.

5 Elías ããrĩripoe Marĩpu Ìgũ beyenerãrẽ iritamuderosũta daporadere Israel bumarã watopere surãyeri Ìgũ beyenerãrẽ iritamumi. Irasirirã Ìgũrẽ buremuma. Ìgüsãrẽ bopoñarĩ merã Ìãsiã, beyedi ããrĩmí.

6 Ìgüsã iririkurire Ìãgũ meta beyedi ããrĩmí. Ìgüsãrẽ bopoñagũ beyedi ããrĩmí. Ìgüsã õãrõ iriadero puru Ìgüsãrẽ beyegu, bopoñagũ meta iribokumi. Ìgüsã õãrĩrẽ iridea waja ããrĩbokuyo.

7 Æsũ ããrã. Israel bumarã Ìgüsã iriri merã, Marĩpu Ìgüsãrẽ: “Õãrã ããrĩma”, ãrĩ Ìãmakũ gããmekererã, Ìgüsã Marĩpu merã õãrõ ããrĩburire neõ bokabema. Irasirirã Marĩpuyare neõ pémasĩmerã dujama. Marĩpu beyenerã gapu Ìgũ merã õãrõ ããrĩma.

8 Marĩpuya werenĩrĩ gojadea pũgue ãsũ ãrĩ gojasũdero ããrĩbú: “Marĩpu Ìgũrẽ gããmemerãrẽ Ìgũyare pémasĩbirimakũ yámi. Irasirirã diayemarẽ pékererã, pémasĩbema. Ìgũ iririre Ìãkererã, Ìãmasĩbema. Daporaguedere irasũta ããrĩnĩkõãma”, ãrĩ gojasũdero ããrĩbú.

9 Davide ãsũ ãrĩdi ããrĩmí Marĩpüre:

Israel bumarã bosenuĩ irirã ñerõ yáma. Irasirigu, Ìgüsã ñerĩrẽ iriri merã Ìgüsãrẽ wajamoãsumurã ããrĩmakũ irika!

10 Īgūsārē pēmasīmerā, koye iāmerā irirosū waamakū irika! Ɔmarikū nukūrī ūūmarā sūgū pūrīsūrā irirosū űerō tari-makū irika! ārīdi āārīmī David Marīp̄ure.\*

*Marīp̄ure judío masaka āārīmerārē tauḡukumi, ārī gojadea*

11 Gaji m̄sārē sērēñanemogura. ƆJudío masaka Jesucristore b̄remubirimakū, Marīp̄ure Īgūsārē béopeokōāyuri? Béopeobiridi āārīmī. Īgūsā Cristore irasū b̄remubirimakū, daporare judío masaka āārīmerā gap̄u Marīp̄ure taumurā āārīma. Īgūsārē Īgūyarā waamakū yāmi, judío masakade Īgūsārē iākūī, Īgūsāde Cristore b̄remuburo, ārīgū.

12 Judío masaka Cristore b̄remubirisīā, Marīp̄ure Īgūsārē: “Yū pūrārē ōārī sīgura”, ārīdeare opabema. Irasirirā judío masaka āārīmerā gap̄u Cristore b̄remurā, irire oparākuma. P̄urū judío masaka Cristore b̄remumakū, āārīpererārē i ūmū marārē nemorō ōārō waarokoa.

13 Daporare m̄sārē judío masaka āārīmerārē weregura. Jesucristo yure m̄sārē judío masaka āārīmerārē Īgūya kerere weredoregū p̄imi. Ire weregū, ubugora irigū meta yāa.

14 Īgūyare weregū, gajipoe irigū surāyeri yaarārē judío masakare m̄sārē iākūīmakū iribokoa, Īgūsāde Jesucristore b̄remuburo, ārīgū. Īgūrē b̄remurā, tausūrākuma Īgū merā ōārō āārīmurā.

15 Marīp̄ure judío masakare Cristore b̄remumerārē béomakū, gajerā gap̄u Īgū merā siuñajārī opama. Judío masakade Īgūrē b̄remumakū, ōātarirokoa. Īgūsā boanerāgue masānerā irirosū Marīp̄ure merā perebiri okarire oparākuma.

16 Āsū āārā. Pā iriri merā suru irip̄uroriduru Marīp̄ure sīmakū, āārīpereri iri pā iriri Marīp̄ureya āārā. Yukū n̄gūrī Marīp̄ureya āārīmakū, irigū d̄p̄uride Īgūya āārā. Ḡua űekū Abraham, irigū n̄gūrī irirosū āārīdi āārīmī. Marī Jesucristore b̄remurā Abraham parāmerā āārīturiarā āārā. Irasirigū Marīp̄ure Īgūrē: “Yaagu āārīmī”, ārī iāderosūta marīdere: “Yaarā āārīma”, ārī iāmi.

17 Judío masaka olivogū d̄p̄uri irirosū āārīma. Īgūsā irasū āārīkererū, su d̄p̄urire ditibéoderosū Marīp̄ure surāyeri Īgūsārē béodi āārīmī. P̄urū iri d̄p̄uri āārīderore gajigū olivo makānūmuma d̄p̄urire purīñeātuadoregū, wiiri, puūñeātuosū iridi āārīmī. Irasiriderosū m̄sārē judío masaka āārīmerārē Īgūyarā űajāmakū iridi āārīmī. Irasirirā m̄sā judío masaka āārībirikererā, āārīpereri Marīp̄ure Abraham parāmerā āārīturiarārē ōārīrē sīgura, ārīdeare m̄sāde űeānerā āārībū.

18 M̄sārē Īgū irasirimakū: “Ḡua judío masaka nemorō ōārā āārā”, ārī gūñabirikōāka! Ire gūñaka! Judío masaka olivogū

\* 11:10 Sal 69.22-23

Marĩpu otedi irirosũ aãrĩma. Musã gapu irigugue ĩgũ ãitũdea dupuri irirosũ aãrã. Irasirigu judío masaka merã musãrẽ iritamumi. Musã merã meta ĩgũsãrẽ iritamumi.

19 Musã judío masaka aãrĩmerã gapu ãsũ ãrĩboko: “Surãyeri judío masakare, olivogu dupurire ditibéoderosũ Marĩpu ĩgũsãrẽ béodi aãrĩmĩ. Irasũ béogu, gaji dupurire irigugue ĩgũ ãitũderosũ marĩrẽ pídi aãrĩmĩ, ĩgũyarã aãrĩmurãrẽ”, ãrĩboko musã.

20 Irasũta aãrã. ĩgũsã Jesucristore buremubiridea waja Marĩpu ĩgũsãrẽ béodi aãrĩmĩ. Irasirigu musãdere Cristore buremubirimakũ, ĩgũyarã aãrĩmakũ iribiribodi aãrĩmĩ. Irasirirã: “Gua judío masaka nemorõ õãrã aãrã”, ãrĩ gũñabirikõãka musã! Irasũ ãrĩmerãta Marĩpure õãrõ gopepyari merã buremuka!

21 Purorima dupuri irirosũ judío masaka Marĩpuyarã aãrĩpurorinerã aãrĩmã. Musã gapu ĩgũsã puru ĩgũyarã waanerã aãrĩbũ. Irasirigu Marĩpu ĩgũyarã aãrĩpurorinerã ĩgũrẽ buremubirimakũ, ĩgũsãrẽ béodi aãrĩmĩ. Musã ĩgũrẽ buremubirimakũ, ĩgũsãrẽ béoderosũta musãdere béogukumi.

22 Marĩpu õãrõ irigu bopoñarĩrẽ, ĩgũ turari merã wajamoãrĩrẽ pémasĩka! ĩgũrẽ buremumerãrẽ wajamoãgukumi. Irasirikeregu, musã piriro marĩrõ ĩgũrẽ buremunĩmakũ, musãrẽ õãrõ irigukumi. ĩgũrẽ buremubirimakũ, ñerĩ dupurire ĩgũ ditibéoderosũta musãdere béogukumi.

23 Judío masaka ĩgũ béosũnerã Jesucristore buremumakũ, ĩgũsãrẽ yuku dupurire ditibéodeare dupaturi iriguguetã ãitũro irirosũ irigukumi, ĩgũyarã ñajãmakũ irigu. ĩgũ suguta ĩgũ turari merã irire irimasĩmi.

24 Musã judío masaka aãrĩmerã olivo makãnúumuma dupuri irirosũ aãrã. Judío masaka gapu ĩgũ beyepurorinerã aãrĩmã. Olivogu Marĩpu otedi irirosũ aãrĩma. Musã irigugue ĩgũ ãitũdea dupuri irirosũ aãrã. Irasirigu Marĩpu musãrẽ ĩgũyarã ñajãmakũ iridi aãrĩmĩ. Musãrẽ irasirikeregu, judío masakare ĩgũ beyepurorinerã gapure musã nemorõ ĩgũyarã dupaturi ñajãmakũ irimasĩmi.

*Purugue Israel bumarãrẽ Marĩpu taugukumi, ãrĩ gojadea*

25 Yaarã, masaka iripoegue masĩbirideare, Marĩpu ĩgũ gũñaderosũta iriburire weregura musãrẽ: “Gua judío masaka nemorõ masĩpeokõãã”, ãrĩ gũñabirikõãburo, ãrĩgũ. Wãrã judío masaka Marĩpuyare pémasĩturabema dapa. Marĩpu judío masaka aãrĩmerãrẽ: “Buremurãkuma”, ãrĩnerãkuta Cristore buremudero puru, judío masakade buremurãkuma.

26 ĩgũsã irasũ buremumakũ, aãrĩpererã Israel bumarãrẽ Marĩpu ĩgũsã peamegue waabonerãrẽ taugukumi. ĩgũya werenĩrĩ gojadea pũgue ãsũ ãrĩ gojasũdero aãrĩbũ:

Jerusalégue, Sión wāikuri makāgue, judío masakaya makāgue  
 ĩgūsārē taubu aarigukumi. ĩgūsārē Jacob parāmerā  
 āārīturiarārē ĩgūsā ñerīrē béogukumi.\*

27 Marīpu āsū ārīmi: “ĩgūsārē ñerīrē béogu, yu ĩgūsārē ārīdeare  
 irigukoa”, ārī gojasūdero āārībú.\*

28 Inūguere wārā judío masaka Jesucristoya kerere  
 péduamerā, Marīpure ĩaturirā āārīma. ĩgūsā irasū āārīmakū,  
 mūsā judío masaka āārīmerā gapu Cristore buremunugābu.  
 Irasirigu Marīpu judío masaka ñekūsāmarā ĩgū beyenerā ĩgūsā  
 āārīmakū, ĩgūsārē āārīturiarādere maīmi.

29 “ĩgūsārē ōārīrē sīgura”, ārī gūñadeare gorawayubemi. ĩgū  
 ārīderosūta ĩgū beyenerārē ōārīrē diayeta sīgukumi.

30 Iripoeguere mūsāde Marīpu dorerire tarinugānerā āārībú.  
 Inūguere judío masaka Marīpu dorerire ĩgūsā tarinugāmakū  
 ĩāgū, mūsā gapure bopoñarī merā ĩāmi.

31 Daporare judío masaka ĩgū dorerire tarinugārā āārīma.  
 ĩgūsā irasū āārīkerepuru, Marīpu mūsārē bopoñarī merā  
 ĩārōsūta, ĩgūsādere bopoñarī merā ĩāmi.

32 Āsū āārā. Marīpu āārīpererā masakare ĩgū dorerire  
 ĩgūsā tarinugāmakū, ĩgūsārē peresu irigu irirosū iridi āārīmí,  
 purugue ĩgū āārīpererārē bopoñarī merā ĩārīrē masīburo, ārīgū.

33 Marīpu marīrē bopoñatarigu, turatarigu, āārīpererire  
 masīpeogu āārīmi. Irasirirā marī ĩgū gūñarīrē, ĩgū iriburire  
 ōārō pémasībea.

34 Āsū ārī gojasūdero āārībú Marīpuya werenírī gojadea  
 pūgue: “Masaka marī Opu gūñarīrē ōārō pémasībema. Irasirirā  
 ĩgūrē: ‘Āsū irika!’ ārī weremasībema.

35 Marīpure gajino sī, puru: ‘Marīrē wajamomi’, neō  
 ārīmasībema”, ārī gojasūdero āārībú.

36 Marīpu āārīpererire iridi āārīmí. ĩgū turari merā  
 āārīpererire āārīmakū iridi āārīmí. Irasiro āārīpereri ĩgūya  
 dita āārā. Irasirirā āārīpererā ĩgūrē: “Ōātaria mu”, ārī, usuyari  
 sīnikōārā! Irasūta irirā!

## 12

### *Marīpu dorerire iriníkōāka! ārī gojadea*

1 Yará, Marīpu marīrē buro bopoñarī merā ĩāmi. Irasirirā  
 marīrē ĩgūrē buremurā waibu sīunaderosūta daporare marī  
 basita sīrō gāāmea. Irasirirā marī okaro bokatīūrōpā  
 ĩgūyarā āārīrā ĩgū dorerire ōārō iriníkōārā! ĩgūrē marī merā  
 usuyamakū gāāmerā, irasirirākoa. Āsū iriro gāāmea marīrē  
 ĩgūrē buremurārē.

<sup>2</sup> I ũmu marã ĩgũsã ñerĩ iririkũire neõ irinemobirikõãrã! Āsũpero gapũ ãrĩrã! Marĩpũre: “Gũa gũñarĩrẽ õãrĩ gapũre gorawayuwãgãnikõãka!” ãrĩrã! ĩgũ marĩrẽ gorawayumakũ, marĩ ĩgũ gããmerĩrẽ: “Āsũ ããrã”, ãrĩ masĩrãkoa. ĩgũ gããmerĩ, õãrĩ dita ããrã. Iri, ñerĩ marĩrĩ ããrã. Marĩ ĩgũ gããmerĩrẽ irirã, ĩgũrẽ ũsũyamakũ irirãkoa.

<sup>3</sup> Marĩpũ yũre õãrõ irigũ, mũsãrẽ ĩgũya kerere weredoregũ beyedi ããrĩmĩ. Irasirigũ mũsãrẽ ããrĩpererãrẽ ãsũ ãrĩ weregũra. Neõ sugũ irimasĩbirikeregũ: “Yũ irikõãmasĩã”, ãrĩ gũñabirikõãrõ gããmea. Marĩ irimasĩrĩ direta: “Diaye irimasĩã”, ãrĩ gũñarõ gããmea. Irasirirã marĩ masakakũ ãsũ ãrĩ gũñarã: “Marĩpũ yũre irimasĩrĩ pídeare ĩgũrẽ yũ bũremurõ oparosũta yũ bokatĩũrõ irimasĩã”, ãrĩ gũñarã!

<sup>4</sup> Sugũ masakũya dupũ ãsũ ããrã. Su dupũ ããrĩkerero, wãri opãa. Wãri ããrĩkerero, sũrosũ moãbea.

<sup>5</sup> I irirosũta marĩ Jesucristore bũremurã wãrã ããrĩkererã, ĩgũ merã ããrĩrã sugũya dupũ irirosũ ããrã. Irasirirã marĩ ããrĩpererã su dupũma moãrõ irirosũ yãa.

<sup>6</sup> Irasirigũ Marĩpũ marĩrẽ maĩgũ, marĩ masakakũre gajerosũperi dita marĩ irimasĩburire pídi ããrĩmĩ. Irasirirã irire õãrõ iriro gããmea. Marĩrẽ ĩgũya kerere weretaudoregũ pímakũ, marĩ ĩgũrẽ bũremurõ oparosũta ĩgũyare gajerãrẽ õãrõ weretauro gããmea.

<sup>7</sup> Marĩrẽ gajerãrẽ iritamudoregũ pímakũ, ĩgũsãrẽ õãrõ iritamurõ gããmea. Gajerãrẽ ĩgũyare buedoregũ pímakũ, ĩgũsãrẽ õãrõ buero gããmea.

<sup>8</sup> Marĩrẽ gajerãrẽ gũñaturamakũ irimurãrẽ pímakũ, irire õãrõ iriro gããmea. Marĩrẽ gajerãrẽ ĩgũsã gããmerĩrẽ sĩmurãrẽ pímakũ, gajinorẽ sĩrã õãrõ ũsũyari merã sĩrõ gããmea. Marĩrẽ gajerãrẽ doremurãrẽ pímakũ, õãrõ merã dorero gããmea. Marĩrẽ gajerãrẽ bopoñarĩ merã iritamumurãrẽ pímakũ, ĩgũsãrẽ iritamurã ũsũyari merã iritamurõ gããmea.

*Jesucristore bũremurã ãsũpero ããrĩdorea, ãrĩ gojãdea*

<sup>9</sup> Gajerãrẽ maĩrã, diayeta maĩka! Ñerĩrẽ dooka! Õãrĩ gapũ direta iriwãgãnĩka!

<sup>10</sup> Mũsã Jesucristore bũremurã, sugũ pũrã gãme maĩrõsũta mũsã merãmarã merã gãme maĩka! ĩgũsãya ããrĩburire mũsãya nemorõ gũñaka! Bũremurĩ merã õãrõ gãme iritamuka!

<sup>11</sup> Marĩ Opũ dorerire irirã, neõ tébori marĩrõ õãrõ ũsũyari merã irika!

<sup>12</sup> “Marĩpũ õãrõ iritamugũkumi yũre”, ãrĩ, ũsũyari merã ĩgũ iritamuburire yũka! Irasirirã ñerõ tarirã, Marĩpũre piriro marĩrõ sũrosũ gũñaturari merã bũremunĩkõãka! ĩgũrẽ irasũ sêrênĩkõãka!

13 Jesucristore buremurā gajino gāāmemakū ĩārā, musā opari merā ĩgūsārē iritamuka! Musāya wiirigue ejarārē ōārō bokatĩrĩneāka!

14 Musārē ñerō irirārē ĩgūsāya āārĩburire Marĩpure sērēbosaka! “ĩgūsā yure ñerō iriri waja ĩgūsārē wajamoāka!” ārĩ sērēbirikōāka!

15 Gajerā usuyamakū ĩārā, ĩgūsā merā musāde usuyaka! Gajerā oremakū ĩārā, musāde ĩgūsā merā oreka!

16 Gajerā merā sũrosũ usuyari merā āārĩrikuka! “Yu gajerā nemorō ōāgũ āārā”, ārĩ gũñabirikōāka! Ubu āārĩrā merādere ōārō āārĩrikuka! “Masĩtarinugāgũ āārā yu”, ārĩ gũñabirikōāka!

17 Gajerā musārē ñerō irikerepurũ, ĩgūsārē ñerō iri gāmbirikōāka! Ñerĩ gapure irirono irirā, āārĩpererā masaka ĩūrōrē ōārĩ gapure irika!

18 Āārĩpererā merā musā ōārō āārĩrikuburosũta musā bokatĩūrō ōārĩrē irika!

19 Yaarā yũ maĩrā, gajerā musārē ñerō irikerepurũ, ñerō iri gāmbirikōāka! Musā basi ĩgūsārē wajarākubirikōāka! Marĩpu gapũ musārē ñerō irinerārē wajamoāgukumi. ĩgũya werenĩrĩ gojadea pũgue āsũ ārĩ gojasũdero āārĩbũ: “Marĩ Opũ āsũ ārĩmi: ‘Yu gapũ, masaka ñerō iridea waja ĩgūsārē wajamoāgũ āārā. ĩgūsārē diayeta wajamoāgũra’, ārĩmi”, ārĩ gojasũdero āārĩbũ.

20 Gaji āsũ ārĩ gojasũdero āārĩbũ: “Murē ĩaturigu haboamakũ ĩāgũ, baari ejoka! ĩgũ ñemesibusũmakũ ĩāgũ, iiriri tĩāka! Mu irasirimakũ, ĩgũ murē ñerō irideare guyasĩrĩgukumi”.

21 Irasirirā musārē ñerō irinerārē ñerō iri gāmbirikōāka! Ñerĩ gapure irirono irirā, ĩgūsārē ōārō irika! Irasiriri merā ñerĩ iririre tarinugārākoa.

## 13

1 Marĩpu dita i ũmũ marā oparārē sóomi. ĩgũ pĩnerā āārĩma. Irasirirā āārĩpererā ĩgūsārē ōārō yujuka!

2 Sugũ oparārē tarinugāgũno, Marĩpu pĩnerārē tarinugāgũ yámi. Marĩpu ĩgūsārē tarinugārārē wajamoāgukumi.

3 Oparā, ōārō irirārē gũimakũ iribema. Ñerō irirā gapure gũimakũ yáma. Gũimerāta āārĩrikudũarā, ōārō irika! Irasirimakũ, oparā musārē: “Ōārō yáa”, ārĩrākuma.

4 Marĩpu ĩgūsārē musāya āārĩburire iritamudoregu pĩdi āārĩmĩ. Irasirirā ñerō irirā gũika! Oparā, ñerĩ irirārē wajamoārā, Marĩpu dorero irirāta yáma. Marĩpu ñerō irirārē wajamoāadoregu oparārē pĩdi āārĩmĩ.

5 Irasirirā oparā marĩrē doremakũ, buremurĩ merā ĩgūsā dorerire ōārō yujuro gāāmea. Wajamoārĩ, ārĩrā dita yujubirikōārō gāāmea. “Marĩpu ĩūrō ĩgũ gāāmerĩrē iridũakoa”, ārĩ gũñarĩ merā ĩgūsā dorerire ōārō yujuro gāāmea.



<sup>6</sup> Oparã ĩgũsã moãrĩrẽ õãrõ irirã, Marĩpũre moãboerã irirosũ ããrĩma. Irasirirã ĩgũsã wajasearopã keoro wajarika!

<sup>7</sup> ããrĩpererã oparã dorerosũta keoro irika! ĩgũsã wajaseamakũ wajarika! ĩgũsã gajinorẽ irimurã wajaseamakũde wajarika! Irasirirã mũsã oparãrẽ bũremuka! ĩgũsãrẽ goepeyari merã ĩãka!

<sup>8</sup> Neõ gajerãrẽ wajamorĩrẽ opabirikõãka! ĩgũsãrẽ wajorĩrẽ oparõno irirã, maĩrĩ gapũre opaka! Sugũ ĩgũ boka-jagũnorẽ maĩrĩ merã iritamugũno, Marĩpũ doreri pídeare keoro irigũ yãmi.

<sup>9</sup> ãsũ ãrã Marĩpũ doreri pídea: “Gajigũ marãpo merã, nomede gajego marãpũ merã ñerõ iribirikõãka! Masakare wẽjẽbõbirikõãka! Yajabirikõãka! Gajerãyamarẽ ãrĩgatori merã werebirikõãka! Gajerãyare ãaribejabirikõãka!” ãrĩ werea. Gaji ĩgũ doreri pídea ãsũ ãrã: “Mũ basi maĩrõsũta mũ pũro ããrĩrãdere maĩka!” ãrĩ werea. Mũsã gajerãrẽ maĩrã, Marĩpũ doreri pídea ããrĩpererire irirã yãa.

<sup>10</sup> Gajerãrẽ maĩgũno, ĩgũsãrẽ neõ ñerõ iribemi. Irasirigũ ĩgũsãrẽ maĩgũno, Marĩpũ doreri pídeare iripeogũ yãmi.

<sup>11</sup> I ããrĩpererire gũñaka! Irasirirã pémasĩka! Kãrĩrã irirosũ ããrĩbirikõãka! Marĩ iripoegue Jesucristoya kerere bũremupũrorirã, ãmũgasigue marĩ waaburi dũyataria, ãrãdibũ. Daporare marĩ masĩa. Jesucristo dupaturi aariburo mérõ dũyãa.

<sup>12</sup> Irasiriro boyomũrĩro irirosũ ããrã. Irire masĩrã, ñerĩrẽ masaka naĩtĩãrõgue iririre pirirã! Õãrĩrẽ boyorogue masaka ĩũrõ iriri gapũre irirã! Marĩ irasirirã, Marĩpũ turari merã ñerĩ iririre pirikõãrãkoa.

<sup>13</sup> Irasirirã masaka ãmũ merã deyorogue õãrĩrẽ irirã irirosũ irirã! Bosenũrĩ ããrĩmakũ, mejã, gainĩbirikõãrã! Nome merã ñerõ iribirikõãrã! Nomede ãma merã ñerõ iribirikõãburo. Gajerã merã gãme guaseobirikõãrã! Gajerãyare ububirikõãrã!

<sup>14</sup> ãsũ gapũ ããrĩrikũrã! Marĩ Opũ Jesucristo iritamurĩ merã ĩgũ irirosũ õãrõ ããrĩrikũrã! Marĩ ñerĩ ãaribejarire iridũarire pirikõãrã!

## 14

*Marĩ Jesucristore bũremurã gãme werewũabirikõãrõ gããmea*

<sup>1</sup> Sugũ Jesucristore bũremuturabi ããrĩkeregũ, ĩgũ mũsã merã ããrĩdũamakũ, ĩgũrẽ werewũaro marĩrõ ñeãka! ĩgũrẽ ñeãrã, Marĩpũyare masĩbirimakũ ĩãrã, ĩgũ merã guaseobirikõãka!

<sup>2</sup> Gajerã surãyeri Jesucristore bũremurã: “Marĩ ããrĩpereri baamakũ õãgorãa”, ãrĩma. Gajerã gapũ Jesucristore

buremuturamerã: “Marĩ waibu diĩ baarã, Marĩpu dorerire tarinugãbokoa”, ãrĩ gũñama. Irasirirã oteri direta baarikuma.

<sup>3</sup> ããrĩpererire baagu, oteri direta baagure irasũ ããbëbirikõãburo. Oteri direta baagude ããrĩpererire baagure: “Irasũ baamakũ ñegorãa”, ãrĩbirikõãburo. Marĩpu ããrĩpereri baagudere: “Yaagu ããrĩmi”, ãrĩ ããsiadi ããrĩmi.

<sup>4</sup> Marĩ gajigure moãboegure: “Ñerõ yãa”, ãrĩmasĩbirikoa. Ñgũ opu dita irasũ ãrĩmasĩmi. Marĩ Jesucristore buremurãde irasũta ããrã. Irasirirã marĩ gajerã Jesucristore buremurãrë: “Ñerõ yãa”, ãrĩmasĩbirikoa. Marĩpu Ñgũsã Opu ããrĩmi. Ñgũ suguta Ñgũsãrë: “Õãrõ yãa, o ñerõ yãa”, ãrĩmasĩmi. Ñgũ turagu ããrĩsã, Ñgũyarãrë Ñgũrë õãrõ buremuturamakũ irigukumi.

<sup>5</sup> Gaji werenemogura musãrë. Surãyeri: “Sunãta gajinãrĩ nemorõ Marĩpure buremurõ gããmea”, ãrĩ gũñama. Gajerã gapu: “ããrĩpererinãrĩ surõsũ, Marĩpuya ããrã”, ãrĩ gũñama. Irasirirã masakaku: “Marĩpu yure ãsũ irimakũ gããmemi”, ãrĩ gũñarõ gããmea.

<sup>6</sup> Sugũ: “Irinũno direta nerë, Marĩpure buremudorea”, ãrĩ gũñagũ, Marĩpure buremubu irasũ ãrĩ gũñami. Gajigu ããrĩpererire baagude Marĩpure: “Yu baari, mu sãdea ããrã”, ãrĩ, usuyari sãmi. Irasirigu Ñgũde Marĩpure buremugũta ããrĩmi. Gajigu gajinorë baabide Marĩpure buremumi. Ñgũde Marĩpure: “Yu baari, mu sãdea ããrã”, ãrĩ, usuyari sãmi.

<sup>7</sup> Marĩ okarã, boarãde marĩ basi: “ãsũ irigura”, ãrĩmasĩña mãa.

<sup>8</sup> Marĩ, Jesucristoyarã marĩ okarinãrĩrë Ñgũyare irimurã ããrã. Marĩ boadero puruguedere Ñgũyarã ããrĩnikõãrãkõa. Irasirigu marĩ okamakũ, marĩ boamakũdere Cristo marĩ Oputa ããrĩnikõãgukumi.

<sup>9</sup> Irasũta ããrã. Cristo boa, puru masãdi ããrĩmi ããrĩpererã okarã, boanerã Opu ããrĩbu.

<sup>10</sup> Iro merë, ¿nasirirã musã gajerã Jesucristore buremurãrë: “Ñerõ yãama”, ãrĩ werewhari? ¿Nasirirã Ñgũsãrë irasũ ããbëkõãrĩ? Cristo marĩ ããrĩpererãrë Ñgũ diaye nãdoregukumi marĩ irideare werebu. Irasirirã gajerã Jesucristore buremurãrë: “Ñerõ yãama”, ãrĩ werewhabirikõãrõ gããmea.

<sup>11</sup> Marĩpuya werenĩrĩ gojadea pũgue ãsũ ãrĩ gojasũdero ããrĩbũ:

ãsũ ãrĩmi marĩ Opu: “Yu okagu ããrã. Yu werenĩrĩ diayeta ããrã.

ããrĩpererã yu ããrõ ñadukupuri merã ejamejãrãkuma.

ããrĩpererã yure: ‘Mu, gu Opu õãgũ, turagu ããrã’, ãrĩrãkuma”, ãrĩ gojasũdero ããrĩbũ.\*

<sup>12</sup> Irasirirā, Marīpu marī irideare sērēñamakū, marī masakaku āārīpereri marī irideare wererākoa.

*Neō mūsā iriri merā gajerā Jesucristore b̄remurārē ñerī irimakū iribirikōāka!*

<sup>13</sup> Irasirirā gāme werew̄hanemobirikōārā! Āsū gapu ārī gūñarā! “Ḡna iriri merā gajerā Jesucristore b̄remurārē ñerī irimakū irid̄habirikoa”, ārī gūñarā!

<sup>14</sup> Ȳu, marī Op̄u Jesucristore b̄remugū, āsū ōārō masīa. Āārīpereri Marīpu baari pīdea ōāgorāa ȳure. Gajigu gapu: “Ȳu irire baamakū, ñegorāa”, ārī gūñamakū, ĩgūrē diayeta ñegorāa.

<sup>15</sup> I diayeta āārā. Gajigu Jesucristore b̄remugū, ĩgū baabirire mūsā baamakū ĩāgū: “Iri Marīpu baadobirideā āārā”, ārī gūñakereḡu, mūsārē ĩākūī, baabokumi. Irasū baagu: “Ñerō iriabu”, ārī gūñarikabokumi. Irasirirā, ĩgū baabirire dupaturi baarā, ĩgūrē maīrā meta yāa. Cristo ĩgūdere boabosadi āārīmī. Irasirirā mūsā baari merā gajigu Cristore b̄remugūrē poyanorēbirikōāka!

<sup>16</sup> Irasirirā: “Ḡna āsū iriri ōāgorāa”, ārī gūñakerepuu, gajerā gapu mūsārē: “Ñerō yāma”, ārī werew̄hamakū pérā, dupaturi irire irinemobirikōāka!

<sup>17</sup> Marīpu ĩgūyarārē doreri: baa, iirīri meta āārā. I gapu āārā. Diayemarē irinīrī, ĩgū merā siuñajārī opari, us̄yari merā āārīrī āārā. Irire Ōāgū deyomarīgū iritamurī merā irisūa.

<sup>18</sup> Sugū irasūta Cristoyare ōārō irigu Marīpure us̄yamakū yāmi. Masakade ĩgū ōārō irimakū ĩārā, ĩgūrē: “Ōārō yāmi”, ārīrākuma.

<sup>19</sup> Marīpu merā siuñajārī opamurā, marī basi gāme iritamumurā irasiro gāamea. Irire irirā, Jesucristore b̄remunemowāgānīrākoa.

<sup>20</sup> Marīpu Jesucristore b̄remurānorē ĩgū merā ōārō āārīmakū yāmi. Irasirirā, mūsā baari merā Marīpuyare ĩgūsā iririre pirimakū iribirikōāka! Diayeta āārīpereri Marīpu baari pīdea ōārī dita āārā. Gajigu ĩgū baabirire mūsā baamakū ĩāgū: “Iri Marīpu baadobirideā āārā, irire baagu ñerō iribokoa”, ārī gūñakereḡu, mūsārē ĩākūī, baagu ñerō iribokumi. Irasirirā mūsā irire baarā, ĩgūrē ñerō irimakū iribokoa. Mūsā irasiriri ñegorāa.

<sup>21</sup> Gajigu Jesucristore b̄remugūrē marī iriri merā ĩgūrē ñerī irimakū iribokoa, ārīrā, āsūpero iriro gāamea. ĩgū waibu dīi baabirimakū ĩārā, irire baabirikōārō gāamea. Igui deko pāmudeare ĩgū iirībirimakū ĩārā, irire iirībirikōārō gāamea. ĩgūrē Jesucristore b̄remuturabirimakū iribirikōārō gāamea.

<sup>22</sup> “Marīpu ĩūrō ȳu iriri ōāgorāa”, ārī b̄remugūno irimarē gajerā b̄remuturamerārē guaseobirikōāburo. Sugū: “Marīpu

ĩũrõ ñerõ iribea, waja opabea, diayeta yáa”, ãrĩ gũñagũ, usuyari merã ããrĩgukumi.

<sup>23</sup> Gajigu gapu: “Iri baarire baagu, ñerõ iribokoa”, ãrĩ gũñarikukeregu irire baagu, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opáa. ããrĩpereri marĩ irasiriri, ñerĩ iriri ããrã.

## 15

### *Gajerãya ããrĩburidere gũñarõ gããmea, ãrĩ gojadea*

<sup>1</sup> Marĩ Jesucristore bñremurã, ĩgũrẽ bñremuturamerãrẽ iritamurõ gããmea. Marĩya ããrĩburi ðireta iribirikõãrõ gããmea.

<sup>2</sup> Marĩ masakaku marĩ pũro ããrĩrãya ããrĩburire gũñarõ gããmea, ĩgũsãde Jesucristore bñremunemowãgãburo, ãrĩrã.

<sup>3</sup> Cristode ĩgũyama ðireta iribiridi ããrĩmĩ. Marĩpũya gapure iridi ããrĩmĩ. Irasiro ĩgũrẽ waadeare Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Mũrẽ ñerõ werenĩrã, yuguerẽ ãrĩmeétuma”.

<sup>4</sup> ããrĩpereri iripoegue Marĩpũya werenĩrĩ gojadea marĩrẽ buedorero gojasũdero ããrĩbũ. Irire buerã, gũñatura, õãrõ yũpũrãkũrãkoa. Irasirirã ñerõ tarirã, Marĩpũ iritamuburire usuyari merã yúa.

<sup>5</sup> Marĩpũ marĩrẽ gũñatura, õãrõ yũpũrãkũmakũ irigu, Jesucristo gããmerõsũta mũsãrẽ sugũ pũrã irirosũ sũrosũ ããrĩrikũmakũ iriburo.

<sup>6</sup> Irasirirã mũsã ããrĩpererã suro merã Marĩpũre marĩ Opũ Jesucristo Pagure: “Õãtaria mũ”, ãrĩ, usuyari sũrãkoa.

### *Jesucristo judío masaka ããrĩmerãrẽ tauburire gojadea*

<sup>7</sup> Jesucristo ĩgũ marĩrẽ ñeãderosũta marĩde gajerãrẽ õãrõ gãme bokatĩrĩñeãrõ gããmea, ããrĩpererã Marĩpũre: “Õãtaria mũ”, ãrĩburo, ãrĩrã.

<sup>8</sup> Mũsãrẽ ire werea. Marĩpũ gũa ñekũsãmarãrẽ ĩgũ: “Ãsũ irigũra”, ãrĩdeare diaye iridi ããrĩmĩ. Irasirigu Jesucristo judío masakare iritamugũ i mũguere aaridi ããrĩmĩ. ĩgũ irasiriri merã ĩgũ Pagũ ãrĩdeare iri ĩmupeodi ããrĩmĩ.

<sup>9</sup> Irasũ ããrĩmakũ, judío masaka ããrĩmerã: “Marĩpũ guadere bopoñagũ õãtarimi”, ãrĩdoregu, aaridi ããrĩmĩ. Marĩpũya werenĩrĩ gojadea pũgue gojaderosũta irasiridi ããrĩmĩ. ãsũ ãrĩ gojasũdero ããrĩbũ:

Marĩpũre ãsũ ãrĩmi: “Judío masaka ããrĩmerã watopegue mũrẽ usuyari sũgũra. ‘Turatarigu ããrã’, ãrĩ bayapeogũra mũrẽ”, ãrĩmi, ãrĩ gojasũdero ããrĩbũ.\*

<sup>10</sup> Gajeroguedere ãsũ ãrĩ gojasũdero ããrĩbũ:

\* 15:9 2 S 22.50; Sal 18.49

Musã judío masaka ããrĩmerã Marĩpũyarã judío masaka merã usũyaka! ãrĩ gojasũdero ããrĩbú.\*

11 Gajeroguedere ãsũ ãrĩ gojasũdero ããrĩbú:

Ããrĩpererã judío masaka ããrĩmerã Marĩpũre: “Õãtaria mu”, ãrĩ, usũyari sĩburo. ããrĩperero marã masaka: “Ìgũ turatarigu ããrĩmi”, ãrĩburo, ãrĩ gojasũdero ããrĩbú.\*

12 Isaiade ãsũ ãrĩ gojadi ããrĩmĩ David pagũ, Isai wãikũgũre gojagu:

Isai parãmi ããrĩturiagu aarigũkumi. Irasũ aarigũ, judío masaka ããrĩmerã Opũ ããrĩgũkumi. Ìgũsã Ìgũrẽ: “Gũare taubu ããrĩmi”, ãrĩ bũremurãkuma, ãrĩ gojadi ããrĩmĩ.\*

13 Marĩpũ marĩrẽ Ìgũ òãrõ iriburire usũyari merã yũmakũ irigu, musãrẽ Ìgũrẽ bũremurãrẽ usũyari, siuñajãrĩ sĩnemoburo. Irasirirã musã Òãgũ deyomarĩgũ iritamurĩ merã nemorõ usũyari merã yũrãkoa.

14 Yaarã musã, yũ peñamakũ, Jesucristore bũremurã, gajerã merã òãrõ ããrĩrikũa. Cristoyare òãrõ masĩa. Irasirirã musã basi irire òãrõ gãme weremasĩa.

15 Musã irasũ masĩkerepũrũ, i papera pũguere gũiro marĩrõ irire gojãa, musã masĩdeare kãtibirikõãburo, ãrĩgũ. Marĩpũ yũre òãrõ irigu, musãrẽ Jesucristoyare buedoregũ pĩmi.

16 Ìgũ yũre irasũ pĩmakũ, paia Marĩpũre gajino sĩrõ irirosũta yũ judío masaka ããrĩmerãrẽ Ìgũrẽ wiaduakoa, Ìgũyarã ããrĩburo, ãrĩgũ. Irasirigu Ìgũsãrẽ Jesucristoya kerere buea. Yũ irasũ buemakũ pẽrã, Jesũre bũremurãkuma. Ìgũsã irasũ bũremumakũ ìãgũ, Marĩpũ Ìgũsãrẽ: “Õãrã ããrĩma”, ãrĩ ìãgũkumi. Òãgũ deyomarĩgũ Ìgũsãrẽ Marĩpũyarã waamakũ irigũkumi. Irasirigu Marĩpũ Ìgũsãrẽ: “Yaarã ããrĩma”, ãrĩ ñeãgũkumi.

17 Yũ Jesucristore bũremugũ, Ìgũ iritamurĩ merã Marĩpũ yũre pĩdeare òãrõ yãa. Irasirigu yũ moãrĩ merã òãrõ peñãa.

18 Irasirigu Jesucristo yũ merã iridea direta musãrẽ werẽgũra. Musã judío masaka ããrĩmerãrẽ Marĩpũre bũremumakũ gããmesãgũ, yũre iritamumi. Irasirigu yũ bueri merã, yũ iriri merã musã judío masaka ããrĩmerãrẽ Marĩpũre bũremumakũ irimi.

19 Yũ, Marĩpũ turari merã iri ìmurĩ merã, Òãgũ deyomarĩgũ iritamurĩ merã musãrẽ buebũ. Irasũ buegũ, Jesucristo masakare tauri kerere Jerusalén merã buepũrori, pũrũ ããrĩpererogue buegorena, pũrũ Ilĩrico wãikũri nikũgue iri kerere buetũnubũ.

20 Gajerã buesũña marĩrõgue Jesucristoyare masĩmerãrẽ bũro buedũari merã buebũ. Irasũ buegũ, gajerã Ìgũsã buedeaguere buewekapeobiribũ.

\* 15:10 Dt 32.43    \* 15:11 Sal 117.1    \* 15:12 Is 11.10

21 Irasū buegu, Marĩpuya werenĩĩ gojadea pũgue gojasũderosũta iribũ. Āsũ āĩ gojasũdero āārĩbũ Cristore masĩbirinerā masĩburire:  
 Īgũya kerere neõ pėbirinerā weresũrākuma. Īgũyare neõ pėbirinerā õārõ pėmasĩrākuma, āĩ gojasũdero āārĩbũ.\*

*Pablo Īgũ Romague waaburire gojadea*

22 Yũ gaji makārĩ marārē buegorenasĩā, wāri mũsārē ĩāgũ waaduakeregu, waamasĩbiribũ dapa.

23 Dapagueta iri makārĩguere yũ moārĩ peoa. Irasirigu iripoegueta mũsā pũrogu waaduānĩdĩ āārĩsĩā, pũrũ weya irogu waagũra, mũsā merā āārĩbu.

24 Irasirigu Espaņague waagũ, mũsā pũro eja, mũsārē ĩā, usũya, mũsā merā meroģā āārĩ, pũrũ mũsā yũre iritamurĩ merā tariagũra.

25 Daporare Jerusalēgue waapũroribu yāa dapa. Iro marārē Jesucristore bũremurārē iritamugũ, niyeru āĩabu yāa.

26 Jesucristore bũremurā Macedonia, Acaya marā Jerusalēgue āārĩrārē boporārē gũña, niyerure neõ, iriuduama Īgũsārē iritamurā. Irasirigu irogu iri niyerure Īgũsārē sĩgũ waabu yāa.

27 Judío masaka āārĩmerā Macedonia, Acayague āārĩrā, judío masaka Jerusalēgue āārĩrārē gũñama Īgũsārē iritamura. Īgũsā irasũ gũñarĩ õāgorāa. Judío masaka, judío masaka āārĩmerā gapũre Jesucristoya kerere werepũrorima. Irasirirā judío masaka āārĩmerā Jesucristore bũremurā, Marĩpũ judío masakare: “Sĩgũra”, ārĩdeare Īgũsāde ñeāma. Irasirirā judío masaka āārĩmerā Īgũsā opari merā judío masakare boporārē iritamurõ gāāmea.

28 Irasirigu Jerusalén marārē iri niyerure yũ sĩ odoadero pũrũ, Espaņague waagũ, mũsārē ĩātariagũra.

29 Yũ mũsā pũrogu waagũ, Jesucristoya kerere mũsārē weregũkoa. Irasirirā mũsā iri merā õārõ yũpũrākũrākoa.

30 Yaarā, mũsā marĩ Opũre Jesucristore bũremua. Oāgũ deyomarĩgũ marĩrē gāme maĩmakũ yāmi. Irasirigu yũ mũsārē āsũ irimakũ gāāmea. Yũre iritamurā, yaa āārĩburire Marĩpũre sērēbosaka, yũ moārĩmarē!

31 Īgũrē yaa āārĩburire āsũ sērēbosaka! Judea nikũ marā Jesũre bũremumerā yũre Īgũsā ñerõ iriduamakũ, Marĩpũ yũre iritamuburire sērēka! Jerusalén marārē iri niyerure yũ sĩmakũ, Īgũsā irire usũyari merā õārõ ñeāburire sērēka!

32 Mũsā irasũ sērēmakũ, Marĩpũ gāāmemakũ, usũyari merā mũsā pũro waagũkoa. Irasirigu mũsā merā usũya, siuñajāgũkoa.

33 Marĩpu marĩrẽ siuñajãrĩ merã ããrĩmakũ irigũ, musã ããrĩpererã merã ããrĩburo. Irasũta ããrĩburo.

## 16

*Pablo Romague ããrĩrãrẽ õãdoreri gojadea*

1 Gũa merãmo Jesucristore bũremugõ Febe wãĩkũgo musã pũrogue waabo yãmo. Igo Cencrea wãĩkũri makãgue Jesucristore bũremurãrẽ iritamugõ ããrĩmo.

2 Musã Jesucristore bũremurã usũyari merã igore bokatĩrĩñeãka! Marĩrẽ Jesucristore bũremurãrẽ irasũta õãrõ bokatĩrĩñeãrõ gããmea. Igo wãrãrẽ iritamudeo ããrĩmo. Yũdere iritamumo. Irasirirã, igo gajino gããmemakũ iritamuka!

3 Aquila, ãgũ marãpo Priscilade õãburo. Jesucristoyare yũ buemakũ, ãgũsãde yũre buetamuma.

4 Gajerã yũre wẽjẽdũamakũ, ãgũsã yũre iritamurĩ waja ãgũsãdere mërõ wẽjẽboyama. ãgũsã yũre irasũ õãrõ iritamurĩrẽ yũ dita Marĩpũre usũyari sĩbea. Judío masaka ããrĩmerã Jesucristore bũremurã ããrĩpererã Marĩpũre usũyari sĩma.

5 Jesucristore bũremurã Aquilaya wiigue nerẽnarãde õãburo. Yũ maĩgũ Epenetode õãburo. ãgũta Asiaguere Cristore bũremupũrorinũgãdi ããrĩmĩ.

6 Mariãde õãburo. Igo musã merã bũro moãyupo.

7 Yaarã Andrónico, Juniãde õãburo. Peresu yũ ããrĩmakũ, ãgũsãta yũ merã ããrĩmã. Yũ Cristore bũremuburi dupuyuro ãgũsã gapũ bũremunũgãsianerã ããrĩmã. Jesús buedoregũ pĩnerã ãgũsãrẽ: “Diayeta õãrã ããrĩma”, ãrĩ werenĩma.

8 Amplias yũ maĩgũ Jesũre bũremugũ õãburo.

9 Urbano õãburo. ãgũde gũa merã moãmi, Jesucristoya kerere masakare buegũ. Yũ maĩgũ Estaquide õãburo.

10 Apelede õãburo. ãgũ diayeta Jesucristore õãrõ bũremumi. ãgũ iririkũrĩre ããrã: “Cristore õãrõ bũremugũ ããrĩmi”, ãrĩ masĩa. Aristóbuloya wii marãde õãburo.

11 Gajĩgũ yaagũ judío masakũ Herodiõde õãburo. Narcisoya wii marã marĩ Opũ Jesũre bũremurãde õãburo.

12 Trifena, Trifosa õãburo. ãgũsã nome marĩ Opũ Jesũyare moãma. Gũa maĩgõ Pérsidade õãburo. Igo de marĩ Opũ Jesucristoyare bũro moãmo.

13 Rufode õãburo. ããrĩpererã ãgũrẽ: “Jesucristore õãrõ bũremumi”, ãrĩ ããma. ãgũ pagode õãburo. Igo, yũpo irirosũta yũre õãrõ irimo.

14 Asíncrito, Flegonte, Hermes, Patrobas, Hermas, gajerã Jesũre bũremurã ãgũsã merã ããrĩrãde õãburo.

15 Filólogo, Julia, Nereo, ãgũ pagũmode Olimpas, gajerã Jesũre bũremurã ãgũsã merã ããrĩrãde õãburo.

16 Musã gãme õãdorerã, õãrõ usuyari merã, buremurĩ merã pábua õãdoreka! ããrĩpererã Jesucristore buremurã musãrẽ õãdoreri iriuma.

17 Yaarã musã Jesucristore buremurã, surãyeri musã watopegue ããrĩrã ãgũsã iriri merã musãrẽ ñerõ irimakũ, musãrẽ gãme dukawarimakũ iridũama. Irasirirã, musãrẽ Jesúyare buedeare goroweodũama. Irasirirã irasũ ããrĩrãrẽ wapikubirikõãka!

18 ãgũsã, marĩ Opũ Jesucristo dorerire irirã meta ããrĩma. Ñerĩrẽ ãgũsã uaribejari direta irirã ããrĩma. ãgũsã õãrõ péma õãrĩ werenĩrĩ merã pémasĩturamerãrẽ ãrĩgatoma. ãgũsã irasũ ãrĩgatomakũ, ãgũsãrẽ õãrõ pétuyama. Irasirirã ãrĩgatorimasãrẽ wapikubirikõãka!

19 ããrĩpererã masaka musã Jesucristoyare õãrõ iririre masĩsiana. Irasirigũ yũ musã merã buro usuyãa. Yũ musãrẽ õãrĩ gapũre masĩmakũ gããmekoa. Neõ ñerĩ tamerãrẽ gããmesãbirikoa.

20 Marĩpũ marĩrẽ õãrõ siuñajãrĩ merã ããrĩmakũ irigũ, mérõgã pũrũ wãtẽa opũ Satanãrẽ béogukumi, musãrẽ neõ tarinũgãnemobirikõãburo, ãrĩgũ. Marĩ Opũ Jesucristo musãrẽ õãrõ iritamunĩkõãburo.

21 Timoteo yũ merã Jesucristoya kerere weretamugore-nagũ musãrẽ õãdoremi. Yaarã Lucio, Jasón, Sosípater musãrẽ õãdorema.

22 Yũ, Tercio wãikũgũ i pũrẽ Pablöre gojabosãa. ãgũ yũre gojadorerire gojatũa. Irasirigũ yũde Jesucristore buremugũ, musãrẽ Jesucristore buremurãrẽ õãdorea.

23 Yũ Pablo, Gayoya wii ããrã. ãgũya wiigue Jesucristore buremurã nerẽnama. ãgũde musãrẽ õãdoremi. Erasto, i makã marã oparãrẽ niyeru duripĩboerimasũ musãrẽ õãdoremi. Cuar-tode Jesucristore buremugũ musãrẽ õãdoremi.

24 Marĩ Opũ Jesucristo musãrẽ ããrĩpererãrẽ õãrõ irita-muburo. Irasũta iriburo.

*Pablo usuyari merã gojatũnudea*

25 Daporare Marĩpũre: “Õãtaria mũ”, ãrĩ, usuyari sĩrã! Marĩpũ, marĩ Opũ Jesucristoya kere merã marĩrẽ ãgũrẽ nemorõ buremumakũ yãmi. Yũ iri kerere, Marĩpũ ãgũ Cristo merã marĩrẽ tauri kerere werea musãrẽ. Neõgoragueta Marĩpũ ãgũ masakare: “Taugũra”, ãrĩdea ããrĩsiadero ããrĩbũ. Irasũ ããrĩkerepũrũ, ããrĩpererã masaka gapũ irire masĩbirinerã ããrĩmã.

26 Daporare Marĩpũyare weredupuyunerã gojadea kere merã ãgũ marĩrẽ: “Taugũra”, ãrĩdeare marĩ masĩa pama. Marĩpũ ããrĩnĩgũ ãgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yãmi.



Ããĩpererã masakare ãgũrẽ bũremu, ãgũ dorerire iriburo,  
ããĩgũ, irasũ yãmi.

<sup>27</sup> Marĩpũ sugũta ããĩmi. ãgũ sugũta ããĩpererire masĩpeogũ  
ããĩmi. Irasirirã Jesucristo iritamurĩ merã ãgũrẽ: “Õãtaria  
mũ”, ããĩ bũremuníkõããã! Irasũta irirã!

Iropãta ãããã.

Pablo

# 1 CORINTIOS

*Pablo Corinto marãrẽ õãdoredea*

<sup>1</sup> Y<sub>H</sub> Pablo, Sóstenes merã m<sub>u</sub>sãrẽ õãdoredea. Marĩp<sub>H</sub> gããmederosũta Jesucristo y<sub>H</sub>re ãgũyare buedoreg<sub>H</sub> beyepĩmi. Sóstenes Jesũre b<sub>H</sub>remugũ, marĩyagũta ããrĩmi.

<sup>2</sup> Y<sub>H</sub> ãgũ merã m<sub>u</sub>sã Corinto marãrẽ gojãa. M<sub>u</sub>sã Jesucristore b<sub>H</sub>remurã, ãgũ merã õãrõ ããrĩsĩã, Marĩp<sub>H</sub>y<sub>H</sub>arã ããrã. Marĩp<sub>H</sub> m<sub>u</sub>sãrẽ, gajerã ããrĩpererogue marã marĩ Op<sub>H</sub> Jesucristore: "Iritamuka y<sub>H</sub>re!" ãrĩ sãrãrãrẽ siiudi ããrĩmĩ ãgũy<sub>H</sub>arã ããrĩburo, ãrĩgũ. Jesucristo ãgũsã Op<sub>H</sub> ããrĩmi. Irasũ ããrĩmakũ, marĩdere marĩ Op<sub>H</sub>ta ããrĩmi.

<sup>3</sup> Marĩp<sub>H</sub> ããrĩnĩgũ, marĩ Op<sub>H</sub> Jesucristo m<sub>u</sub>sãrẽ õãrõ iritamũ, siuñajãrĩ merã ããrĩrik<sub>u</sub>makũ iriburo.

*Marĩp<sub>H</sub> Jesucristo merã m<sub>u</sub>sãrẽ õãrõ iritamumi, ãrĩ gojadea*

<sup>4</sup> Ëm<sub>H</sub>rik<sub>H</sub> y<sub>H</sub> Marĩp<sub>H</sub>re <sub>H</sub>syari sĩnikõãa Jesucristo iridea merã ãgũ m<sub>u</sub>sãrẽ õãrõ iritamumakũ ããgũ.

<sup>5</sup> M<sub>u</sub>sã Cristo merã õãrõ ããrĩmakũ, Marĩp<sub>H</sub> m<sub>u</sub>sãrẽ ãgũyamarẽ ããrĩpereri õãrĩrẽ sĩdi ããrĩmĩ. Irasirig<sub>H</sub> m<sub>u</sub>sãrẽ õãrõ pãmasĩrĩ merã ãgũyare gajerãrẽ weremakũ, irire masĩmakũ yãmi.

<sup>6</sup> Marĩp<sub>H</sub> irire sĩgũ, y<sub>H</sub> m<sub>u</sub>sãrẽ: "Cristo õãrõ iritamug<sub>u</sub>kumi", ãrĩderosũta irire iridi ããrĩmĩ.

<sup>7</sup> Irasirirã marĩ Op<sub>H</sub> Jesucristo dupaturi aariburire y<sub>H</sub>rã Marĩp<sub>H</sub> sĩrĩrẽ opapeokõãa.

<sup>8</sup> I ãm<sub>H</sub> peremakũguedere ãgũ turari merã m<sub>u</sub>sãrẽ Jesucristore b<sub>H</sub>remunĩmakũ irig<sub>u</sub>kumi. Irasirig<sub>H</sub> marĩ Op<sub>H</sub> Jesucristo dupaturi aarimakũ, marĩrẽ waja opamerã ããrĩmakũ irig<sub>u</sub>kumi.

<sup>9</sup> Marĩp<sub>H</sub>, ãgũ: "Ãsũ irig<sub>u</sub>ra", ãrĩdeare keoro irig<sub>u</sub> ããrĩmi. ãgũta m<sub>u</sub>sãrẽ beyedi ããrĩmĩ, ãgũ magũ Jesucristo marĩ Op<sub>H</sub> merã õãrõ ããrĩburo, ãrĩgũ.

*Pablo Corinto marãrẽ Marĩp<sub>H</sub>y<sub>H</sub>arãrẽ: "Gãme dukawaribirikõãka!" ãrĩ gojadea*

<sup>10</sup> Yaarã, y<sub>H</sub> marĩ Op<sub>H</sub> Jesucristo dorederosũta m<sub>u</sub>sãrẽ ãsũ ãrĩ wereg<sub>u</sub>ra. S<sub>u</sub>rosũ gũñarĩ merã werenĩka! M<sub>u</sub>sã werenĩrĩ merã gãme dukawaribirikõãka! Ës<sub>u</sub>yari merã werenĩ, s<sub>u</sub>rosũ gũñarĩ merã ããrĩrik<sub>u</sub>ka!

<sup>11</sup> Yaarã, Cloéya wii marã y<sub>H</sub>re m<sub>u</sub>sã gãme werenĩ guase-ore werema.

<sup>12</sup> M<sub>u</sub>sã ãsũ ãrĩ gãme guaseoyuro: "G<sub>u</sub>a Pabloyarã ããrã", ãrĩ guaseoyuro. Gajerã: "Apoloyarã ããrã", gajerã: "Pedroyarã ããrã", gajerã: "Cristoyarã ããrã", ãrĩ gãme guaseoyuro.

13 Irasũ arĩ gãme guaseobirikõãka! Marĩ Cristore bũremurã ããrã. Irasirirã ĩgũ sugũyarãta ããrã. Gãme dukawarimasĩna máa. Yũ, mũsãya ããrĩburire curusague boabosabiribũ. Mũsã, yũ wãĩ merã wãĩyesũbiribũ.

14 Yũ Marĩpũre: “Õãa” arĩ, mũsũyari sĩa. Yũ mũsãrẽ deko merã wãĩyebiribũ. Crispo, Gayosã direta wãiyebũ.

15 Irasirirã mũsã: “Gũa Pablo wãĩ merã wãĩyesũnerã ããrã”, arĩmasĩbea.

16 Gajerãrẽ Estéfanaya wii marãdere wãiyebũ, arĩ gũñabũ. Gajerãgue tamerãrẽ wãiyebũ, arĩmasĩbirikoa.

17 Cristo yũre wãiyedoregũ pĩbirimi. ĩgũ masakare tauri kere gapũre weredoregũ pĩmi. Irire yũre pígu, masĩrĩmasã werenĩrõsũ werenĩdorebirimi. Yũ, ĩgũsã irirosũ werenĩmakũ, masaka Cristo curusague boabosadeare pẽmasĩbiribokuma. Irasirirã ĩgũ tauburire neõ masĩbiribokuma.

*Cristo merã Marĩpũ turarire, ĩgũ masĩrĩrẽ masĩsũa, arĩ go-jadea*

18 Jesucristore bũremumerã peamegue béosũmurã, ĩgũ curusague boadea kerere pérã: “Pẽmasĩmerãya bueri ããrã”, arĩma. Marĩ ĩgũ tausũmurã gapũre i kerere pẽmakũ, Marĩpũ ĩgũ turari merã marĩrẽ ĩgũrẽ bũremumakũ yámi.

19 Marĩpũya werenĩrĩ gojadea pũgue ãsũ arĩ gojasũdero ããrĩbũ:

I mũmũ marã masĩrĩmasã ĩgũsã masĩrĩrẽ ubu ããrĩrĩ dujamakũ irigũra. Gajinorẽ ěmabéogũ irirosũ ĩgũsã pẽmasĩrĩrẽ ěmagũra, arĩdi ããrĩmĩ Marĩpũ.\*

20 Irasirirã: “Masĩpeokõãa”, arĩrã, ubu ããrĩrã dujama. Gajerã ĩgũsã gũñarõ buerimasãde irasũta dujama. I mũmũmarẽ õãrõ werenĩmasĩrãde irasũta dujama. I mũmũmarẽ: “Õãrõ masĩa”, arĩkererũrũ, Marĩpũ gapũ ĩgũsã masĩrĩrẽ ubu ããrĩrĩ dujamakũ yámi.

21 Marĩpũ masĩgũ ããrĩsĩã, i mũmũ marãrẽ ĩgũsã masĩrĩ merã ĩgũrẽ masĩmakũ iribiridi ããrĩmĩ. ãsũ gapũ arĩdi ããrĩmĩ. Jesucristoya kerere bũremurãrẽ: “Taugũra”, arĩdi ããrĩmĩ. ĩgũrẽ bũremumerã gapũ iri kerere pérã: “Pẽmasĩmerãya bueri ããrã”, arĩma.

22 Judío masaka iri kerere bũremumerã: “Marĩpũ turari merã gajino iri ĩmumakũ ĩãrãgue bũremurãkoa”, arĩma. Judío masaka ããrĩmerã griego masakade i mũmũma ĩgũsã masĩrĩ direta masĩduama.

23 Gũa gapũ Jesucristo curusague boadiya kerere werea. Judío masaka iri kerere pérã: “ĩgũ gũare taugũ meta ããrĩmĩ”, arĩma. Judío masaka ããrĩmerãde iri kerere pérã: “Pẽmasĩmerãya bueri ããrã”, arĩma.

\* 1:19 Is 29.14

24 Marĩ gapu Marĩpu beyenerã ããrĩsĩã, iri kerere pérã: “Marĩpu masĩgũ, turatarigu ããrĩsĩã, Cristo iridea merã marĩrẽ peamegue waabonerãrẽ taugukumi”, ãrĩ masĩa. Marĩ judío masaka, judío masaka ããrĩmerãde Cristore buremurã ããrĩsĩã, irire masĩa.

25 Cristore buremumerã gapu Marĩpu ĩgũ masĩrĩ merã, ĩgũ turari merã iririre ãsũ ãrĩ gũñama: “Ubu ããrĩrĩ ããrã”, ãrĩ gũñama. ĩgũsã irasũ ãrĩ gũñakerepu, Marĩpu masĩrĩ gapu masaka masĩrĩ nemorõ õãrĩ ããrĩtarinugãrĩ ããrã. ĩgũ turari gapu, masaka turari nemorõ ããrã.

26 Yaarã, Marĩpu mũsãrẽ ĩgũyarã ããrĩdoregu siiuburo dupuyuro mũsã ããrĩrikũdeare gũñaka! Mũsã i mũmu marã masĩrĩmasã, dorerimasã, oparã pũrã irirosũ ããrĩrã mérégã ããrĩnerã ããrĩbũ.

27 Marĩpu, i mũmu marã masĩrĩrẽ gũyasĩũrõ taridoregu, ĩgũsã pémasĩmerã ããrĩma, ãrĩrã gapure beyedi ããrĩmĩ. Irasũ ããrĩmakũ, i mũmu marã oparãrẽ gũyasĩũrõ taridoregu, ubu ããrĩrã gapure beyedi ããrĩmĩ.

28 Ubu ããrĩrã gapure, masaka ĩãdũña marĩrã gapure beyedi ããrĩmĩ ĩgũyarã ããrĩburo, ãrĩgũ. Oparã irirosũ ããrĩrã gapure ubu ããrĩrã dujaburo, ãrĩgũ, irasiridi ããrĩmĩ.

29 Irasirigu neõ sugu masakũ: “Yũ gajerã nemorõ masĩtarinugãgũ ããrĩmakũ ĩãgũ, Marĩpu yũre beyedi ããrĩmĩ”, ãrĩmasĩbirikumĩ.

30 Mũsãrẽ Marĩpu basita Jesucristo merã õãrõ ããrĩmakũ iridi ããrĩmĩ. Irasirigu Marĩpu Cristo merã marĩrẽ ĩgũyare masĩmakũ yãmi. ĩgũ merã marĩrẽ: “Õãrã, waja opamerã ããrĩma”, ãrĩ ĩãmi. Irasirirã marĩ ĩgũyarã, peamegue waabonerã ĩgũ tausũnerã ããrã.

31 Irasiriro Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugu: ‘Gajerã nemorõ masĩtarinugãgũ ããrã’, ãrĩbirikõáburo. Irasũ ãrĩrõno irigu marĩ Opũ gapure: ‘Turatarigu ããrĩsĩã, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ.

## 2

### *Cristo curusague boadea kerere gojadea*

1 Yaarã, yũ mũsã pũroque Marĩpuya kerere, masaka masĩbirideare buegu ejagu, masĩrĩmasã diasari werenĩrĩ merã buerosũ buebiribu.

2 Yũ mũsã merã ããrĩgũ: “Jesucristoya kerere, irasũ ããrĩmakũ ĩgũ curusague boadea direta buegura”, ãrĩ gũñabu.

3 Irasirigu mũsã merã ããrĩgũ, ubu ããrĩgũ irirosũ péñabu. “Gajipoe irigu yũ iri kerere õãrõ buemasĩbiribokoa”, ãrĩgũ, gũĩ naradari merã ããrĩkubu.

4 Y<sub>u</sub> m<sub>u</sub>sārē iri kerere b<sub>u</sub>remumakū gāāmegū, masīrīmasā werenírōsū buebirib<sub>u</sub>. Irasirirā, Marīp<sub>u</sub> turari, Ōāgū deyomarīgū iritamurī merā y<sub>u</sub> m<sub>u</sub>sārē iri kerere buemakū pérá: “Diayeta āārā”, āri b<sub>u</sub>remub<sub>u</sub>.

5 “Masaka masīrī merā ĩgūsā g<sub>u</sub>are buemakū b<sub>u</sub>remua”, āri gūñamakū gāāmebirib<sub>u</sub>. “Marīp<sub>u</sub>, ĩgū turari merā g<sub>u</sub>are Jesucristoya kerere b<sub>u</sub>remumakū yāmi”, āri gūñamakū gāāmegū, irasū bueb<sub>u</sub> m<sub>u</sub>sārē.

*Marī Ōāgū deyomarīgū iritamurī merā Marīp<sub>u</sub>re masīa, āri gojadea*

6 G<sub>u</sub>a m<sub>u</sub>sārē Jesucristore ōārō b<sub>u</sub>remurī oparārē buerā, Marīp<sub>u</sub> wáro masīrī sīrī merā buea. Iri masīrī i ũm<sub>u</sub>ma meta āārā. Irasū āārīmakū, i ũm<sub>u</sub> marā masakare dorerāya meta āārā. I ũm<sub>u</sub>ma ĩgūsā basi masīrī pereakōārokoa.

7 G<sub>u</sub>a, Marīp<sub>u</sub> ĩgū masīrī merā irideare, neōgorague masaka ĩgūsā masībirideare buea. I ũm<sub>u</sub> iriburo dupuyuro, Marīp<sub>u</sub>: “Āsū irigura”, āri gūñasiadi āārīmí. Irasirig<sub>u</sub> marīrē tauburire, marī ũm<sub>u</sub>gasigue ĩgū merā āāríniburire gūñasiadi āārīmí.

8 Āārīpererā i ũm<sub>u</sub> marā masakare dorerā gap<sub>u</sub> Marīp<sub>u</sub> ōārō gūñadeare pémasībirinerā āārímá. Irire ōārō pémasīrāno āārírā, marī Op<sub>u</sub> Jesucristo ōatarig<sub>u</sub>re curusague pábiatú wējēbiribonerā āārímá.

9 Āsū āri gojasūdero āārībú Marīp<sub>u</sub>ya werenírī gojadea pūgue:

Marīp<sub>u</sub> ĩgūrē maírāya āārīburire ōārō āmuyusiadi āārīmí. I ĩgū ōārī āmubosadea, ĩgūsā neō ĩābiridea, pébiridea, neō mérōgā gūñabiridea āārā, āri gojasūdero āārībú.\*

10 Marīp<sub>u</sub> ĩgū irideare, marī masībirideare Ōāgū deyomarīgū merā marīrē masīmakū yāmi. Ōāgū deyomarīgū Marīp<sub>u</sub> gūñarīrē masīgū āārīpererire masīpeokōāmi.

11 Gajig<sub>u</sub> masak<sub>u</sub> gūñarīrē marī neō masībea. ĩgū basi ĩgū gūñarīrē masīmi. ĩgū irirosūta Ōāgū deyomarīgū sugata Marīp<sub>u</sub> gūñarīrē masīmi.

12 Marīrē i ũm<sub>u</sub>ma direta gūñabirikōāburo, ārīgū, Marīp<sub>u</sub> marīrē Ōāgū deyomarīgūrē sīdi āārīmí ĩgū irirosū gūñaburo, ārīgū. Marīrē maīgū, Ōāgū deyomarīgū merā āārīpereri ĩgū sīdeare masīburo, ārīgū, irasiridi āārīmí.

13 Irasirirā g<sub>u</sub>a m<sub>u</sub>sārē Marīp<sub>u</sub>yare buerā, Ōāgū deyomarīgū masīrī sīrī merā buea. G<sub>u</sub>a basi masīrī merā buebea. Irasirirā, Ōāgū deyomarīgū g<sub>u</sub>are buedorerosūta ĩgūrē oparārē buea.

14 Ōāgū deyomarīgūrē opamerā, Marīp<sub>u</sub> Ōāgū deyomarīgū masīrī sīrīrē gāāmebema. Irire gāāmemerā: “Ubu āārírī āārā”,

\* 2:9 Is 64.4

ãrĩma. Ōãgũ deyomarĩgũ iritamurĩ merãta marĩ ĩgũyare pémasĩa. ĩgũrẽ opamerã gapũ ĩgũyare neõ pémasĩbema.

15 Marĩ Ōãgũ deyomarĩgũrẽ oparã, ĩgũ iritamurĩ merã ããrĩpereri ñerĩrẽ, õãrĩrẽ ĩã beyemasĩa. Ōãgũ deyomarĩgũrẽ opamerã gapũ, marĩ ĩgũrẽ oparã iririre neõ ĩã beyemasĩbirikuma.

16 Marĩpũya werenĩrĩ gojadea pũgue ãsũ ãrĩ gojasũdero ããrĩbú: “Neõ sugũ marĩ Opũ gũñarĩrẽ masĩgũ mámi. Neõ sugũno ĩgũrẽ buemasĩbirikumi”, ãrĩ gojasũdero ããrĩbú. Marĩ gapũ Ōãgũ deyomarĩgũrẽ oparã ããrĩsĩa, marĩ Opũ Cristo gũñarĩrẽ masĩa.

### 3

#### *Marĩpũyarã ĩgũrẽ moãboerã ããrĩma, ãrĩ gojadea*

1 Yaarã, yũ Ōãgũ deyomarĩgũ doreri irirãrẽ buerosũ mũsãrẽ buebiribũ. I ãmũ marã Ōãgũ deyomarĩgũrẽ opamerã irirosũ mũsã ããrĩmakũ ĩãgũ, irasiribũ. Cristoyare mũsã bũremuturabirimakũ ĩãgũ, majĩrãgãrẽ buerosũ mũsãrẽ buebũ.

2 Irasirigũ, majĩrãgã baari baamasĩmerã, ãpĩku dita mirĩrã irirosũ mũsã ããrĩmakũ ĩãgũ, diasabiri direta mũsãrẽ buebũ. Daporadere mũsã diasari buerire pémasĩbea dapa.

3 Mũsã, Ōãgũ deyomarĩgũrẽ opamerã irirosũ gãme uburikũrã, gãme ĩãdũamerã, gãme dukawaridũarã yáa. Irasirirã i ãmũ marã ĩgũsã noó gããmerõ iridũarosũ yáa.

4 Mũsã: “Yũ Pabloyagũ ããrã”, gajigũ: “Yũ Apoloyagũ ããrã”, ãrĩ werenĩa. Irasũ ãrĩrã, i ãmũ marã masaka Ōãgũ deyomarĩgũrẽ opamerã irirosũ werenĩa.

5 Gũa Apolos merã, ¿nasirirã ããrĩrĩ mũsã ĩãmakũ? Gũa Marĩpũre moãboerã ããrã. Gũa ĩgũ iridoredersũta yáa. Irasirirã gũa Jesucristoya kerere weremakũ pérã, mũsã ĩgũrẽ bũremunũgãbũ.

6 Yũ neõgoraguere mũsãrẽ buerpũroribũ. Irasirigũ sugũ oteri yerire otegũ irirosũ iribũ. Irasiriadero pũrũ, Apolos mũsãrẽ buenemogũ, oterire koregũ irirosũ iridi ããrĩmĩ. Marĩpũ gapũ oteri purimakũ irirosũ mũsãrẽ Jesúre bũremunũgãmakũ iridi ããrĩmĩ.

7 Irasirirã oteri yerire oterimasã, korerimasãde ubu ããrĩrã ããrĩma. Marĩpũ gapũ iri oterire purimakũ irigũ ããrĩmĩ. ĩgũ sugũta irire irimasĩmĩ.

8 Oterpũroridi, pũrũ iri oteadeare koredi ĩgũsã suro merã moãboerimasã ããrĩma. Marĩpũ ĩgũsã moãderopã ĩgũsãrẽ keoro wajarigũkumi.

<sup>9</sup> Gua Marĩpuyarã ìgũrẽ moãboerã ããrã. Musã guayarã ããrĩbea. Marĩpuyarã ããrã. Irasirirã musã ìgũya pooere otedea irirosũ ããrã.

Irasũ ããrĩmakũ, musã ìgũ wári wii irimurĩri wii irirosũ ããrã.

<sup>10</sup> Wii irimerẽgũ borari keoro nũpũrorigu irirosũ, yu, Marĩpu iritamurõ merã musãrẽ Jesucristoyare keoro buepũroribu. Pũpu gajerã musãrẽ buenemorã, iri wiire peomurĩãrã irirosũ irirãkuma. Iri wiire odorã irirosũ musãrẽ buenemorã, goepereyari merã keoro buero gããmea.

<sup>11</sup> Marĩpu Jesucristore sugũreta pídi ããrĩmĩ masakare tauburo, ãrĩgũ. Irasirigu yu musãrẽ buegu, Jesucristo masakare tauri kerere buepũroribu. Neõ sugũno iri kerere gorawayumasĩbirikumi.

<sup>12</sup> Jesucristoyare õãrõ keoro buenemorã, oro, plata, gaji wajapari ùtãyeri merã wii irirã peomurĩãrã irirosũ irirãkuma. Gajerã gapu piriri yuku merã, tá merã, mijĩ pũ merã tiãmurĩãrã irirosũ irirãkuma. Ìgũsã irirosũ gajerã musãrẽ buenemorã, ubu ããrĩrĩrẽ, mata pererĩnorẽ buerãkuma.

<sup>13-14</sup> I ùmu peremakũ, Jesucristo masakare ìgũsã buedeare: “I musã buedea õãbu, i õãbiribu”, ãrĩ weregukumi. Oro, plata, wajapari ùtãyeri merã iridea gapu peamegue soemakũ ùjũbirikoa. Yuku, tá, pũrĩ merã iridea gapu ùjũperekõãrokoa. Irasirigu, gajĩnorẽ peamegue soegu, ¿dí ùjũrokuri, dí ùjũbirikuri? ãrĩ beyerosũ, Jesucristo ìgũsã õãrõ, ñerõ buedeare beyegukumi. Õãrõ keoro buedire keoro wajarigukumi.

<sup>15</sup> Õãrõ keoro buebiridi gapure wajaribirikumi. Gajino ùjũrõsũ ìgũ buedea waja, wajataboadea perekõãrokoa. Ìgũ wajatabirikeregu, peamegue waabirikumi. Tausũgukumi. Wii ùjũmakũ duriwiriagu irirosũ mérõgã tarigukumi.

<sup>16</sup> ¿Musã masĩberi? Õãgũ deyomarĩgũ marĩguere ããrĩmi. Irasirirã Marĩpuya wii irirosũ ããrã.

<sup>17</sup> Ìgũya wii irirosũ ããrĩã, ìgũyarã ããrã. Irasirigu Marĩpu ìgũyarãrẽ poyanorẽãnorẽ poyanorẽgukumi.

<sup>18</sup> Musã basi péwisibirikõãka! “Yu i ùmu marã buerire masĩtarĩnugãgũ ããrã”, ãrĩbirikõãka! Irire masĩmerã irirosũ ããrĩka! Irasirimakũ, Marĩpu diayeta õãrõ masĩrã dujamakũ irigukumi.

<sup>19</sup> I ùmu marã ìgũsã masĩrĩ, Marĩpu ìãmakũ ubu ããrĩrĩ ããrã. Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Marĩpu gapu masĩrĩmasã: ‘Ãsũ irirãra’, ãrĩ gũñaderosũ iridũarire iribirimakũ yámi”, ãrĩ gojasũdero ããrĩbũ.

<sup>20</sup> Gajeroguedere ãsũ ãrĩ gojasũdero ããrĩbũ: “Marĩ Opu, i ùmu marã masĩrĩmasã gũñarĩrẽ masĩmi. Irire masĩgũ: ‘Ubu ããrĩrĩ ããrã iri’, ãrĩ ìãmi”, ãrĩ gojasũdero ããrĩbũ.

<sup>21</sup> Irasirirã musãrẽ buegure: “Gajigu nemorõ õãrõ buemi”, ãrĩbirikõãka! Marĩpu ããrĩpereri musãya ããrĩburire sĩsiadi ããrĩmĩ.

<sup>22</sup> Irasirigu yure, Apolore, Pedrore iriumi musã õãrõ ããrĩburire buedoregu. Irasũ ããrĩmakũ, i ãmuma, musãya ããrĩburire sĩdi ããrĩmĩ. Dapora musã ããrĩburire, musã boadero purugue ããrĩburidere sĩdi ããrĩmĩ. I ããrĩpereri musãya ããrã.

<sup>23</sup> Irasũ ããrĩmakũ, musã Cristoyarã ããrã. Cristo Marĩpuyagu ããrĩmĩ. Irasirirã musã Cristo merã Marĩpuyarã ããrã.

## 4

*Pablo, Jesucristo igũyare buedoregu pĩnerã moãrĩrẽ gojadea*

<sup>1</sup> Musã guare: “Cristore moãboerimasã ããrĩma”, ãrĩ gũnarõ gããmea. Guare Marĩpuya kerere, masaka masĩbirideare buedoregu pídi ããrĩmĩ.

<sup>2</sup> Moãrĩmasã igũsã opu dorerire keoro irirã irirosũ gua Cristore moãboerimasãdere igũ dorerire keoro iriro gããmea.

<sup>3</sup> Musã yure: “Marĩ Opuyare õãrõ buemi, o õãrõ buebirimi”, ãrĩmakũ, neõ bujawerebirikoa. Gajerã masaka, yu buerire: “Keoro ããrã, o keoro ããrĩbea”, ãrĩmakũdere neõ bujawerebirikoa. Yu baside yu buerire: “I gapure õãrõ buebu, i gapure õãrõ buebiribu”, ãrĩmasĩbirikoa.

<sup>4</sup> Yu buedeare gũñagũ: “Ñerõ buekubu”, ãrĩ gũñabea. Irasirigu: “Yu ñerõ buede waja, waja opáa” ãrĩmasĩbea. Marĩ Opu suguta yu buerire: “Õãgoráa, o õãbea”, ãrĩ masĩmi.

<sup>5</sup> Irasirirã marĩ Opu i ãmugue dupaturi aariburo dupuyuro gajerãrẽ: “Igũ dorederosũ keoro iribema”, ãrĩ werewuabirikõãka! Igũ dupaturi aarigũ, ããrĩpererãrẽ igũsã iridea gajerã masĩbirideare masĩmakũ irigukumi. Igũsã gũnarĩgue: “Ãsũ iridũakoa”, ãrĩ gũñadeadere masĩmakũ irigukumi. Irasirigu Marĩpu õãrõ irirãrẽ: “Õãrõ iribu”, ãrĩigukumi. Igũsã õãrõ irideropã igũsãrẽ keoro irigukumi.

<sup>6</sup> Yaarã, musãya ããrĩburire gua Apolos merã iririkurire werebu, musãde gua irirosũta iriburo, ãrĩgũ. Marĩpuya werenĩrĩ gojadea pũgue igũ dorerire tarinugãbirikõãburo, ãrĩgũ, musãrẽ irire werebu. Irasirirã musã guare ããkũĩrã: “Guare buegu gapu, musãrẽ buegu nemorõ masĩtarinugãmi”, ãrĩbirikoa.

<sup>7</sup> Musã gajerã nemorõ masĩtarinugãrã ããrĩbea. ããrĩpereri musã opari, Marĩpu musãrẽ sĩdea dita ããrã. Igũ sĩdea ããrĩkerepuru, iro tamerãrẽ, ãnasirirã musã basi: “Igũyare masĩpeokoa”, ãrĩrĩ? Igũ musãrẽ masĩrĩrẽ sĩbirimakũ, neõ masĩbiribokoa. Igũ musãrẽ masĩmakũ iridea direta masĩa.

<sup>8</sup> Musã i gapure ãsũ ãrĩ gũnadãa: “Gua ããrĩpereri opãa. Marĩpuyare masĩpeokõã”, ãrĩ gũnadãa. Irasirirã gua musãrẽ



Īgūyare buenemomakū gāāmebea. Musā oparā irirosū: “Āārīpereri masītarinugārā āārā”, ārī gūñadāa. Musā diayeta oparā irirosū āārīpereri masītarinugārā āārīmakū ōātaribokoa. Irasirirā gūa musārē buerāde musā merā oparā irirosū āārībokoa.

<sup>9</sup> Yū āsū ārī péñāa: “Marīpū gūare Jesucristoyare buedoregū pīgū, āārīpererā nemorō ubu āārīrā irirosū āārīdoregū pīdi āārīmī”, ārī péñāa. Irasirirā gūa wējēbéosūmurā irirosū āārā. Āārīpererā i ūmū marā masaka, Marīpūre wereboerā iūrō gūa ñerō taria.

<sup>10</sup> Jesucristoya kerere gūa buemakū, masaka gūare: “Pémasīmerā āārīma”, ārīma. Musā gapū musā basi: “Gūa Cristoyare pémasīpeorā āārā”, ārīkoa. Gūa, musā iāmakūta ubu āārīrā āārā. Musā gapū: “Gūa oparā irirosū āārā”, ārīkoa. Masaka gūa gapūre ubu iābéokōāma. Musā gapūre goepeyari merā iāma.

<sup>11</sup> Gūa neōgoragueta ñerō taripūrorimūrīrīnerā, daporaguedere irasūta āārīkōāa. Ūboāa, ñemesibua, surī opabea. Jesucristore būremumerā gūare būro ñerō iribirama. Gūa buegorenasīā, wiiri opabea.

<sup>12</sup> Irasū āārīmakū, gūaya āārīburire, gūa baaburidere, gūa basi moāpoyāa. Gajerā gūare ñerō werenīmakū, gūa gapū Marīpūre Īgūsāya āārīburire sērēbosāa. Gajerā gūa noō waarō gūare ñerō irimakū, ubu péñakōāa.

<sup>13</sup> Gajerā gūare ñerō ārī werewūamakū, gūa gapū Īgūsārē āmuduarā, Īgūsārē ōārō merā werea. I ūmūmarē Īgūsā gāāmebirire Īgūsā béodea irirosū gūare iāma. Neōgoragueta gūare doopūrorinerā, daporaguedere irasūta doonīkōāma.

<sup>14</sup> Irire gojagū, musārē gūyasīrīdoregū meta yāa. Yū musārē maīgū, yū pūrārē irirosū werea.

<sup>15</sup> Wārā gajerā diez mil gora musārē Cristoyare buebonerā āārīkererūgū, Īgū masakare tauri kerere buerūroridi sugūta āārīmi. Iri kerere musārē buerūroridi yūta āārā. Yū iri kerere buemakū pérā, musā Īgūrē būremunugābū. Irasirigū yū musārū irirosū āārā.

<sup>16</sup> Irasirigū musārē: “Yū iririkūrire, majīrā Īgūsā pagūre iākūirōsū iākūītayaka!” ārī werea.

<sup>17</sup> Musā irire irimakū gāāmegū, Timoteore musā pūroque iriua. Īgū yū buedi yū magū irirosū, yū maīgū āārīmi. Marī Opū gāāmerōsū keoro irinīkōāmi. Yū Cristore būremugū iririkūrire musārē gūñamakū irigūkumi musāde irasūta iriburo, ārīgū. Irasirigū, āārīpererā Cristore būremurārē āārīpererogue āārīrārē yū buederosūta musārē buegūkumi.

<sup>18</sup> Surāyeri musā watope āārīrā: “Pablo gūa pūro aaribirikumī”, ārī gūñañurā. Irasirirā Īgūsā basi: “Gūa gajerā

nemorō masītarinugārā āārā”, āī, gūñaníkōāñūrā.

19 Y<sub>u</sub> gap<sub>u</sub> āsū āī gūñāa: “Marī Op<sub>u</sub> gāāmemakū, mata m<sub>u</sub>sā p<sub>u</sub>rogue waagura”, āī gūñāa. Irogue ejagu, masītarinugārā āārā, āī werenírārē ĩāgura. Iri direta ĩābirikoa. “¿Diayeta ĩgūsā marī Op<sub>u</sub> turari merā ĩgūyare irirāta yári?” āī ĩāgukoa.

20 Marīp<sub>u</sub> ĩgūyarārē doreri āsū āārā. Marī ĩgūyare werenikererā irire marī iribirimakū, marī werenírī wajamāa. ĩgū turari merā ĩgūyare irimakū gāāmemi.

21 ¿Ñeénorē gāāmekuri m<sub>u</sub>sā? ¿M<sub>u</sub>sā p<sub>u</sub>rogue m<sub>u</sub>sā ñerō iriri waja m<sub>u</sub>sārē turig<sub>u</sub> waamakū gāāmekuri, o m<sub>u</sub>sā oārō iriri waja gap<sub>u</sub>re usuyari merā m<sub>u</sub>sārē wereg<sub>u</sub> waamakū gāāmekuri?

## 5

### *Ñerō irigure béoka! āī gojadea*

1 Gajerā āsū āī kere werema y<sub>u</sub>re. Sug<sub>u</sub> m<sub>u</sub>sā merā<sub>u</sub> ĩgū búamorēta marāpok<sub>u</sub>yay<sub>u</sub>p<sub>u</sub>. Irire pég<sub>u</sub>, pég<sub>u</sub>kakōāb<sub>u</sub>. Gajerā Marīp<sub>u</sub>re masīmerā āārīkererā, irasūgora ñerō iribema.

2 ĩgū ñerī irig<sub>u</sub> m<sub>u</sub>sā merā āārīkerep<sub>u</sub>r<sub>u</sub>, m<sub>u</sub>sā gap<sub>u</sub>: “G<sub>u</sub>a gajerā nemorō oārā āārā”, āī gūñadāa. Irasū gūñarōno irirā, ĩgū ñerī iriri gap<sub>u</sub>re buro bujawereri merā gūñaka! Irasirirā, ĩgū ñerō iririre piribirimakū ĩārā, ĩgūrē béokōāka! M<sub>u</sub>sā merā nerēdorebirikōāka!

3 Y<sub>u</sub> gap<sub>u</sub> m<sub>u</sub>sā p<sub>u</sub>rogue āārībirikereg<sub>u</sub>, y<sub>u</sub> gūñarī merā m<sub>u</sub>sā merā āārīgū irirosū āārā. Irasirig<sub>u</sub> y<sub>u</sub> gūñarīgue m<sub>u</sub>sārē: “ĩgū ñerō irigure béokōārō gāāmea”, āī gūñasiāa.

4 Irasirirā m<sub>u</sub>sā, marī Op<sub>u</sub> Jesucristoyarā, ĩgū dorero merā nerēka! Y<sub>u</sub>de, y<sub>u</sub> gūñarī merā m<sub>u</sub>sā merā nerēgū irirosū āārīgukoa. Marī Op<sub>u</sub> Jesús ĩgū turari merā m<sub>u</sub>sā merā āārīgukumi.

5 M<sub>u</sub>sā irasū nerērā, ĩgū ñerō irigure béokōāka, wātēa op<sub>u</sub> Satanás ĩgū gāāmerō ĩgūrē iriburo, āīrā! Irasirig<sub>u</sub> ñerō tarig<sub>u</sub>, ĩgū ñerō iririre pirig<sub>u</sub>kumi. Marī Op<sub>u</sub> Jesús ĩm<sub>u</sub>gue dupaturi aarigū, ĩgūrē taug<sub>u</sub>kumi.

6 ĩgū ñerō irigure béomerā: “G<sub>u</sub>a gajerā nemorō oārā āārā”, āī gūñabirikōāka! M<sub>u</sub>sā ĩgū ñerō iririre ubu ĩākōārā, āārīpererā m<sub>u</sub>sāde ĩgū ñerō iririre pērēbejarākoa. ¿M<sub>u</sub>sā āsū āī wererire masīberi? “Pārē irirā, mérōgā pā wemasārī poga merā trigo pogare morēkuma. P<sub>u</sub>r<sub>u</sub> iri wemasāseyakōākoa”, āī werea. Iri poga wemasāseyarosūta ñerīde m<sub>u</sub>sāguere oārō seyakōārokoa.

7 Irasirirā ĩgū ñerī irigure béoka, gajerāde ñerō iriri, āīrā! G<sub>u</sub>ayarā, judío masaka pascua bosenu irimurā pā wemasāmakū iriri pogare béokuma. Irire béorosūta m<sub>u</sub>sā ñerī iririre béoka, ñerīrē opamerā āārīmurā! Pascua bosenu

ããrĩmakũ, judío masaka ovejare wějĕkuma ĩgũsã ñerĩ iridea wajare Marĩpũre béodorerã. Oveja boaderosũta Cristo marĩ ñerõ iridea waja boabosadi ããrĩmĩ Marĩpũ marĩrĕ: “Ñerĩ marĩrã ããrĩma”, ãrĩ ĩãburo, ãrĩgũ.

<sup>8</sup> Irasirirã marĩ ñerĩ iririkũdeare pirikõãrõ gããmea. Ñerĩrĕ iriro marĩrõ ããrĩrõ gããmea. Irigatori marĩrõ, diayema õãrõ werenĩrĩ merã ããrĩrõ gããmea.

<sup>9</sup> Yũ musãrĕ iripoegue gojadea pũgue ãsũ ãrĩ gojabũ: “Nomerĕ ñerõ gãmebirarikũrãrĕ wapikũbirikõãka!” ãrĩ gojabũ.

<sup>10</sup> Yũ irasũ gojagu: “Ããrĩpererã ñerõ iririmasã i ãmũgue ããrĩrãrĕ neõ wapikũbirikõãka!” ãrĩgũ meta iribũ. I ãmũguere noõ musã waarõ Jesũre bũremumerã ããrĩma. Nomerĕ ñerõ gãmebirarikũrã, gajerãyare bũro gããmerã, yajarimasã, keori weadeare bũremurĩmasã wãrã ããrĩma. ĩgũsã ããrĩpererogue ããrĩmakũ, ĩgũsãno marĩrõgue waamasĩña mãa.

<sup>11</sup> ãsũ gapũ ãrĩ gojabũ: “Surãyeri musã merã ããrĩrã: ‘Jesũre bũremua’, ãrĩkererã ñerĩ iririkũmakũ ĩãrã, ĩgũsãrĕ wapikũbirikõãka!” ãrĩ gojabũ. “Irasirirã nomerĕ ñerõ gãmebirarikũrãrĕ, gajerãyare bũro gããmerãrĕ, keori weadeare bũremurãrĕ, gajerãrĕ ñerõ kere wererãrĕ, mejãrikũrãrĕ, yajarikũrãrĕ wapikũbirikõãka! Irasiririkũrãno merã neõ baabirikõãka!” ãrĩ gojabũ.

<sup>12-13</sup> Marĩpũ Jesũre bũremumerãrĕ ĩgũsã ñerõ iridea waja wajamoãgũkumi. Irasirigũ yũ musãrĕ: “Wajamoãka ĩgũsãrĕ!” ãrĩbea. Musã tamerã musã merã ããrĩrãrĕ ĩgũsã ñerõ irimakũ ĩãrã, ĩgũsãrĕ wajamoãka! Marĩpũya werenĩrĩ gojadea pũgue gojaderosũta irika! ãsũ ãrĩ gojasũdero ããrĩbũ: “Sugũ musã merã ããrĩgũ ñerõ irimakũ ĩãrã, ĩgũrĕ béokõãka!” ãrĩ gojasũdero ããrĩbũ. Irasirirã musã merã ããrĩgũrĕ ĩgũ búamorĕ ñerõ irigure béokõãka!

## 6

### *Jesũre bũremurã gãme weresãrĩrĕ gojadea*

<sup>1</sup> Musã basi gãme guaseorã, ĩnasirirã weresãrĩrĕ beyerimasã Jesũre bũremumerã pũroque ãmudorerã waari? Jesũre bũremurãrĕ musã merãmarãrĕ weresãdũarã, gajerã Jesũre bũremurãrĕ irire ãmudorerã waarõ gããmea.

<sup>2</sup> ĩIre musã masĩberi? I ãmũ peremakũ, marĩ Jesũre bũremurã Marĩpũyarã ããrĩsĩã, Jesús merã i ãmũ marãrĕ dorerã ããrĩrãkoa. Irasirirã ĩgũsãrĕ doremurã daporadere marĩ gãme guaseorire ãmudoremasĩa.

<sup>3</sup> ĩIdere masĩberi musã? Marĩ Jesús merã Marĩpũre wereboerã ãmũgasigue ããrĩrãrĕ dorerãkoa. Irasirirã ĩgũsãrĕ doremurã ããrĩsĩã, i ãmũmadere ãmudoremasĩa.

4 ¿Nasirirã i ãmumarẽ gãme guaseorã, Marĩpuyare masĩmerã pũrogue irire ãmudorerã waari?

5 Mũsãrẽ gũyasĩrĩburo, ãrĩgũ, ire gojáa. ¿Mũsã watopeguere neõ sugũ masĩgũ, mũsã guaseorire ãmugũno marĩgorakõãrĩ?

6 Mũsã merãmũ masĩgũno gapũre ãmudorerono irirã, gajigũ Jesũre bũremugũrẽ weresãduarã, Jesũre bũremumerã pũrogue ãmudorerã waãa.

7 Irasiriro, mũsã gãme guaseorã, mũsã basi ãmumasĩmerã, Jesũre bũremumerã pũrogue irire ãmudorerã waamakũ õãbea. Īgũsãrẽ weresãrõno irirã, gajerã Jesũre bũremurã mũsãrẽ diaye iribirideare, mũsãrẽ yajadeare irasũ ĩãkõãmakũ nemorõ õãboakuyo.

8 Mũsã Jesũre bũremurã ããrĩkererã, gajerã mũsãyarãrẽ diaye irimerã, mũsãde ĩgũsãyare yajarã yãa.

9 ¿Ire mũsã masĩberi? Ñerõ iririkurã Marĩpu ĩgũyarãrẽ doreroguere waabirikuma. Ire péwisibirikõãka! Ũma nomerẽ ñerõ gãmebirarikurã, keori weadeare bũremurĩmasã, gajigũ marãpore ĩma marãpokurã, gajego marãpu merã ñerõ iririkurã, ũma seyaro ĩgũsã dupũri merã ñerõ iririkurã, nomede ĩgũsã seyaro ñerõ iririkurã Marĩpu pũroguere neõ waabirikuma.

10 Irasũ ããrĩmakũ, yajarimasã, gajerãyare bũro gããmerĩmasã, mejãrikurã, gajerãrẽ ñerõ kere wererĩmasã, ãrĩgatori merã gajerãyare yajarimasã neõ Marĩpu pũrogue waabirikuma.

11 Iripoeguere mũsã surãyeri irasiririkurã ããrĩnerã ããrĩbũ. Irasiririkurã ããrĩkerepũru, Marĩpu mũsã ñerĩ oparire koedi ããrĩmĩ ĩgũyarã ããrĩmakũ irigu. Irasirigu mũsãrẽ: “Õãrã, waja opamerã ããrĩma”, ãrĩ ĩãmi. Marĩ Opũ Jesucristo iridea merã, Õãgũ deyomarĩgũ mũsãguere ããrĩrĩ merã irasũ ãrĩ ĩãmi.

### *Marĩya dupũ merã õãrõ iridorea, ãrĩ gojãdea*

12 Masaka surãyeri ãsũ ãrĩ werenĩma: “Marĩ iridũarire noõ gããmerõ irimasã”, ãrĩ werenĩma. Irasũta ããrã, ãrĩrõ tamerã. Yũ iridũari gajerãrẽ iritamubirimakũ ĩãgũ, irire iribea. Irasirigu irire piridũagu, pirikõãrõ gããmea.

13 I masaka werenĩrĩ diayeta ããrã. ãsũ ãrĩ werenĩma: “Baari, marĩya paruma ããrĩburi ããrã. Marĩya paru, baari baasãdiru ããrã”, ãrĩ werenĩma. Marĩpu gapũ i pe wãirẽ peremakũ irigũkumi. Irasiriro baari, marĩya paru irasũ ããrĩkõãrõ yãa. ãsũ gapũ ããrã. Marĩpu, marĩya dupũ irigu, ñerĩrẽ ãaribeburĩ dupũre iribiridi ããrĩmĩ. Marĩ Opũ Jesucristo gããmerĩ gapũre iriburi dupũ ããrã. Īgũta marĩ merã ããrĩgũ marĩya dupũ Opũ ããrĩmĩ irire õãrõ iribu.

14 Marĩpu ĩgũ turari merã marĩ Opu Jesucristo boadero puu, ĩgũya dupure masũdi aãrĩmĩ. ĩgũrẽ masũderosũta marĩ boadero puu, marĩya dupudere masũgukumi.

15 ¿Ire musã masĩberi? Marĩ Cristoyarã aãrĩmakũ, marĩya dupu, ĩgũya dupuma aãrĩrĩ irirosũ aãrã. Marĩ irasũ aãrĩrã, nomeõ ũma merã ñerõ iririkurimasõ merã ñerõ irimakũ õãbirigorakõãa. Irasirirã irinorẽ neõ iribirikõãdorea.

16 ¿Idere musã masĩberi? Marĩpuya werenĩrĩ gojadea pũgue asũ arĩ gojasũdero aãrĩbũ: “Ūmũ, nomeõ merã marãpokugũ, pẽrã aãrĩkererã, Marĩpu ĩãmakũ su dupu irirosũta aãrĩrãkuma”, arĩ gojasũdero aãrĩbũ. Irasirigu sugu ñegõ merã marãpokumakũ, ĩgũya dupu igoya dupu merã aãrĩrõ, su dupu irirosũta aãrã.

17 Irasũta sugu marĩ Opu Jesucristore buremugũ ĩgũ merã pẽrã aãrĩkererã, su dupu irirosũta aãrĩma. Irasirirã su gũñarĩta opama.

18 Irasirirã ũma nomerẽ gãmebirarire neõ iribirikõãka! Gaji marĩ ñerõ iririre irirã, marĩya dupugure ñerõ iribea. Ūma ĩgũsã marãposã nome aãrĩmerã nomerẽ gãmebirarã gapu ĩgũsã basi ĩgũsãya dupure ñetariro irirã yãma. Cristoya dupugure ñerõ irirã irirosũ yãma.

19 ¿Musã ire masĩberi? Marĩpu marĩrẽ Ōãgũ deyomarĩgũrẽ sĩdi aãrĩmĩ. Irasirigu Ōãgũ deyomarĩgũ marĩguere aãrĩmakũ, marĩya dupu ĩgũya wii irirosũ aãrã. Irasiriro marĩya dupu marĩya dupugora aãrĩbea.

20 Marĩpu marĩrẽ buro maĩgũ, Jesucristore iriudi aãrĩmĩ marĩ ñerĩ iridea wajare wajaridoregu. ĩgũyarã aãrĩburo, arĩgũ, irasiridi aãrĩmĩ. Irasirirã marĩ ĩgũ wajarinerã aãrĩsã, marĩya dupu merã Marĩpu gããmerõsũta iriro gããmea gajerãde ĩgũrẽ buremuburo, arĩrã.

## 7

### *Mojõsiarimarẽ gojadea*

1 Daporare musã yure sãrẽña gojadeare yũjugura. Marãpokubirimakũ, marãpokubirimakũ, õãgorãa.

2 Irasũ aãrĩkererũ, aãrĩpereroguere ũma nomerẽ gãmebirari aãrã. Irasirirã ũma ĩgũsãku marãpokuro gããmea, gajerã nome merã ñerõ iriri, arĩrã. Nomede ĩgũsãku marãpokuro gããmea, gajerã ũma merã ñerõ iriri, arĩrã.

3 Marãpokugu ĩgũ marãpo merã õãrõ aãrĩrikuro gããmea. Igode marãpu merã õãrõ aãrĩrikuro gããmea.

4 Marãpokugore igoya dupu igoya dita aãrĩbea. Igo marãpu gããmerõsũta ĩgũ merã aãrĩrõ gããmea. Igo marãpudere ĩgũya dupu ĩgũya dita aãrĩbea. ĩgũ marãpo gããmerõsũta igo merã aãrĩrõ gããmea.

<sup>5</sup> Āsū iriburo. Igo marāpu igo merā āārīduamakū yujuburo. Īgūde igore yujuburo. Īgūsā Marīpure sērēmurā: “Irikunāī marī iririkuninorē iribirikōārā”, āī āmuadero puru merē irasū iribirikōāburo. Marīpure sērē odoadero puru, dupaturi Īgūsā āārīrikuderōsūta āārīburo doja. Īgūsā irasiribirimakū, wātī Īgūsārē gajerā merā ñerō irimakū iribokumi.

<sup>6</sup> Yu musārē ire dorerigora irirosū werenīgū meta yāa. Musā irasū irimakū ōārokoa, ārīgū, irasū ārā.

<sup>7</sup> Yu āsū ārī gūñāa. Āārīpererā musā yu irirosūta marāpo marīrā āārīmakū gāāmeadikoa. Marīpu gapu marī āārīpererārē surosū pibiridi āārīmī. Surāyerire marāpo marīmurārē, o marāpu marīmurārē pīdi āārīmī. Gajerā gapure marāpokumurārē, o marāpukumurārē pīdi āārīmī.

<sup>8</sup> Irasirigu musā marāpo marīrārē, marāpu marīrārē, wapiweyarā nomerē āsū ārā. Yu irirosū musā marāpokubirimakū, o marāpukubirimakū ōāgorāa.

<sup>9</sup> Ūma, nome merā āārīduarire nūgāmerāno marāpokuburo. Nomedē irasūta iriburo. Īgūsā marāpokumakū, marāpukumakū ōāgorāa. Irasirirā Īgūsā nome merā, ūma merā āārīduari direta gūñanībirikuma.

<sup>10</sup> Marāpokurārē, marāpukurārē yu āsū dorea. I yu doreri āārībea. Marī Opu ire doredi āārīmī. Āsū ārī doredi āārīmī: “Nomeō igo marāpure béobirikōāburo”.

<sup>11</sup> Nomeō igo marāpure béogo, gajigure marāpukubirikōārō gāāmea. Igo marāpu āārīdi merā āmubeo, sugota āārīkōārō gāāmea. Ūmūde Īgū marāpore béobirikōārō gāāmea. Īgūde Īgū marāpo āārīdeo merā āmubi, marāpo marīgūta āārīkōārō gāāmea.

<sup>12</sup> Gajerārē yu gūñarīrē weregura marī Opu weredoredea āārībirikerepuru. Āsū ārā. Sugu Jesúre būremugū, Jesúre būremubeore marāpokūadero puru, igo Īgū merāta dujaduamakū, igore béobirikōārō gāāmea.

<sup>13</sup> Nomeōde Jesúre būremugō Jesúre būremubire marāpukugo, igo merā Īgū dujaduamakū, Īgūrē béobirikōārō gāāmea.

<sup>14</sup> Sugu Jesúre būremubi marāpo Jesúre būremugō āārīmakū ĩāgū, Marīpu Īgūrē: “Yaagu irirosū āārīmī”, ārī ĩāmi. Irasūta sugo Jesúre būremubeo marāpu Jesúre būremugū āārīmakū ĩāgū, Marīpu igore: “Yaago irirosū āārīmo”, ārī ĩāmi. Īgū irasū ĩābirimakū, Īgūsā pūrā Jesúre būremumerā pūrā irirosū āārībokuma. Irasirigu Īgūsā pūrādere Jesúre būremurā pūrā irirosū ĩāmi.

<sup>15</sup> Jesúre būremubi gapu Īgū marāpo Jesúre būremugōrē béoduagu, béoburo. Irasūta Jesúre būremubeo igo marāpu

Jesúre b̄remugũrẽ b̄eodũago, b̄eoburo. Marĩpu marĩrẽ gajerã merã gãmekẽãrõ marĩrõ us̄uyari merã ããrĩmakũ gããmemi. Irasirirã ãgũsã b̄eodũamakũ õãgorãa.

16 Jesúre b̄remugõ, igo marãpu Jesúre b̄remubire: “Yu merã ããrĩgũ, b̄remugukumi”, ãrĩmasĩña máa. Irasũta Jesúre b̄remugũ, ãgũ marãpo Jesúre b̄remubeore: “Yu merã ããrĩgõ, b̄remugokumo”, ãrĩmasĩña máa.

17 ãsũ iriro gããmea marĩrẽ ããrĩpererã marĩ Opũ Jesucristo- yarãrẽ. Marĩpu marĩrẽ Jesúre b̄remunugãdoregu siudeapoe ãgũ marĩrẽ: “ãsũ irika!” ãrĩ píderosũta iriwãgãrõ gããmea. Yu irire ããrĩperero marãrẽ Jesúre b̄remurãrẽ dorea.

18 Marĩpu sugũre ãgũya dupũma gasirogãrẽ\* wiirisũdire si- iumakũ, irasũta dujaro gããmea. Irasũta wiirisũbire siiumakũ, wiirisũbita dujaro gããmea.

19 Daporare wiirisũnerã ããrĩrĩ, wiirisũbirinerã ããrĩrĩde wa- jamãa. Marĩpu dorerire marĩ iriri gapũ wajakutarinugãa.

20 Irasirirã Marĩpu marĩrẽ masakakũre siudeapoe ãgũ marĩrẽ píderosũta iriwãgãrõ gããmea.

21 Marĩpu musãrẽ siudeapoe surãyeri gajerãrẽ moãboerimasã ããrĩbũ. Irasũ ããrĩkererã, musã moãboerimasã ããrĩrĩrẽ gũñarikũbirikõãka! Gajipoe musã oparã musãrẽ wiudũamakũ, wirika!

22 Marĩpu musãrẽ marĩ Opũ Jesucristore b̄remudoregu si- iudi ããrĩmĩ. Irasirirã surãyeri musã gajerãrẽ moãboerimasã ããrĩkererã, daporare Jesucristoyarã ãgũ wiunerã irirosũ ããrã ãgũyare irimurã. Musã gajerãrẽ moãboerimasã ããrĩbirikererã, daporare Jesucristore moãboerã ããrã.

23 Marĩpu marĩrẽ ãgũyarã ããrĩburo, ãrĩgũ, ãgũ magũ Jesucristo boagũ dí b̄eodea merã wajaridi ããrĩmĩ. Irasirirã masakare moãboerã irirosũ ããrĩbirikõãka! Masaka gããmerĩnorẽ iribirikõãka! Marĩpu gããmerĩ gapũre irika!

24 Irasirirã, Marĩpu musãrẽ Jesucristore b̄remunugãdoregu siudeapoe musãrẽ píderosũta ãgũ merã õãrõ ããrĩnĩkõãka!

25 Daporare musã marãpo marĩrãrẽ, marãpu marĩrãdere weredũakoa. I yũ wereburi marĩ Opũ weredoredea ããrĩbea. Irasũ ããrĩbirikererũ, yũ basi gũñarĩ merã musãrẽ weregũra. Marĩ Opũ yũre bopoñarĩ merã ããsã, yũre iritamumi. Irasirirã musã yũ wererire: “Irimakũ õãgorãa”, ãrĩ masĩrãkoa.

26 Daporare marĩrẽ wãri ñerõ tariri ããrã. Irasirirã musã ããrĩrikũrosũta dujamakũ õãgorãa.

\* **7:18** Gn 17.1-14: Iripoegue Marĩpu Abrahãrẽ ãgũ pũrã ãmarẽ: “Yaarã ããrĩburo”, ãrĩgũ, ãgũsãya dupũma gasirogãrẽ wiiridoredi ããrĩmĩ. Pũrũ iri dorerire Moisére pídi ããrĩmĩ. Irasirirã judio masaka Abraham parãmerã ããrĩturiarã iri dorerire irirã, ãgũsã pũrã ãmarẽ su mojõma pere gaji mojõ nreru p̄rẽbejarinarĩ waaró merã ãgũsã deyoadero pũrũ irasũ yãma.

27 Marāpokurā, marāpukurā gāme béobirikōāka! Marāpo marīrā, marāposā nome āmabirikōāka!

28 YH mūsārē irire werekererū, mūsā marāpokurā, Marīp dorerire tarinūgārā meta yāa. Nomeōde marāpukugo, Marīp dorerire tarinūgāgō meta yāmo. Irasū āārīkererū, marāpokurā, marāpukurā gapu īgūsā okarinūrīrē poyari merā āārīrākuma. Irasirīgu yH irire: “Poyari merā āārībokuma”, ārīgū: “Marāpo marīrā, marāp marīrā āārīkōāka!” ārā mūsārē.

29 Yaarā, yH mūsārē irasū ārīgū, āsū ārīdūagu yāa. Marī i ūmūgue āārīrikuri pereburo mérō dūyāa. Irasirirā daporare marāpo marīrā Marīpuyare ōārō moārōsūta marāpokurādere ōārō moārō gāāmea. Marāpukurā nomede irasūta Marīpuyare ōārō iriro gāāmea.

30 Marī orekererā, bujaweremerā irirosū āārīrō gāāmea. Ūsuyakererā, usuyari merā bosenu irimerā irirosū āārīrō gāāmea. Gajino wajarikererā: “I yaa āārīnīkōārokoa”, ārī gūñabirikōārō gāāmea. Irasirirā, marīrē Marīpuyare ōārō iriro gāāmea.

31 I ūmuma marī īārī perewāgārō yāa. Irasirirā i ūmumarē iriduarire buro gūñarikubirikōārō gāāmea.

32 YH mūsārē gūñarikuro marīrō āārīmakū gāāmea. Marāpo marīgū, marī Opuyare ōārō gūñami. Irasirīgu īgūrē usuyamakū gāāmegū, īgūyare ōārō yāmi.

33 Marāpokugū gapu īgū marāpo ōārō usuyari merā āārīmakū gāāmegū, i ūmumarē gūñami.

34 Irasirīgu marī Opū gāāmerīrē, īgū marāpo usuyamakū gāāmerī gapudere gūñami. Nomedere irasūta āārā. Marāp marīgō marī Opuyare ōārō gūñamo. Igo gūñarī merā Marīpuyago ōārō āārīdūago, īgū gāāmerōsūta iridūamo. Marāpukugo gapu igo marāpū ōārō usuyari merā āārīmakū gāāmegō, i ūmumarē gūñamo.

35 YH mūsārē ōārō waaburo, ārīgū, marī Opū gāāmerī direta keoro iridoregu ire gojāa. Mūsārē marāpokurire, marāpukurire kāmūtagu meta yāa.

36 Sugū īgū magō búro waamakū īāgū, āsū ārībokumi: “YH magōrē ōārō iribirikoa. Igo marāpukumakū ōābokoa”, ārībokumi. Irasū ārīgū nomesukōāburo. Irasiriri, ñerō iriri āārībea.

37 Gajīgu gapu: “Nomesuro gāāmekoa”, ārībiribokumi. Āsū gapu ārībokumi: “YH magō marāpukubirikōāburo”, ārībokumi. Īgū irasū ārīmakū, igore ōārō waabokoa. Īgū irasū iriduari ōāgorabokoa.

38 Magōrē marāpukudoregu, ōārō irīgu yāmi. Irota marāpukudorebi gapu nemorō ōārō iritarinūgāgū yāmi.



Daporare marĩrẽ wári ñerõ tariri ããrã. Irasiriro marãpukubirimakũ, marãpokubirimakũ nemorõ õãa.

<sup>39</sup> Marĩpũ marĩrẽ doreri ãsũ ãrã. Marãpukũgo igo marãpũ okamakũ, ĩgũ merã ããrĩnikõãburo. ĩgũ boadero purũgue, gajigũ igo suyuũgũre marãpukũmasĩgokumo ĩgũ Jesũre bũremugũ ããrĩmakũ.

<sup>40</sup> Yũ gapũ ãsũ ãrĩ gũñãã. Igo dupaturi marãpukũbeo, nemorõ usũyabokumo. Yũde, gajerã mũsãrẽ buerimasã irirosũ Õãgũ deyomarĩgũrẽ opãã. Irasirigũ irire werea mũsãrẽ.

## 8

*¿Keori weadea pũro baari pĩdeare baamakũ õãkuri? ãrĩ gojadea*

<sup>1</sup> Dapora mũsã: “¿Keori weadea pũro baari pĩdeare baamakũ õãkuri?” ãrĩ sãrẽñadeare yũjuũgũra. Mũsã irire masĩã. ĩgũsã bũremurĩ weadea neõ wajamãã. Irasirirã: “Gũã tamerã õãrõ masĩã”, ãrĩ gũñarã, gajerãrẽ masĩtarinũgãduarã irirosũ yãã. Gajerãrẽ maĩrã, ãsũ gapũ iriro gããmea. Nemorõ ĩgũsãrẽ Marĩpũyare bũremunemomakũ iriro gããmea.

<sup>2</sup> Sugũ: “Masĩpeokõãã”, ãrĩgũno, õãrõ masĩbemi. Wári duỹãã ĩgũ masĩbiri.

<sup>3</sup> Marĩpũ ĩgũrẽ maĩgũ gapũre masĩmi. “Yaagu ããrĩmi, ĩgũrẽ masĩã”, ãrĩmi.

<sup>4</sup> Irasirigũ yũ mũsãrẽ keori weadea pũro baari pĩdea baarire weregũra. Diayeta ããrã. ĩgũsã bũremurĩ weadea neõ wajamãã. Gajigũ, Marĩpũ irirosũ ããrĩgũ neõ mámi. ĩgũ sugũta ããrĩmi.

<sup>5</sup> Gajerã masaka ĩgũrẽ bũremunerã wãrã gajerãnorẽ bũremuma. Ũmarõgue ããrĩrãrẽ, i ũmũgue ããrĩrãrẽ bũremuma. “Marĩ bũremurã, marĩ oparã ããrĩma”, ãrĩ bũremuma.

<sup>6</sup> Marĩpũ sugũta ããrĩpererire iridi ããrĩmĩ. Irasirirã marĩ ĩgũyarã ããrĩsĩã, ĩgũ dorerire irimurã ããrã. Irasũ ããrĩmakũ, Jesucristo sugũta marĩ Opũ ããrĩmi. ĩgũ merã Marĩpũ ããrĩpererire iridi ããrĩmĩ. ĩgũ merã marĩdere ĩgũyarã ããrĩmakũ iridi ããrĩmĩ. Irasirirã ĩgũ merã ããrĩnikõãrãkoa.

<sup>7</sup> Yũ wereri diaye ããrĩkererũũ, surãyeri Jesũre bũremurã irire masĩbema. Iripoegue keori weadeare bũremunerã ããrĩsĩã, daporadere iri keori weadea pũro baari pĩdeare baarã: “Marĩ bũremunerã keori weadeare bũremurã yãã”, ãrĩ gũñadima. Irasirirã õãrõ masĩmerã irire baarã: “Ñerõ irirã yãã”, ãrĩ gũñadima. Irasũ gũñakererã, irire baakõãma.

<sup>8</sup> Marĩ irire baarã, Marĩpũ merã nemorõ õãrõ ããrĩmasĩbirikoa. Gajerã nemorõ õãrã waabirikoa. Irire baamerãde, gajerã nemorõ ñerã waabirikoa.

<sup>9</sup> Irasũ ããrikerepuru, õãrõ pémasĩka! Mũsã noó gããmerõ baarã, gajigu Jesúre buremuturabire ñerõ irimakũ iribirikõãka!

<sup>10</sup> Æsũ ããrã. “Ïgũsã buremurĩ keori weadea neõ waja-  
máa”, ãrĩ masĩa. Irasirirã iri keori weadeare buremurĩmasã  
baarogue baarã: “Õãbea”, ãrĩ gũñabea. Jesúre buremuturabi  
gapu, mũsã irogue baamakũ ããgũ: “Irogue baarã, Marĩpũre  
buremubema”, ãrĩ gũñabokumi. Irasũ ãrĩ gũñakeregu, mũsãrẽ  
ĩãkũĩ, ãgũde baakõãbokumi. Irasũ baagu: “Ñerõ irigu yáa”, ãrĩ  
gũñabokumi. Ïgũ irasũ gũñamakũ, mũsã ãgũrẽ ñerõ irimakũ  
irirãkoa.

<sup>11</sup> Mũsã õãrõ masĩrã irogue baarã, gajigu õãrõ masĩbi gapure  
ñerõ irimakũ iribokoa. Cristo ãgũdere boabosadi ããrĩmĩ.  
Irasirirã mũsã baari merã Cristoyagure poyanoreboko.

<sup>12</sup> Irasũ ããrĩmakũ, gajigu õãrõ masĩbire: “Irire baamakũ  
ñegorãa”, ãrĩ gũñakeregu irire baamakũ irirã, Cristodere ñerõ  
irirã yáa.

<sup>13</sup> Irasirigu yu baari merã gajigu Cristoyagure ñerõ irimakũ  
iribokoa, ãrĩgũ, iri baarire neõ dupaturi baabirikoa.

## 9

### *Jesús buedoregu pídi ãgũ wajatarimarẽ gojadea*

<sup>1</sup> Jesucristo yure ãgũyare buedoregu pídi ããrĩmĩ. Irasirigu  
yude gajerã ãgũ buedoregu pínerã irirosũta irimasĩa. Yude  
marĩ Opu Jesúre ããdita ããrã. Irasũ ããrĩmakũ, yu mũsãrẽ ãgũya  
kerere buemakũ pérã, ãgũrẽ buremunugãbu.

<sup>2</sup> Gajerã yure: “Ïgũ Jesús buedoregu pídi meta ããrĩmĩ”, ãrĩ  
werewakererepũgu, mũsã gapu irasũ ãrĩbea. Yu buemakũ pérã,  
mũsã Jesúre buremubu. Irasirirã ãgũrẽ buremurã ããrĩsĩã, yure:  
“Ïgũ Jesús buedoregu pídi ããrĩmĩ”, ãrĩ masĩa.

<sup>3</sup> Yure werewarãrẽ ãsũ ãrĩ yujugura.

<sup>4</sup> Yu mũsãrẽ bueri waja, mũsã yure baari ejo, iirĩri tĩãmakũ  
ñeãmasĩa.

<sup>5</sup> Gajerã Jesús buedoregu pínerã, ãgũ pagupũrã, Pedrosã  
buegorenarã, ãgũsã marãposã nomerẽ ããĩnama. ãgũsã irirosũta  
yude Jesucristore buremugõrẽ marãpokugu ããĩnabokoa.

<sup>6</sup> ¿Naásũ gũñarĩ mũsã? Gajerã Jesús buedoregu pínerã  
mũsãrẽ buerã, ãgũsã baaburire moã wajatabema. ¿Nasirirã  
yu, Bernabé mũsãrẽ buerã, gu baaburire wajataharã,  
moãduumasĩbirikuri?

<sup>7</sup> Surara ãgũ baaburi waja ãgũ basi wajaribirikumi. ãgũ  
surara moãrĩ waja ãgũ oparã gapu irire wajaribosakuma.  
Iguidari otedi, ãgũ otedea dukare tea, baamasĩkumi. Ovejare  
koregude, ãgũsãya ãpĩkure bipi, iirĩmasĩkumi.

<sup>8</sup> Y<sub>H</sub> musārē irasū ārīgū, masaka gūñarī merā werebea. Y<sub>H</sub> ārīrōsūta Marīp<sub>H</sub> doreri gojadea pūgue āsū ārī gojasūdero āārībú:

<sup>9</sup> “Wek<sub>H</sub> trigo yeri gasire ĩgūya guburi merā kura koro, trigore baad<sub>H</sub>ag<sub>H</sub> baaburo. ĩgūya disi túsārī berore túsābirikōāka!” ārī gojasūdero āārībú. Marīp<sub>H</sub> irire doreg<sub>H</sub>, wek<sub>H</sub>ayama diretta ārīgū meta iridi āārīmí.

<sup>10</sup> Irire doreg<sub>H</sub>, g<sub>H</sub> ĩgūya kerere buerāya āārīburire ārīgū iridi āārīmí. Āsū āārā. Sug<sub>H</sub> oteburore āmukumi. P<sub>H</sub>u<sub>H</sub> gajig<sub>H</sub> iro otedea dukare seakumi. Irasirirā iri otedea dukare dukawaburire gūñarā, pērāgueta oārō moākuma.

<sup>11</sup> G<sub>H</sub> musārē Marīp<sub>H</sub>ya werenírīrē buerā, oterimasū ĩgū oterí yerire oteg<sub>H</sub> irirosū irib<sub>H</sub>. Oterimasū ĩgū moārī waja, ĩgū otedea dukare seamasíkumi ĩgūya āārīburire. Irasiriro, g<sub>H</sub> musārē buerí waja, musā g<sub>H</sub>aya āārīburire gajino g<sub>H</sub>are sīmakū oāboko.

<sup>12</sup> Musā g<sub>H</sub>are sībirikererā, gajerā buerā musārē sērēmakū, ĩgūsā gap<sub>H</sub>re sīyuro. G<sub>H</sub> gap<sub>H</sub> ĩgūsā nemorō sērēmasīa musārē buerí waja.

G<sub>H</sub> musārē: “Sīka!” ārībonerā āārīkererā, neō irasū ārībea. “ĩgūsā Cristoya kerere péduabiribokuma g<sub>H</sub> ĩgūsārē gajinorē sērēmakū”, ārī gūñabu. Irasirirā g<sub>H</sub> gāāmerīrē opabirikerep<sub>H</sub>, musārē neō sērēbirib<sub>H</sub>.

<sup>13</sup> Musā ire masīa. Marīp<sub>H</sub>ya wiigue moārīmasā, Marīp<sub>H</sub>re buremurā waib<sub>H</sub> díi āiri sīdeare baama ĩgūsā irogue moārī waja. Iri wiima waimurārē wējē soepeoro p<sub>H</sub>ro moārāde irireta baama.

<sup>14</sup> I irirosūta marī Op<sub>H</sub> ĩgūya kerere wererāya āārīburire āsū ārīdi āārīmí: “ĩgūsā moārī merā ĩgūsā baaburire wajata baaburo”, ārīdi āārīmí.

<sup>15</sup> Irasū āārīkerep<sub>H</sub>, y<sub>H</sub> gap<sub>H</sub> musārē: “Sīka!” neō ārībirib<sub>H</sub>. Daporadere gojag<sub>H</sub>, musārē gajino sērēgū meta gojāa. Ūaboari merā boakereg<sub>H</sub>, musārē buedea waja neō wajaseabirikoa. Irasirig<sub>H</sub> wajamarīrō musārē us<sub>H</sub>yari merā buea. Y<sub>H</sub> musārē buedea waja merā neō wajata baabirikoa.

<sup>16</sup> Marīp<sub>H</sub> y<sub>H</sub>re ĩgū masakare tauri kerere weredoreg<sub>H</sub> pídi āārīmí. Irasirig<sub>H</sub> y<sub>H</sub> iri kerere wereg<sub>H</sub>: “Gajerā nemorō masītarinugāgū āārā”, neō ārī gūñabea. Iri kerere werebi, b<sub>H</sub>ro bujawereri merā ñerō tariboko.

<sup>17</sup> Iri kerere y<sub>H</sub> basi y<sub>H</sub> gūñarī merā bueg<sub>H</sub>, wajataboko. Marīp<sub>H</sub> y<sub>H</sub>re dorederosūta iri kerere bueg<sub>H</sub>, ĩgū y<sub>H</sub>re pídea gap<sub>H</sub>re irig<sub>H</sub> yāa. ĩgū y<sub>H</sub>re píderosūta iriro gāāmea. Gaji gap<sub>H</sub>re neō irimasīña máa.

<sup>18</sup> Irasirig<sub>H</sub> Jesucristoya kerere bueg<sub>H</sub>, y<sub>H</sub> buerí waja musārē: “Wajarika!” ārī sērēbuno āārīkereg<sub>H</sub>, irire neō

sērēbiribũ. Yũ irasirimakũ, yũ wajatari ãsũ ããrã: “Jesucristo ãgũrē bũremurãrē taugũkumi”, ãrĩrĩ kerere wajamarĩrõ buegũ, õãrõ ƒsũyari merã ããrã. Irita ããrã yũ wajatari.

19 Masakare moãboegũ neõ ããrĩbirikeregũ, ããrĩpererãrē moãboegũ irirosũ irigũ yãa, ãgũsã Jesucristoya kerere pēburo, ãrĩgũ. Wãrã ãgũrē bũremumakũ gããmegũ, irasũ yãa.

20 Irasirigũ yaarã judío masaka merã ããrĩgũ, ãgũsã õãrĩ iririkũrosũta yãa, ãgũsã Jesũre bũremumakũ gããmegũ. ãsũ ããrã. ãgũsã Moisés dorerire bũremuma. Yũ Moisés doreri direta bũremugũ ããrĩbirikeregũ, ãgũsã merã ããrĩgũ, ãgũsã iririkũrosũta yãa, yũ buerire pēmakũ gããmegũ.

21 Moisés dorerire bũremumerã merã ããrĩgũ, ãgũsã õãrĩ iririkũrosũta yãa, ãgũsãde Jesũre bũremumakũ gããmegũ. Irasirikeregũ, Cristore bũremusiã, Marĩpũ dorerire tarinũgãbea.

22 Jesũre bũremuturamerã merã ããrĩgũ, ãgũsã õãrĩ iririkũrosũta yãa, ãgũsãde Jesũre bũremunemoburo, ãrĩgũ. “Mũsã nemorõ Jesũre bũremugũ, ãgũyare masĩpeogũ ããrã”, neõ ãrĩbea ãgũsãrē. Irasirigũ ããrĩpererã õãrĩ iririkũrosũta yãa: “Surãyeri yũ buerire pērã, tausũrãkuma”, ãrĩgũ.

23 I ããrĩpererire irasũ yãa: “Jesucristo ãgũrē bũremurãrē taugũkumi”, ãrĩrĩ kerere ãgũsã õãrõ pēburo, ãrĩgũ. ãgũsã iri õãrĩ kerere bũremumakũ ããgũ, yũ ãgũsã merã bũro ƒsũyãa.

24 Mũsãrē i keori merã ãsũ ãrĩ werea. Ũma birarimasã, ããrĩpererã ũmakererã, wajataperebirikuma. Ũmaturagũ dita wajatakumi. Irasirirã, wajatadũagũ bũro ũmaderosũta mũsãde Marĩpũ gããmerĩrē õãrõ irika, ãgũ sĩburire wajatamurã!

25 ããrĩpererã ũma biramurã ãgũsã ũmaburi dupuyuro õãrõ ũma buekuma. ããrĩpereri ãgũsãya dupũre poyanorērĩrē pirikõãkuma. Olivo wãĩkũdima pũrĩ merã iridea berore wajatadũarã, irasũ ũma buekuma. Pũrũ gajerãrē ãmurã, wajatadiya dipurugue iri berore peokuma. Iri bero mata boakõãkoa. Marĩde Marĩpũyare õãrõ buero gããmea. Nērĩrē pirikõã, ãgũ gããmerĩ gapũre iriro gããmea, ãgũ sĩburire wajatamurã. ãgũ sĩrĩ neõ boabirikoa.

26 Irasirigũ yũ gapũ, ũma birarimasũ ãgũ noó gããmerõ ũmagũ irirosũ iribea. Yũ gããmerõ irimoãmabea. Marĩpũyare masĩsĩã, ãgũ gããmerĩrē irigũ yãa.

27 Irasirigũ yũ iridũarire, yũ ƒaribejarire iribea. Yũ iridũarire irimakũ, gajerãrē Marĩpũyare buedi ããrĩkererũrũ, Marĩpũ yũre: “Õãrõ iribũ”, ãrĩbiribokumi.

*Keori weadeare b̄remubirikōāka! āri gojadea*

1 Yaará, musārē irire masīmakū gāāmea. Marīpu, gua ñekūsāmarā merā āārīdi āārīmí ĩgūsārē Egiptogue āārīrārē āi wiugu. ĩgū iriudea mikāyebo merā ĩgūsārē dupuyudi āārīmí. Āārīpererā ĩgūrē t̄yarā, dia wádiya, deko diidiya wāikūdiya dekogue, bojori maá ĩgū iridea maague taribujanerā āārímá.

2 ĩgūsā Moisés merā mikāyebo doka, dia wādiyare taribujanerā āārímá. Iro taribujarā, āārīpererā ĩgū merā wádiya dekogue wāiyesūrā irirosū waanerā āārímá. Iri merā ĩgūyarā āārīrērē ĩmunerā āārímá.

3 ĩgūsā āārīpererā Marīpu sīdea ũmugasima baarire baanerā āārímá.

4 Āārīpererā Marīpu ũtāyegue deko wiridoredeare iirínerā āārímá. Cristo iri ũtāye irirosū āārīdi āārīmí. ĩgūta okari sīdi āārīmí. Irasirigu ĩgūta ĩgūsārē wapikūwāgādi āārīmí.

5 Marīpu ĩgūsārē ōārō iritamukerepuu, wárā ĩgū dorerire tarinugānerā āārímá. ĩgūsā irasirimakū ĩāgū, Marīpu ĩgūsārē ĩāsuyubiridi āārīmí. Irasirigu ĩgūsārē masaka marīrōgue boamakū iridi āārīmí ĩgū dorerire tarinugādea waja.

6 Āārīpereri ĩgūsārē waadea kere, marīrē ĩgūsā iriderosū ñerīrē iribirikōāburo, āri keori pídea āārā.

7 Irasirirā, keori weadeare surāyeri ĩgūsā b̄remuderosū b̄remubirikōāka! Keori weadeare ĩgūsā b̄remudeare Marīpuya werenírī gojadea pūgue āsū āri gojasūdero āārībú: “Masaka baa, iirí odo, bosenu irinugānerā āārímá”, āri gojasūdero āārībú.

8 Puu surāyeri ũma nomerē ñerō iri gāmebiranerā āārímá. ĩgūsā iriderosū iribirikōārō gāāmea marīrē. ĩgūsā ñerō iriri waja, sunarē veintitrés mil masaka boanerā āārímá.

9 Gajipoe gajerā: “Marīpu guare ōārō korebemi”, āri werewuanerā āārímá. ĩgūsā ārīderosū ārībirikōārō gāāmea marīrē. ĩgūsā ñerō werenírī waja ĩgūsārē āña kūrī wējēnerā āārímá.

10 Gajipoe gajerā ĩgūsā Marīpu irideare ñerō āri werewuamakū, Marīpure wereboegu ĩgūsārē wējēdi āārīmí. ĩgūsā ārīderosū ārībirikōārō gāāmea marīrē.

11 Marīrē inu marārē i ũmu pereburo mérōgā d̄yawāgāriro yáa. Irasirigu Marīpu ĩgūya werenírī gojadea pūgue gua ñekūsāmarārē ĩgū wajamoādeare gojadoredi āārímí, ĩgūsā iriderosū ñerō iribirikōāburo, āriḡū.

12 Sugū: “Yu tamerā Marīpure ōārō b̄remusīā, ñerō iribirikoa”, āri ḡūñagūno, ōārō pémasīka, iripoegue marā iriderosū ñerīrē iriri, āriḡū!

13 Gajipoere marĩ ããrĩpererã sugũ ðayaro marĩrõ ñerĩrẽ iridũarã, wãtĩ ñerĩ ãrĩmesãsũrã, ñerõ tarirã ããrã. Irasũ ããrĩkerepuru, Marĩpu gapu ãgũ ãrĩderosũta marĩrẽ iritamunikõãmi ñerĩrẽ tarinũgãburo, ãrĩgũ. Marĩ ñerĩrẽ tarinũgãnemomasĩbirimakũ ããgũ, gaji ñerĩrẽ tau kãmutagukumi marĩrẽ poyanorẽĩ, ãrĩgũ. Irasirigũ marĩrẽ ãgũ merã gũñaturamakũ irigukumi ñerĩrẽ iribirikõãburo, ãrĩgũ.

14 Yaarã yu maĩrã, yure péka! Neõ keori weadeare buremubirikõãka!

15 Musã õãrõ pémasĩrã ããrĩmakũ, irire musãrẽ werea. Irasirirã yu ãrĩrĩrẽ: “Diayeta ããrã”, ãrĩ masĩa.

16 Marĩ nerẽ bokatĩrĩrã Marĩpure: “Õãa”, ãrĩ, usuyari sĩ odo, igui deko iirĩripare iirĩa. Irasũ iirĩrã: “Cristo boagu, marĩ ñerĩ iridea wajare ãgũ dí béodea merã wajaribosadi ããrĩmĩ”, ãrĩ ãmua. Pãrũrẽ marĩ ðukawa baarã: “Cristo ãgũya dupu curusague boadea merã marĩrẽ ãgũyarã ããrĩmakũ iridi ããrĩmĩ”, ãrĩ ãmua.

17 Marĩ wãrã ããrĩkererã, suru pãrũrẽ ðukawa baarã, ããrĩpererã marĩ Cristoyarã su duputa irirosũ ããrã. Irasirirã sugũyarãta ããrã.

18 Guayarã Israel marã Moisés dorederosũta iririre gũñaka! Marĩpure buremurã, ãgũya wiigue waibure ãã wẽjẽ soema. Wẽjẽ soe odo, Marĩpu ãũrõ diire baama. Irasũ baarã: “Marĩpureyarã ããrã”, ãrĩ ãmuma.

19 Yu ire irasũ ãrĩgũ: “Keori weadea wajakua, irasiro iri keori weadea puro waibu diĩ pidea, gaji waibu diĩ nemorõ ããrã”, ãrĩgũ meta yãa.

20 Æsũ gapu ãrĩ werea. Marĩpure masĩmerã, keori weadea puro waibu diĩ pĩrã, Marĩpure buremubema. Wãtẽa gapure buremurã yãma. ãgũsã irasũ buremumakũ, ãgũsã buremurĩ wiigue musã ãgũsã merã baarã: “Wãtẽayarã ããrã”, ãrĩ ãmurã irirosũ yãa. Musã irasirimakũ, neõ gããmebea.

21 Marĩ Opu Jesucristoyarã ããrĩsĩã, ãgũrẽ buremurã nerẽ bokatĩrĩrã, igui deko iirĩripare iirĩ, pãrũrẽ ðukawa baãa. Gajerã ãgũsã keori weadeare buremurã iirĩri, waibu diĩ ãgũsã baari, wãtẽaya ããrã. Irasirirã marĩ Opu Jesúyare baarã, wãtẽayare baamasĩbea. Irasũta wãtẽayare baarã, Jesúyare baamasĩbea.

22 Marĩ Opu ãgũyarãrẽ ãgũ direta buremumakũ gããmemi. Irasirirã marĩ wãtẽãrẽ buremurã, marĩ ãgũrẽ guamakũ iribokoa. ãgũ guamakũ, marĩ ãgũrẽ tarinũgãmasĩbirikoa. Marĩrẽ wajamoãburire kãmutamasĩbirikoa.

*Marĩpu gããmerĩ direta irika! ãrĩ gojadea*

23 Masaka surãyeri ãsũ ãrĩ werenĩma: “Marĩ iridũarire noó gããmerõ irimasĩa”, ãrĩ werenĩma. ãgũsã irire irasũ

ãrĩkerepuru, ããrĩpereri marĩ iriduarire irirã, gajerãrẽ iritamurã meta yáa. Noó marĩ gããmerõ irirã, gajerãrẽ Marĩpũre buremunemomakũ iribiribokoa.

<sup>24</sup> Marĩya ããrĩburi direta gãñabirikõãrõ gããmea. Gajerãya ããrĩburidere gãñarõ gããmea.

<sup>25</sup> Irasirirã baari duarogue baarire wajarirã, noó gããmerõ wajari baaka! “¿I baari keori weadea pũrogue pídea ããrĩrĩ?” ãrĩ sêrẽñabirikõãka: “Irire baarã, ñerõ irirã yáa”, ãrĩ gãñarĩ, ãrĩrã!

<sup>26</sup> Marĩpũya werenírĩ gojadea pũgue ãsũ ãrĩ gojasũdero ããrĩbũ: “Ããrĩpereri i ãmũma, marĩ Opũya ããrã”, ãrĩ gojasũdero ããrĩbũ. Irasirirã ããrĩpereri ãgũ baari pídeare baamasĩa.

<sup>27</sup> Jesúre buremubi mũsãrẽ baadoregũ siiumakũ, waaduarã waaka! Baarã waarã, mũsãrẽ ãgũ ejorire baaka! “¿I baari, keori weadea pũrogue pídea ããrĩrĩ?” ãrĩ sêrẽñabirikõãka: “Irire baarã, ñerõ irirã yáa”, ãrĩ gãñarĩ, ãrĩrã!

<sup>28</sup> Gajigũ iro ããrĩgũ ãsũ ãrĩbokumi mũsãrẽ: “I baari, keori weadea pũrogue pídea díí ããrã”, ãrĩbokumi. ãgũ irasũ ãrĩmakũ, iri díire baabirikõãka! ãgũ, mũsã baamakũ: “Ñerĩrẽ irirã yáama”, ãrĩ gãñabokumi. ãgũ irasũ ãrĩ gãñabirikõãburo, ãrĩrã, irire baabirikõãka!

<sup>29</sup> Yũ irire ãrĩgũ, ãgũ gãñarĩrẽ werenígũ yáa. Mũsã gãñarĩrẽ werenĩbea.

Mũsã gapũ ãsũ ãrĩ sêrẽñabokoa yũre: “¿Nasirirã, gajigũ diaye gãñabiri waja, gũa iriduarire gorawayubokuri?”

<sup>30</sup> Gũa baarire Marĩpũre: ‘Õãã’, ãrĩ, usuyari sĩmakũ, gajigũ gũa baarire werewũamasĩbemi”, ãrĩbokoa mũsã yũre.

<sup>31</sup> Yũ gapũ ãsũ ãrĩ werea mũsãrẽ. Mũsã baa, iirirã, gajinorẽ irirãde, Marĩpũ gããmerĩ direta irika, gajerãde ãgũrẽ: “Õãtarigũ ããrĩmi”, ãrĩ buremuburo, ãrĩrã!

<sup>32</sup> Neõ mũsã iriri merã judío masakare, judío masaka ããrĩmerãrẽ, Marĩpũyarãdere ñerõ irimakũ iribirikõãka!

<sup>33</sup> Yũ irirosũ irika! ããrĩpereri yũ iriri merã masaka ããrĩpererãrẽ õãrõ iridũáa. Irasirigũ õãrõ yũ ããrĩburi direta gãñabea. Gajerãya ããrĩburi gapũre õãrõ gãñáa, ãgũsãde Jesucristore buremuburo, ãrĩgũ. ãgũrẽ buremumakũ, ãgũsãrẽ taugũkumi, peamegue waabirikõãburo, ãrĩgũ.

## 11

1 Irasirirã yũ Cristore iritũyarosũta mũsãde yũre iritũyaka!

*Jesúre buremurã nerẽrõgue nome iririmarẽ gojadea*

<sup>2</sup> Yaarã, yũre mũsã gãñamakũ, ããrĩpereri yũ buedeare keoro irimakũ ããgũ, mũsãrẽ: “Õãrõ yáa”, ãrĩ, usuyari merã werea.

<sup>3</sup> Gaji musārē masīmakū gāāmea. Cristo, āārīpererā ūma dipuru āārīmi. Ɛmáú, marāpore igo dipuru āārīmi. Marīpu, Cristo dipuru āārīmi.

<sup>4</sup> Musā Marīpure b̄remurā nerēmakū, suḡ Marīpure sērēgū, Marīpu ĩgūrē weredoredeare wereḡ, ĩgūya dipurure b̄n̄n̄abirikumi. ĩgūya dipurure b̄n̄n̄aḡ, ḡyasīūrō iriḡ iribokumi. Cristore ĩgū Op̄ure gopeyari merā b̄remubiribokumi.

<sup>5</sup> Nomeō gar̄ Marīpure sērēgō, Marīpu igore weredoredeare werego, igoya dipurure b̄n̄n̄akumo. Igoya dipurure b̄n̄n̄abeo, ḡyasīūrō irigo iribokumo. Marāpure igo dipurure gopeyari merā b̄remubiribokumo. Poari pera w̄n̄n̄abéodeo irirosū āārībokumo.

<sup>6</sup> Igoya dipurure b̄n̄n̄ad̄n̄abirimakū, diayeta igoya poarire pera w̄n̄n̄abéokōārō gāāmea. Igoya poarire pera w̄n̄n̄abéod̄n̄abeo: “Ḡyasīūgoráa”, ārīgō, igoya dipurure b̄n̄n̄aburo.

<sup>7</sup> Ɛmáú gar̄ Marīpu irirosū op̄ āārīsīā, ĩgūya dipurure b̄n̄n̄abirikōāburo, Marīpu ȳ Op̄ āārīmi, ārī ĩmubu. Nomeō gar̄ igoya dipurure b̄n̄n̄aburo, ūmáú ȳ op̄ āārīmi, ārī ĩmubo.

<sup>8</sup> Neōgoraguere Marīpu ūmáurē iriḡ, nomeōya gōā merā iribiridi āārīmi. Nomeō gar̄ ūmáuya gōā merā iridi āārīmi.

<sup>9</sup> Irasiriḡ ūmáurē iriḡ, nomeōrē iritamubure iribiridi āārīmi. Nomeō gar̄ ūmáurē iritamubore iridi āārīmi.

<sup>10</sup> Irasirirā musā Marīpure b̄remurā nerērōguere, nome ĩgūsāya dipure b̄n̄n̄aro gāāmea. Irasū b̄n̄n̄arā, ūmáú dorerire ōārō yuj̄irire ĩmurākuma. ĩgūsā irasiririre Marīpure wereboerā ĩārākuma.

<sup>11</sup> Irasū āārīkerer̄, marī Jesucristore b̄remurā gāme iritamua. Ɛma, nome iritamurī marīrō āārīmasībirikuma. Nomedē ūma iritamurī marīrō āārīmasībirikuma.

<sup>12</sup> Diayeta āārā. Marīpu nomeōrē ūmáuya gōā merā iridi āārīmi. Ide diayeta āārā. Ɛma, nome merā deyoama. Irasirirā āārīpererā masaka: ūma, nome de Marīpu irinerā āārīma.

<sup>13</sup> I āārīpereri diayeta āārīmakū, ¿musā basī naásū gūñarī? Musā Marīpure b̄remurā nerērōgue, nomeō igoya dipurure b̄n̄n̄abeota, Marīpure sērēmakū ¿ōārī, o ōāberi?

<sup>14</sup> Ɛmáú poañapu ūmamakū ḡyasīūgoráa. Āārīpererā masaka irire masīma.

<sup>15</sup> Nomeō poañapu ūmagō āārīmakū: “Ōāgoráa”, ārā. Igo poañapu ūmamakū, igoya dipuru b̄n̄n̄aro irirosū āārā.

<sup>16</sup> Ȳ werenírīrē: “Irasū āārībea”, ārī guaseod̄n̄aḡnorē āsū ārī wereḡra. Marī Jesúre b̄remurā, gajerā Marīpuyarāde irire irasū dita yāa.

*Marī Op̄ Jesucristo boadeare gūñarā, ĩgū nerē baadorederosū keoro iribiridea*



17 Dapora musārē gaji gojáa. Irire gojagu, yu musārē: “Ōārō irirā yáa”, ārībea. Musā nerērā, ōārō iriboanerā, ubu gapu poyanorēayuro.

18 Irasirigū āsū ārī werepurorigūra musārē. Musā nerērā, gāme guaseo dukawariayuro. Gajerā yure irire weremakū pégu: “Diayeta āārīkoa”, ārī gūñáa.

19 Musā gāme dukawarirā, āsū ārī gūñakoa: “Marīrē gāme dukawariro gāāmea. Irasirirā, ¿noā gapu Jesucristoyarāgora āārīrī? ārī masīrākoa”, ārīkoa.

20 Irasirirā musā gāme dukawariri waja, musā marī Opu Jesucristo boadeare nerē gūñarā, ĩgū buerā merā baatūnugū dorederosū keoro iirí, baabea.

21 Musā nerē baarā, surāyeri noó gāāmerō baapurorikōāa. Gajerā uaboama. Gajerā mejāma.

22 Musā noó gāāmerō iirí, baaduarā, ¿nasirirā musāya wi-irigue baa, iiríberi? Musā Marīpuyarā āārīkererā, noó gāāmerō baa, iirirā, musā nerērīrē wajamarīrōsū irirā yáa. Musā watopegue āārīrā baari opamerārē guyasiūrō tarimakū irirā yáa. Musā irasiriri kerere pégu, ¿naāsū ārī weregukuri yu musārē? “Ōārō irirā yáa”, ārībirikoa.

### *Marī Opu Jesucristo ĩgū buerā merā baatūnudeare gojadea*

23-24 Marī Opu Jesucristo yure buedeare yu musārē werebu. Iri āsū āārā. ĩgūrē wējēduarāguere ĩgūrē Judas ĩmuburi dupuyuroma ñamita marī Opu Jesucristo pārūrē āi, Marīpue: “Mūrē usuyari sīa”, ārī, irirure pea, ĩgū buerārē: “I yaa dupu āārā”, ārī gueredi āārīmí. “Irasirirā yu musā merā dapora iriaderosū nerē, pārūrē baarikū, yu musārē boabosarire gūñaka!” ārīdi āārīmí.

25 ĩgūsā baa odoadero puru, pārūrē āiderosūta iiríripare āi, āsū ārīdi āārīmí: “Yu musārē boabosagu yaa dí béori merā Yupu musārē: ‘Ōārō irigūra’, ārīdeare iriyuwarikugukumi. Irasirirā musā nerē, iiríripare iiririkū, yu dí béobosarire gūñaka!” ārīdi āārīmí.

26 ĩgū ārīderosūta irirā, marī nerērā, pārūrē baarikū, iiríripare iiririkū: “Marī Opu Jesucristo marīrē boabosadi āārīmí”, ārī ĩmurākoa. Irire iriníkōārō gāāmea. ĩgū i ũmugue dupaturi aarimakū, irire irinemobirikoa.

### *Marī Opu Jesucristo boadeare gūñarā, āsū iridorea, ārī gojadea*

27 Marī Opu Jesucristo boadeare marī nerē gūñaripoe Marīpue bremurí marīrō merā pārūrē baa, iiríripare iirigūno ñerō irigū yámi. Jesucristo marīrē boabosagu dí béodeare ubu āārīrī irirosū gūñami.

28 Irasirirā pārūrē baa, iiríripare iiríburi dupuyuro masakakū marī irideare: “Ñerō irikubū”, ārī gūñap̄goriro gāāmea.

29 Marī Op̄u Jesucristoya dup̄u āārīrīrē pémasīrō marīrō merā pārūrē baa, iiríripare iirímakū, Marīp̄u marīrē wajamoāgukumi.

30 Mūsā irire pémasībiridea waja wárā mūsā merāmarā pūrīrikurā, turamerā āārīma. Surāyeri boakōāsiama.

31 Marī baa, iiríburi dupuyuro marī irideare: “Ñerō irikubū”, ārī gūñap̄gorimakū, marī Op̄u marīrē wajamoābirikumi.

32 Marī Op̄u gap̄u marīrē ĩgūyarārē marī ñerī iririre piriburo, ārīgū, wajamoāmi. Irasirīgū ĩgūrē būremumerārē peamegue waadore, marī gap̄ure ĩgūsā merā wajamoābirikumi.

33 Irasirirā yaarā, mūsā nerē baarā, suro merā baamurā gajerādere yúka!

34 H̄aboaguno ĩgūya wiigue baaburo. Irasirimakū, mūsā oārō nerē baamakū, Marīp̄u mūsārē wajamoābirikumi. Gajire mūsā p̄rogue waagú, oārō were āmugura.

## 12

*Ōāgū deyomarīgū Marīp̄uyare marīrē irimasīmakū iririre go-jadea*

1 Yaarā, Ōāgū deyomarīgū Marīp̄uyare marīrē irimasīmakū irīgū āārīmi. Yū irire mūsārē oārō masīmakū gāāmea.

2 Mūsā ire oārō masīsiáa. Jesucristore būremuburi dupuyuro keori weadeare būremut̄yanerā āārībú. Iri keori weadea okari opabea. Neō wereníbea.

3 Irasirīgū daporare yū mūsārē ire masīmakū gāāmea. Neō sugū Ōāgū deyomarīgū iritamurī merā weregū: “Jesúre ñerō waanaburo”, ārīmasībirikumi. Gajīgū Ōāgū deyomarīgū iritamurī marīrō merā weregū: “Jesús marī Op̄u āārīmi”, neō ārīmasībirikumi.

4 Ōāgū deyomarīgū Marīp̄uyare marīrē irimasīmakū iriri, wári āārā. ĩgū sugūta irire sīgū āārīmi.

5 Marī Op̄u Jesucristo marīrē moādoreri, wári āārā. ĩgū sugūta irire moādoregū āārīmi.

6 Marīp̄uyare iriri, s̄rosū āārībea. Marīp̄u sugūta marī āārīpererārē ĩgūyare oārō irimasīmakū irīgū āārīmi.

7 Marīp̄u Ōāgū deyomarīgūrē marī masakakure s̄rī merā ĩgū marī merā āārīrīrē ĩmumi, āārīpererā Jesucristore būremurārē gāme iritamuburo, ārīgū.

<sup>8</sup> Ōāgū deyomarīgū surāyerire ōārō masīrī merā Marīpuyare weremakū yāmi. Gajerādere ōārō pēmasīrī merā Īgūyare weremakū yāmi.

<sup>9</sup> Gajerārē: “Marīpū iritamurī merā marī ōārō irimasīa”, ārī bñremumakū yāmi. Irasū āārīmakū, gajerārē Īgū turarire sīmi pūrīrikārārē tauburo, ārīgū.

<sup>10</sup> Gajerārē Īgū turari merā iri Īmurīrē irimasīmakū yāmi. Gajerārē Marīpū Īgūsārē weredorerire ōārō weremasīmakū yāmi. Gajerārē: “Wātī turari merā, o Ōāgū deyomarīgū turari merā āsū yāmi Ī”, ārī masīrīrē sīmi. Gajerārē gaji masā ya werenīrī merā Īgūsā dupuyurogue werenīmasībirideare werenīmasīmakū yāmi. Gajerārē, iri werenīrīrē masībirikererā, Ōāgū deyomarīgū iritamurī merā: “Āsū ārīduaro yāa i”, ārī masīmakū yāmi.

<sup>11</sup> Ōāgū deyomarīgū marī masakakure gajerosūperi dita Īgū sīduarire sīmi. Īgū sugūta Marīpuyare marī irimasīburire sīgū āārīmi.

*Marī Cristoyarā āārīrā su dupūta irirosū āārā, ārī gojadea*

<sup>12</sup> Marīya dupūma wāri āārā. Wāri āārīkerero, su dupūta āārā. Cristode irasūta āārīmi. Marī Īgūrē bñremurā wārā āārīkererā, su dupūta irirosū āārā.

<sup>13</sup> Mūrārōta marī Īgūrē bñremurā āārīpererā: judío masaka, judío masaka āārīmerā, gajerārē moāboerā, moāboemerāde wārā āārīkererā, Ōāgū deyomarīgū sugū merāta wāīyesūbñ. Irasirīgū marīrē su dupūta irirosū āārīmakū yāmi. Irasirirā marī āārīpererā Ōāgū deyomarīgūrē opāa.

<sup>14</sup> Marīya dupūma āārīrī su wāita āārībea. Wāri āārīkōāa.

<sup>15</sup> Marīya gubu werenīrī gubu āārīrō āsū ārībokoa: “Mojō āārībea. Irasiro mūya dupūma āārībea”, ārībokoa. Marīya gubu irasū ārīkerero, marīya dupūmata āārā.

<sup>16</sup> Marīya gāmipū werenīrī gāmipū āārīrō āsū ārībokoa: “Koyeru āārībea. Irasiro mūya dupūma āārībea”, ārībokoa. Marīya gāmipū irasū ārīkerero, marīya dupūmata āārā.

<sup>17</sup> Marīya dupū, koyeru dita āārīmakū, ¿nasirisīā, pébokuri marī? Marīya dupū, gāmipū dita āārīmakū, ¿nasirisīā, gajinorē wījībokuri marī?

<sup>18</sup> Marīpū marīya dupūre irīgū, āārīpereri Īgū gāāmerōsūta keoro iridi āārīmi.

<sup>19</sup> Āārīpereri marīya dupūgue āārīrīno su wāita āārīmakū, marīya dupū marībokuyo.

<sup>20</sup> Āsū āārā. Marīya dupūgue āārīrī wāri āārīkererū, su dupūta āārā. I irirosūta marī Jesúre bñremurā wārā āārīkererā, su dupūta irirosū āārā.

21 Irasiriro koyeru, mojõrê: “Murê gããmebea”, ãrĩmasĩbirikoa. Dipuru, guburire: “Murê gããmebea”, ãrĩmasĩbirikoa.

22 Āsũ gapu ããrã. Gaji marĩya dupugue ããrĩrĩ, turabiri ããrĩkerepu, marĩ gapu irire buro gããmea.

23 Gaji marĩya dupugue ããrĩrĩrê: “Ubu ããrĩrĩ ããrã”, ãrĩ gũñáa. Irasirirã irire õãrõ deyoburo, ãrĩrã, õãrõ ãmua. Gaji marĩ gũyasĩrĩsãrĩrê surĩ sãña kãmutãa masaka iãbirikõãburo, ãrĩrã.

24 Gaji marĩya dupugue ããrĩrĩrê õãrĩ deyori gapure ãmubea. Marĩpu marĩya dupugue ããrĩrĩrê ããrĩpererire õãrõ ãmudi ããrĩmĩ, su duputa õãrõ dupukuburo, ãrĩgũ. Irasirigu: “Ubu ããrĩrĩ ããrã”, marĩ ãrĩrĩ gapure õãrõ gããmemakũ yãmi. Irasirirã marĩ neõ gajigu Jesũyagure: “Ubu ããrĩgũ ããrĩmi, irasirirã ãgũrê gããmebea”, ãrĩbirikõãrõ gããmea.

25 Āsũta ããrĩdoredi ããrĩmĩ, Marĩpu marĩya dupu suro merã iritamuburo, ãrĩgũ.

26 Marĩya dupugue ããrĩrĩ su wãĩ ñerõ tarimakũ, gajide ããrĩpereri ñerõ taria. Su wãirê õãrõ ãmumakũ: “Marĩya dupu ããrĩperero õãrõ ããrã”, ãrĩ gũñáa.

27 Yu irire ãrĩgũ, ãsũ ãrĩduagu yãa. Marĩ Cristore buremurã ãgũya dupu irirosũ ããrã. Irasirirã marĩ masakaku ãgũya dupugue ããrĩrã irirosũ ããrã.

28 Irasirigu Marĩpu marĩ Jesũre buremurãrê gãme iritamuburire pígu, ãsũ pídi ããrĩmĩ. Jesucristo buedoregu pínerãrê pípuroridi ããrĩmĩ. Pupu Marĩpu gajerãrê ãgũ weredorerosũ weremurãrê pídi ããrĩmĩ. Pupu gajerãrê ãgũyare buemurãrê pídi ããrĩmĩ. Gajerãrê ãgũ turaro merã iri ãmumurãrê, gajerãrê pũrĩrikurãrê taumurãrê, gajerãrê masakare iritamumurãrê, gajerãrê dorerimasã ããrĩmurãrê, gajerãrê gaji masã ya merã ãgũsã dupuyurogue neõ werenĩmasĩbirideare werenĩmasĩmurãrê pídi ããrĩmĩ.

29 Irasirigu marĩ ããrĩpererãrê sũrosũ irimurãrê píbiridi ããrĩmĩ. Irasirirã marĩ ããrĩpererã Jesucristo buedoregu pínerã meta ããrã. Marĩ ããrĩpererã Marĩpu weredorerosũ wererã meta ããrã. Marĩ ããrĩpererã Marĩpu yare buerã meta ããrã. Marĩ ããrĩpererã Marĩpu turaro merã iri ãmumurã meta ããrã.

30 Marĩ ããrĩpererã pũrĩrikurãrê taumasĩrã meta ããrã. Marĩ ããrĩpererã gaji masã ya werenĩrĩ merã werenĩmasĩrã meta ããrã. Marĩ ããrĩpererã ãgũsã werenĩrĩrê péadero pupu: “Āsũ ãrĩduaro yãa”, ãrĩ wererã meta ããrã.

31 Irasirirã Īãgũ deyomarĩgũ Marĩpu yare irimasĩrĩ sĩrĩrê gããmekã musã! Yu musãrê i ããrĩpereri nemorõ õãrĩrê weregura.

## 13

*Gãme mãrĩmarê gojadea*

1 Marĩ gaji masã ya werenĩrĩrẽ werenĩmasĩkererã, Marĩpure wereboerã ya werenĩrĩrẽ werenĩmasĩkererã, gajerãrẽ maĩbirimakũ, marĩ werenĩrĩ wajamarĩboko. Kõme majĩ pábiramakũ busurosũ marĩ werenĩrĩ busukõãboko.

2 Marĩpure marĩrẽ weredorerosũ õãrõ weremasĩkererã, gajerãrẽ maĩbirimakũ, marĩ wereri wajamarĩboko. Aãrĩpererire masĩkererã, Marĩpure masaka dupuyurogue masĩbiridea aãrĩpererire pemasĩkererã, gajerãrẽ maĩbirimakũ, marĩ masĩrĩ wajamarĩboko. Marĩpure buremurĩ marĩrẽ ĩgũ sĩrĩ merã buúrure gajerogue waadoremāsĩkererã, gajerãrẽ maĩbirimakũ, marĩ buremurĩ merã iriri wajamarĩboko.

3 Marĩ opari aãrĩpereri boporãrẽ sĩkererã, ĩgũsãrẽ maĩbirimakũ, marĩ iriri wajamarĩboko. Marĩpure marĩ iridea waja marĩya dupure masaka sokepererũ, marĩ gajerãrẽ maĩbirimakũ, Marĩpure marĩrẽ: “Õãrõ iribũ”, ãrĩbiribokumi.

4 Marĩ gajerãrẽ maĩrã, mata ĩgũsã merã guaña máa. ĩgũsãrẽ bopoñarĩ merã õãrõ yáa. ĩgũsãrẽ ĩaturiña máa. “Ĩgũsã nemorõ õãgũ aãrã”, ãrĩmasĩña máa. “Ĩgũsã nemorõ masĩtarinugãgũ aãrã”, ãrĩmasĩña máa.

5 Marĩ gajerãrẽ maĩrã, ĩgũsãrẽ buremurĩ merã keoro werea. Marĩya aãrĩburi direta gũñabea. ĩgũsãya aãrĩburidere gũñáa. ĩgũsãrẽ guari merã wereña máa. ĩgũsã marĩrẽ ñerõ irimakũ, yoaripoe ĩgũsã merã guanĩña máa.

6 Gajerãrẽ maĩrã, ĩgũsã ñerõ irimakũ ĩãrã, usuyamasĩña máa. Diayema gapure ĩgũsã irimakũ ĩãrã, usuyáa.

7 Marĩ gajerãrẽ maĩrã, ĩgũsã ñerõ irimakũ ĩãrã, masakare neõ kere werebea. Gajerã ĩgũsãrẽ werewakererũ, marĩ ĩgũsãrẽ buremurĩrẽ neõ piribirikoa. “Purugue ĩgũsãde õãrĩ gapure irirãkuma”, ãrĩ gũñáa. ĩgũsã iriri merã marĩ ñerõ tarikererã, ĩgũsãrẽ maĩsĩã, neõ piribe.

8 Marĩ gãme maĩrĩ neõ perebirikoa. Marĩpure weredorerosũ wereri gapure pererokoa. Gaji masã ya merã marĩ werenĩrĩde pererokoa. Marĩpure masĩrĩ merã õãrõ wereride, purugue pererokoa. Iri irasũ waamakũ, marĩ masĩdero nemorõ aãrĩpererire masĩrãkoa.

9 Daporare marĩ aãrĩpereri Marĩpure masĩbea. ĩgũ weredorerosũta ĩgũ masĩrĩ sĩrĩ merã werekererã, aãrĩpereri ĩgũyare weremasĩbea.

10 Purugue Jesucristo Marĩpure masĩpeogu aarimakũ, marĩ masĩbirideare masĩpeorãkoa.

11 Yũ majĩgũ aãrĩgũ, majĩrã irirosũ gũñarĩ marĩrõ werenĩ, ĩgũsã irirosũta iriunabũ. Yũ buguro waagũ, majĩrã irirosũ aãrĩdeare pirikõãbũ.

12 Daporare Marĩpuyare marĩ õãrõ masĩbea. Diuru buɓuru merã marĩ aĩñmakũ õãrõ deymarĩrõ irirosũ aãrã. Õãrõ deyobeá. Pũru õãrõ deyorogue Marĩpũre iãrãkoa. Daporare marĩ ĩgãrẽ sĩrũgã masĩa. Pũru Marĩpũ marĩrẽ masĩpeorosũta marĩde masĩpeorãkoa.

13 Daporare ure wãĩ aãrã: Marĩpũre buremurĩ, ĩgũ marĩrẽ õãrõ irigũkumi, ãrĩ usuyari, marĩ gãme maĩrĩ aãrã. Iri ure wãĩ neõ perebirikoa. Gãme maĩrĩ gapũ gaji nemorõ õãrĩ aãrã.

## 14

*Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea*

1 Gajerãrẽ maĩnemoka! Irasũ aãrĩmakũ, Marĩpuyare Õãgũ deymarĩgũ musãrẽ irimasĩrĩ sĩrĩrẽ gããmeká! Aãrĩpereri ĩgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ weremasĩrĩ gapũre buro gããmeká!

2 Sugũ gaji masã ya werenĩrĩ merã werenĩmasĩbirikeregu werenĩmakũ, Marĩpũ dita ĩgũ werenĩrĩrẽ pémi. Masaka gapũ ĩgũ werenĩrĩrẽ pébema. Õãgũ deymarĩgũ turari merã Marĩpuyare masĩña marĩdeare werenĩmi.

3 Marĩpũ weredorerosũ weregu gapũ masakare weremi. ĩgũ wereri pérãrẽ Jesucristore buremunemomakũ yãmi. ĩgũ wereri merã ĩgũsãrẽ õãrõ aãrĩrikũmakũ, õãrõ yũjũpũrãkũmakũ yãmi.

4 Gaji masã ya werenĩrĩ merã werenĩmasĩbirikeregu werenĩgũ ĩgũ basi Jesucristore buremunemogũ yãmi. Marĩpũ weredorerosũ weregu gapũ gajerã Jesucristore buremurãrẽ ĩgũrẽ buremunemomakũ irigũ yãmi.

5 Gaji masã ya werenĩrĩ merã musã werenĩmasĩbirideare aãrĩpererã musã werenĩmasĩmakũ gããmea yũ. Iri nemorõ Marĩpũ weredorerosũ musã weremakũ buro gããmea. Marĩpũ weredorerosũ weregu gapũ, gaji masã ya werenĩrĩ merã werenĩgũ nemorõ masakare iritamugũ aãrĩmi. Irasũ aãrĩkerepũru, gaji masã ya werenĩrĩrẽ pégu: “Ãsũ ãrĩduaro yãa”, ãrĩ weremakũ õãgorãa. ĩgũ irasũ ãrĩ weregu, Jesucristore buremurãrẽ ĩgũrẽ buremunemomakũ irigũ yãmi.

6 Yaarã, yũ musã pũrogue waagũ, gaji masã ya werenĩrĩ merã werenĩgũ, musãrẽ iritamubiribokoa. Marĩpũ ĩgũyare yũre masĩmakũ irideare weregu, ĩgũya diayema kerere masĩrĩ merã weregu, ĩgũ yũre weredorerire weregu, ĩgũyare musãrẽ buegu, musãrẽ iritamubokoa.

7 Keori merã musãrẽ weregu. Tẽrẽdirure keoro puribirimakũ, o arpa wãĩkũro buaputẽrõde keoro buaputẽbirimakũ, iri wãĩ bayari aãrĩkoa, ãrĩmasĩña mãa.

8 Surara gāmewējērā waaburi dupuyuro sugu ĩgūsā merāmu puridirure keoro puribirimakū, gajerā surara ĩgūsā mojōkuburire āmubirikuma.

9 Mūsāde irasūta āārā. Mūsā gaji masā ya werenírĩ merā werenímakū pérā: “Āsū ārĩrā irikuma ĩgūsā”, ārĩmasĩbirikuma. Irasirirā mūsā ubugorata werenímoāmakōārā irikoa.

10 I ĩmugwere wári buri marā āārĩma. ĩgūsā basi ĩgūsā werenírĩrē pémasĩma.

11 Yũ gaji masā ya werenírĩ merā werenígūrē pébi: “Gajeromu āārĩmi”, ārĩ gũñagukoa. ĩgũde yũ gaji masā ya werenírĩ merā werenímakū pébi yare: “Gajeromu āārĩmi”, ārĩ gũñagukumi.

12 Irasūta āārā mūsādere. Mūsā Ōāgũ deyomarĩgũ turaro merā irimasĩrĩ sĩrĩrē gāāmea. Irasirirā gajerā Jesucristore bũremurārē ĩgūrē bũremunemomakū irimasĩrĩrē bũro gāāmekala!

13 Irasirigu sugu gaji masā ya werenírĩ merā werenĩmasĩbirikeregu werenígũno Marĩpũre: “Yũ werenírĩrē gajerārē: ‘Āsū ārĩduaro yáa’, ārĩ weremakū iritamuka yare!” ārĩ sērēburo.

14 Yũ gaji masā ya werenírĩ merā werenĩmasĩbirikeregu werenírĩ merā Marĩpũre sērēgũ, Ōāgũ deyomarĩgũ gũñarĩ sĩrĩ merā sērēa. Irasū sērēkeregu, gũñarĩ merā yũ sērēadeare: “Āsū ārĩduaro irikoa”, ārĩ pémasĩbirikoa.

15 Irasirirā āsū iriro gāāmea. Ōāgũ deyomarĩgũ turari merā gaji masā ya werenírĩ merā Marĩpũre sērērō gāāmea. Irasū āārĩmakū, pémasĩrĩ merā marĩ ya werenírĩ merā Marĩpũre sērērō gāāmea. Ōāgũ deyomarĩgũ turari merā gaji masā ya werenírĩ merā Marĩpũre bayapeoro gāāmea. Irasū āārĩmakū, pémasĩrĩ merā marĩ ya werenírĩ merā Marĩpũre bayapeoro gāāmea.

16 Marĩ Ōāgũ deyomarĩgũ turari merā gaji masā ya werenírĩ merā Marĩpũre usuyari sĩkerepũmu, marĩ merā āārĩrā pébiribokuma. ĩgūsā irire pémerā: “Irasūta āārā”, ārĩ, marĩ merā Marĩpũre usuyari sibiribokuma.

17 Marĩ gaji masā ya werenírĩ merā Marĩpũre usuyari sĩrĩ ōāgorāa. Irasū āārĩkerepũmu, marĩ merā āārĩrā gapu marĩ werenírĩrē pébirimakū, marĩ ĩgūsārē Jesucristore bũremunemomakū iribirikoa.

18 Gaji masā ya werenírĩ merā werenĩmasĩbirikeregu werenírĩrē yuta mūsā āārĩpererā nemorō werenía. Irire irisĩā, Marĩpũre usuyari sĩa.

19 Irasū āārĩkeregu, Jesúre bũremurā nerērōgue gaji masā ya werenírĩ merā wári mūsā pébirire yũ weremakū mūsārē

õãbirikoa. Musã pémasĩrĩrẽ yu mériḡã weremakũ gapu, musãrẽ õãrokoa.

20 Yaarã, majĩrã pémasĩmerã irirosũ gũñabirikõãka! Murã irirosũ õãrõ pémasĩrĩ merã gũñaka! Ñerõ iriri gapure majĩrãḡã gũñamerã irirosũ ããrĩka!

21 Marĩpũya werenĩrĩ gojadea pũgue ãsũ ãrĩ gojasũdero ããrĩbú: “Marĩ Opũ ãsũ ãrĩmi: ‘Gajero marãrẽ ĩḡusã ya werenĩrĩ merã i makã marãrẽ weredoreḡura. Yaare ĩḡusãrẽ irasũ weredorekerepũ, i makã marã yũre neõ bũremubirikuma’, ãrĩmi marĩ Opũ”, ãrĩ gojasũdero ããrĩbú.

22 Irasirigũ Marĩpũ gajero marãrẽ ĩḡusã ya werenĩrĩ merã ĩḡũrẽ bũremurãrẽ weredoreḡũ, ĩḡusã ĩḡũrẽ bũremubirire ĩmumi. ĩḡũrẽ bũremurã gapure irasiribemi. ĩḡũyare ĩḡũ were-dorerosũ wererã merã ĩḡusãrẽ weremi.

23 Irasirirã musã Jesũre bũremurã nerẽrõḡue gaji masã ya werenĩrĩ merã werenĩmasĩbirikererã werenĩrĩrẽ musã ããrĩpererã werenĩbokoã. Musã irasũ werenĩmakũ, Marĩpũyare masĩmerã, gajerã Jesũre bũremumerãde ñajãjabokuma. Musã irasũ werenĩrĩrẽ pérã, musãrẽ: “Niãrĩmasã ããrĩma”, ãrĩbokuma.

24 Musã ããrĩpererã Marĩpũ weredorerosũ weremakũ Marĩpũyare masĩbi, Jesũre bũremubide ñajãri péḡũ, ĩḡũ ñerõ irideare masĩḡukumi. Irasirigũ ĩḡũ ñerĩ irideare bujawereḡukumi.

25 ĩḡũ gũñarĩḡue ñerõ: “Ñerĩrẽ gũñayo yu”, ãrĩ pémasĩḡukumi. Irasirigũ ñadũkupuri merã ejamejã, Marĩpũre: “Yu Opũ ããrã”, ãrĩ bũremuḡukumi. Irasũ ããrĩmakũ: “Marĩpũ diayeta musã merã ããrĩmi”, ãrĩ masĩḡukumi.

*Musã nerẽrã, gopepyari merã õãrõ keoro irika! ãrĩ gojadea*

26 Yaarã, musãrẽ ãsũ ãrĩ werea. Musã nerẽmakũ, surãyeri Marĩpũre bayapeoma. Gajerã Marĩpũyare buema. Gajerã Marĩpũ ĩḡũyare ĩḡusãrẽ masĩmakũ irideare werema. Gajerã gaji masã ya werenĩrĩ merã werenĩmasĩbirikererã werenĩma. Gajerã iri werenĩrĩrẽ: “Ãsũ ãrĩduaro yãa”, ãrĩ werema. Irasirirã ããrĩpereri irire musã Jesũre bũremurã õãrõ keoro irika, musã ĩḡũrẽ bũremunemoburosũta!

27 Irasirirã gaji masã ya werenĩrĩ merã werenĩmasĩbirikererã werenĩrã, pẽrã, o urerã werenĩburo. Sugũ werenĩ odoadero pũũ, gajigũ werenĩburo. Pũũ gajigũ ĩḡusã werenĩrĩrẽ: “Ãsũ ãrĩduaro yãa”, ãrĩ wereburo.

28 Musã nerẽmakũ, ĩḡusã werenĩrĩrẽ: “Ãsũ ãrĩduaro yãa”, ãrĩ werebu marĩmakũ, gaji masã ya merã werenĩbirikõãburo. ĩḡusã seyaro ĩḡusã gũñarĩḡue Marĩpũ merã werenĩburo.



29 Marĩpu weredorerosũ wererãde, pẽrã, o umerã wereburo. Irasũ keoro weremakũ pérã, gajerã ãgũsã wererire: “Diayeta Marĩpuya kereta ããrã”, ãrĩburo.

30 Mũsã nerẽrõgue sugũ weremakũ, Marĩpu gajigũre iroque doagũre weredoremakũ, werepuroriadi gapũ toeburo.

31 Mũsã irasũ irirã, mũsã ããrĩpererã Marĩpu weredorerosũ weremasĩrãkoa. Sugũ werepuroriadi were odoadero purũ, gajigũ werewãgãnaburo. Irasirimakũ, ããrĩpererã pé, õãrõ yũpurĩrãkũrãkuma.

32 Marĩpu weredorerosũ wererã mũsã wereburi dupuyuro: “¿Naásũ ããrĩmakũ irire wererãkuri?” ãrĩ gũñapuroriro gããmea.

33 Marĩ nerẽmakũ, Marĩpu marĩrẽ keoro irimakũ gããmeme. Noó gããmerõ iriro marĩrõ usuyari merã nerẽmakũ gããmeme. ããrĩpererogue Jesũre bũremurã nerẽãrẽ irasũ dita irimakũ gããmeme.

34 Jesũre bũremurã nerẽmakũ, nome werenĩbirikõãburo. Nomerẽ werenĩdoreri máa. Werenĩrõnorẽ irirã, Marĩpuya werenĩrĩ gojadea pũgue dorederosũta õãrõ péro gããmea.

35 Jesũre bũremurã nerẽmakũ, sugo nomeõ werenĩgõ, gũyasĩrõ iribokumo. Irasirigo igo gajino õãrõ pébiradeare masĩduago igoya wiigũe igo marãpure sërẽñaburo.

36 Ire mũsã masĩka! Mũsã Marĩpuya kerere werepurorinerã ããrĩbea. Irasũ ããrĩmakũ, mũsã dita ãgũyare bũremurã ããrĩbea. Gajerãde ãgũrẽ bũremurã ããrĩma.

37 Sugũ mũsã merãmũ: “Yũ Marĩpu weredorerosũ weregũ ããrã”, ãrĩ gũñagũ, o gajigũ: “Yũ Õãgũ deyomarĩgũ irimasĩrĩ sĩrĩrẽ opáa”, ãrĩ gũñagũ, i yũ mũsãrẽ gojarire: “Marĩ Opũ doreri ããrã”, ãrĩ masĩgũkumi.

38 Yũ gojarire: “Marĩ Opũ doreri ããrĩbea”, ãrĩmakũ, ãgũrẽ: “Marĩpuyare weregũ ããrĩbemi”, ãrĩka!

39 Yaarã, Marĩpu weredorerosũ weremasĩrĩrẽ bũro gããmekã mũsã! Mũsã merãmarãrẽ ãgũsã gajĩ masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka!

40 Mũsã nerẽrã, noó gããmerõ iribirikõãka! Goepeyari merã ããrĩpereri mũsã iririre õãrõ keoro irika!

## 15

### *Cristo masãdeare gojadea*

1 Yaarã, yũ mũsãrẽ iripoegue weredea, Jesucristo masakare tauri kerere daporare gũñamakũ gããmea. Mũsã irire pérã, bũremubũ. Daporadere irire bũremunĩkõãa.

2 Mũsã iri kerere bũremusĩã, peamegue waamurã meta ããrã. Iri kerere mũsãrẽ yũ weredeare bũremurĩrẽ

piribirimakū, Marīpū mūsārē taugukumi. Mūsā iri kerere būremubirinerā, diayeta tausūbiribokoa.

<sup>3</sup> Yūre buedeare mūsārē weretaubū. Iri bueri, gaji bueri nemorō ōātaria. Āsū āārā. Marīpūya werenīrī gojadea pūgue gojaderosūta Cristo marī ñerō iridea waja marīrē boabosadi āārīmī.

<sup>4</sup> Īgū boadero pūru, Īgūrē yāanerā āārīmā. Pūru Marīpūya werenīrī gojadea pūgue gojaderosūta ūrenū waaró merā Marīpū Īgūrē masūdi āārīmī.

<sup>5</sup> Īgūrē masūdero pūru, Cristo Pedrore deyoayurū. Pūru Īgū buedoregū pīnerā, pe mojōma pere su gubu peru pērēbejarārē deyoayurū.

<sup>6</sup> Pūru suñarō wārā quinientos masaka nemorō Īgūrē būremurārē deyoayurū. Wārā Īgūrē ĩānerā okama dapa. Gajerā boasianerā āārīmā.

<sup>7</sup> Pūru Santiagore deyoayurū. Iro pūru āārīpererā Īgū buedoregū pīnerārē deyoayurū.

<sup>8</sup> Āārīpererā gajerārē Īgū deyoadero pūru, yūdere deyoatūnumi pama. Majīgūgā keoro deyoabigā deyoadi irirosū yū āārīkeregū, Jesúre būremutūyāa.

<sup>9</sup> Īgū yūre deyoaburi dupuyurogue Īgūrē būremurārē ñerō irigorenabū. Irasirigū gajerā Jesús buedoregū pīnerā āārīpererā dokague āārā. Masaka yūre: “Īgū Jesús buedoregū pīdi āārīmī”, ārīmakū: “Yū Jesús buedoregū pībodi āārībiradibū”, ārī gūñāa.

<sup>10</sup> Irasū āārīkererū, Marīpū yūre ōārō iritamumi. Irasirigū Jesucristo yūre Īgūyare buedoregū pīmi. Marīpū yūre ubugora ōārō iritamugū meta yāmi. Yū āārīpererā gajerā Jesucristo buedoregū pīnerā nemorō moāa. Yū gūñārī merā irasiribea. Marīpū yūre ōārō iritamugū, yū merā āārīnīkōāmi. Yūre Īgū iritamurī merā ōārō moāmakū yāmi.

<sup>11</sup> Yū bueri, gajerā Jesucristo buedoregū pīnerā bueri irirosūta āārā. Gūa āārīpererā Jesucristo boa, masādea kerere buea. I kerere pērā, mūsā Īgūrē būremunūgābū.

### *Boanerā masāburire gojadea*

<sup>12</sup> Gūa, Cristo boa, masādeare buekererū, gajerā mūsā merā āārīrā: “Boanerā neō masābirikumā”, ārīma. ¿Nasirirā irasū ārīrī ire?

<sup>13</sup> Boanerā masāburi marīmakū, Cristode masābiribodi āārīmī.

<sup>14</sup> Cristo masābirimakū, gūa bueri neō wajamarībokoa. Mūsā Īgūrē būremurīde wajamarībokoa.

<sup>15</sup> Marīpū boanerārē masūbi, Cristodere masūbiribodi āārīmī. Īgū irasū iribirimakū, gūa: “Marīpū Cristore masūdi āārīmī”, ārīrā, ārīgatorā iribokuyo.

16 “Boanerã masãbirikuma”, Ìgüsã ãrĩrĩ diaye ããrĩmakũ, Cristode masãbiribodi ããrĩmĩ.

17 Cristo masãbirimakũ, Ìgürẽ müsã b̄remurĩ wajamarĩbokoã. Irasirirã müsã ñerĩ iridea waja, waja opakõãbokoã dapa.

18 Diayeta i irasũ ããrĩmakũ, Cristore b̄remurã boanerã, Ìgürẽ b̄remubirinerã peamegue waamurã irirosũ ããrĩbokuma.

19 Marĩ Cristore b̄remurã: “Marĩ okarinurĩ dita Ìgũ merã õãrõ ããrĩrãkoã. Marĩ boadero p̄rũ masãburire masĩña máa”, ãrĩ gũñarã, ããrĩpererã masaka nemorõ boporã ããrĩbokoã.

20 “Cristo boadero p̄rũ, masãdi ããrĩmĩ”, ãrĩrĩ gapũ diaye ããrã. Marĩ ããrĩpererã masaka boadero p̄rũ masãburi dupuyuro masãp̄roridi ããrĩmĩ.

21 Æsũ ããrã. Neõgorague ããrĩp̄roridi Adán ñerĩ irip̄roridea waja marĩ masaka ããrĩpererã boamurã dita ããrã. P̄rũ Jesu-cristo õãrĩrẽ iripeodea waja marĩ boadero p̄rũ masãrãkoã.

22 Marĩ masaka ããrĩpererã Adán parãmerã ããrĩturiarã ããrĩrĩ waja boamurã dita ããrã. Cristoyarã marĩ ããrĩmakũ, marĩ boadero p̄rũ, Marĩp̄rũ marĩ ããrĩpererãrẽ masũgukumi.

23 Marĩp̄rũ marĩrẽ keoro masũgukumi. Cristo masãsiadi ããrĩmĩ. P̄rũ Ìgũ i ãmũgue dupaturi aarimakũ, marĩ Ìgũyarã ããrĩsã, masãrãkoã.

24 Irasũ waamakũ, i ãmũ pereakõãrokoã. Irinurẽ Cristo ããrĩpererã ñerãrẽ: oparãrẽ, dorerãrẽ, turarãrẽ béogukumi. Ìgũ irasiriadero p̄rũ, Ìgũ Pagure Ìgũ ããrĩpererã Op̄rũ ããrĩrĩrẽ wiagukumi.

25 Ìgũ wiaburi dupuyuro Marĩp̄rũ Cristore ããrĩturirã ããrĩpererãrẽ béogukumi. Ìgüsãrẽ béoburi dupuyuro Marĩp̄rũ gããmederosũta Cristo ããrĩpererã Op̄rũ ããrĩgukumi.

26 Æãrĩpererã Ìgürẽ ããrĩturirãrẽ béodero p̄rũ, boaridere pere-makũ irigukumi.

27 Marĩp̄rũ Ìgũya werenĩrĩ gojadea pũgue ãrĩderosũta Cristore ããrĩpererãrẽ doregũ, ããrĩpererire opagũ ããrĩmakũ iridi ããrĩmĩ. Irasũ ãrĩrõ: “Marĩp̄rũ weka doregũ Cristo ããrĩmĩ”, ãrĩduaro meta yáa. Marĩp̄rũta ããrĩpererire, ããrĩpererãrẽ Cristo dokague pídi ããrĩmĩ.

28 Marĩp̄rũ Ìgürẽ irasiri ododero p̄rũ, Cristo Marĩp̄rũ magũ Ìgũ ããrĩpererãrẽ doregũ, ããrĩpereri opagũ ããrĩrĩrẽ Marĩp̄rũre wiagukumi. Irasirigũ Marĩp̄rũ ããrĩpereri, ããrĩpererã Op̄rũ ããrĩgukumi.

29 Gaji ããrã. “Boanerã masãbirikuma”, Ìgüsã ãrĩkerep̄rũ, çnasirirã gajerã masaka boanerãya ããrĩburire wãiyebosayuri? Ìgüsã: “Boanerã masãbirikuma”, ãrĩrã, Ìgüsãya ããrĩburire wãiyebosabiribokuma.

30 Gwa: “Boanerã masãrãkuma”, ãrĩ bueri waja ãmũriku gajerã gware ñerõ iridũama. Gware ãgũsã ñerõ iridũakerepũ, boanerã masãburire masĩsĩã, irire buenĩkõãa.

31 Yaarã, i diayeta ããrã. Marĩ Opu Jesucristore mũsã buremumakũ ããgũ, yũ bũro mũsũyãa. Ide diayeta ããrã. Ũmũriku: “Masaka yũre wẽjẽkõãrãkuma”, ãrĩ pẽñaãa.

32 Yũ Jesucristoya kerere bueri waja Efesoguere makãnúũ marã yẽa bũro guarã irirosũ ããrĩrã, yũre ñerõ irima. “Boanerã masãbirikuma”, ãgũsã ãrĩrĩ diaye ããrĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ãgũsã ãrĩrĩ diaye ããrĩmakũ, marĩde gajerã irirosũ ãsũ ãrĩ werenĩboko: “Nãka baa, iirĩrã! Ñamigã boakõãboko. Irasirirã marĩ boaburi dupuyuro marĩ gããmerõ irirã!” ãrĩboko.

33 Gajerã ãrĩgatorire pẽbirikõãka! Masaka ãsũ ãrĩ werewũakuma: “Ñerãrẽ wapikũrã, mũsã õãrõ iririkũre pirikõãrãko”.

34 Irasirirã mũsã dupuyurogue gopeyari merã keoro iriderosũta irika doja! Ñerĩrẽ irinemobirikõãka! Mũsã surãyeri Marĩpũre masĩbea. Mũsãrẽ gwysãrĩdoregũ irasũ ãrã.

### *Boanerã masãburire gojanemodea*

35 Gajipoe sugũ ãsũ ãrĩ sãrẽñabokumi: “¿Nasiri boanerã masãrãkuri? ¿Naãsũperi dupũ oparãkuri?” ãrĩbokumi.

36 Irasũ sãrẽñagũ pẽmasĩbi ããrĩmi. Marĩ oteri yeri otedero pũrũ, iri yeri puriburi dupuyuro yeba poekague boakõãko. Boa, pũrũ puri wirikoa. Boabirimakũ, neõ puri wirimãbirikoa.

37 Marĩ oterã, puridiguere ãrĩ otebea. Dupayeri direta otea. Iri yeri trigo yeri ããrĩrõ, o gaji yeri ããrĩrõ ããrĩko.

38 Iri yerire marĩ otedero pũrũ, Marĩpũ gapũ ãgũ gããmederosũta iri yerire purimakũ yãmi. Irasirigũ ojodũka yerire ojodũkañũ waamakũ yãmi. Trigo yerire trigo sari waamakũ yãmi. Irasũ dita yãmi Marĩpũ.

39 ããrĩpererã okari oparã sũrosũ dupũkũrã ããrĩbema. Masakaya dupũ, waimũrãya dupũ irirosũ ããrĩbea. Mirãya dupũ, waaiya dupũ irirosũ ããrĩbea.

40 Ũmarõ marãya dupũ, i ãmũ marãya dupũ irirosũ ããrĩbea. Ũmarõ marã õãrĩ dupũ opama. I ãmũ marã, ãmarõ marã irirosũ ããrĩbirikererã, ãgũsãde õãrĩ dupũ opama.

41 Abe ãmũmũ kũmijũrĩ merã asimi. Ñamimũ irirosũ boyobemi. Neñũkãde gajerosũperi gosema. Neñũkãrẽ marĩ ããmakũ, gajerã sĩrũgã goserã deyoma. Gajerã bũro goserã deyoma.

42 Marĩ boanerã masãrã ãsũ ããrĩrãko. Marĩ boamakũ yãadero pũrũ, marĩya dupũ boarokoa. Pũrũ masãrã, gaji

dupu neõ boabiri dupu oparãkoa. Irasirirã neõ dupaturi boabirikoa.

<sup>43</sup> Maríya dupure yáamakũ, boanerãya dupu boari dupu, turabiri dupu daro ããrã. Marĩpu marĩrẽ masũmakũ, maríya dupu õãrĩ dupu, turari dupu ããrĩrokoa.

<sup>44</sup> Maríya dupure yáamakũ, maríya dupu i ãmuma dupu ããrã. Marĩ boanerã masãmakũ, maríya dupu ãmugasima dupu ããrĩrokoa. Irasirirã ãsũ ãrĩ masĩa. Daporare marĩ i ãmuma dupure opáa. Pũru ãmugasima dupure oparãkoa.

<sup>45</sup> Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpu ãgũ iripũroridi Adãrẽ okarire sĩdi ããrĩmĩ”, ãrĩ gojasũdero ããrĩbũ. Adán pũrumu Jesucristo gapu perebiri okarire sĩgũ ããrĩmi.

<sup>46</sup> Marĩ i ãmuma dupure opapũroria. Pũruguerẽ ãmugasima dupure oparãkoa.

<sup>47</sup> I ãmugue ããrĩpũroridi Adán, nikũ merã irisũdi ããrĩmĩ. ãgũ pũrumu marĩ Opu Jesucristo gapu ãmugasiguemũ ããrĩmi.

<sup>48</sup> Adán nikũ merã iridea dupu dupukũderosũ marĩ ããrĩpererã nikũ merã iridea dupu dupukũa. Irasũ ããrĩmakũ, ãmugasiguemũ Jesucristoyarã ããrĩsĩa, ãgũya dupu irirosũ dupukũrãkoa.

<sup>49</sup> Adán nikũ merã irisũdi ããrĩmĩ. Marĩ ãgũ irirosũ dupukũa. Pũru ãmugasiguemũ Cristo irirosũ dupukũrãkoa.

<sup>50</sup> Yaarã, musãrẽ ire werea. Marĩrẽ i ãmuma dupu merã ãmugasigue Marĩpu ãgũyarãrẽ dorerogue neõ waamasĩña máa. I ãmuma boaburi dupu merã ãmugasigue perebiri okari ããrĩrõguere neõ waamasĩña máa.

<sup>51-52</sup> Masaka masĩbirideare daporare musãrẽ weregũra. Jesucristo i ãmugue dupaturi aariburi dupuyuro ããrĩpererã ãgũyarã boabirikuma. Jesucristo aaripoe Marĩpũre wereboegu puridiru puritũnugukumi. Irasũ puriadero pũru, mata kãrĩ yoberã irirosũ marĩ ããrĩpererã Jesucristore bũremurã gorawayurãkoa. Marĩ boanerã gaji dupu boabiri dupu merã masãrãkoa. Irasirirã neõ dupaturi boabirikoa. Okarãde gaji dupu boabiri dupu oparãkuma.

<sup>53</sup> Marĩpu maríya dupu pereburi dupure gorawayugukumi, perebiri dupure opaburo, ãrĩgũ. Maríya dupu boaburi dupure gorawayugukumi, neõ boabiri dupure opaburo, ãrĩgũ.

<sup>54</sup> Maríya dupu pereburi dupu, neõ perebiri dupure gorawayumakũ, marĩ boaburi dupu, neõ boabiri dupure gorawayumakũ, Marĩpũya werenĩrĩ gojadea pũgue ãrĩderosũta waarokoa. ãsũ ãrĩ gojasũdero ããrĩbũ iri pũguere: “Marĩpu boarire béokõãmi, dupaturi marĩrẽ neõ boabirikõãburo, ãrĩgũ.

<sup>55</sup> Marĩ boakõãrãkoa, ãrĩ gũidea pereakõãa”, ãrĩ gojasũdero ããrĩbũ.

<sup>56</sup> Marĩ ñerõ iridea waja boamurã dita ããrã. Marĩpũ Moisére doreri pídea merã marĩ ñerõ irideare masĩa.

<sup>57</sup> Irasũ ããrĩkerepũ, Marĩpũ marĩ Opũ Jesucristo iridea merã marĩrẽ peamegue waabonerãrẽ taumi. Irasirirã Marĩpũre: “Õátaria mũ”, ãrĩ, ɥɥyari sĩa.

<sup>58</sup> Irasirirã, yaarã yũ maĩrã, mũsãrẽ ãsũ ãrĩ weregũra. Mũsã marĩ Opũ Jesucristore bũremurĩrẽ neõ piribirikõãka! Gajerã mũsãrẽ ĩgũyare béodoremakũ, neõ béobirikõãka! Ɛmũrikũ ĩgũ moãdorerire õãrõ irinikõãka! Ire marĩ masĩa. ĩgũ merã marĩ õãrõ ããrĩrã ĩgũ marĩrẽ moãdorerire irimakũ, marĩ moãrĩ, ubu ããrĩrĩ neõ ããrĩbea.

## 16

*Corinto marã gajerã Jesúre bũremurãrẽ niyeru sĩburi neeõrĩrẽ gojadea*

<sup>1</sup> Daporare mũsãrẽ niyeru neeõ, mũsã gajerã Jesúre bũremurãrẽ sĩburire weregũra. Yũ gajerã Jesúre bũremurãrẽ Galacia nikũgue ããrĩrãrẽ dorederosũta mũsãde irika!

<sup>2</sup> Semanarĩkũ siuñajãrĩnu\* ããrĩmakũ, ããrĩpererã mũsã gajerã Jesúre bũremurãrẽ sĩburi niyerure dukawa duripĩka! Mérõgã oparã mérõgã dukawa duripĩka! Waaweyaro oparã waaweyaro dukawa duripĩka! Irasirirã, yũ mũsã pũrogue ejamakũ, mũsã sĩburire opasiarãkoa.

<sup>3</sup> Yũ mũsã pũrogue ejagũ, mũsã beyenerãrẽ Jerusalẽgue iriugũkoa. Papera pũgue ãsũ ãrĩ gojagũkoa: “Ĩsã ããrĩma Corinto marã beyenerã”. Irasũ ãrĩ goja odo, ĩgũsã merã iri pũrẽ, mũsã duripĩ neeõdea niyerure iriugũkoa, Jesúre bũremurã Jerusalẽgue ããrĩrãrẽ sĩdoregũ.

<sup>4</sup> Mũsã yũre: “Ĩgũsã merã waamakũ gããmea”, ãrĩmakũ, ĩgũsã yũ merã waarãkuma.

*Pablo ĩgũ Corintogue waaburire gojadea*

<sup>5</sup> Yũ mũsã pũrogue waagũ, Macedonia nikũgue waapũrorĩgũkoa. Irore tariwãgã, mũsã pũro waagũkoa.

<sup>6</sup> Gajipoe irigũ yoaweyaripoe mũsã merã ããrĩgũkoa, o gajipoe irigũ puĩbũre ããrĩpeogũ, ããrĩpeokõãboko. Irasirirã mũsã yũ gajerogue waaburire iritamumasĩrãkoa.

<sup>7</sup> Yũ mũsãrẽ ĩãrĩ dita ĩãtariadũabirĩkoa. Irasirigũ marĩ Opũ gããmemakũ, yoaripoe mũsã merã ããrĩgũkoa.

<sup>8</sup> Pentecostés bosenu ããrĩmakũ, õõ Efesogueta taugũkoa dapa.

\* **16:2** Jesúre bũremurãya siuñajãrĩnu, domingo ããrã. Domingo ããrĩmakũ, Jesús boadĩgue masãdi ããrĩmĩ. Irasirirã, domingo ããrĩmakũ, ĩgũrẽ bũremurã nerẽnama.

<sup>9</sup> Ōōguere wári moārĩ āārã. Marĩ Op̄ya kerere p̄duarã wárã āārĩma. Irasũ āārĩmakũ, yu irire weremakũ kãmutaduarãde wárã āārĩma.

<sup>10</sup> Timoteo musã p̄rogue ĩgũ ejamakũ, ĩgũrẽ õārõ merã bokatĩrĩ, õārõ usuyari merã ñeãka! Musã irasirimakũ, ĩgũ musã merã bujawereri marĩrõ āārĩgukumi. ĩgũ yu irirosũ marĩ Op̄yare moãmi.

<sup>11</sup> Irasirirã ĩgũrẽ irasũ ĩãbéomerãta õārõ merã ĩgũrẽ iritamuka! Musã irasirimakũ, ĩgũ yu p̄rogue õārõ usuyari merã goedujarigukumi. Gajerã Jesúre buremurã merã gwa ĩgũrẽ yúrã yáa. Irasirirã, ĩgũ õōgue aariburire iritamuka!

<sup>12</sup> Apolore marĩyagu Jesúre buremugũrẽ musãrẽ ĩãgũ waamakũ buro gããmeadibu. Irasirigu ĩgũrẽ gajerã Jesúre buremurã merã waadoreadibu. Yu waadorekerepuru, ĩgũ daporare waadubemi. Puru ĩgũrẽ gajino iriri marĩmakũ, musã p̄rogue waagukumi.

*Pablo Corinto marãrẽ õãdoretũnudea*

<sup>13</sup> Ōãrõ p̄emasĩka! Jesucristore buremurĩrẽ neõ p̄iribirikõãka! Gũiri marĩrõ õãrõ gũñaturarã āārĩka! Marĩp̄turari merã õãrõ āārĩrikuka!

<sup>14</sup> Āārĩpereri gajinorẽ irirã, gajerãrẽ maĩrĩ merã irika!

<sup>15</sup> Yaarã, musã masĩa. Acaya nikũguere Estéfanas wãĩkuguya wii marã, gajerã iro marã Jesúre buremup̄roriburi dupuyuro ĩgũrẽ buremup̄rorinerã āārĩma. ĩgũsã, gajerã Jesúre buremurãrẽ õārõ iritamuníkõãma.

<sup>16</sup> ĩgũsã irirosũ irirãrẽ õārõ ĩgũsã dorerire iritayaka! Gajerã ĩgũsã merã Jesucristoyare moãtamurãrẽ musã õārõ ĩgũsã dorerire iritayamakũ gããmea yu.

<sup>17</sup> Musã merãmarã Estéfanas, Fortunato, Acaico yu p̄rogue ejasiana. ĩgũsã yu merã āārĩmakũ, buro usuyáa. ĩgũsã musã yure iritamuboadeare iritamuma.

<sup>18</sup> Yure õārõ yujup̄rãkumakũ yáma. Musãdere irasũta iriñurã. Musãrẽ gajerã p̄rogue ĩgũsã irirosũ irirãrẽ: “Ōãrõ irirã yáma”, ãrĩ werero gããmea.

<sup>19</sup> Asia nikũ marã Jesúre buremurã musãrẽ õãdorema. Aquila, Priscila, gajerã Jesúre buremurã ĩgũsãya wiigue nerẽnarãde musãrẽ buro õãdorema.

<sup>20</sup> Ōõ marã Jesúre buremurã āārĩpererã musãrẽ õãdorema. Usuyari merã gãme bokatĩrĩ, õārõ merã mojõ ñeãnaka!

<sup>21</sup> Yu Pablo, yu basi: “Musãrẽ õãdorea”, ãrĩ gojãa.

<sup>22</sup> Marĩ Op̄re Jesucristore maĩbino wajamoãsũburo. “Gwa Op̄ aarika!”

<sup>23</sup> Marĩ Op̄ Jesucristo musãrẽ õārõ iritamuburo.

24 Marĩ ããĩpererã Jesucristoyarã ããã. Irasirigũ yũ mũsã  
ããĩpererãẽ burũ maĩa. ãsũ ããã. Irasũta ããĩburo.  
Iropãta ããã.  
Pablo



## 2 CORINTIOS

*Pablo Corinto marãrẽ õãdoredea*

<sup>1</sup> Yu Pablo, marĩyagu Timoteo merã musã Marĩpuyarã Corinto marãrẽ, irasũ ããrĩmakũ ããrĩpererã Acaya nikũgue ããrĩrãrẽ õãdoredea. Marĩpu gããmederosũta Jesucristo yure ãgũyare buedoregu pími.

<sup>2</sup> Marĩpu ããrĩnĩgũ, marĩ Opu Jesucristo musãrẽ õãrõ iritamu, siuñajãrĩ merã ããrĩrikumakũ iriburo.

*Pablo ãgũ ñerõ tarideare gojadea*

<sup>3</sup> Marĩpu, marĩ Opu Jesucristo Pagu marĩrẽ bopoñarĩ merã ããmi. ãgũ sugũta marĩrẽ gũñaturamakũ irigu ããrĩmi. Irasirirã ãgũrẽ: “Õãtaria mu”, ãrĩ, usuyari sĩrã!

<sup>4</sup> Marĩ ñerõ taririku, Marĩpu marĩrẽ gũñaturamakũ yãmi. Irasirirã gajerã ñerõ tarimakũ ããrã, Marĩpu marĩrẽ gũñaturamakũ iriderosũ marĩde ãgũsãrẽ gũñaturamakũ irimasã.

<sup>5</sup> Marĩde Cristoyarã ããrĩsã, ãgũ ñerõ tariderosũ buro ñerõ taria. Marĩ ñerõ tariro nemorõ Marĩpu Cristo merã marĩrẽ iritamugũ õãrõ gũñaturamakũ irigukumi.

<sup>6</sup> Gũa Marĩpu musãrẽ taurire gũñaturaburo, ããrã, ñerõ taria. Gũa ñerõ tarimakũ, Marĩpu gũare iritamumi gũñaturari merã tariburo, ããrĩgũ. Musã, gũa irirosũ ñerõ tarimakũ, Marĩpu musãdere iritamumasĩmi gũñaturari merã tariburo, ããrĩgũ.

<sup>7</sup> Gũa ire masã. Gũa ñerõ tarirosũ musãde gũa merã ñerõ taria. Irasũ ñerõ tarimakũ, Marĩpu gũare gũñaturamakũ irirosũ musãdere õãrõ gũñaturamakũ yãmi. Irasirirã musã gũñaturari merã ñerõ tariburire gũa masã.

<sup>8</sup> Gũayarã, Asia nikũgue gũare waadeare musãrẽ masĩmakũ gããmea. Gũa iroguere ããrĩrã buro ñerõ tarirã: “I ñerõ taririre neõ bokatĩũbirikoa. Boarãkoa.

<sup>9</sup> Wẽjẽbẽokõãrãkuma”, ãrĩ gũñadibu. Marĩpu direta gũa gũñaturaburire irasũ ñerõ taribu. Irasirirã: “Marĩ basi neõ iritamumasĩbirikoa. Marĩpu boanerãrẽ masũgũ sugũta marĩrẽ taumasĩmi”, ãrĩ gũñaturabu.

<sup>10</sup> Gũare buro wẽjẽduakererũ, Marĩpu gũare taumi. Irasirirã: “Daporadere, purũguedere taugukumi”, ãrĩ buremua.

<sup>11</sup> Irasirirã musã gajerã merã Marĩpure gũaya ããrĩburire sẽrẽbosarosũta ãgũ gũare iritamumakũ ããrã, wãrã ãgũrẽ: “Pablosãrẽ õãrõ iritamubu”, ãrĩ, usuyari sĩrãkuma.

*Pablo ãgũ Corintogue waadũadideare gojadea*

<sup>12</sup> Gũa irideare gũñarã, usuyari merã ãsũ ãrĩ gũñãa: “Gũa i umũguere Marĩpu ããrõ ããrĩgatori marĩrõ gopeyari merã

masakare buebu”, āri gũñáa. Musādere irasũta iribu. Gwa masĩrĩ merā buebiribu. Marĩpu gware maĩgũ ĩgũ turari merā iritamumi.

13 Gwa musārē gojarā, pemasĩma oārō dita gojabu, oārō pemasĩmakũ gāāmerā.

14 Irasirirā gwa musārē gũñarā: “Gwayamarē ĩgũsā pemasĩturabirideare purugue oārō pemasĩrākuma”, āri gũñáa. Irasirirā, marĩ Opu Jesús dupaturi aarimakũ, gwa musā iridea merā usuyarosũta, musāde gwa iridea merā usuyarākoa.

15-16 Irasũ āri gũñagũ, Macedonia nikũgue waagũ musārē ĩagũ waapuroridudibu. Irasirigu musārē ĩatariwāgā, gāme dujari, musārē dupaturi ĩābokuyo. Pea yare musā ĩārĩ merā usuyamakũ iridugũ, irasiridudibu. Musā, irasirimakũ, yu Judea nikũgue waaburire iritamubokuyo.

17 “Yu musā puro waagura”, ārikeregu, ejabirimakũ ĩārā: “Pablo, gajerā masaka ĩgũsā gāāmerō ĩirosũ iriañumi”, ĩārĩ gũñarĩ? “Īgũ ārĩderosũ iribirañumi”, ĩārĩ gũñarĩ?

18 Marĩpu ĩgũ: “Āsũ irigura”, ārĩdeare yāmi. Gwade: “Āsũ irirākoa”, ārĩdeare: “Iribirikoā” ārĩrā meta yāa. Irire masĩmi Marĩpu.

19 Yu, Silvano, irasũ āārĩmakũ Timoteo, Marĩpu magũ Jesucristoyare musārē werebu. Marĩpu: “Yu magũ merā āsũ irigura”, ārĩgũ, diayeta iriguno āārĩmi. “Īgũ merā āsũ irigura”, ārĩ, puru: “Iribirikoā”, ārĩgũ meta yāmi.

20 Irasirigu āārĩpereri Marĩpu masakare: “Āsũ irigura”, ārĩdeare Jesucristo ĩgũ magũ merā iripeokōadi āārĩmi. Īgũ irasirimakũ ĩārā, marĩ Jesucristoyarā Marĩpũre: “Irasũta āārā, mu magũ Jesucristo merā iridea oātaria”, ārĩ, usuyari sĩa.

21 Gware, irasũ āārĩmakũ musādere Cristore piro marĩrō buremurā, ĩgũ merā oārō āārĩmakũ irigu, Marĩputa āārĩmi. Īgũta marĩrē beyepĩdi āārĩmi Cristoyarā āārĩdoregu.

22 Irasirigu marĩrē ĩgũyarā āārĩrĩrē masĩmakũ iridoregu, Ōagũ deyomarĩgũrē marĩ merā āārĩmakũ iridi āārĩmi. Irasirigu āārĩpereri ĩgũ marĩrē sĩburire ĩgũ merā masĩmakũ yāmi.

23 Marĩpu yu wererire, yu gũñarĩrē masĩmi. Irasirigu yu musā purugue Corintoguere waabirideare diayeta weregura. Musā ñerō iridea waja turidubi, musā puruguere waabiribu, musārē bujaweremakũ iribokoa, ārĩgũ.

24 Gwa musārē buro doreri merā: “Jesucristore buremurā āsũpero gapu iriro gāāmea”, ārĩrā meta āārā. Piro marĩrō musā ĩgũrē oārō buremua. Irasirirā, musārē ĩgũ merā nemorō usuyamakũ gāāmerā, oārō iritamuduaa.

## 2

1 Iro dupuyuro yu musārē ĩagũ ejagu, yu wereri merā

m̄sārē b̄jaweremakū iribū. Irasirigū: “Dupaturi ĩgūsārē b̄jaweremakū iribokoa’, āřigū, daporare ĩgūsārē ĩāgū waabea”, āř gūñabu.

<sup>2</sup> M̄sārē b̄jaweremakū irigū, ȳnde b̄jawerebokoa. Marī basi gāme b̄jaweremakū irirā, gāme ʘʘyamakū irimasĩña marībokoa.

<sup>3</sup> Irasirigū irinugue m̄sārē su pū gojabū ȳ m̄sā p̄rogue waaburi dupuyuro iririre āmudoregū. Irire āmuburi dupuyuro ȳ m̄sārē ĩāgū waamakū, ȳre ʘʘyamakū iriboanerā, ȳre b̄jaweremakū iribokoa. Ȳ āsū āř gūñāa: Ȳ m̄sā merā ʘʘyamakū, m̄sāde ȳ merā ʘʘyarākoa. Irasirigū m̄sā merā b̄jaward̄h̄abi: “Waabea dapa”, āř gojabū.

<sup>4</sup> M̄sārē irire gojagū, b̄ro gūñarikuri merā, ōārō ȳjup̄rākuri marīrō merā, b̄ro oreri merā m̄sārē gojabū. M̄sārē b̄jawereburo, āřigū meta gojabū. Ȳ m̄sārē b̄ro maĩrē masĩmakū irid̄h̄agū, gojabū.

*Ñerō iridi irideare kātika! āř gojadea*

<sup>5</sup> Sugū m̄sāyagū ĩgū ñerō iridea merā ȳre b̄jaweremakū irimi. Ȳ d̄reta irasū iribirimi. M̄sādere āāřpererārē b̄jaweremakū iridi āāřmĩ. ĩgū ȳre m̄sā nemorō b̄jaweremakū irikerep̄r̄: “ĩgūrē b̄ro wajamoōka!” āřigū meta yāa.

<sup>6</sup> M̄sā nerēnarōgue: “ĩgū ñerō iridea waja marī merā neō nerēnemobirikōāburo”, āřideare irisiayuro. Irasirigū ȳ m̄sārē: “Iropāta ĩgūrē wajamoōka!” āř gojāa.

<sup>7</sup> ĩgū ñerō irideare b̄jawerekeregū, ĩgūrē m̄sā wajamoānemomakū, b̄ro b̄jawnereri merā dujabokumi. Irasirirā ĩgū ñerō irideare kāti, ĩgūrē iritamuka, gūñaturari merā āāřburo, āřrā!

<sup>8</sup> Irasirigū ȳ m̄sārē: “Dupaturi ĩgūrē ōārō bokatĩrĩñeāka, m̄sā dupuyurogue maĩderosūta ĩgūrē maĩrē masīburo, āřrā!” āř gojāa.

<sup>9</sup> Iro dupuyuro m̄sārē gojagū: “¿Diyeta ȳ dorerire irirākuri?” āř masĩd̄h̄agū gojabū.

<sup>10</sup> M̄sā ĩgū ñerō irideare kātirosūta, ȳde irire kātia. Ȳre ñerō iribirikerep̄r̄, m̄sārē iritamud̄h̄agū: “ĩgū ñerō irideare kātia. Cristo marī ñerō irideare kātigū ĩūrō, irasū yāa”, āř gojāa.

<sup>11</sup> Marī ĩgū ñerō irideare kātimakū ĩāgū, wātēa op̄ Satanás marīrē ñerō iridored̄h̄agū marīrē tarinugāmasĩbirikumi. ĩgū marīrē ñerī irimakū gāāmerīrē ōārō masĩa.

*Pablo: “Troague āāřigū gūñarikubū”, āř gojadea*

12 Y<sub>H</sub> Troas wāik<sub>H</sub>ri makāgue Jesucristoya kerere buegu ejamakū, marī Op<sub>H</sub> Jesucristo wārā irogue āārīrārē iri kerere péduamakū iridi āārīmí.

13 Irasū āārīkerek<sub>H</sub>, marīyag<sub>H</sub> Titore bokabirisīā, b<sub>H</sub>ro bujawere gūñarik<sub>H</sub>. Irasirig<sub>H</sub> iro marārē: “Waagú yáa”, ārī, Macedonia nikūgue ĩgūrē āmagú waab<sub>H</sub>.

*Cristoyarā wātī ñerō iridorerire tarin<sub>H</sub>gāmasīma, ārī gojadea*

14 Y<sub>H</sub> gūñarik<sub>H</sub>kereg<sub>H</sub>, Marīp<sub>H</sub>re: “M<sub>H</sub> y<sub>H</sub>re oārō iritamunía”, ārī, <sub>H</sub>syari sīa. Marī Jesucristoyarā āārīmakū, Marīp<sub>H</sub> marīrē ĩgū iritamurī merā āārīpereri wātī ñerō iridorerire tarin<sub>H</sub>gāmasīmakū yámi. Marī Jesucristoya kerere bueri merā masakare ĩgūyamarē masīmakū yámi. Sūrōrī āārīpererogue sūrō seyaro irirosū āārīpererogue marārē masīmakū yámi.

15 Āsū āārā. Marīp<sub>H</sub>, marī Jesucristoya kerere were, ĩgūyare irit<sub>H</sub>yamakū ĩāgū, oārī sūrōrī ĩgūrē sīdea soemurī merā <sub>H</sub>syarosū, marī merā <sub>H</sub>syami. Sūrōrīrē ĩgū ĩūrō soemumakū sūrō seyarosū, marī noó waaró marī Jesucristoyarā āārīrē ĩgū taumurārē, peamegue waamurādere masīmakū yámi.

16 Peamegue waamurā Jesucristoya kerere marī weremakū pérā, ĩgūrē gāāmebiri waja irogue wajamoāsūburire masīma. Jesucristo taumurā gap<sub>H</sub> iri kerere marī weremakū pé b<sub>H</sub>remurā, Marīp<sub>H</sub> p<sub>H</sub>ro ĩgū merā āārīburire masīma. Marī basi iri kerere oārō weremasībea. Marīp<sub>H</sub> iritamurī merā irire oārō weremasīa.

17 Wārā gajerā Marīp<sub>H</sub>yare buegorenarā, niyeru direta wajatad<sub>H</sub>ama. G<sub>H</sub>a gap<sub>H</sub> ĩgūsā irirosū iribea. G<sub>H</sub>a Cristore moāboerā, Marīp<sub>H</sub> iriunerā ĩgū ĩūrō ĩgū weredoredeare gopeyari merā werea.

### 3

*Marīp<sub>H</sub> Jesucristo iridea merā: “Oārō irig<sub>H</sub>ra m<sub>H</sub>sārē”, ārīrē gojadea*

1 G<sub>H</sub>a m<sub>H</sub>sārē irire ārīrā, dupaturi g<sub>H</sub>a basi oārō werenírā meta yáa. Gajerā buerimasā m<sub>H</sub>sā p<sub>H</sub>ro ejaburi dupuyuro ĩgūsā buenerārē su papera pūgue ĩgūsā buerire: “Keoro āārā”, ārīrē gojadoreñurā. Irasirirā m<sub>H</sub>sā p<sub>H</sub>ro ejarā, iri pūrē m<sub>H</sub>sārē wiañurā. M<sub>H</sub>sā g<sub>H</sub>are masīsīāa. Irasirirā g<sub>H</sub>a ĩgūsā irirosū m<sub>H</sub>sārē iri pūnorē iriubea. Irasū āārīmakū gajerogue buerā waamurā, m<sub>H</sub>sārē iri pūnorē gojabosadorebea.

2 G<sub>H</sub>a iri pūnorē gāāmebea. M<sub>H</sub>sā, g<sub>H</sub>a Jesucristoya kerere weremakū pérā, ĩgūrē b<sub>H</sub>remu, ĩgūyare irin<sub>H</sub>gāb<sub>H</sub>. Masaka, m<sub>H</sub>sā irasirimakū ĩārā, g<sub>H</sub>a buerire: “Keoro āārā”, ārī masīrākuma. G<sub>H</sub>ade g<sub>H</sub>a gūñarīgue m<sub>H</sub>sārē: “Diayeta Jesucristore b<sub>H</sub>remu, ĩgūyare irit<sub>H</sub>yarā yáma”, ārī masīa. M<sub>H</sub>sā

irasiriri merã masaka gũare: “Õãgorama”, ãrĩ masĩrãkuma. Gũayamarẽ gojadea pũ merã masĩrõsũ irire masĩrãkuma.

<sup>3</sup> Jesucristo, gũã ìgũya kerere weremakũ, mũsãrẽ ìgũrẽ bũremu, ìgũyare iritũyamakũ iridi ããrĩmĩ. Irasirirã masaka mũsã ìgũyare iririre ìãrã, ìgũyarã mũsã ããrĩrĩrẽ gojadea pũ merã masĩrõsũ masĩrãkuma. Irasirirã mũsã Cristo gojadea pũ irirosũ ããrã. Irire masĩdoregũ, papera pũgue gojadi merã gojabiridi ããrĩmi. Marĩpũ okanĩgũ gããmerõsũta Õãgũ deyomarĩgũ turari merã mũsãya gũñarĩgue: “Ìgũ iritamurĩ merã gũã ãsũ ããrĩrikũã”, ãrĩ masĩmakũ yãmi. Irasirigũ, iripoegue Marĩpũ Moisére ìgũ dorerire pídeare ùtã majĩrĩgue gojaderosũ iribiridi ããrĩmĩ.

<sup>4</sup> Gũã Cristo iritamurĩ merã Marĩpũre gũñaturasĩã, mũsãrẽ irire gojãa.

<sup>5</sup> “Gũã masĩrĩ merã i moãrĩrẽ yãa”, neõ ãrĩmasĩbea. Marĩpũ iritamurĩ merãta Jesucristoya kerere werea.

<sup>6</sup> Irasirigũ gũare iri kerere, ìgũ masakare: “Õãrõ irigũra mũsãrẽ”, ãrĩrĩrẽ õãrõ buemakũ yãmi. Iri kere, iripoegue Marĩpũ Moisére ìgũ doreri pídea irirosũ ããrĩbea. Marĩpũ Jesucristo iridea merã, Õãgũ deyomarĩgũ iritamurĩ merã marĩrẽ ìgũ merã õãrõ ããrĩmakũ iriri kere ããrã. Neõ sugũ ìgũ dorerire iripeogũ mámi. Irasirirã marĩ irire iripeobiri waja peamegue waamurã dita ããrĩbokoã. Õãgũ deyomarĩgũ iritamurĩ merãta Marĩpũ merã õãrõ ããrĩmasĩã.

<sup>7</sup> Marĩpũ Moisére ìgũ doreri pídeare ùtã majĩrĩgue gojagũ, ìgũ ããrĩrõgue gosewasiriri waamakũ iridi ããrĩmĩ. Irasiriro Moiséya diapu Marĩpũ gosewasiriri merã kũmijũdero ããrĩbũ. Iri gosewasiriri peredijakerepũrũ, Israel bumarã ìgũrẽ ìãmeétũmasĩbirinerã ããrĩmã. Marĩpũ bũro gosewasiriri merã deyoa, Moisére iri doreri pídea ããrĩkerepũrũ, iri doreri, masakare ìgũsã irire iripeomasĩbiri waja peamegue waamurã dita ããrĩmakũ iridero ããrĩbũ.

<sup>8</sup> Irasirigũ Marĩpũ iri doreri merã iridea nemorõ, ìgũ Õãgũ deyomarĩgũ iritamurĩ merã marĩrẽ ìgũ merã õãrõ ããrĩmakũ iriri õãtaria.

<sup>9</sup> Marĩpũ, masaka Moisére ìgũ doreri pídeare iripeobiri waja ìgũsãrẽ: “Wajamoãgũra”, ãrĩkerepũrũ, õãgoradero ããrĩbũ. Iri nemorõ, Marĩpũ Jesucristo iridea merã marĩrẽ: “Õãrã, waja opamerã ããrĩma”, ãrĩ ìãrĩ, õãtaria.

<sup>10</sup> Irasiriro Marĩpũ Moisére ìgũ doreri pídea õãrĩ ããrĩkerepũrũ, Jesucristoya kere gapũ, iri nemorõ õãtaria. Iri kere, iri dorerire ubu ããrĩrĩ dujamakũ yãa.

<sup>11</sup> Marĩpũ bũro gosewasiriri merã Moisére ìgũ dorerire píkerepũrũ, iri pereburi ããrĩdero ããrĩbũ. Jesucristo ìgũ iridea

merã marĩrẽ tauri kere gapu õãtaria. Neõ ubu ããrĩrĩ ããrĩbirikoa. Neõ perebirikoa.

<sup>12</sup> Irasirirã gũa irire masĩsĩã, güiro marĩrõ merã pémasĩma õãrõ musãrẽ Jesucristoya kerere werea.

<sup>13</sup> Iri kere, Marĩpu Moisére ĩgũ doreri pídea perederosũ neõ perebirikoa. Irasirirã gũa iri kerere wererã, Moisés iriderosũ irirã meta yãa. Moisés Marĩpu merã ããrĩdero puru, ĩgũya diapu Marĩpu gosewasiriri merã kũmijũdero ããrĩbũ. Israel bumarã iri gosewasiriri peredijarire masĩrĩ, ãrĩgũ, ĩgũya diapure surĩro gasiro merã buuadi ããrĩmĩ.

<sup>14</sup> Moisés irasirimakũ, iri gosewasiriri peredijarire masĩbiriderosũ, Marĩpu doreri ĩgũrẽ pídeare: “Ãsũ ãrĩduaro irikoa”, ãrĩ pémasĩbirinerã ããrĩmã. Daporaguedere Israel bumarã irire buerã, pémasĩbema dapa. Cristoyarã dita irire pémasĩma.

<sup>15</sup> Daporaguedere Israel bumarã Marĩpu Moisére ĩgũ doreri pídeare bukererã, pémasĩrĩ marĩrõ buema.

<sup>16</sup> Sugũ masakũ marĩ Opũre buremunugãmakũ, marĩ Opũta ĩgũyare pémasĩmakũ yãmi.

<sup>17</sup> Marĩ Opũ, Õãgũ deyomarĩgũ merã suguta ããrĩmi. Irasirirã, Õãgũ deyomarĩgũ marĩ merã ããrĩmakũ: “Marĩpu Moisére ĩgũ doreri pídeare marĩ tarinugãdea waja marĩrẽ wajamoãgũkumi”, ãrĩ gũñabea.

<sup>18</sup> Irasirirã marĩ Opũyarã ããrĩsĩã, marĩ Opũ õãtarĩgũ ããrĩrĩrẽ masĩa. Gajerãde marĩ ĩgũyarã ããrĩrĩrẽ masĩma. Irasirĩgũ marĩrẽ ĩgũ õãgũ ããrĩrõsũ ããrĩmakũ gããmegũ, ããrĩpereri marĩ okarinũrĩrẽ gorawayumakũ yãmi. Marĩ Opũ, Õãgũ deyomarĩgũ merã suguta ããrĩmi. ĩgũta marĩrẽ irasũ yãmi.

## 4

<sup>1</sup> Marĩpu gũare bopoñarĩ merã ĩãgũ, gũare Jesucristoya kerere weremurãrẽ pídi ããrĩmĩ. Irasirirã piriro marĩrõ gũñaturari merã masakare iri kerere werea.

<sup>2</sup> Gũyasĩũrõ iririre, masaka ĩãberogue ñerĩ iririre doogorãa. Ærĩgatori merã buebea. Marĩpuya werenĩrĩrẽ gorawayuro marĩrõ buea. Marĩpu ĩũrõ diayema ããrĩrĩ direta pémasĩma õãrõ masakare werea, ããrĩpererã gũare: “Keoro buema”, ãrĩburo, ãrĩrã.

<sup>3</sup> Peamegue waamurã dita Marĩpu Jesucristo iridea merã masakare tauri kerere gũa wererirẽ pémasĩbema.

<sup>4</sup> ĩgũsã Jesucristore buremubiri waja, wãtĩ i mũmu marã ñerã opu ĩgũsãrẽ iri õãrĩ kerere pémasĩbirimakũ yãmi. Koye ĩãmerã sĩãgorire ĩãmasĩmerã irirosũ ããrĩmakũ yãmi. Irasirirã Cristo õãtarĩgũ ããrĩrĩrẽ ĩãmasĩbema. Cristo, Marĩpu ããrĩrikurire opagũ, Marĩputa ããrĩmi.

5 Gwa Jesucristoya kerere wererã, masaka guare õãrõ gũñaburo, ãrĩrã meta yãa. Īgũsãrẽ: “Jesucristo marĩ Oputa ããrĩmi. Īgũrẽta buremurõ gããmea”, ãrĩ werea. Guayamarẽ wererã: “Jesús guare maĩgũ Īgũyare weredoredea merã gwa musãrẽ moãboerã irirosũ musãrẽ iritamurã yãa”, ãrĩ werea.

6 Neõgoraguere ããrĩperero i ãmugue naĩtĩãrõ ããrĩmakũ, Marĩpu: “Boyori waaburo”, ãrĩrĩ merãta boyori waamakũ iridi ããrĩmi. Īgãta iriderosũ marĩya gũñarĩgue boyori ããrĩmakũ yãmi. Irasirĩgu marĩrẽ Īgũ õãtarĩgu ããrĩrĩrẽ masĩmakũ yãmi. Marĩ Jesucristo õãtarĩgu ããrĩrĩrẽ masĩrã, Marĩpu õãtarĩgu ããrĩrĩdere masĩa.

*Jesucristore buremurã Marĩpu merã õãrõ ããrĩma, ãrĩ go-jadea*

7 Gwa Marĩpu õãtarĩgu ããrĩrĩrẽ masĩrã, diiarisoro ubu ããrĩrĩ soro, õãtariri opari soro irirosũ ããrã. Irasirirã gajerã, gwa Marĩpuya kerere weremakũ pérã: “Marĩpu turatarĩgu iritamurĩ merãta marĩrẽ Īgũyare werema Īgũrẽ buremuburo, ãrĩrã”, ãrĩ gũñarãkuma.

8 Gwa noó waaró ñerõ tarikerepuu, Marĩpu iritamumi, gajerã guare Īgũyare wererire pirimakũ iribirikõãburo, ãrĩgũ. Irasirirã: “¿Naásũ waarokuri?” ãrĩ gũñarĩkukererã: “Marĩpu marĩrẽ iritamubirikumi”, ãrĩ gũñabea.

9 Gajerã guare ñerõ irikerepuu, Marĩpu guare koregu neõ béowãgãbemi. Īgũsã guare wẽjẽduarã pámeépikerepuu, Marĩpu Īgũsãrẽ guare wẽjẽdorebemi.

10-11 Jesús i nikũgue ããrĩmakũ, masaka Īgũrẽ wẽjẽma. Irasirirã gwa Īgũyarã ããrĩrĩ waja ããrĩpereri gwa okarinũrĩrẽ ããrĩpererogue gwa noó waaró guadere wẽjẽduama. Marĩpu gapu Jesúre dupaturi okamakũ iridi ããrĩmi. Irasirĩgu, gwa boaburi dupure opakerepuu, guare Jesús okari sĩrĩrẽ opamakũ yãmi gajerã irire masĩburo, ãrĩgũ.

12 Irasirirã gwa Jesúya kerere wereri waja gajerã guare wẽjẽma goero ããrĩkerepuu, musã gapu iri kerere buremurã, Marĩpu puro perebiri okari opamurã ããrã.

13 Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Yu Marĩpure buremuba. Irasirĩgu Īgũyare werebu”. Gwade irasũta buremua. Irasirirã Īgũyare werea.

14 Ire masĩa. Marĩpu, marĩ Opu Jesúre boadiguere masũdi ããrĩmi. Īgũrẽ masũderosũta marĩ Jesúyarã ããrĩmakũ, marĩdere masũgukumi. Irasirĩgu marĩrẽ Īgũ puogwe ãĩmurĩagukumi Īgũ merã ããrĩdoregu. Gwa irire masĩsĩa, musãrẽ Īgũyare werea.

15 Irasirirã musãrẽ iritamuduarã musã õãrõ ããrĩburire i ããrĩpererire irirã ñerõ taria. Wãrã gajerãdere gwa wererire pérã

Marĩpu Jesús merã õãrõ iririre masĩmakũ gããmerã, irasũ yãa. Irire masĩrã, ãgũrẽ: “Õãtaria mũ”, ãrĩ, usũyari sĩrãkuma.

<sup>16</sup> Irasirirã gũa ñerõ tarikererã, piriro marĩrõ gũñaturari merã masakare ãgũyare werea. Æmũrikũ gũaya dupũma turari perewãgãkererũ, Marĩpu gũare gũñaturamakũ yãmi.

<sup>17</sup> Irasirirã gũa Jesũya kerere wereri waja gũa daporare ñerõ taririre, Marĩpu pũrugue gũare iriburire ãsũ ãrĩ gũñãa: “Marĩ ñerõ tariri, pereburi ããrã. Marĩpu pũrugue nemorõ õãrĩ iriburi gapũ neõ perebirikoa. Bũro usũyari merã ãgũ pũro ããrĩnĩkõãrãkoa”.

<sup>18</sup> Daporare gũa i nikũmarẽ ããrĩrẽ gũñarikũbea. Æmũgasima ããña marĩrĩrẽ, irogue Marĩpu merã ããrĩburire gũñãa. Gũa daporare i nikũmarẽ ããrĩ, pereakõãrokoa. Æmũgasima ããña marĩrĩ gapũ ããrĩnĩkõãrokoa.

## 5

<sup>1</sup> Marĩ ire masĩa. Marĩya dupũ, marĩya wii irirosũ ããrã. Wii irirosũ marĩya dupũ boamakũ, Marĩpu gaji wii marĩrẽ sĩrõsũ gaji dupũ ãmũgasima dupũre sĩgũkumi. Iri dupũ, masaka iridea dupũ meta ããrĩrokoa. Irasiriro neõ boabiri dupũ ããrĩrokoa.

<sup>2</sup> Marĩ i nikũma dupũre oparã yũjũpũrãkũturabiri, bũjowereri merã ñerõ taria. Maama wii marĩ õãrõ ããrĩburi wiire bũro opadũarosũ, ãmũgasima dupũre bũro gããmea.

<sup>3</sup> Surĩro maamañerẽ sãñadũarosũ iri dupũre gããmea. Surĩ marĩrã ããrĩdũamerã irirosũ, dupũ marĩrã ããrĩdũabea.

<sup>4</sup> I nikũma dupũre oparã yũjũpũrãkũturabiri, gũñarikũ, ñerõ taria. Ñerõ tarikererã, marĩya dupũ, boaburi dupũre bẽodũarã meta yãa. Maama dupũ, neõ boabiri dupũ gapũre bũro opadũãa. Iri dupũre oparã, Marĩpu pũro ãgũ merã ããrĩnĩkõãrãkoa.

<sup>5</sup> Marĩpu marĩrẽ maama dupũre opamurã ããrĩmakũ iridi ããrĩmĩ ãgũ pũro õãrõ ããrĩburo, ãrĩgũ. Marĩrẽ irire masĩburo, ãrĩgũ, Õãgũ deyomarĩgũrẽ marĩ merã ããrĩdoregũ sĩdupuyudi ããrĩmĩ.

<sup>6</sup> Irasirirã Marĩpũre gũñaturanĩkõãa. Ire masĩa. Marĩ i nikũma dupũkũrã, marĩ Opũ pũro ããrĩbea.

<sup>7</sup> ãgũrẽ ããbirikererã: “Diayeta ãgũ ãrĩderosũta irigũkumi”, ãrĩ bũremurĩrẽ neõ piribea.

<sup>8</sup> Gũñaturari merã marĩya ããrĩburire ãsũ ãrĩ gũñãa: “Marĩ boarã, i nikũma dupũre bẽorã, marĩ Opũ pũro bũro usũyari merã ããrĩrãkoa. Irire bũro gããmea marĩ”.

<sup>9</sup> Irasirirã marĩ Opũre marĩ merã usũyamakũ iridũarã, i nikũgue ããrĩrã, o ãgũ pũrogue ããrĩrã, ãgũ gããmerĩrẽ iridũãa.

<sup>10</sup> Marĩ Cristo pũrogue waamakũ, marĩ ããrĩpererãrẽ ãgũ diaye nĩdoregũkumi marĩ i nikũgue ããrĩrã irideare werebu. Irasirigũ, marĩ õãrĩ irideare, o ñerĩ irideare keoro



weregukumi. Marĩ, ĩgũ irasiriburire masĩrã, ĩgũ gããmerĩrẽ iridũãa.

*Marĩpũ merã õãrõ ããrĩrĩmarẽ gojadea*

11 Irasirirã gopepyari merã marĩ Opũ Jesucristore bũremua. Gũã masakare ĩgũsã ĩgũrẽ bũremumakũ gããmerã, ĩgũyare werea. Marĩpũ gũã iririre masĩmi. Yũ, mũsãdere gũã iririre: “Õãrõ yãma”, ãrĩ masĩmakũ gããmea.

12 Yũ mũsãrẽ gojagũ, dupaturi gũayamarẽ: “Õãgorãa”, ãrĩ gojagũ meta yãa. Gũare õãrõ masĩ, mũpyari merã gũñaburo, ãrĩgũ, mũsãrẽ gojãa. Gajerã buerimasã: “Gajerã nemorõ õãrã ããrã”, ãrĩ gũñarã, masaka ĩũrõ direta õãrã irirosũ ããrĩma. ĩgũsã ããrĩrikũri gapũre pẽmasĩbema. Gũare: “Keoro buebema”, ãrĩ werewũamakũ, mũsã ĩgũsãrẽ õãrõ yũjurãkoa.

13 Gajerã gũã iririre ĩãrã: “Niãsũrã yãma”, ãrĩ ĩãkerepũũ, niãsũrã meta yãa. Marĩpũ gããmerĩrẽ irirã, irasũ yãa. Pẽmasĩrĩ merã mũsãrẽ iritamurã yãa.

14 Cristo sugũta marĩ ããrĩpererãrẽ maĩgũ marĩ ñerĩ iridea waja marĩrẽ boabosadi ããrĩmĩ. Irasirirã marĩ ããrĩpererã ĩgũ merã boanerã irirosũ dujabũ. Gũã irire gũñarã: “Diayeta ããrã”, ãrĩ gũñãa. Irasirirã ĩgũyare piriro marĩrõ yãa.

15 ããrĩpererã marĩ ñerĩ iridea waja marĩrẽ boabosadi ããrĩmĩ, marĩ gããmerõ irinemobirikõãburo, ãrĩgũ. Marĩ õãrõ ããrĩburire marĩrẽ boabosa, masãdi ããrĩmĩ ĩgũ gããmerĩrẽ iridoregũ.

16 Irasirirã ĩgũrẽ masĩsĩã, i mũmũ marã ĩgũrẽ masĩmerã gajerãrẽ werewũari merã ĩãrã irirosũ neõ ĩãbea. Iripoeguere yũ ĩgũrẽ: “Ubu ããrĩgũ, i nikũmũta ããrĩmi”, ãrĩ ĩãunabũ. Dapora gapũre ĩgũrẽ masĩa.

17 Marĩ Cristoyarã ñajãmakũ, Marĩpũ marĩrẽ maama ããrĩrikũrĩre opamakũ iridi ããrĩmĩ. Irasirirã marĩ ĩgũyarã ããrĩburi dupuyurogue ããrĩrikũunaderosũ neõ ããrĩbea.

18 Marĩpũ marĩrẽ iri ããrĩpererire irasiridi ããrĩmĩ. Iripoeguere marĩ, Marĩpũ merã õãrõ ããrĩbiriunanerã ããrĩbũ. Irasirigũ Marĩpũ, Cristo boari merã marĩrẽ ĩgũ merã õãrõ ããrĩmakũ iridi ããrĩmĩ. ããrĩpererã irasũ ããrĩmakũ gããmegũ, gũare ĩgũya kerere weredoregũ pĩdi ããrĩmĩ.

19 Iri kere ãsũ ãrã: “Marĩpũ, Cristo boari merã ããrĩpererã i mũmũ marãrẽ ĩgũ merã õãrõ ããrĩburire pĩdi ããrĩmĩ. ĩgũsã ñerõ iridea wajare peremakũ iridi ããrĩmĩ”. Irasirigũ ããrĩpererãrẽ ĩgũ merã õãrõ ããrĩmakũ gããmegũ, gũare iri kerere weredoregũ pĩdi ããrĩmĩ.

20 Irasirirã Cristore wereboerã ĩgũ iriunerã ããrã. Gũã ĩgũyare wererã, Marĩpũ ĩgũ basi masakare wereboderosũta

gua ĩgūsārē āsū ārī werea: “Cristore wereboerā ĩgūyare wererā yāa. Irasirirā mūsārē: ‘Marĩpu merā ōārō āārĩka!’ ” ārī werea.

<sup>21</sup> Cristo neō ñerĩ iribirikererũ, Marĩpu, marĩ ñerĩ iridea waja marĩrē wajamoāboderosũ ĩgūrē iridi āārĩmĩ marĩrē Cristoyarā āārĩdoregu. ĩgū gāāmerōsũta ĩgū irirosũ marĩrē diaye irirā āārĩdoregu, irasiridi āārĩmĩ.

## 6

<sup>1</sup> Gua Marĩpuyare moārā āārĩsĩā, turaro merā mūsārē: “Marĩpu Cristo merā mūsārē ōārō iritamudeare ubu āārĩrĩrē irirosũ ĩābėbirikōāburo, ārĩrā, ĩgūyare irinĩkōāka!” ārī werea.

<sup>2</sup> Marĩpu ĩgūya werenĩrĩ gojadea pũgue āsū ārĩdi āārĩmĩ: Yũ mūsārē: “Ōārō iritamugũra”, ārĩdeare iriripoe āārĩmakũ, mūsā sērērĩrē pėbũ. Yũ tauripoe āārĩmakũdere mūsārē iritamubũ, ārĩdi āārĩmĩ.\*

Irasirirā gua wererire ōārō pėka! Daporare masaka Marĩpũre: “Yũre iritamuka!” ārī sērērārē ĩgū pėduaripoe āārā. Daporare ĩgūrē: “Yũre tauka!” ārī sērērārē ĩgū tauduaripoe āārā, ārī werea.

<sup>3</sup> Gua Marĩpuyare buerire ñerō werenĩrĩ, ārĩrā, gua neō sugunorē ñerō iribea, ĩgūyare piribokumi, ārĩrā.

<sup>4</sup> Āārĩpereri gua iriri merā Marĩpũre moāboerā āārĩrĩrē gajerārē masĩmakũ gāāmerā, āsū gapũ yāa. ĩgūyare buegorenarā, ñerō taririre, gua gāāmerĩrē opabirire, ñerō guare waarĩre ōārō merā gũñatura, bokatĩũa.

<sup>5</sup> Gajipoere gajerā guare tārāma. Peresugue biadoboma. Gajipoere wārā masaka nerē, guari merā gainĩma guare wējėduarā. Gajipoere buro poyari merā moābũ. Kārĩrō marĩrō, ũaboari merā moābũ.

<sup>6</sup> Gua Marĩpũre moāboerā āārĩrĩrē masakare masĩmakũ gāāmerā, idere yāa. ĩgūsārē ĩgūyare buerā, ōārĩ direta iriduarĩ merā, diayema āārĩrĩ masĩrĩ merā, bopoñarĩ merā, iritamuduarĩ merā, Ōāgũ deyomarĩgũ guaguere āārĩrĩ merā, diaye maĩrĩ merā,

<sup>7</sup> diayema āārĩrĩrē wereri merā, Marĩpu turari merā buea. Sugũ masakũ ĩgũ mojokũri merā ĩgũ merā gāmekėāduagure kāmuta tarinugāgũ irirosũ gua diayema iriri merā ñerĩrē kāmuta tarinugāa.

<sup>8</sup> Gua masakare buemakũ, surāyeri guare buremurĩ merā ĩāma. Gajerā guare buremubema. Surāyeri guare ōārō werenĩma. Gajerā guare ñerō werenĩma. Diayema āārĩrĩrē gua werekererũ: “Ārĩgatori merā buema”, ārĩma.

<sup>9</sup> Gajerā guare ĩāmasĩkererā: “Ubu āārĩrā āārĩma”, ārĩsĩā, ĩāmasĩmerā irirosũ ĩāma. Gua noó waaró gajerā guare

wějěduakereręu, okáa dapa. Guare buro wajamoãkererã, wějěbema.

<sup>10</sup> Gha bujawereri merã ããrĩkererã, usuyanikõãa. Boporã ããrĩkererã, gha buerire pérãrẽ wajaparire opamakũ irirosũ yáa. Wári i umumarẽ opabirikererã, Marĩpu merã ããrĩpereri õãrĩrẽ opáa.

<sup>11</sup> Ghuayarã Corinto marã, gha musãrẽ gojarã, gha gũñarĩrẽ diayeta gojáa. Musãrẽ gha buro maĩrĩrẽ masĩmakũ gããmea.

<sup>12</sup> Gha musãrẽ maĩrĩrẽ neõ piribea. Musã gapu guare maĩturabea.

<sup>13</sup> Irasirigu sugu ĩgũ pũrãrẽ wererosũ, musãrẽ ãsũ ãrĩ weregura. Yu musãrẽ diaye maĩrõsũta yũdere maĩka!

*Marĩpu okanígũ marĩ merã ããrĩmi, ãrĩ gojadea*

<sup>14</sup> Cristore buremumerã merã sũrosũ ããrĩbirikõãka! Sugu õãrĩrẽ irigu, ñerĩrẽ irigu merã õãrõ gãmesuribemi. Boyorogue ããrĩã irirosũ Marĩpure masĩrã, naĩtĩãrõgue ããrĩã irirosũ Marĩpure masĩmerã gãme wapikumasĩbema.

<sup>15</sup> Cristo, wãtẽa opu merã sũrosũ gũñabemi. Cristore buremugũ, Cristore buremubi merã sũrosũ gũñarĩrẽ opabemi.

<sup>16</sup> Marĩpure buremurĩ wii ĩgũ ããrĩrĩ wii, masaka ĩgũsã buremurĩ keori weadeare pĩburi wii ããrĩbea. Marĩ, Marĩpu okanígũya wii irirosũ ããrĩsã, ĩgũ direta buremua. ĩgũya wiigũ ããrĩrõsũta marĩ merã ããrĩmi. ĩgũya werenĩrĩ gojadea pũgue irire ãsũ ãrĩ weredi ããrĩmi:

Yu ĩgũsã merã ããrĩgũ, ĩgũsã watopegue ããrĩnikõãgũkoa. Yu ĩgũsã Opu ããrĩgũkoa. ĩgũsã, yaarã ããrĩrãkuma, ãrĩdi ããrĩmi.\*

<sup>17</sup> Irasirigu marĩ Opu ãsũ ãrĩnemi ããrĩmi:

Ñerõ iririkurãrẽ wapikunemobirikõãka! ĩgũsã ñerĩ iririre iribirikõãka! ĩgũsã irirosũ ñerĩ iribirimakũ, yu musãrẽ õãrõ bokatĩrĩñeã, wapikunikõãgũkoa.\*

<sup>18</sup> Yu, Musãpu ããrĩgũkoa. Musã yu pũrã ããrĩrãkoa, ãrĩdi ããrĩmi marĩ Opu ããrĩpererã nemorõ turagu.\*

## 7

<sup>1</sup> Yaarã yu maĩrã, musãrẽ ire werea. Marĩ, i Marĩpu ãrĩdeare pérã, ããrĩpereri ñerõ iririre, ñerĩ gũñarĩdere pirirã! Irasirirã gopeyarĩ merã ĩgũrẽ buremu, ĩgũ gããmerĩ direta irinĩrã!

*Pablo, Corinto marã gũñarĩ gorawayudeare gojadea*

<sup>2</sup> Guare maĩka! Gha musãrẽ neõ poyanorẽbiribu. Gha bueri merã musãrẽ ñerõ irimakũ iribiribu. Neõ sugunorẽ musã merãmurẽ ãrĩgatori merã ĩgũyare ãĩabiribu.

\* 6:16 Lv 26.12; Ez 37.27    \* 6:17 Is 52.11    \* 6:18 2 S 7.14; 1 Cr 17.13; Is 43.6; Jer 31.9

<sup>3</sup> Y<sub>H</sub> irire irasũ āřĩgũ: “M<sub>us</sub>ã g<sub>ua</sub>re ñerõ werenídea waja opáa”, āřĩgũ meta yáa. G<sub>ua</sub> m<sub>us</sub>ãrẽ b<sub>uro</sub> maĩřĩ merã gũñanía. Y<sub>H</sub> irire m<sub>us</sub>ãrẽ weresiabu. Irasirirã marĩ okarã, o boarã, suro merãta āãřĩnrãkoa.

<sup>4</sup> Y<sub>H</sub>, m<sub>us</sub>ã õārõ iriri kerere pégu: “Diayeta yáma”, āřĩ gũñáa. Irasirigu ñerõ tarikeregu, gũñatura, b<sub>uro</sub> us<sub>uy</sub>áa.

<sup>5</sup> G<sub>ua</sub> Macedonia nikũgue ejarãgueta neõ siuñajãřĩ bokabiribu. Noó waaró ñerõ taribu. Gajerã g<sub>ua</sub> merã gãme guaseod<sub>ua</sub>ma. M<sub>us</sub>ãrẽ g<sub>ua</sub> buenerãrẽ gũñarã, b<sub>uro</sub> gũñarik<sub>u</sub>b<sub>u</sub>.

<sup>6</sup> Marĩpu, b<sub>u</sub>jawereri merã āãřĩrãrẽ gũñaturamakũ irigu gapu Tito g<sub>ua</sub> p<sub>u</sub>rogue ejari merã g<sub>ua</sub>re gũñaturamakũ irimi.

<sup>7</sup> Īgũ g<sub>ua</sub> p<sub>u</sub>rogue ejari direta us<sub>uy</sub>abiribu. M<sub>us</sub>ã ĩgũrẽ gũñaturamakũ irideare ĩgũ weremakũ pérã, b<sub>uro</sub> us<sub>uy</sub>abu. M<sub>us</sub>ã y<sub>u</sub>re ĩãduarire, m<sub>us</sub>ã y<sub>u</sub>re werew<sub>u</sub>adeare b<sub>u</sub>jawereri merã āãřĩrẽ, m<sub>us</sub>ã y<sub>u</sub>re gũñarik<sub>u</sub>rire g<sub>ua</sub>re weremi. Y<sub>H</sub> irire pégu, b<sub>uro</sub> us<sub>uy</sub>anemob<sub>u</sub>.

<sup>8</sup> Y<sub>H</sub> m<sub>us</sub>ã ñerõ irideare m<sub>us</sub>ãrẽ gojadupuyudea pũ merã yoaweyaripoe b<sub>u</sub>jaweremakũ iribu. Irasirigu: “Y<sub>H</sub> gojabiri-makũ õāboyo”, āřĩ gũñabu. Irasũ āřĩ gũñakeregu, daporare: “Y<sub>H</sub> irire gojamakũ õāgorabu”, āřĩ gũñáa.

<sup>9</sup> Irasirigu daporare us<sub>uy</sub>agu, m<sub>us</sub>ã b<sub>u</sub>jaweredeare us<sub>uy</sub>agu meta yáa. Y<sub>H</sub> m<sub>us</sub>ãrẽ gojadea pũrẽ buedero p<sub>u</sub>ru, m<sub>us</sub>ã ñerõ irideare gũña, Marĩpu gããmerõsũta b<sub>u</sub>jawereyuro. M<sub>us</sub>ã gũñarĩrẽ gorawayu, ñerõ iririre piriyo. Iri gapu y<sub>u</sub>re us<sub>uy</sub>amakũ yáa. M<sub>us</sub>ãrẽ b<sub>u</sub>jaweremakũ irikeregu, neõ poy-anorẽbiribu.

<sup>10</sup> Marĩ ñerõ irideare gũñarã, Marĩpu gããmerõsũta b<sub>u</sub>jawere, marĩ gũñarĩrẽ gorawayu, ñerĩ iririre pirirã, peamegue waabonerã tausũrãkoa. Gajerã i ãm<sub>u</sub> marã Jesúre b<sub>u</sub>remumerã gapu ĩgũsã ñerõ irideare b<sub>u</sub>jawerekererã, ĩgũsã gũñarĩrẽ neõ gorawayubema. Ñerĩ iririre piribema. Irasirirã peamegue waamurã āãřĩma.

<sup>11</sup> M<sub>us</sub>ã gapu m<sub>us</sub>ã ñerõ irideare gũñarã, Marĩpu gããmerõsũta b<sub>u</sub>jawereyuro. Irasirirã m<sub>us</sub>ã iririre gopeyari merã gũñanũgãyo. M<sub>us</sub>ã ñerõ irideare piririre gajerãrẽ b<sub>uro</sub> masĩmakũ gããmeyuro. M<sub>us</sub>ã ñerõ irideare gũñariku, b<sub>uro</sub> b<sub>u</sub>jawere, gũiyuro. Irasirirã y<sub>u</sub>re b<sub>uro</sub> ĩãduayo. Ñerĩ irig<sub>u</sub>re wajamoãyo, ĩgũ ñerõ irideare dupaturi iribirikõáburo, āřĩrã. Āãřĩpereri m<sub>us</sub>ã irasiriri merã m<sub>us</sub>ã daporare diaye irirã āãřĩrẽ g<sub>ua</sub>re ĩmu.

<sup>12</sup> Irasirigu y<sub>H</sub> m<sub>us</sub>ãrẽ gojadupuyugu, ñerõ iridire ĩgũ ñerõ irididere iritamud<sub>u</sub>agu iribu. M<sub>us</sub>ãdere iritamubu, iri pũrẽ gojabu, Marĩpu ĩũrõ g<sub>ua</sub>re m<sub>us</sub>ã õārõ gũñarĩrẽ masĩburo, āřĩgũ.

<sup>13</sup> Irasirirã m<sub>us</sub>ã g<sub>ua</sub>re gũñaturamakũ yáa.

Irasũ ããrĩmakũ musã Titore õãrõ bokatĩrĩñeãrã ãgũrẽ usuyamakũ iriyuro. Gũã irire pãrã, musã merã usuyadero nemorõ usuyanemobũ. Musã ãgũrẽ õãrõ ããrĩrikamakũ iriyuro.

14 Tito musã pũro waaburi dupuyuro yũ musã merã usuyarire ãgũrẽ werebũ. ãgũ irogue ejamakũ, yũ ãrĩderosũta ãgũrẽ õãrõ iriyuro. Irasirigũ yũ ãgũrẽ weredeare gũyasĩrĩbea. Gũã musãrẽ diayema ããrĩrĩ direta wererosũta gũã Titore musãyamarẽ weredeade diayeta ããrĩbũ.

15 Musã pũrogue ãgũ ejamakũ, ããrĩpererã buremurĩ merã ãgũrẽ õãrõ bokatĩrĩñeãyuro. Goepeyari merã ãgũ dorerire iriyuro. Musã irasirideare gũñagũ, musãrẽ maĩdero nemorõ maĩnemomi.

16 Yũ, musã õãrõ iririre masĩsĩã, “Õãrõ yãma”, ãrĩ, bure usuyãa.

## 8

### *Gajerãrẽ ãgũsã gããmerĩrẽ sĩburimarẽ gojadea*

1 Gũayarã, gũã musãrẽ ire masĩmakũ gããmea. Marĩpũ Jesũre buremurĩ buri marãrẽ Macedonia nikũgue ããrĩrãrẽ õãrõ iritamumi.

2 ãgũsã bure ñerõ tarikererã, gajerãrẽ iritamuma. Buro bopokererã, ãgũsãya niyerure maĩrõ marĩrõ, bure usuyari merã ãgũsãrẽ sĩburire neeõnama.

3 ãgũsã gããmerõ ããrĩpereri ãgũsã sĩrõ bokatĩũrõ sĩkererã, sĩnemonama. Yũ, ãgũsã irasirideare masĩa. Irasirigũ musãrẽ irire werea.

4 Marĩpũyarãrẽ boporãrẽ iritamudũarã, ãgũsãrẽ sĩdũarire gũare: “Ããbosaka!” ãrĩ sãrẽma.

5 Irasũ ãrĩrã, gũã gũñadero nemorõ õãrõ yãma. Niyerure ãgũsã sĩburire neeõburi dupuyuro marĩ Opũre: “Mũ gããmerĩ direta iridũakoa”, ãrĩma. Pũrũ gũare: “Marĩpũ gããmerõsũta musã dorerire irirãra” ãrĩma.

6 ãgũsã irasirideare ããrã, gũã Titore musã pũro Corintogue waadorebũ. Iro dupuyuro musã pũrogue ããrĩgũ, boporãrẽ iritamuburire niyerure sãrẽ, neeõnũgãdi ããrĩmĩ. Irasirirã, musã õãrõ irinũgãderosũta irire odonũburo, ãrĩrã, ãgũrẽ iriua.

7 Musã Marĩpũyare ããrĩpererire õãrõ yãa. ãgũrẽ diayeta buremua. ãgũya kerere ãgũ masĩrĩ sĩrĩ merã keoro buea. ãgũ gããmerõsũta gajerãrẽ õãrõ iritamudũãa. Gũare bure maĩa. Irasirirã musã i ããrĩpererire õãrõ irirosũta musã boporãrẽ sĩburi neeõrĩdere õãrõ irika!

8 Yũ irire musãrẽ irasũ ãrĩgũ, turaro merã: “ãgũsãrẽ niyeru sĩka!” ãrĩgũ meta yãa. Macedonia marã boporãrẽ õãrõ iritamudeare werea, ãgũsã irirosũ musãde diayeta maĩrĩ merã boporãrẽ iritamudũarire masĩdũagũ.

<sup>9</sup> Ire musā masīa. Marī Opu Jesucristo marīrē buro maīgū, marīrē ōārō iritamudi āārīmī. Āārīpereri ūmugasiguema ōārīrē opagu āārīkeregu, marīya āārīburire i nikūguere aarigú, bopogu irirosū aaridi āārīmī, marīrē āārīpereri ūmugasiguema ōārīrē opaburo, ārīgū.

<sup>10</sup> Irasirigu yu musārē: “Āsū irimakū ōāgorabokoa”, ārī gūnarīrē weregura. Musā gapu si bojori merā gaji makā marā dupuyuro boporārē niyeru sīburire usuyari merā neeōpurorisiabu.

<sup>11</sup> Irasirirā musā usuyari merā neeōpuroroiderosūta dapore sīyuwarikuka! Wáro oparā, wáro sīka! Mérōgā oparā, mérōgā sīka!

<sup>12</sup> Usuyari merā musā sīduaropā sīmakū, Marīpu musā merā usuyagukumi. Wáro opamerārē wáro sīdorebemi.

<sup>13</sup> Yu musārē: “Boporārē iritamuka!” ārīgū, “Īgūsā gapu wáro oparā dujaburo, musā gapu boporā dujaka!” ārīgū meta yāa.

<sup>14</sup> Āārīpererā surosū āārīrikuburo, ārīgū, irire irasū ārā. Dapore musā opari merā Īgūsārē iritamumasīa. Purogue musā gāāmerīrē opabirimakū, Īgūsāde musārē iritamumasīrākuma. Musā irasū gāme sīrā, musā gāāmerīrē opapeokōārākoa.

<sup>15</sup> Marīpuya werenírī gojadea pūgue marī gāme sīrīrē āsū ārī gojasūdero āārībú\*: “Wáro opadi gajigu nemorō opabirimi. Mérōgā opadide mérōgā opakeregu, Īgū gāāmerīrē opapeokōāmi”, ārī gojasūdero āārībú.

### *Tito Īgū merāmarā merā Corintogue waadea*

<sup>16</sup> Yu musārē buro iritamuduarosūta Marīpu Titore musārē iritamuduumakū yāmi. Irasirigu Marīpore usuyari sīa.

<sup>17</sup> Tito, guā Īgūrē musā pūroque waadoreburi dupuyurogueta musārē iritamugū waadūasiadi āārīmī. Irasirigu, guā Īgūrē waadoremakū pégu: “Jáu, waagura”, ārī yujumi.

<sup>18</sup> Īgū merā gajigu marīyagure iriua. Āārīpererogue Jesúre buremurī buri marā Īgūrē: “Marīpu masakare Jesucristo iridea merā tauri kerere ōārō buemi”, ārī werenīñurā.

<sup>19</sup> Īgūrēta beyenerā āārīmá, niyerure boporā pūroque guā āīāmakū guare wapikuburo, ārīrā. Iri niyerure musā gajerā merā neeōdeare guā boporārē sīmakū Īārā: “Marī Opu marīrē ōārō iritamugū yāmi”, ārīrākuma. Marī Īgūsārē buro iritamuduarire masīrākuma.

\* **8:15** Exodo 16.13-18: Iripoegue Israel bumarā masaka marīrōgue waagorenamakū, ūmuriku Marīpu Īgūsārē maná wāikuri baari sīdi āārīmī. Irasirigu Marīpore dorederosūta Moisés Īgūsārē irire keoro seadoredi āārīmī, Īgūsāku Īgūsā baaburire opaburo, ārīgū.

<sup>20</sup> G<sub>ua</sub> iri niyerure wáro m<sub>us</sub>ã neeõdeare õãrõ kore, boporãrê keoro sîrãkoa, gajerã g<sub>ua</sub>re: “Keoro iribirima”, ãrî werew<sub>u</sub>abirikõãburo, ãrîrã.

<sup>21</sup> G<sub>ua</sub> marî Op<sub>u</sub> ïürõ, masaka ïürõdere diayemarê irid<sub>u</sub>áa.

<sup>22</sup> Irasirirã Titosã merã gajig<sub>u</sub> marîyagure iriua. G<sub>ua</sub>, ïg<sub>u</sub> gajerãrê õãrõ iritamumak<sub>u</sub> wári ïãb<sub>u</sub>. Irasirig<sub>u</sub> daporare m<sub>us</sub>ã gajerãrê iritamud<sub>u</sub>arire pêsîã, ïg<sub>u</sub> dupuyuro m<sub>us</sub>ãrê iritamud<sub>u</sub>adero nemorõ iritamug<sub>u</sub> waad<sub>u</sub>amî.

<sup>23</sup> Masaka Titoyamarê sêrêñamak<sub>u</sub>, ïg<sub>u</sub>sãrê ãs<sub>u</sub> ãrî y<sub>u</sub>juka: “Pablo merãm<sub>u</sub>, ïg<sub>u</sub> merã moãg<sub>u</sub> ããrîmî m<sub>us</sub>ãrê iritamubu”, ãrîka! Gajerã ïg<sub>u</sub> merã waamurãrê sêrêñamak<sub>u</sub>, ãs<sub>u</sub> ãrîka: “Jesúre b<sub>u</sub>remurî buri marã iriuanerã ããrîma. Cristoyare iriri merã gajerãrê Cristore: ‘Õãtarimi’, ãrî, <sub>u</sub>s<sub>u</sub>yari sîmak<sub>u</sub> yáma”, ãrîka!

<sup>24</sup> Irasirirã g<sub>ua</sub> Titosãrê: “Corinto marã m<sub>us</sub>ãrê õãrõ bokatîrîñeãrãkuma”, ãrî wererosûta õãrõ bokatîrîñeãka! M<sub>us</sub>ã irasiririre pérã, ïg<sub>u</sub>sãrê iriuanerã m<sub>us</sub>ã ïg<sub>u</sub>sãrê maîrîrê masîrãkuma.

## 9

### *Jesúre b<sub>u</sub>remurãrê niyeru sîburi neeõrîrê gojadea*

<sup>1</sup> Y<sub>u</sub> m<sub>us</sub>ãrê gojag<sub>u</sub>: “Ïg<sub>u</sub>sã gajerã Jesúre b<sub>u</sub>remurãrê niyeru sîburi neeõrîrê masîsîama. Irasirig<sub>u</sub> irire gojanemobea”, ãrî g<sub>u</sub>ñáa.

<sup>2</sup> Y<sub>u</sub>, gajerãrê m<sub>us</sub>ã iritamud<sub>u</sub>arire masîsîáa. Irasirig<sub>u</sub> <sub>u</sub>s<sub>u</sub>yari merã Macedonia nik<sub>u</sub> marãrê ãs<sub>u</sub> ãrî wereb<sub>u</sub>: “Si bojorire Corinto marã Acaya nik<sub>u</sub>gue ããrîrã, gajerã Jesúre b<sub>u</sub>remurãrê boporãrê iritamud<sub>u</sub>asiama”, ãrîb<sub>u</sub>. Irire pérã, wárã Macedonia nik<sub>u</sub> marãde m<sub>us</sub>ã iriros<sub>u</sub> <sub>u</sub>s<sub>u</sub>yari merã ïg<sub>u</sub>sãrê iritamud<sub>u</sub>ama.

<sup>3</sup> Y<sub>u</sub> Macedonia nik<sub>u</sub> marãrê: “Corinto marã niyeru sîrãkuma”, ãrîderosûta waamak<sub>u</sub> gããmea. Irasirig<sub>u</sub> iri niyeru m<sub>us</sub>ã sîd<sub>u</sub>arire y<sub>u</sub> m<sub>us</sub>ã p<sub>u</sub>roge ejaburi dupuyuro neeõ odosiaburo, ãrîg<sub>u</sub>, Titosãrê iriua.

<sup>4</sup> Y<sub>u</sub> Macedonia nik<sub>u</sub> marã merã m<sub>us</sub>ã p<sub>u</sub>roge eja<sub>u</sub>, m<sub>us</sub>ã sîd<sub>u</sub>arire neeõ odobirimak<sub>u</sub> ïãg<sub>u</sub>, g<sub>u</sub>yasîrîbokoa. Y<sub>u</sub> ïg<sub>u</sub>sãrê: “Corinto marã boporãrê sîrãkuma”, ãrîdero p<sub>u</sub>r<sub>u</sub> m<sub>us</sub>ã sîbirimak<sub>u</sub> ïãg<sub>u</sub>, g<sub>u</sub>yasîrîbokoa. M<sub>us</sub>ãde irasûta g<sub>u</sub>yasîrîbokoa.

<sup>5</sup> Irasirig<sub>u</sub>: “Y<sub>u</sub> m<sub>us</sub>ã p<sub>u</sub>roge ejaburo dupuyuro Titosãrê iriup<sub>u</sub>rorig<sub>u</sub>ra”, ãrî g<sub>u</sub>ñáa. Ïg<sub>u</sub>sã iroge ejarã, m<sub>us</sub>ãrê iritamurãkuma m<sub>us</sub>ã: “Sîrãkoa”, ãrîdeare iri odoburo, ãrîrã. Irasirirã g<sub>ua</sub> m<sub>us</sub>ã p<sub>u</sub>roge ejamak<sub>u</sub>, g<sub>ua</sub> m<sub>us</sub>ãrê sîdorero marîrõ m<sub>us</sub>ã gajerãrê sîd<sub>u</sub>arire b<sub>u</sub>ro iritamud<sub>u</sub>ari merã, neeõ odosiarãkoa.

<sup>6</sup> Ire g<sub>u</sub>ñaka! Mérî yeri otedi, mérîgã ðuka seagakumi. Wári yeri otedi, wári ðuka seagakumi. Iri iriros<sub>u</sub> marî boporãrê

mérõgã sîmakû, Marĩpu marĩrẽ mérõgã sîgukumi. Wáro marĩ sîmakû, wáro sîgukumi.

7 Irasirirã musã: “Õõpã sîghra”, ãrĩ gũñaderosũta sîka! “Sĩdũabirikerepu, yare sĩdorema. Irasirigu sîgukoa”, ãrĩ gũñarõ marĩrõ sîka! Marĩpu, usuyari merã sirãrẽ maĩmi.

8 Æãrĩpereri õãrĩrẽ musãrẽ sĩmasĩmi musã gããmerĩrẽ opapeokõãburo, gajerãdere musã opari merã õãrõ iritamuníkõãburo, ãrĩgũ.

9 Marĩpuya werenĩrĩ gojadea pũgue irire ãsũ ãrĩ gojasũdero ããrĩbũ:

Õãgũ boporãrẽ wáro sĩmi. Ìgũsãrẽ õãrõ iritamurĩ neõ perebirikoa.✱

10 Marĩpu, oterimasãrẽ oteri koyere ìgũ oteburire opamakũ yámi. Oterimasũ irire otedero pu, Marĩpu ìgũ otedeare dukakũmakũ yámi masaka baaburire. Irire irirosũ musãrẽ ããrĩpereri musã boporãrẽ sĩburire opamakũ irigukumi. Irire sĩdero pu, musã opadero nemorõ musã boporãrẽ sĩnemoburire opamakũ irigukumi.

11 Marĩpu musãrẽ ããrĩpereri õãrĩrẽ opamakũ irigukumi gajerãrẽ wáro sĩburo, ãrĩgũ. Irasirirã gua iri niyerure musã neeõdeare marĩyarã boporãrẽ sîmakũ ìãrã, Marĩpũre usuyari sîrãkuma.

12 Musã ìgũsãrẽ iritamurã, ìgũsã gããmerĩ direta sîrã meta yáa. Marĩpũre: “Õãtaria, mu ìgũsãrẽ guare sîmakũ iriri”, ãrĩ, usuyari sîmakũ yáa.

13 Musã ìgũsãrẽ iritamumakũ ìãrã: “Corinto marã Cristoyare õãrõ yáma. Gũare wáro sîrã, gajerãdere õãrõ sîma”, ãrĩrãkuma. Irasirirã Marĩpũre buro usuyari sîrãkuma.

14 Ìgũ musãrẽ õãrõ iritamurĩrẽ masîrãkuma. Irasirirã musãrẽ buro maĩrĩ merã musãya ããrĩburire ìgũrẽ sërëbosarãkuma.

15 Marĩpu Jesucristo merã marĩrẽ õãtariro iridi ããrĩmĩ. Ìgũ irasũ irideare marĩ werenĩrĩ merã wereduarã, werepeomasĩña máa. Irasirirã ìgũrẽ: “Õãtaria mu”, ãrĩ, usuyari sîa.

## 10

*Pablo ìgũ Jesús buedoregũ pídi ããrĩrẽrẽ gojadea*

1 Yũ Pablo musãrẽ gajĩ wereghra. Ire wereghra, Cristo turiro marĩrõ bopoñarĩ merã werederosũta musãrẽ wereduaa. Surãyeri musã puo ããrĩrã, yare ãsũ ãrĩñurã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ buro turari merã were gojami”, ãrĩñurã.

2 Irasirigu musãrẽ ãsũ ãrĩ werea. Yũ musã puogue ejamakũ, yare turaro merã weremakũ iribirikõãka! Gajerã musã watopegue ããrĩrã gũare: “I ùmu marã irirosũ ìgũsã gããmerĩ



direta irirã yáma”, ãrĩñurã. Irasũ ãrĩrãrẽ turaro doreri merã weregura.

<sup>3</sup> Gua i ãmugue ããrĩkererã, guare ãaturirãrẽ wererã, i ãmu marã irirosũ iribeã.

<sup>4</sup> I ãmu marã ãgũsã turaro merã ãgũsãrẽ ãaturirãrẽ tarinugãmurã werema. Gua gapu Marĩpu doreri merã ãgũsãrẽ werea, ãgũyare ãrĩgatori merã gũñarĩrẽ: “Diaye ããrĩbeã”, ãrĩ masĩburo, ãrĩrã.

<sup>5</sup> Iri doreri merã Marĩpuyare: “Diaye ããrĩbeã”, ãrĩrãrẽ diayema ããrĩrĩrẽ masĩmakũ irimasĩa. “Masĩtaria”, ãrĩ gũñarãrẽ ããrĩpereri ãgũsã gajerãrẽ Marĩpure masĩbirimakũ iririre pirimakũ irimasĩa. Iri doreri merã ããrĩpereri ãgũsã gããmerõ gũñarĩrẽ pirimakũ irimasĩa, Cristo gapure gũña, ãgũ gããmerĩ direta iriburo, ãrĩrã.

<sup>6</sup> Musã: “ãgũ dorerire tarinugãbirikoa”, ãrĩdero puru, iri dorerire tarinugãgũnorẽ gua wajamoãmasĩa.

<sup>7</sup> Musã gajerãrẽ ãrã, ãgũsã iririkuri direta ãrã yáa. ãgũsã gũñarĩ gapure neõ ããmasĩbeã. “Cristoyagu ããrã”, ãrĩgũno guadere: “Cristoyarã ããrĩma”, ãrĩ masĩdorea.

<sup>8</sup> Yu musãrẽ: “Marĩ Opu guare ãgũyare buedoregu pími”, ãrĩ werekeregu, irire guyasĩrĩbeã. Guare irasũ buedoregu, musãrẽ iritamudoregu pími. Musãrẽ poyanorẽdoregu meta pími.

<sup>9</sup> Yu musãrẽ gojagu, yu gojari merã gukamakũ iridugagu meta yáa.

<sup>10</sup> Surãyeri musã watopegue ããrĩrã ãsũ ãrĩma: “Pablo marĩrẽ gojagu, buro turari merã doremi. Irasirikeregu, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma.

<sup>11</sup> Irire irasũ ãrĩgũnorẽ ãsũ ãrĩ weregura: “Gua gajerogue ããrĩrã, musãrẽ: ‘ãsũ irirãra’, ãrĩ gojaderosũta musã purogue ejarã, irire irirãkoa”.

<sup>12</sup> Surãyeri musã watopegue ããrĩrã ãgũsã basi: “Marĩ gapu õãrõ masĩa, gajerã nemorõ ããrã”, ãrĩ gãme werenĩma. Irasũ ãrĩ werenĩkererã, masĩbema. Gua gapu ãgũsã irirosũ gua basi gua iririre neõ werenĩñabeã.

<sup>13</sup> Irasirirã gua musãrẽ wererã, Marĩpu guare buedoregu pídea direta werea. Gajerãrẽ ãgũ pídeare irirã meta yáa. ãgũta guare pími musãdere buedoregu.

<sup>14</sup> Irasirirã, ãgũ guare buedoregu píderosũta musãrẽ Cristoya õãrĩ kerere buerurorirã ejabu. Irogue musãrẽ buerã ejarã, ãgũ guare dorederosũta iribu.

<sup>15</sup> ãgũ guare buedoregu píderosũta iririre wererã, keoro werea. Gajerã iririre: “Gua iriri ããrã”, neõ ãrĩbeã. Musãrẽ buerã, musãrẽ Cristore buremunemomakũ gããmeã. Musã buremunemomakũ ããrã, Marĩpu guare dorederosũta

irirã, gajerã musã p̄roque ããrĩrãdere buerãkoa Cristore b̄remuburo, ãrĩrã.

16 P̄ru yoarogue marãrẽ Marĩp̄u Jesucristo merã masakare tauri kerere p̄emerãrẽ buerã waarãkoa. Gajerã iri kerere buederoguerẽ buerã waa: “Ḡua bueri gap̄re p̄erã, Jesucristore b̄remunugãma”, ãrĩrã meta yãa.

17 Marĩp̄uya werenĩrĩ gojadea p̄ugue ãsũ ãrĩ gojasũdero ããrĩbũ: “Neõ suḡu: ‘Gajerã nemorõ masĩgũ ããrã’, ãrĩbirikõãburo. Irasũ ãrĩrõno iriḡu marĩ Op̄u gap̄re: ‘Turatariḡu ããrĩsã, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ.

18 Suḡu ĩgũ basi: “Õãrõ yãa”, ãrĩ werenĩrĩ wajamãa. Marĩ Op̄u: “Õãrõ yãmi”, ãrĩ ĩãsũgũ gap̄u diayeta õãrõ iriḡu ããrĩmi.

## 11

### *Pablo ãrĩgatori merã buerimasãyamarẽ gojadea*

1 Daporare musãrẽ m̄erõgã yaamarẽ ãrĩmoãmagũ irirosũ were gojagura. Ȳu irasũ ãrĩ gojarire gariborero marĩrõ buemakũ gããmekoa.

2 Marĩp̄u musãrẽ maĩrõsũta ȳude b̄uro maĩa. Musã ȳu magõ irirosũ ããrã. Cristo musã marãp̄u ããrĩbu irirosũ ããrĩmi. Irasiriḡu, ȳu magõ gajerã ãma merã neõ ñerõ iribeo suḡureta marãp̄ukamakũ gããmegũ irirosũ, ȳu musãrẽ Cristoyarã dita ããrĩmakũ gããmea.

3 Irasũ gããmekereḡu: “Evare iripoegue waaderosũ ĩgũsãdere waabokoa”, ãrĩ gũñarikua. Wãtĩ, pĩrũ irirosũ deyoa, ĩgũ masĩrĩ merã ãrĩgatomakũ p̄ego, Marĩp̄u dorerire tarinugãdeo ããrĩmõ. ĩgũ iriderosũ gajerã musãrẽ ãrĩgatomakũ p̄erã, musã gũñarĩgue Cristoya direta musã iriduarire piribokoa.

4 Musã ãsũ yãa. Gajerã musã p̄ro ãrĩgatori merã buerã ejamakũ, ĩgũsã buerire õãrõ p̄esuyua. ĩgũsã Jesũyamarẽ, Õãgũ deyomarĩgũ musã bokatĩrĩñeãdiyamarẽ, Marĩp̄u Jesús merã masakare tauri kerere ḡua musãrẽ buedea irirosũ ĩgũsã bueribirikerep̄u, ĩgũsã buerire p̄e b̄remua.

5 ĩgũsã musãrẽ buerã: “Ḡua gajerã Jesús buedoreḡu p̄inerã nemorõ masĩa”, ãrĩ p̄ẽnakuma. Ȳu gap̄u: “Jesús ȳure ĩgũyare buedoreḡu p̄imi. Irasirirã ȳure masĩtarinugãbema”, ãrĩ p̄ẽnãa.

6 Ȳu õãrõ wererimasũ irirosũ werebirikereḡu, Marĩp̄u werenĩrĩrẽ õãrõ masĩa. Ȳu masĩrĩrẽ, ããrĩpereri ȳu ĩgũyare iriri merã musãrẽ masĩmakũ iribũ.

7 Ȳu musãrẽ Marĩp̄u Jesús merã masakare tauri kerere bueḡu: “Niyeru sĩka!” neõ ãrĩ s̄erẽbiribũ. Ubu ããrĩgũ irirosũ moã wajata baabũ, musãrẽ Marĩp̄uyare õãrõ masĩburo, ãrĩgũ. ¿Ȳu irasiridea õãberi? ¿Naásũ gũñarĩ?

8 Gajerā Jesúre b̄remurī buri marā yure niyeru sīma m̄sārē bueburo, ārīrā. Īgūsā sīrīrē ñeāb̄u m̄sārē iritamubu. Irire ñeāḡū, Īgūsāya niyerure ēmawāgāḡū irirosū péñab̄u.

9 M̄sā merā āārīḡū, gajino yu gāāmerīrē opapeobirikeregu, m̄sārē niyeru neō sērēbirib̄u. Marīyarā Macedonia nikū marā yu gāāmerīnorē āijama. Irasirigu m̄sārē: “Niyeru sīka!” neō ārī garibobirib̄u. P̄r̄uguedere m̄sārē neō garibobirikoa.

10 “Cristo weregu, diayeta weredi āārīmī”, ārī masīa. Īgū diaye werederosūta yude m̄sārē niyeru sērēbirideare diayeta werea. Neō suḡu āārīperero Acaya nikūgue āārīḡūno i m̄sārē yu sērēbirideare wererire: “Diaye werebemi”, ārīmasībirikumī.

11 M̄sārē yu sērēbirideare wererire pérā, ¿naāsū gūñarī m̄sā? “Pablo ḡuare maībirisīā, irasū ārī weremi”, ¿ārī gūñarī? Āārībea. M̄sārē maīa. Marīp̄u irire masīmi.

12 Irasirigu yu m̄sārē irinugāderosūta iriwāgānīkōāgura. “Gajerā Jesús buedoregu pīnerā nemorō masīa”, ārīgatorā m̄sārē bueri waja niyeru wajatad̄uama. Ḡua gap̄u Īgūsā irirosū wajatad̄uabea. Irasirirā Īgūsā: “Ḡuade Pablosā irirosūta yāa”, neō ārīmasībema.

13 “Jesús buedoregu pīnerā āārā”, ārīrā, ārīgatorā yāma. “Diayeta Jesús buedoregu pīnerā āārīma”, ārī gūñamakū iriduarā āārīsīā, masakare ārīgatoma.

14 Yu gap̄u Īgūsā irasirimakū iākeregu: “¿Nasirimurā irire irasū yári?” ārī gūñabea. Wātēa op̄u Satanāde Marīp̄ure wereboegu irirosū deyoami masaka Īgū ārīgatorire: “Diayeta āārā”, ārī gūñamakū irid̄uagu.

15 Irasirirā ārīgatori merā buerimasā wātīrē moāboerā Īgū irirosū yāma. Ñerā āārīkererā, Īgūsā irigatori merā masakare: “Marīp̄ure moāboerā āārīma, oārō yāma”, ārī gūñamakū irid̄uama. Daporare masaka Īgūsārē: “Ōārā āārīma”, ārī gūñakerep̄u, p̄r̄uguere āārīpereri Īgūsā ñerō iridea waja b̄ro wajamoāsūrākuma.

### *Pablo, Īgū ñerō tarideare gojadea*

16 Dupaturi m̄sārē ire were gojagura. Neō suḡu yure: “Niārīmasū āārīmī”, ārī gūñabirikōāka! Irasū ārī gūñarā: “Niārīmasū irirosū werenīburo”, ārīka! Irasirigu mérōgā yu basi werenīgura.

17 Yu irasū werenīgū, niārīmasū irirosū werenīgū yāa. Marī Op̄u yure: “Irire wereka!” ārībirimi.

18 Wārā masaka i ūm̄ma direta gūñakererā, Īgūsā iririre: “Ōārō yāa”, ārīma. Yude Īgūsā irirosū m̄sārē yu oārō iririre weregura.

19 Musā basi: “Masītaria”, ārīkererā, niārīmasā irirosū werenirā bueri gapure gariborero marīrō péa. ¿Nasirirā ĩgūsārē ōārō péri?

20 ĩgūsārē moāboerārē dorerosū musārē buro dorekerepuru, ārīgatori merā musāyare āiakerepuru, musārē oparā irirosū dorerā ĩgūsā gāāmerī direta gūñakerepuru, musārē: “Ubu āārīrā āārīma”, ārī ĩābéokerepuru, musārē gūyasīrīmakū iriduarā musāya wayupārārīrē pákerepuru, āārīpereri ĩgūsā irasiririre gariborebirikoa musā.

21 Musārē irasirirā, ñerō irirā yāma. Gūa gapu ĩgūsā irirosū musārē neō irasiribiribokoa.

Yū ĩgūsā irirosū musārē ñerō iribirikeregu, niārīmasū ĩgū iririre: “Ōārō yāa”, ārī werenīgū irirosū musārē āsū ārī weregura.

22 ĩgūsā: “Hebreo masaka āārā”, ārīma. Yūde hebreo masakuta āārā. “Israel bumarā āārā”, ārīma. Yūde Israel bumuta āārā. ĩgūsā: “Abraham parāmerā āārā”, ārīma. Yūde Abraham parāmita āārā.

23 ĩgūsā: “Cristore moāboerā āārā”, ārīma. Yū tamerā ĩgūsā nemorō Cristore moāboegu āārā. ĩgūyare ōārō yāa. Yū basi niārīmasū irirosū wereníkeregu, yū ōārō iririre āsū ārī werenemogura. Yū Cristoyare irigu, ĩgūsā nemorō moātarinugābu. Cristoya kerere wereri waja ĩgūsā nemorō peresugue biadobosūbu. ĩgūsā nemorō tārāsūbu. Wári masaka yure wējēboyama. Irasirigu mérōgā merā taribu yū boaboderore.

24 Su mojōmagora judío masaka yure ñeāma. ĩgūsā yure ñeāriku, treinta y nueve gora tārānama.

25 Ūrea gajerā yure ñeā, yuku merā páma. Suñarō masaka ūtāyeri merā yure deama. Ūrea doóriduparu merā mirību. Suñarō mirīgū, sunu, su ñami taboa majī weka wádiyaguere bá payanību.

26 Yū wári makārīguere buegorenagū waanabu. Yū buegorenamakū, goetaribu. Diarigue yū mirīrī, yure yajari, yaa nikū marā judío masaka, judío masaka āārīmerāde yure ñerō iriduari, makārīgue, masaka marīrōgue yure wējēduari, wádiyague mirīboama goetaribu. “Mū merāmarā āārā”, ārīgatorāde yure ñerō irima goetarima.

27 Cristoya kerere weregu, buro moā wajata baabu. Irasū moāgū, ñerō taribu. Wūja pūrīkerepuru, irasū moānikōābu. Gajipoere ūaboabu. Ńemesibubu. Gajipoere baabiritaunokōābu. Gajipoere buro yusamakū, gajī surī sāñanemoburi marību.

28 Irasū āārīmakū ūmuriku Jesúre būremurī buri marārē āārīpererogue āārīrārē gūñarikua.

<sup>29</sup> Irasirigu sugu gũñaturabi ããrĩmakũ Ìãgũ, yu basi gũñaturabi irirosũ péńáa. Jesúre bũremugũrẽ ñerõ irimakũ irirã merã gua, Jesúre bũremugũrẽ gũyasĩrĩsãa.

<sup>30</sup> Mũsãrẽ yaamarẽ werenemogũ, yu turabi ããrĩrĩrẽ masĩburo, ãrĩgũ, yure waadeare weregũra.

<sup>31</sup> Marĩ Opũ Jesús Pagũ, yu mũsãrẽ ãrĩgatori marĩrõ merã yaamarẽ wererire masĩmi. Ìgũrẽta: “Turatarigu ããrã”, ãrĩ, usũyari sĩnĩkõãrõ gããmea.

<sup>32</sup> Yu Damascogue ããrĩmakũ, iro marã opũ Areta wãikũgũ dokamũ yure ñeãduadi ããrãdimi. Yure ñeãduagũ, iri makã tũrogue Ìgũsã ãtã majĩrĩ merã weadea sãrĩrõma disipũrorikũ surarare koredoredi ããrĩmĩ.

<sup>33</sup> Yu merãmarã garũ puui wãri puui merã iri sãrĩrõ ããrĩrĩ gobegue yure yótaudijuma. Irasirigu, Ìgũsã iritamurĩ merã yure ñerõ iridũarãrẽ duriwãgãkõãbũ.

## 12

### *Pablo kërõ irirosũ Ìgũ Ìãdeare gojadea*

<sup>1</sup> Marĩ basi: “Õãrõ masĩa”, ãrĩ werenĩgorenarĩ wajamarĩkerepũrũ, marĩ Opũ Jesús kërõ irirosũ yure Ìmudeare, Ìgũ yure masĩmakũ irideare werenemogũra.

<sup>2</sup> Yu Cristore bũremunũgãdero pũrũ, Marĩpũ yure ãmũgasigue Ìgũ ããrĩrõgue ãĩmũrĩãmi. Irogue ãĩmũrĩaderõ pũrũ, catorce bojorigora taria. Yu dupũ merã, o yu yũjũpũrã merãta iroguere waagũ waakuyo, masĩbirikoa. Marĩpũ dita masĩmi.

<sup>3-4</sup> I gapũre masĩa. Yure irogue ãĩmũrĩagũ, paraíso wãikũrogue ãĩmũrĩjami. Yu dupũ merã, o yu yũjũpũrã merãta yure irogue ãĩagũ, ãĩagũkumi, masĩbirikoa. Marĩpũ sugũta irire masĩmi. Yu irogue ããrĩgũ, Ìgũ masaka iripoegue neõ masĩbirideare werenĩrĩrẽ pébũ. Iri, Ìgũ neõ sugũ masakũre weredoreri meta ããrĩbũ.

<sup>5</sup> Iroguere Ìgũ yure ãĩmũrĩadeare gũyasĩrĩrĩ marĩrõ mũsãrẽ weremasĩa. Yaama gapũre weregũ, gũyasĩrĩboko. Irasirigu yu turabi ããrĩrĩ direta werenemogũra.

<sup>6</sup> Yu basi yaamarẽ weredũamakũ, yu werenĩrĩ diaye ããrĩboko. Niãrĩmasũ werenĩrĩ irirosũ ããrĩbiriboko. Yaamarẽ weremasĩkeregũ, werebirikoa mũsã yure: “Gajerã nemorõ õãmi”, ãrĩ gũñabirikõãburo, ãrĩgũ. Yu iririkũrere Ìãderõ pũrũ, yu bueri gapũre péderõ pũrũ, mũsã yure: “Õãgorami”, ãrĩ gũñamakũ gããmea.

<sup>7</sup> Marĩpũ yure Ìmudea õãtaribũ. Yu irire gũñagũ: “Gajerã nemorõ masĩa”, ãrĩ gũñabokuyo. Marĩpũ garũ irire gũñabirikõãburo, ãrĩgũ, wãtẽa opũ Satanás yaa dupũre

pūrīrikamakū iririre kāmūtābiridi āārīmī. Iri pūrīrī poraru űajārōsū pūrīa.

<sup>8</sup> Ūrea yu marī Opure: “Yure i pūrīrīrē tauka!” ārī sērēadibu.

<sup>9</sup> Īgū gapu yure āsū ārīmi: “Mure maīsīā, ōārō iritamugura. Yu mre iritamurī neō perebirikoa. ‘Turabea’, ārī gūñagūnorē yu turari merā ōārō iritamua gajerā yu turarire masīnemoburo, ārīgū”, ārīmi. Irasirigu yu turabi āārīrīrē usuyari merā weregukoa Cristo Īgū turari merā yure ōārō iritamunīkōāburo, ārīgū.

<sup>10</sup> Irasirigu Cristoyagu yu āārīrī waja pūrīrī merā turabi āārīsīā, usuyari merā irire bokatīūa. Gajerā yure űerō werenīkerepuru, yu gāāmerīrē opabirikeregu, gajerā yure űerō irikererepuru, yure űerō waakererepuru, usuyari merā irire bokatīūa. Āsū āārā. Yu, turari opabirimakū, Cristo gapu yure Īgū turarire opamakū yāmi űerō taririre bokatīūburo, ārīgū. Irasirigu usuyāa.

*Pablo Corinto marārē Jesúre buremurārē Īgū gūñarikurire gojadea*

<sup>11</sup> Yu basi yaamarē werenīgū: “Niārīmasū irirosū werenīgū iribu”, ārī gūñāa. Mūsā gapu yure irasirimakū iribu. Mūsā yaamarē ōārō werenīmakū, ōāgorabokuyo. Mūsā yure ōārō werenībirikererepuru, “Ubu āārīgū āārīmi”, ārīkerepuru: “Jesús buedoregu pīnerā āārā”, ārīgatorā yu nemorō āārībema.

<sup>12</sup> Yu mūsā puro āārīgū, mūsārē buro iritamudhari merā, wāri Marīpu turari merā iririre iri ĩmubu, diayeta Jesús buedoregu pīdi āārīrīrē masīburo, ārīgū.

<sup>13</sup> Gajerā Jesúre buremurī buri marārē, mūsādere surosū iribu. Yaa āārīburire mūsārē niyeru wajaseabiribu. Mūsā péñamakū, ĳiri mūsārē űegorari? Iri mūsārē űemakū, mūsārē: “Irire kātika!” ārī sērēa.

<sup>14</sup> Pea mūsā purogue ejasiabu. Daporare dupaturi yu irogue waaburire āmugū yāa. Irogue ejagu, mūsārē: “Niyeru yure sīka!” ārī sērēbirikoa. Mūsāyare gāāmebea. Cristoya gapure mūsā iritayanemomakū gāāmea. Āsū āārā. Pagusāmarā Īgūsā pūrārē masūrā, Īgūsā gāāmerīrē sīma. Pūrā gapu pagusāmarārē Īgūsā gāāmerīrē sībema.

<sup>15</sup> Irasirigu mūsārē yu pūrā irirosū āārīrārē iritamugū āārīpereri yu oparire sīmakū ōārokoa. Mūsāya āārīburire, āārīpereri yu turari merā mūsārē buro iritamudhakoā. Mūsārē yu buro maīkerepuru: “Īgūsā gapu yure sīrūgā maīma”, ārī gūñāa.

<sup>16</sup> Surāyeri mūsā watopegue āārīrā, yu mūsārē sērēbirideare masīkererā, āsū ārīma: “Gūare sērēbirikeregu, ārīgatori merā guayare āiadi āārīmī”, ārīma.

17 ¿Musā p̄rogue yu iriunerā āriḡatori merā musāyare yure āiriyuri? Musā masīkoa. Neō gajino musāyare āiribirinerā āārīmá.

18 Irinugue Titore musā p̄rogue waadorebu. Gajigu marīyagure ĩḡū merā iriubu. Tito musā merā āārīḡú, ¿gajino musāyare āriḡatori merā āiārī? Musā masīkoa. Neō āiabiridi āārīmí. ĩḡū yu irirosūta musārē iritamuduga āārīmi.

19 Gajipoe irirā, yu musārē gojarire buerā: “Pablosā ĩḡūsāyamarē wereri merā ḡuare: ‘Ōāgorama ĩḡūsā’, āri ḡūñadorerā yáma”, āri ḡūñabokoa. Āārībea. Ḡua Cristoyarā āārā. Irasirirā Marīpu ĩūrō musārē diayeta werea. Yaarā yu maīrā, āārīpereri ḡua iriri merā musārē iritamuduaa Cristoyare iritayanemoburo, āārā.

20 Yu musārē ḡūñarikua. Gajipoe irirā, yu musā p̄rogue ejamakū, yu ḡāāmerōsū iribiribokoa. Irasirigu yude musā ḡāāmerōsū iribiribokoa. Gajipoe irirā ḡāme guaseorikurā, gajerārē ĩaturirikurā, mata guarikurā, musāya āārīburi direta ḡūñarikurā, gajerārē ñerō kere wererikurā, ñerō āri werewharikurā, “Gajerā nemorō āārā”, āri weregorenarā, musā nerērōgue noó musā ḡāāmerō iririkurā āārībokoa. Gajipoe irigu irasū āārīrārē bokajabokoa, āriḡú, irasū āri ḡūñarikua.

21 Irasirigu yu musā p̄rogue dupaturi ejamakū, Marīpu musā ñerō iririkuri waja yure ḡuyasūrō tarimakū iribokumi. Wārā musā iro dupuyurogue ḡūñarīgue ñerī opadeare, ũma nome merā, nome ũma merā ñerō irideare, musā noó ḡāāmerō ḡuyasūrī ñerī irideare piriduro marīō iriwāḡāmakū ĩāḡū, buro bujawereri merā oregukoa.

## 13

*Pablo: “Āsū irika!” āri ōādoretūnudea*

1 Dapora yu musā p̄rogue waarī merā urea waarokoa. Irasirigu musārē: “Marīpaya werenīri gojadea pūgue gojaderosūta āārīpererire iriro ḡāāmea”, āri werea. Iri pūgue āsū āri gojasūdero āārībú: “Pērā, o urerā sugū ñerō irideare ĩānerā oparāguere weresārō ḡāāmea”, āri gojasūdero āārībú.

2 Iro dupuyuro yu musā p̄rogue āārīḡú, musā āārīpererā péurogue ñerō irirārē: “Wajamoāḡura”, āri weresiabu. Puru ejagu, musārē irireta werebu doja. Daporadere yoarogue āārīkereḡu, gopeyaro merā irireta were gojāa doja. Mérōḡā puru musā p̄ro dupaturi waagú, yu werederosūta ñerō irirārē diayeta wajamoāḡura pama.

3 Yu irasirimakū ĩārā, ire masīrākoa. Yu musārē Cristo yure ḡūñarī sīri merā werea. Cristo turabi āārībemi. ĩḡū turari

merã musã watopegue ñerõ irirãrẽ wajamoãgukumi, ãgũsã ñerõ iririre piriburo, ãrĩgũ.

<sup>4</sup> Diayeta ããrã. ãgũ turari opabi irirosũ curusague pábiatũsũ, boadi ããrĩmĩ. Irasũ boakeregũ, daporare Marĩpũ turari merã okami. Gũade ãgũ ããrĩderosũta turamerã ããrã. Irasũ ããrĩkererã, Cristoyarã ããrĩsĩã, Marĩpũya turari merã okãa ãgũ turari merã musãrẽ iritamumurã.

<sup>5</sup> Irasirirã musã basi: “¿Diayeta Jesucristore piriro marĩrõ buremurĩ yũ?” ãrĩ gũñaka! Diayeta musã Jesucristoyarã ããrĩmakũ, ãgũ musã merã ããrĩmĩ.

<sup>6</sup> Diayeta gũa Jesucristoyarã, ãgũ buedoregũ pínerã ããrĩrẽrẽ musãrẽ masĩmakũ gããmea.

<sup>7</sup> Irasirirã ñerõ iribirikõãburo, ãrĩrã, Marĩpũre musãya ããrĩburire sërẽbosãa. ãgũrẽ sërẽrã, musãrẽ gũare õãrõ gũñadorerã meta yãa. Musã gũare õãrõ gũñabirikerepũrũ, Marĩpũre musãya ããrĩburire sërẽbosãa, ãgũ iritamurĩ merã õãrĩrẽ iriburo, ãrĩrã.

<sup>8</sup> Marĩpũya, diayema ããrĩrĩ ããrã. Irasirirã ãgũyare keoro irimakũ ããrã, gũa musãrẽ: “Irire iribirikõãka!” neõ ãrĩmasĩbirikoa. “Diayema direta irika!” ãrĩmasĩa.

<sup>9</sup> Irasirirã musã õãrõ yũpũrãkũturari merã ãgũyare keoro irimakũ õãgorãa. Gũa bureo turari merã musãrẽ: “Ãsũ gapũ irika!” ãrĩmasĩmerã, usũyãa. Marĩpũre musãya ããrĩburire sërẽbosanĩkõãa, ãgũyare keoro iriwãgãnemoburo, ãrĩrã.

<sup>10</sup> Irasirigũ musã pũrogue waaburi dupuyuro musãrẽ i pũrẽ gojãa. Irogue ejagũ, musã ñerõ iririre piribirimakũ ããgũ, marĩ Opũ yũre dorederosũta musãrẽ bureo wajamoãgũra. Pirimakũ ããgũ, wajamoãbirikoa. Marĩ Opũ yũre: “Yũ dorerosũta irika!” ãrĩ pími. Musã ãgũrẽ buremunemomakũ gããmegũ, irasirimi. Musãrẽ poyanorẽmakũ gããmebemi.

<sup>11</sup> Yaarã, iropãta ããrã yũ musãrẽ gojari. Õãrõ ããrĩrikũka! Yũ dorerire õãrõ yũpũrãkũri merã keoro irika! Guaseori marĩrõ suro merã gũña, õãrõ siuñajãrĩ merã ããrĩka! Irasirigũ Marĩpũ musãrẽ siuñajãrĩ sĩgũ, musãrẽ maĩgũ musã merã ããrĩgũkumi.

<sup>12</sup> Musã merãmarã merã õãrõ merã gãme mojõ ñeãka!

<sup>13</sup> ããrĩpererã Jesũre buremurã õõgue ããrĩrã musãrẽ õãdorema.

<sup>14</sup> Marĩ Opũ Jesucristo marĩrẽ õãrõ iritamugũ, Marĩpũ marĩrẽ maĩgũ, Õãgũ deyomarĩgũ marĩ merã ããrĩnĩgũ ããrĩpererã musã merã õãrõ ããrĩburo.

Iropãta ããrã.

Pablo



## GÁLATAS

*Pablo Galacia nikū marārē òãdoredea*

1-2 Y<sub>H</sub> Pablo, ããrĩpererã marĩyarã y<sub>H</sub> merã ããrĩrã merã m<sub>H</sub>sãrē Galacia nikūgue ããrĩrãrē Jesúre b<sub>H</sub>remurãrē òãdore, gojáa. Jesucristo y<sub>H</sub>re ìgũyare buedoreg<sub>H</sub> beyepími. Irasū ããrĩmakū, Marĩp<sub>H</sub> ìgũrē boadiguere masūdi y<sub>H</sub>re pídi ããrĩmí, ìgũ magũyare bueburo, ãrĩgũ. Masaka y<sub>H</sub>re beyepibirima.

<sup>3</sup> Marĩp<sub>H</sub> ããrĩnìgũ, marĩ Op<sub>H</sub> Jesucristo m<sub>H</sub>sãrē òãrõ iritamu, siuñajãrĩ merã ããrĩrikumakū iriburo.

<sup>4</sup> Jesucristo, Marĩp<sub>H</sub> gããmederosũta irig<sub>H</sub>, ìgũ basi marĩ ñerĩ iridea waja boabosadi ããrĩmí, i ùm<sub>H</sub> marã ñerĩ irirã irirosū irinemobirikõãburo, ãrĩgũ.

<sup>5</sup> Irasirirã ùm<sub>H</sub>rik<sub>H</sub> Marĩp<sub>H</sub>re: “Òãtaria m<sub>H</sub>”, ãrĩ, ɥ<sub>H</sub>syari sìnìkõãrã! Irasũta irirã!

*Cristo sug<sub>H</sub>ta marĩrē taug<sub>H</sub> ããrĩmi, ãrĩ gojadea*

<sup>6</sup> Marĩp<sub>H</sub> m<sub>H</sub>sãrē maìgũ, Cristore b<sub>H</sub>remunugãdoreg<sub>H</sub> siiudi ããrĩmí m<sub>H</sub>sãrē peamegue waabonerãrē taubu. M<sub>H</sub>sã gap<sub>H</sub>, ìgũ irasirikerep<sub>H</sub>re<sub>H</sub>, matagora ìgũ Cristo merã masakare tauri kerere b<sub>H</sub>remuduúrã irikoa. Gaji bueri gap<sub>H</sub>re t<sub>H</sub>yakoa. M<sub>H</sub>sã irasiririre pég<sub>H</sub>, b<sub>H</sub>ro pégukáa.

<sup>7</sup> Gajerã m<sub>H</sub>sãrē, m<sub>H</sub>sã Cristoya kerere b<sub>H</sub>remunugãdeare b<sub>H</sub>remuduúdererã: “Gaji ããrã marĩrē tauri kere”, ãrĩgato, werema. Marĩrē gaji tauri kere máa. Cristore b<sub>H</sub>remurĩ merãta marĩ tarimasã.

<sup>8</sup> G<sub>H</sub>a m<sub>H</sub>sãrē Marĩp<sub>H</sub> Cristo merã marĩrē tauri kerere wereb<sub>H</sub>. “Gaji ããrã marĩrē tauri kere”, ãrĩgato, wererãrē Marĩp<sub>H</sub> b<sub>H</sub>ro wajamoãburo. Y<sub>H</sub>, o Marĩp<sub>H</sub>re wereboeg<sub>H</sub> ùm<sub>H</sub>gasiguem<sub>H</sub> m<sub>H</sub>sãrē irasū ãrĩgato, weremakũdere wajamoãburo.

<sup>9</sup> M<sub>H</sub>sãrē ire weresiab<sub>H</sub>. Weredi ããrĩkereg<sub>H</sub>, dupaturi m<sub>H</sub>sãrē werenemod<sub>H</sub>akoa doja. Sug<sub>H</sub>, g<sub>H</sub>a Marĩp<sub>H</sub> Cristo merã marĩrē tauri kerere m<sub>H</sub>sãrē weredeare: “Diaye ããrĩbea, gaji ããrã marĩrē tauri kere”, ãrĩgato, weremakū, Marĩp<sub>H</sub> ìgũrē perebiri peamegue wajamoãburo.

<sup>10</sup> Y<sub>H</sub> ire wereg<sub>H</sub>, Marĩp<sub>H</sub> gããmerõsũta buea. Masaka y<sub>H</sub>re: “Òãrõ weremi”, ãrĩdoreg<sub>H</sub> meta buea. Irasū ãrĩdoreg<sub>H</sub> tamerã Cristoyare iribiribokoa. Ìgũrē moãboeg<sub>H</sub> meta ããrĩbokoa.

*Pablo: “Jesucristoya kerere weredoreg<sub>H</sub> Marĩp<sub>H</sub> y<sub>H</sub>re pími”, ãrĩ werede*

<sup>11</sup> Yaarã, m<sub>H</sub>sãrē ire masĩmakū gããmea. Y<sub>H</sub> m<sub>H</sub>sãrē Marĩp<sub>H</sub> Cristo merã marĩrē tauri kerere bueri, masaka ìgũsã basi ìgũsã gũñarĩ merã bueri meta ããrã.

12 Iri kerere neõ sugu masaku yure werebirimi. Neõ sugu masaku yure irire buebirimi. Jesucristo ïgũ basi yure irire masĩmakũ irimi.

13 Musã, yu iripoegue judío masaka ïgũsã buremurĩrẽ iririkũdeare pẽunakuyo. Yu Marĩpũyarãrẽ Jesũre buremurãrẽ ñerõ iridũari merã ïgũsãrẽ buro ïãturitũyaunabu. ïgũsã Jesũre buremurĩrẽ peodũagu irasiriunabu.

14 Yu, judío masaka ïgũsã buremurĩrẽ õãrõ iririkũunakubu. Gajerã, yu merãmarã nemorõ guã ñekũsãmarã iririkũunadeare iritarinũgãunakubu.

15 Yu irasiririkũkerepũru, Marĩpũ, yu deyoaburi dupuyuro yure beyesiadi ããrĩmĩ ïgũyagu ããrĩburo, ãrĩgũ. Irasirigu ïgũ yure buro maĩrĩ merã ïgũ gããmerõsũ iridoregu siiumi.

16 ïgũ irasiriderosũta keoro ïgũ magũrẽ yure masĩmakũ irimi, judío masaka ããrĩmerãrẽ ïgũ magũ merã ïgũsãrẽ tauri kerere weredoregu. I yure irasũ waadero pũru, gajerãrẽ: “¿Nasirigukuri yu?” ãrĩ sërẽñagũ waabiribu.

17 Jerusalẽgue ããrĩãrẽ Jesucristo yu dupuyuro ïgũyare buedoregu beyepĩnerãdere sërẽñagũ waabiribu. Ubu gapũ Arabia nikũgue diaye waakõãbu. Pũru Damasco goedujãabu doja.

18 ðre bojori tariadero pũru, Jerusalẽgue Pedrore ïãgũ waabu. Pe semanata ïgũ merã ããrĩbũ.

19 Irogue ããrĩgũ, gajerã Jesucristo ïgũyare buedoregu beyepĩnerãrẽ neõ ïãbiribu. Marĩ Opũ Jesucristo pagũmũ Santiago direta ïãbu.

20 Marĩpũ ïũrõ musãrẽ gojãa. Yu gojari, ãrĩgatori meta ããrã.

21 Jerusalẽgue ããrĩdi Siria nikũgue, Cilicia nikũgue waabu.

22 Iripoere Judea nikũgue ããrĩã Jesucristore buremurĩ buri marã yure ïãmasĩbirima.

23 Yaa kere direta pẽnerã ããrĩmã. ïgũsãrẽ yaamarẽ wererã ãsũ ãrĩ werenerã ããrĩmã: “Sõõ ããrĩdeapoeguere marĩrẽ ñerõ iridũari merã buro ïãturitũyadi, marĩ Jesucristore buremurĩrẽ peodũadi daporague masakare: ‘Jesucristore buremuka!’ ãrĩ weregorenagũ iriayupu”, ãrĩ werenerã ããrĩmã.

24 Irasirirã Judea nikũgue ããrĩã Jesucristore buremurã yu ïgũrẽ buremurĩrẽ pẽrã, Marĩpũre usũyari sĩnerã ããrĩmã.

## 2

*Jesús buedoregu pĩnerã Pablõre õãrõ bokatĩrĩñeãdea*

1 Catorce bojori pũru, dupaturi Jerusalẽgue Bernabé merã waabu doja. Tito wãikũgũdere ããbu.

2 Marĩpũ yure irogue waadõremi. Irasirigu irogue waabu. Iroguere eja, Jesũre buremurã oparã merã dita nerẽ, werenĩbu. Judío masaka ããrĩmerãrẽ Marĩpũ Cristo merã marĩrẽ tauri kerere yu buedeare ïgũsãrẽ werebu. Yu

neōgorague buenugādeare, dapora yu buerire: “Diaye āārā, ōāgorāa”, ārī masīburo, ārīgū, irasū ārī werebu. Gajerā yu buerire: “Wajamāa”, ārīrī, ārīgū, irasū ārī werebu.

<sup>3</sup> Titodere, ĩgū judío masakū āārībirikererū: “Gua judío masaka iririkurosū dupuma gasirogārē\* wiiriro gāamea”, neō ārībirima.

<sup>4</sup> Irire dorebirikererū, gajerā ubu ārīboerā gapu: “Moisés doredorederosūta dupuma gasirogārē wiiriro gāamea”, ārīma. ĩgūsā Jesúre b̄remugatorā, irigatorimasā āārīmā. Irasirirā, gua judío masaka āārīkererā Jesúre b̄remurā iririre ĩāmurā gua nerērōgue gua merā nerēnama. “Gware peamegue waabonerārē tausūmurā, Jesucristore b̄remurō gāamea. Moisés doredeare iriri merā tausūbirikoa”, ārīmakū ĩāma. Irire ĩārā: “Moisés doredeare irirā dita tausūrākuma, irasirirā ĩgū doredeare irika!” ārīma. Gware irire b̄remudorerā, irasū ārīma.

<sup>5</sup> ĩgūsā gware irasū dorekererū, neō ĩgūsā dorerire iribiribu. Gua musārē Jesucristore b̄remurī merā dita tausūrākoa, ārīrī kerere: “Diaye āārā”, ārī b̄remunīmakū gāamea. Irasirirā ĩgūsā dorerire neō iribiribu.

<sup>6</sup> Jesúre b̄remurā oparā yure: “Āsū gapu wereka!” ārībirima. “Judío masaka āārīmerārē: ‘Gua ñekūsāmarārē Moisés iridoredeare iriro gāamea’, ārī wereka!” ārībirima. ĩgūsārē masaka b̄remukererū, Marīpu āārīpererārē surosū ĩāmi. Irasirigu: “Īsā oparā, yu nemorō āārīma”, ārī gūñabiribu. “Marīpu ĩgūsārē beyederosūta yudere beyemi”, ārī gūñabu.

<sup>7</sup> Oparā irasū yure: “Āsū gapu wereka!” ārīrōno irirā, yure ĩāmasī, āsū ārīma: “Mude, Marīpu judío masaka āārīmerārē Jesucristoya kerere weredoregu beyepīdita āārā. Marīpu Pedrore judío masakare iri kerere weredorederosūta mudere iri kerere weredoreñumi”, ārīma yure.

<sup>8</sup> Marīpu Pedrore judío masakare Jesucristoya kerere weredoregu iriudi āārīmī. ĩgūta yudere judío masaka āārīmerā puro iri kerereta weredoregu iriumi.

<sup>9</sup> Jerusalēgue Jesúre b̄remurā urerā oparā: Santiago, Pedro, Juan wāikurā āārīmā. Gajerā oparā nemorō āārīmā. ĩgūsā yure Marīpu ĩgū maīrī merā beyepīdi yu āārīmakū ĩāmasī, yure, Bernabédere ōārō bokatīrī: “Marī surosū moārākoa”, ārīma. “Musā Jesucristoya kerere judío masaka āārīmerārē wererā waaka!” ārīma. “Gua gapu judío masakare wererākoa”, ārīma.

\* 2:3 Gn 17.1-14: Iripoegue Marīpu Abrahārē ĩgū pūrā ūmarē: “Yaarā āārīburo”, ārīgū, ĩgūsāya dupuma gasirogārē wiiridoredi āārīmī. Puru iri dorerire Moisére pīdi āārīmī. Irasirirā judío masaka Abraham parāmerā āārīturiarā iri dorerire irirā, ĩgūsā pūrā ūmarē su mojōma pere gaji mojō ureru pērēbejarinarī waaró merā ĩgūsā deyoadero puru irasū yāma.

<sup>10</sup> Gware: “Bopoñarārē iritamuka!” ārīrī direta werema. I dita āārībú: “Yū ōārō irigura”, ārī, buro gūñadea.

*Pablo Pedore Antioquia wēredea*

<sup>11</sup> Pura gwa Antioquia wāikuri makāgue āārīripoe Pedro ejami. Īgū iroque ejadero pura keoro iribirimakū ĩā, ĩgūguereta turaro merā werebu.

<sup>12</sup> Iro dupuyuro ĩgū iroque āārīgū, judío masaka āārīmerā Jesúre buremurā merā baa, āārīrikukōāyuru. Īgū irasiripoe gajerā judío masaka Santiago iriunerā ejañurā. Īgūsā ejamakū ĩā, judío masaka āārīmerā merā āārādi āārīduúkōāyuru: “Yure turibokuma”, ārīgū. Iroque ejanerā judío masaka āārīmerārē: “Moisés dorederosūta dupuma gasirogārē wiiriro gāāmea”, ārī weregorenarā iriñurā. Irasirigu Pedro, Antioquia marā ĩgūsāya dupuma gasirogārē wiirisūbirinerā āārīmakū, ĩgūsā merā baa, āārīrikūadi duúkōāyuru.

<sup>13</sup> Īgū irasirimakū ĩārā, gajerā judío masaka Jesúre buremurā, ĩgū irirosūta irigatori merā iriñurā. Judío masaka āārīmerā merā āārīrikuanerā, ĩgūsā merā baanerā baanemobiriñurā. “Īgūsā merā baaduúmakū ōābea”, ārī masikeregu, Bernabéde ĩgūsā irirosūta iriyuru.

<sup>14</sup> Īgūsā: “Jesucristore buremurī merā dita tausūrākoa”, ārīrī kerere masīkererā, keoro iribirima. Irasirigu, irire ĩā, Pedore āārīpererā Jesucristore buremurā ĩūrōgue buro turaro merā āsū ārī werebu: “Mū judío masakū āārīkeregu, judío masaka āārīmerā irirosūta ĩgūsā merā baa, āārīkōābu. Mū irasirigu, Moisés marīrē judío masakare iridorederosū iribiribu. ¿Nasirigu judío masaka āārīmerā gapure: ‘Gwa judío masaka iririkurire irika!’ ārīduri?” ārību ĩgūrē.

*Āārīpererā Jesúre buremurā tausūrākuma, ārī gojadea*

<sup>15</sup> Gwa neō deyoarāgueta judío masaka āārīsianerā āārībú. Gaji buri marā irirosū Marīpu Moisére doreri pídeare tarinugābea.

<sup>16</sup> Irasū āārīkererā, ire masīa. Marīpu Moisére ĩgū doreri pídeare masaka irimakū meta ĩgūsārē: “Ōārā, waja opamerā āārīma”, ārī ĩāmi. Masaka Jesucristore buremumakū, Marīpu ĩgūsārē: “Ōārā, waja opamerā āārīma”, ārī ĩāmi. Irasirirā gwade Jesucristore buremunugābu. Īgūrē buremumakū, Marīpu gwadere: “Ōārā, waja opamerā āārīma”, ārī ĩāmi. Marīpu, iri doreri pídeare gwa irimakū meta gware irasū ārī ĩāmi. Neō sugū masakū iri doreri pídeare iripeomasībemi. Irasirigu Marīpu neō sugure: “Yū dorerire iripeokōāmi, irasirigu ĩgūrē: ‘Ōāgū āārīmi’, ārī ĩāa”, ārībirikumi.

17 Irasirirā: “Gua Jesucristore b̄remumakū, Marīpu guare: ‘Ōārā, waja opamerā āārīma’, āri iāmi”, ārīrā: “Gua judío masakade Marīpu Moisére doreri pídeare iripeobirikoa, irasirirā guade ñerō yāa”, āri masīa. ¿Irire irasū āri masīrā: “Jesucristore b̄remusīā, ñerō irikerepuru, oāgorāa”, ārīrā yári? Irire neō ārībea. Jesucristo guare īgūrē b̄remurārē ñerō siiu irigu meta āārīmi.

18 Irasirigu masakare āsū āri werea. “Jesucristore b̄remumakū, Marīpu m̄sārē: ‘Ōārā, waja opamerā āārīma’, āri iāmi” āri werea. “Marīpu Moisére īgū doreri pídeare m̄sā irimakū, m̄sārē: ‘Ōārā, waja opamerā āārīma’, āri iāmi”, ārīgū meta yāa. Īgūsārē: “Marīpu Moisére doreri pídeare m̄sā iriri merā Marīpu iūrō waja opabirikoa”, ārīgū, yude waja opabokoa irire iripeobirisīā.

19 Iripoeguere: “Yū, Marīpu Moisére doreri pídeare irigu, īgū iūrō waja opabi āārīgukoa”, āri gūñadibu. Irasū āri gūñakeregu, bokatībirikubu. Waja opagu, peamegue waabodi āārībú. Daporare: “Iri dorerire iriri merā Marīpu merā oārō āārā”, neō āri gūñanemobea. “Jesucristore b̄remusīā, Marīpu merā oārō āārī, īgū gāāmerīrē yāa”, āri masīa.

20 Jesucristo Marīpu magū yure maīgū curusague boagu, yū ñerō iridea wajare wajaribosadi āārīmí. Yū īgūyagu āārīsīā, īgū boaderosūta yude īgū merā boadi irirosū waadi āārībú. Sugū boagu īgū iriduarire neō irinemomasībi irirosū waadi āārībú. Irasirigu Cristore b̄remusīā, yū iriduarire piri, īgū turaro merā īgūyare irigu yāa.

21 Yū: “Marīpu Cristo merā marīrē oārō iritamudi āārīmí”, āri b̄remurīrē piridubea. Marīpu Moisére īgū doreri pídeare marī iriri merā waja opabirimakū, Cristo marī ñerō iridea waja boabosadea wajamarībokuyo.

### 3

*¿Moisés doredeare iriri merā, o Jesucristore b̄remurī merā Marīpyarā āārīrī? āri gojadea*

1 M̄sā Galacia marā pémasīmerā irirosū irirā yāa. ¿Nasirirā ārīgatorimasā buerire pénuḡārī? Īgūsā buerire pésīā, Jesucristoya diayema kerere b̄remurīrē pirirā yāa. Gua, m̄sā p̄rogue āārīrā, m̄sārē Jesucristo curusague boadea kerere diaye werebu. Iri gua wererire m̄sā oārō pébu.

2 Irasirigu m̄sārē ire sērēñaduakoa. ¿M̄sā Moisés doredeare iriri merā Ōāgū deyomarīgūrē opanuḡārī? Īgūrē opabiribu. Jesucristoya kerere pérā, īgūrē b̄remunūḡārā, Ōāgū deyomarīgūrē opanuḡābu.

3 ¿Nasirirã daporare pémasīmerã irirosũ irirã yári? Musã Jesucristore b̄remurã Ōãgũ deyomarīgũ iritamurĩ merã Marĩp̄u dorerire irin̄gãb̄u. ¿Nasirirã daporare ĩgũ iritamurĩ marĩrõ musã basi musã turari merã iri dorerire iripeod̄uari?

4 ¿Musã Jesucristore b̄remun̄gãripoe gajerã musãrẽ ñerõ tarimakũ irideare gũñaberi? Daporare ĩgũya kerere b̄remuduúrã: “Ubugora irire b̄remub̄u”, ¿ãrĩ gũñarĩ?

5 Marĩp̄u musãrẽ ĩgũyagure Ōãgũ deyomarīgũrẽ iriudi ããrĩmĩ. Ōãgũ deyomarīgũ musã merã ããrĩmakũ, Marĩp̄u ĩgũ turari merã musã watopeguere wári iri ĩmurĩrẽ irigu yámi. Musã Moisés doredeare irimakũ, ¿irasirigu yári? Iribemi. Musã Jesucristoya kerere pé b̄remumakũ gap̄u irasũ yámi.

6 Abraham Marĩp̄ure b̄remumakũ, Marĩp̄u ĩgũrẽ: “Ōãgũ, waja opabi ããrĩmĩ”, ãrĩ ĩãdi ããrĩmĩ.

7 Irasirirã musã ire masĩka! Abraham Marĩp̄ure b̄remuderõsũta b̄remurãno Abraham parãmerãgora ããrĩma.

8 Marĩp̄uya werenĩrĩ gojadea pũgue judío masaka ããrĩmerãdere ĩgũsã Marĩp̄ure b̄remumakũ, Marĩp̄u ĩgũsãrẽ: “Ōãrã, waja opamerã ããrĩma”, ãrĩ ĩãburire gojasiasũdero ããrĩbũ. Marĩp̄u Abrahãrẽ irire weregũ, ãsũ ãrĩdi ããrĩmĩ: “Yũ, m̄u merã ããrĩpereri buri marãrẽ õãrõ irigura”, ãrĩdi ããrĩmĩ.

9 Abraham Marĩp̄ure b̄remumakũ, Marĩp̄u ĩgũrẽ õãrõ iridi ããrĩmĩ. Irasirigu daporadere ããrĩpererã ĩgũrẽ b̄remurãnorẽ õãrõ yámi.

10 “Moisés doredeare irimakũ, Marĩp̄u marĩrẽ: ‘Ōãrã, waja opamerã ããrĩma’, ãrĩ ĩãgũkumi”, ãrĩ gũñarãnorẽ Marĩp̄u wajamoãgũkumi. Marĩp̄uya werenĩrĩ gojadea pũgue irimarẽ ãsũ ãrĩ gojasũdero ããrĩbũ: “Ããrĩpereri Moisés doredeare iripeomerãno wajamoãsũrãkuma”, ãrĩ gojasũdero ããrĩbũ.

11 Neõ sugũ Moisés doredeare iripeomasĩgũ mámi. Irasirigu Marĩp̄u neõ sugũre: “Yũ dorerire iripeokõãmi, irasirigu ĩgũrẽ: ‘Ōãgũ ããrĩmĩ’, ãrĩ ĩãa”, ãrĩbirikumi. Irire marĩ masĩa. Marĩp̄uya werenĩrĩ gojadea pũgue ãsũ ãrĩ gojasũdero ããrĩbũ: “Marĩp̄u ĩgũrẽ b̄remurãrẽ: ‘Ōãrã, waja opamerã ããrĩma’, ãrĩ ĩãmi. Irasirirã ĩgũ merã õãrõ ããrĩnĩkõãrãkuma”, ãrĩ gojasũdero ããrĩbũ.

12 Moisés doreri gojadea pũgue: “Marĩp̄ure b̄remugũno Marĩp̄u ĩũrõ waja opabi ããrĩmĩ”, neõ ãrĩ gojasũbiribu. ãsũ gap̄u ãrĩ gojasũdero ããrĩbũ: “Ããrĩpereri Moisés doredeare iripeogũno, Marĩp̄u merã õãrõ ããrĩnĩkõãgũkumi”, ãrĩ gojasũdero ããrĩbũ. Iri dorerire iripeobi gap̄ure Marĩp̄u ĩgũrẽ: “Yũ ĩũrõ waja opami, yũ merã neõ õãrõ ããrĩbirikumi”, ãrĩ ĩãgũkumi.

13 Irasirigu, marĩ ããrĩpererã Moisés doredeare iripeobirimakũ, Marĩpu marĩrẽ: “Iri dorerire iripeobema”, ãrĩgũ: “Waja opama”, ãrĩdi ããrĩmĩ. Irasirigu Jesucristo curusague pábiatúsũgũ, waja opagu irirosũ marĩrẽ wajamoãbodeare boa, wajaridi ããrĩmĩ. Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Sugu yukugue siasiusũadi, Marĩpu wajamoãdoreadi ããrĩmĩ”, ãrĩ gojasũdero ããrĩbũ. Jesucristo boari merã marĩ ñerõ iridea wajare taudi ããrĩmĩ.

14 Īgũ marĩ ñerõ iridea wajare boa, wajaribosadea merã Marĩpu Abrahãrẽ: “Irasũta irigũra”, ãrĩderosũta judío masaka ããrĩmerãdere iridi ããrĩmĩ. Irasirigu Īgũ ãrĩderosũta marĩrẽ Jesucristore bũremurãrẽ: “Õãrã, waja opamerã ããrĩma”, ãrĩ ãã, Õãgũ deyomarĩgũrẽ sĩdi ããrĩmĩ marĩ merã ããrĩburo, ãrĩgũ.

*Marĩpu: “Abraham merã ãsũ irigũra”, ãrĩdea*

15 Yaarã, masaka Īgũsã iririkurire, su keori merã mũsãrẽ weregũra. Īgũsã: “Ãsũ irirã!” ãrĩ, oparã puo papera ãmukuma. Īgũsã irire ãmuadero puu, neõ gajerã Īgũsãrẽ: “I pũrẽ béokõaka! Ãsũ gapu gojaka!” ãrĩbirikuma.

16 Marĩpu Abrahãrẽ Īgũ ãrĩdea, i irirosũta ããrã. Gajerã Īgũ ãrĩdeare neõ béomasĩbema. Ãsũ ãrĩ weredi ããrĩmĩ Īgũrẽ: “Mũ parãmi ããrĩturiagu merã ããrĩpereri buri marãrẽ õãrõ irigũra”, ãrĩdi ããrĩmĩ. “Mũ parãmerã ããrĩturiarã merã õãrõ irigũra”, ãrĩbiridi ããrĩmĩ. Ubu gapu: “Mũ parãmi ããrĩturiagu sugu merãta irasirigũra”, ãrĩdi ããrĩmĩ. Irasũ ãrĩgũ, Jesucristore ãrĩgũ iridi ããrĩmĩ.

17 Yu mũsãrẽ wereri ãsũ ãrĩduaro yãa. Marĩpu Abrahãrẽ masakare Īgũ õãrõ iriburire weredi ããrĩmĩ. Puu cuatrocientos treinta bojori puu, Marĩpu Īgũ doreri Moisére pídi ããrĩmĩ. Irire pígu, Abrahãrẽ: “Yu irasirigũkoa”, ãrĩdeare peremakũ iribiridi ããrĩmĩ.

18 Marĩpu, Moisés doredeare irirã direta: “Yu merã õãrõ ããrĩrãkuma”, ãrĩmakũ, Īgũ Abrahãrẽ ãrĩdea wajamarĩbokuyo. Irasũ ããrĩbea. Marĩpu Abrahãrẽ maĩgũ wajamarĩrõ Īgũ: “Ãsũ irigũra”, ãrĩdeare keoro iridi ããrĩmĩ. ((“Ããrĩpererã mũ irirosũ yũre bũremurãrẽ yũ merã õãrõ ããrĩmakũ irigũra”, ãrĩdi ããrĩmĩ.))

19 Iro merẽ, ĩnasirigu Marĩpu Īgũ dorerire Moisére píyuri? Masaka ñerõ irirã, waja oparã ããrĩrĩrẽ Īgũsãrẽ masĩdoregu irire pídi ããrĩmĩ. Abraham parãmi ããrĩturiagu Jesucristo aariripoegue Marĩpu masakare: “Ãsũ irika!” ãrĩ pítũnudi ããrĩmĩ. Jesucristo aarimakũ, Marĩpu Abrahãrẽ: “Mũ parãmi ããrĩturiagu merã ããrĩpereri buri marãrẽ õãrõ irigũra”, ãrĩdea keoro waabu. Marĩpu Īgũ dorerire Īgũrẽ wereboerãrẽ Moisére

weredoredi aãrĩmĩ. Irasirigu Moisés irire pégu, masakare wereturiadi aãrĩmĩ.

<sup>20</sup> Marĩpu Abraham parãmi aãrĩturiagu merã masakare oãrõ iriburire gajerãgue merã Abrahãrẽ weredorebiridi aãrĩmĩ. Igũ basita weredi aãrĩmĩ. ((Irasiriro Abrahãrẽ igũ weredeã gapu, Moisére igũ dorerire pídea nemorõ aãrã.))

*Pablo, Moisés doredeare weredeã*

<sup>21</sup> Iro merẽ, Marĩpu Abrahãrẽ weredeã, igũ dorerire Moisére pídea nemorõ aãrĩmakũ, ãigũ dorerire Moisére pídea gapu wajamarĩyuri? Irasũ aãrĩbiridero aãrĩbũ. ãsũ gapu aãrã. Masaka aãrĩpereri Moisés doredeare iripeori merã Marĩpu merã oãrõ aãrĩmasĩmakũ, Marĩpu irire iripeorãrẽ: “Oãrã, waja opamerã aãrĩma”, ãrĩ iãbodi aãrĩmĩ.

<sup>22</sup> Marĩpuya werenĩrĩ gojadeã pũgue irimarẽ ãsũ ãrĩ gojasũdero aãrĩbũ: “Masaka aãrĩpererã ñerõ irirã, waja oparã aãrĩma”, ãrĩ gojasũdero aãrĩbũ. Irasirigu Marĩpu Abrahãrẽ: “Mu parãmi aãrĩturiagu merã aãrĩpereri buri marãrẽ oãrõ irigũra”, ãrĩderosũta irigũkumi. Aãrĩpererã Jesucristore buremurãrẽ: “Oãrã, waja opamerã aãrĩma”, ãrĩ iãgũkumi.

<sup>23</sup> Marĩ Jesucristoya kerere pé, igũrẽ buremuburi dupuyuro Marĩpu igũ dorerire Moisére pídea direta masĩnerã aãrĩbũ. Irasirirã marĩ ñerõ irideã waja peresugue dobosũnerã marĩrẽ peresu iridi doreri direta masĩrã irirosũ aãrĩnerã aãrĩbũ.

<sup>24</sup> Marĩpu igũ dorerire Moisére pídea merã marĩ iri dorerire iripeomerã aãrĩrĩrẽ masĩmakũ iridi aãrĩmĩ. Pũpu Cristoyare masĩmakũ iridi aãrĩmĩ igũrẽ buremumakũ, marĩrẽ: “Oãrã, waja opamerã aãrĩma”, ãrĩ iãbu.

<sup>25</sup> Daporare Jesucristore buremua. Irasirirã igũrẽ buremusĩã: “Marĩpu Moisére igũ doreri pídeã marĩ irimakũ meta marĩrẽ: ‘Oãrã, waja opamerã aãrĩma’, ãrĩ iãmi”, ãrĩ masĩã.

<sup>26</sup> Irasirirã musã aãrĩpererã Jesucristore buremurĩ merã igũyarã aãrĩsĩã, Marĩpu pũrã aãrã.

<sup>27</sup> Musã aãrĩpererã deko merã wãiyesũnerã aãrĩbũ musã Cristoyarã aãrĩrĩrẽ ãmumurã. Irasirirã igũyarã aãrĩsĩã, igũ irirosũ aãrĩrikũã.

<sup>28</sup> Marĩ aãrĩpererã igũyarã aãrĩsĩã, sugũyarãta aãrã. Irasirigu Marĩpu judío masakare, judío masaka aãrĩmerãdere, moãboerimasãrẽ, moãboemerãdere, ãmarẽ, nomedere sũrosũta iãmi. Irasiriro marĩrẽ Jesucristoyarãrẽ dukawari masĩña máã.

<sup>29</sup> Marĩ Cristoyarã aãrĩsĩã, Abraham parãmerã aãrĩturiarã aãrã. Irasirigu Marĩpu Abrahãrẽ: “Murẽ oãrõ irigũra”, ãrĩderosũta marĩdere irigũkumi. Marĩ Cristoyarã aãrĩmakũ, marĩrẽ irasirigũkumi.



## 4

1 Músārē i keori merā weredhakoā. Sugu majīgū āārīpereri ĩgū paguyare opaturiyabu āārīkeregū, majīgū āārīsīā, sugu moāboegu irirosū āārīkumi.

2 Gajerā ĩgūrē, ĩgūya āārīburidere ĩaduripībosakuma. Irasirigū, ĩgūsā doreri doka āārīkumi. Sunu ĩgū pagu, ĩgū boaburi dupuyuro ĩgūya āārādeare ĩgū magūrē wiaburinerē werepīkumi. “Inu ejamakū, āārīpereri yaa āārīdeare yu magūrē wiaka!” āārīkumi. Irasirirā irinu ejamakū, ĩgūrē wiakuma pama.

3 Marīde Jesucristore bhremuburi dupuyuro marī ñekūsāmarā i ũmumarē buerire irituyarā, majīgū ĩgū āārīderosū marī ñekūsāmarā doreri doka āārīunanerā āārībú. Irasirirā gajerārē moāboerā irirosū āārīnerā āārībú.

4 Irasū āārīkerepuru, Marīpu gapu ĩgū: “Āsū irigūra”, āārīdeanu ejamakū, keoro ĩgū magūrē i ũmuguere iriudi āārīmí. ĩgū iriumakū, sugu nomeōguere deyoadi āārīmí. ĩgū judío masakū āārīsīā, Marīpu doreri Moisére pīdeare iridi āārīmí.

5 Marīpu ĩgū magūrē, marī iri dorerire iripeobiri wajare boa, wajaribosadoregu iriudi āārīmí ĩgū pūrā waaburo, ārīgū.

6 Irasirigū Marīpu marīrē: “Yu pūrā āārīsīama”, ārīgū, ĩgū magū Jesucristo merā Ōāgū deyomarīgūrē iriudi āārīmí. Irasirirā Ōāgū deyomarīgū iritamurī merā Marīpūre: “Gupū”, ārī masīa.

7 Marī, Marīpu pūrā āārīsīā, moāboerimasā irirosū āārībea pama. Irasirirā āārīpereri Marīpu ĩgū magū Cristo iridea merā marīrē ĩgū pūrārē sīburire ñeārākoā.

*Pablo Jesúsre bhremurārē Galaciague āārīrārē gūñarikudea*

8 Iripoeguere musā Marīpūre masībirisīā, gajerānorē bhremunerā āārībú. ĩgūsārē bhremurā, ĩgūsā doreri doka āārītuuyaníā irirosū āārīnerā āārībú. Marīpugorare bhremubirinerā āārībú.

9 Dapora musā Marīpūre masīa. ĩgū musārē masīgū ĩgūrē masīmakū iridi āārīmí. Musā ĩgūrē masīsīā, musā iripoegue ubu āārīrīrē bhremudeare bhremuduúkōānerā āārībú. Irasirikererā, daporare Moisés doredeare iripeodharā, musā ubu āārīrīrē bhremupurorideare bhremurā irirosū irirā yāa. ¿Nasirirā irire irasirirā yári? ¿Nasirirā dupaturi moāboerimasā irirosū āārīdharī doja?

10 Musāde, Marīpu merā ōārō āārīdharā, judío masaka bosenuī irinarōsūta iriadikoā. Iri bosenuīrē irirā, siuñajārīnarīkū, abe deyoarikū, gajinurī bosenuīkū, bojorīkū bosenuīrē irikoā.

11 Musā irasirimakū pégu: “¿Yu ĩgūsārē ubugora bueyuri?” ārīgū, buro musārē gūñarikua.

12 Yaará, yu musārē āsū irimakū gāāmea. Musā judío masaka āārībirisīā, Moisés doredeare iribirinerā āārībú. Yude, judío masakū āāríkeregu, musā iriderosūta iri dorerire iribea. Irasirigu dupaturi musādere yu irirosū irimakū gāāmea. Marī Jesucristore b̄remusīā, Marīpu merā ōārō āārīmasīa. Yu musārē Jesucristoyare buemakū, musā yure neō ñerō iribiribu.

13 Musā masīa. Yu, Jesucristo masakare tauri kerere musārē buer̄p̄origu, pūr̄irikubu.

14 Yu pūr̄irikumakū musārē diasagorabu. Irasū āāríkerepu, musā yure iāturi doobiribu. Ubu gapu Marīp̄ure wereboegure irirosū ōārō bokatīr̄ñeābu. Jesucristore irirosū yure ōārō iribu.

15 Musā yu merā usuyari opadea, ¿naāsū waáari? Ire yu masīa. Musā irasirimasīrā, musāya koyere yure wea s̄bokuyo yure iritamumurā.

16 Yu musārē diayemarē weredeadea waja daporare yure: “Guare iāturigu irirosū irigu yámi”, ¿ārī iārī?

17 Gajerā ārīgatori merā buerimasā gapu musārē b̄ro iritamuduarā irirosū irikererā, ōārō merā irirā meta āārīma. Musārē guā buerire irituyarire piri, ĩgūsā bueri gapure irituyadorerā yáma.

18 Gajerā musārē iritamuduumakū ōāgoráa. ĩgūsā musārē iritamuduarā, ōārō gūñarī merā iritamuníkōāburo. Yu musā merā āārīmakū direta irasiribirikōāburo.

19 Musā yu pūrā irirosū āārīrārē musāya āārībure gūñagū, dupaturi b̄ro pūr̄isūrī merā ñerō tarigu irirosū āārā. Sugo nomeō pūrākuburi dupuyuro pūr̄irī péñarōsū péñakoa. Musā Jesucristo irirosū āārīrikumakūgue, irasū poyarikatūnugukoa.

20 Yu musā puero musā merā b̄ro āārīduadikoa. Musārē daporata turiro marīrō ōārō pémasīma ōārō weredudikoa. Weredudakeregu, ñeéno merā wereníumasībirikoa.

### *Pablo, Agar, Saraya keori merā weredeadea*

21 Musā, Moisés doredeare iridudakererā, ¿nasirirā iri dorerire ōārō pémasīberi?

22 Marīp̄uya werenírī gojadea pūgue āsū ārī gojasūdero āārībú: “Abraham pērā ūma pūrākudi āārīmí. Sugure ĩgū marāpore moāboego Agar wāikugo merā pūrākudi āārīmí. Gajigure ĩgū marāpo diaye Sara merā pūrākudi āārīmí. Igo, moāboego meta āārīdeo āārīmó”, ārī gojasūdero āārībú.

23 Abraham marāpore moāboego magū marī masaka deyoarosūta deyoadi āārīmí. Abraham marāpo magū gapu Marīpu Abrahārē: “Mu marāpo sugu majīgū pūrākugokumo”, ārīderosūta deyoadi āārīmí.

24-25 Īgūsā pērā nomeya, pe keori irirosū āārā. Saraya: Abraham, Marīpū Īgūrē ārīdeare b̄remuderosūta Jesucristore b̄remurāya keori irirosū āārā. Agarya: Marīpū Sinaí wāikuri buúrugue Arabia nikūgue Īgū dorerire Moisére pídeare irirāya keori irirosū āārā. Agar, moāboego āārīsīā, igo magūde moāboegu āārīdi āārīmī. Irasirirā Moisés doredeare irirā igo magū irirosū āārīma. Moāboerā irirosū iri doreri doka āārīma. Daporare Jerusalén marā Moisés doredeare irirā, Agar magū irirosū āārīma. Irasirirā, moāboerā irirosū iri doreri doka āārīma.

26 Saraya: Jerusalén ūmugasima makā marā Jesucristore b̄remurāya keori irirosū āārā. Sara, moāboego āārībirimakū, igo magūde, moāboegu meta āārīdi āārīmī. Irasirirā marī Jesucristore b̄remurā, Sara magū irirosū āārā. Moāboerā irirosū Moisés doreri doka āārīrā meta āārā.

27 Marīpū Īgūya werenírī gojadea pūgue āsū ārīdi āārīmī:

“Nomeō, m̄ pūrā marīkerego, ʘʘyaka! Sugo nomeō, pūrākugo pūrīrī péñarōsū péñabirikerego, b̄ro ʘʘyaka! M̄ pūrā marīkerep̄m̄, p̄rūguere m̄ parāmerā āārīturiarā wārā āārīrākuma.

Gajego marāp̄kugo igo marāp̄ merā āārīgō parāmerā āārīturiarā nemorō wārā āārīrākuma”, ārīdi āārīmī Marīpū. ((Iri ārīdea āsū ārīduaro yāa. Jesucristore b̄remurā Sara parāmerā āārīturiarā āārīma. Īgūsā, Moisés doredeare irirā nemorō wārā āārīrākuma.))<sup>☆</sup>

28 Irasirirā yaarā, marī Sara magū Isaac irirosū āārā. Marīpū pūrā Abrahārē ārīderosūta Sara Isaare pūrākudeo āārīmó. Irasirigū Marīpū Īgū ārīderosūta marīrē Jesucristore b̄remurārē Īgū pūrā āārīmakū iridi āārīmī.

29 Iripoeguere Agar magū marī masaka deyoaderosūta deyoadi, Sara magū Ōāgū deyomarīgū turari merā deyoadire iāturi, ñerō iridi āārīmī. Daporadere irasūta āārā. Moisés doredeare irirā, marīrē Jesucristore b̄remurārē iāturi, ñerō irirā yāma.

30 Marīpū Īgūya werenírī gojadea pūgue Abrahārē āsū ārīdi āārīmī: “Moāboego magū m̄ sīburire opabirikumi. M̄ marāpo diaye moāboego āārībeo magū gap̄ m̄ sīburire opagakumi. Irasirigū moāboegore, igo magū merāta béoka!” ārīdi āārīmī Marīpū.

31 Irasirirā yaarā, marī Jesucristore b̄remurā, Sara parāmerā āārīturiarā āārā. Moāboego parāmerā āārīturiarā meta āārā. Sara magū Īgū pagū sīburire opaderosūta, marī Marīpū Īgū pūrārē sīburire oparākoa.

☆ 4:27 Is 54.1

## 5

*Pablo: “Jesucristoyare buremurĩrẽ piribirikõõka!”* *ãrĩ go-jadea*

<sup>1</sup> Jesucristo marĩrẽ Moisés doreri doka ããrĩnerãrẽ taudi ããrĩmĩ. Marĩ ñerõ iridea wajare ãgũ boari merã wajari-bosadi ããrĩmĩ, Marĩpũ merã õãrõ ããrĩburo, ãrĩgũ. Irasirirã mũsã Marĩpũ pũrã ããrĩsĩã, Jesucristoyare gũñaturari merã buremunikõõka! ãrĩgatori merã buerimasã mũsãrẽ Moisés doredeare iridoremakũ, ãgũsãrẽ pëbirikõõka! Iri dorerire irirã, moãboerã irirosũ ããrĩma. Irasirirã iri doreri doka neõ ããrĩnemobirikõõka!

<sup>2</sup> Õãrõ péka yũre! Yũ Pablo, mũsãrẽ ire weregũra. “Guaya dupũma gasirogãrẽ wiirirã, Marĩpũ merã õãrõ ããrĩrãkoa”, ãrĩ gũñabirikõõka! Mũsã irasũ ãrĩ gũñamakũ, mũsãrẽ Jesucristo boabosadea wajamarĩboyo.

<sup>3</sup> Irasirigũ gopepyari merã mũsãrẽ werea doja. Marĩpũ merã õãrõ ããrĩburire ãgũsãya dupũma gasirogãrẽ wiirirãnorẽ Moisés doredeare ããrĩpererire iripeoro gããmea.

<sup>4</sup> Mũsã: “Moisés doredeare irimakũ, Marĩpũ guare: ‘Õãrã, waja opamerã ããrĩma’, ãrĩ ããgũkumi”, ãrĩ gũñarã, Jesucristore pirirã yãa. Mũsã irasirirã, Marĩpũ mũsãrẽ maĩgũ õãrõ iritamurĩdere gããmebea.

<sup>5</sup> Marĩ: “Õãgũ deyomarĩgũ iritamurĩ merã Jesucristore buremumakũ, Marĩpũ guare: ‘Õãrã, waja opamerã ããrĩma’, ãrĩ ããmi”, ãrĩ masĩa.

<sup>6</sup> Irasiriro, marĩ Jesucristoyarã ããrĩmakũ, Marĩpũ iũrõ dupũma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamãa. Marĩpũ iũrõ marĩ Jesucristore buremurã ããrĩrĩ gapũ wajakũa. ãgũrẽ buremusĩã, gajerãrẽ maĩa.

<sup>7</sup> Mũsã Jesucristore buremunugãrã, ãgũyare õãrõ iritũyanerã ããrĩbũ. Dapora gapũre gajerã mũsãrẽ ãgũya diayemarẽ õãrõ iritũyabirimakũ irirã yãma.

<sup>8</sup> ãgũsã mũsãrẽ irasirirã Marĩpũ gããmerĩ gapũre irirã meta yãma. Marĩpũta mũsãrẽ Jesucristore buremunugãdoregũ siiudi ããrĩmĩ, Jesucristoyare õãrõ iritũyaburo, ãrĩgũ.

<sup>9</sup> Masaka ãsũ ãrĩ werema: “Pãrẽ irirã, mérõgã pã we-masãrĩ poga merã trigo pogare morëkuma. Pũrũ iri we-masãseyakõõkoa”, ãrĩ werema. I irirosũ, ãrĩgatori merã buerimasã buerire surãyeri irire iritũyarã, pũrũgue mũsã ããrĩpererã ãrĩgatori buerire iritũyarãkoa.

<sup>10</sup> Yũ gũñaturari merã marĩ Opũ Jesucristore buremua. Mũsãde, yũ irirosũ ãgũrẽ buremua. Irasirigũ mũsãya ããrĩburire ãsũ ãrĩ gũñãa: “ãgũsã ãrĩgatori merã buerimasã buerire iritũyarire piri, dupaturi yũ irirosũ Jesucristoya diayemarẽ

iritayarākuma doja”, āri gūñāa. Marīpu, mūsārē āriḡatori merā buerā gapure wajamoḡkumi.

11 Yaarā, gajerā yure āsū ārīma: “Pablo masakare: ‘Marīpu merā oārō āārīduarā, dupuma gasirogārē wiirika!’ āri buemi”, ārīma. Y<sub>H</sub> irire neō irasū āri buebea. Y<sub>H</sub> irasū āri buemakū, judío masaka gajerārē irire iridorerā yure ñerō iribiribokuma. Y<sub>H</sub>, Jesucristo ġū curusague boari merā masakare tauri kere gapure buea. Y<sub>H</sub> irire bueri waja judío masaka yure ñerō tarimakū yāma.

12 Y<sub>H</sub>, ġūsā āriḡatori merā buerimasā mūsārē dupuma gasirogārē wiiridorerārē mūsā puro neō āārīnemobirimakū gāāmea. Mūsārē irasū wiiridoreduarā, ġūsā basi wiiri, pūrā marīrā dujaburo.

13 Yaarā, Marīpu mūsārē Moisés doreri doka āārīburo, āriḡū meta siiudi āārīmī. Irasirirā: “G<sub>H</sub>a gāāmerō ñerī uaribejarire irimakū oārokoa”, āri gūñabirikōāka! Āsū gapu irika! Maīrī merā gāme iritamunīka!

14 Mūsā gajerārē diaye maīrā, Moisés doredeare āārīpererire irirā yāa. Irasūta āri gojasūdero āārībú: “M<sub>H</sub> basi maīrōsūta mu puro āārīrādere maīka!” āri gojasūdero āārībú.

15 Irasirirā pémasīka! Mūsā gāme ġāturiduúmerā, pūrīsūrī sītīrī wereníduúmerā, mūsā basi gāme dukawaripereakōārākoa.

*Pablo: “Oāḡū deyomarīḡū gāāmerīrē irinīka!” āri weredea*

16 Y<sub>H</sub> mūsārē āsū āri werea. Oāḡū deyomarīḡū gāāmerīrē irinīka! Mūsā irasirirā, mūsā gāāmerō ñerī uaribejarire iribirikoa.

17 Marī ñerī uaribejari, Oāḡū deyomarīḡū gāāmerī meta āārā. Irasirirā marī ñerī uaribejarire irirā, Oāḡū deyomarīḡū gāāmerīrē irirā meta yāa. Oāḡū deyomarīḡū gāāmerī gapure irirā, marī gāāmerō ñerī uaribejarire iribirikoa.

18 Marī Oāḡū deyomarīḡū marīrē iridorerire irirā, Moisés doreri doka āārīrā meta āārā. “Marī Moisés doredeare irirā, Marīpu merā oārō āārīrākoa”, āri gūñabea.

19 Masaka ġūsā ñerī uaribejarire irimakū, marī oārō ġāmasīa. ġūsā ñerī uaribejarire irirā, āsū yāma: Ūma, ġūsā marāposā nome āārīmerārē; nomede, ġūsā marāpusāmarā āārīmerārē ñerō gāmebiragorenama. Āārīpereri ḡuyasīūrī, ñerō iririre yāma. ḡuyasīūrō marīrō ñerō iririre taubéokōāma.

20 Keori weadeare buremuma. Yéa iririre yāma. Gajerārē ġāhuri dooma. Gāme guaseoma. Gāme ġāturima. Gajerā merā mata gua, sītīrī wereníma. ġūsāya āārīburi direta gūñama. ġūsā gāāmerī direta iriduarā, ġūsāya bumarārē gāme dukawarimakū yāma.

21 Gajerārē gajinorē ĩgūsā opamakū, ĩaturima. Masakare wējēbéoma. Mejārikurā āārīma. Bosenūrē irirā, mejārā űērīrē yāma. Irasū āārīmakū, wāri gajino űērīdere yāma. Irasirigū ʏ mʏsārē ārīderosūta gopeyari merā werea doja. Iri űērīrē irinīgūno, Marīpʏ ĩgūyarārē doreroguere waabirikumi.

22 Őāgū deyomarīgū gapʏ marīrē ĩgūyare irimakū yāmi. Irasirirā ĩgū iritamurī merā masakare maīa. Ŭsʏyari opāa. Siuñajārī merā āārīrikʏa. Gajerā marīrē űerō irikerepʏʏ, ĩgūsā merā guabea. Masakare bopoñarī merā ĩāa. ĩgūsārē ōārō gūñarī merā iritamua. Piriro marīrō Marīpʏ gāāmerōsū gajerārē keoro ōārō yāa.

23 “Gajerā nemorō āārā”, ārī péñabea. Marī űerī ʏaribejarire iridʏakererā, iribea. Őāgū deyomarīgūyare irirā, irasūta yāa. Gajigʏ irasirirānorē: “Irire irasiribirikōāka!” neō ārībemi.

24 Marī Jesucristoyarā āārīsīā, marī űerī ʏaribejarire piribu. Irasirirā marī gāāmerīrē, marī űerō iridʏarire iribea.

25 Marī, Őāgū deyomarīgū iritamurī merā Marīpʏ merā ōārō āārīrikʏa. Irasirirā Őāgū deyomarīgū marīrē iridorerire ĩgū iritamurī merā irinīkōārō gāāmea.

26 Irasirirā marī: “Gajerā nemorō āārā”, ārībirikōārā! Marī werenīrī merā gajerārē gāme ĩaturimakū iribirikōārā! Gajerā ōārō āārīrikʏarire ĩaturibirikōāka!

## 6

*Pablo: “Mʏsā Jesucristore bʏremurā gāme iritamuka!” ārī gojadea*

1 Yaarā, sugʏ Jesúre bʏremugū űērīrē irimakū ĩārā, mʏsā Őāgū deyomarīgū iridorerire irirā ĩgūrē iritamuka, ĩgū iri űerō iririre piriburo, ārīrā! “Gʏa, ĩgū nemorō āārā”, ārī gūñarō marīrō ōārō merā ĩgūrē wereka! Irasū iritamurā, ōārō pémasīka, mʏsāde ĩgū irirosūta űērīrē iriri, ārīrā!

2 Mʏsā bʏjawererānorē, gūñaturamerānorē, űerī ʏaribejarire tarinʏgāmasīmerānorē iritamuka! Mʏsā irasū iritamurā, Jesucristo dorederosūta irirākoa.

3 Sugʏ ōārīrē iribirikeregʏ: “ʏ ōārīrē irigʏ āārā”, ārī gūñagū, ĩgū basi ārīgatogʏ yāmi.

4 Marī masakakʏ: “¿Őārō irigʏ yāri?” ārīrā, marī basi marī iririre pémasīrī merā gūñarō gāāmea. Irasiridero pʏʏ, marī iriri ōārī āārīmakū: “Gajerā nemorō āārā”, ārī gūñarō marīrō ʏsʏyari merā: “ʏ ōārīrē yāa”, ārī masīrākoa.

5 Irasirirā marī masakakʏ, Marīpʏ ĩūrō ĩgū: “Yaare irirā, āsū irika!” ārī pídeare ōārō iriro gāāmea.

<sup>6</sup> Músã Jesúya kerere buerimasãrẽ iritamuka! Ìgūsã mūsãrẽ bueri waja, mūsã òãrĩ oparire Ìgūsãrẽ dukawaka, Ìgūsã gããmerĩrẽ opaburo, ãrĩrã!

<sup>7</sup> Músã basi ãrĩgatobirikõãka! Marĩpũre goepeyari marĩrõ merã: “Yũ ñerõ irimakũ, yũre wajamoãbirikumi”, ãrĩ gũñabirikõãka! Marĩ òãrĩ oterã, pũrugue òãrĩ dukare bokarosũ marĩ òãrĩ irirã, pũrugue òãrĩrẽ bokarãkoa. Ñerĩrẽ irirã, pũrugue ñerĩrẽ bokarãkoa.

<sup>8</sup> Sugũ Ìgũ ñerĩ ñaribejarire irinígũno, Ìgũ ñerĩ iridea waja ñerĩrẽ bokagũkumi. Perebiri peamegue wajamoãsũgũkumi. Òãgũ deyomarĩgũ gããmerĩrẽ irigũ gapũ òãrĩrẽ bokagũkumi. Marĩpũ pũro perebiri okari opagũkumi.

<sup>9</sup> Irasirirã Òãgũ deyomarĩgũ gããmerõsũ gariborero marĩrõ òãrĩrẽ irinikõãrã! Marĩpũ iridũarinũ ejamakũ, marĩrẽ òãrĩ iririre pirimerãrẽ òãrĩrẽ sīgũkumi.

<sup>10</sup> Irasirirã noó waaró ããrĩpererã marĩ bokajarãnorẽ òãrĩrẽ irirã! Marĩyarãrẽ Jesucristore bũremurãrẽ neõ piriro marĩrõ Ìgūsãrẽ òãrĩrẽ irinikõãrã!

### *Pablo weretũnudea*

<sup>11</sup> Ìãka! Yũ basi mūsãrẽ ire gojadũakoa. Irasirigũ i pagari gojari merã mūsãrẽ ãsũ ãrĩ gojagũ yãa.

<sup>12</sup> Ìgūsã mūsãrẽ dupũma gasirogãrẽ wiiridorerimasã, Ìgūsãrẽ gajerã judío masaka òãrõ gũñamakũ gããmerã, irasũ wiiridorema. Marĩ Jesucristo Ìgũ curusague boadea merã masakare tauri kerere bueri waja judío masaka marĩrẽ turi, ñerõ yãma. Mūsãrẽ dupũma gasirogãrẽ wiiridorerimasã gapũ gajerã Ìgūsãrẽ turi, ñerõ irimakũ gããmemerã, mūsãrẽ irasũ wiiridorema.

<sup>13</sup> Ìgūsã Ìgūsãya dupũma gasirogãrẽ wiirisũnerã ããrĩkererã, ããrĩpereri Moisés doredeare iripeobema. Iri dorerire iripeobirikererã, gajerã judío masaka péuro: “Gũã Moisés doredeare iridoremakũ, Galacia marã, gũã iridoredersũta irima”, ãrĩdũarã, mūsãrẽ irasũ wiiridorema.

<sup>14</sup> Yũ tamerã Ìgūsã irirosũ irasũ ãrĩrĩrẽ gajerã péuro neõ ãrĩbirikoa. Marĩ Opũ Jesucristo Ìgũ curusague boari merã marĩ ñerõ iridea wajare wajaribosadea kere direta masakare weregũkoa. Jesucristo yũre yũ ñerõ iridea wajare taudi ããrĩmakũ, i ùmũma ñerĩ ñaribejari iririre piribũ. I ùmũ marã yũre Ìgūsã irirosũ ñerĩ ñaribejarire iridoremakũ, neõ iribea.

<sup>15</sup> Irasiriro, marĩ Jesucristoyarã ããrĩmakũ, Marĩpũ iũrõ dupũma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamáa. Marĩ Jesucristoyarã ñajãmakũ, Marĩpũ marĩrẽ maama ããrĩrikũrĩre opamakũ iridi ããrĩmĩ. Iri maama ããrĩrikũrĩre opari dita wajakũa.

16 Marĩpu ããrĩpererãrẽ yu Jesucristoyare buerire irituyarãrẽ bopoñarĩ merã ãã, siuñajãrĩ merã ããrĩrikamakũ iriburo. Marĩpu ããrĩpererãrẽ ããrĩpererãrẽ irasiriburo.

17 Yu Jesucristoyare buedea waja gajerã yure pá, yaa dupure kãmitú, ñerõ tarimakũ irima. Ñgũsã irasiridea merã yu Jesucristore moãboegũ ããrĩrĩrẽ masĩsũa. Irasirirã dapora merã neõ sugũ yure garibonemobirikõãburo. Yu buerire: “Diaye ããrĩbea”, ãrĩ, yure ñerõ werenínemobirikõãburo.

18 Yaarã, marĩ Opũ Jesucristo masãrẽ ããrĩpererãrẽ õãrõ iriburo. Irasũta iriburo.

Iropãta ããrã.

Pablo



## EFESIOS

*Pablo Efeso marãrê õãdoredea*

<sup>1</sup> Y<sub>H</sub> Pablo, m<sub>u</sub>sãrê õãdoredea. Marĩp<sub>H</sub> gããmederosũta Jesucristo y<sub>H</sub>re ãgũyare buedoreg<sub>H</sub> pími. Irasirig<sub>H</sub> m<sub>u</sub>sãrê Efeso marãrê Marĩp<sub>H</sub>yarãrê Jesucristore b<sub>u</sub>remurãrê gojáa.

<sup>2</sup> Marĩp<sub>H</sub> ããrĩnĩgũ, marĩ Op<sub>H</sub> Jesucristo m<sub>u</sub>sãrê õãrõ iritam<sub>u</sub>, siuñajãrĩ merã ããrĩrik<sub>u</sub>makũ iriburo.

*Marĩp<sub>H</sub>, Cristo merã marĩrê õãrõ iritam<sub>u</sub>mi, ãrĩ gojadea*

<sup>3</sup> U<sub>H</sub>yari sĩrã marĩ Op<sub>H</sub> Jesucristo Pag<sub>H</sub>re! ãgũ marĩrê Cristoyarãrê ããrĩpereri ãm<sub>u</sub>gasimarê, marĩya y<sub>H</sub>upũrãrĩma õãrĩrê sĩdi ããrĩmĩ.

<sup>4</sup> I ãm<sub>u</sub> iriburi dupuyuro marĩrê Cristoyarã ããrĩmurãrê beyedi ããrĩmĩ ãgũ ãũrõ õãrã, waja opamerã ããrĩburo, ãrĩgũ.

<sup>5</sup> Neõgoragueta ãgũ marĩrê maĩgũ ãgũ gããmederosũta Jesucristo iridea merã marĩrê: “Y<sub>H</sub> pũrã ããrĩmakũ irig<sub>u</sub>ra”, ãrĩ beyepĩsiadi ããrĩmĩ.

<sup>6</sup> Marĩp<sub>H</sub> marĩrê b<sub>u</sub>ro bopoñarĩ merã ããsãã, ãgũ magũ ãgũ maĩgũ merã marĩrê ãgũyarãrê õãrõ iridi ããrĩmĩ. Irasirirã ãgũrê u<sub>H</sub>yari sĩnĩkõãrã!

<sup>7</sup> ãgũ magũ boag<sub>u</sub>, ãgũ dí béori merã marĩ ñerĩ iridea wajare wajaribosadi ããrĩmĩ. Irasirig<sub>H</sub> Marĩp<sub>H</sub> marĩrê b<sub>u</sub>ro maĩgũ, marĩrê bopoñarĩ merã ããgũ, marĩ ñerĩ irideare kãtidi ããrĩmĩ.

<sup>8</sup> Marĩrê irire masĩburo, ãrĩgũ, ããrĩpereri masĩrĩ, pemasĩrdere sĩdi ããrĩmĩ.

<sup>9</sup> ãgũ iriburire marĩ dupuyurogue masĩbirideare marĩrê masĩmakũ iridi ããrĩmĩ. Irasirig<sub>H</sub> marĩrê: “Y<sub>H</sub> gããmerõsũta u<sub>H</sub>yari merã ãsũ irig<sub>u</sub>ra”, ãrĩdeare masĩmakũ iridi ããrĩmĩ.

<sup>10</sup> ãgũ: “Ãsũ irig<sub>u</sub>ra”, ãrĩdeare iriripoe ejamakũ, ããrĩpereri irig<sub>u</sub>kumi. Irasirig<sub>H</sub> ããrĩpererã ãm<sub>u</sub>gasi ããrĩrãrê, i nikũ ããrĩrãdere Cristore ãgũsã Op<sub>H</sub> ããrĩmakũ irig<sub>u</sub>kumi.

<sup>11</sup> Iripoegueta Marĩp<sub>H</sub> g<sub>u</sub>are Cristo merã õãrõ ããrĩmurãrê beyesiadi ããrĩmĩ ãgũ sĩg<sub>u</sub>ra, ãrĩdeare opaburo, ãrĩgũ. ãgũ gããmederosũta i ããrĩpererire õãrĩ irig<sub>u</sub>ra, ãrĩdeare irisiadi ããrĩmĩ.

<sup>12</sup> G<sub>u</sub>are Cristore b<sub>u</sub>remup<sub>u</sub>rorinerãrê irasiridi ããrĩmĩ. ãgũ g<sub>u</sub>are wãri õãrĩrê irimakũ ããrãã, ãgũrê: “Õãtaria m<sub>u</sub>”, ãrĩ, u<sub>H</sub>yari Sãa.

<sup>13</sup> Marĩp<sub>H</sub>, Cristo merã masakare tauri kerere m<sub>u</sub>sãde pébu. Iri diayema kerere pérã, Cristore b<sub>u</sub>remun<sub>u</sub>gãbu. Irasirig<sub>H</sub> Marĩp<sub>H</sub> m<sub>u</sub>sãrê Cristo merã õãrõ ããrĩmakũ iridi ããrĩmĩ. ãgũ iripoegue ãrĩderosũta Õãgũ deyomarĩgũrê m<sub>u</sub>sãrê iriudi ããrĩmĩ ãgũ merã ãgũyarã ããrĩrê masĩdoreg<sub>u</sub>.

14 Irasirigu Marĩpu marĩrẽ İgũyarãrẽ tariweweremakũ iridero pũũ, İgũ iripoegue: “Sĩgũra”, ãrĩdeare sĩgũkumi. Őãgũ deyomarĩgũ marĩ merã ããrĩgũ, Marĩpu marĩrẽ: “Sĩgũra”, ãrĩdeare marĩ opaburire masĩmakũ yãmi. Irasirirã Marĩpũre: “Őãtaria mũ”, ãrĩ, ʉũyari sĩnikõãrã!

*Pablo Marĩpũre: “Cristore bũremurãrẽ mũyare masĩburo”, ãrĩ sërẽbosarire gojadea*

15 Yũ mũsã õãrõ iririkũrere masĩa. Mũsã marĩ Opũ Jesũre õãrõ bũremua. Mũsã ããrĩpererã gajerã Marĩpũyarãrẽ maĩa.

16 Irasirigu yũ mũsãrẽ gũñagũ, Marĩpũre: “Őãtaria İgũsã irasũ ããrĩmakũ”, ãrĩ, İgũrẽ mũsãya ããrĩburire sërẽnikõãa.

17 Marĩpu, marĩ Opũ Jesucristo Pagũ õãtarimi. Irasirigu yũ İgũrẽ mũsãya ããrĩburire ãsũ ãrĩ sërẽbosãa: “Gũapũ, Őãgũ deyomarĩgũ masĩrĩ sĩka, İgũsã mũyamarẽ pemasĩrĩ merã masĩnemoburo, ãrĩgũ!”

18 Marĩpu, İgũyarã ããrĩmurãrẽ iripoegue ãrĩderosũta mũsãrẽ İgũ beyepĩnerãrẽ sĩgũkumi. Őãtaria İgũ mũsãrẽ sĩburi. Irasirigu yũ Marĩpũre: “İgũsã gũñarĩgue İgũsãrẽ irire õãrõ pemasĩmakũ irika!” ãrĩ sërẽa.

19-20 Gajidere mũsã õãrõ pemasĩburire sërẽbosãa. Marĩpu ããrĩpererã nemorõ turagũ ããrĩmi. İgũ turari merãta marĩ Jesucristore bũremurãrẽ İgũ merã õãrõ ããrĩmakũ yãmi. İgũ iri turari merãta Cristo boadiguere masũ, ʉmũgasigue İgũ diaye gapũ doamakũ iridi ããrĩmĩ İgũrẽ ããrĩpererã Opũ ããrĩdoregũ.

21 İgũrẽ irogue doamakũ irigũ, ããrĩpererã ʉmũgasi, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doregũ wekamũ ããrĩmakũ iridi ããrĩmĩ. Irasirigu Cristo ããrĩpererã daporã marã oparãrẽ, pũrugue marã oparãdere doregũ ããrĩmi.

22 Marĩpu ããrĩpererire, ããrĩpererãrẽ Cristo doka dujamakũ iridi ããrĩmĩ. Irasirigu Cristo, ããrĩpererã marĩ İgũrẽ bũremurĩ bumarã Opũ, marĩ dipuru ããrĩmi.

23 Marĩ İgũrẽ bũremurĩ bumarã, sugũyarãta ããrĩsĩã, İgũya dupũ irirosũ ããrã. İgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri İgũyare opamakũ yãmi.

## 2

*Marĩpu marĩrẽ maĩgũ taurimarẽ gojadea*

1 Iripoeguere Jesucristore bũremuburo dupuyuro mũsã ñerõ iririkũ, Marĩpu dorerire tarinũgãnerã ããrĩbũ. Irasirirã, Marĩpu İũrõrẽ boanerã irirosũ İgũ merã õãrõ ããrĩbirinerã ããrĩbũ.

2 Mũsã i ʉmũ marã irirosũ ñerõ iriunanerã ããrĩbũ. Wãtẽa opũ dorerire iriunanerã ããrĩbũ. İgũta i ʉmũ marã ããrĩpererã Marĩpu dorerire tarinũgãrãrẽ doregũ ããrĩmi.

<sup>3</sup> Iripoeguere marĩ ããrĩpererã ñerĩ direta iriunanerã ããrĩbú. Irasirirã marĩ noó gããmerõ iriduarire, ñerĩ gãñarĩrẽ iriunanerã ããrĩbú. Irasirirã marĩde Marĩpũre bũro wajamoãsumurã ããrĩbonerã ããrĩbú. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbú.

<sup>4</sup> Marĩpũ gapũ marĩrẽ bũro maĩgũ, bopoñarĩ opatarigũ ããrĩmi.

<sup>5</sup> Marĩ ñerõ iridea waja ĩgũ ĩũrõrẽ marĩ boanerã irirosũ ããrĩkererũ, marĩrẽ Cristo merã õãrõ ããrĩmakũ iridi ããrĩmĩ. ĩgũ Cristore masũ, dupaturi okamakũ iriderosũta marĩdere ĩgũ pũro perebiri okari sidi ããrĩmĩ. Irasirigũ marĩrẽ bopoñarĩ merã ĩãsiã, taudi ããrĩmĩ.

<sup>6</sup> Marĩpũ Jesucristo boadiguere masũdi ããrĩmĩ. Masũ, ãmũgasigue ĩgũ merã doamakũ iridi ããrĩmĩ ããrĩpererãrẽ doregũ ããrĩburo, ãrĩgũ. ĩgũrẽ masũderosũta marĩdere Cristoyarãdere masũ: “Ëmũgasigue doarã ĩgũ merã dorerã ããrĩma”, ãrĩ ĩãdi ããrĩmĩ.

<sup>7</sup> ĩgũ, Jesucristo merã marĩrẽ wãro maĩrĩrẽ ĩmudi ããrĩmĩ. Pũruguerẽ ããrĩpererãrẽ ĩgũ marĩrẽ bopoñarĩrẽ masĩmakũ gããmegũ, irasiridi ããrĩmĩ.

<sup>8</sup> Marĩpũ marĩrẽ bopoñagũ, Cristore bũremumakũ, marĩrẽ taudi ããrĩmĩ. Marĩ basi marĩ iridea merã neõ taribirikoa. Marĩpũ marĩrẽ taudea: ĩgũ marĩrẽ wajamarĩrõ siãea, ĩgũ marĩrẽ iribosadea ããrã.

<sup>9</sup> Marĩ õãrõ iririre ĩãgũ meta taudi ããrĩmĩ marĩrẽ. Irasirirã marĩ basi: “Yũ õãrõ iridea waja Marĩpũ yũre taumi”, ãrĩmasĩbirikoa.

<sup>10</sup> Marĩ, Marĩpũ irinerã ããrã. ĩgũ marĩrẽ Jesucristoyarã ããrĩdoregũ, irasiridi ããrĩmĩ. Iripoegue marĩ õãrõ iriburire gãñasiadi ããrĩmĩ. Irasirigũ marĩrẽ Jesucristoyarãrẽ ire pídi ããrĩmĩ õãrĩrẽ iridoregũ.

### *Marĩ, Jesucristo merã õãrõ mũyari opáa, ãrĩ gojadea*

<sup>11</sup> Mũsã iripoegue ããrĩrikũdeare õãrõ gãñaka! Gũa mũsãrẽ, judío masaka ããrĩmerãrẽ, mũsã ãmaya dupũma gasirogãrẽ wiiribiri waja: “Marĩpũyarã ããrĩbea”, ãrĩ ĩãturiunanerã ããrĩbú. Gũa judío masaka gapũ irasũ wiirisũnerã: “Marĩpũyarã ããrã”, ãrĩ gãñakererũ, iri wiiridea marĩrẽ ĩgũyarã waamakũ iribea.

<sup>12</sup> Iripoeguere Marĩpũ iriudi Cristore mũsã bũremubirinerã ããrĩbú. Irasirirã mũsã Israel bumarã merã ããrĩbirinerã ããrĩbú. Marĩpũ Israel bumarãrẽ: “ĩgũsãrẽ õãrõ irigũra. ĩgũsã Opũ ããrĩgũra. Yaarã ããrĩrãkuma”, ãrĩ pídeare opabirinerã ããrĩbú. Irasirirã mũsã: “Marĩpũ gũare taugũkumi”, ãrĩmasĩbirinerã ããrĩbú. Marĩpũ merã õãrõ ããrĩbirinerã ããrĩbú.

<sup>13</sup> Mũsã iripoegue Marĩpũre masĩbirinerã ããrĩkererã, dapore mũsã Jesucristore bũremurã ĩgũyarãta ããrã. ĩgũ boari, ĩgũ

dí béori merã Marĩpu musãrẽ ĩgũrẽ masĩrã, ĩgũyarã waamakũ iridi ããrĩmĩ.

<sup>14</sup> Gũa judío masaka, musã judío masaka ããrĩmerã merã pe bumarã ããrĩkererũ, Cristo iridea merã marĩrẽ sugũ pũrãta ããrĩmakũ iridi ããrĩmĩ. Irasirigũ marĩ basi gãme ĩaturideare pirimakũ iridi ããrĩmĩ. Irasirigũ Cristo marĩrẽ ĩgũyarãrẽ siuñajãmakũ yãmi.

<sup>15</sup> Cristo curusague boagũ: “Marĩpu merã õãrõ ããrĩdũarã, ããrĩpereri ĩgũ Moisére doreri pídeare iripeoka!” ãrĩdeare pere-makũ iridi ããrĩmĩ. Irasirigũ Cristo marĩrẽ ĩgũyarãrẽ pe bumarã ããrĩnerãrẽ su bumarãta ããrĩmakũ iridi ããrĩmĩ. Iri merãta marĩrẽ siuñajãrĩ merã õãrõ ããrĩmakũ iridi ããrĩmĩ.

<sup>16</sup> ĩgũ curusague boari merã marĩ pe bumarã gãme ĩaturideare pirimakũ iridi ããrĩmĩ. Irasirigũ marĩrẽ pe bumarã ããrĩnerãrẽ, Marĩpũyarã ĩgũ merã õãrõ ããrĩmakũ iridi ããrĩmĩ.

<sup>17</sup> Cristo, Marĩpu merã marĩ õãrõ ããrĩburi kerere weregũ aaridi ããrĩmĩ. Musãrẽ judío masaka ããrĩmerã Marĩpũre masĩbirinerãrẽ, gũare judío masaka Marĩpu Moisére doreri pídea oparãdere weregũ aaridi ããrĩmĩ, marĩ ããrĩpererã Marĩpu merã siuñajãrĩ bokaburo, ãrĩgũ.

<sup>18</sup> Irasirirã Cristo merã, irasũ ããrĩmakũ Õãgũ deyomarĩgũ iritamurĩ merã marĩ ããrĩpererã judío masaka, judío masaka ããrĩmerãde Marĩpu marĩ merã ããrĩmakũ ĩgũrẽ sërẽmasĩa.

<sup>19</sup> Irasirirã daporare musã gajero marã irirosũ ããrĩbea. Musãya nikũrẽ ããrĩmerã irirosũ ããrĩbea. Musã, gũa merã su makã marã irirosũ, Marĩpũyarãta ããrã. Irasirirã sugũ pũrãta ããrã marĩ.

<sup>20</sup> Musã, gũa merã Jesucristore bũremurã, Marĩpu moãrĩ wii irirosũ ããrã. Iripoegue Marĩpũya kerere weredupuyurimasã ĩgũyare gojapũrorinerã ããrĩmã. Pũru Jesucristo buedoregũ pínerã ĩgũyare werenerã ããrĩmã. Musã, ĩgũsã gojadeare buedero pũru, ĩgũsã weredeare pédero pũru, Jesucristore bũremunũgãbũ. Jesucristo, Marĩpũya wiima weanũpũroridea ãtãye irirosũ ããrĩmĩ. Marĩpũyare gojapũrorinerã, Jesucristo buedoregũ pínerã, gaji weanũdea ãtãyeri irirosũ ããrĩmã.

<sup>21</sup> Jesucristo gajerãdere ĩgũrẽ bũremumakũ yãmi Marĩpũyarã ããrĩburo, ãrĩgũ. ãtãyeri merã wiire peoturiamũrĩagũ keoro weanũrĩ wiire irirosũ irigũ yãmi. Irasirigũ marĩrẽ gajerã Marĩpũyarã merã õãrõ gãmesurimakũ yãmi. ããrĩpererã marĩ, ĩgũsã merã Marĩpũyarã ããrĩsĩã, ĩgũ ããrĩrĩ wii irirosũ ããrĩrãkoa.

<sup>22</sup> Irasũ ããrĩmakũ musãde, gajerã Jesucristore bũremurã ããrĩpererã merã Marĩpũyarã ããrã. Irasirirã Marĩpu moãrĩ wii, ĩgũ ããrĩrĩ wii irirosũ marĩ ããrã. Marĩpu, Õãgũ deyomarĩgũ merã marĩ merã ããrĩmĩ.

## 3

*Pablo judío masaka ããrĩmerãrẽ Jesucristoya kerere weredeã*

1 Y<sub>H</sub> Pablo, Jesucristoya kerere m<sub>u</sub>sãrẽ judío masaka ããrĩmerãrẽ weredeã waja peresugue ããrã. Marĩp<sub>H</sub>, Jesucristo merã m<sub>u</sub>sãdere ãgũyarã ããrĩmakũ yámi. Irasirig<sub>H</sub> y<sub>H</sub> m<sub>u</sub>sãya ããrĩburire sêrêbosãã ãgũrẽ.

2 M<sub>u</sub>sã ire masĩsíaã. Marĩp<sub>H</sub> m<sub>u</sub>sãrẽ bopoñagũ, Jesucristoya kerere buedoreg<sub>H</sub> y<sub>H</sub>re pími m<sub>u</sub>sã õãrõ irig<sub>H</sub>.

3 Marĩp<sub>H</sub>, ãgũ Cristo merã iriburire, iripoegue marã masĩbirideare y<sub>H</sub>re masĩmakũ irimi. M<sub>u</sub>sãrẽ irire mérõ gojasiab<sub>H</sub>.

4 Y<sub>H</sub> gojadeare buerã, Marĩp<sub>H</sub>, ãgũ Cristo merã iriburire y<sub>H</sub> masĩdeare m<sub>u</sub>sãde masĩrãkoa.

5 Marĩp<sub>H</sub>, ãgũ Cristo merã iriburire iripoegue marã gap<sub>u</sub>re masĩmakũ iribiridi ããrĩmí. Dapora g<sub>u</sub>a gap<sub>u</sub>re Jesucristoyare wererimasãrẽ, ãgũya kerere weredupuyurimasãdere Óãgũ deyomarĩgũ merã masĩmakũ yámi.

6 ãsũ ããrã Marĩp<sub>H</sub> iriburi, iripoegue marã masĩbirideã. G<sub>u</sub>a judío masaka, m<sub>u</sub>sã judío masaka ããrĩmerãde Marĩp<sub>H</sub> masakare tauri kerere b<sub>u</sub>remumakũ, g<sub>u</sub>are, m<sub>u</sub>sãdere Jesucristoyarã ããrĩmakũ yámi. Marĩrẽ sug<sub>H</sub> pũrãta ããrĩmakũ yámi. Irasirig<sub>H</sub> Marĩp<sub>H</sub> judío masakare: “ãsũ sĩgura”, ãrĩp<sub>H</sub>roriderosũta marĩrẽ ããrĩpererã Cristoyarãrẽ õãrĩrẽ sĩgukumi.

7 Marĩp<sub>H</sub> Jesucristoya kerere buedoreg<sub>H</sub> y<sub>H</sub>re pídi ããrĩmí. Y<sub>H</sub>re õãrõ iri, ãgũ turarire sĩdi ããrĩmí iri kerere õãrõ wereburo, ãrĩgũ.

8 ããrĩpererã gajerã Marĩp<sub>H</sub>yarã y<sub>H</sub> nemo<sub>rõ</sub> ããrĩma. Irasũ ããrĩkerer<sub>u</sub>, Marĩp<sub>H</sub> y<sub>H</sub>re õãrõ iri, judío masaka ããrĩmerãrẽ Jesucristoya kerere buedoreg<sub>H</sub> pími. Irasirig<sub>H</sub>: “Cristo õãtarig<sub>H</sub> ããrĩmi, ãgũ marĩrẽ sĩburi õãtariri ããrã”, ãrĩ wereã ãgũsãrẽ. Ire neõ pémasĩbokajaya máã marĩrẽ.

9 Marĩp<sub>H</sub> y<sub>H</sub>re píg<sub>H</sub>: “ãsũ taug<sub>u</sub>koa judío masaka ããrĩmerãdere”, ãrĩ gũñadupuyudeare y<sub>H</sub>re weredoremi. ãgũta ããrĩpereri i ãm<sub>u</sub>marẽ iridi, iripoegue marãrẽ ãgũ judío masaka ããrĩmerãrẽ Cristo merã tauburire werebiridi ããrĩmí. Daporague y<sub>H</sub>re weredoremi ããrĩpererã masakare irire masĩdoreg<sub>H</sub>.

10 Marĩp<sub>H</sub> marĩrẽ Jesucristore b<sub>u</sub>remurãrẽ su bumarã ãgũyarãta ããrĩmakũ iririre ããrã, ãmarõ marã dorerã ãgũrẽ wereboerã, wãtêade, ãgũ ããrĩpereri masĩpeog<sub>H</sub> ããrĩrĩrẽ masĩrãkuma. ãgũsãrẽ irire masĩmakũ gããmemi Marĩp<sub>H</sub>.

11 I ūm<sub>u</sub> iriburo dupuyurogueta Marīp<sub>u</sub> ĩgū gāāmederosūta marīrē: “Yaarā āārīmurā āārīma”, āārīdeare marī Op<sub>u</sub> Jesucristo merā iriyuwarikūdi āārīmī.

12 Marī Cristore b<sub>u</sub>remurā ĩgū merā oārō āārīsīā, gūiro marīrō gūñaturari merā Marīp<sub>u</sub>re sērēmasīa.

13 Y<sub>u</sub> m<sub>u</sub>sārē Jesucristoya kerere weredeā waja pere-sugue poyari merā āārā. M<sub>u</sub>sā oārō āārīburire iri kerere wereb<sub>u</sub>. Irasirirā m<sub>u</sub>sā y<sub>u</sub> poyarire gūñarā, b<sub>u</sub>jawereri merā āārībirikōāka! Poyakereg<sub>u</sub>, Marīp<sub>u</sub> m<sub>u</sub>sārē oārō irideare gajerārē masīmakū yāa.

### *Cristo marīrē b<sub>u</sub>ro maīgū āārīmi, āārī gojadea*

14 Irasirig<sub>u</sub> Marīp<sub>u</sub>, marī Op<sub>u</sub> Jesucristo Pag<sub>u</sub> āārīpereri irideare y<sub>u</sub> gūñagū, ĩgū ĩūrōrē yaa ñaduk<sub>u</sub>puri merā ejamejā, ĩgūrē: “Ōātaria m<sub>u</sub>”, āārī, ūsuyari sīa.

15 ĩgūta āārīpererā ĩgūyarā ūm<sub>u</sub>gasigue āārīrā, i nikūgue āārīrā Pag<sub>u</sub> āārīmī.

16 ĩgūta turatarig<sub>u</sub> āārīmī. Irasirig<sub>u</sub> y<sub>u</sub> m<sub>u</sub>sāya āārīburire ĩgūrē sērēbosāa m<sub>u</sub>sāguere Ōāgū deyomarīgū merā ĩgū turarire opaburo, āārīgū.

17 M<sub>u</sub>sā Cristore b<sub>u</sub>remumakū, ĩgū m<sub>u</sub>sāguere oārō āārīnikōāburo, āārīgū, sērēa. Gaji sērēbosāa Cristo m<sub>u</sub>sārē b<sub>u</sub>ro marīrē masīsīā, gajerārē maīburo, āārīgū.

18 Irasirig<sub>u</sub> m<sub>u</sub>sārē, āārīpererā gajerā ĩgūrē b<sub>u</sub>remurādere Cristo marīrē b<sub>u</sub>ro maīrē pēmasīdoreg<sub>u</sub>, sērēbosāa. Cristo marīrē maīrē neō keomasīña máa. “Ōōpā eyaro, yoaro, ūmarō, ūkūārō āārā”, neō āārī masīña máa.

19 Cristo marīrē maīrē marī neō masīpeobirikerep<sub>u</sub>g<sub>u</sub>, y<sub>u</sub> m<sub>u</sub>sāya āārīburire Marīp<sub>u</sub>re sērēbosag<sub>u</sub>: “Ire ĩgūsārē oārō masīnemomakū irika!” āārī sērēa. Irasirirā marī ire masīpeorā, Marīp<sub>u</sub>yamarē masīpeorākoa.

20 Irasirirā Marīp<sub>u</sub>re: “Āsū iribosaka g<sub>u</sub>are!” āārī sērēmakū, marī sērērī nemorō irimasīmi. Marī basita: “Āsūpero iriburo ĩgū”, āārī gūñamakū, marī gūñarī nemorō irimasīmi. ĩgū turagu āārīsīā, ĩgū turari marīrē sīdea merā irire iribosami.

21 Irasirirā Jesucristoyamarē, ĩgūrē b<sub>u</sub>remurī bumarā marī āārīrīrē masīrā, āārīpererinurī āārīpererā Marīp<sub>u</sub>re: “Ōātaria m<sub>u</sub>”, āārī, ūsuyari sīburo. Āārīpererā dapora marā, p<sub>u</sub>rugue marāde neō ĩgūrē ūsuyari sīrīrē piribirikōāburo. Irasūta āārā.

## 4

*Marī Cristoyarā Ōāgū deyomarīgū merā su bumarāta āārā, āārī gojadea*

<sup>1</sup> Y<sub>H</sub> marĩ Op<sub>ya</sub> kerere weredea waja peresugue ããrĩgú, turaro merã ãsũ werea m<sub>s</sub>ãrẽ doja. Marĩp<sub>u</sub> m<sub>s</sub>ãrẽ siiudi ããrĩmĩ ĩgũyarã ããrĩburo, ãrĩgũ. Irasirirã ĩgũ m<sub>s</sub>ãrẽ: “Ãsũ irika, yaarã ããrĩsĩã!” ãrĩdeare õãrõ irika!

<sup>2</sup> “Gajerã nemorõ ããrã”, ãrĩ gũñabirikõãka! Gajerãrẽ õãrõ merã irika! Guari marĩrõ gajerãrẽ bopoñarĩ merã iãka! Gajerã m<sub>s</sub>ãrẽ garibokerep<sub>u</sub>, ĩgũsãrẽ maĩrĩ merã iãka!

<sup>3</sup> Õãgũ deyomarĩgũ iritamurĩ, ĩgũ m<sub>s</sub>ãrẽ siuñajãrĩ píri merã suro merã õãrõ ããrĩrikuka! M<sub>s</sub>ã irasũ ããrĩrĩrẽ piriro marĩrõ ããrĩnikõãka!

<sup>4</sup> Marĩ Jesucristoyarã su bumarã ããrĩsĩã, ĩgũya dup<sub>u</sub> irirosũ ããrã. Õãgũ deyomarĩgũ suguta ããrĩgú, ĩgũ sug<sub>u</sub> masak<sub>u</sub> merã ããrĩrõsũ marĩ ããrĩpererã merã ããrĩmĩ. Marĩp<sub>u</sub> marĩ ããrĩpererãrẽ ãmugasigue perebiri okari sĩbu, siiudi ããrĩmĩ.

<sup>5</sup> Marĩ Op<sub>u</sub> Jesucristo marĩ b<sub>u</sub>remugũ suguta ããrĩmĩ. Marĩrẽ deko merã wãiyeride su wãita ããrã marĩ ĩgũyarã ããrĩrĩrẽ ĩmuburi.

<sup>6</sup> Marĩp<sub>u</sub> suguta marĩrẽ iridi ããrĩmĩ. ĩgũta marĩ ããrĩpererã Op<sub>u</sub> ããrĩmĩ. Marĩ ããrĩpererã merã ããrĩmĩ. Irasirig<sub>u</sub> ĩgũ gããmederosũta marĩ ããrĩpererã merã ããrĩpererire õãrõ yãmi.

<sup>7</sup> Marĩ su bumarã ããrĩkerep<sub>u</sub>, Cristo marĩ ĩgũyarãrẽ masakak<sub>u</sub>re Marĩp<sub>u</sub>yarẽ irimasĩburire dukawa pídi ããrĩmĩ. Irasirig<sub>u</sub> ĩgũ dukawa píderosũta keoro marĩ gãme iritamumakũ yãmi.

<sup>8</sup> Cristo ĩgũ i nikũgue aariburo dupuyuroguere ãsũ gojasũdero ããrĩbú Marĩp<sub>u</sub>ya werenĩrĩ gojadea pũgue:

ĩgũrẽ ĩãturirãrẽ tarinugãdero p<sub>u</sub>, ãmugasigue m<sub>u</sub>rĩãkõãg<sub>u</sub>kumi. Irasirig<sub>u</sub> masakare i nikũgue ããrĩrãrẽ õãrĩrẽ sĩg<sub>u</sub>kumi, ãrĩ gojasũdero ããrĩbú.\*

<sup>9</sup> ĩgũ ãmugasigue m<sub>u</sub>rĩarire ãrĩ gojadea, ãsũ ãrĩduaro yãa. Jesucristo ãmugasigue m<sub>u</sub>rĩaburi dupuyuro i nikũgue dijari, õõgue ããrĩdi ããrĩmĩ.

<sup>10</sup> ĩgũta i nikũgue ããrĩdi, ãmugasigue Marĩp<sub>u</sub> ããrĩrõgue m<sub>u</sub>rĩãkõãdi ããrĩmĩ. Irasirig<sub>u</sub> ããrĩpererogue ããrĩgú, ããrĩpererãrẽ doreg<sub>u</sub> ããrĩmĩ.

<sup>11</sup> Irasirig<sub>u</sub> marĩ ĩgũyarãrẽ masakak<sub>u</sub>re Marĩp<sub>u</sub>yarẽ irimasĩburire pídi ããrĩmĩ õãrõ gãme iritamuburo, ãrĩgũ. Surãyerire beyepídi ããrĩmĩ ĩgũyarẽ buedoreg<sub>u</sub>. Gajerãrẽ Marĩp<sub>u</sub> weredoredeare wererimasã ããrĩmurãrẽ, ĩgũ masakare tauri kerere weregorenarĩmasã ããrĩmurãrẽ, ĩgũyarãrẽ korerimasã ããrĩmurãrẽ, ĩgũyarãrẽ buerimasã ããrĩmurãrẽ beyepídi ããrĩmĩ.

\* 4:8 Sal 68.18

12 Irasū beyepídi āārīmí marī ĩgūyarā gāme iritamuburo, ārīgū. Irasirirā marī ĩgūyarā su bumarā, ĩgūya dupu irirosū ōārō turarā masārōsū ĩgūrē buremuturawāgānemorākoa.

13 Irasirirā marī āārīpererā surosū Cristore buremurā, masā odorā irirosū āārīpereri ĩgū, Marīpu magū āārīrīrē nemorō ōārō masīrākoa. Irasirirā marīde Cristo irirosū āārīrikurākoa.

14 Majīrāgā irirosū āārīrā meta, pémasīrākoa. Irasirirā marīrē ārīgatomerērā buemakū pérā, diayema āārīrīrē buremurīrē pirimerā: “Īgūsā maama bueri, diaye āārā”, ārī buremubirīkoa.

15 Marī gāme maīrī merā diayema āārīrīrē werero gāāmea. Irasirirā majīrāgā masā pémasīrōsūta marīde marī Opu Cristo marī dipuru āārīgū merā Marīpuare ōārō pémasīrākoa.

16 Marī ĩgūyarā su bumarā āārīsīā, ĩgūya dupu irirosū āārā. Sugū masakū turagū masā, āārīpereri ĩgūya dupuma merā ōārō irimasīmi. I irirosū, Cristo marī masakakure: “Āsū iriburo”, ārī dukawa pideare irirā, marī āārīpererā ōārō gāme iritamumasīa. Irasirirā gāme maīrā, gāme iritamurā, nemorō turaro merā Cristoyare ōārō iriwāgānemorākoa.

*Marīpu Cristoyarārē maama āārīrikurire opamakū iridi āārīmí, ārī gojadea*

17 Irasirigū yu marī Opu Cristo dorero merā musārē āsū ārī werea. Marīpure masīmerā gapu noó gāāmerō gūñamoāmakōāma. Īgūsā irirosū neō irinembirikōāka!

18 Īgūsā Marīpuare péduabema. Irasirirā irire neō pémasībirigorakōāma. Īgūsāya gūñarīguere buro naītīārī oparā irirosū āārīma. Irasirirā Marīpu merā ōārō āārīburire ĩgū sīrīrē neō opabema.

19 Ņerīrē irirā, neō gūyasīrībirigorakōāma. Āārīpereri űerī haribejarire neō piriduarō marīrō űerī direta iririkurā yāma.

20 Cristoya bueri gapu, musārē ĩgūsā irirosū űerō iririre iridoreri máa.

21 Musā ĩgūya diayema buerire pérā: “Jesús diayeta āsū āārīmi, diayema āārīrīrē buemi”, ārī masīkuyo.

22 Iripoeguere musā űerī haribejari iririre: “Ōāgorāa”, ārī gūñarā, musā basita ārīgatonerā āārībú. Iri űerīrē irirā, musā basita poyanorēnerā āārībú. Irasirirā musā iripoegue āārīunaderosūta āārīnemobirikōāka!

23 Musā űerī direta gūñanadeare pirikōāka! Ōārī gūñarī gapure gorawayuro gāāmea musārē.

24 Marīpu ĩgū gāāmederōsūta marīrē maama āārīrikurire opamakū iridi āārīmí ĩgū irirosū diayema irirā, ĩgū ĩūrō ōārā āārīburo, ārīgū. Irasirirā, surīro boari dariñe béo, maama surīro ōārīñe gorawayu sāñarā irirosū, iripoegue űerī iriunadeare piri, maama iririkurire gorawayu irika!



25 Marĩ Cristoyarã ĩgũ dupu irirosũ aãrĩrã, su bumarã aãrã. Irasirirã marĩ basi neõ gãme aĩgatonemobirikõãrã! Marĩ merãmarãrẽ aĩgatoro marĩrõ diaye wererã!

26 Gajerã merã guarã, ĩgũsãrẽ ñerõ iribirikõãka! Irinu merãta ĩgũsã merã guarire pirikõãka!

27 Wãtĩ musãrẽ gajerã merã guamakũ iririre kãmutaka!

28 Yajarikũgu aãrĩdi neõ dupaturi yajabirikõãburo. Õãrĩ moãrĩ gapure moãburo, ĩgũ moã wajatari merã gajerã boporãrẽ iritamubu.

29 Neõ ñerõ werenĩrẽ werenĩbirikõãka! Õãrĩ gapu direta werenĩka! Musã werenĩrĩ merã gajerãrẽ iritamuka! Irasirirã musã õãrĩ werenĩrẽ pãrã, ĩgũsãde õãrõ aãrĩrikurãkuma.

30 Marĩ ñerĩrẽ irirã, ñerõ werenĩrã, Õãgũ deyomarĩgũrẽ bujaweremakũ irirãkoa. Irire iribirikõãka! Õãgũ deyomarĩgũ marĩrẽ: “Marĩpũyarã aãrã”, ãrĩ masĩmakũ yãmi. Irasirirã marĩ masĩa. Marĩpu, Jesucristo merã marĩrẽ taurinu ejamakũgue õãrõ taugorakõãgũkumi.

31 Irasirirã musã gajerã merã suyubirire, ĩgũsã merã guataririre, ñerõ gainĩrĩ merã gãme turirire, ñerõ ãrĩ buridarire pirikõãka! Irasirirã aãrĩpereri ñerõ iririre pirika!

32 Æsũ gapu irika! Bopoñarĩ merã gãme õãrõ iritamuka! Marĩpu marĩrẽ Cristo merã marĩ ñerĩ irideare kãtiderosũta musãde gajerã musãrẽ ñerõ irideare kãtika!

## 5

*Marĩpu pũrã aãrĩrã Æsũ aãrĩrikuro gããmea, ãrĩ gojadea*

1 Musã Marĩpu pũrã, ĩgũ maĩrã aãrã. Irasirirã ĩgũ irirosũ aãrĩrikuro gããmea.

2 Cristo marĩrẽ maĩrõsũta musãde gajerãrẽ maĩka! ĩgũ marĩrẽ maĩgũ ĩgũ basita ĩgũrẽ wẽjẽduarãguere wiadi aãrĩmĩ marĩrẽ boabosabu. ĩgũ boabosagu, judío masaka oveja majĩgũrẽ wẽjẽ, Marĩpu ĩũrõrẽ soepeosũdi irirosũ aãrĩdi aãrĩmĩ. Irasirigu ĩgũ irasiriri merã Marĩpure usuyamakũ iridi aãrĩmĩ.

3 Irasirirã Marĩpũyarã aãrĩrã, musã marãposã nome aãrĩmerãrẽ, marãpusãmarã aãrĩmerãrẽ neõ ñerõ gãmebiragorenabirikõãka! Aãrĩpereri gũyasĩũrĩ ñerõ iririre neõ iribirikõãka! Gajerãyare uaribejabirikõãka! Neõ mérõgã ñerõ iririre iribirikõãka!

4 Gũyasĩũrõ werenĩrẽ werenĩbirikõãka! Pémasĩmerã irirosũ werenĩmoãmabirikõãka! Ñerĩrẽ ãrĩ buridabirikõãka! Æsũpero gapu werenĩka! Marĩpure: “Õãrõ yãa mu guare”, ãrĩ, usuyari sĩka!

5 Ire õãrõ masĩka musã! Gajigu marãpo merã ñerõ iririkurã, gajego marãpu merã ñerõ iririkurã, gũyasĩũrõ ñerĩrẽ

iririkurã, Marĩpuyarã ããrĩbema. Gajerãyare uaribejarikurãde Marĩpuyarã ããrĩbema. Īgũsã gajino gapure Marĩpũre gããmerõ nemorõ gããmerã, keori weadeare buremurã irirosũ yãma. Marĩpũ gapure buremubema. Irasirirã Marĩpũ Īgũyarãrẽ doreroguerẽ neõ waabirikuma. Irogue Cristo merã neõ ããrĩbirikuma.

<sup>6</sup> Gajerã musãrẽ Īgũsã ñerõ irideare: “Ãsũ irimakũ õãgorãa”, ãrĩgatorire pëbirikõãka! Marĩpũ, Īgũsã irasũ ñerõ iri, Īgũ dorerire tarinũgãrĩ waja Īgũsãrẽ perebiri peamegue wajamoãgukumi.

<sup>7</sup> Īgũsã ñerĩ irirã merã neõ ñerĩrẽ iriwekabejabirikõãka!

<sup>8</sup> Marĩ Opũyarã musã ããrĩburo dupuyuro ñerĩrẽ irirã, Īgũrẽ masĩmerã naĩtĩãrõgue ããrĩrã irirosũ ããrĩnerã ããrĩbũ. Dapora gapure Īgũrẽ masĩrã Īgũyarã ããrĩsĩã, boyorogue ããrĩrã irirosũ ããrã. Irasirirã Īgũ ĩũrõ õãrĩrẽ iririkuka!

<sup>9</sup> Boyorogue ããrĩrãno, õãrĩrẽ, Marĩpũ dorerire, diayemarẽ irirãkuma.

<sup>10</sup> Irasirirã marĩ Opũyare õãrõ bueka, Īgũrẽ usuyamakũ iririre irimurã!

<sup>11</sup> Ñerĩ iririkurã, naĩtĩãrõgue ããrĩrã irirosũ ããrĩma. Īgũsã irirosũ neõ iribirikõãka! Ãsũ gapũ irika! Īgũsã ñerõ iririre: “Ñegorãa”, ãrĩ wereka, Īgũsãrẽ irire masĩdorerã! Musã wererire pëã, boyorogue ããrĩrã irirosũ ñerõ irideare piri, õãrĩ gapure irirã dujarãkuma.

<sup>12</sup> Masaka ĩãberogue Īgũsã ñerõ iriboedeare marĩ werenĩmakũ guyasĩũgorãa.

<sup>13</sup> Boyorore ããrĩpereri ĩãmasĩsũa. Marĩ Īgũsã ñerõ iririre: “Ñegorãa”, ãrĩmakũ, Īgũsã ñerõ iririkurire masĩrãkuma.

<sup>14</sup> Irasirirã gajerã sugũ ñerõ iririkũgnorẽ ãsũ ãrĩ werema: Mũ pëmasĩbi, kãrĩgũ irirosũ ããrã. Yobe, pëmasĩka! Cristo merã õãrõ ããrĩbi, boanerã merã ããrĩgũ irirosũ ããrã.

Irasirigu wãgãnuãgã, Īgũ merã õãrõ ããrĩka! Mũ irasirimakũ, Cristo murẽ boyorogue ããrĩmakũ irirosũ Īgũyare masĩmakũ irigukumi.

<sup>15</sup> Irasirirã õãrõ pëmasĩka, õãrĩrẽ irimurã! Marĩpũyare masĩmerã irirosũ iribirikõãka! Īgũya gapure õãrõ masĩka!

<sup>16</sup> Dapora marã masaka ñerĩ iririkuma. Irasirirã musã okarinũrĩrẽ Marĩpũ gããmerĩ direta irika, gajerãde Īgũyare masĩburo, ãrĩrã!

<sup>17</sup> Pëmasĩmerã irirosũ iririkubirikõãka! Marĩpũ gããmerĩrẽ õãrõ pëmasĩduaka, irire irimurã!

<sup>18</sup> Irasirirã mejãbirikõãka! Mejãrã Īgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka!

<sup>19</sup> Musã Īgũrẽ opatarirã, Marĩpũya bayari merã musã basi gãme werenĩrãkoa. Salmos gojadea pũgue bayarire, gaji

marĩ Opure buremu bayaridere ĩgũrẽ bayapeorãkoa. Mũsãya yũpũrãĩgue òãrõ mũyari merã bayapeorãkoa ĩgũrẽ: “Òãtaria mũ”, ãrĩ buremurã.

20 Marĩpũ ããrĩpererire marĩrẽ òãrõ yámi. Irasirirã marĩ Opũ Jesucristoyarã ããrĩsĩã, ĩgũ wãĩ merã Marĩpũre: “Mũ iridea òãtaria”, ãrĩnĩkòãka!

*Su wii marã Cristoyarã ãsũ ããrĩrõ gããmea, ãrĩ gojadea*

21 Mũsã ããrĩpererã Cristore gopeyari merã buremurã ããrĩsĩã, òãrõ gãme pé buremuka!

22 Mũsã marãposã nomerẽ ãsũ ãrĩ weregũra. Cristo marĩ Opure marĩ pé buremurõsũta mũsã marãpũsãmarãrẽ òãrõ pé buremuka!

23 Cristo marĩrẽ ĩgũyarãrẽ oparosũta, marãpũsãmarã mũsãrẽ ĩgũsã marãposã nomerẽ opama. Cristo marĩrẽ ĩgũrẽ buremurĩ bumarãrẽ taudi ããrĩmĩ. Irasirigũ ĩgũ marĩ Opũ ããrĩmi. Marĩrẽ doregũ, marĩ dipuru ããrĩmi. Marĩ, ĩgũya dupũ irirosũ ããrã.

24 Irasirirã marĩ Cristore buremurĩ bumarã ĩgũrẽ pé buremurõsũta mũsã marãpũkũrã nome mũsã marãpũsãmarãrẽ òãrõ pé buremuka!

25 Mũsã marãpũsãmarãdere weregũra. Cristo marĩrẽ ĩgũyarãrẽ maĩgũ, marĩya ããrĩburire boabosadi ããrĩmĩ. Irasirirã marĩrẽ ĩgũ maĩrõsũta mũsãde mũsã marãposã nomerẽ maĩka!

26 Cristo marĩrẽ boabosadi ããrĩmĩ ĩgũyarã ããrĩmakũ irigũ. Irasirigũ, marĩ ĩgũ werenĩrĩrẽ buremumakũ, deko merã gũrarire koebéoro irirosũ marĩrẽ ñerĩ opamerã ããrĩmakũ iridi ããrĩmĩ.

27 ĩgũ irire irasirimakũ, marĩ ĩgũ ĩũrõrẽ neõ mérõgã ñerĩ opamerã, gũrari marĩrã òãrõ deyorã irirosũ ããrĩrãkoa. ĩgũyarã òãrã dita ããrĩrãkoa. Irasirigũ: “Yaarã ããrĩma”, ãrĩ, mũyari merã marĩrẽ opagũkumi.

28 Mũsã marãpokũrã mũsã marãposã nomerẽ maĩrõ gããmea. Sugũ ĩgũ marãpore maĩgũ, ĩgũ baside maĩmi. Irasirigũ Cristo marĩrẽ ĩgũya dupũ irirosũ ããrĩrãrẽ maĩrĩ merã korerosũta mũsã marãposã nomerẽ maĩrĩ merã òãrõ koreka!

29-30 Neõ marĩya dupũre ñerõ waamakũ gããmebea. Marĩ basi marĩya dupũre korea. Marĩ Cristoyarã ããrĩrã ĩgũya dupũ irirosũ ããrã. Irasirigũ Cristo marĩrẽ òãrõ koremi.

31 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ mũmũ nomeõrẽ marãpokũgũ, ĩgũ pagũsãmarãrẽ wirigũkumi ĩgũ marãpo merã ããrĩbu. ĩgũsã pẽrã ããrĩkererã, Marĩpũ ĩũrõrẽ su dupũta ããrĩrãkuma”, ãrĩ gojasũdero ããrĩbũ.

32 Iri gojadeare òãrõ pẽmasĩdũmakũ, diasagorãa marĩrẽ. Irasũ ããrĩkererũ, yũ irire: “Ãsũ ãrĩdũaro yãa”, ãrĩ werea. Cristoyarã Marĩpũ ĩũrõrẽ su dupũta ããrĩma.

<sup>33</sup> Gaji i marē musārē āri werenemogura doja. Musā basi korerosūta musā marāposā nomedere maīri merā koreka! Musā nomede musā marāpusāmarārē oārō goepeyaro merā pé buremuka!

## 6

<sup>1</sup> Musā majirārē āsū weregura. Musā marī Opure buremurā musā pagusāmarārē oārō yujuka! Irasiriri, oārī āārā.

<sup>2-3</sup> Iripoegue Marīpu ĩgū pe mojōma dorerire pīgu, su dorerire āsū āri pīdi āārīmī: “Musā pagusāmarārē oārō buremuka!” āri pīdi āārīmī. I dorerireta pīgu, gajidere pīdi āārīmī. “Īgūsārē irasū buremurā, i nikūguere yoaripoe usuyari merā āārīrākoa”, ārīdi āārīmī.

<sup>4</sup> Musā pagusāmarādere āsū āri weregura. Musā pūrārē buro turiri merā ĩgūsārē guamakū iribirikōāka! Āsū gapu irika! Īgūsārē marī Opuyare bueka, ĩgūrē buremuburo, ārīrā! Īgūsā, ĩgū dorerire iribirimakū ĩārā, ĩgūsārē: “Āsū gapu irika!” āri bueka! Irasirirā ĩgūsārē oārā masāmakū irirākoa.

<sup>5</sup> Moāboerimasādere āsū āri weregura. Musā i nikūgue āārīrārē musā oparārē oārō yujuka! Oārō buremurī, goepeyari merā moāboeka! Irasū moāboerā, Cristore moāboerā irirosū yāa.

<sup>6</sup> Musā oparā ĩūrō moārōsūta, ĩgūsā ĩāberoguedere moāka! Īgūsā ĩūrō direta oārō moārā, ĩgūsā musārē: “Oārō moāma”, āri gūñamakū iriduarā dita āārībokoa. Irasirirā ĩgūsā ĩāberoguedere oārō moāka! Cristore moāboerā irirosūta Marīpu gāāmerōsū oārō merā moāka!

<sup>7</sup> Musā masakare moāboerā āārīkererā: “Cristore moāboerā irirosū āārā”, āri gūñaka! Irasirirā usuyari merā moāboeka musā oparārē!

<sup>8</sup> Irire masīsiāa musā. Marī Opu Cristo marīrē oārō moārākure oārī wajatamakū irigukumi. Irasirigu moāboerimasā āārīrārē, āārīmerādere marī oārō moāderopāta marīrē oārī wajatamakū irigukumi.

<sup>9</sup> Oparādere āsū āri weregura. Musārē moāboerārē oārō irika! Īgūsārē wajamoāduri merā dorebirikōāka! Ire oārō pémasīka! Marī Opu Cristo ũmugasigue āārīgú, musā Opu āārīmī. Īgūta musārē moāboerā Opu āārīmī. Marī āārīpererā ĩgūrē moāboerā āārā. Irasirigu oparā āārīrārē, āārīmerādere surosūta ĩāmi marī āārīpererārē.

### *Cristoyarā wātīrē tarinugārīmarē gojadea*

<sup>10</sup> Musārē āsū āri weretūnugura. Musā, marī Opuyarā āārīsiā, ĩgū merā oārō āārā. Irasirirā ĩgūya turari merā ĩgūrē gūñaturaka!

11 Wātī āriḡatori merā mʊsārē űerō iridoremakū, Marīpu iritamurī merā iḡū űerī āriḡesārīrē kāmutaka! Sugʊ surara kāmutari kōme surīro sāñadi irirosū āārīka!

12 Marīrē Marīpu dorerire tarinʊḡāmakū iriduarā, masak-  
agora meta āārīma. Wārā űerā: űmarō marā, oparā, turarā,  
i űmʊma űerīrē iridorerā āārīma. Deyomarīrā, masakare  
ḡūñarīḡue űerō iridorerā āārīma.

13 Irasirirā mʊsā, surara iḡūya kōme surīro sāñadero pʊrʊ, iḡū  
merā ḡāmekēādʊarārē kāmuta tarinʊḡāmasiḡū irirosū āārīka!  
Irasirirā, Marīpu iritamurī merā wātīrē kāmuta tarinʊḡārākoa.  
Iḡūrē tarinʊḡārā, ḡūñaturarā dujarākoa.

14 Āsū irika, wātīrē tarinʊḡāmurā! Marīpʊya werenīrī di-  
ayema āārīrīrē ōārō pēduripīka! Irasirirā mʊsā surara iḡūya  
surīrore yʊjʊwēñarīda merā ōārō yʊjʊwēñadi irirosū āārīrākoa.  
Marīpu iritamurī merā diayema irika! Irasirirā mʊsā surara  
iḡūya koretibi kāmutari kōme surīro sāñadi irirosū āārīrākoa.

15 Marīpu masakare siuñajārī sīburi kerere weregorenarā  
waamurā ōārō āmuyuka! Irasirirā mʊsā surara sapatu  
sāñadero pʊrʊ, iḡū waaburire ōārō āmu ododi irirosū āārīrākoa.

16 I āārīpererire iri odo, gajidere irika, wātīrē tarinʊḡāmurā!  
Mʊsā Cristore bʊremurīrē neō piribirikōāka! Irasirirā mʊsā  
surara iḡū kāmutari kōmeti opagʊ, iriti merā ḡārūyuku peame  
opari yukure kāmutagʊ irirosū āārīrākoa. Irasirigʊ wātī  
mʊsārē bokatīūbirikumī mʊsā Cristore bʊremumakū iḡū.

17 “Cristo marīrē taugʊkumi”, ārī ḡūñanikōāka! Irasirirā  
mʊsā surara iḡūya dipurugue kōme pero peyarosū āārīrākoa.  
Gajidere irika! Marīpu werenīrīrē Ōāḡū deyomarīḡū mʊsārē  
masīrī sīrī merā wereka! Irasirirā mʊsā surara iḡūya sareri  
majī opagʊ irirosū āārīrākoa. Iri merā wātīrē tarinʊḡārākoa.

18 Irasirirā űmʊrikʊ Ōāḡū deyomarīḡū ḡāāmerōsūta  
Marīpʊre sērēnikōāka! Ōārō ḡūñaka! Iḡūrē sērērīrē  
neō piribirikōāka! Āārīpererā iḡūyarāya āārīburidere  
sērēbosanikōāka!

19 Yʊdere Marīpʊre āsū ārī sērēbosaka! “Iḡū weremakū iri-  
tamuka, iḡū mʊyare ḡūiro marīrō ōārō wereburo, āriḡū”, ārī  
sērēka! Irasirigʊ Marīpu masakare Cristo merā taaburire yʊ  
ōārō wereḡʊkoa iḡūsā iripoegue masībirideare masīburo, āriḡū.

20 Marīpu yʊre iriumi Cristoya kerere weredoreḡʊ. Yʊ irire  
weredeā waja peresugue āārā. Irasirirā Marīpʊre: “Iroḡue  
āārīḡū, ḡūiro marīrō mʊyare wereburo”, ārī sērēka!

*Pablo, Efeso marārē ōādoretūnudea*

21 Tíquico, marīyagʊ marī maīḡū, yʊ merā āārīmi. Iḡū marī  
Opʊyare ōārō iritamunikōāmi. Mʊsā pʊroḡue ejagʊ, yʊ iririre

m̄sārē weregukumi. Irasirirā m̄sā yare: “Irasūta iriñumi”,  
 ārīrākoa.

<sup>22</sup> Irasirirā gua āārīrikurire m̄sārē weredorerā ĩgūrē iriua.  
 ĩgū irire weregu, m̄sārē us̄yari merā āārīmakū irigukumi.

<sup>23</sup> Marīp̄m̄ āārīnīgū, marī Op̄m̄ Jesucristo āārīpererārē m̄sārē  
 siuñajāmakū iriburo. M̄sārē Cristore b̄remurī merā òārō  
 gāme maīmakū iriburo.

<sup>24</sup> Marīp̄m̄ āārīpererā marī Op̄m̄ Jesucristore maīnīrārē òārō  
 iriburo. Irasūta iriburo.

Iropāta āārā.

Pablo

## FILIPENSES

*Pablo peresugue ããrĩgũ Filipos marãrẽ õãdoredea*

<sup>1</sup> Y<sub>H</sub> Pablo, Timoteo merã Jesucristore moãboerã ããrã. Irasirirã ããrĩpererãrẽ mʉsãrẽ Filipos marãrẽ Jesucristore bʉremurãrẽ õãdoredea. Mʉsã oparãdere, ĩgʉsãrẽ iritamurãdere õãdoredea.

<sup>2</sup> Marĩpʉ ããrĩnĩgũ, marĩ Opʉ Jesucristo mʉsãrẽ õãrõ iritamu, siuñajãrĩ merã ããrĩrikʉmakũ iriburo.

*Pablo Marĩpʉre Jesúre bʉremurãya ããrĩburire sërẽbosadea*

<sup>3</sup> Y<sub>H</sub> mʉsãrẽ gũñariku, Marĩpʉre yʉ Opʉre ʉsʉyari sĩa.

<sup>4</sup> Irasũ ããrĩmakũ, yʉ mʉsãya ããrĩburire sërẽbosariku, Marĩpʉre ʉsʉyari merã sërẽa.

<sup>5</sup> Mʉsã neõgoragueta yʉ Jesúya kerere weremakũ pé bʉremunʉgãdero pʉrʉ, yʉre iritamunʉgãbʉ. Dapaguedere irasũta õãrõ iritamunĩkõã.

<sup>6</sup> Irasirigu ire õãrõ masĩa. Marĩpʉ mʉsãrẽ õãrĩrẽ iridʉamakũ irinʉgãdi irasirigu yámi. Mʉsãrẽ ĩgũ irinʉgãderosũta Jesucristo i ʉmʉgue dupaturi aarimakũgue iriyuwarikʉgʉkumi.

<sup>7</sup> Y<sub>H</sub> mʉsãrẽ ããrĩpererãrẽ õãrõ gũñarĩ merã gũñamakũ õãgoráa. Mʉsãrẽ bʉro maĩa. Marĩpʉ yʉre iritamurõsũ mʉsãdere iritamumi. Irasirirã, yʉ oparãrẽ Jesús masakare tauri kerere: “Diyeta ããrã”, ãrĩ weremakũ, mʉsã yʉre iritamubʉ. Peresu yʉ ããrĩmakũdere iritamubʉ. Irasirirã marĩ suro merã Marĩpʉ iritamurĩrẽ opáa.

<sup>8</sup> Marĩpʉ ire masĩmi. Jesucristo mʉsãrẽ gũña maĩrõsũ yʉde mʉsãrẽ gũña maĩa.

<sup>9</sup> Marĩpʉre mʉsãya ããrĩburire ãsũ ãrĩ sërẽbosáa. “Gʉapʉ, ĩgʉsã mʉyare õãrõ masĩrĩ merã õãrõ pékũĩnúpeoburo, gajerãrẽ maĩdero nemorõ maĩnemoburo”, ãrĩ sërẽbosáa.

<sup>10</sup> Irire irasirirã: “Marĩpʉ gããmerĩrẽ irirã, gajino nemorõ iririre irirã yáa”, ãrĩ, õãrĩrẽ beyemasĩrãkoa. Mʉsã irire beyemasĩrã, Cristo i ʉmʉgue dupaturi aarimakũ, õãrĩrẽ irinĩnerã, waja opamerã ããrĩrãkoa.

<sup>11</sup> Jesucristo mʉsãrẽ Marĩpʉ gããmerĩ direta irimakũ irigʉkumi. Irasirirã õãrĩrẽ irinĩnerã ããrĩrãkoa. Gajerã ĩgʉrẽ: “Marĩpʉ õãtarigu, turatarigu ããrĩmi”, ãrĩ, bʉremumakũ irirãkoa.

*Pablo ĩgũ Cristoyagʉ ããrĩrĩrẽ gojadea*

<sup>12</sup> Yaarã, ire mʉsã masĩmakũ gããmea. Daporare yʉ peresugue ããrĩkererʉrʉ, Jesucristo masakare tauri kere gapʉ pémosũa.

13 Irasirirã ããrĩpererã surara romano marã opuya wii korerã yu Cristoyagu ããrĩrĩ waja peresugue dobobiarire masĩperekõama. ããrĩpererã gajerãde irire masĩma.

14 Yu peresugue ããrĩkeregũ marĩ Opũ Jesũre gũñaturari merã buremumakũ ããrã, wãrã marĩyarãde gũñaturari merã ãgũrẽ buremunemoma. Irasũ buremurã, gũiro marĩrõ Marĩpuya kerere gajerãrẽ werema.

15 Surãyeri Cristoyare buerã ããrĩkererã, yure ãaturima. Masakare yu buerire tuyabirimakũ iridũama. Gajerã gapũ õãrõ gũñarĩ merã Cristoyare buema.

16-17 Jesucristo masakare tauri kerere: “Diaye ããrã”, ãrĩ wereburire Marĩpu yure pĩdeare õãrõ masĩma. Irasirirã yure maĩrã Cristoyare buema. Gajerã gapũ yure ãaturirã, masakare ãgũsã gapure tuyamakũ gããmerã ãgũsãde Cristoyare buema. Yu peresugue ããrĩmakũ, ãgũsã yure bujaweremakũ iridũarã, irasũ yãma.

18 ãgũsã yure maĩbirikerepuũ õãrokoa. Õãrõ gũñarĩ marĩrõ Cristoyare buekerepuũ õãgorãa. Gajerã õãrõ gũñarĩ merã ãgũyare buemakũdere õãgorãa. ããrĩpererã ãgũsã Cristoyareta buerã yãma. Irasirigu usuyãa. Irasũ usuyaniõãgũkoa.

19 Ire masĩa. Marĩpũre yaa ããrĩburire musã sërëbosadea merã, Jesucristo yure Õãgũ deyomarĩgũ sidi iritamurĩ merã Marĩpu yure õãrõ tarimakũ irigũkumi.

20 Marĩpu iritamurĩ merã ãsũta irinĩkõãdũãa dapa. Yu irideare gũyasĩrĩrõ marĩrõ gũñadũãa. Irasirigu doyarõ marĩrõ yu iriderosũta dapaguedere masaka Cristore: “Õãtarigu, tutarigu ããrĩmi”, ãrĩ buremumakũ irinĩkõãdũãa. Boagu, o okagũgora yu boari merã, o yu okari merã irasũta iridũakoa.

21 Yu okaro bokatĩũrõ Cristoyare irinĩkõãgũkoa dapa. Boagu, Cristo puõ ãgũ merã ããrĩmakũ õãtarirokoa. Yu okagu ããrĩdero nemorõ ããrĩgũkoa.

22 Okagu, marĩ Opũ Cristoyamarẽ irinemomasĩa. Irasirigu: “Boamakũ, o okamakũ õãgorarokoa”, ãrĩmasĩbirikoa.

23 “Yu boadũakoa, o okadũakoa”, ãrĩ beyemakũ diasagorãa yure. Irasũ ããrĩkerepuũ, boadũakoa Cristo puõ ãgũ merã ããrĩbu. Irasirigu: “Yu boamakũ õãtarirokoa”, ãrĩ gũñãa.

24 Irasũ ããrĩkerepuũ: “Okagu gapũ musãrẽ nemorõ iritamugũkoa, irasiro gããmea”, ãrĩ gũñãa.

25 Irire masĩgũ, musã merã yu ããrĩburidere masĩa. Musã merã ããrĩgũ, musãrẽ iritamugũkoa Cristoyare buremunemoburo, ãrĩgũ. Irasirirã buremurĩ merã nemorõ usuyarãkoa.

26 Yu, musã puõgue musã merã dupaturĩ ããrĩmakũ, usuyarãkoa. Irasirirã, Jesucristo yure iritamurĩrẽ masĩrã, ãgũrẽ: “Turataria mu”, ãrĩ, usuyari sĩrãkoa.



27 I direta irika! Cristoya bueri ārīrōsūta āārīrikuka! Gūñaturarā āārīka! Irasirirā gāme dukawariro marīrō īgū masakare tauri kerere suro gūñarī merā bueka, gajerā īgūrē buremuburo, ārīrā! Y<sub>u</sub> mūsā p<sub>u</sub>ro īāgū waabirimakū, o y<sub>u</sub> īāgū waamakūdere mūsā irasirimakū gāāmea. Mūsā suro gūñarī merā ōārō āārīrikumakū péduāa.

28 Mūsārē iaturirārē neō güibirikōāka! Mūsā güibirimakū iārā, mūsā Marīp<sub>u</sub>yarā āārīrīrē masīrākuma. Irasirirā, Marīp<sub>u</sub> īgūsārē peamegue béoburire, īgū mūsārē tauburidere masīrākuma. Marīp<sub>u</sub> masakare āsūta irire masīmakū yāmi.

29 Marīp<sub>u</sub>ta mūsārē Cristore buremudoreg<sub>u</sub> pīdi āārīmī. Irasū āārīmakū: “Cristoyare mūsā wereri waja ñerō tarirākoa”, ārī pīdi āārīmī.

30 Irasirirā marī Cristoyarā āārīrī waja gajerā marīrē ñerō yāma. Mūsā merā y<sub>u</sub> āārīmakū, y<sub>u</sub>re īgūsā ñerō irasirimakū iāb<sub>u</sub>. Daporadere īgūsā y<sub>u</sub>re irasiririre pékoa mūsā.

## 2

*Cristo i ūmugue marī irirosū dupukug<sub>u</sub> āārīpererā Op<sub>u</sub> āārīrīmarē gojadea*

1 Cristo mūsārē īgūyarārē gūñaturamakū yāmi. Īgū mūsārē maīgū ōārō y<sub>u</sub>p<sub>u</sub>rāk<sub>u</sub>rī merā usuyamakū yāmi. Ōāgū dey-omarīgū mūsā merā āārīmī. Marīp<sub>u</sub> īgū mūsārē maīrīrē, īgū mūsārē bopoñarī merā iārīrē masīmakū yāmi.

2 Irasirirā y<sub>u</sub>re usuyari opatarimakū irika! S<sub>u</sub>rosū gūñarī merā ōārō āārīrikuka! S<sub>u</sub>rosū gāme maīka! S<sub>u</sub>rosū ōārō y<sub>u</sub>p<sub>u</sub>rāk<sub>u</sub>rī merā ōārō āārīka!

3 Mūsāyama direta gūñarik<sub>u</sub>rī marīrō: “Gajerā nemorō āārā”, ārī gūñarī marīrō masakare ōārō irika! Gajerā gap<sub>u</sub>re: “Īgūsā nemorō āārībea”, ārī gūñaka! B<sub>u</sub>remurī merā īgūsārē: “G<sub>u</sub>a nemorō ōārā āārīma”, ārī gūñaka!

4 Mūsāya āārīburi direta gūñabirikōāka! Gajerāya āārīb<sub>u</sub>ridere gūñaka! Gāme iritamuka!

5 Jesucristo īgūyamarē gūñaderosūta mūsāde mūsāyamarē gūñaka!

6 Īgū Marīp<sub>u</sub> āārīrik<sub>u</sub>rīre opakereg<sub>u</sub>, i ūmugue aarigú, Marīp<sub>u</sub>re: “Y<sub>u</sub> ūmugasigue āārīrik<sub>u</sub>rīre piribirikoa”, āārīb<sub>u</sub>ridi āārīmī.

7 Irasirig<sub>u</sub> īgū Op<sub>u</sub> āārīrīrē piri, i ūmugue aarigú marī irirosū dupukug<sub>u</sub> deyoa, moārīmasū irirosū āārīdi āārīmī.

8 Irasirig<sub>u</sub> marī irirosū dupukug<sub>u</sub> ubu āārīgú irirosū waadi āārīmī. Īgū Pag<sub>u</sub> īgūrē masakare boabosabu iriudeare masīgū, īgū Pag<sub>u</sub>re y<sub>u</sub>p<sub>u</sub>g<sub>u</sub> tarinugābiridi āārīmī. Curusague g<sub>u</sub>yasīūrō boakereg<sub>u</sub>, īgū Pag<sub>u</sub>re tarinugābiridi āārīmī.

9 Īgū irasirimakū, Marīpu Īgūrē: “Āārīpererā Opu āārībure sóobu, Īgū wāi yu Īgūrē sīdea wāi, āārīpererā gajerā wāi nemorō āārā”, ārī pīdi āārīmī.

10 Irasirirā āārīpererā ūmugasi marā, i nikū marā, boanerā āārīrōgue āārīrāde Jesús wāirē pérā, ñadukupuri merā ejamejā, Īgūrē b̄remurākuma.

11 Īgūsā āārīpererā: “Jesucristo marī Opu āārīmi”, ārīrākuma. Irasirirā Marīpure b̄remurākuma.

*Jesucristore b̄remurā Īgūyare iroso gāāmea, ārī gojadea*

12 Irasirirā yu maīrā, m̄sā merā yu āārīmakū, m̄sā Marīpu dorerire iriderosūta daporadere yu yoarogue āārīmakūdere irire oārō irika! Marīpu m̄sārē peamegue waabonerārē taudi āārīmī. Irasirirā, Īgū tausūnerā āārīsīā: “Gajerā nemorō āārā”, ārī gūñarō marīrō gopepyari merā Īgūyare irinīkōāka!

13 Āsū āārā. Marīpu m̄sārē Īgū gāāmerīrē iridūamakū yāmi. Irasū āārīmakū, m̄sārē iritamunīkōāmi, Īgū gāāmerōsūta iriburo, ārīgū. Irasirirā, Īgū: “Āsū irika!” ārīderosūta irimasīa.

14 Āārīpererire gajerārē guaseoro marīrō usuyari merā irika!

15 M̄sā Marīpu pūrā irasirirā, waja opamerā, ñerīrē irimerā āārīrākoa. I ūm̄ marā ñerā, Marīpuya diayemarē irimerā watopegue m̄sā āārā. Īgūsā ñerā i ūm̄ marā naītīārōgue āārīrā irirosū āārīma. Īgūsā watopegue m̄sā Marīpuyare irirā, neñukā naītīārōgue boyorosū irirā yāa. Īgūsārē m̄sā Marīpuyarā āārīrīrē masīmakū yāa.

16 Irasirirā Cristore b̄remurā Marīpu merā perebiri okari opaburire Īgūsārē wererā yāa. Yu, m̄sā irire weremakū Īgū: “M̄sārē buegu, ubugorata buebirikuyo”, ārī masīgukoa. Cristo i ūm̄gue dupaturi aarimakū, m̄sā merā usuyagukoa.

17 Yu m̄sārē Cristoyare bueri waja yure Īgūsā wējēduakerep̄gu, usuyāa. Cristore m̄sā b̄remuturamakū, Īgūyare irimakū Īgū, Marīpu, m̄sā Īgūrē gajinorē sīrī merā usuyarosū m̄sā merā usuyami. Irasirigu yude m̄sā merā usuyāa.

18 M̄sāde yure usuyatamuka!

*Pablo Timoteoyamarē, Epafroditoyamarē weredea*

19 Marī Opu Jesús gāāmemakū, mata Timoteore m̄sā p̄rogue iriugura m̄sā āārīrikurire masību. M̄sā oārō āārīrī kerere pégugeta usuyagukoa.

20 Timoteo yu irirosūta m̄sā oārō āārīburire b̄ro gūñami. Gajigu Īgū irirosū m̄sā oārō āārīburire gūñagū mámi.

21 Gajerā gapu Īgūsā āārīburi direta gūñarikuma. Jesucristo gāāmerī gapure gūñabema.

22 Mũsã, Timoteo òãrõ irinírîrê masĩa. Sugu, pagu merã moãgũ irirosũ ìgũ yu merã Jesucristoya kerere weretamumi.

23 Irasirigu: “Yũre waaburire òãrõ masĩadero purũ, ìgũrê mũsã progue iriugũra”, ãrĩ gũñãa.

24 Ìgũrê iriudũakeregu: “Marĩ Opũ Jesús yũdere iriugũkumi, irasirigu mata mũsã progue waagũkoa”, ãrĩ gũñãa.

25 Idere ãrĩ gũñãa: “Epaafroditodere mũsã progue iriugũra”, ãrĩ gũñãa. Mũsã ìgũrê yũre iritamudorerã, yu progue iriunerã ããrĩbũ. Ìgũ, yaagu yu merã moãgũ, Marĩpũyare yũre weretamugũ ããrĩmi.

26 Ìgũ mũsãrê ããrĩpererãrê bũro ìãdũami. Ìgũ pũrĩrikũdeare mũsã masĩmakũ pégu: “Ìgũsã yũre gũña, bũjawerekuma”, ãrĩ gũñarikumi.

27 Diayeta ããrã. Ìgũ bũro pũrĩrikumi. Mérõgã boaboyatarimi. Ìgũ irasũ pũrĩrikũkerepurũ, Marĩpũ ìgũrê bopoña, tarimakũ irimi. Yũdere: “Ìgũ boamakũ bũro bũjawerebokumi”, ãrĩgũ, Marĩpũ bopoñarĩ merã ìãmi. Irasirigu ìgũrê tarimakũ irimi.

28 Irasirigu, ìgũrê ìã, usũya, gũñaturaburo, ãrĩgũ, mũsã progue dupaturi bũro iridũari merã iriua. Mũsã usũyari kerere pégu, yũde usũyagũkoa.

29 Ìgũ mũsã pũro ejamakũ, ìgũrê marĩ Opũ Jesũyagũre òãrõ usũyari merã bokatĩrĩñeãka! Gajerãrê ìgũ irirosũ ããrĩrãrê bũremurĩ merã ìãka!

30 Ìgũ Cristoyare iridũagu boakõãdimi. Mũsã yũre iritamũsĩbirire iridũagu, irasũ waami. Irasirirã ìgũrê òãrõ bokatĩrĩñeãka!

### 3

*Pablo: “Ãsũ ããrĩrikũka!” ãrĩ gojadea*

1 Yaarã, daporare mũsã marĩ Opũyarã ããrĩsĩã, usũyaka! Yu iro dupuyurogue mũsãrê gojadeare dupaturi mũsãrê gojamakũ òãgorãa, ãrĩ gũñãa. Ire dupaturi gojanemogũ, mũsãrê iritamugũ yãa.

2 Nẽrõ irirãrê pẽmasĩka! Ìgũsã ñerã keoro buemerã ããrĩma. ããrĩpererãrê ìgũsãya dupũma gasirogãrê wiiridorema.

3 Irasũ wiiridorerã: “Iri merã Marĩpũre bũremusĩã, peamegue waabirikoa”, ãrĩ gũñadima. Marĩ gapũ Òãgũ deyomarĩgũ iritamurĩ merã diayeta Marĩpũre bũremua. “Marĩ Jesucristoyarã ããrĩsĩã, peamegue waabirikoa”, ãrĩ usũyãa.

4 Irasũ ããrĩkerepurũ, yaamarê ìgũsã irirosũ ãrĩdũagu, ìgũsãrê tarinũgãkõãbokuyo. Gajerã ãsũta ãrĩ tarinũgãkõãdũama. Yu gapũ ìgũsã nemorõ ãrĩmasĩa.

<sup>5</sup> Āsū ārā yure. Su mojōma pere gaji mojō ureru pērēbejanurī waaró merā yu deyoadero puru, yaa dupuma gasirogārē wiirinerā āārīmá. Yu Israemu, Benjamīya bum āārā. Yu pagusāmarāde hebreo masaka āārīnerā āārīmá. Irasirigu hebreo masakuta āārā. Moisés dorerire iripeodugū fariseo bum āārībú.

<sup>6</sup> Iri dorerire tarinugārō marīrō iriunabu. Neō sugu yure: “Iri dorerire keoro iribemi”, ārīmasībirimi. Irasirigu Jesúre bñremurā gapure: “Moisés dorerire bñremubema”, ārī gūña, ĩgūsārē ñerō iriunabu.

<sup>7</sup> Iripoeguere: “Yu āārīrikurire ōāgoráa”, ārī gūñaunadibu. Daporare: “Jesucristore bñremusiā, āārīpereri yu iripoegue iriunadeama wajamáa”, ārī gūñáa.

<sup>8</sup> Jesucristore yu Opure yu masīmakū ōātaria. “Gajino āārīpereri gapu wajamáa”, ārī gūñáa. Irasirigu, masaka gajino gāāmebirire béorosū iri āārīpereri yu iriunadeare béobu. Cristore ōārō masību, ĩgūyagu āārību irasiribu.

<sup>9</sup> Jesucristo yu merā āārīnīmakū gāāmea. Marīpu ĩgū Moisére doreri pídeare yu iridea merā yure: “Waja opabi, ōāgū āārīmi”, ārī ĩābemi. Jesucristo gapure yu bñremumakū: “Waja opabi, ōāgū āārīmi”, ārī ĩāmi. Marī ĩgūrē bñremumakū, Marīpu marīrē waja opamerā ōārā āārīmakū yámi.

<sup>10</sup> Irasirigu Cristore ōārō masīduakoa. Cristo ñerō tarikeregu, Marīpu gāāmerīrē iridi āārīmí. Irasirigu curusague boadi āārīmí. ĩgū iriderosūta yude ñerō tarikeregu, Marīpu gāāmerīrē iriduakoa. Boagugue irire iriduakoa. Marīpu ĩgū turari merā Cristo boadiguere masūdi āārīmí. Irasirigu iri turari merā Marīpu gāāmerīrē iriduakoa.

<sup>11</sup> “Marīpu ĩgū boanerārē masūrīnu ejamakū, Cristore masūderosūta, yudere masūgukumi”, ārī gūñáa. Yure irasirimakū buro gāāmea.

<sup>12</sup> I āārīpereri irasū ārīgū: “Cristo irirosū Marīpu gāāmerīrē iripeosiáa”, ārīgū meta yáa. Yu irasiribirikerepuru, Cristo yure ĩgūyagu āārīmakū irisiadi āārīmí. Irasirigu ĩgū irirosū āārīduagu turaro merā ĩgūyare yáa.

<sup>13</sup> Yaará, yu musārē irasū ārīgū: “Cristo irirosū āārīgū ĩgūyare iripeosiáa”, ārīgū meta yáa. Āsū gapu ārīgū yáa. Yu iripoegue iriunadeare gūñabea. “Yu Opu, znaásū irimakū gāāmerī yure?” ārīgū, buro ĩgūyare irituyáa.

<sup>14</sup> Ūma birarimasū ejapurorigu wajataduarosū ĩgūyare buro iripeoduáa. Marīpu ĩgū gāāmerī direta iriburo, ārīgū, yure Jesucristoyagure umugasigue ĩgū merā āārīdoregu siudi āārīmí. Irasirigu irire buro iriduagu Cristoyare turaro merā yáa.

<sup>15</sup> Āārīpererā Cristore ōārō bñremurā yu ārīrōsūta gūñarō gāāmea. Musā yu weredeare pēduabirimakū, gajerosū musā

gũñamakũ, Marĩpu mʉsārē diaye gũñamakũ iritamugukumi.

16 Irasirirã Cristoyare marĩ iritayaderosũta õãrõ gũña, iritayarã!

17 Yaarã, mʉsã ããrĩpererã yu iririkurire iãkũĩtayaka! Gajerã gʉa irirosũ irirãrē ĩgũsã iriridere iãkũĩka!

18 Yu mʉsārē wári gajerã ñerõ iririre weresiabu. Daporadere oreri merã ĩgũsãrēta werea mʉsārē doja. ĩgũsã ñerõ iriri merã: “Cristo, marĩ ñerõ iridea waja curusague boasadi ããrĩmĩ”, ãrĩ buerire buremumerã ããrĩma.

19 ĩgũsã puruguerere peamegue waadedirirãkuma. Marĩpure buremumerã ĩgũsã uribejari direta irirã yãma. Gʉyasĩrĩrõ marĩrõ: “Marĩ iriri õãrĩ ããrã”, ãrĩtarinugãma. I umuma direta gũñama.

20 Marĩ gapure marĩya makã umugasigue ããrã. Iroque merãta marĩrē taugu marĩ Opu Jesucristo dupaturi aarigukumi. Irasirirã ĩgũ aariburire usuyari merã yurã yãa.

21 Marĩrē ĩgũ turari merã marĩya dupure ubu ããrĩrĩ dupure ĩgũya dupu irirosũ õãrĩ umugasima dupu gorawayugukumi. Iri turari merã ããrĩpererãrē, ããrĩpererire doregukumi.

## 4

*Marĩ Opu Jesucristo merã usuyanĩkõãka! ãrĩ gojadea*

1 Irasirirã yaarã yu maĩrã, buro yu gũñarã, yure usuyamakũ irirã, neõ piriro marĩrõ gũñaturari merã marĩ Opure buremunĩkõãka!

2 Evodiare, Sintiquere ire weregura: “Mʉsã Jesúyarã nome ããrã. Irasirirã mʉsã gãme guaseorire piri, õãrõ surosũ gũñarĩ merã ããrĩrikuka!”

3 Yu merãmu, mʉdere yu merã õãrõ moãgũrē weregura: “ĩgũsã nomerē iritamuka!” Yu, Clemente merã, gajerã yu wapikurã merã Jesús masakare tauri kerere weremakũ, ĩgũsã nome guare õãrõ iritamuma. ĩgũsã wãĩrē, Marĩpu merã perebiri okari opamurã wãĩrē gojatũri pũgue gojatúsũnerã ããrĩma.

4 Mʉsã marĩ Opuyarã ããrĩsã, ĩgũ merã usuyanĩkõãka! Dupaturi werenemogura doja. Piriro marĩrõ usuyanĩkõãka!

5 Mʉsã gajerãrē bopoñarĩ merã õãrõ iritamurĩrē ããrĩpererã masaka iãmasĩburo. Marĩ Opu Jesucristo i umugue dupaturi aariburo mérõ dʉyãa.

6 Mʉsārē gajerosũ waarĩre bujawereri merã gũñarikubirikõãka! Āsũ gapu irika! ããrĩpereri mʉsārē waarĩre Marĩpure werepeokõãka! Mʉsã gããmerĩrē ĩgũrē sērēka! ĩgũrē sērērã: “Õãã”, ãrĩ, usuyari sĩka!

7 Mʉsã irasirimakũ, Marĩpu mʉsārē siunajãrĩ merã ããrĩrikumakũ irigukumi. ĩgũ irasũ iriri õãtaria. Marĩ irire neõ

pémasĩpeobiriko. Marĩ Jesucristoyarã ããrĩmakũ, Marĩpũ ĩgũ siuñajãrĩ sĩrĩ merã marĩrẽ õãrõ yũjũpũrãkũmakũ irigũkumi. Irasũ ããrĩmakũ, marĩ gũñarĩguere õãrĩ gũñamakũ irigũkumi.

*Õãrĩ direta gũñarõ gããmea, ãrĩ gojadea*

8 Yaarã, mũsarẽ ire weretũnugura. ããrĩpereri diayema ããrĩrĩrẽ, Marĩpũyare goepeyari merã bũremurĩrẽ, diayemarẽ iririre, õãrĩrẽ, Marĩpũ: “Õãrĩ ããrã”, ãrĩ ĩãrĩrẽ, ĩgũ ĩũrõ keoro iririre, ĩgũrẽ: “Mũ iriri, õãtariri ããrã”, ãrĩ, ʘũyari sĩrĩrẽ gũñaka! I ããrĩpererire gũñaka irire irimurã!

9 Yũ mũsã merã ããrĩgũ, mũsarẽ yũ buederosũta, yũ werederosũta, yũ iriderosũta irinĩkõãka! Mũsã irasirimakũ, Marĩpũ mũsarẽ siuñajãrĩ merã ããrĩrikũmakũ irigũ mũsã merã ããrĩgũkumi.

*Filipo marã Pablora iritamudea*

10 Mũsã yoadero pũrgue dupaturi yũre gũñarã, mũsã iritamurĩrẽ bũro ʘũyagu, marĩ Opũ Jesucristore: “Õãa”, ãrĩ, ʘũyari sĩa. “Mũsã yũre kãtiakõãbũ”, ãrĩgũ meta yáa. Mũsã yũre iritamudũakererũ, iritamumasĩña marĩbũ.

11 Mũsarẽ irasũ ãrĩgũ: “Gajino yũ gããmerĩrẽ opabea”, ãrĩgũ meta yáa. Yũ opari merã ʘũyamasĩa.

12 Gajinorẽ opabide, wãri opagũde õãrõ ʘũyari merã ããrĩmasĩa. ʘaboagũde, yapigũde, wãri opatarigũde, opabide ʘũyamasĩa.

13 Cristo yũre turamakũ irigũ merã ããrĩpererire yũ irasũ waarire bokatĩũmasĩa.

14 Yũ irasũ ããrĩkererũ, yũ ñerõ tariripoe mũsã yũre iritamurã, õãrõ iribũ.

15 Mũsã Filipo marã ire masĩa. Yũ Macedonia nikũ mũsãya nikũ ããrĩdi Jesús masakare tauri kerere wereru waagorenanũgãmakũ, mũsã dita yũre iritamubũ. Mũsarẽ yũ Jesũyare buemakũ, ʘũyari merã pẽbũ. Irasirirã yũre iritamubũ.

16 Mũsã, yũ Tesalõnicague ããrĩmakũ, yũre iritamunabũ. Irasirirã gajino yũ gããmerĩrẽ iriunabũ.

17 Yũ mũsarẽ gajino sũuro dita gããmegũ meta yáa. Marĩpũ ĩũrõ gajerãrẽ mũsã iritamudea merã nemorõ ĩgũya õãrĩ opanemomakũ gããmea. Mũsã irasũ iritamumakũ, Marĩpũ mũsarẽ õãrõ iritamugũkumi.

18 Mũsã yũre yũ gããmerĩ ããrĩpereri sĩbũ. Mũsã Epafrodito merã yũre iriudero pũrũ, nemorõ yũ gããmerĩ ããrĩpererire opáa. Mũsã yũre sĩa, Marĩpũre sĩa irirosũ ããrã. Mũsã irasiriri merã Marĩpũre õãrõ ʘũyamakũ yáa.

19 Marĩpũ yũ Opũ ããrĩpereri mũsã gããmerĩnorẽ mũsarẽ sĩgũkumi. ĩgũ wãri õãrĩ oparire Jesucristo merã mũsarẽ sĩgũkumi. ĩgũ mũsarẽ sĩburi õãtaria.

20 Ɔmarikɛ piriro marĩrõ marĩ Opɛ Marĩpɛre ɛsɛyari sĩnĩrã!  
Irasũta irirã!

*Pablo õãdoretũnudea*

21 Ɔãrĩpererã Marĩpɛyarã Jesucristore bɛremurã õãburo.  
Marĩyarã Jesúre bɛremurã yɛ merã ããrĩrã mɛsãrẽ õãdorema.

22 Ɔãrĩpererã õõ marã Marĩpɛyarã mɛsãrẽ õãdorema.  
Marĩpɛyarã romano marã opɛya wii ããrĩrãde bɛro õãdorema.

23 Marĩ Opɛ Jesucristo mɛsã ããrĩpererãrẽ õãrõ iritamuburo.  
Iropãta ããrã.

Pablo

## COLOSENSES

*Pablo Colosas marārē òãdoredea*

<sup>1</sup> Yu Pablo, marīyagu Timoteo merā musārē òãdoredea. Marīpu gāãmederosūta Jesucristo yure ĩgūyare buedoregu pimi.

<sup>2</sup> Irasirigu musārē Colosas marārē Marīpuyarārē Jesúre gūñaturari merā buremurārē gojáa. Marīpu āārīnīgū musārē iritamu, siuñajārī merā āārīrikumakū iriburo.

*Pablo Jesúre buremurāya āārīburire Marīpure sērēbosadea*

<sup>3</sup> Marīpure marī Opu Jesucristo Pagure musāya āārīburire sērēbosarikū usuyari sīa.

<sup>4</sup> Gna, musā Jesucristore buremurī kerere, gajerārē Marīpuyarārē āārīpererārē maīrī kerere pébu.

<sup>5</sup> Iripoegue musā Jesucristo masakare tauri kerere òãrō péduripíbu. I diayema kerere pérā: “Marīpu Jesucristo merā marīrē taugukumi. Marīrē taugu, umugasigue ĩgū merā òãrō āārīmakū irigukumi”, ārī masību. Irasirirā Jesúre buremurā, gajerārē Marīpuyarārē maīa.

<sup>6</sup> Āārīpererogue Jesúya kerere weremakū pérā, gajerāde musā iriderosūta Jesúre buremunugāma. Irasirirā ĩgūyare irinugāma. Musā iri kerere pépurorirāgueta: “Marīpu marīrē maīsīā, Jesús merā marīrē taugukumi”, ārī masību. Irasirirā: “Iri kere diayeta āārā”, ārī masīa.

<sup>7</sup> Gna maīgū Epafras musārē iri kerere weremi. ĩgū, guare moātamugū, Cristore moāboegu, ĩgūyamarē musārē weregu āārīmi. Iri moārīrē neō piribemi.

<sup>8</sup> ĩgūta guare musā gajerā Jesúyarārē Ōãgū deyomarīgū iritamurī merā maīrī kerere weremi.

<sup>9</sup> Irasirirā Epafras musāya kerere guare weredeanu merāta Marīpure musāya āārīburire sērēbosanerā, inugedere āsū ārī sērēbosaníkōāa: “Gnapu, ĩgūsārē Ōãgū deyomarīgū mu gāãmerīrē masīpeomakū iriburo, muyare pémasīpeomakū iriburo”, ārī sērēbosāa.

<sup>10</sup> Marīpure musā marī Opu Cristoyarā āārīsīā, ĩgū gāãmerōsūta òãrō irinīburire sērēbosāa. ĩgū gāãmerīrē irirā, òãrī direta irirākoa. Marīpure masīnemorākoa. Musā irasirimakū ĩãgū, usuyagukumi.

<sup>11</sup> Marīpure turatarigure ĩgū turari merā musā òãrō yujupūrākuturarā āārīburidere sērēbosāa. Irasirirā, ñerō tarikererā, āārīpereri musārē waaburire gūñaturari merā, usuyari merā āārīrikurākoa.

<sup>12</sup> Marīpu marīrē ĩgūyarā āārīmakū iridi āārīmī. Irasirigu ĩgūyarārē: “Yu gosewasiriri āārīrōgue āsū sīgura”, ārīdeare



marĩrẽ opamurã ããrĩmakũ iridi ããrĩmĩ. Irasirirã, musã Marĩpũre: “Mu guare irasiriburi, õãtaria”, ãrĩ, usuyari sĩburidere ĩgũrẽ sãrẽa.

<sup>13</sup> ĩgũta marĩrẽ naĩtĩãrõgue ããrĩã irirosũ ããrĩnerãrẽ taudi ããrĩmĩ, wãtĩ doresũnerã ããrĩnemobirikõãburo, ãrĩgũ. ĩgũ magũrẽ ĩgũ maĩgũrẽ marĩ Opũ ããrĩburo, ãrĩgũ, irasiridi ããrĩmĩ.

<sup>14</sup> ĩgũ magũ boari merã marĩ ñerõ iridea wajare taudi ããrĩmĩ. Irasirigũ marĩ ñerĩ irideare kãtidi ããrĩmĩ.

*Cristo boagu, marĩrẽ Marĩpũ merã siuñajãrĩ bokamakũ iridea*

<sup>15</sup> Marĩpũre ĩãña máa. Cristo ĩgũ magũ, ĩgũ Pagũ ããrĩrikũrire ĩmudi ããrĩmĩ masakare. ĩgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmĩ. Irasirigũ ããrĩpererã Marĩpũ irinerã nemorõ Opũ ããrĩmĩ.

<sup>16</sup> Cristo merã Marĩpũ ããrĩpererã umugasigue, i nikũgue ããrĩã, marĩ ĩãrãrẽ, marĩ ĩãmerãdere iridi ããrĩmĩ. Gaji marĩ ĩãrĩrẽ, marĩ ĩãbiridere iridi ããrĩmĩ. Oparãrẽ, dorerãrẽ, turarãrẽ, umugasigue ããrĩãrẽ, i nikũgue ããrĩãdere ããrĩpererãrẽ iridi ããrĩmĩ. Irasiriro ããrĩpererã, ããrĩpereri ĩgũ iridea ããrã. Irire irigũ: “Yũ magũya ããrã”, ãrĩdi ããrĩmĩ.

<sup>17</sup> Cristo ããrĩpererã, ããrĩpereri dupuyuro ããrĩsiadi ããrĩmĩ. Irasirigũ ĩgũ turari merã ããrĩpererãrẽ, ããrĩpereridere i umuguerẽ ĩgũ gããmerõsũta keoro ããrĩmakũ irinĩmi.

<sup>18</sup> Marĩ ĩgũrẽ buremurĩ bumarã, ĩgũyarã ããrĩsĩã, ĩgũya dupũ irirosũ ããrã. Irasirigũ marĩ dipuru, marĩ Opũ ããrĩmĩ. ĩgũ boadero pũũ, marĩ ããrĩpererã dupuyuro umugasigue masã mũĩapũroridi ããrĩmĩ ããrĩpererire, ããrĩpererãrẽ dorebu.

<sup>19</sup> Marĩpũ ĩgũ gããmederosũta ĩgũrẽ ãsũ ãrĩdi ããrĩmĩ: “Yũ magũ, yũ irirosũta ããrĩburo”, ãrĩdi ããrĩmĩ. Irasirigũ Cristo ããrĩpereri Marĩpũ ããrĩrikũrire opami.

<sup>20</sup> Marĩpũ ããrĩpereri i umumarẽ, ããrĩpererã i umugue ããrĩãdere ĩgũ merã õãrõ ããrĩmakũ gããmegũ, Cristore iriudi ããrĩmĩ. ĩgũ gããmederosũta Cristo curusague boagu dí béori merã umugasi marãrẽ, i nikũ marãdere: “Yũ merã õãrõ ããrĩburo”, ãrĩgũ, irasiridi ããrĩmĩ.

<sup>21</sup> Iripoegue musãde ñerĩrẽ iririkũsĩã, Marĩpũ merã õãrõ ããrĩburi, ĩgũrẽ ĩãturi, ñerõ gũñaunanerã ããrĩbũ.

<sup>22</sup> Musã irasũ ããrĩkerepũũ, Marĩpũ, Cristo boadea merã musãrẽ ĩgũ merã õãrõ ããrĩmakũ iridi ããrĩmĩ. Cristo, marĩ irirosũ dupũkũgũ ñerõ tari, boadi ããrĩmĩ. Irasirigũ Cristo boadea merã Marĩpũ musãrẽ ĩgũ pũroque ĩgũyarã õãrã, waja opamerã ããrĩburire ãmudi ããrĩmĩ.

<sup>23</sup> Musã piriro marĩrõ gũñaturari merã Cristore buremumakũ, ĩgũ musãrẽ tauri kerere kãtibirimakũ, Marĩpũ

musārē ĩgũ pũroque ĩgũ merã ããrĩmakũ irigũkumi. Iri kerere musã pédeare ããrĩperero i ãmũ marã péperekõãma. Yũ Pablode iri kerere weretamugũta ããrã.

*Marĩpu Pablode Jesúre bũremurãrē iritamudoredea*

24 Cristo marĩ ĩgũyarã ããrĩburire curusague boagũ, bũro ñerõ taridi ããrĩmĩ. Marĩ Cristore bũremurĩ bumarã, ĩgũyarãta ããrĩsã, ĩgũya dupũ irirosũ ããrã. Irasirirã ĩgũyarã ããrĩrĩ waja ñerõ taria. Marĩ ñerõ tariburo duyãa dapa. Irasirigũ yude ĩgũrē bũremurãrē iritamudũagũ, ñerõ taria. Ñerõ tarikeregũ, usuyãa. Pũrugue marĩ ñerõ tariri pererokoa.

25 Marĩpu yure Jesúre bũremurãrē iritamubure, musãya ããrĩburire ĩgũya kerere musārē werepeobure pími.

26 Iripoeguere wãri buri marãrē iri kerere masĩpeomakũ iribiriunadi ããrĩmĩ. Dapora marãrē ĩgũyarãrē irire õãrõ masĩpeomakũ yãmi.

27 Irasirigũ iri kerere iripoegue marã masĩbirideare musã judío masaka ããrĩmerãdere masĩmakũ gããmeme. Iri kere ãsũ ãrã: “Cristo ĩgũyarãguere ããrĩmi. Irasirirã ãmũgasigue ĩgũ õãtariro ããrĩõgue ĩgũ merã ããrĩrãkuma”.

28 Gũa Cristoyamarẽta werea. ããrĩpererãrē ĩgũyare pémasĩdorerã, ããrĩpereri Marĩpu guare masĩrĩ sĩrĩ merã buea. ĩgũ gããmerõsũta iridorerã, ĩgũ merã õãrõ ããrĩburo, ãrĩrã, werea.

29 Irita ããrã yũ moãrĩ. Cristo turari sĩdero bokatĩũrõ masakare ĩgũyare bue, ĩgũsãya ããrĩburire Marĩpũre sērēbosãa.

## 2

1 Ire musã masĩmakũ gããmea. Musãya ããrĩburire, Laodicea marãya ããrĩburire, ããrĩpererã yure ããmerãya ããrĩburidere bũro gũña, Marĩpũre sērēbosãa.

2 ãsũ ãrĩ sērẽa Marĩpũre: “Gũapũ, ĩgũsãrē õãrõ yũpũrãkũmakũ irika! Õãrõ gãme maĩrĩ merã ããrĩrikũmakũ irika! ĩgũsãrē mũ magũyamarē õãrõ pémasĩmakũ irika! Mũ magũyamarē pémasĩrã, gũñaturari merã ããrĩrikũrãkuma. Iripoegue marã masĩbirideare õãrõ masĩrãkuma”, ãrĩ sērēbosãa.

3 Cristo dita ããrĩpererire õãrõ masĩgũ, õãrõ pémasĩgũ ããrĩmi. ĩgũ dita marĩrē ĩgũyamarē masĩmakũ irigũ ããrĩmi. Irire masĩrã, õãtaririre masĩa.

4 Gajerã musārē õãrõ pésuyuri werenĩrĩ merã ãrĩgatobokuma, ãrĩgũ, irire werea.

5 Yũ musã watopegue ããrĩbirikeregũ, musã merã ããrĩgũ irirosũ péñãa. Musãrē bũro gũñãa. Musã Cristore gũñaturari merã õãrõ bũremurĩrē musã õãrõ ããrĩrikũrere pégũ, usuyãa.

6 Irasirirã marĩ Opũ Jesucristore buremurã ĩgũrẽ musã buremunugãderosũta: “Yũre iritamugukumi”, ãrĩ buremunĩ, ãmarĩkũ ĩgũ merã õãrõ ããrĩnikõãka!

7 ĩgũrẽ õãrõ masĩrã, ĩgũyare irirã ããrĩka! Gajerã musãrẽ buederosũta piriro marĩrõ gũñaturari merã ĩgũrẽ buremunemoka! Ɛmarĩkũ Marĩpũre: “Õãã”, ãrĩ, usuyari sĩka!

*Jesúre buremurã Marĩpũ merã õãrõ ããrĩrĩmarẽ gojadea*

8 Õãrõ pémasĩka! Masaka ĩgũsã gããmerõ buerire, ĩgũsã ãrĩgatorire pébirikõãka! ĩgũsã iripoegue marã ããrĩrikudeare, ĩgũsã basi i ãmũmarẽ ĩgũsã gũñarĩrẽ buema. Gajerãrẽ Jesucristoyare buerã meta ããrĩma. ĩgũsã ĩgũyare pirimakũ iriduarã, irasũ buema.

9 Cristo, marĩ irirosũ dupũkũgũ ããrĩgũ ããrĩpereri Marĩpũ ããrĩrikũrĩre opagũ ããrĩmi.

10 Musã Cristoyarã ããrĩmakũ, Marĩpũ musãrẽ ĩgũ irirosũ õãrã ããrĩmakũ yãmi. Cristota ãmũgasi marã, i nikũ marã, deyorã, deyomarĩrã ããrĩpererã oparã nemorõ Opũ ããrĩmi. Irasirirã ãrĩgatori merã buerãrẽ pébirikõãka!

11 Cristoyarã ããrĩsĩã, dupũma gasirogãrẽ wiirisũbirikererã, wiirinerã irirosũ ããrã. Masaka musãrẽ irasũ ããrĩmakũ iribirĩma. Marĩpũ gapũ musã Cristoyarã ããrĩmakũ, musãrẽ ĩgũ merã taudi ããrĩmĩ, musã ñerĩ haribejarire piriburo, ãrĩgũ.

12 Musã Cristoyarã ããrĩsĩã, deko merã wãĩyesũrã, Cristo boa, yãasũderosũta musãde ĩgũ merã boa, yãasũnerã irirosũ waabu. Boanerã ñerĩrẽ neõ irinemomasĩbema. Irasirirã musã wãĩyesũrã, musã iripoegue ñerõ iriunadeare piririre ĩmurã irĩbu. Musã irasũ wãĩyesũmakũ, Marĩpũ Cristo boadiguere masũderosũta musãdere ĩgũ merã masũnerã irirosũ ããrĩmakũ iridi ããrĩmĩ. “Marĩpũ ĩgũ turari merã Cristore masũdi ããrĩmĩ”, ãrĩ buremumakũ, musãrẽ irasiridi ããrĩmĩ õãrĩ gapũre iriburo, ãrĩgũ.

13 Iripoeguere musã ñerõ iridea waja peamegue waabonerã ããrĩnerã ããrĩbũ. Marĩpũyarã ããrĩbirisĩã, irasũ ããrĩnerã ããrĩbũ. ĩgũ dorerire opabisĩã, irire iribirinerã ããrĩbũ. Daporare pama Marĩpũ marĩrẽ ĩgũ merã irasũ õãrõ ããrĩnimurã ããrĩmakũ yãmi. Cristo boadea merã irasũ yãmi. ĩgũ boadea merãta ããrĩpereri marĩ ñerĩ irideare kãtidi ããrĩmĩ.

14 Iripoegue Marĩpũ ĩgũ dorerire marĩrẽ: “Ãsũ irika!” ãrĩ pídi ããrĩmĩ. Marĩ iri dorerire tarĩnũgãnerã ããrĩkerepũrũ, Cristo curusague boadea merã marĩ ñerĩ iridea wajare kãtipeokõadi ããrĩmĩ.

15 Irasũ ããrĩmakũ, Cristo curusague boari merã wãtẽa oparãrẽ, ĩgũsãrẽ dorerã turarãrẽ tarĩnũgãkõadi ããrĩmĩ.

Irasirigu ĩgũ ĩgũsārē tarinugādeare gajerārē masĩmakũ iridi āārĩmĩ.

*Ƴmũgasimarē, Marĩpũyare iritũyaka! ārĩ gojadea*

16 Irasirirā gajerā mũsārē doredũarā: “Irire baarā, irire iirirā ñerĩrē irirā yāa”, ārĩ werewũamakũ irasũ pékõāka! Bojorikũ, abe deyoanarikũ, semanarikũ bosenũrĩ āārĩrĩnũrĩrē ĩgũsā judío masaka irirosũ mũsā iridũabirimakũ werewũaridere irasũ pékõāka!

17 Iripoegue Marĩpũ marĩrē ĩgũ dorerire pídi āārĩmĩ, ĩgũ marĩrē Cristo merā iritamuburire pémasĩburo, ārĩgũ. Daporare Cristo iri dorerire iripeogu ejadigue āārĩmĩ marĩ ñerõ iridea wajare taubu.

18 ĩgũsā mũsārē doredũarā: “Gajerā nemorõ āārā”, ārĩ gũñakererā, masaka péurogue: “Gajerā nemorõ āārĩbea”, ārĩ weregorenama. Marĩpũre wereboerārē bũremurā, ĩgũsārē: “Iritamuka gũare!” ārĩ sērēma. “Kērõ irirosũ Marĩpũ gũare ĩmudeare ĩābũ”, ārĩmoāmarā: “Masĩtarinugārā āārā”, ārĩ gũñadima. ĩgũsā basi gũñarõsũ yāma. Irasirirā mũsārē: “Gũa irirosũ iribirimakũ, diayemarē iribea”, ārĩ werewũamakũ irasũ pékõāka!

19 ĩgũsā Cristore bũremubema. Marĩ gapũ ĩgũrē bũremurĩ bumarā, ĩgũyarā āārĩsĩā, ĩgũya dupũ irirosũ āārā. ĩgũta marĩrē doregũ, marĩ dipuru āārĩmĩ. Irasirigu, Marĩpũ gāāmerõsũta marĩrē ĩgũya dupũ irirosũ āārĩrārē gāme iritamu, ĩgũrē bũremunemomakũ yāmi.

20 Mũsā, Cristo boaderosũta ĩgũ merā boanerā irirosũ waanerā āārĩsĩā, mũsārē doredũarā ĩ ũmũmarē ĩgũsā gũñarõsũ buerire bũremubirikõāka! Mũsā ñerõ iririre pirikererā, Cristoya buerire bũremukererā, ĩnasirirā ĩgũsā dorerire iridũari dapa?

21 ĩgũsā gāāmerõsũ āsũ ārĩ buema: “Irinorē baabirikõāka! Irinorē ñeābirikõāka!” ārĩma. ĩgũsā irire irasũ ārĩmakũ, ĩnasirirā ĩgũsā dorerire yũjũrĩ?

22 ĩgũsā doreri: ĩ ũmũma pereburi, masaka ĩgũsā gũñarĩ merā bueri āārā. Irasiro wajamāa.

23 ĩgũsā dorerire irirā: “Marĩpũyare õārõ masĩrĩ merā ĩgũrē bũremurā yāa”, ārĩ gũñadima. ĩgũsā dupũre ñerõ tarimakũ irirā, “Goepeyari merā Marĩpũre bũremurā yāa”, ārĩ gũñadima. ĩgũsā dorerire irirā, masaka péurogue: “Gajerā nemorõ āārĩbea”, ārĩ weregorenakererā, diayemarē irirā irirosũ iriadima. ĩgũsā dorerire irikererā, ĩgũsā ñerĩ uaribejarire piribema. Irasiro ĩgũsā doreri wajamāa.

## 3

<sup>1</sup> Marĩpu Cristore boadiguere masũderosũta musãdere ĩgũ merã masũnerã irirosũ ããrĩmakũ iridi ããrĩmĩ õãrĩ gapure iriburo, ãrĩgũ. Irasirirã musã iro dupuyuro ñerĩ irideare piri, ãmugasimarẽ Cristoyare gããmekã! Irogue Cristo ĩgũ Pagu diaye gapu doagu ããrĩpererãrẽ doregu ããrĩmi.

<sup>2</sup> Ũmugasimarẽ gũñanĩka! I ãmumarẽ gũñanĩbirikõãka!

<sup>3</sup> Musã Cristoyarã ããrĩsĩã, ĩgũ boaderosũta musãde ĩgũ merã boanerã irirosũ waanerã ããrĩbũ. Irasirirã boanerã ñerĩrẽ neõ irinemomasĩmerã irirosũ musã iripoegue ñerõ iriunadeare piribu. Daporare Cristo merã Marĩpu purogue masaka ĩãberogue perebiri okari opamurã ããrã.

<sup>4</sup> Irasirirã, Cristo marĩrẽ okari sĩgũ i ãmugue dupaturi aarimakũ, ãmugasigue ĩgũ gosewasiri ããrĩrõgue ĩgũ merã waarãkoa.

*Iro dupuyuro ñerĩ irideare pirika! ãrĩ gojadea*

<sup>5</sup> Irasirirã i ãmuma ñerĩ iririre pirikõãka! Neõ sugu mojõsiabirikeregu, nomeõ merã ããrĩbirikõãka! Neõ sugo mojõsiabirikerego, ãmũu merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ ãaribejarire iribirikõãka! Gajinorẽ opaduarã, burõ gããmebirikõãka! Masaka Marĩpũre gããmerõ nemorõ gajino gapure gããmerã, keori weadeare burumurã irirosũ yãma.

<sup>6</sup> Iri ñerĩrẽ irirã, Marĩpu dorerire tarinugãrã ããrĩma. Irasirigu ĩgũsãrẽ burõ wajamoãgukumi.

<sup>7</sup> Iripoeguere iri ñerĩrẽ irirã irirosũ musã ããrĩunanerã ããrĩbũ.

<sup>8</sup> Dapora ããrĩpereri i ñerĩrẽ pirika! Guarire, sītĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ gũyasĩũrĩ werenĩrĩrẽ pirikõãka!

<sup>9</sup> Gãme ãrĩgatobirikõãka! Musã Cristoyarã ããrĩsĩã, musã ĩgũyarã ããrĩburi dupuyurogue ããrĩrikũunaderosũ neõ ããrĩbea. Musã ñerĩ iririkũunadeare pirinerã ããrã.

<sup>10</sup> Musã Cristoyarã ñajãmakũ, Marĩpu musãrẽ maama ããrĩrikũrĩre opamakũ iridi ããrĩmĩ. Irasirigu musãrẽ ĩgũ õãgũ ããrĩrõsũ ããrĩmakũ yãmi. Musãrẽ ĩgũrẽ õãrõ masĩnemoburo, ãrĩgũ, irasũ yãmi.

<sup>11</sup> Irasirirã marĩ Cristoyarã ããrĩrã: judío masaka, judío masaka ããrĩmerãde, dupũma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã ããrĩmerãde, Marĩpu ĩũrõrẽ sũrosũ ããrã. Cristo marĩ ããrĩpererã Opũ ããrĩmi. Irasirigu ããrĩpererã ĩgũyarã merã ããrĩmi.

<sup>12</sup> Irasirirã musã Marĩpu beyenerã, õãrã, ĩgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ĩãka! ĩgũsãrẽ õãrõ usũyari merã iritamuka! “Gajerã nemorõ ããrã”, ãrĩ

gũñabirikõõka! Mũsārē ñerõ irikerepũũ, irasũ péñakõõka! Gũñaturaka!

<sup>13</sup> Guari marĩrõ gajerārē bopoñarĩ merã ãaka! Gajerã merã gãme turianerã, ãgũsã mũsārē ñerõ irideare ãgũsārē kãtika! Marĩ Opũ mũsã ñerĩ irideare kãtidi ããrĩmĩ. ãgũ kãtiderosũta mũsãde mũsã merãmarã mũsārē ñerõ irideare kãtika!

<sup>14</sup> I doreri nemorõ mũsārē: “Gajerārē bũro maĩ bũremuka!” ãrã. Mũsã irasirirã ããrĩpererã gajerã merã õãrõ ããrĩrãkoa.

<sup>15</sup> Marĩpũ marĩrē siuñajãrĩ merã ããrĩrikũmakũ yãmi. Irasirirã mũsã merãmarã merã õãrõ ããrĩka! Marĩ ãgũyarã su bumarãta ããrã. Marĩpũ marĩrē irasũ ããrĩmurãrē pĩdi ããrĩmĩ. Irasirirã ãgũrē: “Õãã”, ãrĩ, mũsũyari sĩnĩkõõka!

<sup>16</sup> Cristoya kerere gũñanĩkõõka, irire masĩnemomurã! Õãrõ pemasĩrĩ merã ãgũyare gajerārē bueka! Goepeyari merã wereka, ãgũsãde ãgũyare õãrõ iriburo, ãrĩrã! Irasirirã Salmos wãikũri gojadea pũgue Marĩpũya bayarire, gaji ãgũrē bũremurĩ bayarire ãgũrē bayapeoka! Õãrõ gũña bũremurĩ merã bayapeoka! Irasirirã Marĩpũre: “Õãã”, ãrĩ, mũsũyari sĩka!

<sup>17</sup> Marĩ Opũ Jesũs mũsũyaburosũta ããrĩpereri mũsã iririre, ããrĩpereri mũsã werenĩrĩrē õãrõ yũjũpũrãkũri merã irika! Irasirirã, Jesũs iritamurĩ merã Marĩpũre: “Õãã”, ãrĩ, mũsũyari sĩka!

*Pablo Jesũre bũremurãrē: “Ãsũ irika!” ãrĩ gojadea*

<sup>18</sup> Mũsã marãpũkũrã nome, Cristo marĩ Opũyarã nome ããrĩsĩã, mũsã marãpũsãmarãrē õãrõ yũjũka!

<sup>19</sup> Mũsã marãpokũrã, mũsã marãposã nomerē maĩ bũremuka! ãgũsārē turibirikõõka!

<sup>20</sup> Mũsã ãgũsã pũrãde ããrĩpereri mũsã pagũsãmarã dorerire tarĩnũgãbirikõõka! Mũsã irasirimakũ, marĩ Opũ õãrõ mũsũyagũkumi.

<sup>21</sup> Mũsã ãgũsã pagũsãmarãde mũsã pũrãrē turi, ãgũsārē guamakũ iribirikõõka, bũjawereri merã yũjũpũrãkũri, ãrĩrã!

<sup>22</sup> Moãboerimasã, ããrĩpereri mũsã oparã i mũmũ marã dorerire yũjũka! ãgũsã iũrõrē, ãgũsã ããberoguedere õãrõ moãka! ãgũsã mũsārē õãrõ gũñaburire ãgũsã iũrõ direta õãrõ moãmakũ õãbea. Mũsã, marĩ Opũre goepeyari merã bũremurã ããrĩsĩã, mũsã oparãdere õãrõ merã yũjũka!

<sup>23</sup> ããrĩpereri mũsã iririre, õãrõ yũjũpũrãkũri merã irika! Masakare moãboekererã, diayeta marĩ Opũre Cristore moãboerã ããrã. Irasirirã mũsã oparãrē õãrõ moãboeka! Irasũ moãboerã, Cristore moãboerã irirosũ yãa.

<sup>24</sup> Mũsã irasirimakũ, Cristo mũsārē wãjarigũkumi. ãgũyarãrē: “Ãsũ sĩgũra”, ãrĩdeare mũsārē sĩgũkumi. Mũsã

irire masīa. Musā marī Opure Cristore moāboerā āārā. Īgūta musā Opugora āārīmi.

<sup>25</sup> Marīpu ñerō irirārē Īgūsā ñerō iridea waja wajamoāgukumi. Īgūsārē āārīpererārē surosū iāgū, keoro wajamoāgukumi. Neō sugu tariweweririkumi.

#### 4

<sup>1</sup> Musā oparā, musārē moāboerimasārē diayemarē irika! Īgūsārē oārō opaka! Ire musā masīa. Musāde Opu opāa. Musā Opu ūmugasigue āārīgū Marīpu āārīmi.

<sup>2</sup> Ūmuriku oārō gūña pēmasī, Marīpure sērēnikōāka! Īgūrē: “Ōāa”, ārī, usuyari sīka!

<sup>3</sup> Marīpure gūaya āārīburidere sērēbosaka! Gūa Cristoya kerere iripoegue marā masībirideare gajerārē buedakoa. Irasirirā Marīpure gūa Īgūsārē iri kerere oārō bueburire sērēbosaka! Yu iri kerere wereri waja daporare peresugue āārā.

<sup>4</sup> Irasirigu Marīpure yaa āārīburire musā sērēbosamakū gāamea. Marīpure Īgū dorederosūta Cristoya kerere gajerārē pēmasīma oārō yu wereburire sērēbosamakū gāamea.

<sup>5</sup> Jesúre bñremumerārē pēmasīrī merā oārō irika! Īgūsārē Īgūyare wereka! Īgūsā merā musā āārīrōpā Īgūsārē oārō irika, Īgūsāde Jesúre bñremuburo, ārīrā!

<sup>6</sup> Gajerā merā weretamurā, oārō merā weretamuka! Ōārī direta werenīka! Musā irasirirā gajerā Īgūsā Jesúyamarē musārē sērēñamakū, oārō masīrī merā yujurākoa Īgūsārē.

#### *Pablo oādoretūnudea*

<sup>7</sup> Tíquico, marīyagu marī maīgū, Jesúre bñremugū āārīmi. Īgū yu āārīrikurire musārē weregukumi. Marī Opuyare buegu, yu merā moāgū āārīmi. Neō iri moārīrē piribemi.

<sup>8</sup> Musā pñrogue Īgūrē iriua, gūa āārīrikurire masī, musārē gūñatura, usuyamakū iriburo, ārīgū.

<sup>9</sup> Onésimo merā Īgūrē iriua. Īgūde Jesúyare neō piribemi. Musāya makāmū, marīyagu marī maīgū āārīmi. Īgūsā pērā gūa naāsū waadeare āārīpererire wererākuma musārē.

<sup>10</sup> Aristarco yu merāmū, yu merā peresugue āārīgū musārē oādoremi. Marcode oādoremi. Īgū Bernabé pagumū āārīmi. Musā pñrogue Īgū ejamakū, oārō merā Īgūrē bokatīrīñēaka, yu musārē werederosūta!

<sup>11</sup> Jesús wāikugū, gajerā “Justo” wāiyedi musārē oādoremi. Īgū, Marcos, Bernabé merā yure moātaturā āārīma. Īsā urerāta gajerā judío masaka Jesúre bñremurā watopeguere yure moātamura, masaka Marīpu Īgūyarārē doreri kerere pēburo, ārīrā. Īgūsā yure iritamurī merā gūñatura, usuyāa.

12 Epafras musāya makāmude musārē ōādoremi. Īgū Cristoyagu ĩgūrē moāboegu āārīmi. Marīpure sērēgū, turaro musāya āārīburire sērēbosanikōāmi. Marīpure ōārō gūñaturaní, ĩgū gāāmerōsū iriburo, ārīgū, irasū sērēbosami.

13 Īgū Marīpure musāya āārīburire turaro sērēbosamakū ĩāa. Laodicea marāya āārīburire, Hierápolis marāya āārīburidere turaro sērēbosami. Īgū irasirimakū ĩāgū, musārē irire diaye werea.

14 Duturu Lucas, marī maīgū musārē ōādoremi. Demade ōādoremi.

15 Ōāburo marīyarā Laodicea marā. Ninfra wāikugode ōāburo. Jesúre baremurā igoya wiigue nerērāde ōāburo.

16 I pūrē yu gojadea pūrē musā nerērōgue bue ĩmu odo, Laodicea marādere iriuka, ĩgūsāde ĩgūsā nerērōgue bue ĩmuburo, ārīrā! Irasirirā ĩgūsārē gaji yu gojadea pūrē ñeārā, musāde iri pūrē bue ĩmuka!

17 Āsū ārīka Arquipore: “Marī Opu Jesúyagu mu āārīmakū, mūrē ĩgū moārīrē pídi āārīmí. Irasirigu irire ōārō moāyuwarikuka!” ārīka ĩgūrē!

18 Yu Pablo, yaa mojō merā ire gojáa: “Musārē ōādorea”. Peresugue yu āārīrīrē gūña, Marīpure yaa āārīburire sērēbosaka! Ōārō āārīka musā! Marīpu musārē ōārō iritamuburo.

Iropāta āārā.

Pablo



# 1 TESALONICENSES

## *Pablosã Tesalónica marãrẽ õãdoredea*

<sup>1</sup> Y<sub>H</sub> Pablo, y<sub>H</sub> merãmarã Silvano, Timoteo merã musã Tesalónica marãrẽ Jesúre b<sub>H</sub>remurãrẽ õãdorea. Musã Marĩp<sub>H</sub>yarã, marĩ Op<sub>H</sub> Jesucristoyarã ããrã. Irasirig<sub>H</sub> musãrẽ i papera pũrẽ gojáa. Marĩp<sub>H</sub> ããrĩnígũ, marĩ Op<sub>H</sub> Jesucristo musãrẽ õãrõ iritamu, siuñajãrĩ merã ããrĩrik<sub>H</sub>makũ iriburo.

## *Pablo, Tesalónica marã Jesúre b<sub>H</sub>remurĩrẽ gojadea*

<sup>2</sup> G<sub>H</sub>a Marĩp<sub>H</sub>re musãya ããrĩburire sërẽbosarã, musã õãrõ iririre gũñáa. Irasirirã ãgũrẽ: “M<sub>H</sub> iritamurĩ merã õãrõ yáma”, ãrĩ, usuyari sĩnkõãa.

<sup>3</sup> ãgũrẽ sërẽrã, ãsũ ãrĩ sërẽa: “G<sub>H</sub>ap<sub>H</sub>, Tesalónica marã m<sub>H</sub> magũ Jesucristore b<sub>H</sub>remusĩã, ãgũyare õãrõ irirã yáma. Maĩrĩ merã gajerãrẽ õãrõ iritamuma. Marĩ Op<sub>H</sub> Jesucristo dupaturi aariburire usuyari merã yúsã, ñerõ tarikererã gũñaturama. Irasirig<sub>H</sub> ãgũsãrẽ irire iriduúbirimakũ irika!” ãrĩ sërẽa.

<sup>4</sup> G<sub>H</sub>ayarã, Marĩp<sub>H</sub> musãrẽ maĩmi. ãgũta musãrẽ beyedi ããrĩmi, ãgũyarã ããrĩburo, ãrĩgũ. G<sub>H</sub>a irire masĩa.

<sup>5</sup> Musãrẽ Jesús masakare tauri kerere wererã, g<sub>H</sub>a masĩrĩ merã werebirib<sub>H</sub>. Õãgũ deyomarĩgũ turari merã gap<sub>H</sub> musãrẽ iri kerere wereb<sub>H</sub>. G<sub>H</sub>a musãrẽ õãrõ iritamudeare masĩsĩã, g<sub>H</sub>a iri kerere weremakũ pérã: “Diyeta ããrã”, ãrĩ masĩb<sub>H</sub>.

<sup>6</sup> Irasirirã, g<sub>H</sub>a irideare ããnerã ããrĩsĩã, g<sub>H</sub>a iriderosũ, irasũ ããrĩmakũ Jesucristo iriderosũ irirã dujab<sub>H</sub>. Ñerõ tarikererã, Õãgũ deyomarĩgũ iritamurĩ merã Jesúya kerere usuyari merã pé, b<sub>H</sub>remunugãb<sub>H</sub>.

<sup>7</sup> Musã irasirideare pérã, ããrĩpererã Jesúre b<sub>H</sub>remurã, Macedonia nikũ marã, õõ Acaya nikũ marã: “Marĩdere ãgũsã irirosũta ããrĩrik<sub>H</sub>ro gããmea”, ãrĩma.

<sup>8</sup> Musã merãta ããrĩpererogue marã marĩ Op<sub>H</sub> Jesúya kerere pépereakõãñurã. Macedonia marã, Acaya marã dita iri kerere pérã meta iriñurã. ããrĩpererogue marã musã Marĩp<sub>H</sub>re b<sub>H</sub>remurĩrẽ masĩsiañurã. Irasirirã g<sub>H</sub>a ãgũsãrẽ irire werenemobirikoa.

<sup>9</sup> ãgũsã gap<sub>H</sub> g<sub>H</sub>a musã p<sub>H</sub>ro ejamakũ, musã g<sub>H</sub>are õãrõ bokatĩrĩñeãdeare gajerãguere werema. Gaji musã keori weadearẽ b<sub>H</sub>remurĩrẽ pirikõã, Marĩp<sub>H</sub> gap<sub>H</sub>re b<sub>H</sub>remu, ãgũ gããmerĩ direta irinugãdeare werema. ãgũ diyeta Marĩp<sub>H</sub> okanígũ ããrĩmi.

<sup>10</sup> Musã, ãgũ magũ Jesús ãmugasigue ããrĩgũ i ãmugue dupaturi aariburire õãrõ usuyari merã yũrã iriayuro. Marĩp<sub>H</sub>

Jesúre boadiguere masũdi ããrĩmĩ. Jesúta marĩrẽ peamegue bũro wajamoãšũbonerãrẽ taugu ããrĩmi.

## 2

### *Pablo Tesalónicague ĩgũ buedeare gojadea*

<sup>1</sup> Gũayarã, mũsã ire õãrõ masĩa. Gũa mũsã pũro ããrĩrã, ubu ããrĩrĩrẽ irirã meta iribu. Gũa buerire pẽrã, wãrã mũsã Jesúre bũremunugãbu.

<sup>2</sup> Gũa mũsã pũro waaburi dupuyuro Filipogue ããrĩbũ. Gũa iroque ããrĩmakũ, iro marã gũare ñerõ iri, ñerõ ãrĩ bũridama. Mũsã irire masĩa. Mũsãya makã marãde gũare ñerõ iridũakerepũru, Marĩpu gũare iritamumi. Irasirirã gũiro marĩrõ gũñaturari merã ĩgũ masakare tauri kerere mũsãrẽ werebu.

<sup>3</sup> Gũa mũsãrẽ: “Iri kerere bũremuka!” ãrĩ wererã, diayema ããrĩrĩrẽ bũremumakũ gããmebu. Mũsãrẽ ñerõ iridũarã, ãrĩgatori merã buerire bũremumakũ iridũarã meta iribu.

<sup>4</sup> Marĩpu ĩgũ gããmederosũta gũare ĩgũ masakare tauri kerere weremurãrẽ beyepĩdi ããrĩmĩ. Irasirirã, masaka gũa merã usuyaburo, ãrĩrã meta iri kerere werea. Marĩpu gããmerĩ gapure iridũarã, irire werea. ĩgũta ããrĩpereri marĩ gũñarĩrẽ ĩãmasĩgũ ããrĩmi.

<sup>5</sup> Mũsã masĩa. Gũa mũsã pũro ããrĩrã, mũsãrẽ õãrõ werenĩgatori merã gũa gããmerĩrẽ irimakũ iridũarã meta iribu. Mũsãrẽ niyerure ãidũarã ãrĩgatori merã wererã meta iribu. Marĩpude irire masĩmi.

<sup>6</sup> Gũa Marĩpuya kerere wererã, mũsã gũare: “Õãrõ buema”, ãrĩmakũ iridũarã meta yãa. Gajerãde gũare irasũ ãrĩmakũ neõ gããmebea.

<sup>7</sup> Gũa, Cristo buedoregu beyepĩnerã ããrĩsĩã, mũsãrẽ: “Gũare iritamuka!” ãrĩbonerã ããrĩkererã, neõ irasũ ãrĩbiribu. Sugo pago igo pũrãrẽ maĩrĩ merã õãrõ korerosũta mũsãrẽ maĩrĩ merã õãrõ korebu.

<sup>8</sup> Mũsãrẽ bũro maĩsĩã, Marĩpuya kerere õãrõ iridũari merã buebu. ããrĩpereri gũa irimasĩrĩ merã mũsãrẽ iritamubu. Mũsãrẽ maĩsĩã, irasiribu.

<sup>9</sup> Mũsã gũayarã, gũa mũsã merã ããrĩrã bũro moãdeare gũñakoa. Mũsãrẽ Marĩpuya kerere buerã: “Gũare iritamuka!” ãrĩdũabirisĩã, gũa baaburire wajarimurã ãmũrĩ, ñamirĩ moãbu.

<sup>10</sup> Gũa iririkũrere mũsã masĩa. Marĩpude masĩmi. Gũa, mũsã Jesúre bũremurã merã ããrĩrã, gũa mũsãrẽ õãrõ irirã, diayema iribu. Irasirirã gajerã gũare: “Ñerõ yãma, waja oparã ããrĩma”, neõ ãrĩmasĩbirima.

11 Idere musā masīa. Sugu pagu ĩgũ pũrārē ōārō wereri merā ĩgũsārē gũñaturamakũ irirosũta gũa musādere āārĩpererārē irasiribu.

12 Marĩpu musārē ĩgũyarārē dorerogue ĩgũ ōārō gosewasirogoue musā āārĩmurārē beyedi āārĩmĩ. Irasirirā musārē ĩgũyarārē: “Īgũyare ōārō irinĩkōāka!” ārĩ werebu.

13 Gũa musārē Marĩpuya kerere weremakũ pérā, musā: “I Marĩpuya werenĩrĩgora āārā”, ārĩ buremubu. “Masakaya werenĩrĩ meta āārā”, ārĩbu. Gũa, musā irasirideare gũñarā, Marĩpure usuyari sĩnĩkōāa. Īgũ musārē ĩgũya kerere buremurārē iri merā musā gũñarĩrē, musā iririre ōārĩ gapure gorawayumakũ yāmi.

14 Gũayarā, musā Jesucristore buremurā āārĩmakũ ĩārā, musāya nikũ marā musārē ñerō tarimakũ iriañurā. Musārē waarósũta Judea nikũ marādere Marĩpuyarādere waaró iriayuro. Īgũsā Jesucristore buremurā āārĩmakũ ĩārā, ĩgũsāya nikũ marā judío masaka ĩgũsārē ñerō tarimakũ iriañurā. Judío masaka Jesúre gāāmemerā āārĩsĩā, ĩgũrē buremurārē ñerō tarimakũ iriañurā.

15 Īgũsā ñekūsāmarā Marĩpuya kerere weredupuyunerārē wējēderosũ, marĩ Opu Jesúdere wējēnerā āārĩmā. Gũadere gũa musāya makāgue āārĩmakũ, ñerō iri, béowiuma. Marĩpu, ĩgũsā irasirideare neō gāāmebemi. Īgũsā āārĩpererārē gāāmebema.

16 Judío masaka āārĩmerārē peamegue waabirikōāburo, ārĩrā, gũa ĩgũsārē Jesúyare buedumamakũ, judío masaka Jesúre gāāmemerā gũare kāmudadadima. Gũare ĩgũyare weredorebirima. Irasirirā ĩgũsā ñerō iririre nemorō irisĩā, wáro waja opama. Īgũsā daporata Marĩpu buro wajamoāsũmurā dujasiana.

*Pablo Tesalónica marārē ĩgũ dupaturi ĩāgũ waaduarire gojadesa*

17 Gũayarā, gũa musā purogue āārānerā wiridero puru mérōgā tarikerepuru, musārē gũñanĩkōā, dupaturi buro ĩārā waadudibu.

18 Wári gũa musārē ĩārā waadudibu. Yu Pablo wári: “Irogue waagura”, ārĩnadibu. Gũa waaduariku, wātĩ gapu gũa waaduarire kāmutanami.

19-20 Musāta gũare usuyamakũ irirā, gũare musā ōārō iriburimarē gũñaturamakũ irirā āārā. Irasirirā musārē ĩārā waadudibu. Marĩ Opu Jesucristo i umugue dupaturi aarimakũ, musā ōārō irideare gũñarā, gũa ĩgũrē: “Īgũsāta āārĩma, gũare buro usuyamakũ irinerā. Gũa muyare buemakũ pérā, mure buremunugāma. Muyare ōārō irituyanĩkōāma”, ārĩ wererākoa. Irasirirā musā merā buro usuyāa.

## 3

1-2 Mūsāya kerere péduarā bokatīūbirikubu. Irasirirā, Timoteore: “Īgūsārē ĭāgū waaka!” ārī iriubu. “Gua gapu Atenague dujarākoa”, ārību. Timoteo marīyagu, Marīpure moāboegu, gua merā Jesucristoya kerere buegu āārīmi. “Īgū Jesúyare buemakū pérā, gūñaturari merā ĭgūrē b̄remunemorākuma”, ārīrā, ĭgūrē iriubu.

3 Mūsā Jesucristore b̄remurī waja gajerā mūsārē ñerō iriañurā. Irasirirā, mūsā Jesúyare neō piribirikōāburo, ārīrā, Timoteore mūsā p̄rogue iriubu. Marī Jesúre b̄remurī waja gajerā marīrē ñerō irirākuma. Irire masīa mūsā.

4 Iro dupuyuro gua irogue mūsā merā āārīrā, irire āsū ārī weresiabu: “Marī Jesúre b̄remurī waja ñerō tarirākoa”, ārību. Gua ārīderosūta gajerā marīrē ñerō irirā yāma. Mūsā irire masīsiāa.

5 Irasirigu, mūsārē: “Jesúre gūñaturari merā b̄remuníkōākuri?” ārī sērēña, mūsāya kerere péduagu bokatīūbirisīā, Timoteore iriubu. “Gūñaturanerārē gajipoe irigu wātī ĭgūsārē Jesúya buerire b̄remuduúmakū irikumī, gua irire ubugora bueyo”, ārī gūñarīkubu. Irasirigu Timoteore mūsā p̄rogue iriubu.

6 Daporare, Timoteo, mūsārē ĭāgū ejadi oōguere goejasiami. Īgū oārī mūsāyare kerekū goejami. Mūsā piriro marīrō Jesúre oārō gūñaturari merā b̄remurīrē, mūsā gāme maīrīrē, guare were goejami. Guare maīrī merā gūñaníkōāyuro. Gua mūsārē ĭād̄harosūta, mūsāde guare b̄uro ĭād̄hayuro.

7 Irasirirā, mūsā Jesúre b̄remurīrē pérā, gua ñerō tarikererā, oārō yujupūrākuri merā usuyāa.

8 Marī Opū Jesúre mūsā b̄remunímakū pérā, dapagueta siuñajārī opāa.

9 Irasirirā mūsārē gūñarā, Marīpure b̄uro usuyari sīa. Nasiri usuyari sībokatīūmasīña máa.

10 Ūmurī, ñamirī Marīpure: “Gua ĭgūsārē ĭārā waaburire āmubosaka!” ārī, b̄uro sērēa. Mūsārē Jesúya kerere wereyuwarīkūrā waad̄hakoā, ĭgūrē oārō b̄remunemoburo, ārīrā.

11 Marīp̄h āārīñīgū, marī Opū Jesucristo guare iritamuburo. Guare mūsārē ĭārā waaburire āmu, iriuburo.

12 Marī Opū mūsārē nemorō gāme maīwāgānīmākū iriburo. Gua mūsārē maīrōsūta mūsāde gajerā āārīpererārē gāme maīnemomākū iriburo.

13 Mūsārē ĭgūrē piriro marīrō oārō gūñaturari merā b̄remunímakū iriburo. Irasirirā, marī Opū Jesús āārīpererā ĭgūyarā merā i ūm̄gue dupaturi aarimakū, Marīp̄h āārīñīgū ĭūrōgue ĭgū iritamurī merā ñerī marīrā, waja opamerā āārīrākoa.

## 4

*Pablo Jesúre b̄remurārē: “Marīp̄m̄ gāāmerī direta irika!” āri gojadea*

<sup>1</sup> Daporare marī Op̄m̄ Jesús doreri merā m̄sārē āsū āri werea: “Ḡm̄ m̄sārē: ‘Āsū iriro gāāmea’, āri buederosūta irika, Marīp̄m̄ gāāmerī direta irimurā! Daporare m̄sā ĩgū gāāmerīrē irirā iriayuro. Irasirirā: ‘Irire nemorō irinemoka!’” āri werea.

<sup>2</sup> Ḡm̄ buedeare m̄sā masīa. Irire buerā, marī Op̄m̄ Jesús doreri merā m̄sārē bueb̄.

<sup>3</sup> Marīp̄m̄ m̄sārē ñerī marīrā āārīmakū gāām̄emi. Irasirirā: marāpo marīrā, marāpokurā, marāp̄m̄ marīrā, marāp̄kurā gāmebirabirikōāka!

<sup>4</sup> M̄sāk̄m̄ ñerō iri ĩmurō marīrō goepeyari merā m̄sā marāposā nomerē opaka! Gajerā m̄sā irasirimakū ĩārā: “Ōārō yāma”, āri ĩārākuma.

<sup>5</sup> Marīp̄m̄re masīmerā irirosū, nomerē ñerō irid̄uari merā m̄aribejabirikōāka!

<sup>6</sup> M̄yaḡm̄ marāpore gāmebirarā, igo marāp̄dere ñerō irikoa. Irinorē iribirikōāka! Marīp̄m̄ irasirirānorē b̄uro wajamoāḡukumi. Ḡm̄ m̄sārē irire weresiab̄.

<sup>7</sup> Marīp̄m̄ marīrē ñerīrē iriburo, ārīgū meta beyepīdi āārīmī. ĩgū gāāmerī direta iridoreḡm̄, marīrē beyepīdi āārīmī.

<sup>8</sup> I buerire gāām̄emerā, ḡm̄ direta gāām̄emerā meta yāma. Marīp̄dere gāām̄ebema. Marīp̄m̄ marīrē ĩgū gāāmerī direta iridoreḡm̄, Ōāgū deyomarīgūrē iriudi āārīmī. Ōāgū deyomarīgū ñerī opabi āārīmi.

<sup>9</sup> M̄sā suḡm̄ pūrā irirosū gāme maīrī tamerārē gojabea. Marīp̄m̄ ĩgū basi m̄sārē gāme maīdoresiadi āārīmī.

<sup>10</sup> M̄sā irasūta iriayuro. Marīp̄m̄ m̄sārē dorederosūta āārīperero Macedoniague āārīpererā Jesúre b̄remurārē maīayuro. M̄sā gāme maīrī merā āārīkerep̄m̄: “Nemorō gāme maīnemoka!” āri werea.

<sup>11</sup> Gāme ĩaturiro marīrō ōārō āārīrik̄ka! Gajerāya āārīrīnorē gūñarik̄m̄, ĩgūsārē werew̄abirikōāka! M̄sāyama āārīburi gap̄ure gūña, ōārō moārīk̄m̄, āārīkōāka! Ḡm̄ m̄sā p̄roque āārīrā, ire m̄sārē weresiab̄.

<sup>12</sup> M̄sā ōārō moārā, gajerārē baari sērēbirikoa. M̄sā moārī merā m̄sā baaburire oparākoa. M̄sā irasirimakū ĩārā, Jesúre b̄remumerā goepeyari merā m̄sārē ĩārākuma.

*Pablo marī Op̄m̄ dupaturi i m̄m̄gue aariburire gojadea*

<sup>13</sup> Ḡm̄ayarā, m̄sārē boanerā waaburire wered̄nako, irire masīburo, ārīgū. Jesúre b̄remurā boarā, ĩgū merā āārīnīrā waarākuma. M̄sā irire masīrā, m̄sāyarā Jesúre b̄remurā boamakū, b̄uro b̄jawerebirikoa. Jesúre b̄remumerā gap̄m̄,

Īgūsāyarā boamakū, būro bujawererākuma. Īgūsā irirosū būro bujawerebirikoa.

<sup>14</sup> Marī ire būremua. Jesús boadigue masādi āārīmī. Īgū dupaturi i ūmūgue aarimakū, Īgūrē būremurā boanerārē Marīpū Īgūrē masūderosūta Īgūsārē masūgukumi. Masū odo, Īgū āārīrōgue āīmūrīagukumi.

<sup>15</sup> Marī Opū Jesús weredeare māsārē werea. Jesús dupaturi i ūmūgue aarimakū, Īgūrē būremurā boanerā masā, āīmūrīāsūrākuma. Īgūsā pūpū, marī Jesúre būremurā okarāde āīmūrīāsūrākua.

<sup>16</sup> Āsū waarokoa. Marī Opū Jesús Īgū basita ūmūgasigue āārīdi būro turaro werenīrī merā aarīgukumi. Īgū aarimakū, Marīpūre wereboerā opūde werenīgukumi. Marīpūyaru puridirude būsurokua. Irasū waamakū, Jesúre būremurā boanerā masāpūrorirākuma.

<sup>17</sup> Īgūsā pūpū, marī okarāde Jesúre būremurā, Īgūsā merā mikāyeborigue mūrīa, irogue Jesúre bokatīrīrākua. Ūmūgasigue Īgū merā āārīnīkōārākua.

<sup>18</sup> Mūsā basi irire gāme werenīka! Irasirirā gāme gūñaturamakū irirākua.

## 5

<sup>1</sup> Irinū, iropā āārīmakū, Jesús dupaturi aarīgukumi, ārīrī tamerā masīña máa. Irasirīgū iri tamerārē gojabea.

<sup>2</sup> Mūsā masīsīáa. Sugū yajarimasū ñami merā gūñaña marīrō yajagū ejarosū, Jesúde marī gūñabiriripoe ejagukumi.

<sup>3</sup> Jesúre būremumerā Īgū dupaturi aariburi dupuyurogārē: “Gua güiro marīrō ōārō āārīkōāa”, ārī gūñarākuma. Īgūsā irasū gūñaripoere Īgūsārē wāri ñerī waarokoa. Sugo nomeō nijīpo āārīgō, majīgū nijīwāgūgō pūrīsūrōsū, Jesúre būremumerā irasūta gūñaña marīrō būro ñerō tarirākuma. Neō sugū taribirikumi.

<sup>4</sup> Masaka Jesúre būremumerā, naītīārōgue āārīrā irirosū āārīma. Mūsā gapū Īgūsā irirosū āārībea. Irasirirā Jesús dupaturi i ūmūgue aarimakū, yajarimasūrē Īgūkarā irirosū waabirikoa.

<sup>5</sup> Mūsā āārīpererā Jesúyarā āārā. Irasirirā ūmū boyorogue āārīrā Īāmasīrōsū Jesús aariburire masīa. Jesúre būremumerā gapū naītīārōgue āārīrā irirosū āārīma. Irasirirā ñami merā Īāmasīberosū Jesús aariburire masībema.

<sup>6</sup> Irasirirā ñami merā kārīrā irirosū āārībirikōārā marī! Jesús dupaturi aariburire gūñamerā, kārīrā irirosū āārīma. Marī gapū Īgū aariburire pēmasīrī merā gūñanīkōārā! Mejārā irirosū iribirikōārā! Diayema gapūre irirā!

<sup>7</sup> Masaka ñamirē kārīkuma. Mejārīmasā ñamirē mejākuma.

<sup>8</sup> Marĩ Jesúyarã gapu umu boyorogue aãrĩrã irirosũ aãrã. Irasirirã õãrõ pémasĩrĩ merã diayemarẽ irinĩkõãrã!

Sugu surara gãmewẽjẽrõgue waabu, ìgũya koretibire kãmutagu, kõme surĩrore sãñakumi. Ìgũ irirosũta marĩde Jesúre bũremurĩ merã, marĩ gãme maĩrĩ merã, wãtĩrẽ ìgũ marĩrẽ irire pirimakũ iridũarire kãmutarã! Surara ìgũya dipurure kãmutagu, kõme perore peyakumi. Ìgũ irirosũta marĩde, Jesús marĩrẽ taugu aariburire: “Diayeta aarigukumi”, aĩrĩ masĩrĩ merã wãtĩrẽ ìgũ marĩrẽ: “Irasũ waabirikoa”, aĩrĩgatorire kãmutarã!

<sup>9</sup> Marĩpu marĩrẽ wajamoãbu meta beyepĩdi aãrĩmĩ. Marĩ ñerõ iridea wajare marĩ Opu Jesucristo merã taubu, marĩrẽ beyepĩdi aãrĩmĩ.

<sup>10</sup> Jesús ìgũ merã aãrĩnĩkõãburo, aĩrĩgũ, marĩrẽ boabosadi aãrĩmĩ, marĩ ñerõ iridea wajare wajarigu. Irasirirã ìgũ dupaturi aarimakũ, ìgũrẽ bũremurã boanerã, marĩ okarãde ìgũ merã aãrĩnĩkõãrãkoa.

<sup>11</sup> Irire gũñarã, mũsã irinĩrõsũ nemorõ gãme iritamu, gũñaturamakũ irika! Irasirirã Jesúre bũremunemorãkoa.

*Pablo Jesúre bũremurãrẽ weretũnudea*

<sup>12</sup> Guayarã, mũsãrẽ turaro merã ãsũ aĩrĩ weredũakoa. Marĩ Opuya kerere mũsãrẽ wererãrẽ gopeyari merã ããka! Marĩ Opu ìgũsãrẽ mũsãrẽ õãrõ doreburo, aĩrĩgũ, beyepĩdi aãrĩmĩ, mũsãrẽ õãrõ aãrĩrikũburire, õãrõ iririkũburire buedoregu.

<sup>13</sup> Ìgũsã mũsãrẽ irire buerã, marĩ Opuyare õãrõ irirã yãma. Ìgũsã irasirimakũ ããrã, ìgũsãrẽ bũro bũremurĩ merã, bũro maĩrĩ merã ããka! Gãme turiro marĩrõ õãrõ aãrĩrikũka!

<sup>14</sup> Guayarã, gaji mũsãrẽ ãsũ aĩrĩ weredũakoa doja. Moãdũamerãrẽ moãdoreka! Gũñaturamerãrẽ gũñaturamakũ irika! Jesúre bũremuturamerãrẽ iritamuka, ìgũrẽ bũremunemoburo, aĩrĩrã! Aãrĩpererã merã guaro marĩrõ bopoñarĩ merã õãrõ irika!

<sup>15</sup> Mũsãrẽ gajerã ñerõ irimakũ, ìgũsãrẽ gãmibirikoaka! Õãrĩ gapure mũsãyarãrẽ, aãrĩpererã gajerãdere õãrõ irinĩkõãka!

<sup>16</sup> Mũsã Jesúyarã aãrĩsĩã, usuyari merã aãrĩnĩkõãka!

<sup>17</sup> Mũsã noó waaró, mũsã noó aãrĩrõ, Marĩpũre gũña, ìgũrẽ mũsãya aãrĩburire sãrẽnĩkõãka!

<sup>18</sup> Mũsãrẽ gajĩnu ñerõ waamakũ, õãrõ waamakũdere Marĩpũre usuyari sĩnĩkõãka! Marĩpu, marĩ Jesucristore bũremurãrẽ irire irimakũ gããmemi.

<sup>19</sup> Õãgũ deyomarĩgũ, mũsã gũñarĩgue ìgũ weremakũ, irire kãmutabirikõãka! Ìgũ dorerire õãrõ yũjũka!

20 Sugu Jesúre buremugũ Õãgũ deyomarĩgũ masĩrĩ sĩrĩ merã, Marĩpũ weredoredeare weremakũ pérã, irire doo buridabirikõãka!

21 Ubu gapũ Ìgũsã weremakũ, õãrõ pékũĩnú, gũñaka! “¿Diayeta wereri?” ãrĩ masĩduarã, irasirika! Õãrĩ bueri ããrĩmakũ, iri gapũre irika!

22 Noó ñerĩ ããrĩmakũ, irire iribirikõãka!

23 Marĩpũ siuñajãrĩ merã ããrĩrikũmakũ irigũ musãrẽ õãrõ, ñerĩ marĩrõ, Ìgũ gããmerĩ direta iririkũmakũ iriburo. Musã ñerĩ opabirimakũ, musãya gũñarĩgue õãrĩ direta opamakũ, musãya dupũri merã ñerõ iribirimakũ iriburo. Musãrẽ waja opamerã ããrĩmakũ iriburo. Ìgũ irasirimakũ, marĩ Opũ Jesucristo dupaturĩ aarigũ, musãrẽ waja opamerã ããrĩmakũ bokajagũkumi.

24 Marĩpũ musãrẽ Ìgũyarã ããrĩburo, ãrĩgũ, beyepídi, i ããrĩpereri Ìgũ musãrẽ: “Ãsũ irigũra”, ãrĩdeare diayeta irigũkumi.

*Pablo õãdoretũnudea*

25 Gũayarã, musãde Marĩpũre guaya ããrĩburire sãrẽbosaka!

26 ããrĩpererã iro marã Jesúre buremurãrẽ, Ìgũ marĩrẽ maĩrõsũta maĩrĩ merã õãdoreka!

27 Marĩ Opũ Jesucristo doreri merã i pũrẽ ããrĩpererã Ìgũrẽ buremurãrẽ siiu needõ, bue Ìmuka!

28 Marĩ Opũ Jesucristo musãrẽ õãrõ iritamuburo.

Iropãta ããrã.

Pablo



## 2 TESALONICENSES

*Pablo Tesalónica marārē òãdoredea*

<sup>1</sup> Y<sub>H</sub> Pablo, y<sub>H</sub> merāmarā Silvano, Timoteo merā m<sub>u</sub>sā Tesalónica marārē Jesúre b<sub>u</sub>remurārē òãdorea. M<sub>u</sub>sā Marĩp<sub>u</sub>yarā, marĩ Op<sub>u</sub> Jesucristoyarā āārā. Irasirig<sub>u</sub> m<sub>u</sub>sārē i papera pūrē gojáa.

<sup>2</sup> Marĩp<sub>u</sub> āārĩnĩg<sub>u</sub>, marĩ Op<sub>u</sub> Jesucristo m<sub>u</sub>sārē òārō iritamu, siuñajārĩ merā āārĩrik<sub>u</sub>mak<sub>u</sub> iriburo.

*Pablo, Jesucristo ñerō irirārē wajamoāg<sub>u</sub> aariburire gojadea*

<sup>3</sup> G<sub>u</sub>ayarā, m<sub>u</sub>sā Jesucristore b<sub>u</sub>remudero nemorō ĩgūrē b<sub>u</sub>remunemo, gāme maĩnemo iriayuro. Irasirirā g<sub>u</sub>a m<sub>u</sub>sārē g<sub>u</sub>ñarā, diayema irirā Marĩp<sub>u</sub>re <sub>u</sub>suyari s<sub>u</sub>nĩkōārō gāāmea. G<sub>u</sub>a irasirimak<sub>u</sub> òārokoa.

<sup>4</sup> G<sub>u</sub>a noó waaró, m<sub>u</sub>sāyamarē gajerārē Marĩp<sub>u</sub>yarārē ĩg<sub>u</sub>sā nerērōgue <sub>u</sub>suyari merā werea. M<sub>u</sub>sā Jesúre b<sub>u</sub>remurĩ waja masaka m<sub>u</sub>sārē ñerō irikerep<sub>u</sub>, neō ĩgūrē b<sub>u</sub>remuduúbea. M<sub>u</sub>sārē ñerō waamak<sub>u</sub>dere g<sub>u</sub>ñaturakōāa. Irire ĩg<sub>u</sub>sārē werea.

<sup>5</sup> I merāta marĩ masía. M<sub>u</sub>sā Marĩp<sub>u</sub>yarā āārĩ waja gajerā m<sub>u</sub>sārē ñerō irikerep<sub>u</sub>, g<sub>u</sub>ñaturanĩkōāa. Irasirig<sub>u</sub> Marĩp<sub>u</sub> diayema irig<sub>u</sub> m<sub>u</sub>sārē: “Yaarārē dorerogue aarika! Yaarā, òārā āārā”, ārĩg<sub>u</sub>kumi.

<sup>6</sup> Marĩp<sub>u</sub> diayema irig<sub>u</sub> āārĩsīā, m<sub>u</sub>sārē ñerō tarimak<sub>u</sub> irinerārē ñerō tarimak<sub>u</sub> irig<sub>u</sub>kumi.

<sup>7-8</sup> M<sub>u</sub>sārē ñerō tarinerārē, g<sub>u</sub>adere òārō siuñajārĩ bokamak<sub>u</sub> irig<sub>u</sub>kumi. Marĩ Op<sub>u</sub> Jesús aarirĩn<sub>u</sub> āārĩmak<sub>u</sub> irasirig<sub>u</sub>kumi. Jesús <sub>u</sub>mugasigue merā aarig<sub>u</sub>, ĩgūrē wereboerā turarā merā, peame <sub>u</sub>jārĩ pūrā watopegue dijarig<sub>u</sub>kumi. ĩg<sub>u</sub>ya kerere p<sub>e</sub>d<sub>u</sub>amerārē, Marĩp<sub>u</sub>re gāāmemerārē b<sub>u</sub>ro wajamoāg<sub>u</sub> aarig<sub>u</sub>kumi.

<sup>9</sup> ĩg<sub>u</sub>sā ñerō iridea waja perebiri peamegue b<sub>e</sub>osūrākuma. Irasirirā, marĩ Op<sub>u</sub> turag<sub>u</sub> āārĩrōgue neō waabirikuma. ĩg<sub>u</sub> g<sub>u</sub>sewasiririre neō ĩārō marĩrōgue b<sub>e</sub>odijusūrākuma.

<sup>10</sup> ĩg<sub>u</sub> aarirĩn<sub>u</sub>rē ĩg<sub>u</sub>yarā ĩgūrē b<sub>u</sub>remurā āārĩpererā ĩgūrē ĩārākuma. ĩgūrē ĩārā: “Diayeta òatarig<sub>u</sub>, turatarig<sub>u</sub>, āārĩpererā oparā nemorō Op<sub>u</sub> āārĩmi”, ārĩ, ĩāg<sub>u</sub>ka, b<sub>u</sub>ro <sub>u</sub>suyarākuma. M<sub>u</sub>sāde, g<sub>u</sub>a m<sub>u</sub>sārē ĩg<sub>u</sub>yare buedeare b<sub>u</sub>remusīā, ĩg<sub>u</sub>sā merā <sub>u</sub>suyarākoa.

<sup>11</sup> G<sub>u</sub>a irire g<sub>u</sub>ñarā, Marĩp<sub>u</sub>re m<sub>u</sub>sāya āārĩburire ās<sub>u</sub> ārĩ s<sub>e</sub>rēbosanía: “G<sub>u</sub>ap<sub>u</sub>, m<sub>u</sub> ĩg<sub>u</sub>sā y<sub>u</sub> gāamerĩ direta irirā āārĩburo, ārĩg<sub>u</sub>, ĩg<sub>u</sub>sārē beyepidi āārĩb<sub>u</sub>. Irasirig<sub>u</sub> ĩg<sub>u</sub>sārē m<sub>u</sub> gāāmerōs<sub>u</sub>ta āārĩrik<sub>u</sub>mak<sub>u</sub> irika! ĩg<sub>u</sub>sā āārĩpereri m<sub>u</sub>rē

buremurĩ merã õãrõ iriduarire iriyuwarikaburo. Īgũsãrẽ mu turari merã irasirimakũ irika!" ãrĩ sërẽbosãa.

<sup>12</sup> Musã irire irimakũ ããrã, gajerã, marĩ Opũ Jesũre goepeyari merã ããrãkuma. Īgũ musãrẽ: "Yaarã ããrĩma, õãrõ yãma", ãrĩ ããgũkumi. Marĩpũ, marĩ Opũ Jesucristo musãrẽ iritamu, bũro maĩmakũ, irasũ waarokoa.

## 2

### *Pablo, ñegũ aariburire gojadea*

<sup>1</sup> Gũayarã, daporare marĩ Opũ Jesucristo aariburire, ĩgũ marĩrẽ neeõnú, ĩgũ pũrogue ãĩmarĩaburire weregũra.

<sup>2</sup> Gajerã musãrẽ: "Marĩ Opũ i ãmũgue dupaturi aarirĩnu ejasiãa", ãrĩmakũ gũñarikũbirikõãka! Irire pẽwisibirikõãka! Gajerã: "Irire Õãgũ deyomarĩgũ yũre irasũ ãrĩ wereami", gajerã: "Sugũ gũare irasũ ãrĩ wereami", gajerã: "Pablosã irasũ ãrĩ gojanerã ããrĩmã", ãrĩbokuma. Irire pẽrã, gũñarikũbirikõãka!

<sup>3</sup> Ārĩgatosũbirikõãka! Marĩ Opũ Jesũs aariburĩnu dupuyuro ãsũ waarokoa. Wãrã masaka Marĩpũ dorerire tarĩnũgãrãkuma. Irasiripoe sugũ ñerõ iri, tarĩnũgãgũgora deyoagũkumi. Īgũta perebiri peamegue bẽosũbu ããrĩgũkumi.

<sup>4</sup> Īgũ Marĩpũre ãaturĩgũ, ããrĩpereri masaka Marĩpũyare buremurĩrẽ ñerõ ãrĩ werenĩgũkumi. Īgũ direta buremumakũ gããmegũkumi. Irasirĩgũ ĩgũrẽ buremudoregũ: "Yũta ããrã, ãmũgasiguemũ musã Opũ", ãrĩgũ, Marĩpũya wiĩgue ñajãa, doanagũkumi.

<sup>5</sup> Yũ, musã pũrogue ããrĩgũ, irire musãrẽ werebũ. ¿Musã irire gũñãberi?

<sup>6</sup> Musã ĩgũ ñegũ aariburire kãmutagũre masãa. Īgũ aariburire kãmutanemobirimakũ aarĩgũkumi.

<sup>7-8</sup> Īgũ wãri ñerĩ iriburire marĩ masĩbirikerepũrũ, ñerĩ ĩgũ iririno ããrĩsiãa. Īgũ aariburire kãmutagũ gajerogue ãĩãsũgũkumi. Īgũrẽ ãĩadero pũrũ, ñegũ gapũ aarĩgũkumi. Īgũ ñerõ iriri masĩsũrokoa. Pũrũ marĩ Opũ Jesucristo dupaturi i ãmũgue aarĩgũ, puriri merã, ĩgũ turari merã ñegũrẽ wẽjẽgũkumi. Īgũ gosewasiriri merã aarĩgũ, ĩgũrẽ bẽodediugũkumi.

<sup>9</sup> Ñegũ aarĩgũ, wãtẽa opũ Satanás iritamurĩ merã ejagũkumi. Irasirĩgũ wãtĩ turari merã wãri iri ĩmugũkumi. "Īmũgasiguema turari merã iri ĩmugũ yãa", ãrĩgãtogũkumi.

<sup>10</sup> Wãri ĩgũ ñerõ iriri merã perebiri peamegue waamurãrẽ ĩgũ ãrĩgatorire buremumakũ irĩgũkumi. Īgũsã Marĩpũya diayema ããrĩrĩrẽ buremubirisã, iri ãrĩgatorire buremurãkuma. Irasirĩrã tausũbirikuma.

11 Īgūsā diayema āārīrīrē būremudūabiri waja, Marīpu Īgūsārē irire masībirimakū irigukumi, ārīgatori gapure būremuburo, ārīgū.

12 Irasirirā āārīpererā Īgūsā Marīpuya diayema āārīrīrē būremudūamerā āārīsīā, űerō iririre būro iridūanemorākuma. Irasirigū Marīpu Īgūsārē wajamoādediugukumi.

*Pablo, Marīpu Īgū beyenerārē tauburire gojadea*

13 Gūayarā, mūsā marī Opū Jesús maīrā, Marīpu beyenerā āārā. Irasirirā gūa mūsārē gūñarā, Marīpure űsūyari sīnikōārō gāāmea. Neōgoragueta mūsārē beyedi āārīmī peamegue waabonerārē taugū. Ōāgū deyomarīgū turari merā mūsārē Īgūyarā āārīmakū iribu, mūsā diayema āārīrīrē būremuburo, ārīgū, beyedi āārīmī. Irasirirā tausūmurā āārā.

14 Marīpu Īgū tauri kerere gūa mūsārē buedea merā mūsārē siudi āārīmī, marī Opū Jesucristo ōārī oparire Īgū merā opaburo, ārīgū.

15 Irasirirā piriro marīrō gūñaturaka! Gūa mūsā pūroque āārīrā buedeare, irasū āārīmakū gūa mūsārē gojadeare gūña, irire irituyaka!

16-17 Marī Opū Jesucristo basita, irasū āārīmakū Marīpu āārīnīgū mūsārē āārīpereri mūsā werenīrī, mūsā iririkarire gūñaturari merā ōārō āārīrikumakū iriburo. Marīpu marīrē bopoñarī merā maīgū, perebiri gūñaturari opamakū irigū, Īgū ōārī sīburire: “Opārākoa”, ārī masīmakū irigū āārīmī.

### 3

*Pablo: “Gūaya āārīburire Marīpure sērēbosaka!” ārī gojadea*

1 Gūayarā, mūsārē āsū ārī gojatūnua. Gūaya āārīburire Marīpure sērēbosaka! Mūsā, gūa marī Opūya kerere buedeare pé būremubu. Irasirirā, wārā masaka mūsā iriderosūta gūa buerire pé būremuburire, Īgūsā gūare ōārō bokatīrīñēāburire Marīpure sērēbosaka!

2 Surāyeri masaka Jesúsya kerere būremubema. Irasirirā masaka diayema irimerā űerā gūare űerō iribirikōāburo, ārīrā, Marīpure serebosaka!

3 Marī Opū: “Āsū irigūra”, ārīderosūta mūsārē gūñaturamakū irigukumi. űegūrē, mūsārē Īgū űerō iridūarire kāmutagakumi.

4 Gūa mūsārē iridorederosūta irirā irikoa. “Irire marī Opū iritamurī merā ōārō irinīkōārākuma”, ārī būremua.

5 Marī Opū Jesucristo, Marīpu mūsārē maīrīrē masīnemomakū iriburo. Īgū űerō tarigū gūñaturaderosūta mūsādere gūñaturamakū iriburo.

*Pablo moādoredea*

6 Gɥayarã, Jesucristo marĩ Opɥ wãĩ merã ĩgũ dorero merã mɥsãrẽ werea. Gajerã Jesúre bɥremurã moãdɥamerãrẽ, gɥa mɥsãrẽ buedeare iritɥyamerãrẽ wapikɥnemobirikõãka!

7 Mɥsã masĩa. Mɥsãdere gɥa iriderosũta iriro gããmea. Gɥa mɥsã merã ããrĩrã, gajino iriro marĩrõ ããrĩbiribɥ.

8 Neõ sugɥre wajamarĩrõ sërẽ, baabiribɥ. Mɥsãrẽ garibodɥamerã, ãmɥrĩ, ñamirĩ gɥa baaburire moã wajatabɥ.

9 Gɥa mɥsãrẽ bueri waja: “Gɥare baari ejoka!” ãrĩbonerã ããrĩkererã, neõ irasũ ãrĩbiribɥ. Mɥsãrẽ: “Ãsũ iriro gããmea”, ãrĩ ĩmudɥarã gɥa basi moã wajata baabɥ.

10 Gɥa mɥsã merã ããrĩrã, mɥsãrẽ ãsũ ãrĩbɥ: “Baaburi moã wajatadɥabino baabirikõãburo”, ãrĩbɥ.

11 Gajerã mɥsã iriri kerere gɥare ãsũ ãrĩ werema: “Surãyeri ĩgũsã merã moãmerã ããrĩma. Moãbirikererã, wári irimoãmarĩ merã gajerãrẽ garibogorenarã yãma”, ãrĩma.

12 Gɥa marĩ Opɥ Jesucristo wãĩ merã ĩgũ dorero merã irasirirãnorẽ: “Irimoãmarĩrẽ iropãta irika! Mɥsã baaburire, mɥsã gããmerĩnorẽ moã wajataka!” ãrĩ werea.

13 Gɥayarã, gariborero marĩrõ õãrĩrẽ irinĩkõãka!

14 Gɥa dorerire i pũgue gojarire tarinɥgãgũnorẽ ĩãmasĩ, ĩgũrẽ gɥyasĩũrõ tariburo, ãrĩrã, wapikɥbirikõãka!

15 ĩgũrẽ wapikɥbirikererã, mɥsãrẽ ĩãturigɥre irirosũ ĩãbirikõãka! Mɥsã pagɥmɥrẽ wererosũ ĩgũrẽ wereka, õãrĩrẽ iriburo, ãrĩrã!

*Pablo õãdoretũnudea*

16 Marĩ Opɥ ĩgũ basi marĩrẽ siuñajãrĩ merã õãrõ ããrĩrikɥmakũ irigɥ mɥsãrẽ ãsũ iriburo. Mɥsã noó waaró, mɥsãrẽ gajerosũ waamakũ, siuñajãrĩ sĩnĩkõãburo. Mɥsã ããrĩpererã merã ããrĩburo.

17 Yɥ Pablo, yɥ basita i õãdorerire gojãa. Yɥ mɥsãrẽ gojanarõsũta gojãa. Irasirirã mɥsã: “ĩgũta gojañumi”, ãrĩ ĩãmasĩrãkoa.

18 Marĩ Opɥ Jesucristo mɥsã ããrĩpererãrẽ õãrõ iritamuburo. Irasũta iriburo.

Iropãta ããrã.

Pablo

# 1 TIMOTEO

## *Pablo Timoteore õãdoredea*

<sup>1</sup> Y<sub>H</sub> Pablo m<sub>ur</sub>ẽ õãdoredea. Jesucristo, Marĩp<sub>u</sub> marĩrẽ peamegue waabonerãrẽ taug<sub>u</sub> dorederosũta y<sub>ur</sub>e pídi ããrĩmĩ ãgũyare buedoreg<sub>u</sub>. Ìgũrẽta, ìgũ marĩrẽ õãrõ iriburire yúrã yáa.

<sup>2</sup> M<sub>u</sub> diayeta y<sub>u</sub> magũ irirosũ ããrĩgũ ããrã. Irasirig<sub>u</sub> m<sub>ur</sub>ẽ ire gojáa. Marĩp<sub>u</sub> ããrĩnĩgũ, marĩ Op<sub>u</sub> Jesucristo m<sub>ur</sub>ẽ iritam<sub>u</sub>, bopoñarĩ merã ãã, siuñajãrĩ merã ããrĩrik<sub>u</sub>makũ iriburo.

## *Pablo ãrĩgatori merã buerire pãdorebiridea*

<sup>3</sup> Y<sub>H</sub> Macedonia nikũgue waagũ, m<sub>ur</sub>ẽ Efesogue dujadoreb<sub>u</sub>, irore surãyeri ãrĩgatori merã buerãrẽ: “Iropãta bueka!” ãrĩ weredoreg<sub>u</sub>.

<sup>4</sup> Ìgũsãrẽ: “Iripoegue marã ìgũsã basi ìgũsã gũñarĩ merã kere wereunadeare, m<sub>u</sub>sã ñekũsãmarã iririk<sub>u</sub>unadeare gũñanĩbirikõãka!” ãrĩ wereka! Marĩ irire gũñanĩrã, iri merã gãme guaseo, Marĩp<sub>u</sub> marĩrẽ iridorerire iribea. “Marĩp<sub>u</sub> y<sub>ur</sub>e iritamugakumi”, ãrĩ b<sub>u</sub>remurĩ merãta ìgũ marĩrẽ dorerire irimasã.

<sup>5</sup> Marĩp<sub>u</sub> marĩrẽ: ñerĩrẽ opamerã, ìgũ ìũrõ waja opamerã ããrã, ãrĩ gũñarã, diaye Jesucristore b<sub>u</sub>remurã ããrĩmakũ gããmemi. Irasirig<sub>u</sub> õãrĩrẽ doremi. Marĩ irasũ ããrĩrã, ìgũrẽ, gajerãdere õãrõ maĩrãkoa.

<sup>6</sup> Surãyeri irire t<sub>u</sub>yanemobema. Irasirirã gaji ubu ããrĩrẽ gãme guaseoma.

<sup>7</sup> Marĩp<sub>u</sub> Moisére doreri pídeare gajerãrẽ buerimasã ããrĩduakererã: “I ãsũ ãrĩduaro yáa”, ãrĩ buekererã, ìgũsã buerire pãmasĩbema.

<sup>8</sup> Marĩ masã. Marĩp<sub>u</sub> Moisére doreri pídeare diaye buemakũ õãgoráa. Marĩp<sub>u</sub>, masakare iri dorerire tarinũgãrĩrẽ masĩdoreg<sub>u</sub>, irire pídi ããrĩmĩ.

<sup>9</sup> Iri dorerire buerã, ire masĩrõ gããmea. Marĩp<sub>u</sub> iri dorerire píg<sub>u</sub>, diayema irirãrẽ diayema iridoreg<sub>u</sub> meta pídi ããrĩmĩ. Iri dorerire irimerã gap<sub>u</sub>re irire pídi ããrĩmĩ, diayema gap<sub>u</sub>re masĩburo, ãrĩgũ. Iri dorerire tarinũgãrãrẽ, ñerãrẽ, ñerõ iririkurãrẽ, ìgũrẽ b<sub>u</sub>remumerãrẽ, ìgũya buerire gããmemerãrẽ, ìgũsã pag<sub>u</sub>sãmarãrẽ wẽjãrãrẽ, masakare wẽjẽbéorãrẽ,

<sup>10</sup> nome merã ñerõ irirãrẽ, ãma merã ñerõ irirã nomerẽ, ãma seyaro ñerõ irirãrẽ, nome seyaro ñerõ irirãrẽ, masakare ñeã gajerãguere duarãrẽ, ãrĩgatorikurãrẽ, ãrĩgatori merã: “Ãsũ irirãkoa”, ãrĩdeare irimerãnorẽ, ããrĩpererã õãrĩ buerire kãmutaduarãrẽ iri dorerire pídi ããrĩmĩ.

11 I òãrĩ bueri, Marĩpu masakare tauri kerere wereri ããrã. Marĩpu òãtarigu yure i kerere masakare weredoregu pídi ããrĩmĩ.

*Pablo, Marĩpu ìgũrẽ bopoñarĩ merã ìãrĩrẽ gojadea*

12 Yũ marĩ Opũ Jesucristore usuyari sĩa. Ìgũ yure: “Òãrõ buegũkumi”, ãrĩ gũñagũ ìgũyarãrẽ iritamudoregu beyepídi ããrĩmĩ. Irasirigu ìgũ turarire yure sĩdi ããrĩmĩ.

13 Iro dupuyurogue yũ Jesucristore ñerõ werenĩ, ìgũrẽ bũremurãrẽ ñerõ iri: “Ìgũ òãbemi”, ãrĩnabũ. Yũ ìgũrẽ bũremubirisĩã, yũ ñerõ iririre: “Ñerõ irigu irikoa”, ãrĩ gũñabirisĩã, irasiribũ. Irasirikerepũ, Marĩpu yure bopoñarĩ merã ìãgũ, beyedi ããrĩmĩ.

14 Marĩ Opũ yure bũro maĩgũ òãrõ irimi. Ìgũ yure Jesucristore bũremumakũ, gajerãdere maĩmakũ irimi. Marĩrẽ Jesucristo merã ìgũrẽ bũremumakũ, gajerãdere maĩmakũ irimi.

15 I yũ wereburi diayeta ããrã. ããrĩpererã irire bũremurõ gããmea. Jesucristo ñerõ irirãrẽ ìgũsã ñerĩ iridea wajare taugu, i ùmũguere aaridi ããrĩmĩ. Yũta ããrĩpererã nemorõ ñerõ iritarĩngãdi ããrã.

16 Yũ irasũ ããrĩkerepũ, Marĩpu yure bopoñarĩ merã ìãmi. Irasirigu, Jesucristo yure neõ perebiri bopoñarĩrẽ masĩmakũ irimi. Gajerãrẽ Jesucristore bũremurãrẽ ìgũ yure bopoñarõsũta ìgũsãdere bopoñarĩrẽ masĩmakũ irigũkumi. Pũũ ìgũsãrẽ ìgũ pũro perebiri okari opamakũ irigũkumi.

17 Irasirirã Marĩpũre: “Òãtarigu, turatarigu ããrã”, ãrĩ, usuyari sĩnĩkõãrã! Ìgũta marĩ Opũ ããrĩnĩkõãgũkumi. Ìgũ neõ boabirikumi. Ìgũ sugũta Marĩpu ããrĩmĩ. Deyomarĩgũ, masĩtarigu ããrĩmĩ. Irasũta ããrĩmĩ.

18-19 Timoteo, mũ yũ magũ irirosũ ããrã. Irasirigu yũ mũrẽ: “Ãsũ irika!” ãrĩ werea. Iro dupuyuro Marĩpu marĩyarãrẽ mũ iriburire mũrẽ weredoredi ããrĩmĩ. Irasirigu, ìgũsã mũrẽ: “Marĩpũyare ìgũ turaro merã ãsũ irigũkoa”, ãrĩ werederosũta ìgũrẽ bũremurĩrẽ piriro marĩrõ gũñaturari merã irika! “Marĩpu ìũrõ ñerõ iridea waja opabea”, ãrĩ, òãrõ gũñagũ ããrĩka! Surãyeri: “Ñerĩrẽ iribirikõãrõ gããmea”, ãrĩ gũñakererã, ñerõ irima. Irasirirã Jesũyare bũremurĩrẽ poyanorẽma.

20 I, Himeneorẽ, Alejandrorẽ irasũta waabũ. Irasirigu ìgũsã pẽrãrẽ wãtẽa opũ Satanás ìgũ gããmerõ iriburo, ãrĩgũ, Jesũre bũremurã merã ããrĩnemodorebiribũ. Marĩpũre ñerõ ãrĩ werenĩnemobirikõãburo, ãrĩgũ, irasiribũ.

## 2

*Marĩpũre sërẽrã ãsũ iriro gããmea, ãrĩ gojadea*

1 Musārē āsū iridorepuroria. Āārīpererāya āārīburire Marīpure sērēbosaka! Īgūsārē ōārō iritamu, bopoñarī merā iāburo, ārīrā, Īgūsārē sērēbosaka! Īgūrē: “Mu merā usuyāa”, ārīka!

2 Oparāya āārīburire, masakare dorerā āārīpererāya āārīburidere Marīpure sērēbosaka, ōārō doreburo, ārīrā! Īgūsā ōārō doremakū, goepeyari merā Marīpure buremu, Īgū gāāmerī direta iri, ōārō siuñajārī merā āārīrikurākoā.

3 Marī gajerāya āārīburire Marīpure sērēbosamakū ōāgorāa. Irire marī irimakū iāgū, Marīpu marīrē taugu usuyari merā marīrē iāmi.

4 Īgūta āārīpererā masakare perebiri peamegue waabirimakū gāāmeme. Diayema āārīridere masīmakū gāāmeme.

5 Īgū suguta Marīpu āārīmi. Jesucristo, Marīpu merā marī masakare ōārō āārīmakū āmubosagu suguta āārīmi. Īgū marī irirosū dupukugu āārīmi.

6 Īgū curusague boari merā āārīpererā masakare Īgūsā ñerī iridea wajare wajaribosadi āārīmi Īgūsārē taugu. Irasirigu Marīpu Īgū masakare irire masīmakū iriripoe ejamakū, iri kerere wererārē weredoremi āārīpererā masīburo, ārīgū.

7 Jesucristo judío masaka āārīmerārē iri kerere weredoregu, Īgūsārē Īgūrē buremurīrē, Īgūyama diaye āārīrīrē yure buedoregu pími. Irire diayeta marē werea. Ārīgatogu meta yāa.

8 Yu āārīperero marā ūmarē guaro marīrō, gāme guaseoro marīrō Marīpuyare ōārō irirārē mojōrī soemu, Marīpure sērēmakū gāāmea.

9 Nomerē, ūma merā ñerō irirā nome sāñarōsūpero sāñabirimakū gāāmea. Ōārō keoro Īgūsārē ejari surīre sāñaburo. Gajerā Īgūsārē: “Ōārō deyoma”, ārī gūñamakū iriduarā, Īgūsāya poañapure wñapuwewa nome āārīduarī direta gūñarikubirikōāburo. Īgūsāya dupuridere oro merā, perla wāikuri yeri wajapari yeri merā iridea merā mamubirikōāburo. Wajapari surīdere sāñabirikōāburo.

10 Masaka Īgūsārē: “Ōārā āārīma”, ārī gūñaburo, ārīrā, āsū gapu iriburo. Gajerā nome: “Marīpure buremua”, ārīrā nome irirosūta ōārīrē iriburo.

11 Jesure buremurā nerērōgue nerērārē Marīpuyare buerimasā bueripoere nome werenírō marīrō buremurī merā péburo.

12 Musā nerērōgue nerēmakū, nome ūmarē buebirikōāburo. Īgūsārē dorebirikōāburo. Werenírō marīrō buerimasā buerire péburo.

13 Āsū āārā. Marīpu Adārē iripuroridi āārīmi. Pugu Evare iridi āārīmi.

14 Adán, wātī ārīgatosūdi meta āārīdi āārīmí. Eva gapu wātī ārīgatorire b̄remusīā, Marīpu dorerire tarinugādeo āārímó.

15 Irasū āārīkerepu, igo pūrākudea merā\* Jesúre b̄remu, gajerārē maī, ñerō iribiri, diayema gapure irirāno tausūrākuma.

### 3

#### *Jesúre b̄remurā oparāyamarē gojadea*

1 I yu wereburi diayeta āārā. Sugū Jesúre b̄remurā opu āārīduagu, ōārī moārīrē iriduagu āārīmi.

2 Irasiriduaguno āsū āārīburo. Masaka: “Ñerō irigu āārīmi”, ārīsūña marīgū, sugoreta marāpokugu, pémasīrī merā iririkugu, diayemarē irigu, masaka b̄remusūgū, ĩgūya wii gāmeñajārā ejarārē ōārō bokatīrīñeāgū, gajerārē ōārō buegu āārīburo.

3 Neō mejābi, gāmekēādūabi, gajerā merā guaseobi, ñerō iriri merā niyeru wajatadūabi āārīburo. Irasirirono irigu: masakare bopoñarī merā iritamugū, niyerure waribejabi āārīburo.

4 ĩgūya wii marārē ōārō doremasīgū, ĩgū pūrārē b̄remurī merā ĩgūrē ōārō yujumakū irigu āārīburo.

5 ĩgūya wii marārē doremasībi, Marīpūre b̄remurī bu-marārē irota nemorō koremasībirikumi.

6 Sugū Jesúre b̄remurā opu āārīduagu maama b̄remunugāgū āārībirikōāburo. Maama b̄remunugāgū gajipoe irigu ĩgū: “Gajerā nemorō āārā yu”, ārī gūñabokumi. Irasū ārī gūñagū, wātī gūñaderosū gūñabokumi. Irasirigu Marīpu wātīrē wajamoāaderosū ĩgūrē iribokumi.

7 Irasirigu Jesúre b̄remurā opu āārību Jesúre b̄remumerā: “Ōāgū āārīmi”, ārīsūgū āārīburo. ĩgū ōārīrē iribirimakū ĩārā, ĩgūrē ñerō werenībokuma. Wātī ĩgūrē ñerī iridorerire iribokumi.

#### *Jesúre b̄remurā oparārē iritamurāyamarē gojadea*

8 Jesúre b̄remurā oparārē iritamurāde masaka b̄remusūrā āārīburo. Ārīgatori marīrō wererā, mejāmerā, ñerō iriri merā niyerure wajatadūamerā āārīburo.

9 Jesúya diayema āārīrīrē Marīpu marīrē ĩmudeare piriro marīrō b̄remurā: “Marīpu ĩūrō waja opabea”, ārī gūñarā āārīburo.

\* 2:15 Génesis 3:15: Eva Marīpu dorerire tarinugādero pu, Marīpu āārīngū pūrūrē āsū ārīdi āārīmi: “Igo nomeō marē ĩādūabirikumo. Dapagā merā igo parāmerā āārīturiarāde m̄ parāmerā āārīturiarārē ĩādūabirikuma. M̄, sugū igo parāmerā āārīturiagūya gubure kūrīmakū, ĩgū gapu m̄ya dipurure karamutūgukumi”, ārīdi āārīmi. Irasirigu Jesús, Eva pūrākudi parāmerā āārīturiaguta, marī ĩgūrē b̄remurārē taugu āārīmi.



10 Īgūsārē sóoburi dupuyuro Īgūsā āārīrikurire ōārō ĩāburo. Pꝛꝛꝛ Īgūsā ōārō āārīrikurire ĩā odo: “Waja opabema”, ārī, Īgūsārē sóoburo.

11 Jesúre bꝛemurā oparārē iritamurā nomede irasūta masaka bꝛemusūrā āārīburo. Gajerārē ñerō kere ārī were-merā nome, pémasīrī merā irirā nome, ōārīrē irinirā nome āārīburo.

12 Sugꝛ Jesúre bꝛemurā oparārē iritamugū sugoreta marāpokꝛꝛꝛ, Īgū pūrārē, gajerārē Īgūya wii marārē ōārō doremasīgū āārīburo.

13 Jesúre bꝛemurā oparārē iritamurā ōārō iritamumakū ĩārā, gajerā Īgūsārē: “Ōārō yáma”, ārīrākuma. Irasirirā gūiro marīrō gꝛyasīrīrī marīrō gūñaturari merā Īgūsā Jesucristore bꝛemurīrē gajerārē wererākuma.

### *Jesúyamarē gojadea*

14-15 Mata ꝛꝛ ꝛꝛ ꝛꝛogꝛe waadꝛadāa. Waadꝛakeregꝛ, gajipoe irigꝛ waamasībiribokoa. Irasirigꝛ i pū merā mārē: “Marīꝛꝛ pūrā āsū iriburo”, ārī were gojáa. Marīꝛꝛ pūrā Jesúre bꝛemurī bumarā Marīꝛꝛ okanígūyarā āārīma. Īgūsāta Marīꝛꝛꝛꝛ diayemarē bꝛemurā, gajerārē irire buerā āārīma.

16 Marī: “I diayeta āārā”, ārī masīa. Marīꝛꝛꝛꝛ diayema, marī dupuyuro masībiridea, Īgū marīrē ĩmudea ōātaria. I āsū āārā:

Marīꝛꝛ magū marī irirosū dupꝛꝛꝛꝛꝛ deyoadi āārīmí. Ōāgū deyomarīgū: “Īgū diayema irigꝛ āārīmí”, ārīrīrē marīrē masīmakū iridi āārīmí.

Marīꝛꝛꝛꝛ wereboerā Īgūrē ĩānerā āārīmá. Īgūyarā Īgūya kerere āārīperero marārē werenerā āārīmá. Irasirirā i ũmꝛꝛꝛꝛ masaka Īgūrē bꝛemunerā āārīmá. Pꝛꝛꝛ Marīꝛꝛ ũmꝛꝛꝛꝛꝛ Īgūrē āīmꝛꝛꝛꝛꝛꝛ āārīmí.

## 4

*Pablo Timoteore Jesúre bꝛemudinerā Īgūrē bꝛemuduúrāyamarē gojadea*

1 Ōāgū deyomarīgū ire pémasīma ōārō marīrē weremi. I ũmꝛꝛ p reburi dupuyuro surāyeri masaka Jesúre bꝛemudinerā Īgūrē bꝛemuduúrākuma. Wātēa ārīgatorire, wātēaya buerire pétꝛꝛꝛꝛꝛākuma.

2 Irigatorikꝛꝛā irire buemakū pérā: “Ōārī bueri āārā”, ārī gūñarākuma. Ārīgatori merā buekererā, Īgūsā basi: “Ñerō irirā yáa”, neō ārī gūñabirikuma.

3 Masakare: “Marāpokꝛꝛbirikōāka! I baarire baabirikōāka!” ārīma. Marīꝛꝛ āārīpereri marī baaburire iridi āārīmí. Irasirirā marī Jesúre bꝛemurā diayemarē masīrā, Īgūrē: “Ōāa”, ārī, ũꝛꝛꝛꝛꝛ sī odo, baarire baamasīa.

4 Āārīpereri Marīpu iridea ōārī āārā. Irasirirā ĭgū irideare: “Gāāmebea”, ārībirikōārā! ĭgūrē: “Ōāa”, ārī, ʘʘʘʘʘʘ sī odo, baaro gāāmea.

5 Marīpu ĭgū irideare: “Ōāa”, ārī weresiadi āārīmī. Irasirirā marī baaburi dupuyuro ĭgūrē: “Ōāa”, ārī, ʘʘʘʘʘʘ sīmākū, marī baarire ōārī waamakū yāmi.

*Pablo Jesúre moāboegnyamarē werede*

6 Mʘ, i yʘ weredeare Jesúre bʘremurārē buegʘ, Jesucristore ōārō moāboegʘ āārīgukoa. Irasirigʘ Marīpʘya werenírī marī bʘremurírē, ĭgūyare ōārī buerire mʘ ōārō iritʘyarire gūñaturari merā bʘremunemogukoa.

7 Masaka i ʘmʘmarē ĭgūsā basi ĭgūsā gūñarī merā kere wererire pébirikōāka! Iri Marīpʘya āārībea. Marīpu gāāmerī direta iritʘyawāgānīka!

8 Marī ōārō moāpaumakū ōāgorāa. I nemorō Marīpu gāāmerírē ōārō irimakū ōātaria. ĭgū gāāmerírē iripaurā, i ʘmʘguere marī ĭgū merā ōārō āārā. Pʘʘ ʘmʘgasiguedere ĭgū merā āārīrākoa.

9 Iri yʘ wereri diayeta āārā. Āārīpererā irire: “Diayeta āārā”, ārī bʘremurō gāāmea.

10 Irasirirā marī gajerārē Marīpʘyare buerā, ñerō tari, bʘro moāa. Marīpu okanígū marírē ōārō iriburire ʘʘʘʘʘʘ merā yúsīā, irasū yāa. ĭgū āārīpererārē taugʘ āārīmī. Jesúre bʘremurā direta taugʘkumi ĭgū pʘro āārīburo, ārīgū.

11 Jesúre bʘremurārē iri āārīpereri yʘ ārīrírē iridore, bueka!

12 Gajerā, mʘ maamʘ āārīmakū ĭārā, mʘrē péduabiribokuma. Irasirigʘ, Jesúre bʘremurārē mʘrē péburo, ārīgū, ōārírē wereníka! Ōārō iriníka! Gajerārē maíka! Jesúre bʘremutʘyaníkōāka! Marīpu ĭūrō ñerī marīgū āārīka! Mʘrē ĭākūīburo, ārīgū, irasirika!

13 Yʘ, mʘ pʘroque ejaburo dupuyuro Jesúre bʘremurā nerērārē Marīpʘyare gojadea pūrē bue ĭmuka! ĭgūsārē: “Āsū āārīrikuka!” ārī wereka! Marīpʘyare ōārō bueka, ĭgūsā irire masīnemoburo, ārīgū!

14 Iro dupuyuro Marīpu Jesúre bʘremurā oparā mʘrārē mʘrē weredoredi āārīmī. Irasirigʘ, ĭgūsāya mojōrī merā mʘrē ñapeomakū, ĭgū turarire sídi āārīmī, ĭgū weredorederosūta mʘ ĭgūyare irimasīburo, ārīgū. Irasirigʘ, ĭgū mʘrē irimasírī sírírē kātībirikōāka!

15 Irire gūña, iriníka, āārīpererā mʘ Marīpʘyare irimasīnemowāgārire ĭāburo, ārīgū!

16 “¿Ōārō irigʘ yārī?” ārī gūñagū, mʘ iririkʘrere, gajerārē mʘ buerire gūñaka! Ōārī direta iriníka! Irasirirā mʘ, mʘrē pénerāde tausūrākoa.

## 5

*Pablo Timoteore: “Jesúre bɔremurārē āsū irika!” āri gojadea*

<sup>1</sup> Mɔrārē turibirikōāka! Mɔpɔre mɔ ōārō irirosūta mɔrādere ōārō bɔremurī merā wereka! Mɔ pagɔpūrārē mɔ ōārō irirosūta maamarādere bɔremurī merā wereka!

<sup>2</sup> Mɔpore mɔ ōārō irirosūta mɔrā nomedere ōārō bɔremurī merā wereka! Mɔ pagɔpūrā nomerē mɔ ōārō irirosūta nómedere ñerō ɔaribejaro marīrō ōārō bɔremurī merā wereka!

<sup>3</sup> Wapiweyarā nome iritamusūña marīrārē iritamuka!

<sup>4</sup> Wapiweyo pūrākudeo āārīmakū, parāmerākudeo āārīmakūdere ĩgūsā igore iritamuburo, igo ĩgūsārē masūdea waja. Irasū iritamurā, Marīpɔ ĩgūsāyarārē iritamudorederosūta irirā yáma. ĩgūsā irasiriri merā Marīpɔre ɔɔyari merā ĩāmakū yáma.

<sup>5</sup> Bopogo wapiweyo igoyarā marīgō: “Marīpɔ yɔre iritamugakumi”, āri gūñamo. Irasirigo ũmɔrī, ñamirī Marīpɔre: “Iritamuka yɔre!” āri sērēnikōāmo.

<sup>6</sup> Gajego wapiweyo igo gāāmerī direta irimoāmagō, okago āārīkerego, boadeo irirosū Marīpɔ gāāmerīrē irimasībeo āārīmo.

<sup>7</sup> Iri āārīpereri wapiweyarā nomerē iritamurīmarē yɔ mɔrē gojarire Jesúre bɔremurārē wereka, gajerā ĩgūsārē: “Ñerō yáma, ĩgūsāyarārē iritamubema”, āri werewɔabirikōāburo, ārīgū!

<sup>8</sup> Sugɔ ĩgūyarārē, ĩgūya wii marādere ōārō korebi: “Jesúre bɔremubea”, ārīgū irirosū yámi. Jesúre bɔremumerā nemorō ñerō irigɔ āārīmi.

<sup>9</sup> Wapiweyarā nomerē iritamuburi dupuyuro, papera pūgue āsū āārīrā nomerē gojatúka! Búro, sesenta bojori nemorō opago, sugureta marāpɔkudeo āārīburo.

<sup>10</sup> Masaka: “Igo ōārīrē irigo āārīmo”, ārīsūgō, igo pūrārē ōārō masūdeo, igoya wiire gāmeñajārā ejarārē ōārō bokatīrīñeāgō, moāboego irirosū Jesúre bɔremurārē iritamugō, ñerō tarirārē iritamugō, āārīpererārē bopoñarī merā ĩāgō, gajino ōārīrē irinígō āārīburo.

<sup>11</sup> Wapiweyarā nome, nómeweya nome āārīmakū, i papera pūgue gojatúbirikōāka! ĩgūsā Cristoyare iridɔaro nemorō ũma merā āārīdɔarā, dupaturi marāpɔkudɔabokuma.

<sup>12</sup> Irasū ĩgūsā dupaturi marāpɔkɔrā, ĩgūsā: “Marāpɔ marīgō, Cristoya direta irigokoa”, ārīdeare iribiribokuma. Irire iribiri-dea waja, waja opabokuma.

<sup>13</sup> ĩgūsā dupaturi marāpɔkɔmerā, tɔrikɔrā, gajerāya wiirigue gāmeñajāgorenarā, gajerārē ñerī kerere werenīrā, gajerārē

Īgūsāyamarē sērēñarikurā, gajerā Īgūsārē weredorebirideareta masakare weregorenarā dujabokuma.

14 Irasirigū: “Īgūsārē, gajerā wapiweyarā nome mūrārē iritamurōsū iritamubirikōārō gāāmea”, āri werea. Dupaturi marāpukū, pūrākuburo doja. Īgūsāya wii marārē oārō koreburo. Īgūsā irasirimakū, ñegū marīrē iāturigū masakare Īgūsārē: “Ñerīrē irirā yāma”, āri werewuamakū iribiribokumi.

15 Surāyeri wapiweyarā nome Cristoyare pirikōā, wātēa opu Satanāya gapure irituyasiama.

16 Jesúre bñremurā, Īgūsāyarā wapiweyarā nome āārīmakū Īgūsārē iritamuburo. Jesúre bñremurī bumarāguere Īgūsārē iritamudorebirikōāburo. Irasirirā Jesúre bñremurī bumarā gajerā wapiweyarā nome iritamuña marīrā gapure iritamu-masīma.

17 Jesúre bñremurā oparā mūrā Īgūsāyarārē oārō dorerārē gajerārē bñremurō nemorō bñremurō gāāmea. Īgūsā oārō moārī waja oārō wajariburo. Surāyeri Marīpuyare wererā, Īgūsāyarārē buerā āārīma.

18 Marīpuya werenīri gojadea pūgue, sugū moāgūrē marī wajariburire āsū āri gojasūdero āārībú: “Weku trigo yeri gasirire Īgūya guburi merā kura koro, trigore baadūagu baaburo. Īgūya disi túsārī berore túsābirikōāka!” āri gojasūdero āārībú. Gajero āsū āri gojasūdero āārībú: “Moāgūrē Īgū moārī wajare wajariro gāāmea”.

19 Sugūta Jesúre bñremurā opure: “Ñerīrē iriami”, āri werewuamakū pébirikōāka! Pērā o urerā Īgū irideare iānerā Īgūrē werewuarire péka!

20 Jesúre bñremurā nerērōgue āārīpererā péurogue ñerō irigūre: “Irire neō irinemobirikōāka!” āri wereka, gajerā gūirā, Īgū irirosū iribirikōāburo, āriĪgū!

21 Yu, Marīpu iūrō, Jesucristo iūrō, irasū āārīmakū Marīpūre wereboerā Īgū beyenerā iūrōguedere mūrē āsū āri weregura. Yu mūrē dorerire irigū, āārīpererā Jesúre bñremurārē bñremurī merā surosū iāka! Mūsā surāyeri Īgūsārē oārō irirosū, gajerā Īgūsā watope marādere surosū oārō irika!

22 Gajerārē Jesúre bñremurā oparā āārīmurārē mūya mojōrī merā ñapeo, Īgūsārē sóoburi dupuyuro Īgūsā āārīrikurire oārō iāpñorika! Ñerīrē irirārē sóogu, Īgūsā irirosūta mude ñerō irigū āārībokoa. Āārīpereri ñerīrē iribita āārīrikuka!

23 Mu paru pūrīrī opagu āārā. Irasirigū irire kúkuġu, deko direta iirībirikōāka! Mérōgā igui deko pāmudeadere iirīka!

24 Mu Jesúre bñremurā oparā āārīmurārē Īgūsā āārīrikurire iāgū, ire oārō masīka! Marīpu ñerārē wajamoāburi dupuyuro surāyeri masaka Īgūsā ñerīrē iririre marī iāmasīa. Gajerā

gapure ĩgūsā ñerĩ iririre ĩāmasĩbea. Marĩpu āārĩpererā ñerārē wajamoārĩnu āārĩmakū, ĩgūsā ñerĩ irideare masĩrākoa.

<sup>25</sup> Irasũta masaka ĩgūsā ōārĩ iririre ĩāmasĩsũa. Gajerā ĩgūsā ōārĩrē iririre daporare ĩāmasĩbirikererā, pũrugue masĩrākoa.

## 6

<sup>1</sup> Moārĩmasā Jesũre bũremurā ĩgūsā oparā dorerire goepe-yari merā iriburo. ĩgūsā irasirimakū ĩārā, gajerā Marĩpũre, marĩ bueridere ñerō ārĩ werenĩbirikuma.

<sup>2</sup> ĩgūsā oparā Jesũre bũremurā āārĩmakū: “ĩgūsā guare dorebirikōārō gāāmea”, ārĩ gũñabirikōāburo. Irasũ gũñarōno irirā ĩgūsā dorerire bũremurĩ merā iriburo. “Marĩ oparā Jesũre bũremurā āārĩmakū, ĩgūsārē maĩa, irasirirā ĩgūsārē ōārō moāboerākoa”, ārĩ gũñaburo. I yu were gojarire Jesũre bũremurārē bueka!

*Marĩpũre bũremurĩmarē, ōārō āārĩrikũrimadere gojadea*

<sup>3</sup> Masakare ārĩgatori merā buerā marĩ Opũ Jesucristoya diayema āārĩrĩrē buedeare bũremubema. Marĩpũyare marĩ bũremurĩrē gāāmemerā āārĩma.

<sup>4</sup> “Gajerā nemorō masĩa”, ārĩ gũñakererā, diayemarē neō masĩbema. Pémasĩmerā irirosũ masaka werenĩrĩrē gāme guaseodũarā āārĩma. Irasirirā gajerārē gāme ĩāturi, gāme ĩādũabiri, ñerō kere gāme ārĩ were, ñerō gāme gũñamakū yāma.

<sup>5</sup> Diaye gũñamerārē gāme guaseonĩmakū yāma. ĩgūsā diayema āārĩrĩrē masĩmerā āārĩmakū, ĩgūsārē: “Marĩpũyare iritũyarā, wáro niyerure wajatarākoa”, ārĩ gũñamakū yāma. ĩgūsānorē wapikũbirikōāka!

<sup>6</sup> Marĩ, Marĩpũyare bũremurĩrē ōārō iritũyarā, wári ōārĩ oparā irirosũ āārā. I merā usũyāa.

<sup>7</sup> Marĩ i ũmũguere deyoarā, neō gajino merā deyoabiribũ. Boarāde neō gajinorē āĩabirikoa.

<sup>8</sup> Irasirirā surĩ, baari marĩ dapora opari merāta usũyaro gāāmea.

<sup>9</sup> Gajerā gapũ wári opadũasĩā, ĩgūsā ñerĩ iridũarire pirimerā, pémasĩrĩ marĩrō ñerĩrē ñaribejarā dujama. Irasirirā iri merā ĩgūsā basita poyanorēsĩā, peamegue béosũrākuma.

<sup>10</sup> Niyeru maĩrĩ, masakare āārĩpereri ñerĩrē irinũgāmakū iriri āārā. Surāyeri niyerure bũro gāāmerā, Jesũyare bũremuadideare piri, ĩgūsā basita bũro bũjawereri bokama.

*Pablo Timoteore: “Mũ Jesũre bũremurĩrē neō piribirikōāka!” ārĩ gojadea*

<sup>11</sup> Mũ tamerā Marĩpũyagũ i āārĩpereri ñerĩrē ñaribejabirikōāka! Diayema irigũ, Marĩpu gāāmerĩrē irigũ, ĩgũyare: “Diaye āārā”, ārĩ bũremugũ, gajerārē maĩgũ, ñerō

tarikeregũ gũñaturari merã Marĩpũyare irigũ, “Gajerã nemorõ ããrã”, ãrĩ gũñarõ marĩrõ ĩgũsãrẽ iritamugũ ããrĩka!

12 Marĩpũ mũrẽ siudi ããrĩmĩ, ĩgũ pũro perebiri okari opaburo, ãrĩgũ. Irasirigũ Jesucristore mũ bũremurĩrẽ wárã masaka péurogue werebũ. Iri okarire opabu, ñerõ tarikeregũ, ĩgũrẽ bũremurĩrẽ piribirikõãka!

13 Yũ, Marĩpũ ããrĩpererãrẽ okari sĩgũ ĩũrõ, Jesucristo ĩgũyamarẽ Poncio Pilatore diaye weredi ĩũrõ ire mũrẽ iridorea.

14 Jesucristo i ãmũguere dupaturi aarimakũguedere ñerĩ marĩgũ, masaka werewũasũña marĩgũ ĩgũ doredeare gorawayuro marĩrõ irinĩkõãka!

15 Marĩpũ ĩgũ: “Ãsũ irigũra”, ãrĩdeare iririnũ ejamakũ, Jesucristore dupaturi iriugũkumi. ĩgũ sugũta õãtarigũ, turagũ, ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi.

16 ĩgũ sugũta neõ boabi ããrĩmi. Boyorogue neõ sugũ masakũ ejamasĩberogue ããrĩmi. Neõ sugũ masakũ ĩgũrẽ ĩãdi, ĩgũrẽ ĩãgũde mámi. Irasirirã neõ piriro marĩrõ ããrĩpererinũrĩ ĩgũrẽ: “Turataria mũ”, ãrĩ bũremurã! Irasũta irirã!

17 I ãmũmarẽ wári oparãrẽ ãsũ ãrĩ wereka: “ ‘Gajerã nemorõ ããrã’, neõ ãrĩ gũñabirikõãka! Mũsã opari pereakõãrokoa. Irasirirã: ‘Yũ wári opari merã õãrõ ããrĩgũkoa’, ãrĩ gũñabirikõãka! ‘Marĩpũ yũre sĩrĩ merã õãrõ ããrĩgũkoa’, ãrĩ gũñaka!” ãrĩka ĩgũsãrẽ! Marĩpũ marĩrẽ ããrĩpereri marĩ oparire sĩmi, iri merã usũyaburo, ãrĩgũ.

18 Wári oparã õãrĩrẽ iriburo. ĩgũsã wári opari merã opamerãrẽ iritamuburo. ĩgũsãrẽ iritamurã, ĩgũsã oparire õãrõ merã sĩburo.

19 ĩgũsã irasirirã, wári ãmũgasimarẽ opasiarãkuma. Irogue ããrĩrĩ neõ perebirikoa. Irasirirã irogue Marĩpũ merã perebiri okari opanĩkõãrãkuma.

*Pablo Timoteore doretũnudea*

20 Timoteo, Marĩpũ mũrẽ weredoregũ pídeare piribirikõãka! Marĩpũre gããmemerã i ãmũma ubu ããrĩrĩ werenĩrĩrẽ, ĩgũsã noó gããmerõ werenĩmoãmarĩdere pétũyabirikõãka! “Marĩ werenĩrĩ, masĩrĩmasã werenĩrĩ ããrã”, ãrĩkererã, Marĩpũyare masĩrã irirosũ werenĩrã meta yãma.

21 Surãyeri ĩgũsã werenĩrĩrẽ pétũyarã, Marĩpũyare ĩgũsã bũremuadideare pirinokõãma.

Marĩpũ mũrẽ õãrõ iritamuburo. Irasũta iriburo.

Iropãta ããrã.

Pablo

## 2 TIMOTEO

*Pablo Timoteore õãdoredea*

<sup>1</sup> Y<sub>H</sub> Pablo m<sub>ur</sub>ẽ õãdoredea. Marĩp<sub>H</sub> gããmederosũta Jesucristo y<sub>ur</sub>e beyepĩdi ããrĩmĩ. Marĩp<sub>H</sub>: “Jesucristore b<sub>ur</sub>emurã y<sub>ur</sub>e merã õãrõ ããrĩrãkuma”, ãrĩdeare y<sub>ur</sub>e masakare buedoreg<sub>u</sub> beyepĩdi ããrĩmĩ.

<sup>2</sup> M<sub>H</sub> diayeta y<sub>H</sub> magũ irirosũ ããrĩgũ ããrã. Irasirig<sub>H</sub> m<sub>ur</sub>ẽ ire gojáa. Marĩp<sub>H</sub> ããrĩnĩgũ, marĩ Op<sub>H</sub> Jesucristo m<sub>ur</sub>ẽ iritam<sub>u</sub>, bopoñarĩ merã ãã, siuñajãrĩ merã ããrĩrikumakũ iriburo.

*Pablo Timoteore: “Masakare Cristoyare wereka!” ãrĩ gojadea*

<sup>3</sup> Y<sub>H</sub> Marĩp<sub>H</sub>ure sãrĩrik<sub>H</sub>, m<sub>ur</sub>ẽ gũñáa. Ëm<sub>ur</sub>rik<sub>H</sub>, ñamiriku ĩgũrẽ: “Õãã”, ãrĩ, ñ<sub>ur</sub>yari sĩ, m<sub>ur</sub>ya ããrĩburire sãrĩbosanĩkõãa. Y<sub>H</sub> ñekũsãmarã ĩgũrẽ b<sub>ur</sub>emuderosũta: “Y<sub>H</sub>, ĩgũ ĩũrõ waja opabi ããrã”, ãrĩ masĩrĩ merã y<sub>ur</sub>e ĩgũrẽ b<sub>ur</sub>emua.

<sup>4</sup> Y<sub>H</sub>, m<sub>H</sub> p<sub>ur</sub>ogue ããrãdi waamakũ m<sub>H</sub> oredeare gũñanisĩã, m<sub>ur</sub>ẽ ããduakoa doja, m<sub>H</sub> merã b<sub>ur</sub>o ñ<sub>ur</sub>yad<sub>ur</sub>agu.

<sup>5</sup> M<sub>H</sub> Jesũre diayeta b<sub>ur</sub>emurĩrẽ gũñáa. M<sub>H</sub> ĩgũrẽ b<sub>ur</sub>emuburi dupuyuro m<sub>H</sub> ñekõ Loida, m<sub>ur</sub>po Eunicede Jesũre b<sub>ur</sub>emup<sub>ur</sub>orima. Daporare y<sub>H</sub> õãrõ masĩa. ĩgũsã ĩgũrẽ b<sub>ur</sub>emurĩ oparosũta m<sub>ur</sub>e opáa.

<sup>6</sup> Irasirig<sub>H</sub> ire m<sub>ur</sub>ẽ gũñamakũ irid<sub>ur</sub>áa. Iro dupuyuro yaa mojõrĩ merã m<sub>ur</sub>ẽ y<sub>H</sub> ñapeomakũ, Marĩp<sub>H</sub> ĩgũ turarire m<sub>ur</sub>ẽ sĩmi, ĩgũyare irimasĩburo, ãrĩgũ. Daporare ĩgũ m<sub>ur</sub>ẽ iridorederosũta ĩgũ turari merã ĩgũyare iriwãgãnĩka!

<sup>7</sup> Marĩp<sub>H</sub> marĩrẽ Õãgũ deyomarĩgũrẽ sĩmi. Õãgũ deyomarĩgũ marĩrẽ gũimakũ irig<sub>H</sub> meta ããrĩmĩ. Marĩp<sub>H</sub>yare ĩgũ turari merã irirã, masakare maĩrã, pemasĩrĩ merã irirã ããrĩmakũ irig<sub>H</sub> ããrĩmĩ.

<sup>8</sup> Irasirig<sub>H</sub> marĩ Op<sub>H</sub>yare gajerãrẽ wereg<sub>H</sub>, g<sub>ur</sub>yasĩrĩbirikõãka! ĩgũyare gajerãrẽ y<sub>H</sub> weredeã waja peresugue ããrĩmakũ, y<sub>ur</sub>e g<sub>ur</sub>yasĩrĩsãbirikõãka! M<sub>H</sub> Marĩp<sub>H</sub> masakare tauri kerere wereri waja y<sub>H</sub> irirosũ ñerõ tarig<sub>H</sub>: “Õãrokoo”, ãrĩ gũñaka! Marĩp<sub>H</sub> m<sub>ur</sub>ẽ turaro sĩrõpã irasirika!

<sup>9</sup> Marĩp<sub>H</sub> marĩrẽ perebiri peamegue waabonerãrẽ taudi ããrĩmĩ. Õãrã ĩgũyarã ããrĩburo, ãrĩgũ, marĩrẽ siudi ããrĩmĩ. “Õãrĩrẽ yãma, irasirig<sub>H</sub> ĩgũsãrẽ siiub<sub>H</sub>”, ãrĩ gũñagũ meta siudi ããrĩmĩ. ĩgũ marĩrẽ Jesucristoyarãrẽ maĩgũ i ãm<sub>H</sub> iriburi dupuyuro: “ĩgũsãrẽ taug<sub>ur</sub>ã”, ãrĩ gũña, marĩrẽ beyedi ããrĩmĩ.

<sup>10</sup> Irasirig<sub>H</sub> Jesucristore marĩrẽ taug<sub>ur</sub>e iriug<sub>H</sub>, ĩgũ marĩrẽ diayeta maĩrĩrẽ masĩmakũ iridi ããrĩmĩ. Jesucristo marĩrẽ

Īgūrē b̄remurārē perebiri peamegue waamurā āārĩmakū neō iribiridi āārĩmĩ. Īgū marĩrē tauri kerere weredeare b̄remurĩ merā marĩrē Marĩp̄m̄ p̄m̄o Īgū merā āārĩnĩburire masĩmakū iridi āārĩmĩ.

<sup>11</sup> Marĩp̄m̄ ȳre iri kerere weredoreḡm̄ beyedi āārĩmĩ judío masaka āārĩmerārē Jesucristoyare buedoreḡm̄.

<sup>12</sup> Irire bueri waja ȳm̄ b̄uro ñerō taria. Ñerō tarikereḡm̄, Jesúre ȳm̄ gũñaturari merā b̄remugūrē masĩa. Irasiriḡm̄ peresugue āārĩkereḡm̄, ḡuyasĩrĩrō marĩrō āārĩkōāa. Jesúta turaḡm̄, ȳre Īgūyare buedoreḡm̄ pídi, ȳre ōārō koreḡm̄ āārĩmĩ. Irasiriḡm̄ dupaturi aarigú, Īgū ȳre buedoredea merā: “Āsū iriḡm̄ra”, ārĩdeare iriyuwarik̄ḡm̄kumi. Irire masĩa.

<sup>13</sup> Ȳm̄ m̄urē diayema buedeare: “Āsū iriro gāāmea ȳre”, ārĩ, Jesúre b̄remurĩ merā, gajerārē maĩrĩ merā irinikōāka! Marĩ Jesúyarā āārĩsĩa, irasirimasĩa.

<sup>14</sup> Ōāgū deyomarĩgū marĩguere āārĩgú iritamurĩ merā Marĩp̄m̄ m̄urē Īgūya kerere weredoredeare gorawayuro marĩrō wereka!

<sup>15</sup> M̄m̄ masĩsiáa. Ȳm̄ peresugue āārĩmakū ĩārā, āārĩpererā Asia nikū marā Jesúre b̄remurā ȳre béowāgāpereakōāma. Īgūsā watope āārĩnerāde Figelo, Hermógenesāde béowāgākōāma.

<sup>16</sup> Onesíforo gap̄m̄ irasiribirimi. Marĩ Op̄m̄ Īgūya wii marārē bopoñarĩ merā ĩāburo. Wári Onesíforo ȳre gũñaturamakū irimi. Ȳm̄ peresugue āārĩmakū ĩāgū, ȳre ḡuyasĩrĩsābirimi.

<sup>17</sup> Irasiriḡm̄ Romague ejaḡm̄, ȳre āmanikōādi āārĩmĩ. Ȳre bokaḡm̄gue āmuduúmi.

<sup>18</sup> Marĩ Op̄m̄ dupaturi aarigú, Īgūrē bopoñarĩ merā ĩāburo. Efesoguedere Īgū marĩrē iritamudeare m̄m̄ ōārō masĩsiáa.

## 2

### *Pablo Timoteore ōārō iridorerimarē gojadea*

<sup>1</sup> M̄m̄, Jesucristoyaḡm̄ diayeta ȳm̄ magū irirosū āārĩgú āārā. Irasiriḡm̄ Jesucristo iritamurĩ merā Īgūrē gũñaturari merā b̄remunikōāka!

<sup>2</sup> Ȳm̄ wārā masaka péurogue buemakū m̄m̄ pédeare Jesucristoyare gũñaturarārē bueturiaka! Irasirirā irire gajerārē keoro buemasĩrākuma.

<sup>3</sup> Surara ñerō tarikereḡm̄ gũñaturakumi. Īgū irirosū m̄m̄ Jesucristoyaḡm̄ gajerā Īgūyarā merā ñerō tarikereḡm̄ gũñaturaka!

<sup>4</sup> Surara Īgū op̄m̄ gāāmerōsū doreri direta irikumi. Surara āārĩbi moārōsū iribirikumi. Irasiriḡm̄ m̄m̄ Īgū irirosū marĩ Op̄m̄ doreri direta irika!

<sup>5</sup> I irirosū ūma birarimasūde gajerā nemorō ūmakereḡm̄, oparā dorerire keoro iribi, Īgūsā Īgūrē sĩboadeare



wajatabirikumi. Irasirigu marĩ Opu dorerire õãrõ irika, ãgũ õãrĩ sĩburire wajatabu!

<sup>6</sup> Pooere õãrõ moãgũ ãgũ moãdea waja iri pooema oteri dukare opapwrorikumi. Irasirigu ãgũ irirosũ marĩ Opuware õãrõ moãgũ, gajerãrẽ ãgũyare bueri waja ãgũ mure sĩrĩrẽ opagũkoa.

<sup>7</sup> Yu wererire õãrõ gũñaka! Mu irasirimakũ, marĩ Opu i ããrĩpererire masĩmakũ irigukumi.

<sup>8</sup> Jesucristore gũñaka! ãgũ, opu David parãmi ããrĩturiagu ããrĩmi. ãgũta boadigue masãdi ããrĩmĩ marĩrẽ peamegue waabonerãrẽ taugu. Iri marĩrẽ tauri kerereta yu werea.

<sup>9</sup> Iri kerere wereri waja ñerõ taria. Masaka yure ñerõ irigu irirosũ kõme dari merã sia, peresugue biadoboma. ãgũsã yure peresu irikerepuu, Marĩpuya kerere ããrĩpererogue pèsũrokoa.

<sup>10</sup> Irasirigu yu ñerõ tarikeregu, gũñaturanĩkõãa, Marĩpu beyenerã ãgũ merã õãrõ ããrĩburo, ãrĩgũ. ãgũsãde marĩ irirosũta Jesucristoyarã ããrĩma. Irasirigu, ãgũsãde peamegue waabirikõãburo, ãrĩgũ, irasũ yãa.

<sup>11</sup> I diayeta ããrã:

Marĩ Jesucristore buremurĩ waja gajerã marĩrẽ wẽjẽmakũ, umugasigue ãgũ merã ããrĩnĩkõãrãkoa.

<sup>12</sup> Marĩ ñerõ tarikererã gũñaturari merã marĩ ãgũrẽ buremurĩrẽ pirimerã, ãgũyarãrẽ dorerogue ãgũ merã dorerã ããrĩrãkoa. Marĩ Jesure masĩkererã gajerãrẽ: “ãgũrẽ masĩbea”, ãrĩmakũ, ãgũde marĩrẽ: “Musãrẽ masĩbea”, ãrĩgukumi.

<sup>13</sup> Marĩ, ãgũ: “ãsũ irigũra”, ãrĩdeare buremubirikerepuu, ãgũ ãrĩdeare diayeta irigukumi. ããrĩpereri ãgũ ãrĩrĩ, diayeta ããrã. Neõ ãrĩgatomasĩbirikumi.

### *Pablo Timoteore keoro buerimarẽ gojadea*

<sup>14</sup> I yu were gojarire mu buerãrẽ gũñanimakũ irika! Marĩ Opu iũrõrẽ ãgũsãrẽ turaro merã ãsũ ãrĩ wereka! Masaka werenĩrĩrẽ musã gãme guaseori wajamãa. Irire pãrãrẽ diaye gũñamerã dujamakũ yãa.

<sup>15</sup> Mu gapu Marĩpu iũrõ ãgũya diretta buro iridũagu ããrĩka! ãgũya diayema kerere pemasĩrĩ merã gajerãrẽ keoro bueka! ãgũ mure: “Õãrõ yãmi”, ãrĩ iãburo, ãrĩgũ, õãrõ moãgũ ãgũ moãdeare gũyasĩrĩberosũ ããrĩbu, irasirika!

<sup>16</sup> Masaka i umuma ubu ããrĩrĩ werenĩrĩrẽ pãbirikõãka! Irire irasũ werenĩrã nemorõ ñerĩrẽ iriwãgãnemorãkuma.

<sup>17</sup> ãgũsã bueri, dupare kãmirõ boawãgãrõ irirosũ gajerãrẽ poyanorã. ãgũsã watopere Himeneo, Fileto ããrĩma.

18 Īgūsā Marīpuya diayemarē buebema. “Jesúre b̄remurā boanerā Īgūsā dupu merā masā, murīasianerā āārīmá, irasirirā i ūmu peremakū, Īgūsā dupaturi masābirikuma”, ārī buema. Irasū ārīrā, surāyeri Jesúre b̄remurārē Īgūya diayema buerire b̄remuduúmakū yáma.

19 Marīpuya werenírī, Īgū marīrē pídea neō gorawayubea. Wii neō boabiriburi borari merā oārō núdea wii irirosū āārā. Neō perebirikoa. Āsū ārī gojasūdero āārībú: “Marī Opu Īgūyarārē masīmi. Āārīpererā: ‘Īgūyarā āārā’, ārīrā ñerī iririre pirikōāburo”.

20 I keori merā āsū ārī weregura. Sugū wári opaguya wiiguere wári soropari āārīkoa. Bosenu āārīmakū oro merā irideapari, plata merā irideapari baarogue peokuma. Diiari merā irideaparire, o kooáre ubu āārīrīnrīrē peokuma.

21 Marī oārī pari irirosū āārīduarā, āārīpereri ñerīrē opamerā āārīnīkōārō gāāmea. Irasirirā, marī Opuyarā Īgū irisūnerā āārīsīā, āārīpereri Īgū iridorerire oārō irirā āārīrākoa.

22 Irasirigū, maamarā ñerī uribejarire iribirikōāka! Diayemarē irinīka! Jesúre b̄remunīka! Masakadere maīka! Gajerā merā oārō āārīrikuka! Irasūta āārīpererā ñerī opamerā marī Opure sērēnīrā merā āārīka!

23 Pémasīmerā ubu āārīrīrē gāme guaseorire pébirikōāka! Mu masīa. Īgūsā irasū gāme guaseo, puru gāme turirākuma.

24 Mu, marī Opure moāboegu āārā. Irasirigū gajerā merā gāme turibirikōāka! Āsū gapu āārīka! Āārīpererā merā oārō āārīgū, Īgūsārē oārō buegu, bopoñarīrē opagu āārīka!

25 Gajerā mu buerire gāāmebirimakū, Īgūsārē b̄remurī merā oārō wereka! Marīpu Īgūsārē Īgūsā ñerī iririre bujawere, oārī gapure gorawayumakū irigukumi, ārīgū, irasirika! Irasirirā diayema āārīrīrē masīnugārākuma.

26 Irire masīrā, pémasīrākuma. Wātī Īgūsārē Īgū gāāmerīrē iridorerire pirirākuma.

### 3

*Pablo Timoteore i ūmu p reburi dupuyuro ñerō waaburire gojadea*

1 Ire masīka! I ūmu p reburi dupuyuro wári ñerī aarirokoa.

2 Masaka āsū āārīrākuma. Īgūsāya āārīburi direta gūñarā, niyerure uribejarā: “Gajerā nemorō āārā”, ārī werenírā, gajerārē ñerō turirā, Marīpure ñerō ārī werenírā, pagusāmarārē tarinugārā, gajerā Īgūsārē sīkerepuru: “Īgūsā guare oārō iriabu”, neō ārī, usuyari sīmerā, gopepyari merā Marīpuyare b̄remumerā āārīrākuma.

<sup>3</sup> Gajerārē maĩrĩ merā iritamumerā, bopoñarĩ merā ããmerā, ñerĩ kere wererā, ñerĩ ɯaribejarire pirimasĩmerā, gajerārē ñerō tarimakū irirā, ããrĩpereri òãrĩrē doorā ããrĩrākuma.

<sup>4</sup> Īgūsā merāmarārē Īgūsārē ñerō iridɯarāguere wiarā, pémasĩrĩ marĩrō Īgūsā noó gããmerō irirā, “Masĩpeorā ããrā”, ãrĩ gũñarā ããrĩrākuma. Marĩpɯre gããmerōnorē irirā, Īgūsā gããmerō ɯaribejarire iri, ɯsɯyarā ããrĩrākuma.

<sup>5</sup> Masaka ĩũrō Marĩpɯre bɯremurā irirosũ irikererā: “Marĩpɯ gããmerĩrē Īgũ turari merāta irimasĩa”, ãrĩ gũñamerā ããrĩrākuma. “Yɯ basi irire irimasĩa”, ãrĩ gũñarākuma.

Īgūsānorē neō wapikɯbirikōāka!

<sup>6</sup> Īgūsāno ãsũ yáma. Masakaya wiirigue òãrō werenígato, ñajāa, pémasĩmerā nomerē Īgūsā ãrĩgatorire pé bɯremumakū yáma. Īgūsā nome bɯro ñerĩrē irirā nome ããrĩsĩa, ããrĩpereri ñerĩ ɯaribejarire iridɯarā ããrĩma.

<sup>7</sup> Gajino buerire bueníkerrerā, Marĩpɯya diayema gapɯre neō pémasĩbema.

<sup>8</sup> Iripoegue marā Janes, Jambres yéa ããrĩnerā Moisés were-deare péɯabiriderosũ, Īgūsā ãrĩgatori merā buerā diayemarē neō péɯabema. Ñerĩ direta gũñapausĩa, Jesúre bɯremumerā ããrĩma.

<sup>9</sup> Irasũ ããrĩkererā, wárā masakare Īgūsā ãrĩgatori merā buerire pé bɯremumakū irimasĩbirikuma. Moisére péɯabirinerā Janes, Jambriere waaderosũ Īgūsādere waarokoa. Irasirirā, Īgūsārē ãrĩgatorikurā, pémasĩmerā ããrĩrē ããrĩpererā ããrĩrākuma.

### *Pablo Timoteore doretũnudea*

<sup>10</sup> Mɯ gapɯ yɯ buedeare òãrō irinĩkōāa. Yɯ ããrĩrikurire, yɯ: “Āsũ irigɯra”, ãrĩ gũñarĩrē, Jesúre yɯ bɯremurĩrē, masakare bopoñarĩ merā yɯ iritamurĩrē, Īgūsārē yɯ maĩrĩrē, ñerō tarikeregɯ yɯ gũñaturarire mɯ masĩa.

<sup>11</sup> Jesucristoyare yɯ iridea waja masaka yɯre ñerō irima. Bɯro ñerō taribɯ. Yɯ Antioquíague, Iconiogue, Listrague ããrĩmakū, ããrĩpereri yɯre waadeare, iri makārĩ marā yɯre ñerō tarimakū irideare mɯ masĩa. Yɯ ñerō taririkɯ, marĩ Opɯ gapɯ yɯre iritamumi.

<sup>12</sup> I diayeta ããrā. ããrĩpererā Jesucristoyarā Marĩpɯ gããmerĩrē irinidɯarānorē gajerā Īgūsārē ñerō tarimakū irirākuma.

<sup>13</sup> Ñerā, ãrĩgatorikurā, Īgūsā ñerō iridero nemorō ñerō irinemonirākuma. Gajerārē Īgūsā ãrĩgatorire pé bɯremumakū irirā, Īgūsāde gajerā ãrĩgatorire pé bɯremurā ããrĩma.

14 Mu gapu ya mure buedeare irinikõaka! Mu Marĩpuyare: “Diayeta aãrã”, ari buremudeare piriro marĩrõ buremunikõaka! Mu masia mure buenerãrẽ.

15 Mu majĩgũgueta, Marĩpuya werenĩri gojadeare masĩngũyuro. Irasirigu ĩgũyare masĩgũ: “Marĩpu Jesucristore buremurãrẽ taumi, perebiri peamegue waabirikõãburo, aĩgũ”, ari masia.

16 Aãripereri Marĩpuya werenĩri gojadea, ĩgũ masĩri sĩri merã gojadea aãrã. Iri gojadeare buerã, diayemarẽ marĩ masia. Marĩ ñerõ irideare: “Ñegorabu”, ari, “Õãri gapure iriro gãamea”, ari masia. Irasirirã iri pũgue gojadeare buerã, diayemarẽ irimasia.

17 Marĩpu ĩgũyarãrẽ ĩgũyare õãrõ masĩdoregu, ĩgũya werenĩri gojadeare marĩrẽ pídi aãrĩmĩ, aãripereri õãrĩrẽ irimasĩburo, aĩgũ.

## 4

1 Jesucristo aãripererã Opu i umugwere dupaturi aarigukumi. Irasũ aarigũ, masaka okarãrẽ, boanerãdere: “¿Niisã waja oparã, niisã gapu waja opamerã aãrĩrĩ?” ari beyegukumi, waja oparãrẽ wajamoãbu. Irasirigu ĩgũ ĩũrõ, Marĩpu ĩũrõdere turaro merã mure dorea.

2 Marĩpuya kerere masakare ĩgũsã pẽduamakũ, pẽduabirimakũdere wereka! ĩgũsarẽ ĩgũsã ñerĩ irideare masĩ, piridoregu, iri kerere wereka, õãri gapure iriburo, aĩgũ! Buro bopoñarĩ merã pẽmasĩma õãrõ ĩgũsarẽ irire bueka!

3 Pũugwere masaka Marĩpuya õãri buerire pẽduabirikuma. Irasirirã ĩgũsã gãamerĩrẽ irirã, ĩgũsã pẽduari direta buemurãrẽ wãrã amarãkuma.

4 Marĩpuya diayema aãrĩrĩrẽ bẽo, masaka ĩgũsã basi ĩgũsã gũñarĩ merã wererire pẽtyarãkuma.

5 Mu gapu pẽmasĩri merã diayemarẽ irinikõaka! Ñerõ tarikeregu, gũnaturaka! Õãrõ iriduari merã Jesús masakare tauri kerere bueka, peamegue waabirikõãburo, aĩgũ! Marĩpu mure moãdoredeare õãrõ iri odonúkõaka!

6 Yu Marĩpuyare iridea waja okanemosũbirikoa, ya boaburo mẽrõ duyãa, ari pẽñaãa.

7 Yu Jesucristo yare buedoregu pídeare õãrõ bueyuwarikuba. ĩgũ yare iridorerire õãrõ iri odonũbu. Ñerõ tarikeregu, ĩgũrẽ buremurĩrẽ neõ piribiribu.

8 Irasirigu dapora ya diayema iridea waja marĩ Opu yare ya wajatadeare sĩburire usyari merã yúa. ĩgũta diayemarẽ irigu masakare: “¿Niisã waja oparã, niisã gapu waja opamerã

ãārĩrĩ?” ārĩ beyerĩnũ ãārĩmakũ, yũ wajatadeare sīgũkumi\*. Yũ direta sĩbirikumi. ãārĩpererã ĩgũ aariburire bũro ĩãũari merã, ĩgũrẽ maĩrĩ merã yũrãrẽ irire sīgũkumi.

*Pablo Timoteore iridorenemodea*

9 Mũ aariró bokatĩũrō yũre ĩãgũ aarika!

10 Demas i ũmũmarẽ gããmesĩã, yũre béo, Tesalónicague waakōãmi. Crescente Galacia nikũgue, Titode Dalmaciague marĩ Opũyare buerã waama.

11 Lucas dita yũ merã ãārĩmi. Irasirigũ Marcore ãma, ĩgũrẽ ãĩrika! ĩgũ yũre iritamugũkumi, marĩ Opũyare òãrō moãburo, ãrĩgũ.

12 Yũ Tĩquicore Efesogue iriubũ.

13 Mũ òõgue aarigũ, yũ weka sãñarĩ surĩrore, Troas wãĩkũri makã Carpoya wiigue yũ pídeañerẽ ãĩrika! Yaa papera tũrũrĩrẽ ãĩrika! Waimũrãya gasiri merã iridea tũrũrĩdere bũro gããmea. Irasirigũ iridere ãĩrika!

14 Alejandro kōme merã moãrĩmasũ yũre ñetariro irimi. ĩgũ yũre irasirideia waja marĩ Opũ ĩgũrẽ wajamoãgũkumi.

15 ĩgũ marĩ buerire neō gããmebirigorami. Irasirigũ ĩgũrẽ pémasĩka!

16 Oparã yũre peresugue biadoborã yũ irideare sērẽñarũrorimakũ, neō sugũ yũre iritamubirimi. ãārĩpererã yũre béowãgãperekōãma. Marĩpũ ĩgũsã yũre irasirideare kãtiburo.

17 ĩgũsã yũre béowãgãkererũgũ, marĩ Opũ yũre iritamumi. Yũre turarĩ sĩmi, ĩgũ masakare tauri kerere òãrō wereburo, ãrĩgũ. ãārĩpererã judío masaka ãārĩmerã iri kerere péburo, ãrĩgũ, irasirimi. Eõkaye yũre baabéobodire tariweremakũ irirosũ ñegũ yũre wějěbéobodire tariweremakũ irimi.

18 Irasũ ãārĩmakũ, ãārĩpereri ñerã yũre ñerō iriburire yũre tariweremakũ irigũkumi. Ũmũgasigue ĩgũyarãrẽ dorerogue waaburo, ãrĩgũ, yũre òãrō koregũkumi. Marĩ Opũre: “Òãtarigu, turatarigu ããrã”, ārĩ, usuyari sĩnĩkōãrã! Irasũta irirã!

*Pablo òãdoretũnudea*

19 Priscila, igo marãpũ Aquila, Onesíforoya wii marãde òãburo.

20 Erasto Corintogue dujami. Trófimo pũrĩrikũakōãmi. Irasirigũ Miletogue ĩgũrẽ píbũ.

\* 4:8 Sugũ ũma birarimasũ gajirã nemorō òãrō ũmagũ, olivo wãĩkũdima pũrĩ merã iridea berore wajakakumi. Masaka iri berore ĩgũya dipurugue peokuma, gajerãrẽ ĩgũ wajatadeare ĩmumũrã. I irirosũ, sugũ Jesũre bũremugũ ĩgũ ãiyema iridea waja ũmũgasigue perebiri okari wajatagakumi. Iri ũmũgasigue perebiri okari wajatari, i berore wajatari irirosũ ããrã.

21 Mũ puibũ dupuyuro aaripurumuka! Eubulo, Pudente, Lino, Claudia, ããĩpererã marĩyarã mũrẽ õãdorema.

22 Marĩ Opũ Jesucristo mũ merã ããĩburo. Marĩpũ ããĩpererãrẽ mũsãrẽ õãrõ iritamuburo. Irasũta irinĩkõãburo.

Iropãta ããrã.

Pablo

## TITO

### *Pablo Titore òãdoredea*

1 Y<sub>H</sub> Pablo, m<sub>ur</sub>ē òãdoredea. Y<sub>H</sub> Marĩp<sub>ur</sub>e moãboeg<sub>u</sub> ããrã. Jesucristo y<sub>ur</sub>e ìg<sub>u</sub>ya kerere buedoreg<sub>u</sub> pĩmi. Marĩp<sub>u</sub> beyenerãrē ìg<sub>ur</sub>ē òãrō b<sub>ur</sub>emumak<sub>u</sub> gããmeg<sub>u</sub>, ìg<sub>us</sub>ãrē ìg<sub>u</sub>yare òãrō irimak<sub>u</sub> gããmeg<sub>u</sub>, y<sub>ur</sub>e iriumi, ìg<sub>u</sub>ya diayema kerere masĩburo, ãrìg<sub>u</sub>.

2 Irasirirã iri kerere masĩrã, ìg<sub>us</sub>ã ùm<sub>u</sub>gasigue perebiri okari opaburire masĩma. Marĩp<sub>u</sub> i ùm<sub>ur</sub>ē iriburo dupuyuro: “Perebiri okari sĩg<sub>ur</sub>a”, ãrĩdi ããrĩmĩ. Ìg<sub>u</sub> ãrĩgatobi ããrĩsĩã, ìg<sub>u</sub> ãrĩderosũta marĩrē sĩg<sub>u</sub>kumi.

3 Daporare Marĩp<sub>u</sub>: “Ãsũ irig<sub>ur</sub>a”, ìg<sub>u</sub> ãrĩdeare iriripoe ejasiãa. Irasirig<sub>u</sub> ìg<sub>u</sub>ya kerere wererãrē weredoremi marĩrē irire masĩburo, ãrìg<sub>u</sub>. Ìg<sub>u</sub> marĩrē taug<sub>u</sub>, y<sub>u</sub>dere iri kerere weredoreg<sub>u</sub> pĩmi.

4 Tito, y<sub>H</sub> m<sub>ur</sub>ē gojãa. Y<sub>H</sub> Jesúyare weremak<sub>u</sub> pég<sub>u</sub>, m<sub>u</sub> ìg<sub>ur</sub>ē b<sub>ur</sub>emun<sub>u</sub>gãb<sub>u</sub>. Irasirig<sub>u</sub> y<sub>H</sub> mag<sub>u</sub> irirosũ ããrã. Daporare marĩ p<sub>er</sub>ãgueta Jesúre b<sub>ur</sub>emurã ããrã. Marĩp<sub>u</sub> ããrĩnìg<sub>u</sub>, Jesucristo marĩrē taug<sub>u</sub> m<sub>ur</sub>ē òãrō iritam<sub>u</sub>, siuñajãrĩ merã ããrĩrik<sub>u</sub>mak<sub>u</sub> iriburo.

### *Pablo Titore Creta marãrē buedoredea*

5 Y<sub>H</sub> m<sub>ur</sub>ē Creta wãik<sub>ur</sub>i n<sub>u</sub>g<sub>ur</sub>õgue píwãgãrib<sub>u</sub>, m<sub>ur</sub>ē Jesúre b<sub>ur</sub>emurãrē y<sub>H</sub> iripeobirideare òãrō ãmupeokõãburo, ãrìg<sub>u</sub>. Irasirig<sub>u</sub> iri n<sub>u</sub>g<sub>ur</sub>õma makãrĩrē waagorenag<sub>u</sub>, iri makãrĩk<sub>u</sub> y<sub>H</sub> m<sub>ur</sub>ē dorederosũta Jesúre b<sub>ur</sub>emurãrē ìg<sub>us</sub>ã oparã ããrĩmurãrē sóoka!

6 Sug<sub>u</sub> ìg<sub>us</sub>ã op<sub>u</sub> ããrĩbure sóog<sub>u</sub>, ãsũpero ããrìg<sub>ur</sub>ē sóoka! Masaka: “Ñerō irig<sub>u</sub> ããrĩmĩ”, ãrĩ werew<sub>u</sub>asũña marìg<sub>ur</sub>ē, sugoreta marãpok<sub>u</sub>dire sóoka! Ìg<sub>u</sub> p<sub>ur</sub>ãde Jesúre b<sub>ur</sub>emurãta ããrĩburo. Masaka ìg<sub>u</sub> p<sub>ur</sub>ãrē: “Ñegorama, ìg<sub>us</sub>ã pag<sub>u</sub>sãmarãrē tarin<sub>u</sub>gãgorama”, ãrĩ werew<sub>u</sub>asũña marĩrã ããrĩburo.

7 Sug<sub>u</sub> Jesúre b<sub>ur</sub>emurã op<sub>u</sub> Marĩp<sub>ur</sub>e moãboeg<sub>u</sub> ããrĩmi. Irasirig<sub>u</sub> masaka werew<sub>u</sub>asũña marìg<sub>u</sub> ããrĩburo. Ìg<sub>u</sub> gããmerĩ direta gajerãrē iridorebino, mata gajerã merã guarik<sub>u</sub>bi, mejãbi, gãmekẽãd<sub>u</sub>abi, ñerō iriri merã niyeru wajatad<sub>u</sub>abi ããrĩburo.

8 Ãsũ gap<sub>u</sub> irig<sub>u</sub> ããrĩburo. Ìg<sub>u</sub>ya wiigue gãmeñajãrã ejarãrē òãrō bokatĩrĩñeãg<sub>u</sub>, òãrĩ gap<sub>ur</sub>e gããmeg<sub>u</sub>, pémasĩrĩ merã iririk<sub>u</sub>g<sub>u</sub>, diayemarē irig<sub>u</sub>, Marĩp<sub>u</sub>yag<sub>u</sub>, noó gããmerō irid<sub>u</sub>arire iribi ããrĩburo.

9 Marĩp<sub>u</sub>ya diayema kerere, marĩ ìg<sub>ur</sub>ē buedea b<sub>ur</sub>emurĩrē piribi ããrĩburo. Irasirig<sub>u</sub>, ìg<sub>u</sub>de gajerã Jesúre b<sub>ur</sub>emurãrē òãrĩ

bueri merā ĩgūsārē Marĩpuyare gũñatura, õãrõ ããrĩrikumakũ irigukumi. Irire buegu, diayema buerire werewuarãrē õãrõ yujumasĩgukumi, ĩgūsãde diaye gũñanugãburo, ãrĩgũ.

10 Wárã ããrĩma Marĩpũ dorerire tarinugãrã. ĩgūsã noó gããmerõ werenimoãmarĩ merã masakare ĩgūsã ãrĩgatorire buremumakũ yáma. Judío masaka surãyari irasũgora yáma.

11 Niyeru direta wajataduarã, ĩgūsã gããmerõ buemoãmakõãma. Irasirirã wiiri marãrē poyanorēma. Irasirigu mũ ĩgūsãrē kãmutakõãka! “Irire iropãta buenemoka!” ãrĩka ĩgūsãrē!

12 Iripoegue sugũ iro Creta nugũrõmũ õãrõ wererimasũ ãsũ ãrĩ wereyupũ iro marãrē:

I nugũrõ marã buro ãrĩgatorikuma. Makãnúũ marã waimurã buro goerã irirosũ ããrĩma. Baaparã, baari direta gũñarĩkurã, moãduamerã, buro tãrikurã ããrĩma, ãrĩyupũ.

13 ĩgũ irasũ ãrĩgũ, diayeta ãrĩ werenĩdĩ ããrĩmĩ. Daporare Creta marã iripoegue iriderosũta yáma. Irasirigu Tito, turaro merã ĩgūsãrē wereka, Marĩpuya diayema buerire õãrõ gũñaturari merã buremuburo, ãrĩgũ!

14 ĩgūsãrē õãrõ bueka, judío masaka noó gããmerõ gũñaboka, weremoãmadea kerere, Marĩpuya diayema kerere gããmemerã dorerire pãnemobirikõãburo, ãrĩgũ!

15 Marĩpuyare buremurãrē õãrĩ gũñarĩ oparãrē, ããrĩpereri gajino ĩgūsãrē ñerĩrē gũñamakũ iribirikoa. Marĩpuyare buremumerã gapure ñerĩ gũñarĩ direta oparãrē, ããrĩpereri gajino ĩgūsãrē ñerĩrē gũñamakũ yáa. Irasirirã ñerĩrē irirã: “Ñerõ iriakubũ yũ”, neõ ãrĩ bujawerebema.

16 “Marĩpũre masĩa gũ”, ãrĩkererã, ĩgũrē masĩbema. ĩgūsã ñerõ iriri merã ĩgũrē masĩbema, ãrĩ masĩsũa. Gajerãrē iãturi dooma. Marĩpũ dorerire tarinugãgorama. ããrĩpereri õãrĩrē neõ irimasĩmerã, ñerãgora ããrĩma.

## 2

### *Keoro buedorerimarē gojadea*

1 Irasirigu Marĩpuya diayema ããrĩrĩrē masakare keoro bueka!

2 Æsũ ãrĩ wereka, mũrã ãmarē: “Mũsã pẽmasĩrĩ merã iririkurã, masaka buremusũrã, diayemarē irirã, Marĩpũre gũñaturari merã buremurã, gajerãrē maĩrã ããrĩka! Mũsãrē ñerõ waamakũ, gũñaturanĩkõãka!” ãrĩ wereka ĩgūsãrē!

3-4 Mũrã nomedere: “Mũsã Marĩpũre goepeyari merã buremuka! Gajerãrē ñerõ ãrĩ werewuamerãta, wãro mejãrĩnorē iirĩmerãta ããrĩka! Maamarã nomerē õãrĩrē bueka, ĩgūsãrē irire irimasĩburo, ãrĩrã! Mũsã irasũ buemakũ



péduripírā, ĩgūsā marāpusāmarārē, ĩgūsā pūrādere ōārō maĩrākuma.

<sup>5</sup> Diayemarē irirā, ōārī gūñarī oparā, ĩgūsāya wiirigue āārīrārē ōārō korerā, gajerārē iritamurā, ĩgūsā marāpusāmarārē tarinugāmerā āārīrākuma. Irasirirā ĩgūsā maamarā nome irire ōārō irimakū ĩārā, gajerā Marĩpuyaya kerere ñerō werenímasĩbirikuma. ‘Iri kerere buremurā ñerō yáma’, ārī masĩbirikuma”, ārī wereka ĩgūsārē!

<sup>6</sup> Maamarā ũmadere: “Mũsāde diayemarē irika!” ārī wereka!

<sup>7</sup> Mũ ōārī direta irika! Mũ irasirimakū ĩārā, gajerāde ōārīrē irirākuma. Masakare gopeyari merā diayema āārīrē keoro bueka!

<sup>8</sup> Ōārō pémasĩrī merā wereníka, gajerā murē werewuabirikōāburo, ārĩgũ. Mũ werenírīrē pérā, murē gāāmemerā: “I diaye āārībea”, ārīmasĩbirikuma. Irasirirā marĩrē werewuanerā gũyasĩrīrākuma. Marĩrē ñerĩ werenírī merā werewuamasĩbirikuma.

<sup>9</sup> Moāboerimasādere: “Mũsā oparā dorerire tarinugābirikōāka! ĩgūsā doremakū, āārĩpereri ĩgūsā dorerire irika! ĩgūsārē mũsā merā mũyamakū irika! ĩgūsā mũsārē doremakū: ‘Iribea’, ārĩbirikōāka!

<sup>10</sup> ĩgūsā oparire neō yajabirikōāka! ĩgūsā oparire mũsā ōārō koremakū ĩārā: ‘Ōārō yáma’, ārīrākuma. Gajerāde mũsā ōārō iririre ĩārā, marĩrē taugũ Marĩpuyare buerire: ‘Ōārī āārā’, ārī gūñarākuma”, ārī wereka ĩgūsārē!

<sup>11</sup> Marĩpũ marĩrē maĩgũ āārĩpererā i ũmũ marā ĩgūsā ñerō iridea wajare taudũagũ, Jesucristore iriudi āārĩmĩ.

<sup>12</sup> Marĩrē ĩgũ gāāmebirinorē, i ũmũma ñerō uaribejarire piriburo, ārĩgũ, irasiridi āārĩmĩ. Marĩ i ũmũgue āārĩrāde ōārō pémasĩrī merā diayemarē irirā, Marĩpũ gāāmerĩrē irirā āārĩrō gāāmea.

<sup>13</sup> Marĩ Opũ turatarigũ marĩrē taugũ Jesucristo dupaturi aariburire mũyari merā yúrā yáa. ĩgũ ārĩderosũta aarigũkumi marĩrē ōārĩrē irigũ aarigũ. Ire marĩ masĩsĩā, ĩgũ gāāmerĩrē iriro gāāmea.

<sup>14</sup> Marĩ ñerō iridea wajare wajaribosabu, ĩgũrē wějērārē kāmutarō marĩrō boadi āārĩmĩ. Irasirigũ āārĩpereri marĩ ñerō iridea wajare taudi āārĩmĩ, marĩrē neō ñerĩrē opabirikōāburo, ārĩgũ. Marĩrē ĩgũyarā āārĩburo, ōārĩrē ōārō iriburo, ārĩgũ, irasiridi āārĩmĩ.

<sup>15</sup> Mũ Jesúre buremurārē irire ōārō bueka, ōārĩrē mũyari merā iriburo, ārĩgũ! Marĩpũ murē irire weredoredi āārĩmĩ. Irasirigũ ĩgũ dorero merā irire iridũamerārē: “Āsũ irika!” ārī wereka! Neō sugũ masakũ, mũ weremakū, murē irasũ ĩābéobirikōāburo.

## 3

*Pablo Jesúre b̄remurārē: “Āsū irika!” ārī gojadea*

1 Irogue marā Jesúre b̄remurārē āsū ārī wereka: “Musā oparārē, musārē dorerārē tarinugābirikōāka! Īgūsā dorerire ōārō péka! Ōārō iririre irirā āārīka!

2 Neō sugu masakure ñerō ārī werewuabirikōāka! Masaka merā gāme turimerāta, Īgūsā merā ōārō usuyari merā āārīrikuka! Gajerārē maĩrī merā iritamuka! Āārīpererārē b̄remurī merā gūña maĩka!” ārī wereka Īgūsārē!

3 Iripoegue marī Jesúre b̄remubirisīā, Marīpuyare pémasībiri, Īgū dorerire tarinugā, ārīgatorire b̄remu, dedirinerā āārībú. Āārīpereri noó gāāmerō haribejarire, ñerī iriduarire pirimasībirinerā āārībú. Gajerārē uburikurā, Īgūsārē ñerō irirā āārīnerā āārībú. Gajerā marīrē ĩāturi doonerā āārīmá. Marī baside gāme ĩāturi doonerā āārībú.

4 Marī irasū āārīkerepuru, Marīpu marīrē taugu gapu Īgū marīrē maĩrīrē, Īgū marīrē iritamuduarire marīrē masĩmakū iridi āārīmí.

5 Irasirigu marīrē taudi āārīmí. Marī ōārīrē neō iribirikerepuru, marīrē buro bopoñarī merā ĩāsīā, marīrē taudi āārīmí, perebiri peamegue waabirikōāburo, ārīgū. Marī ñerī oparire koedi āārīmí, Ōāgū deyomarīgū merā marīrē majīrā maama deyoarā irirosū āārīburo, ārīgū. Irasirigu marīrē maama okarire sīdi āārīmí Īgū pūrā āārīburo, ārīgū.

6 Ōāgū deyomarīgūrē Jesucristo marī ñerō iridea wajare taugu merā marīrē iriudi āārīmí Īgū turarire opatarikōāburo, ārīgū.

7 Irasirigu marīrē maīgū: “Ōārā, waja opamerā āārīma”, ārī ĩādi āārīmí. Irasirirā gūñaturari merā: “Īgū marīrē Īgū pūrārē: ‘Īmugasigue perebiri okarire sīgura’, ārīdeare oparākoa”, ārī masīa.

8 Iri yu mūrē wereri, diayema kere āārā. Irasirigu Marīpūre b̄remurārē irire ōārō gūñaturari merā bueka, pīriro marīrō ōārīrē irinikōāburo, ārīgū! I bueri ōāgorāa. Irire péduripírānorē ōārō āārīrikumakū iriri āārā.

9 Gajerā merā ubu āārīrīrē, gua ñekūsamarā iriunadea kerere, Marīpu Moisére doreri pídeare: “¿Naāsū ārīdhuaro yári?” ārī sērēñarīrē gāme guaseobirikōāka! Irire gāme guaseori ñegorāa. Masakare ōārō āārīrikumakū iriri āārībea.

10 Sugu masakū Jesúre b̄remurī bumarārē gāme guaseo, dukawarimakū irigunorē: “Irire iribirikōāka!” ārī wereka! Mu suñarō o péa Īgūrē wereadero puru Īgū pébirimakū ĩāgū, Jesúre b̄remurā nerērōgue Īgūsā merā āārīgūrē béowiuka!

11 Īgūsārē gāme guaseo, dukawarimakū iriri merā: “Ñegū, waja opagū āārīmi”, āri masīsūa.

*Pablo iritamudoredea*

12 Yū Artemarē o Tíquicore mū pūroque iriugūkoa. Mū pūro ejamakū, Nicópolis wāikuri makāgue yūre bokatīrīgū waapuru-muka! Yū: “Iroque puibū tamugūkoa”, āri gūñáa.

13 Mū iritamurō bokatīūrō Zenas masakare werenibosarimasūrē, Apolodere iritamuka! Īgūsā gajerogue waaburi dupuyuro Īgūsā gāāmerīrē sīka, iri āārīpererire opaburo, ārīrā!

14 Mū irasū iritamumakū ĩārā, marīyarāde ōārī iri, ĩgūsā basi gāme iritamurākuma ĩgūsā gāāmerīrē opamurā. Irasirirā irimoāmamerāta āārīrākuma.

*Pablo ōādoretūnudea*

15 Āārīpererā yū merā āārīrā mūrē ōādorema. Marīyarā Jesúre baremurārē marīrē maīrārē mū pūro āārīrārē ōādoreka! Marīpū mūsārē āārīpererārē ōārō iritamuburo.

Iropāta āārā.

Pablo

## FILEMÓN

*Pablo Filemórē òãdoredea*

<sup>1</sup> Y<sub>H</sub> Pablo, Jesucristoya kerere weredeadea waja peresugue ããrã. Marĩyag<sub>H</sub> Timoteo merã m<sub>H</sub>rē òãdoreadea. Filemón, m<sub>H</sub> g<sub>H</sub>maĩg<sub>H</sub>, g<sub>H</sub>ma merã moãg<sub>H</sub> ããrã.

<sup>2</sup> Y<sub>H</sub> gajerã Jesúre b<sub>H</sub>remurã m<sub>H</sub>ya wiigue nerẽrãrẽ, marĩyago Apia wãik<sub>H</sub>gore, irasũ ããrĩmakũ Arquipodere òãdoreadea. Arquipo g<sub>H</sub>ma merã moãmi, gajerã Jesucristoya kerere péburo, ãrĩg<sub>H</sub>.

<sup>3</sup> Marĩp<sub>H</sub> ããrĩng<sub>H</sub>, marĩ Op<sub>H</sub> Jesucristo m<sub>H</sub>sãrē òãrõ iritam<sub>H</sub>, siuñajãrĩ merã ããrĩrik<sub>H</sub>makũ iriburo.

*Filemón gajerãrẽ maĩg<sub>H</sub> Jesúre b<sub>H</sub>remug<sub>H</sub> ããrĩmi, ãrĩ gojadeadea*

<sup>4-5</sup> Y<sub>H</sub> Marĩp<sub>H</sub>re sērērik<sub>H</sub> m<sub>H</sub>ya ããrĩburire sērēbosáa. Marĩ Op<sub>H</sub> Jesúre m<sub>H</sub> maĩrĩrẽ, ãg<sub>H</sub>rẽ m<sub>H</sub> b<sub>H</sub>remurĩrẽ, gajerã Marĩp<sub>H</sub>yarãrẽ m<sub>H</sub> maĩrĩrẽ péb<sub>H</sub>. Irasirig<sub>H</sub> Marĩp<sub>H</sub>re: “Òãa”, ãrĩ, <sub>H</sub>suyari sĩa.

<sup>6</sup> M<sub>H</sub> Jesúre b<sub>H</sub>remusiã, ãg<sub>H</sub>rẽ b<sub>H</sub>remurĩrẽ gajerãrẽ wereadea, ãg<sub>H</sub>sãde ãg<sub>H</sub>rẽ b<sub>H</sub>remuburo, ãrĩg<sub>H</sub>. Irasirig<sub>H</sub> y<sub>H</sub> Marĩp<sub>H</sub>re: “Ìg<sub>H</sub>sãrẽ wereg<sub>H</sub>, ããrĩpereri Jesucristo marĩrẽ òãrõ iririre masĩpeog<sub>H</sub> waaburo”, ãrĩ sērẽa.

<sup>7</sup> Yaag<sub>H</sub>, m<sub>H</sub> Marĩp<sub>H</sub>yarãrẽ òãrõ y<sub>H</sub>p<sub>H</sub>rãk<sub>H</sub>makũ irib<sub>H</sub>. M<sub>H</sub> ãg<sub>H</sub>sãrẽ maĩrĩrẽ pég<sub>H</sub>, y<sub>H</sub> m<sub>H</sub> merã òãrõ y<sub>H</sub>p<sub>H</sub>rãk<sub>H</sub>, <sub>H</sub>suyáa.

*Pablo Filemórē: “Onésimo m<sub>H</sub>rē moãboeg<sub>H</sub>re òãrõ bokatĩrĩneãka!” ãrĩ sērẽdeadea*

<sup>8</sup> Irasirig<sub>H</sub> y<sub>H</sub> Jesucristo buedoreg<sub>H</sub> pídi ããrĩsĩã, m<sub>H</sub>rē doremasĩkereg<sub>H</sub>: “Ásũ iriro gãameadea, irasirig<sub>H</sub> irire irika!” ãrĩbirikoa.

<sup>9</sup> Maĩrĩ merã gap<sub>H</sub> m<sub>H</sub>rē sērẽduakoa. Y<sub>H</sub> Pablo b<sub>H</sub>g<sub>H</sub>ro ããrã. Jesucristoya kerere weredeadea waja peresugue ããrã.

<sup>10</sup> Irasirig<sub>H</sub> Onésimõyamarẽ m<sub>H</sub>rē sērẽduakoa. ãg<sub>H</sub>, y<sub>H</sub> peresugue ããrĩg<sub>H</sub> p<sub>H</sub>ro eja, y<sub>H</sub> Jesúyare weremakũ pég<sub>H</sub>, ãg<sub>H</sub>rẽ b<sub>H</sub>remun<sub>H</sub>gãmi. Irasirig<sub>H</sub> y<sub>H</sub> mag<sub>H</sub> irirosũ ããrĩmi.

<sup>11</sup> Jesúre b<sub>H</sub>remuburi dupuyuro Onésimo m<sub>H</sub>rē òãrõ moãboebirisĩã, béowãgãdi ããrĩmi. Dapora tamerãrẽ marĩ pērãguereta iritamumi. Y<sub>H</sub>re òãrõ iritamug<sub>H</sub> yãmi. M<sub>H</sub>dere òãrõ iritamug<sub>H</sub>kumi.

<sup>12</sup> Irasirig<sub>H</sub> daporare m<sub>H</sub> p<sub>H</sub>roque ãg<sub>H</sub>rẽ y<sub>H</sub> b<sub>H</sub>ro maĩg<sub>H</sub>rẽ iriua. ãg<sub>H</sub>rẽ òãrõ bokatĩrĩneãka!

<sup>13</sup> Y<sub>H</sub> Jesucristoya kerere weredeadea waja peresu ããrĩripoe m<sub>H</sub> y<sub>H</sub>re iritamuboadeare iritamudoreg<sub>H</sub>, òãg<sub>H</sub>re ãg<sub>H</sub>rẽ y<sub>H</sub> merã dujamakũ gããmeadãa.

14 Īgū, yu merā dujamakū gāāmekeregu, mu gāāmerī direta iridukaoa. Irasirigu mu yure: “Jáu”, ārīmakū tamerārē yu doreri meta āārīrokoa. Mu gāāmerōsū waarokoa.

15 “Gajipoe irigu Onésimo mūrē béowāgāgū yoaripoe āārību meta waakumi. Dupaturi mu merā ōārō āārīnikōābu irasirikumi”, ārī gūñāa. Irasirigu ĩgūrē yu merā dujadorebirikoa.

16 Īgū mūrē moāboegu āārīkeregu, daporare Jesúre buremumi. Muya weregu irirosū āārīmi. Yu ĩgūrē buro maīa. Mu gapu yu nemorō ĩgūrē maīrō gāāmea. “Yure moāboegu āārīkeregu, Jesúre buremusīā, yaa weregu irirosū āārīmi, irasirigu ĩgūrē buro maīa”, ārī gūñarō gāāmea.

17 Irasirigu mu yure: “Yu merā moāgū āārīmi gajerā Jesúyare péburo, ārīgū”, ārī gūñagū, yure bokatīrīñeārōsūta Onésimorē ōārō bokatīrīñeāka!

18 Īgū gajino muyare poyanorēdi, o mūrē wajamomakū, yure wereka! Yu mūrē wajarigukoa.

19 Yu Pablo, yu basi ire mūrē ārī gojāa: “Yu wajarigura”. Irire irasū ārī gojakeregu, mūrē gaji gūñamakū irimasīa. Jesúyare yu mūrē weremakū pégu, ĩgūrē buremunugābu. Irasirigu, yu mūrē weredeā waja yure wāro wajamogū irirosū āārā.

20 Irasirigu mūrē yaagure āsū ārī sērēa: “Mu marī Opu Jesucristore buremugū āārīsīā, Onésimorē ōārō bokatīrīñeāka!” Marī Cristoyarā āārā. Irasirigu yure ōārō yujupūrākumakū irika!

21 I yu mūrē sērērīrē: “Irigukumi”, ārī masīa. Irasirigu ire mūrē gojāa. Idere masīa. Yu sērērīrē nemorō mu ōārō irigukoa.

22 Mūrē gojagu, gajidere sērēa. Yure wiuadero puru, musā prougue waadukaoa. Irasirigu yu irogue ejaburi dupuyuro yu kārīburi taribure āmuyuka! Marīpu musā ĩgūrē sērērīrē: “Jáu”, ārīmakū, musā prougue waagukoa.

### *Pablo Filemórē gojatūnudea*

23 Epafras mūrē ōādoremi. Īgū Jesucristoya kerere weredeā waja yu merā peresugue āārīmi.

24 Yu merā moārā Marcos, Aristarco, Demas, irasū āārīmakū Lucas mūrē ōādorema.

25 Marī Opu Jesucristo musārē ōārō iritamuburo. Irasūta iriburo.

Iropāta āārā.

Pablo

## HEBREOS

*Marĩpu ĩgũ magũ Jesucristo merã weredeamarẽ gojadea*

<sup>1</sup> Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenugãdi ããrĩmĩ. Yoaripoe wári ĩgũ turari merã iri ĩmurĩ, ĩgũ weredoreri, kẽrõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ.

<sup>2</sup> Dapagorare i mũmu pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i mũmurẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pídi ããrĩmĩ, iri ããrĩpererire opabure.

<sup>3</sup> Jesucristo, Marĩpu goesisiririre opagu, turatarigu, õãtarigu, Marĩpu ããrĩrikurire opagu ããrĩmĩ. ĩgũ turaro doreri merã ããrĩpereri i mũmumarẽ ããrĩníkõãmakũ yámi. Marĩ ñerõ iridea wajare tau odo, puu mũmugasigue Marĩpu turatarigu diaye gapu eja doadi ããrĩmĩ, ããrĩpererãrẽ doregu ããrĩbu.

*Marĩpu magũ, Marĩpure wereboerã nemorõ turagu ããrĩmĩ, ãrĩ gojadea*

<sup>4</sup> Irasirigu Marĩpu magũ Jesucristo, Marĩpure wereboerã nemorõ turagu ããrĩmĩ. Marĩpu ĩgũrẽ: “Makũ, mũ yũ magũ ããrã”, ãrĩdi ããrĩmĩ. Ángeles gapure: “Yũre wereboerã ããrã”, ãrĩdi ããrĩmĩ.

<sup>5</sup> ĩgũ magũrẽ ãsũ ãrĩdi ããrĩmĩ: Yũ magũ ããrã mũ. Dapagã merã mũ, yũ magũ ããrĩrĩrẽ masakare masĩmakũ yáa, ãrĩdi ããrĩmĩ.\*

Neõ sugu ĩgũrẽ wereboegure irasũ ãrĩbiridi ããrĩmĩ. ĩgũ magũyamarẽ ãsũ ãrĩdi ããrĩmĩ doja:

Yũ, ĩgũ pagu ããrã. ĩgũ, yũ magũ ããrĩmĩ, ãrĩdi ããrĩmĩ.\*

Neõ sugu ĩgũrẽ wereboegure irasũ ããrĩbiridi ããrĩmĩ.

<sup>6</sup> ĩgũ magũrẽ sugu ããrĩgũrẽ i mũmugue iriugu, ãsũ gapu ãrĩdi ããrĩmĩ:

Ããrĩpererã yũre wereboerã, yũ magũrẽ ejamejã, bũremuburo, ãrĩdi ããrĩmĩ.\*

<sup>7</sup> ĩgũrẽ wereboerãyamarẽ ãsũ ãrĩdi ããrĩmĩ:

Yũre wereboerãrẽ mirũ wẽjãpu taurosũ, peame ãjũrĩ pũrã irirosũ waamakũ yáa, ãrĩdi ããrĩmĩ.\*

<sup>8</sup> ĩgũ magũ gapure ãsũ ãrĩdi ããrĩmĩ:

Mũ ããrĩpererã Opũ ããrĩnĩgũ ããrã. Mũyarãrẽ diayeta dorea.

<sup>9</sup> Diayema iririre gããmea. Ñerõ iririre dooa. Irasirimakũ ĩãgũ, yũ mũpu mũrẽ ããrĩpererã Opũ ããrĩbure beyebu.

\* 1:5 Sal 2.7    ✧ 1:5 2 S 7.14; 1 Cr 17.13    ✧ 1:6 Dt 32.43    ✧ 1:7 Sal 104.4

Irasirigu marē āārīpererā mu merāmarā nemorō usuyari merā  
āārīmakū iribu, āārīdi āārīmī.✧

10 Idere āārīdi āārīmī Marīpu īgū magūrē:

Mu āārīpererā Opu, neōgoragueta i nikū, ūmugasidere iribu.

11 Gajipoe i ūmu mu iridea pereakōārokoa. Mu gapu  
āārīnikōāgukoa. Āārīpereri mu iridea gapu surīro  
boarosū, boapereakōārokoa.

12 Irasirigu surīro buḡuñerē túwea béo, gajiñe maamañe gor-  
awayurosū, āārīpereri ōārī ditare gorawayugukoa. Mu  
gapu neō gorawayubirikoa. Muārōta āārīnikōāgukoa,  
ārīdi āārīmī.✧

13 Irasirigu īgū magūrē āsū āārīdi āārīmī doja:

Yu diaye gapu doaka! Mu doaripoe marē īāturirārē mu  
dorerire neō tarinugānemobirimakū irigura, āārīdi  
āārīmī.✧

Īgūrē wereboerā gapure neō irasū āārībiridi āārīmī.

14 Āārīpererā Marīpue wereboerā deyomarīā, īgūrē  
moāboerā āārīma. Marīpu Jesucristo taurārē iritamudoreḡu  
īgūsārē iriumi.

## 2

*Marīpu īgū masakare tauri kerere ōārō pémakū gāāmemi, āārī  
gojadea*

1 Irasirirā Marīpu magū Jesucristoya kerere marī pédeare  
irasū gūñanikōārō gāāmea, īgūrē buremurirē piriri, āārīā.

2 Iripoegue Marīpu īgūrē wereboerārē īgūya kerere were-  
doredi āārīmī. Irasirigu: “Ñerō irirānorē, yu dorerire  
tarinugārārē wajamoāḡura”, āārīderosūta īgūsārē diayeta wa-  
jamoādi āārīmī.

3 Marīpu masakare tauri kere ōātaria. Marī gapu irire  
pémerā, īgū wajamoārīrē tausūbirikoa. Marī Opu Jesucristo iri  
kerere wereroridi āārīmī. Īgū weredeare pérā: “Diayeta  
āārā”, āārī masīnerā āārīmā. Irasirirā marīdere wereturiamā,  
irire masīburo, āārīā.

4 Marīpu gaji irinemodi āārīmī. Iri kerere wererārē īgū tu-  
rari merā wāri iri īmurirē irimakū iridi āārīmī. Irasū āārīmakū  
īgū gāāmederosūta īgūsārē wāri Ōāḡu deyomarīgū iritamurī  
merā irimasīrīrē sīdi āārīmī, iri kerere weremakū pérā: “Di-  
ayeta āārā”, āārī masīburo, āārīgū.

*Jesucristo, marī irirosū dupukugū deyoadi āārīmi, āārī go-  
jadea*

5 Marīpu īgūrē wereboerārē: “I ūmu peredero puruḡuere  
oparā āārīrākoa musā”, āārī, neō pībiridi āārīmī.

<sup>6</sup> Īgūyare weredupiyudi āsū gapu ārī gojadi āārīmī:

Г҃а О҃р҃а, masaka ubu āārīrā āārīkeremakū, ζnasirigu Īgūsārē gūnarī mu? Īgūsā boamurā dita āārīkeremakū, ζnasirigu Īgūsārē iritamurī mu?

<sup>7-8</sup> Yoabiripoegāta Īgūsārē mūrē wereboerā doka āārīmakū iridi āārībú. Irasirikereg҃а, p҃аr҃аguere Īgūsārē oparā sóog҃а, m҃а turarire sīb҃а, Īgūsārē āārīpereri opaburo, ārīgū, ārī gojadi āārīmī.\*

Marīp҃а masakare irasū sīgū: “Āārīpererire dorerākuma”, ārī pídi āārīmī. Īgūsārē irire pikeremakū, āārīpererire dorebema dapa.

<sup>9</sup> Marī Jesúyama gapure: “Āārīpererā О҃р҃а āārīmī”, ārī masīa. Yoabiripoegāta Īgūdere Marīp҃а Īgūrē wereboerā doka pídi āārīmī, āārīpererāya āārībure boabosabure. Jesús marīrē boabosamakū, Marīp҃а Īgūrē maīgū, ōārō iritamudi āārīmī. Irasirigu Īgū boadigue masādero p҃аr҃а, Marīp҃а Īgūrē turarire sī, О҃р҃а sóodi āārīmī, āārīpererā Īgūrē b҃remuburo, ārīgū.

<sup>10</sup> Marīp҃а Īgū gāāmederosūta āārīpereri i ūm҃amarē iridi āārīmī. Āārīpereri Īgūya dita āārā. Īgū pūrā āārīpererā ūm҃ugasigue Īgū āārīrōgue Īgū merā āārīmakū gāāmemi. Irasirigu Īgū magū Jesúre iriudi āārīmī, marīrē Īgū ñerō tariri merā taubure. Īgūrē iriudi āārīmī, marī О҃р҃а āārībure, marīrē ūm҃ugasigue āimurīabure.

<sup>11</sup> Jesús marīrē taug҃а, Marīp҃аyarā āārīmakū iridi āārīmī. Irasirirā marī Īgūyarā āārīsīā, sug҃а pūrā irirosū, Jesús marī tīgū merā Marīp҃а pūrā āārā. Irasirigu Jesús marīrē: “Y҃а pagupūrā āārīma”, ārīgū, neō g҃uyasīrbemi.

<sup>12</sup> Marīp҃аya werenīrī gojadea pūgue Jesús Īgū Pagure were-deare gojasūdero āārībú. Āsū ārīdi āārīmī Īgūrē:

M҃а āārīrikurire, m҃аyamarē wereg҃ukoa y҃а pagupūrāguere.

Īgūsā nerēnarōgue nerēmakū, Īgūsā merā: “Ōātaria mu”, ārī bayapeog҃ukoa mūrē, ārīdi āārīmī.\*

<sup>13</sup> Gaji ārīdi āārīmī doja:

Y҃ude mūrē y҃а О҃р҃а b҃remunikōāg҃ura.\*

Idere ārīdi āārīmī doja:

Ōōta āārā Y҃р҃а pūrā Īgū y҃re pīnerā merā, ārīdi āārīmī.\*

<sup>14</sup> Marī, Marīp҃а pūrā, d҃p҃ukurā āārā. Irasirigu Jesúde marī irirosūta d҃p҃ukug҃а aaridi āārīmī. Īgū curusague boari merā wātīrē, boaire gūirā opure tarinugā béodi āārīmī.

<sup>15</sup> Jesús Īgūrē irasū tarinugāgū, marī boaburire gūinikōānerārē taudi āārīmī.

\* 2:7-8 Sal 8.4-6

\* 2:12 Sal 22.22

\* 2:13 Is 8.17

\* 2:13 Is 8.18



16 Āsū āārā. Jesucristo Marĩpũre wereboerārē iritamugũ meta aaridi āārĩmĩ. Marĩ, Abraham parāmerā gapũre ĩgũ Marĩpũre bũremuderosũta bũremurārē iritamugũ aaridi āārĩmĩ.

17 Irasirigũ marĩ irirosũta dupũkũgũ aaridi āārĩmĩ, ĩgũ boari merā marĩ ñerĩ iridea wajare wajaribosabu. I merā Marĩpũre: “Waja opamerā āārĩma”, ārĩ ĩāmakũ iridi āārĩmĩ. Paĩa opũ marĩya āārĩburire Marĩpũre sērēbosarosũ, ĩgũde marĩrē õārõ sērēbosami. Irasirigũ marĩrē bopoñarĩ merā ĩāgũ marĩrē õārõ iritamunĩkõāmi.

18 Wātĩ ĩgũrē ñerõ iridoremakũ, Jesús bũro ñerõ tarikeregũ, ĩgũ dorerire iribiridi āārĩmĩ. Irasirigũ wātĩ marĩdere ñerĩ iridoremakũ ĩāgũ, Jesús marĩrē iritamumasĩmi, ñerĩ iribirikõāburo, ārĩgũ.

### 3

#### *Jesús, Moisés nemorõ āārĩmi, ārĩ gojadea*

1 Yaarā, mũsā Marĩpũ beyenerā, ĩgũyarā āārā. Irasirirā Jesucristore: “Bũremua marē”, ārĩnerā āārĩsĩā, ĩgũrē õārõ gũñanĩkõāka! Marĩpũ ĩgũrē iriudi āārĩmĩ, ĩgũya kerere werebure, paĩa opũ irirosũ marĩya āārĩburire sērēbosabure.

2 Marĩpũ ĩgũrē beyepĩdi āārĩmĩ irire iribure. Irasirigũ Moisés, Marĩpũ ĩgũrē: “Āsũ iridoreka yaarārē!” ārĩ pĩdeare õārõ iriderosũta Jesũde Marĩpũ ĩgũrē pĩdea āārĩpererire õārõ iridi āārĩmĩ.

3 Irasirirā Moisére bũremudero nemorõ Jesús gapũre bũremurõ gāāmea marĩrē. Iri āsũ āārā. Wiire: “Õārĩ wii āārā”, ārĩ ĩārõ nemorõ iri wiire iridi gapũre: “Õātarimi”, ārĩ bũremurõ gāāmea marĩrē.

4 Masaka gapũ wiiri irirā āārĩma. Marĩpũ gapũ āārĩpereri i ũmũmarē iridi āārĩmĩ.

5 Moisés gapũ Marĩpũyarārē doregũ, ĩgũsārē õārõ iritamudi āārĩmĩ. “Āsũ irika, Marĩpũre bũremurā!” ārĩ weredi āārĩmĩ, pũrgue marā Marĩpũya kerere pemasĩburo, ārĩgũ.

6 Cristo, Marĩpũ magũ gapũ Moisés nemorõ Marĩpũyarārē õārõ doregũ āārĩmi. Irasirirā marĩ Marĩpũyarā, gũñaturarire piriro marĩrõ ĩgũ tauburire usũyari merā yúnĩrā, ĩgũya wii marā āārā.

*Marĩpũ ĩgũyarārē ĩgũ merā õārõ siñajāmakũ gāāmeme, ārĩ gojadea*

7 Irasirigũ Ōāgũ deyomarĩgũ ire āsũ ārĩ weredi āārĩmĩ, Marĩpũya werenĩrĩ gojadea pũgue:

Dapagārē mũsā Opũ mũsārē weremakũ, pĩduamerā irirosũ āārĩbirikõāka!

- 8 Ōārō péka ĩgūrē! Iripoegue Israel bumarārē masaka marĩrōgue āārĩrārē ĩgũ werekeremakũ, ĩgũ dorerire tarinũgãma. “Marĩrē iritamumasĩbirikumi”, āārĩrã, ĩgūrē bũremubirima.
- 9 Irasirigu āsũ ārĩmi: “Iroguere cuarenta bojorigora yũ turaro merã iririre iri ĩmuadibũ ĩgũsārē iritamugũ. Yũ irasirikeremakũ: ‘Ĭgũ marĩrē iritamumasĩbirikumi’, ārĩ gũñanama yũre.
- 10 Irasirigu ĩgũsã merã gua, āsũ ārĩbũ: ‘Yaa gapũre neõ gũñatũyabema. Yũ dorerire iridũabema’, ārĩbũ.
- 11 Irasirigu ĩgũsã merã guagu, goepeyaro merã āsũ ārĩ werebũ: ‘Yũ merã õārõ siñajãrĩ bokabirikoa musã yũre bũremubiri waja’ ”, ārĩmi.✧
- 12 Irasirirã yaarã, õārõ pémasĩka! Neõ sugũ musã watopemũ ñerõ gũña, bũremubi āārĩbirikõáburo. Irasũ āārĩgũno, Marĩpu āārĩnĩgūrē beõgu iribukumi.
- 13 Āsũ gapũ iriro gããmea. Īmũrikũ musã basi Marĩpũyare gãme werenĩka, ñerĩrē iriri, ārĩrã! Dapagã merã Marĩpũya werenĩrĩ gojadea pũgue dorederosũta gãme werenĩka! “Ñerĩ gapũre irirã, usuyãa gũa”, ārĩ gũñarã, musã basita ārĩkatorã yãa. Ñerĩrē irirã, Marĩpu dorerire tarinũgãrãkoa.
- 14 Cristore bũremunũgãderosũta marĩ okaro bokatĩũrõ bũremunĩkõārã, ĩgũ āārĩrōgue ĩgũ merã āārĩrãkoa.
- 15 Yũ wererosũta Marĩpũya werenĩrĩ gojadea pũgue āsũ ārĩ gojasũdero āārĩbũ:  
Dapagãrē Marĩpu musãrē weremakũ, ĩgūrē õārõ péka!  
Iripoegue Israel bumarã ĩgũ dorerire tarinũgãderosũ iribirikõãka! ārĩ gojasũdero āārĩbũ.✧
- 16 Ĭgũsã Marĩpũya werenĩrĩrē pékererã, ĩgũ dorerire tarinũgãnerã āārĩmã. Āārĩpererã Egiptogue āārĩrārē Moisés āĩāsũnerã āārĩkererã, Marĩpu dorerire tarinũgãnerã āārĩmã.
- 17 Ĭgũsã tarinũgãdea waja cuarenta bojorigora Marĩpu ĩgũsã merã guadi āārĩmĩ. Masaka marĩrōgue ĩgũsārē āārĩdoredi āārĩmĩ. Irogueta boanerã āārĩmã.
- 18 Ĭgũ dorerire tarinũgãmakũ ĩãgũ, goepeyaro merã ĩgũsārē āsũ ārĩ weredi āārĩmĩ: “Yũ merã õārõ siñajãrĩ bokabirimakũ irigũra”, ārĩdi āārĩmĩ.
- 19 Irasirirã ire masĩa marĩ. Ĭgũsã Marĩpũre bũremubiridea waja ĩgũ merã õārõ siñajãrĩ bokabirinerã āārĩmã.

## 4

1 Marĩpu iripoegue marãrē: “Yũ merã siñajãrĩ bokarãkoa”, ārĩ pĩderosũta marĩdere pĩdi āārĩmĩ. Irasirirã marĩde goepeyaro

merã Marĩpũre yũjuro gããmea, ĩgũ merã õãrõ siñajãrĩ bokamurã.

<sup>2</sup> Marĩpũ masakare tauri kerere iripoegue marã péderosũta marĩde pébu. ĩgũsã gapũ iri kerere pékererã, bũremurĩ merã pébirinerã ããrĩmã. Irasirirã irire ubugorata péunanerã ããrĩmã.

<sup>3</sup> Marĩ gapũ Marĩpũre bũremurã ĩgũ merã õãrõ siñajãrĩ bokarãkoa. ĩgũrẽ bũremumerã gapũre ãsũ ãrĩdi ããrĩmĩ:

Yũre bũremubiri waja ĩgũsã merã guabu. Irasirigu ĩgũsãrẽ gopeyaro merã ãsũ ãrĩ werebu: “Yũ merã õãrõ siñajãrĩ bokabirikuma”, ãrĩdi ããrĩmĩ.\*

Iũmurẽ iri odo, siñajãdi ããrĩmĩ. Irasirigu masakadere ĩgũ merã siñajãburire pídi ããrĩmĩ.

<sup>4</sup> Gaji ãsũ ãrĩ gojasũdero ããrĩbũ, ĩgũya werenĩrĩ gojadea pũgue:

Iũmũma ããrĩpererire iripeo odogu, su mojõma pere gaji mojõ peru pẽrẽbejarinurĩ waaró merã ĩgũ moãrĩrẽ piri, siñajãdi ããrĩmĩ.\*

<sup>5</sup> ĩgũrẽ bũremumerã gapũre ãsũ ãrĩdi ããrĩmĩ doja ĩgũya werenĩrĩ gojadea pũgue:

Yũ merã õãrõ siñajãrĩ bokabirikuma, ãrĩdi ããrĩmĩ.\*

<sup>6</sup> Iripoegue marã, ĩgũ masakare tauri kerere pépurorinerã, ĩgũ dorerire tarinũgãdea waja ĩgũ merã õãrõ siñajãrĩ bokabirinerã ããrĩmã. Gajirã gapũ ĩgũrẽ bũremurã ĩgũ merã õãrõ siñajãrĩ bokarãkuma.

<sup>7</sup> Irasirigu Marĩpũ masakare ĩgũ merã siñajãburire pígu: “Dapagorare yũre õãrõ péka!” ãrĩdi ããrĩmĩ. Israel bumarã ĩgũ dorerire tarinũgãdero purũ, yoaripoe purũ irire Davire gojadoredi ããrĩmĩ. Irasirigu mũsãrẽ dupaturi irire weregũra doja. ãsũ ãrĩ gojadi ããrĩmĩ David:

Dapagorare Marĩpũ mũsãrẽ weremakũ, õãrõ péka! ĩgũrẽ péduamerã irirosũ ããrĩbirikõãka! ãrĩ gojadi ããrĩmĩ.\*

<sup>8</sup> Iripoegue David irire gojaburi dupiyuro Josué Israel bumarãrẽ Marĩpũ ĩgũsãrẽ sídea nikũgue ãñjadi ããrĩmĩ. Iro gapũre siñajãrĩ bokabirinerã ããrĩmã. Irasirigu Marĩpũ ĩgũyarãrẽ gaji siñajãrĩ siburire weredi ããrĩmĩ.

<sup>9</sup> Irasirirã, Marĩpũ iũmurẽ iri odo, ĩgũ siñajãderosũta marĩ ĩgũyarãde ĩgũ merã õãrõ siñajãrĩ bokarãkoa.

<sup>10</sup> Marĩpũ merã siñajãrã, marĩ gããmerõ moãrĩrẽ piri, ĩgũ gããmerĩ gapũre iripurorirã, ĩgũ merã õãrõ siñajãnikõãrãkoa, ĩgũ iũmũmarẽ iri odo siñajãderosũta.

<sup>11</sup> Irasirirã ĩgũrẽ õãrõ bũremurõ gããmea, ĩgũ merã siñajãrĩ bokamurã. Iripoegue marã ĩgũrẽ bũremubirideia waja ĩgũ merã neõ siñajãrĩ bokabirinerã ããrĩmã. ĩgũsã iriderosũ iribirikõãrõ gããmea marĩrẽ.

<sup>12</sup> Marĩpɥaya werenĩrĩrẽ pẽrã, ĩgũ merã õãrõ ããrĩnkõãa. Sareri majĩ pe gapɥ usiri majĩ sareñajãrõ nemorõ Marĩpɥaya werenĩrĩ marĩya yɥɥɥpũrãrĩgue, marĩ gũñarĩgue ñajãrokoa. Irasirirã ĩgũya werenĩrĩrẽ pẽrã, marĩya yɥɥɥpũrãrĩmarẽ marĩ gũñarĩdere: “I gapɥ õãgorãa, o i gapɥ ñegorãa”, ãrĩ masĩrãkoa.

<sup>13</sup> Marĩ masaka ããrĩpererã Marĩpɥ irinerã dita ããrã. ĩgũ ĩãberogue neõ ããrĩbea. ããrĩpereri marĩ ããrĩrikurire marĩ iririkurire masĩmi. Irasirirã õãrĩ gũñarĩ oparã õãrõ irirã, ĩgũ ĩũrõ marĩ irideare, marĩ gũñadeare weredoremakũ, gɥyasĩrĩrõ marĩrõ weremasĩrãkoa.

*Jesús paía opɥ nemorõ ããrĩmi, ãrĩ gojadea*

<sup>14</sup> Jesús, Marĩpɥ magũ, paía opɥ nemorõ marĩya ããrĩburire Marĩpɥere sẽrẽbosagu ããrĩmi. ĩgũ Marĩpɥ pɥrogue ããrĩmi. Irasirirã neõ piriro marĩrõ ĩgũrẽ bɥremunĩkõãrã!

<sup>15</sup> Jesús paía opɥ nemorõ, marĩ turamerãrẽ bopoñarĩ merã ĩãgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerõsũta Jesũdere ããrĩpereri ñerĩrẽ iridoredi ããrĩmĩ. Jesús gapɥ ñerĩrẽ neõ iribiridi ããrĩmĩ.

<sup>16</sup> ĩgũ marĩya ããrĩburire sẽrẽbosagu ããrĩmakũ ĩãrã, Marĩpɥere gũiri marĩrõ marĩ sẽrẽmasĩa. ĩgũ ããrĩrõgue ĩgũ merã ããrĩrã irirosũ sẽrẽmasĩa. ĩgũ marĩrẽ maĩgũ, marĩrẽ bopoñarĩ merã ĩãsiã, marĩ ñerõ tariripoere diayeta iritamugɥkumi.

## 5

<sup>1</sup> Marĩ ire masĩa. Sugɥ paía opɥ, masaka watope Marĩpɥ beyepĩsũdi ããrĩmi. Masakaya ããrĩburi ããrĩpererire Marĩpɥere sẽrẽbosagu ããrĩmi. Irasirigɥ Marĩpɥere ĩgũsã sĩduarire sĩbosagu ããrĩmi. “Ĩgũsã ñerĩ iridea waja ĩgũsãrẽ wajamoãbirikõãka!” ãrĩ sẽrẽgũ, Marĩpɥ ĩũrõ waĩbure wẽjẽ soepeobosagu ããrĩmi.

<sup>2</sup> Paía opɥ marĩ irirosũta ĩgũ turari merã ĩgũ ñerĩ iridurire tau kãmutamasĩbemi. Irasirigɥ pẽmasĩmerãrẽ, ñerõ irirãrẽ bopoñarĩ merã ĩãmasĩmi.

<sup>3</sup> Turabi ããrĩsiã, gajirãrẽ iribosarosũta ĩgũ basi ñerõ iridea waja Marĩpɥ ĩũrõ waĩbure wẽjẽ soepeomi.

<sup>4</sup> Neõ sugɥ ĩgũ gããmerõ paía opɥ ñajãmasĩbemi. Marĩpɥ gapɥ ĩgũrẽ beyepĩmi, iripoguemɥ Aarõrẽ ĩgũ beyepĩderõsũta.

<sup>5</sup> Cristode ĩgũ gããmerõ paía opɥ ñajãbiridi ããrĩmĩ. Marĩpɥ ĩgũrẽ Opɥ pĩdi ããrĩmĩ. Āsũ ãrĩdi ããrĩmĩ ĩgũrẽ:

Yɥ magũ ããrã mɥ. Dapagã merã mɥ, yɥ magũ ããrĩrĩrẽ masakare masĩmakũ yãa, ãrĩdi ããrĩmĩ.<sup>☆</sup>

<sup>6</sup> Gajirogue ĩgũya werenĩrĩ gojadea pũgue ĩgũ magũrẽ ãsũ ãrĩdi ããrĩmĩ:

Melquisedec paí ããrĩderosũta mu ããrĩnikõãgukoa, ãrĩdi ããrĩmĩ.\*

<sup>7</sup> Cristo i ãmugue ããrĩgũ, buro oreri gaguinĩrĩ merã Marĩpũre ĩgũ turari merã ĩgũ boaburire taumasĩgũrẽ sërẽdi ããrĩmĩ. ĩgũ, Marĩpũ gããmerĩ ditare iridũamakũ ĩãgũ, ĩgũ sërẽrĩrẽ pé, ĩgũrẽ gũñaturamakũ iridi ããrĩmĩ.

<sup>8</sup> Cristo, Marĩpũ magũ ããrĩkeregũ, buro ñerõ taridi ããrĩmĩ. Ñerõ tarikeregũ, Marĩpũ dorerire tarinũgãrõ marĩrõ ĩgũrẽ õãrõ yujuri merã irire iritariweredi ããrĩmĩ.

<sup>9</sup> ĩgũ curusague boagũ, ããrĩpereri Marĩpũ ĩgũrẽ iridoredeare iripeodi ããrĩmĩ. Irasirigũ ããrĩpererã marĩrẽ ĩgũrẽ yujurãrẽ taudi ããrĩmĩ, ĩgũ pũro peregũri okari opaburo, ãrĩgũ.

<sup>10</sup> Irasirigũ Marĩpũ ĩgũrẽ: “Melquisedec paí ããrĩderosũta mu ããrĩnikõãgukoa”, ãrĩ pidi ããrĩmĩ, marĩya ããrĩburire sërẽbosabure.

*Jesucristore bũremurĩrẽ piriri, ãrĩrã, ĩgũrẽ gũñaturanikõãrõ gããmea, ãrĩ gojadea*

<sup>11</sup> Cristo paía opu nemorõ ããrĩrĩrẽ wári werenemodũadãa. Mũsã pémasĩturabirimakũ, irire weremasĩbirikoa.

<sup>12</sup> Mũsã yoaripoe Cristore bũremubũ. Irasirirã dapagoraguere gajirãrẽ Marĩpũyare buerimasã ããrĩbukoa. Mũsã irasũ ããrĩbonerã, dapagoraguedere neõ buerpũrorirã irirosũta ããrĩkõãa. Ōpĩkũ mirĩrã, baari baagamasĩmerã, majĩrãgã irirosũta ããrĩkõãa. Irasirirã gajirã buerimasã mũsãrẽ buerpũrorideare dupaturi buero gããmea.

<sup>13</sup> Ōpĩkũ mirĩrã majĩrãgã irirosũ ããrĩrãno, “I ñerĩ, i gapũ õãrĩ ããrã”, ãrĩ beyemasĩbema.

<sup>14</sup> Baari bũriri gapũ mũrã baari ããrã. Mũrã ããrĩrãno, õãrõ buenerã, õãrĩrẽ, ñerĩrẽ beyemasĩrãgue ããrĩma.

## 6

<sup>1</sup> Irasirirã mũrã pémasĩrã irirosũ Cristoyamarẽ õãrõ pémasĩrã dujarã, irire buenemorõ gããmea. Neõgorague ĩgũyare buerpũrorirã, marĩ ñerõ irideare bujawere, gũñarĩ gorawayurire buebũ, Marĩpũ marĩrẽ peregũri peamegue béori, ãrĩrã. Marĩ ñerõ iririkũdeare piri, Marĩpũre õãrõ bũremurĩdere buebũ.

<sup>2</sup> Gajidere, deko merã, Ōãgũ deyomarĩgũ merã wãiyerire buebũ. Marĩ oparã ĩgũsãya mojõrĩ merã marĩrẽ: “Marĩpũ mũrẽ iritamuburo”, ãrĩ ñapeoridere buebũ. Boanerã masãburire, Marĩpũ Cristore bũremumerãrẽ peregũri peamegue wajamoãburidere buebũ.

<sup>3</sup> Irasirirã marĩ Cristore bũremurã ĩgũyare buenemowãgãnikõãrãkoa, Marĩpũ gããmemakũ ĩgũ iritamurĩ merã masĩnemorã.

\* 5:6 Sal 110.4

4 Āsū āārā. Masaka Jesucristoya kerere pémasikererā, Marīpu ĩgūyarārē ōārī sīburire masikererā, Ōāgū deyomarīgūrē opakrererā,

5 Marīpu ōārī werenírīrē pékererā, i ūmu peredero puru ĩgū turari merā iriburire masikererā,

6 iri gapure gāāmemerā, neō dupaturi ĩgūsā ñerō irideare bujawereri merā pirimasībirikuma. Neō dupaturi ĩgūsā gūñarīrē ōārī gapu gorawayumasībirikuma. Irasirirā Marīpuayare gāāmebiri waja, Marīpu magū Cristore buremumerā, ĩgūrē dupaturi curusague pábiatú wējērā irirosū āārīrākuma. Gajirārē ĩgūrē masaka ĩūrōgue buridamakū irirākuma.

7 Āsū āārā. Marī, su pooema nikū irirosū āārā. Ōārī nikūrē ūmuriku deko merēmakū, sibi ñajānako. Irasiriro iri pooe opu otedea ōārō puri dukakukoa. Irasirigu iri pooe opu dukare opakumi ĩgū baaburire. Gajirā iri yebare ōārī dukakumakū ĩārā: “Marīpu ōārō dukakumakū irikumi”, ārīkuma. Irasūta yámi Marīpu ĩgūyare pérārē. Gajirā ĩgūsā ĩgūyare ōārō irimakū ĩārā: “Marīpu ĩgūsārē ōārō iritamumi, irasirirā ōārō yáma”, ārīrākuma.

8 Iri pooere pora, ñerī tá dita puri dukakumakū, béokōārō gāāmea. Irasūta yámi Marīpu ĩgūyare pékererā irimerārē. Perebiri peamegue béogukumi ĩgūsārē wajamoāgū.

*Jesucristore buremurīrē piriro marīrō marī ūmugasigue waaburire yūro gāāmea, ārī gojadea*

9 Yū, Marīpu ĩgūsārē béoburire weregū, mūsārē yū maīrārē: “Īgū béosūmurā āārā”, ārīgū meta yáa. Marīpu mūsārē Cristo merā taudi āārīmí, ĩgūyarā āārīburo, ārīgū. Irasirirā mūsā ōārī yebague otedea ōārō dukakurosūta ōārīrē yáa. Irire yū masīa.

10 Marīpu diayema irigu āārīmi. Irasirigu ĩgūyare mūsā ōārō iririre kātibirikumi. Mūsā ĩgūrē maīsīā, gajirā ĩgūyarārē iritamurīdere kātibirikumi.

11 Yū, mūsā okaropa usuyari merā gajirārē iritamunímakū gāāmea. Irasirirā Marīpu ĩgūyarārē: “Ōārīrē sīgura”, ārīdeare mūsā yūrīre, purugue diayeta oparākoa.

12 Irasirigu mūsā Marīpuayare téri merā irituyamakū gāāmebea. Gajirā Marīpu Jesucristo merā tauri kerere buremurā ñerō tarikererā, Marīpure: “Diayeta yure iritamugakumi”, ārī buremuníkōāma. Īgūsā irasirimakū ĩāgū, Marīpu ĩgūyarārē: “Ōārīrē sīgura”, ārīdeare ĩgūsārē sīgukumi. Irasirirā mūsāde ĩgūsārē ĩākūī, ĩgūsā irirosūta iriníkōāka!

13-14 Iripoegue Marīpu Abrahārē āsū ārī pídi āārīmí: “Diayeta mūrē ōārīrē irīgura yū ārīderosūta. Mu parāmerā āārīturiarārē wārā āārīmakū irīgura”, ārī pídi āārīmí. Irasū ārī pígu, ĩgū

wāi merā wāipeodi āārīmi. Gajigu ĩgũ nemorō āārīgũ neō marīmakũ, ĩgũ wāi merā wāipeodi āārīmi.

<sup>15</sup> Abraham, Marīpu ĩgũrē ārī pídeare oārō buremurī merā yúdi āārīmi. Irasirigu Marīpu ĩgũ ārīderosũta ĩgũrē oārō iridi āārīmi.

<sup>16</sup> Sugũ masakũ gajirā péuro: “Diayeta ārīgũ yáa”, ārīgũ, ĩgũ nemorō āārīgũya wāi merā wāipeokumi. ĩgũ irasũ ārī wāipeomakũ pérā: “Diayeta werekumi”, ārī, ĩgũ merā neō guaseomasĩbirikuma.

<sup>17</sup> Irasirigu Marīpu Abrahārē: “Diayeta mure oārīrē irigura”, ārī pígu, ĩgũ wāi merā wāipeodi āārīmi. Marī ĩgũ irasũ wāipeo weredeare pérā: “ĩgũ ārīderosũta diayeta irigukumi”, ārī masĩa. “ĩgũ ārīdeare neō gorawayubirikumi”, ārī masĩa. Irasirigu irire marīrē oārō masĩburo, ārīgũ, Abrahārē ārī pídeare weregu, ĩgũ wāi merā wāipeodi āārīmi.

<sup>18</sup> Marīpu neō ārīkatobi āārīmi. Irasirigu ĩgũ ārī pídea merā, ĩgũ wāipeodea merā, ĩgũ ārīdea neō gorawayubiriburire marīrē masĩmakũ iridi āārīmi. Marī irasirigure masĩrā, marī ñerō irideare piri, ĩgũ marīrē tauburire gũñaturari merā yúa. “Irasũta irigukumi”, ārī masĩa.

<sup>19</sup> Irasirigu Marīpu marīrē ĩgũ oārō iriburire yúrārē ũmugasigue ĩgũ merā āārīmakũ irigukumi. ĩgũ turatarigu āārīsĩa, irire diayeta irigukumi. Irire oārō masĩa marī.

Āsũ āārā. Sugũ paía opu Marīpu āārīrĩ taribu poekague ñajāgũ, iri taribu makāpuro kāmutari gasiro tariñajāmi. Irasũ ñajāgũ, masakaya āārīburire sērēbosami Marīpore.

<sup>20</sup> Marīpu āārīrĩ taribugorague ñajārōsũ Jesús ũmugasigue Marīpu āārīrōgue ñajādi āārīmi. Marī irogue ñajāburi dupiyuro ñajāsiadi āārīmi, paía opu nemorō Marīpore marīya āārīburire sērēbosanĩkōābu. Melquisedec paí āārīderosũta āārīnĩkōāgukumi.

## 7

*Melquisedec paí āārīderosũta Jesús āārīmi, ārī gojadea*

<sup>1</sup> Iripogue Melquisedec wāikũgu Salem\* wāikuri makā marā opu āārīdi āārīmi. ĩgũ paí āārīgũ, masakaya āārīburire Marīpore āārīpererārē doregure sērēbosagu āārīdi āārīmi. Abraham gajirā oparārē wējē tarinugāgũ ejadi goedujāamakũ, Melquisedec ĩgũrē bokatīrīgũ waadi āārīmi. ĩgũrē bokatīrīgũ, Marīpore: “Guapu, ĩrē oārō irika!” ārī sērēbosadi āārīmi.

<sup>2</sup> Abraham gajirā oparārē wējē tarinugāsĩa, ĩgũsāya āārīdeare āĩadi āārīmi. Irasirigu ĩgũ āĩdeare pe mojōma buri dukawa pí, subu sīdi āārīmi Melquisedere. “Melquisedec”, ārīrō: “Opu

\* 7:1 Salem wāikuri makā, Jerusal'eta āārīyuro.

diayeta irigu”, āriḍuaro yāa. Īgū Salem marārē doregu āārīdi āārīmī. Īgūyarārē ōārō siñajārī merā āārīmakū iridi āārīmī. Irasiriro: “Salem”, ārīrō: “Siñajārī”, āriḍuaro yāa.

<sup>3</sup> Melquisedec pagusāmarārē, Īgū ñekūsāmarārē Īgūsā were gojatúdea neō máa. Īgū deyoadeare, Īgū boadeare, Īgūrē gor-awayubure were gojatúdea neō máa. Irasirigu Īgū, Marīpu magū Jesucristo paí āārīnīkōāgū irirosū āārīdi āārīmī.

<sup>4</sup> Irasirirā Melquisedere gūñaka! Ubu āārīgū meta āārīdi āārīmī. Marī ñekū Abraham marīya bumū āārīpuroridi āārīkeremakū, Melquisedec, Abraham nemorō āārīdi āārīmī. Irasirigu Abraham Melquisedere, gajirā oparārē wējē tarinugāsīā, Īgūsāya āārīdea āideare pe mojōma buri dukawa pí, subu sīdi āārīmī.

<sup>5</sup> Āsū āārā. Moisés dorederosūta āārīpererā gajirā Israel bumarā Īgūsāyare, Leví parāmerā āārīturiarārē paía āārīrārē keoro sīma. Abraham Levíya bumarā ñekū āārīdi āārīmī. Īgū āārīpererā gajirā Israel bumarā ñekū āārīdi āārīmī. Īgū, Īgūsā ñekū āārīdi āārīkeremakū, Īgūsā gapu Moisés dorederosūta irirā, Leví parāmerā āārīturiarā ditare sīma.

<sup>6</sup> Melquisedec gapu Leví parāmi āārīturiagu āārībiridi āārīmī. Abraham gapu Marīpu: “Ōārō irigura”, ārī písūdi āārīkeregu, Melquisedere sīdi āārīmī. Irasirigu Melquisedec Abrahārē: “Marīpu murē ōārō iriburo”, ārīdi āārīmī.

<sup>7</sup> Irasirirā marī ire masīa. Melquisedec Abrahārē: “Marīpu murē ōārō iriburo”, ārīgū, Abraham nemorō āārīdi āārīmī.

<sup>8</sup> Gajire masīa. Paía, marī watope āārīrā, marī irirosūta masaka āārīma. Irasirirā boamurāta āārīma. Moisés dorederosūta irirāno, Īgūsāyare pe mojōma buri oparire subu sīma paíare. Abraham Melquisedere sīgū, āārīnīgū irirosū āārīgūrē sīdi āārīmī. Marīpuya werenīrī gojadea pūgue Melquisedere: “Boakōādi āārīmī”, ārī gojadea neō máa.

<sup>9-10</sup> Masaka Moisés dorederosūta irirā, Īgūsāyare pe mojōma buri oparire subu sīma, Leví parāmerā āārīturiarārē paíare. Iripoegue Leví deyoaburi dupiyuro Melquisedec Abrahārē bokatīrīgū waadi āārīmī. Īgū bokatīrīmakū, Abraham Īgū āideare pe mojōma buri dukawa pí, subu sīdi āārīmī Melquisedere. Leví, Abraham parāmi āārīdi āārīmī. Īgū parāmerā āārīturiarāde Abraham parāmerāta āārīnerā āārīmā. Irasirirā, Abraham Melquisedere sīdea merā Īgūsāde Īgūrē sīnerā irirosū āārīnerā āārīmā. Irasirigu Melquisedec Īgūsā nemorō āārīdi āārīmī.

<sup>11</sup> Marīpu Israel bumarārē Īgū dorerire pígu, Aarón parāmerā āārīturiarā Levíya bumarārē: “Paía āārīma”, ārī pídi āārīmī. Irasirirā Īgū dorederosūta paía waimurārē wējē



soepeo, Marĩpure masakaya ããrĩburire sêrêbosanerã ããrĩmã. Īgũsã irasiridea gapũ masakare Marĩpũ ĩũrõ õãrã waamakũ irimasĩbea. Irasirigũ Marĩpũ Īgũsãrê gorawayubure Cristore iriudi ããrĩmĩ, paĩ ããrĩbure, marĩrê õãrã ããrĩmakũ iribure. Cristo gapũ Levĩya bumũ, Aarõn parãmi ããrĩturiagũ ããrĩbemi. Melquisedec ããrĩderosũta paĩ ããrĩmi.

<sup>12</sup> Irasirigũ Marĩpũ Cristore paĩare gorawayubure iriugũ, ĩgũ iripoegue doredeaderere gorawayudi ããrĩmĩ.

<sup>13-14</sup> Marĩpũ ĩgũ iripoegue dorederosũta Levĩya bumarã ditare paĩa sõounadi ããrĩmĩ. Marĩ Opũ Jesucristo gapũ Israel bumũ ããrĩkeregũ, Levĩya bumũ meta ããrĩmi. Judãya bumũ ããrĩmi. Marĩpũ Moisêre ĩgũ dorerire pígũ, neõ Judãya bumarãrê: “Paĩa ããrĩrãkuma”, ãrĩbiridi ããrĩmĩ. Irire masĩa marĩ.

<sup>15</sup> Irire masĩrã, idere õãrõ pemasĩa. Cristo, Marĩpũ paĩ sóodi, gajirã paĩare gorawayugũ, Melquisedec irirosũ ããrĩgũ ããrĩmi.

<sup>16</sup> Marĩpũ iripoegue dorederosũta Levĩya bumarã dita paĩa ñajãunanerã ããrĩmã. Jesucristo gapũ Marĩpũ pídi gajirã paĩa irirosũ paĩ ñajãbiridi ããrĩmĩ. Marĩpũ turari merã ããrĩnigũ ããrĩsĩã, paĩ ñajãdi ããrĩmĩ.

<sup>17</sup> Marĩpũ ĩgũ werenĩrĩ gojadea pũgue ĩgũ magũrê irire ãsũ ãrĩdi ããrĩmĩ: Melquisedec paĩ ããrĩderosũta mũ ããrĩnikõãgũkoa, ãrĩdi ããrĩmĩ.\*

<sup>18</sup> Marĩpũ Moisêre doreri pípuroridea marĩrê Marĩpũ merã õãrõ ããrĩmakũ irimasĩbea. Irasirigũ Marĩpũ iri dorerire bojepikõãdi ããrĩmĩ.

<sup>19</sup> Marĩpũ Moisêre doreri pídea merã marĩ ĩgũ ĩũrõ õãrã neõ ããrĩmasĩbea. Irasirigũ Marĩpũ Jesucristo merã marĩrê õãrã ããrĩmakũ iriburire pídi ããrĩmĩ. Irasirirã marĩ Cristore bũremurã, Marĩpũ purogue ñajãrã irirosũ ĩgũrê diayeta sêrêmasĩa.

<sup>20</sup> Marĩpũ Cristore paĩ sóogu: “Yũ wãĩ merã mũrê wãĩpeo píã”, ãrĩdi ããrĩmĩ.

<sup>21</sup> Gajirã paĩa gapũre ĩgũ wãĩ merã wãĩpeo píbiridi ããrĩmĩ. Cristo gapũre wãĩpeo, paĩ pídi ããrĩmĩ. ãsũ ãrĩ weredi ããrĩmĩ Marĩpũ Cristore:

Yũ, mũ Opũ ããrã. Irasirigũ yũ wãĩ merã mũrê wãĩpeogu, diayeta weregũra.

Irasirigũ neõ gorawayuro marĩrõ mũrê ãsũ ãrĩ werea: “Melquisedec paĩ ããrĩderosũta mũ ããrĩnikõãgũkoa”, ãrĩdi ããrĩmĩ Marĩpũ ĩgũ magũrê.\*

<sup>22</sup> Marĩpũ irasũ ãrĩ weregũ, ĩgũ Jesucristo merã marĩrê õãrã ããrĩmakũ iriburire pídi ããrĩmĩ. Iri ĩgũ Moisêre doreri pípuroridea nemorõ, marĩ õãrõ ããrĩburire pídea ããrã.

\* 7:17 Sal 110.4    \* 7:21 Sal 110.4

23 Āārīpurorinerā paia boamakū, gajirā gorawayu ñajānerā āārīmá doja. Irasirirā wārā paia ñajānanerā āārīmá.

24 Jesús gapu irasū āārīnikōāmi. Irasirirā ĩgūrē gorawayurā paia neō máma.

25 Irasirigū Marīpure marīya āārīburire sērēbosaníkōāmi. Marīpure masīrāno, Jesúre b̄remurā āārīma. Irasirigū āārīpererā marīrē ĩgūrē b̄remurārē taumasīmi, Marīpu merā oārō āārīnikōāburo, ārīgū.

26 Irasirigū Jesús paia opu nemorō, āārīpereri marīya āārīburire keoro iritamugū āārīmi. ĩgūrēta marī b̄uro gāāmea. ĩgū oātarigū, neō ñerīrē iribi, ñerī opabi āārīmi. Irasirigū Marīpu ĩgūrē ñerā watope āārīdire āi, ūmagasigue āārīpererā gajirā nemorō Opu pidi āārīmí.

27 Gajirā paia oparā irirosū āārībemi. ĩgūsā gapu ūmuriku waimurārē wējē soepeo sērēbosama, Marīpure masaka ñerī iridea waja ĩgūsārē wajamoābirikōāburo, ārīrā. Paia ĩgūsā ñerī iridea waja Marīpu ĩūrō ĩgūsā basi waimurārē wējē soepeopurorima. Puru gajirā ñerī ĩgūsā iridea waja waimurārē wējē soepeobosama. Ūmuriku irasirinama. Jesús gapu paia opu nemorō āārīgū, marī ñerī iridea waja waimurārē wējē soepeobiridi āārīmí. Suñarōta marī āārīpererārē boabosadi āārīmí, marī ñerī iridea wajare taugū.

28 Marīpu Moisére doreri pídea merā paia oparā sóosūma. ĩgūsā irasū sóosūkera, oārī ditare irimerā āārīma. Iri dorerire pídero purū, Marīpu ĩgū magū gapure ĩgū wāi merā wāipeo, paia opu nemorō sóodi āārīmí. Irasirigū ĩgūrē sóogu, ĩgū gāāmerōsūta oārī iripeogu āārīnimakū iridi āārīmí.

## 8

*Jesús marīya āārīburire Marīpure sērēbosagu āārīmi, ārī gojadea*

1 Āārīpereri yu masārē wererire pérā, ire oārō pémasīka! Jesucristo paia opu nemorō āārīgū ūmagasigue Marīpu turatarigū diaye gapu doami ĩgūrē marīya āārīburire sērēbosabu.

2 Ūmagasigue marī Opu iridea wii ĩgūya wiigora āārā. Iri wii, masaka iridea wii meta āārā. Irasirigū Jesucristo irogue marīya āārīburire Marīpure sērēbosagu, iri wiigueta sērēbosami.

3 Marīpu i nikū marā paia oparārē sóogu, ĩgū ĩūrō waimurārē wējē soepeomurārē, gajino ĩgūrē sīmurārē sóomi. Irasirigū Jesucristode ĩgūsā Marīpure gajino sīrā irirosū irigū, ĩgū basi marīrē boabosadi āārīmí.

4 Jesucristo i nikūgue āārīgū, paí āārībiribukumi. Gajirā paia Moisés dorederosūta Marīpu ĩūrō ĩgūrē gajinorē sīrā āārīsīama.

<sup>5</sup> I nikū marā paía Marĩp̄ya wiigue ïgū ïūrō moāma. Iri wii i nikūma wii āārā. Marĩp̄ya wiigora ũmugasigue āārā. Irasiro Marĩp̄ya wii i nikūma wii, ũmugasima wii keori āārā. Moisés i nikūma wiire iriburo dupiyuro Marĩp̄ āsū ārīdi āārīmí ïgūrē: “Y<sub>H</sub> murē ũtāūgue ïmuderōsūta yaa wiire irigukoa. Y<sub>H</sub> dorederōsūta yaa wiire keoro irika!” ārīdi āārīmí.

<sup>6</sup> Jesús gapure: “Paía op̄u nemorō āārā mu”, ārī pídi āārīmí. Irasiro Jesús ũmugasigue paí moārī, i nikū marā paía moārī nemorō ōārī āārā. Iripoegue Marĩp̄ masakare: “Moisére y<sub>H</sub> doreri pídeare iripeorārē ōārō irigura”, ārī werepídi āārīmí. P<sub>URU</sub> Jesucristore iriugu: “Īgūrē buremurārē y<sub>H</sub> merā ōārā āārīmakū irigura”, ārī werepídi āārīmí. Irasiro ïgū iripoegue werepídea nemorō ōārī āārā. Irasirigu Jesucristo Marĩp̄ merā marī ōārō āārīburire āmubosagu āārīsīā, paía op̄u nemorō āārīmí.

<sup>7</sup> Moisére Marĩp̄ doreri pídea, marĩrē Marĩp̄ merā ōārō āārīmakū iribiridero āārībú. Iri doreri marĩrē ōārō irimakū tamerārē Marĩp̄ dupaturi gají werepíbiribodi āārīmí.

<sup>8</sup> Īgūyarā, Israel bumarā ïgū doredeare iribiri waja ïgūsārē āsū ārīdi āārīmí ïgūya werenírī gojadea pūgue:

Y<sub>H</sub> musā Op̄u, āsū ārā: “Ōārō péka! Musā Israel bumarārē, Judáya bumarādere p̄ruguere gají maama werepígukoa.

<sup>9</sup> Iri, y<sub>H</sub> musā ñekūsāmarārē iripoegue werepídea irirosū neō āārībirikoa. Y<sub>H</sub> basi ïgūsārē Egipto nikūgue āārīrārē ōārō koreri merā wiub<sub>H</sub>. Wiu: ‘Y<sub>H</sub> dorerire irimakū, musārē ōārō irigura’, ārī werepíb<sub>H</sub>. Y<sub>H</sub> irasū ārīdeare ïgūsā gapu tarinugāma. Īgūsā tarinugārī waja ïgūsārē béob<sub>H</sub>, ïgūsā gāamerō iriburo, ārīgū.

<sup>10</sup> Irasirigu p̄ruguere Israel bumarārē āsū ārī weregura: Y<sub>H</sub> dorerire ïgūsārē gūña pémasīmakū irigukoa. Y<sub>H</sub> dorerire ïgūsārē iridumamakū irigukoa. Irasirigu y<sub>H</sub>, ïgūsā Op̄u āārīgukoa. Īgūsā, yaarā y<sub>H</sub> ditare buremurā āārīrākuma.

<sup>11</sup> Neō sugu ïgūyarārē ïgū merāmarārē, ïgū pagupūrārē: ‘Marī Op̄ure masīka musā!’ ārī buebirikuma. Āārīpererā yure masīrākuma. Majīrā, irasū āārīmakū murā yure masīrā dita āārīrākuma.

<sup>12</sup> Irasirigu ïgūsā ñerī irideare kātigukoa. Īgūsā ñerī irideare neō gūñanemobirikoa. Īgūsārē wajamoābirikoa”, ārīdi āārīmí Marĩp̄ Israel bumarārē.\*

<sup>13</sup> Irasū ārī wereg<sub>H</sub>, maama werepíri merā iripoegue ïgū masakare werepípurorideare peremakū iridi āārīmí. Gajino bugure béo gorawayurosū, maama merā ïgū werepípurorideare gorawayudi āārīmí.

\* 8:12 Jer 31.31-34

## 9

*Marĩpure buremurĩ wiimarẽ gojadea*

<sup>1</sup> Iripoegue Marĩpu Moisére ĩgũ dorerire pípurorigu, masaka ĩgũrẽ buremuburidere pídi aarĩmĩ. Irasirĩgu ĩgũsarẽ ĩgũrẽ buremuburi wii i nikũma wiire iridoredi aarĩmĩ.

<sup>2</sup> Iri wii waimurã gasiri merã ĩgũsã iridea wii, pe taribu opari wii aarĩdero aarĩbũ. Najãngãpuroriri taribu Marĩpuya taribu wãikũdero aarĩbũ. Iri taribure sĩagori yuku peodi, irasũ aarĩmakũ baari peyaro aarĩdero aarĩbũ. Iri peyaro weka Marĩpu ĩũrõ pã duparu peyadero aarĩbũ.

<sup>3</sup> Iri taribu korema taribu surĩro gasiro merã kãmutadea taribu aarĩdero aarĩbũ. Iri taribu Marĩpu aarĩrĩ taribugora wãikũdero aarĩbũ.

<sup>4</sup> Iri taribugue ñajãrõ puro sũrõrĩ soemurõ oro merã iridero aarĩdero aarĩbũ. Iri taribu poekague oro merã õmabiadea kũma, Marĩpu ĩgũ doreri gojadea ãtã majĩrĩ opari kũma aarĩdero aarĩbũ. Gaji soro oro merã iridea soro Marĩpu masakare ejodea manã wãikũri poga oparisoro, irasũ aarĩmakũ Aarõyagu tuadi ñasãtuadi iri kũmague aarĩdero aarĩbũ.

<sup>5</sup> Marĩpu iri kũma bureari majĩ weka pẽrã ĩgũrẽ wereboerã kẽdupurĩkũrã keori weadea merã ĩgũ iri taribugue aarĩrĩrẽ ĩmudi aarĩmĩ. ĩgũsãya kẽdupuri merã iri kũma bureari majĩrẽ sẽẽ kãmutadero aarĩbũ. Iri bureari majĩ, Marĩpu masakare: “ĩgũsã ñerõ iridea waja wajamoãbirikoa”, arĩdeare keori aarĩdero aarĩbũ. Dapagorare aarĩpereri iri wiimarẽ werenemomasĩbirikoa.

<sup>6</sup> Iri wiimarẽ amu ododero purũ, umurĩku paía aarĩpuroriri taribure ñajãunanerã aarĩmã Marĩpu ĩũrõ ĩgũsã moarĩrẽ irirã.

<sup>7</sup> Paía opu dita gaji taribuguere ñajãunadi aarĩmĩ. Bojorĩku iri taribuguere suñarõta waimurã díre ãĩ ñajãunadi aarĩmĩ. Dí marĩrõ neõ ñajãbiridi aarĩmĩ. ĩgũ basi ñerĩ iridea waja, irasũ aarĩmakũ masaka ĩgũsã masĩña marĩrõ ñerõ iridea waja iri díre ãĩ ñajãdi aarĩmĩ, Marĩpure: “Wajamoãbirikõãka guare! Gũa ñerõ irideare kãtika!” arĩ sërẽgũ.

<sup>8</sup> I aarĩpereri merã Ōãgũ deyomarĩgũ marĩrẽ ire pẽmasĩmakũ yãmi. Iri wii aarĩdeapoe masaka Marĩpure buremurã, ĩgũ aarĩrĩ taribugue ñajãbirinerã aarĩmã.

<sup>9</sup> I aarĩpereri Marĩpu ĩgũrẽ buremurĩ wiimarẽ pídeare marĩ buesĩã: “Dapagoraguere marĩ ĩgũrẽ buremurĩ asũ arĩduaro yãa”, arĩ pẽmasĩã. Iro dupiyuro paía gajino Marĩpure sĩrĩ, waimurãrẽ wẽjẽ soepeori, masakare: “Marĩpu ĩũrõ waja opamerã aarã gũa”, neõ arĩ masĩmakũ iribiridero aarĩbũ.

<sup>10</sup> Asũ aarã. Marĩpu Moisére doreri pídea ĩgũ masakare baadoreri, iirĩdoreri, ĩgũ ĩũrõ koedoreri dita aarã. ĩgũsãya

yujupūrārīma āārībea. Irasiriro iri doreri marīrē ōārā waa-makū iribea. Marīpū iri dorerire masaka īgūsā iriburire pídi āārīmí. Irire Jesucristo merā gorawayuburo dupiyuro pídi āārīmí.

<sup>11</sup> Cristo gapū paía opū nemorō āārīgū aarisiadi āārīmí. Irasirigū īgū boadea merā marīrē ōārō iridi āārīmí. Marīpū iūrō marī ñerī iridea wajare peredoregū, Marīpū āārīrōgue ūmugasima wiigue ñajādi āārīmí. I nikūma wiire ñajābiridi āārīmí. Ūmugasima wii, i nikūma wii nemorō ōātariri wii, masaka iridea wii meta āārā.

<sup>12</sup> Irasirigū Cristo, Marīpū āārīrōgue ūmugasima wiigue suñarōta ñajādi āārīmí. Irogue ñajāgū, paía oparā i nikūma wiigue Marīpū āārīrī taribuguere cabraya díre, wekūa majīrāya díre āi ñajāderosū āi ñajābiridi āārīmí. Īgū basi marī ñerī iridea waja boagū, īgūya dí merā Marīpū āārīrōgue ñajādi āārīmí, marīrē Marīpū merā ōārō āārīnīkōāburo, ārīgū.

<sup>13</sup> Paía oparā cabraya, wekūaya dí merā, wekūgo majīgōrē īgūsā soedea nitī merā masakare īgūsā ñerī iridea waja Marīpūya wiigue ñajāmasīmerārē wēāsiripeonoma. Īgūsārē wēāsiripeonakū, Marīpū iūrō ñerīrē opamerā duja, Marīpūya wiigue dupaturi ñajāmasīma doja.

<sup>14</sup> Paía oparā wekūaya dí merā, cabraya dí merā masakare iritamuma. Cristo gapū īgūsā nemorō īgūya dí merā marīrē ōārō iritamutarigū yāmi. Īgū ñerī marīgū, Ōāgū deyomarīgū āārīnīgū iritamurī merā īgū basi Marīpūre wiadi āārīmí curusague boabu. Paía waimūrā Marīpūre wia, īgū iūrōrē soeporosū īgū basi irasū wiadi āārīmí. Irasirigū marīrē Marīpū merā neō ōārō āārībonerārē taudi āārīmí, Marīpū okanīgū dorerire ōārō irimasīburo, ārīgū. Irasirigū marī gūñarīgue: “Marīpū gūare wajamoāgūkumi gūa ñerō iridea waja”, ārī gūñarīkūnemobirimakū iridi āārīmí.

<sup>15</sup> Irasirigū Jesucristo, Marīpū īgū beyenerārē maama werepīderosūta iridi āārīmí marīrē taubu. Marīrē taugū, Marīpūyarā īgū merā ōārō āārīnīmakū iridi āārīmí. Irasirirā Marīpū īgūyarārē sīburire oparākoa. Moisés doreri dita āārīmakū, marī ñerī iridea waja, waja oparā dita āārībukoa dapa. Cristo marīrē curusague boabosadi āārīmí, marī ñerī iridea waja, waja opabonerārē taubu.

<sup>16-17</sup> Āsū āārā. Sugū masakū īgū boaburo dupiyuro īgūyarārē: “Yū opari mūsārē dujarokoa”, ārīkumi. Irasirigū īgū boaburo dupiyuro sībirikumi dapa. Īgū boadero pūgū, īgūyarārē: “Mūsārē dujarokoa”, ārīderosūta īgū opadeare āīkuma.

<sup>18</sup> Irasiriro Marīpū masakare: “Āsū irīgūra”, ārī werepīpūrōridea, waimūrārē wējē, īgūsāya dí béoro marīrō

wajamarīdero āārībú. Waimurārē wējē, ĩgūsāya díre béodero puru, Marīpu dorerire diayeta irinerā āārímá.

<sup>19</sup> Irasirigu Moisés, Marīpu ĩgū doreri pídeare masakare werepeodi āārímí. Puru cabraya díre, wekua majirāya díre deko merā morēdi āārímí. Morē odo, hisopo wāikudi dupu merā oveja poarire diari merā ñimudea merā tūrādi āārímí. Iri dupu merā díre yosa, Marīpu dorerire ĩgū gojadea pū weka, āārīpererā masaka wekadere wēāsiripeodi āārímí.

<sup>20</sup> Puru ĩgūsārē āsū ārīdi āārímí: “Marīpu marīrē ĩgū doreri pídea, i dí merā diaye āārímakū masía. I díre ĩārā, diayeta ĩgū ārīderosūta ĩgū marīrē iriburire masía. Irasirigu Marīpu: ‘Yu dorerire oārō irika!’ ārīmi”, ārīdi āārímí Moisés.

<sup>21</sup> Puru masakare ĩgū iriderosūta Marīpure buremurī wii wiamurā gasiri merā ĩgūsā iridea wiire, āārīpereri iri wiigue āārīrdere wēāsiripeodi āārímí.

<sup>22</sup> Āsū āārā. ĩgū dorederosūta Marīpure buremurī wiimarē dí merā wēāsirimakū, Marīpu irire: “Yu ĩūrō oārī āārā”, ārī ĩādi āārímí. Irasū wēāsiribirimakū: “Oārī āārā”, ārī ĩābiribodi āārímí. Irasirigu dí béoro marīrō, marī ñerī iridea wajare marīrē kātimasībirikumi.

*Jesucristo, ĩgū boari merā marī ñerō iridea wajare taudi āārímí, ārī gojadea*

<sup>23</sup> Irasirirā i nikūma wiire, iri wiigue āārīrdere paía: “Marīpu ĩūrō oārī āārā”, ārīrā, waimurā dí merā wēāsiripeonerā āārímá. I nikūma wii, ũmugasima wii keori dita āārīdero āārībú. Irasiriro ũmugasima wiire, iri wiigue āārīrdere: “Marīpu ĩūrō oārī dita āārā”, ārī, waimurā dí nemorō Cristoya dí merā wēāsiripeoro gāamea.

<sup>24</sup> Irasirigu Cristo marīya āārīburire Marīpure sērēbosagu, Marīpure buremurī wii masaka iridea wiire ñajābiridi āārímí. Iri wii, ũmugasima wii keori āārīdero āārībú. Marīpuya wiigora ũmugasigue āārā. Irasirigu Cristo ũmugasima wiigue ñajādi āārímí, Marīpu ĩūrō marīya āārīburire sērēbosabu.

<sup>25</sup> Bojoriku sugu paía opu i nikūma wiigue, Marīpu āārīrī taribugue waimurā dí merā ñajānadi āārímí. Cristo gapu marīrē boabosagu, suñarōta ũmugasima wiigue, Marīpu āārīrōgue ĩgūya dí merā ñajādi āārímí.

<sup>26</sup> Paía opu dí merā ñajānaderosū irigu, i ũmu āārīnugādeapoegweta boa, masādi tamerā irasūta boa, masānikōābodi āārímí. Suñarōta i ũmu pererinu ejaburi dupiyuro i nikūguere deyoadi āārímí, ĩgū suñarōta boari merā marī āārīpererā ñerī iridea wajare béobu.

<sup>27</sup> Āārīpererā marīde suñarōta boarākoa. Marī boadero puru, Marīpu ĩgū ĩūrōrē marīrē nídogukumi ĩgūrē buremurārē oārō iri, ĩgūrē buremubirinerārē wajamoābu.

28 Marĩ suñarõta boarosũ, Cristode suñarõta boadi ããrĩmĩ. Irasirigu ĩgũ boari merã wãrã masaka ñerõ iridea wajare béobosadi ããrĩmĩ. Irasiri odo, ãmugasigue marĩa, puru i nikũgue dupaturi aarigukumi doja. Irasũ aarigũ, masaka ñerõ iridea wajare béogu aarigũ meta irigukumi. ĩgũrẽ usuyari merã yũrãrẽ taugu aarigukumi, ãmugasigue ĩgũ merã ããrĩburo, ãrĩgũ.

## 10

1 Marĩpu Moisére ĩgũ doreri pídea, purugue ĩgũ Cristo merã masakare õãrõ iriburi keori dita ããrĩdero ããrĩbũ. Cristo masaka ñerĩ iridea wajare béodi ããrĩmĩ. Marĩpu Moisére doreri pídea gapu ĩgũsã ñerĩ iridea wajare béomakũ irimasĩbiridero ããrĩbũ. Irasiriro iri dorederosũta paia bojoriku Marĩpu ĩũrõ waimurãrẽ wẽjẽ soepeorire irinakeremakũ, masaka ñerĩ iridea wajare béomakũ irimasĩbiridero ããrĩbũ. ĩgũsãrẽ Marĩpu ĩũrõ õãrã ããrĩmakũ irimasĩbiridero ããrĩbũ.

2 Iri doreri masakare õãrã ããrĩmakũ irimasĩmakũ, suñarõta waimurã wẽjẽ soepeori merãta ĩgũsã ñerĩ iridea wajare béosũbonerã ããrĩmã. “Waja opamerã ããrã”, ãrĩ gũñabonerã ããrĩmã. Irasirirã, Marĩpu ĩũrõ ĩgũsã waimurã wẽjẽ soepeorire pirikõãbonerã ããrĩmã.

3 Æsũ gapu ããrĩdero ããrĩbũ. Marĩpu, bojoriku ĩgũsã waimurãrẽ wẽjẽ soepeodea merã ĩgũsã ñerõ irideare gũñamakũ iridi ããrĩmĩ.

4 Irasirirã wekũaya dí, cabraya dí merã marĩ ñerĩ iridea wajare neõ béomasĩbea.

5 Irasirigu Cristo i nikũguere aariburo dupiyuro ĩgũ Pagure ãsũ ãrĩdi ããrĩmĩ:

Mu ĩũrõ ĩgũsã waimurãrẽ wẽjẽ soepeorire, gajino ĩgũsã murẽ sĩrĩdere gããmebea. Irasirigu yure dupukugu deyoamakũ irigukoa, ĩgũsã ñerõ iridea waja ĩgũsãrẽ boabosadoregu.

6 Masaka ĩgũsã ñerõ irideare kãtidoreduarã, mu ĩũrõ ĩgũsã waimurãrẽ wẽjẽ soepeorire, gajino ĩgũsã murẽ sĩrĩdere usuyari merã ããbea.

7 Irasirigu yu ãsũ ãrĩbu: “Mu, yu Opu ããrã. Irasirigu muya werenĩrĩ gojadea pũgue gojaderosũta mu gããmerĩrẽ irigu waagura”, ãrĩdi ããrĩmĩ Cristo ĩgũ Pagure.\*

8 Irire ãrĩgũ, ire ãrĩpuroridi ããrĩmĩ Marĩpũre: “Mu ĩũrõ ĩgũsã waimurãrẽ wẽjẽ soepeorire, gajino ĩgũsã murẽ sĩrĩdere gããmebea. ĩgũsã irasũ iririre usuyari merã ããbea”, ãrĩdi ããrĩmĩ Marĩpu dorederosũ ĩgũsã irikeremakũ.

9 Puru ãsũ ãrĩnmodi ããrĩmĩ: “Mu, yu Opu ããrã. Irasirigu mu gããmerĩrẽ irigu waagura”, ãrĩdi ããrĩmĩ. Irasirigu Marĩpu ĩgũ masakare waimurãrẽ wẽjẽ soepeodoredeare béodi ããrĩmĩ.

\* 10:7 Sal 40.6-8

Irire béogu: “Cristo boari merã gapu masakare ãgũsã ñerĩ iridea wajare taugura”, ãrĩ werepĩdi ããrĩmĩ.

<sup>10</sup> Jesucristo, Marĩpu gããmederosũta ãgũ basita Marĩpure wiadi ããrĩmĩ, marĩ ããrĩpererãrẽ suñarõta boabosagu. Irasirigu ãgũ boari merã Marĩpu marĩrẽ ãgũyarã õãrã, waja opamerã ããrĩmakũ iridi ããrĩmĩ.

<sup>11</sup> ããrĩpererinurĩ Marĩpu iũrõ judio masaka paia waimurãrẽ wẽjẽ soepeonikõama. Irasirikeremakũ, marĩ ñerĩ iridea waja neõ béomakũ irimasĩbea.

<sup>12</sup> Jesucristo gapu suñarõta marĩrẽ boabosadi ããrĩmĩ, marĩ ñerĩ iridea wajare béobu. Irire irasiri odo, ãmugasigue Marĩpu diaye gapu doadi ããrĩmĩ marĩ Opũ ããrĩgũ.

<sup>13</sup> Iroguere doagu, ãgũrẽ ãaturĩrãrẽ Marĩpu tarinugãbosaburire yũgu yãmi.

<sup>14</sup> ãgũta suñarõta boari merã ãgũyarãrẽ õãrã, waja opamerã ããrĩmakũ iridi ããrĩmĩ.

<sup>15</sup> Jesucristo irasũ irideare Õãgũ deyomarĩgũ marĩrẽ: “Irasũta ããrã”, ãrĩ masĩmakũ yãmi. ãsũ ãrĩ weredi ããrĩmĩ:

<sup>16</sup> Mũsã Opũ ãsũ ãrĩmĩ: “Puruguerẽ yaarãrẽ ãsũ ãrĩ weregura: ‘Yũ dorerire ãgũsãrẽ iridũamakũ irigũkoa. Yũ dorerire gũña pemasĩmakũ irigũkoa’ ”.\*

<sup>17</sup> Idere ãrĩnemomi: “ãgũsã ñerõ irideare dupaturi neõ gũñanemobirikoa”, ãrĩmĩ, ãrĩ weredi ããrĩmĩ Õãgũ deyomarĩgũ.\*

<sup>18</sup> Irasirĩã marĩ ñerĩ irideare Marĩpu kãtisũnerã ããrã. Dupaturi marĩ ñerĩ iridea wajare waimurã wẽjẽ soepeerire gããmenemobea.

*Marĩpu ããrĩrõgue ñajãrã irirosũ marĩya ããrĩburire ãgũrẽ sãrẽrõ gããmea, ãrĩ gojadea*

<sup>19</sup> Irasirĩã dapagorare marĩ ãmugasigue Marĩpuya wiigue ãgũ ããrĩrĩ taribugorague ñajãrã irirosũ gũiro marĩrõ ãgũrẽ diaye sãrẽmasĩa. Jesucristo marĩrẽ boabosagu dí béodea merã irasirimasĩa.

<sup>20</sup> Jesucristo boaburi dupiyuro Marĩpu ããrĩrĩ taribugoraguerẽ paia opu dita iri taribu makãpuro kãmutari gasirore tariñajãdi ããrĩmĩ, masakaya ããrĩburire Marĩpure sãrẽbosabu. Jesucristo gapu ãgũ boadea merã Marĩpu merã marĩ õãrõ ããrĩrĩrẽ kãmutadeare béodi ããrĩmĩ. Irasirĩã dapagorare marĩ Jesucristo marĩrẽ boabosadea merã Marĩpu ããrĩrõguere ñajãrã irirosũ marĩya ããrĩburire Marĩpure diaye sãrẽmasĩa.

<sup>21</sup> Jesucristo paia opu nemorõ paĩ ããrĩgũ Marĩpu ããrĩrõgue marĩya ããrĩburire sãrẽbosagu ããrĩmĩ. Iroguere ãgũ marĩrẽ Marĩpuyarãrẽ õãrõ doregu ããrĩmĩ.

\* 10:16 Jer 31.33    \* 10:17 Jer 31.34



22 Irasirirā diaye gũñarĩ merā, b̄remurĩrē neõ piriro marĩrõ merā Marĩpũ ãārĩrõgue ñajārā irirosũ marĩ ĩgũrē diaye s̄ēr̄õ gãamea. Cristo ĩgũ boadea merā marĩrē waja opamerā ãārĩmakũ iridi ãārĩmĩ: “Ñerĩ iridea waja, waja oparā ãārā gũa”, ārĩ neõ gũñarikunemobirikõāburo, ārĩgũ. Irasirirā gũrari marĩrĩ deko merā marĩya dũpũre tũkoenerā irirosũ Marĩpũ ĩũrõ õārā ãārā.

23 Marĩpũ marĩrē: “Taugũra”, ārĩderosũta irigũkumi. Irasirirā marĩrē ĩgũ ārĩdeare b̄remupũroriderosũta piriro marĩrõ õārõ usũyari merā b̄remuwāgānĩkõārā!

24 Gajirā Jesũre b̄remurādere gũñarā! Irasirirā gāme iritamurā! Gāme maĩrĩ merā õārõ irirā!

25 Piriro marĩrõ merā Marĩpũyare nerē buerā! Surāyeri marĩ merā nerē buemerā irirosũ iribirikõārā! Marĩ Opũ i nikũguere dupaturi aariburo m̄erõ dũyāa. Irasirirā irire masĩrā, gāme iritamurõ gãamea ĩgũrē b̄remunemomurā.

26 Marĩpũ marĩrē Jesũya kerere: “Diyeta ãārā”, ārĩ masĩmakũ iridero pũru, marĩ ñerĩ iridũarire piriro marĩrõ iriwāgānĩkõārā, marĩ ñerõ iridea waja Jesucristo ĩgũ boadea merā marĩrē taudeare béobukoa. Irire béomakũ, dupaturi ĩgũ marĩrē boabosari neõ máa.

27 Marĩ ĩgũ taudeare béomakũ ĩāgũ, Marĩpũ ãārĩpererā ĩgũrē ĩāturirārē bũro wajamoāgũ, marĩdere ĩgũsā merā perebiri peamegue béogũkumi. Irasirirā marĩrē gajirā ĩgũyare béonerā merā ĩgũ wajamoāburire bũro gũiri merā ãārĩbukoa.

28 Iripoegue marā Moisés dorerire tarinũgāgũrē wajamoānerā ãārĩmā. ĩgũ ñerõ irideare p̄erā, o urerā ĩā, ĩgũrē weresādero pũru, Marĩpũ dorederosũta neõ bopoñarĩ merā ĩārõ marĩrõ ĩgũrē w̄j̄enerā ãārĩmā.

29 ¿Naásũ gũñarĩ m̄usā? ĩgũrē wajamoādero nemorõ Marĩpũ magũrē ĩāturigunorē bũro wajamoāgũkumi. ĩgũ magũya dí béodea merā Marĩpũ marĩrē: “Õārā, waja opamerā ãārĩma”, ārĩ ĩādi ãārĩmĩ. Iripoegue irire werepĩdi ãārĩmĩ. Irasirigũ Jesucristoya dí béodeare: “Wajamāa”, ārĩrārē, Õāgũ deyomarĩgũrē Marĩpũ marĩrē maĩrĩrē masĩmakũ irigũre ñerõ werenĩrārē bũro wajamoāgũkumi.

30 Marĩ Opũ ārĩdeare masĩa marĩ. Āsũ ārĩdi ãārĩmĩ: “Yũ ãārā, waja oparārē wajamoābu. ĩgũsā ñerĩ iridea waja ĩgũsārē wajamoāgũra”, ārĩdi ãārĩmĩ. Āsũ ārĩnemodi ãārĩmĩ doja: “Yaarā iririre ĩāgũ, ĩgũsārē diayemarē irigũra”, ārĩdi ãārĩmĩ.

31 Marĩpũ okanĩgũ masakare wajamoārĩ bũro goeri ãārā.

32 M̄usā iripoegue ãārĩdeare gũñaka! Marĩpũ m̄usārē Jesucristoya kerere masĩnũgāmakũ iridero pũru, gajirā m̄usārē ñerõ tarimakũ irinerā ãārĩmā. Irasirikeremakũ, m̄usā gapũ ĩgũrē b̄remurĩrē neõ piribirinerā ãārĩbũ.

33 Masaka iūrō gajirā surāyeri musārē ñerō werení, ñerō iribiranerā āārīmá. Gajipoe musā merāmarārē gajirā ñerō iribiramakū iārā, ĩgūsārē béobiri, musāde ĩgūsā merā ñerō iribirasūnerā āārībú.

34 Surāyeri musā merāmarā peresugue āārīmakū iārā, bopoñarī merā iā, ĩgūsārē iritamunerā āārībú. Gajirā musāyare ěmakeremakū, usuyari merā: “Ōārokoa”, ārīnerā āārībú. I nikūma nemorō ōārī perebiriburire ũmagasiguere musā opaburire masīnerā āārībú. Irasirirā musā oparire ĩgūsā ěmamakū, bujawerebirinerā āārībú.

35 Irasirirā Jesucristore gūñaturaníkōāka! ĩgūrē buremurīrē neō piribirikōāka! ĩgūrē buremurā, wári ōārīrē wajatarākoa.

36 Musārē ōārō gūñaturari merā Marīpu gāāmerīrē iriníkōārō gāāmea. Irasirirā, ĩgū: “Ōārīrē sīgura”, ārīdeare oparākoa.

37 Marīpu āsū ārīdi āārīmí ĩgūya werenírī gojadea pūgue: Mérō duyáa yu iriudi i ũmuguerē dupaturi aariburo. Yooboro marīrō e jagakumi.

38 ĩgūrē buremurārē: “Ōārō irirā, yaarā āārīma”, ārī iāa. Yu merā āārīnókōārākuma. ĩgūrē buremurīrē pirirā gapure suyubirikoā, ārīdi āārīmí Marīpu.✧

39 Marī gapu ĩgūrē buremurīrē pirirā irirosū āārībea. Irasirirā perebiri peamegue waamurā āārībea. Marī Jesucristore buremua. Irasirirā ĩgū taunerā, ĩgū puro waamurā āārā.

## 11

### *Marīpure buremurīmarē gojadea*

1 Marīpure buremurā: “ĩgū marīrē: ‘Ōārīrē sīgura’, ārīdeare diayeta sīgukumi”, ārī buremua. Irire iābirikererā, iārā irirosū: “Diayeta āārā, ĩgū ārīdeare oparākoa”, ārī buremua.

2 Iripoeguere marī ñekūsāmarā ĩgūrē buremumakū, ĩgūsārē: “Ōārā āārīma”, ārī iādi āārīmí.

3 Marīpure buremurī merā: “ĩgū werenírī merā i ũmuma āārīpereri āārīmakū iridi āārīmí. Irasirigu iro dupiyuro neō marīdeare i ũmumarē āārīpereri marī dapagora iārīrē iridi āārīmí”, ārī masīa.

4 Iripoeguemu Abel Marīpure buremusiā, ĩgū iūrō oveja majīgūrē wējē soepeogu, ĩgū tīgū Caín sīdea nemorō sīdi āārīmí. Marīpu, Abel ĩgūrē buremurīrē iāgū, ĩgū sīdeare: “Ōāgorāa”, ārīdi āārīmí. Irasirigu ĩgūrē: “Ōāgū āārīmí”, ārī iādi āārīmí. Abel iripoegue boadi āārīkeremakū, ĩgū Marīpure buremurī merā irideare marīde gūñáa. Irasirirā ĩgū buremuderosūta marīdere Marīpure buremurō gāāmea.

✧ 10:38 Hab 2.3-4

<sup>5</sup> Enoc Marĩpũre bũremusĩã, boabiridi ããrĩmĩ. Ĩgũ boabirik-  
eremakũ, Marĩpũ ĩgũrẽ ãĩmurĩãkõãdi ããrĩmĩ. Masaka ĩgũrẽ  
ãmakererã, neõ bokabirinerã ããrĩmã. Marĩpũya werenĩĩ  
gojadea pũgue ãsũ ãrĩ gojasũdero ããrĩbũ: “Marĩpũ Enorẽ  
ãĩmurĩaburi dupiyuro usũyari merã ĩãdi ããrĩmĩ”.

<sup>6</sup> Marĩpũre marĩ bũremumerã ĩgũrẽ usũyamakũ irimasĩbea.  
Ĩgũrẽ sũrẽgũno: “Diayeta ĩgũ Marĩpũgora ããrĩmĩ”, ãrĩ gũñarõ  
gããmea. “Marĩ ĩgũrẽ bũremurĩ merã sũrũrĩrẽ õãrõ pĩmĩ”, ãrĩ  
gũñarõ gããmea. Marĩ irire gũñamerã ĩgũrẽ sũrũmasĩbea.

<sup>7</sup> Noẽ Marĩpũre bũremusĩã, Marĩpũ ĩgũrẽ: “Mũ neõ ĩãbiridea  
merã i nikũ marãrẽ ĩgũsã yũre bũremubiri waja bũro wa-  
jamoãgũra”, ãrĩdeare bũremudi ããrĩmĩ. Irasirigũ, Marĩpũ  
dorederosũta wãdiru doõdiru iridi ããrĩmĩ, ĩgũyarã merã dia  
mirĩburire taribu. Marĩpũre bũremusĩã, i nikũ marãrẽ ĩgũsã  
ĩgũrẽ bũremubirire masĩmakũ iridi ããrĩmĩ. Marĩpũ, ĩgũrẽ  
bũremumakũ: “Õãgũ ããrĩmĩ”, ãrĩ ĩãdi ããrĩmĩ.

<sup>8</sup> Abraham Marĩpũre bũremusĩã: “Gaji nikũ yũ murẽ sĩburi  
nikũgue waaka!” ãrĩmakũ pĩgũ, ĩgũrẽ yũjãdi ããrĩmĩ. “Irogue  
waagũ irikoa”, ãrĩmasĩbirikeregũ, ĩgũya nikũrẽ wiriwãgãdi  
ããrĩmĩ.

<sup>9</sup> Marĩpũ ĩgũrẽ: “Iri nikũrẽ sĩgũra”, ãrĩdeare bũremugũ, iri  
nikũgue eja, ããrĩmejãjadi ããrĩmĩ. Iro ããrĩmejãjakeregũ, gaji  
nikũmũ irirosũ surĩ gasiri merã iridea wiiri merã naaunadi  
ããrĩmĩ murãrõ ããrĩbirisĩã. Marĩpũ ĩgũ magũ Isaare, ĩgũ parãmi  
Jacore: “Iri nikũrẽ sĩgũra mũsãdere”, ãrĩmakũ, ĩgũsãde Abra-  
ham irirosũta iri nikũgue naaunanerã ããrĩmã.

<sup>10</sup> Abraham iri nikũrẽ naagũ, makãrĩ iribiridi ããrĩmĩ. Gaji  
makãgue Marĩpũ ããrĩrĩ makãgue ãmũgasigue ĩgũ waaburire  
yũgũ iridi ããrĩmĩ. Iri makã Marĩpũ iridea makã neõ perebiri  
makã ããrã.

<sup>11</sup> Abraham marãpo Sara pũrã marĩdeo Marĩpũre  
bũremusĩã, búrogora ããrĩkerego: “Marĩpũ ãrĩderosũta yũre  
irigũkumi”, ãrĩ bũremurĩ merã pũrãkũdeo ããrĩmõ.

<sup>12</sup> Irasirigũ Abraham bũgũrogora ããrĩkeregũ, Sara merã  
majĩgũrẽ pũrãkũdi ããrĩmĩ. ĩgũ parãmerã ããrĩturiarã wãrã  
ããrĩnerã ããrĩmã. Neñũkãrẽ, ĩmipa yerire keo bokatĩũña marĩrõ  
irirosũ ĩgũsãrẽ keo bokatĩũmasĩña mã.

<sup>13</sup> ããrĩpererã, Marĩpũ ĩgũsãrẽ: “Sĩgũra”, ãrĩdeare neõ  
opamerãgue boanerã ããrĩmã. Irire opabirikererã, gũñaturari  
merã: “Marĩpũ ĩgũ ãrĩderosũta pũrũgue sĩgũkumi gũare”, ãrĩ,  
ĩgũrẽ bũremunĩkõãnerã ããrĩmã. Irasirirã gajirãrẽ: “Gaji nikũ  
marã irirosũ i nikũgue naarã dita ããrã”, ãrĩ werenerã ããrĩmã.

<sup>14</sup> ĩgũsã irirosũta irire ãrĩrãno, gaji nikũ, ĩgũsãya nikũ  
ããrĩburire ãmarã yãma. Irire õãrõ masĩa marĩ.

15 Marĩ ñekūsāmarā: “Gaji nikū marā āārā”, ārĩrā, ĩgūsā beowāgādea nikūrē gũñabirinerā āārĩmā. Irasū ārĩ gũñarā, goedujāakōābonerā āārĩmā.

16 I nikū nemorō ũmugasigüe oārĩ nikū gapure: “Buro waadukoa”, ārĩ gũñanerā āārĩmā. Irasirigũ Marĩpũ ĩgūsā ĩgūrē: “Gua Opũ āārĩmĩ”, ārĩmakū pēgũ, gũyasĩrĩrĩ marĩrō: “Īgūsā Opũ āārā”, ārĩdi āārĩmĩ. Īgũ puro ĩgūsāya makā āārĩburore āmubosasiadi āārĩmĩ.

17 Marĩpũ Abrahārē: “¿Diayeta yure buremugũ yarı?” ārĩ gũñagũ, ĩgūrē: “Yũ ĩūrō mũ magũ Isaare wējē soepeoka!” ārĩdi āārĩmĩ. Abraham gapũ Marĩpũre buremusĩā: “Neō yũ magũ sugũ āārĩgūrē wējē soepeobirikoa”, ārĩbiridi āārĩmĩ.

18 Iro dupiyurogue Marĩpũ ĩgūrē: “Mũ magũ Isaac merā mũ parāmerā āārĩturiarārē opagukoa”, ārĩsũdi āārĩkeregũ, Abraham Marĩpũre: “Yũ magūrē neō wējē soepeobirikoa”, ārĩbiridi āārĩmĩ.

19 Abraham: “Marĩpũ ĩgũ turari merā boanerārē masũmasĩsĩā, yũ magūrē wējēkeremakũ, masũgukumi”, ārĩ gũñadi āārĩmĩ. Irasirigũ, Marĩpũ Abrahārē kāmūtagu: “Mũ magūrē wējēbirikōāka!” ārĩdi āārĩmĩ. Irasirirā ire masĩā. Abraham ĩgũ magūrē boadigüe masādi irirosũ dupaturi opadi āārĩmĩ.

20 Isaac Marĩpũre buremusĩā, ĩgũ pũrā Jacore, Esaúre: “Pũrugüe Marĩpũ musārē oārō irigukumi”, ārĩdi āārĩmĩ.

21 Jacob Marĩpũre buremusĩā, ĩgũ boaburo dupiyurogā ĩgũ tuadi merā tuawāgāñgāja, Marĩpũre sērē buremudi āārĩmĩ. Irasirigũ ĩgũ magũ José pũrārē: “Marĩpũ musārē oārō iritamuburo”, ārĩdi āārĩmĩ.

22 José Marĩpũre buremusĩā, ĩgũ boaburo dupiyurogā ĩgũ pũrārē āsũ ārĩ weredi āārĩmĩ: “Marĩ parāmerā āārĩturiarā Egiptogue āārĩrā pũrũ wirirākuma”, ārĩdi āārĩmĩ. “Irore wirirā, yaa gōārĩrē āiaburo, ĩgūsā ejari nikũgüe yáamurā”, ārĩdi āārĩmĩ.

23 Moisés pagūsāmarā Marĩpũre buremusĩā, Moisés deyoadero pũrũ, ĩgũ oāgũ āārĩmakũ ĩārā, ũrerā abegora ĩgūrē duripĩnerā āārĩmā. Egipto marā opũ: “Israel bumarā majĩrā ũmarē wējēburo”, ārĩ doregũ āārĩdi āārĩmĩ. Moisés pagūsāmarā gapũ: “Marĩpũ marĩrē iritamugukumi”, ārĩ gũñarā, iri dorerire gũiri marĩrō tarĩngānerā āārĩmā.

24 Pũrũ Moisés Egipto marā opũ magō masũdi āārĩkeregũ, Marĩpũre buremusĩā: “Igo magũ āārĩmĩ”, ĩgūsā ārĩmakū péduabiridi āārĩmĩ.

25 Āsũ gapũ iriduadi āārĩmĩ. Marĩpũyarā Israel bumarā merā ñerō tariduadi āārĩmĩ. Egipto marā merā wári opakeregũ, ĩgūsā merā āārĩduabiridi āārĩmĩ. Īgūsā ñerĩ iriri gapũ iriduabiridi āārĩmĩ.

26 Irasirigu ñerõ tarikeregu, Egipto marã opari nemorõ Cristo Marĩpu iriubuyarã merã ñerõ tariburire suyudi ããrĩmĩ. Purugue Marĩpu ĩgũrẽ õãrĩrẽ sĩburire masĩgũ, ĩgũsã merã ñerõ taridũadi ããrĩmĩ.

27 Moisés Marĩpure bũremusĩã, Egipto marã opu ĩgũ merã guamakũ ĩãgũ: “Marĩpu yure iritamugũkumi”, ãrĩ, irore ããrĩdi gũiri marĩrõ wiridi ããrĩmĩ. Irasirigu Marĩpu deyomarĩgũrẽ ĩãgũ irirosũ ĩgũ: “Marĩpu iritamurĩ merã ãsũ irigũra”, ãrĩrĩrẽ neõ gorawayuro marĩrõ iridi ããrĩmĩ.

28 Moisés Marĩpure bũremusĩã, Israel bumarãrẽ Egip-togue ããrĩrãrẽ ãĩwiuburi dupiyuro pascua wãikũri bosenu iripũroridi ããrĩmĩ. Irasirigu Marĩpu dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wũkãdoredi ããrĩmĩ. Irire ĩãgũ, Marĩpure were-boegu Egipto marã masã tĩrã ãmarẽ wẽjẽgũ, Israel bumarã masã tĩrã gapure wẽjẽbiridi ããrĩmĩ.

29 Israel bumarã Marĩpure bũremusĩã, dia wãdiya deko di-idiya deko dukawanũgãdea maa bojoñajãri maarẽ taribujan-erã ããrĩmã. ĩgũsã irasũ taribujamakũ ĩãrã, Egipto marã gapu ĩgũsãrẽ tũya taribujanerã, mirĩ boakõãnerã ããrĩmã.

30 Israel bumarã Marĩpure bũremusĩã, Jericó tũroma sãrĩrõrẽ ãtã majĩrĩ merã iridea sãrĩrõrẽ su mojõma pere gaji mojõ peru pẽrẽbejarinũrĩ iri makãrẽ ĩgũsã gãmegorodero purũ, iri sãrĩrõ meẽmejãdero ããrĩbũ.

31 Iro dupiyuro iri makãmo ãma merã ñerõ irideo, Ra-hab wãikũgo Marĩpure bũremusĩã, Israel bumarã iri makãrẽ ĩãdurirã ejarãrẽ iritamudeo ããrĩmõ. Irasirigo iri makã marã Marĩpu dorerire tarinũgãrã merã boabirideo ããrĩmõ.

32 ¿Ñeẽnorẽ werenemogũkuri yũ? Gajirã Marĩpure bũremurã: Gedeón, Barac, Sansón, Jefte, David, Samuel irideare, irasũ ããrĩmakũ Marĩpuya kerere weredupiyunerã irideare weregu, werepeobiribukoa.

33 ĩgũsã Marĩpure bũremusĩã, gaji nikũgue ããrĩrĩ makãrĩ marãrẽ gãmewẽjẽ, tarinũgãnerã ããrĩmã. ĩgũsãyarã masakare diaye dorenerã ããrĩmã. Marĩpu: “Musãrẽ õãrõ iritamugũra”, ãrĩderosũta ĩgũsãrẽ õãrõ iritamudi ããrĩmĩ. Ĕõkayea ĩgũsãrẽ baabonerãrẽ disirire biamakũ irinerã ããrĩmã.

34 Surãyeri peame bũro asirogue beosũkererã, ãjũbirinerã ããrĩmã. Gajirã, sareri majĩrĩ merã sare wẽjẽdũamakũ, tarinerã ããrĩmã. Turamerã ããrĩkererã, Marĩpure bũremusĩã, turarã waanerã ããrĩmã. Irasirirã gaji nikũ marã ĩgũsãrẽ ĩãturirãrẽ gãmewẽjẽ tarinũgãnerã ããrĩmã.

35 Surãyeri nome ĩgũsãyarã boanerãgue dupaturi okamakũ ĩãnerã ããrĩmã.

Gajirã Marĩpũre ãgũsã buremurĩrẽ piriduabiri waja pere-sugue bure ñerõ iribirari merã boanerã ããrĩmã. ãgũsã purugue masã, Marĩpũ merã umugasigue õãrõ ããrĩburire gããmesĩã, ãgũrẽ buremurĩrẽ piriduabirinerã ããrĩmã.

<sup>36</sup> Gajirã Marĩpũre buremurã, buridari merã bure tãrãsũnerã ããrĩmã. Gajirã ãgũsãya guburi, mojõrĩrẽ kõme dari merã sua, peresugue biadobosũnerã ããrĩmã.

<sup>37</sup> Gajirã utãyeri merã dea wẽjẽsũnerã ããrĩmã. Gajirã ãgũsãya dupũre wiiriro merã wiritã wẽjẽsũnerã ããrĩmã. Gajirã sareri majĩrĩ merã wẽjẽsũnerã ããrĩmã. Gajirã surĩ marĩrã, oveja gasiri, cabra gasiri merã surĩkũrã waagorenanerã ããrĩmã. Bure boporo tarinerã ããrĩmã.

<sup>38</sup> I nikũgue ããrĩkererã, i nikũ marã ñerã irirosũ neõ ããrĩbirinerã ããrĩmã. Oãrã ããrĩnerã ããrĩmã. Surãyeri wi-iri marĩrã, masaka marĩrõgue, utãyukugue waagorenanerã ããrĩmã. Utãyukugue ããrĩrĩ goberigugue, yebague ããrĩrĩ gob-eriguedere kãrĩgorenanerã ããrĩmã.

<sup>39</sup> Marĩpũ ãgũrẽ buremurãrẽ ããrĩpererãrẽ: “Oãrõ yãma”, ãrĩ ããrĩ ããrĩmĩ. ãgũrẽ õãrõ buremukererã, ãgũ ããrĩpereri ãgũsãrẽ: “Ãsũ irigũra”, ãrĩdeare ãgũsã boaburi dupiyuro bokabirinerã ããrĩmã dapa.

<sup>40</sup> Marĩpũ ãsũ ãrĩ gũñasiadi ããrĩmĩ: “ãgũsãrẽ, purugue marã yure buremurãdere suro merã yũ merã õãrõ ããrĩmakũ irigũra”, ãrĩdi ããrĩmĩ. ãgũ ãrĩderosũta irigũkumi. Irasiriro ãgũ iro dupiyuro iridero nemorõ, ãgũ Jesucristo merã iridea ãgũsãrẽ, marĩdere õãtariro ããrĩrokoa.

## 12

### *Jesũre ããkũrĩ gũñãndorerimarẽ gojãdea*

<sup>1</sup> Iripoegue marã wãrã yũ werenerã ãgũsã iridea merã ãgũsã Marĩpũre buremurĩrẽ ãmunerã ããrĩmã. Irasirirã marĩ, ãgũsã ããrĩgãmegorosũrã irirosũ sugũ ãma birarimasũ õãrõ ãmaduagu ããrĩpereri nukũrĩrẽ pirirosũ, õãrõ iridũarã ããrĩpereri ñerõ iririre piriro gããmea. Irire pirirã, Marĩpũ gããmederosũta õãrĩ gapũre gũñaturari merã iriwãgãnikõãrõ gããmea.

<sup>2</sup> Irasirirã Jesũre ããkũrĩ gũñãnikõãrã! ãgũta marĩrẽ Marĩpũre buremunugãmakũ iridi, marĩrẽ piriro marĩrõ ãgũrẽ buremuwãgãnikõãmakũ irigu ããrĩmĩ. Bure poyari merã ñegũ irirosũ curusague boagu, gũyasĩrĩbodi ããrĩkeregu, ãgũ purugue usayaburire masĩsĩã, gũyasĩrĩbiridi ããrĩmĩ. Masã murĩadero purũ, dorebu Marĩpũ diaye gapũ doadi ããrĩmĩ.

<sup>3</sup> Irasirirã Jesũs waadeare gũñaka! Ñerã ãgũrẽ bure ñerõ tarimakũ irinerã ããrĩmã. Irasirirã musãde ñerõ tarirã, õãrõ yũpũrãkũ, piriro marĩrõ ãgũrẽ gũñaturanĩkõãka!

4 Ñerã ñerĩrẽ iridorerire musã tarinũgãduamakũ ãrã, musãrẽ wẽjẽñabema dapa.

5 ¿Marĩpu musãrẽ ãgũ pũrãrẽ weredeare kãtiakõãrĩ? Ñgũya werenĩrĩ gojadea pũgue ãsũ ãrĩdi ããrĩmĩ:

Yũ magũ, yũ mu Opũ, murẽ õãrõ iriburo, ãrĩgũ, wajamoãrĩrẽ pemasĩka! Murẽ: “Ñerĩrẽ iropata irika!” ãrĩmakũ pẽgu, bujawerebirikõãka!

6 ãsũ ããrã. Yũ maĩrãrẽ: “Ñerĩrẽ irimerãta!” ãrĩ, pũrĩrõ páro irirosũ werea. Yũ pũrã ããrĩpererãrẽ wajamoãa õãrõ iridoregu, ãrĩdi ããrĩmĩ.\*

7 Marĩpu musãrẽ wajamoãmakũ ãrã, ãgũrẽ õãrõ yũjuka! Sugu pagũ ãgũ magũ ñerõ irimakũ ããgũ, ãgũrẽ wajamoãkumi. Irasũta Marĩpu, marĩ ñerõ irimakũ ããgũ, marĩrẽ ãgũ pũrãrẽ pũrĩrõ páro irirosũ weregũkumi õãrõ iriburo, ãrĩgũ.

8 Marĩpu ããrĩpererã ãgũ pũrãrẽ ãgũsã ñerõ iridea waja pũrĩrõ páro irirosũ weremi. Ñgũ werebirimakũ, musã ãgũ pũrã ããrĩbiribukoa. Pagũ marĩrã, ñerõ irisĩã bokasũnerã irirosũ ããrĩbukoa.

9 Marĩ majĩrã ããrĩmakũ, marĩ pagũsãmarã marĩ ñerõ iriri waja pũrĩrõ páro irirosũ weremakũ, ãgũsãrẽ buremubu. Irasirirã marĩ pagũsãmarãrẽ buremurĩ merã yũjuo nemorõ, Marĩpu ãmũgasigue ããrĩgũrẽ buremurĩ merã õãrõ yũjuo gããmea. Ñgũrẽ buremurã, ãgũ merã õãrõ ããrĩrãkoa.

10 Marĩ ñerõ irimakũ, marĩ pagũsãmarã ãgũsã gããmerõsũ yoabiripoe wajamoãma. Marĩpu gapũ diayema merã wajamoãmi, marĩrẽ ãgũ irirosũ õãrã ããrĩmakũ irĩgu.

11 Diayeta ããrã. Marĩpu marĩrẽ wajamoãmakũ, usuyabea. Marĩ bujawerekererã, ãgũ marĩrẽ wajamoãdero purũ, marĩ ãgũrẽ õãrõ yũjurã, diayema iririre iri, ãgũ merã siñajãrĩ oparãkoa.

*Marĩpu werenĩrĩrẽ pẽduabirimakũ gogorãa marĩrẽ, ãrĩ gojadesa*

12 Irasirirã musã Marĩpure buremuturamerã ããrĩbirikõãka! Ñgũrẽ õãrõ gũñaturanemoka! Ñgũyare piriro marĩrõ õãrõ iritũyaka!

13 Ñãrõ diayema irika! Gajirã Marĩpure gũñaturamerã, musã irasirimakũ ããkũrã, gũñaturari merã ãgũyare iritũyarãkuma.

14 ããrĩpererã masaka merã gãmekẽãrõ marĩrõ õãrõ ããrĩrikũka! Ñerõ iriro marĩrõ ããrĩka! Ñerĩ marĩrã dita marĩ Opũ Jesucristore ããrãkuma.

15 Ñãrõ pemasĩka! Marĩpu musãrẽ iritamurĩrẽ: “Gããmebirikoa”, ãrĩbirikõãka! Ñerĩ tá puri masã, õãrĩ oteri gapũre poyanorẽrokoa. Musãde ñerĩrẽ irirã, gajirãrẽ poyanorẽrãkoa. Irasirirã ñerĩrẽ iribirikõãka!

\* 12:6 Job 5.17; Pr 3.11-12

16 Sugu ĩgũ marãpo ããrĩbeo merã, neõ sugo igo marãpu ããrĩbi merã ñerõ iribirikõãburo. Marĩpuyadere gããmemerã irirosũ neõ ããrĩbirikõãka! Iripoeguemu Esau Marĩpuyare gããmebiridi ããrĩmĩ. ĩgũ masã tĩgũ ããrĩsĩã, ĩgũ paguyare ĩgũ boadero puru opabu ããrĩkeregu, sunu buru uaboa, baari merã ĩgũ pagumurẽ ĩgũ opabodeare gorawayudi ããrĩmĩ.

17 ĩgũ irasiridero puru waadeare masĩa musã. Esau, ĩgũ pagu ĩgũrẽ: “Yu sĩburi merã õãrõ ããrĩgukoa”, ãrĩburire pẽduakeremakũ, ĩgũ pagu gapu ĩgũrẽ: “Mu pagumurẽ sĩsiabu irire”, ãrĩdi ããrĩmĩ. ĩgũ irasũ ãrĩmakũ pẽgu, Esau buru oreri merã ĩgũ pagure: “Sĩka yure!” ãrĩ sërẽkeregu, ĩgũ pagu ĩgũrẽ sĩmakũ neõ irimasĩbiridi ããrĩmĩ.

18 Marĩpu ĩgũ dorerire Moisere pĩmakũguere marĩ ñekũsãmarã Israel bumarã Marĩpu ããrĩrõgue ejanugãmakũ goegoradero ããrĩbũ. Dapagorare musã gapure irasũ ããrĩbea. Marĩpu ĩgũ dorerire Moisere pígu, Sinai wãikudi ãtãũgue ããrĩdi ããrĩmĩ. Irasiro irogue ĩgũsã ejanugãburipoe iri ãtãũguere peame buru ãjãrõ, naĩtĩãrõ, ĩmikãyebori, mirũ buru wẽjãpuro ããrĩdero ããrĩbũ.

19-20 Irogue puriduru buru busumakũ penerã ããrĩmã. Puru Marĩpu ĩgũsãrẽ werenĩmakũ penerã ããrĩmã. Marĩpu goero merã ãsũ ãrĩdi ããrĩmĩ ĩgũsãrẽ: “Iri ãtãũrẽ ñapeorãnorẽ ãtãyeri merã dea wẽjẽka, o sareri majĩ merã sare wẽjẽka!” ãrĩdi ããrĩmĩ. “Waimurãdere irasũta irika!” ãrĩdi ããrĩmĩ. ĩgũ irasũ ãrĩ werenĩmakũ pẽrã, gũiri merã Moisere: “Iropata guare wereburo”, ãrĩ, buru sërẽnerã ããrĩmã.

21 Moisès ããrĩpererire ãtãũguere goero ããrĩrĩrẽ ĩãgũ: “Buru gũiri merã naradagu yãa”, ãrĩdi ããrĩmĩ.

22 Musã gapu iripoegue marã Sinai wãikudi ãtãũgue ejanugãnerã irirosũ ããrĩbea. ũmugasigue Marĩpu ããrĩrõgue Sion wãikudi ãtãũgue murĩjarosũ diaye ĩgũ merã werenĩmasĩa. Irogue Marĩpu okanĩgũya makã, Jerusalen wãikuri makã ããrã. Iroguere Marĩpue wereboerã wãrãgora ããrĩma.

23 ĩgũsã usuyari merã nerẽrã, Marĩpue: “Õãtaria mu”, ãrĩ buremuma. Irogue Marĩpu pũrãde ãmugasima gojadea pũgueta ĩgũsã wãrẽ gojatũsũnerã nerẽma. Marĩpu ããrĩpererã iririre: “I gapu õãa, i gapu õãbea”, ãrĩ weregu ããrĩmĩ. Marĩde ĩgũ merã õãrõ ããrã. Irasirirã irogue marã merã nerẽrãsũta ããrã. Marĩpu ĩgũsãrẽta ñerĩ opamerã ããrĩmakũ irisiadi ããrĩmĩ.

24 Marĩ Jesure buremurã ããrã. Iripoegue Marĩpu marĩrẽ: “Õãrõ irigura”, ãrĩ werepĩdi ããrĩmĩ. ĩgũ irasũ ãrĩ werepĩderosũta Jesús iridi ããrĩmĩ. ĩgũya díre bẽo boadea merã marĩrẽ taudi ããrĩmĩ. Iripoeguemu Abel ĩgũya dí bẽodeare ĩãgũ, Marĩpu ĩgũrẽ wẽjẽdire wajamoãdi ããrĩmĩ. Jesucristoya dí bẽodea gapure ĩãgũ, marĩrẽ waja opamerã ããrĩmakũ iridi



ããrĩmĩ. Irasiriro Cristo dí béodea, Abel dí béodea nemorõ wajakua.

<sup>25</sup> Irasirirã õãrõ pémasĩka! Marĩpũyare weregũre péduamerã irirosũ ããrĩbirikõãka! Iripoegue i nikũmũ Moisés Marĩpũyare weremakũ pérã, wárã irire péduabirinerã ããrĩmã. Īgũsã irire péduabiridea waja Marĩpũ Īgũsãrẽ wajamoãdi ããrĩmĩ. Īgũsã nemorõ Cristore péduamerã gapũre bũro wajamoãgũkumi. Cristo ãmũgasiguemũ Marĩpũyare weregũ ããrĩmi.

<sup>26</sup> Iripoegue Marĩpũ Īgũ dorerire Moisére pígu, Īgũ werenĩrĩ merã nikũ ñomemakũ iridi ããrĩmĩ. Dapagorare ãsũ ãrĩmi: “Sunũ i nikũ ñomemakũ irigũ, suñarõta gajino irinemogũra. I nikũ dita ñomemakũ iribi meta ããrĩgũkoa. Ūmũgasiguedere ñomemakũ irigũra”, ãrĩmi.

<sup>27</sup> “Sunũ i nikũ ñomemakũ irigũ, suñarõta gajino irinemogũra”, ãrĩgũ: “Ããrĩpereri yũ irideare béogũkoa”, ãrĩgũ yámi. Īgũyarãrẽ doregũ ããrĩrĩ gapũre béobirikumi. Irasiriro Īgũ irideare béomakũ, Īgũyarãrẽ doregũ ããrĩrĩ dita dujarokoa.

<sup>28</sup> Marĩpũ Īgũyarãrẽ dorerogue marĩrẽ Īgũ merã ããrĩmakũ irigũkumi. Irasirirã Īgũyarãrẽ doregũ ããrĩrĩrẽ béosũbirimakũ ĩãrã, Marĩpũre: “Mũ merã mũyáa”, ãrĩrõ gããmea. Irasirirã bũremurĩ, gopeyaro merã Īgũyare iritũyaro gããmea. Irasũ irirã, marĩ ĩgũrẽ mũyamakũ irirãkoa.

<sup>29</sup> Peame ãjũrõ goerosũ Marĩpũ goero wajamoãgũ ããrĩmi. Irasirirã ĩgũrẽ gopeyaro merã bũremurã!

## 13

### *Marĩpũ suyuri ditare iriro gããmea, ãrĩ gojadea*

<sup>1</sup> Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrẽ neõ piribirikõãka!

<sup>2</sup> Mũsã pũro ejarãrẽ õãrõ merã mũsãya wiirigue ñajãridoreka! Irire kãtibirikõãka! Iripoegue gajirã irasirirã, Marĩpũre wereboerãrẽ Īgũsãya wiigũe ñajãdorenerã ããrĩmã. “Marĩpũre wereboerã ããrĩmã”, ãrĩmasĩbirinerã ããrĩmã.

<sup>3</sup> Peresugue ããrĩrãrẽ bopoñarĩ merã gũñaka! Īgũsã merã peresugue ããrĩrã irirosũ péñaka! Gajirã ñerõ tarirãdere bopoñarĩ merã gũñaka! Īgũsã merã mũsãde ñerõ tarirã irirosũ péñaka! Iritamuka ĩgũsãrẽ!

<sup>4</sup> ããrĩpererã marãpokurã, marãpũkurã gãme gopeyari merã ĩãburo. Ūma ĩgũsã marãposã nome merã õãrõ ããrĩrikũburo. Nomede ĩgũsã marãpũsãmarã merã õãrõ ããrĩrikũburo. Marãpũ marĩrã, marãpũkurãde gajirã ãma merã ñerõ irimakũ ĩãgũ, marãpo marĩrã, marãpokurãde gajirã nome merã ñerõ irimakũ ĩãgũ, Marĩpũ ĩgũsãrẽ wajamoãgũkumi.

<sup>5</sup> Niyerure maĩbirikõaka! Musã opari merã usuyaka! Marĩpu ãsũ ãrĩdi ããrĩmĩ: “Musãrẽ neõ béobirikoã. Musã merã ããrĩnĩgukoã musãrẽ iritamubu”, ãrĩdi ããrĩmĩ.

<sup>6</sup> Irasirirã gũñaturari merã ãsũ ãrĩ masĩa: Marĩ Opũ yure iritamugũ ããrĩmi. Neõ sugũ masakũ yure ñerõ iridũarire gũibeã, ãrĩ masĩa.\*

<sup>7</sup> Musãrẽ õãrõ siuu, Marĩpũya kerere werenerãrẽ gũñaka! Ìgũsã okaro bokatĩũrõ õãrõ ããrĩrikudeare gũñaka! Irasũ gũñarã, Jesucristore Ìgũsã bũremuderosũta musãde bũremuka!

<sup>8</sup> Jesucristo marĩrẽ iritamugũ, neõ gorawayubirikumi. Iripoegue, dapagoradere, pũruguedere Ìgũ ããrĩderosũta ããrĩnĩkõãgũkumi.

<sup>9</sup> Gajirã gajirosũ buerire pẽnemobirikõaka, Marĩpũya diayema buerire béori, ãrĩrã! Ìgũsã marĩrẽ: “Ire baaka! I gapũre baabirikõaka!” ãrĩ buemoãmakõãma. Iri buerire tũyamakũ marĩrẽ iritamubeã. Marĩpũyare marĩrẽ gũñaturamakũ iribeã. Marĩpu dita Ìgũ marĩrẽ maĩrĩ merã marĩrẽ gũñaturamakũ yãmi.

<sup>10</sup> Iripoegue Marĩpũya wiigũe paĩa waimũrãrẽ wẽjẽ soeponerã ããrĩmã. Irasirikererã, iri merã masakare Ìgũsã ñerõ iridea wajare neõ taumasĩbirinerã ããrĩmã. Jesucristo gapũ Ìgũ boari merã marĩ ñerõ iridea wajare taudi ããrĩmĩ.

<sup>11</sup> Paĩa opũ waimũrã wẽjẽ, Marĩpu ããrĩrĩ taribugorague Ìgũsãya díre ãĩ ñajãdi ããrĩmĩ. Irogue Marĩpũre masaka Ìgũsã ñerõ iridea wajare: “Béoka!” ãrĩ sërëbosadi ããrĩmĩ. Ìgũ wẽjẽnerã waimũrãya dũpũri gapũre makã tũrogue soebéokõãdi ããrĩmĩ.

<sup>12</sup> Irire iriderosũta Jesũdere makã tũrogue wẽjẽbéonerã ããrĩmã. Irasirikeremakũ, Ìgũya dí béori merã marĩrẽ waja opamerã ããrĩmakũ iridi ããrĩmĩ.

<sup>13</sup> Jesús makã tũrogue curusague boari: “Gũyasĩũgorãã”, ãrĩsũdero ããrĩbũ. Ìgũ boamakũ, masaka Ìgũrẽ turi, bũridanerã ããrĩmã. Ìgũrẽ irasiriderosũta masaka marĩdere turi, bũridakeremakũ, piriro marĩrõ Ìgũrẽ tũyaro gããmeã.

<sup>14</sup> I nikũgue marĩ ããrĩburi makã mãã. Gaji makã, marĩ pũrugue ããrĩburi makãrẽ ãmũgasima makãrẽ yũrã yãã.

<sup>15</sup> Irasirirã Jesucristo iritamurĩ merã Marĩpũre bũremurã, iro dupiyuro Ìgũrẽ gajino sũnaderosũ, dapagorague Ìgũrẽ usuyari sĩnĩkõãrã! Ìgũrẽ: “Gũapũ, õãtarigu ããrã”, ãrĩ bũremurã!

<sup>16</sup> Gajirãrẽ õãrõ irika! Musã oparire opamerãrẽ guereka! Irire kãtibirikõaka! Musã irasirirã, Marĩpũre sĩrã irirosũ irirãkoa. Ìgũrẽ usuyamakũ irirãkoa.

<sup>17</sup> Musã oparãrẽ õãrõ péka! Ìgũsã dorerire bũremurĩ merã iritũyaka! Marĩpu pídi ããrĩmĩ, Ìgũsãrẽ musãrẽ õãrõ

\* 13:6 Sal 56.3-4, 9-11; 118.6

koredoregũ. Irasirirã m̄sãrẽ ĩgũyare õãrõ bueníkõãma, ĩgũrẽ b̄remurĩrẽ piribirikõãburo, ãrĩrã. P̄rugue Marĩpũ ĩgũsãrẽ: “Wereka yare! ¿Naásũ bueri?” ãrĩ s̄rẽñmakũ, ĩgũrẽ yũm̄rãkuma. Irire masĩsĩã, õãrõ buedũama. Irasirirã ĩgũsã buerire m̄sã õãrõ p̄makũ, m̄yari merã moãrãkuma. M̄sã p̄birimakũ gapũ bujawererãkuma. M̄sã ĩgũsãrẽ tarinũgãrã, õãrõ ããrĩrikubirikoa.

<sup>18</sup> M̄sã Marĩpũre s̄rẽrã, gũaya ããrĩburire s̄rẽbosanĩka! Gũa õãrĩ ditare iridũãa. Marĩpũ ĩũrõ: “Õãrĩrẽ irirã, waja opamerã ããrã”, ãrĩ p̄nããa.

<sup>19</sup> Yũre Marĩpũre s̄rẽbosarã, ãsũ ãrĩ s̄rẽka: “M̄rõgã p̄rũta ĩgũ gũa p̄rogue dupaturi aariburire ãmuka!” ãrĩ s̄rẽka!

### *Õãdoretũnudea*

<sup>20</sup> Marĩpũ marĩrẽ ĩgũ merã õãrõ siñajãrĩ s̄gũ marĩ Opũ Jesucristo boadiguere masũdi ããrĩmĩ. Jesucristo ovejare korerm̄sũ irirosũ marĩrẽ õãrõ koregũ ããrĩmĩ. Iripoegue Marĩpũ marĩrẽ: “Õãrõ irigũra”, ãrĩ werepĩdi ããrĩmĩ. ĩgũ werepĩdeare Jesús boagũ ĩgũya dí b̄odea merã marĩrẽ iriyuwarikũdi ããrĩmĩ. Irire neõ b̄ebirikumi.

<sup>21</sup> Irasirigũ Marĩpũ m̄sãrẽ iritamuníkõãburo. Iri iritamunĩrĩ merã ããrĩpereri õãrĩrẽ, ĩgũ gããmerĩ ditare irimakũ iriburo. ĩgũ gããmerõsũta Jesucristo merã marĩ ããrĩpererãrẽ irasiriburo. Irasirirã Cristore: “Õãtaria mũ”, ãrĩ b̄remuníkõãrã! Irasũta irirã!

<sup>22</sup> Yaarã, i pũgue yũ m̄sãrẽ: “Ãsũ irika!” ãrĩ gojarire õãrõ merã p̄ka! Yũ m̄sãrẽ wãrigora gojabodi ããrĩkeregũ, m̄rĩgã were gojabũ. Irasirirã irire õãrõ bueka!

<sup>23</sup> Idere m̄sãrẽ weregũra. Marĩyagũ Timoteore peresugue ããrãdire wiuañurã. Dapagorare ĩgũ aarimakũ, yũ ĩgũ merã m̄sãrẽ ĩãgũ waagũra.

<sup>24</sup> M̄sã oparãrẽ, gajirã Jesucristore b̄remurãrẽ ããrĩpererã iro ããrĩrãrẽ õãdorea gũa. Gũa merãmarã Italia marã m̄sãrẽ õãdorema.

<sup>25</sup> Marĩpũ m̄sã ããrĩpererãrẽ õãrõ iritamuburo. Irasũta iriburo.

Iropata ããrã.

## SANTIAGO

### *Santiago Marĩpuyarã ããrĩpererogue waasirinerãrẽ gojadea*

1 Yũ Santiago i pũ merã mʉsãrẽ õãdorea. Yũ Marĩpʉre, irasũ ããrĩmakũ marĩ Opũ Jesucristore moãboegu ããrã. Mʉsãrẽ Israel bumarãrẽ pe mojõma pere su gubu peru pẽrẽbejari buri marãrẽ ããrĩpererogue waasirinerãrẽ gojãa.

### *Marĩpũ masĩrĩ sĩrĩmarẽ gojadea*

2 Yaarã, mʉsãrẽ wãri gajirosũperi ñerĩ waamakũ, gajipoe gũñaña marĩrõ ñerõ tarirã, õãrõ ʉsuyari merã ããrĩnikõãka!

3 Mʉsã ire masã. Ñerõ tarirã: “Marĩpũ yure iritamugakumi”, ãrĩ bʉremurĩrẽ pirimerã, gũñaturari merã ãgũrẽ bʉremunemorãkoa.

4 Mʉsãrẽ Marĩpʉre bʉremurĩrẽ neõ piriro marĩrõ gũñaturanikõãrõ gããmea. Gũñaturanĩrã, õãrõ pẽmasĩrã, Marĩpũ ãgũ masĩrĩ sĩrĩrẽ oparã ããrĩrãkoa.

5 Mʉsã masĩrĩrẽ opamerã, Marĩpʉre sërẽka! Mʉsã sërẽmakũ pẽgu, mʉsãrẽ sĩgukumi. Neõ turiro marĩrõ merã ããrĩpererã ãgũrẽ sërẽrãrẽ wãri masĩrĩ sĩgukumi.

6 Irasirirã irire sërẽrã: “¿Yure sĩgukuri?” ãrĩ gũñamerãta bʉremurĩ merã sërẽka! Sugũ: “¿Yure sĩgukuri, o sĩbirikuri?” ãrĩ gũñarikũgu, dia wãdiyama makũrĩ gorawayuro irirosũ ãgũ gũñarĩrẽ gorawayunakumi.

7 Irasirĩgu: “¿Yure sĩgukuri, o sĩbirikuri?” ãrĩ gũñagũ: “Marĩ Opʉre sërẽrĩrẽ opagũkoa”, neõ ãrĩ gũñabirikõãburo.

8 Sunarẽ gajirosũ, gajĩnarẽ gajirosũ gũñami. Irasirĩgu: “Ãsũ irigũra”, ãrĩ gũñabirisĩã, keoro neõ irimasĩbemi.

9 Sugũ ubu ããrĩgũ ããrĩkeregu, Jesũre bʉremusĩã, Marĩpũ ãũrõrẽ ubu ããrĩgũ meta ããrĩmi. ãgũyagu ããrĩmi. Irasirĩgu ʉsuyaburo.

10 Gajĩgu wãri doebiri opagu, ãgũya doebiri peremakũ ããkeregu, Jesũre bʉremusĩã, ʉsuyaburo. Marĩpũ ãũrõrẽ ãgũya doebiri ubu ããrĩrĩ ããrã. Tá goori irirosũ pererokoa.

11 Abe mʉrĩja, bũro asimakũ, tá ñãã, iri gooride ñããdijakoa. Iri goori õãrĩ ããrĩkerero, pereakõãkoa. Ãsũta waakoa doebiri opagure. ãgũ moãrĩ merãta boakumi.

### *Ñerõ taririre, irasũ ããrĩmakũ ñerõ iridũarire gojadea*

12 Jesũre bʉremugũ ñerõ tarikeregu: “Marĩpũ yure iritamugakumi”, ãrĩ bʉremurĩrẽ piribi, ʉsuyami. ãgũ gũñaturari merã tariwederero pũgu, Marĩpũ ãgũrẽ: “Õãrõ irimi”, ãrĩgukumi. Irasirĩgu ãgũrẽ ẽmũgasigue perebiri okari

sĩgukumi\* . Āārĩpererā ĩgūrē maĩrārē: “Iri okarire sĩara”, ārĩdi āārĩmĩ.

13 Sugũ ñerĩrē iridũagu: “Marĩpu yũre ñerō iridũamakũ yámi”, ārĩ gũñabirikōāburo. Marĩpu neō ñerĩrē iridũabemi. Irasũ āārĩmakũ, neō marĩrē ñerō iridũamakũ iribemi.

14 Āsũ gapũ āārā. Masaka ĩgũsā ñerĩ ƚaribejari gũñarĩrē piribirimakũ, iri gũñarĩ ĩgũsārē ñerō iridũamakũ yáa.

15 Irasirirā ĩgũsā ñerĩ ƚaribejari gũñarĩrē pirimerā, pũrũ iri ñerĩ ƚaribejarire irirākuma. Iri ñerĩ iririre pirimerā, pũrũ perebiri peamegue waarākuma.

16 Yaarā yũ maĩrā, diayeta gũñaka! “Marĩpu yũre ñerō iridũamakũ yámi”, neō ārĩ gũñabirikōāka!

17 Marĩpu āmũgasigue āārĩgũ marĩrē ōārĩ, diayema ditare sĩmi. ĩgũ abe āmũmurē, ñamimurē, neñukādere iridi āārĩmĩ. Neō gorawayubemi. Irasirigũ ĩgũ āārĩderosũta āārĩnikōāgukumi.

18 ĩgũ gāāmederosũta ĩgũya kere diayema āārĩrĩ merā marĩrē ĩgũyarā āārĩmakũ iridi āārĩmĩ, ĩgũ pũrā āārĩpũroriburo, ārĩgũ.

*Marĩpũya kerere pérā, ĩgũ dorerosũta irika! ārĩ gojadea*

19 Yaarā yũ maĩrā, ire masĩka! Mũsā āārĩpererārē Marĩpũya kerere ōārō péro gāāmea. Gajirā mũsārē weremakũ pérā, ōārō gũña odorāgue ĩgũsārē wereka! Mata guabirikōāka!

20 Sugũ noō gāāmerō guagu, Marĩpu gāāmerĩrē iribemi.

21 Irasirirā āārĩpereri mũsā ñerō gũñarĩrē, ñerĩ iririre pirikōāka! Marĩpũya kerere mũsā pédeare bũremurĩ merā ōārō irika! ĩgũya kerere pémakũ, ĩgũ turari merā mũsārē peamegue waabonerārē taugukumi.

22 ĩgũya kere pédeare ōārō irika! Iri kerere pékererā, irire irimerā, mũsā basi ārĩkatori merā: “Ōārō yáa”, ārĩ gũñarākoa.

23 Mũsā Marĩpũya kerere pékererā, irire irimerā, sugũ masakũ ĩgũya diapure diuru merā āĩñagũ irirosũ āārā.

24 ĩgũya diapure āĩñadero pũrũ, gajirogue waa, ĩgũ deyorire mata kātiakōākumi. Irasirirā, ĩgũ kātiderosũta Marĩpũya kerere péadero pũrũ, mata kātikōāa.

25 Gajigũ gapũ Marĩpũya kere pédeare gũñanĩgũ, kātibirikumi. Irasirirā, ĩgũ irirosũ irirā, marĩ pédeare kātibirikoa. Marĩpu dorerire irinĩrākoa. Irasirigũ Marĩpu marĩrē marĩ iriri merā ƚũyamakũ irigukumi. ĩgũ doreri

\* **1:12** Sugũ ũma birarimasũ gajirā nemorō ōārō ũmagũ, olivo wāĩkũdima pũrĩ merā iridea berore wajatakumi. Masaka iri berore ĩgũya dipurugue peokuma, gajirārē ĩgũ wajatadeare ĩmurā. I irirosũ, sugũ Jesũre bũremugũ ñerō tarikeregu: “Marĩpu yũre iritamugukumi”, ārĩ bũremurĩrē piribi, āmũgasigue perebiri okari wajatagukumi. Iri āmũgasigue perebiri okari wajatari, i berore wajatari irirosũ āārā.

keoro ããrã. Irire marĩrẽ pídi ããrĩmí, iri merã ìgũ gããmerĩrẽ irimasĩburo, ãrĩgũ.

<sup>26</sup> Sugũ: “Marĩpũre bũremua”, ãrĩ gũñakeregũ, gajirãrẽ werewũarire, ìgũsãrẽ ñerõ werenĩrĩrẽ piribirimakũ, ìgũ: “Marĩpũre bũremua”, ãrĩrĩ wajamãa. Ìgũ basita ãrĩkatogu yãmi.

<sup>27</sup> Marĩ diayeta Marĩpũ ããrĩnĩgũrẽ bũremurã, ãsũ iriro gããmea. Pagũsãmarã marĩrãrẽ, wapiweyarãdere ìgũsã ñerõ tarimakũ ìãrã, ìgũsãrẽ iritamurõ gããmea. I ùmũ marã ñerĩ irirã irirosũ iribirikõãrõ gããmea.

## 2

### *Masakare surosũ ìãka! ãrĩ gojadea*

<sup>1</sup> Yaarã, mũsãrẽ Jesucristo marĩ Opũ õãtarigũre bũremurã masakare surosũ ìãrõ gããmea. Surãyeri masakare õãrõ irirã, gajirãdere õãrõ irika!

<sup>2-3</sup> Mũsãrẽ i keori merã weregũra. Wãri doebiri opagũ oro merã iridea mojõsũrĩ túsãrĩ berorĩre opagũ õãrĩ surĩ sãñagũ, mũsã Jesũre bũremurã nerẽrõgue aarimakũ ìãrã, ìgũrẽ õãrõ merã: “Õõ, i õãrĩ doaripẽrõgue doaka!” ãrĩbukoa. Gajigũ bopogũ boaro daro surĩro sãñagũ aarimakũ ìãrã, ìgũ gapũre õãrõ bokatĩrĩñeãbiribukoa. Gajipoe irirã ìgũrẽ: “Irota dujaka!” o “Õõ yebague doaka!” ãrĩbukoa.

<sup>4</sup> Mũsã ìgũsãrẽ surosũ ìãmerã, ñerõ gũñarĩ merã: “Wãri doebiri opagũ, bopogũ nemorõ ããrĩmĩ”, ãrĩrã yãa.

<sup>5</sup> Yaarã yũ maĩrã, yũre pẽka! Marĩpũ i ùmũgue: “Boporã ããrĩma”, masaka ãrĩrãrẽ beyedi ããrĩmĩ, ìgũrẽ wãro bũremurĩ opamurãrẽ. Ìgũrẽ maĩrãrẽ: “Sĩgũra”, ãrĩdeare ìgũyarãrẽ dorerogue opaburo, ãrĩgũ, ìgũsãrẽ beyedi ããrĩmĩ.

<sup>6</sup> Marĩpũ boporãrẽ beyekeremakũ, mũsã gapũ ìgũsãrẽ bũremubea. Doebiri oparã gapũ mũsãrẽ bũro poyari merã moãdorenama. Ìgũsãta mũsãrẽ weresãrĩrẽ beyerimasã pũroguere weresãmurã ãiwãgãnama.

<sup>7</sup> Mũsã: “Jesús õãgũyarã ããrĩma”, ãrĩsũrã ããrã. Doebiri oparã gapũ ìgũyamarẽ ñerõ werenĩrã ããrĩma.

<sup>8</sup> Marĩpũ marĩrẽ doregũ ìgũ dorerire gojadea pũgue ãsũ ãrĩdi ããrĩmĩ: “Mũ basi maĩrõsũta mũ pũro ããrĩrãdere maĩka!” Mũsã i dorerire irirã, õãrĩrẽ irirã yãa.

<sup>9</sup> Mũsã gajirãrẽ surosũ ìãmerã ñerõ irirã yãa. Marĩpũ doreri gojadea pũgue irasirirãrẽ ãsũ ãrĩ gojasũdero ããrĩbũ: “Marĩpũ dorerire tarinũgãrã ããrĩma”.

<sup>10</sup> Sugũ ããrĩpereri Marĩpũ dorerire irikeregũ, su wãirẽ tarinũgãgũ, ñerõ iridea wajare opami. Irasirigũ ããrĩpereri Marĩpũ dorerire tarinũgãgũ irirosũ ããrĩmĩ.

11 Marĩpu ãsũ ãrĩdi ããrĩmĩ: “Gajigu marãpo merã ñerõ iribirikõãka!” Gajidere ãrĩdi ããrĩmĩ: “Masakare wējēbirikõãka!” Irasirigu sugu, gajigu marãpo merã ñerõ iribirikeregu, masakare wējēgũ, Marĩpu dorerire tarinugãgũ ããrĩmi. Ñerõ iridea waja, waja opami.

12 Marĩpu ĩgũ dorerire marĩrē pídi ããrĩmĩ, iri merã ĩgũ gããmerĩrē irimasĩburo, ãrĩgũ. ĩgũ masakare ĩgũsã ñerõ iridea waja, wajamoãgũ ããrĩmi. ĩgũ dorerire marĩ irideare: “Õãgorabu”, marĩ iribirideare: “Ñegorabu”, ãrĩ beyegukumi. Irasirirã ĩgũ dorerire irika! ĩgũ gããmerõsũta werenĩka!

13 Marĩpu ĩgũ ããrĩpererã ñerãrē peamegue wajamoãrĩnu ejamakũ, masakare bopoñarĩ merã ĩãmerãrē bopoñarĩ merã ĩãbirikumi. Gajirãrē bopoñarĩ merã ĩãrã gapure bopoñarĩ merã ĩãgukumi. ĩgũsãrē wajamoãbirikumi.

*Jesúre b̃remurĩrē, irasũ ããrĩmakũ õãrĩ iririre gojadea*

14 Yaarã, ire péka! Sugu õãrĩrē iribi: “Jesúre b̃remua”, ãrĩrĩ wajamáa. Irire ãrĩrĩ merã dita tausũbirikumi. Peamegue waagukumi.

15 Jesúre b̃remugũ, o Jesúre b̃remugõ, surĩ gorawayumerã, baari mérõgã opamakũ ĩãrã, ¿nasirirãkuri m̃sã?

16 ĩgũsãrē: “Õãrõ waaburo m̃sãrē. Õãrĩ surĩ bokarã, baayapirã waaka!” ãrĩrã, ĩgũsã gããmerĩ gapure sĩbirimakũ, m̃sã ãrĩrĩ neõ wajamáa.

17 I irirosũ ããrã. Sugu: “Jesúre b̃remua”, ãrĩgũ, õãrĩ gapure iribirimakũ, ĩgũ: “Jesúre b̃remua”, ãrĩrĩ neõ wajamáa.

18 Gajipoe irigu yu wererire péduabi gapu yure ãsũ ãrĩbukumi: “Sugu Jesúre b̃remurĩ opami. Gajigu gapu Jesúre b̃remubirikeregu, õãrĩrē yámi”, ãrĩbukumi. ĩgũ irasũ ãrĩmakũ pégu, yu ĩgũrē ãsũ ãrĩbukoa: “Masaka sugu õãrĩ iririre neõ ĩãbirikererã, ĩgũrē: ‘Jesúre b̃remugũ ããrĩmĩ’, ãrĩmasĩbirikuma. Gajigu gapu ĩgũ õãrĩ iriri merã gajirãrē ĩgũ Jesúre b̃remugũ ããrĩrĩrē masĩmakũ yámi”, ãrĩbukoa.

19 M̃sã: “Marĩpu suguta ããrĩmĩ”, ãrĩ b̃remua. M̃sã irasũ ãrĩ b̃remumakũ õãgoráa. Wãtẽa õãrĩrē neõ irimerãde irire b̃remuma. ĩgũsã Marĩpu ããrĩrikurire masĩma. Irasirirã ĩgũrē gũirã, naradama.

20 M̃sã pémasĩmerã ããrã. Irasirigu ire m̃sãrē werenemogura, pémasĩdoregu. Sugu: “Jesúre b̃remua”, ãrĩgũ õãrĩ gapure iribirimakũ, ĩgũ: “Jesúre b̃remua”, ãrĩrĩ neõ wajamáa. Jesúre b̃remugũ meta ããrĩmi.

21 Iripoeguemu marĩ ñekũ Abraham irideare gũñaka! “¿Di-ayeta ĩgũ yure b̃remurĩ?” ãrĩgũ, Marĩpu ĩgũ magũ Isaare ütayeri merã iridea soepeorogue wējē soepeoredi ããrĩmĩ. Irasirigu

Abraham Marĩpu dorederosũta ĩgũ magũrẽ ãĩ wẽjẽbu iridi ããrãdimi. Marĩpu ĩgũ dorerire Abraham tarinũgãbirimakũ ĩãgũ, ĩgũrẽ: “Mũ magũrẽ wẽjẽbirikõãka!” ãrĩdi ããrĩmĩ. Irasirigu ĩgũrẽ: “Diayeta yũre bũremumi, õãgũ ããrĩmĩ”, ãrĩ ĩãdi ããrĩmĩ.

<sup>22</sup> Irasirirã mũsã ire masĩa. Abraham Marĩpũre bũremusĩa, ĩgũ doredeare iridi ããrĩmĩ. Irasũ ããrĩmakũ ĩgũ doredeare irisĩa, Marĩpũre bũremurĩ opatarigu dujadi ããrĩmĩ.

<sup>23</sup> Irasiriro Marĩpũya werenĩrĩ gojadea pũgue Abraham irideare gojaderosũta waadero ããrĩbũ. ãsũ ãrĩ gojasũdero ããrĩbũ: “Abraham Marĩpũre bũremudi ããrĩmĩ. ĩgũ bũremumakũ ĩãgũ: Marĩpu ĩgũrẽ: ‘Õãgũ ããrĩmĩ’, ãrĩ ĩãdi ããrĩmĩ”, ãrĩ gojasũdero ããrĩbũ. Irasũ ããrĩmakũ, Marĩpu ĩgũrẽ: “Abraham, yũ merãmu ããrĩmĩ”, ãrĩdi ããrĩmĩ.

<sup>24</sup> Irasirirã Abrahãyamarẽ gũñarã, mũsã ire masĩa. Sugũ: “Marĩpũre bũremua”, ãrĩgũ, õãrĩ gapũre iribirimakũ ĩãgũ, Marĩpu ĩgũrẽ: “Õãgũ ããrĩmĩ”, ãrĩ ĩãbemi. Gajigu gapũ diayeta Marĩpũre bũremugũ õãrĩrẽ yãmi. Irasirimakũ ĩãgũ, Marĩpu ĩgũrẽ: “Õãgũ ããrĩmĩ”, ãrĩ ĩãmi.

<sup>25</sup> Gaji iripoeguemo ãma merã ñerõ irideo Rahab wãĩkugo irideare gũnaka! Josuẽ iriunerã igoya makãgue ĩãdurirã ejamakũ, ĩgũsãrẽ iritamudeo ããrĩmõ. Igoya makã marã ĩgũsãrẽ boka wẽjẽrĩ, ãrĩgõ, igoya wiigue ĩgũsãrẽ duũdeo ããrĩmõ. Pũru ĩgũsã duri dujariri maarẽ ĩmudeo ããrĩmõ. Igo Marĩpũyarãrẽ iritamurĩ merã Marĩpũre igo bũremurĩrẽ ĩmudeo ããrĩmõ. Irasirimakũ ĩãgũ, Marĩpu igore: “Õãgõ ããrĩmõ”, ãrĩ ĩãdi ããrĩmĩ.

<sup>26</sup> ãsũ ããrã. Masaku yũjũpũrã marĩmakũ, ĩgũya dũpu okabirikoa. Sugũ: “Marĩpũre bũremua”, ãrĩgũ, õãrĩ gapũre iribi, diayeta Marĩpũre bũremubemi. Irasiriro ĩgũ: “Marĩpũre bũremua”, ãrĩrĩ neõ wajamãa. Yũjũpũrã marĩrĩ dũpu, boari dũpu irirosũ ããrã.

### 3

#### *Marĩya disi wiririre gojadea*

<sup>1</sup> Yaarã, ire mũsã masĩa. Marĩpu gua ĩgũyare buerimasã buerire, gajirã moãrĩmasã iriri nemorõ ĩã beyegakumi. ĩgũyare keoro buebirimakũ ĩãgũ, gajirã nemorõ guare wajamoãgukumi. Irasirirã mũsã watopegue ããrĩrã mërãgã dita gajirãrẽ buerimasã ããrĩburo.

<sup>2</sup> Marĩ ããrĩpererã wãri õãrõ iribirire yãa. Sugũ ñerĩ neõ werenĩbi: õãgũ Marĩpu gããmerĩ ditare irigu ããrĩmĩ. Gaji ñerõ iriridere neõ iribemi. ĩgũ ñerĩ werenĩrĩ ĩgũya disi wiririre kãmutamasĩgũ, ããrĩpereri ĩgũya dũpũgue ããrĩrĩ merã gaji ñerõ iriridere kãmutamasĩmi.



<sup>3</sup> Marĩ werenĩrĩmarẽ keori merã weremakũ i irirosũ ããrã. Marĩ kõme berore caballuya disire túsakoa. Irasirirã i berogã merã, ĩgũ wãgu waibu ããrĩkeremakũ, tũãgãmenũ, marĩ waadũaro waamakũ irikoa.

<sup>4</sup> Doódirude irasũta ããrã. Iriru wádiru ããrĩkeremakũ, mirũ buru wẽjãpukeremakũ, wejatugu mérĩ majĩgã merã dita iriru waarõre wejatukumi.

<sup>5</sup> Marĩ werenĩrĩ irasũta ããrã. Marĩya nediru médirugã ããrĩkeremakũ, marĩya disi wári: “Masĩtaria”, ãrĩ werenĩrĩ wiria. ãsũ ããrã. Peame marĩ mérĩmegã diiukeremakũ, wári makãnúurẽ ãjũmakũ irikoa.

<sup>6</sup> Irasiriro marĩya disi nediru merã ñerĩ werenĩrĩ, i peame irirosũ ããrã. Marĩya dupugue, marĩya nediru su wãĩgã ããrĩkeremakũ, marĩ ñerĩ werenĩrĩ marĩrẽ ããrĩpereri gajirosũperi ñerĩrẽ irimakũ irikoa. Irasiriro peame gajinorẽ ãjũwãgã, poyanorẽrõ irirosũ, marĩ ñerĩ werenĩrĩ, marĩ i ãmugue okarinurĩrẽ õãrõ ããrĩrĩrẽ poyanorẽmakũ yáa. Marĩ ñerĩ werenĩrã, wãtĩ ñerĩ iridorerire irirã yáa.

<sup>7</sup> Masaka ĩgũsãyarã ejorãrẽ kãmutarosũ ããrĩpererã makãnúurẽ marã waimurãrẽ, wúrãrẽ, pĩrũãrẽ, dia marãrẽ kãmutamasĩma. Neõgoraguedere ĩgũsãnorẽ kãmutamasĩsianerã ããrĩmã.

<sup>8</sup> ĩgũsãrẽ kãmutamasĩkeregu, neõ sugũ masakũ ĩgũ basi ĩgũ werenĩrĩrẽ kãmutamasĩbemi. Irasirirã marĩ ñerĩrẽ werenĩdũabirikererã, ñerĩ werenĩa. ãña kũrĩmakũ ĩgũya nima merã masakare wẽjẽrõ irirosũ, marĩ ñerĩ werenĩrĩ merã gajirãrẽ ñetariro yáa.

<sup>9</sup> Marĩ werenĩrĩ merã Marĩpũ marĩ Opũre: “Õãtaria”, ãrĩ, usũyari sĩa. Marĩ werenĩrĩ merãta masakare: “Ñerõ waaburo ĩgũsãrẽ”, ãrĩ werenĩa. Marĩpũ marĩ masaka ããrĩpererãrẽ ĩgũ irirosũ ããrĩmakũ irikeremakũ, marĩ gãme ñerõ werenĩa.

<sup>10</sup> Su disita õãrĩ werenĩrĩ, irasũ ããrĩmakũ ñerĩ werenĩrĩ wiria. Yaarã, irasiribirikõãrõ gããmea.

<sup>11</sup> Deko wiriri gobere õãrĩ wiriro, ñerĩ wiribirikoa.

<sup>12</sup> Yaarã, mũsã ire masĩa. Higuera gu, igui dukakũbirikoa. Iguigu, higuera dukakũbirikoa. Misõrĩ deko wiriri gobere moãkũri dekode wiribirikoa. Marĩde i irirosũ õãrĩ ditare werenĩrõ gããmea.

### *Diayema masĩrĩ ãsũ ããrã, ãrĩ gojadea*

<sup>13</sup> Mũsã watopegue sugũ õãrõ masĩgũ ããrĩgũno, õãrĩrẽ irinikõãburo. “Gajirã nemorõ masĩtarinũgãa”, ãrĩbi, ĩgũ masĩrĩ merã õãrĩrẽ iriburo. Irasirimakũ iãrã, gajirã ĩgũrẽ: “Õãrõ masĩmi”, ãrĩrãkuma.

<sup>14</sup> Mũsã gajinorẽ oparãrẽ buru ubu iãturirã, ĩgũsã nemorõ ããrĩdũarã, mũsãya ããrĩburi ditare iridũarã: “Masĩtarinũgãa”, ãrĩ

gũñabirikõãka! Mũsã irasũ ãrĩ gũñarã, ãrĩkatorikurã, diayema ããrĩrĩrẽ keoro werenĩrã meta yãa.

15 Mũsã: “Masĩtarinũgãa”, ãrĩ gũñarĩ, Marĩpu gũñarĩ sĩrĩ ããrĩbea. I mũmũ marã gũñarĩ, wãtĩya ããrã.

16 Masaka gajirãrẽ ubu iãturi, ĩgũsãya ããrĩburi ditare iridũarã, gãme guaseonĩrã ããrĩma. ããrĩpereri gajirosũperi ñerĩrẽ yãma.

17 Marĩpu masĩrĩ sĩrĩ oparã gapũ õãrã ããrĩma. Gãme guaseodũamerã, gajirãrẽ iritamurã, gajirã wererire bũremurĩ merã pãrã, bopoñarĩ merã iãrã, õãrĩrẽ irirã, masakare surosũ iãrã, irikatoro marĩrõ irinĩrã ããrĩma.

18 Gajirã merã õãrõ ããrĩdũarã, gãmekẽãrõ marĩrõ õãrõ siñajãrĩ merã ããrĩmakũ iridũarã, diayema iririre irinĩrã ããrĩma.

## 4

*I mũmũmarẽ gããmerã, Marĩpure gããmebema, ãrĩ gojadea*

1 ¿Nasirirã gãme guaseo, gãmekẽãrĩ mũsã? ãsũ ããrã. Mũsã gũñarĩgue mũsã ñerĩrẽ iridũari, õãrĩrẽ iridũari merã gãmekẽãrĩ irirosũ ããrã.

2 Gajinorẽ mũsã gããmea. Irasirirã irire opabirisĩã, masakare wẽjẽa, ĩgũsãyare emadũarã. Gajigu gajinorẽ opamakũ iãrã, ĩgũrẽ ubu iãtura. Irasirirã ĩgũyare opabirisĩã, gãme guaseo, gãmekẽãa. Mũsã Marĩpure sãrẽbirisĩã, mũsã gããmerĩrẽ opabea.

3 Gajipoere gajinorẽ sãrẽkererã, ñerõ gũñarĩ merã sãrẽa. Mũsã basi mũsã ñerĩ uribejari ditare iridũarã sãrẽa. Irasirigu Marĩpu mũsã sãrẽrĩrẽ sĩbemi.

4 Mũsã sugo nomeõ marãpũkũgo ããrĩkerego gajigũre gããmegõ irirosũ ããrã. ¿Mũsã ire masĩberi? Sugũ i mũmũ marã ñerĩrẽ irirã irirosũ iridũagu, Marĩpure gããmebemi. I mũmũ marã ñerĩrẽ irimakũ iãgũ: “Īgũsã irirosũ irigũra”, ãrĩ gũñagũ, Marĩpure iãturigu dujami.

5 Marĩpũya werenĩrĩ gojadea pũgue irire ãsũ ãrĩ gojasũdero ããrĩbũ: “Marĩpu Õãgũ deyomarĩgũrẽ marĩrẽ pĩdi ããrĩmĩ marĩ merã ããrĩbure. Õãgũ deyomarĩgũ marĩrẽ maĩgũ, marĩ ñerĩrẽ iridũamakũ gããmebemi”, ãrĩ gojasũdero ããrĩbũ. Iri gojadea ubu ããrĩrĩ meta ããrã. ããrĩrõma ããrã.

6 Irasirigu Marĩpu marĩ ñerĩrẽ irinemobirikõãburo, ãrĩgũ, marĩrẽ bopoñarĩ merã iã, õãrõ iritamumi. Irasiro ĩgũya werenĩrĩ gojadea pũgue ãsũ ãrĩ gojasũdero ããrĩbũ: “‘Gajirã nemorõ ããrã’, ãrĩ gũñagũrẽ Marĩpu iritamubemi. ‘Yũ ubu ããrĩgũ ããrã, yũre iritamuka!’ ãrĩgũ gapũre õãrõ iritamumi”, ãrĩ gojasũdero ããrĩbũ.

7 Irasirirā Marīpu dorerire buremurī merā irika! Wātī dorerire iribirikōāka! Mūsā ĩgūrē pébirimakū ĩāgū, mūsārē piri, duriwāgākōāgukumi.

8 Marīpu pꝛogꝛue ĩgūrē: “Yꝛ merā āārīka!” ārī ejanugārā irirosū irika, ĩgūrē masīnemoduarā! Irasirimakū ĩāgū, mūsā pꝛogꝛue ejanugāgū irirosū irigukumi mūsārē iritamunemobu. Mūsā ñerō irirā āārā. Irasirirā ñerō iririre pirika! Mūsā Marīpuyare irirā, o i ũmꝛ marā irirosū irirā: “Ōāgoráa”, ārī gūñadāa. Ire irasū ārī gūñabirikōāka! I ũmꝛ marā irirosūta ñerīrē irimakū, ñegorāa. Marīpuya ditare irimakū, ōāa.

9 Mūsā ñerō iririre gūñarā, usuyari merā burirono irirā, bujawereri merā oreka! Mūsā ñerō iririre gꝛyasīrīrī merā, bujawereka!

10 Marī Opꝛue: “Mꝛ ĩūrōrē yꝛ ñegū, ubu āārīgū āārā, irasirigꝛu yꝛe iritamuka!” ārī sērēka! Mūsā irasū ārī sērēmakū: “Mꝛē iritamugꝛa, yaagꝛ, ōāgū āārā”, ārī ĩāgukumi.

*Mūsā Jesúre buremurā mūsā basi gāme werewꝛabirikōāka! ārī gojadea*

11 Yaarā, mūsā Jesúre buremurā mūsā basi gāme werewꝛabirikōāka! Gajirārē ñerī werenírā, o ĩgūsārē werewꝛarā, Marīpu marīrē gāme maĩdoredeare tarinugārā yāa. Iririre tarinugārā: “Iri doreri ōābea”, ārīrā irirosū yāa. Irasirirā Marīpu dorerire: “Ōābea”, ārī werewꝛarā: “Yꝛ Marīpu nemorō doremasīa”, ārīrā irirosū yāa.

12 Marīpu sugꝛta masakare ĩgū dorerire pídi āārīmí. ĩgū sugꝛta ĩgūsā iririre ĩā beyemasīmi. Masakare taumasīmi, o peamegue béomasīmi. Irasirirā mūsā gapꝛ: “Gajirā masakare werewꝛamasīa”, ārī gūñabirikōāka!

*Ñamigāgue marī iriburire masībirimarē gojadea*

13 Dapagorare gajire weremakū, ōārō péka! Mūsā surāyeri: “Dapagā, o ñamigā gaji makāgue su bojori moā, wáro niyeru wajatarākoa”, ārī werenía. Irasū ārī werenírārē āsū ārī weregꝛa.

14 Mūsārē ñamigāgue waaburire neō masībea. Marī i ũmꝛgue okari, ĩmíkā boyoripoe duji, mérōgā pꝛꝛ perero irirosū āārā. Marī i ũmꝛgue āārī, mérōgā pꝛꝛ boakōārākoa.

15 Irasirirā mūsārē āsū ārī werenírō gāāmea: “Marīpu gāāmemakū, okarākoa ire, o gajire irimurā”.

16 Mūsā gapꝛ: “Marī masīa, irasirirā marī gāāmerō āsū irirākoa”, ārī werenía. Iri āārīpereri mūsā irasū ārī werenírī, ñegorāa.

17 Irasirirā: “Marī āsū irirā, ōārīrē irirākoa”, ārī masīkererā, irire irimerā, ñerīrē irirā yāa.

## 5

*Wári doebiri oparãre waaburire gojadea*

<sup>1</sup> Mũsã wári doebiri oparã yare péka! Mũsã ñerõ tarirãkoa. Irasirirã ire gũña, buro bujawererĩ merã gaguinĩ oreka!

<sup>2</sup> Mũsãya doebiri boakõãrokoa. Mũsãya surĩre burua baarãkuma.

<sup>3</sup> Mũsã niyeru koeri, oro, plata merã iridea koeri mũsã duripídea gurawijiakõãrokoa. Irasũ waamakũ, mũsã niyerure maĩsĩã, duripídeare masĩsũrokoa. I niyeru mũsã maĩrĩ, peame gajinorẽ soebéorosũ mũsãrẽ poyanorẽmakũ irirokoa. Dapagorare mũsã, i mũmũ pererinũ ejaburo dupiyuro, wáro niyerure duripírã yáa. Irire duripírĩ waja buro wajamoãsurãkoa.

<sup>4</sup> Mũsãya pooerire moãnerãrẽ wajaribea. Irasirirã mũsãrẽ: “Gũare mũsã ãrãderosũta wajarika!” ãrĩ gaguinĩma. Īgũsã irasũ ãrĩ gaguinĩrĩrẽ marĩ Opũ Īgũrẽ wereboerãrẽ doregũ pémi.

<sup>5</sup> Mũsã i mũmũgue okarã, wári doebiri opáa. Mũsã opari merã mũsã gããmerĩ ditare yáa. Mũsã irasiriri waja wajamoãsurãkoa. Wekũre Īgũsã wẽjẽburi dupiyuro õãrõ baa, diĩkũgũ irirosũ ããrã.

<sup>6</sup> Mũsã ñerõ irimerãrẽ: “Ñerõ yáma”, ãrĩ, peresugue ãĩwãgã: “Wẽjẽka!” ãrã, mũsã Īgũsãrẽ iririre kãmutamasĩña marĩrõ.

*Jesucristo i mũmũgue dupaturi aariburire marĩrẽ õãrõ yũro gããmea, ãrĩ gojadea*

<sup>7</sup> Irasirirã yaarã, marĩ Opũ Jesucristo i mũmũgue dupaturi aariburire gũñaturari merã õãrõ yũka! Pooe opũ Īgũ otedea dukakũburire õãrõ yũkumi. Īgũya pooere otedero purũ, deko merẽburire, irasũ ããrĩmakũ Īgũ otedea puri, masãburire õãrõ yũkumi.

<sup>8</sup> Mũsãde Īgũ irirosũta õãrõ yũka! Marĩ Opũ dupaturi aariburo mérõ dũyáa. Irasirirã gũñaturari merã Īgũrẽ buremurĩrẽ neõ piriro marĩrõ merã Īgũ aariburire õãrõ yũnĩkõãka!

<sup>9</sup> Yaarã, Marĩpũ mũsãrẽ wajamoãrĩ, ãrĩrã, gãme turibirikõãka! Īgũ ããrĩpererã ñerãrẽ wajamoãgũ aariburo mérõ dũyáa.

<sup>10</sup> Yaarã, iripoegue marãrẽ marĩ Opũya kerere weredupiyunerãrẽ gũñaka! Marĩ Opũyare weredea waja gajirã Īgũsãrẽ ñerõ irinerã ããrĩmã. Īgũya kerere weredupiyunerã gapũ ñerõ tarikereã, Īgũyare wereduúbirinerã ããrĩmã. Īgũsãrẽ ñerõ irirãrẽ ñerõ iribirinerã ããrĩmã. Irasirirã mũsãde Īgũsã iriderosũta irika!

<sup>11</sup> Ñerõ tarikereã marĩ Opũre buremurĩrẽ neõ piribirinerãrẽ gũñarã: “Marĩ Opũ õãrõ iritamunerã, mũmũyari bokanerã ããrĩmã”, ãrĩ gũñáa. Iripoeguemu Job wãĩkũgũ

ñerō taridea kerere musā pébu. Īgū buro ñerō tarikeregu, marī Opure buremurīrē piribiridi āārīmí. Irasirigu Īgū ñerō taridero puru, marī Opu Īgūrē maīgū Īgūrē bopoñarī merā ĩāsĩā, wári ōārīrē iridi āārīmí. Irasirirā, Īgū marīdere maīrīrē, Īgū marīdere bopoñarī merā ĩārīrē musā masīa.

12 Yaarā, gaji yu wererire gopeyari merā ōārō péka! Musā gajirārē wererā, āsū ārī werebirikōāka: “Ŭmugasima merā āsū irigura”, o “I nikūma merā āsū irigura”, ārībirikōāka! Musā gajirārē wererā, ārīkatori marīrō su diayeta wereka! Gajinorē irianerā: “Iriabu”, ārīka! “Āsū irirāra”, ārīrā, irika! “Āsū iribirikoa”, ārīrā, iribirikōāka! Marīpu wajamoābirikōāburo, ārīrā, irasirika!

13 Musā ñerō tarirā, Marīpure: “Iritamuka yure!” ārī sērēka! Ŭshuyari merā āārīrā, bayapeori merā Īgūrē: “Ōātaria mu”, ārī, usuyari sīka!

14 Sugū pūrīrikugū, Jesúre buremurā oparārē siuburo. Īgūsā Īgūrē uye merā piupeo, marī Opure: “Jesús, ĩ mūrē buremugūrē tauka!” ārī sērēbosarākuma.

15 Īgūsā marī Opure buremurī merā sērēmakū, marī Opu Īgūrē taugukumi. Irasirigu Īgūrē pūrīrī marīgū dujamakū irigukumi. Pūrīrikuadi ñerō iridi āārīmakū, Marīpu Īgū ñerō irideare kātīgukumi.

16 Irasirirā musā ñerō irideare gāme weretarika! Irasū āārīmakū, Marīpure musāya āārīburire gāme sērēbosaka! Irasirika, Marīpu musārē pūrīrī marīrā āārīburo, ārīrā! Ōārīrē iririkugū buro buremurī merā gajirāya āārīburire Marīpure sērēbosamakū, Marīpu Īgū sērērōsūta irigukumi.

17 Iripoeguemu Marīpuya kerere weredupiyudi Elías wāikugū marīsūta masakū āārīdi āārīmí. Īgū āārīdeapogue marā ñerō irimakū ĩāgū, Marīpure: “Deko merēbirimakū irika!” ārī, buro buremurī merā sērēdi āārīmí. Marīpu Īgū sērērīrē pé, ure bojori gaji bojori dekogora, Īgūsāya nikūrē deko merēbirimakū iridi āārīmí.

18 Puru Marīpure: “Deko merēmakū irika doja!” ārī sērēdi āārīmí. Īgū sērēmakū, deko merēdero āārībú. Irasū waamakū, Īgūsāya nikūrē dupaturi oteri puri dukakūdero āārībú.

19 Yaarā, sugū musā merāmu diayema āārīrīrē irinemobirimakū ĩārā, dupaturi Marīpuyare irimakū irirā, Īgūrē ōārō irirā irikoa.

20 Ire masīka! Musā sugū ñerō irigure Īgū ñerō iririre pirimakū irirā, Īgūrē ōārō irirā irikoa. Marīpu Īgūrē peamegue waabodire taugukumi. Īgū wári ñerī irideare kātīgukumi.

# 1 SAN PEDRO

## *Pedro Jesúre bɔremurã waasirinerãrẽ gojadea*

<sup>1</sup> Yɔ Pedro mɔsãrẽ õãdorea. Jesucristo yɔre ãgũyare buedoregɔ beyemi. Irasirigɔ mɔsãrẽ, mɔsãya nikũrẽ wiri, gajirogue Ponto, Galacia, Capadocia, Asia, Bitinia wãikurĩ nikũgue waasirinerãrẽ i pũrẽ gojáa.

<sup>2</sup> Marĩpɔ ããrĩnĩgũ dupiyurogue mɔsãrẽ: “Yaarã ããrĩma”, ãrĩderosũta beyedi ããrĩmĩ. Õãgũ deyomarĩgũ merã mɔsãrẽ ãgũyarã ããrĩmakũ iridi ããrĩmĩ, Jesucristo gããmerĩrẽ iriburo, ãrĩgũ. Jesucristo dí béori merã ñerĩrẽ koesũnerã ããrĩburo, ãrĩgũ, irasiridi ããrĩmĩ. Mɔsãrẽ õãrõ iritamũ, siñajãrĩ merã ããrĩdero nemorõ ããrĩrikumakũ iriburo.

## *Jesúre bɔremurã Marĩpɔ merã õãrõ ããrĩnĩburire gojadea*

<sup>3</sup> Marĩpɔre, marĩ Opɔ Jesucristo Pagɔre: “Õãtaria mɔ”, ãrĩ, ɔsɔyari sĩrã! ãgũ marĩrẽ bɔro bopoñasĩã, Jesucristore boadiguere masũrĩ merã marĩrẽ dupaturi deyoarã irirosũ ãgũ pũrã ñajãmakũ iridi ããrĩmĩ. Irasirigɔ ãgũ merã marĩ õãrõ ããrĩnĩkõãburire masĩmakũ yãmi.

<sup>4</sup> Irasirirã, ãgũyarãrẽ: “Õãrĩrẽ sĩgɔra”, ãrĩdeare marĩ opaburire ɔsɔyari merã yũrã yãa. ãgũ marĩrẽ sĩburi: ãgũ ãmũgasigue õãrĩ opari, neõ pereburi, boaburi meta ããrã.

<sup>5</sup> Marĩpɔ marĩrẽ ãgũrẽ bɔremurãrẽ ãgũ turari merã koremi. Irasirigɔ, i ãmũ peremakũ, ãgũ marĩrẽ peamegue waabonerãrẽ: “Taugɔra, yɔ merã ããrĩnĩkõãrãkuma”, ãrĩdeare iriyuwarikurire masĩmakũ irigukumi.

<sup>6</sup> Marĩ mérõgã i ãmũgue ããrĩrõpa wãri gajirosũperi ñerõ tarikererã, ãmũgasigue Marĩpɔ marĩrẽ sĩburire gũñarã, bɔro ɔsɔyari merã ããrã.

<sup>7</sup> Ñerõ tarikererã, marĩ diayeta Marĩpɔre õãrõ bɔremunĩrĩ, oro nemorõ wajakɔa. Oro wajakukerero, pereburi ããrã. Masaka irire peamegue soekuma õãrĩ oro dita dujaburo, ãrĩrã. Irasũta marĩ ñerõ tariri merã diayeta Marĩpɔre õãrõ bɔremunĩrã dujarãkoa. Irasirigɔ, Jesucristo dupaturi aarimãkũ, Marĩpɔ marĩrẽ: “Õãrõ iribɔ, irasirirã yɔ pɔro yɔ merã ããrĩnĩkõãrãkoa”, ãrĩgukumi.

<sup>8-9</sup> Mɔsã Jesucristore ãgũ i ãmũgue ããrĩmakũ ããbirinerã ããrĩkererã, ãgũrẽ maĩa. Dapagoradere ãgũrẽ ããbirikererã, gũñaturari merã ãgũrẽ bɔremua. Mɔsã ãgũrẽ irasũ bɔremunĩmakũ, Marĩpɔ mɔsãrẽ peamegue waabonerãrẽ tarimãkũ irigukumi. Irasirirã mɔsã Marĩpɔ pɔroque

waaburire gũñarā, irogue eja, usuyarosũ buro usuyāa. I usuyari oparire werenĩ merā weremasĩña maa.

<sup>10</sup> Iripoegue Marĩpũya kerere weredupiyunerā ĩgũ mʉsārē ōārō iritamugũ taaburire werenerā āārĩmā. Irire werekererā, pemasĩbirinerā āārĩmā. Irasirirā irire masĩduarā, bue, gũñamanerā āārĩmā.

<sup>11</sup> Ōāgũ deyomarĩgũ Cristo ĩgʉsārē iriudi iritamurĩ merā Cristo ñerō tari, boadigue masā, ũmʉgasigue mʉrĩa, pʉrũ āārĩpererā Opũ āārĩburire weredupiyunerā āārĩmā. Irasirirā: “¿Noā irasũ waagukuri, ñaásũ āārĩmakũ irasũ waarokuri?” ārĩ masĩduarā, irire bue, gũñamanerā āārĩmā.

<sup>12</sup> Marĩpũ ĩgʉsā masĩmakũ gāamegũ, ĩgʉsārē āsũ ārĩdi āārĩmĩ: “Mʉsā āārĩripoe i irasũ waabirikoa dapa. Pʉrũ marā gapũ irire ĩārākuma”, ārĩdi āārĩmĩ. Dapagorare Marĩpũ marĩrē tauri kerere wererā ĩgʉsā iripoegue weredeareta mʉsārē werema. Ōāgũ deyomarĩgũ Marĩpũ ũmʉgasigue merā iriudi iritamurĩ merā mʉsārē irire werema. Marĩpũ Jesucristo iridea merā marĩrē taurire Marĩpũre wereboerāde buro masĩduama.

*Marĩpũ marĩrē ñerĩ marĩrā āārĩdoremi, ārĩ gojadea*

<sup>13</sup> Irasirirā mʉsā iriburire ōārō pemasĩrĩ merā gũñaka! Jesucristo i ũmʉgue dupaturi aarimakũ, Marĩpũ mʉsārē ōārō iritamugũ mʉsā peamegue waabonerārē taaburire gũñanĩkōāka! Irire gũñarā, buro usuyari merā yũka!

<sup>14</sup> Iripoegue mʉsā Marĩpũre masĩburi dupiyuro ñerō ʉaribejarire iriunaderosũta dapagorare neō irinemobirikōāka! Majĩrā ĩgʉsā pagʉsāmarā dorerire tarinʉgāmerā irirosũ Marĩpũ dorerire tarinʉgābirikōāka!

<sup>15</sup> Marĩpũ mʉsārē ĩgʉyarā āārĩdoregũ siiudi, ñerĩ marĩgũ āārĩmĩ. Irasirirā, ĩgũ irirosũ mʉsāde ñerĩ marĩrāta ōārĩ ditare irika!

<sup>16</sup> Marĩpũya werenĩrĩ gojadea pũgue irasũta ārĩ gojasũdero āārĩbũ. Āsũ ārĩdi āārĩmĩ: “Yũ ōāgũ, ñerĩ marĩgũ āārā. Irasirirā mʉsāde ñerĩ marĩrā āārĩka!” ārĩdi āārĩmĩ.

<sup>17</sup> Marĩpũ āārĩpererārē surosũ ĩāgũ, ĩgʉsā irideare: “Iri ōābũ, iri ōābiribũ”, ārĩ weregũ āārĩmĩ. Irasirirā ĩgʉrē: “Gʉapũ”, ārĩrā, i ũmʉgue mʉsā āārĩrōpa gopeyari merā ĩgʉyare irika!

<sup>18</sup> Mʉsā ñekʉsāmarā Marĩpũyare iribirinerā āārĩmā. Mʉsā ĩgʉsā iriderosũ iriri wajamāa. Irasirigũ Marĩpũ mʉsārē ĩgʉsā iriderosũ iriunanerārē taudi āārĩmĩ ĩgʉyare iriburo, ārĩgũ. Mʉsā ire masĩa. Marĩpũ marĩrē taugũ, marĩ ñerō iridea wajare wajaribosadi āārĩmĩ. Irasũ wajaribosagũ, niyeru, oro merā wajaribosabiridi āārĩmĩ. Niyeru, oro pereburi āārā.

<sup>19</sup> Irasirigũ iri wajakuro nemorō marĩ ñerĩ iridea wajare wajaribosadi āārĩmĩ. ĩgũ magũ Cristo boagũ dí béodea merā gapũ marĩ ñerĩ iridea wajare wajaribosadi āārĩmĩ. Oveja majĩgũ

masaka Marĩpure buremurã wějẽ soepeobu õãgũ ããrĩderosũta Cristo õãgũ ñerĩ marĩgũ ããrĩmi.

<sup>20</sup> Marĩpũ i ãmurẽ ĩgũ iriburo dupiyurogueta Cristo ĩgũ boagũ dí béoburire masĩsiadi ããrĩmĩ. Ipapoere i ãmũ pereburi dupiyuro Cristore i ãmũgue iriudi ããrĩmĩ, ĩgũya dí béori merã mũsãrẽ iritamuburo, ãrĩgũ.

<sup>21</sup> Irasirirã Cristo iritamurĩ merã Marĩpure buremua. Marĩpũ Cristore boadiguere masũ, ãmũgasigue ãĩmurĩa, ããrĩpererã Opũ sóodi ããrĩmĩ. Irasirirã Marĩpure: “Gũare õãrõ irigũ ããrĩmĩ”, ãrĩ buremu, ĩgũ merã õãrõ ããrĩnĩburire õãrõ masĩa.

<sup>22</sup> Cristoya diayema kerere pé buremusĩa, mũsã ñerĩ iririkurire pirinerã ããrĩbũ. Dapagorare diayeta mũsãyarãrẽ maĩmasĩa. Irasirirã mũsãya yũjũpũrãrĩ, ããrĩpereri mũsã turari merã gãme maĩka!

<sup>23</sup> Mũsã Marĩpũya werenĩrẽ buremurã, dupaturi deyoarã irirosũ waabu. Irasirirã ĩgũ pũrã waabu. Marĩ pagũsãmarã merã deyoa, pũrũ boakõãrãkoa. Iri irirosũ ããrĩbea Marĩpũ pũrã waamakũ. ĩgũya werenĩrĩ, perebiri werenĩrĩ ããrã. Irasirirã iri werenĩrĩ merã ĩgũ pũro ĩgũ merã ããrĩnĩkõãrãkoa.

<sup>24</sup> ĩgũya werenĩrĩ gojadea pũgue ãsũ ãrĩ gojasũdero ããrĩbũ: ããrĩpererã masaka tá irirosũ ããrĩma. ĩgũsã õãrĩ oparide tá goori irirosũ ããrã. Tá masã, boakõãa. Gooride boakõãa. Iri irirosũta marĩ masakade boarãkoa.

<sup>25</sup> Marĩ Opũ werenĩrĩ gapũ neõ perebirikoa. ĩgũ ãrĩderosũta waarokoa. ããrĩpereri ĩgũ: “Ãsũ irigũra”, ãrĩdeare iriyuwarikũgũkumi, ãrĩ gojasũdero ããrĩbũ.\*  
Iri õãrĩ bueri, mũsãrẽ ĩgũsã weredea, Jesucristo marĩrẽ tauri kerere bueri ããrã.

## 2

<sup>1</sup> Irasirirã ããrĩpereri gajirosũperi ñerĩ iririre: ãrĩkatorire, irikatorire, gajirã gajino opamakũ ãĩturirire, gajirãrẽ ñerõ ãrĩ werewũarire pirika!

<sup>2-3</sup> Mũsã, marĩ Opũ mũsãrẽ õãrõ iririre sĩrũ masĩsiãa. Irasirirã neõ deyoarãgã õpĩkũrẽ gããmerõsũ mũsãde marĩ Opũyare diayemarẽ bũro gããmekã! Irire gããmerã, ĩgũrẽ buremunemorãkoa. Mũsã irasirimakũ, mũsãrẽ taugũkumi.

*Cristo masakare okari sĩgũ ãtãye irirosũ ããrĩmi, ãrĩ gojadea*

<sup>4</sup> Cristo marĩrẽ okari sĩgũ suye ãtãye masaka ĩgũsã béoadeaye irirosũ ããrĩgũ ããrĩmi. ĩgũsã ĩgũrẽ gããmibirikeremakũ, Marĩpũ ĩgũ Pagũ gapũ ĩgũrẽ: “Õãtarigũ, ããrĩpererã Opũ ããrĩmi”, ãrĩ beyedi ããrĩmĩ. Irasirirã ĩgũrẽ: “Õãgũ ããrĩmi”, ãrĩ buremua.

\* 1:25 Is 40.6-8



<sup>5</sup> Marĩde Cristo merã okari oparã ütãyeri irirosũ ããrã. Marĩpũ, sugũ ütãyeri merã wii irigũ irirosũ marĩ merã irigũ yámi. Irasirigũ marĩrẽ ĩgũyarãrẽ ĩgũya wiima irirosũ ããrĩmakũ yámi. ĩgũyarã paía ĩgũrẽ bũremurã, ĩgũ dorederosũta gajino sĩma. Marĩrẽ ĩgũsã irirosũ ããrĩmakũ yámi, Jesucristo iritamurĩ merã ĩgũrẽ usuyari sĩburo, ãrĩgũ. Irasirirã ĩgũyare irirã, ĩgũrẽ usuyamakũ irirãkoa.

<sup>6</sup> Marĩpũ ĩgũya werenĩrĩ gojadea pũgue ãsũ ãrĩdi ããrĩmĩ:  
Yũ beyedire yaa wiima weanúpũrorideã ütãye irirosũ ããrĩgũrẽ  
Jerusalẽgue píguara. ĩgũ, yũ beyedi õãtarigũ, ããrĩpererã  
Opũ ããrĩmĩ. ĩgũrẽ bũremurãno, bũro usuyarãkuma.  
“Ubugorata ĩgũrẽ bũremukubũ”, ãrĩ gũñabirikuma, ãrĩdi  
ããrĩmĩ.\*

<sup>7</sup> Mũsãde ĩgũrẽ bũremurã: “Õãtarigũ ããrĩmĩ”, ãrĩ ãã. ĩgũrẽ  
bũremumerã gapũre Marĩpũya werenĩrĩ gojadea pũgue ãsũ ãrĩ  
gojasũdero ããrĩbũ:

Marĩpũ beyedi suye ütãye wii iririmasã béoadeaye  
irirosũ ããrĩkeremakũ, Marĩpũ gapũ ĩgũrẽ iri wiima  
weanúpũrorideã ütãye irirosũ ããrĩmakũ iridi ããrĩmĩ.  
Irasirigũ ĩgũrẽ ããrĩpererã Opũ pídi ããrĩmĩ, ãrĩ gojasũdero  
ããrĩbũ.\*

<sup>8</sup> Gaji Marĩpũya werenĩrĩ gojadea pũgue ãsũ ãrĩ gojasũdero  
ããrĩbũ:

Marĩpũ beyedire bũremumerã, iri ütãyegue  
gubutũameémejãnerã irirosũ ããrĩma. Irasirirã Marĩpũ  
pũrogue neõ waabirikuma, ãrĩ gojasũdero ããrĩbũ.\*

Ĩgũya kerere bũremubiri waja ütãyegue gubutũameémejãnerã  
irirosũ ããrĩma. Marĩpũ pũrogue ejabirikuma. ĩgũsãrẽ irasũ  
waaburire Marĩpũ iripoegueta: “Irasũ waarokoa”, ãrĩsiadi  
ããrĩmĩ.

*Marĩpũyarã ãsũ ããrĩma, ãrĩ gojadea*

<sup>9</sup> Mũsã gapũ Marĩpũ pũrã ĩgũ beyenerã ããrã. Marĩ Opũyarã  
paía irirosũ ĩgũyare moãrã, Marĩpũya bumarã ĩgũ ĩũrõ ñerĩ  
marĩrã ĩgũyarã ããrã. Mũsãrẽ naĩtĩãrõ ããrĩrã irirosũ ĩgũyare  
neõ masĩbirinerãrẽ masĩdoregũ siiudi ããrĩmĩ. Irasirigũ mũsãrẽ  
boyorogue ããrĩrã irirosũ irire õãrõ masĩrã ããrĩmakũ iridi  
ããrĩmĩ. Mũsãrẽ ĩgũ õãrõ irideare gajirãrẽ weredoregũ,  
irasiridi ããrĩmĩ.

<sup>10</sup> Mũsã iro dupiyurogue Marĩpũ pũrã ããrĩbiribu. Dapago-  
rare Marĩpũ pũrã ããrã pama. Mũsã iro dupiyurogue bopoñarĩ  
merã ããsũña marĩbũ. Dapagorare mũsãrẽ Marĩpũ bopoñarĩ  
merã ããmi.

*Marĩpũyare irirã ããrĩkal ãrĩ gojadea*

11 Yaarã yu maĩrã, musã i ãmurẽ naagorenarĩmasã musãya makãgue ããrĩmerã irirosũ, Marĩpu puo waamurãta ããrã. Irasirĩgu musãrẽ ire turaro werea. Musã ñerĩ ñaribejarire iribirikõãka! Musãrẽ ñerõ irimakũ iriduarã irirosũ musã ñerĩ ñaribejari musãrẽ ñerõ irimakũ iriduarõ yãa.

12 Marĩpũre masĩmerã watopegue ããrĩrã õãrõ irirã ããrĩka, musãrẽ werewuãari, ãrĩrã! Musã irasirimakũ musãrẽ werewuãakererã, Marĩpu ãgũsãrẽ ãgũyare masĩmakũ iriripoe musã õãrõ iririre ããnerã ããrĩsã, ãgũrẽ: “Õãgũ, turagu ããrĩmi”, ãrĩ buremurãkuma.

13 Marĩ Opũre buremusã, ããrĩpererã i nikũ marã oparãrẽ õãrõ merã yujuka! I nikũ marã oparã opu ããrĩgũdere yujuka!

14 ãgũ dokamarã oparãdere yujuka! ãgũsãrẽ ãgũ doreri tarĩngãrãrẽ wajamoãmurãrẽ pĩdi ããrĩmi. ãgũ dorerire irirãrẽ: “Õãrõ iriabu musã”, ãrĩdoregu pĩdi ããrĩmi. Irasirirã ãgũsãrẽ yujuka!

15 Marĩpu, musã õãrõ irimakũ gããmemi. Musã irasirimakũ ããrã, pẽmasĩmerã musãrẽ werewuãakererã, werewuãamasĩbema.

16 Musã, Marĩpu tausũnerã ããrĩsã, gajirãrẽ moãboerimasãgora ããrĩbea. Marĩpu tausũnerã ããrĩkererã, “Guare doreri mãa. Irasirirã guã gããmerõ ñerĩrẽ irirãkoa”, ãrĩ gũñabirikõãka! ãsũ gapu irika! “Marĩpũre moãboerã ããrã guã”, ãrĩ gũñaka! Irasũ ãrĩ gũñarã, ãgũ dorerire irika!

17 ããrĩpererã masakare buremurĩ merã ããka! Marĩyarãrẽ Jesũre buremurãrẽ mãika! Marĩpũre gopeyari merã buremuka! I nikũ marã opũdere buremurĩ merã ããka!

*Cristo ñerõ tarĩgu ãgũ bokatũũderosũ musãde bokatũũka! ãrĩ gojadea*

18 Moãboerimasã, õãrõ buremurĩ merã musã oparãrẽ yujuka! Musãrẽ õãrõ irirã ditare yujubirikõãka! Musãrẽ turaro merã dorerãdere yujuka!

19 Musã ñerõ iribirikeremakũ, musã oparã musãrẽ wajamoãbukuma. Musã, Marĩpu ãũrõ diayemarẽ iridũmakũ, ãgũsã wajamoãrĩrẽ bokatũũmakũ, Marĩpu musãrẽ: “Õãrõ yãma”, ãrĩ ããgũkumi.

20 Musã ñerõ iriri waja gapu ãgũsã musãrẽ wajamoãmakũ, irire musã bokatũũkeremakũ, Marĩpu musãrẽ: “Õãrõ yãma”, ãrĩ ããbirikumi. Musã õãrõ irikeremakũ ãgũsã musãrẽ wajamoãmakũ, musã õãrõ merã guaro marĩrõ bokatũũmakũ, Marĩpu musãrẽ: “Õãrõ yãma”, ãrĩ ããgũkumi.

21 Irasiriburo, ãrĩgũ, Marĩpu musãrẽ ãgũyarã ããrĩdoregu si- iudi ããrĩmi. Cristode musãya ããrĩburire ñerõ tarimi, musãde ãgũ iriderosũ irituyaburo, ãrĩgũ.

22 Īgũ neõ suñarõ ñerõ iribirimi. Gajirãrẽ ārĩkatori merã neõ werenĩbirimi.

23 Masaka Īgũrẽ turimakũ, Īgũsãrẽ neõ turi gãmibirimi. Īgũrẽ Īgũsã ñerõ irikeremakũ: “Mũsãrẽ ñerõ irigũra”, neõ ārĩbirimi. Īgũ Pagũ gapũre: “Yũpũ diayemarẽ irigũ, yũre ñerõ irirãrẽ diayeta wajamoãgũkumi. Īgũgue ãmugũkumi”, ārĩ gũñadi ããrĩmĩ. Irasirirã marĩdere Īgũ ārĩderosũ ārĩrõ gããmea.

24 Cristo, marĩ irirosũ dũpũkũgũ Īgũ basi marĩ ñerĩ iridea wajare wajaribosagũ curusague boami. Marĩ okaropa ñerĩ iririre piri, Marĩpũya diayema gapũre iriburo, ārĩgũ, boami. Īgũ marĩrẽ peamegue waabonerãrẽ taugũ, bũro kãmikũ, bũro ñerõ tarimi.

25 Oveja dederinerã irirosũ mũsãde peamegue dederibonerã ããrĩbũ. Dapagorare Cristore bũremusiã, Īgũyarã ããrã. Irasirigũ ovejare koregũ irirosũ Cristo mũsãrẽ koremi. Mũsã õãrõ ããrĩrikũburo, ārĩgũ, mũsãrẽ õãrõ koremi.

### 3

#### *Mojõsũanerã ãsũ irika! ārĩ gojadea*

1-2 Moãboerimasãrẽ yũ werederosũta mũsã marãposã nomerẽ weregũra. Mũsã marãpũsãmarãrẽ õãrõ merã yũjũka! Īgũsã dorerosũ irika! Surãyeri mũsã marãpũsãmarã Marĩpũya kerere bũremumerã ããrĩma. Irasirirã Īgũyare mũsã Īgũsãrẽ werebirikererã, Īgũyare õãrõ iririkũka! Õãrĩ ditare irika! Mũsã marãpũsãmarã mũsãrẽ dorerire bũremurĩ merã yũjũka! Mũsã irasirimakũ ĩãrã, Īgũsãde Marĩpũya kerere bũremubukuma.

3 Mũsãya dũpũre wãri mamarikũbirikõãka! Mũsãya dũpũre gajirãrẽ ĩãsuyumakũ iribirikõãka! Mũsãrẽ: “Õãrõ deyoma”, ārĩ ĩãmakũ iribirikõãka! Irasirirã mũsãya poañapure wũũaruwea mamuanerã nome, oro merã iridea dari bũyanerã nome, wãjapari surĩ sãñanerã nome ããrĩdũari ditare gũñarikũbirikõãka!

4 ãsũ gapũ ããrĩka, õãrã, õãrõ deyorã nome ããrĩdũarã! Õãrĩ gũñarĩ oparã nome, gajirãrẽ turiro marĩrõ gopepyaro merã weretamurã nome, siñajãrĩ merã ããrĩrikũrã nome ããrĩka! Õãrõ ããrĩrikũri, dũpũre mamarĩ õãrõ deyori pereburosũ neõ perebirikoa. Mũsã õãrõ ããrĩrikũri, Marĩpũ ĩũrõrẽ õãtariri ããrã.

5 Iripoeguere Marĩpũyarã nome ãsũta ããrĩuanerã ããrĩmã. Īgũsã nome: “Marĩpũ ārĩderosũta yũre õãrõ irigũkumi”, ārĩ bũremurã, Īgũsã marãpũsãmarã dorerire õãrõ yũjũnerã ããrĩmã.

6 ãsũta Sara igo marãpũre Abrahãrẽ õãrõ merã yũjũdeo ããrĩmõ. Irasirigo Īgũrẽ: “Yũ opũ”, ārĩunadeo ããrĩmõ. Irasirirã mũsã õãrõ irirã, gũiro marĩrõ ããrĩrikũrã, Sara ããrĩderosũ ããrĩrãkoa.

7 Āsūta mūsā marāpokurāde mūsā marāposā nomerē pémasīrī merā ōārō irika! Nome, marī ūma irirosū turarā āārībema. Irasirirā īgūsārē b̄remurī merā iritamuka! Marīp̄m mūsārē bopoña, īgū p̄uro perebiri okari sīburosūta nomedere bopoña, perebiri okari sīgukumi. Irasirirā mūsā marāposā nomerē ōārō koreka! Marīp̄m mūsā sērērīrē ȳjuburosūta īgūsā nomerē ōārō irika!

*Ōārō īgūsā irikeremakū, gajirā īgūsārē ñerō iririre weredea*

8 I merā mūsā āārīpererārē weretūnugura. Suro merā ōārō āārīrikuka! Mūsā merāmarārē bopoñarī merā īāka! Suḡm pūrā irirosū gāme maīrikuka! Ōārō merā gāme iritamuka! “Гна, gajirā nemorō āārībea”, ārī gūñaka!

9 Gajirā mūsārē ñerō irimakū, īgūsārē gāmibirikōāka! Mūsārē īgūsā ñerō ārī werenīmakū, īgūsārē ñerō ārī gāmibirikōāka! Āsū gap̄m irika! Īgūsāya āārīburire Marīp̄ure sērēbosaka! Marīp̄m mūsārē ōārō iribu, irire irimurārē pīdi āārīmī.

10 Marīp̄uya werenīrī gojadea pūguere āsūta ārī gojasūdero āārībú:

Mūsā okaropa ōārō us̄yari merā āārīduarā, neō ñerō werenībirikōāka! Neō ārīkatobirikōāka!

11 Āārīpereri ñerī iririre pirikōāka! Ōārī gap̄ure irika! Gāme īāturiro marīrō siñajārī merā āārīrikuka! Irire b̄uro gāameka!

12 Diayemarē irirārē marī Op̄m irasū korenīkōāmi. Īgūsā īgūrē sērērīrē irasū pénīkōāmi. Ñerō irirā gap̄ure gāamebemi, ārī gojasūdero āārībú.\*

13 Ōārī ditare irid̄amakū, ¿noā mūsārē poyanorēbukuri?

14 Diayemarē mūsā irikeremakū, gajirā mūsārē ñerō irimakū, Marīp̄m gap̄m mūsārē ōārō yāmi. Irasirirā us̄yāa. Mūsārē ñerō irid̄uarārē güibirikōāka! Īgūsā mūsārē iriburire gūñarik̄birikōāka!

15 Āsū gap̄m irika! Cristore: “Гна Op̄m āārīmī”, ārī b̄remuka! Mūsārē: “¿Nasirirā Cristore b̄remurī?” ārī sērēñarānorē pémasīrī merā ōārō ȳjuka! Īgūsā mūsārē sērēñaburo dupiyuro īgūsārē ȳjuburire ōārō gūñayuka! Irasirirā īgūsārē Cristo mūsārē tauburire ōārō ȳjurākoa.

16 Turiro marīrō ōārō b̄remurī merā īgūsārē ȳjuka! Ōārō irika! Irasirirā: “Marīp̄m īūrō waja opabea”, ārī gūñarākoa. Cristore mūsā b̄remurā īgūyare ōārō irirā āārīmakū gajirā mūsārē: “Ñerō yāma”, ārī werew̄uanerā īgūsā mūsārē werew̄udea diaye āārībirimakū īārā, gūyasīrīrākuma.

\* 3:12 Sal 34.12-16

17 Marĩ ñerõ iriri waja gajirã marĩrẽ ñerõ tarimakũ iribukuma. Marĩpu gããmemakũ, marĩ õarõ iriri waja gajirã marĩrẽ ñerõ tarimakũ iriri gapu õãgorãa.

18 Irasũta Cristo õãgũ aãrĩkeregũ, ñerõ tarimi. Suñarõta aãrĩpererã ñerĩ iridea wajare boa, wajaribosadi aãrĩmĩ. Marĩ ñerã aãrĩmakũ, marĩya aãrĩburire ñerõ tarimi, marĩrẽ Marĩpuyarã waamakũ iribu. Īgũ, marĩ irirosũ dupukũgũ aãrĩsĩã, Īgũya dupũgora tamerã boakõãmi. Īgũ boakeremakũ, Īgũya yujupũrã merã okakõãdi aãrĩmĩ.

19 Irasirigũ Īgũya yujupũrã merã boanerã Īgũsã peresu irisũnerã aãrĩrõgue waa, Īgũsãya yujupũrãrĩrẽ Marĩpuyare weredi aãrĩmĩ.

20 Īgũsã iripoeguere Marĩpu dorerire tarinũgãunanerã aãrĩmã. Noé aãrĩdeapoeguere Īgũ wãdiru doódirure dooripoe Marĩpu Īgũrẽ bũremumakũ gããmedi aãrãdimi. Irasirigũ: “Gajipoe irirã yũre bũremubukuma”, ãrĩ, Īgũsãrẽ yoaripoe yúdi aãrãdimi. Īgũsã gapu neõ bũremubiriunanerã aãrĩmã. Irasirigũ Marĩpu Īgũsãrẽ wajamoãdi aãrĩmĩ. Noé Īgũya wii marã merã dita: su mojõma pere gaji mojõ Ɂreru pẽrẽbejarã dia mirĩrĩrẽ tariweredi aãrĩmĩ.

21 Marĩpu i nikũrẽ miũgũ Īgũsãrẽ taudea, marĩrẽ deko merã wãiyeri irirosũ aãrã. Irasiriro marĩ peamegue waabonerãrẽ tauburire ĩmua. Deko merã marĩrẽ wãiyemakũ, marĩya dupũre gũrarire koerosũ aãrĩbea. Marĩ wãiyesũrã, Marĩpure: “Gũare mũ ĩũrõ ñerĩ marĩrã aãrĩmakũ irika!” ãrĩ sãrẽa. Irasirirã, Jesucristo masãdea merã marĩ peamegue waabonerã tarimurã aãrã.

22 Jesucristo masãdero pũrũ, Ɂmũgasigue mũrĩadi aãrĩmĩ. Irasirigũ Marĩpu diaye gapu doami Īgũ merã dorebu. Īgũ Marĩpũre wereboerã nemorõ, Ɂmarõ marã oparã nemorõ, aãrĩpererã dorerã nemorõ doregũ aãrĩmĩ.

## 4

*Marĩpu iritamurĩ merã Īgũyare irimasĩrãkoa, ãrĩ weredea*

1 Jesucristo, marĩ irirosũ dupukũgũ ñerõ tarimi. Irasirirã: “Īgũ ñerõ tarikeregũ Marĩpu gããmerĩrẽ iriderosũ marĩde ñerõ tarikererã Marĩpu gããmerĩrẽ irirãkoa”, ãrĩ gũñarõ gããmea. Marĩde, Īgũ ñerõ tariderosũ ñerõ tarirã, ñerõ iririre pirikõãa.

2 Irasũ pirirã, i Ɂmũ marĩ aãrĩrõpa dupaturi ñerĩ Ɂaribejarire iribirikoa. Marĩpu gããmerĩrẽ irinĩrãkoa.

3 Iripoegue, Marĩpũre masĩmerã ñerĩrẽ iridũarire iriderosũta mũsãde ñerĩrẽ iriunanerã aãrĩbũ. Irasirirã gũyasĩrĩrõ marĩrõ ñerĩrẽ iririkurã, ñerĩ Ɂaribejarire iririkurã, mejãrikurã, bosenuĩ irirã mejã, gaguinĩrikurã aãrĩnerã aãrĩbũ. Marĩpu

dorerire tarinugārā keori weadeare b̄remunerā āārībá. Irasirirā iropata iri ñerĩrē irika!

<sup>4</sup> Dapagorare irire m̄rārōta irirā gap̄ m̄sā iri ñerĩrē ĩgūsā merā iribirimakū ĩārā, ĩaḡkakōāma. Irasirirā m̄sārē ĩāturi, ñerō wereníma.

<sup>5</sup> Marĩp̄ ĩgūsārē: “M̄sā irasū ñerĩ irideare werepeoka!” ārĩḡkumi. ĩgūta okarārē, boanerādere: “Ire irimakū ōāgorab̄, iri gap̄re irimakū ōābirib̄”, ārĩ beyebu āārĩmi.

<sup>6</sup> I ūm̄rē āārĩpererā masaka boamurā dita āārĩkeremakū, Marĩp̄ ĩgūya kerere wererārē ĩgūsārē irire weredoredi āārĩmi, boadero p̄r̄ ĩgū irirosū ĩgū p̄ro okaníkōāburo, ārĩgū.

<sup>7</sup> Āārĩpereri i ūm̄ma p̄reburo mérō d̄yanugāwāgārisiāa. Irasirirā ōārō pémasĩrĩ merā diayemarē iriníkōāka! Irasirirā Marĩp̄re b̄remurĩ merā s̄ērērākoa.

<sup>8</sup> Āārĩpereri gajino iriri nemorō diayeta gāme maĩka! Neō gāme maĩduúbirikōāka! Marĩ gajirārē maĩrā, marĩrē ĩgūsā ñerō irikeremakū, mata ĩgūsā ñerō iriadeare kātiakōākoa.

<sup>9</sup> M̄sā merāmarā m̄sāya wiirigue ejamakū, ōārō ūs̄yari merā ĩgūsārē bokatĩrĩñeāka!

<sup>10</sup> Marĩp̄ ĩgūyarāk̄re ĩgūyare irimasĩburire pídi āārĩmi. Irasirirā iri merā ōārō gāme iritamuka! Marĩp̄ m̄sāk̄re m̄sā ĩgūyare irimasĩburire pídea merā ĩgū gāāmerōsū gāme iritamurā, ōārō gāme iritamurā yāa.

<sup>11</sup> Irasirirā Marĩp̄yare wererā, ĩgū weredorederosūta wereka! Gajirārē iritamurāde ĩgū turari s̄rō bokatĩūrō iritamuka! Āārĩpereri m̄sā iririre Marĩp̄re masaka ūs̄yari s̄iburosū irika! Jesucristo iritamurĩ merā irasirika! Marĩp̄re āārĩpererinurĩ b̄remuka! Marĩ āārĩpererā ĩgūrē: “Ōātariḡ, turatariḡ āārā”, ārĩ, ūs̄yari s̄rā! Irasūta irirā!

### *Jesúre b̄remurĩ waja ñerō taririre gojadea*

<sup>12</sup> Yaarā ȳ maĩrā, m̄sā Jesúre b̄remurĩ waja ñetariro tarirā, diayeta ĩgūrē b̄remurĩrē masīsūa. Irasirirā: “¿Nasiriro ȳre irasū waarĩ? Gajirosū waakoa”, ārĩ ḡkabirikōāka!

<sup>13</sup> Āsū gap̄ irika! Ñerō tarirā: “Cristo ñerō tariderosū ḡade ñerō taria”, ārĩ ūs̄yaka! Irasirirā Cristo dupaturi i ūm̄gue ĩgū gosesiriri merā, ĩgū turari merā aarimakū ĩārā, b̄ro ūs̄yarākoa.

<sup>14</sup> Cristoyarā m̄sā āārĩrĩ waja gajirā m̄sārē ñerō ārĩ b̄ridamakū, m̄sārē ñerō werenímakūdere ire masĩka! Marĩp̄yaḡ Ōāgū deyomarĩgū m̄sā merā āārĩmi. ĩgū turatariḡ m̄sārē iritamumi. Irasirirā ūs̄yāa.

<sup>15</sup> Masakare w̄jēb̄eorimasā, yajarimasā, noó waaró ñerō iririmasā, gajirārē ĩgūsāyamarē s̄ērēñarikurā ñerō tarirākuma.

Īgūsā irirosū iribirikōāka! Ōārī iridea waja merā gapu ñerō tarimakū ōāgorāa.

16 Cristoyarā musā āārīrī waja gajirā musārē ñerō tarimakū irirā yāma. Īgūsā irasirimakū, gūyasīrībirikōāka! Ubu gapu Marīpūre: “Mu gūare Jesucristoyarā āārīmakū iridi āārā, irasirirā murē usuyari sīa”, ārika!

17 Marīpū marīrē ĩgūyarārē marī irideare: “I gapure irimakū ōāgorabu, i gapure irimakū ōābiribu”, ārī beyerīpoe ejasiāa. Āārīpererārē marīrē ĩgūyarārē marī irideare irasū ārī beyepurorigukumi. Īgūyarārē irasū beyepurorigu, ĩnasirigukuri ĩgūyarā āārīmerā gapure? Īgūya kerere gāāmebiri waja ĩgūsārē buro wajamoāgukumi.

18 Marīpūya werenīrī gojadea pūgue āsū ārī gojasūdero āārībú: “Ōārā Marīpūyarā buro ñerō taridero puru, Marīpū ĩgūsārē tau, ĩgū puro āīagukumi. Ñerā ĩgūrē gāāmemerā gapu ñetariro tarirākuma. Peamegue waadederirākuma”, ārī gojasūdero āārībú.

19 Irasirirā Marīpū gāāmerōsū marī ñerō tarirā, ōārī iririre irinikōārō gāāmea. Marīya āārīburire Marīpūre marīrē iridire wiaro gāāmea. Āārīpereri ĩgū: “Musārē ōārō irigura”, ārīdeare diayeta irigukumi. Irasirirā ĩgūrē: “Mu gāāmerō yure irika!” ārīrō gāāmea.

## 5

### *Pedro, Jesúre bremurā iriburire gojadea*

1 Dapagorare musārē Jesúre bremurā oparā murārē weregura. Yude Jesúre bremurārē doregu āārā. Cristo ñerō tarimakū ĩābu. Īgū gosesiri merā, ĩgū turari merā dupaturi i umugue aarimakū, yude āārīpererā ĩgūrē bremurā merā ĩāgukoa.

2 Marīpūyarā oveja irirosū āārīma. Musā ĩgūyarārē dorerā ovejare korerā irirosū āārā. Irasirirā Marīpū musārē ĩgū pīnerārē ĩgūyarārē ōārō koreka! Marīpū gāāmerōsū ōārō yujpūrākuri merā ĩgūsārē koreka! Īgūsārē korerā: “Niyerure wajatarākoa”, ārī gūñābirikōāka!

3 Īgūsārē korerā, pūrīrō merā dorebirikōāka! Ōārō iririkuka! Irasirirā musā iririkurire ĩākūrā, ĩgūsāde ōārō iririkurākuma.

4 Musā irasū ōārō iririkurā, Cristo marīrē āārīpererā korerā Opū dupaturi i umugue aarigú, musārē: “Ōārō iribu”,

ārīgukumi. Irasirirā, ĩgũ pũro gosesirogue ĩgũ õãtariri sĩburire\* wajatarãkoa. Iri neõ perebirikoa.

<sup>5</sup> Yũ musã oparãrẽ wererosũ musã maamarãdere weregura. “Mũrãrẽ buremurĩ merã yũjũka!” ãrĩ werea. Irasirirã musã Jesũre buremurã ããrĩpererã: “Gajirã nemorõ ããrã”, ãrĩ gũñarõ marĩrõ gãme iritamuka! Marĩpũya werenĩrĩ gojadea pũgue ãsũ ãrĩ gojasũdero ããrĩbũ:

“Gajirã nemorõ ããrã”, ãrĩ gũñagũrẽ Marĩpũ iritamubemi. “Yũ ubu ããrĩgũ ããrã, yũre iritamuka!” ãrĩgũ gapũre õãrõ iritamumi, ãrĩ gojasũdero ããrĩbũ.\*

<sup>6</sup> Irasirirã: “Gajirã nemorõ ããrã”, ãrĩ gũñabirikõãka! Marĩpũ turagũ musãrẽ doremakũ, yũjũka! Musã irasirimakũ, Marĩpũ ĩgũ: “Ãsũ irigũra”, ãrĩrĩnũ ejamakũ, masaka ĩũrõ musãrẽ: “Yũ maĩrã, yũ iritamurã ããrĩma”, ãrĩ ĩmugukumi.

<sup>7</sup> Marĩpũ bũro maĩrĩ merã musãrẽ koremi. Irasirirã ããrĩpereri musã gũñarikũre ĩgũrẽ wereka! ĩgũ musãrẽ iritamugukumi.

<sup>8</sup> Õãrõ pẽmasĩrĩ merã diaye gũñaka! Wãtĩ musãrẽ ĩãturigu musãrẽ ñerĩ irimakũ iridũagũ ãõkaye guagũ waĩbũre baadũagũ ãmagorenagũ irirosũ musãrẽ poyanorẽdũagũ ãmagorenami.

<sup>9</sup> Ire masĩa. Musã ñerõ tarirosũta ããrĩpererogue gajirã Jesũre buremurã ñerõ tarirã yãma. Irasirirã ñerõ tarikererã, wãtĩrẽ neõ yũjubirikõãka! Jesũs gapũre gũñaturanĩkõãka! ĩgũrẽ buremurĩrẽ neõ piribirikõãka!

<sup>10</sup> Musã i ãmũgue ããrĩrõpa dita ñerõ tarirãkoa. Pũrũ Marĩpũ musãrẽ gũñaturarã, õãrã, turarã ããrĩmakũ irigukumi. Marĩpũta neõ piriro marĩrõ marĩrẽ iritamunĩgũ Jesucristore buremunũgãdoregũ siudi ããrĩmĩ, marĩrẽ ĩgũ merã ĩgũ gos-esirogue ããrĩnĩkõãburo, ãrĩgũ.

<sup>11</sup> Irasirirã ĩgũrẽ: “Mũ turatarigu, ããrĩpererã Opũ ããrã”, ãrĩ, usũyari sĩnĩrã! Irasũta irirã!

### *Pedro õãdoretũnudea*

<sup>12</sup> Silvano iritamurĩ merã i pũguere yũ musãrẽ mĩrĩgã gojãa. ĩgũ, yũ ĩãmakũ, Jesũre buremugũ marĩyagũ diayemarẽ irigu ããrĩmĩ. Irasirigu ĩgũ iritamurĩ merã musãrẽ gũñatura, usũyamakũ irigu, Marĩpũ marĩrẽ diayeta maĩgũ ããrĩmĩ, ãrĩgũ, i pũrẽ musãrẽ gojãa. Marĩpũ marĩrẽ maĩrĩrẽ masĩrã ĩgũrẽ irasũ buremunĩkõãka!

\* **5:4** Sugu ũma birarimasũ gajirã nemorõ õãrõ ũmagũ, olivo wãĩkũdima pũrĩ merã iridea berore wajatakumi. Masaka iri berore ĩgũya dipurugue peokuma, gajirãrẽ ĩgũ wajatadeare ĩmurã. I irirosũ, sugu Jesũre buremugũ ñerõ tarikeregũ: “Marĩpũ yũre iritamugukumi”, ãrĩ buremurĩrẽ piribi, ãmũgasĩgue perebiri okari wajatagukumi. Iri ãmũgasĩgue perebiri okari wajatari, i berore wajatari irirosũ ããrã. ☆ **5:5** Pr 3.34



13 Babilonia marã Jesúre b̄remurã m̄sãrẽ õãdorema. Ìḡsãde, m̄sã irirosũta Marĩp̄ beyenerã ããrĩma. Marcos yu magũ irirosũ ããrĩgũde m̄sãrẽ õãdoremi.

14 M̄sã merãmarãrẽ bokatĩrĩrã, maĩrĩ merã, õãrõ ɯsɯyari merã mojõ ñeãka!

Marĩp̄ ããrĩpererã m̄sãrẽ Jesucristoyarãrẽ õãrõ siñajãrĩ merã ããrĩrikamakũ iriburo. Irasũta iriburo.

Iropata ããrã.

Pedro

## 2 SAN PEDRO

### *Pedro Jesúre buremurãrẽ gojadea*

<sup>1</sup> Y<sub>H</sub> Simón Pedro, Jesucristore moãboeg<sub>H</sub>, ĩgũ buedoreg<sub>H</sub> pídi, musãrẽ i pũrẽ gojáa. Marĩ Op<sub>H</sub> Jesucristo marĩrẽ taug<sub>H</sub> diayemarẽ irig<sub>H</sub> aãrĩmi. Irasirig<sub>H</sub> Marĩp<sub>H</sub> Jesucristo merã guare iriderosũta musãdere ĩgũrẽ buremumakũ iridi aãrĩmĩ. Marĩ Jesucristore buremurĩ opamakũ õãtaria.

<sup>2</sup> Musã Marĩp<sub>H</sub>ure, irasũ aãrĩmakũ marĩ Op<sub>H</sub> Jesúre masĩa. Irasirig<sub>H</sub> Marĩp<sub>H</sub> ĩgũ musãrẽ õãrõ iritamurĩrẽ, ĩgũ musãrẽ siñajãrĩ sĩrĩrẽ masĩnemomakũ iriburo.

### *Jesucristoyarã ãsũ aãrĩma, ãrĩ gojadea*

<sup>3</sup> Marĩp<sub>H</sub> marĩrẽ ĩgũrẽ masĩmakũ iridi aãrĩmĩ. Irasirig<sub>H</sub> ĩgũ turari merã marĩrẽ aãrĩpereri õãrĩrẽ sĩdi aãrĩmĩ ĩgũ merã õãrõ aãrĩ, ĩgũ gããmerĩrẽ iriburo, ãrĩgũ. ĩgũ õãtarig<sub>H</sub>, aãrĩpereri õãrõ irig<sub>H</sub> marĩrẽ siuudi aãrĩmĩ, ĩgũyarã aãrĩdoreg<sub>H</sub>.

<sup>4</sup> ĩgũ õãgũ, õãrõ irig<sub>H</sub> aãrĩsĩã, marĩrẽ: “Y<sub>H</sub> turari merã musãrẽ wári õãtaririre irig<sub>H</sub>ra”, ãrĩdi aãrĩmĩ. Irasirig<sub>H</sub> ĩgũ ãrĩderosũta marĩrẽ yámi, ĩgũ irirosũ õãrĩrẽ iriburo, ãrĩgũ. Marĩrẽ i ãm<sub>H</sub>ma ñerĩrẽ ñaribejarire piriburo, ãrĩgũ, irasirimi.

<sup>5</sup> ĩgũ marĩrẽ irasirimakũ iãrã, musã Jesúre buremurã aãrĩpereri musã turari merã ire irinemoka! Õãrĩ irika! Õãrĩ irirã, õãrõ pémasĩrĩ merã irika!

<sup>6</sup> Pémasĩrĩ merã irirã, musã ñerõ irid<sub>H</sub>arire iribirikõãka! Ñerõ irid<sub>H</sub>arire irimerã ñerõ tarikererã, Marĩp<sub>H</sub>ure gũñaturanikõãka! Irasũ gũñaturanírã, Marĩp<sub>H</sub>ure buremurĩ merã ĩgũ gããmerĩrẽ iririkuka!

<sup>7</sup> ĩgũ gããmerĩrẽ iririkarã, sug<sub>H</sub> pũrã irirosũ musã basi gãme iritamuka! Gãme iritamurã aãrĩpererã gajirãdere maĩ buremuka!

<sup>8</sup> Musã irasiriwãgãrã, õãrõ irirãkoa. Irasirirã marĩ Op<sub>H</sub> Jesucristore masĩrã, ĩgũ gããmerĩrẽ õãrõ irinírãkoa. Ubu aãrĩrĩrẽ iribirikoa.

<sup>9</sup> Sug<sub>H</sub> õãrõ iriwãgãbi gap<sub>H</sub> koye iãbi, o koye õãrõ iãjabi ĩgũ waaburire masĩbi irirosũ aãrĩmi. Marĩp<sub>H</sub>ayare masĩbi: “ĩgũyare iriro gããmea”, ãrĩ gũñabemi. ĩgũ ñerõ iridea wajare Marĩp<sub>H</sub> koebéodeare gũñabemi.

<sup>10</sup> Yaarã, ire péka! Marĩp<sub>H</sub> musãrẽ siuu, beyedi aãrĩmĩ, ĩgũyarã aãrĩburo, ãrĩgũ. Irasirirã ĩgũyarã aãrĩsĩã, ĩgũ gããmerĩrẽ neõ piriro marĩrõ merã irid<sub>H</sub>arã aãrĩka! Irasirid<sub>H</sub>arã, ĩgũyarã aãrĩmerã ñerĩrẽ iririkarã irirosũ neõ aãrĩbirikoa.

<sup>11</sup> Marĩp<sub>H</sub> ĩgũ gããmerĩrẽ marĩ irimakũ iãgũ, marĩ Op<sub>H</sub> marĩrẽ taug<sub>H</sub> Jesucristo ĩgũyarãrẽ perebiri dorerogue marĩrẽ

õārõ bokatĩrĩñeã: “Õõ, yu merã õārõ ããrĩnikõãka!” ãrĩ ñajãdoregukumi.

12 Mũsã yu wererire masĩsiãa. Irasũ ããrĩmakũ, diayema ããrĩrĩrẽ mũsã pẽdeare piriro marĩrõ õārõ yãa. Mũsã irire masĩkeremakũ, yu wererire kãtiri, ãrĩgũ, gũñanimakũ irigũra.

13-14 Marĩ Opũ Jesucristo yũre: “Mérõgã dũyãa mũ boaburo”, ãrĩ weresiami. Irasirigũ yu okaro ejatuaro mũsãrẽ: “Ãsũ irika!” ãrĩ weredeare mũsãrẽ gũñamakũ irigũra. “Irasiriro gããmekoa yũre”, ãrĩ gũñãa.

15 Irasirigũ yu boadero pũũ, yu weredeare neõ kãtibirikõãburo, ãrĩgũ, ããrĩpereri yu iridũaropa merã mũsãrẽ irire gojapĩgũra.

### *Gũa Jesucristo ĩgũ turagũ ããrĩrĩrẽ ĩãbũ, ãrĩ gojadea*

16 Gũa marĩ Opũ Jesucristo turarire, irasũ ããrĩmakũ ĩgũ dupaturi i ãmũgue aariburire mũsãrẽ weresiabũ. Irire wererã, sugũ masakũ ĩgũ gããmerõ gũñaboka weredeare wererã meta iribũ. Gũa basi ĩgũ turagũ ããrĩrĩrẽ ĩãbũ. Irasirirã ire mũsãrẽ werebũ.

17 Marĩpũ ããrĩnĩgũ Jesucristo turatarigũ, gosesirigũ ããrĩrĩrẽ gũare ĩmumakũ ĩãbũ. Irire ĩmugũ, ãmũgasigue merã ãsũ ãrĩ werenĩmi: “Ĩ yu magũ, yu maĩgũ ããrĩmi. ĩgũ merã bũro usũyãa”, ãrĩmi.

18 ãmũgasigue merã irasũ ãrĩ werenĩrĩrẽ pẽrã, ãtãũ wekague marĩ Opũ Jesús merã ããrĩbũ. Irigũgue ããrĩgũta ãmũgasiguema gosesiriri merã ĩgũ deyomakũ ĩãbũ.

19 Gũa irire ĩãnerã ããrĩsĩã: “Marĩpũya kerere weredupiyunerã gojadea diayeta ããrã”, ãrĩ masĩa. Irasirirã mũsã ĩgũsã gojadeare õārõ pẽka! ĩgũsã gojadea mũsãrẽ sĩãgodiru irirosũ ããrã. Naĩĩãrõgue sĩãgodiru merã marĩ waarõre sĩãgowãgãrã irirosũ ĩgũsã gojadea merã Marĩpũyare masĩa. Irasirirã Jesucristo dupaturi aarimakũguedere irire buenĩkõãka! ĩgũ neñukãmũ boyodiru õārõ boyoro irirosũ ããrĩgũ, marĩrẽ maama ãmũrẽ pĩbu ããrĩmi. Irasirigũ aarigũ, marĩrẽ Marĩpũyare masĩbirideare õārõ masĩmakũ irigukumi.

20 I gapũre masĩpũrorika! Marĩpũya kerere weredupiyunerã ĩgũya werenĩrĩ gojadea pũgue ĩgũyare gojarã, ĩgũsã masĩrĩ merã ĩgũsã basi gũñarĩ merã gojarã meta irinerã ããrĩmã.

21 ĩgũsã Marĩpũya kerere weredupiyudea, ĩgũsã gããmerõ ĩgũsã gũñarĩ merã werede meta ããrã. ĩgũsã weredupiyudea, Marĩpũ ĩgũsãrẽ weredoredea ããrã. Irasirirã ĩgũsã Marĩpũyarã, Õãgũ deyomarĩgũ iritamurĩ merã Marĩpũyare were, irire gojanerã ããrĩmã.

## 2

*Ārīkatori merā buerimasāyamarē gojadea  
(Jud 4-13)*

1 Iripoegue Israel bumarā surāyeri: “Marīp̄ya kerere weredupiyurimasā āārā”, ārīkatonerā āārīmā. Īgūsā iriderosūta dapagoradere ārīkatori merā buerimasā mūsā p̄uro aarirākuma. Mūsārē masīña marīrō diayema āārībirire būerākuma. Marī Op̄u Jesucristore Īgūsā ñerō iridea waja Īgū boari merā wajaribosadire: “Gua Op̄u āārībemi”, ārīrākuma. Īgūsā irasiriri waja gūñaña marīrō Marīp̄u Īgūsārē peamegue béogukumi.

2 Īgūsā ārīkatori merā buerire pérā, Īgūsā ñerī uaribejari iririre iārā, wārā mūsā watopegue āārīrā Īgūsārē iākūirākuma. Īgūsārē iākūimakū iārā, gajirā mūsā Jesúre b̄remurā watopegue āārīmerā Jesúyamarē ñerō ārī werenirākuma.

3 Ārīkatori merā buerimasā niyerure b̄uro gāāmesīā, mūsārē ārīkatori bueri merā mūsā Īgūsārē niyeru sīmakū irirākuma. Iripoegue Marīp̄u gap̄u: “Īgūsā irasiriri waja Īgūsārē wajamoāgura”, ārīsiadi āārīmī. Irasiriḡu Īgū ārīderosūta Īgūsārē peamegue béogukumi.

4 Irasiriḡu yu mūsā masīdeare dupaturi gūñamakū iriduaā. Iripoegue Marīp̄u Īgūrē wereboerā āārādinerā Īgūsā ñerō irimakū peamegue peresu iribéodi āārīmī. Naītiārōgue kōmedari merā siadobobéodi āārīmī. Āārīpererā ñerārē wajamoārīnu ejamakū, Īgūsā ñerō iridea waja Īgūsārē wajamoāgoragukumi.

5 Noé āārīdeapoegue marārē Īgūsā ñerō iridea waja Īgūsārē wajamoādi āārīmī. Irasiriḡu i nikū āārīperero miūgū, Īgūsārē mirīboaperemakū iridi āārīmī. Noé ditare, marāpo, Īgū pūrā ūma urerā, Īgūsā marāposā nomerē taudi āārīmī. Noé masakare: “Diayemarē irika!” ārī weregu āārīdi āārīmī.

6 Marīp̄u Sodoma, Gomorra wāikuri makārī marādere wajamoādi āārīmī. Īgūsā ñetariro iriri waja Īgūsāya makārīrē peame merā soebéogu, nitī poga dita dujamakū iridi āārīmī. P̄urugue gajirā ñerārē wajamoāburire masīburo, ārīgū irasiridi āārīmī.

7 Iri makārī marārē wajamoāgū, Lot diayema iriḡu ditare taudi āārīmī. Lot Sodomam̄u, gajirā Īgūya makā marā Marīp̄u dorerire irimerā ñerī iririkumakū iāgū, b̄uro gari-boredi āārīmī.

8 Īgū ōāgū, Īgūsā watope āārīgū, ūmarik̄u Īgūsā ñerō iririre iāgū, Īgūsā ñerō werenirīrē p̄egu, Īgūya yujupūrāgue b̄uro bujawereri merā poyadi āārīmī.

<sup>9</sup> Irasirirã, iripoegue marã waadeare marĩ masĩsã, idere masĩa. Marĩ Opũ ĩgũrẽ gããmerãrẽ ñerõ tarimakũ tau-masĩmi. Ñerã gapũre: “Wajamoãgũra”, ãrĩdeare pídi ããrĩmi. Irasirigũ ããrĩpererã ñerãrẽ wajamoãrĩnũ ejamakũ, ĩgũsãrẽ waja-moãgũkumi.

<sup>10</sup> Gajirã ñerã nemorõ ñerĩ ñaribejari iririkũrãrẽ, ĩgũ Opũ ããrĩrĩrẽ gããmemerãrẽ wajamoãgũkumi. ĩgũsã musãrẽ ãrĩkatori merã buerã noó gããmerõ yãma. “Gajirã nemorõ õãrõ masĩa”, ãrĩ gũñama. Gũiri marĩrõ turari oparãrẽ ñerõ ãrĩ buridama.

<sup>11</sup> Marĩpũre wereboerã gapũ ãrĩkatori merã buerimasã nemorõ turarã ããrĩkererã, Marĩpũ ĩũrõ neõ ñerõ ãrĩ buridari merã turari oparãrẽ: “Ñerã ããrĩma”, ãrĩ weresãbema.

<sup>12</sup> ãrĩkatori merã buerimasã gapũ waimũrã pémasĩmerã iririkũrosũ noó gããmerõ iridũari ditare yãma. ĩgũsã pémasĩbirideare ñerõ werenĩma. Masaka waimũrãrẽ ñeã, wějẽkuma. ãrĩkatori merã buerimasã, waimũrã irirosũ boamurã dita ããrĩma. Boadero pũrũ peamegue béosũrãkuma.

<sup>13</sup> Irasirirã gajirãrẽ ñerõ tarimakũ iriri waja, ñerõ tarirãkuma. Ɛmũrĩ, masaka ĩũrõgue noó gããmerõ ĩgũsã ñerĩ ñaribejarire iri, ñsũyama. Musã merã bosebaarã, ñerõ gũyasĩũrĩ iririkũrã ããrĩma.

<sup>14</sup> Nomerẽ ĩãrã, ĩgũsã merã ñerõ iridũama. ĩgũsã merã ñerõ iririre neõ piribema. Marĩpũyare gũñaturamerãrẽ ĩgũsã irirosũ ñerõ iridũamakũ yãma. ĩgũsã burõ opadũarire: “Ãsũ irirãra opamurã”, ãrĩ gũñarã ããrĩma. Irasirirã Marĩpũ waja-moãsũmurã ããrĩma.

<sup>15</sup> Diayemarẽ piri, iripoeguemu Balaam iriderosũ ñerõ yãma. Balaam, Beor wãikũgũ magũ ããrĩdi ããrĩmi. ĩgũ ñerĩ iriri merã niyerure wajatadũagũ ããrĩdi ããrĩmi.

<sup>16</sup> ĩgũ irasiribu maague waamakũ, ĩgũyago burra ĩgũrẽ turideo ããrĩmó. Marĩpũ igore masako irirosũ werenĩmakũ iridi ããrĩmi. Igo werenĩmakũ pégu, Balaam ĩgũ pémasĩbi irirosũ iriboadideare pirikõãdi ããrĩmi.

<sup>17</sup> Masaka deko ããrĩrĩ gobegue deko bokarãkoa, ãrĩ gũñama. ãrĩkatori merã buerimasã gapũ deko ããrĩrĩ gobegue deko marĩrõ irirosũ ããrĩma. ĩmĩkãyebori mirũ wějãpuri merã eja, otederogue deko merẽrõ marĩrõ tariaro irirosũ neõ masakare iritamubema. Irasirigũ Marĩpũ: “ĩgũsãrẽ ãsũ wajamoãgũra”, ãrĩderosũta gajiro nemorõ naĩtĩãrõgue ããrĩnĩmakũ irigũkumi.

<sup>18</sup> ãrĩkatori merã buerimasã werenĩrĩ, ĩgũsã: “Masĩtarĩnũgãã”, ãrĩrĩrĩ neõ wajamãã. Jesũre burẽmunũgãrãrẽ ñerõ iririkũrã iririre piriwãgãrãrẽ: “Marĩ noó gããmerõ irimakũ õãgorãã”, ãrĩ buema. Irire irasũ ãrĩ buerã, Jesũre

buremunugārārē ñerō ɥaribejarire dupaturi iriduamakū yáma.

<sup>19</sup> Īgūsārē: “Marī noó gāāmerō irimasīa”, ārī buema. Irasū āārīkeremakū, Īgūsā ñerō ɥaribejari, Īgūsārē ñerō irimakū yáa. Ñerō iririre neō pirimasībema. Irasirirā ñerō iridoregure moāboerā, Īgū doreri ditare irirā irirosū āārīma.

<sup>20</sup> Marī Opɥ Jesucristore marīrē taugure masīnugārā i ɥmɥma ñerīrē pirikōāma. Iri ñerīrē piridero pɥɥ, dupaturi piriro marīrō irinemomakū, ñegorakoa. Īgūsā Jesucristore masīburo dupiyuro Īgūsā āārīpɥroridero nemorō ñerō dujama.

<sup>21</sup> Ñerīrē irasiririkūrārē diayeta Jesucristoyare diayema iririre masībirimakū oābukuyo. Marīpɥ doreri Īgūsārē Īgū pídeare masīdero pɥɥ irire gāāmemerā, ñetariro dujama.

<sup>22</sup> Irasirirā dupaturi ñerīrē piriro marīrō irinemorā, masaka ārīnarōsū irirā yáma. Āsū ārīnama: “Diayée doka, pɥɥ Īgū dokadeareta baakumi doja. Irasū āārīmakū yesede guua, pɥɥ ñerī sóoberogue oyakumi doja”, ārīma.

### 3

*Marī Opɥ Jesucristo dupaturi i ɥmɥgue aariburire gojadea*

<sup>1</sup> Yaarā yɥ maīrā, mɥsārē su pū gojasiabɥ. Yɥ iri dupiyurogue gojadea pū, irasū āārīmakū i pū merā mɥsārē: “Āsū irika!” ārīrīrē oārō gūñamakū iriduagu yáa.

<sup>2</sup> Iripoegue marā oārā Marīpɥya kerere weredupiyunerā gojadeare, irasū āārīmakū marī Opɥ marīrē taugɥ dorerire gūñaka! Iri dorerire gɥa Īgū buedoregɥ pínerā mɥsārē buebɥ.

<sup>3</sup> Ire gūñapɥrorika! I ɥmɥ pereburi dupiyuro masaka Marīpɥyare bɥridarākuma. Ñerō ɥaribejarire iririkūrākuma.

<sup>4</sup> Bɥridari merā: “Cristo: ‘Dupaturi aarigɥra’, Īgū ārīdea, ɥnaásū waari? Marī ñekūsāmarā boanerā āārīmá. Neōgorague i ɥmɥ āārīnugādero pɥɥ, āārīpereri mɥrārōta āārīnīkōāa. Irasirigɥ Cristo neō aaribirikumi”, ārīrākuma.

<sup>5</sup> I gapure neō gūñaduabema. Iripoeguere Marīpɥ i nikū, ɥmɥgasire āārīmakū iridi āārīmí. Īgū werenírí merā dorederosūta deko āārīrōgue nikū deyoamakū iridi āārīmí. Irasū āārīmakū deko merā i nikū āārīmakū iridi āārīmí.

<sup>6</sup> Pɥɥ deko merāta i nikūrē miūdi āārīmí. Irire miūgū, i nikūma āārīdeare peremakū iridi āārīmí.

<sup>7</sup> Dapagorare Īgū werenírí merā dorerosūta ɥmɥgasi, i nikū āārīnīmakū yámi. Pɥɥguere āārīpererā ñerārē wajamoārīnɥ ejamakū, i āārīpererire peame merā peremakū irigukumi. Irinɥ āārīmakū, ñerārē peamegue béogakumi Īgūsārē wajamoāgū.

8 Yaará yu maĩrã, i gapure gũñaka! Marĩ: “Mil bojori tariri yoataria”, ãrĩ gũñaãa. Marĩ Opu gapu gũñamakũ, mil bojori tariri, sunu tariro irirosũ ããrã. Sunu tariride mil bojori tariri irirosũ ããrã ïgũrẽ.

9 Surãyeri masaka marĩ Opu ïgũ: “Dupaturi aarigakoa”, ãrĩdeare gũñarã: “Yoobotarimi, aaribirikumi”, ãrĩ gũñama. ïgũsã irasũ gũñarĩ diaye ããrĩbea. Masakare bopoñarĩ merã ïãsiã, mata aaribirikumi. Neõ sugu masakare peamegue waamakũ gããmebemi. ããrĩpererã ïgũsã ñerõ iririre bujawere, gũñarĩrẽ gorawayumakũ gããmemi. Irasirigu aaribemi dapa.

10 Marĩ Opu dupaturi i umugue aarirĩnu ããrĩmakũ, yajari-masũ gũñaña marĩrõ yajagu aarigũ irirosũ gũñaña marĩrõ aarigukumi. ïgũ aarimakũ, buro busuro merã umugasi pereakõãrokoa. I umuma ujupereakõãrokoa. Nikũ, irasũ ããrĩmakũ ããrĩpereri i nikũgue ããrĩrĩ ujupereakõãrokoa.

11 Marĩpu i ããrĩpereri peremakũ iriburire pérã, marĩ ñerõ iririre piri, Marĩpu gããmerĩ gapure iriro gããmea marĩrẽ.

12 Marĩ Opu dupaturi i umugue aarirĩnerẽ yúrãta Marĩpu gããmerĩrẽ iriri merã ïgũ aarimakũ iriyuwarikupurumurã! Irĩnerẽ umugasima ujupereakõãrokoa. I umugue ããrĩrĩ ujũ sebebereakõãrokoa.

13 Marĩ gapu Marĩpu ïgũ: “Maama umugasi, maama nikũrẽ irigura”, ãrĩderosũta ïgũ iriburire yúa. ïgũ maama dita iriadero purugue òãrã diayema irirã dita ããrĩrãkuma.

14 Irasirirã musã yu maĩrã, marĩ Opu aariburire yúrãta, buro iriduarĩ merã òãrĩ ditare irika! Irasirimakũ, ïgũ aarigũ, musãrẽ ïgũ merã òãrõ siñajãrĩ oparã, Marĩpu iũrõ ñerĩ marĩrã, waja opamerãrẽ bokajagukumi.

15 Musã ire masĩka! Marĩ Opu masakare bopoñarĩ merã ïãgũ, ïgũsã peamegue waabirimakũ gããmegũ, mata aaribirikumi. ïgũsã ñerõ iririre bujowereri merã gũña, ïgũrẽ buremunugãmakũ yãmi. Marĩyagu Pablo marĩ maĩgũ, Marĩpu masĩrĩ sĩrĩ merã ãsũta musãrẽ gojadi ããrĩmĩ.

16 ããrĩpereri ïgũ gojadea pũgue marĩ Opu dupaturi aariburimarẽ gojadi ããrĩmĩ. Irire marĩ pémasĩduamakũ diasagorãa marĩrẽ. Marĩpuyare masĩmerã, irasũ ããrĩmakũ ïgũyare gũñaturamerã: “Pablo gojadea ãsũ ãrĩduaro yãa”, ãrĩ buerã, keoro buebema. ãrĩkatori merã buema. Gaji Marĩpuya werenĩrĩ gojadea pũgue gojadeare buerãde irasũta yãma. Irasiriri waja peamegue béosũrãkuma.

17 Yaará yu maĩrã, yu musãrẽ ãrĩkatori merã buerimasã iririre weresiabu. Irasirirã ñerã musãrẽ ãrĩkatori merã buerire pémasĩka! ïgũsã Marĩpu dorerire irimerã irirosũ ããrĩbirikõãka!

Irasũ ããrĩmakũ, musã ãgũyare gũñaturari merã buremurĩrẽ neõ  
piribirikõãka!

<sup>18</sup> Marĩ Opu Jesucristo marĩrẽ taugũ gapũre, irasũ  
ããrĩmakũ ãgũ marĩrẽ maĩrĩ gapũre masĩnemoka! Dapagorare,  
pũruguedere neõ piriro marĩrõ marĩ ãgũrẽ buremunikõãrã!  
“Õãtaria mũ”, ãrĩrã ãgũrẽ! Irasũta ãrĩrã!

Iropata ããrã.

Pedro



# 1 SAN JUAN

## *Juan Jesucristoyamarē gojādea*

<sup>1</sup> G<sub>ua</sub> m<sub>us</sub>ārē Jesucristoyamarē gojāa. Neōgoragueta i ūm<sub>u</sub> āārīburi dupiyuro āārīsiadi āārīmī. I ūm<sub>u</sub>gue deyoadero p<sub>u</sub>r<sub>u</sub>, ĩgūrē g<sub>u</sub>aya koye merā ĩā, ĩgū werenírīrē péb<sub>u</sub>. ĩgū āārīrīrē ĩāmasī, g<sub>u</sub>aya mojōrī merā ĩgūrē moāñab<sub>u</sub>. ĩgū marīrē Marīp<sub>u</sub> merā āārīnīmakū irīg<sub>u</sub> Marīp<sub>u</sub>ya werenírīrē wereg<sub>u</sub> āārīmi.

<sup>2</sup> ĩgū, Marīp<sub>u</sub> merā āārīnīgū, i ūm<sub>u</sub>gue deyoadi āārīmī, marīrē Marīp<sub>u</sub> merā āārīnīmakū iribu. ĩgū deyoadero p<sub>u</sub>r<sub>u</sub>, g<sub>u</sub>are ĩgū Pag<sub>u</sub> merā perebiri okarire sīgū āārīrīrē masīm<sub>u</sub>makū irimi. G<sub>ua</sub> ĩgūrē ĩāsīā, g<sub>u</sub>a ĩādeare m<sub>us</sub>ārē werea.

<sup>3</sup> G<sub>ua</sub> Marīp<sub>u</sub> merā, irasū āārīmakū ĩgū magū Jesucristo merā ōārō āārā. Irasirirā g<sub>u</sub>a ĩā, pédeare m<sub>us</sub>ārē werea, m<sub>us</sub>āde g<sub>u</sub>a irirosūta Marīp<sub>u</sub> merā, Jesucristo merā ōārō āārī, g<sub>u</sub>a merādere ōārō āārīburo, ārīrā.

<sup>4</sup> Irireta g<sub>u</sub>a m<sub>us</sub>ārē gojāa, b<sub>u</sub>ro h<sub>u</sub>nyari opaburo, ārīrā.

## *Marīp<sub>u</sub> āārīrī, boyorigora āārā, ārī gojādea*

<sup>5</sup> Jesucristo g<sub>u</sub>are ĩgūya kere buedeare m<sub>us</sub>ārē werea. Āsū ārīmi: “Marīp<sub>u</sub> āārīrī, boyorigora āārā. ĩgūguere naītīārī neō máa. Irasirīg<sub>u</sub> ōārī ditare opag<sub>u</sub>, ñerīrē neō opabi āārīmi”.

<sup>6</sup> Ñerīrē irirā naītīārōgue āārīrā irirosū āārīma. Marī, ĩgūsā irirosū ñerīrē iririkukererā, “Marīp<sub>u</sub> merā ōārō āārī, ōārō yāa”, ārīrā, ārīkatorā yāa. Diayemarē iribea.

<sup>7</sup> Marīp<sub>u</sub> ōārī ditare irīg<sub>u</sub> irirosū marī ōārīrē iririkurā, boyorogue āārīrā irirosū āārā. Irasirirā, Marīp<sub>u</sub> merā ōārō āārīrā, marī baside ōārō āārīrā yāa. Jesucristo, Marīp<sub>u</sub> magū curusague boag<sub>u</sub> ĩgūya dí béodea merā marī ñerī oparī āārīpererire koenīkōāmi.

<sup>8</sup> Marī ñerīrē irirā: “Ñerīrē irirā meta āārā”, ārīrā, marī basita ārīkatorā yāa. Diayema āārīrīrē masībea.

<sup>9</sup> Marī ñerō irideare Marīp<sub>u</sub>re weretaripeomakū, ĩgū ārīderosūta diayemarē irīg<sub>u</sub> āārīsiā, marī ñerō irideare kātipeokōāgukumi. Āārīpereri marī ñerī oparire koepeokōāgukumi.

<sup>10</sup> Marīp<sub>u</sub>: “Āārīpererā masaka ñerīrē irirā āārīma”, ārīdi āārīmī. Irasirirā marī: “Neō ñerīrē iribea”, ārīrā: “Marīp<sub>u</sub> ārīkatog<sub>u</sub> āārīmi”, ārīrā irirosū āārā. ĩgū werenírīrē gāāmemerā irirosū āārā.

## 2

*Juan: “Cristo ĩgũ Pagũre marĩya ããrĩburire sērēbosami”, ãrĩ gojadea*

<sup>1</sup> Yaarã, mũsã yũ pũrã irirosũ ããrã. Yũ mũsãrē ire gojáa, ñerĩrē iribirikõãburo, ãrĩgũ. Marĩ ñerõ irimakũ, Jesucristo di-ayemare ĩrigũ ĩgũ Pagũre marĩya ããrĩburire ãsũ ãrĩ sērēbosami: “Īgũsã ñerõ irideare kãtika, ĩgũsãrē wajamoãbirikõãka!” ãrĩmi.

<sup>2</sup> Jesucristo ĩgũ boari merã marĩ ñerõ iridea wajare marĩrē wajaribosadi ããrĩmĩ. Marĩ ñerõ iridea waja ditare wajari-bosabiridi ããrĩmĩ. ããrĩpererã i mũmũ marãrē ĩgũsã ñerõ iridea wajare wajaribosadi ããrĩmĩ.

<sup>3</sup> Marĩpũ dorerire marĩ irirã: “Marĩpũre diayeta masĩa”, ãrĩ masĩa.

<sup>4</sup> Sugũ Marĩpũ dorerire iribi: “Yũde Marĩpũre masĩa”, ãrĩgũ, ãrĩkatogũ yãmi. Diayema ããrĩrĩrē masĩbemi.

<sup>5</sup> Marĩpũ dorerire ĩrigũ gapũ Marĩpũre bũro maĩmi. Irasirigũ: “Yũ Marĩpũ merã õãrõ ããrã”, ãrĩ masĩmi.

<sup>6</sup> Irasirirã marĩ: “Marĩpũ merã õãrõ ããrã”, ãrĩrã, Jesucristo ĩgũ iririkũderosũta iriro gããmea.

*Juan, Marĩpũ dorerimarē gojadea*

<sup>7</sup> Yaarã, yũ mũsãrē dapagora gojari, maama doreri meta ããrã. I doreri, mũsã Jesũya kerere bũremunũgãdeapogue pẽdeata ããrã. Irasirirã mũsã iri dorerire pẽsiabũ.

<sup>8</sup> Iri doreri: “Gãme maĩka!” ãrã. Irasiriro iri doreri, iripoeguema doreri ããrĩkerero, maama doreri irirosũ ããrã. Iri dorerire irimerã naĩtĩãrõgue ããrĩrã irirosũ ããrĩma. Iro dupiyuro mũsã iri dorerire iribirinerã ããrĩbũ. Dapagorare Cristo irirosũ mũsãde irire irirã yãa. Irasirirã naĩtĩãrõgue ããrĩrã irirosũ ããrĩbea. Boyorogue ããrĩnũgãrã irirosũ irirã yãa.

<sup>9</sup> Sugũ gajigũ ĩgũyagũre ĩãturi dookeregũ: “Marĩpũ dorerire ĩrigũ ããrã”, ãrĩgũ, naĩtĩãrõgue ããrĩgũ irirosũ ããrĩmi dapa.

<sup>10</sup> Gajirãrē ĩgũyarãrē maĩgũ gapũ boyorogue ããrĩgũ irirosũ ããrĩmi. ĩgũguere neõ ñerĩ opari ĩgũrē ñerõ irimakũ iriri mãa.

<sup>11</sup> Gajirãrē ĩgũyarãrē ĩãturi doorikũgũ gapũ naĩtĩãrõgue waagorenagũ irirosũ ñerĩrē iririkũgũ ããrĩmi. ĩgũ ñerĩrē iririkũri waja, koye ĩãbi ĩgũ waaburore masĩbi irirosũ Marĩpũ dorerire neõ masĩbi ããrĩmi.

<sup>12</sup> Yũ mũsãrē yũ pũrã irirosũ ããrĩrãrē gojáa. Marĩpũ, Jesucristo ĩgũ boari merã mũsã ñerõ iridea wajare wajaribosari merã mũsã ñerĩ irideare kãtidi ããrĩmĩ. Irasirigũ mũsãrē gojáa.

<sup>13</sup> Mũsã pagũsãmarã, mũsã Cristore neõgoragueta ããrĩdire masĩa. Irasirigũ mũsãdere gojáa. Mũsã maamarã, wãtĩrē tarinũgãnerã ããrã. Irasirigũ mũsãrē gojáa.

14 Mũsã Marĩpũre masĩa. Irasirigu mũsãrẽ yũ pũrã irirosũ ããrĩrãrẽ gojãa. Mũsã pagũsãmarã, mũsã Cristore neõgoragueta ããrĩdire masĩa. Irasirigu mũsãrẽ gojãa. Mũsã maamarã, Marĩpũre gũñaturarã ãgũ werenĩrĩrẽ gããmerã, wãtĩrẽ tarinũgãnerã ããrã. Irasirigu mũsãrẽ gojãa.

15 I ãmũrẽ, i ãmũma ñerĩrẽ maĩbirikõãka! Sugũ i ãmũmarẽ maĩgũno, Marĩpũre maĩbemi.

16 I ãmũma ãsũ ããrã. Masaka noó gããmerõ ñerĩ ãaribejari, gajinorẽ ãã bũro gããmerĩ, gajirã nemorõ opari merã ãsũyari ããrã. Iri Marĩpũyama ããrĩbea. I ããrĩpereri i ãmũma dita ããrã.

17 I ãmũ pereburo yãa. ããrĩpereri masaka ãgũsã i ãmũma ñerĩ ãaribejaride pereakõãrokoa. Marĩpũya gapũ neõ perebirikoa. Irasirirã, Marĩpũ gããmerĩrẽ irirã ãgũ merã ããrĩnĩkõãrãkuma.

*Juan: “Diyema ããrĩrĩ, diyema ããrĩbiri ããrã”, ãrĩ gojadea*

18 Mũsã yũ pũrã irirosũ ããrĩrã, i ãmũ pereburo mero dũyãa. I ãmũ pereburo dupiyuro Cristore ãaturigu aarigũkumi. Mũsã irire pésiabu. Dapagoradere gajirã Cristore ãaturirã wãrã ããrĩsiamã. Irasirirã marĩ i ãmũ pereburo mero dũyarire masĩa.

19 ãgũsã Cristore ãaturirã marĩ merã ããrĩnerã ããrĩkererã, marĩyarã diaye ããrĩbema. Irasirirã ããrĩpererã marĩrẽ bẽo wiriamã. ãgũsã irasirimakũ ããrã, masĩa. ãgũsã marĩyarã ããrĩnerã, marĩ merã dujabonerã ããrĩmã.

20 Cristo mũsãrẽ Õãgũ deyomarĩgũrẽ sĩsiadi ããrĩmĩ masĩrĩ opadoregũ. Irasirirã mũsã ããrĩpererã Õãgũ deyomarĩgũ merã Jesucristoya kere diyema ããrĩrĩrẽ masĩa.

21 Irasirigu yũ mũsãrẽ gojagũ: “Diyema ããrĩrĩrẽ masĩbea mũsã”, ãrĩ gojagũ meta yãa. Mũsã diyema ããrĩrĩrẽ masĩsĩã: “Jesucristoya kere, diyema ããrĩrĩ, neõ ãrĩkatori kere meta ããrã”, ãrĩ masĩa. Irasirigu mũsãrẽ gojãa.

22 ãrĩkatorikurã gapũ ãsũ ãrĩma: “Jesús, Marĩpũ iriudi Cristo ããrĩbemi”, ãrĩma. Irire irasũ ãrĩrã Cristore ãaturirã ããrĩma. ãgũrẽ Marĩpũ magũ ããrĩrĩrẽ bũremubirisĩã, ãgũ Pagũdere bũremubema.

23 Noó: “Jesús, Marĩpũ magũ ããrĩbemi”, ãrĩrãno ãgũ Pagũ merãdere õãrõ ããrĩbema. “Jesús, Marĩpũ magũ ãgũ iriudi Cristo ããrĩmĩ”, ãrĩrã gapũ ãgũ Pagũ merãdere õãrõ ããrĩma.

24 Irasirirã, Jesucristoya kerere mũsã bũremunũgãdeapogue pẽdeare õãrõ gũñaduripĩka! Irire gũñaduripĩrã, Jesucristo merã, ãgũ Pagũ merãdere neõ piriro marĩrõ õãrõ ããrĩnĩkõãrãkõa.

25 Jesucristo marĩrẽ ãsũ ãrĩ weresiamĩ: “Yũpũ merã perebiri okari sĩgũkoa mũsãrẽ”, ãrĩmĩ.

26 Gajirã mũsãrẽ ãrĩkatori merã buedũama. Irasirigu mũsãrẽ irire gojãa, ãgũsã ãrĩkatorire pẽri, ãrĩgũ.

27 Īgūsā musārē irasū ārikatokeremakū, Jesucristo gapu musārē Ōāgū deyomarīgūrē sīsiadi āārīmī masīrī opadoregū. Irasirigū Ōāgū deyomarīgū musā merā āārīnīsīā, neō ārikatori marīrō āārīpereri diayema āārīrīrē musārē masīmakū yāmi. Irasirimakū iārā: “Gajirā gware diayema āārīrīrē buemakū gāāmea”, ārībirikōādorea. Irasirirā, Ōāgū deyomarīgū musārē buerosūta Cristo merā ōārō āārīnīkōāka!

28 Irasirigū yu musārē yu pūrā irirosū āārīrārē: “Cristo merā ōārō āārīnīkōāka!” ārī werea. Marī irasirirā, Cristo i ūmugue dupaturi aarimakū, neō gūiri marīrō Īgū Īūrōrē gūyasīrīrī marīrō gūñaturari merā Īgūrē ōārō bokatīrīñeārākoa.

29 Jesucristo Marīpu magū diayemarē irigū āārīrīrē musā masīa. Irasirirā, āārīpererā diayemarē irirāno Marīpu pūrā āārīma. Idere musā masīa.

### 3

#### *Musā Marīpu pūrā āārā, ārī gojadea*

1 Marīpu marīrē maītarimi. Irasirigū marīrē: “Yu pūrā āārīma”, ārīmi. Irasirirā Īgū pūrā āārā marī. I ūmū marā ñerā Marīpūre masībema. Irasirirā marīdere Īgū pūrādere masībema.

2 Yaarā yu maīrā, yu musārē werea. Marīpu pūrā āārā marī. Pūrugue marī āārīburire marī ōārō masībea dapa. Cristo dupaturi aarimakūgue diayeta irire masīrākoa. Īgū aarimakū iārā: “Āsūta āārīmi”, ārī masīrākoa. Irasirirā, Cristo aarimakūgue, marī Īgū irirosū āārīrākoa.

3 Īgū irirosū āārīburire gūñarāno: “Īgū irirosūta ōārīrē iriro gāāmea marīrē”, ārīrā, ñerī iririre piri, ōārī gapure irirā yāma.

4 Āārīpererā ñerīrē irirā, Marīpu dorerire tarinūgārā āārīma. Ñerō iriri, Marīpu dorerire tarinūgārī āārā.

5 Jesucristo marī ñerō iridea wajare peremakū iribu i ūmugue aaridi āārīmī. Īgūrē ñerī opari neō máa. Musā irire masīa.

6 Irasirirā āārīpererā Īgū merā ōārō āārīnīrā, ñerīrē irinīrā meta āārīma. Ñerīrē irinīrā gapu Īgūrē neō masībiri, Īgū āārīrikuridere masībema.

7 Yaarā, yu pūrā irirosū āārīrā, ōārō pémasīka! Gajirā musārē ārikatomakū, Īgūsārē pébirikōāka! Sugū diayemarē irigūno, Jesucristo irirosū ōāgū āārīmi.

8 Ñerīrē irinīgū wātīyagu āārīmi. Wātī neōgoragueta ñerīrē irinūgādi āārīmi. Irasirigū Marīpu magū Jesucristo wātī ñerī iririre béogu i ūmugue aaridi āārīmī.

9 Marīpu Īgū pūrārē Īgū irirosū āārīrikumakū iridi āārīmī. Irasirirā ñerīrē irinībema. Marīpu pūrā āārīsīā, ñerī ditare irinīmasībema.

10 Marĩpu pũrãrẽ, wãtĩ pũrãdere ãsũ iãmasĩa. Wãtĩ pũrã, Marĩpu pũrã irirosũ ããrĩbema. Diayemarẽ irinĩmerã, gajirã ĩgũsãyarãrẽ maĩmerã, Marĩpu pũrã ããrĩbema.

*Gãme maĩdoredea*

11 “Marĩrẽ gãme maĩrõ gããmea”, ãrĩ bueri, mũsã Jesúya kerere bũremunũgãdeapogue pẽdeata ããrã.

12 Irasirirã marĩ Caĩn iripoeguemu iriderosũ iribirikõãrã! Caĩn wãtĩyagu ããrĩsĩa, ĩgũ pagumũrẽ wẽjẽbéokõadi ããrĩmĩ. ¿Nasirigu ĩgũrẽ wẽjẽyuri? ĩgũ ñerĩrẽ irinĩdi ããrĩmĩ. ĩgũ pagumu gapu diayemarẽ irinĩdi ããrĩmĩ. ĩgũ irasũ iriri waja, Caĩn ĩgũrẽ iãturi doo, wẽjẽbéokõadi ããrĩmĩ.

13 Yaarã, i ãmu marã ñerõ iririkurã marĩ õãrĩrẽ iriri waja marĩrẽ iãturi doomakũ iãrã: “¿Nasiro irasũ waãari yũre?” ãrĩ gũñabirikõãka!

14 Iripoeguere marĩ peamegue waamurã dita ããrĩnerã ããrãdibu. Dapagora gapure marĩyarãrẽ maĩsĩa: “Marĩpu marĩrẽ ĩgũ ããrĩrõgue waamurã ããrĩmakũ iridi ããrĩmĩ”, ãrĩ masĩa. Sugu gajigu ĩgũyagure maĩbino, peamegue waabu ããrĩmi dapa.

15 ĩgũsãyarãrẽ iãturi doorãno Marĩpu iũrõrẽ masakare wẽjẽbéorã irirosũ ããrĩma. Masakare wẽjẽbéorã Marĩpu merã perebiri okari opamerã ããrĩma. Irire mũsã masĩa.

16 Jesucristo marĩya ããrĩburire marĩrẽ boabosadeare gũñarã, ĩgũ marĩrẽ bũro maĩrĩrẽ masĩa. Irasirirã marĩde marĩyarãrẽ maĩrã, ĩgũsãya ããrĩburire boamurã ããrĩkererã, ĩgũsãrẽ iritamurõ gããmea.

17 Sugu wãri ĩgũ ããrĩburire opagu gapu ĩgũyagure bopogure iãkeregu, ĩgũrẽ bopoña sĩbi, Marĩpu maĩrõsũ maĩbemi.

18 Yaarã yu maĩrã: “Marĩ gajirãrẽ maĩa”, ãrĩ werenĩrã, ĩgũsãrẽ iritamurõ gããmea. ĩgũsãrẽ iritamurã, marĩ ĩgũsãrẽ diaye maĩrĩrẽ masĩmakũ yãa.

*Marĩpu iũrõ gũiro marĩrõ ããrĩrĩrẽ gojadea*

19 Gajirãrẽ maĩrã: “Marĩ diayeta Marĩpu pũrã ããrã”, ãrĩ masĩa. Irasirirã, ĩgũ iũrõ gũiro marĩrõ ããrĩmasĩa.

20 Marĩ basi: “Ñerõ iriakubu, irasirigu waja opakoa”, ãrĩ gũñarikukeremakũ, Marĩpu ããrĩpererire masĩgũ, marĩ nemorõ marĩ ããrĩrikũrĩre masĩmi. Irasirigu marĩrẽ õãrõ ããrĩrikumakũ irimasĩmi.

21 Yaarã yu maĩrã: “Marĩpu iũrõ marĩ ñerĩ iridea wajare opabea”, ãrĩ gũñarã, ĩgũ iũrõ gũiro marĩrõ gũnaturari merã ããrĩmasĩa.

22 Irasũ ããrĩmakũ ĩgũ dorerire ĩgũ gããmerĩrẽ marĩ irimakũ iãgũ, ĩgũrẽ marĩ sãrẽrĩrẽ sũgukumi.

23 Īgũ marĩrẽ doregũ, ăsũ ărĩmi: “Yũ magũ Jesucristore bũremuka! Irasũ ăărĩmakũ, Īgũ mũsărẽ dorederosũta găme maĩka!” ărĩmi.

24 Marĩ Īgũ dorerire iriră, Īgũ meră ăărõ ăărĩnkõăa. Īgũde marĩguere ăărĩnkõămi. Īgũ marĩrẽ Ōăgũ deyomarĩgũrẽ sĩsiami. Irasirigũ Īgũ marĩguere ăărĩnrĩrẽ Ōăgũ deyomarĩgũ meră marĩrẽ masĩmakũ yămi.

## 4

*“Marĩpũ weredorederosũta wereră ăără”, ărĩrăyamarẽ masĩdorea, ărĩ gojadea*

1 Yaară yũ maĩră, mũsărẽ werea. Dapagorare i ămũrẽ wără: “Marĩpũ weredorederosũta wereră ăără”, ărĩkereră, ărĩkatoră ăărĩma. Irasiriră, ăărĩpereră mũsă masĩmeră mũsă pũrogue bueră ejamakũ, mata Īgũsă buerire bũremubirikõăka! Īgũsă buerire pėră: “¿Diyeta Marĩpũ buedoreri ăărĩrĩ? ¿Ōăgũ deyomarĩgũrẽ opară ăărĩrĩ irasũ ărĩ wereră?” ărĩ gũñaka!

2 Ōăgũ deyomarĩgũrẽ oparăno, ăsũ ărĩma: “Jesucristo marĩ irirosũ dũpũkũgũ i ămũguere aaridi ăărĩmĩ”. Mũsă, Īgũsă irire irasũ ărĩmakũ pėră: “Ōăgũ deyomarĩgũrẽ opară, Marĩpũ dorederosũta werema”, ărĩ masĩrăkoa.

3 “Jesũs marĩ irirosũ dũpũkũgũ i ămũguere aaridi ăărĩmĩ”, ărĩrĩrẽ bũremumeră gapũ Ōăgũ deyomarĩgũrẽ opabema. Cristore ĩaturigũre doregũta Īgũsădere doremi. Mũsă, Cristore ĩaturigũ aarĩburire pėsiabũ. Dapagoradere ĩgũrẽ doregũta i ămũguere ăărĩsiami.

4 Mũsă yũ pũră irirosũ ăărĩră, Marĩpũyară ăără. Ōăgũ deyomarĩgũ mũsăguere ăărĩmi. Wătĩ Īgũyarărẽ i ămũgue ăărĩrărẽ doregũ ăărĩmi. Ōăgũ deyomarĩgũ gapũ, wătĩ nemorõ turagũ ăărĩmi. Irasiriră, ărĩkatori meră wereră wererire bũremubiri, Īgũsărẽ tarinũgăsiabũ.

5 Ărĩkatori meră wereră i ămũ mară ăărĩma. I ămũma ditare werema. Gajiră i ămũ mară Īgũsă irirosũ ăărĩrăta Īgũsă wererire pėma.

6 Marĩ gapũ Marĩpũyară ăără. Marĩpũre masĩrăno, marĩ wererire pėma. Gajiră Īgũyară ăărĩmeră gapũ, marĩ wererire pėbema. Irasiriră marĩ ăsũ ărĩ masĩa: “Marĩpũyară ăărĩrăno, Ōăgũ deyomarĩgũ dorerosũta diayema ăărĩrĩrẽ wererărẽ pėma. Marĩpũyară ăărĩmeră gapũ, wătĩ dorerosũta ărĩkatori meră wererărẽ pėma”, ărĩ masĩa.

*Marĩpũ diayeta ăărĩpererărẽ maĩgũ ăărĩmi, ărĩ gojadea*

7 Yaară yũ maĩră, mũsărẽ werea. Marĩ găme maĩmakũ, Marĩpũta irasirimakũ yămi. Irasiriră marĩ găme maĩră! Gajirărẽ maĩrăno, Marĩpũ pũră, ĩgũrẽ masĩră ăărĩma.

8 Marĩpu diayeta ããrĩpererãrẽ maĩgũ ããrĩmi. Irasirirã gajirãrẽ maĩmerãno ãgũrẽ masĩbema.

9 Marĩpu ãgũ magũ sugũ ããrĩgũrẽ i ãmũgue iriudi ããrĩmĩ, marĩrẽ ãgũ merã perebiri okarire opaburo, ãrĩgũ. ãgũrẽ iriugũ, ãgũ marĩrẽ maĩrĩrẽ masĩmakũ iridi ããrĩmĩ.

10 ãgũ marĩrẽ maĩrĩ, marĩ ãgũrẽ maĩrĩ irirosũ meta ããrã. ãgũ gapũ marĩrẽ diayeta maĩsĩã, ãgũ magũrẽ iriudi ããrĩmĩ, ãgũ boari merã marĩ ñerõ iridea wajare wajaribosadoregũ. Irasirigũ iri merã marĩ ñerõ irideare kãtimi.

11 Yaarã yũ maĩrã, mũsãrẽ werea. Marĩpu marĩrẽ maĩmakũ ããrã, marĩde gãme maĩrõ gããmea.

12 Neõ sugũ masakũ Marĩpũre ããdi mámi. ãgũrẽ ããbirikeremakũ, marĩ gãme maĩmakũ, marĩ merã ããrĩnĩkõãmi. Irasirigũ, ãgũ maĩrõsũta marĩrẽ gajirãrẽ õãrõ maĩmakũ yãmi.

13 Marĩpu Õãgũ deyomarĩgũrẽ marĩrẽ sĩdi ããrĩmĩ. Irasirirã, Õãgũ deyomarĩgũ merã Marĩpu marĩ merã ããrĩnĩrĩrẽ, marĩde ãgũ merã ããrĩnĩrĩrẽ masĩa.

14 Gũã, Marĩpu magũrẽ ããnerã ããrĩsĩã, gajirãrẽ: “Marĩpu ãgũ magũrẽ iriudi ããrĩmĩ, i ãmũ marãrẽ ãgũsã ñerõ iridea wajare taudoregũ”, ãrĩ werea.

15 “Jesús, Marĩpu magũ ããrĩmi”, ãrĩrãno, Marĩpu merã ããrĩnĩma. ãgũde ãgũsã merã ããrĩnĩkõãmi.

16 Irasirirã: “Marĩpu marĩrẽ maĩmi”, ãrĩ masĩa. “ãgũta marĩrẽ maĩmi”, ãrĩ bũremua. ãgũ diayeta ããrĩpererãrẽ maĩgũ ããrĩmi. Sugũ gajirãrẽ maĩgũno, Marĩpu merã ããrĩnĩmi. Marĩpũde ãgũ merã ããrĩnĩkõãmi.

17 Irasirigũ ãgũ marĩ merã ããrĩnĩsĩã, ãgũ maĩrõsũta marĩrẽ gajirãrẽ õãrõ maĩmakũ yãmi. ãgũ ããrĩpererã ñerãrẽ peamegue wajamoãrĩnũ ejamakũ, marĩrẽ gũiri marĩrõ ããrĩburo, ãrĩgũ, irasũ yãmi. Marĩ gũiri marĩrõ ããrĩrã, Jesucristo i ãmũgue ããrĩgũ Marĩpu merã õãrõ ããrĩderosũta marĩde ãgũ merã õãrõ ããrã.

18 Marĩpũre maĩrã, ãgũ marĩrẽ maĩrĩrẽ masĩrã, gũiri marĩrõ ããrã. Irita marĩrẽ neõ gũibirimakũ yãã. Sugũ: “Marĩpu yũre wajamoãgũkumi”, ãrĩ gũñagũno, gũimi. ãgũrẽ õãrõ maĩbi, ãgũ ãgũrẽ bũro maĩrĩrẽ masĩbi ããrĩmi.

19 Marĩpu, marĩ ãgũrẽ maĩburi dupiyuro marĩrẽ maĩpũroridi ããrĩmi. Irasirirã marĩde ãgũrẽ maĩa.

20 Sugũ masakũ gajigũre ãgũyagũre ããturi doogu: “Yũde Marĩpũre maĩa”, ãrĩgũ, ãrĩkatogu ããrĩmi. Gajigũre ãgũ ããgũrẽ maĩbi, Marĩpũre ãgũ ããbire maĩmasĩbemi.

21 Jesucristo i doreri marĩrẽ pími: “Marĩpũre maĩrã, gajirãdere maĩrõ gããmea”, ãrĩmi.

## 5

*Marĩpu pũrã ããrĩrã ñerĩ iririre piri, õãrĩ gapure yáma, ãrĩ gojadea*

<sup>1</sup> “Jesús, Marĩpu magũ ãgũ iriudi Cristo ããrĩmi”, ãrĩ bũremurãno, Marĩpu pũrã ããrĩma. Marĩpure maĩrãno, ãgũ pũrãdere maĩma.

<sup>2</sup> Marĩ, Marĩpure maĩrã, ãgũ dorerire irirã, ãgũ pũrãdere maĩa. Irire marĩ masĩa.

<sup>3</sup> Marĩpure maĩrã, ãgũ dorerire irirã yáa. ãgũ dorerire irimakũ diasãbea. Nũkãrĩrẽ ùũmarõ irirosũ ããrĩbea.

<sup>4</sup> Irasirirã ããrĩpererã Marĩpu pũrã i ùmũma ñerĩ iririre piri, irire irinĩbema. Marĩ Jesucristore bũremurĩ merã i ùmũma ñerĩ iririre piri, õãrĩ gapure irimasĩa.

<sup>5</sup> “Jesús, Marĩpu magũ ããrĩmi”, ãrĩ bũremurã dita i ùmũma ñerĩ iririre piri, õãrĩ gapure irimasĩa.

*Marĩpu magũyamarẽ gojadea*

<sup>6</sup> Jesucristo i ùmũgue ããrĩgũ, deko merã wãiyesũmi. Pũru boagu, ãgũya dí béomi. Irasirirã marĩ, ãgũ deko merã wãiyesũdeare, ãgũya dí béodeadere masĩrã: “Jesús, Marĩpu magũ ããrĩmi”, ãrĩ masĩa. ãgũ deko merã wãiyesũdea ditare masĩrĩ merã irire masĩbea. Õãgũ deyomarĩgũ marĩrẽ i Jesucristoyamarẽ masĩmakũ yámi. ãgũta marĩrẽ diayema ããrĩrĩrẽ masĩmakũ irigu ããrĩmi.

<sup>7</sup> Ñmũgasiguedere: “Jesús, Marĩpu magũ ããrĩmi”, ãrĩ wererã, urerã ããrĩma. Marĩpu, ãgũ magũ, Õãgũ deyomarĩgũ ããrĩma. ãgũsã urerã ããrĩkererã, sugũta ããrĩmi.

<sup>8</sup> I nikũguedere Õãgũ deyomarĩgũ marĩrẽ Jesús, Marĩpu magũ ããrĩrĩrẽ masĩmakũ yámi. Irasũ ããrĩmakũ, marĩ Jesús deko merã wãiyesũdeare, ãgũya dí béodeadere masĩrĩ merã: “Jesús, Marĩpu magũ ããrĩmi”, ãrĩ masĩa. Iri merã marĩ õãrõ masĩa.

<sup>9</sup> Masaka marĩrẽ ãgũsã ããdeare weremakũ pérã, ãgũsã wererire bũremua. Marĩpu marĩrẽ wererĩ gapure, masaka wererĩ nemorõ bũremurõ gããmea. Irasirirã, ãgũ magũyamarẽ wererire bũremurõ gããmea.

<sup>10</sup> Marĩpu magũrẽ bũremurãno, ãgũyamarẽ wererire: “Diayeta ããrã”, ãrĩ gũñama. ãgũ magũyamarẽ wererire: “Diaye ããrĩbea”, ãrĩ gũñarã gapu: “Marĩpu ãrĩkatogu ããrĩmi”, ãrĩrã irirosũ ããrĩma.

<sup>11</sup> Marĩpu ãgũ magũyamarẽ ãsũ ãrĩ weredi ããrĩmĩ: “Yũ magũrẽ bũremurãrẽ yũ pũro perebiri okarire opamurã ããrĩmakũ iribũ”, ãrĩdi ããrĩmĩ.

<sup>12</sup> ãgũ magũrẽ bũremurĩ oparãno, ãgũ pũro i perebiri okarire oparãkuma. ãgũrẽ bũremurĩ opamerã gapu iri okarire opabirikuma.



*Juan gojatūnudea*

<sup>13</sup> Y<sub>u</sub> musārē Marīpu magūrē buremurārē irire gojāa, Marīpu pu<sub>o</sub> perebiri okari opaburire masīburo, āiḡū.

<sup>14</sup> Marīpue iḡū gāāmerōsūta marī sērēmakū, iḡū marīrē pēmi. Irasirirā irire masīrā, gūiro marīrō gūñaturari merā iḡūrē sērēmasīa.

<sup>15</sup> Irasū sērērā, iḡū marīrē pērire, marī sērērōsūta iḡū sīburi<sub>dere</sub> masīa.

<sup>16</sup> Musā, sug<sub>u</sub> musāyagure ñerī irimakū iārā, iḡūya āārīburire Marīpue sērēbosaka! “Iḡū ñerō iridea, iḡūrē peamegue béomakū iriri āārībea”, ārī masīrā, iḡūya āārīburire sērēbosaka! Irasirig<sub>u</sub> Marīpu iḡūrē iḡū pu<sub>o</sub> perebiri okari opabu āārīmakū irig<sub>u</sub>kumi. Gaji ñerō iriri gap<sub>u</sub>, masakare peamegue béomakū iriri āārā. Sug<sub>u</sub> masak<sub>u</sub> irireta irimakū iārā: “Iḡūya āārīburire Marīpue sērēbosaro gāāmea”, ārībea y<sub>u</sub> musārē.

<sup>17</sup> Āārīpereri ñerō iriri, Marīpu dorerire tarin<sub>u</sub>ḡārī āārā. Irasū āārīkerero, āārīpereri ñerī iriri, masakare peamegue béomakū iribe<sub>a</sub>. Marīpu āārīpereri ñerī iririre: “Neō kātibirikoa”, ārībemi.

<sup>18</sup> Ire marī masīa. Marīpu magū marīrē iḡū Pag<sub>u</sub> pūrā āārīrārē ōārō koreri merā iritamumi. Irasirirā marī ñerīrē irinībea. Wātī marīrē ñerō irid<sub>u</sub>akereḡ<sub>u</sub>, marīrē poyanorēmasībemi.

<sup>19</sup> Marī, Marīpu pūrā āārā. Wātī āārīpererā i ūm<sub>u</sub> marā ñerārē doreḡ<sub>u</sub> āārīmi. Irire masīa marī.

<sup>20</sup> Gajidere masīa. Marīpu magū marīrē pēmasīrī sīḡū, i ūm<sub>u</sub>ḡue aaridi āārīmi: “Marīpu diayeta āārīnīḡū āārīmi”, ārī masīburo, āiḡū. Jesucristo merā ōārō āārīnīsīā, iḡū Pag<sub>u</sub> merādere ōārō āārīnīkōārā yāa. Jesucristo diayeta Marīpu āārīmi. Iḡāta marīrē iḡū pu<sub>o</sub> perebiri okari sīḡū āārīmi.

<sup>21</sup> Irasirig<sub>u</sub> musārē y<sub>u</sub> pūrā irirosū āārīrārē werea. Gajirā masaka buremurā keori weadeare buremubirikōāka! Marīpu ditare buremuka! Irasūta iriro gāāmea.

Iropata āārā.

Juan

## 2 SAN JUAN

### *Juan gāme maĩrmarē gojadea*

<sup>1</sup> Y<sub>u</sub> bu<sub>g</sub>uro, m<sub>u</sub>rē Marī<sub>pu</sub> beyedeore m<sub>u</sub> pūrādere i pūrē gojáa. Y<sub>u</sub> m<sub>u</sub>sārē diayeta maĩa. Y<sub>u</sub> dita m<sub>u</sub>sārē maĩbea. Āārīpererā m<sub>u</sub>sā p<sub>u</sub>ro āārīrā Jesúya diayema āārīrīrē masīrā m<sub>u</sub>sārē maĩa.

<sup>2</sup> Marī ĩgūya diayema āārīrīrē marīya y<sub>u</sub>jpūrārĩgue masĩa. ĩgū neō piriro marīrō marī merā āārīnīsĩa, marīrē irire masīmakū yámi. Irasirirā g<sub>u</sub>a m<sub>u</sub>sārē maĩa.

<sup>3</sup> Marī<sub>pu</sub> āārīnīgū, ĩgū magū Jesucristo marī Op<sub>u</sub> merā m<sub>u</sub>sārē oārō iritamu, bopoñarī merā ĩā, siñajārī merā āārīrikumakū iriburo. Irire irig<sub>u</sub>, diayema āārīrī, maĩr merā irasiriburo.

<sup>4</sup> Surāyeri m<sub>u</sub> pūrā Marī<sub>pu</sub> marīrē dorederosūta Jesúyare irirā āārīma, āārī kerere pégu, bu<sub>u</sub>ro usuyabu.

<sup>5</sup> Dapagora m<sub>u</sub>rē ire gojag<sub>u</sub>ra. Marī gāme maĩrō gāāmea. I y<sub>u</sub> gojari, maama doreri āārībea. I doreri, marī Jesúre b<sub>u</sub>remunugādeapogue masīdeata āārā.

<sup>6</sup> Marī gāme maĩrā, Marī<sub>pu</sub> dorederosūta yáa. I doreri, m<sub>u</sub>sā Jesúre b<sub>u</sub>remunugādeapogue pédeata āārā. Āsū ārā. Gajirārē maĩnīkōāka!

### *Wárā ārīkatorikurā āārīma, ārī gojadea*

<sup>7</sup> I ũmug<sub>u</sub>ere wárā ārīkatorikurā waagorenama. “ Jesucristo marī irirosū d<sub>u</sub>rukug<sub>u</sub> i ũmug<sub>u</sub>ere aaridi āārīmí’, āārī, diaye āārībea”, ārīma. ĩgūsāta ārīkatorikurā, Cristore ĩaturirā āārīma.

<sup>8</sup> Irasirirā oārō pémasīka m<sub>u</sub>sā! ĩgūsā ārīkatorire b<sub>u</sub>remubirikōāka! ĩgūsā ārīkatorire b<sub>u</sub>remurā, m<sub>u</sub>sā Marī<sub>pu</sub>yare iridea waja ĩgū m<sub>u</sub>sārē wajariburire dedeubukoa. ĩgūsā ārīkatorire b<sub>u</sub>remubirimakū, m<sub>u</sub>sā ĩgūyare iridea waja m<sub>u</sub>sārē wajariburire sīpeogukumi.

<sup>9</sup> Sug<sub>u</sub> Cristo buedeare béo, ĩgū gāāmerō gajire bueg<sub>u</sub>no, Marī<sub>pu</sub> merā oārō āārībemi. Cristo buedeare b<sub>u</sub>remugū ĩgūyare irituyag<sub>u</sub> gap<sub>u</sub> Marī<sub>pu</sub> merā oārō āārīmi. Irasū āārīmakū, ĩgū magū Cristo merā oārō āārīmi.

<sup>10</sup> Irasirirā, sug<sub>u</sub> Cristo buedeare buebi, gaji buerire bueg<sub>u</sub>no m<sub>u</sub>sā p<sub>u</sub>ro ejamakū, ĩgūrē bokatīrīsērē, m<sub>u</sub>sāya wi-igue ñajādorebirikōāka!

<sup>11</sup> M<sub>u</sub>sā ĩgūrē bokatīrīñeārā, ĩgūrē iritamubukoa. Irasirirā ĩgūrē iritamurā ĩgū irirosū ñerō irirā āārībukoa.

### *Juan gojatūnudea*

<sup>12</sup> Y<sub>u</sub> gaji wári musãrẽ weredwakereg<sub>u</sub>, i pũguere gojabirikoa. Y<sub>u</sub> basita musã p<sub>u</sub>rogue musã merã werenígũ waag<sub>u</sub>koa. Marĩ basi weretamurã, õãrõ us<sub>u</sub>yari merã ããrĩrãkoa.

<sup>13</sup> M<sub>u</sub> pag<sub>u</sub>mo pũrã m<sub>u</sub>rẽ õãdorema. Igode Marĩp<sub>u</sub> beyedeota ããrĩmo.

Iropata ããrã.

Juan

## 3 SAN JUAN

*Juan, Gayo wāikuguyamarē gojadea*

<sup>1</sup> Y<sub>u</sub> bu<sub>g</sub>uro, m<sub>u</sub>rē Gayore diayeta y<sub>u</sub> maīgūrē i pūrē gojāa.

<sup>2</sup> Ire gojāa m<sub>u</sub>rē y<sub>u</sub> maīgūrē. Y<sub>u</sub> m<sub>u</sub>ya āārīburire Marīp<sub>u</sub>re sērēbosāa. M<sub>u</sub> Marīp<sub>u</sub> merā ōārō āārīrōsūta āārīpereri m<sub>u</sub>yare ōārō waaburire, pūrīrī marīrō merā m<sub>u</sub> āārīburire sērēbosāa.

<sup>3</sup> Gajirā Jesúre b<sub>u</sub>remurā y<sub>u</sub> p<sub>u</sub>ro ejarā, m<sub>u</sub> āārīrikurire y<sub>u</sub>re werema. “Jesúyare irinígū, i diayema āārīrīrē iriwāgāgū yāmi”, ārī werema. Īgūsā irire weremakū pégu, bu<sub>u</sub>ro usuyāa.

<sup>4</sup> Jesúre b<sub>u</sub>remurā y<sub>u</sub> buerā ĩgūya diayema āārīrīrē irinírā yāma, ārīrī kerere pégu, usuyataria. Y<sub>u</sub> i kerere péri, āārīpereri gaji nemorō y<sub>u</sub>re usuyamakū yāa.

<sup>5</sup> M<sub>u</sub> Jesúre b<sub>u</sub>remurārē ōārō iritamunígū iriayuro. Gajiro marā m<sub>u</sub> ĩāmasīmerā āārīkeremakū, ĩgūsārē ōārō iritamugū iriayuro.

<sup>6</sup> Īgūsā guare, Jesúre b<sub>u</sub>remurā nerēnarōgue gajirārē m<sub>u</sub> maīrīrē werema. Irasirigu, ĩgūsā m<sub>u</sub> p<sub>u</sub>ro ejarārē ĩgūsā gajirogue ōārō waaburire iritamuka! M<sub>u</sub> ĩgūsārē iritamugū, ōārō irigukoa. Marīp<sub>u</sub> marīrē irasirimakūta gāāmemi.

<sup>7</sup> Īgūsā Jesucristoya kerere werewāgārā, Jesúre b<sub>u</sub>remumerārē: “Guare iritamuka!” neō ārī sērēbema.

<sup>8</sup> Irasirirā marī Jesúre b<sub>u</sub>remurā ĩgūsārē iritamurō gāāmea. Īgūsārē iritamurā, marī ĩgūsā merā moārā yāa, gajirā Jesúya diayema āārīrīrē péburo, ārīrā.

*Diótrefes ñerō irideare gojadea*

<sup>9</sup> Y<sub>u</sub> m<sub>u</sub>sārē Jesúre b<sub>u</sub>remurā iroque āārīrārē su pū gojab<sub>u</sub>. Diótrefes gap<sub>u</sub> m<sub>u</sub>sārē dored<sub>u</sub>agu āārīsīā, guā m<sub>u</sub>sārē: “Āsū irika!” ārī weredeare péduabirayup<sub>u</sub>.

<sup>10</sup> Y<sub>u</sub> m<sub>u</sub>sā p<sub>u</sub>roque waagú, ĩgūrē m<sub>u</sub>sā péuroque ĩgū irideare: ĩgū guare ñerō kere ārīdeare, ĩgū ārīkatodeare weregura. ĩgū i ditare iribirayup<sub>u</sub>. Jesúya kerere wererā waagorenarārē bokatīrīñeābirayup<sub>u</sub>. Gajirā m<sub>u</sub>sā merāmarā ĩgūsārē bokatīrīñeāduamakū ĩāgū: “Bokatīrīñeābirikōāka!” ārāyup<sub>u</sub>. ĩgūsārē bokatīrīñeārārē Jesúre b<sub>u</sub>remurā nerēnarōgue ñajādorebirayup<sub>u</sub>.

<sup>11</sup> M<sub>u</sub>, y<sub>u</sub> maīgū, ñerō irirārē ĩākūbirikōāka! Ōārō irirā gap<sub>u</sub>re ĩākūika! Ōārīrē irirā Marīp<sub>u</sub>yarā āārīma. Ñerīrē irirā gap<sub>u</sub> Marīp<sub>u</sub>re masībema.

*Demetrio ōārō irideare gojadea*

12 Æãrĩpererã: “Demetrio õãgũ ããrĩmi”, ãrĩma. Irasirirã masaka ãgũ iririre ããrã: “Marĩpũ dorederosũta Jesúyare yámi”, ãrĩma. Gũade: “Ïgũ õãrõ irigũ ããrĩmi”, ãã. Mũsã masã. Gũa diayeta werea.

*Juan Gayore gojatũnudea*

13 Yũ gaji wári mũrẽ weredũakeregũ, i pũguere gojabirikoa.

14 MÉRõgã pũrũ mũrẽ ããgũ waadũakoa. Irasirigũ mũ pũrogue waagũ, mũ merã werenígũkoa.

15 Õãrõ siñajãrĩ opaka! Õõ marã marĩ merãmarã Jesúre bũremurã mũrẽ õãdorema. Æãrĩpererã irogue ããrĩã marĩ merãmarã õãburo.

Iropata ããrã.

Juan

## SAN JUDAS

### *Judas Jesúre b̄remurārē gojadea*

<sup>1</sup> Y<sub>u</sub> Judas\*, Santiago pag<sub>u</sub>mu Jesucristore moãboegu m̄sārē i pūrē gojáa. Marīp<sub>u</sub> m̄sārē maĩgũ beyedi ãārīmí, ĩgũyarã ãārīburo, ārĩgũ. Jesucristo m̄sārē koremi, ĩgūrē b̄remurīrē piribirikõãburo, ārĩgũ.

<sup>2</sup> Marīp<sub>u</sub> m̄sārē b̄ro bopoña, maĩrĩ merã ĩãburo. M̄sārē siñajãrĩ sīburo.

### *Ārĩkatori merã buerimasãyamarē gojadea* (2 Pe 2.1-17)

<sup>3</sup> Marīp<sub>u</sub> marīrē peamegue waabonerārē taurire m̄sārē, y<sub>u</sub> maĩrārē b̄ro gojaduadib<sub>u</sub>. Irire gojaduakeregu, dapagorare gaji gapure gojaro gããmea, ãrĩ gũñáa. Marīp<sub>u</sub> ããrĩpererã ĩgũyarārē Jesucristoya kerere: “Āsũ ããrã, irire neõ gorawayubirikõãka!” ãrĩ pídi ãārīmí. Marĩ ĩgũyarã iri kerere b̄remua. Gajirã ãrĩkatori merã buerimasã gap<sub>u</sub> iri kerere gorawayuduama. Irasirigu y<sub>u</sub> m̄sārē: “Īgũsã ãrĩkatori merã buerire pébirikõãka!” ãrĩ gojáa. Īgũsārē: “Marīp<sub>u</sub> guare pídea diayeta ããrã, m̄sã bueri gap<sub>u</sub> ãrĩkatori merã bueri ããrã”, ãrĩka!

<sup>4</sup> Īgũsã ñerã, masĩña marĩrõ m̄sã p̄ro ejanerã m̄sã merã ããrĩma. Īgũsã ãrĩkatori merã: “Marīp<sub>u</sub> marĩ ñerõ irideare kãtimi, irasirirã noó gããmerõ irimasĩa”, ãrĩ buema m̄sã, ĩgũsã ñerĩ iririkurire: “Õãã”, ãrĩ gũñaburo, ãrĩrã. “Jesucristo marīrē doregu, marĩ Op<sub>u</sub> sugũ ããrĩgũ ããrĩbemi”, ãrĩ buema. Iripoegue Marīp<sub>u</sub> ĩgũya werenĩrĩ gojadea pũgue ĩgũsã irirosũ ãrĩkatori merã buerārē: “Wajamoãgura”, ãrĩdi ããrīmí.

<sup>5</sup> Irasirigu y<sub>u</sub> m̄sã masĩdeare dupaturi gũñamakũ iriduãa. Iripoegue Marīp<sub>u</sub> gua ñekũsãmarã Israel bumarārē Egiptogue ããrĩrārē wiudi ããrīmí. Īgũsārē wiukeregu, ĩgūrē b̄remumerã gapure wējedi ããrīmí.

<sup>6</sup> Marīp<sub>u</sub> wereboerã ããrãdinerãdere gũñaka! Īgũsã Marīp<sub>u</sub> doreri pídeare tarinugãnerã ããrĩmã. Īgũsārē ĩgũ ããrĩdorederore ããrĩduabirinerã ããrĩmã. Irasirigu Marīp<sub>u</sub> ĩgũsārē kõmedari merã naĩtĩãrõgue s̄apĩkõãdi ããrīmí. Īgũ ããrĩpererã ñerārē wajamoãrĩñ<sub>u</sub> ejamakũ, ĩgũsārē b̄ro wajamoãgukumi.

<sup>7</sup> Iripoegue Sodoma, Gomorra wãĩkurĩ makãrĩ marã, irasũ ããrĩmakũ iri makãrĩ p̄ro ããrĩrĩ makãrĩ marãde, Marīp<sub>u</sub>re

\* 1:1 Mt 13.55; Mr 6.3: I pũ gojadi Judas Iscariote meta ããrĩyup<sub>u</sub>. Īgũ tĩgũ Santiago wãĩkyup<sub>u</sub>. Peamasãya merã gajirã Santiagore “Jacobo” wãiyenerã ããrĩmã.

wereboerā āārādinerā irirosū ñerō irinerā āārīmá. Ūma, nome merā ñerō irinerā āārīmá. Irasū āārīmakū ūma se-yaro ñerō irinerā āārīmá. Nomedē irasūta irinerā āārīmá. Irasirigū, Īgūsā ñerō iridea waja Marīpu Īgūsārē soebéodi āārīmí. Āārīpererā Īgūsā iriderosū Īgū dorerire tarinugārā perebiri peamegue wajamoāburire masīburo, ārīgū, irasiridi āārīmí.

<sup>8</sup> Īgūsā Marīpu dorerire tarinugāderosū, ārīkatori merā buerimasā mūsā watope āārīrā ñerō yáma. Īgūsā kērōgue ĭārī merā Īgūsā ñerō iriduarire: “Ōāa”, ārī gūñama. Irasirirā Īgūsā ñerō iriri merā Īgūsāya dūpūre poyanorēma. Marī Opū dorerire tarinugāma. Turari oparārē ñerō wereníma.

<sup>9</sup> Marīpūre wereboerā opū Miguel wāikūgū iriderosū iribema. Miguel Moiséya dūpū darore āīadūgū, wātī merā gāme guaseodi āārīmí. Irasirikeremakū, Miguel gapū neō suñarō ñerō werenírī merā wātīrē: “Iropata irika! Peamegue waaka!” ārī turibiridi āārīmí. Āsū gapū ārīdi āārīmí: “Yū Opū mūrē: ‘Iropata irika!’ ārīburo”, ārīdi āārīmí.

<sup>10</sup> Ārīkatori merā buerimasā mūsā watope āārīrā gapū Īgūsā masībirideare ñerō werenírī merā werema. Waimurā pémasīmerā iririkurosū Īgūsā noó gāāmerō iriduarī ditare yáma. Irasirirā peamegue béosūrākuma.

<sup>11</sup> Īgūsāta neō usuyari bokabirikuma. Caín wāikūgū Marīpūyare būremubi, Īgū pagūmūrē ĭāturi, wējēderosū ñerō yáma. Balaam wāikūgū Īgū niyeru wajataburire, Marīpūyarāya āārīburi nemorō gūñasīā, Īgūsārē ārīkatori merā buederosū ñerō yáma. Gajigū Coré wāikūgū Īgūya bumarā oparā Marīpu pīnerārē tarinugādi āārīmí. Īgū tarinugārī waja Marīpu Īgūrē wajamoāgū, boamakū iridi āārīmí. Ārīkatori merā buerimasā, Coré iriderosū ñerō yáma. Irasirigū Marīpu Īgūrē wajamoāderosū Īgūsādere wajamoāgukumi.

<sup>12</sup> Mūsārē ārīkatori merā buerimasā, mūsā Jesúre būremurā nerē, bosebaaripoe būremurī marīrō noó gāāmerō yáma. Mūsā merā baa, iirírā, Īgūsāyama ditare gūñama. Ñerā oveja korerimasā ovejare baari ejomerā irirosū yáma. Īmīkāyebori mirū wējāpuri merā otederogue deko merērō marīrō tariaro irirosū neō mūsārē iritamubema. Yuku dukakaripoe bugū yukū dukamarī yukū irirosū yáma. Masaka irigure nugūrīgue merāta duuadero pūgū ñaipereakōākoa. Irigū irirosū āārīma. Ōārō iririre neō irimasībema.

<sup>13</sup> Īgūsā ñerō gūyasīūrī iririkuri, sūmu gūrarikūrire makūrī pámuĵūpídea irirosū āārā. Neñukā Īgūsā keoro waanarōgue merā yuridijanerā irirosū āārīrā, gajirārē diaye buerire tūyamakū neō iribema. Irasirigū Marīpu: “Īgūsārē āsū wa-

jamoãgura”, ãrĩderosũta gajiro nemorõ naĩtĩãrõgue ããrĩnĩmakũ irigũkumi.

14 Iripoeguemu Enoc wãikũgu Adán parãmerã ããrĩturiagu ããrĩdi ããrĩmĩ. Adán merã marĩ keopurori, Enoguere keotũnumakũ, ããrĩpererã Adán parãmerã ããrĩturiarã su mojõma pere gaji mojõ peru pẽrẽbejari burigora masãporewãgãnerã ããrĩmã. Marĩpu ãrĩkatori merã buerimasãrẽ ĩgũ wajamoãburire Enorẽ weredoredi ããrĩmĩ. Irasirigu Enoc ãsũ ãrĩ weredupiyudi ããrĩmĩ: “Péka yure! Marĩ Opũ wárã ĩgũyarã merã aarigũkumi.

15 ããrĩpererã masaka ĩgũsã irideare ĩã beyegu aarigũkumi. ããrĩpererã ñerãrẽ ããrĩpereri ĩgũsã ñerĩ iridea waja, irasũ ããrĩmakũ ããrĩpereri ĩgũrẽ ñerõ werenídea waja ĩgũsãrẽ wajamoãgũ aarigũkumi”, ãrĩdi ããrĩmĩ Enoc iripoeguere.

16 Irasirirã ãrĩkatori merã buerimasã wajamoãsũrãkuma. ããrĩpererãrẽ werewurikurã, gajirã iririre: “Õãbea”, ãrĩ gũñarã ããrĩma. ĩgũsã ñerĩ uribejari ditare yãma. “Masĩtarinũgãa”, ãrĩ weregorenama. ĩgũsãya ditare gããmesãrã, gajirãrẽ õãrõ werenĩkatoma.

### *Judas Jesúre bũremurãrẽ gojanemodea*

17 Mũsã yũ maĩrã, marĩ Opũ Jesucristo buedoregu pĩnerã mũsãrẽ buedeare gũñaka!

18 ĩgũsã mũsãrẽ ãsũ ãrĩnerã ããrĩmã: “I mũmu pereburi dupiyuro masaka noó gããmerõ Marĩpũyare bũridarãkuma. Marĩpũre gããmemerã, ñerĩ uribejarire irirãkuma”.

19 Irire irasirirã Jesúre bũremurãrẽ gãme dukawarimakũ yãma. ĩgũsã iridũarire irirã Õãgũ deyomarĩgũrẽ neõ opabema.

20 Mũsã yũ maĩrã gapũ, õãrĩ Jesúyare bũremurĩrẽ neõ piribirikõãka! Gũñaturanĩkõãka! Õãgũ deyomarĩgũ iritamurĩ merã Marĩpũre sërẽka!

21 Marĩpũ mũsãrẽ maĩgũrẽ piribirikõãka! Marĩ Opũ Jesucristo marĩrẽ bopoñarĩ merã ĩãgũ mũmugasigue perebiri okari sĩgũkumi. Irasirirã ĩgũ sĩburire: “Oparãkoa”, ãrĩ gũñaturari merã yũka!

22 Gajirã Jesúyare: “¿Diayeta ããrĩrĩ?” ãrĩ bũremuturamerãrẽ bopoñarĩ merã ĩãka! ĩgũsãrẽ Jesúyare: “Diayeta ããrã”, ãrĩ wereka!

23 Wii ãjũrĩ wii poekague ããrĩrãrẽ taurã irirosũ ĩgũsãrẽ iritamuka, peamegue waabonerãrẽ waabirikõãburo, ãrĩrã! Gajirãrẽ ñerõ irimakũ, bopoñarĩ merã ĩãka! ĩgũsã ñerĩ iriri gapũre dooka, ĩgũsãrẽ ĩãkũĩrĩ, ãrĩrã! Surĩro gurarikũrore gããmemerã irirosũ ĩgũsã ñerĩ iririre gããmebirikõãka, irire pẽrẽrĩ, ãrĩrã!



*Judas Marĩpũre bũremurĩmarẽ gojadea*

24-25 Marĩpũ sugũ ããĩgũ, marĩ Opũ Jesucristo merã marĩ peamegue waabonerãrẽ taugũ ããĩmi. Īgũ turari merã marĩrẽ koremasĩmi, ñerĩrẽ iribirikõãburo, ãĩgũ. Irasũ ããĩmakũ Īgũ pũroguere marĩ ñerĩ opamerã õãrõ usuyari merã ããĩmakũ irimasĩmi. Irasirirã ããĩpererã Īgũrẽ: “Mu õãtarigu, turatarigu, ããĩpererãrẽ doregu, gua Opũ ããã”, ãĩburo. “Neõgoragueta ããĩnĩkõãdi ããĩmĩ. Dapagoradere ããĩnĩkõãmi. Pũruguedere irasũta ããĩnĩkõãgukumi”, ãĩburo. Marĩde irasũta ãĩrã!

Iropata ããã.

Judas

## EL APOCALIPSIS

*Jesucristo Juārē i ūm̄ waaburire weredeā*

<sup>1</sup> I papera pū Marīp̄ ūgū mērōgā p̄r̄ iriburire Jesucristore wereri pū āārā. Jesucristoyārārē irire masīdoregū ūgūrē weredi āārīmī. Jesucristo sugū Marīp̄r̄e wereboegure iriudi āārīmī yare irire weredoregū. Yū Juan, Jesucristore moāboegū āārā.

<sup>2</sup> Irasirigū i pūguere āārīpereri yū iādeare, yū pédeare, Marīp̄r̄ya kerere, Jesucristo yare weredeādere gojāa.

<sup>3</sup> I pūgue gojaderosū waaburo, mērō d̄yāa. I pūrē gajirārē buerāno ūs̄yari bokarākuma. Marīp̄r̄ya kerere i pūgue gojadeare buemakū péduripírānode ūs̄yari bokarākuma.

*Juan su mojōma pere gaji mojō peru pērēbejari makārī marārē Jesucristore b̄remurārē gojadea*

<sup>4</sup> Yū, m̄sā Asiague āārīrārē su mojōma pere gaji mojō peru pērēbejari makārī marārē Jesucristore b̄remurārē gojāa. Marīp̄r̄ m̄sārē ōārō iritamuburo. M̄sārē ūgū siñajārī s̄r̄r̄ē opaka! Marīp̄r̄ neōgoragueta āārīsiadi āārīmī. Dapagoradere āārīnīkōāmi. P̄r̄yuguedere irasūta āārīnīkōāgukumi. Op̄r̄ doarogue doami. ūgū diaye, Ōāgū deyomarīgū su mojōma pere gaji mojō peru pērēbejari turari\* opagū āārīmī. ūgūde m̄sārē ōārō iritamuburo.

<sup>5</sup> Jesucristode m̄sārē ōārō iritamuburo. ūgū Marīp̄r̄ya kerere diayeta weregū āārīmī. ūgū āārīpererā boanerā masāburi dupiyuro boadigue masāp̄roridi, neō dupaturi boabi āārīmī. Irasirigū, i ūm̄gue āārīrā āārīpererā masaka oparārē doregū āārīmī. Marīrē maīgū ūgūya dí béori merā marī ñeri iridea wajare taudi āārīmī.

<sup>6</sup> Irasirigū marīrē oparā āārīmakū iridi āārīmī. Irasū āārīmakū marīrē paía masakaya āārīburire Marīp̄r̄e sērēbosarā āārīmakū iridi āārīmī, ūgū Paguyare iriburo, ārīgū. Irasirirā ūgūrē: “Ōātarigū, āārīpererā nemorō turagū āārā m̄”, ārī b̄remurā! Irasūta āārīburo.

<sup>7</sup> M̄sā ōārō pēmasīka! Jesucristo ūm̄ikāyeborigue dijarigukumi. ūgū dijarimakū, āārīpererā iārākuma. ūgūrē curusague pábiatú wējēnerāde iārākuma. I ūm̄ marā āārīpereri buri marā, ūgū aarimakū iārā, ūgū ūgūsārē wajamoāburire gūñarā, orerākuma. Irasūta waarokoa.

\* 1:4 “ōāgū deyomarīgū su mojōma pere gaji mojō peru pērēbejari turari opagū āārīmī”, ārīrō: “ōāgū deyomarīgū āārīpereri turari opagū āārīmī”, ārīd̄uaro yāa. Iri pūgue “su mojōma pere gaji mojō peru pērēbejari”, ārīrō: “āārīpereri”, ārīd̄uaro yāa.

<sup>8</sup> Marĩpu marĩ Opu aãrĩpererã nemorõ turagu asũ arĩmi: “Yu neõgoragueta aãrĩpereri i umumarẽ iridi, puruguedere i aãrĩpererire peremakũ iribu aãrã”, arĩmi. “I umu aãrĩburo dupiyuro aãrĩsiabu. Dapagoradere irasũta aãrĩnĩkõã. Puruguedere irasũta aãrĩnĩkõãgukoã”, arĩmi.

*Juan kërõ irirosũ Jesucristore ããdea*

<sup>9</sup> Yu Juan, musãyagu Jesucristore buremugũ aãrĩsĩã, musã irirosũta yude ñerõ taria. Marĩpu, marĩ Opu aãrĩmi. Marĩ ñerõ tarimakũ, Jesucristo marĩrẽ gũnaturamakũ yãmi. Yu Patmos wãikuri nũgũrõgue peresu aãrĩbũ. Marĩpuya kerere Jesucristo weredeare gajirãrẽ yu buedea waja irogue aãrĩbũ.

<sup>10</sup> Irinu siñajãrĩnu aãrĩmakũ, Õãgũ deyomarĩgũ ãgũ turaro merã kërõ irirosũ yure ãmumi. Irasũ waaripoe yu purupu gapu turaro werenĩrĩ, suru puriduru turaro busuro irirosũ busumakũ pẽbu.

<sup>11</sup> Turaro werenĩgũ yure asũ arĩmi:

—Yu neõgoragueta aãrĩpereri i umumarẽ aãrĩmakũ iridi aãrã. Yuta puruguedere i aãrĩpererire peremakũ iribu aãrã. Dapagora aãrĩpereri mu ããrĩrẽ, papera pũgue gojatũka! Pupu iri pũrẽ Asiague aãrĩrãrẽ yure buremurãrẽ iriuka! ãgũsã su mojõma pere gaji mojõ peru pẽrẽbejari makãrĩ marã aãrĩma. Efeso marã, Esmirna marã, Pẽrgamo marã, Tiatira marã, Sardis marã, Filadelfia marã, Laodicea marã aãrĩma, arĩmi.

<sup>12</sup> ãgũ werenĩrĩ busumakũ pẽgu, gãmenugãbu ãgũrẽ ããbu. Irasũ gãmenugã ããgũ, su mojõma pere gaji mojõ peru pẽrẽbejari siãgori yukure oro merã iridea yukure ããbu.

<sup>13</sup> Iri yuku watopegue sugu masakure ããbu. ãgũ yoaro surĩro ãgũya guburigue aãrĩdijimejãrĩñerẽ sãñami. ãgũya koretibire oro merã iridea yujuwẽñarĩdare suatũadi aãrĩmĩ.

<sup>14</sup> ãgũya poari õãrõ boreri aãrĩbũ. ãgũya koye peame ujũrĩ pũrã irirosũ gosesiribu.

<sup>15</sup> ãgũya guburi bronca wãikuri kõme tímudea irirosũ gosesiribu. ãgũ werenĩrĩ wãri utãdupabu irirosũ busubu.

<sup>16</sup> ãgũya mojõ diayema mojõ gapu su mojõma pere gaji mojõ peru pẽrẽbejarãgora neñukã opami. ãgũya disire sareri majĩ pe gapu õãrõ usiri majĩ wiribu. ãgũya diapu abe umumu kũmijũrõsũ gosesiribu.

<sup>17</sup> Irasirigu yu ãgũrẽ ããguka, kõmogũ irirosũ ãgũya guburi puro meẽmejãbu. Yu meẽmejãmakũ ããgũ, ãgũya mojõ diayema mojõ merã yure ñapeo, asũ arĩmi:

—Gũbirikõãka! Yu neõgoragueta aãrĩpereri i umumarẽ aãrĩmakũ iridi, puruguedere i aãrĩpererire peremakũ iribu aãrã.

18 Okanígũ ããrã. Iripoegue boabũ. Dapagorare okaníkõãa. Masakare boadoregũ, ĩgũsãrẽ boanerã ããrĩrõgue waadoregũ ããrã.

19 Dapagora ããrĩrĩ, purugue waaburidere mũ ããrĩrẽ gojatúka!

20 Yũ masakare neõ dupiyuro werebirideare, mũ ããrĩrẽ weregũra. ĩgũsã su mojõma pere gaji mojõ peru pẽrẽbejarã neñukã, yaa mojõ diayema mojõ gapũ yũ oparã, yũre bũremurãrẽ yaare wererã keori irirosũ ããrã. Iri su mojõma pere gaji mojõ peru pẽrẽbejari sããgori yuku oro merã iridea yuku, yũre bũremurĩ buri marã keori irirosũ ããrã, ãrĩmi yũre.

## 2

### *Jesucristo Juãrẽ Efeso marãrẽ gojadoredea*

1 Jesucristo irire ãrĩ odo, ãsũ ãrĩnemomi:

—Efeso marã yũre bũremurãrẽ, ĩgũsãrẽ yaare weregũdere ãsũ ãrĩ gojaka!

Yũ, yaa mojõ diayema mojõ gapũ su mojõma pere gaji mojõ peru pẽrẽbejarã neñukãrẽ opagũ, su mojõma pere gaji mojõ peru pẽrẽbejari sããgori yuku watope waagorenagũ ããrã.

2 Yũ, ããrĩpereri mũsã iririre masĩpeokõãa. Mũsã bũro moãrĩrẽ, ñerõ tarikererã mũsã yũre gũñaturarire, ñerãrẽ mũsã ããdũabirire masĩa. Gajirã ĩgũsã basi: “Jesús buedoregũ beyenerã ããrã”, ãrĩkererã, keoro buebema. Mũsã ĩgũsã iririre ããrã: “Ãrĩkatori merã buema”, ãrĩ masĩa.

3 Yaare mũsã moãrĩ waja ñerõ tarikererã, yũre neõ piribea. Irire gariborero marĩrõ yãa.

4 Mũsã õãrõ irikeremakũ, gajire mũsãrẽ ãsũ ãrĩ weregũra. Mũsã yũre neõgorague maĩnũgãderosũ iribea.

5 Irasirirã dapagorare mũsã ñerõ waadeare gũñaka! Mũsã ñerĩ iririre bũjawereka! Mũsã gũñarĩrẽ gorawayuka! Õãrĩ gapũre irika doja, mũsã iripũroriderosũta! Mũsã ñerĩ iririre piribirimakũ ããgũ, mũsãyagũ sããgodire ãĩkõãgũra.

6 Mũsã yũre neõgorague maĩnũgãderosũ iribirikererã, i õãrĩ gapũre iribũ. Nicolaita wãĩkũri bumarã ñerõ iririre mũsã neõ gããmebea. Yũde irire neõ gããmebea.

7 Mũsã gãmipũrĩ oparã, Õãgũ deyomarĩgũ yũre bũremurĩ buri marãrẽ wererire õãrõ pẽka! ãsũ ãrĩmi Õãgũ deyomarĩgũ yũre bũremurãrẽ: “Ããrĩpererã Jesúre bũremurĩrẽ pirimerãrẽ ãmũgasigue paraíso wãĩkũrogue Marĩpũya poeemũ dukare baadoregũra”, ãrĩmi. Irigũ

perebiri okari sīdi\* āārā. I āārīpererire gojaka, yaarā Efesogue āārīrārē! āārimi yure Jesucristo.

*Juan Esmirna marārē gojadea*

<sup>8</sup> Jesucristo irire āāri odo, āsū āāri nemomi:

—Esmirna marā yure bāremurārē, īgūsārē yaare weregudere āsū āāri gojaka!

Yū neōgorague āārīpereri i ūmumarē āārīmakū iridi, pūrugueri i āārīpererire peremakū iribu āārā. Yū boa, dupaturi masāgū āārā.

<sup>9</sup> Yū, āārīpereri mūsā űerō taririre, boporā āārīrīrē masīpeokōāa. Irasū boporā āārīkererā, Marīpuyare masīsīā, wāri ūmugasima ōārīrē opāa. Gajire yū masīa. Gajirā mūsārē īāturirā mūsārē űerī kere āāima. Īgūsā: “Gūa judío masaka āārīsīā, Marīpuyarā āārā”, āāima. Irasū āārīkererā, īgūyarā āārībema. Wātēa opū Satanārē bāremurī bumarā āārīma.

<sup>10</sup> Mūsā űerō tariburire gūibirikōāka! Wātī mūsārē yure bāremurīrē pirimakū iridugū surāyeri mūsārē peresugue biadobomakū irigukumi. Pe mojōma nūrīta űerō tarirākoa. Īgūrē bāremurā mūsārē wējēkeremakū, yure bāremurīrē neō piribirikōāka! Pūgū yū pūrogue mūsārē yū merā perebiri okarire sīgukoa.

<sup>11</sup> Mūsā gāmpūrī oparā, Ōāgū deyomarīgū yure bāremurī buri marārē wererire ōārō péka! Āsū āārimi Ōāgū deyomarīgū yure bāremurārē: “Āārīpererā yure bāremurīrē pirimerā, perebiri peamegue neō waabirikuma”, āārimi. Irasirigū iri āārīpererire gojaka, yaarā Esmirnague āārīrārē! āārimi yure.

*Juan Pérgamo marārē gojadea*

<sup>12</sup> Jesucristo irire āāri odo, āsū āāri nemomi doja:

—Pérgamo marā yure bāremurārē, īgūsārē yaare weregudere āsū āāri gojaka!

Yū sareri majī, pe gapū usiri majīrē opagū āārā.

<sup>13</sup> Mūsā āārīrōrē masīpeokōāa. Satanás mūsāya makā marā opū āārīmi. Īgūsā Satanārē bāremukeremakū, mūsā gapū yure bāremua. Īgūsā mūsā merāmū Antipare Marīpuyā kerere ōārō weredire wējēma. Īgūrē wējēmakū īākererā, mūsā yure bāremurīrē neō piribea.

<sup>14</sup> Mūsā yure bāremurīrē piribirikeremakū, gajino mūsārē āsū āāri weregūra. Surāyeri mūsā merāmarā

\* 2:7 Sugū ūma birarimasū gajirā nemorō ūmagū, olivo wāikūdima pūrī merā iri-dea berore wajatakumi. Masaka iri berore īgūya dipurugue peokuma, gajirārē īgū wajatadeare imumurā. I irirosū, sugū Jesúre bāremugū masaka īgūrē wējēkeremakū, Jesúre bāremurīrē neō piribi, ūmugasigū perebiri okari wajatagukumi. Iri ūmugasigū perebiri okari wajatari, i berore wajatari irirosū āārā.

Balaāya buedeare iritayama. Iripoegue Balaam āsū ārīdi āārīmí, Israel bumarārē ĩaturirā opure Balac wāikugure: “Israel bumarārē tarinugāduagu, ĩgūsārē musā merā gāmesurimakū irika, musā irinarirē iritayaburo, ārīgū!” ārīdi āārīmí. Irasirirā Israel bumarā ĩgūsā merā gāmesurirā, keori weadea puro baari pídeare baanerā āārímá. Nērō gāmebiranerā āārímá.

<sup>15</sup> ĩgūsā irirosūta gajirā musā merāmarā Nicolaita wāikuri bumarā buerire iritayama. Iri buerire neō piridubema. Yu gapu irire neō gāamebea.

<sup>16</sup> Irasirirā musā ñerī iririre bujawereka! Musā gūñarirē gorawayuka! Musā gorawayubirimakū ĩāgū, gūñaña marirō musā pūroge waa, yaa disigue sareri majī opari majī merā musārē wajamoāgura.

<sup>17</sup> Musā gāmipūrī oparā, Ōāgū deyomarīgū yure buremurī buri marārē wererire oārō péka! Āsū ārīmi Ōāgū deyomarīgū yure buremurārē: “Nērō iridorerānorē tarinugāgūrē maná wāikuri amugasima baarire sīgura. Ūtāye boreriyedere sīgura ĩgūrē. I ūtāye maama wāirē yu gojatúdeaye āārīrokoa. Gajirā iri wāirē neō masībirikuma. Iri ūtāyere āīgū dita masīgukumi”, ārīmi. Irasirigū iri āārīpererire gojaka, yaarā Pérgamogue āārīrārē! ārīmi yure.

### *Juan Tiatira marārē gojadea*

<sup>18</sup> Jesucristo irire ārī odo, āsū ārīnemomi doja:

—Tiatira marā yure buremurārē, ĩgūsārē yaare weregudere āsū ārī gojaka!

Yu, Marīpu magū āārā. Yaa koye peame ūjūrī pūrā irirosū gosea. Yaa guburi bronce wāikuri kōme tímudea irirosū gosea.

<sup>19</sup> Yu āārīpereri musā iririre masīpeokōāa. Musā yure maīrī, yure buremurī, gajirārē iritamurī, ñerō tarikererā musā yure gūñaturarire masīa. Neōgoraguere musā oārō iridero nemorō dapagorare oārō irirā yaa.

<sup>20</sup> Musā oārō irikeremakū, gajino musārē āsū ārī weregura. Jezabel wāikugo: “Marīpuyare werego āārā”, ārīkatogo musā watopegue āārīmo. Musārē igo ñerō buemakū pékererā, igore: “Gua merā āārībirikōāka!” neō ārībea. Igo ārīkatori merā buego, yure moāboerārē ñerō gāmebiramakū yāmo. Keori weadea puro baari pídeare ĩgūsārē baamakū yāmo.

<sup>21</sup> Irinugue igore, igo ñerō iririre bujawere, gorawayudoreadibu. Igo gapu neō gorawayudubemo. Igo ñerō gāmebirarire neō piridubemo.

<sup>22</sup> Irasirigu igore, igo merã ñerõ irinerãdere pũrĩrikumakũ irigura. Igo merã ñerõ irideare ìgũsã bujawere, piribirimakũ, ìgũsãrẽ buro ñerõ tarimakũ irigukoa.

<sup>23</sup> Igo pũrãdere wẽjẽgura. Yũ irasũ irimakũ ìãrã, ããrĩpererã yũre buremurã: “Ìgũ marĩ gũñarĩrẽ, marĩ uaribejaridere masĩpeokõãmi”, ãrĩrãkuma. “Ããrĩpereri marĩ iririkurire ìã, keoro irigukumi. Ñerõ irirãrẽ wajamoãgukumi. Õãrõ irirã gapure õãrõ irigukumi”, ãrĩ masĩrãkuma.

<sup>24</sup> Surãyeri mũsã Tiatira marã igoya buerire, wãtẽa opu Satanáyama yayeridere gããmebea. Irasirigu yũ mũsãrẽ gajino dorenemobirikoa.

<sup>25</sup> I ditare dorea mũsãrẽ. Yũ buerire mũsã masĩdeare neõ mérõgã piribirikõãka! Yũ mũsã pũro aarimakũguedere õãrõ irinĩkõãka!

<sup>26</sup> Yũ mũsã pũroque aarigũ, õãrĩrẽ irirãrẽ, yũ dorerire irinĩrãrẽ i ãmũ marãrẽ dorerã ããrĩmakũ irigura.

<sup>27</sup> Yũpu yũre, Opu sóoderosũta, yũde mũsãrẽ, oparã sóogura. Irasirirã kõmegũ merã, sorori diari merã weadea sororire pámutũrõsũ i ãmũ marãrẽ turaro merã dorerãkoa. Irasirirã mũsã dorerire neõ tarinũgãbirikuma.

<sup>28</sup> Yũ gajidere ãsũ irigura. Neñukãmũ boyodiru õãrõ boyoro irirosũ ããrĩgũ, mũsãrẽ maama perebiri ãmũ pĩgukoa.

<sup>29</sup> Mũsã gãmipũrĩ oparã, Õãgũ deyomarĩgũ yũre buremurĩ buri marãrẽ wererire õãrõ péka! ãrĩ gojaka, yaarã Tiatirague ããrĩrãrẽ! ãrĩmi yũre.

### 3

#### *Juan Sardis marãrẽ gojadea*

<sup>1</sup> Jesucristo irire ãrĩ odo, ãsũ ãrĩnemomi doja:

—Sardis marã yũre buremurãrẽ, ìgũsãrẽ yaare weregudere ãsũ ãrĩ gojaka!

Yũ, Õãgũ deyomarĩgũ su mojõma pere gaji mojõ peru pẽrẽbejari turari\* opãa. Irasũ ããrĩmakũ, su mojõma pere gaji mojõ peru pẽrẽbejarã neñukãdere opãa. ããrĩpereri mũsã iririre masĩpeokõãa. Mũsã: “Marĩpũyare õãrõ yãma”, ãrĩsũrã ããrã. Irasũ ããrĩkererã, boanerã irirosũ, ìgũyare neõ koero iribea.

<sup>2</sup> Irasirirã õãrõ pémasĩka! Mũsã õãrĩ iriri dũyarigãrẽ piro marĩrõ õãrõ irika! Irire iribirimakũ, mũsã õãrĩ iriri pereakõãrokoa. Yũ, mũsã iririre ìãa. Yũpu ìũrõguere õãrõ iripeobea.

\* **3:1** “õãgũ deyomarĩgũ su mojõma pere gaji mojõ peru pẽrẽbejari turari opagu ããrĩmi”, ãrĩrõ: “õãgũ deyomarĩgũ ããrĩpereri turari opagu ããrĩmi”, ãrĩduaro yãa. Iri pũge “su mojõma pere gaji mojõ peru pẽrẽbejari”, ãrĩrõ: “ããrĩpereri”, ãrĩduaro yãa.

<sup>3</sup> Yuruyare gajirā musārē buedeare gūñaka! Irireta dupaturi irituyaka doja! Musā ñerī iririre pirika! Irasū iribirimakū, gūñaña marīrō yajarimasū aarirósū, gūñaña marīrō musārē wajamoōgū aarigukoa.

<sup>4</sup> Irasū āārīkeremakū, surāyeri musā watopere ñerō irirārē iākūibema. Marīruyare irituyarā āārīsā, ĩgūsāya suri gurarítumerā irirosū āārīma. Irasirirā ñerō iridea wajare opamerā, boreri suri sāñarā yu merā waagorenarākuma.

<sup>5</sup> Āārīpererā piriro marīrō Marīruyare irirā irasūta suri oārō boreri sāñarā yu puro āārīrākuma. Yu merā perebiri okari opamurā wāirē gojatúri pūgue ĩgūsā wāirē gojatúdeare neō koebirikoa. Koeronorē irigu, Yuru, ĩgūrē wereboerā iūrōguere: “Yaarā āārīma”, ārīgukoa.

<sup>6</sup> Musā gāmpūrī oparā, Ōāgū deyomarīgū yure buremurī buri marārē wererire oārō péka! ārī gojaka, yaarā Sardigue āārīrārē! ārīmi yure.

*Juan Filadelfia marārē gojadea*

<sup>7</sup> Jesucristo irire ārī odo, āsū ārīnemomi doja:

—Filadelfia marā yure buremurārē, ĩgūsārē yaare weregudere āsū ārī gojaka!

Yu ñerī opabi, diayeta weregu āārā. Yu, iripoeguemu opu David dorederosū turari merā doregukoa. Iri turaro merā doreri, sawire opari irirosū āārā. Irasirigu, yu tūpāmakū neō gajigu biamasīberosū, yu iridoremakū kāmutamasiḃemi. Yu biamakūdere neō gajigu tūpāmasīberosū, yu iridorebiri-makū irimasīḃemi.

<sup>8</sup> Yu āārīpereri musā iririre masīpeokōāa. Musā mérōgā turari opakrerā, yaa buerire oārō irituyāa. Gajirā, musā yaarā āārīrī waja musārē ñerō iridukeremakū: “Jesúre masībea”, neō ārībea. Irasirigu yu musārē su makāpuro tūpānūmakū, neō sugu biamasīberosū, yu musārē yaamarē iridoremakū, musārē kāmutamasiḃemi.

<sup>9</sup> Gajirā musā puro āārīrā: “Gua judío masaka āārīsā, Marīruyarā āārā”, ārīkererā, ĩgūyarā āārībema. Ārīkatorimasā, wātēa opu Satanārē buremurī bumarā āārīma. Irasirigu ĩgūsārē musāya guburi puro buremurī merā ejamejājamakū irigura. Yu irasirimakū iārā, yu musārē maīrīrē iāmasīrākuma.

<sup>10</sup> Yu musārē: “Neō piriro marīrō yaare irika!” ārīdeare oārō irirā yāa. Irasirigu, āārīpererā i umugue āārīrā iririkurire iābu, ĩgūsārē ñerō tarimakū irigu, musārē oārō koregura.

<sup>11</sup> Mérō duyāa, yu i umugue dupaturi aariburo. Irasirirā yaare musā masīdeare neō kātibirikōāka! Piriro marīrō irire irinikōāka, musā wajataburire ēmarī, ārīrā!

<sup>12</sup> Oārō yaare iritariwere, irire pirimerānorē Yuru purogue āārīmakū irigura. ĩgūsā ĩgūya wiima borari āārīrōsū



Īgū puro āārīnīkōārākuma. Yuru wāirē Īgūsāguere gojagukoa, Īgūyarā āārīrīrē ĩmubu. Īgūya makā wāidere gojagukoa. Īgūya makā, maama makā Jerusalén wāikua. Iri makā ũmugasigüe merā dijariri makā āārīrokoa. Yude Īgūsārē yu wāi, maama wāirē gojagukoa.

<sup>13</sup> Mūsā gāmpūrī oparā, Ōāgū deyomarīgū yure buremurī buri marārē wererire ōārō péka! ārī gojaka, yaarā Filadelfiague āārīrārē! ārīmi yure.

### *Juan Laodicea marārē gojadea*

<sup>14</sup> Jesucristo irire ārī odo, āsū ārīnemomi doja:

—Laodicea marārē yure buremurārē, Īgūsārē yaare weregudere āsū ārī gojaka!

Yu ārīrōsūta irigu āārā. Irasirigu diayeta weregu, Yuruya kerere keoro weregu āārā. Yuru, yu merā āārīpereri i ũmumarē iridi āārīmi.

<sup>15</sup> Yu āārīpereri mūsā iririre masīpeokōāa. Mūsā yure buremumerā, ōārō buremurā āārībea. Mérōgā yure buremurī opāa. Irasirigu yu mūsārē irasū āārīnemobirimakū gāāmea.

<sup>16</sup> Yu, mūsā mérōgā buremurī oparire doogorāa. Irasirigu gajino űerīrē dokabéoduagu irirosū mūsārē béoduagu āārā.

<sup>17</sup> Yu mūsārē irasū iridukakeremakū, mūsā gapu āsū ārī werenía: “Wári opāa”, ārā. “Āārīpereri ōārō waāa, āārīpereri gua gāāmerīrē opakōāa”, ārā. Irasū ārīkererā, yu ĩūrō neō gajino opamerā, boporā, suri marīrā, koye ĩāmerā irirosū āārā. Mūsā buremurī opamerā āārīrīrē masībea.

<sup>18</sup> Irasirigu mūsārē: “Wári oparā āārā”, ārī péñarārē āsū ārī weregura. Oro peamegue soe āmuadea yu oparire wajarika, wári opamurā! Iri ōārī oro oparā irirosū āārīrā, yure ōārō buremurī oparākoa. Suri boreri yu oparidere wajarika, suri marīrō āārībukoa, ārīrā! Mūsā irire sānarā irirosū āārīrā, mūsā űerī irideare pirirā, gūyasīrīrō marīrō āārīrākoa. Irasū āārīmakū, koye piuri kúdere wajarika, ōārō ĩāmurā. Mūsā irire piuanerā irirosū āārīrā, Marīpuyare ōārō ĩāmasīrākoa.

<sup>19</sup> Mūsārē āārīpererā yu maīrārē űerīrē irinemo-birikōāburo, ārīgū, pūrīrō páro irirosū werea. Irasirirā yaare buro gāāmeaka! Mūsā űerī irideare bujawere, irire pirika!

<sup>20</sup> Ōārō péka! Yu mūsā merā āārīduagu, sugu makāpuro ejanugā oenīgū irirosū āārā. Sugu yure pégu, ōārō merā makāpuro tūpāsóogu irirosū āārīmi. Irasirigu yu Īgū merā ōārō usuyanīkōāgukoa. Īgūde yu merā usuyanīgukumi.

<sup>21</sup> Ōārīrē iritariwererānorē yu doaro turogue doamakū irigura, yu merā doreburo, ārīgū. Yu ōārīrē iritariwere, Yuru

merã Opu doarogue doarosũ, yude õãrĩrẽ irirãrẽ iroguẽ doamakũ irigũra.

<sup>22</sup> Musã gãmpĩrĩ oparã, Õãgũ deyomarĩgũ yure bũremurĩ buri marãrẽ wererire õãrõ péka! ãrĩ gojaka, yaarã Laodiceague ããrĩrãrẽ! ãrĩmi Jesucristo yure.

## 4

*Juan ãmũgasigue Marĩpũre bũremurãrẽ ããdea*

<sup>1</sup> Pũru ãmũgasigue ããmu, tũpãdea makãpũrore ããbu. Puridiru turaro bũsũro irirosũ werenĩpũroridi dupaturi turaro werenĩrĩ bũsũrore pébu. ãsũ yure ãrĩmi:

—Õõgue mũrĩrika! Pũrũgue yũ waamakũ iriburire mũrẽ ãmũgũra. Yũ ãrĩderosũta waarokoa, ãrĩmi.

<sup>2</sup> Ĩgũ irasũ ãrĩ wereadero pũru, mata Õãgũ deyomarĩgũ Ĩgũ turari merã yure ãmũgasigue ãĩmũrĩãmi. Iroguẽ mũrĩjagu, sugũ Opu doarogue doagũre ããbu.

<sup>3</sup> Ĩgũ, jaspe, cornalina wãĩkũri yeri ãtãyeri goserosũ õãrõ gosisirigu ããrĩmĩ. Õãrõ gosisiriri bero, esmeralda wãĩkũriye irirosũ gosisiri bero dekogue doami.

<sup>4</sup> Ĩgũ doaro tũrore su bero veinticuatro oparã doari ããrĩrĩ berore ããbu. Iri doariguere veinticuatro gora oparã mũrã doama. Boreri surĩ sãñama. Ĩgũsã peyari berorĩde oro berorĩ ããrĩbũ.

<sup>5</sup> Opu doarogue merã bupu miã, bũro pámi. Iro doaro diaye su mojõma pere gaji mojõ peru pẽrẽbejari sããgori yuku ããrĩbũ. Iri yukukũta, Õãgũ deyomarĩgũ turari keori ããrĩbũ.

<sup>6</sup> Gaji iro doaro diaye dia wãdiya diumajĩ gosisirirosũ ããrĩbũ. Õãrõ deko suridiya irirosũ ããrĩbũ.

Iro doaro pũro gajirã wapikũrã okarã ããrĩmã. Ĩgũsãya diapure, Ĩgũsãya pũrũpũrĩre wãri koye opama.

<sup>7</sup> Yũ ããpũroridi, õõkaye irirosũ deyogu ããrĩmĩ. Ĩgũ pũrũmũ, wekũ irirosũ deyogu ããrĩmĩ. Ĩgũ pũrũmũ, masakũ irirosũ diapukũgu ããrĩmĩ. Ĩgũsã urerã pũrũmũ, gapãũ Ĩgũ kẽdũpũri sẽẽgũ irirosũ deyomi.

<sup>8</sup> Ĩgũsã wapikũrãgueta su mojõma pere gaji mojõ suru pẽrẽbejari kẽdũpũri oparã ããrĩmã. Ĩgũsãya kẽdũpũri pe gapũgueta wãri koye opabu. Æmũrikũ, ñamirĩkũ bayama. ãsũ ãrĩ bayama:

“Õãgũ, õãgũ, õãgũ Marĩpũ ããrĩpererã nemorõ turagu, marĩ Opu ããrĩmi.\*

Ĩgũ neõgoragueta ããrĩsiadi ããrĩmĩ.  
Dapagoradere irasũta ããrĩnĩkõãmi.

\* 4:8 Is 6.2-3

Puruguedere irasūta āārīnīkōāgukumi”, ārī bayanama.

<sup>9</sup> Irasū bayarā, Marīpu turarire bayarā irima. Īgūrē āārīpererinurī āārīnīgūrē: “Buro usuyāa mu merā”, ārī buremurā irima.

<sup>10</sup> Īgūsā irasū baya buremumakū ĩārā, veinticuatro oparā murā, ĩgū doarogue doagu diaye ñadukupuri merā ejamejā, ĩgūrē buremuma. Īgū āārīpererinurī āārīnīgū āārīmi. Irasū buremurā, ĩgūsā peyari berorīre ĩgū diaye meépeo, āsū ārīma:

11 “Mu, gu Opu turatarigu, oātarigu āārā. Gu buremugū āārīkōāgūta yāa. Murē irasūta buremunīkōārō gāāmea. Āārīpererire iridi āārā. Mu gāāmerōsūta i āārīpererire iribu”, ārīma Marīpure.

## 5

*Jesucristo oveja majīgū irirosū āārīgū su papera tūrūrē kuraburi*

<sup>1</sup> Marīpure Opu doarogue doagure ĩgūya diayema mojō gapu papera tūrūrē opagure ĩābu. Iri tūrū, pe gapu gojadea tūrū, su mojōma pere gaji mojō peru pērēbejarigora oārō wītābiadea tūrū āārībū.

<sup>2</sup> Marīpure wereboegu turagudere ĩābu. Īgū buro busuro merā āsū ārī sērēñami:

—¿Noā āārīrī, gajirā nemorō oāgū i papera tūrū wītābiadeare kurabu? ārīmi.

<sup>3</sup> Ūmugasigue, i nikūgue, i nikū poeka boanerā āārīrōguedere neō sugu iri tūrūrē kura, iri tūrūma gojadeare ĩāgū māmī.

<sup>4</sup> Irasirigu iri tūrūrē kurabure ĩgūsā bokabirimakū ĩāgū, yu buro orebu.

<sup>5</sup> Yu irasū oremakū ĩāgū, sugu, oparā murā watopemu āsū ārīmi yure:

—Iropata oreka! Iripoeguemu opu David parāmi āārīturiagu iri tūrūrē su mojōma pere gaji mojō peru pērēbejarigora wītābiadeare kuramasīmi. Īgū Judāya bumu, ēōkaye irirosū turatarigu āārīmi. Īgūrē ĩāturirārē tarinugādi āārīmi, ārī weremi yure.

<sup>6</sup> Īgū irasū ārīmakū pégu, Opu doarogue doagu diaye Jesucristo oveja majīgū irirosū āārīgū nīmakū ĩābu. Īgū wapikurā okarā, oparā murā watopegue nīmi. Oveja majīgū wējēsūdi dupaturi okagu irirosū deyogu āārīmī. Su mojōma pere gaji mojō peru pērēbejari kūsari, irikata koyedere opami. Iri kūsari, koye: Ōāgū deyomarīgū turari, ĩgū masīpeori keori āārā. Marīpu, Ōāgū deyomarīgūrē āārīperero i nikūguere iriudi āārīmi.

7 Jesucristo oveja majīgū irirosū āārīgū, Opu doaro parogue ejagu, iro doagure ĩgūya diayema mojō gapu opadea tūrūrē āīmi.

8 Īgū irire āīmakū ĩārā, wapikurā okarā, veinticuatro oparā mūrāde ĩgū oveja majīgū irirosū āārīgū diaye ĩgūsāya ñadukupuri merā ejamejā, ĩgūrē b̄remuma. ĩgūsāku arpa wāikuri b̄apatērīrē, oro merā iridea paridere opama. ĩri pari sūrōrī uturiripari dita āārībú. ĩri sūrōrī Marīpuyarā ĩgūrē sērēdea āārībú.

9 Irasū ĩgūrē b̄remurā, maama bayarire āsū ārī bayapeoma:

Mu wējēsūdi āārā. Boagu, m̄ya dí béori merā masaka ñerī iridea wajare wajaribosabu, ĩgūsā Marīpuyarā āārīburo, ārīgū. Āārīpereri buri marārē, ĩgūsā ya werenírārē, āārīpererogue āārīpereri nikū marārē ĩgūsā ñerō iridea wajare wajaribosabu. Irasirigu ĩri tūrūrē āī, wītābiadeare kuramasīa.

10 Marīpuyarārē: oparā, paía masakaya āārīburi ĩgūrē sērēbosarā āārīmakū iribu, ĩgū dorerire iriburo, ārīgū. Irasirirā i ūmu āārīpererogue āārīrārē dorerākuma, ārīma.✠

11 Puru ūmugasigue ĩāmu, Marīpure wereboerā wārā werenímakū pébu. Opu doaro, irasū āārīmakū wapikurā okarā, veinticuatro oparā mūrā turo nígoroama. ĩgūsārē keo bokatīūña marībū.

12 Turaro merā āsū ārī bayapeoma:

Oveja majīgū, ĩgūsā wējēdi, dupaturi okagu, ōātarigu āārīmi. Irasirirā ĩgūrē: “Āārīpererārē doregu, āārīpererire opagu, masīpeogu, turatarigu, marī goepeyari merā b̄remugū, gosesiriri merā deyogu, ōātarigu āārīmi”, ārī, usuyari sīburo, ārīma.✠

13 Puru gajirā bayapeomakū pébu. ĩgūsā āārīpererā Marīpu irinerā āārīmá: Ūmugasigue āārīrā, i nikūgue āārīrā, i nikū poeka boanerā āārīōgue āārīrā, dia wádiyague āārīrā āārīmá. Āārīperero i ūmugure āārīrā āārīmá. Āsū ārī bayapeoma:

Opu doarogue doagure: “Ōātarigu, marī goepeyari merā b̄remugū, gosesiriri merā deyogu, turatarigu āārīmi”, ārī b̄remuburo.

Irasū āārīmakū, oveja majīgū irirosū āārīgūdere irasūta piriro marīrō āārīpererinurī b̄remuburo, ārīma.

14 ĩgūsā irasū ārīmakū pérā, wapikurā okarā: “Irasūta ārīburo”, ārīma. Irasirirā veinticuatro oparā mūrā ñadukupuri merā ejamejā, ĩgūrē āārīngūrē āārīpererinurī usuyari sīma.

## 6

*Jesucristo oveja majīgū irirosū āārīgū papera tūrū wītābiadeare kurawāgādea*

<sup>1</sup> P<sub>uru</sub> Jesucristo oveja majīgū irirosū āārīgū papera tūrū īgū āīdea tūrū wītābiap<sub>ur</sub>oriderore kuramakū īābu. Īgū kuradero p<sub>uru</sub>, sug<sub>u</sub>, wapikurā okarā watopem<sub>u</sub> y<sub>ure</sub>: “Īāgū aarika!” ārīmakū pébu. Irasū ārīgū, bupu buro bu<sub>sur</sub>osū wereními.

<sup>2</sup> Īgū irasū ārādero p<sub>uru</sub>, caballu boregure īābu. Īgū weka peyag<sub>u</sub> sīrīturore opami. Marīp<sub>u</sub> īgūrē op<sub>u</sub> peyari berore sīmi. Irasirig<sub>u</sub> īgūrē īāturirārē gāmekēā tarinugāgū āārīsīā, dupaturi gāmekēā tarinugāgū waami doja.

<sup>3</sup> P<sub>uru</sub> Jesucristo oveja majīgū irirosū āārīgū gajiro wītābiaderore kurami doja. Īgū kuradero p<sub>uru</sub>, gajig<sub>u</sub> wapikurā okarā watopem<sub>u</sub> y<sub>ure</sub>: “Īāgū aarika!” ārīmakū pébu.

<sup>4</sup> Īgū irasū ārādero p<sub>uru</sub>, gajig<sub>u</sub> caballu diiag<sub>u</sub> wirimi. Marīp<sub>u</sub> īgū weka peyag<sub>u</sub>re turarire sīmi. Iri turari merā i āmugue āārīrārē īgūsā basi siñajārī opanemobirimakū irimi. Wári majī sareri majīrē īgūrē sīmi. Irasirig<sub>u</sub> īgūsārē gāmewējēmakū irimi.

<sup>5</sup> P<sub>uru</sub> Jesucristo oveja majīgū irirosū āārīgū gajiro wītābiaderore kurami doja. Īgū kuradero p<sub>uru</sub>, gajig<sub>u</sub> wapikurā okarā watopem<sub>u</sub> y<sub>ure</sub>: “Īāgū aarika!” ārīmakū pébu doja. Īgū irasū ārādero p<sub>uru</sub>, gajig<sub>u</sub> caballu nīgūrē īābu. Īgū weka peyag<sub>u</sub> nukārī keorore opami.

<sup>6</sup> P<sub>uru</sub> wapikurā okarā watopegue sug<sub>u</sub> āsū ārī werenímakū pébu:

—Baari pereakōārokoa. Irasirirā masaka trigo yerire su kilota, sun<sub>u</sub> moārī waja merā wajarirākuma. Sun<sub>u</sub> moārī waja merā cebada yeridere ure kilota wajarirākuma. Uye, igui deko\* gap<sub>ure</sub> peremakū iribirikōāburo, ārīmi.

<sup>7</sup> P<sub>uru</sub> Jesucristo oveja majīgū irirosū āārīgū gajiro wītābiaderore kurami. Īgū kuradero p<sub>uru</sub>, gajig<sub>u</sub> wapikurā okarā watopem<sub>u</sub> y<sub>ure</sub>: “Īāgū aarika!” ārīmakū pébu.

<sup>8</sup> Īgū irasū ārīmakū pégu, diiaweya borewijig<sub>u</sub> caballure īābu. Īgū weka peyag<sub>u</sub> masakare boamakū irig<sub>u</sub> āārīsīā: “Boari” wāik<sub>u</sub>mi. Īgū p<sub>uru</sub> gajig<sub>u</sub> “Boanerā āārīrō” wāik<sub>u</sub>g<sub>u</sub> aarimí. Jesucristo oveja majīgū irirosū āārīgū īgūsā pērārē āārīperero i nikūguere surāyeri masakare wējēdoremi. Gāmewējērī merā,

\* 6:6 Masaka olivo wāik<sub>u</sub>dima duka aceitunas wāik<sub>u</sub>ri dukare bipirā, uye opakuma īgūsā baaburire. Iguida dukare k<sub>ur</sub>abipirā, igui deko opakuma īgūsā iiriburire. Irasirig<sub>u</sub> sug<sub>u</sub> wapikurā okarā watopeguem<sub>u</sub>: “uye, igui deko gap<sub>ure</sub> peremakū iribirikōāburo”, ārīgū: “Olivo wāik<sub>u</sub>ri yuku, iguidarire poy-anorēbirikōāburo”, ārī wereními.

uaboari merã, pũrĩrikuri merã, waimurã makãnúu marã guarã merã, surãyeri masakare wẽjẽburire pími. Æãrĩpererã masaka wapikuri buri dukawa, keomakũ, su bumarã keoropa Æãrĩrãrẽ wẽjẽdoremi.

<sup>9</sup> Puru Jesucristo oveja majĩgũ irirosũ Æãrĩgũ gajiro wĩtãbiaderore kurami doja. Īgũ kuradero puru, Marĩpũre sĩdea soepeoro doka, Jesucristore bũremurã wẽjẽsũnerãya yujupũrãrĩrẽ ĩãbu. Īgũsã Īgũya kerere weredeo waja, irasũ Æãrĩmakũ Īgũyare piribiridea waja wẽjẽsũnerã Æãrĩmã.

<sup>10</sup> Īgũsã turaro merã Marĩpũre Æsũ Ærĩma:

—Gua Opu, mu oãtarigu, ñerĩ marĩgũ Æãrã. Mu: “Æsũ irigura”, Ærĩdeare diayeta irigu Æãrã. ¿Naásũ Æãrĩmakũ i umu marãrẽ wajamoãgukuri, Īgũsã guare wẽjẽdea waja? Ærĩma.

<sup>11</sup> Puru Īgũsãrẽ boreri suri, yoirere sĩmi. Æsũ Ærĩmi:

—Siñajãka dapa! Gajirã musãyarã Jesucristore bũremurã Īgũya kere wereri waja musã irirosũ wẽjẽsũrãkuma. Īgũsãrẽ wẽjẽpeoburo mérõ duyãa, Ærĩmi.

<sup>12</sup> Puru Jesucristo oveja majĩgũ irirosũ Æãrĩgũ gajiro wĩtãbiaderore kuramakũ ĩãbu doja. Irore kuramakũ, nikũ buro ñomebu. Abe umumu goero ñĩgũ waami. Kó suriõ ñĩrõ sãnarõ irirosũ deyogu waami. Abe ñamimu goero diiagu, dí irirosũ deyogu waami.

<sup>13</sup> Neñukãde umugasigüe Æãrãnerã, nikũgüe yuridijakõãma. Yukubu dukare mirũ buro wẽjãpu bura dijurosũ yuridijama.

<sup>14</sup> Irasiro papera pũrẽ tũrãbéo dedeuosũ, umugasĩ dederiakõãbu. Æãrĩpereri Ætãyuku, nuğũrĩde gajirogüe waabu.

<sup>15</sup> Irasũ waamakũ ĩãrã, i umu marã oparã Ætãyukuma gob-erigüe, Ætãyeri watopegüe durirã waama. Gajirã: surara oparã, wãri doebiri oparã, turari merã dorerã, Æãrĩpererã moãrĩmasã, moãrĩmasã Æãrĩmerãde irogueta duriadima.

<sup>16</sup> Irasũ durirã, Ætãyukure, Ætãyeridere Æsũ Ærãdima:

—Gua weka yuridijarikõãka! Kãmutaka, Opu doarogue doagu guare bokabirikõãburo. Kãmutaka, oveja majĩgũ irirosũ Æãrĩgũ guare buro wajamoãbirikõãburo.

<sup>17</sup> Īgũ guare wajamoãrĩnu ejasiãa. ¿Noã bokatũbukuri ire? Ærĩ gaguĩma.

## 7

*Israel bumarãya diapuserorire Marĩpũ wãĩ tuusũnerãyare weredeo*

<sup>1</sup> Puru wapikurã Marĩpũre wereboerãrẽ ĩãbu. Sugu norte garu, gajigu sur garu, gajigu abe marĩriro garu, gajigu abe ñajãrõ garu nĩma, mirũ wẽjãpubirimakũ irimurã. Irasiro i

nikũgue, dia wádiyaguedere neõ mirũ wějãpubiribu. Neõ sugu yukure mirũ wějãpubiribu.

<sup>2</sup> Īgūsã i nikũrẽ, dia wádiyadere poyanorẽdoresũnerã ããrĩmã. Pũũ gajigu Marĩpũ wereboegure iãbu doja. Īgũ abe marĩriro gapũ aarimĩ. Marĩpũ okanígũya wãĩ tuuyariñerẽ opami. Gajirã Marĩpũ wereboerã wapikũrãrẽ turaro merã ãsũ ãrĩ werenĩmi:

<sup>3</sup> —I nikũ, dia wádiya, yukure poyanorẽbirikõãka dapa! Marĩ Opũ moãboerãrẽ Īgūsãya diapuserorire Īgũ wãĩ tuuadero pũũ, irire poyanorẽka! ãrĩmi.

<sup>4</sup> Pũũ Īgũ werenĩmakũ pébu. ãsũ ãrĩmi: “Ciento cuarenta y cuatro mil masaka Israel parãmerã ããrĩturiari buri marã Īgūsãya diapuserorire Marĩpũ wãĩ tuusũnerã ããrĩmã”, ãrĩmi.

<sup>5</sup> Īgūsã ããrĩnerã ããrĩmã:

Judáya bumarã doce mil, Ruběya bumarã doce mil,

Gadya bumarã doce mil,

<sup>6</sup> Aserya bumarã doce mil,

Neftaliya bumarã doce mil, Manaséya bumarã doce mil,

<sup>7</sup> Simeõya bumarã doce mil, Levíya bumarã doce mil,

Isacarya bumarã doce mil,

<sup>8</sup> Zabulõya bumarã doce mil,

Joséya bumarã doce mil, Benjamíya bumarã doce mil

ããrĩnerã ããrĩmã.

*Wárã suri boreri sãñarãyare weredeã*

<sup>9</sup> Pũũ wárã masakare iãbu. Surãyeri ããrĩpereri buri marã, Īgūsã ya werenĩrã, ããrĩpererogue ããrĩpereri nikũ marã ããrĩmã. Īgūsã, Marĩpũ, Opũ doarogue doagu diaye, Jesucristo oveja majĩgũ irirosũ ããrĩgũ diaye níma. Īgūsãrẽ keo bokatĩũña marĩbu. Surĩ borerire sãñama. Mujĩ pũrĩrẽ opama.

<sup>10</sup> Īgūsã ããrĩpererã turaro merã ãsũ ãrĩ gaguinĩma:

Marĩpũ marĩrẽ taugu ããrĩmi. Īgũ, Opũ doarogue doagu ããrĩmi.

Jesucristo oveja majĩgũ irirosũ ããrĩgũde marĩrẽ taugu ããrĩmi, ãrĩma.

<sup>11</sup> ããrĩpererã Marĩpũ wereboerã Opũ doaro tũro, irasũ ããrĩmakũ oparã mũrã, wapikũrã okarã tũro nígoroama. Marĩpũ irogue doagũre bũremurã, Īgũ diaye ñadũkũpuri merã ejamejã, Īgūsãya diapurire yebague moomejãma.

<sup>12</sup> ãsũ ãrĩma:

Marĩ Opũ: “Õãtarigu, gosesiriri merã deyogu, masĩpeogu ããrã, gũ mũ merã usuyãa”, ãrĩ, usuyari sĩrã!

“Mũ, gũ gopeyari merã bũremugũ, turatarigu, ããrĩpererãrẽ doregu ããrã”, ãrĩrã Īgũrẽ!

ããrĩpererinũrĩ irasũ ãrĩnĩrã! Irasirirã: “Irasũta ãrĩburo”, ãrĩ bũremuma Īgũrẽ.

13 Pura sugu, oparã marã watopemu yure sêrêñami:

—¿Ñeémarãno ããrĩrĩ ñĩsã suri boreri sãñarã? ¿Noógue aarayuri? ãrĩmi.

14 Ìgũ irasũ ãrĩmakũ pégu, yu gapu Ìgũrê yujubu:

—Yu opu, mu masĩkoa, ãrĩbu.

Yu irasũ ãrĩmakũ pégu, ãsũ ãrĩmi:

—I ãmu marã buro ñerõ tariripoere Ìgũsãde ñerõ tarima.

Ìgũsã Jesucristo oveja majìgũ irirosũ ããrìgũya dí béori merã Ìgũsãya suríre koe, boreri suri waamakũ irinerã irirosũ ããrĩma. Irasũ ããrĩrã, Jesucristore Ìgũsãrê boabosa, Ìgũya dí béodire buremusiã, Marĩpu Ìũrõrê ñerĩrê opamerã ããrĩma.

15 Irasirirã, Marĩpu, Opu doarogue doagu diaye níma, Ìgũ gããmerõsũ irimurã. Ëmuriku, ñamiriku Ìgũya wii ãmugasima wiigüe Ìgũrê buremuma. Ìgũ, Ìgũsã merã irasũ ããrĩnkõãmi Ìgũsãrê koregu.

16 Irasirirã neõ dupaturi haboanemobirikuma. Neõ ñemesibusünemobirikuma. Neõ abe ãmumu Ìgũsãrê buro asinemobirikumi. Gaji asiri Ìgũsãrê neõ ñerõ tarimakũ irinemobirikoa.

17 Oveja majìgũ irirosũ ããrìgũ, Ìgũ doarogue doagu diaye nígũ, ovejare korerimasũ irirosũ Ìgũsãrê koregukumi. Perebiri okari sĩrĩ deko\* wiriri gobegüe ããgukumi. Irasirirã usuyari merã ããrĩnkõãrãkuma. Marĩpu ããrĩpereri Ìgũsã kódeko wiririre niũgukumi. Irasirirã neõ dupaturi bujawereri merã ããrĩbirikuma.

## 8

*Papera tũrũrê wĩtãbiatũnudea, sũrõrĩ soemudiru oro merã irideare weredea*

1 Jesucristo oveja majìgũ irirosũ ããrìgũ, su mojõma pere gaji mojõ suru pẽrẽbejari papera tũrũrê wĩtãbiadeare kura odoadero puru, iri tũrũrê wĩtãbiatũnuderore kurami. Irore kuramakũ, ããrĩperero ãmugasigüe gajino neõ busubiriakõãbu. Su hora deko irasũ waabu.

2 Puru su mojõma pere gaji mojõ peru pẽrẽbejarã Marĩpue wereboerãrê Ìgũ puro nímakũ ããbu. Ìgũsãkure puririduparure sĩmi.

3 Puru gajigu Marĩpue wereboegu sũrõrĩ soemudiru oro merã iridirure opagu, Marĩpue sĩdea soepero purogue waa

\* **7:17** San Juan 11.25: Jesús ãrĩmi: —Yu boanerãrê masãmakũ irigu, Ìgũsãrê okari sīgũ ããrã. Yure buremugũ boadigüe ããrĩkeregũ, okagukumi, ãrĩmi. San Juan 14.6: Jesús ãrĩmi doja: —Yu dita Yuru purogue waarĩ maa irirosũ ããrã. Yu diayema ããrĩrĩrê masakare masãmakũ irigu, Ìgũsãrê okamakũ irigu ããrã. Yu merãta Yuru purogue waarãkuma, ãrĩmi. Irasirigu Jesús deko wiriri gobema perebiri okarire sĩrĩ deko irirosũ ããrĩmi. Ìgũ merã Ìgũrê buremurã Ìgũ Pagu puro i perebiri okarire opamurã ããrĩma.



ejanugājami. Īgū irogue nímakū, wáro sūrōrīrē sīma. Iri sūrōrī, āārīpererā Marīpuyarā Īgūrē sērēdea merā morē soemuburi āārībū. Irasirigu, Marīpu, Opu doarogue doagu diaye, oro merā iridea soepeorogue irire soemumi.

<sup>4</sup> Iri sūrōrī, soepeoro weka poósiri peo soemumakū, Marīpu purogue Īimikā, Īgūyarā Īgūrē sērēdea merā marīākōābu.

<sup>5</sup> Puru Marīpure wereboegu i soepeoroma peamerē Īgū soemudirugue āi poósā odo, i nikūgue poómeédijukōāmi. Īgū irasū poómeédijumakūta, bupu miā, buro pámi. Irasū āārīmakū, nikūde ñomebu.

*Marīpure wereboerā puririduparure puridea*

<sup>6</sup> Puru su mojōma pere gaji mojō peru pērēbejarā Marīpure wereboerā Īgūsāya puririduparure āmurā irima.

<sup>7</sup> Āārīpurorigu Marīpure wereboegu Īgūyarure purimi. Īgū puriadero puru, deko yeri yusari yeri peame merā, dí merā morērī yeri nikūgue yuribu. Iri yeri yurimakūta, i nikū ājūākōābu. I nikū deko ejaburogora ājūtūnubu. Yukude, tá yasaride iropata ājūbu.

<sup>8</sup> Puru gajigu Marīpure wereboegu Īgūyarure purimi doja. Īgū purimakū, wádi ūtāu irirosū deyodi, peame merā ājūnīdi, dia wádiyague mirūa dijabu. Irasiriro i nikū ājūderopata wádiyama deko, dí poyakōābu.

<sup>9</sup> Irasirirā āārīpererā wádiya marā ure bu dukawamakū, su bumarā boakōāma. Doóriduparu wádiyague āārīrīde, iropata ājūbu.

<sup>10</sup> Pērā Marīpure wereboerā Īgūsāya puririduparu puriadero puru, gajigu Marīpure wereboegu Īgūyarure purimi doja. Īgū purimakū, wágu neñukāmu sīāgori turu ājūrī irirosū deyogu ājū, matādi nikūguere dijijami. Īgū diariguere, deko wiriri goberiguere deko ejaburogora meémejami.

<sup>11</sup> Īgū: “Sūīgū” wāikami. Deko Īgū meémejādero ejatuaro sūrī deko waabu. Irasū waadero puru, iri dekore iirirā, wárā masaka boama.

<sup>12</sup> Ūrerā Marīpure wereboerā Īgūsāya puririduparu puriadero puru, gajigu Marīpure wereboegu Īgūyarure purimi doja. Īgū purimakū, abe ūmumu, ñamimude deko ejaburogora poyanorēma. Neñukāde iropata poyanorēma. Irasirigu abe, ūmarē wapikuri horagora neō boyobirimi. Ñamidere wapikuri horagora abe ñamimu, neñukā neō boyobirima.

<sup>13</sup> Puru ūmarōgue Īāmugū, gapáu wúwāgāgūrē Īābu. Īgū turaro merā āsū ārī werenímakū pébu:

—Ayó! Ayó! Ayó! Gajirā urerā Marīpure wereboerā Īgūsāya puririduparure puribema dapa. Īgūsā irire puriadero puru, ñetariro waarokoa i nikūgue āārīrārē, ārīmi.

## 9

1 Puru wapikurã Marĩpũre wereboerã ĩgũsãya puririduparu puriadero purũ, gajigu Marĩpũre wereboegu ĩgũyarure purimi doja. ĩgũ purimakũ, neñukãmũ irirosũ deyogu ãmũgasigue ããrãdi i nikũgue yuriadire ĩãbũ. Bũro ãkũãrĩ gobema sawire ĩgũrẽ sĩma.

2 ĩgũ iri gobere tũpãmakũ, wãri peamema ĩĩmikã wiribũ. Iri ĩĩmikã abe ãmũmũrẽ tuúbiatobũ. Irasiriro ãmarõgue naĩĩãrõ waabu.

3 Poreroa, ĩĩmikã watopegue ããrãnerã, i nikũgue wúdijarima. Korebaba irirosũ toarã ããrĩmã.

4 Marĩpũ ĩgũsãrẽ táre, yukure, gaji otedeare poy-anorẽdorebirimi. “ĩgũsãya diapuserorire yũ wãĩ tuuña marĩrãno ditare ñerõ tarimakũ irirãkoã”, ãrĩmi.

5 ĩgũsãrẽ toawẽjẽdorebirimi. Su mojõmarã abegora ĩgũsãrẽ bũro pũrĩmakũ iridoremi. Irasirirã korebaba toari pũrĩrõsũ ĩgũsãrẽ pũrĩmakũ irima.

6 ĩgũsãrẽ pũrĩripoere masaka bũro boadũadima. ĩgũsã boadũakeremakũ, boamasĩña marĩbũ.

7 Poreroa, caballua gãmekẽãburi dupiyuro ãmu odoanerã irirosũ deyoma. ĩgũsãya dipure oparã peyari berorí, oro merã iridea berorí irirosũ deyorire peyama. ĩgũsãya diapuri masakaya diapu irirosũ deyobũ.

8 ĩgũsãya poari, nomeya poañapu irirosũ ããrĩbũ. ĩgũsãya guika, eõkayea guika irirosũ ããrĩbũ.

9 ĩgũsãya koretibirire kõme merã iridea kãmutari suríro sãñanerã irirosũ ããrĩmã. ĩgũsã wũmakũ, ĩgũsãya kẽdupuri bũro busubũ. Wãrã caballua tũrũrĩduparure ĩgũsã gãmewẽjẽrõgue mumurõ merã tũãwãgãrã irirosũ busubũ.

10 Korebaba irirosũ ĩgũsãya pore merã toarã, masakare su mojõmarã abegora pũrĩmakũ irima.

11 Poreroa opu, bũro ãkũãrĩ gobe opu ããrĩmi. ĩgũ Marĩpũre wereboegu ããrĩdi ããrãdimi. Hebreo ya merã “Abadón” wãĩkũmi. Griego ya merã “Apolión” wãĩkũmi. “Apolión”, ãrĩrõ: “Ñerõ poyanorẽrĩmasũ”, ãrĩdũaro yãa.

12 Poreroa masakare ñerõ pũrĩmakũ iriadero purũ, ñerõ taripũroridea perekõãbũ. Iri purũ, pero ñerõ tariri dũyãa dapa.

13 Puru su mojõmarã Marĩpũre wereboerã ĩgũsãya puririduparu puriadero purũ, gajigu Marĩpũre wereboegu ĩgũyarure purimi doja. ĩgũ purimakũ, sugũ werenĩmakũ pẽbũ. Marĩpũ ĩũrõ ĩgũsã ĩgũrẽ sĩdea soepeoro, oro merã iridea soepe-orogue ĩgũ werenĩrĩ busubũ. Iri soepeoroma wapikuri kũsari watopegue ĩgũ werenĩrĩ busubũ.

14 Irasū werenígū, puridiru puriadire āsū ārīmi:

–Wapikurā Marīpure wereboerā āārādinērē wiuka! Īgūsā dia wádiya Eufrates wāikūdiyague suadobosūnerā āārīma, ārīmi.

15 Irasū ārīmakū pégu, Marīpure wereboegu Īgūsā wapikurārē wiumi, wārā masakare wējēmurārē. Irasirigu Marīpu Īgūsārē: “I hora, inu, īi abe, i bojori āārīmakū, wiusūrākuma”, ārīderosūta keoro waabu. Irasirirā āārīpererā i nikūgue masakare ure bu dukawamakū, su bumarārē wējērā waama.

16 Īgūsā merā wārā surara caballua weka peyarā āārīmā. “Īgūsā āārīpererā doscientos millones surara āārīma”, ārīrīrē pébu.

17 Yu kērōsūgue caballuare, Īgūsā weka peyarādere īābu. Āsū deyoma: Īgūsāya koretibirire kōme merā iridea kāmūtari surīro sāñanerā āārīmā. Iri kāmūtari surī, diiari, yasari, boreri surī deyobu. Irasiriro peame ūjūrī, ūtāye jacinto wāikuriye, azufre wāikuri poga irirosū deyori āārībū. Caballuaya dipu ēōkayea dipu irirosū deyobu. Īgūsāya disirigue peame, īimikā, azufre wāikuri poga ūjūrī īimikāde wiribu.

18 Irasirirā caballua Īgūsāya disi wiriri: peame, īimikā, azufre ūjūrī merā āārīpererā masakare ure bu dukawamakū su bumarārē wējēma.

19 Īgūsāya disi wiriri merā, Īgūsāya pore merā wējēma. Īgūsāya pore yuwari, āña dipu irirosū deyobu. Iri merā masakare kāmītūma.

20 Gajirā masaka peame, īimikā, azufre ūjūrī merā boamerā gapu irire waamakū īākererā, Īgūsā ñerō iririre neō piribirima. Wātēārē buremurīrē neō piribirima. Īgūsā buremurā keori weadea: oro, plata, bronce, ūtāyeri, yuku merā irideare buremurīrē neō piribirima. Iri keori weadea neō īābiri, neō pébiri, neō naabiri āārīkeremakū, Īgūsā irire soebuima.

21 Irasū āārīmakū, Īgūsā masakare wējēdeare, Īgūsā yéa āārīrā irideare, Īgūsā kōābiradeare, Īgūsā yajadeadere neō bujawerebirima. Iri āārīpererire neō piribirima.

## 10

### *Marīpure wereboegu papera tūrūgārē opadea*

1 Puru gajigu turagu Marīpure wereboegu ūmugasigue merā īimikāyebo dekogue دچارimakū īābu. Īgūya dipuru wekare buida āārībū. Īgūya diapu abe ūmum irirosū gosesiribu. Īgūya ñigārī peame irirosū gosebu.

<sup>2</sup> Īgūya mojógue papera pū kuradea tūrūgārē opami. Īgūya diayema gubu merā dia wádiyague tāpími, kúgaruma gubu merā nikūgue tāpími.

<sup>3</sup> Irogue nígū, turaro ēōkaye gaguinírōsū gaguiními. Īgū irasū gaguinímakū, su mojóma pere gaji mojō peru pērēbejarā bupua wereníma.

<sup>4</sup> Īgūsā wereníadero p̄r̄u, Īgūsā wereníadeare gojanugābu. Ȳu gojanugāmakū, suḡu ūmugasigue āārīgú ȳare āsū ārī weremi:

—Bupua wereníadeare gajirārē werebirikōāka! Irire gojabirikōāka! ārīmi.

<sup>5</sup> P̄r̄u ȳu wádiyague, nikūgue nímakū ĩādi, Īgūya diayema mojóre ūmugasigue soemumi.

<sup>6</sup> Irasū soemugū, Marīp̄u okanígū, ūmugasi, i nikū, dia wádiya āārīpererā irogue āārīrārē iridi wāi merā wāipeo, āsū ārīmi:

—Ī ūm̄u pereakōāa. Iropata āārā.

<sup>7</sup> Su mojóma pere gaji mojō suru pērēbejarā Marīp̄ure wereboerā Īgūsāya puririduparure purisiamā. Gajiḡu Īgūyarure purimakū, Marīp̄u Īgū: “Āsū irigura”, ārīdeare, iripoegue marā masībirideare iriyuwarikugakumi. Irasiriro iri, Īgūrē moāboerārē, Īgūya kerere weredupiyunerārē Īgū: “Āsū irigura”, ārīdea keoro waarokoa, ārīmi.

<sup>8</sup> Īgū irasū ārādero p̄r̄u, ūmugasigue āārīgú ȳare werenídi, dupaturi āsū ārī wereními:

—Sī Marīp̄ure wereboeḡu, wádiyague, nikūgue nígū p̄rogue waaka! Īgūya mojógue papera pū kuradea tūrūgārē opami. Iri pūgārē āika! ārīmi.

<sup>9</sup> Īgū irasū ārīmakū pégu, Īgū p̄rogue waabu. Īgūrē ȳu papera pūgārē sērēmakū pégu, āsū ārī ȳj̄ami ȳare:

—Āi, baaka! M̄u baamakū, mume irirosū ōārō misōrokoa. M̄ya paru gar̄u, p̄r̄u b̄uro sūirokoa, ārīmi.

<sup>10</sup> Īgū irasū ārīmakū pégu, iri pūgārē Īgūrē āi, baabu. Ȳu baamakū, mume irirosū misōb̄u. Baa odoadero p̄r̄u, yaa parugere sūrō péñabu.

<sup>11</sup> P̄r̄u āsū ārīmi ȳare:

—Dupaturi wári buri marārē, wári nikū marārē, Īgūsā ya werenírārē, Īgūsā oparādere Marīp̄u Īgūsārē: “Āsū irigura”, ārīdeare wereḡu waaka! ārīmi.

## 11

### *Pērā Marīp̄uyare wererimasā weredeā*

<sup>1</sup> P̄r̄u Marīp̄u ȳare keodi, tuadi irirosū deyodire sīmi. Sī odo, ȳare āsū ārīmi:

—Igu merā yaa wiire keogu waaka! Iri wiimarē yu iūrō ĩgūsā yure sīdea soepeorodere keoka! Iri wiiguere masakare yure buremurādere: “¿Niísāku āārīrī?” ārī keoka!

<sup>2</sup> Iri wii turoma gapure keobirikōāka! Iri gajiro marā masakare wiadea nikū āārā. ĩgūsā cuarenta y dos abegora yaa makārē\* poyanorēgorenarākuma.

<sup>3</sup> Irasirigu yaare weremurārē pērā iriugura. Yoaripoe mil doscientos sesenta nurīgora yaare wererākuma. ĩgūsā bujawereri ĩmurā, kó suri sāñanerā āārīrākuma, ārīmi.

<sup>4</sup> ĩgūsā pērā Marīpuyare weremurā, pegu olivo wāikuri yuku, irasū āārīmakū pegu sīāgori yuku irirosū āārīma. Marīpu i nikū Opu iūrō nīma.

<sup>5</sup> ĩgūsārē ĩaturirā ĩgūsārē ñerō iriduamakū, ĩgūsāya disigue peame ājūrī pūrā wiriri merā ĩgūsārē soe wējēpeokōārākuma. Irasirirā āārīpererā ĩgūsārē ñerō iriduarārē iri merā boamakū irirākuma.

<sup>6</sup> ĩgūsā Marīpuyare wererinarīrē deko merēdorebirimakū merēbirikoa. Irasū āārīmakū dekore dí poyadoremakū dí poyarokoa. I nikū āārīpererogue āārīrārē āārīpereri gajirosūperi ñerō taridorerākuma. ĩgūsā iriduaropa ñerō tarimakū irirākuma.

<sup>7</sup> Marīpuyare were odomakū, buro ũkūārī gobegue āārīgú, ñegū gajirosū deyogu wirigukumi, ĩgūsā pērā merā gāmekēābu. ĩgūsārē gāmekēā, ĩgūsārē tarinuga, wējēkōāgukumi.

<sup>8</sup> ĩgūsārē wējēadero puru, ĩgūsāya dupuri dari wári makāma maague oyarokoa. Iri makā, marī Opure Jesucristore ĩgūsā curusague pábiatú wējēdea makā āārā. Iri makā marā ñerā āārīrā, Sodoma marā, Egipto marā ñerā āārīnerā irirosū āārīma.

<sup>9</sup> Urenu gajinu dekogora ĩgūsāya dupuri dari iri maarē oyarokoa. Āārīpereri nikū marā, āārīpereri buri marā, ĩgūsā ya werenirā ĩgūsāya dupuri darire ĩārākuma. Gajirārē iri dupuri darire yáadorebirikuma.

<sup>10</sup> ĩgūsā pērā okarā, i ũmu marā masakare buro ñerō tarimakū irinerā āārīma. ĩgūsā boamakū ĩārā, usuyarākuma. Bosenu iri, gajinorē gāme sīrākuma.

<sup>11</sup> ĩgūsā boadero puru, urenu gajinu deko puru, Marīpu ĩgūsārē masū, dupaturi okamakū irimi doja. ĩgūsā wāgānugāmakū ĩārā, āārīpererā buro güima.

<sup>12</sup> Puru sugu ũmugasigue āārīgú ĩgūsā pērārē turaro merā āsū ārī werenímakū péma:

—Ōogue marīrika musā! ārīmi.

\* 11:2 Marīpuya makā, Jerusal'eta āārā.

Īgū irasū ārīmakū pérā, ĩmīkāyēbo merā mūrīākōāma. Īgūsā mūrīāmākū, Īgūsārē ĩaturirā ĩāma.

13 Īgūsā mūrīaripoe nikū buro ñomebu. Iri makāma wiiri wári mirūadijabu. Wārā siete mil masaka boama. Gajirā dūyarā gapu buro güima. “Marīpu ũmugasigue āārīgú turatarigu āārīmi”, ārīma.

14 ĩārīpereri irasū waadero puru, pero ñerō tariri waasiabu. Irasū waakeremakū, mérōgā puru masaka dupaturi ñerō tarirākuma doja.

*Marīpue wereboegu puriduru puritūnudea*

15 Puru su mojōma pere gajī mojō suru pērēbejarā Marīpue wereboerā Īgūsāya puririduparure puriadero puru, gajigu ĩgūrē wereboegu ĩgūyarure purimi. Īgū purimakū, ũmugasigue āārīrā turaro merā āsū ārī werenīma:

Dapagorare Marīpu, ĩgū iriudi Cristo merā āārīpererā i ũmu marārē doregu ñajāmi. Īgū doreri neō perebirikoa, ārīma.✧

16 Irasū ārīmakū pérā, Marīpu diaye oparā doarigue doarā veinticuatro oparā mārā Marīpu ĩūrō ñadukupuri merā ejamejāja, Īgūsāya diapure yebague moomejā, ĩgūrē buremu, 17 āsū ārīma:

Gua Opu, āārīpererā nemorō turagu āārā. Mu merā usuyāa. I ũmūrē iriburo dupiyuro āārīsiabu. Dapagoradere āārīnīkōāa. Puruguedere irasūta āārīnīkōāgukoa. Mu turari merā masakare dorenugāa. Irasirirā mūrē usuyari sīa.

18 I ũmu marā mūrē gāāmemerā, mu merā guatarima. Mu ĩgūsārē wajamoārīnu, irasū āārīmakū boanerādere mu wajamoārīpoe ejasiāa. Āārīpererā mūyarā gapure ōārīrē sīgukoa.✧

Muya kerere weredupiyurimasārē, mūrē ōārō gopepyari merā buremurārē, oparārē, ubu āārīrādere ōārīrē sīgukoa. I ũmu marārē poyanorērā gapure béoripoe ejasiāa, ārīma.✧

19 Īgūsā irasū ārādero puru, Marīpuya wii ũmugasigue āārīrī wii makāpuro tūpāsūbu. Iri wii poekague su kūmarē ĩābu. Iri kūma, Marīpu masakare werepīri gojadea opari kūma āārībú. Iri kūmarē ĩāmakūta, bupu miā, buro pámi. Irasū āārīmakū, i nikū ñomebu. Wári deko yeri yusari yeri nikūgue yuribu.

## 12

*Nomeōya, irasū āārīmakū pīrū irirosū deyoguya kerere were-dea*

<sup>1</sup> Puru umugasigwe gajirosūperi buru goeri deyoamakū iābu. Irasū waaripoe sugo nomeōrē iābu. Igoya surīro abe umumu irirosū goesiribu. Abe űamimu weka nīmo. Opu peyari berore, pe mojōma pere su gubu peru pērēbejarā neñukā opari berore peyamo.

<sup>2</sup> Igo pūrākuburo mérōgā duyabu. Irasirigo igo nijīwāgūgō pūrīrō merā gaguinīmo.

<sup>3</sup> Puru gaji umugasigwe deyoamakū iābu. Wāgu pīrū diiagu diakēā irirosū deyogure iābu. Īgū su mojōma pere gaji mojō peru pērēbejari dipu opagu āārīmī. Dipuku, oparā peyari berorīre peyami. Pe mojōma kūsari opagu āārīmī.

<sup>4</sup> Umugasigwe āārīrā neñukārē ure bu dukawamakū, su bumarārē Īgūya pore merā wējāsiri meédijumi. Īgū, nomeō pūrākubo puro nīmi, majīgū deyoamakū baabu.

<sup>5</sup> Mérōgā puru, majīgūrē pūrākumo. Ī majīgūta āārīpereri nikū marā Opu āārību āārīmī. Wāri turari merā, opu kōme merā iridea yuku opagu masakare dorebu āārīmī. Puru Marīpu Īgū doaro purogue Īgūrē āimurīāmi.

<sup>6</sup> Nomeō masaka marīrō Marīpu amuyuderogue duriwāgākōāmo. Irogue igore mil doscientos sesenta nurīgora baari sīmi.

<sup>7</sup> Puru umugasigwe gāmewējērī waabu. Marīpure wereboerā opu Miguel wāikugu, Īgūyarā Marīpure wereboerā, pīrū merā gāmekēāma. Pīrū, Īgūyarā merā Miguēsā merā gāmekēāmi.

<sup>8</sup> Miguēsā pīrūrē tarinugāma. Irasirigu pīrū, Īgūyarā merā umugasiguere Īgūsā āārīrō neō bokanemobirimi.

<sup>9</sup> Irasirigu Marīpu pīrūrē béokōāmi. Īgū wāgu pīrū, neōgoraguere deyoadi, Satanás wāikugu, wātī āārīmi. Īgū āārīpererā i umu marā masakare ārīkatorikugu āārīmi. Marīpu Īgūrē, Īgūyarā merā i nikūgue béodijumi.

<sup>10</sup> Puru sugu umugasigwe āārīgū turaro merā āsū ārī werenīmakū pébu:

—Marīpu marīrē tauri, Īgū turari merā marī Opu āārīrī, Īgū iriudi Cristo marīrē doreri ejasiāa. Irasirigu Marīpu wātīrē umugasigwe āārīdire i nikūgue béodijumi. Umuriku, űamiriku wātī Marīpure, marīyarā Jesúre buremurārē: “Nerō irirā āārīma”, ārī weresāgū iriadimi.

<sup>11</sup> Marīyarā wātīrē tarinugāma. Jesucristo oveja majīgū irirosū āārīgūrē, Īgū dí béori merā Īgūsārē taurire buremusiā, irasirima. Jesúya kerere weredeā waja gajirā Īgūsārē wējēduakeremakū, Īgūsā okarire maībirima. Neō pīriro marīrō Īgūya kerere weresiā, wātīrē tarinugāma.

<sup>12</sup> Irasirirā musā umugasigwe āārīrā āārīpererā usuyaka! Wātī nikūgue béodijusūadi āārīmi. Musā i nikū āārīrārē,

dia wádiyague ãârĩrãrẽ wātĩ dijajamakũ, musãrẽ ñetariro waanugãbũ. Īgũrẽ wajamoãburo mérõ dũyáa. Irire masĩmi. Irasirigũ guatarikõãmi, ãrĩ weremi.

<sup>13</sup> Irasirigũ pĩrũ, nikũgue béodijumakũ ĩãgũ, majĩgũ pagore nurũtayawãgãmi.

<sup>14</sup> Marĩpũ gapũ igore gapáũ kẽdũpurire sĩmi. Iri merã igo, pĩrũrẽ masaka marĩrõgue wũ duriwãgãmo. Irogue ure bojori gaji bojori dekogora Marĩpũ igore baari sĩmi.

<sup>15</sup> Igo irogue ãârĩmakũ ĩãgũ, pĩrũ igore miũdũagũ, wáro dekore dokabéomi.

<sup>16</sup> Irasirikeremakũ, i nikũ gapũ igore iritamubũ. Pĩrũya disi wiriri dekore yeteoma, uju ãĩpeokõãbũ.

<sup>17</sup> Irasũ waamakũ ĩãgũ, pĩrũ igo merã guatarimi. Irasirigũ igo parãmerã ãârĩturiarã merã gãmewẽjẽgũ waami. Īgũsã, Marĩpũ dorerire irirã, Jesucristoya diayema buerire neõ pirimerã ãârĩma.

<sup>18</sup> Pĩrũ dia wádiya tũro eja, irogue yũmi.

## 13

### *Pẽrã gajirosũ deyorãyare gojadea*

<sup>1</sup> Pũũ gajirosũ deyogu dia wádiyague ããrãdi wãgãpamakũ ĩãbũ. Īgũ su mojõma pere gaji mojõ peru pẽrẽbejari dipu, pe mojõma kúsari opagu ãârĩmĩ. Īgũya kúsarigue oparã peyari berorĩre peyami. Īgũya dipure Marĩpũre ñerõ doori wãĩ gojatũdea ããrĩbũ.

<sup>2</sup> Īgũ, yé dorogu guagu irirosũ deyomi. Buguya guburi irirosũ opagu ãârĩmĩ. Ēõkaye irirosũ disikũgu ãârĩmĩ. Pĩrũ ĩgũ turarire sĩmi ĩgũrẽ. Irasũ sĩgũ, ĩgũrẽ opu doarogue dobomi, ĩgũ irirosũta masaka wárãrẽ doreburo, ãrĩgũ.

<sup>3</sup> Gajirosũ deyogu dipuru su dipuru kãmirõkũri dipurusũ deyobũ. Iri kãmirõ ĩgũrẽ wẽjẽboyadea kãmirõ, yaridea kãmirõgue ããrĩbũ. Irire ĩãrã, i mũũ marã ããrĩpererã ĩãgũkakõãma. Irasirirã ĩgũrẽ: “Turagu ãârĩmi”, ãrĩ, ĩgũyare iritũyama.

<sup>4</sup> Pĩrũ ĩgũ turarire gajirosũ deyogũre sĩmakũ ĩãrã, masaka pĩrũrẽ: “Õãtarigu ãârĩmi”, ãrĩ bũremuma. Gajirosũ deyogũdere ãsũ ãrĩ bũremuma:

—Neõ gajigu mũ irirosũ turagu mámi. Gajigu mũrẽ neõ tarinũgãmasĩbemi, ãrĩma.

<sup>5</sup> Pĩrũ dorederosũta gajirosũ deyogu: “Yũ, gajirã nemorõ ããrĩtarinũgãgũ ããrã”, ãrĩ weregorenami. Marĩpũre ñerõ ãrĩ doogorenami. Masakare cuarenta y dos abegora doremi. Marĩpũ ĩgũrẽ: “Iropata irika!” ãrĩmakũgue duũmi.



<sup>6</sup> Irasirigu masakare doregu, àsũ irimi. Marĩpure, ĩgũ wãĩrẽ, ĩgũ ããĩrĩrõrẽ, ããĩpererã ĩgũ puro ããĩrãdere ñerõ ãĩ doomi.

<sup>7</sup> Marĩpuyarã merã gãmewẽjẽ, ĩgũsãrẽ tarinũgãmi. ããĩpererogue ããĩpereri buri marãrẽ, ĩgũsã ya werenĩrãrẽ, ããĩpereri nikũ marãrẽ doremi. Marĩpu ĩgũrẽ: “Iropata irika!” ãrĩbirimi dapa. Irasirigu ñerĩrẽ irimi.

<sup>8</sup> ããĩpererã i nikũ marã Marĩpuyarã ããĩmerã gajirosũ deyogũre bũremuma. Marĩpu ĩgũ i ãmũrẽ iriburo dupiyuro ĩgũyarã ããĩmurã ĩgũ merã perebiri okari opamurã wãĩrẽ su papera pũgue gojatũsiadi ããĩmĩ. Iri pũ Jesucristo oveja majĩgũ irirosũ ããĩrĩgũ wẽjẽsũdiya pũ ããrã.

<sup>9</sup> Gãmipũrĩ oparã, ire pẽka!

<sup>10</sup> Peresugue waarõ gããmea, ãrĩsũnerã irogue waarãkuma. Sareri majĩ merã gajirãrẽ wẽjẽrã, sareri majĩ merã wẽjẽsũrãkuma. Iri irasũ waaripoe Marĩpuyarã ããĩrã gãñaturari merã ĩgũrẽ bũremurĩrẽ neõ piribirikõãrõ gããmea.

<sup>11</sup> Pũru gajigu gajirosũ deyogũre ĩãbũ doja. Nikũ poekague ããrãdi wiri mũĩrĩmi. ĩgũ oveja majĩgũ irirosũ pe kũsa opagu ããĩmĩ. Irasũ ããĩkeregũ, pĩrũ irirosũ werenĩmi.

<sup>12</sup> Gajirosũ deyogu ããĩpũroriadiya turarire opami. Iri turari merã ããĩpererã i nikũ marãrẽ gajirosũ deyogu ããĩpũroriadi wẽjẽsũboyadi kãmirõ yarisũadi bũremumakũ irimi.

<sup>13</sup> Wãri deyorumurĩrẽ iri ĩmumi. Masaka ĩũrõ peame ãmũgasigue ããrãdeare nikũgue dijarimakũ irimi.

<sup>14</sup> ĩgũ, gajirosũ deyogu ããĩpũroriadiya turari ĩgũrẽ sĩrĩ merã wãri deyorumurĩrẽ iri ĩmumi. Iri merã masakare ãrĩkatomi: “Ĩi mũsã bũremugũ ããĩmĩ”, ãrĩgũ. Irasirigu ĩgũsãrẽ gajirosũ deyogu ããĩpũroriadi keorire weadoremi. Gajirõsũ deyogu ããĩpũroriadi sareri majĩ merã saresũadi ããĩkeregũ okami.

<sup>15</sup> Gajirosũ deyogu pũru aaradi, gajirosũ deyogu ããĩpũroriadiya turari merã ĩgũ keori weadeare okamakũ irimi. Irasirigu iri keori weadeare masakũ irirosũ werenĩmakũ, ããĩpererã irire bũremumerãrẽ wẽjẽmakũ irimi.

<sup>16</sup> ããĩpererãrẽ ĩgũsãya diayema mojõ gapũre, o ĩgũsãya diapuserorire gajino gojatũdoremi. Ubu ããĩrãrẽ, oparãrẽ, wãri doebiri oparãrẽ, boporãrẽ, moãboerimasãrẽ, moãboerimasã ããĩmerãrẽ, ããĩpererãrẽ irasũ gojatũdoremi.

<sup>17</sup> Gojatũsũña marĩrã neõ wajarimasĩbiri, neõ duamasĩbirima. Iri gojatũdea, gajirosũ deyogu ããĩpũroriadi wãĩ, o ĩgũ wãĩ keori ããrã.

<sup>18</sup> Irire õãrõ pẽmasĩrõ gããmea. Pẽmasĩrã, gajirosũ deyogu wãĩ keorire masĩburo. ĩgũ wãĩ keori, masakũ wãĩ keori, seiscientos sesenta y seis ããrã.

## 14

*Marĩpu taunerã ciento cuarenta y cuatro mil masaka ïgũrẽ bayadea*

<sup>1</sup> Pũru Jesucristo oveja majĩgũ irirosũ ããrĩgũrẽ ãtãũ Sión\* wãikũdigue nígũrẽ ããbũ. Ìgũ merã ciento cuarenta y cuatro mil masaka ããrĩmã. Ìgũsã, Ìgũ wãirẽ, Ìgũ Pagu wãidere Ìgũsãya diapuserorire gojatũsũnerã ããrĩmã.

<sup>2</sup> Pũru ãmũgasigue merã bũro busũdijaririre pẽbũ. Wádibu ãtãmu irirosũ, bũro bupu páro irirosũ busubũ. Wãrã arpa wãikũri buaputẽrõ irirosũ busubũ.

<sup>3</sup> Ìgũsã ciento cuarenta y cuatro mil masaka, Marĩpu, Opũ doarogue doagu diaye, irasũ ããrĩmakũ wapikurã okarã, oparã murã ãũrõ bayama. Maama bayarire bayama. Ìgũsã dita iri bayarire masĩma. Ìgũsã i nikũ marã watopegue ããrĩrã, Marĩpu tausũnerã ããrĩmã.

<sup>4</sup> Neõ Ìgũsã suñarõ nome merã ñerõ iribirinerã, neõ sugo nomeõrẽ marãpokũbirinerã ããrĩmã. Jesucristo oveja majĩgũ irirosũ ããrĩgũyare iritayama. I nikũ marã masaka watopeguere Marĩpu tausũnerã ããrĩmã. Ìgũsã Marĩpuyarã, irasũ ããrĩmakũ Jesucristo oveja majĩgũ irirosũ ããrĩgũyarã ããrĩpũrorirã ããrĩnerã ããrĩmã.

<sup>5</sup> Ìgũsã watopere neõ sugu ãrĩkatogu mámi. Marĩpu ãũrõrẽ ñerĩrẽ opamerã ããrĩma.

*Ɔrerã Marĩpũre wereboerã weredea*

<sup>6</sup> Pũru gajigu Marĩpũre wereboegu ãmarõgue wũgũre ããbũ. Ìgũ ããrĩpererã i nikũgue ããrĩrãrẽ Marĩpu masakare tauri kerere wererimasũ ããrĩmĩ. ããrĩpererogue ããrĩpereri nikũ marãrẽ, ããrĩpereri buri marãrẽ, Ìgũsã ya werenĩrãrẽ iri kerere weregu ããrĩmĩ. Iri kere, neõ gorawayubiri, perebiri kere ããrã.

<sup>7</sup> Turaro merã ãrĩmi:

—Marĩpũre goepeyari merã ãsũ ãrĩ bũremuka: “Turatarigu, õãtarigu ããrĩmi”, ãrĩka! Ìgũ ããrĩpererã ñerãrẽ peamegue béoripoe ejasiãa. Ìgũ ãmũgasire, i nikũrẽ, dia wádiyare, ããrĩpereri deko wiriri goberidere iridi ããrĩmi. Irasirirã ïgũrẽ bũremuka! ãrĩmi.

<sup>8</sup> Ìgũ pũrumũ, gajigu Marĩpũre wereboegu ãsũ ãrĩmi doja:

—Wãri makã Babilonia wãikũri makã pereakõãbũ. Iri makã marã ããrĩnerã ããrĩpereri nikũ marãrẽ ñerõ irimakũ irima. Masaka ïgũsãrẽ ããkũrã, mejãrikurã igui deko pãmudeare turaro ãaribejarosũta ïgũsã ñerĩ iriridere turaro ãaribejama, ãrĩmi.

\* 14:1 Jerusalén, Sión wãikũdigue ããrĩyuro.

9-10 Pērā Marīpure wereboerā irasū ārādero pūru, gajigu Marīpure wereboegu turaro merā āsū ārīnemomi doja:

—Āārīpererā gajirosū deyogure, ĭgū keori weadeare ejamejā buremurārē ĭgūsāya diapuserorire, o ĭgūsāya mojōrīrē ĭgū wāi gojatūsūnerārē Marīpu būro wajamoāgukumi. ĭgūsā merā būro guagu, turaro wajamoānīgukumi. Azufre wāikuri poga būro asiri ūjārī, peame merā űerō tarimakū irigukumi. ĭgūrē wereboerā, Jesucristo oveja majīgū irirosū āārīgū ĭūrō, ĭgūsārē wajamoāgukumi.

11 Iri peame irasū ĭimikakunīkōārokoa. Neō yaribirikoa. ĭgūsārē irasū pūrīnīmakū irirokoa. Āārīpererā gajirosū deyogure, ĭgū keori weadeare ejamejā buremurārē, ĭgū wāi gojatūsūnerārē irasū pūrīnīrokoa. Ūmarī, űamirī pūrīnīkōārokoa, ārīmi.

12 Irasirirā musā Marīpuyarā, ĭgū dorerire irirā, Jesúre buremurīrē neō pirimerā āārīrā, gūñaturaka!

13 Pūru sugu ūmugasigue āārīgū werenīmakū pébu doja. Yure āsū ārīmi:

—Ire gojaka: “Marī Opure buremurā boadero pūrugedere usuyari bokarākuma”, ārīmi. Ōāgū deyomarīgūde: “Irasūta āārā”, ārīmi. “ĭgūsā turaro moārīrē pirikōā, siñajārākuma. Ūmugasigue ĭgūsā waamakū, Marīpu ĭgūsā ōārō irideare gūñagukumi. Irasirigu ĭgūsārē ōārō irigukumi”, ārīmi Ōāgū deyomarīgū.

### *I nikūma otedea dukakurimarē weredea*

14 Pūru ĭimikāyebō boreri yebore ĭābu. Iri yebō weka sugu masakū doami. ĭgūya dipurugue oro merā iridea berore peyami. Duka diti āiri usiri berore opami.

15 Pūru gajigu Marīpure wereboegu Marīpuya wiigūe āārādi wirijami. ĭimikāyebō weka doagure turaro merā āsū ārī gaguinīmi:

—Muya usiri bero merā i nikūma otedea dukare diti āikōāka! Irire diti āiripoe ejasiāa. Duka boresiabu, ārīmi.

16 Irasū ārīmakū pégu, ĭimikayebō weka doadi ĭgūya usiri bero merā i nikūma otedea dukare wājī āimi.

17 Pūru gajigu Marīpure wereboegu ūmugasigue āārīrī wii Marīpuya wiigūe āārādi wirijami. ĭgūde duka diti āiri usiri berore opami.

18 Pūru gajigu Marīpure wereboegu Marīpure sīdea soepeoro pūroguē āārādi wirijami. ĭgū peame opu āārīmī. Irasū wirijagu, duka diti āiri usiri bero opagure turaro merā āsū ārīmi:

—Muya usiri bero merā i nikūma igui tōrīrē diti āika! Iri igui űīsīabu, ārīmi.

<sup>19</sup> Īgū irasū ārīmakū pégu, Īgūya usiri bero merā i nikūma igui tōrīrē wiiritā āīmi. Irire āī, igui k̄rabipiri gobe miēgue sāmi. Iri gobegue k̄rabipiri, Marīp̄m̄ Īgūrē gāāmemerārē b̄uro wajamoārō irirosū āārā.

<sup>20</sup> Makā t̄roque iri igui k̄rabipisūb̄m̄. Igui k̄rabipisāripoere iri gobeguere wáro dí wirib̄m̄. Iri dí merā wádiya, caballuya disire túsārī berogue mirītuúnjāb̄m̄. Trescientos kilómetros yoadiya waab̄m̄.

## 15

*Marīp̄m̄re wereboerā masakare ñerō tarimakū iritūnuburire weredea*

<sup>1</sup> P̄m̄m̄ ūmugasigue gajirosūperi b̄uro goeri deyoamakū ĩāb̄m̄ doja. Su mojōma pere gaji mojō peru p̄rēbejarā Marīp̄m̄re wereboerārē ĩāb̄m̄. Marīp̄m̄ Īgūsārē masakare wajamoātūnudoregukumi. Irasirirā, Īgū wajamoādoge p̄nerā āārīmá. Iri wajamoārī merā Marīp̄m̄ i ūm̄m̄ marā merā guari pererokoa.

<sup>2</sup> P̄m̄m̄ dia wádiyare oārō deko s̄ridiya peame merā morēadiya irirosū āārīdiyare ĩāb̄m̄. Iriya t̄ro nírārē, gajirosū deyoge dorerire iribiri, Īgū keori weadeare b̄remubirinerārē ĩāb̄m̄. Īgūsā gajirosū deyoḡm̄ya wāirē gojatúdobirinerā āārīmá. Iroque nírā, arpa wāik̄rī b̄ap̄t̄ērīrē opama. Iri b̄ap̄t̄ērī Marīp̄m̄ sídea āārībá.

<sup>3</sup> Īgūsā Marīp̄m̄re moāboege Moiséya bayarire, Jesucristo oveja majīgū irirosū āārīgūya bayaridere bayapeoma. Āsū ārī bayama:

Ḡm̄ Op̄m̄, m̄m̄ āārīpererā nemorō turage āārā. Āārīpereri m̄m̄ iridea oātaria. Irire ĩārā, ĩāgukakōāa. M̄m̄ āārīpererā i nikū marā Op̄m̄ āārā. Ārīkatori marīrō, diayemarē oārō yāa.

<sup>4</sup> Āārīpererā murē güirākuma. Āārīpererā murē: “Turatarigu āārīmi”, ārīrākuma. M̄m̄ dita ñerī marīgū āārā.

Āārīpereri nikū marā m̄m̄ p̄roque eja, m̄m̄ ĩūrō ñaduk̄puri merā ejamejā, murē b̄remurākuma. M̄m̄ diayema irideare ĩānerā āārīsīā, irire irasū irirākuma, ārī bayama.

<sup>5</sup> P̄m̄m̄ Marīp̄m̄ya wii, ūmugasigue āārīrī wii t̄p̄makū ĩāb̄m̄. Iri wii poekague Marīp̄m̄ āārīrī taribu Īgū doreri gojadea majīrī ūtā majīrī āārībá.

<sup>6</sup> Iri wii poekague āārānerā, su mojōma pere gaji mojō peru p̄rēbejarā Marīp̄m̄re wereboerā wirijama. Īgūsā Marīp̄m̄ wajamoādoge p̄nerā āārīmá. Īgūsāk̄m̄ masakare ñerō tarimakū iriburire opama. Īgūsā boreri, gurari marīrī surí, b̄uro

gosesiriri surí sãñarã ããrĩmá. Īgūsãya koretibirire oro merã iridea yujwẽñarĩdarire sũatũanerã ããrĩmá.

<sup>7</sup> Īgūsã wirijamakũ, wapikũrã okarã merãmũ Īgūsãkũ Marĩpũre wereboerãrẽ oro merã irideaparire sĩmi. Iripari Marĩpũ ããrĩnĩgũ bũro wajamoãburi òãrõ utũribũ.

<sup>8</sup> Īgũ iriparire Īgūsãrẽ sĩmakũ, Marĩpũya wii poekague Īgũ gosesiriri merã, Īgũ turari merã ĩĩmikãkũseyakõãbũ. Irasũ ĩĩmikãkũseyamakũ, iri wiire neõ sugũno ñajãmasĩbirimi. Marĩpũre wereboerã Īgũ wajamoãdoregũ pĩderosũta Īgūsã masakare wajamoãtũnuadero pũrugue dupaturi iri wiire ñajãmasĩrãkuma doja. Īgũ wajamoãburo dupiyuro ñajãmasĩña maa da pa.

## 16

### *Juan Marĩpũ masakare wajamoãburire gojadea*

<sup>1</sup> Pũrũ Marĩpũya wii ãmũgasigue ããrĩrĩ wiigũe ããrĩgũ turaro merã werenĩmakũ pẽbũ. Su mojõma pere gaji mojõ peru pẽrẽbejarã Marĩpũre wereboerãrẽ ãsũ ãrĩmi:

—Marĩpũ wajamoãdoredeare irirã waaka! Irasirirã mũsãya parimarẽ nikũgue pĩsiridijurã waaka! ãrĩmi.

<sup>2</sup> Irasũ ãrĩmakũ pẽgũ, ããrĩpũrorigũ Marĩpũre wereboegũ Īgũ oparipamarẽ nikũgue pĩsiridijumi. Īgũ irasirimakũ, gajirosũ deyogũ wãĩ gojatũsũnerã, Īgũ keori weadeare bũremurã ñerõ kãmikũ, bũro pũrĩsũma.

<sup>3</sup> Īgũ irasũ pĩsiridijuadero pũrũ, gajigũ Marĩpũre wereboegũ Īgũ oparipamarẽ dia wãdiyague pĩsiridijumi. Īgũ irasirimakũ, deko, dí poyabũ. Boadiya dí irirosũ ããrĩbũ. Irasũ waamakũ, wãdiyague ããrĩrã boapereakõãma.

<sup>4</sup> Pẽrã pĩsiridijuadero pũrũ, gajigũ Marĩpũre wereboegũ Īgũ oparipamarẽ diarigũe, deko wiriri goberigũe pĩsiridijumi. Īgũ irasirimakũ, diari, wiriri goberima deko, dí poyabũ.

<sup>5</sup> Pũrũ gajigũ Marĩpũre wereboegũ ããrĩpererogue dekore doregũ ãsũ ãrĩmakũ pẽbũ:

—Gũa Opũ, mũ ñerĩ marĩgũ ããrã. Dapagoradere irasũta ããrĩnĩkõãa. Iripoeguedere irasũta ããrĩnĩkõãbũ. Irasirigũ wajamoãgũ, diayeta irigũ yãa.

<sup>6</sup> Gajirosũ deyogũyarã, mũyarãrẽ, mũya kerere weredupiyunerãrẽ wẽjẽrã dí béomakũ irima. Īgūsã dí béomakũ iridea waja, deko dí poyamakũ iribu Īgūsãrẽ iirĩdoregũ, ãrĩmi.

<sup>7</sup> Īgũ irasũ ããrãdero pũrũ, Marĩpũre sĩdea soepeoro pũrogue sugũ werenĩmakũ pẽbũ doja:

—Irasũta ããrã. Gũa Opũ, mũ ããrĩpererã nemorõ turagũ ããrã. Īgūsãrẽ keoro wajamoãdoregũ, diayeta irigũ yãa, ãrĩmi.

<sup>8</sup> Ʋrerā Marĩpure wereboerā ĩgūsā opariparimarē pĩsiridijuadero puru, gajigu Marĩpure wereboegu ĩgũ oparipamarē pĩsiridijumi doja. Abe umumu weka pĩsiridijumi. ĩgũ irasirimakũ, abe buru asimi. ĩgũ asiri merā masakare soemi.

<sup>9</sup> ĩgūsā buru ujũrĩ merā wajamoãsũkererā, ĩgūsā ñerō iririre bujawerebirima. ĩgūsā gũñarĩrē neō gorawayubirima. Irasirirā, Marĩpure ĩgūsārē wajamoãgũrē ñerō doo werenĩma. “Ōãgũ ããrĩmi”, neō ãrĩ buremubirima.

<sup>10</sup> Wapikurā Marĩpure wereboerā ĩgūsā opariparimarē pĩsiridijuadero puru, gajigu Marĩpure wereboegu ĩgũ oparipamarē pĩsiridijumi doja. Gajirosũ deyogu, opu doarogue pĩsiridijumi. ĩgũ irasiriadero puru, gajirosũ deyoguyarā ããrĩrõgue naĩtĩarõ waabu. Irasirirā ĩgũyarā masaka ñerō pũĩmakũ, ĩgūsāya nedearē buru sĩrĩtu kũrĩdiima.

<sup>11</sup> ĩgūsārē ñerō pũĩkeremakũ, ñerō kãmikukererā, Marĩpure umugasigue ããrĩgũrē ñerō doo werenĩma. ĩgūsā ñerō iriri gapure bujawerebirima. Irasirirā ñerĩrē neō piribirima.

<sup>12</sup> Su mojõmarā Marĩpure wereboerā ĩgūsā opariparimarē pĩsiridijuadero puru, gajigu Marĩpure wereboegu ĩgũ oparipamarē Eufrates wãikudiya wadiyague pĩsiridijumi. ĩgũ irasirimakũ, iriya bojomejãkõãbu. Abe murĩriro marā oparā ĩgūsāyarā surara gãmewějērā waarā taribujaburore irasũ irimi.

<sup>13</sup> Puru urerā wãtẽarē tárua irirosũ deyorārē iãbu. Sugu tárú, pĩrũya disigue wirimi. Gajigu, gajirosũ deyoguya disigue wirimi. Gajigu: “Umugasigue marā Opuyare weregu ããrā”, ãrĩkatoguya disigue wirimi.

<sup>14</sup> ĩgūsā urerā wãtẽa, tárua irirosũ deyorā deyoromurĩrē iri imuma. Irasirirā ããrĩperero marā oparārē neeõma, Marĩpu merā gãmewějẽdorerā. ĩgūsā gãmewějẽrĩnu, Marĩpu ããrĩpererā nemorõ turaguyanũ\* ããrĩrokoa.

<sup>15-16</sup> Ʋrerā wãtẽa ããrĩperero marā oparārē hebreo ya merā Armagedón wãikurogue siu neeõma. Iro dupiyuro Jesús ãsũ ãrĩdi ããrĩmi: “Ire õãrõ pẽmasĩka musã! Yajarimasũ gũñaña marĩrõ aarirõsũ yude gũñaña marĩrõ aarigukoa. Sugu yu aariburore õãrõ yũgano, yaare irituyagu, Marĩpu iũrõ waja opabi usayagukumi. Ōãrõ yobegano surĩro sãñadi irirosũ ããrĩgukumi. Masaka iũrõ surĩro marĩgũ guyasĩrĩgũ irirosũ ããrĩbirikumi”, ãrĩdi ããrĩmi.

<sup>17</sup> Su mojõma pere gaji mojõ suru pẽrẽbejarā Marĩpure wereboerā ĩgūsā opariparimarē pĩsiridijuadero puru, gajigu

\* **16:14** “ĩgūsā gãmewějẽrĩnu, Marĩpuyanũ”, ãrĩrõ: “Marĩpu ĩgūsārē tarinugãrĩnu, ããrĩpererā ñerārē wajamoãrĩnu ããrĩrokoa”, ãrĩduaro yãa.

Marĩpure wereboegu ĩgũ oparipamarẽ ĩmikãyebori wekague pĩsiridijumi doja. ĩgũ irasiriadero puru, Marĩpuya wii ãmugasigue ããrĩrĩ wii poekague ĩgũ Opu doarogue doagu turaro merã ãsũ ãrĩ werenĩmi:

—Iropata ããrã. ããrĩpereri iri odosiabu, ãrĩmi.

<sup>18</sup> ĩgũ irasũ ãrĩmakũ, bupu miã, buru buru, páro, goero nikũ ñomebu. I nikũgue masaka ĩgũsã ããrĩnugãdero puru, i nikũ iropa neõ ñomebiribu.

<sup>19</sup> Irasũ ñomemakũ, wári makã Babilonia wãĩkuri makãrẽ urema yeteomakõãbu. Paga makãrĩ i nikũ ããrĩrĩ makãrĩ dijakõãbu. Marĩpu Babilonia wãĩkuri makã marãrẽ gũñami ĩgũsãrẽ wajamoãbu. ĩgũsã ñerĩrẽ iriri waja ĩgũsã merã buru guami. Irasirigu ĩgũsãrẽ buru wajamoãmi.

<sup>20</sup> ããrĩpereri nugũrĩ, ãtãyukude dederidijakõãbu.

<sup>21</sup> Irasũ ããrĩmakũ, masaka weka deko yusari yeripa dijaribu. Surãyeri deko yeri cuarenta kilo nukũrĩ yeri ããrĩbũ. ĩgũsã weka irasũ dujirimakũ, Marĩpu ĩgũsãrẽ buru wajamoãmakũ ĩãrã, ĩgũrẽ ñerõ doo werenĩma masaka.

## 17

### *Uma merã kõãbirarimasõrẽ wajamoãdea*

<sup>1</sup> Puru su mojõma pere gaji mojõ peru pẽrẽbejari parire oparã Marĩpure wereboerã merãmu yu purogue eja, ãsũ ãrĩmi:

—Ĩãgũ aarika! Paga diari weka doagore ãma merã kõãbirarikugore Marĩpu wajamoãburire murẽ ĩmugukoa.

<sup>2</sup> I ãmu marã oparã igo merã ñerõ gãmebirikuma. Irasũ ããrĩmakũ, i nikũ marã, mejãrikurã igui deko pãmudeare buru uribejarosũta ĩgũsã igo merã ñerõ gãmebirarire buru uribejama, ãrĩmi.

<sup>3</sup> ĩgũ irasũ ãrãdero puru, Õãgũ deyomarĩgũ yure kẽrõgue irirosũ gajinorẽ ĩãmakũ irimi. Irasirigu Marĩpure wereboegu masaka marĩrõgue yure ãĩãmi. Irogue igo nomeõrẽ ĩãbu. Igo gajirosũ deyogu diiagu weka peyamo. ĩgũya dupugue wári wãĩ gojatúsũdero ããrĩbũ. Iri wãĩ, Marĩpure doo werenĩrĩ ããrĩbũ. Su mojõma pere gaji mojõ peru pẽrẽbejari dipukugu, pe mojõmagora kũsarikugu ããrĩmi.

<sup>4</sup> Nomeõ diiañiweyari surĩrore sãñamo. Igoya surĩro oro, wáro wajapari ãtãyeri, perla wãĩkuri yeri merã mamudeañe ããrĩbũ. Igoya mojõgue iirĩripa oro merã irideapare opamo. Iripa igo ñetariro iridea utarĩripa, igo ãma merã ñerõ kõãbirari oparipa ããrĩbũ.

<sup>5</sup> Igoya diapuserore igo wãĩ gojatúsũbu. Marĩ iri wãĩrẽ õãrõ pẽmasĩbea. ãsũ ãrĩ gojatúsũbu: “Wári makã Babiloniamu,

ããrĩpererã ùma merã kôãbirarikurã, irasũ ããrĩmakũ ããrĩpereri ñetariro iririkurã pago ããrĩmo”, ãrĩ gojatúsũbu.

6 Pũũ igo mejãmakũ ããrĩbu. Wãrã Marĩpuyarã Jesúya kerere wererã wějësũnerãya dí merã irasũ waamo. Mejãrã usuyarosũ igo ããsã wějësũnerãrẽ ããgõ, usuyamo. Yũ igore ããgũ, ããgũkakõãbu.

7 Irasirigũ Marĩpũre wereboegũ yũre ããrĩmi:

—¿Nasirigũ ããgũkari? Mũ masĩbirideare mũrẽ masĩmakũ irigũra. Igo nomeõrẽ, igo peyagũdere weregũra. Igo peyagũ, gajirosũ deyogũ ããrĩmi. Su mojõ pere gaji mojõ peru pẽrẽbejari dipukũgũ, pe mojõma kúsarikũgũ ããrĩmĩ.

8 ããgũ gajirosũ deyogũ mũ ããdi, dupiyurogue ããrĩdi ããrĩmĩ. Dapagorare mámi. Pũũ burõ ããkũãrĩ gobegue ããrãdi wiri, dupaturi deyoagũkumi doja. ããgũ wiriadero pũũ, peamegue béosũgũkumi. I ùmũ marã ããgũ deyoamakũ ããgũkakõã, ããgũrẽ burẽmurãkuma. I ùmũ ããrĩburo dupiyuro Marĩpũ su pãpera pũgue ããgũ merã perebiri okari opamurã wãirẽ gojatũdi ããrĩmĩ. ããgũ gojatũbirinerã gajirosũ deyogũre burẽmurã ããrĩma. Gajirosũ deyogũ dupiyurogue ããrĩdi, dapagorare mámi. Pũũ dupaturi deyoagũkumi doja. Irasirirã masaka ããgũ deyoamakũ ããrã, ããgũkakõãrãkuma.

9 'Dapagorare yũ wererire õãrõ masĩdũarã, õãrõ pémasĩrĩ merã gũñarõ gããmea. Gajirosũ deyogũya dipu, su mojõma pere gaji mojõ peru pẽrẽbejari dipu, ããtãyuku irirosũ ããrã. Iri ããtãyuku weka peyamo, ùma merã kôãbirarikũgo.

10 Iri diputa, oparã irirosũ ããrã. Su mojõmarã oparã béosũsiamã. Gajigũ ããgũsã pũũ ããrĩgũ opũ ããrĩmi dapagorare. ããgũ pũũ gajigũ gapũ opũ ããrĩgũkumi. ããgũ yoaweyaripoeta opũ ããrĩgũkumi.

11 Irasirigũ gajirosũ deyogũ dupiyuro ããrĩdi, dapagorare marĩgũ, ããgũsã su mojõma pere gaji mojõ peru pẽrẽbejarã oparã pũũ opũ ããrĩgũkumi. ããgũsã oparã merãmũ ããrĩmi. Pũũ peamegue béosũgũkumi.

12 'Gajirosũ deyogũya kúsari, mũ ããdea, pe mojõmarã oparã irirosũ ããrã. ããgũsã oparã ããrãbema dapa. Pũũ oparã ããrãrã, yoaweyaripoe oparã ããrãrãkuma. Irasirirã gajirosũ deyogũ merã dorerãkuma.

13 ããgũsã pe mojõmarã oparã surosũ gũñarã ããrãrãkuma. Irasirirã gajirosũ deyogũre: “Gũare doregũ ããrĩka!” ããrĩ, ããgũsã opũ pãrãkuma.

14 Irasirirã Jesucristo oveja majĩgũ irirosũ ããrĩgũ merã gãmewějẽrã waarãkuma. Jesucristo oveja majĩgũ irirosũ ããrĩgũ gapũ ããgũsãrẽ tarĩngãgũkumi. ããgũ ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi. ããgũrẽ neõ



béobirinerã Marĩpu siiu, beyenerã ĩgũ merã ããrĩrãkuma, ãrĩmi Marĩpũre wereboegu yũre.

15 Pũru Marĩpũre wereboegu ire yũre werenemomi doja:

—Igo kũãbirarikũgo paga diari weka doamo. Iri diari mu ĩãdea: wãri makãrĩ marã, wãri buri marã, ĩgũsã ya werenĩrã, wãri nikũ marã irirosũ ããrã. Igo, ĩgũsã wekamo, ĩgũsãrẽ dorego ããrĩmo.

16 Gajirosũ deyogu, irasũ ããrĩmakũ pe mojõmarã oparã, ãma merã kũãbirarikũgore doo, igoyare ãmapeo, suri marĩgõ béorãkuma. Irasirirã, igoya diire baa, pũru dũyarire soebéokũãrãkuma.

17 Pũru ĩgũsã pe mojõmarã oparã surosũ gũñarã, gajirosũ deyogũre ĩgũsã opu pĩrãkuma. Marĩpu ĩgũ gããmerõsũta ĩgũsãrẽ irasirimakũ irigũkumi. Irasirigu gajirosũ deyogu ĩgũsã opu ããrĩgũkumi. Marĩpu ããrĩpereri ĩgũ iripoegue ãrĩderosũta iriyuwarikũdero pũru, gajirosũ deyogũre béogũkumi.

18 Igo, mu ĩãdeo, wãri makã Babilonia wãikũri makã irirosũ ããrĩmó. Iri makãta ããrĩpererã i ãmu marã oparãrẽ doreri makã ããrã, ãrĩmi Marĩpũre wereboegu yũre.

## 18

### *Babilonia marãrẽ wajamoãdea*

1 Pũru gajigu Marĩpũre wereboegũre ãmũgasigue merã dijarimakũ ĩãbu. Wãri turari opami. ĩgũ goesiriri ããrĩperero i nikũguere õãrõ boyoro waabu.

2 Turaro merã ãsũ ãrĩ gaguinĩmi:

—Babilonia wãri makã pereakõãa. Dapagorare wãtẽa iri makã darore ããrĩma. Gajirã ñerã deyomerãde, irasũ ããrĩmakũ ããrĩpererã mirã masaka doo, baaya marĩrã iri makã darore biadobosũanerã ããrĩma.

3 Iri makã pereburi dupiyuro ããrĩpereri nikũ marã, mejãrikũrã igui deko pãmudeare bũro ãaribejarosũ i makã marã merã ñerõ gãmebirarire bũro ãaribejanerã ããrĩmã. I ãmu marã oparã, i makã marã merã ñerõ gãmebirarikũnerã ããrĩmã. I makã marã wãri gajinorẽ wajapari wajarinerã ããrĩmã. Irasirirã i ãmu marã duarimasã ĩgũsãrẽ dua, wãri wajatanerã ããrĩmã, ãrĩmi.

4 Pũru gajigu ãmũgasigue ããrĩgũ ãsũ ãrĩ werenĩmakũ pébu:

—Yarã, iri makã marã merã ããrĩbirikõãka! ĩgũsã ñerõ iririre ĩãkũbirikõãka! Mũsã, ĩgũsã merã gãmesũrirã, mũsãde ĩgũsã merã wajamoãsũrãkoa.

5 ĩgũsã wãri ñerõ yãma. Marĩpu ãmũgasigue ããrĩgũ, ĩgũsã wãri ñerĩ iririre masĩmi.

<sup>6</sup> Gajirārē ĩgūsā ñerō iridero nemorō ĩgūsārē ñerō iriburo. Gajirārē ĩgūsā ñerō tarimakū iridero nemorō ĩgūsārē ñerō tarimakū iriburo.

<sup>7</sup> ĩgūsā gajino wajaparire gāāmerā, wajarima. “Gajirā nemorō āārā”, ārī gūñadima. ĩgūsā irasiriropa ĩgūsārē wári ñerō tari, buro ñerō waamakū iriburo. ĩgūsā basi: “Gua i ũmu marā oparā āārā. Boporā āārībea. Irasirirā neō ñerō taribirikoa”, ārī gūñadima.

<sup>8</sup> Irasiriropo sunu ĩgūsārē gūñaña marīrō wajamoāburinu āārīrokoa. Boari, pūrīrikuri, kó oreri, ũaboari āārīrokoa. Iri makā soebéosūrokoa. Marīpu āārīpererā Opu iri makā marārē wajamoāgū turatarigu āārīmi.

<sup>9</sup> Iri makā ũjū ĩmikakumakū ĩārā, i ũmu marā oparā buro bujawereri merā orerākuma. ĩgūsā iri makā marā wajaparire opari merā ũsuya, ĩgūsā merā ñerō gāmebirarā āārīnerā āārīmá.

<sup>10</sup> Iri makā ũjūmakū ĩārā, buro güiri merā yoarogue ĩū nírā, āsū ārīrākuma:

—Ayó, bopori makā āārā Babilonia. Wári makā, turari makā āārādabu. Gūñaña marīrō merā iro marā wajamoāsūma, ārīrākuma.

<sup>11</sup> I ũmu marā doebiri duarimasā iri makā ũjūmakū ĩārā, buro bujawereri merā orerākuma. Iri makā peremakū ĩārā, ĩgūsāya doebirire wajarirā marīmakū ĩārā, dajaritua orerākuma.

<sup>12</sup> ĩgūsā āiwāgā duaduarire: orore, platare, wajapari ũtāyerire, perla wāikuri yeridere wajarirā marīrākuma. Gaji ĩgūsā āiwāgā duaduarire: wáro wajapari surire, oparā sāñarī diiañiweyari surire, seda wāikuri dari merā suadea surire, diiari suridere wajarirā marīrākuma. Gaji ĩgūsā āiwāgā duaduarire: yuku sūrōrī yukure, marfil wāikuri merā irideare, wajapari yuku merā irideare, bronce merā irideare, hierro merā irideare, mármol merā irideare wajarirā marīrākuma.

<sup>13</sup> Gaji ĩgūsā āiwāgā duaduarire: canela wāikurire, gaji baari ũsūrimakū iririre, incienso, mirra wāikuri sūrōrīrē, gaji sūrōrīdere wajarirā marīrākuma. Gaji: igui deko pāmudeare, ũyere, trigo pogare, trigo yerire, wekure, ovejare, caballuare, ĩgūsā tūārīduparure, moāboerimasā opamurārē wajarirā marīrākuma. Irasirirā doebiri duarimasā buro bujawererākuma.

<sup>14</sup> Irasirirā, iri makā ũjūadero puru, āsū ārīrākuma:

—Ñetariro waabu ĩgūsārē. Āārīpereri ĩgūsā maīdea, ĩgūsā ōārī wajapari opadea pereakōābu. I āārīpereri dupaturi neō marīrokoa, ārīrākuma.

15 Īgūsā iri makā marārē doebiri duarimasā wáro wajataunanerā āārīmá. Irasirirā, iri makā marā wajamoāsūmakū ĩārā, buro güiri merā yoarogue ĩū nírākuma. Dujaritua ore,

16 āsū ārĭrākuma:

—Ayó, ñetariro waabu i makā wári makā. Iri makā marā ōārĭrē opaunadima. Nomeō ōārĭ surĭro, wajapari diiañiweyariñerē sāñadeo irirosū āārādima. Oro, wajapari ūtāyeri, perla wāikuri yeri mamudea surĭrore sāñadeo irirosū āārādima.

17 Gūñaña marĭrō wári doebirikuri opadea makā pereakōābu, ārĭrākuma.

Āārĭpererā doóriduparu merā naarā, iri duparu oparā, ĩgūsāyarā ūma, gajirā dia wádiyague moā wajatarāde iri makārē yoarogue ĩū nírākuma.

18 Iri makā ūjū ĩimikakumakū ĩārā, āsū ārĭ gaguinírākuma:

—I makā irirosū āārĭrĭ makā, neō gaji makā máa, ārĭrākuma.

19 Irasū bujawererā, ĩgūsāya dipu weka nikūwera mápeorākuma. Dujaritua ore, āsū ārĭrākuma:

—Ayó, ñetariro waabu i makā daro. Ōārĭ makā āārādibu. Āārĭpererā marĭ doóriduparu oparā dia wádiyague naarā iri makāma doebiri merā ōārō wajatadibu. Gūñaña marĭrō iri makā pereakōābu, ārĭrākuma.

20 Mūsā ūmugasigue āārĭrā garu, iri makā béosūmakū ĩārā, usuyaka! Mūsā Marĭpuyarā, Jesús buedoregu beyenerā, ĩgūyare weredupiyunerā āārĭpererā usuyaka! Iri makā marā mūsārē ñerō tarimakū irima. Īgūsā irasiridea waja, Marĭpu ĩgūsārē wajamoāmi.

21 Puru turagu Marĭpüre wereboegu wáriye trigo yeri ĩgūsā oeri ūtāyere āĭwāgū, dia wádiyague meéyo, āsū ārĭmi:

—I ye ūtāye meébiaderosūta wári makā Babilonia wāikuri makā béodijusūrokoa. Mūsā iri makārē neō dupaturi ĩābirikoa.

22 Iri makā béodijusūdero puru, neō bayarire péña marĭrokoa. Arpa wāikuri buapātērĭrē, tērē duparure, puririduparudere neō dupaturi péña marĭrokoa. Irore moānerā dupaturi neō moānemobirikuma. Trigo yeri ūtāyeri merā ĩgūsā oedeade neō péña marĭrokoa.

23 Iri makārē neō suru sĭāgodiru boyobirikoa. Mojōsuarā bosenu irirā usuyari merā ĩgūsā werenĭrĭrē neō dupaturi péña marĭrokoa. Iri makā marā doebiri duarimasā, gajirā i ūmu marā nemorō oparā āārīmá. Iri makā marā yéa iriri merā āārĭperero marārē ĩgūsā ārĭkatorire buremumakū irima.

24 Marĭpuya kerere weredupiyunerārē, gajirā ĩgūyarādere, irasū āārĭmakū i ūmugue āārĭpererā masaka wējēsunerārē i makā marā wējēnerā āārīmá, ārĭmi yure turagu Marĭpüre wereboegu.

## 19

1 Babilonia béodijusũdero p̄r̄u, ùmugasigwe wárã turaro merã àsũ ãrĩ werenĩmakũ pébu:

Aleluya, Marĩp̄re us̄yari s̄rã! Īgũ marĩrẽ taugũ ããrĩmi. Īgũrẽ b̄remurã! Turatarigũ ããrĩmi.

2 Masakare keoro wajamoãgũ, diayeta irigũ ããrĩmi. Iri makã Babilonia, nomeõ ùma merã kōãbirarikũgo irirosũ ããrĩbú. Iri makã marãrẽ ĩãkũĩrã, i ùmũ marã ñerõ irima. Irasirigũ Marĩp̄r̄u, ĩgũrẽ moãboerãrẽ ĩgũsã wějẽdea waja iri makã marãrẽ wajamoãmi, ãrĩma.\*

3 Dupaturi àsũ ãrĩma doja:

Aleluya, Marĩp̄re us̄yari s̄rã! Iri makã neõ piriro marĩrõ ùjũ ĩĩmikãkũnĩkōãrokoa, ãrĩma.\*

4 Veinticuatro oparã marã, wapikũrã okarã merã ejamejãja, ĩgũsãya diapuserorire yebague moomejã, Marĩp̄re Op̄u doarogue doagũre àsũ ãrĩ b̄remuma:

—Irasũta ããrã. Aleluya, Marĩp̄re us̄yari s̄rã! ãrĩma.

5 P̄r̄u Op̄u doaro p̄ro ããrĩgũ àsũ ãrĩmi:

Marĩ Op̄re us̄yari s̄ka! ããrĩpererã ĩgũrẽ moãboerã goepeyari merã ĩgũrẽ b̄remurã: oparã, ubu ããrĩrã irasũ irika! ãrĩmi.\*

*Jesucristore b̄remurã mojõshari bosenũrẽ us̄yarãkuma, ãrĩ weredea*

6 P̄r̄u yũ wárã masaka werenĩmakũ pébu. Īgũsã wádibu ãtãmu irirosũ, b̄ro bupu páro irirosũ b̄sumã. Āsũ ãrĩma:

Aleluya, Marĩp̄re us̄yari s̄rã! Īgũ marĩ Op̄u, turatarigũ, dapagorare ããrĩpererãrẽ doregũ ñajãsiami.\*

7 Us̄yarã! Yũp̄ũrãrĩgwe wári us̄yari merã ããrĩrã! Marĩp̄re: “Ōãtaria mũ”, ãrĩ, us̄yari s̄rã! Jesucristo oveja majĩgũ irirosũ ããrĩgũ ĩgũrẽ b̄remurã merã ããrĩnũgãrĩnũ, ĩgũ mojõshari bosenũ ejasiãã. Īgũrẽ b̄remurã, ĩgũ merã mojõshabo, iri bosenũrẽ õãrõ ãmuyudeo irirosũ ããrĩma.\*

8 Īgũsã õãrĩ surĩ, gũrari marĩrĩ, b̄ro goesiriri surĩ Marĩp̄r̄u ĩgũsãrẽ s̄idea sãñarã ããrĩma. Iri surĩ, Marĩp̄yarã õãrĩrẽ iridea irirosũ ããrã, ãrĩma.\*

9 P̄r̄u Marĩp̄re wereboegũ yũre ãrĩmi:

—Ire gojaka: “Jesucristo oveja majĩgũ irirosũ ããrĩgũ mojõshari bosenũrẽ ĩgũ siunerã us̄yarã ããrĩma”, ãrĩ gojaka! ãrĩmi.

Yũre ãrĩnemomi doja:

—Diayeta ããrã yũ wereri. I Marĩp̄yaya werenĩrĩ ããrã, ãrĩmi.

\* 19:2 Dt 32.43; 2 R 9.7    \* 19:3 Is 34.10    \* 19:5 Sal 115.13    \* 19:6 Sal 93.1; 97.1; 99.1    \* 19:7 Ef 5.23-32    \* 19:8 Ap 7.14

10 Irasũ ārĩmakũ pégũ, ñadukupuri merã ejamejã, ĩgũrẽ buremubu iriadibu. Yũ ejamejãmakũ ĩāgũ, āsũ ārĩmi:

—Irire irasiribirikõāka! Mu, mũyarã Jesũre buremurã ĩgũ diaye weredeare iritũyarã irirosũta yũde Marĩpũre moãboegu āārã. Irasirigũ Marĩpũ gapũre ejamejã, buremuka!

Jesũs diaye weredeare wereturiarã Ōāgũ deyomarĩgũ iritamurĩ merã wererosũta, Marĩpũ weredoredeare wereturiarã werema.

*Juan, caballu boregũ weka peyagũyare werede*

11 Pũũ ãmũgasi tũpãmakũ ĩābu. Iro caballu boregũ āārĩmi. ĩgũ weka peyagũ\* āsũ wãikũmi: “ĩgũ ārĩrõsũta keoro irigũ, diaye irigũ āārĩmi”. ĩgũ masakare ĩgũsã ñerõ iriri waja wajamoāgũ, ĩgũrẽ ĩaturirã merã gãmewějēgũ, diayeta yãmi.

12 ĩgũya koye peame ãjũrĩ pũrã irirosũ gosebũ. ĩgũya dipurure wãri oparã peyari berorĩ peyami. ĩgũ wãĩrẽ ĩgũrẽ gojatúsũdero āārĩbũ. Iri wãĩrẽ ĩgũ dita masĩmi.

13 ĩgũ sãñarĩñe yoariñe dí merã dibuadeañe āārĩbũ. ĩgũ āsũ wãikũmi. “Marĩpũya werenĩrĩrẽ weregũ” wãikũmi.

14 ĩgũyarã surara ãmũgasigue marã ĩgũrẽ tũyama. Caballua borerã weka peyama. Ōārĩ surĩ boreri, gũrari marĩrĩ surĩre sãñarã āārĩmã.

15 ĩgũya disigue sareri majĩ usiri majĩ wiribu. Iri majĩ merã i nikũ marãrẽ tarinũgãgũkumi. ĩgũ turari merã, kõme merã iridea yukũ merã ĩgũsãrẽ doremakũ, neõ sugũ ĩgũrẽ tarinũgãgũno bokatĩũbirikumi. Marĩpũ āārĩpererã nemorõ turagũ i ãmũ marã ñerã merã guatarimi. Irasirigũ caballu boregũ weka peyagũ, sugũ ĩgũ turari merã igui karabipisãrõsũ ĩgũsãrẽ ĩgũ turari merã wajamoāgũkumi.

16 ĩgũya surĩro, ĩgũya ñugãdere i wãĩrẽ gojatúsũdero āārĩbũ: “ĩgũ āārĩpererã oparã nemorõ Opũ, āārĩpererã dorerã nemorõ Doregũ āārĩmi”, ārĩ gojatúsũdero āārĩbũ.

17 Pũũ Marĩpũre wereboegu abe ãmũmũgue nĩgũrẽ ĩābu. Āārĩpererã mimua ãmarõgue wũrãrẽ turaro merã āsũ ārĩmi:

—Nerẽrã aarika! Marĩpũ baari ãmurĩrẽ baarã aarika!

18 Wãri nikũ marã oparãya diire baarãkoa. Surara oparã, surara turarã, caballua, ĩgũsã weka peyarãya diire baarãkoa. Āārĩpererãya diire: moãboerã, moãboerã āārĩmerã, oparã, ubu āārĩrãya diire baarã aarika! ārĩmi.

19 Pũũ gajirosũ deyogũre, i ãmũ marã oparã ĩgũsãyarã surara merã nerẽnerãrẽ ĩābu. ĩgũsã nerẽnerã āārĩmã, caballu boregũ weka peyagũ merã, ĩgũyarã surara merã gãmewějēmurã.

\* 19:11 Caballu boregũ weka peyagũ, Jesucristota āārĩmi.

<sup>20</sup> Caballu boregu weka peyagu gapu gajirosu deyogure peresu irimi. Gajigu: “Umugasigue mara Opuyare weregu aara”, ari arikatodidere peresu irimi. Igu arikatodi gapu gajirosu deyogu iuro deyoromurire iridi aarimi. Igu deyoromurire iridea mera gajirosu deyogu wai gojatusunerare, Igu keori weadeare buremurare Igu arikatorire pemaku iridi aarimi. “Yu wereri umugasigue mara Opuya aara”, ari arikatodi aarimi. Caballu boregu weka peyagu Igu sa perare peresu iriadero puru, Igu sare okarareta peamegue beomi. Iri peame dia wadiya irirosu wari peame azufre wakari poga mera ujirime aaribu.

<sup>21</sup> Puru Igu sayara surara dumarare sareri maji Iguya disigue wiriri maji mera wejemi. Irasu Igu wejadero puru, mimua Igu saya dumarima diire baayapitariakoma.

## 20

*Mil bojorigora Cristo Iguyara mera masakare doregukumi, ari gojadea*

<sup>1</sup> Puru gajigu Maripure wereboegu umugasigue mera dijari-maku iabu. Buro ukuari gobema sawire, waida komedadere opami.

<sup>2</sup> Irasu dijariyu, pirure neami. Igu piru neogoraguere deyoadi, Satanás wakuyu, wati aarimi. Igu nea, komeda mera suami, mil bojorigora peresu iribu.

<sup>3</sup> Sa odo, buro ukuari gobegue beodijumi, i umu marare mil bojorigora arikatobirikoma buro, arigu. Irasu beodiju odo, iri gobema makapureore sawi mera bia, watabatokoma. Irasirigu mil bojori tariadero puru, dupaturi Igu merinuriga wiyugukumi dapa.

<sup>4</sup> Puru opara doarigue doarare iabu. Maripu Igu sare masaka irideare: “I gapu oabu, i gapu oabiribu”, ari weremurare pidi aarimi. Gajiradere iabu. Igu sa Jesuya kerere, Maripuyare weredea waja Igu saya dipure diti beosuner aarima. Gajirosu deyogure, Igu keori weadeadere ne buremubiriner aarima. Igu saya diapuserore, o mojorire Igu waire gojatudorebiriner aarima. Irasirira gajira Igu sare wejener aarima. Igu sare wejederu puru masa, dupaturi okara ariner aarima. Mil bojorigora Cristo mera dorener aarima.

<sup>5-6</sup> Iri masari, aariproriri masari aara. Aariperera masapurorira, Maripuyara buro usuyara aarirakuma. Ne dupaturi boabiri, perebiri peamegue waabirikuma. Maripu, irasu aarimaku Cristo iuro paia aarirakuma. Mil bojorigora Cristo mera masakare dorera aarirakuma. Iri mil bojori tariadero puru, gajira boanera masarakuma.

*Wate opu beosugukumi, ari gojadea*

<sup>7</sup> Iri mil bojori tariadero p̄r̄u, wātēa op̄u peresugue āārīgū wiusūgukumi.

<sup>8</sup> Īgū wiriadero p̄r̄u, āārīperero i ūm̄u marārē ārīkatogu waagukumi. “Nāka, gāmewējērā”, ārīgū, Gog wāikuro marārē, Magog wāikuro marādere ārīkatogu waagukumi. Irasirirā, Īgū ārīkatorire pērā, Īgūsāyarā surarare siiu neōrākuma gāmewējēmurā. Dia wādiyama ĩmipa yerire keo bokatīūña marīrō irirosū, Īgūsāyarā surarare keo bokatīūña marīrokoa. Wārāgora āārīrākuma.

<sup>9</sup> Irasirirā i nikū āārīpereroguerē āārīseyanugā, Marīp̄uyarā āārīrī makā Īgū maīrī makārē kāmūtabianugājārākuma. Īgūsā irasū kāmūtabianugājadero p̄r̄u, Marīp̄u Īgūsārē ūmūgasima peame merā soepeogukumi.

<sup>10</sup> Irasū waadero p̄r̄u, wātīrē Īgūsārē ārīkatodire perebiri peamegue béogukumi. Iri peame, dia wādiya irirosū āārīrī peame azufre merā ūjūrīme āārā. Irogue gajirosū deyogure, gajigū: “Ūmūgasigue marā Op̄uyare weregū āārā”, ārīkatodire béosiāmi. Irogue āārīrā, ūmūrī, űnamirī neō perero marīrō buro pūrīrikurākuma.

### *Masakare wajamoātūnurīmarē gojadea*

<sup>11</sup> P̄r̄u wáro Op̄u doaro borerore iābū. Iro doarogue doagūdere iābū. Īgū ĩūrōrē i nikū, ūmūgaside dederipereakōābū. Neō deyobiribū.

<sup>12</sup> P̄r̄u boanerā iro doarogue doagū ĩūrō nímakū iābū. Ubu āārīrā, oparāde āārīmā. Irogue Īgūsā nīripoeta Marīp̄u Īgū gojadea pūrīrē tūpāmi. Iri pūrīgue masaka irideare gojatūdea āārībū. Gaji pū Īgū merā perebiri okari opamurā wāirē gojatūdea pū āārībū. Irasirigū iri pūrīgue gojatūdeare iā odo, boanerārē Īgūsā irideare keoro wajarimi.

<sup>13</sup> Dia wādiyague mirīnerā, boanerā āārīrōgue āārīnerāde Īgū ĩūrō āārīmā. Irasirigū Marīp̄u, Op̄u doarogue doagū āārīpererārē Īgūsā irideare keoro wajarimi.

<sup>14</sup> P̄r̄u boarire, boanerā āārīrōdere perebiri peamegue béokōāmi. Iri peame, wādiya irirosū āārīrī peame āārībū. Irasirirā irogue béosūrāno dupaturi boarā irirosū dujama. Marīp̄u merā neō āārībirikuma.

<sup>15</sup> Irasirirā āārīpererā Marīp̄u merā perebiri okari opamurā wāirē gojatūdea pūgue gojatūsūña marīnerā perebiri peamegue béosūma.

## 21

*Ūmūgasi, i nikūde maama dita gorawayurimarē gojadea*

<sup>1</sup> Pꝛꝛꝛ ꝝꝛ Juan, ùmꝛgasi, i nikũde maama ããrĩrĩrē ìãbũ. ããrĩpꝛꝛoridea dari ùmꝛgasi, i nikũ dederidijapereakõãbũ. Dia wádiya marĩbũ pama.

<sup>2</sup> Neõ ñerĩ marĩrĩ makã, ùmꝛgasi Marĩpꝛꝛ pꝛꝛogue ããrĩrĩ makã dijarimakũ ìãbũ. Iri makã, maama makã, Jerusalén wãikuri makã ããrĩbũ. Õãrõ deyori makã, mojósbuabo igo marãpꝛꝛ suyuburo, ãrĩgõ, suríro õãrõ sãñadeo irirosũ ããrĩbũ. Marĩpꝛꝛ ãsũta i makãrē ãmuyudi ããrĩmĩ.

<sup>3</sup> Pꝛꝛꝛ Opꝛꝛ doaro pꝛꝛo ããrĩgũ, turaro merã ãsũ ãrĩ werenĩmakũ pébũ:

—Õãrõ péka! Dapagora Marĩpꝛꝛ masaka watope ããrĩmi. Ìgũsã merã ããrĩgũkumi. Ìgũsã Ìgũyarã ããrĩrãkuma. Ìgũta Ìgũsã merã ããrĩ, Ìgũsã Opꝛꝛ ããrĩgũkumi.

<sup>4</sup> ããrĩpereri Ìgũsãya kódeko wiririre niũgũkumi. Boari, bujawereri, kó oreri, pũrĩrikuride neõ marĩrokoa. I ùmꝛma ããrãdea ããrĩpereri pereakõãbũ, ãrĩmi.

<sup>5</sup> Pꝛꝛꝛ Marĩpꝛꝛ, Opꝛꝛ doarogue doagu ãsũ ãrĩmi:

—ããrĩpererire maama dita gorawayumakũ yáa, ãrĩmi.

Pꝛꝛꝛ ãsũ ãrĩmi doja:

—Yũ ãrĩrĩrē gojaka! Yũ ãrĩrĩ diayeta ããrã. Irasiriro yũ ãrĩrõsũta waarokoa, ãrĩmi.

<sup>6</sup> Pꝛꝛꝛ yũre ãsũ ãrĩmi doja:

—Iropata ããrã. Yũ neõgoraguere ããrĩpereri i ùmꝛmarē ããrĩmakũ iridi, i ããrĩpererire peremakũ iribu ããrã. Yũre gããmerã, ñemesiburã buro iiriduarã irirosũ ããrĩma. Irasirigu Ìgũsãrē perebiri okari sĩrĩ deko\*, ùmawiuroma dekore tĩãgũkoa. Wajamarĩrõ iri dekore iirĩrãkuma.

<sup>7</sup> ããrĩpererã ñerõ tarikererã yũre buremuduúmerãrē ããrĩpereri yũ: “Sĩgũra”, ãrĩdeare sĩgũkoa. Ìgũsã Opꝛꝛ ããrĩgũkoa. Ìgũsã, yũ pũrã ããrĩrãkuma.

<sup>8</sup> Gajirã gapꝛꝛ masakare gũisĩã, yaare pirirã, yũre buremumerã, ñetariro irirã, wējērĩmasã, ùma, nome merã, nome ùma merã ñerõ kõãbirarikurã, yéa ããrĩrã iririkurã, keori weadeare buremurã, ããrĩpererã ãrĩkatorikurã peamegue waarãkuma. Iro dia wádiya irirosũ ããrĩrĩ peame azufre merã ùjũrĩme ããrã. Irogue waarã, yũ merã neõ ããrĩbirikuma. Irasirirã dupaturi boarã irirosũ dujarãkuma, ãrĩmi.

### *Maama makã Jerusalẽmarẽ weredea*

\* **21:6** San Juan 11.25: Jesús ãrĩmi: —Yũ boanerãrē masãmakũ irigu, Ìgũsãrē okari sĩgũ ããrã. Yũre buremugũ boadigue ããrĩkeregũ, okagũkumi, ãrĩmi. San Juan 14.6: Jesús ãrĩmi doja: —Yũ dita Yũpꝛꝛ pꝛꝛogue waarĩ maa irirosũ ããrã. Yũ diayema ããrĩrĩrē masakare masĩmakũ irigu, Ìgũsãrē okamakũ irigu ããrã. Yũ merãta Yũpꝛꝛ pꝛꝛogue waarãkuma, ãrĩmi. Irasirigu Jesús perebiri okarire sĩrĩ deko irirosũ ããrĩmi. Ìgũrē buremurã Ìgũ Pagũ pꝛꝛo i perebiri okarire opamurã ããrĩma.



<sup>9</sup> Puru sugu Marĩpũre wereboegu ya pũrogue ejami. Īgũ su mojõma pere gaji mojõ peru pẽrẽbejari pari opanerã merãmũ, Marĩpũ masakare wajamoãdoregu pĩnerã merãmũ ããrĩmĩ. Āsũ ãrĩmi yũre:

–Īãgũ aarika! Jesucristo oveja majĩgũ irirosũ ããrĩgũ mojõsuabore† ĩmugũkoa murẽ, ãrĩmi.

<sup>10</sup> Irasirigu Ōãgũ deyomarĩgũ, kẽrõ irirosũgue yũre Marĩpũya makãrẽ ĩãmakũ irimi. Ũmadi ùtãũ wekague yũre ãĩmurĩã, irogue Marĩpũya makãrẽ Jerusalẽrẽ neõ ñerĩ marĩrĩ makãrẽ, Marĩpũ pũrogue ùmũgasigue merã dijariri makãrẽ ĩmumi.

<sup>11</sup> Marĩpũ gosesiriri merã, jaspe wãĩkũriye, wajapariye, õãrõ deko sũririye irirosũ deyoriye gosesirirosũ gosesiribũ.

<sup>12</sup> Iri makã tũro wãri sãrĩrõ ùmarĩ sãrĩrõ ããrĩbũ. Iri sãrĩrõrẽ pe mojõma pere su gubu peru pẽrẽbejarigora makãpũrori ããrĩbũ. Iri makãpũrorikũ sugu Marĩpũre wereboegu koremi. Iri makã makãpũroriguere Israel bumarã pe mojõma pere su gubu peru pẽrẽbejari buri marã wãirẽ gojatúsũbũ.

<sup>13</sup> Iri sãrĩrõrẽ abe marĩriro gapũ ùre makãpũro ããrĩbũ. Sur gapũ ùre makãpũro, norte gapũ ùre makãpũro, abe ñajãrõ gapũ ùre makãpũro ããrĩbũ.

<sup>14</sup> Iri sãrĩrõ pe mojõma pere su gubu peru pẽrẽbejari paga ùtã majĩrĩ weka peyabũ. Iri ùtã majĩrĩkũ Jesucristo oveja majĩgũ irirosũ ããrĩgũ buedoregu beyenerã wãirẽ gojatúsũbũ.

<sup>15</sup> Marĩpũre wereboegu yũre weregu keodi oro merã iridire opami. Iri makãrẽ, iri makãma makãpũroridere, iri sãrĩrõdere keobu irimi.

<sup>16</sup> Īgũ keodi merã iri makãrẽ keo odomakũ, dos mil docientos kilõmetros yoari makã, iropata eyari makã, iropata ùmarõde ããrĩbũ.

<sup>17</sup> Puru iri makãma sãrĩrõrẽ keomi. “Sesenta y cinco metros ããrã”, ãrĩmi. Marĩ masaka keorosũta keomi.

<sup>18</sup> Iri sãrĩrõ jaspe wãĩkũri ùtãye merã iridea sãrĩrõ ããrĩbũ. Iri makã oro merã iridea makã ããrĩbũ. Iri oro gajino morẽña marĩrĩ, õãrõ deko sũriri irirosũ deyobũ.

<sup>19</sup> Iri sãrĩrõ doka ããrĩrĩ ùtã majĩrĩrẽ ããrĩpereri wajapariyeri merã mamudea ããrĩbũ. ããrĩpũroriri majĩ jaspe wãĩkũriye ããrĩbũ. Iriye pũrũma majĩ zafiro wãĩkũriye ããrĩbũ. Peye pũrũma majĩ ágata wãĩkũriye, ùreye pũrũma majĩ esmeralda wãĩkũriye ããrĩbũ.

<sup>20</sup> Wapĩkũriyeri pũrũma majĩ ónice wãĩkũriye ããrĩbũ. Su mojõma pũrũma majĩ cornalina wãĩkũriye, su mojõma pere gaji mojõ suru pẽrẽbejari pũrũma majĩ crisólito wãĩkũriye ããrĩbũ. Su mojõma pere gaji mojõ peru pẽrẽbejari pũrũma

† 21:9 Jesucristo oveja majĩgũ irirosũ ããrĩg'ũrẽ bũremurã maama makã Jerusalén marã ããrĩmurã Īgũ mojõsuabo irirosũ ããrĩma.

majĩ berilo wāikuriye āārībá. Su mojōma pere gaji mojō ureru pērēbejari p̄r̄uma majĩ topacio wāikuriye āārībá. Su mojōma pere gaji mojō wapikadiru pērēbejari p̄r̄uma majĩ crisoprasa wāikuriye āārībá. Pe mojōma p̄r̄uma majĩ acinto wāikuriye āārībá. Pe mojōma pere su gubu suru pērēbejari p̄r̄uma majĩ amatista wāikuriye āārībá.

<sup>21</sup> Iri sārīrōrē pe mojōma pere su gubu peru pērēbejari makāp̄r̄ori, perla merā iridea seri āārībá. Iri seriku suye perlaye merā iridea dita āārībá. Iri makā deko waarí maa, oro gajino morēña marĩĩ merā iridea maa, ōārō deko s̄r̄iri irirosū deyori maa āārībá.

<sup>22</sup> Iri makārē Marĩp̄ya wiire ĩābiribu. Iri makā āārĩpererogue Marĩp̄ turatarigu, irasū āārĩmakū Jesucristo oveja majĩgū irirosū āārĩgūde āārīrō āārībá. Irasiriro iri makā āārĩperero Marĩp̄ya wii irirosū āārībá.

<sup>23</sup> Iri makā abe ūm̄m̄, ñamimude boyoro gāamebea. Marĩp̄ gosesiriri merā ōārō boyoa. Jesucristo oveja majĩgū irirosū āārĩgūde iri makārē s̄ĩāgodiru irirosū boyomi.

<sup>24</sup> Irasirirā i ūm̄ marā Marĩp̄ taunerā iri makāma boyori merā āārĩrākuma. I ūm̄ marā oparā iri makāgue ĩgūsā ōārī oparire s̄ĩrā āĩjarosū Marĩp̄re: “Ōātaria m̄”, ārĩ, ḥs̄yari s̄ĩrākuma.

<sup>25</sup> Ūmarē iri makāma makāp̄r̄ori tūpādea āārīrokoa. Iroguere neō ñami marĩrokoa.

<sup>26</sup> Wári nikū marā ĩgūsā ōārī oparire iri makāgue s̄ĩrā āĩjarosū Marĩp̄re b̄remurā ejarākuma.

<sup>27</sup> Ñerĩ āārĩrĩ gap̄re iri makāguere neō āĩñajābirikuma. Ñerō iririkurā, ārĩkatorikurāde neō iri makāguere ñajābirikuma. Jesucristo oveja majĩgū irirosū āārĩgū merā perebiri okari opamurā ĩgūya gojadea pūgue ĩgūsā wāĩ gojatūsūnerā āārĩma. ĩgūsā dita iri makāguere ñajārākuma.

## 22

<sup>1</sup> P̄r̄m̄ Marĩp̄re wereboegu diare ȳre ĩmumi. Iriyama deko perebiri okari s̄ĩrĩ deko\* āārībá. Ōārō deko s̄r̄idiya, diumajĩ irirosū āārībá. Marĩp̄, Jesucristo oveja majĩgū irirosū āārĩgūya doaro doka wirib̄.

<sup>2</sup> Iri makā dekoma maa, wári maague ūmayob̄. Iriya pe gap̄ t̄rorire perebiri okari s̄ĩrĩ yuk̄ níba. Iri yuk̄

\* **22:1** San Juan 11.25: Jesús ārĩmi: —Ȳ boanerārē masāmakū irigu, ĩgūsārē okari s̄ĩgū āārā. Ȳre b̄remugū boadigue āārĩkeregū, okagukumi, ārĩmi. San Juan 14.6: Jesús ārĩmi doja: —Ȳ dita Ȳp̄ p̄rogue waarí maa irirosū āārā. Ȳ diayemarē masakare masāmakū irigu, ĩgūsārē okamakū irigu āārā. Ȳ merāta Ȳp̄ p̄rogue waarākuma, ārĩmi. Irasirigu Jesús perebiri okarire s̄ĩrĩ deko, perebiri okarire s̄ĩrĩ yuk̄ irirosū āārĩmi. ĩgū merā ĩgūrē b̄remurā ĩgū Paḡ p̄ro i perebiri okarire opamurā āārĩma.

aberikũ dukakũa. Su bojorire, pe mojõma pere su gubu peru pẽrẽbejarigora dukakũa. Irigũma pũrĩ i ãmũ marã masaka pũrĩrikũrire tauri pũrĩ ããrã.

<sup>3</sup> Irasiriro neõ pũrĩrĩ marĩrokoa. Iri makãgue Marĩpũ, Jesu-cristo oveja majĩgũ irirosũ ããrĩgũya doaro ããrĩrokoa. Īgũyarã Īgũrẽ buremurãkuma.

<sup>4</sup> Īgũya diapure ĩãrãkuma. Īgũsãya diapuserorire ĩgũ wãirẽ tuuyasũrã ããrĩrãkuma.

<sup>5</sup> Iroguere ñami neõ marĩrokoa. Irasirirã iro ããrĩrã sĩagoriduparure, abe boyoridere gããmebirikuma. Marĩpũ boyori merã ããrĩrãkuma. Īgũ merã neõ piriro marĩrõ dorenĩrãkuma.

*Jesucristo i ãmũgue dupaturi aariburo mérõ dũyãa, ãrĩ go-jadea*

<sup>6</sup> Pũrũ Marĩpũre wereboegũ yũre ãrĩmi:

—Yũ wereri diaye ãrĩrĩ ããrã. Irasiriro yũ ãrĩrõsũta waarokoa. Marĩpũ Īgũya kerere weredupiyurãrẽ Īgũyare masĩmakũ irigũ ããrĩmi. Īgũrẽ wereboegũre iriumi Īgũrẽ moãboerãrẽ mérõgã pũrũ waaburire masĩdoregũ, ãrĩmi.

<sup>7</sup> Irasirigũ Jesús ãsũ ãrĩmi:

—Mérõgã pũrũ aarigũkoa. Irasirirã, Yũpũya kere i papera pũgue gojadeare iritũyarã usũyarãkuma, ãrĩmi.

<sup>8</sup> Yũ Juan, i ããrĩpererire pé, ĩãbũ. Irasirigũ irire pé, ĩãdero pũrũ, yũre ĩmuadi Marĩpũre wereboegũya guburi pũro ñadũkupuri merã ejamejãjabũ Īgũrẽ buremubu.

<sup>9</sup> Yũre ĩgũ gapũ ãrĩmi:

—Irire irasiribirikõãka! Mũ, mũyarã Marĩpũya kerere weredupiyurã, ããrĩpererã i papera pũma dorerire irirã irirosũta yũde Marĩpũre moãboegũ ããrã. Irasirigũ Marĩpũ gapũre ñadũkupuri merã ejamejã, buremuka! ãrĩmi.

<sup>10</sup> Pũrũ yũre ãrĩnemomi:

—I pũgue: “Ãsũ waarokoa”, ãrĩ gojadea keoro waaburo, mérõ dũyãa. Irasirigũ, Marĩpũya kere i pũgue gojadeare duũroque opabirikõãka! Yayeri ããrĩbea.

<sup>11</sup> Irasirirã ñerã i kerere péduamerã mũrãrõta ĩgũsã gããmerõ irinĩkõãburo. Ñerĩrẽ iririkũrãde mũrãrõta ñerĩrẽ irinĩkõãburo. Õãrõ irirã gapũ mũrãrõta õãrõ irinĩkõãburo. Marĩpũ gããmerĩrẽ iririkũrãde mũrãrõta irire irinĩkõãburo, ãrĩmi.

<sup>12</sup> Pũrũ Jesús ãsũ ãrĩmi:

—Ãsũta ããrã. Gũñaña marĩrõ aarigũra. Masakakũre yũ sĩburire opãa. Īgũsã iriderosũta ĩgũsãrẽ keoro sĩgũra.

<sup>13</sup> Yũ neõgoraguere ããrĩpereri i ãmũmarẽ ããrĩmakũ iridi, i ããrĩpererire peremakũ iribu ããrã. Yũ i ãmũrẽ iriburo dupiyuro ããrĩsiabũ. Iri preadero pũrũ, ããrĩnĩkõãgũkoa, ãrĩmi.

14 ʼĀārīpererā ĩgūsā ñerī irideare pīrirā usuyarākuma. Surí koe odo, gurari marīrī sāñanerā irirosū āārīma. Irasirirā iri makāma makāp̄urorire tariñajārākuma. Iri makāma yukū perebiri okari sīrī yukū dukare baarākuma.

15 Gajirā ñerō iririmasā gap̄u iri makāgue ñajābirikuma. ĩgūsā yéa āārīrā iririkurā, ūma, nome merā, nome ūma merā ñerō kōābirarikurā, wējērīmasā, keori weadeare b̄uremurā, ārīkatorikurā āārīma.

16 ʼȲu Jesús, ȳure wereboegure iriub̄u, m̄usā ȳure b̄uremurārē i papera p̄umarē werebure. Op̄u David parāmi āārīturiagu āārā. Neñukām̄u boyodiru oārō boyoro irirosū āārīgū, maama perebiri ūmurē pīgū āārā, ārīmi.

17 Ōāgū deyomarīgū, irasū āārīmakū Jesucristo oveja majīgū irirosū āārīgūyarāde ĩgū mojōsuabo irirosū āārīrā ĩgūrē āsū ārīma: “Aarika!” ārīma. Āārīpererā irire ārīmakū pérāde: “Aarika!” ārīburo. Nemesiburā iirīduarā, perebiri okari sīrī dekore iirirā aariburo. Wajamarīrō iri dekore iirírākuma.

18 Ȳu Juan, āārīpererā Marīp̄uya kere i p̄ugue gojadeare pérārē gopeyari merā āsū ārī weregura: “I p̄ugue gojadeare gajī bueri merā morēsóo werenemorārē Marīp̄u wajamoāgukumi. I p̄ugue wajamoāburire gojaderosūta ĩgūsārē wajamoāgukumi.

19 Gajirā Marīp̄uya kere i p̄ugue gojadeare gorawayurārē āsū irigukumi. ĩgūsārē perebiri okari sīrī yukū dukare sīboadeare sībirikumi. Irasirirā Marīp̄u merā neō ñerī marīrī makāgue āārīnkōābirikuma. Irire i p̄ugue gojasūa”, ārīmi.

20 Jesús irire weregū, āsū ārīmi:

—Irasūta āārā. Mérō duyáa ȳu aariburo, ārīmi.

Irasūta waaburo. Ḡua Op̄u Jesús aarika!

21 Marī Op̄u Jesús m̄usā āārīpererārē oārō iritamuburo. Irasūta āārīburo.